





F
VIII
SQ





Rom. Prof. Rom. S. J. Bill. Cam.

NECESSARIA
^{AD}
SALUTEM
SCIENTIA,

PARTIM
NECESSITATE, MEDII

PARTIM
NECESSITATE, PRÆCE-
PTI DILATATA, VARIIS,
DISCURSIBUS.



OPERA AC STUDIO,
P. CHRISTOPHORI
SCHENCK, S. J.

PARS PRIMA,
CONTINENS CREDENDA NECESSITATE MEDII
ITEM EX CREDENDIS NECESSITATE PRÆCEPTI,
SIGNUM S. CRUCIS,
ET SYMBOLUM APOSTOLICUM.

CREMBSII IN AUSTRIA,
TYPIS ET SUMPTIBUS CHRISTIANI WALTER,
ANNO M DC LXXXIX.



Sapient. 13. v. 1. 2. 3.

Vani autem sunt omnes homines, in quibus non subest scientia DEI. Et de his quæ videntur bona, non potuerunt intelligere illum qui est, neque operibus attendentes agnoverunt quis esset artifex; sed aut ignem, aut spiritum, aut citatum aërem, aut gyrum stellarum, aut nimiam aquam, aut solem & lunam, rectores orbis terrarum deos putaverunt. Quorum si specie delectati deos putaverunt; sciant, quanto his dominator eorum speciosior est, speciei enim generator, hæc omnia constituit.



TIBI
SANCTISSIMÆ ET IN-
VIDUÆ

TRINITATI,
DEO PATRI INGENITO
DEI FILIO UNIGENITO
DEO SPIRITUI SANCTO.

Ab Utroque Procedenti,
Omnis Honor Laus & Gloria.



Adrepo ad Divinæ Majestatis
tuæ pedes velut Laboriosa
Formica, vel argumentosa
apis; Ita enim de S. Cæcilia
Breviarium Rom. & meos qualescun-
que labores tenues, quos in colligen-
do hoc opere impendi, Tibi DEO

meo humillimâ subjectione substerno.
Cui enim melius laborem & sudorem
meum consecrem? quam tibi æterno
DEO, cui debeo quidquid sum, habeo,
vel possum. Tibi enim vero debeo,
quod extrâ statum possibilitatis præ tot
infinite possibilibus creaturis longè
præstantioribus positus sum. Tibi pro-
indè Tributum meæ entitatis hoc qua-
lecunque opus tenuissimum humillimè
inclino & submitto. Labor est aliquot
annorum, quibus asceticis tantum in-
tentus curis, varios authores evolvi, &
quia nullis terrenis rebus intentus fui,
quidquid temporis habui, totum hoc le-
ctioni sacræ impendi, & in utilitatem
publicam collegi, ut modo in solatium
publicum piorum fidelium impende-
rem. Quid enim mihi servem? quan-
do unigenitus DEI Filius usque ad ulti-
mam guttam totum suum sanguinem
effudit, dum in arâ Crucis, pro meâ sa-
lute, vulnerato corde suo, fecit proma-
nare

nare sanguinem & aquam. En novo
titulo tibi miser homuncio obæratuſ,
pro tam immenſo Redemptionis meæ
pretio, tibi ſudoris mei guttas aliquot
repono. Quia tamen vel hæ ipſæ gut-
tæ tributum ſunt tui divini decreti,
quando protoparentem noſtrum tuæ
legis prævaricatorem ad ſudorem vul-
tus ſui condemnasti. Confido hoc i-
pſum quantumvis exile & modicum la-
boris mei ſtudium, divinæ majeſtati tuæ
acceptum fore; tuæque gratiæ largi-
tate fœcundandum, ut in ſalutem mul-
torum diffundatur. Quod quia tuæ
operationis eſt diviniſſime Spiritus, cu-
jus infinitâ fœcunditate, univerſum
Eccleſiæ corpus vivificatur & vegeta-
tatur; Tibi inquam ſanctiſſime Spiri-
tus! qui digitus paternæ dextræ dice-
ris, hoc ſcriptionis manuum mearum
minimum ſervitium humillimâ mentis
demiffione ſubjicio. Utpotè cujus im-
pulfu, inutilis aliàs creatura, hoc opus
ag-

aggressus sum, ut multorum serviret utilitati. Qui dum nesciunt, quid aut qualiter salutariter credere debeant, tibi uni trinoque DEO sincero corde deservire nequeunt. O si! omnes omnino voces; ô si! omnes omnino literæ, & harum apices, in ardentissimas animarentur linguas, quibus æternam gloriam tuam deprædicarent. Quia verò hoc devilitate meâ præsumere non audeo; à te divinissime spiritus humillimè peto, ut tuæ cœlestis gratiæ irroratus influxu, hoc tenui labore meo influâ in corda legentium; ut omnes qui legerint, te DEum trinum & unum agnoscant, & toto corde diligant ac venerentur. Hoc ego dum intimo cordis mei affectu medullitus supplico tibi meipsum ad nihili mei abyssum inclino, & æternum clamabo.

*Gloria tibi Trinitas,
Æqualis una Deitas.
Et ante omnia secula
Et nunc, & in perpetuum. Amen.*

Ad

Ad Benevolum Lectorem.

Nte annos duodecim cum Posonii immensâ penè librorum hæreticorum tempestate circumdatus ingenti plane labore in his evolvendis versarer, inter aliquos quos reperi authores in parvum libellum incidi R. P. Jodoci Andries S. J. quem ille sic inscribit: *Necessaria ad salutem scientia partim necessitate medii, partim necessitate præcepti.* Hunc libellum ille variis imaginibus illustravit, & vel hac ipsâ iconum varietate curiosâ juventuti fecit amabilem. Ego quia non tantum Christianæ juventuti, sed adultiori quoque ætati prodesse cupio, ejusdem icones, & compendiosam doctrinam fusioribus discursibus dilatare jam tunc statui. Quia verò toto biennio quo ibi moratus sum, vel in Catechetis, vel controversis sicis functionibus occupatus fui, & frequens animarum studium ad ægros frequenter, sæpius ad hæreticos, vel etiam ad Judæos & Paganos erudiendos aut confutandos evocavit, propositum meum implere non potui. Atque adeo non tantum his duobus annis sed & sequentibus quatuor in regendâ juventute detentus, fructuosè me meæ intentioni non potui applicare. Usque dum DEO sic volente asceticis rursus applicatus, inter grassantis penè triennio integro pestis horrores, & ipsius deinde Turcæ nos vallantis non vanos timores, sub finem tandem elapsi anni me operi ordinando accinxi, & hoc anno primam partem hujus mei laboris absolvi. Divido totum opus juxta tres virtutes Theologicas; Et quia illa quæ necessitate Medii credenda sunt cum notitiâ sanctæ Crucis & Symbolo Apostolorum, ad fidei materiâ spectant, hæc ego simul partè hac prima complector. Sic tamen, ut ea quæ necessitate medii credenda sunt, breviter perstringam; fusius vero quæ necessitate præcepti proponuntur credenda velim pertractare. Quæ ad Orationem Dominicam & Salutationem angelicam attinent, cum ad spem referantur, DEO propitio in
secun-

secundâ parte pertrahabo. Præcepta DEI & Ecclesiæ obser-
uata, cum Christo teste, Charitatis Divinæ sint argumen-
tum: ad Charitatem in tertiâ parte remittam. Dixi in meâ ad
sanctissimam Trinitatem dedicatione, me formicam esse aut api-
culam, utrumque animal, parvum est, sed argumentosum. Col-
legi ex variis authoribus, quæ mihi credebam posse esse utilia,
tibi vero solatio. Quæ quia forte, in ipso fonte non facile in-
venies, ego non sine labore excepi, ut tibi breviori compendio,
& alio fortassis sensu subjicerem. Quare si hæc in aliis autho-
ribus in veneris, quæ ego ex confidentiâ ad meum propositum
accommodavi, scias velim me Hugonis Cardinalis consilium
secutum esse, qui observat Christi primam Concionem eandem
fuisse, quæ fuit Joannis Baptistæ. De Joanne enim dicitur Mat.
3. v. 1. In diebus autem illis venit Joannes Baptista prædicans
in deserto Judææ, & dicens: Pœnitentiam agite! appropinqua-
vit enim regnum cœlorum. Planè iisdem verbis loquitur.
Mat. c. 4. v. 17. de Themate Concionis Christi. Exinde cœpit præ-
dicare & dicere: Pœnitentiam agite! appropinqua vit enim re-
gnum cœlorum. Ut non confundantur inquit Hugo Prædica-
tores, aliorum Concionibus uti. Causam adjungit. Quia ipse
Dominus non est dedignatus ab eodem inchoare prædicationem
à quo Joannes, Si verò Eloquentiam requiris & majorem sa-
cundiam, fateor; nec Ciceronem, nec Demosthenem pro ideâ
habui. Non enim quod dicit S. Ambros. in Epist. 1. ad Cor. c. 1.
Prædicatio Christiana indiget Pompâ, & cultu sermonis. Quia
ut loquitur S. August. de Doctr. Christiana l. 4. c. 11. Bonorum
ingeniorum insignis est indoles, in verbis verum amare, non
verba. Dabo tamen curioso etiam Lectori, undè aliquando in-
tellectum pascat & voluntatem inflammet. Si vero sublimia
Theologiæ argumenta volueris, ad Soarez & Vasquez, aliaq;
Sacre Theologiæ lumina te remitto. Ego laboravi, ut altissima
fidei mysteria plano stylo Lectori proponerem. Tu boni consule;
& meo labore fruiere. Vale! & pro me peccatore Deum ora.

FACUL-

*FACULTAS REVERENDI PATRIS
PROVINCIALIS.*

EGo Adamus Aboed Societatis JESU per Provinciam Austriæ Præpositus Provincialis, potestate mihi factâ ab A.R.P. Nostro Thyrso Gonzalez Præposito Generale facultatem concedo, ut Tractatus, cui titulus: *Necessaria ad Salutem Scientia*, à P. Christophoro Schenck, è Societate JESU conscriptus, atque à tribus memoratæ Societatis Patribus de more revisus & approbatus typis mandetur. In quorum fidem manu meâ subscripsi, & consuetum Officii sigillum appressi. Styriæ 23. Octobris 1687.

ADAMUS ABOEDT.

INDEX



INDEX

CAPITUM ET DISCURSUUM

HUIUS OPERIS.

QUÆSTIONES PRÆ- LIMINARES.

Quæstio Prima.

An sit DEUS? Et an plures sint?

Quæstio Secunda.

An fides sit actus voluntatis vel intellectus? an liber? Quæ fides ad salutem sit necessaria? & an fides aliquando possit amitti?

Quæstio Tertia.

An homini ad credendum gratia DEI sit necessaria?

Quæstio Quarta.

An dentur Traditiones, & an aliqua fide divina credenda sint, quæ scripta non sunt?

Quæstio Quinta.

An aliquando teneamur fidem confiteri: an non liceat illam negare? an aliam fidem simulare? vel nostram dissimulare?

Caput Primum.

PUNCTUM I.

Quod necessitate mediæ credi debet.

Discursus I. DEUS est unus & omnium Creator.

Caput Secundum.

Punctum II.

Discursus II. DEUS est omnium Gubernator.

Caput Tertium.

Punctum III.

Discursus III. Anima hominis est immortalis.

Caput Quartum.

Punctum IV.

Discursus IV. Gratia DEI ad salutem est necessaria.

Caput Quintum.

Punctum V.

Discursus V. DEUS est omnium Iudex.

Caput Sextum.

Punctum VI.

Discursus VI. DEUS est Trinus in Personis.

Caput Septimum.

Punctum VII.

Discursus VII. DEI Filius est incarnatus.

Discursus VIII. DEI Filius est Passus.

Caput

Caput Octavum.
PUNCTUM I.

**Quod necessitate præcepti
credi debet.**

Discursus IX. De Signo S. Crucis.

Caput Nonum.
Punctum II.

**EST SYMBOLUM APOSTOLI-
CUM IN XII. ARTICULIS.**

Articulus I.

**Credo in DEum Patrem om-
nipotentem, creatorem cœli
& terræ.**

Discursus X. DEUS Pater creavit cœ-
lum & terram.

XI. De Creatione & lapsu An-
gelorum.

XII. De SS. Angelorum cir-
ca nos custodiâ.

XIII. De Creatione & lapsu
primi hominis.

Articulus II.

**Et in JESum Christum Fili-
um ejus unicum Dominum
nostrum.**

Discursus XIV. JESUS Christus Filius
DEI, verè est DEUS.

XV. JESUS Christus Filius
DEI verus est homo.

XVI. JESUS Christus verus
est Dominus noster.

Articulus III.

**Qui Conceptus est de Spiritu
Santo, Natus ex Maria Vir-
gine.**

Discursus XV II. Christus conceptus
est de Spiritu Sancto.

XVIIII. Christus homo na-
tus est.

XIX. Christus natus est ex
Mariâ Virgine.

XX. Christus natus est ex
Mariâ Virgine immacula-
ta.

Articulus IV.

**Passus sub Pontio Pilato, cru-
cifixus, mortuus & se-
pultus.**

Discursus XXI. Christus passus est pro
nobis.

XXII. Christus crucifixus
est pro nobis.

XXIII. Christus mortuus
est pro nobis.

XXIV. Christus sepultus
est.

Articulus V.

**Descendit ad inferos tertia
die resurrexit à mor-
tuis.**

Discursus XXV. Christus descendit
ad inferos.

XXVI. Christus resurrexit
à mortuis.

Articulus VI.

**Ascendit ad cœlos, sedet ad
dexteram DEI Patris omni-
potentis.**

Discursus XXVII. Christus ascen-
dens ad cœlos sedet ad
dexteram Patris.

Articulus

Articulus VII.

Inde venturus est iudicare vivos & mortuos.

Discursus XXVIII. De iudicio hominum in particulari.

XXIX. De iudicio extremo & universali.

Articulus VIII.

Credo in Spiritum Sanctum.

Discursus XXX. Spiritus Sanctus verus est Deus à Patre & Filio procedens.

Articulus IX.

Sanctam Ecclesiam Catholicam, Sanctorum Communionem.

Discursus XXXI. Datur Ecclesia quæ veram fidem profitetur.

XXXII. Ecclesia Christi est una.

XXXIII. Ecclesia Christi est sancta.

XXXIV. Ecclesia Christi est Catholica.

XXXV. Ecclesia Christi est Apostolica.

XXXVI. Est in Ecclesia militante Sanctorum Communio.

XXXVII. Est in Ecclesia militante cum triumphante in cœlis communio.

XXXVIII. Militantis & Triumphantis cum animabus in purgatorio Communio.

XXXIX. Communio Sanctorum per indulgentias.

Articulus X.

Remissionem Peccatorum.

Discursus XL. In Ecclesia Christi est vera remissio peccatorum.

Articulus XI.

Carnis Resurrectionem.

Discursus XLI. Omnes in die iudicii resurgemus.

Articulus XII.

Et vitam æternam, Amen.

Discursus XLII. Post hanc vitam superest beata.



QUÆ-

QUÆSTIONES PRÆLIMINARES.

QUÆSTIO I.

An sit DEUS? & an plures sint?

S Paulus manu ducturus hominem ad salutem primum eidem fundamentum exhibet, *ad Hebr. II. v. 6.* Credere enim oportet accedentem ad DEUM, quia est, & inquirentibus se remunerator sit. Negarunt tamen hanc veritatem Diagoras, & plures apud *Ciceronem lib. 1. de Nat. Deor.* Et verò id faciunt moderni Politici, quibus illud *Psal. 13. v. 1.* convenit: dixit insipiens in corde suo, non est DEUS. Et tamen hi athei, velint, nolint, quod nescire satagunt, sentire & credere coguntur. Quippe dum illos intus in animo, stimulis omnibus longè acrior vermis Conscientiæ mordet, dum vel maximè extinctum cupiunt Deitatis sensum, hic invitis licet, subindè in conscientia propriâ emergit. Taceo cujusvis hominis licet impudentissimi conscientiam, quæ ad Tonantis cœli fulmina, & nubium fatales tædas, ubi cœlum iratum aspicit, agnoscit altius aliquod orbi præesse Numen, quod meritò, timere debet & formidare. Expertus hoc est Alphonsus Decimus Hispaniæ Rex, qui licet DEUM non negaret, culpæ tamè illum ore blasphemio ausus est, quasi in orbis molitione DEUS multa fecerit, quæ ipse Sacrilegus longe melius ordinasset. Monuit ergo DEUS per Angelum Præfectum filij Alphonso Regis, qui de nocte apparens dixit, quod contra Regem in divino judicio tremenda sit lata mortis sententia. Causam divinæ iræ ab Angelo Præfectus petiit; cui cœlestis Genius respondit: Al-

*Nolentes
licet cogi-
mur crede-
re esse De-
um.*

*Cælum To-
nans docet
dari Deum*

*Alphonso
Rex Sacri-
legus à
Deo puni-
tur.*

phonfus Sacrilege blasphemat Dei sapientiam, quàm mundum creavit, quasi non pauca melius ordinari potuissent. Alterâ die accedit Præfectus Alphonsum Regem, sed cum sarcasmo à Rege elusus est. Quia tamen paulò post supervenit Eremicola, qui à Deo pari visione monitus fuit, ut blasphemum regem compesceret, fecit is quidem, quod iussus fuerat, sed induratus Rex repetitis blasphemijs monentem Eremicolam rejecit. Adfuit ergo eadem nocte divina Nemesis, & cælum horrendis mugitibus replet. Horrida toto cælo exoritur tempestas, & cum ingenti fragore fulmen in ipsius Regis cubiculum eliditur, quod obvia quæque, ipsasque etiam vestes regias incineravit. Excitatus horribico fragore, & igne undique coruscante tremefactus Alphonfus, aulicos inclamat, atque Eremicolam prius à se reiectum studiosè inquire curat. Ad cuius ingressum Rex in genua provolutus, blasphemias suas retractavit; Atque illud *Marc. 7. v. 37.* sæpius humillimè ingeminavit: Bene omnia fecit. Et tremenda tempestas sensim remisit, cælum, quod nihil, nisi ultricia vibrabat fulmina, paulatim resedit. Justus autem Deus, qui culpam penitentem condonavit, pœnam non remisit. Dum enim Alphonfus sperat, se in Romanorum Imperatorem eligendum, & diatæ interest Imperiali, Rudolpus Habsburgicus eligitur, atque Sanctius filius regnum occupavit, ipse verò Hispali mœrore confectus contabuit. Certè *Joannes Corasius lib. 3. miscell. 8. num. 13.* putat huiusmodi atheos, DEUM ipsum vel virtutem divinam tollentes, vivos exurendos, quando nimirum vel ipsum cælum Alphonsum Regem trifulco fulmine ad vindictam sceleris pertraxit. Diagoram Milecium quod refert *Cicero lib. 1. de Natur. Deor.* quia nullos Deos esse voluit, urbe pepulerunt Athenienses, pollicentes talentum illis, qui atheum hominem interfecissent. Est enim tam vehemens humanis cordibus inscriptus divinitatis sensus, ut etiam in extremis orbis partibus malint adhuc hodie, ipsa astra, animalia, lapides, lignaque colere, quam concedere, ut nullum planè credantur habere DEUM. Hinc vel ex consensu omnium nationum, quæ à mundo condito fuerunt, sufficiens potest probari Deus; si enim evidens est esse Romanum Pontificem, quia hoc omnes, qui Romæ fuerunt, narrant; cur non evidens sit esse DEUM? hoc namque omnes gentes, quæ unquam fuerunt, sunt contestatæ. Accedit manifesta naturalis ratio, à productione rerum desumpta. Vel enim quæ sunt in rerum

*Natura
dicitur dari
Deum.*

*Datur
Deus ex
consensu
omnium
Nationum.*

*Natura ex
productio-*

Alm.

naturâ, illa facta sunt, vel non sunt facta? Si facta sunt, ergo vel à se
 ipsis facta sunt, quod repugnat bonæ Philosophiæ, vel facta sunt ab
 alio. Quod tandem ultimum cum debeat esse à se ipso, necessario
 est ens à se, quod est ipse DEUS. Est ergo ens aliquod necessarium
 ab omnibus alijs independens, quod DEUM esse dicimus. Pulchrè
 hoc S. Paulus ad Rom. 1. vers. 20. docet, dicens: Invisibilia ipsius,
 per ea quæ facta sunt, intellecta conspiciuntur. Sempiterna quoque
 ejus virtus & divinitas; ita ut sint inexcusabiles. Quò utique spe-
 ctavit illud Davidis Psal. 18. vers. 1. Cœli enarrant Gloriam DEI.
 Quod sancti Anachoretæ sapius versutos licet docuerunt Philoso-
 phos, qui cœlum & terram tabulam quandam rudimentariam sibi ef-
 fe dixerunt, literas verò tot in hac tabulâ annotarunt, quot in his
 creaturas sunt contemplati. Et sic quidem ibi DEUM legerunt.
 Ideoque S. Th. expendens verba illa Genes. 1. v. 26. Faciamus ho-
 minem ad imaginem & similitudinem nostram, ita loquitur: In in-
 ferioribus Creaturis Deus posuit vestigium sui, in homine verò ima-
 ginem. En vestigium! ex quo sagax ingenium humanum, si velit,
 DEUM investigare, potest. Tardioris fuit ille ingenij, qui obfirmâ-
 tâ voluntate atheus esse volebat. Tolosæ in Galliâ adolescens illu-
 stri profapia natus, in Socios liberiores incidit, à quibus sensim ad
 atheismum est inductus. Hujus rei ut certum caperet argumentum,
 sub vesperum urbe egreditur, & in medio campæ desperatus juvenis
 pileum ponit, thoracem exuit, gladium stringit, & quasi ad duellum
 se accingit. Blasphemo deinde ore, si quod in cœlo, aut in inferno
 est Numen, provocat. Instat paulò post impudentius: Aut tolle
 me inquit, si quid potes? aut patere, divinitatem tibi à me tolli. Di-
 xit, & repente aperitur cœlum, ex quo solum candidissimæ chartæ
 delabatur, in quo aliud legere non erat, nisi paucula hæc verba: Mi-
 serere mei Deus. Scripturam ubi legit rabiosus hic atheus non tam
 commoveri, quam compelli se sensit ad agnoscendum DEUM. Quare
 cœlestes has literas exosculatur, & inter uberes lachrymas sapius
 has voces repetit, Miserere mei Deus! ubi sequenti inanè dies illu-
 xit, ad Collegium Societatis JESU advolavit, totiusque vitæ dolo-
 rosam Confessionem peregit, atque in meliorem hominem mutatus
 domum rediit. Ipsa animalia, Vespa vilissima hominem perditum
 docuit, quòd detur Deus. Blasphemus aleator pecuniâ depeditâ
 cò vesaniæ pervenit, ut à mensâ lusoriâ rabiosus avolaret, & do-
 minum DEUM.

ne verum
 docet dari
 Deum.

Creatura
 sunt vesti-
 gium Dei.

Atheus
 DEUM in
 duellum
 provocat.

Vespa do-
 cet atheum
 quòd sit
 Deus.

num peteret. Hic novis indutus vestibus, priorem enim ludendo amiserat, lorica & galeâ munitus, equum phaleratum inscendit, atque velut novus Achilles in forum procurrit. Ubi stultissimum mortali-um inter horrendas blasphemias, DEUM ipsum, si quis esset, in Cer-
tamen evocavit, eique bellum indixit. Quid agat bonus DEUS? loco sui Vespam misit, quæ cassidis aperturam oculis vicinam in-
gressa, vesanum hominem ita exarmavit, ut ab equo descendens, po-
litis armis professus sit, DEUM esse justissimum blasphemiarum suarum vindic-
cem. I nunc, & DEUM esse nega! quem tamen cœli enarrant, & ipsa animalia muta deprædicant. Scio ego, quod S. Paulus aram ignoti
DEI invenerit in Areopago. Sed extirpata jam est ara illa; nemo
enim est, qui DEUM ignoret. Dixerunt quidem obstinati Judæi *Joan.*
10. v. 22. Si tu es Christus, dic nobis palam. Nempe tot prodigijs
convicti, id amplius negare non potuerunt; quia tamen a malignâ
suâ perfidiâ, non permittebantur acquiescere veritati agnitæ, adhuc
dubitabant, & contrarijs jactabantur opinionibus. Ast ubi resur-
gentem, in cœlum ascendentem, & tanta per Apostolos suos patran-
tem conspexerunt; quis jam illos à malitiosâ obstinatâque volunta-
te non credendi excusabit? Quare si etiam post hæc omnia, aliquis
ex vobis quærat; Dic nobis palam; quàm grave peccatum erit,
agnitæ veritati repugnare? Dicendum ergo, quod multi agnoscant
DEUM, non velint tamen agnitæ veritati, & DEO se subijcere. Eva
in tentatione ipsius serpentis, DEI meminit, mandati divini memo-
riam clarè exprimit, & tamen peccat, atque Adamum ad prævarica-
tionem divini mandati inducit, quia ambitione quadam divinitatis,
DEO similis fieri volebat. Sic enim S. Greg. lib. 6, moral. cap. 12.
dicit, quod aliqui putent, se humanâ industriâ velle quasi cogere cœ-
lum, ut fiat quod ipsi volunt: sed statim addit: Indè voluntatem DEI
peragunt, undè immutare contendunt, atque omnipotentis consilio,
dum resistere nituntur, obsequuntur. Quia sæpè & hoc dispositioni
ejus militat, quod ei per humanum studium frivole resultat. Sa-
pientes ergo Dominus in eorum astutiâ deprehendit, quando ejus
consilij humana facta etiam tunc congruè serviunt, cum resistunt.
Probat exemplo Josephi Patriarchæ, cui Deus revelavit, quod esset
futurus Dominus fratrum suorum, quibus dum somnium retulit, odij
semen contra se plantavit, ut mortem illi fuerint iminati *Genes. 32.*
v. 19. Ecce somniator venit, venite occidamus eum. Misericordiâ
tamen

*Multi a-
gnoscent
Deum, sed
nolunt vi-
deri agno-
scere.*

*Homines Dei
creatura
etiam no-
lens Deo
servit.*

tamen moti, vendiderunt illum Ægyptiis. Venit Joseph in Ægyptum, ubi cum servivisset fideliter, innocenter mittitur in carcerem; unde tamen dono Prophetiæ eripitur, & Præses totius Ægypti constituitur, fames cogit fratres eo venire, ubi inscii adorant Josephum. ^{Joseph fratribus reluctantibus adoratur.} Exclamat ergo S. Gregorius. Numquid hoc est mirabile? ideo à fratribus venditus fuerat Joseph, ne adoraretur; sed ideo, adoratur, quia venditus. Sic consilium dum devitatur, impletur. Timuerunt fratres, ne Joseph super eos cresceret, sed hoc, quod divinitus dispositum fuerat, cavendo factum est, ut eveniret. Nemo Deo resistit. Expertus est hoc Conradus Imperator, cujus iram fugiens Lupoldus Princeps, aulam deseruit, desertum petiit, & ibi in vili tugurio latuit. Venatus est in illo deserto Conradus Imperator, & casu in idem tugurium divertit. Eâ nocte Lupoldo natus est filius, & simul in somno Imperatori vox est allapsa, dicens: Accipe! accipe! Territus quidem hac voce fuit Imperator, quia tamen à veneratione fessus erat, rursus obdormivit. Dormienti iterum allabitur vox altera dicens: Redde! redde! Commovit hoc magis jam antea concitatum animum, interim tamen dum hæc considerat, rursus indormiscit. Tertio tandem vox audita est: Fuge! fuge! Iratus Imperator somnum excutit, atque ubi intelligit, in eadem casâ, illâ nocte natum filium, illum imperio suo insidiaturum credidit, adeoque per satellites natum infantem interfici mandavit, inque signum cruentæ necis parvuli exenteratum cor habere voluit. Satellites miserti parvuli, procul à tugurio infantem deferunt, & cavæ arbori imponunt, à matre commodè alendum, atque loco cordis humani, leporis repente obvii Casari obtulerunt. Audiit interim vagientem ab arbore parvulum priuarius quidam aulicus, qui quia uxorem habebat sterilem, pueri venustate captus, eum sibi a sua uxore natum finxit, eumque liberaliter educavit. Adultum in aulam Conradi misit, ubi Henricus, hoc enim vocabatur nomine juvenis, omnibus gratus, soli Imperatori fuit odiosus. Occultè ergo illum voluit expedire, utque commodius hoc faceret, eundem sub specie officiosæ legationis ad Imperatricem Conjugem cum literis misit, in quibus uxori mandavit, ut juvenem occultè interfici curaret. In viâ Henricus ad Ecclesiam divertit, ubi audito sacro lassus supra scamnum indormivit, cum ecce Sacerdos in bursâ curiosè observat literas, qui scire volens, quid in illis contineatur, literas illas sigillo dextere planè aper-

Conradus Imperator voluntati divinæ non potest resistere.

Missa audita frustus.

ruit, quas ubi legit, juvenis sortem misertus, mortis sententiam mutavit, & ut illum generum suum faciat, inscripsit, atque literas cautè rursus in bursam reposuit. Evigilat juvenis rerum omnium ignarus, & viam prosequitur, atque literas Imperatrici consignat. Adornantur nuptiæ festivè & hilariter, quibus peractis Imperatrix cum gaudio Imperatori suo marito referbit, omnia juxta mandatum ipsius & nuptias cum omnium satisfactione factas. Miratur insperatum eventum Imperator, sed ubi à Satrapis res gestas intellexit, divinæ dispositioni, cui non valebat resistere, humiliter acquievit. An non Aman in patibulo, quod Mardochæo paraverat, suspensus est? Et Jonas ausus fuit resistere divinæ voluntati, nec potuit. Jubetur is à DEO, ut iret in Niniven, quo longius abiret, conscendit in mare, inò ob exortam tempestatem abijcitur in mare; Et hem! adest Cetus, qui Jonam devoret. Exclamat *S. Greg. citatus*. Illuc gestante belluâ pervenit, quò ire spontè contempsit. Et quia auctori suo obedire renititur, ad locum quo missus fuerat, suo reus carcere portatur. Donec jubente DEO bellua Prophetam evomit, & reddidit littori. O Jona! exclamare libet, est ne Deus? Pulchrè *S. Thom. de Villâ novâ ser. 4. Dom. 1. Quadr.* Jonas fugit, neiret, & quia fugit, citius iuit. Medium quod assumpsit, ut Dominum beneplacitum impediret, factum est medium, ut impleret. Vade mi Jona! puto te jam satis didicisse, quia non est consilium contra Dominum. Quàm aptè planè ad meum propositum *S. Chrys. homil. 51. in Genes.* Vide quomodo sint variae viæ sapientiæ DEI; & quomodo omnia juxta voluntatem suam faciat, & in inviis viam inveniat, per ipsa illa, quæ maximè adversa videntur. Benè concludit *S. Gregor.* Restat ergo ut in cunctis quæ agimus, vim supernæ voluntatis inquiramus, cui videlicet cognita debet nostra actio devotè famulari, & quasi Duce[m] sui itineris prosequi, ne ei etiam nolens serviat, si hanc superbiens declinet. Rectè enim *S. Chrys. homil. 14. in Genes.* Si nobis curæ fuerint divina, id est, si nos DEO subiicimus, & ipse quoque DEUS pro nobis sollicitus erit, ut magnâ securitate per pelagus hujus vitæ navigemus. Et tantò erit nobis melius, inquit *Oleaster*, quanto fuerimus magis ad oculos Domini suspensi. Inter varia Ægyptiorum arcana hoc quoq; notabatur per modum selecti apophtegmat. Oculum non dividito, neque pungito. Causam cur Ægyptij tanti oculum fecerint, dat *Cyillus Alexandr. l. 9. adversus Julianum.* dicens:

*Jonas frustra resistit
divinæ voluntati.*

dicens: *Ægyptios per oculum significare DEUM, qui omnia intue-*
tur, & quod sit quasi oculus orbis. Oculus inquit propter vestigium
sue excellentiæ nimirum Trinitatis & Unitatis, quas continet, est
Symbolum DEI. Oculus enim cum in sua circumferentiâ tria ha-
beat, nimirum albumen, pupillam, & Iridem intermediam. Et hæc
tria tam arctè sibi devincta, ut nullum sine altero, sine destructione to-
tius oculi separari valeat, bene is Symbolum sanctissimæ Trinitatis
dici potest, maximè cum hæc tria non faciant tres oculos sed unum.
 Itaque in deitate quæ una est, albugo dici potest connotare Patrem,
 qui generat Filium; isque ut inquit *Laminez Conc. in Dom. Trinit.*
scintillat radio divinitatis æternæ; Iride denique igneâ ardet Spiritus
sanctus, qui à Patre Filioque procedit. Et tamen hi tres, non tres
Dij, uti neque tres oculi, sed unus oculus, & unus DEUS sunt. Dicente
Moyse Exodi 6. v. 4. Audi Israël! Dominus DEUS noster, Dominus
unus est. Et S. Paulus contra Gentilium superstitiones, hoc veluti
fidei nostræ, dogma ponit 1. ad Cor. 8. v. 4. Nullus est DEUS nisi unus.
 Hæc tamen Unitas non impedit, quo minus sint plures personæ, sicut
 nec Unitas obstat tribus potentij realiter distinctis in una anima, aut
 tribus entitatibus in uno eodémque oculo. Si dicas cum Novato-
 ribus, hoc nomen Trinitatis non inveniri in scripturâ, dicam ego, re-
 periri tamen radicem, unde Trinitatis sanctissimum nomen etiam
 Grammaticaliter derivatur. An non enim *1. Joan. 5. v. 7. clarè dici-*
tur? Tres sunt, qui testimonium dant in cælo, Pater, Verbum, & Spi-
ritus sanctus. Ut autem tantò audaciùs, vel potiùs impudentiùs
hanc vocem Trinitatis, in postillâ suâ majori rideret Lutherus, & il-
lam consuetam formulam: Sancta Trinitas unus DEUS, ex suis lyta-
nijs eraderet, idem Lutherus citatum S. Joannis Apostoli textum:
Tres sunt, qui testimonium perhibent, in suis biblijs planè omisit.
 Quia verò de hoc, uti & de eo, quod DEUS Spiritus sit, in Di-
 scursu 6. pluribus acturi sumus, cò benevolam Le-
 ctorem remitto.

*Deus est
oculus Or-
bis.*

*Oculus est
Symbolum
sanctissimæ
Trinitatis.*

*Lutherus
odit nomen
sanctissimæ
Trinitatis.*



An fides sit actus voluntatis, vel intellectus? An liber?

Quæ fides sit ad Salutem necessaria? Et an fides aliquando possit amitti?

*Fides non
est fiducia.*

CAlvinus in Ep. ad Rom. fidem dicit esse firmam, atque efficacem fiduciam. Sed de fide est, quod fides vera non sit actus voluntatis, seu fiducia pura, sed assensus intellectus, quo rebus à Deo revelatis firmiter assentimur. Sic enim S. Paulus ad *Hebr. 11. v. 3.* Fide intelligimus, esse aptata sæculæ Verbo DEI. Ubi vides, quod dicitur fides esse veræ actus intellectus contradistinctus à fiducia, vel spe. Quod clariùs adhuc præstitit idem S. Paulus ad *Eph. 3. v. 12.* In quo habemus fiduciam & accessum, in confidentiâ per fidem ejus. Hic manifestè habes quod ex fide, fiducia velut ex radice enascatur. Et Christus ipse *Joan. 17. v. 3.* confirmat, Hæc est vita æterna, ut cognoscant te solum verum DEUM, & quem misisti JESUM Christum. Per quæ Verba Christus, salutem in fide constituit, utpotè quæ cognoscit, & est actus intellectus. Ex quo patet dicere, fi-

Fides est
actus intel-
lectus.

potē, quæ cognoscit, & est actus intellectus. Ex quo patet dicere, fidem esse fiduciam, esse idem, ac illam cum spe confundere, quod clarè repugnat Verbis Apostoli *1. ad Cor. 13. v. ult.* Nunc autem manent fides, spes, charitas, Tria hæc. Ex quibus inferes, cum hæc ex S. Paulo sint tria, debent hæc esse distincta & differentia, cum numerus ex naturâ suâ arguat in bonâ Philosophiâ distinctionem. Quare etiam S. Aug. in *Enchir. suo cap. 7. § 8.* dicit: fides est malorum rerum & bonarum; spes non nisi bonarum. Quasi diceret hic S. Ecclesiæ Doctor, fidem non minis circa res malas quàm bonas posse versari. Sperare autem non solemus, nisi bona, quæ talia revera sunt, vel saltem nobis bona apparent. Ethinc S. Paulus *ad Rom. 13. v. 8.* rationem fidei justificantis per solum assensum, absque ulla fiduciæ mentione expressit, quando dixit: Hoc est Verbum fidei, quod prædicamus, quia si confitearis in ore tuo Dominum JESUM, & in corde tuo credideris, quod Deus illum suscitavit mortuis, salvus eris. Certè quando Anno Christi 325. in Nicæna Synodo, non solum convenerunt Episcopi Catholici, sed plurimi etiam Ariani, atque

ctiam

etiam Philoſophi ſamã doctrinã celebres, interque hos quiſpiam Arianus, varijs de fide quæſtionibus Catholicos laceſſeret, ut complures Epifcopi Catholici metuerent, ne illius ſophiſmatibus confuſi, Catholicæ fidei labem aliquam aſpergerent; ſi eum pro debito non confutarent, unus ex ſimplicioribus aſſurrexit Spiridion, dicens: In nomine JEſu Chriſti Philoſophe audi! Unus eſt Deus cœli & terræ, qui hæc omniã virtute verbi fabricatus eſt, & ſacro Spiritus Sancti aſſuſu ſtabilivit: Ubi deinde compendioſe fidei formulam pertexuit, conſluit: Noli ergo in his quæ fide rectè intelliguntur curioſe refutandis laborem fruſtrâ conſumere, aut quærere, quomodo iſta fieri poſſint. Quod ſi credis, mihi quoque ſciſcitanti reſponde. Territus his dictis Philoſophus, exclamavit, credo! & Chriſtianum Catholicum ſe profeſſus eſt. Ubi cernis, fide rectè intelligi fidei noſtræ myſteria nec ullam fiduciã, in hac de fide diſputatione, fieri intentionem. Quod verò hic actus fidei liber ſit, apparet ex illo Marci 5. v. 36. ubi Chriſtus interpellatus à Jairo archiſynagogo ut filiam ſuam ſanaret, & interim monitus eſſet Jairus à domeſticis ſuis, ne ultra moleſtus eſſet Chriſto, cùm jam defuncta eſſet filia, his verbis Jaiſum Chriſtus hortatur: Noli timere! tantummodo crede. Quo dicto ad domum acceſſit, & filiam reſuſcitavit. Patet hic, quod Jaiſus liber fuerit, credere & aſſentiri verbis Chriſti, vel non credere & diſſentire: Et hinc Luc. 7. v. 45. Laudat Mariam Dei Genitricem Eliſabeth, quod crediderit; Beata quæ credidiſti vituperatur verò Zacharias & punitur, quia Gabrieli prædicenti, quod Eliſabeth ſterilis paritura eſſet filium, non credidiſt. Hinc Luc. 1. v. 20. dixit ei Angelus, Et ecce eris tacens, & non poteris loqui uſque in diem quâ hæc fient, pro eo, quod non credidiſti. Et hac de cauſa Joan. 8. v. 24. clarè Chriſtus dixit: Dixi ergo vobis, quia moriemini in peccatis veſtris. Si enim non credideritis quia ego ſum, moriemini in peccato veſtro. Si verò fides, actus liber non eſſet, ſed neceſſarius, quomodo pœnam mereri poſſet? quod enim quis neceſſario facit, in hoc neque laudem neque vituperium, multoque minus pœnam merebitur.

Quæ autem hæc fides sit, in quâ nos oportet salvari. Disputant *Sola fides*
Hæretici; Lutherus enim suam Calvinus verò Calvinisticam asserit, *Carbolica*
ego neutram. Sed illam solam veram & salvificam assero, quam *est vera, &*
Christus ore suo Sacro Sancto docuit; Apostoli toto orbe prædica- *salvifica.*

B

run;

runt; Sancti patres & Ecclesiæ Doctores, suis libris nobis commendarunt; Ecclesia ipsa omnibus sæculis invariata tenuit, ac docuit; Omnes sancti Martyres sanguine suo subscripserunt; tot sancti Viri Apostolici, tam manifestis miraculis confirmarunt; tot Imperatores, Reges, & Principes, erectis ubique Ecclesijs & monasterijs, veram esse sunt contestati. Quia verò hæc signa & documenta, non habent hæreticorum Synagoga, neque Lutherani, neque Calvinistæ, neque ulli hæretici fidem, in quâ nos salvari oportet, habere possunt. Occurrit hic illa puella hebræa, de quâ circa annum Christi 1592. Polonici referunt annales quod cum alijs puellis venerit ad scholam Christianam, in qua Crucem efformare docta, eandem sæpius cum maxima indignatione Parentum domi repetierit, vehementer autè, propter hoc a parentibus percussa, pedibus etiam conculcata; a Crucis tamen formatione non destitit. Cum ergo die quadam Parentes & omnes penè domestici ad synagogam abivissent, puella ex domo paternâ ad insignes matronas Christianas evolavit, a quibus in fide instructa, sed importunè à parentibus fuit repetita. Res ergo ad Episcopum delata est, qui puellam interrogavit, cur velit Christiana & Catholica fieri? ideo respondit, quia hæc sola, vera doctrina est, quam Christus docuit. Quod tam insigni constantia protulit, ut ei baptismus negari nequiverit. Utique hæc vera est, quia hæc fides Catholica, ubique, semper, & ab omnibus credita & prædicata fuit, ut fufius, Articulo 9. ostendemus.

*Sufficit ad
salutem fi-
des implici-
ta*

An vero fides hæc se extendat ad omnia fidei mysteria, quæ vel Deus revelavit, vel Ecclesia ad credendum proposuit, ut illis assentiamur; quæstio est inter authores. Quia reverâ, non tantum rustici & simplices homines, sed multi etiam docti, vel non reiniscuntur omnium, vel saltem illud 1. ad Cor. 13. v. 12. fateri debent: Nunc cognosco ex parte: Non est tamen omnium fides eodem modo necessaria, sufficit enim quædam credere implicitè. Credit autem implicitè omnia, qui generatim credit, quidquid credit Ecclesia, licet non sciât totum illud distinctè quod credit sancta mater Ecclesia. Undè licet Calvinus l. 3. institutionum c. 2. § 2. fidem implicitam pro commento & ignorantia habeat, est tamen fides hæc necessaria, quâ quis credit omnia quæ credit Ecclesia implicitè. Confirmat hanc fidem implicitam, & utilem contra Dæmonistentaiones docet celebris illa & nota Patavij historia. Erant ibi insignes duo Theologiæ Profes-

686

fores de Æternâ & virtute eximij, qui singulari amicitia conjuncti, vitam vixerunt omnino exemplarem. Ex his cum alter sacramentis omnibus ritè munitus decessisset, socio suo spem optimam felicitis sui statûs reliquit. Verum cum die quodam sederet in musæo suo, adest in specie notè defunctus, flammis velut ex furno erumpentibus circumdatus, qui ab alto suspiria trahens, æternum se damnatum dixit, eò quod in extremis constitutus, dæmonem secum de Trinitate disputantem, rationibus convincere voluerit, à quo tamen ita argu ijs & sophismatibus implicatus fuit, ut primò dubitare, deinde discredere cœperit, atque sic constitutum mors oppresserit, & modo inquit, æternum damnatus sum. Paulo post ægrotavit alter superstes, ad quem moribundum cum venisset dæmon, & interrogasset quid crederet? respondit se credere, quod credit sancta mater Ecclesia, à quâ viâ argumentandi nunquam recessit, & feliciter decessit. Post dies paucos apparuit amicis suis gloriosus; eosque monuit, ut in materiâ fidei, cum dæmone sophistâ pessimo, non disputent, sed fide implicitâ se tueantur, quam ad salutem valde salutarem esse, suo exemplo monstravit. Sunt tamen aliqua, quæ explicitè credi debent, eaque sunt vel de necessitate mediij vel de necessitate præcepti credenda. Inter quæ hæc est differentia, quod illa quæ necessitate mediij creduntur, ea sic necessariò credi debeant, ut nisi illa credas, non salveris. Quæ verò necessitate præcepti creduntur, si propter impotentiam, vel invincibilem ignorantiam nescias, apud Deum excuseris. Porro puncta necessitate mediij scitu necessaria, juxta communiorē Theologiam sunt septem, circa quæ sollicitè monet, & rogat P. Jodocus Andries e Societate JESU, quemcunque cordatum Christianum, ut in re tam periculosâ, nempe salutis animæ suæ, cautè & securè pergat: neque se involuat, in probabiles tantum variorum authorum opiniones. Adeoque potius sequatur opinionem communem probatorum Authorum, quam sententiam paucorum. Et certè videtur omninò consultissimum illa tenere & docere, ultra quæ passim probati authores, nihil amplius ad fidem salutarem requirunt; sunt autem hæc septem sequentia, quæ necessitate mediij ab omnibus credi debent.

1. Quod Deus unus, & omnium Creator sit.
2. Quod Deus omniagubernet.
3. Quod Anima hominis, sit immortalis.

B 2

4. Quod

Cum demonede Trinitate non est disputandum

Fides implicita fuit salutaris morienti.

Necessitate mediij credenda sunt septem.

4. Quod Dei gratia, ad salutem sit necessaria.
5. Quod Deus sit omnium Judex.
6. Quod Deus sit trinus in personis.
7. Quod Dei Filius sit incarnatus & passus.

Licet autem aliqui à necessitate medij excludant mysterium SS. Trinitatis & incarnationis, notandum tamen est juxta S. Thomam mysterium SS. Trinitatis & Incarnationis, saltem quo ad rem, pari necessitate credenda esse.

Necessitate vero Præcepti creduntur omnia illa & sciuntur, quæ necessitate medij ad credendum necessaria proponuntur. Differunt autem etiam hic authores, quia aliqui Crucis signum & salutationem Angelicam excludunt, alij vero inter alia necessitate præcepti scitu necessaria, reponunt; cum quibus & ego sentio, adeoque sequentia septem enumero.

*Necessitate
præcepti
etiam sep-
tem creden-
da sunt.*

1. Signum sanctæ Crucis.
2. Duodecim articulos symboli Apostolici.
3. Pater noster, cum septem suis petitionibus.
4. Ave Maria, seu salutatio Angelica.
5. Decem Præcepta Decalogi.
6. Quinque Præcepta Ecclesiæ.
7. Ex septem Sacramentis, tria saltem ab omnibus sunt scitu necessaria, nempe Baptismus, Pœnitentia & Eucharistia; reliqua quatuor, tunc sciri debent, quando suscipiuntur. Differunt autem à necessarijs necessitate medij, quæ hoc habent, ut nisi illa credas saltem implicite, salvari non possis, quamvis illa inculpabiliter ignores. Hæc autem necessitate Præcepti credenda necessario creduntur, & vi præcepti divini explicitè credi debent, si tamen quis illa inculpabiliter nesciat, salvari tamen poterit, licet illa explicitè non credat. Et hæc est fides illa, de qua S. Paulus ad Hebr. 11. v. 6. dixit sine fide impossibile est placere Deo. Quod Christus Marci 16. v. 16. confirmat; dicendo: Qui non crediderit, condemnabitur.

Hæc fides à Christo lucerna dicitur Luc. 11. v. 33. Nemo lucernam accendit, & sub modio ponit, adeoque a P. Canisio dicitur donum DEI ac lumen. Quod Eusebius Emis. hom. 2. de Symbolo affirmat, dicens: Fides lumen est animæ, hanc nobis velut magnam lampadem Christus adveniens, errantibus viam monstraturus, per suum Evangelium exhibuit, in baptismo verò accendit, & per spe-
cia-

cialem gratiam hujus sacramenti sic habuit; ut adultiores, ubi ad
 usum rationis perveniunt, propositis sibi fidei mysterijs, facile assen-
 tiantur. Bene ergo Cyrillus *Hierosolim. Catech. 5. ait*: Fides est lux
 illuminans omnem hominem. Lux utique illa, de qua *Joan. 1. v. 9.*
 Et lux in tenebris lucet. adeoque à *S. Lucà 6. 2. v. 32.* per senem Si-
 meonem dicitur Lumen ad revelationem gentium. Quare bene
 omnino *S. Chrysostomus in 1. ad Thesal. c. 5.* super illa Verba *v. 19.*
 spiritum nolite extinguere. Fuimus inquit aliquando tenebræ,
 sed dedit nobis præclaram lampadem, ut qui spiritus sancti gratiam
 in nobis accendit. Descendum tamen est, quod ab aliquibus in pri-
 mo rationis usu statim extinguatur. Gratiam enim inquit citatus
 Chrysostomus extinguit vita immunda, dum videmus teneros in-
 fantes à parentibus ad libidinem & voluptatem assuefieri. Pueri
 solum fertile sunt, in quo si negligatur semen virtutum, in sylvam
 Veprium degenerat, & in segetem vitiorum hoc solum luxuriat.
 Unde non frustra queritur *Deus Jerem. 7. v. 18.* Filij colligunt ligna,
 id est ramos noxiarum cupiditatum, patres succendunt ignem, id est
 vanam gloriolam subdunt: mulieres conspergunt adipem, id est ma-
 tres blandicijs suis sovent, ut faciant placentas reginæ cœli, id est
 Vanitati mundi, & libent dijs, alienis, nempe Plutoni, Baccho, &
 Veneri. Non sic Patriarcha *Isaac Gen. 27. v. 28.* Qui benedictio-
 nem daturus filio suo Jacob, à cœlo exorsus est. Det tibi Deus de
 rore cœli, & deinde inquit, de pinguedine terræ. Esau quia à pin-
 guedine terræ suam accepit, incepitque benedictionem, cum mo-
 dernis vanitatis filijs, minime fuit benedictus. Quis obscuro cande-
 lam accensam furente vento securus tulerit? quis ubi furit vanitatis
 Aquilo, ubi cupiditatum procellæ insurgunt, ubi adversitatis irruit
 Boreas, fidei gratiam in animâ suâ illasam teneat: Nec tantum vali-
 dus persecutionis ventus, minimus sæpe per rimam immissus fla-
 tus, fidem exufflat & extinguit. Testem appello Salomonem, qui
 per uxorum Gentilium blandicias seductus, à Deo recessit. *3. Reg.*
11. v. 4. Cumque jam esset senex de pravatum est cor ejus per mulie-
 res, ut sequeretur Deos alienos, nec erat cor ejus perfectum cum
 Domino Deo suo. Extinxit hoc lumen fidei in animâ suâ infelix
 Lutherus. Extinxit Julianus Apostata, qui planè sanguine victi-
 marum perfundi voluit, ut sic fidei gratiam penitus aboleret, ne di-
 cam extirparet. Unde non video, quomodo *Calvinus l. 3. Instit.*

Fides in a-
nimâ per
malam vi-
tam extin-
guitur.

Parentes
non educunt
filios ad vani-
tatem.

Salomon
per mulie-
res seductus.

c. 3. §. 9. neget, quod fides semel habita possit amitti. Audite S. Paulum 1. ad Timot. 4. v. 1. Spiritus autem manifestè dicit, quia in novissimis temporibus discedent quidam à fide. Quod ibidem c. 6. Vio. repetit. Radix malorum omnium est cupiditas, quam quidam appetentes, errarunt à fide. Non dicam Lutheranos æque ac Calvinistas suorum verborum immemores, apertè nobis obijcere, quod Ecclesia moderna Catholica, non habeat fidem primitivam Ecclesiæ, sed eam post mille primū annos Lutherus & Calvinus sub scamno latentem suscitaverint. Sed quomodo obsecrò hæc cohererent? Ecclesiā Catholicā à fide primavā, defecisse & fidem semel habitam amitti non posse? Quot cheu! peccata peccatis accumulānt, ut sic fidei ardentem faciem in animā suā extinguant, quò libetius peccare valeant. Fidem omnium gratiarum originem & fontem dixit Cypr. in *expos. symbol.* Etenim inquit, in illo verbo Credo agnoscens fidem quam nos profitemur, fons & origo omnium bonorum ponitur, cum dicitur credo in Deum. Nulla enim bona sunt, quæ non trahat fides. Nobilis ille Regina Candacis Eunuchus, quanta gratiarum dona per fidem susceptam accepit? Audit Christi baptismum ad salutem necessarium, & statim promptissima illi aqua subsilit, ad conferendum baptismum necessaria. Vix Catechumenus jam baptismi puritate perfusus fuit, & statim à fonte ascendente ingens illum exceperit lætitia, ibat enim per viam suam gaudens. Unde obsecrò tanta gratiarum copia? accipite scaterrigenem, Credo filium DEI esse JESUM Christum. Concludit S. Chrysologus *Serm. 6.* Hunc Fides ante rapuit ad gratiam, quam currus ad Indiam. Sicut autem fides fons est & origo omnium gratiarum, ita defectus fidei, principium est omnium peccatorum. Sic enim S. Aug. super illa verba ps. 13. Dixit insipiens in corde suo, non est Deus: Prodeant in medium, qui male vivunt, insipiamus facta flagitiosorum sceleratorumque hominum, quorum magna turba est, qui factis in consuetudinem versis etiam verecundiam perdiderunt. Et istitales sunt, ut dicant in corde suo, quia ore dicere non audent, Non est DEUS, qui nos videat, qui nos puniat. Undè hæc querit S. Chrysologus citatus iniquitas? Causam nosse vultis? cœpit corruptio à malā fide, inde itur in turpes mores, inde in acerrimas iniquitates. Ab hac malā fide sequitur illud, quod & Apostolus dixit: 1. ad Cor. 15. v. 37. Manducemus & bibamus cras enim moriemur; more

*Fides est
omnium gra-
tiarum ori-
go.*

*Defectus
fidei origo
est peccato-
rum.*

peco-

pecorum, more bestiarum utique interituri. Unde enim avaris tanta auri cupiditas? tanta pecuniæ fames? audite *Tibullum l. 3. Eleg. 12.*

Auro pulsa fides, auro venalia jura!

Confirmat hoc *S. Aug. Conc. 2. in ps. 36.* Multis fulget aurum; fides non fulget.



QUÆSTIO III.

An homini ad credendum gratia Dei sit necessaria?

Vidit quondam in somno Rex Pharaon septem boves pulchras & crassas nimis ascendere de fluvio, quæ pascebantur ad amnis ripas. Vidit quoque & alias septem, quæ erant macilentæ, quæ pascebantur in eadem amnis parte. *Oleaster cum Pagnino* observat, quod omnes illæ boves in eodem prato à Pharaone visæ fuerint, & eandem herbam comederint. Quod verò aliæ macilentæ, aliæ crassæ fuerint, licet eodem pabulo nutrentur, non campo sed alterius rei vitio, adscribunt. Ita planè quod aliqui fidei lumine illustrentur, alij verò in tenebris errorum perseverent, non gratiæ divinæ, sed nostræ cooperationi potissimum adscribi debet. Certè *Deus Isa. 5. v. 4.* dum dicit, Quid est quod debui ultra facere vineæ meæ, & non feci? clarè ostendit, quod ex parte Dei gratia sufficiens nulli desit; sed quod aliqui non illuminentur, id sit ex eo, quia vel non faciunt quod est in se, vel quia gratiæ divinæ peccatis suis obicem ponunt, quem si non ponerent certè illuminarentur. Et hinc dicitur, quod fides sit donum Dei ac lumen, quo illustratus homo firmiter assentitur omnibus, quæ Deus revelavit. Ex quo apparet, quod ad credendum sicut oportet, necessaria sit homini gratia excitans, quâ de myste- ijs fidei anima interius à Deo illustratur, & ad fidem in se excitandam, quasi trahitur, juxta illud *Pauli ad Eph. 2. v. 5.* Gratia salvati estis per fidem, & hoc non ex vobis, Dei enim donum est. Quod *Christus ipse Joan. 6. v. 44.* asserit: Nemo potest venire ad me, nisi Pater, qui misit me, traxerit eum. Quasi diceret, nemo potest venire ad me scilicet per fidem,

*Gratia Dei
sufficiens
nulli desit.*

nisi

nisi Pater qui misit me, traxerit eum scilicet per gratiam suam, & hanc non solum excitantem, sed etiam adjuvantem, quâ homo præventus non solum velit credere, sed etiam actu credat. Deus est enim qui juxta *S. Paulum ad Philip. 2. v. 15.* operatur in nobis, & velle & perficere. Licet autem Pelagiani gratiam divinam ad credendum homini necessariam negent: *Trident. tamen, sess. 6. can. 3.* anathema in contrarium sentientes decernit, dicens: si quis dixerit sine præveniente Spiritus sancti inspiratione, atque ejus adjutorio hominem credere, sperare, diligere, aut pœnitere posse, sicut oportet, anathema sit. Est enim de fide, quod ad credendum sicut oportet, gratia divina homini sit necessaria. dicente *S. Paulo 2. ad Cor. 3. v. 5.* Non sumus sufficientes aliquid cogitare a nobis, quasi ex nobis. Rogandus est itaque Deus, ut gratiam suam largiatur non credentibus. Pulchrè enim *S. Aug. tract. 3. in Joan.* Si non est intus qui doceat, inanis fit strepitus iste, nempe Concionatorum. Cathedram inquit in cœlo habet, qui corda docet. Hanc Cathedram per Angelum Deus exhibuit Centurioni *Act. 10. per totum*, quando vidit angelum Dei introeuntem ad se, & dicentem sibi, Corneli! Orationes tuæ, & eleemosynæ tuæ ascenderunt in memoriam in conspectu Dei. Et nunc mitte viros in Joppen, & accersis Simonem, hic dicet tibi, quid te oporteat facere, En cathedram erigit & Doctorem ordinat Deus, ut Cornelius fidei lumine illustratus, fidem veram assequatur. Alexandria fuit puella nobilis, sed gentilis, maximarum hæres divitiarum, hæc casu pomarium suum ingressa uti refert *Pexenfelder l. 1. Hist. 48.* vidit hominem ab arbore laqueum aptantem, à quâ se suspendere voluit. Ubi puella intellexit, meditati suspensij causam esse æ alienum, quo obæratu fuit homo, illius miserta, omnem illi substantiam suam donavit, ut sic debita sua dissolveret. Ubi verò puella repente ex divite pauper famere cœpit, & vestibus nudari; ut undè viveret haberet corporis sui questum fecit. Verum dum sic propudiosè nudatur, in gravem morbum incidit, in quo à divinâ gratiâ illustrata, ad Episcopum mittit, & ab illo baptismum petit. Quia verò Episcopus libidinosæ conversationis illius notitiam habuit, baptismum negavit. Quare moesta puella ad cœlum se convertit, & quæ ab omnibus deserta videbatur, apud Deum auxilium invenit, subito enim adest Angelus in specie illius, quem à suspendio liberavit; hic interrogat, an serio baptis-

Eleemosy-
nam libera-
lem Deus
venit a
tur baptis-
mo.

Angeli patrini.


baptismum velit ? respondit illa divina jam gratiâ illustrata, abundè sibi satisfactum iri pro omnibus, quæ illi donavit, si sibi ab Episcopo baptismum impetraverit. Abit Angelus, & statim alios duos adducit, qui Purpuratorum Procerum personas induti, puellam ad templum deducunt. Hic noti à vultu proceres, sacri baptismi Ministros evocant, & ut puellam baptizent, postulant. Annunt Ministri, modo & ipsi susceptores & sponsores pro puellâ esse velint. Spondent liberrimè, & sacerdotes puellam baptizant. Patrini peracto baptismo puellam albis indutam domum deducunt, & disparent. Populus puellam in albis miratus, rem ad Episcopum defert, qui quia puellæ priùs baptismum negavit, negotium impensius examinare decrevit. Vocantur itaque sacerdotes, qui Patrinos & Sponsores ex aulâ nominant, ad quorum postulationem ipsi puellæ baptismum contulissent. Interrogantur nomine Episcopi ipsi aulici, qui nihil de puella aut illius baptismo se scire dixerunt. Undè Episcopus personatos Angelos fuisse credens, puellam vocat, eamque interrogat, quibus meritis à cælo hanc gratiam obtinuisse ? Puella se peccatricem esse dixit, nec aliud se scire professâ est, quam hoc unicum, quod desperatum hominem omni suâ substantiâ donatum, à laqueo, quo se suffocaturus erat, liberaverit. Dixit, & simul in innocentia baptismali mortua est. An non hæc gratia donum illud DEI fuit, quo de credendis fidei nostræ mysterijs hæc puella interius à DEO illustrabatur, & ad baptismum suscipiendum, quasi pertracta fuit ? dicente ipso Christo ; Nemo potest venire ad me, nisi Pater qui misit me, traxerit eum. Quare *S. Aug. l. de Spirit. & lit. c. 34.* dicit. Neque enim anima potest credere, si nulla sit vocatio. Verissimum namque est ejusdem Aug. dictum *tract. 81. in Joan.* si verum, si multum, sine illo fieri non potest. Si proinde quæras, unde fiat, quod aliqui ex Ethnicis vel hæreticis illuminentur, aliqui verò in suâ coecitate persistant ? Respondeo id fieri ex eo, quia Deo sincere se non credunt, ut instar liquidæ ceræ, DEUS cordicorum, suam voluntatem imprimat. Quando Saulus Damascum abiens fulminatus voce divinâ concidit *Act. 9. v. 6.* Dixit : Domine quid me vis facere ? Statim audit, surge ; & ingredi civitatem, & ibi dicetur tibi, quid te oporteat facere, ecce cor Sauli Cera instar liquidum, quod ubi Saulus artificis dexteræ DEI obtulit, statim gratia divina Saulum immutavit, & ex Saulo Paulum effecit. Obdurati

Vocationi
divina pa-
rendum.

verò & in suis erroribus obfirmati homines, audaci planè contumaciâ divinæ gratiæ illuminanti resistunt, & sic obicem ponunt, quò minus ad excitantem gratiam, per conciones vel explanationes mysteriorum fidei, gratia DEI adjuvans concurrat. Undè sit, ut millenitiam in suâ coecitate pereant; non perituri, si cœlesti gratiæ parvissent. Exprobrat his merito Christus illud *Mat. 23. v. 27.* Quoties volui congregare filios tuos, & noluisti? Expertus hoc est ingenti damno suo Radbodus Frisiæ: Dux, de quo Surius in *Vita S. Wolframi Episcopi 20. Martij*, ubi refert, quod S. Wolframus Frisiæ Episcopus, plurimos ad Christum converterit, inter quos fuit filius ipsius Principis, neque ipse Radbodus parens, procul à regno DEI abfuit. Nocte tamen mediâ infernalis impostor dæmon, regio indutus paludamento, hortatur infirmum Radbodum Ducem, nè Sacra Christiana suscipiat. Quod ut Duci facilius persuaderet, promittit illi palatium aureum in sylva proxima, si gentilis permaneret. Ut verò hoc firmius crederet Radbodus, jubet ut Commissarios expediat, qui experimentum capiant promissi à se palatij, qui dum ad sylvam accedunt, & palatium aureum vident, simul vocem audiunt, hæc Domus, est sedes, quam Radbodo DEUS suus, post hanc mortalitatem se daturum spondit. Tunc enim verò Diaconus DEO plenus dixit: si à vero DEO surrexit ista fabrica, æternum precor duret; si autem mali dæmonis opus est, dispareat continuo. Hæc simul ac dixit, crucem fecit, & omnia simul disparuerunt. Redeunt ergo missi legati, ut Radbodo visa referrent, sed illum sine baptismo mortuum repperunt. Quis hic audebit culpare Deum? Tota culpa est in Duce, qui vel ob respectum humanum, vel vanissimas promissiones dæmonis, dum suavi Christi jugo collum non submisit, divinam gratiam à se recedere coëgit. Quid clarius hic dici potest, quam illud *Cant. 5. v. 2.* Aperi mihi foror mea, amica mea, columba mea, immaculata mea! Ecce gratia excitans, quæ ut fortius etiam reluctantem Sponsam excitet, motiva longæ patientiæ suæ addit, quia caput meum plenum est rore. & cincinni mei guttis nocturni. Audiamus modo Sponsam vel animam à DEO vocatam. Expoliavi me tunicâ meâ, quomodo induar illa? Lavi pedes meos quomodo inquinabo illos? Quid tunica? nisi exteriora fortunarû nos, circumstantium impedimenta? quibus implicati, verum fidei lumen non amplectimur, maluntque

Lutherani

Lutherani aut Calvinistæ potiùs divites ire ad infernum, quam cum Christo paupere, in veritate fidei Chatholicæ DEO servire, & æternâ beatitudine perfrui. Verum timendum est, ne nobis accidat, quod sponsa v. 6. desset: Pessulum ostij mei aperui dilecto meo; at ille declinaverat, atque transierat. Quid deinde? audi sponsam v. 7. Invenerunt me Custodes, qui circumcunt civitatem percusserunt me, vulneraverunt me. Qui hi Circitores sunt alij, quam illi 1. Pet. 5. v. 8. Adversarius vester diabolus tanquam Leo rugiens circuit, quærens, quem devoret. Heu quot æternum in inferno ardebunt, qui gratiam DEI excitantem audire neglexerunt, & sic infernali Leoni truculentissimo, nempe dæmoni, æternum heu! in prædam cesserunt.



QUÆSTIO IV.

An dentur Traditiones? Et an aliqua fide Divina credenda sint, quæ scripta non sunt?

Traditiones esse triplices, nimirum divinas, Apostolicas, & Ecclesiasticas, communis est Doctorum opinio. Et quidem divinæ sunt dogmata certa fidei, quæ divinitus tradita habentur à DEO, & pro talibus semper ab Ecclesia sunt habita. Sic quod parvuli sint baptizandi, nullibi habetur in scriptura; ita etiam nullibi habet scriptura, quod sint septem sacramenta, & tamen utrumque, tanquam certum fidei dogma habemus & credimus. Fundatur hoc in illo Joan. 16. v. 12. Adhuc multa habeo vobis dicere, sed non potestis portare modo. Cum autem venerit ille Spiritus veritatis, docebit vos omnem veritatem. Hinc etiam post resurrectionem suam, Act. 1. v. 3. Per dies quadraginta apparens eis Iesus, locutus est de regno DEI. Quæ uti S. Joan. c. ult. v. 25. fatetur, non sunt scripta, quæ si scribantur, nec ipse mundus caperet illos libros. Ex quo ostenditur, quod Christus post resurrectionem suam multa egerit cum suis Apostolis, quibus eisdem instruxit circa varia, quæ sacri Historiographi suo Evangelio, non sunt complexi. Traditiones verò Apostolicæ sunt, quæ ab Apostolis nobis sunt relicte. Quales sunt frontem cruce signare: Quadra-

Traditiones divinae.

Traditiones Apostolicæ.

Traditiones Ecclesiasticæ.

geſtimam ſervare, Euchariftiam à jejunis ſumendam eſſe, hæc enim ab Apoſtoliſ accepimus, & abſque ſpeciali præcepto revelantiſ Dei ſervamus, licet nec ipſi Apoſtoli in ſuiſ Epistoſiſ Canoniciſ expreſſerint. Et ideo S. Pauluſ 2. ad Theſſ. 2. v. 14. monuit: Tenete traditioneſ, quaſ accepitiſ, ſive per ſermonem, ſive per epistoſam. Ut propterea S. Baſiliuſ l. de Spir. ſanct. dicat: dogmata, quæ in Eccleſiâ prædicantur, quædam habemuſ à doctrina ſcripto traditâ, quædam ruruſ ex Apoſtoloruſ Traditione. Traditioneſ denique Eccleſiaſticaſ ſunt illæ, quaſ vel Apoſtoloruſ ſucceſſoreſ Pontificeſ, vel Concilia ordinaruſt & ſtatuereſt. Sic quod altaria & vaſa ſacra debeant benedici, quod Euchariftia pro inſirmiſ in Eccleſiâ ſit aſſervanda, quod ſacruſ Chryſma ſinguliſ anniſ debeat renovari; hæc omnia tanquam traditioneſ ſacraſ, & conſuetudineſ ab univerſâ Eccleſiâ receptæ obſervari debent. Sic enim Tertuluſ l. de corona militiſ ubi quaſdam cæremoniaſ enumeravit, ſubjungit: Haruſ & ſimiliuſ diſciplinaruſ ſi legem expoſtuleſ, ſcripturam nullam invenieſ, traditio tibi præſtenditur auctrix, conſuetudo confirmatrix. Ut propterea S. Aug. Ep. 118. dicat: Illa autem quæ non ſcripta, ſed tradita cuſtodimuſ, quæ quideſ toto orbe ſervantur, dantur intelligi, ut ab ipſiſ Apoſtoliſ, vel plenarijſ Concilijſ, quoruſ in Eccleſiâ ſaluberrima eſt authoritaſ commendata atque ſtatuta retineri. Quod idem S. Aug. l. de baptiſ. contra Donat. c. 7. etiam ad aliaſ traditioneſ authoritate Concilioꝝ non firmataſ, extendit, dum inquit: Quam conſuetudinem credo ex Apoſtolicâ traditione venienteſ; ſicut multa non inveniuntur in literiſ eoruſ, neque in concilijſ poſterioruſ, & tamen quia cuſtodiantur per univerſam Eccleſiam, non niſi ab ipſiſ tradita, & commendata creduntur. Unde Conciliuſ Nicænuſ ſecunduſ, Ait. 7. tom. 4. in fine anathema in contumaceſ & refractarioſ ſtatuit inquiens: ſiquiſ traditionem Eccleſiæ, ſive ſcripto, ſive conſuetudine valentem non curaverit, anathema ſit. Quod Trident. ſeſſ. 4. hiſ verbis renovavit. Verbuſ DEI, ſive puram Evangelij doctrinam ac diſciplinam, contineri tum in ſacriſ literiſ, tum in non ſcriptiſ traditionibuſ. Ideoque tam haſ, quam illaſ pari pietatiſ affectu ac reverentiâ ſuſcipiendaa eſſe. Si quiſ autem eaſ ſciens & prudens contemnat, ei anathema denunciatur. Unde ludicruſ eſt anathema, quod impiuſ Lutheruſ in commentar. c. 1. ad Gal. ponit, dicens: Neque alia doctrina

in

in Ecclesiâ tradi & audiri debet, quam purum verbum DEI, hoc est sancta Scriptura; Doctores vel authores alij cum suâ doctrinâ anathema sunt. O bellum Doctorem! & verbi divini sacræque legis interpretem? Quomodo ergo fidem habuit Adam, & illius avi Patriarchæ, qui totis bis mille sexcentis sexaginta septem annis ante Moysen vixerunt? quomodo inquam salvi facti sunt? quia tunc nulla extitit scriptura. Non dicam, quod vel ab ipso Moysæ usque ad Josiæ Regis tempora, tam pauca fuerint scripturæ exemplaria, ut quod habetur *l. 4. Reg. c. 22. v. 13.* ægrè fuerit invenire scripturæ aliquod exemplar & volumen. Ite! & consulite Dominum super me, & super populo, & super omni Juda, de verbis voluminis istius, quod inventum est. Taceo quod ab ascensione Christi usque ad tempus, quo S. Mattheus Evangelium scripsit, nulla novi testamenti scriptura fuerit, adeoque in terris septem annis fides in primâ Ecclesiâ non fuisset. Apagel proindè cum ludicris his Novatorum crepundijs Audite S. Paulum *1. ad Cor. 11. v. 2.* Laudo vos fratres, quod per omnia mei memores estis, & sicut tradidi vobis, præcepta meatenetis. Unde etiam *2. ad Thess. 2. v. 14.* præcipit: Itaq; fratres stete, & tenete traditiones, quas didicistis sive per sermonem, sive per epistolam nostram. Sancti Pauli exemplum secuti Pontifices, S. Fabianus Papa & Martyr in *Ep. 2. ad Episcop. Oriental.* ubi præcipit his verbis: Ista à sanctis Apostolis, & eorum successoribus acceperimus, vobisque tenenda mandamus. S. Leo primus *serm. de quadrag.* inquit, Apostolica institutio quadraginta dierum jejuniis impleatur. Cujus causam claris verbis assignat, *Serm. de Jejun. Pentec.* dum inquit: dubitandum non est dilectissimi, omnem observantiam Christianam eruditionis esse divinæ, & quidquid devotionis ab Ecclesiâ in consuetudinem est receptum, de traditione Apostolicâ, & de Sancti Spiritus prodire doctrinâ. Quare S. Basil. *l. de Spirit. Sanct.* c. 27. ait: Dogmata quæ in Ecclesiâ servantur ac prædicantur, partim ex conscriptâ doctrinâ habemus, partim ex Apostolorum traditione in mysterio ad nos delato, recepimus. Quæ utraque eandem ad pietatem vim habent, & nemo his contradicit, qui vel mediocrem saltem Ecclesiasticorum jurium experientiam habet. Undè manifestum est Lutherum & Calvinum aliosque Novatores juris Ecclesiastici parum peritos fuisse quia Traditiones propudiosè planè rejecerunt, quas tamen ipse Justinianus *l. cum recta. s. jure publi-*

co acceptavit. Verba legis sunt : Nos sequentes sanctorum Apostolorum, & eorum, qui post eos in sanctis DEI Ecclesijs conversati sunt dogmata, justum fore existimavimus, cunctis manifestum facere, qualiter de fide, quæ in nobis est sentiamus. Insistentes & adhærentes traditioni & Confessioni Sanctæ DEI Ecclesiæ Catholicæ. Quod in *novel. 6.* repetit : Bene autem universa geruntur & competenter, si rei principium fiat decens & amabile DEO. Hoc autem futurum esse credimus, si sacrarum regularum observatio custodiatur, quam justî & laudandi & adorandi inspectores administri verbi DEI tradiderunt, Apostoli, & sancti Patres custodierunt, & explanaverunt. Ecce Justinianus sanctorum Patrum autoritatem tuetur & commendat ; Lutherus de *sermo arbitrio tom. 2.* annihilat & conculcat dicens : Patrum autoritas susque deque facienda est. Non ita loquitur Job. c. 8. v. 8. Interroga generationem pristinam, & diligenter investigam memoriam Patrum. subdit v. 9. Et ipsi docebunt te. Certè si Novatores isti Jobum secuti fuissent, aut Jeremiam, in tam absurdos errores se ipsos non intricassent. Audite Prophetam Jeremiam c. 6. v. 16. Hæc dicit Dominus stante super vias, & videte & interrogate de semitis antiquis, quæ sit via bona, & ambulate in eâ, & inveniatis refrigerium animabus vestris. Quia verò illi non vias antiquas Sanctorum Patrum, sed novas & erroneas opiniones suas secuti sunt, in confusionem seipsos, & perturbationem universam DEI induxerunt Ecclesiam. Aliter planè & diversum à vobis, agnovit Rex magnæ Britanniæ Jacobus, qui ad Cardinalem Peronium sic scripsit : Nemini inquit hodiè fas esse damnare ea, quæ consliterit priorum seculorum Patres unanimi consensu probasse, tanquam utilia, aut licita. Quia teste S. Paulo ad Eph. 4. v. 14. Pastores & Doctores idcirco à DEO sunt constituti, ut non circumferamur omni vento doctrinæ, sed ut permaneamus in unitate fidei, donec omnes occurramus. Et ideo Deut. 32. v. 7. dicitur : Memento dierum antiquorum, cogita generationes singulas, interroga Patrem tuum & annuntiabit tibi, majores tuos, & dicent tibi. Hi enim cum Viri sancti fuerint, & DEO placuerint, necessariò in fide verà florere debuerunt. Non potuissent autem placere DEO, nisi in fide verà excelluissent ; dicente S. Paulo ad Hebr. 11. v. 6. Sine fide, impossibile est placere DEO.

SS. PP.
authoritas
magni faci-
enda-

QUE.

QUÆSTIO V.

An aliquando teneamur fidem confiteri? An non liceat illam negare? An, aliam fidem simulare, vel nostram dissimulare?

Communis est Doctorum opinio, quod quando id honor DEI exigit, & religionis Catholicæ existimatio, quod omnino teneamur fidem veram confiteri. Sic enim Christus ipse adjutus à Principe Sacerdotum per Deum vivum, se Dei filium confessus est, licet sciret confessionem illam, futuram mortis suæ causam. Unde Luc. 9. v. 26. tam graviter comminatur Christus: Qui me erubuerit, & sermones meos, hunc erubescet filius hominis, cum venerit in majestate suâ. Sed ingerere ultra nos non debemus, nisi id ex speciali DEI impulsu fiat. Fuit ex familiâ S. Francisci vir religiosus, & Zelo amoris DEI plenus, qui Martyrij desiderio accensus Constantinopolim venit & ad ipsam regiam Sultani penetravit, ibique magnis clamoribus Christum prædicavit, ejusque fidem ad salutem necessariam contestatus est. Pervenit, clamor iste ad aures Sultani, qui inquiri curavit, quid insueto hoc clamore vellet? Respondit vir optimus, se aliud non desiderare ac petere, quam martyrium, & se pro fidei veritate mori paratum esse. Reposuit Sultanus, ut si pro veritate mori vellet, ad Principes rediret Christianos; iisque veritatem prædicaret, non defuturam occasionem, ut pro veritate martyr occumberet. Majori cum gloriâ fidei veritatem tuitus est Diaconus ille, de quo refert historia Ecclesiastica. Cum enim Ariano cum presbytero disputasset Diaconus alius Catholicus, & ubi defecerunt argumenta, ventum fuisset ad probam miraculosam; convenit inter eos, ut succendatur focus, cui impo- natur lebes aquâ plenus, in aquam deinde bullientem immittatur ex manu detractus annulus. Quique ex aquâ bulliente illaeso brachio extracturus esset annulum, illius fides pro verâ habeatur. Catholicus non satis firmus, unguento brachium inunxit, quod videns Arianus, arte non fide certari clamavit, & penè contra Catholicos triumphum.

Fidem teneamur aliquando Confiteri.

Veritas teste Sultano Martyrem facit.

Fides manum illam in bulliente aqua servat.

*DEus non
facit mira-
cula pro
barbaricis.*

triumphavit. Litem diremit interveniens alius Diaconus Catholicus, qui nudato statim brachio ex bulliente aquâ extraxit anulum, quem utique parvum, satis diu in bulliente aquâ debuit investigare. Confusus Arianus illud etiam tentare voluit, sed vix manum imposuit, & carnem ad ossa usque nudavit. Hæc Catholicæ religionis exultatio impulit Diaconum, ut diffidentiam alterius corrigeret, & calumniam, quam Ariani paraverant, ab Ecclesiâ Catholicâ averteret. Ità requisitus de fide Catholicâ se Christianum professus est ille, de quo *Eusebius l. hist. Ecclesiast. 5. c. 1.* qui à Tyranno interrogatus, quis esset? respondit constanter, Christianus sum. Cum verò instaret Tyrannus, quod nomen? quæ familia? quæ esset illius condicio? aliud non respondit, quam Christianus sum; & in hac confessione Martyr occubuit. Quam verum est illud Pauli ad *Rom. 10. v. 10.* Ore fit confessio ad salutem.

*Fidem ne-
gare non
licet.*

Ex quo deducitur, quod etiam cum vitæ periculo non liceat fidem negare. Gravis enim irrogatur DEO injuria, quasi quæ DEUS dixit & docuit, vera non sint, sed falsa. Diffidimus enim veritati divinæ, & hanc mortalem vitam, illi immortalī à DEO nobis promissæ anteponimus. Graviter S. Aug. *serm. 18. de verbis Ap.* Times ad modicum mori, & non times in æternum mori? Cur non cogitamus, nos brevi morituros? Cum domus ruinam minatur, ex domo nos subducimus, pretiosa omnia exportamus. Audite *Senecam Ep. 30.* In senili corpore, aliquatenus imbecillitas sustineri & fulciri potest, cum tanquam in putri ædificio omnis junctura dilabitur, & dum alia eripitur, alia discinditur, circumspiciendum est, quomodo ex eas. Unde author operis imperf. *bom. 26.* inquit, si ergo post modicum morituri sumus, nullā DEI causā proposita, quomodo non antè modicum in causā DEI cum gloriā morimur? ut fiat voluntarium, quod futurum est necessarium, atque offeramus DEO pro munere, quod reddendum est pro debito. Cum Christus dicat *Math. 10. v. 32.* Qui negaverit me coram hominibus, negabo & ego eum coram Patre meo. Ut proinde metuendum sit illud *Jobi 4. v. 21.* Morientur, & non in sapientiā. In quem locum S. Greg. *Mag. l. 5. moral. c. 30.* Mortem quidem & sapientiam pariter fugiunt, sed sapientiam penitus deserunt, mortis autem laqueos non evadunt. Et qui quandoque morituri, vivere moriendo potuerunt, dum mortem, quæ procul dubio ventura est, metuunt, & vitam

*Pro DEI
causa mori
deserā est.*

simul

funul & sapientiam perdunt. At contra iusti in sapientiâ moriuntur, quia mortem quam evitare funditus nequeunt, cum pro veritate imminet, differre contemnunt; eamque dum æquanimitè ferunt, pœnam propaginis vertunt in instrumentum virtutis. Adeoque S. Fulgentius Ep. 2. *ad Gall.* Inquit Sacra Scriptura nos docet, in hoc sæculo Christianis fidelibus longam vitam non prodesse, sed bonam. Quæ melior, quam quæ pro Christo terminatur? Pulchrè de S. Martino Severus Sulpitius sic loquitur: Martinus quamvis adhuc baptizatus non esset, nihil tamen eorum, quæ Christianum ostenderent, intermittebat. Quanti hodiè fidem Catholicam negant, qui spe hæreditatis potiundæ, Lutheranam communionem admittunt, sub utraque specie communicant? Certè Politici pluri, quacunque ex causâ utili, cum hæreticis diebus prohibitis carnes vorant, eorum synagogas frequentant, conciones audiunt, cœnâ imaginariâ, ne dicam phantasticâ se polluunt. Clancularij usque hodiè dum interrogantur, an sint Anabaptistæ? liberè se tales esse negant. Qui negaverit me inquit Christus coram hominibus, negabo & ego eum coram Patre meo. Quod si sponsam tuam pretiosis ornes cymelijs, & illa eadem innectat crinibus suis, aut sertis suis pretiosis inserat, quando coram amicis est, abscondat vero coram inimicis tuis, annè placebit tibi? Ornat DEus animam tuam, sponsam suam fide, & cur celet hanc gemmam pretiosam coram inimicis DEI? Non est hæc prudentia sed perfidia, non cautela sed diffidentia & timiditas. Quis enim à te speret fidelitatem, si in fide non perstas apud DEum? S. Martino attribuit hoc Severus Sulpitius, quod propter fidem, & in illa constantiam apud omnes acceptus fuerit. Unde omnibus inquit ille, fiebat charus. Aldrovandus l. 13. *Ornithol.* inter proverbia de anseribus refert, quod jurasse per anseres falsum credebatur juramentum, quia anseres Græci appellant animalia amphibia, sunt enim modò aquatilia, modò terrestria. Quid fidas illis? qui modò piscis, modò caro sunt; modò catholicos se jactant, modò cum Lutheranis tenent. Timeo ne sicut anseres aliquando in infernali foco assentur, & Plutoni ac Proserpinæ, in inferno cœnam parent. Tremendum est quod 1. *ad Tim.* 2. v. 12. dicit Paulus: si negaverimus, ille negabit nos. Hinc tantis lachrymis negationem suâ, expiavit Petrus, ut vel ipse lachrymarum decurrentium ardor, ipsas genas adusserit. Et S. Marcelli-

nus Pontifex, quando immanitate persecutionis territus, Deorum simulachris thus adolevit, tantoperè pœnituit, ut Sinuessam ad Concilium venerit Episcoporum, & inter copiosas lachrymas perfidiam suam sit detestatus. S. Petri tamen exemplo confortatus Romanam redijt, Diocletianum tyrannum increpuit, & in Confessione fidei constantissimè perseverans, est capite plexus.

Fidem falsam simulare non licet.
Quare neque fidem falsam simulare licet; quia clarè Christus *Luc. 9. v. 26.* dicit: Qui me erubescit coram hominibus, hunc erubescet filius hominis, cum venerit in sede majestatis suæ. Et hinc in antiquo testamento 2. *Mach. c. 7.* Eleazarus, cum cogeretur contra legem carnes porcinas comedere, easdem non admisit, & mori prælegit, quam mandatum divinum violare. Cum verò aliqui iniquâ commiseratione moti, acciperent carnes licitas, ut easdem comederet, & simularet se comedisse porcinas, indignabundus dixit: Non enim ætati nostræ dignum est fingere, ut multi adolescentium, propter meam simulationem, & propter modicum corruptibilis vitæ tempus, decipiantur. Quod etiam nostrâ ætate vir

Thomas Morus fidei non simulat.

integerrimus Thomas Morus in Angliâ præstitit, qui ne videretur ab Ecclesiæ Catholicæ fide in minimo recessisse, induci non potuit, ut ullâ ratione se Regis postulato simularet assentiri. Hoc ipsum constantissimè fecerunt plurimi Sanctorum Martyrum, quibus Tyranni in manus imposuerunt vivos carbones & thus, cum condicione, ut si ignitos carbones excuterent, dijs sacrificasse censerentur. Quos proindè constantissimè tenuerunt, ne carbones illos excutiendo, suspicionem negatæ fidei incurrerent. Et licet fortè juxta benignam aliquorum opinione, hos ignes de manibus potuissent excutere, propter doloris magnitudinem, retentâ in corde fide firmâ ad DEum, quia tamen hoc coram Christiani nominis hostibus fuisset injuriosum DEO, utpotè qui erubescere DEum coram hominibus est indecorum; & proximo fuisset nocivum, quia multi hoc malo exemplo ad sequelam potuissent induci, idèo imperturbati maluerunt flammis ignitorum carbonum torqueri ad modicum, ut in cælo refrigerio recrearentur æterno. Et certè si puer ille, Alexandri Magni Ephæbus sacrificante Domino suo, cum forte ignitus carbo, ab arâ in manum illius incidisset. ne sacrificij devotionem impediret aut turbaret, carbonem non excussit, quod testatur Valerius Maximus *l. 3. de patient.* Ubi hoc Alexander vidit,

Ephæbus Alexandri carbonem in manu sustinet.

pueri

pueri modestiā delectatus, diutius quam solitus fuit in sacrificio voluit cunctari, ut amplius pueri eluceret reverentia & constantia. Quid ni hoc Martyribus dabimus amore divino æstuantibus? Et hinc primitivæ Ecclesiæ praxis fuit, graviter punire eos, qui fide in animo retentâ, exterius idolis thus adolevissent.

Per hoc tamen non prohibemur ex iustis causis aliquando fidem dissimulare; Si quis nimirum diffideret suæ constantiæ, metuereque ne tormentis impar, inter hæc fidem abnegaret. Vel certe si alius cuius salute multi alij in fide conservarentur. Sic passim videmus in hæreticorum & Gentilium partibus, plures versari viros Apostolicos, qui fidem dissimulant, ut Catholicis ibidem sint solatio, ipsæ Sacramenta administrent & in fide conservent. Quo casu dissimulare fidem non tantum peccatum non est, sed sæpe magni meriti: Sic pro solatio Christianorum S. Felix Nolanum presbyterum, DEus ipse custodivit atque occultavit aranearum telâ, quam eidem mirabiliter texuit, ut inimicos falleret, & illum à captivitate tutaretur. Sic S. Athanasius cum à persecutoribus penè jam caperetur, & milites in mari eundem capturi in sequerentur, ille obversâ navi ipsæ obviavit, cumque interrogaretur, an non procul inde esset Athanasius, respondit inde minimè procul abesse, atque sic in sequentium conatus elusit. Cum enim præceptum Confessionis fidei, non obliget pro semper; & interdum sit melius, non confiteri palam fidem, nè si prodatur quis Tyranno, tormentis oppressus fortè fidem neget, Tutius erit aliquando eandem fidei confessionem dissimulare, Et sic S. Antonius crudelitate pœnarum & tormentorum, quibus Christiani afficiebantur territus, creinum petijt; & sanctam vitam Confessor egit, ne fortè martyrio impar, à celesti gloriâ excluderetur. Sciebat utique, quia non minus frænando passionem gloriosi Christi pugiles, cum hisce monstris pugnando, quam Sancti Martyres cum feris & bestiis decertando, victoriam & palmam referre possint. Benè namque S. Aug. *serm. 23. de Sanctis*. Tota Christiani hominis vita, si secundum Evangelium vivat, crux est atque martyrium. Quod confirmatur ex eo, quia martyr, seu testis Christi est, qui mori mavult, quam præceptum DEI violare. Audite nunc S. Ambr. *serm. 20. in Ps. 118*. Quotidie inquit Testis es Christi. Tentatus es spiritu fornicationis!

Licet aliquando dissimulare.

S. Felix tela araneæ tegitur.

S. Athanasius latè persecutores.

S. Antonius persecutionem fugiens creinum petijt.

*Christiani
dominis vi-
ta perpe-
tuum est
marty-
rium.*

sed veritus Christi futurum iudicium, temerandam mentis & corporis castimoniam non putasti, martyres Christi. Tentatus es spiritu avaritiæ, ut possessionem minoris invaderes? indefensæ viduæ jura temerares, & tamen cœlestium contemplatione præceptorum, opem magis ferendam, quam inferendam injuriam judicasti, testis es Christi. Tentatus es spiritu superbiæ, sed videns inopem atque egenum piâ mente compassus es, humilitatem magis quam arrogantiam dilexisti. Testis es Christi. Ille ergo testis est Christi, qui ad stipulantibus factis, Domini JESU præcepta testatur. Quanti ergo quotidie in oculis divinis Martyres Christi sunt, & JESUM Dominum confitentur! Ecce quotidiani Martyres. His ergo præmissis, ad opus ipsum accedamus.



CAPUT

CAPUT PRIMUM

PUNCTUM I.

Quod necessitate medij credi debet.

DISCURSUS I.

DEUS est unus, & omnium Creator.

Manichæi duos Deos finxerunt, bonum unum, malum alterum; quod sacris literis manifestè repugnat, quæ per *Malach. c. 2. v. 10.* expressè dicunt: DEUS unus creavit nos; Neque enim ex eo, quia creaturæ aliquæ noxiæ nobis sunt, culpari debet DEUS creator; omnes itaque creaturæ à DEO conditæ, bonæ sunt in se, sed per peccatum primorum parentum, & verò etiam nostro, fiunt malæ, id est in pœnam peccati nobis nocivæ. Cæterum DEUS sit unus, de fide est, & rationi naturali congruit, quia cum DEUS sit ens, quod in se continet omnes perfectiones, quæ possunt excogitari, si plures essent dii, vel singuli haberent aliquid perfectionis, quod non habent alij, vel omnes haberent omnem plenitudinem perfectionis? si distinctas haberent perfectiones, dii dici non possent; quia non essent ens, quod complecteretur omnes perfectiones; si verò ejusdem essent perfectionis, cum non haberent undè distinguerentur, omnes reverà essent unus DEUS, quod defacto in sanctissima Trinitate videmus, in quâ sanctissimæ tres personæ, sunt unus DEUS, dicente ipso Christo apud *S. Joan. c. 10. v. 30.* Ego & Pater unum sumus. Ut propterea *S. Athanasius in suo symbolo* dicat, DEUS Pater, DEUS Filius, DEUS Spiritus Sanctus, & tamen

Deorum
multitudo,
vitiiorum
origo.

non tres dij, sed unus est DEus. Quod confirmatur ex *Deut. 6. v. 4.* Dominus DEus noster, Dominus unus est. Et S. Paulus *1. ad Cor. 8. v. 4.* clarè dicit: Nullus est DEus nisi unus. Quod verò prisca gentilitas infinitos penè DEos confinxerit, fuit illud inventū astutissimi dæmonis, ut Deorum nomina sceleratissimis quibusque imponeret. Causā hujus dat vel ipse *Seneca de brev. vit. c. 16. § de vit. beat. c. 26.* ut darent morbo vitiiorum, exemplo divinitatis excusatam licentiam. Graviter proinde Gentiles S. Greg. Nazianz. perstrinxit, dum dixit: DEos vitiiorum patronos effecerunt, ut peccatum non modò crimine careat, sed præclarum quid, & divinum etiam censeretur, ad ea scilicet, quæ pro dijs adorantur confugientes. Deploravit hanc Gentilitatis coecitatem *Jer. 23, v. 12.* Idcirco via eorum erit quasi lubricum in tenebris, impellentur enim & corruent in eā. Quis enim pudicus erit, si ipsi Dij lasciviant?

Licet proinde Arius impiè senserit DEum Patrem creasse Filium, Filium verò creavisse Spiritum Sanctum, hunc deinde creavisse angelos, illos verò fuisse Creatores mundi. Repugnat hoc tamen S. Paulo *ad Rom. 11. v. 36.* Quoniā ex ipso, & per ipsum, & in ipso sunt omnia, ipsi gloria in sæcula. Quod clarius adhuc David *Psal. 145. v. 6. affirmat*: Spes ejus in Domino Deo ipsius, qui fecit cælū & terrā, mare, & omnia, quæ in eis sunt. Priscillianistæ vix non stolidius volebant visibilia hujus mundi creata à Deo malo, invisibilia verò à Deo bono. Cum tamen Psalmista regius, invisibiles æque ac visibiles creaturas pari ardore ad laudandum DEum excitet *Psal. 148. v. 2.* Laudate eum omnes angeli ejus; & statim *v. 3.* visibiles creaturas ad laudandum DEum evocat; Laudate eum Sol & Luna, laudate eum omnes stellæ & lumen. Causam dat: *v. 1.* Quia ipse dixit & facta sunt, ipse mandavit, & creata sunt. Undè huic errori Priscillianistarum contradicit ipsum Symbolum Apostolicum, quod expressè dicit, DEum factorem cæli & terræ visibilium omnium & invisibilium. Ideoque de fide est, quod unicui DEus ter optimus Maximus ex infinita suā misericordiā totum mundum creaverit se solo, & sine auxilio ullius creaturæ. Dicente David *Psal. 148. v. 5.* Ipse dixit & facta sunt, ipse mandavit & creata sunt. Cui consonat illud *Gen. 1. v. 1.* In principio creavit DEus cælum & terram. Ubi bene notandum est verbum creavit, scilicet non ex materiā præexistente, sed ex nihilo. Est enim creatio, productio rei ex nihilo.

sic

ſic ut cum antea nihil omnino eſſet, DEUS verbo virtutis ſuæ, id eſt per omnipotentiam ſuam dixit, & facta ſunt. Nos homines ex lapidibus domum, ex ligno ſtatuam facimus; DEUS ex nihilo cœlum & terram creavit, quæ Creatio juxta SS. PP. ſic ſolius DEI eſt, ut nulla creatura neque angelica hoc facere poſſit. Cæterum quaſi per gradus DEUS mundum creavit, ut præter immenſam illius omnipotentiam, etiam infinitam ſapientiam miremur. In principio enim creavit DEUS cœlum & terram, exindè germinavit terra, aquæ vero dederunt piſces & aves, terra autem jumenta, & omne reptile terræ in genere ſuo. Tandem vero hominem *Gen. 1. v. 27.* Creavit DEUS hominem ad imaginem ſuam. In quem locum *S. Greg. Nyſſ. hom. de Opif. mundi c. 8.* Moyses inanimes res primum, quæ animatorum tanquam primus gradus eſſent, deinde naturali vitæ præditaſ, ortas eſſe oſtendit, poſt hæc eorum quæ ſenſu agitantur, originem commemorat. Cauſam dat; Idcirco natura convenienter quosdam quaſi per gradus; ad id quod perfectum eſſet, progreſſa eſt. S, vero *Hier. tom. 9. in Regul. monach.* In creatione mundi, charitatem & unioem nobis commendat dicens: Quod omnes creaturæ DEO eaſdem creanti bonæ viſæ ſint, prout ſeorſim ſeparatæ ſunt; ubi tamen uno nexu inter ſe ſibi ſubordinatæ ſunt, viſæ ſunt valdè bonæ, juxta illud *Gen. 1. v. 31.* viditque DEUS cuncta, quæ fecerat, & erant valdè bona. De quo valdè ſic diſſerit. Omne ſecundum Philoſophos tantum habet bonitatis, quantum habet unitatis, in exordio verò mundi vidit DEUS cuncta quæ fecerat, & erant valdè bona ſimul. Sic enim flores ſinguli habent odorem & colorem ſuum, colligati tamen in ſciſciculum, gratiam habent longè majorem. Si ergo valdè bona vidit DEUS quæ fecit, falſa eſt Manichæorum opinio, qui volunt moleſta & nociva homini animalia à DEO creata non eſſe. Licet enim DEUS creaverit ſerpentem, hic tamen neque Adamo neque Evæ nocere potuiſſet, niſi eidem curioſa Eva collocuta fuiſſet, & in peccatum prævaricationis conſenſiſſet, ut contra mandatum divinum comederet de fructu vetito, poſt peccatum enim homini creaturæ rebellarent. Vidimus hoc factum cum *S. Macario Fremicolâ*, cui, uti ait *Pexenfelder p. 1. biſh. 26.* parentes per vim ſponſam dederunt, ipſe verò die nuptiarum inter ſaltantium choroſ fugit, & Angelo duce Eremum petijt. Ingreſſus hic antrum læanæ mortuam reperit, cujus binos catulos, ipſe deinde

DEUS
mundum
per gradus
creavit.

Creatura
ſeorſim ſunt
bonæ, ſimul
ſunt valdè
bona.

Deorum
multitudo,
vitijs
origo.

non tres dij, sed unus est DEus. Quod confirmatur ex *Deut. 6. v. 4.* Dominus DEus noster, Dominus unus est. Et S. Paulus *1. ad Cor. 8. v. 4.* clarè dicit : Nullus est DEus nisi unus. Quod verò prisca gentilitas infinitos penè DEos confinxerit, fuit illud inventum astutissimi dæmonis, ut Deorum nomina sceleratissimis quibusque imponeret. Causâ hujus dat vel ipse *Seneca de brev. vit. c. 16. & de vit. beat. c. 26.* ut darent morbo vitiorum, exemplo divinitatis excusatam licentiam. Graviter proinde Gentiles S. *Greg. Nazianz.* perstrinxit, dum dixit : DEos vitiorum patronos effecerunt, ut peccatum non modò crimine careat, sed præclarum quid, & divinum etiam censeretur, ad ea scilicet, quæ pro dijs adorantur confugientes. Deplo-
ravit hanc Gentilitatis coecitatem *Jer. 23, v. 12.* Idcirco via eorum erit quasi lubricum in tenebris, impellentur enim & corrueant in eâ. Quis enim pudicus erit, si ipsi Dij lasciviant?

Licet proinde Arius impie senserit DEum Patrem creasse Filium, Filium verò creavisse Spiritum Sanctum, hunc deinde creavisse angelos, illos verò fuisse Creatores mundi. Repugnat hoc tamen S. Paulo *ad Rom. 11. v. 36.* Quoniâ ex ipso, & per ipsum, & in ipso sunt omnia, ipsi gloria in sæcula. Quod clarius adhuc David *Psal. 145. v. 6.* affirmat : Spes ejus in Domino Deo ipso, qui fecit cælum & terram, mare, & omnia, quæ in eis sunt. Priscillianistæ vix non stolidius volebant visibilia hujus mundi creata à Deo malo, invisibilia verò à Deo bono. Cum tamen Psalmista regius, invisibiles æque ac visibiles creaturas pari ardore ad laudandum DEum excitet *Psal. 148. v. 2.* Laudate eum omnes angeli ejus ; & statim *v. 3.* visibiles creaturas ad laudandum DEum evocat ; Laudate eum Sol & Luna, laudate eum omnes stellæ & lumen. Causam dat : *v. 1.* Quia ipse dixit & facta sunt, ipse mandavit, & creata sunt. Undè huic errori Priscillianistarum contradicit ipsum Symbolum Apostolicum, quod expressè dicit, DEum factorem cæli & terræ visibilium omnium & invisibilium. Ideoque de fide est, quod unicus DEus ter optimus Maximus ex infinitâ suâ misericordiâ totum mundum creaverit se solo, & sine auxilio ullius creaturæ. Dicente David *Psal. 148. v. 5.* Ipse dixit & facta sunt, ipse mandavit & creata sunt. Cui consonat illud *Gen. 1. v. 1.* In principio creavit DEus cælum & terram. Ubi bene notandum est verbum creavit, scilicet non ex materiâ præexistente, sed ex nihilo. Est enim creatio, productio rei ex nihilo. sic

fic ut cum antea nihil omnino esset, DEus verbo virtutis suæ, id est per omnipotentiam suam dixit, & facta sunt. Nos homines ex lapidibus domum, ex ligno statuam facimus, DEus ex nihilo cælum & terram creavit, quæ Creatio iuxta SS. PP. sic solius DEI est, ut nulla creatura neque angelica hoc facere possit. Cæterum quasi per gradus DEus mundum creavit, ut præter immensam illius omnipotentiam, etiam infinitam sapientiam miremur. In principio enim creavit DEus cælum & terram, exinde germinavit terra, aquæ vero dederunt pisces & aves, terra autem iumenta, & omne reptile terræ in genere suo. Tandem vero hominem *Gen. 1. v. 27.* Creavit DEus hominem ad imaginem suam. In quem locum *S. Greg. Nyss. hom. de Opif. mundi c. 8.* Moyses inanimis res primum, quæ animatorum tanquam primus gradus essent, deinde naturali vitâ præditas, ortas esse ostendit, post hæc eorum quæ sensu agitantur, originem commemorat. Causam dat; Idcirco natura convenienter quosdam quasi per gradus, ad id quod perfectum esset, progressa est. S, verò *Hier. tom. 9. in Regul. monach.* In creatione mundi, charitatem & unioem nobis commendat dicens: Quod omnes creaturæ DEO easdem creanti bonæ visæ sint, prout seorsim separatæ sunt; ubi tamen uno nexu inter se sibi subordinatæ sunt, visæ sunt valdè bonæ, juxta illud *Gen. 1. v. 31.* viditque DEus cuncta, quæ fecerat, & erant valdè bona. De quo valdè sic differit. Omne secundum Philosophos tantum habet bonitatis, quantum habet unitatis, in exordio verò mundi vidit DEus cuncta quæ fecerat, & erant valdè bona simul. Sic enim flores singuli habent odorem & colorem suum, colligati tamen in fasciculum, gratiam habent longè maiorem. Si ergo valdè bona vidit DEus quæ fecit, falsa est Manichæorum opinio, qui volunt molesta & nociva homini animalia à DEO creata non esse. Licet enim DEus creaverit serpenter, hic tamen neque Adamo neque Evæ nocere potuisset, nisi eidem curiosa Eva collocuta fuisset, & in peccatum prævaricationis consensisset, ut contra mandatum divinum comederet de fructu vetito, post peccatum enim homini creaturæ rebellarunt. Vidimus hoc factum cum *S. Macario Eremicolâ*, cui, uti ait *Pexensfelder p. 1. hist. 26.* parentes per vim sponfam dederunt, ipse verò die nuptiarum inter saltantium choros fugit, & Angelo duce Eremum petijt. Ingressus hic antrum lænam mortuam reperit, cujus binos catulos, ipse de-

DEUS
mundum
per gradus
creavit.

Creatura
seorsim sunt
bonæ, simul
sunt valdè
bona.

inde

S. Macario peccatis Leonis rebellant.

Peccatori creatura rebellant.

P. Anchietæ aves obediunt.

S. Xaverio Cancer crucem refert.

inde sollicitè educavit, qui cicures planè eidem blandiebantur, & licet adultiores jam essent, ipsi colludebant. Exaëto biennio dæmon sponsæ formam mentitus, primò Macario strophium, deinde etiam fœmineum gratiosum calceum objecit, quæ inventa dum ille miratur, & se circumspicit, videt saxo insidere puellam speciosam, quæ manantibus lachrymis quæstæ fuit se Macario desponsatam fuisse, cum verò intellexerit illum Eremum incolere, dixit, etiam se pari sancto ardere desiderio, sed modo desertam se esse, nec antrum habere, ubi à feris immunis foret. Misertus puellæ sponsæ eandem in cellam suam inducit, cibo reficit, & alloquio. Ubi persolutus vespertinis precibus Macarius quietem capere voluit, & non procul à puellâ decubisset, dæmon in Macario flammam suscitare, & libidinis faces accendere cœpit, quibus ubi incauit, atque jam in amplexus ruere tentavit Macarius, puella disparuit, atque dæmon illuisse visus est. Et ecce Leones, qui antè Macario subiecti erant, in illum insiliunt, usque dum pœnitentiæ seriè decretum fecit. Jejunavit ergò quadraginta diebus, quibus exactis ante casulæ suæ ostium terram egressit, factaque fossâ se in illâ usque ad humeros sepelivit, nec alio vixit nisi radicibus, quas circa fossam enatas, brachijs suis attingere potuit. In hactam durâ pœnitentiâ vixit triennio, victurus ulterius, nisi Christus ipse, qui illi apparuit, severitati modum ponere jussisset. Et tunc Leones qui à lascivo Macario rebelles recesserunt, rursus ad obsequium pœnitentis redierunt. Digna sunt ponderatione verba *Eccles. 39. v. 30.* Bona, bonis; creata sunt ab initio, sic nequissimis bona & mala. *Glossa* dicit: Omnia hominibus ante peccatum obediabant post peccatum verò, pugnant contra eum. *Hugo verò Cardinalis & Origenes* pari sensu sic loquuntur: Peccatori omnis creatura hostis est, iusto serviunt omnia. Ita vidimus nostro etiam sæculo, obediisse aves P. Josepho Anchietæ, quando in mari navigavit, & socio febricitantiumbram facere iussæ sunt. Tam denso enim agmine volabant, ut navem à Solis ardore inumbrarent, æstumque illius arcerent. Illi neque serpentes neque Tigrides nocuerunt, quando hos impundè manibus tractavit, illis ut se propius sisterent aspecturis mandavit, lenique manu blanditus eisdem benedixit. Taceo S. Xaverium cui ex mari Cancer crucifixum, qui incauto ex manibus elapsus fuerat, retulit. Eugubij lupum civibus mire infestum S. Franciscus Sera-
phicus

phicus cicuravit, cum quo pactum fecit, ut nullum Civium læderet, sed ipse vicissim à Civibus alimentum caperet. obedivit lupus, & toto quo vixit biennio, per urbem læso nemine ambulavit, cibumque domatim à Civibus accepit. Cives verò viso cicure lupo Deum laudarunt, & sancti Francisci sanctitatem venerati sunt. Pergit ulterius citatus *Origenes*. Hæc omnia sanctis in bona, sic & impijs & peccatoribus in mala. Sunt enim spiritus, qui ad vindictam creati sunt, & in furore suo confirmaverunt tormenta sua, in tempore consummationis effundent virtutem, & furorem, qui fecit eos placabunt. Ignis, grando, fames, & mors, omnia hæc ad vindictam Creatoris creata sunt. Bestiarum dentes, scorpij, & serpentes, & romphæa vindicans in externum impiorum. Expertus est hoc Abbas Pæmen vir religiosissimus, ad quem venit Agathonicus Præses cœnobij S. Sabæ, quem nocte appetente ubi prius cibo & alioquo recreavit, ad proximum spelæum duxit. Sæviebat interim atrox hyems, & hospes vix non frigore perijt. Alterâ die hospitem invisit Pæmen, cui ille quesitus est, quod vix non obriguerit. Subjunxit Pæmen Ego verò nihil frixi, quia Leo mecum accubuit, & me calefecit, enimverò ab hoc Leone discerpendus sum. Nam cum pastorem ovium agerem, vidi peregrinum à canibus invadi & discerpi, cui cum potuisssem, non succurri. Decretum ergo divinitus est, ut ego pari mortis genere occumbam, quod per eundem Leonem post triennium factum est, quando ab illâ sibi tam familiari bestia est dilaceratus. Quam verum est illud *Sap. 5. v. 18*. Armabit Creaturam ad ultionem inimicorum. Cum enim omnes creature fuerint instrumenta, quibus DEUS nobis benefecit; dum nos abutimur DEI bonitate, in furorem & pœnam vertentur. Quæres fortassis cum *Jeremia c. 47. v. 6*. O mucro Domini, usquequo non quiesces? Respondebo ego, usquequò peccatores non agent pœnitentiam? Vultis vos ut Dominus dicat: O mucro ingredi in vaginam, refrigerare, & sile. Volo ego, ut ad DEUM convertamini & pœnitentiam agatis. Ubi Macarius pœnitentiam egit, Leones rebelles eidem se stiterunt, & innoxij fuerunt. Unusquisque ergo nostrum ad pœnitentiæ lamenta confugiat, levemus corda nostra & manus ad DEUM, & mucro punientis vindictæ divinæ ingredietur in vaginam. Quemadmodum in vaginam reconditus est gladius ille Romæ in sævissimâ peste, quæ tempore S. Gregorij grassabatur.

S. Francis-
ciscus lu-
pum cicu-
rat.

Pæmen
Abbatem
Leo fami-
liaris lu-
cerat.

*Orante S.
Gregorio
Angelus
gladium
condit.*

batur, quando S. Pontifex ipso die Paschatis supplicationem instituit, in qua imaginem B. Virginis à S. Luca pictam solenniter circumferri curavit. Quacunque enim imago B. Virginis ferebatur; pestilentia vis infracta, & salubritas aeris est infecta. Ipsi vero de cælo angeli; Regina cæli canere auditi sunt, quod ubi cum Cle-
ro complevit S. Gregorius dicendo: Ora pro nobis DEum alleluja; visus est Angelus evaginaturn & cruentum condere gladium. Ponamus nos arma, & Deo amantissimo Creatori nostro non rebellemus. tunc nullam creaturam Deus armabit in ultionem peccatorum. Quare creaturæ omnes à DEO creatæ, bonæ fuerunt in se, sed per peccatum primorum parentum, factæ sunt malæ, id est nobis in prænam, nocivæ. Sicut terra, quæ principio sua sponte omnem fructum dedit, deinde in prænam peccati spinas & tribulos germinavit. Quanta ergo hæc DEI est bonitas, qui tantam creaturarum copiam; in solius hominis utilitatem condidit? quatenus ei vel cibum, vel vestitum, vel etiam delectationem parerent, ut sic homo conservaretur, & ad finem creationis suæ tenderet, nempe ut DEum laudaret, eidem serviret, & tandem salvus fieret. Quare si Creatoris abutimur, cogimus creaturas contra DEI ordinationem agere. Teste S. Tb. 1. 2. q. 79. art. 1. ad 2. qui tuetur creaturas & dicit, quod hæc non in malum & laqueum hominis creatæ sint, nisi fortè per suam insipientiam homo creaturis utatur ad aliud, quam ad quod factæ sunt. Sic in India factum est cum quodam saxo, quod Rex volebat pro altari suorum idolorum transferre, ut pro illorum sacrificijs deserviret, sed dum saxum moveri loco debuisset, loqui cæpit dicens: non movebitis me hinc, quia sacrificia vestra DEO creatori meo displicent: Ubi verò Rex eodem loco super illud sacrificari voluit, exclamavit saxum altius; jam dixi ista sacrificia displicere DEO creatori nostro, abeste hinc! Ptolomæus Rex Ægypti turrim elegantissimam ædificari mandavit, adeoque Sostrati ædili celeberrimo præcepit, ut eam sumptu planè regio educeret, ac tandem superbissimæ huic machinæ nomen regium inscriberet. Fecit hoc iustus Sostratus, sed nequiter, quia lapidi solido suum, crustæ verò super indatæ nomen regis inscripsit, quod deinde per cæli injurias abrasum, solius Sostrati nomen Spectantibus exhibuit. Fidelis DEus est; qui quando creavit cælum & terram, creaturis omnibus nomen suum inscripsit, ut propterea David Ps. 8. v. 10. dicat: Domine:

*Saxum e-
loquens.*

*Sostratus
nomen tur-
ri regie
solide in-
scribit.*

minac:

mine Dominus noster, quam admirabile est nomen tuum in universâ terrâ. An non S. Antonius multique Eremitæ Patres, libris alijs usi non sunt, sed cælum aliasque creaturas contemplati, ex earum consideratione in cognitionem sui Creatoris devenerunt. Adeo Sol & Luna, stellæ, cœlique sidera omnia à DEO nobis posita sunt in signa, ut ex his cognoscamus bonitatem DEI, qui omnia propter hominem creavit, ut eum ad consecutionem salutis juvarent. Quare par est, ut etiam nos diligamus DEum, confiteamur corde & ore, quia DEus est Creator omnium. S. Valerianus sponsus S. Cæciliæ à S. Urbano Pontifice baptismum petijt, pro quo Pontifex oravit, ut DEus oculos illius aperiret, quod DEus fecit; adfuit enim illi statim vir venerandus, cum libro in manu, quæ dedit ei ad legendum. Scriptum autem fuit, Unus DEus, una fides, unum baptismum. Unus Pater omnium, qui benedictus est in sæcula. Credis hoc? interrogavit S. Paulus, & ubi dixit Valerianus se omnino credere, disparuit Paulus, & Valerianus baptizatus est. Dicamus & nos, Unus est Creator omnium qui benedictus est in sæcula. Unus est Pater, qui creavit cælum & terram, & omnia quæ in eis sunt; Cui laus, honor, & gloria, in sæculorum sæcula. Amen.

*Creatura
liber sunt
qui Deus
refert.*

*S. Valerianus
sponsus
S. Cæciliæ
à S. Urbano
Pontifice
baptizatus
est.*



CAP. SECUNDUM

PUNCTUM II.

Quod necessitate mediij credi debet.

DISCURSUS II.

DEUS est gubernator omnium.

*DEus om-
nia guber-
nat.*

In Hucidides l. 4. asserit multos ex antiquis Imperatoribus, quidquid prospere egissent fortunæ attribuisse, cuius arbitrio, hæc omnia regi credebant. Nectantum Gentiles, verum etiam veri DEI cultores ad hanc devenerunt vesaniam. Ut merito Isaias c. 65. v. 11. questus sit de populo Israelitico : Et vos, qui dereliquistis Dominum, qui obliti estis montem sanctum meum, qui ponitis fortunæ mensam, & libatis super eam. Quæ verba *Glossa* explicat : Omnes qui Ecclesiam deserunt, tradentes se spiritibus erroris, & doctrinis dæmoniorum, parant fortunæ mensam, nihil ad DEum pertinere credentes. Quod expressè divina scripturæ repugnat, quæ clarè *Eccles. 11. v. 14.* dicit : Bona & mala, vita & mors, paupertas & honestas à DEO sunt. Adeoque athei acriter à Davide perstringuntur *Pf. 74. v. 5.* Dixi iniquis, nolite iniquè agere, & delinquentibus, nolite exaltare in altum cornu vestrum ; nolite loqui adversus DEum iniquitatem. Causam subjungit : Quia neque ab Oriente, neque ab Occidente, neque à desertis montibus, quoniam DEUS iudex est. Hunc humiliat, & hunc exaltat. Explicat *Agelius* mentem Davidis sic : Ne putetis hæc mala adversosque casus, aut è contrario bona commodaque casu aut temerè, & nullâ

*Fortuna
est fabula.*

vi intelligente contingere, ideoque licere vobis sine ullo metu securè delinquere, quasi hæc ab Oriente & occidente, ab Aquilone, hoc est fatis cœlestibusque causis pendeant, cum DEus ipse sit iudex, & æquissimo iudicio pro merito cuique tribuat. Quare S. Paulus 1. ad Cor. 4. v. 7. Quid habes inquit, quod non accepisti? si autem accepisti quid gloriaris? quasi non acceperis? Quæ verba Pauli *Cajetanus* expendens ait: Quamvis nec affectu, nec verbo sentiat se non accepisse sapientiam à DEO, facto tamen gloriationis, illam non refert in auctorem, dum non quærit gloriam relativè ad DEum, sicut habet in veritate sapientiam relativè ad DEum. Recordemur obsecro illius angelici Cantus, Luc. 2. v. 14. Gloria in altissimis DEO, & in terrâ pax hominibus bonæ voluntatis. Quæ verba explicat S. Bern. *serm. 13. in Cant.* Ita quæso, ita sit gloria in excelsis DEO, & in terrâ pax hominibus bonæ voluntatis. At vero subdit S. Bern. non bonæ fed planè iniquæ voluntatis est, qui nequam pace contentus, superbo oculo, & insatiabili corde inquietus ambulat ad gloriam DEI, nec pacem proindè retinens, nec gloriam apprehendens. Unde Ecclesia Dom. 7. post. Pentec. debitâ cum submissione DEO se submittere precatur: DEus, cujus providentiâ in sui dispositione non fallitur, te supplices exoramus, ut noxia cuncta submoveas, & omnia nobis profutura concedas. Mirabile videri posset illud *Cant. 7. v. 7.* statura tuâ assimilata est palmæ, sed pulchrè explanat S. Ambr. 1. 3. *Hexam. c. 3.* Videas palmam, quæ dactylos generat, inclinantem ramos suos & subjicientem ei arbori, quam marem arborem appellant. Sciendum enim est, quod naturalistæ inter palmas conjugij speciem referant, in his scæmella dactylos nullos producet, nisi propè ob oculos habeat palmam marem, ad cuius præsentiam, uti dicit S. Ambrosius, dum dactylos generat, inclinat ramos suos, & illi subjicit. Quod ergo divinus Sponsus dicat, statura tua assimilata est palmæ, est idem, ac eam comminere, ut palmæ instar omnes fructus suos cœlesti Sponso submittat. Omnis enim anima, DEO tanquam fonti originali, à cuius providentiâ omnia accepit, referre debet. Hinc speciali DEI providentiâ factum est, ut homo in paradyso conditus, ab arboribus & earum fructibus vitæ sustentationem caperet, non verò ex se ipso (quod DEus facile facere poterat) sustentaretur. Vult enim Dominus inquit Nyss. in *polit. celi p. 1. l. 7. c. 5.* ut omnibus modis ipsum, cau-

DEO de-
tur gloria
tunc nobis
pax ma-
nebit.

Palma
fructus
suos ma-
ri subji-
cit.

Homo in
paradyso
cur fructi-
bus nutri-
tus fuisset.

san & authorem omnium agnoscamus. Alit verò DEus amabilem
 suam providentiam commendaret *Mat. 6. v. 28.* ad lilia agri nos re-
 mittit. Considerate inquit lilia agri quomodo crescant, neque la-
 borant, neque nent. Dico autem vobis, quoniam nec Salomon
 in omnia gloriâ suâ coopertus est, sicut unum ex istis. Nativam
 scilicet liliorum vestem, comparat cum eâ, quæ erat artis in lilijis,
 quibus aspersa erat vestis Salomonis, quæ etsi niteret auro, micaret
 gemis, floreret lilijis opère phrygio intertextis, cedebat tamen na-
 tivæ liliorum vesti atque candori. Quia hæc erat à naturâ, illa ab
 arte. Quod si ergo rosas, lilia, & reliquos flores sic vestit, & or-
 nat DEus, quanta erit cura DEO de homine? cui indita est anima
 rationalis, quæ Christi Sanguine est redempta? quæ illius sanguine
 purpuratur & ornatur in baptismo? quæ DEI perpetuæque beati-
 tudinis capax est? Hinc S. Catharinæ Senensi DEus promissit: *Filia*
cogita de me, & ego cogitabo de te; firmabo super te oculos meos.
Experti sunt hanc DEI providentiam duo ex S. Dominici familiâ
religiosi, quos D. Dominicus ad prædicandum misit, qui cum totâ
die pagos & vicos obijissent, neque ab ullo hominum hospicio exce-
pti fuissent, sub vespere mæsti in cespite confederunt. Cum ecce
adfuit illis vir procera staturæ, qui illorum diffidentiam arguit,
eosque ad vicinum pagum abire jussit, ubi dum templum ingrediun-
tur & orant, illos parochus ad domum suam invitat. Dum ergo si-
mul pergunt, præclarus illis miles obviat, qui eosdem ad se pertra-
here nititur. Dum pia hæc pro hospitalitate controversia durat. To-
parcha loci Dominus supervenit, & utrique Religiosos eripit, atque
cum Parocho & Milite secum ad arcem suam perduxit, ibique ho-
spitio liberali excepit. Sic S. Francisci binos Socios famelicos An-
gelus pane refecit. Ibant aliquando duo ex ordine fratres, sed fa-
me penè defecerunt in viâ. Hi dum inter se queruntur de necessitate
suâ, & pusillanimes in viâ procedunt, fit illis obviu juvenis, qui
causam tristitiæ postulavit? respondent illi Christi promissionem non
stare; Inediâ enim, inquit illi, perimus. Audiit hoc juvenis,
& tantisper eos in viridi cespite confidere jussit, ac abiit. Paulo
post tamen redijt, & panes attulit recentissimos optimique saporis.
Simul autem monuit, ut memores essent viatici à S. Francisco dati.
Facta cogitatum tuum in Domino, & ipse te enutriet; quod ubi di-
xit, cranxit. Quid quod DEus ipsos etiam divites cogat, ut pro-
videntur

S. Cathar.
Sen. DEus
suam pro-
videntiam
promittit.

Providet
DEus re-
ligiosus S.
Dominici.

S. Fran-
cisci reli-
giosos an-
gelus pane
refecit.

videntiæ divinæ ministri, servis suis provideant. Frontonius Alexandriæ Abbas, septuaginta secum in eremum traxit fratres, ubi cum omni auxilio humano destituti fuissent, murmurantes adversus Abbatem relictâ Eremo redire volebant. Sed adfuit angelus qui opulentum hominem à somno excitavit, & monuit, ut S. Frontonio & socijs necessario alimento, subveniret. Surgit ergo de lecto, & de S. Frontonij Eremo, quæ indè quatuor milliaribus aberat, inquit; quia verò neque à suis domesticis, neque alijs vicinis, quidquam de S. Frontonio rescire potuit, rursus se alterâ nocte ad quietem componit. Cum ecce rursus adest angelus, & non tantum monet, sed etiam flagris morosum cædit, adeo ut relictæ vibices, universæ familiæ, non somnii sed voluntatis divinæ fuerint argumentum. Quare aliquis de familiâ suâ sit, ut septuaginta duos quos habuit Camelos, partim cibarijs, partim pabulo pro animalibus instrueret, futurum, ut qui cibum petit, etiam Camelos cum pane & cibarijs deducat. Onerantur ergo Cameli & apertâ portâ in viam quâ lubet emittuntur. Præit primus cum tintinabulo, & rectâ ad Eremum abit. Dum hic in Eremo fratres orant, audivit Abbas, uti & Janitor tintinabuli sonum, apertâque porta vident camelos, sed neminem hominum. Vocantur ergo fratres, qui camelos exonerant, & à viâ lassos reficiunt. Alterâ verò die, super suâ dimidiâ annonâ rursus onerant, & camelos cum benedictione dimittunt. Expectabat interim herus camelos suos per dies aliquot, & inæstus rei exitum præstolabatur, cum ecce repente adfunt cameli omnes, corpore vegeto & robusto, quos ubi cum remissâ dimidiâ annonâ exonerarunt famuli, tunc eni invérò, omnes simul laudaverunt Dominum, & ejus providentiam deprædicarunt. Ipse verò Dominus anniversarium illum diem in futurum decrevit, quo S. Frontonio annuatim annonam in Eremum misit, & suos Camelos semper felicissimè recepit. En quam verum est illud Psal. 54. 23. Jasta super Dominum curam tuam, & ipse te enutriet. Experientiâ felici hoc didicit Eremita ille, de quo *St. gelius* p. 1. c. 18. §. 2. cui cum panis defecisset, & ipse ad civitatem abire vellet, ut sibi panes compararet, in viâ obvium habuit militem, qui cum ad cellam suam redire jussit, in cujus portâ oorbem reperit cum recentibus uvis & ficibus atque pane, undè duobus mensibus vixit. Patuit hæc DEI providentiâ singulariter in populo hæbræorum, quem in manu forti eduxit DEUS ex Ægypto,

*Divites
sunt divi-
ne provi-
dentiæ mi-
nistri.*

*S. Fronto-
nium cum
suis alit
DEUS.*

*Cameli f-
ne via du-
ce ciba-
ria defe-
runt.*

*Eremita
DEUS pro-
videt de-
pane.*

& in

*P. Canisio
DEus a-
viculam
mittit.*

*Fraga
DEus mi-
sit egro.*

*Eliam pas-
cit DEus
per corvos.*

*Serpentes
sacerdotes
amant.*

ad honestam corporis refocillationem serviunt, DEI amantissima providentia procurat. P. Petrus Canisius S. I. stomachi nausæa laborans, sæpius ab infirmario interrogatus, quid tandem appeteret? dixit se aviculam quandam, quam nominavit appetere, quam cum obsenator curiosè indagans non invenisset. circa vespertum ipsa avicula in cubiculum per fenestram involans se stitit, seque ut in cibum veniret capi passâ est. Etiam ad delicias vel cupedias servit bonus DEus. Ægrotabat agricola & terra nivibus cooperta rigebat, cum ægrum invalidi cupido comedendi fraga, & hem inter candidas nives, in solatium pii agricolæ reperta sunt purpurascere fraga, quæ infirmo ingenti cum solatio animi exhibita fuerunt. An non verum est, quod providus DEus escam det omnibus in tempore? Certè magnum hujus providentiæ habemus argumentum in Eliâ, cui DEUS 3. Reg. 17. v. 3. Recede hinc, & vade contra Orientem, & abscondere in torrente Carith. Quis vero tibi victum præstabit? Audite DEum; præcepi corvis, ut pascant te ibi. Quid agis Domine? ovem lupo commisisti? panem aut carnem corvo? Non ait DEUS. Præcepi! Ne timeas! non violabunt verbum meum. Ubi verò potus? Ibi de torrente bibes. Sed sititrens exsiccentur? Vade in Sareptha Sidoniorum. Præcepi tibi mulieri viduæ, ut pascat: S. Chrysostomus hom. 1. in Eliam putat DEum de nocte Eliæ formam & figuram viduæ monstrasse. Prævenit inquit eum DEUS, & ei Prophetam ostendit. Usque adeo sollicitè DEUS suis providet! Fuit sacerdos, qui in montibus peregrinus, nivium ac ventorum necessitate adactus, in vallem profundiorē defiliit, in quâ muscosam rupem reperit, in quam se recepit; cum verò viam inde elutandam non reperisset, neque ad vitam sustentandam ullâ media suppetere, quasi moriturus se composuit. Dum sic sub vespertum quiescit, videt complures per nives serpentes adrepere, qui in illâ speluncâ lapidem quendam lambebant, & iterum ad suas foveas revertebantur. Hoc ternis noctibus ab illis intactus vidit, tandem & ipse accessit & linxit, atque inter lingendum, ita sibi vires restitui sensit, quasi cibo refectus fuisset. Totâ hyeme sic se sustentavit, usque dum solutis in vere nivibus, viam invenit, & incolumis evasit. Benè omnino S. Ambrosius indecorum est homines curare de cibo, qui militant regno, regno utique cælesti, cuius uti Rex est DEUS, sic & ejus familia, mundus. Cujus proinde est providere, quomo-

quomodo cum pascat, alat, vestiât. Præstitit hoc DEus abundanter in populo Israëlítico ex Ægypto egresso. Erant in illis facile vigesies centena millia hominum, præter equos, boves, aliaque animalia, quos omnes in deserto sterili, copiosè DEus aluit, & insuper eorum vestes curavit. Imo effecit, ut illæ cum pueris sensim æqualiter crescerent, nec passus est vel calceos deteri in tam longinquâ peregrinatione. In hoc deserto cum siti premeretur, eaque penè enecaretur populus, jubetur Moyses virgâ percutere petram, & ecce de petra copiosa fluxit aqua. Nec satis erat illis aperuisse fontem, panem dedit illis, angelorum copsectum manibus, quando illis de cælo copiosè manna pluit. Cum verò etiam manna nausearet populus, volucres de cælo dedit, nempe coturnices, quæ in medio castrorum Israël deciderunt. ut famem levarent. Neque nostra tempora carent tam benignâ DEI providentiâ. In Hiberniâ *Peregrinâ* rupes est S. Michaelis, ad cuius ædem sacram multi confluunt peregrini, ut verò providus DEus illis prospiciat, ingens ibidem reperitur copia avium, quæ teste Saliano cubito uno aut altero à terrâ circumvolant sic, ut à peregrinis facillè omnino capi queant, & in escam parari. Mirabilis est quod Petra Sancta refert de freto illo, quod inter Hispaniam & Hiberniam est, ubi tanta copia est Salmonum, ut licet plurimis peregrinis serviant in cibum, nunquam tamen deficient. Hi ut semper recentes, hospitibus adsint, DEus non patitur, ut illos incolæ fumare aut salire valeant, scatent enim quam primum vermibus. Capti verò recentes, si in diem alterum serventur, emoriuntur & putrescunt, ut sic evidentius habeatur divinæ providentiæ argumentum. Quin sic jubente & providente Deo, ultro constitit piscis Lucæ Juniori cognomento Thaumaturgo, ad quem cum Româ venissent duo monachi; nihil verò is haberet in cellâ, quod gratissimis apponeret hospitibus, in littore confidentes mutuis interim se sermonibus occuparunt. Ubi dum suam paupertatem excusât Lucas, ex mari ingens piscis exiit, & pinnis velut alis in ærem sublatus, ad illos quasi advolans, ante pedes eorum constitit eosque ad opportunum epulum invitavit. Sic ad Alferium Abbatem venerunt hospites septem, in penu autem non erant nisi ova quinque. Penuria hæc Abbatem sollicitum tenuit, adeoque Deo supplex factus obtinuit, ut ex quinque ovibus septem fierent, quibus hospites suos tractavit. Merito dicit David Ps. 33. v. 16. Oculi Do-

Peregrinâ
DEus aves mini-
strat in Hiberniâ.

Salmones
DEus peregrinis
providet.

ultro sistit
in cibum
Lucæ monacho.

Hospitibus
DEus ova
multiplicat.

*Orante S.
Gregorio
Angelus
gladium
condit.*

batur, quando S. Pontifex ipso die Paschatis supplicationem instituit, in qua imaginem B. Virginis à S. Luca pictam solenniter circumferri curavit. Quacunque enim imago B. Virginis ferebatur, pestilentiae vis infracta, & salubritas aëris est infecuta. Ipsi vero de caelo angeli; Regina caeli canere auditi sunt, quod ubi cum Clero complevit S. Gregorius dicendo: Ora pro nobis DEum alleluja, visus est Angelus evaginaturn & cruentum condere gladium. Ponas nos arma, & Deo amantissimo Creatori nostro non rebellemus. tunc nullam creaturam Deus armabit in ultionem peccatorum. Quare creaturae omnes à DEO creatae, bonae fuerunt in se, sed per peccatum primorum parentum, factae sunt malae, id est nobis in poenam, nocivae. Sicut terra, quae principio sua sponte omnem fructum dedit, deinde in poenam peccati spinas & tribulos germinavit. Quanta ergo haec DEI est bonitas, qui tantam creaturarum copiam, in solius hominis utilitatem condidit? quatenus si vel cibum, vel vestitum, vel etiam delectationem parerent, ut sic homo conservaretur, & ad finem creationis suae tenderet, nempe ut DEum laudaret, eidem serviret, & tandem salvus fieret. Quare si Creaturis abutimur, cogimus creaturas contra DEI ordinationem agere. Teste S. Tb. 1. 2. q. 79. art. 1. ad 2. qui tuetur creaturas & dicit, quod haec non in malum & laqueum hominis creatae sint, nisi forte per suam insipientiam homo creaturis utatur ad aliud, quam ad quod factae sunt. Sic in India factum est cum quodam faxis, quod Rex volebat pro altari suorum idolorum transferre, ut pro illorum sacrificijs deserviret, sed dum saxum moveri loco debuisset, loqui coepit dicens: non movebitis me hinc, quia sacrificia vestra DEO creatori meo displicent: Ubi vero Rex eodem loco super illud sacrificari voluit, exclamavit saxum altius; jam dixi ista sacrificia displicere DEO creatori nostro, abeste hinc! Ptolomaeus Rex Aegypti turrim elegantissimam aedificari mandavit, adeoque Sostrati aedili celeberrimo praecipit, ut eam sumptu plane regio educeret; ac tandem superbissimae huic machinae nomen regium inscriberet. Fecit hoc iustus Sostratus, sed nequiter, quia lapidi solido suum, crusta vero super indurata nomen regis inscripsit, quod deinde per caeli injurias abrasum, solius Sostrati nomen Spectantibus exhibuit. Fidelis DEus est, qui quando creavit caelum & terram, creaturis omnibus nomen suum inscripsit, ut propterea David Ps. 8. v. 10. dicat: Domine:

Saxum eloquens.

*Sostratus
nomen turri
regiae
solide inscribit.*

miac:

mine Dominus noster, quam admirabile est nomen tuum in universâ terrâ. An non S. Antonius multique Eremitæ Patres, libris alijs usi non sunt, sed cælum aliasque creaturas contemplati, ex earum consideratione in cognitionem sui Creatoris devenerunt. Adeo Sol & Luna, stellæ, cœlique sidera omnia à DEO nobis posita sunt in signa, ut ex his cognoscamus bonitatem DEI, qui omnia propter hominem creavit, ut eum ad consecutionem salutis juvarent. Quare par est, ut etiam nos diligamus DEUM, confiteamur corde & ore, quia DEUS est Creator omnium. S. Valerianus sponsus S. Cæcilie à S. Urbano Pontifice baptismum petijt, pro quo Pontifex oravit, ut DEUS oculos illius aperiret, quod DEUS fecit; adfuit enim illi statim vir venerandus, cum libro in manu, quæ dedit ei ad legendum. Scriptum autem fuit, Unus DEUS, una fides, unum baptisma. Unus Pater omnium, qui benedictus est in sæcula. Credis hoc? interrogavit S. Paulus, & ubi dixit Valerianus se omnino credere, disparuit Paulus, & Valerianus baptizatus est. Dicamus & nos, Unus est Creator omnium qui benedictus est in sæcula. Unus est Pater, qui creavit cælum & terram, & omnia quæ in eis sunt; Cui laus, honor, & gloria, in sæculorum sæcula. Amen.

*Creatura
liber sunt
qui Deum
refert.*

*S. Vale-
rianus con-
fessus à S.
Paulo,
quod sit
unus Deus.*





CAP. SECUNDUM

PUNCTUM II.

Quod necessitate mediij credi debet.

DISCURSUS II.

DEUS est gubernator omnium.

DEUS omnia gubernet.

THucidides l. 4. asserit multos ex antiquis Imperatoribus, quidquid prosperè egissent fortunæ attribuisse, cujus arbitrio, hæc omnia regi credebant. Nectantum Gentiles, verum etiam veri DEI cultores ad hanc devenerunt vesaniam. Ut merito Isaias c. 65. v. 11. questus sit de populo Israelitico: Et vos, qui dereliquistis Dominum, qui obliti estis montem sanctum meum, qui ponitis fortunæ mensam, & libatis super eam. Quæ verba *Glossa* explicat: Omnes qui Ecclesiam deserunt, tradentes se spiritibus erroris, & doctrinis dæmoniorum, parant fortunæ mensam, nihil ad DEum pertinere credentes. Quod expressè divinæ scripturæ repugnat, quæ clarè *Eccles. 11. v. 14.* dicit: Bona & mala, vita & mors, paupertas & honestas à DEO sunt. Adeoque athei acriter à Davide perstringuntur *Ps. 74. v. 5.* Dixi iniquis, nolite iniquè agere, & delinquentibus, nolite exaltare in altum cornu vestrum; nolite loqui adversus DEum iniquitatem. Causam subjungit: Quia neque ab Oriente, neque ab Occidente, neque à desertis montibus, quoniam DEUS iudex est. Hunc humiliat, & hunc exaltat. Explicat *Agelius* mentem Davidis sic: Ne putetis hæc mala adversosque casus, aut è contrario bona commodaque casu aut temerè, & nullâ

Fortuna est fabula.

vi intelligente contingere, ideoque licere vobis sine ullo metu securè delinquere, quasi hæc ab Oriente & occidente, ab Aquilone, hoc est fatis cælestibusque causis pendeant, cum DEus ipse sit iudex, & æquissimo iudicio pro merito cuique tribuat. Quare S. Paulus 1. ad Cor. 4. v. 7. Quid habes inquit, quod non accepisti? si autem accepisti quid gloriaris? quasi non acceperis? Quæ verba Pauli Cajetanus expendens ait: Quamvis nec affectu, nec verbo sentiat se non accepisse sapientiam à DEO, facto tamen gloriationis, illam non refert in authorem, dum non quærit gloriam relativè ad DEum, sicut habet in veritate sapientiam relativè ad DEum. Recordemur obsecro illius angelici Cantus, Luc. 2. v. 14. Gloria in altissimis DEO, & in terrâ pax hominibus bonæ voluntatis. Quæ verba explicat S. Bern. serm. 13. in Cant. Ita quæso, ita sit gloria in excelsis DEO, & in terrâ pax hominibus bonæ voluntatis. At vero subdit S. Bern. non bonæ sed planè iniquæ voluntatis est, qui nequam pace contentus, superbo oculo, & insatiabili corde inquietus ambulat ad gloriam DEI, nec pacem proindè retinens, nec gloriam apprehendens. Unde Ecclesia Dom. 7. post. Pentec. debitâ cum submissione DEO se submittens precatur: DEus, cujus providentiâ in sui dispositione non fallitur, te supplices exoramus, ut noxia cunctâ submoveas, & omnia nobis profutura concedas. Mirabile videri posset illud Cant. 7. v. 7. statura tuâ assimilata est palmæ, sed pulchrè explanat S. Ambr. l. 3. Hexam. c. 3. Videas palmam, quæ dactylos generat, inclinantem ramos suos & subjicientem ei arbori, quam marem arborem appellant. Sciendum enim est, quod naturalistæ inter palmas conjugij speciem referant, in his fœmella dactylos nullos producet, nisi propè ob oculos habeat palmam marem, ad cujus præsentiam, uti dicit S. Ambrosius, dum dactylos generat, inclinat ramos suos, & illi subjicit. Quod ergo divinus Sponsus dicat, statura tua assimilata est palmæ, est idem, ac eam comminere, ut palmæ instar omnes fructus suos cælesti Sponso submittat. Omnis enim anima, DEO tanquam fonti originali, à cujus providentiâ omnia accepit, referre debet. Hinc speciali DEI providentiâ factum est, ut homo in paradyso conditus, ab arboribus & earum fructibus vitæ sustentationem caperet, non verò ex se ipso (quod DEus faciliè facere poterat) sustentaretur. Vult enim Dominus inquit Nyss. in polit. cælip. 1. l. 7. c. 5. ut omnibus modis ipsum, cau-

DEO datur gloria
tunc nobis
pax manebit.

Palma
fructus
suos mari
subjicit.

Homo in
paradyso
car fructibus
nutritus fuisse.

fain & authorem omnium agnoscamus. Ut verò DEus amabilem suam providentiam commendaret *Mat. 6. v. 28.* ad lilia agri nos remittit. Considerate inquit lilia agri quomodo crescant, neque laborant, neque nent. Dico autem vobis, quoniam nec Salomon in omnia gloria sua coopertus est, sicut unum ex istis. Nativam scilicet liliorum vestem, comparat cum eâ, quæ erat artis in lilijs, quibus aspersa erat vestis Salomonis, quæ etsi niteret auro, inicaret gemis, floreret lilijs opère phrygio intertextis, cedebat tamen nativæ liliorum vesti atque candori. Quia hæc erat à naturâ, illa ab arte. Quod si ergo rosas, lilia, & reliquos flores sic vestit, & ornat DEus, quanta erit cura DEO de homine? cui indita est anima rationalis, quæ Christi sanguine est redempta? quæ illius sanguine purpuratur & ornatur in baptismo? quæ DEI perpetuæque beatitudinis capax est? Hinc S. Catharinæ Senensi DEus promissit: *Filia cogita de me, & ego cogitabo de te; firmabo super te oculos meos.* Experti sunt hanc DEI providentiam duo ex S. Dominici familiâ religiosi, quos D. Dominicus ad prædicandum misit, qui cum totâ die pagos & vicos obissent, neque ab ullo hominum hospitio excepti fuissent, sub vespere in cæsti in cespite confederunt. Cum ecce adfuit illis vir procera staturæ, qui illorum diffidentiam arguit, eosque ad vicinum pagum abire jussit, ubi dum templum ingrediuntur & orant, illos parochus ad domum suam invitat. Dum ergo simul pergunt, præclarus illis miles obviat, qui eisdem ad se pertrahere nititur. Dum pia hæc pro hospitalitate controversia durat. Toparcha loci Dominus supervenit, & utrique Religiosos eripit, atque cum Parocho & Milite secum ad arcem suam perduxit, ibique hospitio liberali excepit. Sic S. Francisci binos Socios famelicos Angelus pane refecit. Ibant aliquando duo ex ordine fratres, sed fame penè defecerunt in viâ. Hi dum inter se queruntur de necessitate suâ, & pusillanimes in viâ procedunt, sitillis obviis juvenis, qui causam tristitiæ postulavit: respondent illi Christi promissionem non stare; Inediâ enim, inquit illi, perimus. Audijt hoc juvenis, & tantisper eos in viridi cespite confidere jussit, ac abiit. Paulo post tamen redijt, & panes attulit recentissimos optimique saporis. Simul autem monuit, ut memores essent viatici à S. Francisco dati. Jacta cogitatum tuum in Domino, & ipse te enutriet; quod ubi dixit, evanuit. Quid quod DEus ipsos etiam divites cogat, ut pro-

videntur

S. Cathar.
Sen. DEus
suam pro-
videntiam
promittit.

Providet
DEus re-
ligiosos S.
Dominici.

S. Fran-
cisci reli-
giosos an-
gelus pane
refecit.

videntiæ divinæ ministri, servis suis provideant. Frontonius Alexandriæ Abbas, septuaginta secum in eremum traxit fratres, ubi cum omni auxilio humano destituti fuissent, murmurantes adversus Abbatem relicta Eremita redire volebant. Sed adfuit angelus qui opulentum hominem à somno excitavit, & monuit, ut S. Frontonio & socijs necessario alimento, subveniret. Surgit ergo de lecto, & de S. Frontonij Eremita, quæ inde quatuor milliariibus aberat, inquit; quia verò neque à suis domesticis, neque alijs vicinis, quidquam de S. Frontonio rescire potuit, rursus se alterâ nocte ad quietem componit. Cum ecce rursus adest angelus, & non tantum monet, sed etiam flagris morosum cædit, adeo ut relictae vibices, universæ familiariae, non somni sed voluntatis divinæ fuerint argumentum. Quare aliquis de familiâ suasit, ut septuaginta duos quos habuit Camelos, partim cibarijs, partim pabulo pro animalibus instrueret, futurum, ut qui cibum petit, etiam Camelos cum pane & cibarijs deducat. Onerantur ergo Cameli & aperta portâ in viam quâ lubet emittuntur. Præit primus cum tintinabulo, & rectâ ad Eremitam abit. Dum hic in Eremita fratres orant, audit Abbas, uti & Janitor tintinabuli sonum, apertaque porta vident camelos, sed neminem hominum. Vocantur ergo fratres, qui camelos exonerant, & à viâ lassos reficiunt. Alterâ verò die, superflua dimidiâ annonâ rursus onerant, & camelos cum benedictione dimittunt. Expectabat interim herus camelos suos per dies aliquot, & moestus rei exitum præstolabatur, cum ecce repente adfuit cameli omnes, corpore vegeto & robusto, quos ubi cum remissa dimidiâ annonâ exonerarunt famuli, tunc eni verò, omnes simul laudaverunt Dominum, & ejus providentiam deprecâtarunt. Ipse verò Dominus anniversarium illum diem in futurum decrevit, quo S. Frontonio annuatim annonam in Eremitam misit, & suos Camelos semper felicissimè recepit. En quam verum est illud *Psal. 54. 23.* Iacta super Dominum curam tuam, & ipse te nutrit. Experienciâ felici hoc didicit Eremita ille, de quo *St. angelus p. 1. c. 18. §. 2.* cui cum panis defecisset, & ipse ad civitatem abire vellet, ut sibi panes compararet, in viâ obvium habuit militem, qui cum ad cellam suam redire jussit, in cujus portâ oorbem reperit cum recentibus uvis & ficibus atque pane, undè duobus mensibus vixit. Patuit hæc DEI providentiâ singulariter in populo hæbraorum, quem in manu forti eduxit DEUS ex Ægypto, & in

*Divites
sunt divi-
ne provi-
dentiæ mi-
nistri.*

*S. Fronto-
nium cum
suis alit
DEUS.*

*Cameli fi-
ne via du-
ce ciba-
ria dese-
runt.*

*Eremita
DEUS præ-
videt de
pane.*

Capra in-
fantem
derelictum
nutrit.

Ruminus
DEUS
mammens.

S. Cajeta-
nin DE-
um fiducia.

& in horridâ solitudine per annos quadraginta mirabiliter educavit. Et hinc varijs pientissimæ confidentiæ nominibus olim appellatus fuit DEUS, inter quæ fuit hoc nomen Sadai, quod est mamma seu mammeus, eò quod DEUS sit homini, quod est mamma infanti. Sic cum Belisarius agrum Picenum contra Gallos tueretur, ingens terror invasit loci illius incolas, ut ait Baronius circa an. 527. quare dum in oppido quopiam fugâ dilabuntur homines, mulierquæ filium peperit, & pannis involuit, oblita infantis sui, profugit. Vagientis infantis miserta est capra, quæ & ipsa recenter partum suum effuderat, hæc enim penes capreolum suum, infantem lactavit, & contra canes aliaque animalia puerum defendit. Post dies pauculos ubi loci Cives redierunt, adfuerunt scæminæ aliquæ, quæ infantem à terrâ elevarunt. Inter has dum alia ubera porrigit, alia sinu & oculis puero blanditur, humanum lac omne puer renuit, usque dum capra advenit, quæ cum balatu suo ostenderet ægrè se habere, quod mulieris puerum sibi acceperint, ad locum, undè illum levarunt, deposuerunt, atque dum modicum recedunt, statim capra ubera sua puero applicat, eumque lactat. Quod ubi viderunt mulieres puerum à caprâ nutriri passæ sunt. Quam verum est illud S. Chrysostomi, cum humana spem omnem negant, tunc divina dispensatio clarius fulget. Unde S. Aug. l. 4. de Civ. DEI c. 11. refert fabulam de Rumino DEO naturæ, quem Gentiles sic depinxerunt. Fiaxerunt illum in formâ humanâ, sed ubique repletum uberibus, ita ut à capite usque ad calcem redundaret mammis, à quibus pendebant Leones, ursi, Tigrides, oves, vituli, hominem tamen ex speciali affectu inter brachiorum amplexus fovebat. Quare non sine causâ dixit Isaias c. 66. v. 11. Replemini ab ubere consolationis ejus, ut mulgeatis & delicijs affluatis ab omnimodâ gloriâ ejus. Ab hoc ubere divinæ providentiæ totus pendit S. Cajetanus Theatinorum Fundator, qui ubi Venetijs sui Ordinis jecit fundamenta, in summâ rerum inopiâ, vixit tamen liberaliter. Cum verò indè cogitaret Coloniam sui ordinis Neapolim ducere, ab amico monitus fuit: non eadem locorum omnium esse ingenia; respondit is pulchrè monenti, velle se experiri an alius DEUS esset Venetijs, & alius Neapoli? an non, & hic & ibi fidem suam servaret, quam liliorum & volucrum fidelijussione confirmavit. Dixit, & ordinis sui incrementa feliciter auxit. Hanc ego Evangelicam fidei jussione dum expendo,

pendo, obferuo Chriftum dicti fui gratiofam dediffe rationem *Mat. 6. v. 36.* Scit enim Pater vester, quia his omnibus indigetis. Atque hinc nihil videtur aliud cogitare, & quasi rerum omnium oblitus eſſet, totam curam in hominem transfundere. *Exodi 3. v. 6.* manifeſtat ſe DEus Moyſi in rubo dicens: Ego ſum DEus Patris tui, DEus Abraham, DEus Iſaac, & DEus Jacob. Aliqui putant cum S. Baſilio, hic repeti hoc verbum DEus, ad docendum myſterium SS. Trinitatis. Cornelius tamen à Lapide, in hunc locum ait, ut oſtendat inquit, quantum ſingulorum habeat curam, quod ſcilicet ſingulorum ſit DEus, id eſt proviſor & benefactor. Confirmat hoc S. Th. p. 1. q. 13. art. 8. dicens: Hoc nomen DEus, eſt nomen operationis, imponitur enim ab univerſali rerum providentiâ. Cum ergo dixit: Ego ſum DEus Abraham, DEus Iſaac, DEus Jacob idem eſt, ac ſi dixiſſet: tantam habeo cujuſque curam, & providentiâ, ac ſi illius ſolius DEus eſſem, & totus ipſius. Sic enim explicat illa verba Exodi Origenes. Significabat ſe ſingulorum eſſe totum. Intelligo jam illud *Cant. 2. v. 16.* Dilectus meus mihi, quod Pagninus ex hæbreo legit. Dilectus meus, eſt meus. Merito S. Bern. *ſerm. 68. in Cant.* hunc modum loquendi miratur: Inſolens inquit verbum, Dilectus meus eſt meus. Pulchrè tamen ſic explicat: Quia mihi intendit. Audiamus proinde S. Petrum *1. Petr. v. 7.* Omnem ſollicitudinem veſtram projicientes in eum, quoniam ipſi cura eſt de nobis. Merito profeſſo ſibi David in hac DEI providentiâ complacet & dicit: *Pſal. 39. verſ. 18.* Dominus ſollicitus eſt mei. Goriatur etiam S. Paulus ad *Galat. 3. v. 20.* Qui dilexit me, & tradidit ſemetiſum pro me. Fatetur S. Aug. O tu bone! omnipotens, qui ſic curas unumquemque noſtrum, tanquam ſolum cures, & ſic omnes tanquam ſingulos. Menſam Solis Æthiopia priſca coluit, quam cibus regiſ inſtructam viatoribus patere voluit gentilitas. Fabula hæc eſt, hoc verum eſt, quod David *Pſ. 103. v. 27.* dicit: Omnia à te expectant, ut deſ illis eſcam in tempore. Neglexit tempus debitum B. Michaël Magottus ex ordine S. Franciſci, qui culinæ præerat, hic quadam die Dominicâ in templo abſorptus, culinæ ſuæ & officij oblitus fuit, ſed prandij tempore ad culinam vocatus (refert hoc P. Nadaſi S. I. in anno angelico hebdom. 33. n. 10. cuncta reperit manibus Angelorum ordinatiſſimè diſpoſita, quæ citò fratribus dedit ad neceſſariam ſuſtentationem. Non tantum neceſſaria, ſed etiam quæ

DEus eſt
quasi ſingulorum
DEus.

Menſam
Solis Deus
nobis ponit.

Angeli pro
coco cibos
coquant.

*P. Canisio
DEus a-
viculam
mittit.*

*Fraga
DEus mi-
sit agro.*

*Eliam pas-
cit DEus
per corvos.*

*Serpentes
sacerdotes
diaboli.*

ad honestam corporis refocillationem servant, DEI amantissima providentia procurat. P. Petrus Canisius S. L. stomachi nauséa laborans, sapius ab infirmario interrogatus, quid tandem appeteret? dixit se aviculam quandam, quam nominavit appetere, quam cum obsonator curiose indagans non invenisset, circa vespertin ipsa avicula in cubiculum per fenestram involans se stitit, seque ut in cibum veniret capi passa est. Etiam ad delicias vel cupedias servit bonus DEus. Agrotabat agricola & terra nivibus cooperta rigebat, cum agrum invalit cupido comedendi fraga, & hem inter candidas nives, in solatium pij agricolæ reperta sunt purpurascere fraga, quæ infirmo ingenti cum solatio animi exhibita fuerunt. An non verum est, quod providus DEus escam det omnibus in tempore? Certè magnum hujus providentiæ habemus argumentum in Eliâ, cui DEus 3. Reg. 17. v. 3. Recede hinc, & vade contra Orientem, & abscondere in torrente Carith. Quis vero ibi victum præstabit? Audite DEum; præcepi corvis, ut pascant te ibi. Quid agis Domine? ovem lupo commisisti? panem aut carnem corvo? Non ait DEus. Præcepi! Ne timeas! non violabunt verbum meum. Ubi verò potus? Ibi de torrente bibes. Sed si torrentes exsiccentur? Vade in Sareptha Sidoniorum. Præcepi ibi mulieri viduæ, ut pascat te. S. Chrysostomus hom. 1. in Eliam putat DEum de nocte Eliæ formam & figuram viduæ monstrasse. Prævenit inquit eum DEus, & ei Prophetam ostendit. Usque adeo sollicitè DEus suis providet! Fuit sacerdos, qui in montibus peregrinus, nivium ac ventorum necessitate adactus, in vallem profundiorē desiliit, in quā muscosam rupem reperit, in quam se recepit; cum verò viam inde elutandi non reperisset, neque ad vitam sustentandam ullā media suppetere, quasi moriturus se composuit. Dum sic sub vespertin quiescit, videt complures per nives serpentes adrepere, qui in illā speluncā lapideam quendam lambebant, & iterum ad suas foveas revertebantur. Hoc ternis noctibus ab illis intactus vidit, tandem & ipse accessit & linxit, atque inter lingendum, ita sibi vires restitui sensit, quasi cibo refectus fuisset. Totā hyeme sic se sustentavit, usque dum solutis in vere nivibus, viam invenit, & incolumis evasit. Benè omnino S. Ambrosius indecorum est homines curare de cibo, qui militant regno, regno utique cælesti, ejus uti Rex est DEus, sic & ejus familia, mundus. Cujus proinde est providere, quomo-

quomodo eum pascat, alat, vestiât. Præstitit hoc DEus abundanter in populo Israëlítico ex Aegypto egresso. Erant in illis facile vigesies centena millia hominum, præter equos, boves, aliaque animalia, quos omnes in deserto sterili, copiosè DEus aluit, & insuper eorum vestes curavit. Imo effecit, ut illæ cum pueris sensim æqualiter crescerent, nec passus est vel calceos deteri in tam longinquâ peregrinatione. In hoc deserto cum siti premeretur, eaque penè enecaretur populus, jubetur Moyses virgâ percutere petram, & ecce de petra copiosa fluxit aqua. Nec satis erat illis aperuisse fontem, panem dedit illis, angelorum confectum manibus, quando illis de cælo copiosè manna pluit. Cum verò etiam in manna nausearet populus, volucres de cælo dedit, nempe coturnices, quæ in medio castrorum Israël deciderunt. ut famem levarent. Neque nostræ tempora carent tam benignâ DEI providentiâ. In Hiberniâ *Peregrinâ* rupes est S. Michaelis, ad cujus ædem sacram multi confluunt peregrini, ut verò providus DEus illis prospiciat, ingens ibidem reperitur copia avium, quæ teste Saliano cubito uno aut altero à terra circumvolant sic, ut à peregrinis facilè omnino capi queant, & in escam parari. Mirabilis est quod Petra Sancta refert de freto illo, *DEus aves ministrat in Hibernia.* quod inter Hispaniam & Hiberniam est, ubi tanta copia est Salmonum, ut licet plurimis peregrinis serviant in cibum, nunquam tamen deficient. Hi ut semper recentes hospitibus adsint, DEus non patitur, ut illos incolæ fumare aut salire valeant, scatent enim quam primum vermibus. Capti verò recentes, si in diem alterum servantur, emoriuntur & putrescent, ut sic evidentiùs habeatur divinæ providentiæ argumentum. Quin sic jubente & providente Deo, ultro constitit piscis Lucae Juniori cognomento Thaumaturgo, ad quem cum Româ venissent duo monachi, nihil verò is haberet in cellâ, quod gratissimis apponeret hospitibus, in littore confidentes mutuis interim se sermonibus occuparunt. Ubi dum suam paupertatem excusât Lucas, ex mari ingens piscis exilit, & pinnis velut alis in aërem sublatus, ad illos quasi advolans, ante pedes eorum constitit eosque ad opportunum epulum invitavit. Sic ad Alserium Abbatem venerunt hospites septem, in penu autem non erant nisi ova quinq. Penuria hæc Abbatem sollicitum tenuit, adeoque Deo suppliciter factus obtinuit, ut ex quinque ovis septem fierent, quibus *Salmones DEus peregrinis providet.* hospites suos tractavit. Merito dicit David *Ps. 33. v. 16. Oculi Do-*

Cæcus sollicitus perdit, alter invenit marsupium.

Cura superflua sustentationis DEO non placet.

Dæmones debent allevare DEI famulos.

mini super justos. Si Rex quispiam ex folio suo regio procedat, & oculos suos in pannosum mendicum convertat, omnes id mirantur, quanto magis mirari debemus nos, quod DEus in hominem miserum suos defigat oculos. Enimvero miratus est hoc Job 14. v. 3. Et dignum ducis super hujuscemodi aperire oculos tuos. His oculis dum nos DEus respicit, certissime necessitatibus nostris consulit. Expertus est hunc DEI benignum oculum civilis de DEI providentiâ optimè confidens, qui cum socio de cibo & potu anxio iter fecerat. Inter eundem dum de varijs discurrent, quærit nimis sollicitus alter, quomodo quis lætus vivere possit? Respondit socius ego otiose vitam agere non cogitavi, sed statui manum movere cum DEO. Quid hoc est inquit alter, manum cum DEO movere? Reponit socius, fideliter artem quam didici exerceo; cætera DEO committo. Cui anxius cum risu dixit; Vidi equidem multos DEO fretos, deceptos esse; subitaque illum invadit anxia cogitatio, quod si cæcus fieret, quid ageret? tentat proinde an cæcus ambulare posset? hic dum spatio aliquanto oculis clausis progreditur, sic cæcus auro fartum marsupium prætergreditur, quod DEO confidens alter apertis oculis vidit, & sustulit, dicens: sollicitudine nimia excecatus, divinæ providentiæ largitatem non videre. Hinc Christus superfluum curam vitæ nostræ sustentandæ reprehendens, ad corvōs nos ablegat, quos suâ providentiâ DEus, alit, dum juvenes suos relinquunt parentes. Et non sine causâ Eliæ DEus suæ providentiæ ministrum Corvum constituit. Joanni Generali Franciscanorum in sylva horridâ die totâ per avia & devia erranti, ipsos corvos infernales ordinavit, qui eundem hospitio exciperent & tractarent. Cum enim in sylva cogeretur noctem cum socijs transigere, quæsierant fratres, quid agendum esset? Respondit imperterritus Generalis, recurrendum esse ad divinum auxilium. Quare ad preces conversi officium B. V. cum collectâ ad S. Franciscum recitarunt. Finitis precibus audiunt pulsari campanam, cuius sonitum secuti ad Abbatiam perveniunt, quam ubi attigerunt, benevolè excepti deducuntur ad focum, lavantur pedes, exsiccantur vestes, apponitur cæna, sternuntur lecti. Dum verò absolutâ cenâ cubitum pergunt, & fessi somnum capiunt, post primam Vigiliam evigilat Generalis, & auditâ campanâ surgit, relictis socijs monachos ad chorum properantes insequitur. Cum verò in choro hebdomadarius

darius neque Ordinem, neque consuetas cæremonias observaret, Generalem perplexum reddidit, ut quæreret ex vicino monacho in virtute passionis Christi, ut ediceret, qui nam sint hi, qui chorū faciunt? Qui gessit vices Abbatis, dixit se omnes esse dæmones, sibi verò à beatissimâ Virgine Mariâ præceptum fuisse, ut ipsis sine omni nocumento inservirent, & de necessarijs providerent. Quibus dictis monasterium unâ cum monachis disparuit, & ille cum socijs se humi in densâ sylvâ reperit, ubi reliquum noctis in oratione transegerunt; primâ vero luce surgentes, ad sui ordinis monasterium pervenerunt. Quam meritò exclamem ego cum S. Bern. *de inter. domo c. 8.* Sicut nullum est momentum, in quo non utimur vel fruimur DEI bonitate & misericordiâ, sic nullum debet esse momentum, in quo cum præsentem non habeamus. Quare occinamus nobis illud *Tob. 4. v. 6.* Omnibus diebus vitæ tuæ in mente habeto DEum.

Ex quo intelligitur evidens illud principium fidei, quod DEUS nobis ubique præsens sit, & omnia videat. Ut propterea dicat S. Aug. *Ep. 3. ad Fortunatum.* DEUS totus oculus, totus manus, totus pes est, quia omnia videt, omnia operatur, & ubique est. Providentiam divinam symbolicè repræsentaturus Trismegistus posuit Sceptrum, in cuius cuspide est radiosus oculus, quo indicare voluit, DEum omnia videre & scire. Confirmat hoc Cantipratanus *l. 2. apum c. 20.* Ubi narrat cuidam scelerato obviaſſe Christum peregrinum & rogasse, ut sibi caput lavaret, si eum aliquis salutis propriæ teneret amor; misertus itaque peregrini caput lavat, sed hem inter crines in occipite oculum invenit lucidissimum. Hæret hic rei novitate attonitus peccator, quem tamen Christus sic est allocutus: Ille oculus est, qui te in abscondito peccantem vidit, quem nullum scelus latere potest. Hic profecto ille DEI oculus est, quo omnem abyssum penetrat omniscius DEUS, ut nos tantò magis à peccato deterreat. *Ægyptij* DEum dixerunt mundi oculum. S. Bonaventura non oculum sed globum lucidissimum dixit. Refert enim quod tempore S. Francisci in quodam monasterio noctu in ambitu apparuerit currus igneus, & in illo lucidissimus globus, qui totius monasterij cubacula sic illustravit, ut quivis religiosus videret, quid alij agerent, Imo quid cogitarent. Erravit ergo Theodora matrona Alexandrina à juvene impudico adamata, atque à Sagâ ad adulterium

DEUS est
nobis ubi-
que præ-
sens.

DEUS o-
culum ha-
bet in oc-
cipite.

DEUS
mundi o-
culus est.

DEUS et-
iam de
nocte vi-
det adul-
terium.

solicitata, hæc enim impudentissimæ strygi respondit, quod erubesceret, si vel ipsum solem talis flagitii testem haberet. Arripuit hoc dictum trivenefica, & dixit, fiat igitur à te post Solis occalum, & nullus erit, qui te noscat aut videat. Quo responso ita perplexa facta est, ut crederet neque DEUM adulterium nocturnum visurum. Quare in nocturnum consensit concubitum, & adulterium divinis oculis manifestum commisit. At ubi post scelus admissum, DEI oculum etiam in tenebris lucidissimum agnovit, inconsolabilis virilem habitum induit, & à marito ad monasterium nientita veste profugit, ibique in summa pœnitentia sub specie Viri, vitam egit severissimam. Audite S. Aug. ep. 3. ad Fortunatum. DEUS timendus est in publico, ipse & in secreto. Lucerna ardet? videt te; Lucerna extincta est? videt te. Ipsum time, cui cura est, ut videat te. Et vel timendo castus esto, aut si peccare vis; quære ubi te non videat, & fac quod vis. Quare concludit de se ipso loquens: Cum illum mihi ubique præsentem & omnia videntem intueor, timore pariter & ingenti rubore confundor. Hujus opinionis fuit S. Greg. in c. 16. Job. Si DEUM præsentem & omnia videntem, judicaturum de omnibus credereinus, vix, aut nunquam peccaremus. Quia bene dixit Clemens Alexandrinus: Hac solum ratione fit, ut quis nunquam labatur, si semper sibi DEUM adesse existimet. Utinam nobis sæpius occineretur illud Joan. 11. v. 28. Magister adest. Sic sororem suam Magdalenam allocuta est Martha, neque enim præsentius contra omnia peccata est remedium, quam DEI præsentia. Novit hoc Paphnutius vir religiosissimus, qui deserta Eremitæ Alexandriam venit, ubi prostibulum ingressus à famosissima Thaide locum petijt ad peccandum secretissimum, dicens se nolle in peccato à quopiam videri: Inducit ergo illum ad cubile suum, negat ille esse locum satis arcanum. Itur ergo in interius conclave, sed nec hoc placuit. In intimum penetrale abducitur, & Thais ad Paphnutium conversa, scio inquit, quia hic nemo nos videt, nemo audit, nisi DEUS, vel dæmon. Tunc ille, credisne DEUM? Credo ait illa. Ergo reputat Paphnutius hæc credimus, & in illius oculis facere volumus, quod non eramus facturi coram hominibus? Judicem DEUM, accusatorem dæmonem, non times? Ingemuit altum Thais, & statim omnem mundum muliebrem combussit, atque in extremum Eremitæ angulum se condidit, ubi peractâ severissimâ pœnitentiâ, à S. Paulo simplice in

*Theodora
admisso
per erro-
rem adul-
terio pœ-
nitens.*

*Præsentia
DEI cer-
tum con-
tra pecca-
ta reme-
dium,*

*Paphnu-
tius vult
peccare si
neque à
DEO vi-
deatur.*

in cælum abire visa est. Pulchrè S. Hieronymus omnium speculatorem DEum crede, & cave, ne quid, quod divinis oculis indiguum sit, aut opereris, aut cogites. Ideoque hoc velut medium singulare, S. Bern. l. de modo bene vivendi c. 29. commendat. Ibi peccata, ubi nescis DEum. Nihil enim celatur ante DEum. Videt occulta, qui fecit abscondita, Dominus ubique præsens. Et Cassiodorus in Ps. 50. illa verba: Tibi soli peccavi, & malum coram te feci. Quia inquit ubique illum esse noverat, jure coram ipso se malum fecisse deplorabat, arguens dementiam suam, qui non expavit coram tanto iudice peccare. Benè proinde monet S. Dorotheus doctr. 11. Nunquam à corde tuo excidat DEus. Cogita DEum tibi semper præsentem, & te coram illo stare. Confundit nos S. Ambrosius in Ps. 118. Hominem vereris præsentem, DEI præsentiam non vereris? sed cum tibi dicitur, quia DEus novit occulta hominum, ideo non vis audire, ne incipias scire quod timeas, & timere ne pecces. Sed an putas, quia in lupanari te Christus non videat, quem videt lupanar ingredientem? in flagitio te non deprehendit, quem videt flagitium cogitantem? Instat S. Chrysostomus in Ep. 1. ad Cor. In sceleribus DEO contempto homines formidamus, homine præsentem nemo fornicaretur: Apologus est Cervum à Venatoribus fugatum, pro asylo recurrisse ad stabulum, hic ille rogavit mulum, ne se proderet. Vix se abscondit Cervus, adest famulus, sed minus observans rursus exit, nec Cervum in stabulo vidit. Paulo post adest Dominus, qui longè oculatiore cornua Cervi advertit, quare statim clausis bene portis, servos convocat, & cervum jugulat. Oculatissimus est DEus, & ubi humani cægant oculi, ille perspicacissimè videt omnia. Certè hinc omnia orta sunt mala, quod in rebus turpibus, non DEI oculos, sed homines timemus. Quam verum est illud Eccles. 23. v. 28. Oculi Domini plus lucidiores sunt super solem, circumspicientes omnes vias hominum, & profundum abijssi, & corda hominum intuentes in absconditis partes. Fabula est quod stultus quidam interrogaverit Solem, quis esset? alius quispian latitans respondit, sum dexter DEI oculus. Conversus deinde ad Lunam petijt quis esset? respondit idem, se DEI sinistram oculum esse. Jam non miror inquit stultus, quod DEUS omnia sciat, cum habeat tam magnos & claros oculos, quibus, omnia perspicit. Oculi hujus omniscij DEI, conservarunt illa sum innocentissimum.

*Cervus
non est à
famulo sed
ab Hero-
visus.*

*Stultus
credit So-
lem esse
DEI oculum.*

*Josephum
servant in
causitate
DEI pra-
sentia.*

tissimum Iosephum; Scimus in quantum periculum lasciva mulier inducere volebat castissimum juvenem *Gen. 39. v. 8.* Qui nequaquam acquiescens operi nefario dixit ad eam. Ecce Dominus meus omnibus mihi traditis, ignorat, quid habeat in domo sua, nec quidquam est, quod non in mea sit potestate, vel non tradiderit mihi, praeter te; quæ uxor ejus es. Quomodo ergo possum hoc malum facere, & peccare in DEum meum? Quærunt hic Sancti Patres, cur beneficia heri sui in se collata referens, non concluderit, quomodo possum peccare in herum meum? utpote à quo beneficia enarrata accepit. Cur obsecro relicto Domino respectu sui tam benefico, DEum sibi proponere maluit? quomodo possum peccare in DEum meum? Causa certè alia non est, nisi quia res fuit in lubrico, & ideo Ioseph relictis alijs omnibus obligationibus, recurrit ad DEum. Bene ad rem nostram D. Basil. *Seleuc. orat. 8.* Certamen tale erat, luctator adolescentulus; ætas ejusmodi, quæ temperantiam prodat, servitij humilitas, Dominæ adulationes perpetuæ. Taceo externas mulieris artes, fucum, verba, vestes. Per omnes sentiendi vias ibat, quidquid illecebrosum. Verùm qui totundique jaculis petebatur, unum contra omnia tela, memoriam tenuit Creatoris. Maximilianus Imperator contra Venetos bellum susceperat, & ideo pecunia comparabatur, quæ in aula Cæsareâ super mensas effusa jacebat. In hanc aulicus manum injecit, dum Cæsar conclave interius ingreditur. Quia verò portæ, & verò mensæ objiciebatur lapis sphingites, Cæsar velut in speculo vidit, quidquid cum aureis ageretur exterius. Brevi ergo regreditur, & aulicum interrogat, an non placeret hæc pecunia? placere respondit aulicus. Bene inquit Cæsar, accipe manu unâ quantum placet. Hic aulicus modestè manum extendit, & aureos colligit, quos dum sacco suo vult immittere, paret aulicus & numerat. Jam inquit Cæsar, numera etiam priores, quos furatus es, qui longè plures erant, quos tamen illi reliquit, sed simul aulâ exesse iussit. DEus Sphingite non eget aut speculo, omnia ille infinitâ suâ providentiâ videt & prævidet. Unde hanc DEI providentiam nobis commendat S. *Augustinus Ep. 111.* Hoc nempe servulorum linguas cohibet & manus, ut nec flosculum carpant, nec pomum ex horto rapiant, nec frustulum panis sublegant, si nullam sibi herilis absentiae securitatem polliceri possint. Hinc crebriores illæ querelæ, Dominus meus mihi semper à tergo hæret, loco quo

*Maximilianus in
Speculo
videt su-
rem.*

quo minime formido, deprehendor. Bene proinde concludit S. Bernardus *de inter. domo c. 8.* Sicut nullum momentum est, in quo non fruamur vel utamur DEI pietate & misericordia; sic nullum debet esse momentum, in quo eum praesentem non habeamus in memoria.

Hoc ut faceret Alexander Sextus Pontifex, de collo semper gestabat globum aureum, & in illo Sanctissimam Hostiam, ut sic semper DEum praesentem veneretur. Sic DEI omniscij oculus custodivit innocentem Susannam, quae à sceleratis senibus sollicitata *Dan. 13. collo por-*

peccare in conspectu Domini. Et verò cur David tam sollicitè custodiverit vias Domini, ipse dat causam *Pf. 118. v. 168.* Servavi mandata tua & testimonia tua, quia omnes viae meae in conspectu tuo. P. Alphonsus Cartesium vidit P. Joannes Sebastianus, quod latus

illius stiparet Christus cum eodem per ambitum ambulans. Interrogavit P. Sebastianus P. Cartesium, an tunc de DEO cogitaverit? falsus est P. Cartesius, sibi videri, quod Christum ad latus semper habeat, & ejus conversatione mire delectetur. Non frustra Job dixit *c. 31. v. 4.* Nonne ipse considerat vias meas, & cunctos meos gressus dinumerat? Prudenter omnino Lacena mulier filio ex vulnere in bello accepto claudicanti dixit: Maeste fili! non gradum ponas sine memoria virtutis, verus Christianus cum Jobo, non ponet gradum sine memoria DEI. Angelos enim nos esse oportet, qui quidem in terris conversamur, à DEO tamen nunquam averti debemus, cum

nec ille avertatur à nobis, qui suam infinitam providentiam tam sollicitè nos gubernat.



CAPUT TERTIUM

PUNCTUM III.

Quod necessitate medij credi debet.

DISCURSUS III.

Anima hominis est immortalis.

*Vita ho-
minis in
corde resi-
det.*

*Sacerdos
Dalmata
sine corde
Lauretum
pergit.*

Celebris est inter Medicos quæstio, an in cerebro potius, an vero in corde principaliter resideat anima, cum non minus videamus tolli vitam læso vel exempto corde, quam si cerebrum lædatur. Est tamen communior opinio, quod magis in corde, omnes suas operationes, in reliquum corpus diffundat. Si dicas Lauretanam historiam mirabilem memorare experientiam, nempe quod Sacerdos Dalmata à Turcis captus in suâ captivitate semper quasi, JESUM & MARIAM inclamaverit; Cum verò Turcæ causam postularent, quare incessanter hæc nomina invocaret? respondit illa esse cordi suo inscripta. Quod illi volentes experiri, vivo sacerdoti pectus aperuerunt, & cor exemerunt. Ille verò in vitâ servatus, cor suum Lauretum detulit, ubi Sacramentis omnibus ritè munitus, paulò post piè decessit. Verum hic casus miraculosus comuni sententiæ derogare non potest, cum enim naturæ vires superet, consuetum illius ordinem supergreditur. Cæterum experientia est certissima, quod sicut corde bene constituto, vita nostra sibi constat, ita cerebro læso vita nostra fatiscit. Vita animæ est gratia, hac sublata, fatiscat necesse est vita spiritualis. Gratia enim cor est animæ, quæ vegetata, reliquum corpus Christiani hominis animatur. Ut verò propius ad rem accedamus, certum est, quod

quod anima nostra sit imago DEI, dicente Scriptura Gen. 1. v. 26. faciamus hominem ad imaginem & similitudinem nostram. Otiosum itaque censere non debemus illud Mat. 22. v. 20. quod Christus interrogatus à discipulis Phariseorum & Herodianis, an licet tributum dare Cæsari? petierit numisma census; quo inspecto interrogavit, cujus est imago hæc, & superscriptio? ubi illi responderunt esse Cæsaris; nummos Christus adjudicavit dando Cæsari. Quid ni bene inferam ego animam DEO deberi, quia est imago DEI. Quare impiè planè egit Causidicus ille opum iniquus corrasor, & turpissimum Bacchi ac Veneris manceps, qui à viris religiosis de animæ salute commonitus respondit, ad duplex, DEI nimirum & dæmonis provoico tribunal! Vos decernite Judices, an cælo, an inferno mea debeatur anima? Quibus dictis longiori tempore conticuit. Tandem quasi evigilans, ipse dæmoni causam adjudicavit. Tolle inquit animam meam, quia dicendo vicisti, atque sic inter diras & blasphemias infelicem evomuit animam. Certè S. Aug. l. de Civ. DEI. 4. ex Varone dicit fuisse utile Civitatibus, ut se homines ex dijs progenitos crederent, ut divinæ stirpis similitudinem affectantes, majori solertia res magnas aggredierentur. Unde Plutarchus in Alexandro observat, quod ubi se Dijs genitum recordatus fuit, toties in barbaros ferocius & insolentius pugnâverit. Quia scilicet filius refert Patrem, cujus est imago, ac proinde talem se gerere debet, cujus est ectypon. Et hinc ferè est quod tot homines DEI oblii terrenis adeo inhæreant, cujus causa alia non est, quam quod non memincrit cujus sint imago. Pulchrè Eusebius Emislenus hom. 2. de symbol. Nobilem & generosam vult vltam tuam, qui tibi commisit imaginem suam. Merito proinde D. Léo increpat somnolentos mortales: Expergiscere ô homo! & dignitatem tuæ naturæ agnosce. Quondam Demetrius Rhodum obsederat, sed ubi in mœnibus vidit imaginem Thalesij Philosophi, urbem immunem reliquit, & recessit. Quid quod Plinius l. 2. c. 38. asserit. Et Leo nobilitatem hominis agnosce. Subdit Emyslenus citatus. Non prævalebit in homine scæda impugnatio passionis, dum fortitudinem administrat attributæ dignitatis conscientia. Profectò si expavit hostis Thalesij imaginem violare, formidabit dæmon lædere imaginem DEI. Porro hæc imago & similitudo consistit in eo, quod anima, quæ una eademque est substantia, distincta tamen sit in tribus potentijs, ut sicut

Confidit
cui ani-
mam suam
addicit dæ-
moni.

Demetrius Rhodum non
oppugnat
visam ima-
ginem Tha-
lesij.

perdidisti, non recepisses. Pendebat ergo deformis in Cruce, sed deformitas Christi, nostra pulchritudo erat. Quare S. Bernard. *Anima est pretiosa.* Ep. 52. Magna res anima, quæ Christi sanguine est redempta. Gravis est casus, qui nisi cruce potuit reparari. Gravius adhuc S. August. in Ps. 102. factus est bonæ fidei contractus, nemo fallit Redemptorem tuum, egit hic commercium, jam pretium solvit, sanguinem fudit: Sanguinem inquam fudit unigenitus DEI filius pro nobis. O anima! erige te, tanti vales! Serio proinde monet S. Chrysostomus orat. 3. contra Jud. Perpende igitur quanta sit dignitas animæ, cujus salutis consulitur, & ne contempleris illius curam, quam pretioso sanguine suo emit Christus & redemit. Hujus pretij valorem Eusebius Emiss. desumit ex eo, quia est imago DEI. Sic enim hom. 6. de Paschaloquitur. Maximum quidem circa hominem divini amoris insigne est, quod inter ipsa mundi principia, in imaginem ac similitudinem DEI sui, servus accepit. Sed penè amplius est, quod nunc personam & formam servi DEUS author assumpsit. Grandi quidem dignatione primo homini spiraculum vitæ, de suo pius formator infudit; sed nunc penè majori charitate pro eodem homine non jam sua dedit, sed seipsum impendit ac tradidit. Magnum quidem mihi est de eo, quod esse me sentio opus suum, sed multo plus est, quod transiisse ipsum video in pretium meum, quandoquidem tam pretioso munere ipsa redemptio agitur, ut homo DEUM valere videatur. Bene omnino S. Aug. in suo l. Medit. c. 5. O immensa pietas! ô inestimabilis charitas! ut liberares servum; filium tradidisti. DEUS factus est homo, ut perditus homo de potestate dæmonum erueretur. Quare merito idem S. Aug. Soliloq. c. 13. Dilexisti me Domine plus quam te, quia mori voluisti pro me. Et tamen tam pretiosam animam tam parum curamus. Sollicitè planè exclamat S. Bern. l. 4. de Consid. Cadit asina, & est qui sublevet eam; perit anima, & nemo est qui reputet. Pulchrè S. Chrysostomus hom. 11. in Mat. observat, quod Christus in concursu dæmoniaci & mulieris febricitantis, prius sanaverit dæmoniacum, postea verò febriem in muliere. Causam hujus dat, quia videlicet major ei cura est de animâ, quam de corpore. Quod ipsum in alio Christi facto Chrysologus serm. 63. super illa verba Joan. 11. v. 22. Domine si fuisses hic advertit, ubi miratur Christum, quod sic occuparetur cum Martha qui ad Lazarum suscitandum venerat.

*Peccata
sunt sepe
morborum
causâ.*

*Columna
feliciter
erigitur
cui regis
filius alli-
gatur.*

*Calvinista
Mercator
animâ
suam op-
pignorat.*

*Animam
suam pro
6. crucife-
ris vendit
aliquis.*

Scilicet ut ante ista in fide surgeret, quam ille resuscitaretur in carne. Et hac de causâ putant inulti, omnes à Christo sanatos in corpore, prius fuisse sanatos in animâ, cum sæpe peccata morborum causâ sint. Sic enim Christus Joan. 5. v. 14. Ecce jam sanus factus es, jam noli amplius peccare, ne quid deterius tibi contingat. Refert Plinius l. 36. c. 9. Thebis viginti millia hominum laborasse in columnâ seu obelisco erigendo, sed cum vereretur Rex, quod machinæ erigendo operi non sufficerent, licet illum operis Magistri asscurarent, ut illis majorem curam imponeret, Rex filium suum obelisco alligari curavit, ut cum in unius Regis filij, vita omnium & capita periclitarentur, omni conatu ac industria, alium omnem & ruinam columnæ avertere conarentur. Haud aliter est cujusque anima, cui cœlestis Pater pretium filij alligavit, ut illa ubi omni obelisco præstantior assurgere cœperit, tu id omni studio satagas, ne rursus collabascat. Sic sollicitus fuit ille Mercator Catholicus, qui cum Genève in gravem incidisset infirmitatem, instantissimè petijt Confessarium Catholicum; at ecce Ministellus adfuit Calvinista, nec spes fuit ulla Catholici Sacerdotis. Ubi ergo Mercator vidit, sibi ad Sacramenta viam omnem interclusam, toto corde se ad Christum & ejus sanctissimam Matrem convertit, cujus imaginem à collo pendulam cum ante se haberet, eamque tenerrimo affectu sæpius deoscularetur, infirmo ministellus ogganijt, meram hanc esse idololatriam. Ubi tamen vidit Mercatorem valde angustari, solaturus infirmum dixit: Quid mihi dabis? si animam meam pro salute tuâ oppignoravero? Respondit Mercator, lubens bonis omnibus cedam; Nimis multum hoc esset, reponit Ministellus. Quærit ergo quantum apud te habes? trecentos inquit mercator habeo aureos; Hos da, dixit ministellus, & satis mihi erit. Vocatur itaque Notarius, conficitur contractus, ministellus accipit pecuniam, & cum socijs diei reliquum, lætus inter pocula transegit. Moritur interim Mercator, & hem inter tripudiantes combibones, ingreditur armatus eques specie horrendâ, qui ubi de obside mercatoris indagat, ministellum apprehendit, equo suo imponit, & simul cum impio animæ suæ nundinatore per auras evanescit. Turpius adhuc egit ille, qui adrogam damnatus, ante mortem edixit, quod ex balneo re-dux vehementer sitiverit, cum verò pecuniam non haberet, undè sibi haustum vini emeret, dæmoni animam suam devovit, qui eidem pro

pro haustu sex Cruciferos dedit. Erratis turpissimè miserandi nundinatores ! longè aliter de pretio animæ æterna sentit sapientia. Audite S. Joan. c. 3. v. 16. ubi DEus in unâ statera lance ponit dilectum & Unigenitum filium suum, in alterâ hominis animam, camque amoris æquipondio exæquat dicens ! Sic DEus dilexit mundum, ut filium suum unigenitum daret. Novit hoc probè bonus ille sacerdos qui in eodem diversorio cum Mercatore & nobili equite pransus, æquissimum de animæ pretio tulit iudicium. Cum enim assiderent mensæ, & in hac incideret quæstio, quæ in humanis iactura esset gravissima ? Mercator qui mercium suarum iacturam recensuit, tantarum pecuniarum iacturam putavit esse gravissimam. Adeoque dixit perdere pecuniam est multum perdere. Sed statim Nobilis interpellans, ad comparativum assurrexit, & honorem divitijs prætulit, adeoque dixit, qui honorem perdit, plus perdit. Definitivam optimam dedit Sacerdos dicens : Qui perdit animam, perdit omnia. Christus certò animam universo mundo prætulit. *Mat. 4. v. 8.* dæmon in monte excelso omnes mundi thesauros Christo offert. Hæc omnia inquit tibi dabo, si cadens adoraveris me. Verum Christus id non fecit, sed dixit vade Sathanas. Ut se vindicaret Sathanas, & faceret filium DEI ante se genua flectere, intravit in cor Judæ, ut saltem tunc, cum erat loturus pedes suorum discipulorum, coram Judæ, in cuius corde ille residebat, genua curvaret. Quare quod in monte Christus non fecit pro pretio totius mundi, coram Judæ, qui vel ipse juxta sacrum Evangelium diabolus erat, vel saltem dæmonem in corde fovebat, prosternitur. Contemplare exclamat Petrus Chryzologus divinitatem genuflexam ante dæmonem, ut animam Judæ lucrifaciat. Quasi diceret, animam Judæ totius mundi pretio præposuit, quando pro illo non voluit genu in monte flectere, flexit tamen hic, ut sic animam Judæ lucraretur. Benè proinde exclamat Neotericus quispiam, Grande homo ! & pretiosus vir. Quod pulchrè declarat S. Ambr. *serm. 10. in Ps. 118.* Disce homo, ubi grandis & pretiosus sis. Vilem te terra demonstrat, sed gloriosum Christus fecit, fides rarum, imago DEI pretiosum. Unde tam graviter pretium hominis deprædicat Eusebius Gallicanus *hom. 2. de symb.* In trutina crucis non aurum vel argentum, non corpus aliquod angelicum, sed semetipsum passus est author salutis appendi, ut homini naturæ suæ dignitatem ipsa ostenderet pretij magnitudo. Mirabile

Animæ iactura est gravissima.

Christus pro anima Judæ coram dæmoni prosternitur.

rabile est illud *Mat. 26. v. 38.* quando Christus questus est; Tristis est anima mea usque ad mortem, adeo quidem ut ab angelo debuerit confortari *Luc. 22. v. 43.* Apparuit autem illi angelus de cœlo, confortans eum. Et tamen in cruce ubi majora passus est tormenta, sustinet illa, nec ab angelo confortatur; sed insuper à Patre deseritur se queritur *Mat. 27. v. 46.* DEus meus, ut quid dereliquisti me? Cur hic obsecro inter tormenta majora à Patre deseritur? ibi verò inter voluntaria & minora ab angelo confortatur. Egregrè Eusebius Emul. *serm. 3. de latrone* advertit, ad illa verba Domine mememento mei. Gloriosâ inquit hac voce præsentis Christi temperat cruciatus. Scilicet non opus fuit Angelo confortante, ubi salus animæ ipsius latronis, in Cruce Christo fuit solatio. Tanti nimirum DEUS fecit animam latronis.

Sed quorsum hæc omnia, si anima est mortalis, & nobis eadem cum pecoribus est moriendi condicio? Malum omnino facit argumentum Galenus, asserendo hominis animam esse mortalem, quia exit de corpore nostro, ob aliquam verbi causâ magnam inflammationem; quia hoc idem facit dæmon recedens ex corpore alicujus obsessi, quem tamen nemo propterea dicit esse mortalem. Sic pariter falsum est, quod dicunt Anabaptistæ, quod animæ à morte hominis dominant, usque ad diem judicii. Clarè enim Christus dixit *Luc. 23. v. 43.* Latroni in cruce pendenti, hodie! hodie mecum eris in paradyso. Quis verò ibi vel dormire, vel mortuam credat animam latronis? Profecto non dormivit Samuel quando *1. Reg. c. 28. v. 12.* Saul ad Pythonissam venit mutatis vestibus, & petijt ab illâ, sibi suscitari Samuelem, ut eum consuleret, qui etiam comparuit illi & mortem prædixit, atque excidium populû Israël. Sic enim *v. 19.* loquitur; Et dabit Dominus tecum Israël in manus Philistym: Cras autem tu & filij tui mecum eritis. Sic in novo testamento Christo in monte Thabor transfigurato *Mat. 17. v. 3.* apparuit etiam Moyses & Elias cum eo loquentes. Certè neque inmortuus neque dormiens bene loquitur, adeoque animæ defunctorum neque extinctæ penitus, neque dormire credi debent. Quid quod in Symbolo Apostolico habeamus animam Christi descendisse ad inferos. Quid ergo manifestius, quam quod anima in morte hominis non extinguatur, neque obdormiat aut soporetur. Profecto non dormiunt aut intereunt animæ, quæ viventes non solum monent, sed etiam per lite-

rag

Anima
hominis
non dor-
mit usque
ad diem
judicii.

ras & epistolia de futuris rebus assurant. Accidit Genus quod mater intelligens filium suum à pyratibus captum, trecentorum auroreorum litro posset eliberare, magno cum fletu urbem obierit, ut eam summam emendicaret. Occurrit illa in viâ honesto presbytero, à quo stipem mendicat, intelligit autem illū ipsum quærere aliquem, qui missam petat, ut habeat undè dic illā vivat. Offert illi pia mater ^{Animam} sex asses, ut pro defunctis sacrum dicat. Dixit ille Requiem, adfuit ^{parentis} illa, & pro defunctis DEum devotè orat. Die alterâ dum civitatem ^{filio Cambium in-} mendicando obit, obvium habet virum valdè honestum, cui cum ^{scribit.} fortem miseram captivi filij sui exposuisset, dedit illi vir præfatus schedam Cambialem ad certum Mercatorem, in tali plateâ & domo habitantem, is inquit dabit tibi trecentos aureos, quibus filium tuum libera. Ubi vidua Mercatori schedam dedit, acceptam diligenter inspicit Mercator, & parentis ante annos octo defuncti manum advertit. Quare pauperem viduam interrogat, Quis? qualis formæ? quo loco? & quando? tibi hic vir epistolium hoc dedit? illa ut potuit hominis lineamenta descripsit, ut mercatorem in manifestam suspicionem defuncti sui parentis induceret. Mecum ergo veni, inquit, & ad vicinum cubiculum viduam deduxit dicens, si in picturâ videres, nosceresne virum illum? cum subito illa oculos reflexit, & intento in contrafacturam parentis digito, dixit, hic ipse inquit est, qui mihi hanc schedam tradidit. Intellexit ergo Mercator animam parentis illo sacrificio liberatam, adeoque cum gratiarum actione viduæ trecentos aureos numeravit, quibus illa filium suum à captivitate liberavit. Nisi fortassis dicas, illam animam dormivisse, quæ multis annis de die & nocte altum suspirans in publico hospitio assedit hospitibus. In Imperio namque ante paucos annos in publico Lutherano hospitio, fuit hospes seu inquilinus spiritus, qui quotidie palâ assedit mensæ, visus est ab omnibus cubiculum intrantibus, qui altum gemebat, & suspirabat. Duravit hæc visio cum molestiâ cauponis & hospitum multis annis, nec tamè ulli terrori aut damno fuit hic spiritus, usque dum ingressus quidam Catholicus viator, spiritui benè precatus dixit; Requiem æternam dona ei Domine. Quibus dictis spiritus complois prægaudio manibus, hoc se expectasse dixit, & gratijs actis videri desijt. Quis hanc animam interijisse aut somno sepultam dixerit?

Quæritur ergo in præsentī, an anima hominis sit immortalis?

H

Quod

*Anima
hominis
est immortalis.*

*Si anima
non esset
immortalis
pecudes
essent feliciores.*

Quod de fide esse docemur ex illo *Mat. 10. v. 28.* Nolite timere eos, qui occidunt corpus, animam autem non possunt occidere. Ibi Christus manifeste immortalitatem animæ docet, eamque claris verbis asserit. Et verò cum homo in hac vitâ repletur plurimis & penè innumeris corporis animæque miserijs, nisi altera supersit vita, certè feliciora hominè erunt cætera animalia, quæ tot carent molestijs. Quod sciens S. Symphoriani mater, sic filium inter tormenta allocuta est v. Nate! Nate! memento æternæ vitæ, cælum suspice, & ibi regnantem intusce. Sic Stephanus lapidatus cælum respicit, & Christum stantem, non jacentem Judæum videt. Filius qui à Patre hæreditatem sperat, castigationem sustinet. Nostra hæreditas cælum est, an non scramus, quas optimus parens stringit virgas? Audite Paulum 2. *ad Cor. 4. v. 17.* Leve tribulationis nostræ, supra modum in sublimitate æternæ gloriæ pondus operatur in nobis. Vita momentum est, quid ergo erit omnis tribulatio nostra! Age mi Christiane, si filius DEI esse non vis? servus saltem DEI non recusabis esse. David adulter & homicida, mafus utique servus, hic cæsus à Domino *Pf. 22. v. 4.* exclamat: Virgæ tuæ, & baculus, ipsa me consolata sunt. Si quæras in quo? certè non in alio, quàm quia anima immortalis, hic pressurâ passa & calamitates, in cælo à iustissimo DEO remuneranda æternum gaudebit. *Olester in c. 6. Gen.* tradit arcam habuisse fenestram vitream in summitate, cum aliæ naves habeant illas ad latus. Ut scilicet in illo aquarum diluvio, haberet cælum spectabile, à quo in horrendo illo cataclysmo traheretur solatium. Ut & nòs collotenus immersi mari mundi huius, erigamus in cælum animum nostrum, dicamusque cum Davide *Pf. 85. v. 4.* Latifica animam servi tui, quoniam ad te Domine levavi animam meam. Scilicet in terrâ erat David, & tribulationum gravi pondere premebatur, ne in amaritudine hac animæ suæ contabesceret, ne oneri succumberet perturbationum, levavi inquit animam meam ad te, quia in omnem æternitatem apud te ô Deus jucundabor. Et ideo S. Bern. *serm. 4. de ascens.* dixit: Levemus corda cum manibus, & ascendentem Dominum sequi, velut quibusdam passibus devotionis contendamus. Erit enim verò tempus, cum sine morâ, sine difficultate obviam illi in nubibus resurgemus. Superest ergo altera vita, in quâ anima, quæ in hac mortali, vitâ innumeris repleta fuit miserijs, consolationem recipiet. Sic S. Euthymius vidit, quomodo

*Superest
altera vita
in qua anima
consolationem
accipiet.*

do animam cuiusdam pauperis nudi & laceri, in terrâ sub dio jacentis, angeli qui adstabant, reverenter & amice à corpore avocarunt. Vidit insuper in hoc angelico Choro adfuisse Davidem Regem, qui dulcis suæ Cytharæ sono morientem recreavit. Injustus profecto videri posset DEUS, si bonis & probis animabus in hac vitâ tot ærumnis fatigatis, in alterâ non recompensaret perpeffas injurias. Ostendit hanc piissimam DEI æquitatem Christus ipse in paupere Lazaro, ubi pauper Lazarus neque micæ de mensâ divitis lapfas colligere permittebatur, dum dives continuis epulis & ebrietatibus replebatur. Quis autem horum fuit exitus? mortuus est Lazarus, & delatus est ab Angelis in sinum Abrahamæ, mortuus est etiam dives, & sepultus est in inferno.

Quidam immortalitatem animæ adstruunt ex appetitu naturali æternitatis, quo laborant homines apud alios celebres fieri, & sic memoriam in annos & annos educere. Hinc vel per arma, quod fecit Alexander Magnus, & ipse apud Ethnicos deos Hercules, ad nominis sui immortalitatem evadere conati sunt, quæ nunquam homines tanto studio auderent, nisi animam immortalem crederent, & in vitâ alterâ præmiandam, cum in hac condignam non habeant remunerationem. Et verò si homo potest à DEO mereri aliquam gratiam, quemadmodum sacræ & profanæ testantur historiæ, cur non etiam mereri poterit durationem, quod in Ezechia Rege vidimus, quam novis gratiarum incrementis extendere valebit in æternum, maximè cum S. Dionys. Arcop. de divin. nomin. c. 9. dicat, quia DEI dona semper habent plenitudinem, & non minorantur participationibus, sed magis supereminent. Quidquid infundas, & quibuscunque virtutibus adimplebis animam, semper tamen eandem ad majus incrementum recipiendum aptam reperies. Quia bene docet S. Thom. semper charitate excrefcente, super excrefcit stabilitas ad ulterius augmentum. Quare erudite dixit P. Eusebius Nirenbergius S. I. Homo ad imaginem DEI creatus est, quæ similitudo etiam in eo consistit, quod homo sit capax DEI, nec aliâ re nisi DEO expleri possit. Et hinc naturalis est erga summum bonum propensio & desiderium. Cor inquit nostrum triangulare est, quid mirum, si orbis illud nequeat explere. Cor parvum est inquit Hugo Victorinus l. 5. de anim. & magna sapit. Vix ad unius militi referri potest, & totus mundus ei non sufficit. Est nam-

Anima pauperis per angelos celo importatur.

Anima naturaliter perennare desiderat.

Anima mereri potest durationem ulteriorem.

Anima est capax DEI, nec alio expleri potest.

que triangulare, nullâ spherâ aut quadrato explebile. Causam dat S. Bern. *serm. in dedic.* Ad imaginem DEI facta est anima rationalis. Cæteris omnibus occupari potest, repleti non potest. Capacem enim DEI, quidquid DEO minus est, non replebit. Accedit quod *Joan. 4. v. 24.* dicatur, DEUS autem spiritus est; in quo etiam anima hominis similitudinem quandam DEI refert, utpotè quia est spiritualis. Hinc sicut spiritus carnem & ossa non habet, ita anima nihil est corporeum, nihil oculis nostris visibile, ideoque anima nec videri in se oculis nostris potest, nec ullis angustiis coerceri, sed sicut Christus in corpore jam glorioso portis clausis ingressus est, ita anima quidvis penetrare, nulloque loco constringi, nisi solâ divinâ potentia potest. Expertus est hoc juvenis ille Machiavelli discipulus, quem suis præceptis instructum eò deduxit sceleratus Magister, ut de animæ immortalitate parùm vel nihil crederet. Quare totus in voluptates effusus, ea solum animo voluit, quæ vel ad gustum, vel ad libidinem deservirent. Apparaverat ille lautum convivium, inquit Pexenfelder *p. 3. hist. 140.* & vel animi causâ, vel appetitûs cendi, decambulabat cum socijs. Casu transivit cœmeterium, ubi in calvam, quæ in viâ jacebat incidit, ille verò pede eandem protrussit, & joculariter nugando ad cœnam suam invitavit, ut super mensam pluribus de statu animarum agant. Abiit domum, cumque mensæ assideret cum socijs, & multa ludicrè de alterâ vitâ inter se disputarent, adest tremebundus totus domesticus famulus, vultuque pallido refert, mirabilem adesse hospitem. Mittuntur cordatiores famuli, qui spectrum submoveant, dum alij interim portas pœssulis obfirmant, & quisque hospitem osseum excludere conatur. Sed non obstante quocunque conatu, portis clausis ingreditur invitatus hospes & Leontio, sic enim vocabatur, assedit: Dixit deinde adesse se jussu DEI, cujus providentiam ipse hætenus tam turpiter exhibaverat, adesse inquam, ut ipsi demonstret, cum homine non omnia emori, atque animam esse superstitem, pro ratione meriti, bonorum vel malorum capacem. Et ut videas hanc veram & firmam esse veritatem. Ego sum inquit avustus, qui modò inferni ignibus uror, & nunquam exuror, sed in æterna supplicia semper renascor. Et tu propter impietatem tuam, justo DEI judicio mecum in æternum ardebis. Arripuit deinde Leontium, & vicino parieti tam validè illisit, ut muro dispersum adhaerit cerebrum, triste peractæ tragediæ

Anima est
spiritus, est
spiritualis.

Calvain-
vitata do-
cet animâ
esse im-
mortalem.

Osseus
conviva.

dixit argumentum. Didicit, sed suo malo Leontius, animam esse immortalem & spiritualement. Quam immortalitatem pari penè fato edoctus est ille, de quo Thomas Cantipratanus l. 2. Apum c. 36. in Franciæ inquit loco quodam, nobiles juvenes in hospitio egregiè epulabantur, nec segnius potitabant, cum verò vino incalefcerent, & varia miscerent colloquia, de animâ sermo incidit; dum unus protervior, in clericos & religiosos insolentiùs invehitur, quòd suis humentis hominibus imponant, animam post mortem hominis vivere. Ritus hic ingens inter socios, dum verò cachinantur & rident, quidam staturâ procerus, aspectuque tremendus ingreditur, & se ipsis adjungit, paulò post & ipse vinum infundi jubet, & assidentibus propinat. Tum inquit, de quo vestra est disputatio. De animâ inquit procax aliquis, & addit: Si quis meam vellet emere, illam vendere paratus essem, pretiumque darem in communem computationem. Magnus rursus exoritur risus inter socios, & ipse etiam hospes arrisit, simulque dixit, se velle emere. Quare ut pretium animæ suæ statuatur, petijt. Tanti vendo replicabat impius, & pretium nominavit; quod statim hospes ille exsolvit. Ritus hic rursus auditor communis, & nova potandi jura resumuntur. Bibitur laboriosè, ut animæ pretium perpotaretur. Imminabat interim nox, cum emptor ad socios conversus dixit: Adest modo tempus, quo quisque ad suas ædes revocatur, priusquam tamen conventus noster dissolvatur, novum quæso dubium dissolvite si quis inquit equum emerit fræni vinculo alligatum, namquid cum equo cedit emptori etiam frænum? Rident hic reliqui, & inter cachinnos annuunt, unus nundinator expallefcere cœpit, sed nihil inotus emptor, nundinatorem in auras sublatum còtulit, ubi suo damno æternum discet, quid miseris peccatoribus post hanc mortalem vitam accadat, & quo loco animæ in pœnis sempiternis subsistant.

Infelix anima nundinator cum corpore & anima perit.

Cum vero multi à morte ad vitam sint revocati, plurimi ab obitu suo se hominibus spectabiles præbuerint, indubitatum & de fide est, Plurimi à animas nostras esse immortales. Erratis namque inquit Christus mortui sunt resuscitati, ergo anima. Mat. 23. v. 29. nescientes Scripturas, neque verbum DEI. Et paulò post v. 31. Non legistis, quod dictum est à DEO dicente vobis. Ego sum DEus Abraham, DEus Isaac, & DEus Jacob. Non est DEus mortuorum, sed viventium. Quod ut DEus manifestum faceret,

H 3.

ceret,

*DEus est
DEus non
mortuo-
rum, sed
viventium*

ceret, tam in veteri, quam novo testamento, fecit DEus ad vitam revocari plurimos, qui manifesta de immortalitate animæ darent argumenta. Sic 3. Reg. 17. v. 19. Viduæ defunctus est filius, illa pro mortuo interpellavit Eliam, qui conversus ad viduam dixit: Da mihi filium tuum, tulitque eum de sinu ejus, & posuit super lectulum suum, & clamavit ad Dominum, & dixit: Domine DEus meus, etiamne viduam, apud quam ego utcuinque sustentor affixisti, ut interficeres filium ejus. Et expandit se atque mensus est super puerum tribus vicibus, & clamavit ad Dominum; & ait: Domine DEus meus revertatur obsecro anima pueri hujus in viscera ejus. Et exaudivit Dominus vocem Eliæ, & reversa est anima pueri intra eum, & revixit. Tulitque Elias puerum, & deposuit eum de coenaculo, in inferiorem domum, & tradidit matri suæ, & ait illi: En vivit filius tuus. Eliam magistrum suum pari virtute secutus est Elifæus, & puerum resuscitavit. 1. 4. Reg. c. 4. v. 33. Et ecce puer mortuus jacebat in lectulo ejus, ingressusque clausit ostium super se, & super puerum, & oravit ad Dominum. Et ascendit, & incubuit super puerum, dosuitque os suum, super os pueri, & oculos super oculos ejus, & manus super manus ejus, & incuravit se super eum, & calefacta est caro pueri. At ille reversus deambulavit in domo semel huc atque illuc, & ascendit & incubuit super eum, & oscitavit puer septies aperuitque oculos. At ille vocavit Giezi, & dixit ei, voca Sunamitidem hanc. Quæ vocata, ingressa est ad eum. Qui ait tolle filium tuum; venit illa, & corruit ad pedes ejus & adoravit super terram, tulitque filium suum, & egressa est. Verum non solum vivens sed etiam mortuus Elifæus Propheta virtutes super naturam operatus est Sic enim 4. Reg. 13. v. 20. Mortuus est ergo Elifæus, & sepelierunt eum. Latrunculi autem de Moab venerunt in ipso anno. Quidam sepelientes hominem, viderunt latrunculos, & projecerunt cadaver in sepulchrum Elifæi. Quod cum tetigisset ossa Elifæi, revixit homo, & stetit super pedes suos. Certè si mortalis esset anima hominis, & una cum vita illius interisset, nunquam amplius revocari potuisset; quæ tamen virtute divini imperij, etiam post tempus aliquod perpeßæ mortis, se rursus stiterunt. Hanc in Mortuos potestatem in novo testamento exercuit Christus ipse Mat. 9. v. 23. Et cum venisset Jhesus in domum Principis, & vidisset tibicines & turbam tumultuantem dicebat, recedite! non est mortua puella, sed dormit,

*Christus
in mortuos
exercet
suam po-
testatem.*

dormit, & deridebant eum. Et cum ejecta esset turba, intravit, & tenuit manum ejus, & surrexit puella. Pergit S. Lucas c. 7. v. 11. ibat in civitatem quæ vocatur Naim, & ibant cum eo discipuli ejus, & turba multa. Cum autem appropinquaret portæ Civitatis, ecce defunctus efferebatur filius unicus matris suæ, & hæc vidua erat, & turba civitatis multa cum illâ. Quam cum vidisset Dominus misericordiâ motus super eam, dixit illi. Noli flere! & accessit, & tetigit loculum, hi autem qui portabant, steterunt, & ait: adolescens! tibi dico: surge, & resedit qui erat mortuus, & cœpit loqui, & dedit illum matri suæ. Mirabilius est quod Lazarus jam quadriduanus ex monumento progrediatur, & anima quæ per mortem separata fuerat integris jam quatuor diebus, se rursus corpori uni-
 versæ. Audite Joan. c. 11. v. 43. Hæc cum dixisset, voce magnâ clamavit: Lazare veni foras. Et statim prodijt qui fuerat mortuus, ligatus manus & pedes institis, & facies illius sudario erat ligata. Dixit eis JESUS solvite eum, & finite abire. Quis horum animas cum corpore interiisse dicat? quis adeo profundo somno usque ad diem judicij sopitas credat? quas vel unius vocis imperio; corpori suo rursus restituit Christus. Hanc virtutem Salvator noster sanctis suis Apostolis communicavit, quando Act. 9. v. 40. Petrus ejectis omnibus foras, pönens genua oravit, & conversus ad corpus dixit: Tathitha surge; at illa aperuit oculos suos, & viso Petro resedit. Dans autem illi manum, crexit eam, & cum vocasset Sanctos & viduas, assignavit eam vivam. Quod idem S. Paulus præstitit Act. 20. v. 9. Sedens autem quidam adolescens nomine Euthychus super fenestram, cum mergeretur somno gravi disputante diu Paulo ductus somno, cecidit de tertio cenaculo deorsum, & sublatu est mortuus. Ad quem cum descendisset Paulus, incubuit super eum, & complexus dixit; Nolite turbari! anima enim ipsius in eo est. Et paulo post: Adduxerunt autem puerum viventem, & consolati sunt non minimè. Infinitus essem si hanc virtutem sanctis à DEO concessam enumerare vellem. De S. Martino Ecclesia testatur in Respons. 1. Lett. in 1. noſt. Hic est Martinus electus DEI Pontifex, cui Dominus post Apostolos, tantam gratiam conferre dignatus est, S. Marti-
 ut in virtute Trinitatis Deificæ, mereretur fieri trium mortuorum suscitator magnificus. Huic adjungam nostri temporis Thaumaturgum S. Xaverium Indiarum Apostolum, quem licet plurium mor-
 tuorum

*Etiam
Sancti A.
postoli
mortuos
excitant.*

*Sancti va-
rij susci-
tant mor-
tuos.*

*S. Marti-
nus tres
mortuos
excitat.*

tuorum fuscitorem legamus, sedes tamen Apostolica in bullâ Canonizationis, ut cum Christo Magistro suo magis assimilaret, in numero & modo fuscitandi penè fecit æqualem. Verba illius sunt: Puer quidâ Mutani in Orientali Indiâ pestilenti febri ex vitâ sublatu, & linteo insutus, demore gentis viginti quatuor horis asservatus, sentibus parentibus ferebatur ad sepulchrum, quos ut vir DEI vidit, misericordiâ motus super eos, DEum omnipotentem, ut puerum vivificaret flexis genibus precatus fuerat, atque aquâ benedictâ aspersum rescisso linteo Crucis signo signaverat, apprehensâque manu ejus, in nomine Domine JESU Christi vivum atque incolumem parentibus restituerat. Successive inquit bulla apud oppidum Combature in orâ piscariâ, puer alius in puteum delapsus suffocatusque maximo cum matris cognatorumque ejulatu efferebatur, cumq; ex proximâ Ecclesiâ Franciscus occurrisset, misertus eorum, ingenua provolutus, oculisque in cælum fixis, DEum pro vitâ pueri precatus, eum apprehensâ manu in nomine Domini JESU Christi surgere jussit, & confestim puer surrexit vivus, quem sanctus vir reddiderat matri suæ. Apud Commorinum Promontorium, cum servus DEI infidelibus concionaretur, ac propter duritiam cordis eorum nihil proficeret, factâ oratione iussit sepulchrum, in quo pridie sepultus fuerat, aperiri, ac populo significans ad comprobendam fidei veritatem, rursus videtur, linteo quo cadaver involutum fuerat rescisso, ac rursus precibus ad DEum fufis, mortuus ut viveret imperaverat, qui statim stupentibus omnibus surrexerat vivus. Quid dicam de innumeris alijs, qui ab obitu suo se alijs spectabiles præbuerunt. Christus ipse Mat. 27. v. 57. in cruce pendulus, mortuos ex tumulis evocavit. Monumenta, inquit, aperta sunt, & multa corpora Sanctorum, qui dormierant, surrexerunt, & exeuntes de monumentis post resurrectionem ejus, venerunt in civitatem sanctam, apparuerunt multis. Ita planè apertis tumulis Abbatem quendam Cisterciensem, qui quoties cœmeterium transibat orationem pro animabus fundere solitus fuit, aliquando tamen negotijs distractum & orationis oblitum monuerunt animæ, quæ ex tumulis suis se levaverunt clamantes: Et non benedixerunt, qui præteribant, benedictio Domini super vos. Et Abbas ad eas conversus conversus, persecutus est psalmum, & dixit: Benediximus vobis in nomine

Plurimi
mortui se
vivi spe-
ctabiles
exhibue-
runt.

Abbatem
monent a-
nimæ, ut
pro se o-
ret.

mine Domini. Quo contentæ animæ statim se rursus composuerunt in tumulis suis. Simile quid accidit Lioberto Cameracensum Episcopo, in cœmeterio Parochiæ S. Nicolai, qui cum altâ voce consuetum Ecclesiæ versiculum pro animabus dixisset: Fidelium animæ per misericordiam DEI requiescant in pace, clarâ distinctâque voce ex tumulis responderunt animæ; Amen. Quàm suavis est ergo somnus eorum, qui in Domino obdormiunt, quorum cor vigilat, dum nostra suffragia audiunt? Quis nisi velanus dicat animam esse mortalem, cum illæ post mortem suffragia nostra expetant, & nostra charitatis obsequia tam citò percipiant; quibus dum benè precamur, & requiem optamus æternam,
lux illis perpetua lucebit in regione
vivorum.

*Anima
clare re-
spondent
Episcopo
oranti.*



CAPUT QUARTUM

PUNCTUM IV.

Quod necessitate medij credidebet.

DISCURSUS IV.

Gratia DEI ad Salutem est necessaria.

Necessitatem gratiæ divinæ nobis claris verbis ostendit S. Paulus *1. ad Cor. 12. v. 3.* Nemo potest dicere Dominus Jesus, nisi in Spiritu sancto. Quam insufficientiam dictus Apostolus planè extendit ad ipsas cogitationes salutares *2. ad Cor. 3. v. 5.* Non quòd sufficientes sinus cogitare aliquid à nobis, sed sufficientia nostra ex DEO est. Porro hæc gratia semper parata est, modo etiam anima parata sit ad illam excipiendam sic *1. Reg. 16. v. 13.* jubetur Samuel ungere oleo filium Isai, ubi adverto, quod cornu olei manserit clausum, quousque non venit David. Quamprimum David venit. Tulit Samuel cornu olei, & unxit eum. Bulliebat oleum, ubi subiectum aptum accessit. Dicente S. Basilio *orat. 12.* Gratia statim ad unctionem movit manum, nondum cornu invertebatur, & oleum properanter effluebat. Testis est huius *Luc. c. 19. v. 5.* Zachæus, qui præcurrens ascendit in arborem, à Christo statim audivit: Zachæe festinans descende, quia hodie in domo tuâ oportet me manere. Paratus erat animus Zacchæus ad gratiam divinam suscipiendam, adeoque etiam Christus illi se obtulit. DEus enim quemadmodum loquitur Hugo Cardinalis *in 1. ad Cor.* quantum in se est, dat omnibus gratiam sufficientem, sed tamen quando unus plus aperit os cordis, quam

Gratia
DEI ad
salutem
est necessaria.

quàm alter, majorem dat ei gratiam, juxta illud *Mat. 25. v. 15.* Unicuique secundum propriam virtutem, id est, secundum quod magis vel minus præparat se. Cui conformiter loquitur Cornelius à Lapide in illud ad *Eph. 4.* Unicuique vestrum data est gratia, secundum mensuram donationis Christi. Ubi ait, sæpè DEum mensuram gratiæ suæ, metiri juxta mensuram dispositionis nostræ; ut quò major vel minor fuerit dispositio nostra, eò majorem vel minorem det gratiam. Quod confirmat S. Hieronymus dicens; DEus ejus magnificentia non est numerus, non dat ipse ad mensuram, sed juxta mensuram vasculorum infundit liquorem; tantum muneris largiens, quantum potest ille, cui donatur accipere. Pulchrà id declarat similitudine: Sicut inquit mare, per se immensum est, sed quisque ex eo haurit quantum capere potest & portare; Sic Spiritus sanctus immensus est in se, sed cuique ex eo datur tantum, quantum expedit, & capere potest. Ne quis autem, cui unum tantum talentum concessum est queratur, aut alteri invidet, solatio esse debet quod ait S. Paulus, quod divisiones gratiarum sint, & unum talentum, sæpè alio compensetur. Docet in hoc S. Greg. in illa verba *Job. c. 39.* Ubi eras, quando ponebam fundamenta terræ? Indica mihi, si habes intelligentiam, quid posuit mensuras ejus, si nosti? super quæ verba ille *1. 28. moral. c. 10.* moralem hunc facit discursum. Quis nisi conditor noster hujus terræ mensuras ponit, qui interno judicii secreto in moderamine, alij sermonem sapientiæ, alij sermonem scientiæ, alij plenam fidem, alij gratiam sanitatum, alij operationem virtutum, alij prophetiam, alij discretionem spirituum, alij genera linguarum, alij interpretationem sermonum tribuit, quatenus in uno eodemque spiritu, iste verbo sapientiæ polleat, nec tamen sermone scientiæ, id est doctrinà fulciatur. Concludit deinde discursum suum. Sic itaque Creator noster atque dispositor cuncta moderatur, ut qui extolli poterat ex dono quod habet, humilietur ex virtute, quam non habet. Interim tamen benignissimus DEus, in omnes liberalissimus, gratiam suam effundit in omnes. In cuius liberalitatis consideratione expendo ego verba illa Christi *Joan. 20. v. 22.* quando Apostolis suis tradidit potestatem dicens: Accipite Spiritum sanctum, quorum remiseritis peccata, remittuntur eis, ubi adverto, quod Spiritum sanctum non infuderit in forma lucis sed aëris: expressè enim dicitur insufflavisse, & dixit eis: Accipite Spiritum

*Histriones
serio pœni-
tentiam a-
gunt.*

ritum sanctum. Credo ego quia lux non pertingit ad omnia loca sicut aër, ut patet in specubus & clausis cameris, quo lux non penetrat, pertingit verò aër: Ita divina gratia, quæ se omnibus communicat, aëris instar, ubique se communicat & insinuat. Sic penetravit mirabiliter specum illam, in qua duo histriones salutem serio sunt consecuti. Ex his unus lascivæ vitæ pertæsus, vitam suam emendare volens, in sylvam exivit, ubi in petra cavernam reperit, quæ superius lapide clausa agendæ pœnitentiæ locum aptum præbuit. Huc itaque recessit, eoque in loco se abdidit & modico accolarum pane & aquâ subministratâ, in seriâ pœnitentiâ vitam aliquandiu traduxit. Socium suum dum alter sollicitè inquit, accolarum indicio in sylvam, in ipsam imò specum penetrat; in quâ ubi socium invenit, saxum revolvit, sociumque ad reditum sollicitavit. Suadet is contra similem pœnitentiam sed frustra, adeoque pio dolo illum ludere decrevit, fingit itaque se velle exire de cavâ & se à socio extrahi rogat, extractus etiam iter se capere simulat, sed repente dolenti similis inquit, se pecuniam in angulo absconditam reliquisse, hanc ne pereat, tollendam. Redeunt ergo ad specum, & alter promptissimum se ad descendendum offert, ut nummos tollat. Dimittit ergo socius inventus alterum per funem, dumque ille pecuniam quærit, iste funem extrahit, & os loci proximo lapide obturat. Inde ad fenestellam digressus illum monet, ut & ipse pœnitentiam agat. Clausus ubi se delusum vidit, miris conviciis & blasphemis socium est persecutus. Solatur interim clausum alter, & ad pœnitentiam agendam hortatur. Triduo in foveâ futebat clausus, triduo pro illo DEum deprecatus est socius, usque dum aura divinæ gratiæ specum penetrans hominis mentem immutavit: ita, ut serio vitam pristinam desleret. Reversum ergo socium rogavit, ut sibi sacerdotem adduceret, cui peccata sua inter lachrymas confessus, ultrò cavæ suæ inhæsit, & cum socio vitam in pœnitentiâ transiegit laudabiliter. Dum ego hunc Ladionem in specum per funem immisum considero, gratiam divinam velut artificiosam trochleam contemplor. Ingeniosum certè inventum excogitavit humana industria, quo per varias intortas rotas, homo potest vel uno digito, non unum sed plurimos centenarios elevare, & in turres altissimas evehere. Ostenderunt hoc Antuerpienses architecti, qui ante annos aliquot, per puellam duodennem maximam in urbe Campanam, in

*Gratia di-
vina est
trochlea.*

tur-

turrim elevarunt, dum illa vel uno digito rotam circumegit. Huic trochleæ P. Ludovicus de Ponte divinam gratiam assimilat, qua ingentia pondera in sublime elevantur. Quis Matthæum, inquit, velut plumbi massam à telonio movendum putasset? quis latronem velut gravissimum truncum quercium in paradysum transferendum credidisset? Quis Saulum vas iræ & furoris in cælum elevandum? Quis Davidem instar faxilimo profundi immersum extraxisset? nisi trochlea divinæ gratiæ Matthæum quasi Angelum armasset alis, latronem in paradysum avis instar gratiæ pennis transtulisset, in cælum tertium rapuisset Paulum, Davidem velut columbam in cælum avolare fecisset. Sine hac nec Matthæus à telonio, nec latro à patibulo, nec Saulus persecutor ab infano furore, nec David ab infami adulterio aut funesto homicidio recessisset. Nimirum effatum est *Joan. 6. v. 66.* Nemo potest venire ad me, nisi fuerit ei datum à Patre meo. Neque enim sine speciali DEI auxilio, potest quis à statu peccati aut damnationis resurgere. Ut proinde de fide sit quod Paulus *ad Eph. 2. v. 8.* dicit: Gratia enim estis salvati per fidem; & hoc non ex vobis, DEI enim donum est. Expertus est hanc DEI misericordiam desperatus ille peccator, qui ut studiosè DEum offenderet, deliberato in DEum odio, summam Navarræ emit, & cum studio sacrilegè confiteri vellet, sciens sic DEum gravissimè offendi, verè contritus peccata sua est confessus. Non minus mirandum est illud, quod de puellâ cum proprio parente incestuosa referunt historiæ. Hanc cum mater propterea feverius increpuisset, illa monitionis impatiens absente patre, matrem veneno extinxit. Redux parens ob id puellam acrius reprehendit, at illa iram parentis tolerare non valens, eundem noctu dormientem securi contrucidat. Exindè cum optimâ supellestile à DEO & domesticis profuga, in omne scelus liberrimè proruit. Post multum temporis in Ecclesiasten de misericordiâ DEI erga peccatores differentem incidit, à quo solutâ concione veritatem dictorum exquirat, pœnitet, & confitetur. Imposuit illi sacerdos, ut sequenti die ad Concionem redeat. Redijt, & inter dicendum ex contritionis magnitudine felicissimè emoritur. Simile huic est quod Platus *de statu relig. l. 2. c. 32.* refert de S. Vincentio concionante. Hic ad populum verba facturus vidit duos reos ad furcam duci, quos rogavit obstinatos licet ad concionem

*Sacrilegè
confiteri
volens, ve-
rè pœnitet.*

*Puella in
cristuosa &
parricida
derepente
pœnitet.*

duci, & eorum vultus linteolo contegi. Exindè de peccati turpitudine & malitiâ, atque inferni cruciatibus tantâ vi ſermonis dixit, ut illi duo patibularij ſudare primum, deindè ſumare, ac denique accendi viderentur & ardere. Ubi finitâ concione velum remotum fuit, facies illorum fuerunt ſicut carbones, & illi in contritione ardentiffimâ expirare viſi ſunt. Merito ergò hîc exclamem cum Davide *Pſ. 76. v. 11.* Hæc mutatio dexteræ excelfi.

*Gratia cur
in uno fructuosa, in
altero sterilis.*

Quòd verò hîc à gratiâ divinâ mutetur, ille in peccatis ſuis hæreat, id à noſtrâ dependet diſpoſitione, quæ ſicut in multis inæqualis eſt, ita inæqualem etiam gratiam producit. Sicut enim pluvia terram irrigans, non poteſt culpari ex eo, quòd, licet eadem ſit, diverſos tamen effectus producat, nempe in uno loco frumentum, in altero ſpinas & tribulos; ita neque gratia divina taxari debet, quod in uno fœcunda, in altero ſterilis maneat. Benè namque *S. Aug. l. de Eſau & Jacob.* Simul pluit Dominus ſuper ſegetes & ſpinas, ſed ſegeti pluit ad horreum, ſpinis ad ignem; & tamen una eſt pluvia. Sic gratia DEI omnes compluit, quidam tamen ſpinas, alii ſpicam producunt. Adumbravit hoc DEus *Exod. 7.* Quando DEus percuffit aquam fluminis, quæ verſa eſt in ſanguinem, ita ut Ægyptii bibentes aquam languineam miſerrimè interirent. Ubi hoc erat miraculum maximum, quod eandem aquam ſine nocumendo biberit populus Iſraëliticus. Sic enim *Sap. 11. v. 5.* pœnas paſſi ſunt inimici illorum in defectione potus ſui, & in eis, cùm abundarent filii Iſraël lætati ſunt. Quem locum *Lyra* ſic intelligit: Quando hauriebant Hebræi de flumine, ſtatim quod hauſtum fuit, redibat ad naturam potabilis aquæ, & ſic lætabatur Iſraël de divino beneficio, ſic ut ex eo dem flumine reficerentur filii Iſraël, Ægyptii autem punirentur. Agit ergo DEus ita, ut auxilium quidem conferat, ita tamen ut adjuvantis cooperetur. Neque adjuvantis culpâ ſed propriâ interiret, qui reſtim quæ porrigitur in puteum prolapſo, non pprehenderet. Licet enim cuique rei præſtandæ ſolus ſufficeret DEus, tamen omnia ſua donata ordinat, ut eadem hominibus non largiatur, niſi humana ſubſerviat cooperatio. Sic *Exodi 32.* poſt longum ſermonem cum DEO habitum, reverſus eſt Moſes de monte portans duas tabulas teſtimonii ſcriptas manu DEI. Cùm verò Moſes appropinquaviſſet ad caſtra Iſraël, vidiffetque vitulum & choros, iratus projecit de manu tabulas, quas fecit DEus, & confregit. *Exodi 34. v. 1.* Non amplius

Gratia divine cooperari debemus.

plius DEus tabulas lapideas fabricat, sed inquit Moysi, Præcide tibi duas tabulas lapideas instar priorum, & licet DEus dixerit v. i. Et scribebam super eos verba, quæ habuerunt tabulæ, quas fregisti. Tamen v. 27. dicit Dominus Moysi: Scribe tibi verba hæc, quibus tecum & cum Israël pepigi fœdus. Ubi habemus primas tabulas fuisse opus DEI, factas & scriptas manu illius; secundas verò fuisse opus Moysis, quas excidit & scripsit manu sua S. Aug. q. 166 in Exod. inquit; Magna oritur quæstio, quomodo illæ tabulæ, quas Moyses facturus erat, opus DEI dicatur? Respondet idem S. Doctor, quod in prioribus tabulis significabatur gratia DEI, in posterioribus autem significabatur gratia DEI homini data; sed non sine DEO operantis, quia Moyses in tabulis à se excisis legem scribere debebat, quam ore suo dictabat DEus. Sic enim sunt disposita dona DEI ut quævis in illis conferendis sit largissimus DEus, soleat tamen expectare cooperationem & industriam hominis. Mirabile est illud Pauli Act. 27. ubi Paulus in mari navigans Romam meditabatur, repente autem exorta tempestas, vix non omnes de salute desperare coëgit. Ubi verò hoc advertit Paulus, eos solatus est visione Angeli, qui nullum omnino interiturum prædixit. Quia verò nautæ Paulo assensu non sunt, sed de navi exilire volebant, & ad portum natando pertingere. Patulus Centurionem & milites his verbis allocutus est: Nisi hi in nave manserint, vos salvi fieri non potestis. Quæ obsecro hæc est loquendi ratio? Quid nautis opus est, si angelus omnes salvos futuros prædixit? an sine nautis DEus Paulum, & suos salvare non potest? Imò verò potest, sed sine nautis non vult. Hinc laborarunt nautæ, & difficultatem superarunt, usque dum nūvis illisa scopulo dissoluta sic est, ut singuli in arreptis tabulis enataverint. Si quæras quid opus fuit tabulis his, qui angelicâ revelatione salvandi erant? Dicam ego collaborandum fuisse divinæ pollicitationi. Sic planè vult DEus nos eripere æternæ damnationis naufragio, offert nobis tabulam poenitentiae, sed necessarium est, hanc tabulam arripere. Evolvamus scripturam; neminem reperiemus fecisse aliquid magni, vel etiam parvi sine DEO. Sic prælia Israëlitarum DEO præliante victoriosa fuerunt. Neque enim Josue dejecit muros urbis Jericho, aut Amalecitas cæcidit, quando in monte oravit Moyses. Manifestum hoc est in illo, quando Josue ad Hai urbem ascendit, ut eandem oppugnaret. Vertit enim terga Israël, quia anathema fuit furpi

*Sine gratia
DEI nihil
possumus.*

Gratiae di-
vine coo-
perari de-
bemus.

furti ab Achan commissi, uti legitur *Josue 7*. Ubi verò populus expiatus fuit à scelere, DEus Josue instruxit, quomodo urbem caperet, & ad pugnam animavit. Sic planè DEus numerum militum diminuit Gedeoni, & trecentos solum elegit, quibus victoriam dedit. Eapud modò ad novum testamentum *Joan. 9*. Christus sanaturus cæcum postquam lutum fecit ex sputo, & oculos ejusdem linit, mandavit illi; Vade! lava in natatoria siloë. Christus cæcum illum de industria ad aquas Siloë misit, ut aliquid ex parte sua faceret sanitatis consequendæ causâ. Per hoc nos docere volens, quantum propria industria conferat ad salutem. Calendaria nobis sæpè prædicunt fertilem annum; ergone propterea vinicola in vineis, agricola in agris non laborabit? imò verò tantò libentiùs laborabunt, quia spem messis & vindemiæ habent. Sic servus diligentius laborat, quia mercedem certam sperat. Sic æger avidius medicinam sumit, quia Medicus sanitatem promittit. Merces est cœlestis gloriæ, sed nos priùs laborare debemus, ut nobis dici possit: Euge serve bone & fidelis intra in gaudium Domini tui. In quæ verba Theophylactus: Vocare enim est DEI, electum autem fieri, aut Electum esse, etiam est nostrum. Et ideo monet S. Petrus 2. *Ep. c. 1. v. 10*. Satagite ut per bona opera vestra, certam faciatis vocationem vestram, Glossa interlin. habet: Benefaciendo, facitis vos certos de præmio vocationis vestræ. Hinc licet efficacissima sit Passio Christi in se, efficax tamen non est nisi illi, cui applicatur per Sacramenta, & requiritur, ut homo præventus gratiâ supernaturali, se disponat & capacem reddat divinæ gratiæ. Sic medicina habet virtutem pellendi morbos, si æger illâ utatur. Sol potest illuminare cubiculum, si fenestræ aperiuntur. Ignis calefacit, sed illos, qui accedunt. Et hinc dicit Paulus: Ego adimpleo, quæ defunt, id est ut explicat S. Thomas: Christus Dominus pro me mortuus est, ego addo mensuram meam, facioque facienda. Sic Christus sine dubio est omnium nostrum Redemptor, & sine illo nemo salvabitur. Sed hoc non sufficit, quia quisque insuper sollicitus esse debet, ut coope- retur. Hinc bene advertendum est, quod dicit S. Paulus 2. *ad Tim. 4. v. 7*. Bonum certamen certavi, cursum consummavi, fidem servavi. In reliquo, id est, propterea reposita est mihi corona Justitiæ, quam reddet mihi in illâ die justus iudex. Certè non est illa corona tantum misericordiæ, sed est meriti & Justitiæ, id est, quam justè merui.

merui, ut inquit S. Anselmus super hæc verba; quam non dabit sed reddet mihi, quia iustus iudex est. Undè clare Christus *Mat. 20. v. 4.* in persona Patrisfamilias dixit: Quod iustum fuerit, dabo vobis. *Et v. 8.* Voca operarios, & redde illis mercedem. Pulchre hoc S. Chrysostomus *hom. 66. in Evangelia* hac similitudine declarat: Fingamus inquit, si duo primarii Cæsaris amici ad locum certaminis, quo multi & celebres Athletæ confluerunt, veniunt; & ante omnem pugnam & meritum à Cæsare peterent, ut se victores proclamaret, & velut tales coronaret, an non responderet illis, non est meum hoc facere, sed illis competit, quibus peracto felici certamine, hoc statutum fuerit. Annè ideo hunc Cæsarem non potentem condemnabimus? sic DEus potest cœlestem gloriam largiri velut coronam gratiæ, sed non vult, reddit autem velut coronam Justitiæ. Ut propterea S. Paulus ad *Titum c. 2. v. 14.* dicat: Qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem sectatorem bonorum operum. Quasi diceret, non est satis ad salutem vestram, quod vos Christus redemerit, quod pro vobis sanguinem suum fuderit, necesse est præterea ut sitis sectatores bonorum operum. Quod explicat S. Chrysostomus *hom. 34. in Imperf.* Scitote, quia mercenarij sumus conducti; Mercenarius autem sine operâ non potest esse. Opera autem nostra, sunt opera Justitiæ. Sicut autem operarius erubesceret intrare domum, & petere sibi panem die illa, quâ opus non præstitit, quomodo tu non confunderis, petere à DEO cœlestem gloriam? quando nihil boni in conspectu DEI egisti? Quare benè S. Basilii? Opera ostende, & exige retributionem. Quamobrem neque sine causâ miratur S. Chrysologus factum Christi, quod cum domum S. Petri intraret, & socrum ejusdem sanare vellet, apprehenderit ejusdem manum *Mat. 8. v. 15.* Tetigit manum ejus, & dimisit eam febris. An non suffecisset sola voluntas Christi, ut eam sanaret? Respondet benè S. Chrysologus Christus tenuit manum mulieris ad vitam, quia Adam de manu mulieris accepit mortem. Quemadmodum enim ad perditionem Adami duo concurrerunt, Eva tentando, & ille consentiendo: Ita quoque ad salutem hominis; DEI excitantis, hominis verò consentientis. Benè omnino concludit S. Bonaventura: In omni opere bono socij, DEus & homo.

K

Qua

*Gratia Dei
est merces.*

Quâ de causâ benè observare debemus , ut DEO excitanti respondeamus , nec gratiam nobis à DEO oblatam negligamus. Docet enim Concilium Milevitanum *super illa verba Cant. 5. Aperiri mihi soror mea.* Quod sicut sponsus ante ostium stetit & pulsavit , ita DEUS suâ gratiâ stat ante ostium cordis nostri , & pulsât , ut aperiâmus. O quoties pulsât amantissimus DEUS , non unâ nocte , non unâ hebdomada , non uno mense , non uno anno ; Audite ipsum Davidem *Psal. 94. v. 10.* in personâ DEI ; Quadraginta annis proximus fui huic generationi , & dixi semper , hinc erant corde , ipsi verò non cognoverunt. Sed timete , ne quod sponsâ accidit , etiam nobis eveniat. Quid illa morosa queritur ? Quæsi inquit & non inveni ; Invenierunt me Custodes , percuferunt me & vulneraverunt me. Inveniunt nos infernales custodes , qui nos pessimis suis tentationum jaculis vulnerant , & in peccatum inductos contrucidant , ut æternum damnemur. Tremenda est de Canonico Toletano gratiam rejiciente historia. Hic enim ab Episcopo amicis & Consanguineis , imò verò ipso DEO monente intus conscientiam , sæpius monitus fuit , ut vitam emendaret , sed neque DEUM , neque Episcopum , neque alium Monitorem audire voluit. Ubi infirmitas invaluit , & Medicus de vitâ conclamatum jam esse dixit , instat vehementius Episcopus , qui cum monendo nihil proficeret , cum adstantibus ad preces conversus psalmum de profundis recitat , & ubi ad verba illa ; Fiant aures tuæ intendentes deveniunt. Crucifixus ligneus , qui in mensâ stabat , manus à cruce refixit , & aures sibi obstruxit , altaque voce inclamavit : Quia vocavite , & renuisti , ego quoque in interitu tuo ridebo. Alterum non minus tragicum , quam horridum est , quod S. Franciscus Borgia cum nobili Hispano accidit. Hujus enim Consanguinei , ubi desperatum viderunt cum vitâ Illustrissimi Dynastæ , evocant S. Borgia , ut moribundum ad Confessionem disponat. Juit S. Borgia , prius tamen ante Crucifixum prostratus , pro infirmo suppliciter gratiam exorat. Mandat Borgia Christus , ut ad ægrum pergat . Ego inquit in personâ Medici præcedam , & omni obsequio ægro assistam , ei que gratiam meam non negabo. Juit spe plenus Borgia , & apud ægrotum Christum personatum Medicum jam invenit. Excipitur humaniter Borgia. Fit sermo de ratione morbi ,

Crucifixus
apud Ca-
nonicum
Tolet. au-
res obstruit

Crucifixus
S. Borgia
sanguine
suo Dyn-
astæ extin-
git.

morbi, de remedijs adhibitis, de sedulitate Medici, probantur omnia. At ubi de confessione mentio facta est, hic indignari infirmus, vultumque immutare ac avertere cœpit. Recedit ergo cœlestis Medicus, Borgiam verò ulterius reliquit. Instat ergo Borgias, hortatur ad pœnitentiam, rogat, ut cum DEO se componat, esse adhuc tempus misericordiæ obtinendæ monet, sed frustra. Quare domum, undè venerat revertitur, & rursus coram Crucifixo prostratus misericordiam pro infirmo rogat. Agè inquit Crucifixus, ad infirmum, hanc Crucifixi imaginem meam tecum defer, ipsius oculis obverte. Si fortè ad hujus aspectum respiscat. Fecit Borgias, quod Christus mandavit, ardentissimè infirmum alloquitur; Christum Crucifixum devotissimè exhibet, at saxo durior obrigescit æger. Christus ipse in manu Borgiæ copiosum cœpit sudare sanguinem, at nihil movetur infirmus. Hortatur, & guttas sanguineas ostendit, sed omnia frustra. Tandem Christus ipse suam refixit dexteram, & lateri hianti immittit, atque plenam sanguine in faciem desperati hominis effundit, tot linguis illius damnationem locutus, quot guttas ex sanctissimo suo latere desumpsit. Ex quo concludet, quod licet nostris viribus nihil operari possimus ad salutem, quia tamen semper DEI gratiam paratam habemus, necessarium esse, ut eandem toto cordis affectu amplectamur. Non moremur cum sponsa; non tardemus cum invitatis ad nuptias cœlestes. Quibus licet *Mat. 22. v. 4.* dicatur: Ecce prandium meum paravi, Tauri mei & altilia occisa sunt, & omnia parata. Venite; observat tamen *Nyss. tom. 2. Dom. 3. post. Pentecost.* quia nec elixa, nec assa nunciavit, mirum videri non debet, si morati sunt, qui ad nuptias invitati fuerunt; quia se in tempore adhuc venturos speraverunt. Ast non est hoc convivium materiale, sed sub hujus typo, repræsentantur nobis inspirationes divinæ, quibus animam, ut ad se veniat, seque sequatur, Christus vocat. Ast ubi tantum nunciat occisa, non verò assa, ostendere voluit, perindè ac si dixisset: Novi ego tantas moras tracturam animam, ut interim usque dum veniat, omnia elixari aut assari queant. Iusta proindè est querimonia S. Petri Chrysologi *serm. 114.* Quando tantum DEO, quantum mundo? Quando tantum cœlo, quantum terræ? quando tantum virtuti, quantum vitij humana fragilitas famulabitur? Totus homo miser sic

bus excitatis successit. Quare magnâ cum solitudine expendenda sunt verba illa *Isa. 5. v. 3.* Judicate inter me & vineam meam. Quid est, quod debui ultra facere vineæ meæ? Hactenus palmites innumerabiles excisi sunt, qui modo in inferno ardent, & ardebunt in omnem æternitatem. Sed judicate inter hos & DEum, an vinicolas, an palmiti exciso, imputari debeat hæc ruina. Severa hæc est prædicatio exclamat Didacus stella, quam omnes qui Christiani sumus, sæpè contemplari debemus, ut videamus, quid in nobis operetur agnitio Christi, dicam ego, quid operetur gratia DEI semper parata? An cum hæc ad meliora pergamus? an verò ad deteriora ruamus. Etenim horrendum est illud *Isa. 8. v. 14.* Dominus in lapidem offensionis, & in petram scandali domibus Israël, in laqueum & ruinam habitantibus Jerusalem. Et offendent ex eis plurimi, & cadent, & conterentur, & capientur. Non intentione divinâ inquit citatus Stella, sed malitiâ propriâ.



CAPUT QUINTUM

PUNCTUM V.

Quod necessitate medij credi debet.

DISCURSUS V.

DEus est omnium Judex.

Cuncta quæ fiunt adducet DEus in Judicium inquit Ecclesiastes c. 12. v. 14. adeoque de fide est, quod Christus secundum humanitatem, in comitatu omnium Angelorum summa cum majestate in nubibus comparens, sententiam in justos & injustos sensibilibiter pronuntiabit. Quod licet neget Calvinus, & olim id negaverint Albanenses; verum tamen est, & indubitatum ex Concilio Nicæno, & ipsorum SS. Apostolorum atque S. Athanasij Symbolis, ubi clarè habetur, quod sit venturus judicare vivos & mortuos. Taceo, quod Christus ipse, Mat. 16. v. 17. dicat: Filius hominis venturus est in gloria Patris sui, cum angelis suis, & tunc reddet unicuique secundum opera ejus. Hinc ubi resurrexerint mortui, gloriosè Christus aderit, ut tunc adimpleatur illud Pauli 1. ad Cor. 15. v. 26. omnia enim subjecit sub pedibus ejus. ideoque ad Philip. 2. v. 10. dicit: Ut in nomine Jesu omne genu flectatur cœlestium, terrestrium & infernorum. Tunc enim ad judicium Christum comitabuntur omnes angeli ejus, quod dicit S. Judas Apostolus in Epist. sua Can. v. 15. Ecce venit Dominus in sanctis millibus suis, facere judicium contra omnes, & arguere omnes impios de omnibus operibus impietatis eorum, quibus impie egerunt, & de omnibus duris

duris, quæ locuti sunt contra DEum peccatores impij. Quibus verbis perstringere videtur Apostolus singulariter omnes impios blasphemos, quos DEus etiam in hac vitâ adhuc, horrendis fulminibus est persecutus. Horrendum est, quod Cueva blasphemæ accidit in Hispania. Cum enim Alunrado Regis Hispaniarum Minister, in prælio cum populis Xalisce infelicitè pugnans occubisset, & cladis nuncium accepisset Beatrix de Cueva uxor illius, blasphemæ dixit: Nullam esse in DEO omnipotentiam, qui maritum suum non potuisset servare. Et ecce subito oborta tempestas, ex vicino monte, tanto diluvio civitatem à marito ædificatam inundavit, ut adactis in muros grandibus lapidibus, omne ædificium dejecerit, & ad ipsius blasphemæ palatium penetraverit. Ubi illa saniore quidem consilio, ad preces confugit, vindictam tamen divinam effugere non potuit. Quia eluvio rapta secum saxa in domum illidens, eandem oppressit, totamque civitatem momento quasi evertit. Quid tunc facturus est peccator, quando severus Iudex juxta illud *Mat. 24. v. 30.* veniet. Tunc parebit signum filij hominis in cælo, & plangent omnibus terræ. Et videbunt filium hominis venientem in nubibus cæli, cum virtute multâ & majestate. Utpotè ex cujus sacratissimis vulneribus, in justos soles, in impios fulmina vibrabuntur. Tunc enim verò videbunt in quem transfixerunt. Toto corpore contremisco, dum recogito quod Henricus Musæ Charchusianus in Helvetiâ sacra nempe anno Christi 1392. 7. Junij in Helvetiâ Willisonij accidisse narrat. Quod quidam perditâ in lusu pecuniâ pugione mensam confodiens dixerit: Audi Christe Mariæ fili! si etiam hunc jactum tessera fallant, ego pœnas à te repetam; ego pugionem hunc, per latus tuum transadigam. Jacit deinde infortunatè aleas; & ille pugionem arripiciens dixit: Audi sis Christe fili Mariæ! hic mucro tibi tuum pectus transverberet. Simul pugionem in altum projicit, & continuo spectantibus omnibus, in subjectam mensam quinque guttæ sanguinis decidunt, duo verò horrendi Æthiopes blasphemum in auras abripiunt. Guttæ sanguinæ deleri non potuerunt, & usque hodiè in mensæ excisâ parte, eo in loco extracto templo videntur & asservantur. An non verum est illud *Pf. 36. v. 14.* Gladium evaginaverunt peccatores. Sed audite quod sequitur *v. 15.* Gladius eorum intret in corda ipsorum. Scilicet peccatis nostris armamus DEum, quibus deinde cæsi, æternum perimus. Primum quidem

Cueva blasphemæ civitatem evertit.

DEUS acerrimè puniri. Quomodo inquis? audi scripturam. *v. 72.* Filij eius percusserunt eum gladio. Occisus est à filiis ait Tostatus, à quibus maxime diligi debebat. Et hinc David ex observatione S. Ambrosij in *Pf. 118.* hunc psalmum insignivit literâ Schin. quod idem est, ac super vulnus, ubi persecutionem filij deplorat. Quia non potuit DEUS sæviorem armare gladium, quam per manum filij. Julio Cæsari unus Bruti gladius sævisissimus fuit. Et tu fili mi Brute? *Vulnera Christi in judicio erunt terra.* Modo peccatori Christus est scutum, at ubi vulnera sua pandet, & parebit signum filij hominis, hæc eadem erunt horridorum telorum officina. Heu nimium verum est, quod dicit Rupertus Abbas: Veri, neranda Domini vulnera, æterna futura incendia. Serio proinde monet S. Aug. in *psal. 102.* Quod tibi parcit DEUS, putas, quod places ei? hæc fecisti inquit, & tacui. Tacui semper, *Is. 42. v. 14.* filii; patiens fui; sicut parturiens loquar, dissipabo & absorbebo simul. Sed quid obscuro loquitur? nisi triste illud: Vocavi, & renuisti. O vox tremenda! Tonitru terror Orbis dicitur; terret enim *Vox Christi.* fortissimos quosque, & cælo tonante coronata capita præ metu se *sti Judicis* inclinant. De Augusto Suetonius refert: Tonitrua & fulgura pau- *tonitru.* lō infirmius expavescebat. adeò quidem, ut semper & ubique pel- *Augustus* lem vituli marini, circumferret pro remedio, atque ad omnem ma- *timet ful-* joris tempestatis suspensionem in abditum locum se recipiebat. Tibe- *mina.* rius turbato cælo coronam lauream in capite ferebat. Non timuit an rupes? an homo? nescio; qui cū iratum cælum horridè tona- *Cælo to-* ret, ex domo suâ progressus bombardam accepit, eamque vehe- *nante qui-* mentissimè oneravit, ac quoties cælum tonuit, toties ipse contra *dā bom-* cælum audacissimè est jaculatus. Tenuit hoc certamen inodico *bardam* tempore, cum elisum ex nubibus fulmen, hominem protervum *explodit.* horrendè planè fulminavit, & extinxit. Tonitru licet sonus tantum sit, timetur, & terret eos, qui tenent orbem. At istud, quod à supremo audietur Judice, velis, nolis, ita feriet; ut deiciat in semper duratura inferorum incendia. Et hinc timor & tremor, ut vel ad solam illius memoriam, contremiscerent ipsæ Ecclesiæ columnæ Augustinus & Hieronymus. Hic de se in *Ep. ad Cromatium* scribit: Ego in sepulchro in eorum criminum jacens, & peccatorum vinculis colligatus, dominicum de Evangelio expecto clamorem. Hieronymus veni foras! S. Aug. verò *l. 6. Confess.* Non me revocabat à carnalium profundiore voluptatum gurgite, nisi metus mortis & futuri *judicii,*

Judicium
extremum
pizū ter-
ret.

Judicij di-
vini me-
moriam sa-
lutarem
demon im-
pedit.

Tonante
cælo ver-
mes qui se-
ricum fa-
ciunt, mo-
viuntur.

Judicium
somnia-
tum
erendat.

judicij, qui nunquam recessit de pectore meo. Unde idem S. Aug. l. 6. Offic. c. 6. Nihil est, quod magis proficiat ad vitam honestam, quam ut credamus, eum Judicem futurum, quem & occulta non fallunt, & indecora offendunt, & honesta delectant. Bogaris Bulgarorum Rex homo barbarus, Methodium Monachum evocavit, ut sibi in grandi palatio depingeret imagines aspectu horridas. Pinxit is extremum judicium penicillo planè formidando. Quo viso ita motus est Rex, ut superstitionem & idololatriam ejuraret, & Christi fidem amplecteretur. Tantum potuit oculis proposita nuda imago extremi Judicij. Quid si etiam sollicità mentis trutinà expendatur? an non justos in animo motus ciebit? suasisit hanc salutarem judicij memoriam S. Joan. Apoc. v. 4. Qui dum bene precatur Ecclesiæ Dei, Gratia vobis & pax ab eo, qui est, & qui venturus est inquit. Quibus verbis nos frequentem memoriam judicij habere commonet. Si enim juxta Grammaticæ leges loqui voluisset, dixisset, qui futurus est, & non qui venturus est. Maluit tamen dicere, ab eo, qui est, qui erat, & qui venturus est, ut nobis extremi judicij inculcaret reminiscantiam. Sed magna est dæmonis astutia, qui plurimum laborat, ut extremi judicij memoriam ex mentibus nostris tollat. Advertit hoc divinus Psaltes, qui ps. 9. v. 5. de peccatore dicit: Inquinatæ sunt viæ illius in omni tempore, auferuntur judicia tua à facie ejus. Pro quo loco explicando, Philippus Diez, citat S. Antonium de Padua, qui appositâ similitudine in hac materiâ utitur. In locis inquit, ubi fit sericum, tonare sæpè ac fulgurare contingit, ne verò vermes terri, moriantur, tympana & cymbala aliaque instrumenta musica pulsantur, & ita distrahuntur, ne ex Tonitruum strepitu, aliquod in eis damnum fiat. Hoc eodem artificio utitur diabolus, cum enim homines mortis & judicij recordantur, statim ille has cogitationes abolet voluptatum mundanarum musicâ, & cupiditatum illecebris obstreperit. Quare de his tam grandibus salutis nostræ mysterijs, non aliter agimus, quàm si somniaremus. Et utinam saltem somniaremus. Palladio teste uti habetur in *historiâ Lausiaca*, c. 52. Princeps quidam latronum, homo à naturâ truculentus, & multis latrocinijs infamis, visus est sibi in somno ante tribunal Christi consistere. Movit hæc somni species adeo hominem, ut toto corpore contremisceret, atque in hoc terrore expurgiscens ad meliorem vitam se accinxit. Quod si hoc ab evanidâ unius somni imagine? quid à re ipsâ futu-

futurum est, si serio oculis mentis nostræ, hæc dies tremenda obiecta fuerit.

Quæritur merito potest, cum dicant Theologi DEum ab homine videri non posse, quomodo tamen DEus videbitur à peccatore? Respondet S. Hieronymus quòd licet scriptura dicat. Tollatur impius, ne videat gloriam DEI, dicit tamen Isaias. Videant, & confundantur. Undè concludit: Visuri sunt illam formam servi & hominis, quam suscipere dignatus est de nostrâ humanitate; sed illam gloriam, quam Sancti habent, nec habebunt, nec videbunt. Et Godefridus Cardinalis S. Priscæ *serm. 6.* inquit: Videbunt humanitatem, ut DEus in eâ formâ in quâ iudicatus est à mundo, iudicet mundum. Et tunc verificabitur illud *Pf. 111. v. 10.* Peccator videbit & irascetur. Unde Didacus Celada *in illud Mat. 25.* Et ibunt hi in supplicium æternum, curiosè observat particulam Ibunt. Ire inquit, est ætus libertatis, quis autem ad supplicium liberè & spontè pergit? Trahi videmus eos, qui destinantur ad supplicium. Audiamus Celadam. Ibunt; non rapiuntur, non trahentur, quia minacem Iudicis vultum ipsis inferni pœnis horribiliorem ferre non poterunt. Olim Augusto Imperatori sistebatur reus, qui terram profundius solito contuens, interrogatus est, cur sic in terram deïxus Cæsarem non contueretur? respondit, quia fulmen oculorum tuorum ferre non possum! Quis feret tunc irati DEI oculos? verè exclamare debeo cum Malach. *c. 3. v. 2.* Quis stabit ad videndum eum? *Joan. 18. v. 5.* Cum discipulos in horto finitâ oratione reviseret Christus & inimicis suis obviam processisset, Judas armatus cohorte hortum ingreditur. Quærit Christus quem quæritis? respondent illi, IESum Nazarenum: Nihil aliud dixit IESus, quàm hoc. Ego sum; & inquit textus: Ceciderunt retrorsum. Dionysius Carthusianus in hunc locum putat, tunc Christum Judæ & militibus exhibuisse vultum illum, quem exhibiturus est damnatis in die iudicij, ideòque terrore exanimatos cecidisse. Christus, inquit, ostendit vultum suum Judæis, in terrore & majestate suâ, egredientibus ex oculis igneis radiis, atque sic divino quodam fulgore irradiante, exterruit & prostravit. Quare S. Aug. *in c. 18. Joan.* quærit, ubi cohors armata? ubi sacerdotes & ministri? namque una vox dicentis: Ego sum sine ullo telo tantam turbam percussit, repulit, stravit. Et paulò post: Quid iudicaturus faciet, qui iudicandus hoc fecit? Quid regnaturus poterit;

*Damnati
in iudicio
DEum ho-
minem vi-
debunt.*

*Damnati
ibunt in
supplicium;*

*Augusti
irati oculi.
fulmina.*

*Vox Christi
in horto
terrui,
quid in iu-
dicio.*

*Angeli ti-
ment fa-
ciem DEI,
qui in pec-
cator?*

*Discipuli
in monte
Thabor ti-
ment diem
iudicii.*

*S. Hila-
rion iudi-
cium timet.*

*Samuel à
Pythonissa
suscitatus
timet iudi-
cium.*

terit, qui moriturus hoc potuit? Exclamare cogor cum S. Thoma de villa nova *Conc. 1.* Columnæ cœli contreiniscunt ad nutum ejus. Respicit terram, & facit eam treinare. Montes & rupes liquefcunt sicut cera, à facie ejus; & poterit stare coram eo debilis & putrida caro? Terret me S. Chrysostomus *orat. 2. de orando DEO.* Qui in illud Isaïæ ubi vidit Seraphinos stantes in conspectu DEI, qui alis suis tegebant faciem & pedes, & duabus volabant. Quærit quomodo si volabant, steterunt? & si steterunt, quomodo volasse dici possunt? Unde non volasse putat S. Chrysostomus, sed motu trepidationis alas suas movisse autumat. Verba illius sunt: faciem quidem & pedes ob ingentem reverentiam tegebant, volatu verò dum non valent in quiete permanere, tremorem declarantes. Hoc est illud quod Mat. 17. v. 6. dum Discipuli sunt cum Christo, in monte Thabor, & vident illum loqui cum Moyse & Eliâ dicitur: Ceciderunt in faciem suam, & timuerunt valdè, ita ut à Christo animari debuerint: Surgite, & nolite timere. Quæ obsecro hujus timoris causa? cum paulò ante Petrus dixerit; Domine bonum est nos hic esse? S. Basilii Seleuciensis dicit timoris causam fuisse, quia viderunt nubem, dicente Evangelista, Et ecce nubes lucida obumbravit eos: Recordati nimirum sunt discipuli, quando dixit, se in nubibus cœli ad iudicium venturum. Videbunt *Luc. 21. v. 27.* filium hominis venientem in nube cœli, Concludit: Qualis futurus est in die iudicii, talis Apostolis apparuit. Non miror ego iam S. Hilarionem, qui postquam in Ereino septuaginta annis sanctam vitam egit, in agone tamen trepidavit, dum dixit; Egredere anima mea quid times? septuaginta annis servivisti DEO; & mortem times? Timuit Hilarion, & non timebimus nos? qui vix septuaginta dies, vix tot horas servitii nostri apud DEum numerare possumus? Non miror iam quòd 1. *Reg. c. 28.* timuerit Samuel à Pythonissa suscitatus. Cum enim magis suis usa Pythonissa inclamasset Samuelem, mirum dictu! exclamat Pythonissa DEos video ascendentes de terrâ. Quid agis? ô mulier? Samuelem evocas, & DEos vides ascendentes? Quis alium petiit, quàm Samuelem? Dicunt Rabini hanc vocem Pythonissæ penetrâsse limbum, & credidisse Samuelem, evocari se ad iudicium, proindè Moysem evocasse in consortium & patrocinium coram Iudice. Ita enim Adrianus Fini in *flâgel. Judæor.* Samuel non surrexit solus, sed Moyse cum eo; dicunt enim hebræi, quòd Sa-
muel.

mucl tunc non surrexerit virtute magicâ sed divinâ, nam Samuel timuit, ne ad iudicium divinum vocaretur, & ideo Moysen rogavit, ut secum veniret. Hinc non absque reflexione est illud *Mat. 23. v. 31.* ubi descripturus adventum Christi Evangelista, utitur his verbis: Cum venerit filius hominis in maiestate sua &c. paulo post *v. 34.* inquit: Tunc dicit Rex his, qui à dextris eius erunt &c. In quæ verba S. Hieronymus: Quando invitabat ad nuptias & agebat opera clementiæ, hominis nomen appositum est. Quando ad ultionem venit; homo siletur, & Rex tantum dicitur. Quia ira regis, nuncius mortis. An non ergo merito cum Job exclamet peccator *c. 14. v. 13.* Quis mihi hoc tribuat, ut in inferno protegas me? & abscondas me, donec transeat furor tuus? Seneca Tragedus finxit, quod vultum Herculis nimium furentis viderit filius, & præ timore expiraverit; dicit enim: Perlit tremefactus infans aspectu Patris. Quomodo vultum irati iudicis videbit peccator? cum dicat Habacuc *c. 3. v. 6.* Aspexit & dissolvit gentes. Tantum manum in pariete vidit Rex Balthasar *Dan. 5. v. 5.* & dicit Textus: Tunc facies Regis immutata est. Theodoretus *orat. 5. in Dan.* sic insert; si Balthasar Rex duorum tantum digitorum in pariete scribentium visu, tantum concepit timorem, quam non formidinem concipiet peccator, videndo faciem irati DEI iudicis. Si Adam *Gen. 3.* ad vocem DEI, propter unius solum inobedientiæ reddendam rationem, tanto correptus est timore? Quid dicent peccatores innumerabilium rei peccatorum? audituri non vocem vocantis, sed fulminantis in æternam damnationem? Si Paulus ad tam benignam vocem: Ego sum IESUS, quem tu persequeris, exanimis & quasi mortuus corruit, & tremens ac stupens dixit, Domine quid me vis facere? Quomodo damnati ferent illam vocem Christi? Ego sum ille IESUS Nazareus quem tantâ cum proterviâ blasphemastis. Bene concludit Eusebius *Emiss. hom. 4. de symb.* Qui clamantem Dominum ferre non possunt, iratum ferent? qui ad pœnitentiam revocantem perhorrescunt, terroribus omnia replentem poterunt sustinere? Certè S. Vincentius Ferrerius *Dom. 1. Adv. hom. 1.* dicit: Tunc eligerent peccatores potius ad infernum duci, quam Domini præsentiam ferre iudicantis. Quod confirmat S. Aug. *serm. 120. de Temp.* Maius tormentum malis erit, furorem vultus divini tolerare, quam cruciatus infernales perpeti. Causam dat Eusebius Cæsar. in *Ep. ad Rom.*

In iudicio
extremo
erimus vi-
trei.

In iudicio
velum vite
nostræ re-
movebi-
tur.

Tantus terror invadet illâ die malos, ut nisi essent immortales effe-
di, iterum morerentur. Non miror iam amplius illud *Mat. 24. v.*
28. Virtutes cœlorum commovebuntur. Quia sicut S. Aug. *serm.*
130. de Tem. ait: Tam terribile erit Iudicium illud, ut etiam ab angelis
timeatur. Et quid mirum? quando coram toto inundo peccator
confundetur. Omnes enim nos inquit S. Paulus *2. ad Cor. 5. v. 10.*
manifestari oportet ante tribunal. Christi. Græcus legit fient lucidi
& vitrei. Quasi diceret illo momento cor peccatoris convertetur
in vitrum, in quo omnes intuebuntur clarissimè omnia acta totius vi-
tæ, & cogitata. Hoc modo loquendi utitur S. Joannes *Apoc. 4. v. 6.*
Et in conspectu sedis mare vitreum simile crystallo, Pulchra hic la-
tet similitudo: In aquâ turbidâ latent nec apparent pisces, saxa, aut
arena. Cor hominis mare turbidum est, in quo multis annis la-
tent pisces putridi turpissimarum libidinum. Quoties fit, ut gravis
peccator, dum in vitâ, vel etiam agone monetur de Confessione, dicat
nihil se confessione dignum habere. Sed adest tandem Iudex
divinus, in sede maiestatis suæ, & ecce in conspectu illius ponitur
cor peccatoris tot annis turbidum, quod fit in momento vitreum &
simile crystallo. Accidit nobis quod pictoribus, qui velo labores
suos publicos obtegunt & obvelant, ubi opus absolverunt, tunc e-
nim verò telam removent, & picturam omnium oculis exponunt.
Ubi mors velum corporis nostri detraxerit, quidquid latet, apparebit,
nil inultum remanebit. Liber scriptus proferetur, in quo totum con-
tinetur, undè mundus iudicetur. In fine enim hominis inquit Siraci-
des *Eccles. 11. v. 29.* Denudatio operum illius. Quod explicat S. Chry-
sostomus, sicut inquit illi, qui ex carceribus educuntur, cum iisdem
catenis quibus vinciuntur, ad iudicium protrahuntur: Sic animæ
cum hinc emigraverint, variis peccatorum catenis implicitæ, ad
terribile illud ducentur tribunal. Merito proindè exclamat Da-
vid *Pf. 118. v. 120.* à Iudiciis tuis timui. Super quæ verba S. Augu-
stinus: Fratres nimis timidus esse volo, melius est enim vobis non
dare securitatem malam. Non dabo, quod non accipio, timens
terreo. Securos facerem vos, si securus fierem ego; Ignem æter-
num timeo. Undè audiendus est S. Bernardus *Ep. 85. si negligis,*
incidis, si paves, caves, securus es.

CAPUT



CAPUT SEXTUM

PUNCTUM VI.

Quod necessitate medij credi debet.

DISCURSUS VI.

DEUS est trinus in personis.

Inter signa amoris præcipua, est revelatio secretorum. Hinc *Judic. 16. v. 15.* Dalila dixit Samsoni; Quomodo dicis, quòd ames me, cum anima tua non sit mecum, noluiſti mihi utique secretum roboris tui pandere. Adamavit Christus humanam naturam cujus amorem contestatus dixit *Joan. 15. v. 15.* Omnia quæcunque audivi a Patre, nota feci vobis. Unum tamen adhuc deerat mysterium SS. Trinitatis, quod tamen etiam manifestavit, priusquam a mundo exiret *Math. 28. v. 19.* Docete omnes gentes, baptizantes eos in nomine Patris, & Filii & Spiritus sancti. Jacebamus omnino miseri, jam à creatione mundi cum paupere Lazaro ad januam cælestis filii divitis, & cupiebamus de micis divinæ notitiæ satiari nec dabatur, nisi fortè ex pauculis quibusdam vestigijs aliquid de Sanctæ Trinitatis mysterio conjicere. Quam enim obscurum fuit illud *Gen. 18. v. 2.* ubi Abraham Tres vidit & unum adoravit. Quòd nisi explicaret S. Augustinus quis enim verò hoc de altissimo SS. Trinitatis mysterio intelligeret? Dicit ergo S. Aug. In hoc quod tres vidit, Trinitatem personarum intellexit, quod autem quasi unum adoravit, unum DEum in tribus personis confessus est. Quam occultum fuit *Isa 6. v. 3.* ubi Propheta videns maiestatem DEI, Vidi inquit Dominum

*Trinitatis
mysterium
revelatum,
est amoris
fignum.*

num sedentem super solium excelsum & elevatum, & ea quæ sub ipso erant, replebant templum, Seraphim stabant supra illud; sex alæ uni, & sex alæ alteri, duabus velabant faciem ejus & duabus volabant. Et clamamata alter ad alterum, & dicebant; Sanctus! Quis hic Oedipus Patrem, aut Filium, aut Spiritum sanctum conieciturasset? Quis illa tria A. à propheta repetita SS. Trinitatem significare credidisset? Quando *Jer. 1. v. 6.* dixit A! A! A! Domine DEus nescio loqui. Quis ostensam SS. Trinitatem diceret in illo ardente camino *Dan. 3. v. 92.* Ubi tres viros misit Rex Nabuchodonosor compeditos, & in medium ignis projectos in caminum. Qui ubi laudarunt uno ore DEum, visi sunt quatuor, qui soluti ambulabant in igne, & species quarti similis filio DEI. Novissimis tandem temporibus panem angelorum manducavit homo, quando ea quæ prius fuit esca angelorum, per Christum intellectui humano concedita & revelata est de Trinitate notitia. Unde hoc sublime mysterium, quod in antiquo testamento semper fuit occultum, non nisi per coniecturam ab antiquis potuit cognosci, modo propter incredibilem profunditatem à nobis non nisi per vestigium, vel imaginem aut speciem potest comprehendi. Cum enim quælibet res tribus potissimum modis possit cognosci, nimirum per vestigium, vel imaginem vel speciem, ideo etiam huius ipsius SS. Trinitatis cognitio taliter nobis communicatur. Per vestigium quidem in rebus creatis, & maxime in Sole, quem unum esse nemo ambigit. Quia tamen tria in se continet ignem nimirum, lumen & calorem, ita quidem ut nullum altero sit prius aut posterius, cognoscimus hinc quomodo aliquid possit esse trinum & unum. Per imaginem cognoscimus, si animam nostram attentius consideremus; hæc enim unica est, & tamen nihilominus tres in se continet potentias, intellectum, memoriam & voluntatem, realiter inter se distinctas. Si verò per speciem velimus, quam meliorem habemus, quam ipsum filium DEI, qui veniens in hunc mundum, mysterium SS. Trinitatis nobis exhibuit; Est enim imago DEI & figura substantiæ eius. Hæc tamen omnis cognitio tam obscura semper fuit, ut licet Christus tanto tempore cum suis Apostolis fuerit, Philippus tamen *Joan. 14. v. 8.* dixerit: Domine ostende nobis Patrem, ut propterea Christus dixerit *v. 19.* Philippe, qui videt me, videt & Patrem meum. Quid mirum ergo, si quod Epictetus dixit de DEO, ego de hoc profundissimo mysterio dixerem. Si omnino ego DEum declararem, vel

ego

Mysterium SS. Trinitatis Judæis fecit occultum.

Varia in natura sunt media ad cognoscendam Trinitatem,

ego DEus essem, vel ille DEus non foret. Quare merito Job dixit c. 28. v. 21. Absconditus est ab oculis omnium viventium, volucres quoque cœli, id est, ut explicant SS. Patres angelos latet. Ut propterea, citatus Jeremias c. 1. v. 6. A! A! A! Domine DEus; nescio loqui. Id est ut dicit S. Bernardus *serm. 2. in Dom. Trinit.* Prophetæ clamat ter A! A! A! quasi dicat: A! Iustissimus Pater DEus, A! Iustissimus Filius DEus, A! iustissimus Spiritus sanctus DEus. Vel quasi diceret, A! Pater, non capio tuam omnipotentiam. A! Fili, non capio tuam Sapientiam. A! Spiritus sancte fugit me tua bonitas. Quid mirum ergo, si Augustinus hoc mysterium contemplatus, nec eloqui, nec mente concipere tantam potuit maiestatem; adeoque cum illud profundâ speculatione expendit, à tenero puerulo edocuisse fuit, facilius vastissimum mare absorbendum in fossulâ minima quam ab intellectu humano divinam Trinitatis maiestatem comprehendendam. Merito itaque dictus Augustinus in *Ps. 85.* exclamat; si DEus in cor hominis non ascendit, quid ergo quæris, ut ascendat in linguam? Fecit tamen amantissimus nostri DEus, ut in tanto tamque arcano mysterio aliquis saltem radius humano intellectui illaberetur, & vel ipsis Gentilibus aliqua ipsius umbra innotesceret. Sic enim S. Aug. l. 7. *Confess.* c. 9. ait, se in libris Platonis legisse illa verba *Joan. 1. v. 1.* In principio erat verbum. Mercurius enim Trisnegistus hæc habet: Monas genuit Monadem, & in se suum reflexit ardo-

Plato ait quid de SS. Trinitate agnovit.

rem. Non minus videtur aliquid cognovisse Aristoteles, qui naturæ perveſtigatione cœdō pervenit, ut in libro de cœlo dicat: Tria sunt omnia, & ipsum ter in omnem partem se diffundit. Quid quod ipse Ovidius inter copiosas metamorphosis suæ fabulas l. 3. inducat Narcissum seipsum in fonte contemplantem, & amore sui exardescentem: Uror, inquit, amore mei: Benè proinde Andreas Cretensis: Hinc ergo fratres aliquid percipere de sublimi mysterio potestis. Nam Pater æternus seipsum in purissimo substantiæ suæ speculo intuitus perfectissimam impressit imaginem id est Filium, de quo *Sap. 7. v. 26.* dicitur: Candor est enim lucis æternæ, & speculum sine maculâ DEI maiestatis, & imago bonitatis illius. S. Paulus verò vocat figuram substantiæ ejus. Cujus agnoscens summam & æqualem sibi pulchritudinem, summè quoque eam dilexit, quæ dilectio juxta Theologos est Spiritus sanctus, ab utroque Patre nimirum & Filio procedens. Habemus autem vel in ipsis Creaturis quædam hujus

Sol vestigi-
um SS.
Trinitatis.

SS. mysterij vestigia, quæ observantes sancti Patres ad altissimam Trinitatis contemplationem assurrexerunt. Sic Augustinus contemplatus Solem exclamat. Videmus Solem in cælo currentem, fulgentem, & calentem. Conversus deinde ad Arianos inquit: Divide ergo sipotes Ariane Solem, & hinc denum divide Trinitatem. D. Cyrillus autem Alexandrinus in Sole Patrem generantem, in radio Filium genitum, in calore Spiritum sanctum ab utroque procedentem cognoscit. Nam ut sol ab alio Sole non gignitur, ita Pater est ingenuus, & à nullâ alia personâ generatur. Deinde sicut radius est in Sole, illi autem cœvus, & non prior aut posterior Sole: sic Filius à Patre genitus est, non tamen posterior, sed essentialiter & realiter cœvus est ipsi Patri. Denique sicut Sol à cælo nunquam discedens, suam diffundit lucem in terram, eamque suis radiis illuminat sic Pater de cælo misit suum filium, qui sicut lux mundi orbem universum luce suæ doctrinæ illustravit. Ab utroque autem Spiritus sanctus procedit, qui increatus calor est. Sicut autem calor à Sole æque ac radiis illius diffunditur, & sic orbem calefacit, ita Spiritus sanctus à Patre Filioque procedens, missus est in terras; & non otiosè in linguis igneis apparuit, utpotè qui suo amore divino mundum universum inflammavit. Occurrit hic P. Caspar Schotus qui in suâ optica per varias reflexiones, soles sic multiplicat, ut ab uno realiter Sole, terni beneficio speculi producantur. Si enim sic appendamus speculum, ut solis radios excipiat, & refringat iterum in vicinam aquam, tunc apparebit Sol unus & trinus. In hoc enim casu tres soles repræsentantur, unus nimirum in cælo, alter in speculo, tertius in aquâ. Et tamen realiter non est nisi unus. Primus lucem habet à seipso, secundus à primo, & tertius à primo & secundo. Exclamare hic libet eum Andrea Cretensi, Sol est Pater, Sol est Filius, Sol est Spiritus sanctus. Primus sol lucem habet à se, Filius sol alter, lucem habet à Patre, Spiritus sanctus sol tertius, procedit & spiratur à Patre & Filio. Et tamen hi tres unum sunt. Non recedamus à Sole, audiamus S. Basilium *Ep. 43. ad Greg. Naz.* qui SS. Trinitatem cum Iride explicat & declarat. Hæc inquit & una est & tricolor, viridis nempe, cœrulea, & purpurea. Sic Deus unus est in essentiâ, & trinus in personis. Hoc lumine naturali instructus Mercator quidam Christianus & Zelosus de mysterio SS. Trinitatis cum Judæo acriter disputavit, cui sum satis claris argumentis unitatem in Tri-

Tri-

Trinitate veram demonstrasset, Judæus verò assentiri nolle, mercator curavit sibi in Scaphio afferri aquam, in quam cum inspectante Judæo immisisset glaciem & nives, dixit: nix non est glacies neque aqua, glacies realiter distinguitur ab aquâ, & nive, denique aqua nec nix est, neque glacies. Ita Pater in divinis non est Filius, neque Spiritus sanctus; & Filius ab utroque distinguitur, uti & Spiritus sanctus. Applicato interim adornacem calefactam Scaphio, resolutâ jam nive & glacie, dixit rursus Judæo, hæc tamen tria in unam aquam coaluere; ita in divinis tres sunt personæ, & tamen non nisi unus DEus. Quia tamen neque sic credere voluit obstinatus Judæus, indignatus Mercator, arreptum cum aquâ scaphium super caput infudit, atque disputationem diremit. Ridicula hæc fuit controversia, declarat tamen vel in ipsâ naturâ, quomodo substantia eadem, per naturalem ejusdem alterationem diversa esse possit, & rursus ad naturam redire unitatem. Videtur hoc ipsum DEus ostendisse in tribus distinctis guttis, sponte suâ rursus unitis, quæ divinitus de cælo delapsæ fuerunt. Tempore enim quo Vasatensis urbs à Chunis obsidione premebatur, omni nocte sacerdos circuibat mœnia, & urbem DEO commendabat. Interim DEus varijs ostentis Chunorum Regem ab obsidione deterruit, sic ut hostes urbem liberam deservirent. Solutâ obsidione Sacerdos populum evocat ad templum, & DEO in gratiarum actionem sacrificium obtulit. Sub hoc vidit Sacerdos, ab alto descendere in patenam tres guttas omni crystallo lucidiores, quæ paulo post conjunctæ in unam gemmam cojuerunt, quæ gemma aureæ Cruci inclusa, nullas alias gemmas passa est, sed solitaria in aquam immersa, & deinde pota, miraculose omnes morbos apud ægros dispulit & curavit. Quod ipsum etiam in sacris paginis DEus videtur monstrasse in vite quam vidit pincerna Pharaonis Gen. 40. v. 10. videbam inquit coram me vitem, in quâ erant tres propagines crescere paulatim in gemmas, & post flores uvæ maturescere. Per hanc vitem S. Dionysius Arcopag. Sanctissimam Trinitatem intelligit ejusque divinas processiones. Accepimus inquit ex sacris eloquijs, Patrem quidem esse fontanam ut ita dixerim Deitatem, Filium verò & Spiritum sanctum esse fecunda divinitatis Germina divinitus pullulantia. An non hanc ipsam Trinitatem DEus ostendit Davidi, quando in spiritu dixit Ps. 66. v. 8. Benedicat nos DEus, DEus noster benedicat nos DEus. Ubi per primam vocem

*Mercator
Judæo SS.
Trinitatem
probat.*

*Tres guttæ
in unam
coeunt
Trinitatem
docent.*

*SS. Trinitas
in vite
Pincernæ
Pharaonis
adambrata.*

DEus Psalmista Patrem, in secundâ Filium, in tertîâ voce DEus, Spiritum sanctum intelligit. Ubi benè notandum est, quia sequitur; Et metuant eum omnes fines terræ. Dum enim dicit eum, non eos, ostendit se præter Trinitatem personarum, unitatem naturæ venerari. Quod observavit Remigius Antisiodorensis in *Psal. 66.* dicens: Benedicat nos DEus Pater, DEus Filius, & DEus Spiritus sanctus, ut tandem metuant eum Omnes fines terræ, & tota terra Creatorem colat, non verò creaturas.

In novo
Testam.
to Trini-
tas clarius
innotescit.

Ubi verò ad novum testamentum ventum est, jam manifestioribus indicijis arcanissimum hoc mysterium nobis est declaratum. Sic enim in monte Thabor, tribus discipulis se se exhibuit Sanctissima Trinitas. Dum *Mat. 17. v. 1.* dicitur; Assumpsit Iesus Petrum & Jacobum & Joannem fratrem ejus, & duxit illos in montem excelsum seorsum, & transfiguratus est ante eos. In hac transfiguratione licet Spiritus sancti mentio non fiat, expressè tamen Patris vox auditur *v. 5.* Ecce nubes lucida obumbravit eos, & vox de nube dicens: Hic est filius meus dilectus, in quo mihi benè complacui; ipsum audite. Ubi in nube Neoterici Spiritum sanctum, in voce Patrem innotuisse volunt. Clarius id fecit Christus *Mat. 3. v. 16.* Baptizatus autem Christus confestim ascendit de aquâ, & ecce aperti sunt ei cœli, & vidit spiritum DEI descendentem, sicut columbam, & venientem super se. Et ecce vox de cœlis dicens. Hic est Filius dilectus in quo mihi complacui. Ubi disertis verbis & Pater, & Filius, & Spiritus DEI exprimitur & declaratur. Clarissimè tandem manifestavit se *Mat. 28. v. 19.* Docete omnes gentes baptizantes eos in nomine Patris, & Filii, & Spiritus sancti. Occurrit hic mihi *Gen. 30. v. 37.* Patriarcha Jacob cum Labano pacifecens, de quo textus divinus. Tollens ergo Jacob virgas populeas virides, & amygdalinas, & ex platanis, & ex parte decorticavit eas, posuitque eas in canalibus, ubi effundebatur aqua. Cùm autem contractus inter Labanum, & Jacob intercessisset, ut nascituras variegatas oves Jacob, unius autem coloris Laban haberet, factum est ut ex aspectu virgarum variegatarum oves conciperent, ferè omnes varij coloris agnos, sic ut scriptura dicat, ditatusque est homo ultra modum, & habuit greges multos. In ovibus ego Christianas animas, in Jacob Christum incarnatum contemplantur, qui in baptismo id est gratiarum cœlestium fonte ternas virgas, id est Sanctissimæ Trinitatis personas posuit, ut in earum contemplatione

Virga va-
riegata
Jacob 35.
Trinita-
tem aum-
brant.

templatione cœlestium gratiarum partus producere. Pulchrè id S. Ambr. l. 2. c. 4. me docet, cum dicit: Quo concupiscentes Beatæ Trinitatis mysteria, haud quaquam decolores fructus mentis conceptione formarent. Docuit nos hoc ipse DEus sæcunditate suâ ad intra, qui divinæ suæ essentiae similem omnino imaginem produxit Verbum. Quare ut aliquali saltem sæcunditate etiam nos excellamus, in nominatis virginis, has divinas personas contemplemur? Prima virga eaque populea ac viridis, spes est, quâ animo concipere debemus in personâ Patris. Sic enim *Luc. 15.* filius prodigus *v. 15.* in hujus nominis memoriâ respicit: Quanti mercenarij in dono Patris mei abundant panibus? Tertullianus *l. 8. de spectac.* Quis nobis intelligendusest iste pater; DEus utique. Tam Pater nemo, exclamat ille, tam pius nemo. Secunda virga erat amygdalina & ex parte decorticata. Hæc teste experientiâ sub cortice subrubra est. Quare in aquas immerfa, secundam in Trinitate Personam exhibet. Hujus sanguine lavacrum hoc regenerationis nostræ erubuit. Hæc virga quantum erubuerit Christiane mi, intelliges ex cœlestibus illis apud Isaiam spiritibus, qui dum quærunt; Quare rubrum est indumentum tuum? causam intelligunt ab ipso filio DEI *Isa. 63. v. 3.* Torcular calcavi solus. Nimirum in amoris nostri prælo, amor nostri tantum illi sanguinem expressit & vitam. Ne nunc Poetæ, & amorem vestrum rubris induite! amor meus JESUS vix benè natus in circumcisione à cruore suo & sanguine purpuratur. In horto Gethsemani, sanguinis purpurâ toto corpore tingitur, ad columnam sui cruoris murice perfunditur, in coronatione dolorosâ magis sanguine, quam purpurâ circumdatur, in cruce denique ipse sanguini suo immans emoritur. Tertia virga ex Platano erat, eaque decorticata & sic albissima. Olim Catechumeni albis induebantur, ut Spiritum sanctum, quem in baptismo accepturi erant, significarent. Quare si oves Christi sumus, potè ad fontes sacri baptismi, in quos divina bonitas sanctissimæ Trinitatis mysterium, velut suavissimos misericordiae suæ frondes demersit, debemus ex illius contemplatione, in Patre spem, in Filio charitatem, in Spiritu sancto vivam fidem concipere, ut inde sæcundo bonorum operum partu, animam nostram locupletemus. O si cor nostrum in contemplatione hujus sanctissimi mysterij, eo ardore moveretur, quo æstuat cor S. Augustini, quod crysallo indusum & altari in seculo SS. Trinitatis impositum movetur & sublevari,

Cor S. Augustini in præfat. de Trinitate movetur.

*Puer in
terrâ motu
ad Trifagi-
um San-
ctus eleva-
tur.*

*Arianus
Episcopus
in Trinita-
tem blas-
phemus ter
fulmina-
tur.*

*Lutherus
in SS. Trini-
tatem
sacrilegus.*

*Chosrois
impia Tri-
nitas &
vesania
pietati.*

quando in sacro Præfatio de SS. Trinitate cantatur. Felix omnino fuit Puer ille, de quo Baronius ad annum Christi 446. refert, quod cum urbs tota Constantinopolis terræ motu concuteretur, sic ut Imperator, Patriarcha, senatus & omnis populus urbe totâ excederet, atque in agris starent, repente ex sinu multitudinis totius, raptus sit puer innocens, & in aërem fuerit delatus, ubi in sublimi cœlorum regione audivit ab angelis cantari: Sanctus DEUS! Sanctus fortis! Sanctus immortalis! Dum interim in terrâ universus populus, sæpius tristi & lugubri voce ingeminaret Kyrie eleison. Descendit deinde rursus per aërem molliter puer, & populum omnem cohortatus est, ad hoc Trisagium sacrum cantandum, quo facto omnis terræ motus cessavit. Puer autem ad hoc trisagium cum angelis decantandum in cœlum est avocatus. Non sic ad altrâ abiit, sed tristissimo imo trifulco fulmine extinctus est impius ille & Sacrilegus Arianus Episcopus Olympius nomine, qui ut refert Sigebertus & Paulus Diaconus l. 2. *Ennead.* 2. cum Carthagine se in publico balneo lavaret, horrendis blasphemiiis sanctissimam Trinitatem læcessivit, dum ecce de nubibus statim terga erupere fulmina, trinoque vulnere impium & sacrilegum hominem interfecerunt. Negavit ille SS. Trinitatem & sacrilego ore blasphemavit, quam deinde pari sacrilegio turpissimus Calvinus l. 1. *instit.* c. 13. penitus conculcavit, quando toto cordis sui sceleratissimi affectu optavit, hoc nomen Trinitatis perpetuâ oblivione deleri. Lutherus verò planè propudiosè & scurriliter in *Tom. 7. Ihen. An. 1581.* impresso, cum tribus furibus ab uno patibulo pendulis pro scelus! Sanctissimam Trinitatem comparavit, dicens: Hoc esse tres personas in unâ essentia. Non hominis sed bovis aut asini fuit illa vesania, quæ licet Crucem Salvatoris nostri venerata sit, planè tamen vesanè de SS. Trinitate sentiebat. Cum enim sub Phoca Imperatore, Chosroës mirâ celeritate orbem inundasset pene universum, inter cætera venit Hierosolymam, ubi à sepulchro Domini territus, recessit quidem, crucem tamen Sanctam, quam S. Helena in ventam ibi reliquit, abstulit, & penes se supersticiosâ religione in throno regio collocavit, atque sibi à dextris statuit, à sinistris verò gallum gallinaecum coordinavit, stultâ ambitione se Patrem, in Cruce verò filium, & in Gallo gallinaceo Spiritum sanctum mentitus, sic ab hominibus voluit adorari. Hanc vesaniam justus superbiæ vindex DEUS manifestè ultus est, quando Heraclius Phocæ successor vi-

etor

Ator, in hoc throno suo obruit Chosroem, quem stricto gladio aggressus, sic est allocutus. Quia tuo modo honorasti sanctam Crucem, si baptismum & sanctam Crucem suscipere volueris, ego tibi vitam & regnum cum certis condicionibus donabo. Sed cum acquiescere nolle, suo illum gladio confodit, & miserum Chosroem mortalem, non DEum fuisse ostendit.

DEUS est
Unus &
Trinus.

Est ergo de fide, & de necessitate medii credendum DEum esse unum & trinum. Unum quidem in naturâ, trinum autem in personis, dicente S. Joanne in sua 1. Ep. c. 5. v. 7. Tres sunt qui testimonium dant in cœlo, Pater, Verbum & Spiritus sanctus, & hi tres unum sunt. Ut propterea Athanasius in Symbolo suo dixerit. Fides Catholica hæc est ut unum DEum in Trinitate, & Trinitatem in unitate veneremur. Neque confundentes Personas, neque substantiam separantes. Alia est enim Persona Patris, alia Filii, alia Spiritus sancti. Sed Patris & Filii & Spiritus sancti una est divinitas, æqualis gloria, coæterna majestas. Qualis Pater, talis Filius, talis Spiritus sanctus. Quid enim aliud significant voces illæ. Gen. 1. v. 26. Faciamus hominem? Et Gen. 11. v. 7. Descendamus & confundamus? quam quod DEus, quando de se quasi consilio habito loquitur, non de unâ solâ personâ sed pluribus loqui intelligendus sit. Unde licet Lutherus in postillâ suâ majore impie rideat hanc vocem Trinitatis, & consuetam formulam Ecclesiæ dicentis: Sancta Trinitas unus DEus, miserere nobis ex Lytaniis suis sustulerit, atque in impressione suâ illud 1. Joan. 5. v. 7. Tres sunt qui testimonium dant in cœlo Pater, Verbum & Spiritus sanctus omiserit, tamen & Symbolum S. Athanasii ad Concilio Nicæno approbatum, & ipsa Confessio Augustana artic. 1. clarè confitetur Tres esse in Trinitate Personas, quod ex Christi mandato Mat. 28. v. 19. manifestum est, dum dixit: Docete omnes gentes, baptizantes eos in nomine Patris, & Filii, & Spiritus sancti, Et hæ tres Personæ sanctissimæ non solum collectivè sed etiam distributivè & seorsim sumptæ, sunt verus DEus. Dicente S. Joan. c. 6. v. 27. De Patris personâ, Hunc enim Pater signavit DEus. Et de Persona Filii in suâ 1. Ep. Joan. c. 5. v. 20. Scimus quoniam Filius DEI venit, & dedit nobis sensum, ut cognoscamus verum DEum, & simus in vero Filio ejus. Hic est verus DEus. De Personâ verò Spiritus Sancti Act. 5. v. 4. Non es mentitus hominibus sed DEO. Ex quâ hæc Catholica deducitur Conclusio. Quod hæ tres divinæ Personæ sint

Lutherus
ex Lytanijs
expungit
nomen
Trinitatis.

sint unus DEus. Sic enim disertè S. Joan. c. 10. v. 30. Ego & Pater unum sumus. Quod clariùs adhuc asserit S. Athanasius in *Symbolo*: DEus Pater, DEus Filius, DEus Spiritus sanctus, & tamen non tres Dii, sed unus est DEus. Quod licet intellectui humano sit in conceptibile, omnipotentia divina & infinita essentia est proprium. Quia cum essentia sit infinita, una etiam eademque in omnibus tribus personis esse & intelligi debet. Quod in humanis fieri non potest, quia Petrus & Joannes, & Jacobus non possunt habere unum corpus & unam animam, sed quisque separatim corpus suum & animam suam habet, adeoque etiam quisque naturam suam humanam separatam ferunt. Quæ tamen omnia non teneamur intelligere, sed credere. Expertus est hanc sanctissimæ Trinitatis in Personis differentiam juvenis ille Parisiensis, de quo Stengelius in *Exempl. suis Tragic. c. 7.* qui magis libidini quam literis addictus, licentiosam planè vitam duxit. Repentè verò à DEO in gravem morbum dijectus, ad extremum vitæ periculum devenit, in quo dum de multitudine suorum peccatorum cogitat, salutis suæ diffidens, desperat. Desperato juveni illà nocte apparuit grandævus & venerandus senex, qui lecto assilens contestatus est se DEum Patrem esse, qui ipsum creasset; quia verò hoc creationis beneficium, nihil ad salutem ipsius desperati conferret, in eum damnationis sententiam pronunciavit, & disparuit. Par erat alterà nocte Filij Dei apparitio, qui cum interrogaret an se nosset? respondit se non nosse, multum tamen hesternò similem esse. Benè inquit dicis, quia ego sum JESUS Filius DEI, qui te meo sanguine redemi, quia verò hæcenus peccatis tuis tu meum sanguinem conculcasti, sanguinem sacratissimi latoris sui manu arripiens in faciem desperati juvenis projecit dicens, hic sanguis sit in tuam perditionem, & his dictis evanuit. Tertià verò nocte, cum rursus tertius apparuisset, ac mitissimis oculis desperatum juvenem respexisset, juvenis animatior ultro interrogat, quis esset? cumque responderet se Spiritum sanctum esse, simul illum ad debitum dolorem, seriamque vitæ suæ emendationem est cohortatus. Cùm verò juvenis veniam suorum peccatorum sperare non auderet, ad confessionem illum animavit, & veniam promisit, quam ubi inter lachrymas dolore plenas se facturum promisit, juvenem & fiducià & misericordiæ spe plenum reliquit, & recessit. Juvenis verò ubi primum dies illuxit seriam peccatorum suorum confessionem fecit, & felicissimè

Juvenis
à Patre &
Filio reje-
ctus à Spi-
ritu sancto
receptus.

simè expiravit. Non minorem expertus est gratiam ob sanctissimam Trinitatem devotè cultam miles ille, qui Imperante Friderico fuit suspensus, & integro triduo in patibulo vivus pependit, quia sanctissimam Trinitatem in vità suà devotè & assiduè veneratus est. Ubi enim magistratus hominem vivere vidit, eum à furcà deponi iussit, qui peccata sua confessus & sacra communione refectus in manibus sacerdotis animam exhalavit. Quare benè S. Nilus in instit. Monach. Noli scrutari, sed crede; & adora; ac trisagium illud Sanctus! sanctus! cum beatis mentibus adorabundus frequenter repete. Dicamus ergo sæpius cum Ecclesià, & quidè cum profundissimà animi humilitate Gloria Patri, & Filio, & Spiritui sancto. Ad quæ Verba cœli Regina visa est se inclinare. Vidit enim quidam Vir sanctus, quod aliis in Ecclesià psallentibus, Beata Virgo se toties profundè inclinaverit, quoties hic versiculus Gloria Patri &c. caneretur. Causam verò sciscitanti, respondit Maria. Quoties versus ille in laudem & honorem SS. Trinitatis in Ecclesià cantatur, toties se totam cœlestem curiam sanctissimæ Trinitati profundissimè inclinare. Et verò si in cœlis sancti tantà devotione sanctissimam Trinitatem adorant & venerantur; quid nos facimus miseri mortales? qui hujus sanctissimæ Trinitatis misericordià vivimus movemur & sumus? an non manè dum surgimus, aut vesperi quando decumbimus, vel denique orationi vacamus, aut alteri pio operi nos impendimus, cruce nos muniamus, dicentes: In nomine Patris & Filij & Spiritus sancti. Quam fructuosè autem (cruce se muniendo) sanctissimam Trinitatem confessus sit juvenis ille, qui magicis illusionibus erat seducendus; de quo testatur Raderus in aula sancta Theodosii, hic enim Mauritio imperante, innocenter & inscius operam suam addixerat. Mago caudidico, quem Herus dæmoni devovere volens die constitutà sub vesperum Constantinopoli eques egressus, secum pariter Equitem famulum suum accepit. Dum tamen sub noctem solitudinì appropinquant, visa est arx elegans portis bene munita, ad quam dum pulsant, admittuntur ambo, & in sanum magnificentissimum deducuntur, ubi omnia luminaribus instructa auro & argento radiabant. Regem Æthiopem, atrati similiter circumstabant ministri, qui Caudidicum officiosè exceptū ad Regem deduxerunt, quem statim Rex penes se confidere fecit. Ubi post humanæ salutationis officia, Caudidicum interrogavit Rex, cur juvenem hunc secum adduxisset?

Miles devotus SS. Trinitati in patibulo non moritur.

S. Nilus in instit. monach.

Ad Gloria Patri se B. V. inclinat.

Crux nos munientes SS. Trinitatem confitemur.

N.

duxisset?

SS. Trini-
tatem con-
fessu Chri-
stus cruci-
fixus bono-
rat.

duxisset? dixit Magus, ut tuus pariter famulus fiat. Itanè puer inquit Rex, tu meus esse famulus optas? Ego reponit juvenis famulus sum DEI Patris, & Filii & Spiritus sancti; simulque se sancta Cruce munivit. Eteçce subito Rex cum aula tota ino & Mago Hero disparuit, solusque juvenis cum equis relictus est, qui statim ad urbem reversus, rei seriem enarravit. Hic statim alium Herum nactus hominem scilicet nobilem & virtuosum, cum quo Basilicam S. Salvatoris ingressus ad Heri sui orantis sinistrum latus constitit. Cum subito imago Christi Crucifixi, vultum suum ab Hero ad juvenem convertit; quod ubi Herus advertit, juvenem ad dexteram suam vocat, & effigies sacra, rursus vultum suum in dexteram reflexit. Tunc enim verò territus Dominus, in terram coram Crucifixo lamentabili cum planctu se abjicit, & querit, cur vultum suum amantissimus JESUS a se avertat? Tu, inquit inter lachrymas, Chryste mihi es testis, quòd ego vultum meum a nullo unquam paupere averterim. Et statim à Crucifixo vox prodijt, Tibi quidem gratias habeo, pro obsequio in meis mihi prestito; sed huic famulo tuo plus debeo, quia in summo terrore me non negavit, sed palam me cum Patre & Spiritu sancto est professus. Confitemur & nos, atque toto corde benedicamus Patrem & Filium cum sancto Spiritu, quem laudemus & super exaltemus in sæcula. Dicamus centies & milies Gloria Patri, & Filio, & Spiritui sancto. Ex quo omnia, per quem omnia in quo omnia, ipsi gloria in sæcula sæculorum Amen.



CAPUT

CAPUT SEPTIMUM

PUNCTUM VII.

Quod necessitate medij credi debet ,

DEI Filius incarnatus , & passus.

DISCURSUS VII.

Filius DEI Incarnatus.

Etsi absolute non fuisset necessarium , ut DEUS homo fieret , potuisset enim hominem sine remedio relinquere , sicut de facto fecit cum lapsis Angelis , quos non redemit. Sic enim ipse *Sap. 12. v. 12.* Quis tibi imputabit , si perierint nationes , quas tu fecisti. tamen quemadmodum docet *S. Thom. 3. p. q. 1.* dum quaerit utrum necessarium fuerit divinum verbum incarnari ? respondet id totum factum esse ad charitatem in nobis inflammandam , quæ maximè per Incarnationem Filii DEI inflammatur & excitatur. *Incarnatio, divini amoris excessus.* Quod clarè asserit *S. Aug. l. de catech. rud. c. 4.* dum quaerit , quæ major est causa adventus Domini , nisi ut ostenderet DEUS dilectionem suam in nos. Gravis namque est illa sententia *S. Joan. Damasc. l. 1. orthod. fid.* Non potest DEUS majus aliquid facere , quam DEUM fieri hominem. Unde *S. Thomas* vocat Christum verbum non qualecunque , sed spirans amorem. Ut propterea *S. Bernardus serm. de dilig. DEO.* graviter nos perstringat dicens : Tanta dulcedinem exhibuit in carne , ut durissimi cordis sit , quisquis eum toto affectu non diligat. Quod pridem dixit *S. Paulus 1. ad Cor. 16. v. 22.* Si quis non amat Dominum JESUM Christum sit anathema. Viderunt olim

*Christus
incarnatus
amat
nos.*

Judæi Christum ad sepulchrum Lazari lachrymantem *Joan. 11. v. 36.* Et exclamaverant : Ecce quomodo amabat eum ? Dicant hoc Angeli, qui DEI Filium de cælo descendentem ; dicant hoc ipsi etiam infernales spiritus qui in cunis vagientem ; dicant hoc animalia, quæ inter bovem & asinum conspiciunt jacentem ; Dicat homo ipse qui DEum inmortalem carne mortali indutum videt : Ecce quomodo amabat eum ? Audite S. Bern. *serm. 2. Dom. 1. post Epiph.* Vide quibus brachijs vicariæ charitatis redamandus & amplectendus sit, qui tantite æstimavit, imò qui tanti te fecit. Propter te à DEO Patre exivit, & Matrem Synagogam reliquit, ut adhærças ei, unus efficiaris cum eo spiritus. *4. Reg. 4.* Cum esset mortuus filius Sunamitidis illa apprehendit pedes Elisæi, eique cum lachrymis plurimis exposuit mortem filij sui. Quare motus misericordiæ Propheta, conversus ad Giezi puerum suum, dixit illi : Accinge lumbos tuos, & tolle baculum meum in manu tuâ, & vade, & ponas baculum super faciem pueri, si forte vita redeat. Pergit Giezi & mandata fideliter exequitur, sed non erat vox neque sensus, & non surrexit puer. Ingressus est ergo domum ipse Elisæus, & ecce puer mortuus jacebat in lectulo ejus, & clausit ostium, & oravit, & incubuit super puerum, posuitque os suum super os pueri, & oculos super oculos, & manus super manus, & incurvavit se super eum, & calefacta est caro pueri, & aperuit oculos, & revixit. Ubi vides quod licet Giezi illo baculo aliâs mira patraverit, puerum tamen excitare non potuit, sed debuit Elisæus ipse venire, qui tandem operose & magno labore puerum excitavit. Quid verò impedit, quo minus per puerum genus humanum intelligamus, quod per peccatum mortuum invenit filius DEI, nec erat, qui illud ad vitam revocaret. Miserat DEus in veteri testamento varios Patriarchas & Prophetas, sed nihil effecerunt, unus hoc potuit Christus verus Elisæus, qui incurvavit se, paulò nimirum minoratus ab Angelis, humiliavit se usque ad mortem crucis, & genus humanum quod mortuum fuit, per Christum revixit. Hujus mentis est S. Aug. *serm. 206.* dicens Puer Elisæi, typum habuit Moysis, hunc inquit misit DEus cum baculo in Egyptum, sed baculus sine Christo flagellare Egyptum potuit, à peccato autem liberare, vel suscitare non valuit. Quid quod potuerit DEus nulla interveniente satisfactione homini liberaliter condonare offensam, non tamen id fecit, sed ut ostenderet peccati offensæque gravitatem, rigorosam

*Christus
alter Eli-
sæus mor-
tuum ge-
nus huma-
num re-
suscitat.*

gorosam voluit à peccatoribus satisfactionem; nec aliter quàm ab homine, ut qui peccaverat idem ipse lueret, & satisfaceret. Quia verò hanc satisfactionem dare non poterat purus homo, necessario requirebatur aliqua persona, quæ simul esset DEus & homo. Cum enim satisfactio requirat submissionem debitam erga offensum, DEus verò non habuit cui se submitteret, purus DEus illam dare non potuit. Sic pariter gravitas offensæ crescit ex dignitate personæ offensæ, quæ utpote DEus est infinita, purus ergo homo, qui tantum est finitus, satisfactionem condignam præstare non valuit. Ut ergò satisficeret decreto divino, quo voluit sibi perfectè satisfieri, DEus homo fieri debuit, ut DEO homo reconciliaretur. Hinc gratiosè S. Augustinus dum agit de Evangelico illo cæco, qui fuit à Christo illuminatus dicit: Pertinuit ad Evangelistam, ut commendaret nobis nomen piscinæ, dum ait: quod interpretatur missus. Nisi enim ille fuisset missus nemo nostrum esset ab iniquitate dimissus.

*Christus
ut DEUS
& homo
satisfacere
debet.*

Si quæras quomodo factus sit homo, ille, qui fuit DEus? Respondent Theologi, id factum esse modo novo & ineffabili, nimirum per unionem substantialem naturæ humanæ cum personâ divinâ Filii DEI. Quæ unio non est immediatè naturæ cum naturâ, sed naturæ humanæ cum Personâ divinâ. Curiosè quærit Tertullianus. Cur Verbum æternum, antequam temporaliter nasceretur, jam inde ab ipsis mundi incunabulis, cœperit humanorū sibi lineamentorum aptare figuram, ut eorum quodam experimento probaret, quàm decenter post longas sæculorum ætates, illam naturam vestire posset, cujus effigiem tantò antè induisset. Unde in illâ est sententiâ, quod DEI filius, personatus fuerit ille homo divinus, qui omnia in lege veteri locutus, aut mandasse legitur. Cur ergò toties, & tam diu antè induit humanæ carnis speciem, & non carnem ipsam? Respondet dictus Tertullianus: alloqui, & liberare, & judicare humanum genus discebat in carnis habitu nō natæ adhuc. Ubi adverte, quod hic eximius Doctor nomine alloqui, intelligat Christum novæ Legis Doctorem futurum, quam nos erat docturus, ut DEum agnosceremus, & toto corde diligeremus. Ut ergo DEus humanum genus sibi rursus uniret, filium suum in terras misit & hominem fieri voluit, ut qui à Charitate erga DEum separati eramus, rursus cum DEO per veram charitatem uniremur. Pulchrè S. Chrysostomus *hom. 11. in Mat.* Unigeniti hoc præcipuum opus fuit, distantia copulare, conciliare

*Christus
duodennis
inscribitur
Catalogo
Doctoru.*

*Christus
amat vo-
cari Ma-
gister.*

*Christus in
præsepio
Turcam
catechizat*

pugnancia. Non miror jam Christum acceptasse nomen Doctoris & Magistri & hoc ipso nomine in librum Doctorum relatum esse. Si enim Cassiano credimus, refertis in *Catal. gloriæ mundi* p. 4. *Conspid. 6.* quod Judæi olim juxta numerum literarum Hebraicarum viginti duos Sacerdotes stabiliter habuerint, ex quibus, si quis mortuus fuit, statim alius fuit substitutus, Horum nomina in uno libro scribebantur in hanc formam. Die N. & anno N. decessit N. & in locum ejus subrogatus fuit N. filius N. Tempore ergo Christi duodennis, quando ille disputavit in medio Doctorum, vacabat locus, & cum varii in epti præsentarentur, Christus præ omnibus assumptus est. Quare cum esset nomen inscribendum in librum, & Scriba tabulam pararet, atque à Christo nomen peteretur, dixit is, Patrem non habeo nisi DEum, matrem non agnosco nisi Virginem Mariam. Paradoxum hoc videbatur Judæis; unde Matrem accersiverunt B. Virginem, quæ ubi obumbratione Spiritûs sancti se concepisse, & illasâ virginis fatum suum unigenitum genuisse probavit, ad perpetuam rei memoriam libro sic inscripserunt. Die N. decessit N. in cujus locum communibus suffragiis subrogatus est sacerdos JESUS filius DEI vivi & Mariæ Virginis. Et hic liber in vastatione Hierosolymæ salvatus usque hodiè in regione Tyberiadis, à fidelissimis Hebræis servatur. Hunc titulum ipse Christus confirmavit *Mat. 23. v. 10.* dicens: Magister vester unus est Christus. Repetiit hoc rursus *Joan. 13. v. 13.* Vos vocatis me Magister & Domine & benè dicitis, sum etenim. Exercuit hanc suam Professuram infans DEUS incarnatus, quando vel inter bovem & asinum ex cathedrâ vilis præsepi, non verbis sed vagitu peroravit, non dictando sed lachrymando erudivit, ut merito dicatur *Luc. 2. v. 19.* Maria autem conservabat omnia verba hæc, conferens in corde suo. Quid si vel ipse Cereus aut ligneus infans DEUS nos erudiret, annon obsequentes daremus aures? Ecce mirando planè prodigio An. 1641. DEUS incarnatus, & in præsepio jacens, se fidei Magistrum exhibuit Turcico mancipio, ibi enim juvenis Turca in in celebri Civitate Neapoli communi curiositate allectus, cum reliquâ turbâ in festis natalitiis ædem sacram subiit, in quâ in his sacris feriis, singularis artificij præsepe visebatur. Hic juvenis à longè stans ignotâ sibi pietate oculos pascebat. Cum ecce procul consistentem Turcam, effusus ex præsepio infans cœpit respicere & indice digito annuere, atque ad se vocare, quin imò clara voce nomi-

nominetenus ad se evocavit, cunctis qui aderant stupore defixis, neque vocare destitit, usque dum ille attonitus & tremens accessit. Hic infans in præsепio crectus Catechistam egit, monuitque, ut se quam primum baptizari curaret, futurum enim, ut secum brevi in cœlo esset. Baptizatus lethali morbo corripitur dicens: se mori non posse, nisi Sacramento Eucharistiæ & Extremæ unctionis muniatur. Statim ergo his Sacramentis æternitati paratur, & felicissime moritur.

Non quæras modo mi Christiane, cur DEI filius sit factus homo? Etsi enim præcipua & finalis causa fuerit redemptio nostra, uti habetur *Joan. 3. v. 17.* Non enim misit DEus filium in mundum, ut judicaret mundum, sed ut salvetur mundus per ipsum. Et propterea dicatur in Symbolo fidei; qui propter nos homines, & propter nostram salutem, descendit de cœlis. Impulsivæ tamen & secundariæ causæ fuerunt complures. Audite S. Bernardum: Quæ major pietas, quam DEI filium in formâ peccatoris quærere peccatorem? Et hic sensus est D. Pauli *ad Heb. 2. v. 17.* Debuit per omnia Fratribus assumilari, ut misericors fieret. Quod considerans S. Th. *p. 1. q. 21.* ubi inquit, misericors dicitur aliquis, quasi habens miserum cor, quia scilicet afficitur miseria alterius per tristitiam, ac si esset propria miseria. Ex quo sequitur effectus ad pellendam miseriam alterius, sicut ad propriam. Miremur nunc divinam pietatem! tristari de miseria nostra non poterat DEus, etsi vel maxime miseriam nostram posset depellere, ut ergo esset misericors, factus est homo. Gloriatur de hoc S. Paulus *ad Hebr. 4. v. 15.* Non habemus Pontificem, qui non possit compati infirmitatibus nostris, ideo namque accepit a naturâ humanâ cor miserum, ut authore D. Thoma esset verè misericors, quando nimirum ex B. V. visceribus carnem assumens, homo factus est. Et hoc est, quod *Cant. 4. v. 9.* dicitur: Vulnerasti cor meum Sponsa. S. Greg. Nyss. legit: Cordificasti me soror mea Sponsa, id est, dedisti mihi cor, quo possem compati miseriæ humanæ. Nisi forte dicas Christum nobis datum, ut eum impensius amaremus. Cum enim homo divinitatem cognoscere non posset, ut eam amaret; induit DEus carnem nostram, ut homo, qui extra carnem nihil amabat, amoris in ipso DEO sufficiens haberet argumentum: & per quædam vestigia humanati DEI, in amoris divini deduceretur veritatem. Quare non ideo solum carnem nostram humanam indutus est, ut nos suo sanguine & morte redimeret, sed etiam ut nobis ad salutem & amorem

Christus incarnatus est, ut haberemus Doctorem Salutis.

more divinum viam aperiret. Sic enim S. Bernardus *serm. 3. de Circum-*
cis. Sicut nobis parū profuisset viam ad cœlestem patriam scire, si liga-
 ti permanissemus in carcere, nisi etiā viam cognovissemus; ita necesse
 erat incarnari Christum, ut viā tam cœlestis Ducem haberemus. Aptē
 planē S. Bernardus *serm. 2. de nativ.* Nisi esset verus DEus, non asser-
 ret remedium, nisi esset homo verus, non præberet exemplum.
 Hinc S. Ambrosius considerans humanati DEI beneficium *l. de sup-*
secul. exclamat: Multa fecisti Domine propter me, & non genua
 flectens adoravi te, at postquā te vidi propter me humiliatum &
 cœlis descendisse, lachrymas fudisse, infantulum natum, in præ-
 sèpio jacentem, frigoreque titubantem, non potui amplius subsiste-
 re, sed tanto amoris pondere victus, in terram prostratus adoravi
 te. Non miror jam, quod cūm DEus *Gen. 17. v. 17.* promississet Abra-
 ham, ex semine suo descensurum Messiam, quod dicat textus; Ce-
 cidit Abraham in faciem suā. S. Ambr. *l. 2. de Abraham c. 3.* huius
 lapsus date causam dicens: Cecidit Abraham in faciem suā, pondus
 tanti beneficii promissi sustinere minimè valens, deosculans jam eam
 terram, quā promissus Messias calcaturus erat. Eodem beneficii
 pondere oppressa B. Virgo, prostravit se in terram, quando Archā-
 gelus Gabriel eidem Legationem attulit decretæ divinitus Incarna-
 tionis, dum dicit citatus Ambrosius: Mente igitur ac corpore solo
 prostrata humillimè dicit: Ecce ancilla Domini, fiat mihi secun-
 dum verbum tuum. Benè proinde S. Aug. *l. 2. Confess. c. 9.* Post-
 quā Verbum caro factum est, flexi Genua, quia favor & gratia

*Incarna-
tio benefi-
cium ma-
ximū pon-
deris.*

Ad verba: Verbi incarnati homini præstita, adeo excessivum quid est, ut hume-
 ri mortaliū non sint ferendo. Et ideo ad Verba illa in Missa sub
 Credo: Et homo factus est. Et rursus in fine Missæ & Evangelij fle-
 rimus genua, & omnes prosternimur in terram. Notandum benè
 est, quod Labata refert tit. *Incarnatio.* Quod cūm in sacrificio missæ
 recitarentur verba illa. Verbum caro factum est, & se aliis reveren-
 ter inclinantibus, quispiam se nollet inclinare, atque reverentiam fa-
 cere, quod adfuerit in formā visibili Dæmon, & homini illi egre-
 giam alāpam impegerit, dicens: O ingrate! audis pro te DEum ho-
 minem factum, & te non inclinas, si pro me hoc DEus fecisset, in æ-
 ternum me illi inclinarem. Neque tamen aliud DEus tam excessivo
 amore à nobis quæsit, quā ut amantem toto affectu redamare-
 mus. Siquidem Cicero *l. 2. de Offic.* dicit: Nihil tam hominis esse vi-

*Demon se
non incli-
nanti ad
Verbum
caro factū
est, alāpam
impingit.*

detur

detur minus, quam non respondere ijs, à quibus provocaris. Quod confirmat S. Ambr. *serm. de nativ. Dom.* Quid tam insitum naturæ! quàm ut diligentem diligam. S. Joannes bene concludit *Ep. 1. c. 4. v. 19.* Nos ergo diligamus DEUM, quoniam ipse prior dilexit nos. Ubi subinfert S. Bernard. *serm. 73. in Cant.* Amor DEI amorem animæ parit: Melius tamen & clarius *tract. de diligendo DEO.* Dignus planè qui redametur, quia ipse prior dilexit nos. Consonat huic S. Chrysostomus *hom. 1. in 2. ad Cor. c. 5.* Charitas DEI nos constringit, nec sinit conquiescere; qui enim DEI dilectionem gratuitam perpenderit considerando, & ea bona, quæ in nobis acta sunt ruminando, constringentem & urgentem experietur ipsam dilectionem, ut ad amandum DEUM omnino & perpetuo feratur.

Supereft, ut hoc loco expendamus congruentias aliquas, quas assignant SS. Patres, dum quærent, cur non Pater aut Spiritus sanctus, sed Filius, secunda nimirum in Trinitate Persona homo factus sit. Communiter autem SS. PP. causam refundunt in illud, quod Verbum per generationem procedat, & consequenter habeat rationem propriam Filij, quod innascibilitas in Patre, & Spiratio passiva in Spiritu sancto non haberet. Unde illæ personæ rationem Filij habere non possunt. Congruum ergo fuit, ut qui ab æterno fuit Filius DEI, in tempore fieret Filius hominis. Job Monachus causam refundit in illud; quod Filius sit essentialiter imago Patris, quia verò Verbum est essentialiter imago, Verbum, quod est imago Patris, Verbum inquam Caro factum est. Si verò quæramus ulterius, cum DEUS homini in creatione dederit imaginem suam, cur necesse erat, ut in reparatione hominis, incarnaretur Filius, imago essentialis Patris? Et respondetur, quod illa imago prima in homine ita fuerit deformata, ut vix aliqua illius forma appareret juxta illud *ps. 48. v. 21.* Comparatus est jumentis insipientibus, & similis factus est illis. Undè benè inquit prædictus Jobus, Homo imaginis DEI honore olim cohonestatus, à felicissimo excidens statu comparatus est jumentis insipientibus, & similis factus est illis. Ideò nimirum Verbum & imago accessit ad eos, qui in irrationabilitatem lapsi erant, ruinam nostram reparans, & nos in pristinam libertatem postliminij jure revocans. Conformiter ad hanc Jobi Monachi doctrinam Pintus Ramirez inquit: brutorum cum morbo, brutam etiam quodammodo faciem induerat anima, DEI, ad quam creata fuerat, imagine deleta.

ta. Accedat ergo potius Filius, qui inter cœteras, quia Verbum est, essentialiter est etiam imago Patris, & evertens brutam illam effigiem, primam reſingat iterum, quasi obſcuratæ jam ceræ denuo ſigillum reinprimatur. Et qui erat Filius DEI naturalis, faciat nos DEI filios adoptivos. Niſi forte etiam ex eo dicatuiſſe congruum, ut qui eſt medius inter Patrem & Spiritum ſanctum, fieret mediator inter DEum & hominem. Hinc itaque putem, quod Chriſtus fidei noſtræ myſteria, in medio quaſi collocavit. Sic enim Incarnatio inter duas naturas humanam & divinam mediabat. Nativitatem ſuam in medio duorum animalium conſtituit; In Transfiguratione erat medius inter Moysen & Eliam. In cœnâ medius in accubitu menſæ. In Cruce medius inter duos latrones, Natus eſt in mediâ nocte, de mediâ nocte à mortuis reſurrexit. Cùm annorum eſſet duodecim in medio Doctorem eſt inventus. Denique inter DEum & hominem factus eſt medius, ut eſſet mediator, & nos Filios iræ, æterno Patri reconciliaret. Lignum vitæ plantavit DEus in medio paradyſi. De hoc ligno vitæ variant authores, & varias illius virtutes deſcribunt. S. Aug. l. 8. c. 4. dicit; Chriſtus lignum vitæ eſt in medio paradyſo ſpiritali. Merito autem poſitum in medio, quia Chriſtus Mediator eſt DEI & hominum. Exultavit olim Iſaias c. 12. v. 6. Exulta & lauda habitatio Sion, quia magnus in medio tui ſanctus Iſraël. Si in tantum lætati ſunt Iſraëlitæ, quia in medio ſui habuerunt DEum abſconditum, quanto majoris exultationis copiam habemus nos, qui in carne viſibili habuimus hominem DEum, cujus fruebamur alloquio, & præſentiâ illius corporali delectabamur. Serio proinde cordi tuo imprimè, quod Chriſtus B. Angelæ de Fulginiô in ſacratiffima nocte nativitatis Chriſti, brachijs ſuis puerum JEſum excipienti dixit: Non videbit me magnum, qui non vidit parvum. Videamus piâ meditatione ſæpius JEſum parvum in cunis, & videbimus illum glorioſum deindè in cœlis.

*Chriſtus a-
mat me-
dium.*

*Chriſtum
parvum
amemus
ut magno
æternum
fruemur.*



DIS-

DISCURSUS VIII.

Filius DEI passus est.

UT verò ad alteram partem hujus capitis veniamus, quòd nimirum amantissimus nostri DEus, non tantum amore nostri homo factus, sed etiam in carne passibili plurima passus ac tandem in cruce pro nobis mortuus sit, testantur id sacræ literæ. Et inprimis S. Paulus *ad Eph. 5. v. 2.* Tradidit semetipsum oblationem & hostiam DEO in odorem suavitatis. Quod manifestius habetur *ad Rom. 5. v. 9.* ubi expressè dicit. Christus pro nobis mortuus est. Confirmat hoc S. Petrus. *1. Petri 2. v. 21.* Quia & Christus passus est pro nobis. Scilicet in cruce mortuus est, ut nos filios DEI faceret. Noluit scilicet filius DEI solus gaudere paternâ hæreditate, nisi nos cohæredes faceret. Verùm quia ab hoc peccato Adam præpediti excluderemur, DEus homo factus est, & toto corpore abluuit culpam, quam nos contraximus in capite. Pulchre S. Augustinus *de verb. Dom.* Mortuus est pro nobis unicus, ne remaneret unus, noluit esse unus, qui mortuus est unus, multos enim filios DEI, fecit unicus Filius DEI. Emit sibi fratres sanguine suo, probavit reprobatus, redemit venditus, vivificavit occisus. Egit nimirum Pater æternus nobiscum quod Leopardus facit, qui crepta sibi prædâ non pacificatur nisi sanguine agnelli. Sic certè Pater æternus, per fraudem dæmonis ereptâ sibi naturâ humanâ placari non potuit, nisi sanguine Agni immaculati filij sui. Pacificans inquit Paulus *ad Coloss. 1. v. 20.* per sanguinem crucis ejus. Meditabatur aliquando S. Bernardus quod deindè *serm. de Circumcis.* exposuit se esse in carcere, & loco sui DEI filium subingressum. Non jam clausus est in carcere DEI filius, sed inter duos latrones in montem Calvariæ educitur. Certè si meretur gratiam, qui carcerem aperit captivo, & fugæ locum parat? quid ille speret? qui tui loco carcerem subit, & pro te reo moritur? S. Theodoram virginem uti narrat S. Ambros. *l. 2. de*

Christus agnus amoris nostri occisus.

S. Theodoram virginem miles sal. Vir. vat.

*Christus
velut sta-
tua pecca-
ti pro pec-
cato pu-
nitur.*

Virgin. miles mutatâ veste liberavit ex carcere, & virginem servavit. Cum verò ob fidem Christi, loco illius duceretur miles ad martyrium, occurrit illa, & simul cum illo cœsa martyrium subiit. Quid stas ô anima! in monte Calvariæ tuus crucifigitur Liberator, tuam ille vestem induit, tu morti destinabaris. Si tamen mori times, & cum Theodorâ tenerâ virgine, Liberatori tuo non audes commori, dic saltem DEO tuo gratias, & animo saltē submissq̃ aliqualem DEO tuo exhibe gratitudinem. Audi Chrysostomum *hom. 1. ad pop.* Magnus thesaurus gratiarū actio, quid enim majus reperiri posset, quàm tam vili pretio maximâ persolvere debita. Videtur nobiscum DEus egisse more magnorum Principum & Regum, qui ubi rebellem vel perduellem aliquem capere non possunt, ad pœnam commeritam illi infligendam, illius statuam comburunt, & in illam pro ratione delicti deferviunt. Suppono ego namque cum S. Aug. ita enim verba illa sine ipso factum est nihil intelligit, & per nihil peccatum explicat; adeoque suppono peccatum esse nihil. Jam verò subtilissimus Scotus peccatum puram negationem seu privationem rectitudinis esse docet. Quod si autem non entis juxta Philosophos nulla est passio, id est, quod non est positivum, nullam potest habere passionem, sequitur, quod peccatum in se nullius pœnæ capax sit. Quare Pater æternus cum peccatum utpote ens negativum punire non posset, statuam formavit, scilicet corpus Christi quod in patibulo crucis suspensum, peccati nostri reatum pertulit. Docet me hoc S. Paulus *ad Rom. 8. v. 3.* DEus misit filium suum in similitudinem carnis peccati, & de peccato damnavit peccatum in carne id est peccato in peccatum animadvertit. Quod clarius explicat verbis illis. Eum qui non noverat peccatum, pro nobis peccatum fecit, ut nos efficeremur Justitia DEI in ipso. Quasi diceret, DEus ex Justitiâ castigaturus peccatum, ex quamvis impeccabili Christi carne, statuam repræsentativam peccati formavit. Quod observans S. Ambr. *Apolog. in Davidem c. ult.* inquit; Christus peccatum factus est, quia alias non erant delenda peccata. Quare meritò gratias tibi Christe salvator, tuæ tibi agimus Creaturæ, quod tam potentem adversarium nostrum peccatum, dum occideres, occidisti. Sis benedictus in æternum. Clamemus cum Ecclesiâ: Adoramus te Christe, & benedicimus tibi, quia per Crucem tuam redemisti mundum. Quid enim prius nostrâ humanâ naturâ miserabilius fuit, utpote, quæ æternis adjudicata in-

cendijs,

cendijs, aliud non quam fatalem interitus sui horam in momenta singula metuere debebat. Nunc verò aliter se res habent; Patri enim reconciliati sumus, mors destructa, & vita est reparata; cælum denique resecratum nobis patet. Hæc una nostra debet esse consolatio, & peccatorum nostrorum refugium, hæc una nostra sit exultatio & delicta nostra, inò & omnis spei nostræ fundamentum, quia Christus Dominus pro nobis pati, & pro nobis mori voluit. Intelligo jam cur profusus in horto Gethsemani precibus sanguineoque sudore effuso discipulos suos accesserit Salvator noster, & ut somnum ac quietem caperent hortatus sit, dicens: Dormite jam, & requiescite, *Mat. 26. v. 45.* Quasi diceret, nunc contentus sum, ut somno indulgeatis, & quietà vobis frui liceat tranquillitate. At verò cur nunc, & non antea? ubi enim inimici imminere videntur, majori tunc vigiliâ opus esse, quis non credat? Cur ergo Christus subjunxit: Ecce appropinquavit hora, & filius hominis tradetur in manus peccatorum? Certè quando periculum adhuc longè erat, voluit eos vigilare, & orationi incumbere, & ideò etià dormientes disertè increpat; at nunc ubi discrimen ante oculos est, quiescere illos jubet & dormire. Omnino inquit S. Hilarius. Prius enim laboraverat, ut Patris æterni mentem disponderet, ad ineundam cum hominibus pacem, & tunc dormiendi tempus non erat. Nunc verò cum agoniam crudelem jam passus esset, & sanguineum sudorem abundanter sparsisset, passionis mortisque calicem haustum se Patri æterno promississet, statutumque ultimatè fuisset, ut pro humani generis salutem mortem subiret, eos tunc jam dormire posse dixit, eò quòd securitas ac quies à Patre æterno homini restituenda esset. Quare dormite jam inquit, & requiescite, solatium admittite, quia pax jam est conclusa, & salutis vestræ negotium ego jam peregi. Neque solum pro bonis, sed pro omnibus nempe bonis & malis passus est Christus, dicente S. Paulo 2. *ad Cor. 5. v. 15.* Pro omnibus mortuus est Christus. *Judic. 6. v. 17.* postquam Angelus promissit Gedeoni victoriam contra Madianitas, ille verò timeret, ne sibi illuderetur, conversus ad Angelum dixit, Domine, da mihi signum, quod tu sis, qui loqueris ad me. Et ecce stabat capra supra petram, quam Virga tangens Angelus, emisit ignem, qui in momento, devoravit holocaustum. Territus Gedeon audivit Pax tecum! ne timeas! Et Gedeon erexit altare Domino, quod vocavit Domini Pax. S. Isidorus explicans my-

sterium, Virgam dicit esse Crucem Christi, petram ipsum Christum, ignem charitatem Christi, capram verò esse peccata nostra. Quæ omnia in arâ Crucis per ardentissimam DEI charitatem consumpta sunt. Quibus absumptis statim homini pax insonuit, quia Christus in cruce Pacem cum Patre fecit, eique nos peccatores reconciliavit. Hinc etiam Apostolis suis post resurrectionem, suam pacem precatus, iisdem ostendit vulnera sua, per quæ in Crucis arâ pacem cum Patre stabilivit. Propterea etiam *Joan. 20. v. 20.* Ostendit eis manus & latus. Et hinc subditur; Gavisii sunt ergo discipuli viso Domino. Additurque dixit ergo eis iterum, Pax vobis, ut scilicet doceret illos, hæc esse vulnera illa, quibus nobis pacem adeptus est. Unde gaudio plenus exclamat S. Joannes *1. Joan. 2. v. 2.* Ipse est propitiatio pro peccatis nostris, non pro nostris tantum, sed etiam pro totius mundi.

Hinc ingens fuit vesania Basilidis hæretici, qui putavit Simonem Cyrenæum loco Christi crucifixum, utpotè qui virtute suâ singulari oculos militum sic perstrinxit, ut Simonem Christum putantes, illum cruci affigerent. Fundant se, in illo *Joan. 10. v. 39.* Quærebant ergo eum apprehendere, & exivit de manibus eorum, ubi se invisibilem fecisse dicunt, & sic evasisse insidias Judæorum. Hanc vesaniam manifestè refutat S. Paulus *ad Philip. 2. v. 8.* Humiliavit semetipsum factus obediens, usque ad mortem, mortem autem Crucis. Ut propterea in ipso *Deuteron. c. 8. v. 66.* dicatur: Et erit vita tua pendens ante te, Hinc tot figuris præsignatus fuit in sacris literis, ut cæcus sit, qui non videat in monte Calvariæ Christum amore nostri Crucifixum. Quare dum Christum in monte elevatum video, non æneum Moyse serpentem, sed vivum Christum conspicio, qui suâ morte in cruce, infernalem serpentem suffocavit. Video ego verum agnum paschalem flammis amoris in foco crucis assum. Conspicio ego botrum Cypri à vite Crucis, aut arbore vitæ pendulum. Intueor fortissimum Samsonem amplectentem columnam Crucis, quæ regnū Sathanæ & portas inferni confregit. Video in monte orantem verum Moysen, cujus brachia ne concidant, clavis sunt affixa. Video fontem vitæ, qui in Cruce se dividit in quatuor fluvios paradysi, undè universa terra irrigatur. Video arborem in medio terræ plantatam, in monte Calvariæ rigatam sanguine filij DEI, cujus fructus non amplius mortem & maledictionem, sed vitam & salutem generat & pro-

*Christus
passus va-
riis figuris
præfigu-
ratus.*

producit. Non frustra miramur, quoties in Genesi legimus, quod DEus ab Abraham petierit filium unigenitum Isaac in holocaustum sibi offerri. Obstupefcimus, dum Pater in montem educit filium, dum lignis onerat, dum in loco holocausti super struem lignorum manus ligat, oculos velat; hæremus attoniti cum Isaac genua flectit, colum extendit, idum expectat. Obrigesimus dum Pater ferrum stringit, & ensen vibrat. Omnis tamen hæc scena admirationis, in amabile gaudium commutatur, cum adest Angelus, qui ferrum cohibet, Isaacum liberat, & loco illius arietem ostendit, qui pro Isaac imoletur. Si DEus hanc sustentationem non fecisset, sed simpliciter Abrahamo dixisset, vade cum filio tuo in montem, educite vobiscum arietem, hunc mactatum mihi in sacrificium offerte, tanta non fuisset admiratio, nec tam luculenta in Patre & filio enituisset virtus; nunc quia ad ultimum usque momentum serio omnia acta sunt, miramur DEI misericordiam, qui sanguinem dilecti filij Isaac non voluit profusum. Et tamen quod mens humana refugit, non figuratè sed realiter hoc egit DEus, qui ut arietem hoc est peccatorem liberaret à morte, unigenitum filium suum in monte Calvarie in arâ crucis voluit mactari & immolari. Humeris illius imposuit iniquitatem omnium nostrum; & qui peccatum non fecit, exclamat S. Hieronymus & immaculatus, pro nobis sacrilegis & æterno supplicio mancipatis tanquam atrocissimus reus iudicio sistitur, atque pro salute nostra crucifigitur. Undè qui suâ voluntate factus est obediens usque ad mortem Crucis, hic vel ab ipsis Patriarchis, ad Crucem & mortem jam antea fuit prædamnat. Dixerat proinde Adam debet mori innocens IESUS, ut mihi & posteris restituat vitam, & quidem per lignum Crucis, cum ego per fructum arboris, me meosque occiderim. Dixerat Abel, licet innocens sit, tamen debet mori, etiam cum copiosâ effusione sanguinis, quia ego à Caino peremptus figura fui, & ideo à populo suo electo educi debet, ut ibi innocens licet crucifigatur. Dixerat Noë debet mori, & quidem totus nudus in Cruce, quia talis ego à filio meo fui irrisus. Dixerat innocentissimus Isaac debet mori, & crucem suam ipse bajulare, sicut enim ego humeris meis portare debui in montem necessaria ligna ad ignem holocausti; sic ille in montem efferre debet lignum Crucis, in quo immolabitur. Fecit in capite Coronam spineam, cujus umbra fuit aries, quem pater meus Abraham extraxit ex spinis, & pro me DEO obtulit in holocaustum.

*Isaac Ebri-
si pro no-
bis mortui
figura.*

*Christus ab
omnibus ad
Crucem
prædam-
natur.*

caustum. Dixerat Jacob mons in quo morietur, debet esse mons Calvaria quia ego ibi vidi in somno super lapide mysticam scalam sanctissimæ Crucis, quæ nobis aditum aperuit ad cælum, illudque nobis referavit. Dixerat Joseph debere suo exemplo prius triginta argenteis vendi, & sic tradi à suo discipulo proditore Juda in manus Judæorum, quia etiam ego à fratribus meis proditus & venditus fui Ægyptijs pro viginti argenteis Ismaëliticis, qui juxta doctrinam Cornelij à Lapide aliorumque Doctorum, æquivalent 30. argenteis Hebraicis. Mori ergo debuit JEsus, & quidem in Cruce, ut nos æternum vivamus.

*Christus
passione
sua suffi-
cienter nos
redemit.*

Ultior autem nascitur quæstio, an Christus sacratissimâ passione suâ sufficienter nos redemerit? Respondet ad hanc quæstionem divinus Psalmographus *ps. 129. v. 7.* Quia apud Dominum misericordia & copiosa apud eum redemptio. Quod confirmat S. Joannes in sua *Epist. 1. c. 2. v. 2.* ipse est propitiatio pro peccatis nostris, non pro nostris tantum, sed etiam pro totius mundi. Unde humillimâ cordis sui significatione apud Joannem in *Apoc. c. 5. v. 9.* Viginti quatuor seniores procidentes coram agno cecinerunt: Redemisti nos DEO in sanguine tuo. Fuit ergo Christus causa principalis redemptionis nostræ, qui de condigno ob divinæ personæ æqualitatem æterno Patri satisfecit, adeoque utpotè DEus, qui unicâ guttâ divini sui sanguinis satisfacere potuisset, ex immensâ tamen in Patrem & nos charitate, voluit copiosè satisficere, & ideò sanguinem suum usque ad ultimam guttam effudit. Unde inquit S. Leo. Vidit Joannes ante citatus in dextrâ sedentis super thronum, librum scriptum intus & foris signatum sigillis septem, & auditur angelum clamantem voce magnâ: Quis est dignus aperire librum & solvere signacula ejus. Alijs alia sentientibus, putem ego per librum posse intelligi chirographum primi Parentis nostri, quo per peccatum commissum fassus est, se cum posteris reum esse æternæ damnationis. Quare benè Origenes docet, quod quisvis peccator dum peccat, scribat Chirographum, quo se obligat infinito debito. Sigilla hujus fatalis Chirographi sunt septem gravissima damna, ex peccato mortali provenientia, nempe offensa DEI, pœna damni, & sensus ignis æterni, necessitas moriendi, jugum diaboli, recessus à DEO, & è converso ad Creaturas conversio, denique concupiscentia. Hoc Chirographum divina justitia inclusit libro, decreti, quo statuit genus humanum æternis ignibus

bus punire, nisi sit qui librum aperiat, chirographum à nobis factum debeat, & pro infinito debito satisfaciatur. Quis vero dignus est aperire librum & solvere signacula ejus? Respondet quæstioni S. Joannes. Nemo poterat neque in cælo, neque in terrâ, neque subus terram, aperire librum. Miseros nos! ergone inter tot millia cœlestiū spirituum, inter tot Seraphinos & Cherubinos nullus reperietur, qui librum referet? Quare merito amarè flevit Joannes, & miseram sortem nostram deflevit. At sub ipso fletu adsunt viginti quatuor seniores, ex quorum numero unus solatur Joannem dicens: Ne fleviſeris! Ecce vicit Leo de tribu Juda radix David, aperire librum & solvere signacula ejus. Et vidit in medio throni agnum stantem, tanquam occisum, & venit, & accepit de dextrâ sedentis in throno librum, & cum aperuisset, quatuor animalia & viginti quatuor seniores ceciderunt coram agno, habentes singuli cytharas & phialas aureas plenas odoramentorum & cantabant canticum novum; Dignus es Domine accipere librum, & aperire signacula ejus, quoniam occisus es, & redemisti nos DEO in sanguine tuo. Tunc S. Joannes audivit vocem angelorum inultorum in circuitu throni, & animalium & seniorum, dicentium: Dignus est qui occisus est accipere virtutem, & divinitatem, & sapientiam, & fortitudinem, & honorem, & gloriam, & benedictionem. Scilicet agnus & Leo mysterium redemptionis peregerunt. Non autem solus Leo, nec solus agnus. Leo symbolum est naturæ divinæ, agnus humanæ; Hæ duæ naturæ in unâ personâ conjunctæ fecerunt, quando verbum caro factum fuit, seu quando Filius DEI factus est homo, qui velut agnus in Cruce occidi, mori, & sanguinem fundere potuit. Hic enim verò solvit signacula, hic Chirographum auferens de medio, & affigens Cruci delevit illud cruore suo. Et hoc est quod S. Paulus *ad Coloss.* 2. v. 14. tam gravibus verbis affirmat: Delens quod adversus nos erat Chirographum decreti, quod erat contrarium nobis, & ipsum tulit de medio affigens illud Cruci. Propter quod tam instantè nos ad tantū beneficii gratiam memoriam cohortatur S. Petrus *1. Pet.* 1. v. 18. Redempti estis pretioso sanguine agni immaculati Christi. Ut merito cum Davide quæras *ps.* 115. v. 12. Quid retribuam Domino pro omnibus quæ retribuit mihi. Quæramus nunc cum S. Euthymio *Ep.* 4. *ad Severum*. Quid ergo illi pro malis quæ pertulit? quid pro bonis suis, quæ contulit referam? Quid pro susceptâ car-

Leo & agnus redemptionis mysterium peragunt.

ne, quid pro alapis, pro opprobrijs? quid pro flagellis, cruce, quid pro morte obita rependam? Respondeamus cum Davide citato, Calicem salutaris accipiam, id est, ex mente Hugonis Cardinalis Passionem Salvatoris imitabor. Vel si placet, S. Euthymium respondentem audiamus, Cum multa & magna beneficia à te acceperim, & respondere illis nequeam, quod valeo, id faciam, diligam te. Reddamus ergo amorem pro debito, charitatem pro munere. Audite S. Bona. in *stim. divini amoris*. Obone JESU quid fecisti? quod me tantum amasti? Dicamus cum S. Petro Martyre: Da mihi Domine mori pro te, qui mori voluisti pro me. Pie proinde monet S. Bernardus: Fudit Christus lachrymas, funde & tu, fudit sanguinem suum; funde & tu, per quotidianas corporis afflictiones; & si animam semel ponere pro Christo non potes, saltem mitiori & longiori martyrio pone. Modum ponendi docet S. Gregor. Naz. Si ad Herodem fueris deductus, nè verbum unum responde; silentium hoc tuum pluris facit, quàm prolixas aliorum orationes. Si flagello Cæsus fueris, an quæ supersint, require; sel gusta, aceto utere, sputa flagita alapas & colaphos accipe, spineâ coronâ, id est, piâ vitæ austeritate cingere; Coccinum induce, arundinem accipe, ab ijs qui tibi detrahunt. Denique simul in crucem suffigere, simul morere, simul & libenter inhumare, ut simul quoque reviviscas & gloriâ fruaris ac regnes. Neque enim frustrâ dixit S. August. Lignum illud ubi erant fixa membra morientis, etiam Cathedra fuit Magistri docentis. Unde audiendus est S. Cyrillus *Catech. 13*. Pro te JESUS tuus crucifixus est; & tu pro crucifixo non crucifigeris? Solicitum me reddit S. Ambr. *l. de Virg. c. 10*. qui exclamat *super illa verba ps. 29*. Quæ utilitas in sanguine meo, dum descendo in corruptionem. Venit Dominus JESUS, & suum pro nobis sanguinem obtulit. Bonus servus deberet pretium reparare Domino suo, & sanguinem reddere, sed si non potest reddere, vel hoc faciat, ne pretio videatur indignus. Ergo & tu dignum te redde tali pretio, ne veniat Christus, qui te mundavit, qui te redemit, & sit te in peccato invenerit, dicat tibi, quæ utilitas in sanguine meo? Quid profui tibi? An non meritò queratur Christus illud Ecclesiasticis *c. 2. v. 18*. Detestatus sum omnem industriam meam, quâ sub Sole studiosissimè laboravi, habiturus post me hæredem, quem ignoro an sapiens, an stultus futurus sit? Christus in Cruce pendens tam divitem nobis relinquens hæreditatem, clarè vidit quàm

paucos

*Patientia
est verum
martyri-
um.*

*Redempti-
onis pretio
nos dignos
reddamus.*

paucos habiturus esset hæredes, è contra quantos dilapidatores. Justè proinde lamentatur S. Ambr. in *Luc. c. 27.* pro Judâ perijsse beneficium redemptionis. Unde explicans illa verba *Luc. 22.* Osculo filium hominis tradis inquit: Amice! sed ingratus; propter te suscepi, quod tradis. Tremenda est S. Bern. sententia in *ser. 4. hebdomadæ sacræ.* Exquiritur à me sanguis justus, qui effusus est super terram, nec immunis ero, ab illo tam singulari scelere Judæorum, quod videlicet tantæ charitati ingratus fuerim, quod spiritui gratiæ contumeliâ fecerim, quod sanguinem testamenti pollutum duxerim, quod conculcaverim filium DEI. Absit hoc à nobis, quin potius proni in terram prostrati crucem Domini adoremus.

An verò Sacrosancta Christi Crux sit honoranda disputant hæretici, abominantur Protestantes. *Paraus certè in cap. 1. ad Rom. dub. 18.* inquit Idololatræ sunt inter Christianos omnes illi, qui imaginem Christi Crucifixi in templis ad repræsentandum Christum, & docendum rudiores de Christo tuentur. Sed ô! bardum hominem, qui cultum, quo Crucem Domini adoramus vocat idololatriam, cum tamen Christus ipse Crucem suam sic honoraverit, utin eâ mori dignatus sit. Audiamus Joannem Gersonem *tract. 8. in Magnif. p. 2.* Nihil habet lignum Crucis divinitatis, etiam in quâ pependit Dominus, sed in cruce tanquam in signo surgit fides nostra, ad Dominum nostrum Jesum Christum DEum verum, qui salutem nostram operatus est in eâ. Sic de imaginum veneratione vetus habet Doctorum determinatio. Sic enim per figuram signum accipitur pro signato, & nomen pro nominato, imago pro imaginato. Merito proinde exclamat S. Paulus *ad Gal. 6. v. 14.* Mihi absit gloriari nisi in Cruce Domini nostri Jesu Christi. Et quidni glorietur S. Apostolus, quando vel ipse S. Ambros. Helenam Constantini Matrem his verbis laudavit. Sapienter enim inquit in *Theodos.* Helena egit, quæ crucem in capita Regum levavit, ut Crux Christi in Regibus adoretur. Invadunt tamen Calvinistæ Crucem & S. Paulo bellum indicunt, qui in Cruce Christi gloriatur. Licet enim aliqui ex illis, verba Pauli ad totam Christi passionem detorquere velint; S. Aug. tamen *tract. 36. in Joan.* clarè ad Crucem & ejus imaginem applicat. Mori inquit voluit pro nobis, parùm dicimus, Crucifigi dignatus est, usque ad mortem Crucis obediens factus. Elegit extremum & pessimum mortis genus, qui omnem ablaturus fuerat mortem. De morte pessimâ recidit

Crux Christi
si est bou-
randa.

omnem mortem, pessima enim erat non intelligentibus Judæis, nam à DEO electa erat. Ipsam enim Crucem suam, signum habiturus erat, ipsam Crucem de diabolo superato tanquam trophæum in frontibus fidelium, ut diceret Apostolus: Mihi autem absit gloriari nisi in Cruce Domini nostri JEsu Christi. Nihil erat tunc in carne intolerabilis, nihil est nunc in fronte gloriosius. Concludit S. Pater, Quid servat fidel. suo, qui talem honorem dedit supplicio suo? Denique modò in pænis reorum non est apud Romanos, ubi enim Domini crux honorata est, putatum est, quod & reus honoraretur, si crucifigetur. Quæ de verâ & reali cruce dicta esse ostendit dum subdit: Christus cum de die judicij locutus est, non passionis, sed realis Crucis meminit, cum dixit *Mat. 24. v. 30.* Tunc apparebit signum filij hominis in coelo. Quare si quærat Calvinista quidam, cur crux adoretur, non verò asina, cum æque contactum habuerit membrorum Christi? Respondeo, quod causa latriæ non sit contactus. Et hinc crux vi solius contactus non adoratur. Sed quia fuit primarium & ultimum instrumentum Redemptionis humanæ, & Passionem Christi complevit. Hinc Beata Virgo quamvis novem mensibus in utero suo Christum gestaverit, tamen cultu latriæ non colitur, quia non fuit ultimum nostræ Redemptionis instrumentum, sicut Crux ipsa, cui immortuus est, & in hac redemptionem nostram complevit. Hanc enim verò Christus ipse sic honoravit, ut eam trecentis annis sub terrâ servaverit incorruptam. Post hos Helenam Augustam excitavit, ad Crucem sacram inquirendam, quam etiam repertam multis miraculis illustravit. Quibus permota pia Mater Ecclesia, ut Sanctissimæ Crucis honor in toto orbe esset celebrior, jam olim inventæ, etiam exaltatæ festum celebravit. Pulchrè Venerabilis Beda *l. de Temp. Salom. c. 19.* Si enim licebat serpentem exaltari æneum in lege, quem respicientes filij Israël viverent, cur non licet Exaltationem Domini Salvatoris in cruce, quâ mortem vicit, ad memoriam fidelibus depingendo reduci, vel alia ejus miracula & sanationes, quibus de eodem mortis autore triumphavit; cum horum aspectus sæpè multum compunctionis soleat præstare contuentibus, & eis quoque qui literas ignorant, quasi vivæ historiæ Dominicæ pandere lectionem, nam pictura viva scriptura vocatur. Quod de ipsâ Sacrà Cruce tanto magis dici debet, quantò res ipsa umbrâ sua est excellentior. Hinc primi Christiani aliquam illius particulam nacli, eandem auro & gemis

Crux adoratur quia est ultimum instrumentum Redemptionis humanæ.

mis includebant, & de collo, honorificentissimè gestabant, magnique muneris loco sibi invicem mittebant. Quis nescit Chosroem Persarum Regem, lignum sanctæ Crucis, repoluisse in locum Regalis throni sui. Quis ignorat Heraclium Imperatorem inter primas pacis condiciones posuisse restitutionem Crucis sacræ? Quare ergo & nos eandem magnificiamus? cur non amaremus? cum per eandem cœli hæredes facti simus. Duplex est in jure modus instituendi hæredem, condicionatus unus, alter absolutus. Dum ergo S. Paulus ad Rom. 8. v. 17. Nos dicit Hæredes quidem DEI, cohæredes autem Christi, conditionem apponit, si tamen compatimur, ut & conglorificemur. Institutionem ostendit esse condicionatam, non absolutam. Quare S. Chrysostomus in ps. 5. asserit: Non reliquit nobis Christus hæreditatem purè sed sub condicione. Quæ verò alia est illa condicio, quam quæ à Paulo dicta est? si tamen compatimur. Nisi fortè velimus illam, quam Christus ipse posuit Mat. 10. v. 38. Qui non accipit Crucem, & sequitur me, non est me dignus. Sed notandum est diversas esse Cruces, quas alij cum Canonistis dividunt, juxta rationes filiorum, quorum alij sunt legitimi, alii naturales, denique alii spurij. Legitimi sunt, qui ex matrimonio vero & legitimo nati, hæredes postmodum sunt bonorum omnium. Naturales filij à solutis generantur, & his à Lege pars quinta hæreditatis conceditur, Spurij ex adulterio cum injuriâ tertij nati, hæreditate paternâ privantur. Sic pro cœlo toleratæ Cruces sunt pariter Legitimæ, naturales & Spurix. Legitimæ sunt omnes quæ à nobis spontè assumuntur, & quas DEus, quasi Pater ingenerandò desiderium illius, & voluntas quasi Mater, dum singulari affectu illis afficitur, quasi parit. Et hi cœli hæredes digni sunt jureque speciali, cœlesti hæreditate gaudent. Aliæ Cruces ultrò quidem quæsitæ non sunt, oblatæ tamen à nobis cum patientiâ tolerantur, quales sunt infirmitates, infortunia, calamitiæ &c. Et his magna pars cœlestis hæreditatis conceditur. Spurix tandem Cruces sunt, quas cum tristitiâ & murmure, imò etiam cum blasphemijs sæpè contra DEum, ejusque providentiam reluctantes toleramus. quæ sic impatienter toleratæ fructum nullum afferunt, & sæpè ipsâ cœlesti privant hæreditate. Tales ego cruces in monte Calvariæ reperio, dum Cruces à S. Helena repertas considero. Prima enim est legitima Christi, quæ ultrò quæsita, & à Christo ardentè concupita fuit. Audite Christum apud S. Lucam c. 22. v. 15.

Crucis reliquæ primis Christianis erant renerationi.

Hæredes cœli sumus conditionatè.

Crux dividitur in Legitimam naturalem & Spuriam.

Defiderio defideravi hoc pafcha manducare vobifcum. Et hæc Crux
 Chriflum fecit hæredem univerfalem, dicente S. Paulo *ad Phil. 2. v. 9.*
 Propter quod & DEus exaltavit illum, & dedit illi nomen, quod eft
 fuper omne nomen. Secunda Crux boni latronis eft, & hæc natu-
 ralis fuit, hanc ille non defideravit, à DEO tamen immiffam patienter
 tulit. Dixit enim, nam digna factis recipimus, hinc participatam
 accepit hæreditatem; ita enim Chriflus respondit: Hodie mecum
 eris in paradyfo Tertia crux mali Latronis fuit, qui dictus Chimas in
 Cruce fuâ blafphemavit Chriflum dicens: Si tu es Chriflus falvum
 fac temetipfum, & nos. Benè omninò Paulus Palatius ait, crucem
 in cælo electis plantatam effe, ut fciamus, crucem reditum ad cælum
 nobis aperire, & cælum cruci deberi. Cruces argenteæ vel aureæ
 quò graviore & ponderofiores funt, eò funt apud homines magis
 pretiofæ. Cruces pro Chrifto toleratæ, quo graviore fuerint, hoc
 funt apud DEum magis pretiofæ. Refert Stengelius *Jud. divin. Tom. 2.*
c. 30. n. 4. fuiſſe per quendam venales in theatro expofitas Cruces va-
 rias, quibus majores femper & graviore videbatur producere, ha-
 bebant hæ Cruces in latere obverfo inſcripta nomina, morbus, filius
 protervus, paupertas &c. omnium expectatio erat, quid maxima
 prætenderet? & ecce dum obvertit, inſcriptio patuit, Mala Uxor.
 Certè S. Paulus ubi varias cruces recensuit dicens: alij diſtenti funt,
 alij ludibria & verbera paſſi, inſuper & vincula & carceres, lapidati
 funt, ſecti funt, tentati funt, in occiſione gladij, mortui funt, circui-
 erunt in melotis, in pellibus caprinis, egentes, anguſtiati, afflicti;
 tandem concludit: Quibus dignus non erat mundus. Quafi dice-
 ret, pretium illis non niſi à plagis accreſcere quemadmodum num-
 mis, qui ut valorem capiant, à tuſione & preſſurâ pretium con-
 quirant. Eſt enim homo imago DEI, inquit S. Aug. *traët. 40. in Joan.*
 qui utinam ſignaculum Crucis, & non pecudis aut dæmonis ſæpius
 præferret. Quod S. Ambr. *l. 1. Offic. c. 49.* execratur. Ejice de
 numiſmate animæ tuæ imaginem diaboli, & attope imaginem Chriſti.
 Quia vult inquit Theodoretus *in Cant. c. 8.* Salvator noſter, ut eum
 pro ſignaculo in contemplationibus & actionibus noſtris habeamus,
 & notam Crucis ipſius in omnibus tum dictis tum factis exprimamus.
 Sic enim erimus ut numiſmata regia, non adulterina, iſtamque ima-
 ginem regiam referemus. In dictis ergo notam Crucis imprimimus,
 quoties injurioſo verbo lenè reponimus; quoties injurias ſilentio
 premimus,

Uxor ma-
 la, crux
 graviffi-
 ma.

premius, nec retorquemus. Factis notam Crucis impones, si mortificationem Christi cum Apostolo, in corpore nostro ubique circumportemus. Quisquis Crucis signo caret, non Christi sed diaboli nummus est. Sic enim S. Ignatius *Epist. ad Magneſianos*. Homo pius numisma à DEO cūsum; impius numisma eementitum & adulterinum est carens signo debito nempe Crucis. Quare pulchre S. August. *tract. 40. in Joan.* Nummus Cæsaris est argentum habens imaginem Cæsaris. Nummus DEI, est homo habens imaginem DEI, & quidem Crucifixi. Amemus & veneremur hanc Crucem, quia in hac, & per hanc redempti sumus. Faciamus quod faciunt sancti Angeli, qui hanc adoraverunt & reveriti sunt. Sic enim S. Paulus ad *Hebr. 1. v. 6*. Et cum iterum introducit primogenitum in orbem terræ, dixit: adorent eum omnes angeli DEI. Ubi bene expendi debet hoc verbum *iterum*, & *Omnes*. Quomodo enim iterum introductus est, qui semel tantum est incarnatus? Cornelius à Lapide declarat & explicat hanc quæstionem sic: Christus futurus homo & in carne nasciturus, primo angelis in eorum creatione propositus fuit, & tunc à DEO iussi sunt angeli adorare Christum per fidem, quia verò in hac introductione primâ, Lucifer recusavit Christum adorare, à DEO rejectus est, & in infernum de cælo præcipitatus. Ubi verò deinde Christus realiter naturam humanam assumpsit, nemine angelorum excepto, etiam, malorum seu dæmonum debuit adorari, dicente S. Paulo ad *Phil. 2. v. 10*. In nomine Jesu omne genuflectatur cælestium, terrestrium, & inferorum. Cur hoc? audi *Glossam inter linearem*. Adorent eum inquit, omnes Angeli DEI; qui passus est & mortuus. Et hinc etiam hanc causam formalem dedit S. Paulus antea *vers. 8. & 9*. ubi cum dixisset, humiliavit semetipsum factus obediens usque ad mortem, mortem autem Crucis, subjungit, propter quod & DEus exaltavit illum, & dedit illi nomen, quod est super omne nomen. Non miror ergo jam S. Augustini gravissimum dictum, dum inquit: Qui DEum non amat, ob tormenta, quæ pro homine passus est, meretur, ut novus creetur infernus. Et merito; fundatur enim hoc S. Augustini dictum in illo *Levit. 23. v. 29*. Anima, quæ in hac nocte afflicta non fuerit, peribit de populis suis. Quomodo enim fieri potest, ut homo tam acerbæ passionis memoriam recolat, & non intimè Christo Salvatori suo

compa-

*Qui Christi
sum Cru-
cifixum
non ama-
novum
retur in-
fernum.*

*Cor in e-
xenterato
religioso
al pedes
Crucifixi
reperitur.*

compatiatur. Obijt non ita pridem Romæ Vir Religiosus sacratissimæ Cruci Christi singulariter addictus, ubi post mortem corpus illius exenteratum fuit, nullum in eo cor reperiebatur. Dum unus ex circumstantibus curiosius circumspicit, advertit illud in Oratorio ad pedes Christi Crucifixi jacere. O felix Cordis requies, quæ sub pedibus Christi Crucifixi requiescit.



CAPUT OCTAVUM PUNCTUM I.

Quod necessitate præcepti credi
debet.

DISCURSUS IX.

De Signo sanctæ Crucis.

S. Blandina glorietur in nomine Christiani.

DE S. Blandinâ refert author vitæ, quòd inter atrocissima tormenta, ab illa crudeles Tortores aliud exprimere non potuerint, quàm gloriosam hanc confessionem, quòd sit Christiana, adeò ut cum Carnifices in tormentis inferendis deficerent, novus vigor accesserit gloriosæ martyri, quoties se Christianam confessa est, & sacrâ Cruce munivit. Porro hujus confessionis præcipuum habemus argumentum, quòd cruce Christi insigniti præferamus in fronte, quod in corde profiteamur. Audite S. Aug. tract. 3. in Jo. an. Homines sumus Christiani, utique ipso nomine ad Christum pertinentes. Hujus signum in fronte gestamus, de quo non erubescimus, si & in corde gestamus. Signum ejus est, humilitas ejus. Per stellam eum Magi cognoverunt, & erat hoc signum de Domino datum cœleste atque præclarum. Noluit tamen stellam esse in fronte fidelium signum suum, sed crucem suam. Unde humiliatus inde glorificatus est. Quod ipsum fatetur. Anselmus Cantuariensis Episcopus

Episcopus in c. 10. *Epist. ad Rom.* Non sine causâ signum suum Christus in fronte nobis figi voluit, tanquam in sede pudoris, ne Christi opprobria Christianus erubescat. Deinde vero in c. 6. *ad Gal.* Pulchrè differentiam novæ legis ab antiquâ veteris Testamenti assignat dicens. Signum veteris Testamenti est Circumcisio in latente carne, signum novi Testamenti est Crux in liberâ fronte. Ibi enim est occultatio, hic revelatio. Illud est sub velamine, hoc in facie: Quare cum quis inde transierit ad Christum, auferatur ei velamen, & qui habebat in occulto circumcisionem, in fronte portet crucem. Hinc S. Aug. *conc. 3. in ps. 30.* ubi in sede pudoris id est fronte crucem fixam ideo dixit, ne opprobria Christi erubescat Christianus, concludit. Hoc ergo in conspectu hominum si feceris, si inde coram hominibus non erubueris, si in conspectu filiorum hominum, nec ore, nec factis Christum negaveris, spera tibi perfici dulcedinem DEL. Quam dulcedinem fuse explicat S. Joannes Damasc. l. 4. *de fide orthodox. c. 12.* dum inquit: Hæc crux nobis signum datum est super frontem, quemadmodum Israël circumcisio, per ipsam enim fideles ab infidelibus & distamus, & discernimur. Ipsa est scutum & arma, & trophæum adversus diabolum. Ipsa est signaculum, ut non tangat nos exterminator; ipsa jacentium erectio, stantium firmitas, baculus debiliū, pastorum virga, convertentium manu-ductio, proficientium perfectio, Salus animæ & corporis, omnium bonorum causa, peccati destructio arbor resurrectionis, lignum vitæ æternæ. Quare benè Rabanus l. 1. *de instit. Cleric. c. 27.* Signatur homo, sanctæ Crucis signaculo, tam in fronte, quam in corde, ut ipse apostata diabolus in vase suo pristino, suæ interemptionis cognosceret signum, jam sibi deinceps sciat, illud esse alienum. Non miror jam S. Rochum, dum ex utero materno egrederetur, per totum corpus Crucerubrâ fuisse insignitum quem DEUS jam tunc, voluit subduci potestati hostis infernalis. Et ideo S. Chrysostomus *hom. 55. in Mat. super illa verba 1. ad Cor. 7. v. 23.* Pretio empti estis, nolite fieri servi hominum. Considera inquit pretium, quod pro te perfolutum est, & nullius hominis servus eris. Pretium autem hic Crucem appellavit, quam non simpliciter digito in corpore, sed magnâ profectò fide in mente formare oportet. Nam si hoc modo eam impresseris nullus scelestorum dæmonum cum hastam videat, quâ lethale vulnus suscepit, congregari tecum audebit. Nam si, cum

S. Rochus
natus cruce
cerubra
toto corpore
insignitus.

solummodò loca, in quibus capitis damnati pœnas persolvunt, videmus, ingenti horrore concutimur, quid passurum putes diabolum, si mucronem tenere te viderit, quo vires ejus Christus dissolvit, & quo caput Draconis magno jctu rotavit. Noli ergo tanto de bono verecundari, ne quando in suâ Majestate veniet Christus, de te verecundetur. Tunc enim signû hoc super radios solis coruscans, videbis ante Christum; præcedet enim tunc crux, magnam vocem emittens, & ad universos homines pro Domino respondens atque ostendens, nihil ex parte Domini defuisse. Hoc signum & priscis & nostris temporibus clausas januas referavit, hoc venenorum vires extinxit, hoc feroces bestias repressit, hoc ferales serpentum morsus curavit. Et enim si portas inferni perfregit, si cœlorum ostia reclusit, si diaboli nervos incidit, quid mirum est si pestifera venena, atroces bestias aliaque hujusmodi superavit. Et vero hanc victoriam, non solum contra hostes visibiles, sed etiam invisibiles promittit S. Cyrillus Hierosol. in catech. 13. Accipe arma contra adversarios hujus crucis. Trophæum statuas fidem crucis adversus contradicentes. Cum enim de Domino cruceque tibi quæstio erit, prius statuas manu tuâ signum, & obmutescet contradicens. Non pudeat crucem Christi confiteri, Angeli enim gloriantur dicentes. Jesum quæritis crucifixum. Non potuisti dicere ô angele? quem quæritis scio, in eum Dominum. Sed confidenter, scio quod Crucifixum. Corona enim est Crux, & non ignominia. Et paulo post. Non pudeat igitur nos crucifixum confiteri, sed in fronte confidenter crucis signaculum imprimatur digitis, & in alijs omnibus crux fiat. In panibus commendendis, & in poculis bibendis, & in egressu, & in ingressu, ante somnum recumbendo & surgendo, eundo & quiescendo. Ostenta illud audacter, quando enim viderint Crucem recordantur Crucifixi, metuunt eum, qui contrivit capita Draconis. Hoc consilium S. Cyrilli secuta est Eggytha filia Edgari Anglorum Regis, quæ non tantum in orationis principio vel fine, sed quavis penè actione se Cruce munivit; quod ubi vidit S. Dunstanus, benè precatus Virginis pollicis dixit: Hic digitus in æternum non computrescat. Exaudivit DEUS tam piam appreciationem, & licet Eggytha mortua fuerit, nunquam tamen pollex dexter computrescente licet corpore reliquo, computruit. Unde tam instanter Tertullianus qui Sanctis Apostolis penè compar vixit, & pium hunc Crucis usum ab ipsdem accepit, in lib.

Crucis signum facias.

Eggytha filia Regis Cruce se sæpè signavit & digitus non putrescit.

de

de corona mili c. 3. de suo tempore fatetur. Ad omnem progressum atque promotum, ad omnem aditum & exitum, ad vestitum & calceatum, ad lavacra, ad mensas, ad lumina, & cubilia, ad sedilia, quæcunque nos conversatio exercet, frontem crucis signaculo ferimus. Harum & aliarum disciplinarum, si legem exposcutes scripturarum (benè hoc notent hæretici) nullam invenies. Traditio tibi prædicatoris auctrix, consuetudo confirmatrix & fides observatrix. S. Martialis verò, qui Christum in Cruce pendentem suis oculis vidit, hic in *Ep. sua ad Burdegalenses c. 7. & 8.* inquit DEI filium semper in mente, in ore, in signo habete. Hinc S. Hier. *Ep. 22. ad Eustoch.* Sanctam hanc Virginem instantè admonet, ut ad omnem actum & incessum, manus crucem pingat. Quod ferè paribus verbis à nobis postulat S. Ambr. *serm. 43.* Debemus inquit omne diei opus in signo facere Salvatoris. Ut propterea S. Chrysostomus *tom. 5. in demonstrat: adversus Gentiles* dixerit: Crux diadematibus & coronis symbolum clarius factum est. Neque enim sic regià coronà ornatur caput, ut cruce, quæ omni cultu dignior, & quam omnes prius abhorrebant, ejus figuram tantoperè quærunt, atque adeò ubique invenitur, apud Principes, apud subditos, apud mulieres, apud viros, apud virgines, apud nuptas, apud servos, apud liberos. Subindè omnes eà se signant, inscribendo in nobilissimum membrum nostrum. In fronte enim nostrà, quasi in columnà quotidie figuratur. Et paulò post Hanc ubique celebrari videre licet, in domibus, in foro, in solitudine, in vijs, in montibus, in collibus, in vallibus, in mari, in navigijs, in insulis, in vestibus, in armis, in lectis, in thalamis, in symposijs, in vasis argenteis, in aureis, in margaritis, in murorum picturis, in corporibus brutis malè affectis, in corporibus à dæmonijs obsessis, in bellis, in pace, in diebus, in noctibus, in delicatiorum choreis, in monachorum Ordinibus, adeò certatim donum hoc mirabile, rapiunt omnes. Mira est hæc gratia, nullus confunditur, nullus erubescit, cogitans, quòd maledictæ mortis symbolum fuerit, sed omnes ipso magis ornantur, quàm diadematum coronis, vel multis gemmatis monilibus & torquibus. Et non solum non fugitur, sed & desideratur, & amatur, & omnes de eà solliciti sunt; & ubique fulget; & sparsa est in parietibus, in vicis, in locis quæ habitantur, & non habitantur. Hinc veteres sanctam Crucem in omnibus locis honoris causa, sculpti, pingi, vel alio modo fabricari curarunt, uti testatur S. Ephrem *l. de*

Crucis ubique venerationi exponitur.

verâ pœnit. c. 3. Pingamus in januis, atque in frontibus nostris, & in ore & in pectore, & in membris omnibus vivificum signum. Armemur hac Christianorum armaturâ. Cui assentitur Rufinus l. 2. c. 29. Et S. Chrysostomus *orat. quod Christus sit Deus*. dum dicit Crucis figuram in omnibus locis depingi solitum, in Urbibus, in Domibus, in cubiculis, in vasis, in solitudine, in montibus. Deindè verò lege publicâ decretum fuit. *Novel. 5. c. 1.* ut in venerabilibus locis ad adorandum, & verè honorandum reponeretur. Hanc eandem ob causam turribus & fastigijs Ecclesiarum Crucem imposuerunt veteres.

*Crucis in
turribus &
tectis Ec-
clesiarum.*

Quod S. Hieronym. in c. 1. in *Sophon.* & Sigebertus in *hist. sua* fatentur, ipsæque vetustæ adhuc nostro tempore Ecclesiæ ostendunt. Sic pariter per illius erectionem loca profana DEO dicabantur, & Ecclesiæ juxta rubricas Pontificalis, etiam hodie DEO dedicantur. Addeque *Novel. 67. c. 1.* neque Ecclesiam antequam Civitatis DEO amabilis Episcopus orationem in loco faceret, & crucem figeret, erigere licebat. Privatis vero in ædibus, eam religiosè asservabant Christiani, quemadmodum testatur Rufinus l. 2. *hist. c. 29. & 30.* Die verò paraceves quod etiam modo in Ecclesiâ observatur, adoranda proponebatur populo, & deindè in cœnotaphio pretioso, vel sub terram in sepulchri Christi memoriam inter copiosa luminaria abscondebatur. Sic enim Rabanus l. 2. c. 37. *de instit. Clerici.* Die paraceves à Pontifice & Clero, & ab omni populo species S. Crucis salutatur, quia passio Redemptoris à fidelibus, in horâ redemptionis suâ dignâ recolitur laude. S. Greg. Turon. l. 1. *de mirac. SS. MM.* In supplicationibus populo prælatam Crucem affirmat, eaque prælatâ excipiebant Episcopus, Imperatores & Reges. Hinc Socrates l. 6. *hist. c. 8.* testatur quod S. Chrysostomus in supplicationibus argenteas Cruces cum ardentibus facibus præferri jussit; sic ut planè in jus publicum transferit per *novel. 123. c. 32.* Ubi dicitur facere Lytanasias sine Clericis interdiximus, quæ sine orationibus & Cruce fieri non debent. Nos etiam in funeribus præferimus, quia hac cruce contestamur, defunctum fuisse. Christianum, qui in eum credidit, quem amore nostri in cruce mortuum esse confitemur, momenturque vivi, ut si benè mori velint, sequantur Christum Crucifixum.

*Crux in
Processio-
nibus præ-
ferebatur.*

Euthymius p. 2. *panopl. Tit. 20.* & cum eo Baronius ad annum Christi 395. Defunctorum sepulchris cruces apponi consuetum
fuisse

fuisse memorat. Quod confirmat Robertus de Monte qui scribit in *supplemento Chron. Sigeberti* anno Christi 1181. Sultani matrem morti proximam rogasse filium, ut sibi Christianæ clam crucem in apice pyramidis sepulchralis curaret. Postridiè Agareni id videntes, in ra- Crucis sepulchris apponuntur.
biem acti crucem deturbare conati sunt. Primus qui irruit, mortuus concidit, tertiâ die pluribus millibus eò convenientibus, fulgura & fulmina de cœlo missa còplura millia mactarunt. Non minus mirabile est illud, quod de S. Patritio referunt historia. Hic cum in campo Agareni crucem evertentes puniuntur.
invenisset sepulchra duo, & inter illa recenter effossa Simulachrum S. Crucis, de curru quo vehebatur, clamavit: Quis est sepultus hic? Respondit vox de tumulo; Ego sum gentilis homo & paganus; Instat vir sanctus; Cur ergo tibi crux apposta est? reposuit: Sepulchro meo per errorem infixâ est, juxta me enim jacet sepultus ho- S. Patritius Christiani sepulchro crucem restituit.
mo Christianus, cujus tumulo debet apponi. Quo audito, statim S. Patritius de curru descendit, & Crucis Christique militi, suam Crucem restituit. Quantò ergo magis pia Ecclesiæ est praxis, ut moribundis crux hæc porrigatur osculanda, quâ armati in agone periculo- Crux moribundis porrigitur.
sissimo, cum hoste securi congrediantur. Et hanc sanctam consuetudinem, jam tempore S. Augustini consuetam fuisse. l. 2. de *Visit. in firm. c. 3.* habetur. Et merito planè, quia S. Bonav. *Dom. 8. post Pentec. ferm. 2.* prædictam à Christo Solymæ vastationem applicat ad moribundum hominem. Circumdatur inquit miscella hominis anima, inimicâ hostium malignitate, qui plus animam, quam canes feram persequuntur. Coangustatur in corpore mortis infirmitate, judicis severitate, dæmonis crudelitate, adeoque undique, quia sub- Homo moriens quasi obfessa Hierosolyma.
tus & supra, intus & exterius angustiat. Pari planè sensu loquitur S. Ephrem Syrus *ferm. in eos, qui in Christo obdormiunt.* Magnum inquit & occultum est mortis arcanum, & nullus enarrare illud potest. Horrenda & formidabilia sunt, quæ tunc anima subibit. Sed nemo nostrum ea novit, nisi soli illi, qui illuc permeant. Non vides inquit apud Fratres morientes quibus assidemus, quam mirabilia tunc illis accidere cernantur. Non aspicias eos sudoribus frigidos instar messorum in agro? quomodo oculos huc illuc retorqueant? quomodo alij dentibus strideant, quomodo obstupescant, expavescant, tumultuarieque agunt, & quo pacto etiam multi capillos suos evelant? quo pacto ex lecto exiliant, fugere volentes licet nequeant, & nemo est qui liberet. Unde benè S. Vincentius Ferrer. *ferm. in octav.*

Origenes
hom. 8. in
diversa.

Crux in
fronte for-
mandi.

Sodalis mo-
riens Cru-
ce se mu-
nit.

Corp. Christi. Magnam inquit difficultatē habet anima in exitu de corpore, ubi veniunt dæmones, eam expectantes. Quid agat ergo misera anima? Quo fugiat? nisi ad arma quibus se contra tam potentes hostes tueretur. Crux Christi scutum est, & certum adversus diabolum trophæum. Quare hoc Crucis trophæum vult Origenes in frontibus nostris signari. Sic enim nos hortatur. *Hom. 8. in diversa Evangelij loca.* Immortale vexillum portemus in frontibus nostris, quod cum dæmones viderint contremiscent. Voluit hoc ipsum S. Ambr. in *ps. 17. super illa verba: Benedictus Dominus DEUS, qui docet manus meas ad prælium, & digitos meos ad bellum.* Si inquit insurget bellum adversus nos, arceamus digitis frontem signo Crucis. Et confirmat S. Chrysostomus *serm. de Cruce.* Si Crucem infixeris vultui tuo, nullus dæmonum propè te stare poterit, videns armā, quibus Christus caput suum abscidit. Bene namque Euthymius in *ps. 5.* Tu Domine munivisti nos valdè, & circumdediti cruce tuā, quæ est scutum bonæ voluntatis. Ut propterea S. Ephrem Syrus *l. de penit.* exclamet. Hoc signo conspecto adversariæ potestates conferritæ tremantesque recedunt. Quid timent dæmones? quare Origenes *hom. 6. in Exodum.* Quid tremunt? sine dubio Crucem Christi in quā triumphati, in quā exuti sunt principatus eorum. Quare S. Hier. in *ps. 85.* rogat, fac mecum signum in bonum, ut videant qui oderunt me, & confundantur. Muniar Crucis tuæ signo, quod videntes potestates adversæ fugiant confusæ & discedant. Et ideo S. Martialis in *Ep. sua ad Burdegaleses* dixit: Crux Domini armatura vestra est contra Sathanam, & statim subdit. Est galea custodiens caput, lorica protegens pectus, clypeus telā maligni repellens, gladius iniquitatem & inimici insidias propinquare nullo modo sinens. Ut propterea S. Chrysostomus *hom. 13. in Ep. ad Philipp.* dixerit Magnum bonum est crux, salutaris armatura, clypeus minimè pervius sed reluctans diabolo. Cum hoc igitur si bellum geras, tunc gesta Crucem. Secutus est hoc consilium S. Chrysostomus Sodalis ille, de quo P. Lechner in *Sodal. Parthen. l. 3. c. 10.* Qui moriens sibi Crucifixum dari postulavit, & tempus extremi certaminis adesse dixit, Sodales ne se deserant rogavit, sæpius interim ingeminabat hæc verba: Credo! Repentè etiam exclamavit, Non est ita; mentiris; Et Crucifixum velut scutum opponens dæmoni, se in omnem partem tuitus est. Tandem sedatā quasi pugnā; quam bonum est inquit

inquit Mariæ in ejus sodalitis famulari. Quam artem pugnandi contra dæmones tenuit Maria de Victoriâ quæ in extremo morbo, ut oculis illius semper Crux obversaretur, ex utraque parte lectuli crucem defigi curavit, sic, ut quocunque se verteret, illam intueri posset. Ex quo factum, ut Dæmon ad limen quidem cubiculi conspectus fuerit, ingredi tamen ausus non sit, neque eam tentare præsumperit. Porro crux hæc non tantum Sanctis, sed etiam imperfectis sæpè scutum fuit inexpugnabile in mortis confinio. Refert enim S. Greg. in dial. l. 4. c. 27. Adolescentem Theodorum in cœnobio licentiosè vixisse. Hic morti proximus religiosos circumstantes allocutus dixit. Recedite! Ecce Draconi ad devorandum datus sum. Monuit ergo S. Greg. ut se signo Crucis muniret. Negavit se id facere posse, eo quod a Dracone sit oppressus. Paulo post exclamavit: Ecce Draco qui me devoraturus advenerat, fugit, isque precibus vestris & virtute S. Crucis expulsus est. Virtutein S. Crucis agnoscens Laurentius Justin. *serm. de exaltat. S. Crucis* exclamat: O bona Crux! fugantur per te Dæmones liberantur ægroti, mortui ad vitam revocantur, fides augetur, pusillanimitas propulsatur, roboratur virtus, spes utcunque collapsa erigitur. Causam hujus dat S. Hier. in ps. 43. Christus quidem Crucifixus erat in carne, sed verè crucifigebat ibi dæmones, ubi Christo crux non fuit crux, sed triumphus, diabolo verò patibulum. Similem sensum elicit S. Leo *serm. de pass. super verba illa: Isa. 9. factus est principatus super humerum ejus*, dum dicit. Ut impleretur quod Propheta Isaias viderat, dicens: Ecce natus est puer, cujus imperium super humerum ejus. Cum ergo Dominus lignum portaret Crucis, quod in sceptrum sibi converterat potestatis, manifestabatur fidelibus grande mysterium, quia pulchrâ specie triumphi sui portabat trophæum. Hortatur proinde nos S. Th. in c. 12. *Ep. ad Hebr.* ut ad crucem recurramus. In quacunque inquit tentatione invenitur in Cruce præsidium, ibi enim obedientia ad Deum, ibi patientia in adversis, denique in Cruce invenitur doctrina & exemplum omnis virtutis. Quod observans Origenes *hom. 4. in Gen.* ad hanc Crucem ipsos primos Parentes nostros post lapsum confugisse dicit. Impulsu inquit quodam primos parentes ad arborem tanquam ad asylum se contulisse putandum est, ut significaretur jam tunc unicuique refugium peccatorum, quod subinde constitutum est in arbore Crucis. Et hoc est quod DEUS *Ezech. 9. v. 4. insinnavit.* Quando

Sodalem esse, bonum in morte experiri

Maria de Victoriâ moriens se crucis vallat.

Crux Draconem apud morientem virtute sua fugat.

do DEus mandavit Angelis, ut omnes in Jerusalem occidant, quos viderent non insignitos litera Tau. Quod Tertul. l. 3. contra Marcionem c. 22. explicat dicens : Ipsa est litera Græcorum, nostrum autem Tau est species Crucis, quam portendebat futuram in frontibus nostris apud veram & Catholicam Jerusalem : In quâ fratres Christi, filios scilicet DEI gloriam Patri DEO relaturos David ps. 21. v. 23. cecinit ex personâ ipsius Christi. Enarrabo nomen tuum fratribus meis, in medio Ecclesiæ laudabo te. Quare in apol. Tertul. c. 16. dicit Christianos antiquitus appellatos fuisse Crucis religiosos. Cujus tanta fuit veneratio ut dicat Evagrius l. 6. c. 20. quod eam gestarent à collo suspensam. Et S. Chrysostomus Ep. ad Philip. c. 3. invehitur in quemdam dicens : Cum sis Crucis inimicus, gestas crucem ? Certè S. Xaverius à collo semper pendulam habebat crucem, quâ integrum Badagarum fugavit exercitum, quam deinde cum ad sedandam tempestatem mari immerfisset, incautè elapsâ cancer divinitus missus, eidem restituit. Jucundum est quod annuæ societatis 1605. referunt, de tenero puerulo, qui tanto affectu in crucem ferebatur, ut nunquam obdormire vellet, nisi mater eidem decumbenti, crucem in pectore impressisset. Accepit deinde parvulus Crucifixum, quem pectori inter brachia appressum, tam fortiter dormiens strinxit, ut nunquam in somno à se dimitteret. Paulo ante mortem suam varias cruces formavit easque innocentum sepulchris imposuit, sibi que inter eos locum delegit, ubi mortuus cum suâ cruce requiesceret. Sperare potuit hic puer, quod cum in judicio parebit signum filij hominis, ille tam fidelis crucis amator sub illo signo tutissimus sit futurus. Nobis in documentum, ut pariter crucem amemus, illaque non tantum nos, sed ipsos etiam teneros infantes signemus. Hoc enim est quod S. Chrysostomus hom. 12. in 1. Cor. ex iuggestu sollicitè parentibus inculcavit, ut scilicet filios suos instruant, quomodo frontem suam cruce insignire debeant, priusquam verò infantes id possint, ipsi crucem illis imprimant. Quod S. Aug. l. 11. confess. fatetur de se ipso, dum dicit S. Monicam matrem suam, sibi sapius crucis signum impressisse. Confirmat hoc salutare admodum esse, Bartholomæus Springerus quest. de strigibus. c. 17. ubi refert de Sagâ quæ confessa est, quod plusquam quinquaginta vicibus noctu domum cujusdam vicinæ suæ adierit ut puerum illius in cunis suffocaret, nihil tamen ei nocere potuerit, quia mater decumbentem parvulum, semper crucis

S. Xaverius Crucem exercitum fugat.

Parvulus non voluit obdormire nisi cum Cruce.

Infantes teneri cruce signentur,

signo

figno munivit. Simile quid Spiræ accidit Anno Christi 1484. ubi honesta Matrona contendisse cum Sagâ scribitur. Vespero ubi Mater infantem in cunas deposuit illa se super hac ipsâ rixa reflexit. Infantem ergo suo tinnens, illum in cunis jam cubantem, aquâ benedictâ aspersit & crucis signo munivit. Circa noctis medium, audit puerum vagientem, adeoque surgit, & dum puerum vult laetare, illum in cunis non reperit. Lumen ergo accendit, & puerum quærit, quem sub lecto jacentem, illæsum tamen invenit. O quam verum est, quod S. Athanasius l. de incarnatione verbi inquit. Signo Crucis omnia magica compescuntur, & veneficia inefficacia fiunt. Experta hoc est puella illa in diœcesi Argentinenſi, quæ cum die festo in domo paternâ sola moraretur, ab impudente vetulâ inducâ est, ut ipsam sequeretur, futurum, ut veniret ad chorum pulcherrimorum juvenum. Sequitur veneficam puella, at ubi domum clausis post se foribus ingrediuntur, strix ad puellam conversa dixit, ad superiorem domus partem ascendemus, tu vero cave ne Cruce te munias. Interim dum Sagam puella sequitur, & per gradus cubiculo constituto puella jam imminabat, gravi horrore perterrita, cruce se munit. Quod ubi viderunt Dæmones; subito dilapsi omnes disparverunt, & puella à furiôsâ vetulâ domo eiecâ est. Sic Metaphraſtes in vita S. Panthemij apud Surium tom. 1. refert, de officinâ quadam purpurariâ, quæ ita ab imundo Spiritu infestabatur, ut dæmones tinctoriis manifestè apparerent, & eosdem in labore necessario impedirent. Ubi vero advertit S. Panthemius Cæsaris labores, non sine tinctorum gravi periculo impediri, accessit ad officinam, invocatoque JEsu nomine, atque crucis signo factò dæmones abegit. Tinctores verò opus suum profecuti, ulterius à dæmonibus infestati non sunt. Verum non solum purpuram infestant dæmones, ipsos thesauros regioſ obſident, virtute verò sacræ Crucis pelluntur & fugantur. Glycus p. 4. in Anastasio Imperatore refert, quod Ceadeſ Perſarum Rex in castello quodam ingentis pretij gemmas habuerit, quibus tamen frui non potuit, quia Dæmon ad illas aditum Regi negavit. Varia Rex tentavit media, ipsos etiâ Magos adhibuit, nec tamen aditum obtinere valuit. Quod ubi Sancto illius loci Episcopo innotuit, ille Clerico stipatus, locum illum adiit, & solo Crucis signo sibi aditum aperuit, atque infernalem draconem abegit. Testatur ipse S. Gregorius NeoCæsar. quod diaconus ipsius laſſus domum redierit, qui ubi se lavacro egere

Saga infanti cruce signato nocere non potest.

Saga infanti nocere vult: sed non potest ob crucem.

Puella & vetula se ducta cruce contra dæmones se defendit.

Officina purpuraria à dæmone infesta, cruce liberatur.

Gemma in thesauro regio à dæmone obſeſſa, cruce liberatur.

*Balneum
à dæmone
in festum
Crucis si-
gno libera-
tur.*

advertit, ad balneum publicum, sed à dæmone infestum accessit. Et quia Dæmon nulli aditum ad illud permisit, custos balnei Diacono aperire noluit. Quem tamen ubi Diaconus bono animo esse iussit, ut claves daret, induxit. Acceptis itaque clavibus, cruce armatus balneum adiit; vix autem balneum ingressus fuit, cum subito ingentibus turbatur illusionibus, tumultuque maximo infestatur, ipse verò imperterritus in balneo permanfit. Concussit enim dæmon terram, aquas ipsas in igneas scintillas succendit, ædificium totum sic concussit, ut ruinam minari videretur. Sed terram tremebundam cruce factâ Diaconus firmavit, aquam ardentem hoc salutari signo extinxit, denique ruinam labentis balnei sanctæ Crucis munimine avertit. Hoc enim vero jucundum fuit, ut cum in balneo versanti nocere non posset dæmon, ex eodem exeunti nocere tentaverit. Quare eidem portam in exitu ita obfirmavit, ut nulla arte posset referari. Sed quæ sacra crux omnes priores vires dæmonis intregit, hæc sola portæ impressa feras referavit, viditque omnis populus ex balneo egressum Diaconum, non solum vivere, sed etiam ab omni injuriâ illæsum, virtute sanctæ crucis contra dæmonem gloriosè triumphasse. Quidquod vel ipse Asinus S. Reguli, mirabiliter se contra potestatem dæmonis virtute sanctæ crucis defenderit. De S. Regulo in vita illius refertur, quod illi oblatum fuerit parvulus à dæmone obsessus, qui ad Viri sancti preces, in formâ Vespertilionis fugatus est; in hac eadem formâ circum volitans in asinum intrare voluit, sed cum asinus casu pede dextro in terrâ signum Crucis secisset, altumque ruderet, infernalis vespertilio abesse coactus est.

*Asinus fa-
cta Cruce
dæmonem
obsidere
volentem
fugat.*

*Julianus
Apostata
contra spe-
ctrâ Crucis
se munuit.*

Non dicam ego impium Julianum apostatam aliquando incidisse in hominem magum, qui ei Imperium prædicere ausus fuit, hic ubi Julianum in locum obscurum & subterraneum induxit, tam horrendis dæmonum spectris illum infestavit, ut eorum metu perterritus, frontem sacrâ cruce muniverit, & sic inferni spectra fugere compulerit. An non hic merito exclamem cum S. Chrysostomo superius citato: Cum sis crucis inimicus, formas crucem? Tu inquam impie Juliane, qui Victimarum sanguine perfundi voluisti, ut sancti baptisimi crucem aboleres, modo tamen ad Crucem Christi confugisti? Tu inquam impie Juliane quam crucem, tantopere averfatus es, unicum in tanta necessitate refugium in cruce invenisti. Non miror jam S. Edmundum in hac formandâ impeditum, hic enim

ado-

adolescens cum manè vidisset sibi adstare dæmonem horrendâ spe- S. Edmun-
 cie minacem, & is se signo crucis munire vellet, sensit sibi à dæmo- dus solo
 ne sic manus ligari, ut crucem nullo modo formare posset. Quare corde con-
 quod manu facere non potuit, id corde ad DEum converso expres- cepta Cru-
 sit coactusque est fateri dæmon, se nullâ re magis quam Crucis signo ce dæmo-
 fugari posse. Ut propterea dixerit Nazianz. *orat. in Julian.* Hac una nem fugat.
 fugantur dæmones. Sed non tantum dæmones, alia etiam mala, be-
 neficio S. Crucis pelluntur. S. Greg. *l. 2. dial. c. 3. de S. Benedicto* re- S. Bened.
 fert quod factâ cruce porrectum sibi poculum vitreum veneno infe- poculum
 ctum, confregerit. Joannes Moschus *in prato spir. c. 94.* refert Ab- venenatum
 batem Julianum Bostrenorum Episcopum novisse cœlitus, sibi vene- facta cruce
 num ab inimicis datum, adeoque venenatum poculum ante se posuit, confregit.
 advocatisque primoribus, & quidem hujns abominandi criminis
 architectis, sic eos est allocutus. Si arbitramini humilem Julianum Cruce fi-
 veneno occidere, ecce coram vobis pestiferum calicem bibo. Si- gnatum ve-
 gnansque ter digito suo calicem, bibitillum coram omnibus atque il- neratum
 læsus perstitit. Videntes autem hoc impij homines, in terram pro- poculum
 ciderunt, & veniam rogarunt. S. Anselmus Cantuariensis Episco- non nocet.
 pus crucis signo facto, & aquâ benedictâ super cœci oculos asper- S. Ansel-
 sâ, cœcum illuminavit. S. Aug. *l. de Civ. DEI c. 8.* refert: Innocen- mus. Cruce
 tiam religiosam scēinam ex primarijs illius civitatis matronam, in cœcum il-
 mamillâ Cancrum habuisse, nullis medicamentis sanabilem, in so- luminat.
 mnis admonita fuit, ut ad baptisterium observaret priam, quæ si- Cruce fa-
 bi occurreret, rogaretque ut illa locum cancro affectum sibi signaret cta mam-
 cruce. Fecit illa, & primam à baptisterio reducem rogavit, ut sibi u- las cancro
 bera morbo affecta cruce signaret, & factâ cruce, matrona illa à affectas sa-
 Cancro sanata est. S. Bernardus in Vita S. Malachie scribit, quod il- nat.
 le epilepticum blandè amplexus sit, ejusque pectori crucis signum Cruce Epi-
 imprefferit, & ab Epilepsiâ penitus liberaverit. Varia præterea mala lepticum
 crucis signum avertit. S. Martinus magno studio volebat excisam ar- sanat.
 borem, quam magnis superstitionibus venerabantur pagani. Con-
 venit tandem inter illos, ut arborem illam excinderent pagani, sed
 casum arboris sustineret S. Martinus. Die condictâ subjectum &
 lapsum arboris se posuit Martinus, cumque jam securibus incisa ar-
 bor, ingenti cum fragore decidua in S. Martinum incumberet, in ipso
 aëre ruenti arbori crucis signum opposuit S. Martinus, & arbor quæ
 jam prona ruebat, supinata in ipsos idololatrias recidit, & complures

ex illis oppressit. Quo miraculo territi impij homines ab idololatriâ sunt revocati. Quod S. Martinus cum hac arbore, hoc S. Macarius fecit cum saxo, quod ingens à rupe decisum cum rueret, & lapsu suo, cellæ Viri sancti, jam immineret, ne illam cum Viro sancto obrueret, ille factâ cruce tanto saltu à se avertit, ut cellam illâsam penitus transiliret. Hoc mirabile est quod puer Judæus, cum matrem sequeretur, viderit Judæum quemdam in scrobem prolapsum, illâsum cecidisse, quia in ipso casu Crucis signo se munivit. Ubi hic puer inter coævos sibi venit Christianos, vidit hanc ipsam consuetudinem, quam secutus est, & cum illis sæpius ad Christiana exercitia accessit, atque tandem fidem Christi est amplexus. Hunc juvenem cum puella Judæa ad lasciviam sollicitasset, illam crucis signo statim exanimavit; & verò jam exanimem crucis signo rursus ad vitam revocavit. Venit deinde is ad Abbatem, coram quo crucem Christi salutare jussus fuit, qui dum pedes Christo osculatur; totus Crucifixus à clavis se resolvens, in juvenis amplexus ruit, & in fronte in debilem Crucis characterem eidem impressit. Quare baptizatus & Constantinus dictus est. Benè proinde Origenes l. 6. in Ep. ad Rom. dicit. Crucis signum ante oculos positum si attentè consideretur, ad omnem tentationem depellendam valere. Expertus est hoc S. Vincentius Ferrerius Novitius, quem nocte concubiâ aggressus est dæmon, in formâ Doctoris ex Cathedra docentis, dicens, se unum & quidem ex veteranis Eremitis incolis esse, qui juventutem suam libidini dedit, ævi deinde maturus ad DEum accessit. Suasit proinde ut se juvenis non sic jejuniis emaciaret, sed senio sese solidior reservet. Advertit ex cantu facile hunc stygium corvum, factò itaque signo Crucis infernalem hanc belluam teste Surio ad infernum relegavit. S. Thomas Aquinas à fratribus in castro inclusus, scæminam ad satisfaciendam castitatem submissam, cum titione, in pariete factò Crucis signo fugavit, & castitatem salvavit.

S. Tb. Aquinas à fratribus in castro inclusus, scæminam ad satisfaciendam castitatem submissam, cum titione, in pariete factò Crucis signo fugavit, & castitatem salvavit.

Non desunt aliæ mirabiles in Cruce Virtutes, S. Franciscus Seraphicus ægrotanti, & vini auxilio indigo, aquam allatam signo crucis in vinum lapidissimum convertit. S. Hilarion quod S. Hier. confirmat in vita illius, eruptionem ipsius maris repressit. Cum enim post mortem Juliani, incredibili cum terrore totus mundus horrendo terræ motu concuteretur, in maria egressa sunt terminos suos, quasi DEus rursus mundo universalem minaretur cataclismum. Naves enim

enim in montium prærupta elata, à rupibus pependunt. Quod cum vidissent Epidauritani, ne oppidum funditus subrueretur, rogarunt S. Hilari^{on}em pro subsidio; qui cum tria Crucis signa fecisset in Sabulo, manusque suas contra fluctus maris tetendisset, licet furiosissimè intumesceret mare, limites à Cruce præfixos furentes fluctus non transiverunt, sed mare in semetipsum teste Metaphras^{te} die 21. Octobris, est relaplum. Simile quid refert Georgius Presbyter in Vita S. Theodori, quod in Cariâ insulâ frequenter fluvius exundaverit, & suarum aquarum eluvione domos subverterit ac pecora demerferit. Quâ de causâ S. Theodorum Siceorum Episcopum rogant incolæ, ut se ad fluvium conferret, eique suis precibus frænum imponeret, quod ille erectâ in ripâ Cruce tam feliciter fecit, ut nunquam amplius aquæ sinum suum egressæ sint. De S. Maria Ægyptiaca habemus, quod illa ad S. Zosimum itura, ut ab illo sacrâ Eucharistiâ reficeretur, factâ super undas Jordanis Cruce, aquas sibi solidaverit, ut siccis pedibus Jordanem calcarit. Certè Labarum Magni Constantini à quocunque gestatum, quia Crucem cœlitus ostensam præferebat, à telis hostium immunem fecit. Quid quod Eusebius l. 1. c. 33. de vita Constantini clarè asserat virtute S. Crucis Constantinum debellasse Maxentium, prostrâvisse Maximinianum, Licinium imperio & vitâ exuisse. Crux hæc Theodosio Magno victoriam contulit. Orosium audite l. 7. hist. c. 35. ubi de Theodosio sic loquitur: Sciens se non solum Crucis signo tuendum, sed etiam Victoriam adepturum, signo Crucis se muniens, signum prælio dedit, ac se in bellum etiam si nemo sequeretur, Victor futurus immisit. Neque miram, cum hæc eadem Crux orante Moyse Josue Duci fortissimo Victoriam contulerit. Sic enim S. Cypr. l. 1. contra Jud. c. 8. dicit; Moysem orasse in forina Crucis, & contra Amalech obtinuisse victoriam, quia formam Crucis Moyses orando referebat. Exod. 17. v. 12. quando nimirum sic orans ab Aaron & Hur sustentabatur. Unde Minutius Felix in suo Octavio ait: Signum Crucis naturaliter esse salutare. Signum sanctæ Crucis naturaliter inquit videmus in navi, quando velis tumentibus vehitur, & expansis palmulis labitur, ac quando erigitur, signum Crucis est. Denique omnia, ipsaque Ecclesiæ Sacramenta à Cruce sanctificantur. Ita enim clarè S. Chrysostomus in Ep. ad Phil. c. 3. baptisma inquit per Crucem datur. Quod S. Aug. tract. 118. in Joan. confirmat. Quid est quod omnes noverunt signum Christi,

S. Hilari^{on} mare intumescens Crucis signo repressi.

S. Theodorus exundantem fluvium Cruce continet.

Maria Ægyptiaca Jordanem facta Cruce sibi calcabilem facit.

Crux Constantini hostes debellat.

Crux Theodosio Victorias parit.

Crux Ecclesiæ Sancta tumentibus vehitur, & expansis palmulis labitur, ac quando erigitur, signum Crucis est.

Aug. tract. 118. in Joan.

fi, nisi Crux Christi? quod signum nisi adhibeatur sive frontibus credentium, sive ipsi aquæ quâ regenerantur, sive oleo quo Chrysamate ungantur sive Sacrificio quo alantur, nihil eorum rite perficitur. Quomodo ergo per id, quod mali faciunt, nihil boni significatur, quando per Crucem Christi quam fecerunt mali, in celebratione Sacramentorum ejus bonum nobis omne signatur. Alvinus *l. de Offic. Eccles. c. de Celebr. missæ*, Crucem in Sacrificio Missæ adhibitam fuisse dicit. Crucem in fronte primum pingit Diaconus annuntiaturus verba vitæ, id est Evangelium. Ut ostendat se illius discipulum esse, qui Crucem pro salute totius mundi sustinuit. Deindè in pectore, ut omnis vana & immunda cogitatio ab ejus corde pellatur. Et paulo post: Ad ejus salutationem populus Crucem in frontibus ponit, ut à malis cogitationibus corda sua emundet, & ad intelligenda verba salutis pura maneant. Undè S. Euthymius in *p. 2. panopl. tit. 20*. Hoc Crucis signum non tantum ad Sacramenta & sacrificia, sed ad omnia sanctificanda & benedicenda extendit dicens: Crux manu designata res omnes sanctificat, quibus adhibetur. Ut aquam baptismi & oleum, & unguentum, & vultus hominum credentium, & panem mysticum & sacrosanctum sanguinem & reliqua. Antequam Christus in Crucem ageretur, crux mortis erat instrumentum execrabile, sed postquam Christus ei fuit affixus, sanguine & aqua Domini sanctificata, figurâ suâ cunctis fidelibus exhibet sanctificationem. Atque ita Crux, quæ prius homines tollebat, postea dæmones ejecit atque expulit. Concludit: Sancta est omnis figura Crucis sive manu designetur, sive ex materiâ aliquâ conficiatur. Hinc vel ipsi Angeli Cruces similes honorarunt. Testatur hoc Nicephorus *l. 1. c. 37*. quod ad Crucem à Constantino Magno venerationis causâ erectam, visus sit Angelus ter quotannis de mediâ nocte Crucem circuire, & thus adolere, canendo Trisagium Sanctus, Sanctus, Sanctus. Quare merito de hac sacra Cruce dicere possum, quod S. Methodius *Orat. 2. de resurrect.* dixit de Christi & Sanctorum imaginibus. Protinus ergo quæ sunt hic Regum imagines, quamvis non ex pretiosa auri argenteve materiâ consistant, ab omnibus tamen honorantur. Neque enim quæ ex pretiosâ materiâ conflatae sunt; homines duntaxat colunt, quæ verò ex vili contemnunt atque aspernantur, sed omnia licet ex ære gypsove existant, coluntur. Et quisquis in earum aliquam, qualiscunque fuerit, maledicta conjecerit, is non tanquam

*Ad Evan-
gelium se
Cruce mu-
nit in sacro
Diaconus.*

*Cruce om-
nia sancti-
ficat.*

*Angelus
Crucem à
Theodosio
erectam
honorat.*

lutum

lutum spreverit, aurumque contempserit, absolvitur, sed non aliter, quam si in ipsum Regem impius fuisset, condemnatur. Concludit ergo: Quas quidem ex auro imagines conflagamus Angelorum ipsius Principatus & Potestates referentes, nos ad honorem DEI & gloriam conficimus. Dicam ego quas nos ex ligno aut lapide Cruces conficimus, eas ad honorem & gloriam ejus, qui crucifixus est, efformamus. Quare qui injuriam infert Cruci, is ipsum Crucifixum spernit, & conculcat. Ostendit hoc suo testimonio Florimundus Remondus, qui refert Catholicum cum hæretico iter habuisse Genevam versus, in viâ cum obortâ tempestate se Cruce muniret Catholicus, per Contumeliam illudit hæreticus quærens, an muscas pelleret. Vix autem Verbum hoc dixit, & fulmen lycophantam contrivit extinxitque. Audite obsecro S. Cyrillum. Non pudeat nos Crucifixum confiteri, sed in fronte confidenter Crucis signaculum imprimatur. Eant nunc Lutherani qui Crucem adeo horrent, ut eam Cane pejus & angue execrentur, atque nos Catholicos rident, qui Crucem Christi in fronte, ore, & pectore ferimus, quam ipsi Reges & Cæsares in apice Coronarum suarum venerantur. Cavete ne de vobis verificetur illud ps. 108. v. 18. Noluit benedictionem & elongabitur ab illo. Graviter proinde S. Cyrillus Hierosolym. in catech. sua c. 13. postquam modum docet disputandi contra hæreticos, inonet, ut disputaturi cum illis, prius Crucem ipsi formemus. Concludit deinde, obstruitur verò os hæreticis omnibus. Si quis dicat quod Crux sit tantum phantasma; averfare & oderis dicentes, quod per phantasma tantum Crucifixus sit. De Cruce enim salus. Si phantasia erit Crux? phantasia erit & Ascensio, phantasia erit & secundus Adventus, & nihil erit certum. Accipe ergo primum immobile fundamentum, Crucem; & in eâ, reliqua fidei ædifica. Hanc licet omni modo exterminare voluerit Julianus Apostata; tamen id efficere non potuit. Et sæpius quod asserit S. Greg. Nazianz. Juliano dijs sacrificanti accidit, ut in animalium exenteratis visceribus, Coronatas cruces inveniret. Nimirum hæc erat gloriosa de victis hæreticis Victoria tessellata, qui licet Christi Crucem machinis tot sædissimè impugnent, eamque evertant, tamen eandem inter ipsos infanos hos furores solidius erigunt, & Lauro insuperabilis gloriæ coronant. Docet nos hoc Baronius qui anno Christi 401. accidisse memorat: Quod cum Sanctæ Crucis virtute Simulachrum Veneris corruisset, duo Gentiles, qui

Crucem ridens fulminatur.

Julianus frustra Crucem exterminare conatur.

aræ

*Veneris
Simula-
crum Cru-
cis irri-
so oppri-
mi.*

*Crux pedi-
bus non
proteren-
da.*

*Crux le-
ge publicâ
à terra le-
vanda.*

*Tiberio
Cæsari pie-
tas in Cru-
cem the-
sauro re-
funditur.*

*Quomodo
Crux de-
beat for-
mari.*

aræ vicini Christianis illudebant, ita à lapsu statuae Veneræ con-
frahi sint, ut unus quidem caput in duas partes divisum sit, alterius
autem humeros & brachia ita contriverit, ut nulli usui humano deser-
virent, adeoque etiam brevi infelicem animam exhalaverit. Hinc
apud primos Christianos contra temeritatem infidelium, qui in con-
temptum Christianorum cruces humi in silice aut marmore sculpere
aut pingere solebant, cura maxima fuit, tales lapides Cruce insigni-
tos elevare, ne pedibus conculcarentur. Et ipsi Imperatores, inter
quos maximè Tiberius graviter indignatus dixit: Crucem Domini
quâ frontem & pectora munire debemus, eam sub pedibus concul-
camus? Quare etiam Augustissimi Imperatores, eos qui Crucem
eum humi formant, aut ibi positam non tollunt, gravissimâ penâ ca-
pitali, ut inquit Glossa, puniendos decreverunt. Quod in jus publi-
cum translatum severissimè statutum fuit *L. unica Cod. nemini licere si-
gnum Salutaris Crucis Christi humi.* Cujus Legis piam observationem
Tiberio Augusto DEus ipse copiosè recompensavit. Cum enim hic
in palatio suo in marmore strato deambulet, dum curiosius terram
aspicit observat marinarum unum in pavimento Cruce insignitum, pie
indignatus ne illam homines pedibus conculcarent, statim elevari
mandavit, & ut marmor illud meliori loco reponeretur commen-
davit. Sed dum elevatur marinarum primum, alterum priori subje-
ctum, pariter cruce notatum, uti & tertium invenitur. Ubi & hoc à
terrâ elevatum fuit, ingens apparuit thesaurus, quem in pauperes li-
berali, & erga Crucem sacram pio Imperatori liberalissimus submi-
sit DEus.

Quomodo autem hæc Crux formari debeat, docet nos P. Petrus
Witsfeld S. I. in suâ Theologiâ Catech. qui ex usu Ecclesiæ hanc cru-
cem vel more latino, vel verò Germanico, aut demum modo in be-
nedictionibus consueto mysteriorum efformari docet. Vel enim more
latino formatur Crux sic, ut manus in fronte ponatur, quæ inde ad
imum pectus, ac demum à sinistro ad dextrum latus ducitur. Quo
significare volumus, quod dum Patris nomen in fronte proferimus,
consteamur Patrem esse principium, à quo Filius in divino pectore
genitus est, in utroque verò latere Spiritus Sanctus à Patre & Filio
procedens nominatur. Nisi velis dicere, quod descensus à fronte
ad pectus per manum dextram factus, descensum Christi in uterum
Virginis, transitus verò à sinistra ad dexteram, causam hujus descen-
sus, nempe Redemptionem nostram significet. Cum enim nos miserâ
pec-

peccatores statuendi essemus ad lævam tremendi Judicis Christi JESU, per illius passionem & mortem in Cruce, translati sumus cum omnibus ad dexteram illius. Quod ipsum profiteamur dum plenâ manu idest quinque digitis Crucem formamus. Hoc enim ipso indicamus, nos per crucem & per quinque illius sacratissima vulnera à morte æternâ esse liberatos. Quod si verò crux formetur modo Germinico, tunc pollicis index innititur, profiteamur naturam humanam inniti personæ Verbi, atque sic duas in Christo naturas confitemur; dum autem à fronte in os & pectus descendimus, in fronte Patrem nominamus velut Principium in Sanctissima Trinitate; in ore verbum divinum quod locutus est Pater, seu Filium signamus, ac deum in corde Spiritum Sanctum amorè divinum contestamur: Tertius modus formandi Crucem in benedictionibus consuetus est, qui fit in aëre vel plenâ manu, vel certè duobus aut tribus digitis formatur, idque contra Eutychianos qui uno digito crucem expresseverunt, quia unam tantum in Christo naturam credebant. Nos verò aut duobus digitis utimur, ut vel duas in Christo naturas exprimamus, vel certè tribus digitis crucem facimus, ut tres in SS. Trinitate personas confiteamur. Hoc tamen benè advertendum est, quod in formatione Sacrae Crucis dexterâ utamur, non sinistrâ. Ut enim inquit S. Justinus

*In crucis
formatione
dexterâ uti-
mur.*

quest. 118. dexterâ honorabilior est, quam sinistrâ; at vero DEO danda sunt meliora, cui pro nobis crucifixo & in cruce mortuo, sit omnis honor & gloria, in sæculorum sæcula. Amen.



CAPUT NONUM

PUNCTUM II.

Quod necessitate præcepti credi debet,
 Symbolum Apostolorum in 12. Ar-
 ticularis.

ARTICULUS I.

Credo in DEum Patrem omnipoten-
 tem. Creatorem cœli, & terræ.

*Symbolum
 est compen-
 dium fidei.*

Acturi de symbolo Christianæ fidei, supponimus hoc sym-
 bolum à duodecim sanctis Apostolis compositum sic esse in
 primo Concilio Apostolico, ut singuli Apostolorum suam
 huic symbolo sententiam adjecerint. Quod symbolum deindè velut
 fidei nostræ summam, qui post Apostolos in sanctâ DEI Ecclesiâ con-
 secuti sunt, posteritati, transcripserunt. Ut quemadmodum loqui-
 tur S. Aug. *serm. 115. de Tempore.* inter omnes constaret, quænam es-
 set fidei Christianæ summa. Quare idem S. Augustinus docet conti-
 neri in eo breviter totum Christianæ fidei, objectum. Quia ut inquit
 ille: Est comprehensio fidei, nostræ simplex, brevis, plena. Ut sim-
 plicitas consulat audientium rusticitati, brevis memoriæ, plenu-
 do doctrinæ. Quare *serm. 119.* Symbolum inquit est breviter com-
 plexa regula fidei, ut mentem instruat nec oneret memoriam. Quod
 necessarium erat. Cum enim S. Athanasius in suo symbolo dicat:
 Quam nisi quisque integram, inviolatamque servaverit, absque du-
 bio in æternum peribit. Memoria humana obruenda non erat my-
 sterijs fidei, ideoque hanc synodalem sanctorum Apostolorum con-
 stitutio-

stitutionem, Oecumenica concilia, Nicænum & Constantinopolitanum confirmarunt, suâque autoritate velut Apostolicam constitutionem & traditionem stabiliverunt. Advertendum tamen est, quod observavit Bellarminus *tom. 4. Controv. l. 1. c. 9.* Quod sicut sancta quatuor Evangelia non tam sunt quatuor Evangelia, quam quatuor libri ejusdem Evangelij, ita quatuor hæc sancta Symbola nempe Sanctorum Apostolorum constituens duodecim Articulos fidei, Nicænum, Constantinopolitanum, & S. Athanasij non tam sunt quatuor symbola, quam quatuor ejusdem symboli enarrationes. Quibus sicut hætenus omnis Christi Ecclesia habuit reverentiam, & debitam submissionem, ita etiam olim ipsa Confessio Augustana admisit & agnovit. Licet Calvinus & Lutherus varia contra hæc Conciliorum Symbola, cum suis affectis turpissime effutiverint. Quibus præmissis sit.



DISCURSVS X.

DEUS Pater creavit cœlum, & terram.

DOcent communiter scholæ, solum Patrem esse Patrem notionaliter seu ad intra, quia nulla alia Persona divina genuit sibi filium consubstantialem. Sic enim teste David *ps 2. v. 7.* Filius dicit de Patre æterno. Dominus dixit ad me, Filius meus es tu, ego hodiè genui te. Quem non ex nihilo produxit, sicut alias creaturas, sed ex propriâ, quam illi communicat naturâ, & quidem non secundum partem, ut alij Patres suis filijs, sed admirando modo totam, sine detrimento proprio & velut lumen ex lumine genuit, eique naturam suam communicavit. Quod ut clarius intelligeremus notanter symbolum fidei dicit: Lumen de lumine, DEUM verum de DEO vero; genitum non factum nimirum ejusdem planè secum naturæ. An verò hunc filium suum æternus Pater adhuc gignat, aut in æternum generaturus sit, licet id negaverit Calvinus in suis *instit. l. 1. c. 13. §. 29.* contra tamen est, quia actus ille quo DEUS Pater illum genuit est internus, & ipse DEUS, atque adeo necessario æternus. Hic porro actus, est actus intellectus; sicut enim, cum nos ali-

DEUS Pater est solus Pater.

quid intelligimus, formamus nobis conceptum rei intellectæ, seu verbum mentis; ita etiam Pater comprehendendo suam essentiam format sibi Verbum prorsus simile. Et hinc 1. *Joan.* 5. v. 7. cum dixisset quoniam tres sunt, qui testimonium dant in cælo Pater, Verbum, & Spiritus sanctus, statim subdidit: Et hi tres unum sunt. Quod Verbum necesse est esse Filium, quia procedit à Patre, tanquam principio vitæ conjuncto in similitudinem naturæ. Et quia perfectissimè Patrem exprimit, dicitur imago Patris & figura substantiæ ejus. Neque obstat quod etiam Filius & Spiritus sanctus comprehendant suam essentiam, & omnia in eâ contenta: per hoc tamen non gignunt filium, quia non habent notionalitatem aut relationem Patris, quæ est incommunicabilis. Hinc ingeniosè observat Isolanus, cur licet Christus habuerit duodecim Apostolos, nullus tamen sit vocatus Joseph, imò cum forte eligeretur aliquis in locum Judæ, & inter forte eligendos esset unus Joseph dictus, tamen non Joseph sed Matthias fuerit assumptus licet ab Apostolis Joseph prior fuerit nominatus, & iure naturali prior fuisset assumendus. Quod meritò miratur S. Laurent. Justinian. Quis non prætulisset ex his Joseph cognomento justum & vitæ. Et tamen aliter judicavit omnipotens, cujus judicia longè ab humanis dissimilia sunt. Hujus ergo causam Isolanus dat: Amicos Christus vocavit Apostolos, Josephum verò Patrem scriptura sæpius nominavit. Est enim amplioris dignitatis nomen Patris, quam Amici. Sicut enim nobiles prohibere solent ne alij suarum familiarum gentilitia arma ferant, ut ait Bartolus *tract. de insignijs*, ita impedivit Christus, ne ex Apostolico Collegio aliquis hoc nomen Patris obtineret. Quasi diceret sicut in divinis hoc nomen Patris est incommunicabile, alijs divinis personis, ita etiam in generatione Filij DEI secundum carnem, quod Josepho nutritio suo sacer textus dedit nomen Patris *Luc.* 2. v. 33. Et erat Pater ejus & Mater mirantes super his, quæ dicebantur de illo. Et paulò post: *v.* 48. Pater tuus & ego, dolentes quærebamus te. non voluit esse communicabile reliquis Apostolis, quos tamen amicos suos dixit & habuit. Licet autem nomen Patris incommunicabile sit, tamen attributum omnipotentis reliquis Personis divinis non negatur. Sed sicut juxta symbolum S. Ahanasij Pater est omnipotens, ita est omnipotens Filius, & Spiritus sanctus. Adeoque dum *Gen.* 17. v. 1. dicitur: Ego DEus omnipotens, hoc attributum omnipotentis omnibus tribus personis commune

*Cur nullus
Apostolus
sit Joseph
dictus.*

*Nomen Pa-
tris est in-
communi-
cabile.*

*S. Josephi
gloria quia
Pater Cbri-
sti.*

mune est, & tam bene verificatur de Filio & Spiritu sancto, quā de Patre, quod sit Omnipotens. Quæ Omnipotentia in DEO est absoluta, *Omni-
tentia tri-
bus perso-
nis com-
munis est.* ita dicente Christo *Matth. 19. v. 26.* apud DEum omnia possibilia sunt, quia potest etiam facere, quæ nunquam facturus est. Quod ostendit Christus *Matth. 26. v. 53.* quando dixit ad Petrum gladio sævientem, an putas, quia non possum rogare Patrem meum, & exhibebit mihi modo plus quam duodecim Legiones. Et ideo etiam DEus ut potentiam suam magis manifestet, ea quæ per naturam fieri consueverunt, sæpe non difficilia tantum, sed etiam impossibilia reddit. Sicut dum Abrahamum multiplicare voluit, jubet Isaacum filium immolari. Sic *Isa 38. v. 5.* Ezechiam ad lectum & ad mortem penè dejecit ut insperatè sanaret. Ita visum cæco restituit, & luto oculos linivit. Lazarum etiam mori & sepeliri voluit, ut eundem resuscitaret. Sic in principio terram inanem & vacuum creavit, ut fertilem faceret, & fructuaret. Quoties è contrā potentiam suam in minimis ostendit? ita enim *Judith. 9. v. 15.* Holofernem potentissimū militiæ Duce[m], dejecit; Erit enim hoc memoriale nominis tui, cum manus scēminæ dejecerit eum. Sic David non regijs indutus armis, sed in fundā & lapide dejecit Goliath. Benè S. Chrysostomus *hom. 46. in Gen.* Hoc factum est ut virtus DEI apertè monstraretur, & quæ fiebant non armis adscriberentur. Sic una manus scribentis in pariete *Dan. 5.* exterruit & confudit Balthasarem Regem & universam aulam illius. Ita modicis ignis scintillis *Dan. 3.* perierunt Ministri regij ad fornacem illam Babylonicam. Ubi enim vulgata habet. Interfecit eos flamma ignis, hebraica versio legit. Interfecerunt eos scintillæ. Sic elegit DEus Petrum & Andream, homines abjectæ vilisque conditionis, eosque ad supremam Apostolatū evexit dignitatem, ut his vilibus & despectis instrumentis tanta operaretur, quanta sunt prædicatio Evangelij, & totius orbis conversio. Et hæc causa est inquit Magnus August. *tract. 7. in Joan.* cur Nathanaelem Apostolis non annumeraverit, quia erat legis Mosaicæ Doctor. Intelligere enim debemus inquit Nathanaelem eruditum & peritum legis fuisse, *DEus in
minimis est
maximus.* propterea noluit illum Dominus ponere inter discipulos, quia Idiotas elegit, ut confunderet mundum. Hinc etiam DEus tanta portenta rebus affixit minimis. Uti *Judic. 15. v. 16.* ingens illud robur Samsonis tenuissimis pilis capitis ipsius. Advertendum est namque quod Anastasius Nicænus ex Eusebio NeoCæsariensi bene observat, nempe

rem observatu dignam, quam 3. Reg. 4. v. 33. refert sacer textus. Et disputavit super lignis à Cedro, quæ est in Libano usque ad hyssopum, quæ egreditur de pariete. Quo loco refert, quod aliqui dicant Neronem hos libros Salomonis combussisse; Eusebius tamen putat hos libros Ezechiam Regem concremasset ex Zelo erga DEum, quod homines non amplius a DEO remedia peterent, sed totam fiduciam suam in illis libris collocarent, indeque se sanitatem consecuturos crederent. Certe David ps. 103. v. 28. intento nobis digito ostendit, quo nostros oculos convertere debeamus dicens: Aperiente te manum tuam omnia implebuntur bonitate; Et statim subdit; avertente autem te faciem tuam, turbabuntur. Ex quo loco eleganter infert S. Prosper: Quod DEus sæpè faciat turbationem, in pœnam non agnitæ manus divinæ. Concludit: Omnis ergò anima ipsum esse, & totum quod accepit, ad DEum referre debet, tanquam ad fontem originalem, à cujus misericordia omnia obtinuit, qui omnibus dat liberaliter & affluenter. Quod tanto magis mirabile in DEO est, quia cum prævideret ingratitudinem hominis à se creandi, nihilominus tam liberaliter ad extra se effudit, ut non solum hominem ipsum, sed etiam creaturas reliquas hominis ipsius causa creaverit. Exclamare mihi liceat cum *Guarico serm. 1. de Pentec.* O DEum! fas sit dicere, prodigum sui! Sed hoc mirum non est, quia ut inquit D. Antiochenus. Non potest divina natura quidquam avarè continere, nam ipse est, qui dat omnibus affluenter, ut inquit S. Jacobus in sua Ep. c. 1. Et per hoc divinitatem agnoscimus, teste Arnobio l. 1. contra Gentes. Hoc est proprium DEI veri, potentiaque regalis, benignitatem suam negare nulli; nec reputare, quis mereatur, aut non. Hinc Isa. 48. v. 8. Licet Israël sciret populum ingratum dicens: Scio enim quia prævaricans prævaricaberis, & transgressorem ex utero vocavi te, nihilominus non desinam mea beneficia conferre. Idque propter nomen meum, propter me faciam, & gloriam meam alteri non dabo. Nam ut benè S. Cyrillus l. 4. in Isa. Gloria Domini est misereri & prodesse omnibus, etiam ingratis benefacere. Sic Gen. 24. Servus Abrahæ, dilectam Domino suo Sponsam ex hoc agnovit v. 14. Quæ dixerit bibe, quin & Camelis tuis potum dabo. Pulchrè Theodoretus quest. 37. Expectabat ut videret, an omnibus daret, quantum opus erat. Camelus ingratum animal est, aquam, de qua bibit, turbat. Homo superbus & insolens licet DEO insultet, ab ipso ta-

men

*Omnia ad
DEum
velut ad
fontem
referenda.*

*DEus etiam ingra-
tis confer-
t beneficia.*

men beneficia plurima accipit. *Exodi 16. v. 7.* Murmuravit populus contra Dominum & ut Tertullianus inquit, allium & cepas potius, quam cœlum fragrare volebat. Referunt hoc murmur populi Moyses & Aaron, DEUS per eisdem populo respondet. *v. 7.* mane videbitis gloriam Domini, Hebræus habet divitias Domini. Fortassis indignatus est Dominus, & fulminabit cœlum, aut dehiscet terra? Non sic liberalissimus agit DEUS; manè apparuit cibus angelicus, & manna de cœlo pluit DEUS. Hæc ne mi DEUS est gloria Domini? Fecit hoc infinitus amor amantissimi DEI, qui tanta beneficia libenter perdit, modo etiam unicam animam salvet. Quid verò hoc mirum sit in DEO, cum etiam profano amori id sit conluetum, qui amantes mirè facit liberales. Plutarchus certè inquit, amantium crumena porri folio vineta est. Nihil scilicet amantem pœnitet profusæ pecuniæ, modo amoribus suis potiatur. Magna relinquere inquit Chrysologus *serm. 168.* ut minora invenias, DEI amantis est non humanæ cupiditatis. Mirantur aliqui *Luc. 15.* prodigum illum filium ad Patrem reversum, tam cito à Patre susceptum; Cum adhuc longè esset. Nihil exprobrat de dissipatâ substantiâ, sed unius filij reversio, omnia damna compensat. Non miror ego jam cum S. Chrysostomo DEum urbem Jericho destructurum, septem integris diebus morari, sic enim *Josue 6. v. 3.* DEUS ad Josue locutus est: Circuite urbem cuncti bellatores semel per diem, sic facietis sex diebus, septimo autem die sacerdotes tollent septem buccinas, septiesque circuibitis civitatem. Mirum inquit S. Chrysostomus: DEUS qui sex diebus creavit orbem, dum unam urbem demolitur, septem diebus & moram dedisse, & expectasse. Concludit: quam ægrè DEUS facturam suam dissipat? Audite Jeremiam *Tbren. 2. v. 8.* Cogitavit DEUS dissipare murum filiæ Sion. Cogitavit nimirum, si quis fortè respiscat, Quâ occasione adverto DEum non creasse mundum uno momento, sed verè spatio sex dierum Licet S. August. *super Gen. c. 15.* per dies symbolicè intelligat cognitiones Angelorum, quorum manè dicit esse cognitionem rerum in verbo, vespere autem cognitionem in se ipsis. Cum enim Moyses historicè scripserit, non video cur hi dies in sensu allegorico sumi debeant. Maximè cum explicari non possit, quomodo eodem momento fuissent tenebræ & lux, vespere & manè, terra inanis & fecunda. Taceo quod expresse Scriptura dicat, prius fuisset terram, quam cœtera illius ornamenta, & terram prius ornaverit

*Amantes
liberales
sunt.*

*DEUS cre-
avit mun-
dum sex
diebus.*

plantis

Quid DEus
creaverit
sex diebus.

plantis & gramine, quam cœlum suis luminaribus. Si verò petas quid DEus quovis die creaverit? Respondet Moyses in principio suæ Genesios, quod nimirum DEus primâ die creaverit cœlum Empyreum, quod S. Paulus vocat cœlum tertium, David vero cœlum cœli nominat. Deinde unâ cum terrâ abyssum, id est aquam à terrâ usque ad Empyreum expansam. Ex quâ, die secunda & non ex nihilo produxit firmamentum, ut loquitur scriptura. Tertiâ die factis in terrâ voraginibus & extrusis montibus, discooperuit DEus terram, eamque vestivit plantis & herbis, gramine, virgultis & arboribus. Quartâ die produxit DEus Solem & Lunam ac stellas, ex substantiâ cœlorum. Quintâ die pisces & aves produxit ex aquis *Gen. 1. v. 20.* Producant aquæ reptile animæ viventis, & volatile super terram, sub firmamento cœli. Sextâ verò die produxit animalia terræ ratione carentia, quæ Moyses distinguit in jumenta, id est animalia cicura, uti sunt boves, equi, canes &c. in reptilia quæ pedibus carent, vel pedes habent valde parvos, quales sunt serpentes, lacerti; Denique in bestias quales sunt Leones, ursi, lupi, &c. Tandem fecit etiam ipsum hominem Adamum scilicet & Evam. Quæ verò ex congressu diversarum specierum nascuntur, vel ex putri, aut exhalationibus vel sudore prodeunt, produxit tantum virtute, utpotè quæ suo tempore erant proditura, septimo autem die requievit ab operibus suis, id est ut explicant Authores, nullam novam speciem, non contentam virtute in ijs, quæ fecerat, ab eo tempore produxit. Cur vero DEus requieverit die septimo & non alio? Respondet Petrus Damianus quod DEus dies antecedentes quibus aliquid creavit, statim etiam distinxit verbis illis, factum est vespere & mane dies unus. Ubi vero Scriptura diei septimæ meminit; dicitur: complevitque DEus die septimo opus suum, quod fecerat & requievit die septimo ab universo opere quod patrarat. In quo die quia nulla fit mentio de Vespere vel mane, hæc dies quasi semper luminosa semper clara & absque tenebris dicitur, atque in hac requiescit divina majestas: Est itaque hæc dies cœli, & non mundi. Neque enim DEus desinit cooperari creaturis suis, quas continuato in fluxu per suam providentiam benignissimè conservat. Quærit curiosè S. Basilius cur DEus non creaverit Paradysum eadem die quâ cœteras plantas. Ubi enim DEus *Gen. 11. v. 11.* dixit Germinet terra herbam virentem, & facientem semen & lignum pomiferum faciens fructum juxta genus suum, cujus

jus semen in semetipso sit, subdit; Et factum est vespere & mane dies *Paradyſus*
 tertius. Ubi vero *Gen. 2. v. 8.* mentio fit paradyſi, dicit Scriptura; *non eſt cre-*
 Plantavit autem Dominus DEUS paradyſum voluptatis à principio id *atus cum*
 eſt primâ die, quando creavit cœlum Empyreum, & abyſſum terræ. *alijs plan-*
 Unde ostenditur paradyſum cum alijs ſylvis die tertiâ plantatum non *tiſ.*
 eſſe. Dictus S. Baſilius cauſam hanc dat, quia cum homo eſſet ſingu-
 ulare opus DEI, non erat conveniens, ut eadem habitatio foret ho-
 minis brutorû animantium, ſed ſicut differentem planè habebat na-
 turâ, ita etiam aliâ haberet voluptatis ſuæ manſionem. Ubi nova oritur
 quæſtio quomodo Eva à ſerpente potuerit induci ad peccandum, ſi
 ſerpens non fuit in paradyſo? Reſpondet Rupertus Abbas omnia a-
 nimalia extra paradyſum fuiſſe producta uti & ſerpentem, ſed Evam *Eva Ca-*
 curioſè vagatam fuiſſe in paradyſo, & ad portam perveniſſe, per *riofa ten-*
 quam ubi proſpexit, ſerpens occaſionem habuit eandem tentandi. *tationi ob-*
 Apologus eſt de caprâ quæ filiæ mandavit, ut ſe abſente ad portam *noxia.*
 vel ad fenestrâ non accederet, etſi maternam vocem ſuam audiret, *Capra fi-*
 futurum enim ut lupus vocem ſuam imitaretur, cui ſi portam ape- *liam monet*
 riret aut fenestrâ, à lupo certò certius devorandam. Paruit obſe- *ne fit cu-*
 quens filia, & lupo licet balanti non aperuit, neque ad portam aut *riofa.*
 fenestrâ acceſſit, adeoque ſalva permansit. Econtra gallina quæ *Gallina*
 in fenestrâ inſiliit, & curioſè vulpeculæ complementa obſervavit, *curioſa ſt*
 Vertiginem paſſa ex fenestrâ decedit, & vulpi in prædam ceſſit. Au- *prada vul-*
 dite Rupertum *l. 3. in Gen. c. 7.* Dum mulier corpore & oculis Va- *pi.*
 gando incontinenter ambulât, fortè proſpectans inulier, qualis ex-
 tra paradyſum mundus haberetur, locus, diabolo datus eſt, & oc-
 caſio porrecta, unde tentaretur. Quare S. Ambr. Virgines monet.
 Evam cave, id eſt Evam ſæpius recogita, ne curioſa pariter cum E-
 va teneris. An non gallina curioſa fuit Evæ filia, Dina *Gen. 34.*
v. 1. quæ egreſſa eſt ut videret mulieres regionis illius. Sed ecce vul-
 pes Sichem, quam cum vidiffet, adamavit eam, & rapuit & dormi-
 vit cum illa, vi opprimens Virginem. Talis Gallina fuit Jezabel,
 quæ cum curioſè Iehu Principis ingreſſum contemplaretur, præci-
 pitatur de fenestrâ & à canibus devoratur. Curioſitas oculorum, *Curioſitas*
 cauſa eſt ut ſæpè DEI oblivifcamur, & illud appetamus, quod vide- *origo mul-*
 mus. Quid ergo mirum ſi creaturæ nobis cor rapiant? accedimus *torum ma-*
 nimium. Si ad tabulas elegantis & artiſcioſi theatri accedimus ni- *lorum.*
 mium, turbatur centrum opticum. Orbis hic theatrum eſt, tabulæ

Creaturæ sunt, opticum centrum est DEus. Quò remotius a tabulis recedimus, seu a creaturis removemur, eò clarius DEum centrū nostrum observamus. Benè namque observavit S. Ignatius in suo Exercitiorum libello in suo fundamento. Quod licet DEus omnia creaverit hominis ipsius causā, non tamen omnia homini expediant. Sicut enim in apothecā benè instructā, multæ sunt medicinæ, non tamen omnes febricitanti serviunt; ita omnes Creaturæ in se sunt bonæ, non tamen omnes ad finem salutis nostræ conducunt. Laudandus est igitur DEus, omnium Creaturarum author, sed nos illis solum uti debemus, quæ ad DEI gloriam, & nostram salutem nobis deserviunt.



DISCURSVS XI.

De Creatione, & lapsu Angelorum.

CUin nullam penitus Moyses de Angelis fecerit mentionem, occasio data est Theologis disputandi, & quærendi, quando nam Angeli creati fuerint? Et credibile est, eos creatos non esse ante mundi productionem quod putavit Origenes, quia cum Angeli paulo post suam creationem lapsi fuerint, & idè de cœlo in infernum præcipitati, supponi debet in illā abyssu, quæ in principio creata fuit, quando DEus fecit terram, jam tunc extitisse infernum ad quem rebelles spiritus præcipitati fuerunt. Quare cum S. Epiphanio & Augustino putarem illos creatos esse in principio & illo momento quo DEUS creavit cœlum & terram. Quamdiu verò ingratia perfliterint, certò definiri non potest, cum ex Ezechiele habeamus inter creationem & lapsum aliquam intercessisse moram, cum clarè dicat c. 28. v. 14. In medio lapidum ignitorum ambulasti perfectus in vijs tuis, à die Creationis tuæ, donec inventa est iniquitas in te. Quare non malè opinatur Hugo de S. Victore. Tunc divisos esse angelos bonos in gloriam, & malos in pœnam, quando DEUS divisit lucem à tenebris. Undè consequenter ad illud *Job. 38. v. 7.* Cum me laudarent simul astra matutina, & jubilarent omnes filij DEI, per astra matutina multi intelligunt angelos bonos, qui in

inomento illo commissi prælij DEO laudem dederunt, & cum S. Michaële, in júbilo: Quis ut DEus ingeminarunt. Hoc tamen mirabile quod Angeli tam excellentes Creaturæ, creati sint cum solo Verbo Fiat, homo vero minoratus ab Angelis, sit opus manuum divinarum? Quando DEus *Exodi 8.* Pharaonem varijs afflixit pœnis, visis portentis quæ siebant, dixit Rex & universa Ægyptus, Digitus DEI est hic. Eodem planè modo quando David consideravit portenta, opera nimirum Creationis mundi *ps. 8. v. 4.* exclamavit admirabundus, Quoniam videbo cœlos opera digitorum tuorum, Lunam & stellas, quæ tu fundasti. In quem locum S. Chrysostomus inquit, Non quod habeat DEus digitos, sed hæc minimæ operationis esse ostendit. Utique ergo homo, qui DEI opus est, laboriosius factus, à DEI manu adhibitâ formatus est. Testatur hoc S. Ambr. *l. 2. in Luc. c. 3.* Suas inquit Omnipotens manus, in quibus infiniti sunt thesauri omnium bonorum, ad fingendum formandumque hominē sic demittit! Quis hoc non stupeat & admiretur? Certè si in Angelos posset cadere invidia, credo ego vel ex hoc ipso capite nobis inviderent, quod tam pretiosa creatura nempe Angelus solâ voce Dei, homo verò etiam manibus divinis sit efformatus. Ut meritò homo gloriari posset cum *Jobo c. 10. v. 8.* Manus tuæ fecerunt me, & plasmaverunt me totum. Validior certè digitus videtur operatio manuum divinarum, quæ etiam nobiliorem effectum dederunt in homine, quàm digiti divini præstiterunt in efformandis inanimatis cœlis & stellis. Licet enim Angeli solâ voce conditi sint, quia tamen Angelus naturâ sublimior est quam homo, ideo naturæ perfectione hominem antecedit. Quare S. Aug. *l. 11. de Civit. DEI c. 5.* dicit Angelica natura omnia cœtera, quæ DEus condidit, naturæ dignitate præcedit. Quod David *ps. 8. v. 6.* confirmat, dicendo de homine comparato cum angelo: Minuisti eum paulo minus ab Angelis. Et hinc etiam S. Th. in *Ep. (Pauli ad Hebr. dum expendit verba illa Gen. Eritis sicut dij, explicat hunc textum sic)* Sciendum quod licet sit unus tantum DEus, participativè tamen in cœlo & in terrâ sunt multi dij. Dicuntur enim inquit Angeli dij. Sic enim intelligitur illud *ps. 49. v. 1.* DEus Deorum Dominus locutus est, id est DEus Angelorum Dominus. Item *ps. 81. v. 1.* DEus stetit in synagoga Deorum, in medio autem Deos, id est angelos dijudicat. Quod pariter explicat *ps. 83. v. 8.* Videbitur DEus Deorum id est Angelorum in Sion. Ubi

*Homo Dei
manibus
formatus
& factus
est.*

*Angelica
naturæ ex-
cellentia.*

Angeli A-
lati.

Angeli ju-
venes.

Angeli
sunt plu-
rimi.

vides à S. Thoma majorem aliquam dignitatem præ homine illis concedi. Sunt enim Angeli domestici DEI, qui velut filij domum paternam inhabitant. Alati autem pinguntur Angeli, utpotè ad obsequium divinum ejusque mandatum perferendū perniciosissimi. Si quæras, cur in specie juvenili pingantur? res hæc est in Ecclesiâ usitatissimâ. Sic enim, Oleaster *int. 3. Gen.* Paradysi Custodem juvenem pinxit. Et Angeli qui circa propitiatorium erant constituti, juvenes repræsentabantur. Cur autem non senes pingamus, quos jam ab orbe condito, ætate & duratione vetustos scimus, causa alia non est, quàm quod angeli semper in eodem statu permaneant, in quo conditi fuerunt. Mirum ergo non est, si aut non canescant, aut senes non fiant. Et quia sunt sine omni culpa purissimi, ideo juxta S. Isidorum, quia puer a puritate vocatur, quia purus est, ideo angeli quia purissimi sunt, tanquam pueri & juvenes oculis nostris subjiciuntur. Eorum numerum si inire velis, atomos facilius, aut arenas maris numerabis: Nam *Dan. 7. v. 10.* Propheta descripturus Angelorum multitudinem dicit, millia millium ministrabant ei, & decies millicies centena millia assistebant ei. Non quod hic numerus sit definitus, sed quod humanus sermo, non faciliè majorem numerum queat explicare. Maxime cum *Job c. 25. v. 3.* dicatur: Numquid est numerus militum ejus? Nam in hunc locum Jobi S. Hier. inquit: Scire enim debemus quod tanta multitudo, non tantum ad ministerium divinum creata sit, sed etiam ad utilitatem nostram à DEO sit destinata. Cum enim mundus à dæmonum millionibus infestetur, multique detineantur in terrâ, aëre & aquis, pariter magna necessaria est Angelorum frequentia, quæ illis resistat. Sic enim teste *S. Marco c. 5. v. 9.* vel in uno homine obsessio integra legio dæmonum fuit, id est sex millia sexcenti, sexaginta sex. Quid supponere debemus de totâ multitudine & collectione? Hinc S. Bernardin. Sen. *serm. 4. de glorioso nomine Mariæ c. 3. art. 3.* inquit: Tantum numerum habuit hodie servorum, quot implent filij ministerium. Hunc numerum autem dicit solâ scientiâ divinâ posse comprehendere, quia si servetur proportio; Sicut aqua decuplo major est terrâ, aër decuplo major est quàm aqua, ignis decuplo major est quàm aër, ita decuplo plures sunt Archangeli, quàm Angeli, Principatus, quàm Archangeli, Potestates quàm Principatus sequitur numerum Angelorum esse inexplicabilem, cum vel Angelorum numerus tantus sit, quantus est atomorum. Et hi o-

mmes

mnes licet Charitate ad DEum sint unum, dignitate & potestate ta- ^{Angelorum}
 men, inò & specie juxta Theologos differunt. Certè S. Paulus ad ^{chori sunt}
Eph. 1. v. 21. Principatus, Potestates, Virtutes & Dominationes e- ^{novem.}
 numerat. Pergit S. Greg. *hom. 34. in Evang.* Qui rursus ad Coloss.
 scribens sive Throni &c. dum ergo illis quatuor ad Ephesios jun-
 guntur Throni, quinque sunt ordines, quibus dum Angeli & Arch-
 angeli Cherubim atque Seraphim adjuncti sunt, procul dubio no-
 vem esse Angelorum Ordines inveniuntur. S. Dionysius Angelos
 distribuit in tres Hierarchias, quarum quamque in tres choros divi-
 dit, adeoque cum comuni sensu Ecclesiæ in novem Choros partitur.
 Quod DEus S. Mechtildi in revelatione quadam ostendit quam refert
 in *pedagogo cæli* his verbis. Vidit illa ascensum aureum novem ^{S. Mech-}
 structum gradibus cinctum ingenti Angelorum multitudine, qui sic ^{tildi osten-}
 erant dispositi, ut in primo gradu Angeli, in secundo Archangeli, & ^{duntur no-}
 ita cæteri ordines Angelorum collocarentur. Neque hic spectaculi ^{vem chori}
 finis fuit, ulterius enim illi DEus significavit homines pro diversis ^{angelorum}
 meritis, in diversis itidem angelorum gradibus esse constitutos. Ita
 quidem ut intelligeret eos, qui peregrinis & egentibus benefecissent,
 uti & pacificos, inter angelos versari. Orationis, Obedienciæ,
 paupertatis & humilitatis studiosos cum Archangelis esse. Virtute
 præditos, qui se seriò & ardentè virtutum omni studio ornassent,
 inter Virtutes numerari. Gloriosos Vitiorum triumphatores Pote-
 statibus accenseri. Prælatos strenuos inter Principatus vivere; qui
 se voluntati divinæ conformarent, Dominationibus annumerari.
 Scientijs illustres cum Cherubinis gaudere. Denique flammis divini
 amoris ardentès inter Seraphinos numerari. Et licet Calvinus *l. 1. in-*
stit. c. 14. hanc angelorum differentiam rideat, divinæ tamen scri-
 pturæ testimonio stabilitur. An verò etiam specie inter se differant,
 alij negant, S. Thom. tamen affirmat, quod ego Theologis discuti-
 endum relinquo. Modò quærimus, an Angeli creati sint in gratiâ & ^{An Angeli}
 gloriâ. Contra distinguunt Theologi hanc quæstionem, & Angelos ^{sint Creati}
 omnes tam bonos quam malos, in gratiâ creatos asserunt. Nam ^{in gratiâ.}
 quod attinet ad gratiam, clarè id dicit Ezechiel *c. 28. v. 12.* Tu signa-
 culum similitudinis, plenus sapientiâ, & perfectus decore in delicijs
 paradysi DEI fuisti. Et verò videtur hoc convenientissimum fuisse,
 quia Angeli in primo instanti suæ Creationis, supponi debent, non
 minus à DEO instructi fuisse donis supernaturalibus, quam primus

*Angeli
non sunt
creati in
gloriâ.*

homo. Quare si Adam, cum his donis super naturalibus creatus fuit, cum dicat Scriptura, quod DEUS fecerit hominē rectum; negari non debet Angelos Sanctos & justos, atque in gratiā creatos fuisse. Quod vero gloriam concernit hallucinatus est in hoc Ludovicus Vives, qui Angelos in gloria conditos voluit. Quomodo autem beatitudinem suam, potuissent perdere angeli mali, cum illa sit perpetua. Et vero, qui DEUM clarē videt peccare non potest. Sed Angeli mali peccaverunt, ita enim S. Judas Ap. in sua Ep. v. 6. Angelos verò, qui non servaverunt suum Principatum, sed dereliquerunt suum domicilium, in judicium magni diei, vinculis æternis sub caligine reservavit. Quod vero Lucifer dicatur antè peccatum fuisse in delicijs paradyfi, intelligendus est citatus superius Ezechiel de delicijs naturæ & donorum gratiæ, non verò gloriæ. Quod ipsum Job c. 4. v. 18. asserit: Ecce qui serviunt ei, non sunt stabiles, & in angelis suis reperit pravitatem. Quasi diceret, qui ei servire debuissent, turpi superbiâ elati, bellum DEO Creatori suo indixerunt & rebelles facti sunt. Sic enim Ezechiel c. 28. v. 5. In multitudine sapientiæ tuæ multiplicasti tibi fortitudinem, & elevatum est cor tuum in robore tuo. Propterea hoc dicit Dominus DEUS: Eo quod elevatum est cor tuum quasi Cor DEI, &c. Explicant aliqui hæc verba, quasi Lucifer voluerit esse DEO similis in essentia, quod repugnat illius Sapientiæ concreatæ; Scivit enim hoc esse impossibile. Melius ergo dicunt alij, quod voluerit esse DEUS id est, quasi voluerit suam potius naturam assumi, quam hominis. Videtur ergo totum bellum Angelorum in cælo fuisse de majoratu & præcellentiâ inter Angelos & homines, invidebantque mali Angeli naturæ humanæ unionem cum Verbo aliquando futuram. Quando enim in cælo creati fuerunt Angeli, & suam venustatem fuit miratus Lucifer, complacentiâ vanâ elatus, quæsit, quis major esset in regno cælorum? Statuit ergo DEUS parvulum in medio eorum teste Soario 3. p. tom. 2. disp. 31. sect. 4. quia statim ac creati fuerunt Angeli, revelatum illis fuit mysterium Incarnationis, & propositus est ille Parvulus Isa 9. Parvulus natus est nobis. Atque simul decretum divinum datum est Angelis, nisi efficiamini parvuli cum illo, non intrabitis in regnum cælorum. Lucifer superbus cum suis, sprexit decretum divinum; Michaël humilis adoravit, ideo ex hac mutuâ voluntatum dissensione facti prælio Michaël devicit Luciferum. Et tunc cessarunt esse

*Angeli
cum DEO
affectata
similitudo.*

*Angelo-
rum præ-
lium in quo
conficitur.*

viato.

viatores Angeli, suamque viam finiverunt, quando modico planè tempore post instans Creationis suæ, mali in infernum præcipitati sunt, boni vero confirmati in bono, in gloriam cœlestem admisi sunt & in æternum in eâ perseverant. Quod enim Angeli semel cum plenâ deliberatione elegerunt, in eo constanter & immobiliter perseverant, atque sic bonis confirmatis in gratiâ, sublata fuit potentia ad peccandum. Concludo hanc quæstionem cum verbis S. Bern. *serm. 1. de Adv.* Quid superbis terra & cinis? Si Superbientibus Angelis DEUS non pepercit, putasne impunè superbiat putredo & vermis? Nihil illi fecerunt, nihil operati sunt, tantum cogitaverunt superbiam, & in momento, & in ictu oculi, irreparabiliter ceciderunt, ac de cœlo præcipitati sunt. Quare in tract. *de Carnis humilitate* inquit: Superbia de supernis ac cœlestibus præcipitat, humilitas ab imo ad alta elevat. Angelus de cœlo ad tartara corruit, homo in mundo ad cœlum ascendit. Quia scimus superbis non esse partem vel societatem in sorte sanctorum. Imò dum elevantur superbi, eodem quasi momento ruinæ succumbunt. *ps. 72. v. 18.* Dejecisti eos dum allevarentur. Pulchrè S. August. in hunc locum. Non ait, dum elevati fuissent, ut prius extollerentur, & postea dejicerentur, sed cum extollerentur dejecti sunt; ipsum quippè extolli jam dejici est. Superest nunc quæstio, an singuli homines, habeant singulos suos Custodes Angelos.

*Superbia
angelos de
cœlo præci-
pitat.*



DISCURSUS XII.

De sanctorum Angelorum circa nos
homines custodia.

Angelis esse demandatam Custodiam hominum res est indubitata, & quidem varijs Scripturæ locis plus quàm certa. Angelus enim non enim Angeli fuerunt Custodes Loth, uxoris & filiorum ejus, qui *Gen. 19. v. 15.* Cogebant eum dicentes, surge, tolle uxorem tuam, & duas filias quas habes, ne & tu pariter pereas in scelere Civitatis. Quid magis pateticum de Angelorum custodiâ haberi potest, quàm id ipsum quod in libro Tobiaë à c. 5. usque ad 13. exclusivè habet-

*Angeli
sunt Custodes hominum.*

habetur. Quis tam fidelis unquam extitit pædagogus, aut vitæ morumque arbiter, ac hic Angelus, qui Tobiam in viâ deduxit, & optimè confectis rebus reduxit. Neque hoc solum antiqui testamenti est privilegium, ad nostra usque tempora hæc Angelorum gloriosa durat custodia. Certè Christus *Math. 18. v. 10.* dum de parvulis dicit, quod à Cœlestibus Custodibus custodiantur, adultis suos tutelares non negavit. Angeli inquit; Eorum semper vident faciem Patris mei, qui in cœlis est. In quæ verba S. Hieronymus: Magna est dignitas animarum, ut unaquæque ab ortu suæ nativitatis, in sui custodiam habeat angelum sibi deputatum. Fundatur hæc S. Hier. doctrina in illo *Act. 12. v. 16.* Quando S. Petrus ab angelo ex carcere liberatus venit ad domum, ubi multi erant congregati orantes DEUM pro Petro. Cum verò puella nomine Rhode progressa fuisset ad portam, ut pulsanti Petro aperiret, præ gaudio non aperuit, sed intro currens & nuntiavit adesse Petrum, illi verò insanire dicebant puellam. Cum autem puella confirmaret dicta sua, audite verba intus orantium illi autem dicebant, Angelus ejus est. Certè si S. Petrus habuit Angelum proprium, quod agnoverunt primi Christiani, cur non credamus etiam alios homines suos habere Angelos Custodes. Cum Christus apud Mat. citatum de infantibus & parvulis dicat, eos habere Angelos proprios. Hoc enim notanter innuitur verbis illis, Angeli eorum. Quorum unicuique teste S. Hieronymo ab ortu suæ nativitatis datus est Angelus in sui custodiam. Ut benè dixerit S. Paulus *ad Hebr. 1.* Nonne omnes sunt administratorij spiritus in ministeriū missi propter eos qui hæreditatem capiunt salutis. Neque hoc difficile est, aut videri potest sanctis Angelis, de quibus Christus, *Mat. 18.* dixit: Angeli eorum semper vident faciem Patris. Quid enim verò mirum si hominibus in terrâ commorantibus assidere non renuant, qui nunquam à cœlesti illâ visione separantur: Pulchrè ad rem nostram S. Bernardus: Magna inquit Obedientia sancti Angeli! sed quid dicere audeam, pace vestrâ nescio, an non inveniatur in vobis quispiam, paratus in tale aliquando ministerium mitti, in quo necesse habeat, non videre faciem Patris? Certè Petrus quando vidit Christum gloriosum in Thabor statim exclamavit *Matb. 17. v. 4.* Domine bonum est nos hic esse; sed Christus ostendit bonum esse quidem Christi præsentia frui, & illius gloriæ potiri, sed melius esse ex Obedientia ob proximi salutem gravia certamina subire.

Vos

Vos o Angeli, qui nobis in pugna adestis hoc eo feliciores estis, quod nunquam a DEO recedatis. Angeli eorum, semper vident faciem Patris mei. Felices vos o sancti Angeli, qui licet nobis in terris assistatis, à Patris æterni visione beatificà non excludimini. Pro magno ducunt sæculares, proximum esse Regi, & ejus vultum semper intueri. Absalon filius Regis, David Patri reconciliatus 2. Reg. 14. v. 32. exclamat: Obsecro ut videam faciem Regis. Quod si memor est iniquitatis meæ, interficiat me. Quanta ergo felicitas Angelorum, qui semper vident faciem Patris cœlestis. Moyses plurimis à DEO affectus beneficijs hoc tamen non obtinuit, ut faciem DEI videret. Exodi 33. v. 23. faciem autem meam videre non poteris. Et Christus ipse Mat. 13. felicitatem se videntium explicans dixit Vestri autem beati oculi, qui vident! amen dico vobis, quia multi Prophetae & iusti cupierunt videre, quæ videtis. Beati ergo angeli faciem DEI semper vident. Sunt enim administratorij Spiritus, qui quod in facie cœlestis Patris vident, nobis communicant. S. Chrysostomus veniens ad illa verba Lucæ: factum est autem ut inoreretur mendicus, & portaretur ab Angelis in sinum Abraham; miratur obsequiosam charitatem Angelorum. Cum enim quivis Angelus sit tantæ virtutis, ut totum mundum uno digito possit movere, facile potuisset unus illorum Lazarum deportare ad sinum Abraham. Audite S. Chrysostomum: Gaudet enim unusquisque Angelorum, ut adducant homines ad regna cœlorum: Sunt utique solliciti pro nobis. Bene namque S. Aug. in soliloq. c. 27. Ambulant nobiscum in omnibus vijs nostris, intrant & exeunt nobiscum, attentè considerantes, quam bene, quamque honestè in medio nationis pravæ conversemur, quantoque studio & desiderio quæramus regnum DEI & Justitiam ejus. Adjuvant laborantes, protegent quiescentes, hortantur pugnantes, coronant vincentes. Grandis est eis cura de nobis. Magnus est eorum affectus dilectionis erga nos. Fundatur autem hæc dilectionis ratio in quadam similitudine, quæ inter angelos & hominem intercedit. Hinc Aristoteles 9. mor. similitudinem amoris matrem appellavit. Quid verò dissimilius quam Angelus & homo? Ille spiritus, hic caro; ille cœlestis, hic terrenus; ille DEO intentus semper videns faciem Patris, hic terrenis immerfus, & totus aversus à DEO. Est tamen aliquid, quod nos Angelis pares facit, utriusque nempe est impressa imago DEI. Unde S. Greg. Nyssenus l. de vita Moysi. Frater quod-

Angeli
gaudent
de nostrâ
salute.

dammodo hominis est Angelus, ob intellectualem cognitionem. Accedit præceptum & exemplum DEI. Angelis suis mandavit de te ps. 90. v. 11. & ob hoc angeli nomen suum sortiti sunt. Quid quod videant DEum nos amasse, ut filium suum unigenitum daret? quid ni & illi nos ament? & quidem tenerrimè 1. Reg. 18. Davidis & Jonathanæ amicitia describitur: Anima Jonathanæ conglutinata erat animæ David, & dilexit eum Jonathan, quasi animam suam. Unde Jonathan expoliavit se tunicâ suâ, eamque donavit David, quia amoris contestatio, sunt dona. Cœlestes thesauros illi unicè in nos transferre curant, qui hoc uno gaudent, quod suâ nos innocentia stola, vel veste albâ æternæ felicitatis videant donatos. Quis enim nostrum non dicat cum Tobiac. 12. v. 3. Et bonis omnibus per eum repleti sumus. Quid quod DEus ex multorum opinione omnia dona per eos nobis conferat? Hinc scala illa Jacobæa Gen. 28. in qua Angeli ascendebant & descendebant Fernando visione 2. in Gen. c. 28. concordare videtur cum illo Cant. 6. Quid videtis in Sunamitide nisi choros castrorum, ubi piè meditatur cœlestes choraules saltando & tripudiando descendisse, quia cum voluptate magna ad nos dona perferunt; contra hostes verò velut ordinata acies defendunt. Et licet sæpè temporalia præstent, ordinantur tamen hæc primario ab illis ad salutem nostram, quam sollicitè procurant. Sic Eliam fugientem à facie Jezabel, pavit Angelus pane subcinericio, ut vitam ulteriori obsequio divino conservaret. Colligimus hanc piam Angelorum sollicitudinem ex illo Job. 2. Factum est cum quadam die venissent filij DEI, ut starent coram Domino. Legunt alij, factum est autem quasi dies hæc, & venerunt Angeli DEI assistere coram Domino. Quærit S. Chrysostomus in catena. Quid tandem est, quod Angeli quotidie DEO assistentes indicantur? & Respondet, ut intelligatur rebus nostratibus consuli. Sicut enim habemus in Apocalysi ipsi quotidie ante altare divinum, profundunt orationes nostras in conspectu Domini, ut nobis cœlestes gratias referant, magno namque ardent salutis nostræ desiderio. Hinc Gabriel cum in negotio incarnationis singulariter nihil operari posset, saltem nuncium egit tam felicitis & fortunati beneficii. Idem primus fuit, qui peractâ redemptione generis humani, eam PP. in limbo annuntiavit. Et hæc est scala dicta, de qua S. Bern. serm. 2. in Vigil. Nat. ubi de sanctis Angelis loquens ait: Quomodo discurrunt medij inter nos & DEum, fidelissimè

mè ad eum portantes gemitus nostros, & ipsius gratiam devotissime nobis reportantes. Hoc enim ipsum de se fatetur Raphaël Archangelus *Tob. 12. v. 12.* Quando orabas cum lachrymis & sepeliebas mortuos, & derelinquebas prandium tuum, & mortuos abscondebas per diem, & nocte sepeliebas eos; Ego obtuli orationem tuam Domino. Unde S. Joannes in sua *Apoc. c. 8. v. 3.* inquit: Et alius Angelus venit, & stetit ante altare, habens thuribulum aureum, & data sunt illi incensa multa, ut daret de orationibus Sanctorum omnium, super altare aureum quod est ante thronum DEI. Hinc orationem nostram omnistudio fovet. Certè cum S. Isidorus in templo sacrum audiret, ne aliquid laboris in agro negligeretur, Angeli eum suppleverunt, & cum duobus bobus candidis terram araverunt, quo facilius ille suæ devotioni deserviret. Nontacebo hic Ferdinandum Antolinum, qui cum Saracenis conficturus, decreverat prius Missam audire, quam dum audit, adfuerunt ad pugnam prompti Saraceni. Quare clamaverunt ad arma milites, & dum missam audit Antolinus, ejus Vices supplet Angelus Custos, qui ubique præsens cædit dexteritate hostes repressit, suosque animavit, ut hostes in fugam conjecerit, & præclara Ducis indicia in equo & armis Ferdinandi post pugnam visa sint, quasi ipse pugnae interfuisset. Quid quod vel ipsi, in ministrando absentium vices suppleverint? Joannes Berchmans Societatis Jesu Scholasticus in sacello domestico quotidie ministrabat angelicè planè cum devotione, cum verò semel ex fragilitate obdormivisset, & sacrum instaret, adfuit ejus Angelus Custos, qui id fecit pari dexteritate, ut omnes Berchmanum crederent. Nec innotuisset Angelicū obsequium, nisi ipse se apud Collegij Ministrum accusasset, quod obdormiverit. Idem accidit cum quodam Franciscano de quo *Chron. Minor. tom. 2. l. 1. c. 57.* Cum enim Joannes de Parma Franciscanus abdicasset se Generalatu ordinis, DEO vacaturus abdidit se in loco quodam angusto, ubi sacellum fuit, in quo quotidie ad aras faciebat, huic ministrabat Religiosus juvenis singularis pietatis, qui somno quadam die præventus, ad ministerium non comparuit. Dum vero sacerdos sacrum parat, adest loco dormientis Angelus ejus, qui omnia adamussim executus, senem in persuasionem firma sui Fratris permisit. Ubi verò gratijs actis ad cubiculum se recipit Joannes, adest consuetus sacri minister, & petit an sacrum celebrare placeat? Ex quo vir DEI agnovit, qualem Ministrum in

Orante S.
Isidoro An-
geli arant.

Angelus
pugnat,
dum An-
tolinus Sa-
crum au-

Angelus
Berchman-
um sup-
plet in mi-
nistrando.

Angelus
supplet Adi-
nistrum ad
sacrum.

*Angelus
Sacryflan-
num agit.*

sacro habuerit. Quin etiam Sacrystanum agunt, ita enim de B. Dia-
domo lego, quod Angelus in desertâ Ecclesiâ omnia ad sacrificium
necessaria eidem paraverit. Quare etiam Altaria defendunt. Lego e-
go apud Sophron. in *prato spirit. c. 10.* quod cum Abbas Barnabas
juxta Jordanem sanctam vitam ageret, ibidem in cellâ suâ altare e-
rexerit, ut missam diceret, in quo etiam sapius DEO sacram hos-
tiam litavit. Ubi vero ab illo loco recessit, ingressus speluncam
anachoreta alius, vidit super altare stare angelum DEI, cui ana-
choreta dixit: Quid hic agat? Cui respondit Angelus. Ex quo
sanctificata sunt ista, illa mihi à DEO credita sunt. Nec mirum, cum

*Angelus
altare cu-
stodit.*

*Angeli Ec-
clesiam ab
incinerati-
one de-
fendunt.*

enim anno Christi 774. Carolus Magnus cum exercitu movisset in I-
taliâ, Saxones Castellum quoddam obsederunt, & vicinam Ec-
clesiam, quam S. Bonifacius consecraverat, comburere voluerunt.
Cum ecce duo juvenes miro splendore & claritate circumdati, inspe-
stantibus Christianis & paganis templum defenderunt, & saxonos
fulgore nimio territi in fugam conversi sunt. Pari constantiâ defen-

*Angeli Ec-
clesiam
contra Eu-
doxiam
defendunt.*

derunt Angeli templum, cum Eudoxia repeteret sui Exercitus Du-
cem Paulatium nomine, quem S. Joan. Chrysost. in Ecclesiâ detine-
bat, nec dimittere, voluit, aut absolvere, nisi Callitrope viduæ re-
stituerentur quinquaginta aurei per Paulatium vi extorti. Eudoxia
namque Centuriones duos cum valida militum manu misit, qui ar-
mati in templum irruerent, ut vi Paulatium eriperent. Cum verò hi
Centuriones ad templum venissent, viderunt Angelum DEI in vesti-
bulo stantem, qui evaginatâ romphæâ illos ab ingressu templi prohi-
buit. Territi ergo ad Imperatricem regressi sunt, & quæ viderant,
non sine consternatione Eudoxiæ narraverunt. Et hinc etiam Sa-
cerdotes honorant. In vita enim S. Francisci de Sales habetur quod

*Angelus
Sacerdo-
tem hono-
rat, ceden-
do dex-
tram.*

eius Confessarius Dequozus nomine, Angelum Custodem tam fa-
miliarem habuerit, ut ei ubique præfense esset, quem ita reverebatur,
ut si nondum Sacerdos cubiculo exiret, vel illud intraret, Angelo
suo semper primas cederet, quod obsequium Angelis admittit, at ubi
Sacerdos factus est Dequozus, Angelus illud amplius non permi-
sit, neque sacerdotem præivit. Sancto verò Gregorio cum is Ro-

*Angelus
in Sacro
S. Greg-
orio respon-
det.*

mæ in die Paschatis sub sacro caneret Pax vobis. Angelus chorum
præveniens, altissimâ suavissimâque voce respondit, Et cum Spiritu
tuo. Hinc in tanti prodigij memoriam, die Paschatis Pontifici in sa-
cro, verba illa cantanti, nihil respondetur. Denique in choro oran-

tes signant. Miranda planè fuit visio Dorothei Abbatis, qui vidit quòd nocte quadam dum Religiosi psalmos canerent ab initio statim psalmodiæ, è sacratio prodierit iuvenis formosissimus, qui manu ferebat calicem & hostiam, quam ubi intinxit in sanguinem, eadem frontes præsentium obsignabat. Aberant aliqui, quorum tamen sedes eodem sanguine tinxit, non tamen omnium absentium. Causam scire cupiens Dorotheus, submisissimè illam ab Angelico juvene petit, qui respondit, se signasse frontes omnium orantium, qui ad concinendas DEI Laudes alacriter & promptè accurrerunt, absentium vero eorum sedes consignasse, qui iussu Superiorum vel dormivissent, vel alibi detinerentur, non verò eorum, qui culpà suà abessent. Taceo quòd sæpius ipsi Angeli orantes suppleverint. Surius ex *M. S. Corbeie* refert, quod in eodem monasterio Angeli visi sint infedisse subtelha odæi, & cum religiosis canere, ac vices obire Monachorum, qui ex Obedientiæ præscripto aberant. Pulchrum est illud, quod narrat Cæsarius *l. 7. c. 52.* In Cœnobio quodam Cisterciensis Ordinis, conversum quendam nomine Hermannum, cum post Completorium in strato suo quiesceret, & recordaretur se unicam horam, quam alias in honorem B. Virginis dicere solebat propter diurnas occupationes omisisse, de strato suo subito exilivisse, ut vel illo tempore consueta preces adimpleret. Astitit ibi Virgo, ejusque miserta illum quiescere iussit, & voluit horam neglectum per Angelos compensari. B. Stanislaus Koska è Societate Jesu sæcularis adhuc patrocinante S. Barbara habuit Angelos, qui cum sacra Communione refecerunt. S. Bonaventura cum per plures dies ob summam animi deinissionem à sacra Communione abstinuisset, in præmium tantæ humilitatis missæ præsens cum cœlestis illius panis miro teneretur desiderio, per angelum, qui ex manu sacerdotis particulam sacrae hostiæ subduxit, communionem accepit. Quid quòd dignè communicantes libro vitæ inscribant. Ammona Presbyter cum sacris operaretur, vidit ad dextrum cornu altaris stantem angelum, qui dignè communicantium nomina in librū referebat, eorum autem, qui se à communionē subdlexerunt nomina, conspexit deleri, quietiam intra triduum mortui sunt. Refert P. Joannes Nadasi quod Joannem Virum Sanctum, Angelus ad Constantiam Sanctimonialē animam agentem, cum Sanctissimo Sacramento ad cellulam illius adduxerit, ut illam pro æternitate Sacramentis muniret. Quā mortuā rursus

Angeli orantium frontes signant.

Angeli orantes suppleant.

Angeli bonam negligentiam compensant.

Angeli B. Stanislaus Communionem deserunt.

Angelus S. Bonaventuram communicat.

Angeli dignè communicantes libro vitæ inscribunt.

Angelus per Sacerdotem Moniali de Sacramentis providet. Angelus Sacerdotem per quindecim millia passum, domum reportavit. Magna planè cura fuit Angelorum circa infirmos. Cæsarius l. 12. de S. Enulpho puero narrat, quod cum morti vicinus esset, eisdem Angelus extremam undionem contulerit. Et verò non sine causâ solliciti sunt hoc tempore sancti Angeli, tunc enim agitur de salute æternâ. An non enim de homine in agone constituto dicam, quod sit ille homo infelix, qui in latrones incidit. Certè Latro mors est, & quidem exercitatus ac armatus sagittis & falce. Latro mors est, sic dicta à latendo, quia inopinatè nos invadit; aut certè quia à latere nostro est, cui semper adhæret. Latro est mors inquit Labata, quæ vitam & bona temporalia eripit. In hunc latronem omnes incidimus, nec via est quæ evadamus. Latro etiam dæmon dicitur, de quo Job. 19. v. 12. Simul venerunt latrones ejus, & obsederunt in gyro tabernaculum meum. In quem locum S. Greg. l. 14. mor. c. 18. Latrones isti maligni sunt Spiritus, qui in mortibus hominum occupantur. Soli Cononi Monacho morienti quindecim millia dæmonum astiterunt. Sed quis tunc Samaritanus? Alius certè nullus, quam noster Sanctus Angelus Custos. Dan. 6. Misit Chaldæorum furor Dancielem in lacum Leonum & ecce misit Deus Angelum suum, & conclusit ora Leonum, & non nocuerunt mihi. Arcent nimirum Angeli sancti dæmones, qui velut rugientes præparati ad escam circumstant lectulum moribundi. Cùm fortis armatus custodit atrium inquit Christus, in pace sunt ea, quæ possidet. Nihil itaque metuamus, fortes sunt & armati Angeli nostri Custodes. Postquam enim Apoc.

Mors est Latro.

Cononi Monacho morienti 15000. dæmonum adsunt.

Angeli in agone nos deservunt.

12. factum est prælium cùm Dæmone infernali in cælo, exarmatus est in æternum Draco ille infernalis. Hinc est quod in agone sollicita mater Ecclesia orando instet: Accurrite Angeli, suscipite animam ejus, offerentes eam in conspectu Altissimi. Testis est hujus mendicus Lazarus, qui ad ostium divitis jacebat, ac de micis, quæ ex mensâ divitis cadebant famem explere postulavit. Cùm verò factum est, ut moreretur mendicus, portabatur ab Angelis in sinum Abraham. S. Chrysostomus hom. 5. in Luc. dicit Angelos sibi honori duxisse, ut hoc onus subirent. Portabatur ab Angelis inquit, ne saltem ambulans laboraret, & non unus Angelus sed plures veniunt, ut chorum lætitiæ facerent. Gaudet unusquisque Angelorum tantum onus tangere. Consuetum quidem est belli Ducibus, dum urbem aut arcem obsident valde munitam, ut ubi varijs assultibus illam non expugnant,

runt, tandem generali ad id indicto assultu eandem impetant. Facit id infernalis hostis, qui ut animam nostram velut fortissimam arcem expugnet, quam per omnem vitam ardè quidem semper cinxit, tandem in agone fortissimè impugnat. Ut propterea *Apoc. 12. v. 12.* nos moneat S. Joannes: Quia descendit ad vos Diabolus habens iram magnam, sciens, quia modicum tempus habet. Tunc enim verificatur illud *Luc. 19. v. 43.* Circumdabunt te inimici tui vallo, & coangustabunt te undique. Sed adsunt nobis exclamat S. Cyrillus Alexandr. sancti Angeli, sine quorum præsidio, non possemus resistere. Taceo inquit ille gravissima tentationum certamina, quibus tunc maximè contra animam insurgit dæmon, quæ nisi divinâ gratiâ & opè cœlestium civium præcipuè verò sanctorum Angelorum subnixi vincere non possemus. Animet nos visio illa Beati Moysis Abbatis, qui à spiritu fornicationis fortissimè oppugnatus, cum in cellâ suâ quietem non haberet, fugit ad S. Isidorum Abbatem, ei que tentationis gravitatem aperuit. Cui cum Abbas varia ex Scripturis remedia ostendisset, ab eo tamen impetrare non potuit, ut his animatus ad cellam suam rediret. Quare illum ad superiorem cellulæ suæ partem deduxit ei que dixit, ut respiciat ad Occidentem, ubi vidit ingentem dæmonum exercitum irruere. Dixit autem illi rursus respice ad Orientem, & vidit longè majorem copiam sanctorum Angelorum, qui in defensionem nostram armantur. Cognosce ergo inquit Abbas Isidorus, quod plures nobiscum sint, quam contra nos. Quò confirmatus Abbas Moyses, ad cellam suam est reversus. Solemur nos exemplo S. Franciscæ Romanæ de quâ in *vita illius l. 2. c. 14.* narratur, quod dæmones se illi in formâ viperarum, leonum, & monstrorum horridorum objecerint, qui tamen omnes ab angelo tutelari rejecti fuerunt. Quando verò morsum sanctæ Matronæ minabantur, Angelus se interposuit; & ictum omnem aut morsum avertit. Sic etiam S. Mariam Magdalenam contra dæmonis tentationes defenderunt, quam cum in specu suâ infernalis genius non sineret quietam, illum S. Michael repressit, & S. Magdalenam ab importunis ejus tentationibus penitus eliberavit, maximè verò tunc, quando illi in horridâ formâ Draconis apparuit, & illam deglutire volebat, tunc enim in aditu speluncæ crucem erexit dicens: Cave! ne extimescas imposterum, Custos tui Altissimus est. S. Lidwinæ Angelus Custos lignum dedit, quo ex corporibus obsessorum dæmones pepulit, & fugavit.

Plures sunt Angeli defensores quam hostes dæmones.

Franciscæ Romanæ Angeli contra dæmones tuebantur

S. Magdalenam contra dæmones S. Michael defendit,

*Theodorus
assistente
sibi Ange-
lo, gigan-
tem demonem de-
bellat.*

*S. Ignatius
demonem
baculo fu-
gat.*

*S. Bernar-
dus demonem
incubum bacu-
lo fugat.*

*S. Euphra-
sia pedo
Abbatissæ
Emergen-
tiam li-
berat.*

*S. Juliana
demonem
vinculis li-
gatum tra-
hit.*

fugavit. Minoris omnino potestatis signum est, quod tantus Gigas à tam debili homuncione debellatur. Angelus enim Theodorum Abbatem, uti refert pratum spiritus: per dexteram apprehendit & iningens Theatrum induxit atque pugnare iussit. Stabat autem hinc pulcherrimus Candidatorum, inde nigerrimus atratorum spirituum exercitus, inter quorum medium prodijt Gigas, ad cuius conspectum totus contremuit. Theodorus, pugnare tamen cum illo iussus est, cum interim opem suam & lauream sponderet Angelus. Vix itaque pugnam aggreditur Theodorus, & ecce debellatur Gigas, atque Theodoro coronam imposuit Angelus. Cum subito omnis niger funestorum spirituum disparuit exercitus, candida vero cœlituum coronâ Angelo Custodi pro ope Clienti suo præstitâ gratias egit. Debilis est demon, ex quo enim Christus Crucis suæ baculo demonem percussit, non Crucem tantum, sed vel ipsum baculum fornicat. Sic S. Ignatius quod in vitâ ipsius habetur; sæpius demonem baculo fugavit. S. Bernardus eodem, demonem in fugam egit. Tentabatur quædam mulier ab incubo dæmone, quæ à S. Bernardo imploravit auxilium, ut à tam malo hospite liberaretur: Dedit illi vir sanctus baculum suum, quem ut in lecto suo poneret sceminæ mandavit; hunc ubi adveniens vidit dæmon, cum accedere non auderet, à longè minas intentavit, sed tandem à S. Bernardo penitus fugatus est. Ita planè S. Euphrasia cum Emergum enam liberare vellet, neque dæmon ei cederet, cominatus est dæmoni, nisi quam primum cederet, se baculû Abbatisæ suæ accepturam; fecit, & pedo illo emergumnam percussit, statimque diaboium fugavit. S. Julianæ dæmon in specie Angeli lucis apparuit, quem illa apprehendit, & manus illi post terga ligavit, deinde in terram dejecit, & suis quibus in carcere ligabatur vinculis, verberavit. Cum vero duceretur ad Præsidem, traxit illum vinculatum secum per forum, clamantem & rogantem dimitte me jam, noli amplius me hominibus ridiculum facere. Qui postquam diu S. Julianam sic est precatus, tandem ab illa in sterquilinum est relegatus. Defendunt ergo nos Angeli contra dæmonis insidias, inò etiam eundem religant & constringunt compedibus cum S. Juliana. Testis est hujus Tobias Junior qui dum enarrat gratias sibi à Raphaële præstitas inquit, & dæmonium ab eâ ipse compescuit. Quod amplius Tob. 6. v. 14. ipse confirmat: Angeli namque monitu iussus in uxorem accipere Saram v. 14. dixit: Audio quia tradita est septem

septem viris, & mortui sunt. Quem scrupulum ut juveni tolleret Angelus, *Tob. 8. v. 3.* mandavit ut jecur piscis capti, poneret super vivos carbones & tunc Angelus Raphaël apprehendit dæmonium, & alligavit illud in deserto superioris Ægypti. Quæ lingua etiam Angelica sufficiat in enarrandis Angelorum gratijs? Solantur nos in afflictionibus nostris. Sic solatus est Angelus afflictam Agar in solitudine, quæ *Gen. 21. v. 17.* ab Angelo deficiente aquâ, novo ad bibendum puteo fuit recreata. Quin imò in ipso novo testamento ipsum Angelorum Dominum solatus est Angelus *Luc. 22. v. 34.* Apparuit autem illi Angelus de cælo, confortans eum. Hi sancti Angeli ad bonum nos impellunt. Sic *Act. 6. v. 26.* Surge inquit ad Philippum & vade ad viam contra meridianum, quæ descendit ad Jerusalem in Gazam ubi Eunuchus Regina Candacis in curru legebat Isaiâ, & ut se illi jungeret Philippus monitus est ab Angelo, qui cum illi Isaiam esset interpretatus, baptizari petijt, eoquæ baptizato Angelus Philippum loco suo restituit. Ita planè *Act. 10. v. 5.* Et nunc mitte viros in Joppen inquit Angelus Cornelio, & accersi Simonem quendam, qui cognominatur Petrus, hic dicet tibi, quid te oporteat facere. Ecce quam sollicitè Angelus DEI non tantum Cornelium ad evocandum Petrum, sed etiâ Philippum ad erudiendum Eunuchum in viâ salutis sit cohortatus. Occurrit hic, quod ipsi Angeli etiam pædagogos agant. Fursæo enim ægrotanti apparuit Angelus, qui omnia ei tradidit documenta, quæ ad prædicationis officium pertinent, monuitque, ut nulli labori parceret, neque ullo periculo deterreatur, superesse duodecim vitæ annos, post quos ad laborum præmium sit avocandus. Dicitur non potest, quo fructu per Angliam, Galliam & Belgium verbum DEI disseminaverit. Benè profecto S. Dionysius Areopagita Angelos hominum tutores ac pædagogos nominavit. De quibus etiam Epictetus dixit, quod sint Genij. Velut Augustales, & Patrimonij domini Curatores. Docent ergo nos, & velut fideles Pædagogi nos erudiunt. *Dan. 9. v. 21.* Ecce vir Gabriel, & docuit me, & locutus est mihi, nempe liberationem populi Israël, per adventum Jesu Christi, & ejusdem Incarnationem, Ita etiam Joannes in sua *Apoc. c. 1.* fatetur se totam illam doctrinam accepisse a Christo per Angelum *v. 1.* Et significavit mittens per Angelum suum servo suo Joanni, quæcunquæ vidit. Ita *Luc. 1. v. 12.* Angelus instruxit Zachariam de nativitate S. Joannis Baptistæ, de no-

Solantur
nos Ange-
li.

Ad bonum
nos impel-
lunt.

Angelus
Fursæo
Concionatorem in-
struit.

mine Joannis, quo vocandus esset, quomodo denique Præcursor ipsius Christi, sit designatus. Merito ergo nos admonet S. Bernardus. *serm. 12. in psal. 90.* Simus ergo devoti, sumus grati tantis custodibus, redamemus eos, honoremus eos, quantum possumus, quantum debemus. Merito dicat quivis cum illo Abbate *in vitis PP. l. 7. c. 44.* Ego Angelum meum, mihi assistentem iuxta me specto, & custodio me ipsum. Timeo eum ut custodientem vias meas, & quotidie ascendentem ad DEum, & insinuantem actus meos, & verba, pertimesco. Quod verbis penè paribus dixit Episcopus, Philosophus Ethnicus *l. 1. c. 13.* Procuratorem univique addidit Genium eumque illi custodiendum tradidit, & talem quidem, qui nec dormiat, nec decipiatur. Cum igitur fores clauferitis, & conelave tenebrosum feceritis, cavete ne unquam dixeritis vos esse solos. Neque enim soli estis, sed DEus intus est, vester Genius intus est. Cave ergo peccator quisquis es, solus non es. Undè putavit S. Bernardus sufficere ad omne peccatum vitandum inspectorem nostri Angelum contemplari. Neque enim in præsentia pædagogum tui audeas, quod te non deceat. Doctrinam hanc jam ante tradidit Ambrosius. *serm. 8. in ps. 118.* Si quem fortè spectatorem cognoverit facinoris sui, pudore inceptum deferet. Quanto magis si quis allèvet mentis huius oculos, & consideret plena esse omnia Angelis. Quin imò etiam instar pædagogum severi, calcitrantem inarepant & castigant. Pexenfelder *p. 1. lib. 34. §. 5.* refert quod Zwollis adolescens pius inciderit in socios pessimos, qui lusu vacantes luserunt eam conditione, ut victi victoribus symposium solverent. Supervenit ex sociis alius, qui lusu incipit cum hac conditione, ut victor pro libitu alijs imperet, cuius iussa omnes alij exequantur, qui verò iussa negligeret, solus loco omnium futuræ cænæ solvat impendia. Evasis hujus lusis victor, ipse qui fuit illius author, quare statim imperat, ut omnes se sequantur, hos ille ad Lupanar abducit, atque expleta suâ libidine omnes ordine ad sui sequelam compulit. Quid agat modestus juvenis? effugium rogat, at socij pallium arreptum tenent, nec à se dimittunt. Cubiculum ergo lenæ ingreditur; pessulum obducit & nummum argentum meretrici obtulit, rogans ut in secreto habeat, quod ab eâ illa sæ virginitate suâ recesserit. Contenta mulier & juvenis honestate mota, promisit se demandatum secretum servaturam. Ubi ad socios redijt juvenis, cum tempus quietis revocaret domum, ipse se subtraxit,

Angelus
nobis semper
est præ-
sens.

Societas
maia pa-
dicitur pe-
riculosa.

Castitas
soluta pro-
pudicitiam
emittit.

traxit, cumque jam ædibus suis propinquaret, vultu radiantem Angelus habuit obvium Angelum, qui fortissime inpegit alapam dicens: Vel hoc verbere discas, malā societatem cavere. Ubi ad se redijt juvenis, alacer domum redijt, sed tumorem ingenis per aliquot dies servavit. Non absimile est quod Delrio l. 7. c. 2. narrat in suis disquis. mag. de Ægidio nobile Juvene Lusitano qui Medicinæ daturus operam, Lutetias abiit. In viā obvium habuit Dæmonem, qui meliorem artem promisit, futurum nihilominus, ut in Medicina excellat. Quare juvenem propè Toletum in amplum inducit specum, ubi juvenis magicis imbutus disciplinis septennio integro in Magiā aliisque sceleribus mirè profecit: Hic dum solus in viā ambulat, cataphractum Equitem obvium habuit, qui lanceam in illum vibravit, ac minaci voce inclamavit, vitam hanc moresque desere, ac ad frugem convertere. Territus, sed nondum ad salutem Ægidius, ad priores relabatur voluptates. Undè post triduum rursus comparcet ille Eques, nec amplius minatur sed serio lanceam pectori, non tamen periculose infigit. Quo territus Ægidius exclamavit; Dedo me! faciam Dominum quidquid jusseris. Hoc animo Lusitaniam repetens, incidit Palentiz in monasterium PP. Dominicanorum quod ædificabatur. Petit hic ab Ordine suscipi, & admittitur, ipsumque probationis annum, cum magnā virtutis commendatione absolvit. Finito Tyrocinio Sanctarenū mittitur ubi eum cura laceffit de schedā, quam dæmoni suo sanguine subscriptam dedit recuperandā. Instanter itaque B. V. & suo Tutelari Angelo supplicat, atque dum ante aram B. Virginis orat, dæmon horridicā specie apparet, qui postquam contumeliosè beneficia præstita exprobravit, ad pedes illius syngrapham abjecit, & videri desijt. Ita planè juvenem quemdam in Episcopatu Trajectensi, qui pessimam Societatem inierat reduxit. Hunc enim ut Angelus in præsentissimam salutis ruinam prorum retraheret, monuit Angelus de præsentissimo periculo, insignem illi colaphum impingendo, sic ut rubor diebus aliquot in facie cernerebatur. Sic Jovinianum Cæsarem Angelus Custos humiliavit. Hic enim elatus Cæsar uti testatur Pexensfelder p. 3. hist. 119. §. 4. impatiens illius textus Cantici Magnificat, ubi dicitur; deposuit potentes de sede, in eam devenit amentiam, ut crederet, se à solio suo deturbari non posse. Abit ad venationem in sylvam Cæsar, ubi in limpidiſſimum amnem incidit, ibique depositis vestibus balucare cæpit; cum

*Angelus
data alapa
docet malos
socios
fugere.*

*Angelus
lancea Ar-
matus, vi-
tam emen-
dare jubet.*

*Angelus
malam So-
cietatem a-
lapa de-
docet.*

*Angelus
Jovinianū
Cæsarem
humiliavit.*

interim Angelus substitutâ faciniâ vestes illius assumit , ac cum aulâ domum revertitur , Joviniano interim in aquis relicto. Egressus ex aquis Cæsar, vestis loco, laceram reperit faciniam, vix tegendis pudendis aptam. Sic ergo nudus & ab omnibus despectus, didicit esse DEum, qui possit, si vestit, eum de folio deponere. Quod ubi seriò pœnitens cognovit, illum Angelus Imperio restituit, & DEO perfectè subesse docuit. Faciunt Angeli quod aulici, accommodant se hi moribus sui Principis, amant, quos ille amat. Sed nota quod S. Augustinus de DEO dixit: DEus altus est; erigiste, fugit ille à te; humiliastete, accedit ad te. Ita planè nobiscum agunt Angeli, hi à nobis recedunt, si nos erigamus. Et verò si similitudo amoris mater est, angeli humiles non sociantur nisi humilibus. Quid humilior Angelis, qui nostri custodiam non dedignantur? Magna Angelorum dignatio inquit S. Bernardus: Taceo quod horreant cœlestes illæ mentes omnem superbiam, ex quo primus ille Angelus in cœlo lapsus

Angeli humiles amant, odierunt superbos.

S. Bern.

est. Umbram nostram vocat aliquis Angelos, sequuntur enim nos, sicut umbra corpus sequitur. Sed audi Virgilium: Majoresque cadunt altis de montibus Umbræ. Quantò mons quispiam est altior, tanto remotius umbram projicit. Sic est; si in altum te erigis, umbra tua Angelus à te remotior recedit. Quid quod S. Aug. *serm. 9. de verbis Ap.* dicat. Humiles valles sunt, si quid infuderis capiunt, aquæ quæ super altum currunt, defluunt. Superbi capaces non sunt divinarum inspirationum, hi enim velut montes defluere patiuntur gratias divinas. At humiles velut valles has cœlo depluas gratias excipiunt. Certè non majus est Angelis solatium, quàm multas animabus de cœlo deferre gratias, quas humilibus confidentius deferunt. Sic Fernandus *in Gen. c. 32. sect. 10. n. 9.* Pro humilibus hominibus Angeli majori cum fiduciâ DEum deprecantur, certiusque exorant. Hinc non miror quod cum Monachus quidam moreretur, qui per meritam virtutem, & sictam religiositate hominibus multo tempore imposuit, tandem per Angelum S. Euthymio proditus sit. Vidit enim quomodo Angelus animam illius Hypocritæ, Tridente ex corpore extraxerit, dum interim ipse moriens plurima turpitudinis suæ facinora revelavit. Fugiant Angeli arrogantiam, & sicut DEus, superbis resistunt. Hoc nobis miseris est utilissimum, quod iram DEI à nobis avertant, & DEum nobis propitium conservare laborent. Laudatur in hoc singulariter Jonathas, quod Davidem

Angelus hypocritam Monachi prodit, & execratur.

Angeli DEum nobis propitium reddunt.

absconderit ab irâ Patris sui. Et ideo S. Chrysostomus appellat Jonatham Davidis scutum. Varia videre est apud Isaiam c. 6. Angelorum obsequia. Hic enim recensetur, quomodo alter ad alterum clamaverit Sanctus! Sanctus! Sanctus. Item quomodo alis suis duabus velabant faciem; qualiter rursus advolans Seraphim calculum ignitum imposuit ori prophetico. Pro quo notandum est. Quod Isaias hoc loco exhibeat DEO scelera totius populi & de his ultionem petat. Unde primum canunt Angeli, ut iram DEI cantuleniunt, solet enim ira, cantu & musicâ alleviari. Sic David psallendo, Saul Regem fregit. Deinde velant faciem DEI alis suis, ne videat scelera populi. Tandem advolat Seraphim cum calculeo igneo, quasi vellet os claudere Isaiæ, ne petat à DEO ultionem. Hinc etiam inviti ad ultionem pergunt peccatorum. Sic enim citato c. 6. v. 8. dicit Propheta Audiivi vocem Domini, quem mittam? & quis ibit? Audiunt hoc Angeli, sed tacent, neque respondent verbum, causa est, quia dura & odiosa erat Commissio; subjungit enim, Execræa cor populi horjus.

*Jonathas
Davidis
scutum con-
tra Saul.*

*Angeli in-
viti pu-
niant.*

*Clypeorum
olim exi-
stimatio,*

*Angeli no-
stri Clypei
sunt.*

Lacedæmones infantes recenter natos clypeis pro cunis imponere solebant. Hoc scutum tanti fecerunt, ut illa Lacena Mater, cum filium ad bellum mitteret, scutum illi præbens dixerit: Cum hoc, aut in hoc redi. Gloriosum enim illis fuit sub clypeo mori. Ad quod alludit ipse Virgilius de Pallante Æneadam Principe dicens: Impositum scuto referunt Pallanta frequentes. Græcis olim Myrtili clypeus celebris fuit. Hic miles magnanimus clypeo suo munitus, omnia hostiliatela excepit, dum autem in quadam expeditione maritimâ naufragaretur, suo in Clypeo enatavit, etiam contra aquas in hoc clypeo securus. Majori longè providentiâ DEus providit homini, quem cum sciret post Adami lapsum debilem & imbellem, eidem sorte scutum præordinavit Angelorum custodiam, sicut dum concipimur, maximè verò dum nascimur & baptizamur, aureo huic Scuto imponamur, sub quo & vivimus & morimur tuti. Quamprimum enim nascimur DEus assignat cuivis Angelum proprium, qui divini auxilij Scuto nos protegat, & quamdiu vivimus idem tutelares ex mandato DEI nobis assistunt, ubique & diu noctuque in hoc unum intenti nobis adsunt, ut nos custodiant, & maximè in horâ mortis protegant atque defendant. Liceat hic exclamare cum S. Bernard. super ps. 90. Magna dignatio, & verò magna dilectio charita-

Angeli ge-
nuli no-
stri sunt,

Scuto tra-
sum corpus
armatur.

tris ! Quis enim ? de quo ? quid mandavit ? Cujus sunt Angeli ? cu-
jus voluntati obediunt ? DEus ergo mandavit Angelis , & Angelis
suis , illis utique tam sublimibus , tam beatis , tam proximè sibi cohæ-
rentibus & verè domesticis mandavit de te. Ut custodiant te in omni-
bus vijs tuis. Quemadmodum ergo matres parvulos suos maximè per
vias difficiles , aut lutosas , vel lubricas in ulnis gestare solent , ita
etiam Angeli in manibus portabunt te , uti fusius prosequitur Bernar-
dus. Etsi ergo parvuli simus , atque tam magna & periculosa refert
via , quid tamen sub tantis custodibus timeamus ? Ubi vides inter
mille quæ nobis imminant pericula versantibus , quam necessaria sit
illa custodia in vijs nostris. In manibus portabunt te , & deducunt
parvulum. Non patientur tentari aut defatigari supra quod potes su-
stinere , sed in manibus tollent , ut pertranseas offendiculum. Quam
facilè transibit , qui manibus portatur Angelorum ? Quam suaviter
etiam in medijs fluctibus natat , cujus mentum sustinet angelicus cly-
peus. Scutum præ omni armorum genere unum est , quod omnia
corporis membra tuetur. Caput galea , thorace pectus , lorica femur ,
alia corporis membra alijs armis teguntur , scutum in omnium mem-
brorum tutelam deservit. Ut propterea benè dixerit Ovidius : Cu-
stodit & arcet. Hoc nobis Scuto opus est , quia ut S. Bonav. *serm. de*
S. Michaële. Adversarius noster diabolus tanquam Leo circuit , quæ-
rens quem devoret , cui teste Job. c. 41. v. 24. nemo comparari po-
test. Non est super terram potestas , quæ comparatur ei ; quia factus
est , ut nullum timeret. Qui : pulchrè Doctor Angelicus 1. p. q. 14.
art. 1. arg. 2. Non videtur æqua pugnae condicio , ut infirmus contra
fortem exponatur ad prælium , sed homines infirmi sunt & debiles ,
dæmones autem astuti & potentes , cur ergo permittit DEus , ut ho-
mines à dæmonibus oppugnentur ? Sed respondit hanc inæqualita-
tem tolli principaliter ex parte hominis , & compensari per auxilia
gratiæ divinæ , secundario per custodiam angelorum. Quoties enim
accidit , ut minor vincat majorem. Vidimus hoc in Davide cum
Goliath factum ; quando in fundâ dejecit illam turrim carnam juve-
nis ab eodem contemptus. Gigantes esse dæmones , jam superius me-
moravimus , nos pigmæi sumus. Et fortassis esset deplorata victoria
nostra , nisi DEus tales custodes apposuisset , quorum auxilio victo-
res evadimus. Merito exclamat S. Bonav. in *sesto S. Michaëlis*. Ma-
gnæ pietatis & benignitatis indicium est , deputare tales ministros hu-
manæ

manæ fragilitati, sine quibus nullo modo esset tuta vita nostra. Pulchre nos solatur S. Bern. in *Pf. 90. serm. 5.* Quia homo undique circumdatus est tentationibus, Scuto circumdabit te veritas ejus. Ut quemadmodum undique bella, ita etiam undique sint præsidia. Licet ergo impugnent modo per astutias, & fraudulentias illusionum, non timeamus. P. Alvarez de Paz S. I. invisens Mariam Diatiam, quâ S. Theresia familiariter utebatur, vidit in cubiculo præter lectum ordinarium illius monialis, alium lectulum. Unde interrogavit, cui lectulus ille serviret? confessâ ingenuè metum suum Diatia dixit: quod semel in lectulo suo crudeliter a dæmone percussa fuerit, abindè semper timuerit, nec in cellâ suâ pernoctare sola ausa fuerit, ideoque puellulam secum ad cubiculum assumpserit. Reprehendit illam acriter P. Alvarez, quod post tot providentiæ divinæ tam manifesta signa, quâ ligat tartareos spiritus, tam exigua habeat fiduciam de certissimo auxilio DEI. Quo si destituatur, quid infans vel puella opitulabitur? Quare non prius ex cellâ pedem extulit, quam lectulum superstitum tolli conspexit. Sicut enim Reges & Cæsares habent Custodes sui Corporis, sic DEus etiam nobis de cælo milites providet, ut securius prodire queamus, quam olim timidus quispiâ, qui nunquam domo exibat, nisi quis scutum super verticem ipsius gestasset, nè quid ab alto ipsum fortè feriret. Protegit nos DEus à sagittâ volante in die, à negotio perambulante in tenebris, ab incursu & dæmonio meridiano. Non accedet ad te malum, quia Angelus tuus Custos à te malum omne avertit. Docet hoc S. Thom. in *p. 1. q. 133. art. 4. in Corp.* Dicendum quod homo in statu vitæ istius constitutus, est quasi in quadam viâ quâ debes tendere ad patriam. In quâ quidem viâ multa pericula homini inminent, tum ab interiori tum ab exteriori, secundum illud *ps. 141. v. 4.* In viâ hac quâ ambulabam absconderunt laqueos mihi. Et ideo sicut per viam hominibus dantur Custodes vulgo Convoia, ita etiam cuilibet homini quandiu viator est, Custos Angelus deputatur, qui hominem securè deducat. Quid enim mirum est, si in tanto invio & devio erret homo? Reducunt hi fideles Custodes nostri ad cælestis Patriæ semitam. Maximilianus Imperator quod ait Stengelius *tom. 4. c. 21. f. 5.* Oenipontanas Alpes oberrabat, capras montanas persequens, sed eo locorum evasit, vnde nec pedem referre, nec ulterius progredi posset. Stetit hic perplexus infelix Princeps, & suam culpans temeritatem,

P. Alvarez reprehendit monialem quoddam timorem,

Timidus Scuto semper integri voluit.

Angeli sunt Convoia nostra.

Maximilianus alibi devius, ab Angelo reducit.

tem, fame conficiendus mortem certam ibidem animo destinavit. Aulici inter manantes lachrymas infortunium sui Principis descebant, nec tamen succurrere potuerunt. Quare ad DEum conversus sacerdotem cum Eucharistia evocat, qui quàm proximè posset, accederet, & cum Christum in Eucharistiâ suinere non posset, saltem oculis suis intueretur. Benedictionem ergo à Sacerdote accipit, & dum ille animum ad æternitatis meditationem componit, sicque petræ incumbit, audit non procul à se strepitum, quem dum observat, videt juvenem ignotum in rusticano habitu ad se adrepere, qui ingentia saxa removit, & viam pro reditu paravit. Hic ergo cum manum porrexisset Maximiliano, Cæsarem ut se sequeretur hortatus est. Ubi se Cæsar recollegit animosior factus, viæ ducem sequitur, atque ad notam jam Principi viam perduxit, ubi suavissimo vale facto Angelus discedens Maximilianum aulae suæ restituit. Ad rei memoriam Maximilianus per lapideas viam exscindi, & in periculi superati loco grandem & elegantem Christi Crucifixi imaginem statui erigique iussit. Ita pariter Forreus de *Angelo Custode serm.* 20. refert, de Elisabethâ de Graviâ virgine devotissimâ, quæ cum aliâ sorore suâ iter fecerat, sed cum in densâ sylvâ per avia & devia aberrasset, & nox ingrueret, neque lachrymantes auxilium ullum haberent, humillimis precibus à Tutelari suo Angelo opem postularunt. Cùm ecce juvenis niveâ indutus tunicâ, amicæ illas salutavit, & quo irent petiit. Dixit se viæ gnarum, adeoque ut se sequantur, cohortatus est, quas deinde ad locum desideratum perduxit, ibique valedicens disparuit. Raphaëlem Tobiz comitem hic cogitemus *Tob.* 12. v. 3. Me duxit inquit Tobias & reduxit sanum. Anno Christi 1144. Christianus Exercitus obsidens Metropolim Arabum Bostrum dictam, insidijs hostium fuit circumventus, atque adeo cum angustiis locorum plane esset interclusus, neque Ducem viarum haberent, subito comparuit ignotus miles, qui equo albo insidens loricâ indutus, vexillum rubrum præferabat. Hic antecessit exercitum eumque non tantum ad debitam aquationem, sed etiam per tam apta viarum duxit compendia, ut brevi tuti Hierosolymas pervenirent, ubi in conspectu omnium disparuit. Considerate si lubet Juditham, quæ Angeli ductu egressa ex Bethuliâ ad castra Assyriorum descendit, & hem tam forinosa Matrona inter turpissimos lenones est conservata. Ut ipsa Judith de se dicat *c.* 13. v. 20. Quoniam custodivit

me

*Angelus
Moniales
in viâ ab-
errantes.
reducit.*

*Angelus
Christia-
num exer-
citum ab
hoste clau-
sum salvat.*

*Angelus
Vexillifer
Duxor
Christiani
Exercitus.*

me Angelus ejus, & hinc euntem, & ibi commorantem, & inde huc revertentem, & non permisit me Dominus ancillam suam coinquinari, sed sine pollutione peccati revocavit me gaudentem in victoria sua, in evasione mea & in liberatione vestra. Ubi dum victoriam quam Judith deprædicat considero, occurrit mihi quod sub Honorio Imperatore accidit, cum enim illo tempore quidam Joannes per Tyrannidem Imperium occupasset, & Theodosio insidias struere vellet, jamque Ravennæ moraretur; Theodosius ad DEum per preces confugit, à quo etiam auditus est. Nam Angelus in forma pastoris, Dux factus militiæ Theodosianæ, totum exercitum per stagnum Ravennæ adjacens, quâ viâ nemo unquam hominum transire poterat, traduxit, hic portas apertas invenit Theodosius, & Tyrannum felicissime oppressit. Sunt certè Angeli nostri Tutelares viæ Duces, qui non tantum arces materiales expugnant, sed ipsam etiam animam nostram nostram velut arcem munitissimam & urbem fortitudinis tuentur. Insurgant ergo tentationes infidelitatis, totus Orcus in nos ignea tela emittat, unica tessera, quam S. Michaël clypeo suo inscriptam habet, Quis ut DEus, omnes has pessimi demonis infestationes confundet. Olim apud Romanos & Græcos belli Duces varia insignia suis clypeis præscripta inscripserunt. Una hæc inscriptio S. Michaëlis: Quis ut DEus, omnes antecellit. Hæc enim radijs suis, ita Luciferum & omnes rebelles spiritus conturbavit, ut ex alto cælorum præcipitio, in æternam ruinam delapsi interierint. Objiciat proinde dæmon aurea Plutonis scuta, funes esse & catenas angelico præsidio experieris. Ita enim verò accidit cum mancipio quodam in Insulis Philippinis, quod tædio calamitatum ad funem adigebatur, sic ut vitam sibi laqueo extorquere vellet, quia vero arbor à quâ pendebat valde humilis fuit, ut suspensio aptior esset, ipse genua flexit, & sic piè magis penderet. Aliqui qui miserum palpitantem viderunt, accurrentes funem reciderunt & gutture laxato ægrè vitam revocarunt. Die altero ubi plenè ad se rediit, cur id fecisset interrogatus? respondit se auri specie deceptum fuisse, sibi enim astitisse Virum specie horridum & dixisse, accipe quem collo injicias torquem aureum & sic pro torque injecisse sibi laqueum, à quo infelix pependit. Obtrudat Cupidines & Veneres, faciliè hæc omnia tela reprimes, si scutum opponas tui Angeli. Quis ut DEus? Eliam Abbatem in summâ ariditate vicina accessit mulier, & haustum

Angelus
Ravennæ
peroccupat.

Clypeus
angelicus
inscriptus.

Dæmon
torquem
porrigit.
& laqueo
suspendit.

*Angelus
Eliam Ab-
bateru à
lasciviâ de-
stinata co-
bibet.*

aquâ ab eo petijt, quem octuagenarius senex lubens dedit. Vix autem abivit mulier, & capularis hic Senex in illius libidinem exarsit. Arrepto proinde baculo ad vicinum tugurium cum pessimâ peccandi voluntate abivit. Propè casam jam erat, & hem videt diduci terram, atque angelum sibi adstantem, qui Clypeum objecit, Quis ut DEus? Eliâ deinde fossam ostendit putridis cadaveribus plenam, horridum fœtorem exspirantibus. Atque hæc inquit sunt tuæ deliciae, propter quas tot annorum labores, tot merita in cœlo parta visperdere. Væ! Væ! mundo propter libidines dixit, & pœnas æternas Eliâ minatus disparuit. Hoc Scuto armata Ermelendis Virgo illæsam suam conservavit pudicitiam. Cum enim rapienda esset ad nuptias, cā ipsâ nocte ab Angelo monita fuit. Recede Virgo! recede! & Virginitatem quam DEO consecrasti, inviolatam custodi. Subitò ergo relicta domo paternâ abiit, & angelus illi secundò apparens dixit locum, ubi DEO securè servire posset, quò ubi pervenit, in mirâ abstinentiâ solis herbis vixit, ad cuius funus deinde cœlestes chori auditi sunt DEO gloriam concinnere: Subjungo quod narrat S. Basilius de S. Theophila Virgine forma & prosapiâ nobilissimâ, quæ cum à licitoribus ad lupanar vi traheretur, in viâ DEum sic est precata: Mi JESU! ô amor mi! Sponse mi! matura opem, & Sponsæ tuæ pudicitiam serva: Hoc cor, hoc os, hoc oculi lachrymis turgentes loquebantur. Prostibulum ingressa, Evangelium, ut mos illi erat,

*Angelus
Ermelen-
dem Vir-
ginem à
nuptijs a-
vocat.*

*S. Theophi-
la virgo
illeſa in
lupanari
ab Angelo
ſervatur.*

Christianis fortè præsentibus lectura protulit. Sedebat virgo & legebat verecundissimo vultu & ore ad omnem modestiam composito. Sed & adstitit repente de cœlo submissus Genius, qui Virginis tutelam suscepit; & cùm essent, qui auderent turpissimi lenones irrumperè, primus reliquis importunior subito ac Virginem attigit mortuus concidit; alij qui subsecuti sunt splendore nimio excecati, exitum undè intraverant, non invenerunt. Eventum rei dum alij præstolantur, & quid aliis actum sit, dum explorant, vident Virginem sacrum Evangelii codicem legentem, & propè adstantem juvenem divinâ luce circum fustum, qui Scuto suo inscriptum habebat, Quis sicut DEus Christianorum? Hic adolescens inquit Basilius, Virginis hujus protector fuit, sicut Virgineus Daniel Sufannæ, Cecilie contra Valerianum sponsum, Agneti & Theclæ contra destinatos corruptores pudicitie Angelicæ. Erit! erit & nostrum omnium custos, si ejus tutelam nos omnes confidenter committamus. Sic enim sperare me jubet

jubet S. Bern. in ps. 90. serm. 11. Quoties gravissima urgere cernitur tentatio, & tribulatio vehemens imminet, invoca Custodem tuum, Ductorem tuum, adiutorem tuum, in opportunitatibus, in tribulatione, inclama eum, & dic; Domine salvâ nos, perimus. Non dormit, neque dormitat, qui custodit te, licet ad tempus aliquando dissimulet. Videbatur enim vero ad tempus dissimulasse cum matronâ illâ, quæ à marito in suspitione, rea adulterij habebatur, cum innocente nobile, qui penè in periculo mortis versabatur. Vir nobilis in Hispaniâ Angelo suo tutelari valdè devotus illustri matronæ vicinus habitavit, quam sæpius vel transeuntem, vel de fenestrâ prospicientem salutavit. Scandalizavit hæc salutatio familiam, ex quâ aliquis Dominam apud maritum detulit, qui cum hoc ipsum sæpius observasset, Zelotypia æstare cœpit, & animo facinus horrendum destinavit. Convivium ergo lautum instruit in suburbano, ad quod uxorem humanissimè invitavit, illa nihil mali suspicata adest, ad intimius conclave ibi uxorem solam deducit. Erat hic in promptu calamus & charta, jubet itaque uxorem considerare, & nobili vicino scribere, se solam in suburbano morari, abesse domo maritum rogare ut se certo inviset. Expalluit hæc uxor & genibus mariti accidit, suamque contestatur innocentiam. Sed frustra! aut scribendum aut moriendum erat. Cuncta itaque scribit, quæ maritus dictavit, & citatis equis epistola illa ad nobilem illum mittitur. Acceptis literis miratur nobilis, humanitati tamen cessit, & horâ condicta se affuturum nuntiavit. Interim accepto hoc responso in insidijs cum famulis laetit Dominus, ut doli nescium nobilem crudeliter exciperet. Quare sub vesperum solus domo egreditur nobilis, & dum transit patibulum, audit se insuetâ voce inclamari, & ne metuat, accedere jubetur. Gladio suo restim rescindit, & ecce redivivus in tergum equi insilit patibularius. Cum verò jam arci vicinus sit nobilis, deslit mirus hic hospes, & nobilem ex equo descendere jubet. Pileum deinde illius nobilis assumit, & Chlamydem induit, periculum exponit, & se ut exploret præcessurum dixit. Vix pedem arci intulit, & ecce ex latebris cum famulis irrui Dominus atque vulneribus hospitem conficiunt, ipsumque cadaver in vicinam altam fossam dejiciunt, ex qua tamen patibularius ille statim surrexit, & ad nobilem hæc omnia audientem rediit. Hic illi vulnera in corpore exhibet quæ ipse erat accepturus, nisi periculum avertisset. Quare equum rursus conscendere

*Zelotypia
miraculosè
per angelum
emendatur.*

*Angelus
Patibularium induit, ut Clientem salvet.*

dere jubet, & domum redire, ipse vero ut ante in Equi tergum insedit & cum viro nobili usque ad patibulum pervenit. Ubi ex equo rursus desiliit, & se non patibularium, sed Angelum Custodem fuisse ostendit; atque ubi beneficii magnitudinem edocuit, evanuit. Reversus domum nobilis omnia in silentio tenuit. Mane facto templum adiit, ibique in honorem sui Angeli Custodis plura sacra fieri curavit; quibus dum ille interest, adest famulus ab Hero Zelotypo missus, ut quis sermo esset de nobile illo inquireret; adest ergo ipsosque domesticos adit, & de Hero quærit, qui omnes Dominum suum heri salvum rediisse, & modo in templo versari dixerunt. Quod quia non credidit, ipse templum adivit, & ibi devotè orantem vidit. Redit ergo ad Dominum suum Zelotypum, & quæ vidisset refert. Quare domum cum innocente redit uxore, & vicinum hunc nobilem accedit; ex quo ubi mirabilem DEI providentiam didicerunt, Zelotypus ille culpam suam agnovit, & Zelotypiam suam destituit, per omnem reliquam vitam, innocentem cum uxore vicinum, veneratus est. Quid quod Fulgentiam Romanam nobilem feminam in foro coram Judicibus accusatam, & testibus de peccato luxuriæ convictam, contra dæmonem Angelus Custos defenderit, strenuus Advocatus & Causidicus. Hic enim in judicio delatam ad Tribunal comitatus, accusatorem dæmonem his verbis increpuit. Tu ne inquit accuses istam, qui jam pridem de celo turpissimè excidisti. Confusus disparuit accusator dæmon, & Judices pro Fulgentiâ autoritate Angeli defensâ sententiam pronunciarunt, eamque absolverunt. Negemus nunc Angelos à DEO datos esse, in nostri custodiam. *Exodi 14.* conductus mercede Balaam, ut malediceret populo DEI ab angelo prohibetur progredi. *Num. 22.* Israël propter frequentia peccata à Madianitis opprimitur, mittitur Angelus ad Godeonem, ut nuntiet populum liberandum. *Judic. 13.* Regem Assyriorum cum toto exercitu percussit Angelus. Sic apud nos Christianos Constantinopolim contra Arianos defenderunt Angeli. Cum enim Gaynas Scythicæ militiæ Magister, homo Arianus obtinendi imperii desiderio inflammatus Constantinopolim obtinere tentasset; id tamen aperto Marte tentare non auderet, noctu barbaros suos milites misit, qui palatium accenderent. Quibus ad facinus paratis, Angeli obvijs facti sunt in forma militum, qui eos represserunt. Relatum hoc fuit Gainæ, qui cum omnem militiæ Cæsareæ haberet notitiam,

rem

*Angelus in
foream
defendit.*

*Angeli
Constanti-
nopolim
contra A-
rianos de-
fendunt.*

rem credere noluit, adeoque nocte sequenti alios misit, qui id tentarent; sed & hi pariter ab Angelis reiecti fuerunt. Quare ipse in personâ contra palatium perrexit, atque illud succenderetentavit, at propriis oculis palatium ab Angelis defendi didicit. Spe suâ frustratus aperto Marte certavit, & periit. Theodosio Imperatori victoriam sponderunt, atque ad expeditionem animarunt. Cum enim Isdegerdi Persarum Regi in Christianos valdè propenso successisset filius Paratanes, qui à Magis inductus Christianos persequi coepit; confugerunt Christiani Romam, quos Atticus Episcopus benigne suscepit, & Theodosio Imperatori recommendavit. Hos cum in fidem suam suscepisset Theodosius, statim partem Exercitus sub Artabano Duce in Persiam misit, & Azazanum Provinciam vastari mandavit. Occurrit Romanis Narzæus Dux Persarum, sed ab Artabano in fugam actus, dum fugit per Mesopotamiam, in Romanam ditionem irrumperetentat. Non latuit Romanos Narzæi consilium, quare vastatâ Azazanâ Persarum ditione, in Mesopotamiam contendit, & ibi ad Nisibim urbem Persas stitit. Indignatus Narzæus, Romanis diem pugnæ condixit per Legatos. Sed Artabanus Legatis respondit: Romani Imperatores, non quando tu vis pugnare. Videns autem Artabanus sibi Persas totis viribus incumbere, ad DEum confugit, subitoque Angelis missis Constantinopoli auxiliariis copiis Artabanum sunt consolati, certaque spe victoriæ ad pugnam animarunt. Persas ergo ad Nisibim obsederunt, & auxiliares Persarum copias ab Alamundaro missas terrore pannico confusas, sic perturbarunt, ut se ipsas conficerent, & in Euphratem præcipites abirent. Sic anno Christi 601. quod narrat Majolus inter Theodebertum & Theodericum fratres, atque Clotarium filium Regis Chilperici grave bellum civile exortum est; atque magnâ utrimque cædes commissâ; cum diu ancipiti prælio pugnaretur, victoria tandem cessit fratribus, fugiente Clotario, quia Angelus Domini stetit pro victoribus. Evaginato enim gladio, hostibus minatus est Angelus DEI, nisi campo cederent. Quam benè sub auspiciis angelorum pugnatur. Expertus hoc est Alphonfus Congensium Rex ad fidem conversus, qui pro regnò contra Fratrem pugnare coactus, ope Angelorum gloriosam victoriam reportavit. Hoc defuncto successit filius Alphonfus, qui & in regnò, & in pietate innatâ secutus est vestigia Patris. Obstitit frater idololatra, qui junior licet incredibilis

*Angeli
Theodosio
victoriam
sponderunt*

*Angeli
Theodosio
victoriam
contra
Persas obtinent.*

*Angelus
brutto gladio
Clotarium
fugeret
recogit.*

*Alphonfus
Congen-
sum Rex
per Ange-
los vi-
riam opti-
net.*

credibilem Ethnicorum copiam habuit, cum Alphonfus Frater non nisi paucis stiparetur Christianis. Ventum est tandem ad pugnam, & statim gentiles in fugam acti sunt, ipseque Dux exercitus hostilis captus, fassus est, se magnam militum copiam ex parte Alphonfi vidisse, qui omnes insigniti Crucibus, tantâ luce resplenduerunt, ut oculos suorum perfringerent, adeoque fugere, & campo cedere coacti fuerunt. Certè nullus unquam quantumvis amicus, tot & tam humilia obsequia fidissimò sibi exhibuit, quot Angeli suis Clientibus præstiterunt, Luculento nobis exemplo sit velunus Raphaël, qui id obsequii præstitit Tobiaë, quod fidissimus amicorum vix tam fideliter & apte præstabit. Danieli in lacu existenti arrepto per capillos Habacuc, cibum præstat. Eliam in deserto angelus pascit, & cibo sustentat. Et ut discamus etiam Angelos observare præcepta Ecclesiæ, fuit qui in terræ motu à ruderibus tumulatos pavit parvulos, sed ipsâ die Veneris & Sabbati abstinentiam observavit. Cum enim in celeberrimâ Italia oppido multæ domus corruerent, post tres & amplius exactos dies sub ruderibus, cum duobus filiis vivis & vegetis, inventa est mater mortua. Interrogati sunt ergo pueri, quomodo sic vivere potuerint, dixerunt quotidie illis formosum adfuisse juvenem, qui panem pisces aliaque fercula benè condita cum frigida in potum, illis attulit, quibus recreati sine omni dolore vitam transegerunt. Hoc singulare meminerunt, quod die veneris & sabbati alios cibos non attulerit, nisi quibus vesci licebat. Sic ergo ipsi Angeli contra hæreticam impietatem, jejunii & abstinentiæ jura tuentur. En obsonatores Angelos! Medicos vultis? An non in Evangelii sacro Codice habemus de probaticâ piscinâ, quod Angelus in languentium medelam descenderit de cælo, & aquam moverit? B. Jo-

*Angelus in
vena se-
dione lu-
men Epel-
vim tenet.*

*Angelus
infirma-
rius.*

anni Angelo cum venam incideret Medicus, Angelus Custos lumen & pelvim ad excipiendum sanguinem tenebat. Elisabethæ Rithæ cum infirma esset, Angelus cibos tulit, & lectum stravit. Merito exclamat S. Ambr. in Ep. ad Hebr. c. i. Intelligite nunc quantus honor nobis existat, ad quos suos amicos, ita ministros suos destinat Angelos amantissimus DEUS. Senex Eremita habitavit in solitudine, & quia non habebat qui inferviret, surgebat ille, & si quid in cellâ suâ invenit, id manducavit, sin minus in patientiâ se DEO commendavit. Transegit sic dies triginta in summâ egestate, & DEUS recordatus illius, misit Angelum, qui serviret ei. Servitium hoc fuit per septem

septem dies, & recordati Patres venerunt ut senem inviserent, cum verò pulsassent, Angelus ab eo recessit. Senex verò clamavit ut abirent. Quia verò illi, qui fuerunt foris, senem non intellexerant, vi portam aperuerunt, & ingressi interrogarunt, cur non aperuisset? quibus senex dixit: Triginta diebus fui infirmus, & nemo me visitavit, jam verò septem diebus, misit DEus Angelum suum, qui me visitavit, & vobis venientibus recessit. Quibus dictis in lectulo suo recubuit, & in pace dormivit. *Tob. 12. v. 14.* ipse Angelus Tobie dixit, & nunc misit me Dominus, ut sanarem te. Ubi vides quod ex speciali mandato DEI delegetur Angelus, qui cæcum sanat. Sic S. Martinum per scalas lapsu, & multis vulneribus cruentum sanavit Angelus. Eadem enim nocte adfuit Angelus illius Tutelariorum, qui vulnera optimo inunxit unguento, & plane sanavit, ut altera die sanus appareret. Idem beneficium accepit B. Constantinus Perusina Civitatis Episcopus, qui à quibusdam Marci Imperatoris militibus vulneratus, jam penè exanimis defecerat; adeoque ad DEum conversus rogavit, ut Spiritum suum susciperet. Sed adfuit illi de cælo Angelus, qui eum consolatus est dicens: Noli timere Constantine! Ego sum Angelus DEI, misit me Christus, ut plagis tuis curationem adhibeam; simul ac dixit, omnis plaga curata est. Et sanitatis atque libertatis beneficium, per Angelum accepit. S. Theodorus Martyr Dux exercitus Licinij Imperatoris, Qui postquam in nomine sanctissimæ Trinitatis Draconem interfecisset, DEos aureos & argenteos confregit, & aurum ac argentum pauperibus distribuit, atque plurimos ad Christum convertit. Propter quod per Imperatorem ab officio amotus est, & degradatus populi ludibrio fuit expositus; sed cum omnia impeterritè perferret, ipsumque Licinium crudelitatis argueret, dirissimis tormentis est cruciatus, ac tandem in Crucem affixus. In hac ipsâ Cruce illi intestina lacerata sunt, oculi cum pupillis eruti, ipsi testiculi concisi fuerunt, adeoque ab ipso Licinio pro mortuo relictus fuit. Circa primam verò noctis vigiliam adfuit Angelus, qui eum à cruce solvit, & integræ sanitati restituit. Non absimili libertatis beneficio donatus est per Angelum S. Swibertus ex Angliâ in Germaniam à S. Egberto missus. Venit in locum idolis infamem, ubi cum eorum aras evertere conaretur, suisque concionibus contra illa disputaret, à paganis capitur, & carceri includitur. Sequebantur eum socij ad carcerem, quos ad constantiam

*Angelus infirmari-
us à super-
venienti-
bus pelli-
tur.*

*Angelus
S. Marti-
ni per
scalas la-
psu sa-
nat.*

*B. Con-
stantinus
Episcopus
vulneratus
ab Angelo
sanatur.*

*S. Theodo-
rus ab An-
gelo à Cru-
ce solvitur.*

*S. Swit-
bertum An-
gelus ex
carcereli-
berat.*

in:

in fide fideliter est cohortatus. Post medium noctis adest Angelus cum magnâ charitate, qui spectantibus ipsis custodibus, ipsum à vinculis & carcere liberavit. Ubi ad socios venit, unâ cum illis in genua provolutus, DEO & Angelo suo Custodi pro beneficio præstito gratias egit. Pagani verò audientes ab ipsis custodibus quæ facta sunt, ad fidem Christi sunt conversi. Miramur hæc Angelorum obsequia? Vident illi, hæc nobis præstari ab ipso Angelorum Domino. Hautinus de Angelo Custode refert, quod cum Basilides mare trajiceret, Christum pro clavo sedentem, Angelos verò Reingēs habuerit. Hoc sanè ipsum obsequium cum Angelis præstitit Christus Valgio catechumeno; hic jussu Honorii Imperatoris ex Sardinia in Italiam naves frumentarias devexerat, sed vix ex portu solvit, in evidens incidit naufragium. Dum enim Valgius in fundo navis sentinam exonerat, vident nautæ navim in scopulos impelli, adeoque omnes in scapham onerariæ adjunctam descendunt, & evadere conantur, at non procul inde in scopulos illisi merguntur. Valgius solus in navi relictus, ubi à fundo navis emerit, cum mare totum cadaveribus infame vidisset, seque solum in navi relictum, graviter consternatus, ad DEum se convertit. At verò adfuit cum Angelis Christus, qui Valgium cibo refecit, & malum succidere jussit. Fecit id celerrimè Valgius, & ulteriora mandata expectavit. Instruxit deindè Christus Catechumenum suum in arte nauticâ, neque unquam otiosum esse passus est. Ubi tamen labore lassus obdormivit, illum genibus suis nixum obdormiscere voluit. Dormientem rursus excitavit, & leniter auriculam vellicando, ad labores evocavit. Tenuit hæc navigatio viginti tres dies, quibus ad stuporem senis Valgii exactis, ad Calabria portum attigit. Onerariam viderunt piscatores quidam, qui dum plenam armatis hominibus vident, pyratricam credebant. Ivit navis, usque dum ad portum securè appulit, & tunc Christus cum Angelis disparuit. Valgius qui à Christo Victor est dictus, piscatores inclamans, eos induxit, ut ad Onerariam accederent; quam ubi conscenderunt, & neminem præter Victorem repperunt, famam miraculi evulgarunt, & Onerariam cum singulari triumpho plenè in portum induxerunt. Ubi Victor in portu consistit, quæ sibi occurrerunt, DEum magnificans exposuit, deindè ad S. Paulinum Nolam abductus, & ab illo baptizatus est. *Surius 28. Septembris refert S. Ferreolum Martyrem alatis Angelorum humeris super Rhodanum*

*Basilides
ab An-
gelis vehi-
tur.*

*Valgius
à Christo
& Angelis
salvus ad
portum
adducitur.*

danum translatum. Nautas miraris Angelos? ego medysastinos & famulos domesticos obstupefco. Mirabile est quod *Surius* 22. Julij de S. Wandregisilo scribit. Hic summus in aula Dagoberti Regis Minister, cum aulam Eremo postposuisset, regis imperio revocatus redijt, & in ipso aulae limine currum miscelli rustici reperit eversum, quem magno cum labore & majore sui contemptu elevare iuvit. Riserunt lutulentum dynastum aulici, sed DEUS famulum suum honoravit, quando de coelo misit Angelum, qui inspectante Rege & tota aula vestes illius perpurgavit. De P. Bernardino Realino refert P. Nadasi, quod in Domo ubi confessionem audiverat, baculum suum reliquisset, quem domestici cum devotione magnâ pro solatio suo servare volebant; sed virtute angelicâ illis ablati, & domum relictus fuit, quem sæpè luto infectum Angelus purgavit. Quid dignum potuit esse beneficijs ejus merito exclamat *Tobias* c. 12. Si laudemus pulchritudinem? super Solem pulchri sunt. Dicamus dignitatem? DEI ministri sunt. Extollamus per illos nobis communicata beneficia? mare intrabimus immensum & inexhaustum. Quid ergo? Si lebibimus? ingrati erimus tantis benefactoribus. Loquimur? audaciæ & præsumptionis notam incurremus. Præstat tamen humiliter audere, quam ingratos filere. Dirimit litem meam S. Bernardus qui dum nostram erga Sanctos Angelos expendit obligationem, in *ps. Qui habitat* sic loquitur: Tria à nobis exigunt; Reverentiam pro præsentia, devotionem pro benevolentia, fiduciam pro custodia. Præsentibus nobis sunt, uti diximus & ipse fatetur Origenes, dicens: Ad est cuique etiam minimo, qui sunt in Ecclesiâ DEI Angelus bonus. Qui ergo sit, ut credamus & tamen peccemus? Certe *Seneca* Ep. 11. dicit: Magna pars peccatorum tollitur, si peccaturis testis assistat. *Dan. 13.* dixerunt senes illi, nemo nos videt. Sed heu! quantum fallimini? Videt Angelus. Fallunt aliquando discipuli prædagogos suos; Nemo Angelum. Unde bene S. Bernardus. Caute igitur ambula, cui ubique adsunt Angeli. In omnibus viis tuis, in quovis diversorio, in quocunque angulo, Angelo tuo habere reverentiam; Tunc audeas illo præsentem, quod me adstante non auderes? Jure proinde merito monet; aliquem habeat animus quem vereatur; cujus autoritate etiam secretum suum Sanctius fiat. Exclamat deinde; O felicem illum, qui aliquem sic vereri potest, ut ad memoriam quoque ejus se componat, atque ordinet. Quia quem vereri potest, cito verendus

Angelus S. Wandregisilo lutulentum pallium purgat.

Angelus P. Realino baculum refert & purgat.

Præsentia Angeli nos à peccato cobibet.

dus erit. Quanto magis, si etiam Angelum veritus fueris? Quomodo non mutabis sermones vel affectus animi, si occurrerit, Angelus adest. Hinc S. Ambr. *serm. 1. in ps. 118.* Quamvis cum ancillâ vel meretrice vulgari fuerit, si quem fortè sui facinoris spectatorem cognoverit, ex pudore tamen inceptum deserit. Quanto magis si quis allevet mentis oculos & consideret, plena esse Angelorum omnia, concepto potest renunciare peccato. Benè ergo *Aristoteles in libro de Secret.* Nescitis inquit quod teste Hermogene duo sunt spiritus, quite custodiunt, quorum unus stat ad dexteram, & alius ad sinistram, custodientes & scientes opera tua. Hoc solum in veritate inquit *Aristoteles*, debet ô *Alexander*, retrahere ab omni inhonesto opere. Quis verò Angelorum tutelarium describat benevolentiam? Omnes enim sunt Administratorii Spiritus *ad Hebr. 1.* Nullus sic unquam extitit Hero suo fidelis famulus. Ecce inquit *Exodi 23. v. 20.* Ego mittam Angelum meum, qui præcedat te, & custodiat in viâ, & introducat in locum, quem paravi. Sed attende, quod subiungit. Observa eum, & audi vocem ejus. Patientes sunt fateri beati Angeli, abiguntur sapius à nobis, redeunt tamen iterum ad synceram nostram poenitentiam, suntque tam fideles ut prius. *Flavius Josephus* refert, quando excidium parabatur templo Hierosolymitano, auditas tunc fuisse Angelorum voces: *Migremus hinc!* Si apud nos Angeli DEI, arma vident & bella, si lites & odia spiremus aut foveamus. *Migremus hinc* inquit. Sunt enim hi Angeli DEI, Angeli pacis, non dissensionum. Sic namque in nativitate Christi pacem nobis annunciarunt. Scio ego Angelos in Scripturâ dici *Castra DEI*; sed sunt castra contra inimicos DEI. Inter se nunquam dissident, nec nobis adversarii erunt, si illos audiverimus, illosque secuti fuerimus. *Narrat Bollandus in Vitâ B. Oringæ Virginis*, quod cum illa in *Garganum* ascenderet, ut suam devotionem ergà S. *Michaëlem* persolveret, obviam illi fuerit monstrum equo vectum, quod ferali cursu in illam ferebatur. Illa contremiscens totis artibus S. *Michaëli* se ardentè commendavit, subitoque duo candidi Equites adfuerunt, qui illud horridum monstrum fugarunt, & tutum iter *Virgini* in montem aperuerunt. Occurrent nobis ad montem æternitatis ituris infernales larvæ, si pari pietate in S. *Michaëlem* Sanctosque Angelos feramur, quâ *Ferdinandus Portugalliæ Princeps*, qui diebus singulis ad aram S. *Michaëlis* accessit, pridie deinde festi jejunavit, in festo illius.

Angeli in
excidio
Hierosoly-
mitano &
templo e-
migrant.

Angeli pe-
grinam
ad S. Mi-
chaëlem
descendunt.

Illius etiam sacra communione refectus est, speremus parem à Sanctis Angelis benevolentiam. Hoc enim tam gratum fuit S. Angelo, ut supplicaret B. Virgini, quatenus suum Clientem in innocentia sua terris subduceret, & ad cælum evocaret. Annuit B. Virgo, & brevi ad celestem beatitudinem evocatus est Ferdinandus. Bene omnino monet S. Laurentius Justin. *serm. 1. de S. Michaële* dicens: Innumera mala cohibentur ne fiant. Cohibetur enim demonum malitia, ne ad libitum noceat. Bonorum vita custoditur ne deficiat; quod totum Sanctorum Angelorum patrocínio debemus. Denique fiduciam pro Custodiâ exigit S. Bernardus. Poëta Junonem servatam dixerunt, quia Argum centoculum habuit, qui in pascuis infamem bovem, ne dicam lupam custodiebat. Hesperidum hortos vigil Draco fecit inaccessibiles. Argo oculatior est Angelus, certum ab illo sperare debemus præsidium. Hic quia nunquam dormitat, omni Dracone est vigilantior. Quid ni sub illius custodiâ, semper futuri sumus securi. Concludo itaque cum S. Bernardo: Cum tanta & tam præclara in nos sint beneficia? an non æquum est, ut nos pariter tam singularem illorum benevolentiam singulari cultus genere veneremur? Tobias ab itinere redux à Patre suo sollicitè interrogatur. Quid possumus dare Viro isti Sancto? *Tob. 12. v. 1.* Certè aliud dare non possumus, quam quod ipse utrumque Tobiam docuit *V. 6.* Benedicite DEum cœli, & coram omnibus viventibus confitemini ei, quia fecit vobiscum misericordiam suam. Causam ipse Angelus addidit. Etenim Sacramentum Regis abscondere bonum est, opera autem DEI revelare, & confiteri, honorificum est. Laudatur nimirum DEus si numeremus ejusdem erga nos beneficentiam, quam dum nobis per suos Angelos Custodes nostros, in singula momenta exhibet, magnificemus DEum, ei que gratias agentes, confidamus DEum facturum nobiscum misericordiam suam. Nisi forte quod monet S. Bernardus *serm. 1. de S. Michaële* per assimilationem illis magis placere valeamus. Ut nimirum authore S. Bonav. *opuscul. de septem itineribus æternit.* ardeamus amore cum Seraphinis, scientiâ fulgeamus cum Cherubinis, spirituales facti omnia videamus cum Thronis, nobis ipsis dominemur cum Dominationibus, resistamus inordinatis motibus cum Virtutibus, Regnum animæ in pace gubernemus cum Potestatibus, provideamus cum Principatibus, magna

Angeli nos
custodiant,

proximis exhibeamus cum Archangelis, minora indigentibus subsidia impertiamur cum Angelis, & sic his medijs, illo nos fortissimo Angelorum Custodum præsidio, non indignos reddamus.



DISCURSUS XIII.

De creatione, & lapsu primi hominis.

Sollicitè planè operatus est DEUS in Creatione hominis, dum enim creavit cælum & terram, usus est Verbo Fiat; dum hominem creavit, Faciamus dixit, ut tota quasi Sanctissima Trinitas operosè concurrisset videatur ad hominis creationem, dum reliqua omnia facili Verbo fiat creata sunt & producta. Hinc Tertullianus *l. de resurrex. carnisc. 25. in Gen.* exclamat: Recogita totū illi DEum occupatum ac deditum. Manu, sensu, opere, Consilio sapientiā & providentiā, & ipsā in primis affectuone, quæ lineamenta ductabat. Quo vero tempore homo creatus sit, Scriptura apertè non determinat. Credibile tamen est Adamum & Evam creatos esse die sextā Mundi. Sic enim *Gen. 1. v. 27.* ubi narrat Moyses, quod die sexta mundi creatus sit Adam dicit sacer textus: Masculum & scēminam creavit eos. Postquam verò *v. 28.* DEUS benedixit illis dicens: Crescite & multiplicamini, concludit *c. 1. v. 31.* Et factum est vespere & mane dies Sextus. B. Petrus Damian. *serm. in Assumpt. Virginis* vult primos Parentes creatos fuisse in meridie, dum, dicit: In meridiano lumine primus ille Parens creatus est, & ubi præcepti divini prævaricator extitit, se cum posteritate suā perpetuæ morti destinavit & tenebris. Si quæras ubi Creati sint primi Parentes nostri? constat ex *Gen. c. 2. v. 15.* quod Adam sit creatus extra Paradysum, dum enim dicit Scriptura: Tulit ergo DEUS hominem, & posuit eum in paradyso voluptatis, supponit hæc translatio locum extra paradysum, à quo translatus est priusquam paradysum inhabitaret. Quarē communis est opinio, Adamum creatum esse in agro Damasceno, non urbis Damasci, quod aliqui volebant, sed penes Hebron, in quo loco est copiosa terra rubra, quam significat ipsa vox Adam.

Homo creatus est die Sexta.

Adam creatus est extra paradysum.

Adam. Cur autem DEus non produxerit Adamum in paradyso, sed in agro Damasceno, causam dat Hugo à S. Victore, Quatenus beneficium DEI, non naturæ imputaret, sed gratiæ. Quod idem videtur sensisse Philo Hebræus asserens quod prius DEus creaverit terram, quam Solem & Lunam, ut fructus & terræ dona non Soli aut Lunæ, sed omnipotenti DEI manui adscriberet. Eva verò in paradyso creata fuit, quia ubi Scriptura in citato c. 2. v. 15. de translatione Adami egit, statim v. 18. DEus inquit: Non est bonum hominem esse solum, faciamus ei adiutorium simile sibi. Quare immisso in Adamum sopore tulit unam de costis ejus v. 22. Et ædificavit Dominus DEus costam quam tulerat de Adam in mulierem. Ex quo patet materiam ex qua creatus est Adam, esse terram. Sic enim S. Paulus 1. ad Cor. 17. v. 47. Primus homo de terrâ terrenus. Hebræus legit de pulvere terræ scilicet humido, id est reverâ reali luto. Et hoc est, quod Jerem. 18. v. 6. dicatur: Ecce sicut lutum in manu figuli sic vos in manu meâ domus Israël. Causam dat S. Paulus 1. ad Cor. 1. v. 30. ut non glorietur omnis caro in conspectu ejus. Observavit hoc nobilis Virgo quæpiam, quæ ex humilitate agebat, se omnium creaturarum esse postremam. Serpentes enim & Vermiculi agebat illa saltim ex aliquo sunt, nempe ex putredine, ego verò dicebat illa ex nihilo, & ne quidem ex putredine. Hinc Agatocles ex figulo Siciliæ Rex, mensæ regię adhibuit vasa figuli, neque auro usus est aut argento ut mos est regibus. Laudabilis est hæc suæ originis memoria, excellentior tamen est illa, quæ & naturæ & condicionis humanæ, quam non accepimus à fortunâ, sed hausimus ab ipsâ naturâ, à quâ homo id est ab humo suum desumpsit principium. Quare si hunc te esse memineris, eris certè secundum pronunciatum Philemonis verus homo. Illius verba sunt: Homo cum sis, fac semper intelligas, & semper eris homo. Quare inspicias te, vide quid fueris? & quid modo sis? & undè sis? Consule antiqua sæcula; Incipe à primâ nascētis orbis infantia, interroga quid fueris? audies nihil. In toto illo sæculorum lapsu non fuisti, nec ullus te vidit, nec ullus te audivit. Nec mirum, quia non eras. Igitur ab omnibus retroactis sæculis fuisti nihil. Si procedas ad ipsam æternitatis abyssum, audies etiam quod fueris nihil. Si quæras modo quid sis? audies homo. At unde homo? ex nihilo. Hæc igitur origo tui, nihil. Macedo dum in pugnâ fudisset Athenienses, eaque Victoriâ insolenter usus fuisset,

Eva creata est in paradyso.

Nobilis Virgo, humilis, ex cogitatione sui nihili.

Agatocles Rex filius in mensa utitur.

Homo verus est, qui se ab humo esse cogitat.

*S. Borgias
ter mane
terram
oſculaba-
tur, ut ſe
de terra
ſumptum
meminiſ-
ſet.*

*Moguntinus Ele-
gor quia
rotarii ſi-
lius rotam
praefert.*

*Cognitio
ſui eſt ne-
ceſſaria.*

ne impoſterum immemor eſſet humanitatis, quàm à naturâ induerat, voluit à pueris ſuis honorarijs, ut hoc ei aliquis revocaret in memoriam, inclamando hominem ſe eſſe. Priusquam itaque prodiret in publicum vel ad colloquium quemquam admitteret, puer ei ſingulis diebus ter ingeminabat : Philippe homo es ! S. Franciſcus Borgias verò mane à ſtrato conſurgens, terram quotidie ter oſculabatur; hoc conſilio maxime, ut ſe ex humo cõditum meminifſet. Certè regni Magor Rex Echibor dictus, infimos quosque & tenuiſſimæ fortis ad meritos honoris gradus extulit, qui ne deindè inſoleſcerent, mandavit, ut ipſi præferrent ſignum aliquod ſui prioris ſtatus. Quare ſi agricola fuit, aratrum; ſi hortulanus ſarculum, ſi nauta remum illis præferri voluit. Hoc meliore virtutis Zelo inſtructi ſecerunt plures Chriſtiani. Willegiſus ex filio rotarii Archi-Epiſcopus Moguntinus, ad conclave ſuum rotas affigi & depingi voluit, cum Epigraphe : Memento quo parente natus ſis. Quis modo ſuperbiat ? ſi ſe ex luto & limo eſſe ſciat, & in limum, atque adeò limo pejorem putredinem rediturum. Occurrit hic illa Chriſti ad Catharinam Senenſem allocutio. Noſti inquit ille, filia mea, quis ego ſum ? & quæ tu ſis ? Tunc ſubdit ; Ego ſum qui ſum. Tu es, quæ non es. Scire autem vultis quam neceſſaria ſit hæc ſeria ſui cognitio ? audite S. Bern. l. 2. de Confid. ubi ſic ad Eugenium loquitur : Noveris licet omnia myſteria, noveris lata terræ, alta cœli, profunda maris. Site neſcieris, cris ſimilis ædificanti ſine fundamento, ruinam non ſtructuram faciens. Quidquid exſtruxeris extra te, erit inſtar congeſti pulveris ventis obnoxium. Ut autem id evidentius oſtendat; duplici utitur ſimilitudine; primam accipit ab ædificio quod in altum erigitur, ſed nullo prius jacto fundamento, undè non ſtructuram ſed ruinam aſſerit. Et talis eſt omnis ſcientia alia, ſine cognitione ſui. Altera ſimilitudo petitur à pulvere malè congeſto, ex quo licet cumulum ingentem feceris, ſi ventus aſpiret vehementior, ſit ludus Ventorum. Sic erit, ſi omnem ſcientiam aliam accumulaveris relictâ tui ipſius cognitione, pulverem accumulaviſti, & præterea nihil. Unde nihil tibi nec in terris, nec in cœlis reliquum erit. Hæc ubi S. Bernardus ad Eugenium dixiſſet. Tunc ſic proſequitur. A te proindè tui incipiat conſideratio, non ſolum autem, ſed & in te finiatur. Quocunque evagetur, ad te revocaveris eam, cum ſalutis fructu. Tu primus tibi, tu ultimus. Inſtat ulterius. Non ergo ſapiens, qui ſibi

non

non est sapiens subdit deinde l. 5. de Confid. Utinam hoc nossent infulata & coronata capita, non sic evagarentur, quia intra naturæ & rationis limites continerentur. Pulchrè S. Chrysostomus hom. 26. in c. 8. Mat. Abrahamum & Davidem in exemplum adducit. Non est inquit minima pars Philosophiæ posse meritum suum dignoscere. Ille maximè se ipsum novit, qui se nihil esse existimat. Propterea quippe David & Abraham, postquam jam ad summum Virtutis fastigium evaserunt, illud, quod dico, præcipuè videntur implevisse. Nam unus quidem dixit se esse terram & cinerem, alter vero se vermem vocabat. Nec spectabat hic aut ille, quid à splendidioris fortunæ phaleris esset, sed quid à naturâ. Et hoc ab Eugenio voluit S. Bern. l. 2. de Confid. Hæc tui Consideratio inquit in tria quædam dividitur. Si consideres Quid? quis? & qualis sis? Quid in natura? Quis in persona? qualis in moribus. Quæris & attendis quis sis? statim audies Sacerdos Magnus, Summus Pontifex. Tu Princeps Episcoporum, tu hæres Apostolorum. Tu primatu Abel, gubernatu Noë, patriarchatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus, unctione Christus. En quis est inquit Bernardus; Sed nosci etiam oblivisci quid? Ino & opportunè cum eo quis es? & quid ante eras considera. Quid dico eras, & nunc es. Quid definis intueri? quod non desisti esse: Et paulo post. Denique illud natus es, mutatus hoc, non in hoc mutatus. Non rejectum illud, sed istud adjectum, quod Episcopus, quod Pontifex, non tamen rejectum illud, quod homo. Tibi enim consideranti quid sis, necesse est naturâ occurrere, quia es homo, nam homo natus es. Deinde quærit ex Eugenio. Quid tibi horum videtur ad parum esse tui, & ad te principalius pertinere. Quod factus es, an quod natus? nonne quod natus? Hoc ergo consulo consideres maximè, quod maximè es, hominem videlicet. Tolle proinde nunc hæreditaria hæc perizomata, ab initio maledicta, disrumpe velamen foliorum tegentium igneminiam, non psagam curantium, dele fucum fugacis honoris hujus, & male coloratæ nitorem gloriæ, & nudum nudè consideres, quia nudus egressus es de utero matris tuæ. Numquid infulatus? numquid micans gemmis, aut floridus sericis, aut coronatus pennis, aut suffarcinatus metallis? si cuncta hæc veluti nubes quasdam inatutinales velociter transeuntes, & citò pertransituras dissipet & exfumes à facie considerationis tuæ, oc-

CURRERE

curret tibi homo nudus & pauper, & miser & miserabilis. Homo inquam natus de muliere, & ob hoc cum reatu brevi vivens tempore, ideoque cum metu, repletus multis miserijs, & propterea cum fletu. Concludit tandem: Salubris copula, ut cogitans te summum Pontifice, attendas pariter te vilissimum Cinereum non tantum fuisse, sed esse. Imitetur cogitatio naturam, & quod dignius est authorem naturæ, summa imaque consocians. Quare expendamus bene, quales à naturâ sumus, non quales ab ascitijs ornamentis, à quibus nobis usu venit, quod statua ex luto facta. Hæc licet tegatur pretiosis vestibus, auro gravetur, gemmis ornetur, ijs omnibus positis statua videtur, & est, & quidem lutea. Et nos ij sumus etiam in insula, etiam in tiarâ, & coronâ. Adjiciuntur hæc omnia homini; nec proinde rejicietur quod hominis erat, sed relinquatur. Quid pulchrius veriusque hæc S. Bernardi consideratione? Quare ergo superbis ô homo! qui cinis es & lutum. Superbiat Eva, quæ non ex luto sed ex costâ ipsius Adæ, non tropicè uti voluit Origenes, sed propriè & realiter in sceminam à DEO ædificata est. Ubi bene notat S. August. Quod non de capite aut pedibus facta sit, quia mulier non debet esse Domina, non sèrva, sed socia Viri. Ex costâ sub brachijs, quia debet esse sub tutelâ Viri. De Substantiâ Viri, quia Vir & uxor non tam sunt duo, quam unum. Denique de Costâ inquit dormientis, quia sicut dormiente Adam ex ejus latere facta est Eva, ita mortuo Christo ex ejus latere facta est Ecclesia. Huic conformiter loquitur Hugo de S. Victore: Evam non ex capite aut pedibus creavit DEus, ne aut Domina, si de capite; ne ancilla, si de pedibus putaretur. Sed de costis eam tulit dicente scriptura. Tulit unam de costis ejus & ædificavit illam in mulierem. Pergit ulterius Hugo idèò à DEO de medio, id est de costâ sumi debuit, ut socia intelligeretur. Non ut regnet, sed ut regnare adjuvet. Et hinc DEus dixit, faciamus adjutorium simile. Hinc mulier Viro veluti suo principio à quo sumpsit originem debet dare præminentiam. Vir autem mulieri debet amorem, ut eam amet, sicut se ipsum. Hinc enim Adam dixit: Hoc nunc os de ossibus meis & caro de carne meâ. Adeoque Thomas Angelus Cardinalis dixit Evam factam ex Costâ Adami. Hoc factum est inquit, ne ipse Vir eam contemneret, nec illa tamen propter hoc præsumeret, quia quidquid habuit, & locum & dignitatem & materiam, mediante Viro habuit. Ut propterea S. Th. in 1. p.

q. 92.

Eva ex
costâ Ada-
mi, cur?

Mulier
viro debet
præemi-
nentiam Viri
mulieri a-
morem.

q. 92. art. 2. in corp. dicat : Mulierem fuisse Viro adjunctam non tantum pro necessitate generativâ sicut in brutis, sed etiam propter domesticam vitam, in quâ sunt aliqua opera Viri, & aliqua fœminæ. Quid autem proprium opus Viri sit, dicit ipse, in quâ scilicet domesticâ vitâ vir caput est mulieris. Ergo si opus Viri, opus est capitis, cujus est imperare ac regere, opus fœminæ erit obedire, non tamen ut ancilla, sed velut adiutorium & socia. Qui ordo si in matrimonio servetur, summa in domesticâ familiâ quies est. Nam teste S. Greg. Nazianz. Non est dissensionis & confusionis DEus, sed pacis & ordinis. Benè utique Euripides asseruit : Quam maxima existit salus, cum uxor cum Viro non dissidet. Quare inepte planè apud Sacas Scythiæ populos olim actum fuit, quando is qui puellam in uxorem duxit, primâ nocte cum illâ pugnam suscepit, in quâ si sponsum puella superavit, illa captivum abduxit, & viro imperavit. Si verò à Sponso victa fuit, Viro totâ vitâ mansit subiecta. Fuit qui alternis mensibus cum uxore habuit imperium domus suæ, sed eo mense quo uxor imperavit, maritus nunquam ausus fuit domi permanere, huius enim omnia illa, quæ mense priore peccavit, præsertim & durius imperavit. Felicius & divinæ ordinationi conformius egit Livia Augusti Cæsaris uxor, quæ interrogata, quomodo sibi Cæsarem subiecisset? respondit multâ modestiâ, scilicet, quod ea quæ placerent Augusto libenter fecerit, quodque dissimularet se scire, quibus ille vitiis implicaretur. Miranda & planè rara fuit in uxore erga Gualtherum Pedemontij Dominum Virum suum subiectio. De hac Petrarca de Obed. & fide uxoria pag. 601. sic scribit. Erat hic Gualtherus venationibus mirè addictus, sed à nuptijs aversissimus. Quare cum illum Primates sui Ducatus sæpius hortarentur, ut nuptias iniret, ille verò illorum postulatam sæpius rejiceret, importunis tandem eorum precibus annuit, sed fidem illorum obtestatus est, ut si quancunque ille sibi consortem suam delegerit, ipsi pariter illam ut Dominam suam venerarentur. Præterierunt interim dies aliquot, dum ille in villam progressus, Griselidem formâ corporis egregiam puellam, cujus venustatem & mores ipse sæpius attentè observavit, sibi uxorem delegit. Instabat iam nuptiarum Dies, nec undè sponsa ventura esset quisquam poterat suspicari. Mundus omnis muliebris erat paratissimus, vestes aderant elegantissimæ, tota aula fervebat obsequijs, omnes sponfam avidissimè præstolabantur. Tunc Gualtherus quasi

Sponsi pro
imperio
pugnabant

Alternis
mensibus
maritus &
uxor im-
perant.

Livia Au-
gusti uxor
modestia
sua Cæsarem
imperavit.

Sponsæ obviam processurus, domo versus villam egreditur, interrim Grifeldis omnium ignara, aquam à fonte ferebat, & cum hac portam domus intrare parabat. Quam Gualtherus nomine suo compellans, Grifeldis inquit, ubi est pater tuus? quæ cum reverenter, & humiliter respondisset, illum domi esse; exitum clam allocutus est; & an se Generum veller? interrogavit. Obrigit penè senex, quem tamen manu apprehensum in domum induxit, filiamque evocavit, ac his verbis allocutus est. Et Patri tuo & mihi placet, ut uxor mea sis, credo quod etiam tibi placeat? Hoc tamen scire cupio, ubi in thalamum admissa fueris, an eo animo sis futura, ut nullâ in re à voluntate meâ dissentias? Quod ubi illa attonitalicet, constantissimè tamen se facturam promisit, in publicumeductam populo ostendit. Hæc dixit uxor mea, hæc Domina vestra est; hanc colite, hanc amate, atque statim in domum inductam regalibus vestibus ornari iussit, quam ornatam deindè pretioso in digitos inserto annulo sibi desponsavit. Niveo deinde equo impositam, in aulam applaudente universo populo induxit, atque nuptias solennissimè celebravit. Ornabatur intereâ Grifeldis à cælo omni gratiâ, ut non à stiva, sed aulâ ipsâ educata crederetur; ita nimirum omnium in se animos rapiebat. Annus nondum evolutus erat, cum illa filiam enixa fuit pulcherriam, quâ ablactatâ Gualtherus Grifeldem aggressus est, ut originis suæ memor esset, subditos nolle parere hæredi puellæ, atque adeò invitum se cogi, ut filiam tollat. Illa filiam in sinu suo tenens; Tu inquit noster es Dominus, de nobis pro libitu disponas. Dolorem Gualtherus simulans tristis recessit, atque evocato famulo, ut filiam à matre tollat mandavit. Quam Grifeldis osculata, & nihil turbata, signo Crucis inunitam famulo tradidit. Oeculte interim Gualtherus filiolam suam Bononiam ad Sororem suam transmisit, rogans, ut non innotesceret, cujus hæc filia esset. Transiverunt interim anni quatuor, non turbatur Grifeldis, sed gravida rursus cum plausu omnium pulcherrimum filium peperit. Bimulus jam erat puer, cum rursus Gualtherus ut antè Grifeldem aggreditur, sed pari illa constantiâ etiam filium osculatur & impresso Crucis signo benè precata filium voluntati Gualtheri tradidit. Sæpius Gualtherus, de filio & filia mentionem ingessit, nunquam tamen illa animum mutavit. Vulgari etiam cœpit rumor, Gualtherum fastidire uxorem, & de repudio cogitare. Finxit insuper se Roman misisse pro divortio, & licentiâ paris Con-

jugis,

*Grifeldis
miranda
erga ma-
ritum suum
subiectio*

jugis, famaue spargebatur, licentiam obtentam jam esse. Quare Grifeldem in publicum eduxit Gualtherus, & coram Proceribus repudiat. Quod illa æquissimè ferens DEum testata est, animo semper ancillam mansisse, atque adeo nec dotem appetijt, cui fides Conjugalis sufficiens census fuit. Nec aliud nisi Camisiam deprecata, seminuda quasi, in patrios lares est regressa. Ubi mirà cum constantià pristinas induta lacinias æquissimo animo sortem suam tulit. Jam Bononià expectabatur nova sponsa cum Grifeldem repudiatam evocat in aulam Gualtherus, & mandat ut venienti sponsæ domum paret; arreptis illa scopis, domum verit, lectos sternit, & obsequiosè omnia adornat. Cum ecce adest sponsa, quam omnes velut DEam cælo lapsam tenerrimè venerabantur, & ipsa Grifeldis flexo poplite venerabatur. Interim in frequenti ministerio occupatam Grifeldem evocat Gualtherus. Quid tibi videtur inquit de hac mea Sponsa, quam cum copiosè dilaudasset Grifeldis, Gualtherus amplius continere se non potuit, sed in amplexum Grifeldis ruit. Et tu inquit sola es mea uxor, aliam nec habui, nec habebō. Ista autem quam tu sponfam meam putas, filia tua est, hic qui Cognatus credebatur est filius tuus. Noverint proindè omnes, qui de me sinistrè censuerunt, me non barbaro animo Conjugem damnasse, sed pio zelo probasse. Occultasse me liberos, non machasse. Quæ illa audiens in suorum liberorū amplexus & oscula ruit, subitoque à matronis pretiosè rursus vestita, diem insolitis pausibus lætum fecit. Exindè per plures annos ingenti cum pace & concordia vixerunt. Senem Grifeldis parentem ad aulam evocavit, eumque in summo honore & amore habuit, filiam magnificis nuptijs ornavit, & filium ingenti cum subditorum gaudio suarum ditionum hæredem reliquit. Omnes denique summi æque ac infimi hanc in Grifelde fidem & constantiam mirati, insolitæ Virtutis & subjectionis in fœmina rarum exemplum omni posteritati transcripserunt. Ita fecit & omnibus Conjugatis reverentiæ ac subjectionis reliquit exemplum Beatissima Virgo, quæ Luc. 2. v. 48. cum filium per triduum perditum invenisset, eum sic est allocuta: Fili quid fecisti nobis sic? Pater tuus & ego dolentes quærebatimus te. Ubi vides quod Josepho primas cedat humillima Virgo, nimirum ut ostenderet, quo honore uxores prævenire debeant maritos suos, si DEum sincerè ament. Esther namque c. 1. v. 20. decretum erat: Cunctæ uxores tam majorum, quam mi-

*Maria
subiecta
Sponso Jo-
sephum re-
veretur.*

norum deferant in aritis suis honorem. Quod S. Paulus *ad Eph.* 5.
v. 22. clare præcipit. Mulieres Viris suis subjectæ sint, sicut Domino.
 Causam addit *v. 13.* Quoniam Vir est caput mulieris; sicut Christus
 caput est Ecclesiæ. Vir enim origine naturæ & sexus perfectione, ac
 corporis dignitate, multo dignior est qualibet muliere. Quia non
 propter mulierem Vir, sed mulier propter Virum creata est. Hinc
1. ad Cor. 11. v. 8. dicit Paulus: Non enim Vir ex muliere est, sed
 mulier ex Viro. Paulo post tamen subjungit. Verumtamen neque
 Vir sine muliere, neque mulier sine Viro in Domino. Scilicet ra-
 tione mutux conjunctionis; nam sicut Mulier de Viro primitus, ita
 & Vir per mulierem modo progignitur & propagatur; atque in eâ
 & ex eâ formatur. Concludit S. Paulus. Omnia autem ex DEO.
 Quare merito mulier adjutorium Viro simile à scripturâ nominatur.
 Maria itaque non uteri sui Virginalis dignitatem, sed sicut humilli-
 ma omnium fuit, ordinem conjugalem attendens, sibi Virum Jose-
 phum præposuit. Ut discant verè bonæ mulieres Viris suis præstare
 obedientiam. Ulterius S. Augustinus investigat, & sollicitè expen-
 dit verba illa? Non est bonum hominem esse solum. Faciamus ei ad-
 jutorium simile sibi. Quare *de Genesi ad lit. lib. 9. c. 3.* inquit. Quæ-
 ritur ad quam rem fieri oportuerit hoc adjutorium? Respondet ipse
 sibi; nihil probabiliter occurrit, quam propter filios procreandos.
 Refutat deinde aliorum opiniones, quorum aliqui dixerunt; DEUM
 fecisse Evam in sociam laborum. Sed pulchrè rejicit hanc opinio-
 nem dicens: At nondum erat labor. Et si labore opus esset, melius
 id DEUS per adjutorium masculinum præstitisset. Alij dixerunt Evam
 Adamo esse datam in solatium solitudinis. Sed quid tædij pati potuit
 Adam, positus in paradyso voluptatis? Quare illud credendum est
 inquit, quod Viro ad generandum apto creato, etiam fœmina ad con-
 cipiendum apta, & ad nutriendum fœtum accommodata, produci
 debuerit. Et ideo dixit DEUS; Non est bonum hominem esse so-
 lum. Placet autem mihi Rupertus Abbas., Qui asserit DEUM cum
 hac generatione materiali simul spirituale intendisse, dum finem ma-
 trimonij nempe generationem, in ordine ad regenerationem ordi-
 navit. Adjutorium inquit ad multiplicandam prædestinatorum spe-
 ciem Sanctorum. Quasi diceret, DEUS Adamo Evam adjunxit, non
 solum ob generationem Carnalem, verum etiam ad multiplicandam
 & cœlo adscribendam sobolem. Ut virtus in Societate justorum
 crescat,

crefeat, tantoque plus extollatur, quanto à pluribus amatur & colitur. Sic in adiutorium salutis fuit Clotildis nupta Clodovæo, Jugundis Hermenegildo, Monica Patricio, Anatolia Adriano, Cæcilia Sponso suo Valeriano. Ut verum sit illud Paul. 1. ad Cor. 7. v. 14. Sanctificatus est Vir infidelis per mulierem fidelem. Quot enim regnorum & Provinciarum Conversiones per Sanctas fœminas factæ sunt? Docet hoc Regina Persarum nomine Cæsarea, de quâ S. Greg. Turon. l. 11. c. 9. *hist. Franc.* Quæcum videret se apud Regem Maritum suum, non posse Christianè vivere, mentito habitu ex Persiâ Constantinopolim profugit, ubi auxilio Mauritij Imperatoris reditum urgente marito Rege, reducta est, & unâ cum Rege ac Sexaginta Persarum millia sacro Baptismo fecit initiari. Celebris fuit illa Conversio totius Tartariæ quæ beneficio Sanctæ Reginæ fuit obtenta. Cum enim Caslanus Tartarorum Rex omnem Syriam exercitu suo inundasset Rex Armeniæ tantâ potentiâ perterritus, petenti Regi barbaro filiam suam Christianam negare non potuit. Hæc post tempus consuetum, deforme planè partum edidit, ut cum Rex suum negaret, adeoque Reginam velut adulteram supplicio ultimo addixit. Quid agat innocens Regina? à DEO auxilium petit, à quo confirmata in fiduciâ suâ, à Rege rogat, ut priusquam moriatur, partum sibi baptismo abluere liceat; annuit Rex, sed sic, ut se & aliis præsentibus, id fiat, ne ulla suspicio magiæ adesset. Ubi puer baptismo tinctus fuit, formosus planè factus, Regem & Satrapas ad fidem Christi convertit. Pulchrè S. Chrysostomus *hom. 60. in Joan.* Nihil potentius est muliere bonâ, ad instruendam & informandam vitam quæcunque voluerit. Neque tam leviter amicos, neque Magistros, neque Principes patietur; ut Conjugem monentem atque consulentem. Habet enim voluptatem quandam admonitio uxoria, cum plurimum amet, vel ut alii legunt ametur, quod consulit. Sic uxoris consilium dum amavit Gentilis ille in Urbe Nisibi, largissimam à DEO remunerationem accepit. Hic enim copulatus uxori Christianæ & piæ, dum ex uxoris consilio, pecuniam quam habuit, Christo in pauperibus concredidit, & quinquaginta florenos inter pauperes distribuit, dum verò lapsu temporis egere cepit, nec videret undè DEUS Christianorum fœnus ab uxore promissum redderet, ille tristari & indignari visus est. Placavit maritum pia uxor, & de fidelitate divinâ maritum securum esse iussit. Abi inquit ad tem-

*Conversio
nes regno
rum per fœ-
minas.*

*Per fœmi-
nam con-
vertitur
Persiæ.*

*Tartaria
per fœmi-
nam ad fœ-
dem Chri-
sti addu-
citur.*

*Baptismus
puerum de-
formem
formosum
facit.*

*Mulieris
monitio
grata est.*

plum, & DEum nostrum adi, erit hic aliquis, qui tui misereatur. Abit ille, sed dum neminem videt, qui sibi pecuniam offerret, dum suam calamitatem tristis luget, in terrâ nummum aureum invēnit, quem uxori domi dedit, ut inde aliquid sibi in prandium compararet. Emit illa piscein in quo exenterato lapillum pretiosum reperiunt, quem ex consilio uxoris pretij ignarus maritus ad gemmarium desert. Gemmarius qui lapilli excellentiam primo aspectu statim novit, dum pretium majus offert, maritum ad risum provocavit. Sed dum gemmarius pretium auget, alter verò risum intendit, tandem licitatio usque ad quingentos florenos ascendit, quos ubi marito numeravit gemmarius, ille cum gaudio ad uxorem domum tulit, atque ex Consilio uxoris DEum Christianorum fidelem esse didicit. Certè in Scripturâ sacrâ Abrahamum DEus monuit, ut Saræ uxoris suæ pareret consilium, *Gen. 21. v. 12.* Cum enim Sara videret in familiâ suâ quædam non rectè agi, nec ludus Ismaëlis cum Isaac sibi placeret: dixit Abrahamo. Ejice ancillam & puerum ejus. Cum verò Abraham faceret difficultatem, monuit DEus Abrahamum; Non tibi videatur asperum super pucro, & super ancillâ tuâ. Omnia quæ dixerit tibi Sara, audi vocem ejus. In quem locum S. Hieronymus: Quis non obstupecat? Abraham sapiens erat, & amicus DEI, quales non multi, dicit nihilominus illi DEus, plus hac in re sapere mulierem, quam ipsum. Occurrit hic Apologus ille, qui refert Jovem cum Mercurio iter habuisse per agros, & quasi viæ ignarum, quævisse ab ignavo aratore, quâ eundum esset? Huic arator quem loqui pigebat, vix parum sublato pede viam ostendit. Cum verò parum processissent, in ancillam gnaviter laborantem inciderunt, quam pariter de recto itinere interrogarunt. Hæc viam non modo promptè ostendit, sed etiam officiosè ad magnum spatium eosdem est comitata. Mercurius pro puella sollicitus, à Jove gratiam precatus est. Deliberans quasi Jupiter, tandem se resolvit, ut hæc puella ignavo illi rustico copuletur, Miranti Mercurio respondit Jupiter, se hoc pacto utrique consulere, hac enim sociâ ignavum excitandum, & cum hoc marito illam non fore insolentem. An frustra credamus sapientissimam Abigail conjunctam Viro stulto Nabal? Porro Sapientiam Abigail commendat in eo scriptura 1. Reg. 25. quod ferociam Davidis fregerit, & Nabal maritum suum opportunè monuerit. Cum enim Davidi petenti pro se & sociis suis, negasset Nabal charitativum subsidium,

DEus monet Abraham ut Saræ uxoris consilium sequatur.

Jupiter stupido marito industriam puellam collocat.

fidium, indignatus David furentibus armis processit everfurus Nabalum & domum ejus. Occurrit tunc Abigail, & ita placavit Davidem, ut ab omni vindictâ abstineret. O quoties domus integræ converterentur, ab ebrio aut furioso marito, nisi sapiens uxor furori frænum imponeret. Laudatur deinde Abigail Sapientia in eo, quod Virum ebrum non monuerit; sed ubi vinum digessit, modestè ea quæ acta indicaverit, sic enim in citato c. 25. v. 26. Scriptura loquitur: Venit autem Abigail ad Nabal, & ecce erat ei convivium in domo ejus quasi convivium Regis & cor Nabal jucundum. Erat enim ebrus nimis. Et non indicavit ei Verbum pusillum aut grande usque manè. Diluculo autem cum digessisset vinum Nabal, indicavit ei uxor sua verba hæc. Abigail non corripit maritum peccantem contra Davidem, neque ei periculum mortis, aut invasionem paratam militum, neque suam in placando Davide sollicitudinem obtrudit. Nabal enim erat tunc ob vini potentiam in maximo incremento furoris & stultitiæ, & ideo tacuit Abigail usque mane. Benè Abul. q. 13. in hunc locum observavit Abigail tempus ad loquendum Viro. Quantæ uxores meliora celebrarent connubia, si non importunè, sed suo tempore loquerentur. An non meritò exclamem cum Seneca l. de Consol. c. 6. Quis dixerit naturam malignè cum mulieribus egisse, & virtutes illorum in arcum retraxisse. Par illis mihi crede cum Viris vigor, par ad honesta facultas. Et hoc quidem ex eo patet, quod omnes Virtutes quasi fœminis congenitas, sexu, cultu, & vultu fœmineo expressas in statuis & imaginibus videamus. Hoc Philo Alexandr. l. de fuga pulchrè observavit. Virtutes omnes inquit ille habent appellationes fœmineas. Hinc enim Grammatici dicunt hæc fides, hæc spes, hæc charitas. Ut cœlestes Nymphæ pinguntur, & oculis animisque proponuntur. Quod mirum videri non debet, quia ipse S. Aug. serm. 8. de Sanct. prærogativam quandam Virtutis & devotionis fœmineo sexui tribuit, dicens: Intercede pro devoto fœmineo sexu. Ut vel ex hoc capite Didacus de Ruiz inferat, plures fœminas salvandas quam Viros. Quia mulieres & puellæ domi manent, vel templa frequentant, dum Viri foris vagantur, popinas obeunt & potitant. Ubi enim de pietate quæstio sit, fœminæ semper Viros prævertunt. Patet hoc Exodi 35. v. 22. Egressaque omnis multitudo filiorum Israel obtulerunt mente promptissima atque devotâ primitias Domino, ad faciendum opus tabernaculi testimonij,

*Virebrius
ab uxore
non mole-
standus.*

*Virtutes
habitu
fœmineo
fœminis
congenite.*

*Fœmina
magis de-
vota quam
viri.*

Quid-

quid ad cultum & vestes necessarium erat. Expresse deinde subdit. Viri cum mulieribus præbuerunt armillas & in aures, annulos & dextralia. Sant Pagninus legit: Viri post mulieres venerunt. Quasi diceret: Licet omnes ad pium opus conferre decreverint, Viri tamen post mulieres venerunt, quia in pietatis operibus mulieres Viros semper prævertunt. Confirmat hoc Oleaster in hunc locum dicens: Fœminæ prius venerunt, deinde Viri, quoniam promptiores sunt semper fœminæ ad opera pietatis & religionis, quam Viri. Quod maxime in templi ornatu apparet, dum quadam tenerâ pietate labores suos annuos Illustrissimæ sapientis matronæ, regięque in o familiæ DEO consecrant & offerunt. Certè Theresia de la Cerda elegantem tunicellam JEsulo, suo in sacello domestico concinnaverat, quam cum pridie solennitatis illi imponere vellet, tenero affectu atque extensis brachiis dixit: Veni corculum meum, dilecte Pufio! Est quod eleganti & pulchrâ tunicâ te velim induere. Et ecce lapideus puerulus ex Sinu matris suæ egreditur obviam, seque Theresiæ manibus sistit, ab eaque eleganti illa vesticulâ indutus, rursus se in sinum matris suæ reposuit. Ubi hoc vidit Theresia longè pulchriorem vesticulam apparavit, quæ ubi perfecta fuit, rursus tenerrimo affectu accessit, & JEsulum illa induit. Quam infans lapideus iterum his verbis est allocutus. Tu quidem filia mea multum sollicita es, ut me in imagine meâ mortuâ condecores, nulla verò tibi cogitatio venit, ut me in Eucharistiâ præsentem adornes. His dictis conticuit parvulus, & Theresia magno studio, tabernacula & ciboria in templis, per se & alios ornare conata est. Neque hoc mirum videri debet, cum legamus hoc ipsum citato Exodi cap. 35. v. 25. confirmari. Sed & mulieres doctæ quæ neverunt, dederunt hyacinthum, purpuram & vermiculū ac byssum & pilos caprarum spontè propriâ cuncta tribuentes. Ubi vides fœminas præter ea, quæ ipsis cum Viris communia erant, hæc insuper spontè propriâ & piâ inclinatione in cultum templi obtulisse. Quod sicut de liberali illarum pietate singulariter laudatur, ita in reliquis pietatis exercitiis, tum in Sacramentorum frequentatione, tum in templi aditu, illis est singulare. Ut propterea non sine gratiosâ observatione animadverterit Oleaster, non absque mysterio factum esse, ut dum Exodi 34. v. 23. præcipitur. Tribus temporibus apparebit omne masculinum tuum in conspectu omnipotentis DEI Israël, nulla fieret mentio fœminarum. Exclamat proinde,

JEsulus
lapis
tunicam
pulchram
lubens ac-
ceptas.

proinde, Itane verò Domine oblivisceris fœminarum? sed sibi respondet: Non enim ignorabas devotum hunc sexum, hoc sine præcepto facturum. Ideoque propter Speciales prærogativas, quibus se tenerrimè fœmineo sexui communicavit ipse Christus, quando familiariter cum illis sæpius in formâ visibili est conversatus, habemus in sacro Evangelii codice, quod Christus fœminis post resurrectionem suam primo gloriosus apparuerit. Quod vel maximè refundi debet in singularem illarum pietatem erga Christum, cui & vivo & mortuo religioso obsequio suo astiterunt. Cum enim sepultus jam esset Dominus illæ cum aromatibus venerunt, ut Jesum ungerent, dum Viri ob timorem Judæorum profugi, etiam clausis januis timidi latuerunt. Certè prærogativam singularem Ecclesia tribuit fœmineo sexui, quam nunquam Viris indulgebit. Quis enim Virorum etiam Sanctissimorum omnes Angelos supergressus est, & purus homo super illos est exaltatus? Et tamen de B. V. canit Ecclesia, Exaltata es Sancta DEI Genitrix super choros Angelorum. Exclamat Hugo Cardin. inc. 3. Pauli ad Galat. Nota privilegium mulierum! pura mulier supra choros Angelorum, non purus Vir.

Fœminarum præ Viris singulare privilegium.

Unde non parum miror Theodoretum qui asserit Evam non esse productam ad imaginem & similitudinem DEI, quod aliqui ex illo Gen. 1. faciamus hominem ad imaginem & similitudinem nostram deducere volunt ex Gregorio Nysseno, qui licet asserat DEum non dixisse faciamus mulierem ad imaginem & similitudinē nostram; reverâ tamen est in sensu contrario. Advertendum enim est, quod DEus dixisset, faciamus hominem ad imaginem & similitudinem nostram, statim subjunxerit masculum & fœminam creavit eos. Pulchrè proinde respondet Pererius: Quod imago & similitudo DEI, non ad corpus, sed ad animam & gradum naturæ intellectuæ sit referenda. In quâ tres potentie nimirum memoria, intellectus, & Voluntas sunt vera imago Sanctissimæ Trinitatis. Quia sicut in divinis Pater cognoscendo se, generat filium, & hunc amando spirat Spiritum sanctum. Ita homo intelligendo & cognoscendo se producit intellectionem id est Verbum mentis, & amando seipsum amorem generat. Quare cum natura intellectuæ æqualiter sit in muliere ac Viro, merito Greg. Nyf. quætionem præsentem decidens orat. 1. hom. de Creat. inquit, Mulier perinde atque Vir ad imaginem DEI facta est. Eundem honorem habent ambæ naturæ, pares Virtutes.

Eva non minus quàm cum Adam facta est ad similitudinem DEI.

tes. Quod graviter confirmat S. Basilius *hom. 15. in Gen.* super verba illa : Masculum & scēminam fecit eos , dicens : hoc dixisse Moysem , ut sciamus ad utrumque referri imaginem DEI , & non minus scēminam quam Virum esse imaginem DEI. Ex quo pariter deducitur Evam non minus quam Adamum in gratia fuisse productam. Quia gratia data Adamo , erat gratia non personæ sed naturæ , adeoque data est cum naturâ , quæ sicut diximus cum æque fuerit in Eva ac in Adamo , uterque in gratiâ creatus censi debet. Et hinc *Ecclesiastis 7. v. 30.* dicitur : hoc inveni quod fecerit DEUS hominem Rectum id est in gratiâ. Affirmat hoc S. Th. *p. 1. q. 91. art. 1.* ubi Adamum & Evam fatetur sine macula in gratiâ productos. Ex quo bene inferunt Theologi, B. Virginem Mariam sine peccato Originali fuisse conceptam , quia ex ejusdem S. Th. doctrinâ debuit in B. Virgine apparere omne id , quod perfectionis fuit. Si ergo hæc perfectio concessa fuit primis parentibus , ut sine omni maculâ in gratiâ fuerint producti , bene inquam concludunt Mariani Theologi , Mariam esse sine omni macula , quando illa fuit Mater viventium , & ipsius etiam filii DEI , cum id primis parentibus , qui nos ad mortem genuerunt , fuerit à DEO indultum. Ulterius curiose indagant aliqui , an si Adam non peccasset gratia illa fuisset originalis , quæ sicut peccatum Originale transfusum est in posteros , ita ex suppositione servati præcepti , omni posteritati fuisset concessa. Ut quemadmodum primi parentes , vi suæ gratiæ in quâ conditi sunt singularem habuerunt divini Numinis assistentiam contra indecentes motus concupiscentiæ , quod ex eo licet colligere , quia quamdiu in gratiâ permanserunt , se nudos esse non senserunt ; Ita inquam hæc gratia refrænata concupiscentiæ fuisset in nos transfusa , ut sine omni luctâ contra concupiscentiam carnis nostræ securi fuissēmus. Et quia pena peccati mors fuit , ita gratiæ conservatæ præmium fuisset arbor vitæ , ad cujus salutare lignum vires nostræ fuissent restauratæ , ut vitam viveremus arbitrio nostro sine morbo vel alio gravamine inter paradysi delicias semper jucundam ? Quæ opinio affirmativa sicut communis est Doctorum , ita calamitatem nostram ostendit , qui propter prævaricationem præcepti à DEO dati , ex illâ Originali felicitate in Originale peccatum , & exinde in æternæ mortis ruinam præcipitati sumus. An non enim statim post esum fatalis pomi , denuditate suâ questi sunt primi Parentes nostri ? *Gen. 3. v. 10.* Quando DEUS interrogavit Adam ubi es ?

Au-

Adam &
Eva fuerunt in gratia producti.

Audite responsum miseri Adami : Vocem tuam audiui in paradyso & timui ; eo quod nudus essem. Quomodo mi Adame times modo, quia nudus es , & cur erubescis ? Nonne *Genes. 2. v. 25.* dictum fuit. Erat autem uterque nudus, Adam scilicet & uxor ejus , & non erubescabant. Causam erubescenzæ & timoris ostendit ipse DEUS *Genes. 3. v. 11.* Quis enim indicavit tibi, quod nudus esses, nisi quod ex ligno, de quo præceperam tibi ne Comederes, comedisti. Statim enim ut comederunt de fructu vetito, eodem ipso Creationis suæ die, & horâ penè illâ, quâ deinde Christus in monte Calvariæ, pro nobis Crucifixus obiit, ex gratiâ DEI exciderunt. Et heu ! qui erant amici DEI, facti sunt hostes, eiekti à facie DEI. Qui fuerunt immortales, dirissimæ morti fuerunt subiecti, audivitque omnis posteritas lamentabilem lessum illum *Gen. 5. v. 5.* Et factum est omne tempus quod vixit Adam ; anni nongenti triginta ; & mortuus est. An non ego dicam Adamum primum Iconoclastam, qui animam DEI imaginem primum omnium ausus est destruere, ut eam in conspectum divinum nec aunderet adducere. *Genes. 3. v. 7.* Abscondit se Adam & uxor ejus. Hanc luto infecit & pulvere, *Gen. 3. v. 20.* Pulvis es, & in pulverem reverteris. Turpissimis nævis & lituris infecit & contaminavit *Gen. 3. v. 19.* In sudore vultus tui vesceris pane. Denique discerpfit & laceravit *Gen. 2. v. 17.* In quocunque die comederis ex eo, morte morieris. Huc per unum inobedientiæ peccatum recidit illa venustas affectatæ divinitatis, ut Adam imago DEI cum vellet esse similis DEO, cum Lucifero erigente se super pennas Aquilonis, similis fieret Diabolo. Hinc vel ab ipso DEO cum Evaindutus tunicis pelliceis emortuorum animalium ridetur. *Gen. 3. v. 22.* Ecce Adam quasi unus ex nobis. Quem jocum lamentabiliter imitatus Tertullianus paralellam inter Eliam & Adamum instituit *3. Reg. 19.* Jejunavit Elias quadraginta diebus, & statim ad DEI conspectum fuit admissus in monte Horeb, quem cum Dominus visitasset, allocutus est : Quid hic agis Elia. Tertullianus in tract. de jejun. verba hæc confert cum illis, quæ locutus est DEUS ad Adam, postquam cibum sibi vetitum comedit, quando dixit Adam ubi es ? Ait itaque Tertullianus Multo amicitior hæc vox : Quid hic agis Elia ? quam illa, Adam ubi es ? Ista enim pasto homini minabatur, illa jejuno blandiebatur. Unde videtur inih Dominus dicere ad Eliam : Quid hic agis ? id est, Scio quid agas ! Jejunas per dies multos, placet hoc mihi, & gratulor tibi.

Adam primus Iconoclasta.

Adæ verò dixit DEUS : Ubi es ? hoc est, eras in statu innocentiae & gratiae DEI, nunc autem in peccato manes ; scilicet peccato gulae & inobedientiae. Væ tibi !

Hoc væ usque modo insonat in auribus nostris & miseri posterit sentimus ; qui fatale mortis spiculum in Visceribus nostris circumportamus. Ut propterea dicat S. Paulus *ad Rom. 5. v. 12.* per unum hominem peccatum in hunc mundum intravit, & per peccatum mors. Quia nimirum in Adam velut in capite Generis humani, omnium posterorum voluntates erant constitutæ. Fuit enim Adam à DEO positus caput naturale & morale totius generis humani. Naturale quidem, quia ab Adamo omnes eramus generandi. Morale quia in voluntate Adami constituit DEUS moraliter voluntatem totius posteritatis. Unde licet non actu proprio & formali, interpretativè tamen & in actu primi parentis tanquam in capite morali omnes peccavimus. Sic exempli gratia, usque hodie in jure, uxor in marito, plenipotentarius in suo principali agit, & voluntas uxoris vel principalis censetur in maritum vel plenipotentiarium transfusa. Quod magis apparet in Principe, qui alicui suorum subditorum, in tota sua posteritate, vel bonum, vel etiam incommodum aliquod potest asserere, propter insigne meritum vel delictum, quo tota secutura posteritas deinde, vel fruatur, vel patiatur. Quemadmodum ergo in his casibus posteritatis voluntas transfusa intelligitur, ita in Adamo velut morali capite, nostra voluntas fuit transfusa, ut proinde verum sit illud : Omnes in Adam peccaverunt. Licet autem *Eccles. 25. v. 33.* dicatur, à muliere factum est initium peccati, & per illam omnes morimur, tamen hoc sic intelligi debet, quod moriamur quidem per Evam, quia seduxit Virum, sed non morimur in Evâ, quia non Evâ sed Adamo peccante, omnes nos peccavimus. Licet autem aliqui putaverint Adamum ex defectu fidei prævaricatum esse Legem DEI, & sic de pomo vetito comedis, plerique tamen in Evam velut in causam impulsivam peccatum & prævaricationem transfundunt. Sic S. Ambr. *Ep. 44.* Mulier serpente suadente, Vir muliere impetiente commisit. Non capit hoc S. Aug. *serm. 13. de verbis Ap.* Comedere id, quo DEUS graviter offendatur, & quod DEUS comedi prohibet, temeritas est. Sicut ergo obedientia secundi hominis eò prædicabilior est, quo factus est obediens usque ad mortem : Ita inobedientia primi hominis eò detestabilior, qua factus est inobediens usque

que ad inortem. Unde inerito exclamat : Quis nam satis explicet quantum malum sit non obedire, & tantæ majestatis imperio, & tanto terrentis supplicio ? Vicerunt tamen blandientis uxoris lenocinia, ut quod solus Adam non tentasset, junctâ sibi Evâ temerariâ plane audaciâ præsumperit. Verè omnino S. Ambr. Ep. 41. ad Salinum. Soluserat Adam & non est prævaricatus, sed cum primû adjutricem accepit, statim miserè se & omnes subditos perdidit. Concludit deinde. Quia adjutorium uxoris habere se credebat, lapsus est propter uxorem. Quia uti in effectu apparet, Eva dominabatur, & regebat totum affectum Adami. Sic enim S. Augustinus testatur. Comedit inquit, ne contristaret delicias suas. Vir itaque obedivit uxori, cui illa ambitiosè dominabatur, postquam affectum Viri erga se vidit. Et ideo ubi Textus habet : Quia audisti vocem uxoris tuæ, Sant Pagninus legit, Quia paruisti voci uxoris tuæ, maledicta terra in opere tuo. Nec acceptavit DEus excusationem ab Adamo allatam, Mulier quam dedisti mihi Sociam, dedit mihi. Non enim debebat permittere ut illa dominaretur : Hinc S. Chrysostomus hom. 17. in Gen. Andiant inquit Viri ! audiant mulieres ! nam si hæc culpa in mulierem rejecta, nullam veniam consecuta est, qualem quis haberet veniam dicens : hoc & hoc feci ; Ea enim de causa feci. Concludit : sub suâ potestate facta est, & Dominus ejus pronunciatu s. ut illa sibi pareret. Quare ut ambitionem Evæ castigaret DEus inter reliquas pœnas posuit : Sub Viri potestate eris ; & ipse dominabitur tui. Explicat hoc Decretum divinum S. Chrysostomus citatu s. Ego ab initio honore te parem formavi, & sicut Adæ, ita & tibi omnium potestatem concedidi ; Cæterum quia abusa es honoris dignitate, subijcio te Viro, & ipse dominabitur tui. Illum Dominum tuum assero, ut illius scilicet Dominium agnoscas, & quia nescivisti imperare, discere regi. Tacitus scēminas à naturâ ambitiosas dicit. Ut plurimum inquit scēminarum sexus est ambitiosus potestatisvè avidus. Docuit hoc Semiramis Nini Assyriorum Regis concubina, quæ cum se à Rege mirè diligi videret, petiit à Rege unius dici imperium & impetravit, mandavitque Rex, ut omnes Semiramidi imperantiparerent, Ubi illa thronum Regium inscenderit. Quare ubi Semiramis in throno regio consedit, mandavit illa quidem à principio res leviores, tandem majora, atque ultimo ausa est mandare, ut Regem ipsum vinciant atque contrucident. Sicque ex im-

Eva dominabatur Adamo.

Eva ambitiosa in pœnam subijci tur Viro.

Fœmina à natura ambitiosa.

Semiramia ambitiosa dominatur Nino.

perio diurno factum est diuturnum, & Semiramis multis annis dominata est Assyriis. Et verò si in Evâ, primordia ruinæ expendamus, quid aliud inobedientiam causavit quam muliebris ambitio? Observat enim Amadeus, quod antequam Eva fuisset tentata à Serpente, ut de pomo comederet, quod jam tunc fuerit ambitiosa. Vidit enim Eva, se esse pulchram atque aspectu formosam, adamatamque à Viri suo, cum ecce Eva statim sibi sublimiores cogitationes formavit, quod videns infernalis serpens ambitionem Evæ est persecutus, dicens; Eritis sicut Dii. Quod considerans S. Ambr. in Luc. ait: Sola promissi honoris ambitio illecebrosa decepit. Benè David de ambitiosis dixit: ps. 73. v. 23. Superbia eorum ascendit semper. Nunquam scilicet quiescit ambitio. Sic Lucifer se ipsi DEO similem extollebat: Similis ero altissimo. Clarum hujus rei habemus exemplum Judic. 17. Habebat Michæ sacerdotem ex tribu Levi, quem largo stipendio sustentavit. Quadam vice ex tribu Dan certi exploratores invaserunt domum Michæ, & spoliarunt oratorium ditissimis ornatum altaris ornamentis. Exclamavit Sacerdos, quid facitis? Sed ambitiosum statim filere fecerunt, Pone digitum super os tuum, & habebimus te Patrem & sacerdotem. Quid tibi melius est, ut sis sacerdos in domo unius Viri, an in una tribu & familia Israel? Hac spe animatus ambitiosus sacerdos, ipse etiam Sacellum Domini sui Michæ spoliavit. Audite S. Bern. Ep. 42. ad Archiep. Senon. O infinita semper ambitio! cum primos honorum gradus meruerit in Ecclesiâ, non ideo corda quiescunt, sed duplici semper sunt æstuantia desiderio, ut magis & magis dilatentur, in plura & ulteriora sublimentur. Causam hujus cupiditatis assignat S. Basilii Ambitiosus non quod habet, sed quod deest; non unde veniat, sed quo tendat attendit. Verba sunt S. Basilii. Quemadmodum qui scalas & gradus ascendit ad ulteriora progressum continuo intendit, & ad gradum sequentem vestigium attollit, nec citius quiescunt, quam summum attingant: Sic rerum cupiditate capti, non prius cessant, quam in altum sublatis sese à ruinâ firmos & securos reddant. Et certè si Eva Deam se fore credidit, quidni in altissimo ambitionis apice, securâ se potuit opinari? Hinc ut vel maritum anteciret, ipsa prægustando pomum divinitatem prioritate affectavit. Si enim credidit quod comedendo de pomo transformaretur in Deam, debuisset ex ordine debito vocare Adamum, ut ille prior gustaret pomum,

*Eva ex
ambitione
prior po-
mum gu-
stavit.*

mun, & sic Virum promissa novæ divinitatis majestate exornasset. Sed quia illa Virum voluit præcellere in divinitate, Eva prior gustavit & comedit, deinde vero dedit Viro suo. Nimirum præferri ipsa cupiebat Viro suo, ut sicut Adam humanitate præciserat Evam, sic Eva ut imperium obtineret in Virum suum, Adamum prævenire volebat & prævertere in divinitate. Adeoque properavit comedere de pomo, & tunc primo Viro suo gustandum porrexit, quando nimirum comesto jam pomo nullum in se sensit motum divinitatis, unde ambitioni suæ perciperet gustum desideratum. Referunt naturalistæ ex Cardano, quod omne venenum quando fumitur guttur lædat, fauces adstringat, & pruritus, æstus, ac inflammationem in ore excitet, glutendi difficultatem pariat, & inter glutendum nauseam & vomendi voluntatem moveat. Quæ omnia naturâ ita momentaneæ sunt, ut assumptum venenum rejiciatur. Tristissimus ille & verè venenosus pomi morsus, non tantum fauces, sed ipsos etiam primorum parentum oculos perstrinxit veneno suo. Vix enim de venenato pomo comederunt *Gen. 3. v. 7.* Aperti sunt oculi amborum, & qui se DEos fore credebant turpissimâ ambitione non DEO, sed diabolo se similes factos agnoverunt.

*Venerunt
sumptum
in gutture
se ostendit.*

Considerate obsecro modum quo Evam tentavit serpens; Eritis inquit sicut dii. Cur quæso inquit serpens sicut dii, & non sicut DEus? Cum benè sciverint primi parentes nostri, quod non essent plures dii? Respondet S. Thom. in commentar. suo in Ep. S. Pauli ad Hebr. 7. Sciendum quod licet sit unus tantum DEus, participativè tamen, in cælo & in terrâ sunt multi Dii. Dicuntur enim angeli dii, Quia vero duplices sunt angeli scientes bonum & malum, nempe boni qui sciunt bonum non solum speculativè sed etiam practicè, malum verò tantum speculativè. Mali verò è contrario malum & speculantur & prædicant, cum de bono non nisi speculentur; ideo æquivocè fuit locutus serpens dicendo. Eritis sicut dii, vel eritis sicut angeli. Intellexit enim Angelos malos. Docet hoc Rupertus Abbas apud Lipomanum in Catena dicens; falsis utique diis, id est sibi suisque sequacibus angelis apostaticis similes facere intendebat. Concludit tandem. Adam penè factus est sicut diabolus. Merito exclamat S. Aug. *serm. 103. de Temp.* Humilitas homines sanctis Angelis similes facit, superbia verò ex angelis dæmones facit. Cui assentitur S. Basil. *in ps. 21.* Vir humilis DEO est similis, & in templo sui pectoris

*Angeli
sunt varii.*

*Humilitas
homines.
Angeli
assimilatur.*

cum

cum gestat. Superbus autem cum DEO sit odibilis, diabolo similis est. Hinc S. August. *serm. 22. ad Frat. in Eremo* : O sancta humilitas ! quam dissimilis es superbiz. Ipsa superbia fratres mei Luciferum de cœlo eiecit, sed humilitas DEI filium incarnavit ; Ipsa superbia ex paradyso Adamum expulit, sed humilitas latronem in paradysum introduxit ; Superbia Gigantum linguas confudit, sed humilitas cunctas dispersas congregavit. Superbia Nabuchodonosorem in bestiam transmutavit, sed humilitas Josephum Principem in Ægypto constituit. Superbia Pharaonem submersit, sed humilitas Moysen exaltavit. Evidentissimum denique reproborum signum est superbia inquit S. Greg. *l. 14. mor. c. 23*. Hinc enim vero & ipse Adamus cum Eva ex paradyso eiectionis sunt. *Gen. 3. v. 23*. Et emisit eum Dominus de paradyso voluptatis, ut operaretur terram, de qua sumptus est. Eiecitque Adam ; ubi benè notandum est, quod priusquam DEUS de paradyso eiecisset protoparentes nostros, dicatur *Gen. 3. v. 21*. Fecit quoque Dominus Adæ & uxori ejus tunicas pelliceas, & induit eos. Observat Lipomanus has tunicas fuisse pelliceas. Ideo inquit induti vestibus pelliceis dicuntur, id est pellibus mortuorum animalium, ut signum suæ mortalitatis secum ferrent. Rursus advertite quod lapsura in peccatum Eva, dixerit ad serpentem *Gen. 3. v. 3*. Præcepit nobis DEUS ne comederemus, & ne tangeremus illud, ne forte moriamur. Non sic locutus est DEUS, qui ut Adamum in gratia conservaret, & immortalem faceret, cum timore mortis coercuit, illique non dubiam sed infallibilem mortem objecit *Gen. 2. v. 17*. In quacunque enim die comederis ex eo, morte morieris. Quia verò immortalitatem dæmon homini inviderat, ut eam homini eriperet, mortis timorem & memoriam abolere conatus est. Nequaquam moriemini. Et heu ! dum mortis obliviscitur miserandus Adam, in mortem incidit, quique cum diis volebat esse immortalis, abstinendo à poma vetito, promissam immortalitatem potuisset conservare. Ne ergo proscriptus jam, in mortem rueret sempiternam, DEUS Adamum & Evam mortis memoria infrænavit, quam vel in ipso vestitu secum gestarent, ut vel sic à peccato firmitus conservarentur, dum in occisis animalium exuvijs certam destinataque sibi mortem contemplantur. Et fortè ideo juxta opinionem S. Chrysostomi ejectionem Adam posuit vicinum paradyso, ut ad conspectum perditæ felicitatis salutariter magis torqueretur, & pœnitentiam ageret

*Mortis
memoria
à peccato
cohibet.*

geret. Nobis in documentum, ut ex tam iusta pœnâ castigati primi Parentis, disceremus obedire DEO Creatori nostro. Quotusquisque enim nostrum est qui beneficium Creationis condignè expendat? & aliquando saltem tam benefico DEO pro beneficio Creationis seriò gratias agat. Doceat nos hoc rusticus sed verè illuminatus bubulcus, qui cum vidisset repentem humi fœdum bufonem, ejulare cœpit, exclamans: Heu! heu me! audiverunt ejulantem duo vicini Episcopi, & interrogarunt, cur sic ejulans lachrymaretur? Respondit, se illius bufonis aspectu suæ erga DEum in gratitudinis commonefactum, & recordatum fuisse, quod hætenus nunquam in vitâ suâ, pro beneficio Creationis DEO gratias egisset. Cum enim in DEI potestate fuerit, me aut hominem, aut animal tam horridum creare, maluit tamen ex immensâ bonitate suâ, me hominem formare, & ad imaginem suam creare. Intuiti se mutuo duo Episcopi, à bubulco didicerunt, quæ ipsi prius parum, cum omni doctrinâ suâ Theologicâ recogitarunt. Quid tu agis mi Christiane? qui audis Paulum ad Rom. 9. v. 20. O homo! tu quis es, qui respondeas DEO? Numquid dicet figmentum ei, qui se finxit. Quid me fecisti sic? an non habet potestatem figulus ex eadem malsâ, facere quidem aliud vas in honorem, aliud verò in contemptum? Dicam ego; Tu quis es, qui correspondeas DEO, quod te hominem, quod te Christianum non Turcam aut gentilem, quod te Catholicum, non hæreticum aut schismaticum nasci & educari passus sit? Quam rarò aut nunquam hæc recogitas ingratus Creatori tuo? Cur non reputas aut expendis, quod pijsissimâ animi affectione consideravit Tertull. l. de Trinit. Qui nos ad mare remittit, cui DEus terminos posuit, quos licet æstuet, non tamen egreditur, Servans inquit jura præscripta. Ut divinas leges tanto magis homo custodiret, quando illas etiam elementain sensibilia servarunt. Cui conformiter loquitur S. Hier. in illud Matth. 8. Imperavit ventis & mari, & facta est tranquillitas magna. Exclamat: Tempestates, DEI Verbum faciunt, & tu non facis? Quid efficacius fuit in orbis molitione, hoc unico verbo Fiat vel Volo? Audite Davidem. Dixit & facta sunt, ipse mandavit & creata sunt. In quem locum S. Hier. Totus mundus DEO servit, & præceptum ejus meminit, & solus homo non meminit. Et quia refractarius est, ipsas creaturas irracionales in vindictam sui sceleris secum in pœnam trahit. Petivit aliquando sollicitè S. Brigitta & Deum

*Bubulcus
ex viso bu-
fone DEO
pro Crea-
tione gra-
tias.*

*DEO pro
beneficio
Creationis
parum gra-
tias sumus.*

*DEO Cre-
atori pare-
amus.*

*Creatura
à DEO pu-
niuntur
quia se ho-
mini oppo-
suerunt.*

interrogavit, cur animalia quæ non peccaverunt Adami & Evæ pœnam sustineant? Respondit Christus: Ego dedi cuique creaturæ suum temperamentum, in quo omnes viverent. Ubi vero homo ejus causâ omnes conditæ sunt Creatori suo se opposuit, cœperunt omnia alia inordinationem aliquam suscipere, & creaturæ quæ illum reveri debebant, cœperunt se opponere. Propter quod ipsa animalia patiuntur morbos, & pariunt cum dolore. Veniet autem tempus, quando verificabitur illud Sap. 5. v. 18. Accipiet armaturam Zelus illius, & armabit Creaturam ad ultionem inimicorum. Et paulo infra. v. 21. Pugnabit cum illo orbis terrarum contra insensatos. Tu ne in illâ dic extremâ creaturas contra te armatas experiaris, subijce & substerne te DEO tuo; beneficium Creationis sapius expendas, & Creatori tuo humillimâ animi demissione gratus esto.



ARTICULUS II.

Et in JESUM Christum Filium ejus, unicum Dominum nostrum.

DISCURSUS XIV.

JESUS Christus Filius DEI, verus
est DEUS.

*Nudi in-
uncti oleo
puerili-
tabantur.*

Tempore Vespasiani factum legimus, quod is levissimos quosque juvenes, ingenio ac formâ præcellentes, nudos & oleo undique, delibutos, in arenam descendere atque inter se luctari jussisset, ingenti proposito præmio, qui inter luctandum Antagonistam suum in terram prosternere posset. Cum vero alter alterius manus propter lubricitatem olei declinaret, nec illi solidè se apprehendere possent, factum est ut diu otiosè luctarentur. Usque dum

dum cæteris versutior aliquis, arrepto pulvere, quem in terrâ vidit, socium dexterè conspersit, manum deinde iniecit, atque adversarium sic apprehensum, feliciter in terram dejecit. Jam dudum ab orbe nempe condito duo pusiones amor nimirum divinus & humanus luctabantur, & ambiguo Marte concertarunt, usque dum tandem humanitas quæ viribus non valebat, divinum pusionem, in auditu plane stratagemate pulvere mortalitatis aspersum devicit, & inter bovein & asinum in præsepium prostravit. Merito hoc obstupescens S. Fulgentius *serm. de S. Stephano* exclamat : Sempiternâ Deitatis majestate servatâ servile cinctorium carnis assumens, in hujus sæculi campum pugnaturus intravit. Et ut belli insoliti Dux videatur, *DEus in-*
levis armaturæ milites advolare compulit. Subito enim facta est mul-
titudo militiæ cælestis *Luc. 2. v. 13.* Hæc multitudo inquit Hugo Car-
Din. in Luc. c. 2. Exercitus nominatur, qui sequebatur militiæ Ducem. Sed non scandalizet nos teneri pusionis forma, neque nos infantis
inbelles artus deterreant. Licet enim sugat ubera, & in cunis vagiat.
ab Isaia tamen c. 9. v. 6. Vocatur DEus fortis dum dicit : Parvulus
natus est nobis, & filius datus est nobis. Et factus est Principatus su-
per humerum ejus & vocabitur nomen ejus Admirabilis, DEus For-
tis, Pater futuri sæculi, Princeps pacis. Unde errarunt graviter cum
Judæis Ariani & Ebionitæ, qui huic Infanti divinitatem negarunt.
Certè Isaïas Propheta toto c. 6. dum agit de majestate divinæ gloriæ,
eamque fufius describit, infantem hunc divinitatis throno imposuit,
teste Magno illo Theologo & divinitatis arcanissimæ scrutatore Jo-
anne, qui c. 12. v. 41. ait. Hæc dixit Isaïas, quando vidit gloriam e-
jus, & locutus est de eo nempe Christo. Causam deinde coecitatis
Judaicæ assignat citatus Joannes v. 39. Propterea non poterant cre-
dere, quia iterum dixit Isaïas c. 6. v. 10. Excæcavit oculos eorum,
& induravit cor eorum, ut non videant oculis, & corde non intel-
ligant, & convertantur, & sanem eos. Quid mirum proinde si ne-
que Psalmistam de Christo loquentem intellexerunt, qui ps. 76. v. 19.
dixit : Ascendisti in altum cœpisti captivitatem, dedisti dona in ho-
minibus. Quem textum tamen disertè S. Paulus ad Eph. 4. v. 8. Chri-
sto attribuit. Postquam enim dixit : Unus Dominus, una fides, u-
num baptisma, Unus DEus & pater omnium. Subdit ; Unicuique
autem nostrum gratia data est secundum mensuram donationis Chri-
sti. Confirmat hoc autoritate Davidis dicens : Propter quod dicit?

Ascendens in altum captivam duxit captivitatem, dedit dona hominibus. Sed latere voluit pientissimus DEUS, quem non sine causa Isaïas c. 45. v. 15. DEum absconditum nominat. Verè tu es DEUS absconditus. Quo enim magis absconderet copiam & abundantiam divitiarum suarum, quam sub pannis quibus involuebatur; & divinitatis majestatem, ubi melius occultaret, quam in lacero patuloque stabulo, ubi omnipotentiam suam, fasciarum suarum vinculis constringi passus est, & immensam Deitatis sapientiam, inter elinguis infantis vagitus contumelavit. Hinc enim verò *Judic. 6.* factum intelligo, ut illa pluvia Gedeoni divinitus concessa, umbra esset & figura incarnati Verbi divini, quando vel ipsa Ecclesia in suis Antiphonis inquit, sicut pluvia in Vellus descendisti, ut salvum faceres genus humanum. Advertendum autem est quod Gedeon fortissimus Dux Israelis, à DEO electus ut liberaret populum, petiverit à DEO signum aliquod suæ electionis; quod signum ipse posuit, nempe vellus in arcæ expansum, super quod pluvia descendit, & totum vellus irroravit. Observat bene Labata *tit. Humilitas*: Quod pluvia cum super nudam terram cadit, strepitum exciter, maxime si in lapides incidat; at verò si in lanam mollem defluat, leniter & insensibiliter decedit, ut à nemine strepitus ullus audiatur. Significare namque voluit DEUS, quod ad nos sine strepitu & magno clamore evulgatæ suæ divinitatis accesserit, quo magis nobis fidei meritum auget. Quia sic vel in ipso infante, divinam veneramur majestatem, & JESum Filium Mariæ DEum verum confitemur.

Vellus Gedeonis divine incarnationis mysterium.

Christus homo DEUS est.

Unde non est quod animis concidamus, hic enim ipse, qui amore nostri humanam naturam induit, divinitatem suam non exuit. Jacet is quidem in præsepio, sed regnat in cælo; fasciis stringuntur tenera membra, sed idem in brachio virtutis suæ Pharaones demergit in mare, Holofernes manu muliebri prosternit, vastissimos hostium exercitus debellat. Mirabile est quod lego *Judic. 7. v. 7.* ubi à DEO jubetur Gedeon, cum trecentis suorum configere contra exercitum triginta quinque millium. Quis hic non formidaret? Quis non temeritatis arguat Gedeonem, si contritam potentem hostem stringat gladium? Ut tamen DEUS animaret Gedeonem, inquit *v. 10.* Sin autem solus ire formidas, descendat tecum Phara puer tuus. O miram custodiam corporis! Leo Caltrius & Serarius noster in hunc locum, puerum hunc typum Christi fuisse dicunt. Hic enim

nim puer ille est, qui repellere potest formidinem omnem, & tot millium Madianitarum exercitum, unico manipulo militum fundere, & debellare. Refert *Pausanias* l. 6. Arcades olim Eleorum fines ingressos, eorum omnem regionem igne & ferro vastasse. Elei consternati cum essent, arma tamen capessunt; Cum ecce matrona eximia occurrit puerum in ulnis gestans, quæ dixit se in somnis monitam, quod hoc infante Duce hostium agmina prostermentur. Elei divino oraculo moniti infantem accipiunt, & in ipso primo congressu puerum hosti obijciunt. Diceretis Arcades velut attonitos Numen aliquod in puero suspexisse, adeoque omnem apud illos torpuisse armorum ferociam, quare nutare cœperunt Arcades, & Ordinibus confusis agere. Quod videntes Elei novis conceptis animis in Arcades irruunt, atque hostes hæcenus Victores ad internecionem usque deleverunt. Certandum nobis est quia undique ab hostibus lacessumur, omnia bellis ardent, tam visibilibus quam invisibilibus hostium telis petimur; sed certam Victoriæ tesseram nobis offert Maria Virgo, quæ filium suum unigenitum nobis exhibet, non fundendis ab hostibus, quam diu sub hujus divinissimi infantis protectione bellabimus. Est enim hic infans panis ille Madianiticus, quem miles vidit devolui in castra Madianitarum, & tabernacula hostium penitus contrivit atque evertit. Testis est *Cranzius* l. 2. hist. *Saxon.* c. 23. qui refert *Widekindum* Saxoniarum Ducem cum in *Paschate* exploraret castra *Caroli Magni*, & omnis miles *Carolinus* sacra Communione reficeretur, illum sub habitu Mendici in castra penetravisse, ut ibi mendicis se immisceret. Inter hos cum stipem porrecta manu acciperet, quia digitum habebat contractum ab *Elecmosynario* *Caroli Magni* agnitus est, & ad Cæsarem adductus, à quo humaniter omnino acceptus fassus est, se vidisse quomodo de manu Sacerdotis singuli pulcherrimum puerulum acceperant, qui quidem ad aliquos lætabundè, ad alios vero reluctanter planè, & invitus introivisset. Quod ubi audivit *Carolus*, Ducem sumptuosis vestibus induit, & ad fidem convertit, atque pacem cum eo stabilivit. Memorabile est quod narrat *Baronius* ad annum 1040. Cum Saraceni inquit excepta *Messana* totam tenerent *Siciliam*, Ducem Exercitus Christiani publicè curasse fieri sacrum, & milites omnes sacra Communione refici, cum quibus deinde Saracenos invasit eo successu, ut occiso Duce, reliquam turbam omnem ad internecionem penitus

Elei populi infante Duce in pugna triumphabant.

Christo protegente tuti sumus.

Widekindus Dux Saxoniarum in castris Caroli puerulum in hostia videt.

Miles Christianus Saracena Communione refectus Saracenos cadit

us deleverint. Nimirum hæc est illa mensa de qua S. Chrysostomus *bom. 61. ad pop. Antioch.* inquit Tanquam leones ignem spirantes, ab illâ mensâ recedamus facti non solum diabolo, sed cuivis etiam hosti formidandi. Quam bene Tertull. *l. 2. contra Marcionem c. 13.* de Christo incarnato utique infante sic loquitur. Vagitu ad arma convocaturus est infans, & signum belli non tubâ, sed crepitaculo daturus nec ex equo, vel de muro sed de nutricis vel gerulæ suæ collo hostem designaturus. Hic enim infans DEI filius, DEUS & homo est. DEUS quidem ut inquit S. Athanasius in suo symbolo, ex Substantiâ Patris, ante sæcula genitus; & homo ex substantiâ matris in sæculo natus.

Quod si verò tam tacitus ad nos venit DEUS, ut ipsum medium noctis elegerit, in quo ad nos in carne descenderet, juxta illud *Sap. 18. v. 14.* Cum enim quietum silentium tenerent omnia, & nox in suo cursu medium iter haberet, omnipotens sermo tuus à regalibus sedibus venit. Quid opuserat tam fastuoso apparatu, ut non solum vox clamantis in deserto, sed ipse jam prius Isaias *c. 40. v. 4.* insonuerit omnis vallis exaltabitur, & omnis mons & collis humiliabitur. Plutarchus de Xerxe refert, quod is expeditionem facturum in Græciam, Hellepontum ponteligneo instraverit, per quem totum exercitum traduxit; atque ubi montem sibi obstantem habuit, illum demoliri & solo æquari curavit. Quanti hictumultus? qui strepitus laborantium? qui clamores intercesserint, quis est qui non videat? à Sinu Patris egressus DEI filius non unam Græciam, sed orbem universum perambulaturus expeditionem fecit admirandam. De qua David *ps. 18. v. 6.* à summo cælo egressio ejus. Hinc præcursor illius Joannes *Lnc. 3. v. 5.* ut viam DEO incarnato sternerent intentâ voce commonuit: Parate viam Domini, rectas facite semitas ejus. Omnis vallis implebitur, & omnis mons & omnis collis humiliabitur. Sed obsecro si *Cant. 2. v. 8.* Sponsæ verba considero, quibus illa adventum cælestis sui sponsi describit, quid opus est humiliari colles? quid montes deprimi. An non enim sponsa clarè inquit: Ecce iste saliens in montibus, transfiliens colles? Pulchrè Bruto Episcopus explicans hunc locum scripturæ, duplicem passum Domini assignat. Unum valde agilem & velocem, ad quem declarandum utitur verbis à Sponsâ allegatis. Et hinc illum sponsa comparat hinculo cernorum. Alterum passum valde gravem & tardum asserit, juxta

*Xerxes
ut planum
iter haberet
montem solo æ-
quavit.*

*Christi du-
plex in ter-
ras passus.*

juxta illud *Cant. 5. v. 15.* Crura illius columnæ marmoreæ, quæ fundatæ sunt super bases aureas. Quod interpretatur Beda in *Cant.* atque locum utrumque scripturæ combinans dicit : Et velox & tardus est Sponsus, & ex utroque amandus, velox nimirum ad præmia, & tardus ad inferenda supplicia. Primus ergo passus referri debet ad adventum Christi in carne. De quo *Cant. 2. v. 9.* Similis est dilectus meus capræ hinuloque cervorum, & adeo velox fuit, ut ad unicum verbum Mariæ Fiat, Verbum divinum de cælo summo in uterum Virgineum descenderit. Hunc passum miratur S. Bern. *hom. 3. super missus est.* Et eruditè explicat Paoletti *serm. in nat. Dom.* exemplo Alexandri Magni, qui consultaturus cum Ephestione amico suo, ad illum famulum expedit cum mandatis; sed moræ impatiens aliâ breviori viâ famulum prævertit. Factum hoc ipsum est in Incarnatione. Mittitur enim Angelus ad Mariam Virginem, sed prævenitur à Domino. Sic enim Angelus ipse fatetur, Dominus inquit tecum. Placidus Nigradius *op. 4. de devot. erga B. V.* exclamat: Eodem momento dimisso nuncio in viam se dat, & festinat præ amore, eoque devenit, ubi possit, cum sua res agitur, quid nuncius serat, quid amata respondeat, audire. Qui ad Virginem nuncium misit, ipse nuncium antevertit. Dominus Tecum. Itane alato angelo velocior fuit infans DEus, ut festinantem nuncium præverterit celerior de cælo egressus? O Angele? quem modo reliquisti in cælis, nunc in utero reperis. Volavit nimirum & prævolavit super pennas ventorum homo DEus. Quarè meritò in gaudio exclamat S. Bern. Vixisti es ô Archangele, transiliit te, qui misit te, & nimio prævolans desiderio, prævenit suum nuncium ad Virginem, quam amaverat, quam sibi elegerat, cujus decorem concupierat. Vere venit hic saliens, imo transiliens colles adeoque complanatione viæ opus non erat. Non enim absque causâ dicit S. Paulus *ad Titum c. 3. v. 4.* Cum autem benignitas & humanitas apparuit Salvatoris nostri DEI, non ex operibus justitiæ quæ fecimus nos, sed secundum suam misericordiam salvos nos fecit. Secundus passus referri debet ad secundum adventum in judicio, quem sicut invitus facturus est, ita tardo gradu accedet. Hic enim verò necesse erit parare viam, & aspera in vias planas complanari oportebit. Necesse hic erit valles terrenarum cupiditatum, atque colles ambitionum ac superbiæ humiliare. Benè namque Lyra in *Cant.* inquit, Sicut via corporalis redditur gravis & dif-

Alexander nuncium ad Ephestionem prævenit.

Passus secundus Christi, est ad judicium.

*Christus
ipse dicit
se esse Fi-
lium DEI.*

& difficilis, propter profunditatem vallium, & elevationem col-
lium, ita via spiritualis qua DEUS graditur super corda fidelium, im-
peditur per depressionem terrenarum cupiditatum, & per eleva-
tionem mundanæ vanitatis. Nisi forte dicamus etiam hunc ipsum
passum fore celerrimum, quia venturus est in nubibus celi. Audite
ipsum Filium DEI *Mat. 26. v. 65.* Ubi à Caiphâ Sacerdotum Princi-
pe per DEUM vivum adjuratus Christus, an verè sit filius DEI? re-
spondet. Tu dixisti. Quod sequitur audite! Verum tamen dico
vobis: amodò videbitis Filium hominis sedentem à dextris Virtutis
DEI, & venientem in nubibus celi. An non ego hic meliori jure
exclamem cum Caipha. Quid adhuc egemus testibus? Ite! Ite per-
fidi Judæi, & Christum Mariæ Filium verum DEUM negate. An non
ipsi audistis divinum oraculum? Non immerito omnino queritur
S. Joan. c. 12. v. 37. Cum autem tanta signa fecisset in eis, non cre-
debant in eum. Ut sermo Isaïæ Prophetæ impleteretur *Isa. 3. v. 1.* Quis
credidit auditui nostro, & brachium Domini, cui revelatum est?
Est enim verò hoc brachium in cujus magnitudine *Exodi 15. v. 16.*
Currus Pharaonis & exercitus ejus præcipitati sunt in mare, & fluti-
bus cooperti. Magna omninò divinæ potentiae vis hæc fuit; sed lon-
gè major censeretur virtus illa, quam in incarnatione divinâ de-
predicavit Maria *Luc. 1. v. 51.* Fecit potentiam in brachio suo. Quod
Venerabilis Beda explicat: Dispersit superbas potestates inferni, &
hominem à diabolica servitute liberavit. Quo sicut nihil sublimius
potest excogitari, ita opus omnium maximum complevit incarna-
tus DEUS, quia brachio divino nihil est impossibile, de quo dicitur
ps. 88. v. 14. Tuum brachium cum potentia. Merito ergo omni-
potentiæ divinæ excellentiam miratus Job dixit *c. 4. v. 4.* si habes bra-
chium sicut DEUS? Quasi diceret: Omnis humana potentia divi-
næ minimè comparari potest. Sed si homo facit aliquid dignum com-
mendatione, operabitur ex conjunctione cum brachio divino. Et
hinc non absque causâ *Luc. 1. v. 26.* dicitur: Missus est Angelus Gab-
riel à DEO in civitatem Galilææ. Hic enim non frustra quæritur cur
Gabriel, & non potius Michael aut Raphaël missus fuerit? Michaël
certè primus cum Lucifero conflixit, & olim Synagogæ nunc Ec-
clesiæ à DEO stabiliendæ custos futurus erat. Cum ergo Christus
venerit debellaturus dæmonis potentiam, numquid inelus illius ad-
ventum significare potuisset Michaël? Venit Christus ut sanaret in-
firmi

*Cur Ga-
briel in-
carnatio-
nis fuit
nuncius,
& non a-
lius?*

firmitates nostras, teste S. Aug. Magnus de cœlo advenit Medicus, quia magnus in terrâ jacebat ægrotus. Atque adeo *serm. 8. de verb. Ap.* inquit. Tolle morbos! tolle vulnera, & nulla est causa medicinæ. Si verò Raphaël dicitur Medicina DEI, quid ni in hac legatione aptissimus fuisset is, qui vel ipso nomine Altissimi Medicinam præferret? Dicendum tamen est cum Cajetano *in verba super missus est. Gabrielem* potius electum, qui est fortitudo DEI. Nullum siquidem opus est inquit Cajetanus comparabile operi, quo Verbum caro factum est. Undè concludit eleganter, quia annunciabat Messiam Patrem fortitudinis; par erat ut ipsa fortitudo DEI veniret, & de felici hoc nuncio mundum recrearet universum. Christianorum enim inquit virtus propria est fortitudo, quæ apparuit in Sanctis Apostolis, in tot millenis martyribus triumphavit, & in Christi sequacibus Christianis, usque hodie debet efflorescere. Et verò hæc fortitudo atque invicta animi constantia Salvatoris nostri inter tam horrenda tormenta non perturbati, manifestum argumentum divinitatis fuit apud Centurionem ejusque commilitones. Turbatur terra, quæ tremendo terræmotu concussa, hiantia mortuorum aperuit sepulchra. Turbatur cœlum, quod tristi tenebrarum peplo ipsa cœli luminaria contexit. Turbatur Synagoga, ipsaque templi arcana rupto velo panduntur. Turbantur petreæ, quæ ingenti fragore scinduntur; Turbantur ipsimet tumulati manes, qui suis egressi tumulis civitatem sanctam obibant. Invicta inter hæc omnia sibi constitit divini verbi fortitudo. Sic ut vel moriens, non fractâ, quod fieri assolet, sed clamans voce magnâ, emisit Spiritum. Tu autem considera, Exclamat S. Chrysostomus *hom. 84. in Joan.* Quomodo crucifixus omnia sine aliquâ perturbatione transegit. Discipulo Matrem commendavit, Prophetias implevit, Latroni spem dedit. Hinc ergo Centurio, & qui cum ipso erant, custodientes Jesum, timuerunt valde dicentes: Vere filius DEI erat iste.

Quâ de causâ ut Christus suam probaret divinitatem, Judæos ad opera sua remisit *Joan. 10. v. 37.* Si non facio opera Patris mei, nolite credere mihi. Si autem facio, & si mihi non vultis credere operibus credite. Quod convenit cum eo, quod idem Joannes prius *6. v. 19.* dixit: Amen, amen dico vobis non potest filius à se facere quidquam nisi quod viderit Patrem facientem. Quæcunque enim ille fecerit, hæc & filius similiter facit. Unde cum Christus sanasset

Dd

paraly-

*Dum is
passonetur
batur con-
nia Chri-
stus sibi
constat.*

*Per opera
charitatis
non solvi-
tur Sab-
batum.*

paralyticum in sabbato, persequabantur Judæi Jesum, quia hæc faciebat in sabbato. Ut verò reprimeret vesaniam illorum, exemplo Patris cœlestis se tuetur, qui non minus in sabbato, quam quocunque alio die à benefaciendo hominibus non desistit. Unde ostendit per obsequium charitatis non solvi aut violari sabbatum. Adeoque in eodem sabbato de quo disceptarunt Judæi dixit: Pater meus, usque modo operatur, & ego operor. Quare subdit S. Joannes: Propterea ergo magis quærebant eum Judæi interficere, quia non solum solvebat sabbatum, sed & Patrem suum dicebat DEum. Non est ergo quod Judæi negent Christum esse DEum, cum vel ipsius Christi testimonio convicti teneantur. Neque enim frustra dixit: Operibus credite. Dum enim imperavit ventis, liberavit energumenos, paralyticos restituit, sanavit ægros, mortuos denique suscitavit, filius DEI fuit agnitus. Sic namque in eodem capite dixit illis: v. 21. Sicut enim Pater suscitavit mortuos & vivificat; Sic & filius quos vult vivificat. Adeoque cæcus ille Joan. 9. v. 33. quia à nativitate cæcus fuerat; cum à Christo visum accepisset, ex opere tam admirando conclusit. Nisi esset hic à DEO non poterat facere quidquam. Ubi verò deinde à Christo edoctus fuit quod esset Filius DEI, dixit: Credo Domine, & procidens adoravit eum. Sic S. Switbertus cum prædicaret Gentilibus Christum, cumque assereret esse Filium DEI, in testimonium hujus veritatis in conspectu totius populi, homini cæco visum restituit, dicens: In nomine Jesu filij DEI quem ego prædico, reddo tibi visum. Cum ecce cœpit videre, & qui cæcus fuit, procidit in genua, & confessus est, quia Jesus est filius DEI. Idem accidit Joan. 11. v. 45. Ubi Christus suscitavit Lazarum, & quadriduanum ex tumulo evocavit dicente textu: Multi ergo ex judæis qui venerant ad Mariam & Martham, & viderunt quæ fecit Jesus, crediderunt in eum. Hoc eodem credendi motivo usus est S.

*S. Xave-
rius jam
triduo se-
pultus re-
suscitatus.*

Xaverius in Commorino, ubicum videret homines obstinatos non credere suæ prædicationi, invitavit Ethnicos ad templum, in quo jam triduo ante sepultus fuerat ipsis omnibus notissimus vir quispiam, quem tam in præmissa oratione, in præsentia universi populi, in nomine Jesu Christi Filij DEI evocavit ex sepulchro, & à morte suscitatum vitæ satis diuturnæ restituit. Nec est quod ab Hæreticis turbemur, qui Filium cum Arianis Patre minorem asserbant; eo quod Patri æternæ fuerit obediens, & quidem usque ad mortem. Pulchrè enim

enim S. Cyrillus Alexandr. ex Obedientiâ hac filium Patri æqualem probat. Argumentatur enim ille ab exemplo Isaaci, qui Patri suo Abrahamo obediens fuit usque ad mortem. Concludit deinde, quis dixerit eum fuisse naturæ inferioris ab Abrahamo? Idem ergo dicendum est de Christo, qui licet obediens fuerit Patri usque ad mortem, non ideo tamen secundum suam divinitatem inferior fuit Patri. Hic itaque est liber ille, quem Joannes vidit in sua apocalypsi scriptum intus & foris, clausum sigillis septem, quem nemo poterat aperire. Cum ergo fieret Joannes, solatus est eum Senex dicens: Ne fleviſſis; Et subito prodijt Agnus qui librum ex manu sedentis accepit, eumque & septem signacula ejus referavit, tantâ cum Seniorum lætitiâ, ut omnes instructi Cytharis & phialis exclamarent: redemisti nos DEO in sanguine tuo ex omni tribu, linguâ, & natione & populo, & fecisti nos DEO nostro regnum. S. Ambrosio hic liber, est Scriptura sacra. Ferius tamen sub hoc libro Christum ipsum intelligit, qui intus amoris ardentissimi characteribus, foris sanctissimorum Vulnerum rubricâ est inscriptus. Septem Signacula dicit fuisse septem miranda in Christo mysteria; Nempe Matrem Virginem, Nativitatem in stabulo pauperrimo; Circumcisionem innocentissimi filii DEI, Fugam persecutionis Herodianæ, Tentationem diaboli in deserto, mortem turpissimam inter duos latrones, resurrectionem ex sepulchro clauso. Quæ profecto in Christo DEO & homine ita divinitatem ejus occultarunt, ut verè illud *Isa. 45. v. 15.* exclamare cogamur. Verè tu es DEus absconditus, DEus Salvator.

Obedientia Christi erga Patrem non probat filium esse inferiorem Patri.

Christus est liber apocalyp-ticus clausus sigillis septem.

Septem Signacula Christi libri apocalyp-tici.

DISCURSVS XV.

JESUS CHRISTUS filius DEI verus

est homo.

S Athanasius in Symbolo suo dum dicit: Est ergo fides recta, ut credamus & confiteamur, quia Dominus noster JESUS CHRISTUS DEI filius, DEus & homo est, Subjungit: DEus est ex Substantiâ Patris, ante sæcula genitus, & homo est ex

D d 2

Sub-

*DEus glo-
riatur
quod sit fi-
lius homi-
nis.*

*Christus
matrifiat.*

*Maria
Mater
virtute con-
ceptiva &
generati-
va.*

Substantia Matris, in sæculo natus. Occurrit hic mihi Atheniensium consuetudo, qui lege caverunt, ne filii à matribus nomen acciperent. Gratiore his erant Lyxij suis matribus, qui omisissis Patribus, à Matribus nomen acceperunt. Egit hoc ipsum DEI filius qui quasi paternæ divinitatis oblitus, solâ matris gentilitate gloriatur, dum se sæpissimè ino communiter filium hominis nominavit. Pulchrè S. Aug. Unde humilis? quia homo natus est ex homine. Unde excelsus? quia ex virgine; adeoque quando nato Domino Gloriam in excelsis accinunt Angeli, inquit Neotericus quispiam, id innunt, quod ab utero Virgineo omnia excelsa & gloriosa Domino suo voluerint gratulari. Nisi forte ideo Christum matrifare dicamus, quia illam purissima mater sine conjunctione Viri genuit. Licet autem Aristoteles l. de animal. dicat, quod scæmina per se non generet, quia indiget principio motus, quod est ex masculo, ex scæminâ vera sola est materia. Quia tamen purissima Virgo Maria per virtutem sancti Spiritus obumbrantis, accepit non solum virtutem Conceptivam DEI, quæ alias in ratione generandi hominis scæminis communis est, & juxta Aristotelem aliosque Physicos in matribus prærequiritur, sed etiam divinitus accepit aliquam virtutem generativam Maria, respectu Christi à se geniti, adeoque non solum Mater sed plus quam Mater dici debet. Ut proinde longè majori jure Maria Virago dici possit quam Eva, Gen. 2. v. 24. Quando enim DEus Evam adduxit ad Adamum, dixit Adam, hæc vocabitur Virago, quia de Viro sumpta est. Maria verò in Christo ut Viro prævisa, non tantum est Mater virtute conceptivâ sibi congenitâ, sed etiam reverâ Virago, id est Virum agens, quando in incarnatione Filij DEI obumbrante eam Spiritu sancto, eidem DEus contulit principium aliquod motus. Ut vel hinc putem Christum, toties in Evangelio se vocare filium hominis, quasi non tam à virtute conceptivâ Matris, quam eisdem Matri divinitus concessâ virtute generativâ voluerit nominari. Cum nomine hominis communiter Vir intelligatur. Quod Italici plane familiare est, qui nomine hominis solum Virum, & nullo modo scæminam intelligunt. Quare meritò S. Bonav. in psalter. min. Mariam vocat matrem novi moris. Cujus causam eleganter assignat Joannes Damascenus dicens: post assensum Beatissimæ Virginis Spiritus Sanctus supervenit in eam, Virtutem conceptivam Verbi DEI tribuens simul & generativam. Et vero si hoc in humanis accidisse ali-

aliquando per miraculum vidimus, ut in Viro simul staret potentia generativa & conceptiva, quidni hoc dabimus Virtuti Altissimi, & Spiritui Sancto, qui Mariam in hoc incarnationis mysterio singulariter obumbravit. Nec est quod ad Fabulas convertamur Poëtarum, vidit nostra ætas novum Bacchum ex femore non Jovis sed Eligij Rossel enatum. Hic enim in partus doloribus petulantius uxori suæ illuserat, cui uxor justè indignata, imprecata fuit, ut justo DEI judicio similes dolores experiatur. Exaudita videri poterat uxor, quia brevi ex speciali DEI providentiâ, marito femur intumuit, & novem mensium spatio omnes dolores & alterationes prægnantium expertus est, usque dum tandem inter maximos dolores ex femore prolem genuit masculam, quæ in Ecclesia Uladzel dicta, baptizata, paulo post expiravit. Advertendum autem est, quod S. Damascenus supra citatus, dicat non solum virtutem generativam, sed etiam Conceptivam Beatissimæ Virgini divinitus datam, quia Caro Mariæ per se & humanitus, sufficiens non fuisset ad Concipiendum Verbum Divinum. Videtur hoc DEus clarè ostendisse *Exod. 3. v. 2.* Quando vidit Moyses rubum incombustum. Videbo inquit quare rubus non comburatur. Noverat utique Moyses rubum rem esse fragilem, & ab igne facilè consumptibilem, utpote igni aptissimam materiam. Quod magis ex eo mirum erat, quia Moyses suomet testimonio novit, quod DEus ignis consumens est *Deut. 4. v. 24.* In hoc rubo Ecclesia venerat Beatissimam Virginem Mariam, sic enim in Antiphonâ quadam canit Ecclesia: Rubum quem viderat Moyses incombustum, conservatam agnovimus laudabilem tuam Virginitatem, adeoque Ecclesia meritò divinæ omnipotentiae deprædicat majestatem. Cum enim Caro Virginea rubi instar substantia plane esset fragills, tamen à divinæ majestatis igne non fuit consumpta. Jam verò si oculi humani Solem istum materialem intueri non possunt, quo minus Sol illos fulgore suo nimium perstringat, quanto minus illum fulgorem Solis inaccessibilis tulisset Maria, quando ad illius obtutum, ipsum etiam Seraphinorum reverberantur oculi, quemadmodum testatur Isaïas, qui eisdem in conspectu DEI alis suis velare oculos vidit, ob fulgoris nimiam majestatem. Quid quod ad contactum unius Carbonis, caro nostratam fragilis est, ut ab igne statim exuratur. Quomodo in contactu DEI stetit Maria, quando se Carissimis illius visceribus infudit filius DEI? O quantus hic est divini-

*Novus
Bacchus
ex femore
natus.*

*Maria ru-
bus Moy-
sis incom-
bustus.*

tatis concentratus focus! Pater ignis consumens est teste Moyse, Deuter. 4. v. 24. Filius I. ad Tim. 6. v. 16. Lucem inhabitat inaccessibilem. Spiritus sanctus Act. 2. v. 3. totus igneus super Discipulos descendit in die Pentecostes; Et nos credamus tanta divinitatis incendia; sine miraculo in uno Virgineo corpusculo contineri potuisse. Verebatur utique hoc ipsum Spiritu sancto plena Virgo Maria, adeoque sollicita exclamavit. Quomodo fiet istud? Verum tanta est mysterij hujus magnitudo, ut eam ipse Angelus non assequatur; atque adeo velut insufficiens altiore in assignat Magistrum dicens: Spiritus sanctus superveniet in te, & Virtus Altissimi obumbravit tibi. Pulchrè S. Bern. *serm. sup. missus est* in persona Angeli alloquitur Mariam. Scies utique, scies inquit, sed illo Doctore, quo & authore. Non enim docere potest nisi à docente, non potest addisci nisi à suscipiente. Ut tamen aliquo modo humano incarnationis intelligamus mysterium, fingamus nobis modum quo formatur Echo, in quâ formandâ necesse est, ut vox quæ profertur, terminetur ad locum concavum, quæ eo sic terminata reflectitur & repercutitur, ut communiter demptis primis syllabis, posteriores solum reflectantur. Sic si altâ vocē dicas Clamæ, reddat tibi Amas, si clames Dolabella, Labella refundet. Hoc posito ut ad propositum revertamur; Certum est quod Filius sit Verbum æterni Patris, Hoc Verbum locutus est Pater, juxta illud Eccles. 24. v. 5. Ego ex ore Altissimi prodivi. Locus concavus quo Verbum hoc terminabatur, uterus fuit Mariæ, & Ecce Verbum hoc ademptis semper primis syllabis reflectebatur. Clamat ergo Pater Verbum seu Filium se mittere impassibilem, respondit Echo scilicet Mariæ Virgineus uterus, Passibilem. Clamat Pater immortalem, reponit Maria Mortalem. Hic invisibilem, illa Visibilem; ille immaterialem, hæc materialem; Denique in omnibus Verbum abbreviatum ostendit. Hoc est quod ad Rom. 9. v. 28. observans Paulus exclamat: Verbum abbreviatum fecit Dominus. In quem locum Angelicus Doctor *Leff. 5.* Breviatum, id est incarnatum, quia Filius DEI exinanivit se ipsum. Dicitur autem abbreviatum, non quia aliquid substractum sit plenitudini, sed quia nostram brevitem & parvitatem suscepit. Scilicet hoc est illud portentosum ac mirabile opus, quod ipsa Virgo in Cantico suo gloriose deprædicat dicens: Fecit potentiam in brachio suo. Quæ verba expendens S. Aug. tom. 9. sup. *magnificat.* Magnum fuit inquit, ut

Virgo

Incarnationis incomprehensibile mysterium in Ebone adumbratur.

Echomira in incarnatione Verbi.

Virgo sine virili semine conciperet. Magnum fuit ut Patris Verbum carne suâ indutum utero gestaret. Ideo ergo dicit magna, quia mysterium Incarnationis Verbi, super omnia constat esse ineffabile. Præclare S. Joann. Damasc. *orat. de dormit. B. V.* Hæc est Virga illa Aaron arida, hoc est absque omni Viri consortio, quæ in tabernaculo testimonij posita, præclarissimum edidit miraculum. Hoc miraculum explicat Petrus Abbas Cellensis *l. de panibus c. 21.* Nostra quoque Virga seu Virgo fronduit credens Angelo, florens & Concipiens in utero, germinavit pariens ex utero. Unde quod tantâ cum admiratione prædictum fuit Abrahamo, *Gen. 15. v. 16.* Generatione quartâ revertentur huc, id est quod quartâ generatione finitâ, filii Israël de captivitate Ægyptiacâ sint liberandi, quando nimirum Moyses Virgâ suâ divisurus mare, per siccû illos traducet. Longè id magis verificatum est per Mariam, quæ in generatione quarta universum orbem à diabolicâ servitute vindicavit. Generationes hæc quatuor doctè explicat Richardus à S. Laurentio. Primam enim generationis formam dicit fuisse plasinationem Adami, quando à D E O ex limo terræ creatus est. Secundam ipsius Evæ productionem, quæ ex costâ Adami fuit ædificata. Tertiam propagationem generis humani ordinariam per semen humanum. Quartam denique ex solâ Virgine sine Viri conjunctione. Quæ generatio inquit Richardus Semini Abrahamæ, imo toti humano Generi de servitute Ægyptiacâ & diabolicâ tyrannide liberationis causa extitit. Quia verò in generatione tertiâ, ordinaria nimirum, diximus, cam fieri per semen humanum, occurrit quod bene notat Hippocrates *l. de diata*, ubi dum similitudinis causam in gemellis assignat. Dicit aliam non esse, quam quod gemelli ex eodem sanguine nutriti, ac eodem lacte alimentati fuerint, quod idem est ac dicere, quod simillimum sortiantur temperamentum. Reies verò in Campo Elysio jucundarum quæstionum *Quæst. 54.* docet multa in Viro considerari. Mas enim qua mas inquit continet non solum potentiam generativam, sed etiam facultatem & potentiam individualem.

Quod licet in Incarnatione divina prorsus locum nullum habeat, ^{Christus quia finis} utpotè cum castissima & intemerata Virgo de Spiritu sancto conce- ^{lis Josepho} perit, & sine omni virili semine filium suum Unigenitum genuerit, ^{illius creatur.} tamen opinioni hominum magnam suspicionem movit, ut nescij ^{debat} tam sublimis & arcani mysterij, multi propter similitudinem vultus, ^{lior.}

Chri-

*Josephum
pulcherrimum
vidit
Joanna de
Angelis.*

Christum credent esse verum filium Josephi. Sic enim Eusebius Cæsar. l. 7. de præcept. Evang. c. 1. dum S. Josephum à varijs naturæ & gratiæ dotibus celebrat, de eo dicit: præstabat, eratque mirabili præditus formositate. Vidit semel S. Josephum Joanna de Angelis ex familiâ Ursularum, sed tam decorum & formosum, ut nunquam ullis verbis formæ elegantiam posset explicare. Quid mirum si putatitius etiam filius tam speciosus fuit, ut esset teste David ps. 44. v. 3. Speciosus formâ præ filiis hominum. Et verò Christus ipse teste Gratiano de S. Josephi. 2. c. 4. refert: Ego eram Joseph similis in omnibus, ut vel hinc etiam multi crederent Christum, non putatitium, sed verum filium fuisse Josephi, & nemo verum hominem esse dubitaret, qui tam curiosè Christi parentelam referebat Mat. 13. v. 35. Nonne hic est fabri filius? Nonne mater ejus dicitur Maria? & fratres ejus Jacobus & Joseph, & Simon & Judas, & Sorores ejus nonne omnes apud nos sunt. Dixerat olim Sabellicus in suâ panegyri quâ laudabat Philippum Macedonem. Nihil dicam de tuâ potentiâ, hoc unum dixisse iussit, filium te habere Alexandrum. Dicam ego de S. Josepho: Hoc unum dixisse sufficiat, Filium te habere JESUM. Sed Gersonem audiamus, qui verba illa S. Anselmi; Decuit Mariam eâ puritate nitere, quâ major sub DEO nequit intelligi expensens, subjungit: Ita decuit, ut Joseph tantâ prærogativa polleret, quæ similitudinem & convenientiam exprimeret tanti Sponsi ad talem Sponsam, de quâ natus est JESUS qui vocatur Christus. Quod confirmat S. Bernardinus Senensis *Serm. de S. Josepho*: Quomodo cogitare potest mens discreta, quod Spiritus sanctus tantâ unione Conjugij uniret menti tantæ Virginis aliquam animam, nisi esset Virtutum operatione simillima? Merito proinde Gerson *serm. de nativ. B. V.* in hæc verba erumpit: Cuperem ut mihi verba suppeterent, ad explicandum tantum mysterium, tam admirandam, venerandamque addo ego formosissimam Trinitatem. JESUM Mariam Joseph. Quare sicut in laudis Josephinæ complementum diximus, Josephum habuisse filium JESUM, ita ferè non minus ornamentum, accedit Nutritio filii DEI, si dicamus Vir fuit, & Sponsus Mariæ. Certè S. Greg. Naz. in orat. funebri laudaturus Maritum sororis suæ Gorgoniæ dixit: Vultis uno verbo virum describam? Vir erat Gorgoniæ. Nec enim scio, quid amplius dicere necesse sit. Hac pari verborum phrasî utar laudando S. Josephum & dicam, Vir fuit & Sponsus Mariæ.

*Laus Josephi
quia
fuit sponsus
Mariæ.*

Quod

Quod si tamen hæc similitudo filii ad Patrem, veritatem humanæ carnis non probat, ut cum Manichæis dicat aliquis Christum non habuisse verum corpus, sed tantum phantasticum, quale sibi spectra formant ex aëre, veniat is mecum ad antrum Bethlemiticum, & vel in cruento cultro humanæ planè carnis legat argumentum. Non frustra Irenæus l. 3. c. 7. quærit cur Christus natus sit ex stirpe Judaica, non verò Gentili? & causam dat, quia Gentilitas carebat Circumcisione. Sed de hac merito quærit ulterius S. Bern. *serm. 3. de Circumcis.* Quid enim est Circumcisio, nisi superfluitas & peccati indicium. Pulchrè deinde protestatur. In te Domine JESU quid est superfluum? quod circumcidatur? None tu verus DEUS es? de DEO Patre, homo verus sine omni peccato de Virgine Matre? Quid facitis circumcidentes eum? Putatis quia super eum possit cadere sententia illa: Masculus cujus præputij caro circumcisa non fuerit, peribit anima ipsius de populo suo? Placet tamen ad propositum meum S. Thom. p. 3. q. 37. qui asserit Christum circumcislam, ut ostenderet veritatem carnis humanæ. Vel ut B. Simon de Cassia l. 1. c. 10. asserit, ut contra Manichæos verum corpus probaret. Fuit enim assumptæ carnis robustum testimonium, quod in octavâ die Circumcismus, vel in sui sanguinis purpurâ, verum hominis corpus, & non phantasticum probaret. Neque mysterio caret, quod Christus ex quatuor temperamentis elegerit Sanguineum, quia ut *Aristot. l. de long. & brev. vite c. 3.* inquit, est omnium perfectissimum. Tum quia hoc Temperamentum maximè abundat sanguine, quod ideo sibi delegit, inquit Christophorus de Vega, ut plus sanguinis, pro nobis effundere posset, adeoque manifestius ostenderet se vere carnem humanam assumpsisse. Memini ego DEum olim multa promisisse Abrahæ, sic enim quando egressus est de Chaldæa *Gen. 12. v. 2.* dixit illi DEUS: Faciam te in gentem magnam. Ubi rursus ab illo divisus est Loth *Gen. 13. v. 15.* Omnem terram quam conspicias, tibi dabo, & semini tuo usque in sempiternum. Rursus *Gen. 15. v. 4.* hæredem promisit: Qui egrediatur de utero, ipsum habebis hæredem. Nunquam tamen illi DEUS promisit regnum, nisi quando Abraham acceptavit demandatam sibi circumcisionem *Gen. 17. v. 7.* Ponam te in gentibus, regesque ex te egredientur. In quem locum Theodoretus. DEUS Abrahæ ad hoc, quod egrederentur Reges ex lumbis ejus, jussit signum Circumcisionis. Videtur pariter; pergit idem Theodoretus tunica

Circumcisio ostendit Christum verum hominem,

Joseph in sanguinem hirci intincta, prælusisse futurae dignitati Aegyptiacæ, quâ ornatus fuit Joseph à Pharaone. Et sanguis hirci inquit quo tunica Joseph tincta fuit, sanguinem Christi JESU, quo aspersit in circumcissione carnem suam præfigurabat. Quando enim Christus signum Circumcisionis accepit, jus simul accepit & possessionem regni, juxta illud *Isa. 9. v. 6.* Puer natus est nobis, & filius datus est nobis cujus imperium super humerum ejus. Prædixit hoc regnum Patriarcha Jacob, & tribui Juda benè precatus, vaticinatus est. Non auferetur sceptrum de Juda, & Dux de femore ejus, donec veniat, qui mittendus est. Quia verò alius mittendus non erat, nisi Dei filius, tot vaticiniis Prophetarum præsignatus, bene advertendum est, quod statim V. sequenti *Gen. 49. v. 11.* facer textus dicat: Lavabit in vino stolam suam, & in sanguine uvæ pallium suum. Quæ verba Hugo Cardinalis Christo incarnato applicat & dicit: Pallium suum id est Carnem suam sanguine Passionis cruentabit. S. vero August. sic interpretatur. Lavabit in vino scilicet illo, de quo dicitur, quod pro multis effundetur in remissionem peccatorum. Ipse enim est botrus ille, qui pependit in ligno. Si vero, uti verissimum est, Christus circumciscus imo & suspensus sanguinem suum totum profudit; dicant Gnostici Christum non habuisse corpus & carnem nostram, sed corpus cœleste ex materia cœlorum. Nisi forte etiam dicant cœlos esse porcos, aut stellas cum Sole & Luna vitali sanguine turgere, atque inaudita hæc fabula cœlos cum suis sideribus animent. Christus in eadem Carne quam de Castissimis Mariæ sumpsit visceribus circumcidi voluit & crucifigi. Est ergo verus homo, qui non tantum profuso sanguine humani corporis ostendit passibilitatem, sed variis etiam aliis passionibus toleratis verum se hominem fuisse comprobavit. An non enim fatigatus ex itinere sedebat sic supra frontem *Joan. 4. v. 6.* Ipse vero dormiebat *Matth. 8. v. 24.* Sitiivit in Cruce *Joan. 19. v. 28.* denique esuriit in deserto. Cum jejunasset quadraginta diebus & quadraginta noctibus, postea esuriit *Mat. 4. v. 2.* Pulchrè omninò S. Greg. Quod fameret, ostendit se verum hominem esse. Altius hanc famem expendit S. Chrysostomus, qui dum Christum per quadraginta dies jejunasse miratur, insigni hoc Epiphonemate concludit. Per quadraginta Dies non esurire, non erat hominis, postea verò esurire, non erat DEI. Ut proinde aliud concludere

dere non possumus, quam Christum nec purum tantum fuisse hominem, nec purum tantum fuisse DEum, sed esse verum DEum & hominem, æqualem quidem Patri secundum divinitatem, minorem autem Patre secundum humanitatem.



DISCURSUS XVI.

JESUS CHRISTUS est verè Dominus
noster.

S Aug. lib. 7. de Civit. DEI c. 2. observat quod olim Romani quando aliquam Civitatem occuparunt, soliti fuerint in uno eodemque templo collocare omnia idola, quæ in urbe capta invenerunt, uti etiam illa, quæ secum ad castra adduxerunt. Hoc tamen non fecisse Titum & Vespasianum, quando occuparunt Hierosolymam, quia dixerunt DEum Hebræorum velle esse solum, & nullos secum pati socios. Didicerunt hoc forte ab exemplo Philisthæorum, quorum idolum Dagon arca DEI non est passa stare in templo 1. Reg. 5. v. 3. Cumque surrexissent diluculo Azotii altera die, Ecce Dagon jacebat pronus in terrâ, ante arcam Domini. Manifestum enim est, quod Deut. 10. v. 17. dicitur; Quia Dominus DEus noster ipse est DEus Deorum, & Dominus Dominantium, DEus magnus & potens, & terribilis. Et verò videtur DEus sibi titulum Domini non modo in antiquo testamento, verum etiam in novo sibi propriè vindicare. Sic enim Joan. 13. v. 13. Christus ipse suos Apostolos allocutus dixit: Vos vocatis me Magister & Domine, & bene dicitis, sum etenim. In cujus Veritatis agnitione, Christus vitæ & beatitudinis essentiam posuit, dicens: Joan. 17. v. 3. Hæc est autem vitæ æterna, ut agnoscant te solum verum DEum, & quem misisti JESUM Christum. Quis enim in terris tam potens est Dominus, qui quidquid vult, possit. Audite Davidem ps. 134. v. 6. Omnia quæcunque voluit Dominus, fecit. Dominus, in cælo in terrâ, in mari, in omnibus abyssis. Philippus secundus Hispaniarum Rex cum filio suo

DEus no-
ster alios
DEos non
patitur.

*Philippus
Rex Hisp.
in pluvias
imperia nō
habet.*

Philippo tertio ad venationem abiit. In hac dum feras persequuntur, & magno ardore venationi incumbunt, pluvia supervenit. Dum filius, qui de potentia Patris plurimā audierat, Parentem rogat ut imperet nubibus, ne pluerent. Verum cum Rex Parens respondisset, id esse altioris potestatis; Filius paternæ potentæ æquus arbiter, dixit: Tantillam rem præstare non potes? Quod si majorem postulasset? Profecto nihil planè te posse comperio. Non novit utique optimus filius Regis illud, quod *Dan. 2. v. 21.* dicitur: Ipse mutat tempora & ætates. Scilicet Deus est, de quo *Job. c. 9. v. 7.* dicitur. Qui præcipit Soli, & non oritur, & stellas claudit, quasi sub signaculo. Qui facit Arcturum & Oriona, & Hyadas, & interiora Austri. Hinc cum *Mat. 8. v. 26.* Surgeret Christus & imperaret ventis & mari, facta est tranquillitas magna, miratique homines dixerunt: Qualis est hic? quia venti & mare obediunt ei. *Mat. 23.* proinde Assentatorum quispiam S. Canuto Regi Daniæ imperium maris attribuit. Cum enim Rex propè littus maris ambularet, aliquis assentatorum Regem omnium Regum potentissimum salutavit, utpotè qui non tantum hominibus & terris, sed ipsi etiam mari imperaret. Ut verò adulatorem Rex reprimeret, sedem sibi ad littus maris poni jussit, tunc quidem cum mare accresceret, in eaque confidens ad mare conversus dixit: Mare tibi impero, ne pedes meos contingas. Vix dixit, & aqua à decumano fluctu super pedes regis infunditur. Tunc enim vero Rex indignatus aulicis dixit: Quo ergo jure me potentissimum dicitis, qui unicum maris fluctum cohibere nequeo. simulque assurgens, urbem Vintoniensem ingreditur ubi ad templum abiit, in eoque Crucifixum conspicatus, sibi Coronam detraxit eamque Christo imposuit dicens: Tu solus Dominus, tu dominaris potestati maris, & motum fluctuum ejus, tu mitigas. Et quid mirum cum Isaias in persona Christi dicat. Spiritus Domini super me, eo quod Dominus unxerit me. Ubi Propheta agit de unctione, quæ ungebantur Reges. Quam unctionem Christus vel ipso nomine præferebat, ut non tantum hæres regni Davidici, sed ipso nativitatæ jure, rex verus agnosceretur. Neque enim otiosè dictum putare debemus in Christi Genealogiâ, Jesse autem genuit David Regem, David autem Rex genuit Salomonem. Ubi meritò quis quærere potest, cur in initio Genealogiæ David bis Rex nominetur, cujus nominis mentionem tota reliqua Genealogia non habet? nisi ut ostendatur, Chri-

*S. Canutus
Rex Daniae
adulatores
acriter
reprimat.*

*Canutus
Rex sibi
coronam
detraxit &
Christum
solum Do-
minum co-
ronat.*

*Christus
Rex est ju-
re nativita-
tis.*

Christum, qui erat ex stirpe David, filium esse Regis, & verum Regem. Unde S. Thom. *super illud Pauli ad Rom. 1.* Qui factus est ei ex semine David: Rationem reddit, cur non ex semine Abraham, cui tamen promissio facta est. Hoc inquit factum est, ad Christi regiam dignitatem commendandam Romanis, qui regna gentium tenebant. Et ideo angelus *Luc. 1. v. 22.* Dabit illi Dominus DEus sedem David Patris ejus, & regnabit in domo Jacob in æternum. Voluit nimirum dicere, filius quem paries, erit filius Regis David, & consequenter Rex. Ex quo aliqui Mariani Clientes inferunt; Quod Maria quæ Christi Mater est, sit Domina cœli & terræ. Hoc enim doctrinam consecuta est, quando in castissimis suis visceribus, concepit DEI Filium. Unde S. Bernardin. *Tom. 1. serm. 61. art. 1. c. 7.* inquit: Quamvis autem B. Virgo nobilior fuerit persona, quam unquam in orbe terrarum aliqua extiterit, tantæque perfectionis, ut etsi Mater DEI non fuisset, nihilominus mundi Domina esse debuerit. Secundum leges tamen quibus mundus regitur, modo jure hæreditario omnem hujus mundi meruit principatum ac Regnum, quia filius ejus in primo instanti Conceptionis suæ monarchiam totius universi promeruit, & obtinuit. Ex jure ergo Conceptionis filii DEI, incumbere Virgini procurare totum illud atque administrare, quod tunc filio usque ad legitimam ætatem datum fuit. Confirmat hoc S. Athanasius *serm. de SS. Deip.* Quia ipse Rex nempe filius, Rex est & Dominus. Mater quæ eum genuit Regina est, & talis verè censetur. Et hinc Christus quando natus fuit à Magis tribus non primum factus, sed natus Rex Judæorum dicitur. Quod tamen dici non potuisset, nisi Maria Regina fuisset. Quare hoc ipsum tres Reges qui venerunt Christum adorare, palam coram Herode Rege sunt professi dicentes: Ubi est, qui natus est Rex Judæorum. Divinitus enim illustrati agnoverunt, illum in utero Mariæ humanitatis diademate coronatum. Mirè hoc celebrat Richardus à S. Laurentio *l. 4. de laud. Virg.* Multæ aliæ inquit peperunt filios, qui postea coronabantur in Reges, ipsa vero sola, quæ filium suum coronavit in utero suo diademate gloriosæ carnis, peperit Regem coronatum. Inter Salomonis Proverbia invenio illud *Prov. 30. v. 29.* Tria sunt, quæ benè gradiuntur, & quartum, quod incedit feliciter. Leo fortissimus bestiarum, ad nullius pavebit occursum. Gallus succinctus lumbos, & Aries, nec est Rex, qui resistet ei. In sensu literali intelligunt plerique quatuor

*Maria ex
Conceptione
Filij est
cœli terræ-
que Domi-
na.*

*Quatuor
monarchie
mundi.*

*Ascensio
gloriosà
Christi in
caelum.*

*Christus
moritur
quia Rex
est.*

tuor Monarchias, nempe per Leonem, Nabuchodonosorem Babyloniarum Regem, nam illi Leonis nomen indidit Jeremias Propheta c. 4. v. 7. Ascendit Leo de cubili suo. Per Gallum Cyrum Persarum Regem. Et per arietem Alexandrum, qui Græcorum & Macedonum Regnum armis Persarum evertit. Rex denique feliciter incedens Romani sunt. In morali sensu S. Greg. & Beda Christi in cælum ascendentes virtutes intelligunt. Et S. Greg. quidem 3. p. pastor. c. 5. inquit. Quatuor munia Christo ab æterno Patre commissa sunt; Redemptoris, Prædicatoris, Justificatoris, glorificatoris. Et in Leone quidē Justificator, in gallo Prædicator, in ariete redemptor, in Rege glorificator extitit. In quo munere dum cælos gloriosè ascendit, feliciter incescit, nec erat, qui resisteret ei. Non elementa vel nubes, quæ ei obsequabantur. Non Apostoli, qui ægrè quidem à se avelli lugebant, nec tamè impedire poterant, quia nubes suscepit eum ab oculis eorum. Non Angeli, qui ipsi Regi suo acclamarunt. Attollite portas Principes vestras, quia nimirum Rex iste, Rex est gloriæ. Et verò qui est Rex gloriæ in cunis natus, ut Rex à Regibus agnitus adoratur, & in Cruce cum Regis titulo mortuus est. Sic enim Mat. 27. v. 37. Imposuerunt super caput ejus causam ipsius scriptam. Quæ vero causa illa esse potuerit, cum sæpius Pilatus affirmaverit. Ego non invenio in eo causam, investigandum est. Si Pilatus ingenio tardus causam non reperit, Sagaciori præditus Oculo Origenes causam invenit, & legit in titulo, quia Rex fuit non tantum Judæorum, sed omnium nostrum. Legatur enim hæc inscriptio, quæ à Spiritu sancto dictata, & à Pilato cruci firmiter affixa est. Hic est JESUS Nazarenus Rex Judæorum. JESUS enim Salvator est, Nazarenus unctus est oleo. Quod licet communi interpretationi repugnare videatur, quia Nazarenus communiter floridum significat. Doctissimus tamen Salmeron in Evangelia deducit Nazarenus à radice hebraicâ Nazar, quod significat consecrare. Christum autem fore Sanctum & DEO consecratum, quod unctione fiebat, omnes Prophetæ prædixerunt, maxime vero Daniel c. 9. v. 24. dum ait & Ungetur Sanctus Sanctorum. Pulchrè proinde Origenes hom. 35. in c. 27. Matth. Et cum nulla inveniatur causa mortis ejus, hæc habetur sola, Rex fuit Judæorum. Exclamat S. Chrysostomus: O præclara mors pro subditis suis, quæ immortalitatem parit. Est enim Rex noster DEUS salvos faciendi. Quod affirmat David ps. 67. v. 21. DEUS noster, DEUS

DEus salvos faciendi & Domini exitus mortis. In quem locum S. Aug. *l. de Civ. DEI*, dicit hoc Christo Domino convenire, qui etiam bis dicitur Dominus, quia hoc Dominium sibi Christus obtinuit, propter exitum mortis. Quare inquam querit S. Aug. noster Dominus est? & respondet, non solum quia Dominus est & DEus, sed etiam, quia pro nobis mortuus est. Et ideo DEus noster, est DEus salvos faciendi. Quia verò etiam pro nobis mortuus est, ideo Domini Domini exitus mortis. Concludit deinde: Quia enim DEus erat salvos faciendi, non potuit alios habere exitus mortis. Hæc ergo Corona, capiti illius imposuit titulum regium, IESus Nazareus Rex Judæorum. Observavit hanc singularem Christi Regis maiestatem *Isaias c. 9.* Et factus est principatus super humerum ejus. Reges solent sceptrum sua ferre in manibus, quomodo Christus illud fert super humerum? Respondet Niceta. Omnes alii Reges non in propriis viribus imperium suum & Regnum habent, constitutum, sed in milite, satellitio, Ministris & subditis suis. Christus autem solus Principatum super humerum habet, quia non eget satellite vel milite, cui ad nutum militant omnes cœlestes exercitus, cui ad imperium assistunt plus quam duodecim legiones angelorum, deciesque centena millia serviunt ei. Solus ergo Christus absolute regnat, qui subditos non exactionibus premit, sed suâ morte vindicat ab innumeris hostibus, portat pondus & onus regni in humeris, utpotè qui nos salvat, & ad regnum suum inducit; adeoque per mortem suam factus est Dominus, utique per exitum mortis, quia posuit animam suam pro nobis. Intelligo jam cur DEus *Exod. 3. v. 2.* Moyfi dedit signum libertatis à servitute Ægyptiacâ, quando apparuit illi in rubo. Ut significaret inquit Clemens Alexandrinus, eum qui in rubo plantâ scilicet Spinosâ legem Moyfi dederat, in coronâ spineâ totius Legis consummatorem fuisse. Spinæ enim dicit S. Ambr. sunt hieroglyphicum tribulationum, quas in se suscepit Christus Redemptor noster, ut nos ab ipsâ liberaret. Voluit Christus DEus ostendere inquit S. Bern. *serm. 5. in festo Omnium Sanctorum*; caput suum cingi spinis, ut nos intelligamus, quam malè indulgeamus delicijs. Hanc coronam spineam ex juncis marinis factam dicit S. Bonav. *in c. 19. Joan. super illa verba*: Et plectentes coronam de spinis, id est inquit de juncis marinis acutis & punctivis ad modum spinarum. Quas spinas dum contemplatur S. Basil. *serm. de Pass.* in illam incidit arbor

*Christus
sceptrum
habet in
humero
quia abso-
lute re-
gnat.*

rum

rum consultationem *Judic. 9.* adeoque exclamat. Gaudeamus Fratres, Ecce enim rhamnus ille sacrum caput circumdans, ad quietem nos invitat dicens: Venite & requiescite sub umbrâ meâ. Quasi diceret, Occurritne memoriâ vestrâ historia in libris *Judicium* relata, quando rhamnus arbores sub umbram suam invitavit. Latemini & vos miseri peccatores, ecce Rhamnus cingens Christi tempora, etiam nos invitat ad suavissimam quietem. Nisi fortè dicere velimus cum Tertulliano *de carne Christi*: fuisse Christum coronatum Spinis, id est iuncis marinis, quia iisdem olim coronari solebant Reges & Dii, teste Plauto Comico dicente; Junco tantum coronantur reges & dii. Unde inquit Tertullianus cum Dominus coronatur

Christus spinis coronatus, aut DEUS aut Rex est.

junco à Judæis, illi Regem suum esse profitentur, aut DEum. Mirum fortasse videbitur illud votum *Isa. 16. v. 1.* Emitte agnum dominatorem terræ. An non melius dominabitur Leo quam agnus? Quis enim agnum timebit? sed Christus DEUS agnus quidem fuit, sed etiam Leo. Leo nimirum contra hostes suos, agnus subditis, & ideo dominatus est à mari usque ad mare. Roboam Rex ubi Leonem egit erga subditos, regnum penè universum perdidit. Refert enim Josephus *Judæus l. 8. c. 3.* uti & historia sacra Regum, seniores populi suasisse regi Roboam, ut comiter populum alloqueretur, hac enim arte captos subditos facile illum amatuos. Sic namque *Judith. 1. v. 1.* dicitur de Rege Arphaxad, subjugaverat gentes multas imperio suo. Hugo Cardinalis legit conciliavit, utique inquit observare debemus, quod jugo assueverint jumenta, homines benevolentia & mansuetudine regum suorum trahuntur. Quare S. Th. de Christo incarnato benè dicit: Conveniens, fuit ut familiariter cum hominibus conversaretur, ut omnibus fiduciam daret, ad se accedendi. Verè namque *S. Greg. orat. 1.* Quidquid violenter cogitur, non secus ac planta, per vim manibus inflexa, simul ut dimittitur ex manibus, rursus ad se redire consuevit. Non otiosa certè est quæstio, cur DEUS sceptrum quod dedit populo Israëlítico, ad Romanos transfulerit? Communis est responsio, fieri regnorum translationes ob peccata populorum. Sed nescio quæ gens DEum graviorebus peccatis offenderit ac Romani; nisi illos excusemus quia peccaverunt, DEum verum ignorantes, à quo tamen Judæi tot signis & vocibus Prophetarum, sibi manifestato sapius recesserunt. Berengiosus *l. 3. de invent. Crucis c. 3.* miratur Herodem crudeliter in-

In misericordia & crudelitas regna transfert.

NOCCALCS

nocentes sc̄vientem. Malè inquit salutì suæ consulvit, dum per occisionem unius pueri multos pueros occidit. Constantinus vero multo melius providebat, dum plurimorum salutem salutì unius præferre volebat. Herodes ad conservandum regnum suum, audiens natum esse puerum Regem futurum, occidit multos pueros; Constantinus à medicis persuasus, ut ex sanguine occidendorum puerorum, balneum ad sanandam lepram conficeret. potius mori voluit, quam innocentem sanguinem fundere. Hæc est ergo ratio inquit translati à Judâ imperij, quia in Herode propria utilitas pullulabat opprimens populum & innocentes: Constantinus vero regnum possidebat, postponens suam salutem, salutì suorum subditorum. Quam meritò itaque citatus superius Augustinus: Christus ^{Christus} noster Dominus est, non solum quia DEus est, sed etiam quia pro nobis mortuus est. Ad vos ergo Reges loquitur divina sapientia, sunt hi sermones mei, ut discatis sapientiam, ne excidatis. Exemplum dedit Christus, ut etiam vos sic faciatis. Ille venit ad perferendos infinitos labores, & pro suorum subditorum libertate fudit sanguinem, mortem obivit, nihil denique prætermisit ^{pro nobis mortuus est.} pro salute hominum. Hoc ut clarius demonstraret S. Matthæus, statim in exordio suo, dum describit librum Generationis his verbis utitur: Generationis JESU Christi. In quibus verbis advertit Abulensis, quod prius ponatur nomen JESUS Salvatoris, & deinde Christi uncti Regis. Nomen enim JESU est laboriosum, quod eidem in Circumcisione fuit impositum, & completum in ipsius Sanctissimâ passionē, in quâ actualiter operatus est salutem nostram. ^{Christus est Rex vi}

Ex hæcenus ergo dictis deduces, Christum Regem esse & Dominum unionis ^{unionis hypostaticæ.} hominum, ratione unionis hypostaticæ, vi cujus Christus est DEus ^{hypostaticæ.} homo. DEO autem homini, debetur dominium cœli & terræ. Hinc Augustus Imperator cum ex Sybilla cognovisset Christum nasciturum, statuto publico sancivit, ne quis se Dominum appellaret. Rex ^{Christus} ergo est jure Redemptionis dum homines suo sanguine redemptos, ^{re redemptionis.} suæ subjecit potestati. Et hinc Ferdinandus Castellæ Rex Legionis ^{Christo} cum à S. Isidoro de instanti sibi morte moneretur, ubi in Natali Do- ^{gi, Ferdi-}mini se viribus deficere sensit, se præsentē missam cantari voluit, & ^{nandus} perceptâ Eucharistiâ ad lectulum suum relatus est. Ubi verò post ^{Rex est ju-}pauculos dies vires resumpsit, cultu regio & coronâ aureâ ornatus ^{bellæ Co-} ad templum rursus deportari voluit, ubi genua flectens coram Christi ^{ronam suâ} ^{subjecit.}

sto infante in præsepio, Coronam, sceptrum & diadema regium, ad pedes Christi deposuit, dicens: Regnum quod te donante accepi, rursus reddo tibi, tantum animam meam, ut ad te suscipias deprecor. Sacramentis deinde rursus inunitus induitur cilicio, & cinere aspergitur, atque sic in templo ad cunas Christi inter manus Episcoporum animam suam DEO Creatori reddidit. Rex est Christus titulo hæreditatis. An non enim verba illa clara sunt Davidis *ps. 2. v. 8.* Dabo tibi gentes hæreditatem tuam & possessionem tuam terminos terræ. Quo titulo omnes nos subiecti eidem Domino servire debemus.

*Rex est
Christus
titulo hæ-
reditatis.*

*Rex Ja-
pon in tem-
plo non pa-
titur tape-
tem.*

In Japoniâ Regis quidam filius sibi in templo sellam positam & tapetem non admisit, dicens: par non esse, ut ubi DEI majestas omnes æquat, dispares simus in colendo DEO. Rex est Christus patet merito. Sic enim S. Paulus *ad Phil. 2. v. 8.* Humiliavit semetipsum factus obediens usque ad mortem, mortem autem Crucis. Propter quod & DEus exaltavit illum, & donavit illi nomen, quod est super omne nomen. Ut in nomine JESU omne genu flectatur, cælestium, terrestrium & infernorum. Quod expendens, magnâ cum reverentiâ divinis adfuit parvulus ille, de quo annuæ Rhemensis Collegij habent, quod cum illum in templo flectentem monuisset Magister, ut cum ex morbo recenter convalesceret, non flecteret, sed pedibus insisteret, aut consideret, cordatissimè puer responderit, mori se malle, quam DEO & Domino suo præsentî, venerationem debitam negare.

*Parvulus
valetudi-
narius sub
sacro fede-
re non vult
aut stare.*

Merito proinde exclamat David *ps. 5. v. 4.* Omnis terra adoret te. Jusserat Augustus Cæsar ut ex singulis urbibus universi Imperii Romani, homo unus ad se mitteretur, qui unum pugnum terræ ex civitate sua desumptum, secum Romam afferret. Hæc exigua terræ portio à tot millenis civitatibus Imperio Romano subiectis collecta, in collem excrevit, supra quem à Christianis deinde ædificata fuit Ecclesia, & Dominicâ secundâ post Ephphaniam dedicata, adeoque hac die in Ecclesiâ in introitu canitur, Omnis terra adoret te. Hoc dominium DEI in omnes creaturas dicit à Christo Magistro, Magnus ille Theologus S. Thomas Apostolus. Qui cum manum jussu Magistri sui, misisset in vulnus lateris exclamavit: Dominus meus, & DEus meus. Pulchrè observat Jordanus de Saxonia. Quod S. Thomas vocetur Didymus seu geminus, quia inquit in *serm. de S. Tb.* geminam in Christo agnovit naturam humanam scilicet & divinam, dum Christum agnovit suum esse

*Augustus
collem eri-
git in quo
verum est
quod omnis
terra adore-
ret Deum,*

*S. Thomas
discit in
Christo
duas esse
naturas.*

Domi-

Dominum, & suum DEum, quorum scilicet unum erat ad divinitatem, & alterum prædicatum ad humanitatem referendum. Ut proinde Theophylactus à Jordano citatus dixerit: Qui prius infidelis fuerat, post tactum lateris, optimum se Theologum ostendit, nam duplicem naturam in hypostasi Christi asservit dicens; Dominus meus & DEus meus. Confessus est enim eundem DEum esse & hominem. Quare benè Petrus Damianus exclamat: Thomæ digitus factus est Magister mundi. Quia velut alter Joannes Baptista, digito suo non tantum Christum monstravit, sed attigit dicens: Ecce DEum! ecce hominem. Ut propterea S. Bonav. *serm. 3. Dom. 1. post pascha* dicat. O Thoma! felicè habes à Salvatore tuo licentiam, ut manū mittas in latus ejus, cujus beneficio in gratiā & gloriā sublimaris. De cicatricibus S. Francisci testatur S. Bonav. quod si quis illas attigit, tantum calorem senserit, ac si vis flammivoma ex illis spiraret. Cor Thomæ frigeat, & in illo extincta erat lucerna fidei, frigescebat in illo focus amoris divini; at ubi Salvatoris sui vulnera attigit, statim exardescere coepit, atque in voces igneas erupit, quibus DEum simul ac hominem Christum Magistrum suum confessus est. Narrat Caufinus quod in Epiro fons quispiam flammis scaturiat aquis, in quem, si quis extinctam imergat facem, sine flammā fumans tæda statim rursus accendatur. An non extincta fax, & in fide emortua credi poterat S. Thomas, utpotè cui mors tam ignominiosa Magistri sui fidem omnem divinitatis extinxerat. Sed eo ipso momento, quo fax hæc admota fuit ad fontem solis divini, quam primum S. Thomas immisit manum suam in fornacem lateris Christi, ita exarsit, ut in ardentibus illas voces erumperet: Dominus meus & DEus meus. Merito proinde S. Antonius de Padua *Dom. 1. Adv.* Cor Christi vocat civitatem Solis, per quam affulsit clarissimus splendor æternæ lucis. Mirum profecto videri potest, quod DEus in antiquo testamento nec sua, nec se videri, multo minus tangi passus sit. Sic namque *Exodi. 3. v. 5.* Cum apparuisset DEus Moyfi in rubo ardente, & is accedere, vellet, atque rubum attentius considerare, audivit sibi dici à DEO, ne appropies huc; Populum vero Israeliticum, neque montem, ubi DEus cum Moyse locutus est, vel pedetangere permisit. *Exodi 19. v. 12.* Cavete ne ascendatis in montem, ne tangentis fines illius, Omnis qui tetigerit montem, morte morietur. Ozam etiam *2. Reg. 6. v. 6.* quia arcam tetigit, repente exanimavit. Extendit Oza manum

S. Francisci cicatrices magnam calorem strabat.

Fons extinctas accendit.

DEus olim inaccessibilis, modo tangibilis.

ad arcam DEI, quoniam calcitraverunt boves, & declinaverunt eam, indignatusque est Dominus contra Ozam, & percussit eum super temeritate, qui inortuus est ibi, juxta arcam DEI, Thomam vero discipulum incredulum, ad ipsa sacra vulnera sua palpanda invitat. Quod considerans S. Gregorius dicit: DEum per infidelitatem S. Thomæ. voluisse fidem nostram firmare. Egit inquit miro modo superna clementia, ut discipulus ille dubitans, dum in Magistro suo palparet vulnera carnis, in nobis sanaret vulnera infidelitatis adeoque *hom. 26.* concludit. Plus nobis Thomæ infidelitas ad fidem, quam fides discipulorum credentium profuit, quia dum ille ad fidem palpando reducitur, nostra mens omni dubitatione postposita in fide solidatur. Adverto autem, quod ubi DEus *Exodi. 19.* accessum ad montem prohibet, vetuitque ne quis montem contingat *v. 6.* Causam & rationem sui mandati dederit, Mea est omnis terra. Adeoque jure Dominij sui, quod DEus habet in creaturas suas, & vel maxime in hominem, dedisse Primo parenti nostro præceptum, de non comedendo pomo. Quod eruditè observat Greg. Nyss. dum ait, DEum in Creatione mundi, DEI tantum habere nomen, in Creatione autem hominis, non tantum DEI, sed Domini etiam nomine compellari. Et hinc Psalmista ait *ps. 8. v. 1.* Domine Dominus noster. Ut ergo dominium suum in creaturam rationalem exerceret DEus, Tulit Dominus DEus hominem, & posuit eum in paradiso, & legem de pomo non comedendo Adamo posuit. Quærit curiose Salianus, si arbor bona fuit, cur fructus vetitus? Et sibi ipsi respondet, quia vult summa Justitia; Voluntas DEI est. Elucidatur autem hoc manifestâ instantiâ. Si enim quæras quare servus domi maneat? dices quia Dominus vult. Cur domo exeat? repetes: Quia Dominus sic vult. Et hac de causâ inquit Salvianus *de provid.* Serpens qui erat callidior cunctis animantibus dixit, cur præcepit vobis DEus, non verò cur præcepit vobis Dominus? ratio est, quia se hæc quæstio ipsa interimeret. Ideo enim præcepit, quia Dominus est. Quis ergo alius jure dominabitur nobis, aut cui alteri potius serviemus? quam Christo filio DEI, cui omnia serviunt, & cui nostotos tot titulis millies debemus.

Præceptū
de non co-
medendo
pomo dedit
quia DE-
us est.



ARTI-

ARTICULUS III.

Qui conceptus est de Spiritu sancto, natus ex Maria Virgine.

DISCVRSVS XVII.

Christus conceptus est de Spiritu Sancto.

Cum in Paradyso primus peccasset Adam, & per peccatum recessisset à DEO, impatiens huius recessus, ipsum Adam DEus in paradyso quæsit. Sic enim *Gen 3. v. 10.* Adam ubi es? subdit textus, & cum audivissent vocem Domini DEI deambulantis in paradyso, ad auram post meridiem. In quem locum inquit Hugo Victorinus *hom. 8. in Eccles.* Deambulat, & non discedebat, neque abiit in desertum, elongans se quasi irrevocabiliter, nec reversurus amplius, sed propè gyrans & deambulans abiit, modo vadens & modo rediens, & magno quodam incendio æstuans, quasi nolens sedem suam deferere; expectat, si fortè invitetur, ut veniat. Quia verò Adam, quo magis accessit DEus, tanto magis à DEO recessit, grande in DEO accendit desiderium, nobiscum in carne versandi, quia non videbatur posse sine nostrâ humanitate esse quietus. Observat pulchrè Tertull. *in c. 6. Gen.* verba illa *v. 6.* Tactus dolor cordis intrinsecus, dicitque, quod DEus tunc decretum de homine tollendo stabiliverit. Quærit autem sic. Quare doles? nonne erat infinita multitudo Angelorum? ne doleas igitur hominem ingratum. Sed doloris ea fuit vis, ut cum illi mederi non posset aliter, & homo cum non vellet accedere ad DEum, DEus accessit ad hominem. Verbum scilicet caro factum. Et hinc ex ingenti incarnatio-

DEus peccatorem querit.

*Incarnatio-
nis in-
gens defi-
derium.*

nis ardore, in ejusdem annunciatione non expectavit, ut ad Virginem missus Angelus reverteretur, sed subito postquam Maria dixit: fiat mihi secundum verbum tuum, filius DEI in utero Virginis fuit incarnatus. Quod expendens Angelicus Doctor in *Catena* ita loquitur: Jam autem erat cum Virgine, qui ad Virginem mittebat Angelum, & præcessit nuncium suum. Quod Albertus Magnus Angelici Doctoris Magister confirmat, dicens: Sed mirum admodum est de dictis Angeli, prævenit ad salutandam Virginem ex Domini sui parte, & invenit præcessisse Dominum, etiam ipsum celerem adventum nuncii. Siquidem Angelus Beatam Virginem salutando dixit Dominus Tecum. Amanti enim omnis velocitas tarda est; ideò reditum nuncij non expectat, qui renunciet de consensu. Et hoc quod est Regius Propheta dicere voluit *ps. 17. v. 10.* quando dixit: Inclinavit cælos & descendit. Audiamus Genebrardum in hunc locum: Celebritatis studio non eos aperuit ad descendendum, sed inclinavit secum, & in terram traxit. Supponendum tamen est à Sancto spiritu, hoc incarnando Verbo divino paratum fuisse habitaculum. Certè S. Basilius clarè asserit ideò DEum posuisse Adamum in paradyso, quia erat singulare opus DEI, adeoque conveniens erat, ut qui haberet differentem à cæteris bestiis naturam, etiam aliam & nobiliorem haberet præ aliis mansionem. An non hoc dicam de animato paradyso nempe de B. Virgine. Licet enim spectando communem naturam, videatur id ratio postulare, ut ejus generatio esset communis cum cæteris Adami filiis, spectando tamen omnipotentiam divinæ dexteræ, fateri debemus, quod sicut Verbum incarnatum diversâ planè ratione fuit conceptum, & in Virginis purissimo utero aliter, quam cæteri homines in utero alias materno sit efformatum; ita etiam per specialem providentiam Spiritus sancti, illi verbo divino singulariter habitaculum, in quo novem mensibus incarnatus DEI Filius moraretur, omni gratiarum varietate præparaverit. Et hoc est illud quod *Prov. 8. v. 23.* dicitur. Ab æterno ordinata sum, & ex antiquis, antequam terra fieret. Quare non sine causâ Georgius Nicomediensis *orat. de oblat.* dicit de B. V. Civitas animata, de qua dicebat Propheta: Gloriosa dicta sunt de te Civitas DEI. Quas hæctenus orbis miratus est civitates celeberrimas, nimirum Romam, Alexandriam, Constantinopolim, quas miris impendiis ædificaverunt Romulus, Alexander, Constantinus; atque
adco

*Mariapa-
radyfus a-
nimatus.*

*Maria
specialiter
incarnan-
do filio Dei
parebatur.*

adeo à suo etiam nomine eandem nominarunt, nunquam tamen eò adducere potuerunt, ut iisdem, qui earum erant insigne Conditores, in ipsis illis civitatibus nascerentur. Unde velut rem impossibilem miratus David, dixit *psal. 86. v. 5.* Numquid Sion dicet. Homo, & homo natus est in eà, & ipse fundavit eam Altissimus. Quod impossibile credebat David, id obumbrante Spiritu sancto mirabiliter factum constat Ecclesia, quando Mariam Matrem Creatoris sui appellat & veneratur. Quod Spiritu sancto afflatus Psalmographus futurum prævidens, merito exultavit dicens; *ps. 86. v. 3.* Gloriosa dicta sunt de te Civitas DEI nempe Maria, quia divinisissimus architectus DEus, qui Mariam velut Creator fabricavit, idem ille, in eadem & factus & natus est. Ut merito proinde exclamet Ecclesia: Quite creavit providè, lactasti sacro ubere. Pulchrè S. Bern. *serm. 1. de Laud. B. V.* Impossibile est quantum ad alios homines, ut aliquis fundator sit Civitatis, in quâ nascitur, quia antequam sit natus non potest fundare civitatem. Sed Christus, qui est Altissimus, per hoc quod DEus est ante omnia tempora, fundavit civitatem hanc, id est Matrem suam creavit, & tunc ut homo in fine temporum natus est in eà. Verè omnino hoc impossibile est apud homines, sed non est impossibile apud DEum, cui non est impossibile omne Verbum, quod locutus est in tempore DEus, quando ex Mariâ natus est DEI Filius. Qui uti ait B. Petrus Damianus *serm. 3. de nativ. Virg.* antequam nasceretur, talem creavit illam, ut ipse dignè nasci posset ex eà. Creatus est in eà, quàm creavit; portatus est in manibus, quas formavit, suxit ubera, quæ replevit. Concludit deinde eleganter his verbis: Merito igitur Beatissima Maria dicitur parens parientis, oriens orientis, fons fontis vivi, origo principii, quia ex eà prodiit per materiam carnis, qui caput & initium est rerum omnium per essentiam Deitatis. Luna quod dicunt Philosophi inter reliquos Planetas minima est, ubi tamen se soli inter terram interponit, totum quasi lumen ipsius Solis excipit, & sic ejusdem Solis radii in terram non terminantur. Maria quæ non tantum ut Luna pulchra est, sed ipsâ Lunâ longè capacior, DEum Justitiæ Solem Virgineo suo utero excepit. Ut merito admirabundus exclamet Petrus Damianus *serm. 3. de nativ. Mariæ* Immensum concepit, æternum genuit, genitum ante sæcula parturivit. Hoc ergo est novum illud, quod *Jerem. 31. v. 22.* dicitur: Quia creavit Dominus novum super terram; fœmina

Maria
Mater sui
Creatoris.

Luna par-
valicet, est
capax So-
lis.

na circumdabit Virum. Illa nimirum foemina, quæ à S. Anselmo *alloq. coel. 27.* dicitur mirabiliter singularis, & singulariter mirabilis, per quam elementa renovantur, inferna remediuntur, homines salvantur, Angeli redintegrantur. Vel ut S. Aug. *serm. 18. de Sanct.* dicit: Foemina super foeminas benedicta, quæ Virum omnino non novit, & Virum utero suo circumdedit, quæ angustis terminis velut Luna circumscripta imminensum Justitiæ Solem DEum Virginei uteri terminis circumscripsit. Habet hoc Luna, quod mirâ instabilitate sua crescat & decrescat. Maria dum minima fuit, & ab Angelo salutata, se ancillam professæ est, omnis consummationis vidit finem, quando nimirum in Matrem DEI electa, humillimo suo fiat, intra se conclusit illum, qui est Alpha & Omega. Nec sine causa DEus voluit Lunam esse in signa & tempora, per quam dies & nox certâ statione à cælo deputantur. Maria velut Luna pulcherrima, quando facta est Mater Creatoris, omne tempus in compendio Virginei uteri exhibuit, quandoquidem eundem quem concepit, & genuit, & temporalem & æternum esse ostendit. Meritò ergo exclamare cogor cum S. Germano Archi-Episcopo Constantinopolitano *Orat. 1. de dormit. Deip.* Nemo tuarum Celsitudinum laudes oratione satis extollere valet, cum laudem tibi propriam habeas, quod Deiparam te esse constet. Quod Richardus à S. Laur. *l. 2. de Laud. Virg.* confirmat, dum verba illa mulieris Evangelicæ clamantis: Beatus venter qui te portavit, expendit. Dicitur inquit ille beatus, quia qui fecit ventrem, factus est in eodem ventre. Hoc est magnum & mirabile pergit ulterius; si quis faceret domum & postea nasceretur in eadem domo. Ideo *ps. 86.* gloriosa dicuntur de civitate DEI, id est Maria, quod homo natus est in eâ, & ipse fundavit eam Altissimus. Quis audivit unquam tale? an non exclamem cum Maria? Quomodo fiet istud? Respondebit utique S. Bern. in persona Angeli *serm. super missus est*: Scies, sed illo Doctore, quoutique & authore.

Consensus
Virgineus
convenienter
petebatur.

Certum est tamen, quod in castissimo utero Beatæ Virginis ope Spiritus sancti, potuisset simpliciter Verbum divinum caro fieri, sine assensu Virginis. Sic namque Gulielmus Parisiensis, advertit, quod *Genes. 2.* sine assensu Adami, in quem soporem induxit Dominus, ex costâ illius fabricaverit Evam, quam eidem in uxorem dedit. Immitter inquit soporem in Adam, ut de corpore nescientis tolleretur, unde illi mulierem formaret. Tamen uti docet S. Thomas quia celebra-

tur

tur quoddam matrimonium Spirituale naturæ divinæ cum humanâ, *Responsum*
 adeoq; conveniens erat, ut à Beatâ Virgine, quæ vices humanæ natu- *pacis à Pto-*
 ræ agebat, consensus peteretur. Misit aliquando Antiochus Rex *lomo per-*
 Pompilium Legatum ad Ptolomæum Regem Ægypti, ut pacis fœ- *emptorie*
 dera postularet, ast cum Ptolomæus responderet se cum suis hac su- *positum.*
 per re consultaturû, Pompilius cum suo quem manu tenebat baculo,
 circa Regem circulum fecit, dicens; antequam hoc circulo exce-
 das responsum dabis. Ptolomæus animositate Pompilii territus, pa-
 cis condiciones admisit, & Legatum in Syriam ad Antiochum hono-
 rifice remisit. O quantæ in redemptione generis humani necesseban-
 tur moræ! hinc illæ ex limbo lamentabiles Patrum voces: Rorate!
 rorate cœli desuper! & nubes pluant justum, aperiatur terra, &
 germinet Salvatorem. Usque dum à Virgine cœli terræque Rex ipse
 DEus, ex vaticinio Jeremiæ, quod sœmina circumdabit virum, u-
 teri Virginei circulo inclusus, per sœciales Angelos, pacem cum
 hominibus stabilivit. Hinc etiam à Prophetâ Princeps pacis dicitur,
 cui de cœlo delapso accinebant Angeli, *Luc. 2. v. 14.* Et in terra pax
 hominibus bonæ voluntatis. Confirmat hoc *Isaias c. 9. v. 6.* Et voca-
 bitur nomen ejus Princeps Pacis. At vero cur hoc nascente Christo
 fit per Angelos Sago indutos? utique per exercitum militiæ cœle-
 stis? nisi quia nato Christo pax quidem hominibus promittitur, sed
 bellum nato DEO indicitur; quod ubi morte suâ gloriose termina-
 verit, tunc pacem dabit, stabilem, & semper duraturam. Et ideo
Joan. 14. v. 27. à nobis ad cœlum abiens Apostolis dixit: pacem
 relinquo vobis, pacem meam do vobis. Pulchre S. Hier. *in verba*
ps. 119. Christus Dominus nostra pax est. Vadens ad cœlum nobis
 vexillum demisit dicens: Pacem meam do vobis. Ast non ad bel-
 lum inferendum panduntur hæc vexilla. Sed pacis hæc sunt, & can-
 dida eriguntur trophæa. Pugnaturus itaque pro pace nascitur, quam
 ascendens nobis reliquit bellorum strepitu relegato. Quæ planè ea-
 dem causa est, cur DEus olim truculentus, ut fulminis instar elide-
 ret omnia & conquassaret. Sic ut *Exod. 20. v. 19.* populus Israeliti-
 cus DEum amplius, nec loquentem ferre posset, cum non loque-
 retur nisi fulmina. Rogavit proindè Moysem, Loquere tu nobis,
 non loquatur nobis Dominus, ne fortè moriamur. Ubi tamen ho- *DEus in-*
 mo factus est, omnem ferociam exuit, ipsosque illos discipulos, qui *carnatus*
 fulmina de cœlo petebant, reprehendit; adeoque mansuetus factus *mansuetus.*

Gg

est,

*Taurum
ficus arb.
mansue-
cit.*

est, ut infans nec nosse fulmina, minus etiam tractare voluerit. Aristoteles refert, quod si Taurus alligetur ad ficum arborem, quod licet ferocissimus sit, mansuescat, & seposita ferocia cicurabitur. Ego ficus nomine, quid aliud intelligam quam naturam humanam, cuius miseram fragilitatem *Gen. 3.* primi parentes nostri ficus folijs volebant occultare, quando consueverunt folia ficus, & fecerunt sibi perizomata. Ad hanc ficum contumularunt primi Parentes peccatum suæ inobedientiæ, quando & Adam uxoris blandicias, & Eva serpentis prætexens fraudulentiam, uterque verò folijs ficuum se contegens, nuditatem suam agnovit; nunquam fragiliores, quam quando fragilitatem suam confessi non sunt. Ubi ergo ad fragilitatem carnis nostræ religatus est DEus, totus suavis factus est, subitoque positis odiis, quibus olim contra genus humanum fervebat, pacem orbi per angelos nuntiabat. Quam mansuetudinem ab ipsis misericordiæ uberibus vel infans utero clausus, vel deinde lactatus, debuit attraxisse. Cum pulchrè S. Bern. *serm. 1. de nuptiis Cane Galilee* dicat: Nec pomum diu in manu conservari, quin odorem suum & fragrantiam communicet. Verba illius sunt: Nonne qui pomum tenuerit mediâ die in manu, reliquâ diei parte pomi servabit odorem. Quantum igitur viscera illa pietatis virtus affecerit, in quibus novem mensibus requievit. Atque adeò sicut sanguis per se horridus est, & homini resistit, in uberibus tamen in lac conversus amabilis efficitur, & minimè reluctanter in nutrimentum sumitur. Sic DEus, qui in lege veteri totus fuit formidabilis, inter ubera Mariæ factus est dulcis & suavis. Ut quem cibum vel potum formidabant Judæi, dicentes; durus est hic sermo, & quis potest eum audire, nos modo instar cœlestis mannae, in Eucharistiâ cum carne & sanguine suavissimè degustemus. Ut ineritò exclamem cum Davide *ps. 8. v. 1.* Domine Dominus noster quam admirabile est nomen tuum in universâ terra.

Et verò qui tâ mirabilis fuit DEus in universâ terrâ, longè magis mirabilis fuit in Maria. Ut proinde de illâ dicat S. Germanus Patriarcha: Omnia sunt mirabilia in Maria & naturæ vires excedentia, in quâ DEus exercuit suam potentiam. Quod minimè mirandū dicit S. Bern. *hom. 1. super missus est*: Quid mirum inquit, si DEus qui mirabilis legitur & cernitur in Sanctis suis, mirabile se exhibet in matre suâ. Quare beatus à S. Joanne Damasc. Officina; à B. Petro Damiano abyssus vocatur miraculorum. Quid enim mirabilius inquit S. Ildephonse *l. de B. V.* quam

*Maria of-
f. &
abyssus mi-
raculorum.*

quam unico Verbo fiat à piissima Virgine prolato, non jam mundū aut solem, sed ipsum DEum productū esse. Recte proindè hoc fiat Mariæ, comparat noster Engelgrave *Conc. 15. de annunc. §. 1.* cum illo fiat æterni Patris *Gen. 1.* Quando hoc verbo fiat cælum & terrā creavit. Dixit DEus inquit ille, fiat lux, & facta est lux, quæ omnes aëris tenebras discussit; sed ad Virginis fiat factus est fons lucis, & omnes spirituales tenebras fugavit. Ad illud fiat, factum est firmamentum, per hoc ipse Conditor firmamenti factus est homo, & petra ac firmamentum Ecclesiæ. Ad illud facta sunt duo luminaria Sol & Luna, per hoc illuxit nobis humanitas & divinitas: Per illud conditi sumus, iterum morituri, per hoc incepit ejusdem restauratio. Per hoc denique tanta fuit potentia, ut S. Bern. *serm. 4. super missus est* dicat: In sempiterno verbo DEI facti sumus omnes, & ecce morimur; in tuo brevi responso scilicet fiat, sumus reficiendi, & ad vitam revocamur. Unde verè & audaciter ausim affirmare de Virgine, quod Joannes de verbo divino dixit: Et sine ipso factum est nihil. Ita ego dicam de Virgine: Sine Maria nihil omnino esse resectum. Occurrit hic illud *Marc. 11. v. 25.* ubi Christus dixit: Habete fidem DEI, amen dico vobis, quia quicumque dixerit huic monti, tollere & mittere in mare, quodcumque dixerit fiat, fiet ei. Dicam ego si habueritis fidem Mariæ, videbitis montem qui Christus est, utpote Verbum Patris, unico verbo fiat Mariæ, ab altissimo cælorum fastigio, in mare nostræ mortalitatis imo in Virginei uteri angustum fretum se immerfisse. Divine plane Andreas Hierosolym. *serm. d. B. V.* ait: Dixit DEus fiat lux, & facta sunt omnia. Dixit Virgo fiat mihi secundum verbum tuum, & factum est opus maximum. Imperantis DEI fiat, secutum est cælum; Obedientis Virginis fiat, secuta est admiranda verbi divini incarnatio. Atque ita Verbo Verbum, DEus immortalis, unico fiat factus est mortalis. Ut cogar dicere Majus igitur aliquid attribuit DEus Fiat Virginis, quam suo. Quæ omnia Sanctissimi Spiritus obumbrationi debentur, sine quâ æstus amoris divini sustinere non potuisset. Expertis hic loquor viatoribus, quibus in ardente Sole itinerantibus unica refocillatio est soli opposita nubes, quæ umbram æstuantis peregrino obtendit. Hoc ex Philosophorum schola observo, quod umbra ex objecto corpore, quod Soli vel lumini opposueris, nascatur. Sic si soli opponas hominis corpus, vel lumini minimum obtendas, umbra est. Ita plane Spiritus sanctus superveniens

Fiat Maria efficitur.

Maria fiat DEus amplius, aliquid tribuit, quam suo.

Marianiſi à Spiritu ſancto obumbrata, verbi divini vim ferre non potuiſſet.

obumbravit Mariam, quando divinæ Majeſtatis fulgori, in utero Virginis oppoſuit Corpus Chriſti, in quo omnes radii divinitatis concentrati, illæſam conſervaverunt Mariam, ut rubi inſtar incombuſti arderet quidem divinitate amoris divini, à flammâ tamen divinitatis intacta maneret, non latura exceſſum divinitatis, niſi DEUS in illâ homo factus fuiſſet.

Chriſtus incarnatus, imbel- lis Samſon.

Unde dum *Jud. 6.* conſidero illud fortitudinis Gigantæ monſtrum Samſonem in ſinu adamatæ Dalilæ; in umbram quandam adamatæ à divinitate noſtræ humanitatis devenio. Hic enim ipſe Gigas à divino pſalmographo à ſummo cælo egreſſus dicitur, quia unius Virginis amore captus eſt, in cujus utero incarnatus divinus infans, penè ad ludibrium in omni mundo, domo excluſus in lucem effuſus eſt mortalem. Vide hic ô anima mea! & conſidera Samſonem illum potentiſſimum in dilectæ ſuæ Dalilæ gremio recubentem. Ubi nunc capilli illi aurei divinitatis, in quibus divinæ omnipotentæ Majeſtas conſiſtit? Ubi Sapientia illa DEI Patris, quæ omnes linguas infantium facit eſſe diſertas? ubi potentia quâ mundum condidit, & nutu unico moderatur? Tonſus eſt noſter Samſon, & cujus fortitudinem virtutes cælorum mirantur, factus eſt pro nobis infirmuſimo inermis infans. O feliciffima! ô fortiſſima Virginum! ô Sacratiffima Dalila Maria! quam glorioſè tu de divino Samſone triumphas? quem cum nulla potentia ullis vinculis coercuiſſet, tu Virgineis materni uteri viſceribus vinculaſti. Quid ergo aliud ego dicam quam illud Pauli *ad Titum c. 3. v. 4.* Apparuit benignitas & humanitas Salvatoris noſtri. *S. Tb. 1. p. q. 25. art. 6. ad 4.* Dum DEI Matrem conſiderat. Dignitatem inquit habet infinitam ex bono infinito quod eſt DEUS. S. Aug. vero *ſerm. de Aſſumpt.* Singulare privilegium illius in hoc veneratur, quod Chriſtus puriſſimum ejus ſanguinem, quem illa Chriſto in Verbi incarnatione ſubminiſtravit ex quo deinde Spiritus ſanctus carnem Chriſti efformavit, ſemper retinuerit, neque unquam dimiſerit. Caro Chriſti inquit eſt caro Mariæ, & quamvis gloria reſurrectionis fuerit gloriſicata eadem tamen manſit, quæ ſumpta eſt de Maria. Quam proinde S. Thom. parentelam, ſeu affinitatem inter Virginem, & DEum appellat. B. Petrus Dam. verò vocat ſpecielem exiſtentiam, quâ ineſt Mariæ, non ſolùm per præſentiam, potentiam, & eſſentiam, ſed quandam, quaſi identitatem, verba illius ſunt; Cum DEUS ſit in aliis rebus tribus modis,

Maria gloria quia eſt Mater Chriſti.

modis, in Virgine fuit quarto speciali modo per identitatem, quia idem est, quod ipsa. Quare S. Anselmus excellentiam maternitatis expendens inquit: Nihil Domina tibi est æquale, nihil comparabile. Omne enim quod est, aut supra te, aut infra te est. Quod supra te est, solus DEus est; quod infra te est, est omne, quod DEus non est. Hinc illa mulier Evangelica, licet habuisset multas virtutes, unde Beatam Virginem commendasset, tacitis omnibus, laudat illam à ventre, quia maternitatem Mariæ maximi fecit. Et verò non sine causâ, cum per hoc sit cœli, terræque Domina facta, utpotè quàm ideo DEus constituit totius creaturæ reginam. *Esther 2. v. 17.* cum præcepisset Rex, ut ei quærerentur ex omni regno speciosissimæ puellæ, inter reliquas etiam adducta fuit Esther, quæ inter omnes maxime placuit Assuero. Dicit Textus: Et adamavit eam Rex, plus, quam omnes mulieres, habuitque gratiam & misericordiam coram eo, super omnes mulieres, & posuit diademata regni in capite ejus, fecitque eam regnare in locum Vasthi. Magna fuit hæc dignitas Esther in Reginam electæ; quando tamen & patronam pro populo se obtulit, major videri illius debet fuisse existimatio. Cum enim per arrogantiam fastuosi Amon edictum prodiisset, ut omnes Judæi delerentur in regno, Mardocheus nunciavit hoc Reginæ, ut ad Regem intraret, & pro salute Judæorum intercederet, dicens; *tempore* Quis novit, utrum idcirco ad regnum veneris, ut in tali tempore parareris. *Esther 4. v. 14.* O Maria cum sola electa sis, ut mater DEI esses, & mundi ac cœlorum Domina, piè nos credimus, quòd idcirco ad regnum hoc veneris, ut in tali tempore parareris. Nosti ô magna cœli terræque Regina, quòd improbæ Dalilæ similis humana natura Christo incarnato infidelis extiterit, tu pietate maternâ veniam conciliasti. *Judic. 16.* Dalila Samsoni infidelis aperuit secretum ænigmatis, iratusque Samson nimis, ascendit in domum Patris sui, sed modico tempore duravit ira, cum statim c. 15. dicatur: Venit, invisere volens uxorem suam, attulit ei hædum de capris. *Abul. in c. 16. Judic.* miratur Samsonem, eumque his alloquitur: Quid hoc quatuor vix dies elapsi sunt, quòd te tradidit Dalila in manus Philistinorum, & nunc reverteris ad illam, licet tui non sit cupida, & te etiam dereliquerit. Nulli hæc videantur miranda inquit Abulensis, quia amor Samsonem excœcavit. Et ideo amans non solum injuriæ satisfactionem ab uxore nolebat, sed ad eam lætificandam hædum

*Maria
Esther in
ut nos sal-
varet.*

in munus attulit. Origenes & S. Bonaventura paralellam faciunt cum DEI filio, & humanâ naturâ, quæ tam enormibus peccatis DEum offendit, ut licet iusto decreto divino illam rejecerit, & æternæ damnationi subjecerit, atque propter contractum Originale peccatum odio habuerit, tamen adeo rursus adamavit, ut de cælo ipse descenderit, camque pretioso suo sanguine & morte crudelissimâ redemerit. Propter hoc enim inquit S. Aug. ad nos ille descendit, ut nos ad illum possemus ascendere. Leoni Socio S. Francisci Seraphici, objecit DEus gratiosum spectaculum. Vidit is in magnâ planitie binas scalas à cælo usque in terram demissas, una candidi erat coloris, altera purpurea. Purpureæ incumbibat Christus vultu Severo, qualis solet esse irati Judicis. Candidæ innitebatur vultu placidissimo tota amabilis Virgo Maria. Purpurea scala est Crux sanguine Christi purpurata, per quam vi meritum Christi ascendere possumus ad cælum. His bonus JESUS non tantum incumbit, sed cruentis etiam manibus nos invitat. Si tamen iratum timeamus vultum judicis, & gradum timidum ponere non audemus; Vidit enim Frater Leo, multos ab illis scalis præcipitari in ruinam æternam; habemus scalam candidam gratiæ; convertamus nos ad Matrem misericordiæ, quia per hanc ad alteram, & ad ipsum cælum facilis & securus est transitus. Cælius Rhodiginus inquit, si speculo puro inscribas rubras literas, & Lunæ speculum illud obvertas, apparere tunc in Lunâ rubras illas literas, quas speculo inscripsisti. Maria pulchra ut Luna, in cælo Soli Justitiæ filio suo assistit, nos speculo sed purissimo cordis nostri inscribamus. Infirmus quidem scribat salus infirmorum; Moriens inscribat Janua cæli. Afflictus pingat Consolatrix afflictorum, Peccator exprimat calamo fiduciali Refugium peccatorum. Sed rubris scribamus literis, id est per incarnati Verbi pretiosum sanguinem, quæ de castissimis Mariæ suscepit visceribus Mariam rogemus; Totum hoc legemus in Lunâ pulcherrimâ Mariâ. Regulus ille Joan. 4. v. 54. Sanitatem filio suo impetravit, vade filius tuus vivit; quilibet per primam instantiam nihil obtinuerit, per secundam tamen id impetravit, quod voluit. Si quæras, quo Verbo Christum adeo flexerit, dicam ego per Verbum descende, quo monuit Christum descensus illius, quando propter nos homines, & propter nostram salutem descendit de cælis, & homo factus est. Docet me hoc Albertus Patavinus *serm. de Dom. 20. post Pentec.* Eò enim

Leo S. Francisci Socius, videt duas ad cælum scalas.

Scalas duas nobis dedit Deus ad cælum.

Lunæ rubras literas inscribere.

Christus rogatus per suam incarnationem, facile nos audit.

nim descendit, quod nostram mortalitatem assumpsit, cui viventi, cum cadaver nostræ mortalitatis adjungitur, vivimus. Quare si rogantes, Christo humilitatem nostram, & illius descensum opposuerimus, nihil est, quod petentes non obtinebimus.



DISCURSUS XVIII.

Christus homo natus est.

Quidius l. 8. metamorphoseos fingit Jovem & Mercurium in Phrygia peregrinatos fuisse, sed passim domibus exclusos hospitio caruisse; sic enim canit:

Mille domos adiere, locum, requiemque petentes,
Mille domos claudere seræ, tamen una recepit.
Parva quidem, stipulis & cannâ tecta palustri.

*Jupiter
cum Mer-
curio pere-
grini hospi-
tio exclu-
duntur.*

Quid obsecro naturalius potuisset exprimere ipse Evangelista? Ibat Virginea mater cum sponso suo in Bethlehem, ubi urbe totâ exclusa in lacero stabulo tandem divertit, & Verbum æternum ibi peperit. Si quæras cur in diversorio, cœli, terræque Dominus cum habere nequiverit, inexpectatè respondebit glossa ordinaria: Diversorium est domus inter duos muros, duas januas habens. Quid obsecro DEum prohibet intrare domum, ubi duæ portæ sunt? Scilicet fieri non potest, ut anima illa DEum hospitem habeat, cui duplex est ostium, per quorum alterum voluptatibus ostium pateat, per alterum se Christum admittere posse speret. Plures habere portas anima non debet, una namque illi satis est, per quam solatia, sed cœlestia admittat. Quomodo enim sub tecto superbo & fastuoso, vel etiam iracundo hospitari poterit Christus, qui mitis est, & humilis corde? Certè qui affluenter dat omnibus, apud parcum Euclionem non inorabitur. Cum ebrioso non benè convenit Christo, qui etiam quadraginta diebus jejunavit. Neque apud luxuriosos divertet. Sed quod factum est crassis illis & inhumanis civibus, qui Jovem cum Mercurio excluderunt in Phrygiâ, id factum est Bethlemitis negantibus hospitium Christo Domino. Ibi enim indignati Dij fontibus im-

*Christus
natus ho-
spitio ex-
cluditur.*

*Christus
non intrat
ubi duæ
portæ sunt.*

*Christo ex-
cluso ex-
trahuntur
infantes
Civium &
occidun-
tur.*

*Nato Chri-
sto quomo-
do pax, si
occiduntur
parvuli.*

*Parentes
male vo-
luntatis
pacem fre-
gerunt, filii
lucent.*

*Maria li-
cèt gravi-
da sine on-
ere.*

imperarunt, ut ex terræ cavernis erumperent, qui cives cum do-
mibus everterunt, atque ubi prius ampla steterunt palatia, repente
ab inundantibus aquis eversa domus, piscium facta sunt vivaria; e-
natumque stagnum turpissimæ inhospitalitati perpetuum dedit mne-
mosynon. Sic planè Cives excluderunt Christum tectis suis, & paulo
post in totâ vicinîâ urbis Bethlehem stagnum erupit sanguineum. Ita
enim loquitur S. Vincentius Ferrerius. Hanc pœnam infantum pa-
rentes meriti sunt, dum nolunt hospitio excipere Beatam Virginem
Mariam gravidam, nec ejus sponsum Joseph, nec etiam post nativi-
tatem Christum, visis licèt tot miraculis. Fuit haud dubio gladio
quovis penetrabilis Mariæ & Josepho Verbum hoc; non est locus
in diversorio. Ecce qui gladio crudelitatis transfixere cor Mariæ,
vident modò transfigi corda filiorum suorum. Sed obsecro, si pax
est hominibus bonæ voluntatis, ubi melior voluntas, quam apud
parvulos? Audite S. Hilarium in c. 18. Mat. Hi enim proximo ma-
lum velle nesciunt, curam opum negligunt, non inolescunt, non
oderunt, non mentiuntur, dictis credunt, & quod audierunt verum
habent. Et tamen teste Genebrardo eorum quasi quatuordecim mil-
lia trucidantur. Quid verò ita præjudicat paci, quàm hæc innocen-
tium puerorum cædes, quia dum pax annunciat, hominibus
bonæ voluntatis, nemo meliorem voluntatem habere poterat,
quam puerilis innocentia, quæ neque malum velle, taceo intentare
poterat. At verò dum Bethlemitici cives voluntate pessimâ
DEO gravidam Virginem, tectis suis excluderunt, bonæ volunta-
tis esse desierunt, adeoque pax, quæ angelico concentu fuit publi-
cata à mala voluntate parentum fuit infracta. Neque tamen per hoc
ipsis Innocentibus pax violata censeretur, quibus cruentus licèt
Herodis gladius, pacem contulit cœlestem, quando nimirum teste
S. Aug. serm. 10. de Sanct. Nunquam illis Herodes tantum profuisset
obsequio, quantum profuit odio.

Cogitur ergo DEO gravis Virgo à Civibus & urbe exclusa,
extra portas quærere angulum, hoc uno felicissima, quòd licet par-
tui proxima, pondus & onus non sentiret. Ita enim Barradius tom. 1.
Evang. c. 14. affirmat. Parum aut nihil oneris Virgo inter ambulandum
in fœtu ut puto, sentiebat, agilitatis namque dote gravitatis
pondus fuit ademptum. Nec hoc fatis; nullum pondus sensisse, aut gra-

gravidatam gravatam non fuisse, sed ab illo quem portabat ipsa portabatur, & velut alis instructa, à Nazareth tridui itinere ferebatur. Similitudinem hanc accipit S. Aug. *serm. 24. de verb. Apost.* Hæc sarcina, inquit, non est pondus amanti, sed ala volaturis. Habent enim & aves pennarum suarum sarcinas. Portant illas, ut portentur; illas in terra portant, ut portentur ab illis in cælo. Quarè benè S. Fulbertus *serm. de Laude Deip.* Nulla inquit gravedo fieri potuit concipienti, nulla tristitia parturienti, & cum esset gravida, salubri levitate plaudebat. Lumen enim, quod intra se habebat, pondus habere non potuit. Maria namque Verbo Verbum concepit, hinc celeri gressu viam transvolat, quando aliæ mulieres utero gravidæ, lento passu incedunt, gravedine torpent, facilè fatigantur, fastidio laborant. Unde etiam, quod benè advertit Athanas. *serm. de nativ. Christi.* Sine obstetricum obsequio, filium suum peperit. Omnes denique secundinas, & consuetas puerperij sordes, quod testatur S. Epiphanius *heres. 69.* & confirmat S. Cypri: *serm. de nativ.* exclu sit & passa non est. Ideoque etiam, quod docet S. Aug. *serm. 14. de nativ.* Sine omni dolore partum suum effudit. Ut propterea in unâ Antiphona dicat Ecclesia: Nesciens virum peperit sine dolore. Neque enim dolorem pati debebat, quæ sine omni voluptatis carnalis delectamento concepit. Non quod impudicissimarum muliercularum sæpè turpissimum libidinis est velum, dum dicunt se sine delectatione copulaminisse, quod fieri posse negat S. Aug. & saniores Medici, fieri non posse communiter docent. Sed quia ut dicit Ecclesia in Circumcisione Dom. *in noct. 2. in Resp. 2. & 3.* Domus pudici pectoris, repente templum fit DEI. Intacta nesciens virum, Verbo concepit filium. Ideoque benedicta & Venerabilis es Virgo Maria, quæ sine tactu pudoris inventa es Mater Salvatoris. Et hæc de causa, quod benè observavit S. Bern. *hom. super signum Magnum.* Maria molestissimum illud tædium, quo reliquæ omnes gravidæ mulieres laborare noscuntur, sola non sensit, quæ sola sine libidinosa voluptate concepit. Unde & in ipso conceptionis initio, quando potissimum cætera mulieres miserabilius affliguntur, Maria cum summâ agilitate montana obivit, magnâ cum alacritate Elisabethæ servivit, & recens nato infanti Joanni Baptistæ, quasi Lucinam & gerulam egit. Imò cum jam tempus pariendi immineret, portans illud pretiosissimum salutis nostræ depositum, sine omni pondere & impedimento

*Maria ab
omni parturientium
onere est
libera.*

*Copula
non potest
fieri sine
delectatione.*

portavit. Portans onus leve, portans eum, à quo portabatur. Denique Maria Verbum portabat, quod portat omnia Verbo Virtutis Suz.

Sed qui adeò pro Virgine Matre sua sollicitus fuit DEus, in setamen rigidus, nihil omittere voluit, quod humanæ fragilitati accideret. Certè S. August. *in ps. 15.* dum expendit Virgineum uterum, in quo infans Christus spatio novem inensium jacuit, miratur infinitam DEI bonitatem. Cum enim in Christo, licèt infante propter unionem ad Verbum, nulla prorsus fuerit ignorantia, quantus debuit Christo fuisse sensus doloris, tanto tempore illis materni uteri angustis clausum fuisse. Nicodemus hunc uteri materni carcerem sic exhorruit, ut putaverit esse impossibile ut homo ratione præditus, ad uterum revertatur maternum. Providentia DEI planè specialis est, quod DEus infanti in utero rationis usum neget, ne miseras illius carceris apprehendat. Si enim anatomicos consulimus, locus est fœdissimus vesicam inter & intestinum crassum. Spatium est angustissimum, complicatus enim sedet infans, & vel ocellos suos contra acutiores humores manunculis suis tuetur. Jam verò si Christus teste S. Hier. *Ep. 22. ad Eustoch.* ab ordinariis miseriis humanis non fuit immunis, & aliundè in primo instanti Conceptionis suæ propter unionem ad Verbum plenum habuit rationis usum; Quanta hæc DEO fuit patiendi materià? neque enim malè dici potest, quòd uterus maternus sit vivi hominis sepultura. Unde si dicam, quòd Christus in utero Virginis, fuerit quasi in figura sui sepulchri, paradoxum hoc minimè videri debet; cum ipsa Ecclesia passionem illius cum nativitate commisceat. Audite enim ad compatiens obmutescensque organi sonum in Dominicà Passionis intonare Ecclesiam. Pange lingua gloriosi lauream certaminis. Paulò post inferius subjungit: Vagit infans inter arcia, conditus præsepia. Quid obsecro Cruci cum cunis? nisi quia multa sunt passioni cum nativitate communia. In nativitate flos campi invenitur in scæno, in passione fasciculus myrrhæ suspenditur in Cruce. In nativitate canunt Angeli, in passione Gallus. In nativitate Christus est inter duo animalia, in passione pendet inter duos latrones. In nativitate DEus homo factus est, in Passione Pilatus intento in Christum digito hominem ostendit: Ecce homo; in nativitate Virgine lacte roratur, in passione felle & aceto potatur. In nativitate teneris labellis oscula imprimit Mater; in passio-

Uteri materni angustia quibus infans clauditur.

Magna Christi dignitas nasci novum mentibus in utero.

Multa in nativitate Christi cum Passione conveniunt.

passione osculatur illum proditor Judas. In nativitate pannis involvitur, in passione albâ & purpurâ induitur. In nativitate fasciis strigitur, in passione funibus & catenis vinculatur: In nativitate infinita DEI Sapientia incarnata est infans, in passione DEI filius ab Herode stultus habetur, In nativitate stipatur à Mariâ & Joseph, in Passione pendenti in Cruce assistit Maria & Joannes. In nativitate est notis mediâ silentium, in passione sunt tenebræ super faciem terræ. In nativitate ad effusam cœli militiam, cœlum rumpitur, in passione velum templi scinditur. Denique ipse uterus Virginalis, symbolum est & figura Christi in sepulchro jacentis. Sicut enim in sepulchro Christi nemo unquam positus fuit, ita novus planè hic partus fuit, quia a sæculo non est auditum, quod homo à Virgine natus fuerit. Si ergo maternus Virginis uterus Verbi incarnati fuit tumulus, quam merito in hymno Ambrosiano exclamat Ecclesia, & miram DEI dignationem humillimâ reverentiâ veneratur; dum dicit: Tu ad liberandum suscepturus hominem, non horruisti Virginis uterum. Quod penè iisdem verbis repetit in hymno, dum ait: Qui pro nobis natus, tulit esse tuus. Mavult tamen Christus in utero jacere Virginis, quam in corde peccatoris. Dum enim Christum in communione sumimus, quasi matres eundem in corde nostro includimus. Tremenda est de indignè communicantibus Petri Blesensis sententia, qui dicit eos, qui indignè communicant, sibi damnabiliter incorporare, vel potius incarcerare corpus Christi. Tu mi Christiane si DEO incarnato non Tullianum infame aut turres Londinenses meditaris, sed amabile præsepium aut molles cunas visparare, cortuum ab omnibus emunda peccatis, sordes tuorum peccatorum expurga, & hospitium parabis desideratum. Amat enim Christus in corde nostro manere, sed à sordibus expurgato. Solatii plenum est quod de S. Bonaventura legimus, qui moriturus cum ob stomachi nauseam Sanctissimo Sacramento frui non posset, illud videre saltem & adorare petijt, allatum itaque ciborium pectori suo admovit, & ecce res mira, aperuit se pectus instar rosæ, & simul una hostiarum ex Ciborio spectantibus omnibus intra sancti Viri cor se immisit, & pectus quasi nunquam patuisset, rursus se clausit, O felix magni Viri S. Bonaventuræ hospitium. Refert quid simile Bellarminus de quodam viro Masiliensi, qui cum ob eandem causam viaticum capere non posset, adorare saltem id voluit, adest ergo Sacerdos, & simul ac cum San-

Mariae uterus est Verbi divinitumulus.

Indigne communicantes sunt Christi sepulchrum.

S. Bonaventura moriens dilectis costis in corde communicat.

*Quidam
hostiam su-
mere non
potuit, cum
anima ad
caelum mi-
sit.*

*Christus
natus est
25. De-
cembris.*

*Cur in no-
tæ Nati-
vitatæ sa-
crum dica-
tur.*

*Nato Chri-
sto orbi dies
felicitatis
illuxit.*

*Tres soles
in nativi-
tate Chri-
sti visi sunt.*

tissimâ Eucharistiâ infirmo benedixit, ex ciborio se elevavit hostia, quæ per aërem in os illius delata, se intra labia immisit. Quia vero simul etiam mortuus est, & hostia & anima in cœlum Spectantibus omnibus abire visa est. Quid beatius tam felici hospitio, quod dum Christum sub speciebus panis admittit, verè DEum incarnatum & hominem pro nobis factum excipit.

Sed cum impleti sunt dies ut pareret, *Luc. 2. v. 6.* peperit Maria filium suum primogenitum, vigesimâ quinta Decembris uti docet *S. Aug. in enar. ps. 132.* & quidem die Dominicâ ut vult *Sophrom. orat. de nativ. Christi*, & testatur *Nicephorus l. 1. c. 12.* nempe illâ die quâ dixit olim DEus *Gen. 1. v. 4.* fiat lux & facta est lux, utique quæ secundum *Joan. c. 1. v. 9.* illuminat omnem hominem, venientem in hunc mundum. Et hinc de nocte natus est, ut dicit *S. Lucas c. 2. v. 8.* cum pastores in regione eadem vigilarent, & custodirent vigilias noctis super gregem suum. Decuit enim solem Justitiæ suo ortu prævertere solem mundi. Ut vel indè ex institutione *S. Telesphori Papæ*, mos pius & sanctus in universam Ecclesiam dimanaverit, hac festâ nati Christi die celebrandi missas longe tempore ante lucē. Ego quidem mundū ante nativitatem Christi imaginor mihi talem, qualem in primâ orbis creatione describit *Moyses Gen. 1. v. 2.* Terra autem erat inanis & vacua, & tenebræ erant super faciem abyssi. Ubi autem DEus dixit fiat lux, & facta est lux, tunc enim verò statim ornavit DEus cœlos sole Luna & stellis, terra ipsa produxit bestias & herbas, mare pisces germinavit & volucres, ut post enatam lucem planè alia mundi facies fuisse videatur. Quod si verò hæc in sensu mystico loqui velimus, quid prohibet, quo minus dicamus supra faciem totius mundi exceptâ unicâ Palæstinâ, fuisse ignorantie & errorum tenebras, & omnes gentes cæcæ idololatriæ caligine involutas cœcutivisse. At vero quo die Christus in orbem natus est, stella velut lux nova lucidissimis suis radijs Orientem illustravit, ut Reges pulcherrimum sideris exorti Dominum, verum DEum agnoscerent, eumque in stabulo jacentem supplices adorarent. Tres novos Soles Hispaniam hac die illustrasse docet *Doctor Angelicus 3. p. q. 36. n. 3.* Tres item soles visos esse in Oriente narrant & testantur historiæ. Illa nocte solem dedisse insuetum splendorem testatur *D. Ambrosius*. Pastoribus nova lux apparuit. Et factum est quod dicit *S. Bern.* Nox sicut dies illuminabitur. Nox inquit ut dies illuminabitur, cum in-

intempestâ noctis horâ pastores circumfulsit lux nova de cælo. Et fortè hinc factum est, ut hæc ipsa nox luminosa diei nomen acciperet dicente Angelo ad pastores *Luc. 2. v. 11.* Quia natus est vobis hodiè Salvator mundi. Nempè ut DEUS ostenderet nobis beneficentiam suam, hanc noctem tot luminibus imo Solibus fecit illustrare, ut tanto magis ejus misericordiam & amorem erga nos videremus. Et hinc Novarinus *inc. 2. Luc. n. 190.* citans Richardum Painpolitatum dicit : natus est Christus die Dominicâ ut dicunt Sancti. Subdit : Dies hæc Solis dicitur, quia hac die Sol verus mundo illuxit, adeoque Ecclesia in Cantu suo dum explicat modum nativitatæ similitudine solis utitur, qui illæso vitro transmittit suos radios : ita sol ille divinus illæso Virginitatis claustro, pertransivit uterum Mariæ, quem natum deinde reclinavit in præsepio. Quare licet dubitent impii hæretici, & Mariam filii DEI Matrem negent ; Mariam tamen DEI Matrem omnis confitetur Ecclesia, testantur Evangelistæ, Christus ipse Matrem suam veneratur. Nisi fortè ex eo dubitet quispiam, quia ad veram generationem juxta Aristotelem requiritur conjunctio viri. Nunc verò quia etiam sine conjunctioe Viri Maria Christum genuit, quod ostendimus Discursu 15. non ideo Maria Christi mater esse desinet. Tibi hoc laudis & præconii tribuit Angelicus Doctor *3. p. q. 2. art. 1. ad 3.* Quod tuâ puritate & sanctitate tibi merita sis, ut esses Mater DEI. Meruit inquit ex gratiâ sibi datâ illum puritatis & sanctitatis gradum, ut congruè posset esse Mater DEI. Quod singulariter illo actu factum est, quando se ancillam Domini, & postremam omnium professâ est. Super quod S. Bern. *serm. ut congruè signum magnum* exclamat : Merito facta est novissima prima, quæ prima cum esset, omnium sese novissimam faciebat. Bene hinc infert S. Th. 2. 2. q. 103. art. 3. c. 12. Maximam eidem à nobis deberi reverentiam propter affinitatem, quam habet ad DEUM, ad quam super omnes creaturas erecta est ; ut sedeat à dextris sui filii. Pulchrè proinde observat S. Epiphanius *l. 3. contra hæres.* quod B. Virgo non fuerit cognita tanto honore & veneratione digna, donec filium DEI fuit enixa. Non enim novit hujusmodi gloriæ esse, donec vidit Dominum ex muliere genitum. Certè venerationis summæ ratio est, ut colamus ipsam, quæ quia DEI Mater est, admirabilem cum DEO traxit consanguinitatem, adeoque omnis veneratio quæ exhibetur DEI Matri, eo ipso censeri debet exhibita esse DEO. Quare bene

dixit Leontius l. *contra Judeos*. Qui Martyrem colit, DEum ipsum colit, qui matrem ipsius adorat, ipse DEO honorem assignat. Unde compendio quasi inclusit Marianarum laudem encomium S. Th. de Villa Nova *serm. 2. de Nat. Virg. super illud Matth. 1. De qua natus est Jesus*. Evangelistæ inquit omnia collegerunt, cum dixerunt, ex ea natum fuisse JESum. Quid amplius quæris? quid ultra requiris in Virgine? Sufficit tibi, quod mater DEI est. Quod *serm. 3. ibidem* repetit dicens. Sancti Evangelistæ de ejus laudibus silent, quoniam ineffabilis est ejus magnitudo, quia satis fuit de ea dicere de qua natus est JESus. Non miror jam S. Th. p. 1. q. 35. art. 63. ad 4. Hanc Mariæ sublimitatem sic extulisse, ut dixerit tria adeo perfectè fuisse facta à DEO, ut de absolutâ DEI potentiâ non potuerint fieri meliora.

*Mariana
laudis com
pendium
est, quia est
Mater Dei*

*Majorem
DEI Ma-
trem Deus
non potest
facere.*

Humanitas Christi inquit, ex eo, quod est unita DEO; beatitudo cœlestis ex hoc, quod est fruitio DEI; & Beata Virgo, propter hoc, quod est Mater DEI. Quia habent quandam dignitatem infinitam ex bono infinito, quod est DEus. Ut propterea S. Bonav. in *spec. c. 10.* dixerit. Ipsa est quâ majorem DEus nequit facere, Majorem mundum posset facere DEus, majus cœlum posset facere DEus, majorem matrem, quam matrem DEI, non potest facere DEus: Quod ipsum agnoscens Virgo in suo Magnificat dicit: Fecit mihi magna, qui potens est. In quæ verba S. Bernardin. Sen. *Tom. 3. serm. 9. art. 2. c. 1.* ipsam Mariam loquentem inducit Magnum est, quod Virgo sum; Magnum est quod utrumque Mater & Virgo sum, sed maximum, si ejus mater sim, attendatur: scilicet Unigeniti Filii DEI, & omnium Salvatoris. Eruditè Origenes *super illa verba Matth. 2.* Joseph autem non cognovit eam, donec peperit. Quam diu inquit habuit Beata Virgo in utero suo solem Justitiæ, tantus splendor exibat de ejus facie, quod Joseph eam non agnoscere, & discernere valebat, nec in faciem ejus intendere poterat, donec ejus uterus fuit evacuatus. Neque mirum, quia Maria à S. Ignatio M. Sacratissimum monstrum dicitur. Monstrum ab Aristotele *2. Phys. c. 8.* definitur aliud non esse, quam creatum aliquod naturæ, à rectâ & solitâ ratione secundum speciem degenerans. Quis autem non videat naturam ab ipsis initiis conceptionis aberrasse, non quidem à rectâ sed solita ratione, quando post peccatum Adami naturali propagatione in posteros transfusum, dum omnes teste S. Paulo filii iræ nascimur, sola Maria inter omnes mortales non iræ, sed gratiæ

*Joseph
Mariam
quam diu
pregnans
fuit, non
potuit ag-
noscere.*

*Maria
monstrum
gratiæ.*

gratiæ filia nata est, utpotè ab originali labe præservata. Quare benè Andreas Cret. dixit : Sola præter naturam fuit electa, ad naturam fuit electa, ad naturam renovandam, sola deservivit opifici naturæ. Quod explicat Richardus l. 6. dum Mariam cum Evâ componit. Illa enim ex costâ Viri facta est, at ex Mariæ carne purissimâ factus est ipse Christus. Verba authoris sunt : Mirabile fuit de costâ Viri formare mulierem, imutatio mirabilis est, quod de carne solius mulieris formatus est homo. Ed ideo monstrum fuit Maria, ob excessum gratiæ. Si enim gigantes ideo dicuntur monstra, quia in corporis mole reliquos excellunt, benè dicitur Maria monstrum sacratissimum, quandoquidem teste S. Anselmo & Bonav. immensitatem gratiæ est consecuta. Hanc immensitatem & excessum divinum aquilinis oculis contemplatus est S. Joannes, quando vidit mulierem amictam sole, in cuius capite fuit Corona stellarum duodecim. Bone Jesu ! si minima stella, quæ juxta Astrologos est sextæ magnitudinis, multoties major est, quam terra. Quam magnum debuit esse caput illud, quod duodecim saltem tales, etiam minimas stellas in ornamento capitis sui circumferebat. Quale corpus illud fuerit, quod sol ipse, qui centies sexagies sexies major est quam ipsa terra, vestivit. Quæ tamen omnia nihil sunt respectu illius, quod in suo utero Virgineo clausit illum, quem nec terra, nec cæli capere poterant. An non meritò exclamem cum S. Bernardo *serm. signum magnum*. Sola hæc est beata Deipara, in quâ Virginitas & maternitas obviaverunt sibi. In ea factum est, quod factum non fuerat, nec fiet in æternum. Et ne putemus hoc esse impossibile, ostendit possibile esse S. Ildephonsus : Non matrem deserit Virginitatis decus, non Virginem maternus impedit partus. Et Virginem non violat sætus, & matrem nobilitat pudor Virgineus. Pulchrè proinde ait Bruno Carthus. *serm. de annunc. ps. 44*. Vultum tuum deprecabuntur omnes divites plebis. Quid enim mirum, si divites & nobiles Virgines, Matris, vultum & pulchritudinem desiderabant, cum modo superius dixerit : Quia concupivit Rex speciem tuam. Valdè enim pulchra est, quæ suâ pulchritudine DEum ipsum, ad amorem sui provocare potuit. Quam merito cum Ecclesiâ exclamem. Nativitas tua DEI Genitrix Virgo gaudium annuntiavit universo mundo, ex te enim ortus est Sol justitiæ Christus DEus noster. Philippus Rex Macedo, ubi nuncium accepit, de nato sibi Alexandro Magno, omnes Satra-

*Maria
mulier 4-
mita So-
le cum co-
rona stel-
larum duo-
decim.*

*Maria
Mater &
Virgo.*

*Philippus
Rex Ma-
cedoniae
splendidum
apparavit
convivium.*

pas Macedonum & Græcorum, uti & nobilium, ad sumptuosum invitavit convivium, sed multorum regnorum spoliis & terrarum vastationibus infame, hoc gaudium in lachrymas populorum est resolutum. Sola tua Nativitas, qua nobis genuisti DEum & hominem, perfecti gaudii amplissimum habet argumentum. Quia natus est nobis, non tantum Rex regum, & Dominus Dominantium, sed etiam Salvator. Et hinc teste Angelo hoc gaudium erit omni populo. Natales Principum eorum sunt populorum, quorum imperio reguntur populi subiecti. Sic si nascitur Infans Hispaniæ, lætatur Hispania; Nascatur Dauphinus Galliæ, plaudet Gallia. At Nato Christo gaudium erit omni populo. Videtur hoc gaudium prælibasse Sapientissimus Plato, de quo refert Reies in suo Campo Elisio jucund. *Quest.*

Plato credit in Christo.

quest. 34. quod imperante Constantino apertum fuerit Constantinopoli sepulchrum, in quo Platonis Corpus integrum inventum fuit, ex cujus collo pendeat lamina aurea, cum hac inscriptione Christus nascetur de Virgine Maria, Et ego credo in eum. O sol iterum me videbis sub Constantino & Irene. Memini nato Alexandro Magno Jovem illius incunabula insolito favore exornasse, misit namque Aquilam grandem, quæ super tectum Neonati Alexandri die totâ confedit. Non Aquilam sed stellam fulgentissimam accendit nato Filio suo æternus Pater, qua Duce sicut traxit ab Oriente Magos, sic ad cunas trahit animas nostras incarnatus DEus. Hinc enim nobis inclamat natus infans, illud *Mat. 11. v. 28.* Venite ad me omnes, qui laboratis & onerati estis, & ego reficiam vos. Ad has cunas, & omni solatio plenum præsepe, ab onere peccatorum suorum se liberatum gloriatur S. Hieronymus, qui hoc præsepe sibi delegit in solatii sui domicilium. Hoc præsepium cum tenero cordis affectu sic adamavit S. Franciscus Seraphicus, ut ipsum recens natum DEum, novâ nativitate in cunis representatum, suis spectaret oculis, basia ret amplexibus. Non miror ego ad has cunas S. Franciscum in amoris incidisse Syncopen, & deliquium passum, cum dicat David *ps. 118. v. 123.* Oculi mei defecerunt in Salutare tuum, quando etiam his cunis immeri volupe fuit. Urbanus quidam adolescens, cujus mentionem facit S. Chrysostomus postquam aliquot annos in omni propudiosa voluptate insumpisset, tandem seriâ pœnitentiâ commotus, solvi in lachrymas, suæque peccata detestari cœpit. Quod cum non minus piè quam constanter faceret, deductus est ab Angelo suo Custode

*Alexandri
nati incunabula
Aquila ornavit.*

S. Hieronymus in præsepio delinquitur.

S. Franciscus ad præsepe novum præsepium cernit.

stode ad antrum Bethlemiticum, ubi inter B. Virginem & S. Josephum, in cunis jacebat JESUS, ad latus unum astant misericordia tenens ramum olivæ, ad alterum amor divinus constitit, in manu tenens facem candidam & ardentem. Suadente misericordiâ, inter mille pedum & manuum oscula ardentissimos fundebat contritionis actus Urbanus, Stimulante hinc amore divino exardescerebat in affectus tenerrimos amoris, sic ut sensim inflammari totus, cor verò quasi cera colliquefcere visum sit. Cum ergo inter ardentissima suspiria colliquefcit cor juvenis, & ab amoris divini æstu consumitur, ipse amando exanimatur. Quam verè dixit S. Chrysologus *serm.* 158. Sic nasci voluit, quia voluit amari. Et Guericus *serm.* 1. *de nativ.* Puerum se maluit exhibere, magisque amabilis quam terribilis apparere. Si tamen ô miser trepidas, & Justitiam divinam stricto gladio minacem times peccator, vel ab animali nempè Simio consilium salutare cape, Hispali mercator prædices Simium domi suæ assumpsit, quem ob illatum aliquod damnum occisum voluit. Hoc ubi advertit Simius, per tectâ diffugiens se salvare nitebatur. Ubi verò in tecti crepidine se sagittis impetendum vidit, subito per tecti fenestram unam insiliit, & in cubiculum domus perripit, ubi in cunis jacentem filiolum arripuit, & rursus in tectum evolavit. Cumque sagittari in eum jectum intenderent, ipse pro clypeo infantem tenerum objecit; nec ante infantem saluum restituit, quam ubi Dominus juravit, quod illi nihil mali facere velit, tunc enim simius infantem exosculatus ad cunas reposuit, & cunis assidens eundem motavit. Næ tu hoc animali timidior, audacter infantem DEum irato æterno Patri opponas; clypeum habes securissimum, in quem omnis furor paternus, te illæso terminatus, refringetur. Neque enim potest iratus Pater, in tenerum filium torquere furoris speculum. Exarmabitur mihi crede Patris manus, si fascias, si præsepe, non dicam filium opposueris. Neque est quod infantem timeas! Est filius fasciæ. Primum quod de Christo nato dicitur, est, quod pannis sit involutus. Sic enim ubi Lucas dixit peperit filium, statim subdit, pannis involvit. Et ideò angelus dixit pastoribus. Invenietis infantem pannis involutum. Sicut ergo nubes Solem, sic Maria velut fasciis nubilosis splendorem justitiæ Solis involuit. Sed quid mirum, si involutus est DEus? Ut nostra laxaret vincula, inquit S. Leo, ligatur DEus fasciâ. Non dubita ô peccator, Maria pannis involuit filiolum, ut

Simius infante se tuetur.

Christus natus est filius fasciæ.

Neapolis
Duci suo
rebellis suo
vexillo in-
scripsit Sui
eum non
receperunt.

nos omnes ex delictis nostris evolvat. Si tamen stringit brachia, tenera sunt, non stringit nisi in amplexus amoris. Hoc unum cum Vagiente JESU rogo ne Civibus Berthemiticis inciviliior, cunas Christo tuo neges. Joannes Dux Andegavensis Neapolim cum valido exercitu profectus, ut rebellem Civitatem suæ fidelitatis commoneret. Vexillo suo inscripsit. Fuit homo missus à DEO, cui nomen erat Joannes. Sed Alphonfus, qui tunc tenebat Neapolim, suo inscripsit vexillo: Ipse venit, & sui eum non receperunt. Non sic mi Christiane! recipiendus est in corde nostro DEUS; qui enim non amat DEUM incarnatum & vagientem in cunis, non videbit aliquando gloriose regnantem in cælis.



DISCURSUS XIX.

Christus natus est ex MARIA

Virgine.

Augustus
Sol, Livia
Luna.

ROmani adulando dixerunt Augustum Cæsarem esse Solem, & Liviam Drusillam uxorem esse Lunam, uti testatur Goltzius in numismatibus priscorum c. 9. in quibus sculpebatur Augustus cum radiatâ coronâ, quæ erat signum Solis, & uxor repræsentabatur coronata imagine Lunæ, quæ erat Dianæ cum inscriptione Genitrix orbis. Quis non hic in Augusti Symbolo Christum, in Liviâ Drusillâ Mariam effigiari dicat? Cum Cant. 6. v. 9. dicatur Pulchra ut luna. In quæ verba Petrus Dam. serm. 2. de nativ. Virg. Quem admodum nullum est altrum excepto Sole adeo pulchrum ut Luna, sic summa gloria est post DEUM, videre Virginem, & in illius protectionis munimine commorari. In Lunâ quidem notat culpabile Plinius l. 2. c. 9. quod sit quidem immenso orbe plena, sed & repente nulla. Hoc tamen in Mariâ pulchra ut Luna vitiosum censerî non potest; Licet enim suâ humilitate nulla fuerit, repente tamen summa & immenso DEO plena facta est, quando Bernardo teste Virginitate placuit, humilitate concepit. Dum nimirum se humilem ancillam dixit, & per hoc Mater DEI facta est. Nec otiosum censerî debet,

debet, quod Plinius Lunam immenso orbe plenam dixerit, quando ipsa Maria corpus solare divinæ Justitiæ intra sua clausit viscera, & facta est DEI genitrix. Hanc fecundam in Virginitate maternitatem in fabulis suis ipsi Poetæ meditati sunt, quando Lunæ & pudicitiam & fecunditatem attribuerunt. Ita enim videre est in numismatibus Corneliæ Augustæ, de quibus Plinius l. 44. refert, quod quibuscumque imprimebatur imago Lunæ, cum inscriptione fecunditas, alijs vero supra Lunam inscribatur pudicitia, quo Castitatem cum fecunditate Lunæ tribuebant. Dixerunt enim à Lunâ vel Dianâ, subter nea, & ipsa etiam animalia, mirè vegetari. Non potuit tamen portentosa fecunditas, vel per simplicem apprehensionem attribui Lunæ, qualem reperio in Mariâ, quæ Virgo & DEI Genitrix facta, pudicitiam cum fecunditate divinâ conjunxit.

Maria DEI Mater Solem Justitiæ suo utero clausit.

Luna pudica & fecunda.

Maria Vitis ex terrâ promissionis allata.

Maria Vitis pulcherrima.

Num. 13. misit Moyses exploratores in terram promissionis; qui ubi eandem circueverunt per quadraginta dies, & exploraverunt, in signum fructiferæ fertilitatis, attulerunt botrum grandem dicentes: Venimus in terram, ad quam misisti nos, quæ reverâ fuit lacte & melle, ut ex his fructibus cognosci potest. Ego in hac vite beatissimam Virginem Mariam contempro, in quâ qui vult benedictionem illius & fecunditatem cognoscere, fructum mirabilem ab ipsâ productum consideret, quem Elisabetha *Luc. 1. v. 42.* admirata dixit: Benedictus fructus ventris tui. Et David *ps. 84. v. 13.* producendum prævidit dicens: Dominus dabit benignitatem, & terra nostra dabit fructum suum. Quem locum S. Hier. sic interpretatur: Terra nostra dabit fructum suum, nempe Maria Christum. De hac vite *Eccles. c. 24. v. 23.* dicitur: Ego quasi vitis fructificavi suavitatem odoris. Super quæ verba Guericus Abbas *serm. 1. de nativ. Virg.* ad meum propositum sic explicat in personâ Mariæ: Partus quidem meus non habet exemplum in sexu mulierum, sed habet similitudinem in naturâ rerum. Quæris quomodo Virginitas genuit Salvatorem? sicut flos vitis, odorem; Quid potes calumniari, in proprietate similitudinis? Quid enim est aliud Virginitas, quam flos in violati corporis? Quid aliud est filius Virginitatis, quam suavitas odoris. Unde Chrysippus Presbyter Hierosolym. Mariam his verbis salutatur: Ave Vitis, pulcherrimas uvas producens. Hebræi vocalem quam Segol vocant, uvaem literam nominant, quia formam uvaem habet, & per tria puncta . . . sic sibi subordinata scribitur

*Maria Ca-
stitatis sua
fragrantia
libidinem
extinxit.*

*Meretrix
Abrahami
Eremitæ
castâ fra-
grentiâ à
libidine
revoca-
tur.*

*Julianus
& Basilissa
nuptias
celebrat
Virgineas.*

*Castitas
Virgineæ
rosas & li-
lia redolet.*

bitur. Hæc litera Mariam notat fecundissimam vitem, quæ cum fra-
grantia suavissimæ fecunditatis, pulcherrimam uvam produxit
Christum. Si enim Viris Sanctis, adhæsit Castitatis fragrantia, ut e-
tiam suavissimo illius odore, turpissimam in aliis libidinem extin-
gueret, quid de Mariadicemus, cujus Virgineus aspectus, suavis-
simum Castitatis amorem, imo solum nomen turpissimi amoris malè
sanas faces extinxit. Refert Dionysius Carthus: quod inter præci-
puos Anachoretas Abrahamus nomine intellexerit neptem suam ex
Cano profugam, vitam vivere prostitutam, quam ubi cognovit A-
lexandriæ in publico lupanari vitam agere meretriciam, ille Eremiticam
exiit, & militari Chlamyde indutus, sub baltheo militem men-
titus est generosum. Sic vestitus urbem ingressus est Alexandrinam, &
ad lupanar accessit, ubi dum miles lascivus credebatur, & puellâ
suos in illum amores intendit, dum eundem osculatura accessit, re-
pentè tam suavis fragrantia castissimæ Virtutis à corpore Abrahami
Eremitæ expiravit, ut illa non solum à crimine ulteriori fuerit de-
territa, sed etiam in aliam planè scēminam fuerit commutata. Quan-
to magis exclamat Dionysius piè credendum est benedictissimæ Vir-
ginis corpusculum sanctificata ubera suavissimo fragrasse odore,
præsertim cum tam prædominans Virtus ac puritas animæ, in cor-
pore redundare soleat. Ut vel ideo sponsus uberum Marianorum
fragrantiam, dicat meliorem esse unguentis optimis. Expertus est
hanc Virginei odoris suavissimam fragrantiam Julianus Antiochiæ in
Syria clarissimis ortus natalibus, qui cum annum ageret decimum o-
ctavum, à parentibus urgebatur ad nuptias. Petiit ille septem dies
ad deliberandum, quo tempore DEum instantissimè rogavit, ut sine
offensâ Parentum sibi liceret Virginitatem conservare. Ultimâ no-
cte illi Christus comparet, & illam de suâ, & etiam uxoris futuræ
Castitate securum reddidit. Confortatus hoc Christi promisso pa-
rentes adit, & se in eorum potestate esse asserit. Quare Basilissa spon-
sa deligitur, & nuptiæ magnâ cum sollemnitate peraguntur. Ubi pe-
ractâ nuptiali pompâ soli morantur, totum cubiculum ipso Mense Ja-
nuario rosarum & liliorum fragrantia redundavit. Quærit Basilissa,
unde hæc odoris oriatur suavitas? Respondit Julianus, sunt hæc cœ-
lestis fragrantia puritatis, his invitamur ad illibatæ Castitatis conser-
vandum præmium. Conveniunt ergo de perpetuæ Virginitatis Vo-
to, & subito præter cœlestem illam fragrantiam, auditur & verò e-
tiam

tiam videtur duplex Cœlicolarum chorus, quorum uni Christus, alteri Beata Virgo præfuit, qui Neonuptis applaudebat. Adolescentium chorus canebat: Vicisti Juliane! vicisti! Virginum Chorus respondit: Beata es Basilissa, quæ mundi illecebras generose spre-
visti. Rursus præsentem Christo & Beatâ Virgine duo astiterunt para-
nymphi cœlestes, quorum unus exhibuit librum Sanctorum Virgi-
num, cui nomen Juliani & Basilissæ fuit inscriptum; Alter pretiosâ
Virginitatis stolâ indutus Virginales mentes sociavit, & manus castis-
simas copulavit. In his cœlestibus deliciis penè nox tota exacta fuit.
Brevi deinde mortuis utrisque parentibus amplissimæ opes, ad hos
sponfos devolutæ sunt, & Julianus viros, Basilissa verò Virgines
ac mulieres in diversas familias collegerunt. Dubito an nuptialem
Cœlibatum, an Cœlibes has Nuptias vocem, nam sponsæ contuber-
nio sponsi Virginitas geminatur. Sic S. Greg. Nyss. *orat. de nativ.*
Dom. dicit: DEI oraculo monitum S. Josephum ne à Conjugio Ma-
riæ Virginitati suæ ullam labem timeret, à qua acceptura erat incre-
mentum. Nam cum Beata Virgo diceret, se Voto Virginitatis ob-
strictam esse, deliberantes sacerdotes, in hanc sententiam divinitus
convenerunt, ut eam connubii nomine cuidam desponderent, qui
ad ejus duntaxat custodiam esset idoneus. S. Hieronymus superad-
dit, quod S. Josephi Virgæ infederit Spiritus sanctus in specie co-
lumbæ, & hoc prodigium fuerit cœlitus indicatum summo Sacer-
doti, velut signum electionis divinæ. Juxta quod intelligunt illud
Isa. 11. Egredietur Virga de radice Jesse, & flos de radice ejus ascen-
det, & requiescet super eum Spiritus Domini. Quare idem S. Hier.
super illud Luc. 1. *Missus est:* Cur quæso inquit, nisi ut indicetur flo-
rida desponsatio Josephi cum Maria. Quod confirmat Rupertus *l. 1.*
de gloria filii hominis. Quod horum Conjugum vita, sive Conjun-
ctio Mariæ & Joseph, tota fuerit cœlestis; Et Spiritus sanctus am-
borum Conjugalis amor, quorum utique conversatio erat in cœlis.
Unde exclamat; Conjugium verum & sanctum, conjugium cœle-
ste non terrenum. Et ideo S. Ambr. *l. de instit. Virg.* admirabilem
S. Joannis Baptistæ puritatem visitationi Deiparæ attribuit. Tanta
inquit erat vis gratiæ, ut non solum in se Virginitatem servaret, sed
etiam si quem invliseret, integritatis insigne conferrent. Bene inse-
ram ego, si Visitatio Virginis mundissimam Virginitatem tam pauco
temporis interstitio potuit ingenerare in præcursoze Joanne? Quid con-

S. Jose-
phus dicitur
B. Virg.
natus B. Virg.
desponsa-
tur.

Conjugium
Maria &
Joseph cœ-
leste.

contulerit Maria tot annorum consuetudine Sponso suo, qui semper Virginem intuebatur, in mensâ affidebat, nunquam ab illius latere avellebatur. Pulchrè Dionysius Carthus: de Virgine Mariâ dixit: Deipara Virgo tam intensâ erat charitate repleta, quod intuentium corda sic penetravit suâ inæstimabili Castitate Virgineâ, ut à nullo potuerit concupisci. imò potius extinxit ad horam eorum libidinein. Unde Joseph licet totalem puritatem non fuerit assecutus, utpotè qui in originali fuit conceptus, tamen tanto puritatis fulgore donatus fuit, ut innocentie statu potiri videretur.

Pythagora in sinum aquila candida delabitur.

In sinum Mariæ ipse Deus descendit.

Pythagoras insignis ille Philosophus mirè in eo gloriabatur, quod sibi divinitus à cœlo in sinum delapsa esset Aquila candidissima, quo favore credebatur se inauguratum in hominem divinum. Maria quæ sinu suo Virgineo exceperat ipsum DEum, numquid meliori jure credi potest divinum aliquid induisse, quo omnes creaturas rationales transcendens, in divinam plane creaturam est transmutata. An non enim est Christus Aquila illa magna alarum grandium, à quarum umbrâ orbis omnis integitur, & ejusdem divinâ providentiâ gubernatur. Quæ cum Sap. 7. v. 26. sit Candor lucis æternæ, in uterum candidissimū Mariæ Virginis delapsa, ipsam Virginitatem Marianam divinitate suâ exornavit; quia certissimum est quod S. Bernardus de Castissima Virgine dixit: Virginitate placuit. Vnde pulchrè Richardus de S. Victore c. 39. in Cant. Maria supra homines est in eo, quod nunquam peccatum fecit, supra angelos est, quia eos puritate supergreditur. Ut mirum non sit Mariam fruitam fuisse Angelorum servitio, quæ Virgineâ suâ Castitate quando castissima Dei mater facta est, ipsis Angelis Angelorum Regina dominabatur. Hæc Virginea Castitas cum notissima esset Josepho, ubi tamen contra naturæ leges Mariam vidit gravidam, maluit de mysteriosâ Dei gratiâ time-re, & se tanto mysterio subducere, quam de læsâ Virginitate suspicari. Ut meritò S. Chrysostomus illum extollat: Omnibus inquit, quibus solet mulieris fornicatio intelligi deficientibus, sola apud eum remanebat suspicio gratiæ Dei, & per hanc eam æstimabat habere in utero. Unde illâ se indignum reputans, deferere voluit. Exclamat proinde. O inæstimabilis laus Mariæ, plus credebatur Castitati ejus, quam utero; plus gratiæ, quam naturæ. Conceptionem manifestè videbat, fornicationem suspicari non poterat. Possibilius esse credebatur posse Virginem parere, quam Mariam posse peccare. Quod probè

S. Josephus se Mariam indignum reputans eam deferere voluit.

probè agnoscens Richardus a S. Laur. Tantam in Maria Virgine celebravit castitatem, ut non tantum à castissimis ejus oculis veluti purissimi amoris fonte omnes impuri amoris flammæ extinguerentur in illis, qui eam conspicerent, sed ipsum nomen Mariæ invocantibus contra carnis tentationes esset remedium. Dum enim expendit illa Verba, Et nomen Virginis Maria. Bene inquit jungitur immediate Mariæ Virginitas, quod non solum eam nomine præferat, sed & aliis gratiam præbeat Castitatis. Ubi observandum est, quod benè nomen Mariæ cum Virginitate componatur, quia idè fortè hoc nomen Mariæ à S. Lucâ non apponitur Mariæ Magdalena, quamdiu peccatrix & luxuriæ peccatis inquinata commemoratur, quo tempore ab Evangelista quasi ob reverentiam Mariani nominis, vel simpliciter Magdalena, vel mulier peccatrix appellatur. Quasi hoc ipso protestarentur Sacri Historici, quod nomen Mariæ stare non possit cum peccato impuritatis. Unde S. Petrus Chrysologus *serm. 146.* Nomen hoc Virginitatis insigne est, pudicitia decus, indicium castitatis, ut discant omnes, quæ vel hoc nomine gaudent, vel sub Mariæ patrocinio vivunt puritatem imitari Mariæ. Benè proinde Th. de Kempis. *3. p. serm. 5. ad Novit.* Dum mirandos effectus amoris Mariani expendit, in hæc verba erumpit. Dilectio Sanctæ Mariæ, expellit omnem æstum carnalis concupiscentiæ, & donat refrigerium Castimonie. Et hinc fortè communis usus & consuetudo obtinuit, ut nomen Mariæ per solam Majusculam literam **M** scribatur, quam majusculam si bene consideres, aliud non quam triplex **V** reperies, quasi diceremus Mariam triplicem esse Virginem, nimirum ante, in, & post partum. Noluit huic Majusculæ Virgineæ subscribere, quidam ex Ordine S. Dominici Theologiæ Doctor, qui cum diu in hoc puncto anceps hæssisset, quomodo nimirum Maria mater Dei & Virgo esse possit, neque se determinare valeret, resolvit se, quod velit B. Ægidium ex familiâ S. Francisci, qui tunc sanctitate pollebat accedere. Dum vero ille ad B. Ægidium progreditur, monetur in spiritu Vir Dei, de scrupulo insignis illius Theologi, atque adeo accepto baculo suo, eidem in portæ limine obviam factus, aliud nihil dixit, quam Frater Prædicator, Maria est Virgo ante Partum, percussâque terrâ lilium candidissimum eduxit. Rursus ut prius terram percutiens dixit: Maria est Virgo in partu; & lilium secundum

Magdalena peccatrix non vocatur Maria. Maria nomen non stat cum peccato, Maria nomen non vocatur salutem puellis. M. est triplex V.

Dominicanus natus ex terraliis docetur credere; Mariam esse Virginem.

*Maria
virgo per
partum.*

dum produxit. Denique cum tertio percussit, & dixit, Maria est Virgo post partum, terra sterilis tertium lilium dedit; nec aliud dixit, sed abivit. Ex quo Theologus ille ex S. Dominici familia scrupulo suo liberatus, Mariæ Virginitatem deinceps mirè deprecavit. Unde non miror, quod S. Brigitta *in revel. suis* Mariam salutet his verbis. Virgo Virginitissima & fecundissima. Amadeus verò *Lausan. Episc. hom. 4.* dicat Virgo Virginitatem per partum. Docet me hoc Theodotus Ancyræ Episcopus qui dicit: Quod sicut Verbum æternaliter procedit ab intellectu Patris, absque eo, quod in Patre immanfa sui esse integritas vel minuatur, vel amittatur; ita in tempore DEI filius ex visceribus DEI matris nasci voluit, absque eo quod in Matre Mariæ Virginitas vel minuatur vel deperdatur. Ita ut sicut immaterialitas & recessus ab omni corruptione est quasi dispositio intellectus paterni generantis ab æterno filium, sine læsione paternæ essentia; sic intemerata Virginitas Mariæ dispositio fuit obumbrantis Spiritus sancti, ut ex suo purissimo sanguine conciperet, & pareret filium DEI. Quare sicut in divinis est generatus DEUS de DEO, & lumen de lumine, ita de Mariâ Virgine nasceretur homo de homine, & Virgo de Virgine. Agnoscit hoc & confitetur universa Ecclesia, dum dicit: Qui de Virgine nascens Matris integritatem non minuit, sed sacraivit. Adeoque quod Maria Virgo sit, habet hoc illa quasi per essentiam, quia est Mater DEI, adeoque illi rectè convenit illud Davidis *ps. 44. v. 16.* Adducentur Regi Virgines post eam, quia aliæ hanc Virginitatis gratiam habent tantum per participationem. Et hinc S. Bonav. *in psalt. min.* Post eam inquit, quia Maria Virgo primitiva est, utique quæ prima opprobrium sterilitatis abstulit, & Orbi Virginitatem fecit pretiosam. Ut meritò dicatur Maria Virgo Virginitatem, quia prima fuit, quæ designavit vestigia secuturis. Pulchrè observat Clemens Alexandr. quod præci Gentiles res pulchras & pretiosas ad nomina & dignitatem DEorum elevaverint. Ita verecundiam veluti Deam venerabantur, & Pudorem DEum esse Xenophon in Symposio asseruit, illique Athenis in loco publico aram fuisse positam Pausanias affirmat. Quis non vel ipsâ Gentilitate teste Pudorem & Verecundiam Castitatis individuas pedisse, quas divinum quid habere videat? Videtur hoc clarè asseruisse S. Hier. *in Ep. 14. quam ad Mauriti Imperatoris filiam scripsit*, dum ait: In originem tuam respice, genus intueri, gloriam nobilitatis adverte,

*Maria
Virgo
Virginitatem.*

verte, nec non hominis tantum, sed DEI filium & divinæ nobilitate
 nativitatis decoratam cogita. Ita te exhibe, ut in te cœlestis nati-
 vitas appareat, & tam divina ingenuitas clucescat. Ubi vides quod
 Virginem appellet DEI filiam; Quid sublimius? divinæ nativitatis
 nobilitate decoratam, quid altius? Vult ut in eâ divinâ ingenuitas
 clucescat, quid hac claritate divinâ clarius? Benè proinde dixit il-
 le, qui natales Castimonix ab essentia divinæ mentis derivari dixit,
 dum cecinit: Prima Trias Virgo est. Ut propterea D. Ambr. *l. de*
Virg. dixerit Virginitas à cœlo accersivit, quod imitaretur in terris.
 Hæc nubes, aëra, sidera, angelosque transcendens Verbum DEI
 in ipso sinu Patris invenit. Invenit inquam Virginitas, ut Verbum,
 quod in sinu Patris erat Virgo, esset & Virgo in sinu matris Virginis.
 Hinc Gentiles quod observavit S. Hier. *l. i. contra Jovinianum*: Mi-
 nervam quoque & Dianam Deas fecerunt. Verba sunt Hieronymi
 Minervam quoque & Dianam Virgines Deas error finxit gentilium,
 & inter duodecim signa cœli, quibus mundum volui putant, Virgi-
 nem collocarunt. Credo ego existimasse cœlo natas, cœlo dignas, ^{Gentiles}
 in cœlo quoque reponendas. ^{Virgines} Intelligo modo cur Virgines præter ^{cœlo in se}
 claritatem, quam à communione cum DEO & Angelis habent, mi-
 rabilem etiam claritatem à Christo accipiant. Quia nimirum Chri-
 stus fuit Virginis filius, imo filius ipsius Virginitatis. Sic enim eum
 appellat S. Leo *serm. i. in Epiph.* Diligit castimonix puritatem, Chri-
 stus Virginitatis est filius. Undè S. Cyprianus *l. de bono pudicitie* nos
 monet. Nihil jam carni nos debere, utpotè renatos ex aquâ & pudi-
 citiâ. Ubi vides quod pudicitiam quasi parentem agnoscat in regene-
 ratione hominis, quâ homo obtinet, ut sit DEI imago respondens
 ad sanctimoniam Christi. Hanc vero Sanctimoniam Domini D. Greg.
 Nyssenus dicit esse incorruptionem, utpotè qui nec pollui, nec cor-
 rumpi, nec violari potest. Hoc nomine dicuntur etiam Virgines esse
 incorruptæ, & ipsa Virginitas consequenter est incorruptio, per
 quam divinæ claritati Christi magis assimilantur. Eruditè hanc in-
 corruptionem demonstrat Gulielmus Abbas dicens: Cæteræ mu-
 lieres sunt velut arbores, quæ speciosæ prius sunt in floribus, & po-
 stea in fructibus, flores enim decidunt, ut fructus nascantur. At ^{Maria}
 Maria pulchra est flore & fructu. Sola florem habet Virginitatis in- ^{pulchra}
 ter Matres, sola fructum sæcunditatis inter Virgines. Deslorantur a- ^{est flore &}
 liæ, ut sæcundentur, & in eis flos Virginitatis necessariò præmori- ^{fructu.}

*Virgines
sunt So-
rores An-
gelorum.*

*Maria
Virginitas
divina,
quia sæ-
cunda.*

*Maria
Castitas
plus quam
angelica.*

*Maria
omni sæ-
mina possi-
bili purior.*

tur ad fructum sæcunditatis. In sola verò Maria, flos propter fru-
ctum non est præmortuus, sed miro modo factus est fructuosus. Gratulentur nunc sibi Virgines, quod Sorores sint Angelorum, & cum Angelicis illis spiritibus, qui carnis & materiæ expertes sunt, de felicitate concertent, cum Virgines etiam in corpore, à corporea-
rum voluptatum illecebris immunes existant. Maria etiam Ange-
lorum Regina est. Licet autem illæ cœlestes mentes ab omni carnis impuritate innoxia sint, tamen carent illâ perfectione qua possunt sibi simile producere, atque adeo puritas angelica licet maximè sit pretiosa, non tamen sæcunda est, sed sterilis manet. Maria verò dum in sua Virginitate sæcunda est, non angelicâ tantum, sed divi-
nâ puritate triumphat, quia cum DEO Virginitatem sæcundam partici-
pat. Dum enim in Sanctissimâ Trinitate Pater generat Filium, & Pater & Filius per spirationem activam producent Spiritum san-
ctum, sæcundi per actus merè spirituales fiunt, nimirum per intel-
lectum & voluntatem, & tamen Virgines perseverant. Ita Maria dum per obumbrationem Spiritus sancti sine adminiculo Viri, gene-
ravit DEI Filium, illâ Virginitate suâ eundem peperit, & mater, & Virgo simul permansit. Et hinc est quod à Sponso Christo toties to-
ta pulchra, à cœlestibus vero geniis filio suo simillima celebretur. Neque enim Soli aliquid magis simile esse potest, quam aurora, quæ *Cant. 6. v. 9.* Sic ab angelis nominatur. Quæ est ista, quæ progredi-
tur quasi aurora Confurgens. Et quia hoc Angelorum est testimo-
nium, tanto magis in nobis conciliare debet divinam in Virgine Cas-
titatis opinionem, quando iidem hi Cœlestes spiritus, in continuâ cognitione divinæ puritatis constituti, juxta illud Christi Angeli eo-
rum semper vident faciem Patris, qui in cœlis est; magis sincere possunt de Mariæ puritate judicare. Quare dum eam sic mirantur & prædicant, illam non solum supra homines, sed supra suam etiam extollere debent naturam, adeoque velut divinam, vel certè divi-
nitati proximam debent venerari. Ut non jam mirer dixisse B. Ze-
nonem Episcopum Veronensem *serm. 3. de nativ. Dom.* Requievit lubens in Castitatis domicilio, id est in Mariâ.

Quâ fronte ergo blasphemi Lutherani audent dicere, Mariam puriorem non esse, quam reliquas scēminas, quæ vel ex carnali concupiscentiâ concipiunt, vel peccatis & libidinibus involutæ, vitam agunt vel vilissimis mulierculis communem. Mariæ genæ à Sponso

cœ-

cœlesti dicuntur candore niveo ornari sicut turturis. Sicut enim in genis turturis, nullus unquam apparuit rubor verecundiæ, sed niveus candor & candida innocentia, ita nec in corde Mariano aut vultu Virgineo, totoque innocentissimo corpore, apparuit unquam alia actio, undè vel coram DEO, vel coram hominibus eam oportebat verecundari. Et hinc fortè *Cant. 5. v. 12.* dicitur. Oculi ejus sicut Columbæ super rivulos aquarum. Fontium & aquarum potissima laus est, quod sint puri. Quare Aristoteles de aquâ, quæ pura est, dicit; Quod neque colorem, neque odorem, neque saporem habeat. Si quid inquit horum habeat, mixtionem significat. Maria velut fons limpidissimus sic pura fuit, ut nec colorem terræ habuerit quia toto corde ferebatur in DEum, nec odorem mundi habere voluerit, utpote in quâ nihil amplius mundani remansit, nec denique saporem humanorum tulit, quæ omnes ad cœli amorem inflammavit. Non enim erat fons de limo mundi, sed sicut dicitur *Sap. 11. v. 4.* Erat de petrâ vivacissimâ quæ Christus est, ex cujus Sanctissimo pectore, quando illud manavit sanguine & aquâ, sic est depurata, ut quidquid humanum esset exuerit, divinam plane conditionem assumens. Timeant ergo hi Marianæ puritatis corruptores, timeant inquam crudelem vindictam de quâ Nicephorus *l. 8. hist. Eccles. c. 33.* ubi refert lurcones quosdam ebrios, cum diem totum potando traduxissent, scurilitates blasphemias in B. Virginem deinde eructaverunt, & dum Mariam aliis fœminis parem calumniis jactarent turpissimis, vivos ab dehiscente terrâ absorptos esse. Caupo qui hanc petulantiam dissimulavit, impunis tunc quidem mansit, post paucos tamen dies, ipsi dormienti astare visa est Maria, cum graviter objurgans, quod illa in se jacta convicia dissimulasset. Sed quia culpam suam agnovit, & salutis saltem si non vitæ veniam deprecatus est, misericordissima Virgo, confessionis quidem & pœnitentiæ tempus indulgit, sed Virgâ quam manu gestabat genuâ & crura percussit, quæ deinde à fomno excitatus Caupo abscissa invenit. Quâvis peccata sua confessus, & Sacramentis rite munitus, vitam cum simulanda, spe optimâ Salutis finivit. De Columbâ refert Plinius, quod illæ maximæ sint pudicitæ. Quid purius Maria? quæ Virginalem, Conjugalem & Vidualem pudicitiam sic coluit, ut orbi universo imò & angelis sit admiranda. De illâ merito dicitur *Eccles. 21. v. 25.* In megratia omnis viæ. Quæ obsecro alia via est fœminæ in terris, nisi per

Maria non est sicut cœtera fœmina.

Aque laus à puritate.

Maria fons limpidissimus.

Blasphemi qui Mariam aliis fœminis parem dixerunt viâ absor- bentur.

Blasphemia in B. V. non diffimulanda.

Columbæ pudicæ.

*Tres status
fœmina-
rum mise-
ria non ca-
vent.*

si per tres dictos status. In hoc à Mariæ gratia distat humana conditio quod miseri homines, propter peccata nostra plurimum miseriorum adinixtum habeamus, dum Maria ab omni culpâ immunis, gratiam omnis viæ habet, neque ulli miseriæ fuit subjecta. An non enim in Virginitate gratia est Incorruptio, sed malum illi adhæret sterilitas, antiquæ legis opprobrium, iactura securæ posteritatis. Est in Coniugio gratia fœcunditas, sed quantum malum est maledictio Evæ, in partu nimirum dolor, in educandâ prole sollicitudo & molestia. Viduitas superest, quam etsi à Vinculo soluta libertas commendet, tamen nimium quantum manifesta & nota omnibus Viduarum oppressio, comitatur. Ut nesciam an bonum, quod in his statibus reperitur, non excedatur plurimum à malis, quæ patimur. Maria gratiam omnis viæ complectitur, omnique malo caret, quo humana nostra premitur fragilitas. Est enim Virgo sed simul fœcunda, adeo enim in immaculata Virginitate suâ Virgo mater triumphat, ut sterilitatis omne evitet opprobrium, utpotè quæ filium habet, cujus regni

*Maria
Virgo Con-
iux, & Vi-
dua sem-
per felicif-
sima.*

*Maria so-
la benedi-
cta in mu-
lieribus.*

*Jordanem
sanctificavit
Christus
cur non
Mariam?*

*Maria
Sanctitas
removit
omne quod
poterat in-
clinare ad
peccatum.*

non erit finis. Maria est Mater, sed simul sine corruptione Virgo, neque maledictioni subjecta, quia sine omni dolore peperit. Est etiam Vidua, sed sine omni persecutionis formidine secura, quia ex Cruce à Filio Joanni est recommendata, quam etiam dilectus Christi Discipulus accepit in sua. Quare tibi soli ô Maria competit illud Elisabethæ, benedicta tu in mulieribus, quia benedictionem omnem, quam DEus ulli potuit dare fœminæ, in Maria abundantiissime cumulavit. Merito ergo de Virgine Matre dixit S. Aug. *serm. de nativ.* Fas non erat, ut per ejus adventum violaretur integritas, qui venerat sanare corrupta. De Jordane fluvio habemus, quod illum contactu suo sanctificaverit Christus, quando à Joanne baptizandus eundem ingressus est. Quanto hoc sublimius, & longè magis actum est in Mariâ, in cujus utero Christus requievit novem mensibus, & deinde per totam infantiam materno fovebatur in sinu. Quare teste S. Anselmo tantam accepit Sanctificationis plenitudinem, quanta cogitari non potest, vel ab humano intellectu concipi. Et hæc sanctitas teste S. Anselmo consiluit in eo, quod DEus ab ipsâ removerit omne id, quod poterat esse inclinativum ad peccatum, vel ad motum carnalem. Quæ tanta fuit, ut se extendisset etiam ad alios. Sic enim testatur P. Canisius l. 2. c. 13. dicens; ex illo venerando vultu & corpore, divinum aliquem & Virgineum produisse

prodiisse rorem, qui ad impuritatem omnem libidinemque restinguendam inspecantibus conferret. Unde bene *Eccles. 24. v. 17.* Cedro comparatur. Quasi Cedrus exaltata sum in Libano. Quia sicut Cedrus suo odore & fragrantia interficit serpentes, ita castissima puritas Mariæ, in aliis libidinosos carnis motus, penitus extinxit & interemit. Ut teste Josepho Hebræo historico tunc temporis Judæi dixerint, quod licet Maria pulcherrima fuerit, à nullo tamen potuerit concupisci, à nemine libidinoso oculo contemplatione longiore affectari, quia Virginalis castitas illius omnem motum carnalem, in quovis homine extinguebat. Hanc ego purissimæ & intaminatæ Mariæ integritatem colligo ex verbis illis *Num. 24. v. 17.* Orietur stella ex Jacob. Stella ex naturâ suâ ignea est, ut docent Philosophi, adeoque ab homine tangi non potest. Maria Virgo inviolata ignea plane fuit à charitate divinâ, & ideo omni prorsus tactu illicito intangibilis, custodiente illam speciali providentiâ DEO; juxta illud *Zach. 2. v. 5.* Et ego ero ait Dominus, ei murus ignis in circuitu. Quod DEus ita præstitit, ut usque hodie nemo libidinosus cubiculum illud ingredi valeat, ubi Sanctissima Virgo à Sancta Anna matre suâ fuit concepta. Quisquis enim Veneri deditus ingreditur, repentina ibi morte suffocatur. Non malè proinde Sancti Patres inviolatam hanc Matris integritatem comparant cum prima orbis fundatione quando *Gen. 1. v. 2.* Spiritus Domini ferebatur super aquas; quas Spiritus Sanctus suâ incubatione sic fecundavit, ut aquæ pisces & volucres copiosè producerent & germinarent. Quid enim aquæ illæ, aliud significabant quam Mariam? Quia sicut illæ à congregatione aquarum dictæ sunt Maria, ita ex confluentia omnium gratiarum naturalium æque ac cœlestium dicta est Maria. Quam dum teste Angelo obumbravit Spiritus sanctus, illam non ininus fecundavit, quam olim aquas fecundas fecit DEus, in primâ orbis molitione. Audite S. Amadeum Episcopum Lausanensem *hom. 3. de Laud. Virg. in illa verba: Spiritus Sanctus superveniet in te.* Superveniet inquit in effusione carnis & animæ, cumque repleverit te, erit adhuc super te, & super aquas tuas feretur facturus in te, quid melius & mirabilius, quam cum ferebatur super aquas in principio orbis conditi. Non miror ego jam sollicitam Christi curam, qui ut omnem suspicionem ab innocentia Virginis averteret; maluit finis hominis censerî, cum tamen esset verè Filius DEI. Hinc B. Virginem

*Maria
Cedrus in
aliis libidinem
extinxit.*

*Cubiculum
concepta
Virginis
nulli libidinoso
patet.*

*Maria
gratiarum
omnium
mater.*

ginem Mariam excusat S. Ambros. excusat inquam B. Virginem ab illatâ injuriâ æterno Patri, quam illi poterat censerî intulisse; quando Josephum, qui aliud non erat, quam Nutritius Christi, dixit esse Patrem. Et sic Filium DEI Patris, fecit filium hominis nempe S. Joseph. Excusat autem per hoc quod B. Virgo tunc, non fuerit locuta sic, prout illa sensit, & sicut è parte rei erat, sed sicut divinam Veritatem tunc velle novit. Quæ sicut in mundo latere voluit, ita etiam divinam generationem suam, non voluit tunc hominibus publicari. Pulchrè planè in rem meam concludit: Maluit Dominus aliquos magis de ortu suo, quam de Matris pudore dubitare, nec putavit ortui suo fidem matris injuriis adstruendam. Cum enim Maria semper inviolata permanferit, & mysterium tantum penetrare non possent Judæi, maluit Christus, ut ipse ex Conjugio natus crederetur, qui tamen DEI Filius, ab æterno sine Matre, & deindè in tempore à Matre Virgine sine Patre fuit generatus. Est etiam hoc Virginalis pudicitie pulcherrimum ingenium, ut malit turpis videri quam esse. Romilda Foro-Julienfis Domina, mortuo marito Duce, cum relictarum quatuor castissimarum filiarum curam habere debuisset, turpissimè in Hunnorum Regem exarsit, cujus ut potiretur amoribus, totum Ducatum & Urbem ipsam Hunnis prodidit. Quæ tamen infelicissima unius noctis miserandam libidinem, post plurima militum ludibria in tristi palo terminavit. Hunnorum libidini relictæ castissimæ filie, ut castitatem in tanto periculo conservarent quod testatur P. Pexensfelder *p. 2. hist. 68.* crudas pullorum carnes sub telâ ad id disposita uberibus subdiderunt, quæ ubi à corporis naturali calore incaluerunt, putridum fœtorem impudentibus naribus objecerunt, quo quisquis illas accessit, aut tetigit, proprium illarum corpus ita putrescere credidit, atque sic ab omni inhonestiore tactu abstinerunt, ut vulgo dictum fuerit Longobardorum puellas neque puram habere animam. Sic Clara formosa puella Ursam induit, ne lupa fieret, sed agnus imò Angelus castissimus remaneret. Hæc Virgo re & nomine Clara, cum à variis in urbe ad nuptias ineundas sollicitaretur, ut tutior esset, rus petiit, neque tamen hic quieta constitit, quia Dominus loci, illam ad nuptias cogere voluit. Inclusa ergo fuit Carceri cum robusto juvene, qui mandatum habuit, ut eam vi opprimeret. Illa vero se in carceris angulum recepit, & fronti ori ac pectori crucem imprimens, juvenem monuit, ne ad se accedat, futu-

*Pudicitiam
servant in
sinu fœ-
tentes car-
nes.*

*Puellaca-
sta ne lupa
fieret, Ur-
sam in-
duit.*

futurum certo, ut moriatur. Et ecce subito puella in Ursam verti & Unguibus horridè minari visa est. Quo viso juvenis desperatè planè clamare auditus est. Heu me! mihi non Conjugem, sed Ursam dedistis. Aperitur ergo Carcer & juvenis semianimis erumpit. Reliqui tamen dum curiosius carceris angulum observant, non Ursam sed Virginem intactam viderunt. An non has Virgines cum Mariâ, sub protectione Spiritus sancti fuisse dicemus? qui sicut est seminator casti consilii, ita Virginum specialis est Tutor & Custos, quas velut Sponsas, Christo cœlesti Sponso tradit, & loco Velaminis Virginalis, cœlestium gratiarum copiâ obumbrat; non secus ac in Mariâ Virginum primiceria fecit, cui Velaminis loco fuit, teste Archangelo Gabriele, qui à Patre æterno cum assecuratione illæ Virginitatis missus fuit; Quia Virtus Altissimi obumbrabit tibi.

*Spiritus
sanctus est
singularis
virginum
Custor.*



DISCURSUS XX.

Christus natus est ex MARIA

Virgine Immaculatâ.

Longo tempore magna in Ecclesia fuit quæstio, quid die Octava Decembris celebret sancta mater Ecclesia, cum alii dicerent Sanctificationis Mariæ, alii vero Conceptionis ejusdem festum vellent celebrari. Quod licet temporibus nostris Apostolica sedes ad instantiam Ecclesiæ in Hispania declaraverit, tamen jam multis abhinc annis prius Gulielmus Pepinus Theologus & Prædicator eximius, ex S. Dominici familia l. de imit. SS. serm. de Concept. B. V. hoc docuit dicens: Duas tantum Conceptiones colit Ecclesia, videlicet Christi vigesima quinta Martii in festo Annunciationis, & die Octava Decembris conceptionem ejusdem Deiparæ dignissimæ. Cujus ratio est, quia tantum hi duo concepti sunt Sancti, absque labe originalis peccati. Differunt tamen hæ duæ Conceptiones, quia prior facta est sine Virili semine, secunda vero facta est ex Viro & muliere, scilicet ex Joachim & Anna. In hoc autem conveniunt, quod utraque fuit Sancta, & similiter de utraque festum

*Duas Con-
ceptiones
celebrat
Ecclesia.*

*Officium
Immac.
Concept.*

festum colit Ecclesia. Maria inquit, nunquam subjacuit peccato, sed semper fuit plena gratia, etiam ab instanti Conceptionis suæ. Quod ipsum Sixtus IV. in secundâ Extravag. Grave nimis &c. confirmat his verbis: Cum sancta Romana Ecclesia, de intemeratâ sanctæque Virginis Conceptione publicè festum celebret solenniter, & speciale super hoc officium ac proprium ordinaverit &c. In hoc verò Officio in Versiculo ad primas Vesperas expresse ponitur: Immaculata Conceptio est hodie sanctæ Mariæ Virginis. Deindè in Oratione seu Collectâ unâ habetur sic: DEus qui per immaculatam Virginis Conceptionem. Deindè in altera parte Collectæ sic legitur: Quæsumus, ut sicut eam ab omni labe præservasti &c. Taceo, quod Nirenbergius asserat se vidisse libellum, cui titulus Horæ B. V. Mariæ, ad usum F.F. Prædicatorum S. Dominici typis, datum, annò 1529. ubi tam perspicuè in Collectâ & hymno ad Sextam & Nonam præservata dicitur, ut clarius vix aliquid viderit quidpiam. Et verò DEus ipse videtur sibi in hoc Ecclesiæ Romanæ consensu complacuisse, quando insolito miraculo adventum diplomatis Pontificij confirmavit. Madriti enim eo ipso die, quo Cursor Regius diploma Pontificium Sixti IV. Papæ attulit, accidit; ut lampas nocturnis horis coram imagine immaculatæ Virginis in medio foro accendi solita, clarâ die eo ipso momento, quo Cursor Urbi pedem intulit, cunctis spectantibus & admirantibus, spontè ardere cœperit, & cum exiguo quod à præteritâ nocte supererat oleo flamma perduraverit, ipsâ quæ supposita erat aquâ ignis fomentum suppeditante. Ad quod omnium corda præ gaudio exiliverunt, maxime, quando ille Cursor tulit, Immaculatam Virginis Conceptionem à neminè debere impugnari, sed & calamis & linguis deprædicari, & sacro ac Officio divino celebrari ab omnibus posse. Quod ego Romanos Pontifices ordinasse non miror, quando vel ipsi Cœlites, hujus festivitatis solennitatem demandarunt. Narrat Dionysius Carthusianus de quodam Elisino Abbate Rhemenfi navigante in mari, quod cum navis in manifesto versaretur naufragii periculo, apparuerit illi in nubibus Venerabilis Vir in Pontificali habitu, qui Abbatem his verbis allocutus est. Vis periculum istud evadere? Scias me à Genitrice DEI Mariâ missum, & si dictis meis obtemperare volueris, periculum istud evades. Promisit Abbas; & tunc Abbatem sic allocutus est S. Nicolaus: Diem Conceptionis Virginis gloriosæ, solenniter,

sexto

*Lampas
sine oleo
ardet quando
cursor
diploma
Madriti-
tum tulit.*

*S. Nicolaus
Elisino
præcipit
celebrare
festum im-
mac. Con-
cept.*

texto Idus Decembris fac celebrari, & celebrandum prædicari. Quibus dictis disparuit, & mox omnis in mari tempestas cessavit. S. vero Vincentius Ferrerius ex S. Dominici familia, ab ipsis Angelis festum hoc celebrari asserit in cælo. Sic enim *serm. 1. in Nativ. B. V.* inquit: Non credatis, quia fuerit sicut in nobis, qui in peccatis concipimur, sed statim ac anima ejus creata fuit, fuit sanctificata, & statim Angeli fecerunt in cælo festum Conceptionis. Ut verò nemo sibi persuadeat fuisse mentem S. Vincentii dicere, quod pro priori instanti rationis fuerit in peccato Originali concepta, sed pro posteriori instanti rationis fuerit sanctificata, sciendum est, quod partes summæ Theologicæ S. Thomæ, quibus utebatur S. Vincentius serventur usque hodie, ubi nonnullas annotationes & glossas manu propriâ adjecit, in iisque *in 1. p. q. 27. art. 2. ad 3.* ejusdem S. Vincentii manu, de B. Virgine hæc verba scripta leguntur. Fuit immunis à peccato Originali.

S. Vincentius Ferrerius dicit ab Angelis celebrari in cælo.

Et meritò planè celebratur hoc festum Conceptionis in Ecclesiâ, cum ab hoc omnium aliarum festivitatum exoriat devotio. Pulchre enim Angelus de Pace observat verba illa *Prov. 8. v. 34.* Beatus homo qui vigilat ad fores meas quotidie, & observat ad postes ostij mei. Ubi 70. legunt Beati qui servant limina introituum meorum. Triplex autem est introitus B. Virginis, nimirum in uterum S. Matris Annæ per Conceptionem, in mundum per nativitatem, in cælum per Assumptionem. Ubi ergo introitum Mariæ in uterum sanctissimæ Matris suæ considerat dicit: Quæ autem festivitas huic immaculatæ conceptioni præponenda est, ex qua, & perquam omnium aliarum festivitatum est exorta devotio. Nativitas Mariæ carebit suo splendore, si maculata sit Conceptio. Fabula de Ægeō Thesei patre habet, quod confecto Minotauro ex Cretâ redux, jussus fuerit alba vela protendere, cum autem nigra protendisset, pater his visis in mare præcipitem se dedit. Ingeniisceret certè orbis, si Matrem DEI atrato vexillo aliquando involutam vidisset. Henricus Quartus devictâ Urbe Parisiensi eaque occupata, ubi Duces & milites ex Urbe dimisit, omnes coëgit complicatis vellis excedere. Unus ex Ducibus cæteris animosior, eloquentiâ suâ tantum valuit, ut à Rege obtineret, quod explicato vexillo ordine militari posset egredi. Orbis universus totumque genus humanum à peccato subactum erat, egressi ex nihilo vilitatis nostræ, in plicatis atris vexillis captivitatis nostræ,

Immaculata Conceptio festivitatum marianarum origo.

Maria Vexillifera contra Dæmonem & peccatum.

noſtræ, originalis peccati reatum traximus. Una Maria divinâ armata gratiâ, candidiſſimum vexillû innocentiz explicuit. Hinc *Pro v. 8. v. 23.* exultabunda inſclamat : Ab æterno ordinata ſum. Legit Hebræus Principatum habui in Vexilliferam operum tuorum. Decebat nimirum, ut candidis veliſtumeret navis illa inſclitoris cœleſtis, de longè portans panem. Quid Præſentatio ſolenne haberet, ſi minus illud prius à ſerpente infernali arroſum fuiſſet, & primitias diabolus habuiſſet. Os Leonis quod ſemel attigit, inſpidum reddit. Quod ſemel infernalis Leonis ore contactum eſt, Deo non poteſt ſingulariter eſſe pretioſum. Quâ fronte dicet Angelus in annunciatione ſuâ Ave, ſi aliquando fuiſſet ſubjecta miſerando Væ ? & quomodo ſalutari poſſet plena gratia, quæ aliquando fuiſſet in diſgratia. Audite S. Fulgentium *de Laud. Virg.* Cum dixit Angelus Ave oſtendit ex integro iram excluſam primæ ſententiæ, & plenam benedictionis gratiam ſubſtitutam. S. Bernardus verò hoc Ave ſauſtiſſimum nuncium aſſerit. Cum dixit Angelus Ave, protulit Verbum Redemptionis, Verbum miſericordiæ, Verbum ſalutis. Cum dixit Angelus Ave ſauſtiſſimum Auroræ aſſert nuncium, aſſeſſe Solem juſtitiz, ut inſtar pulcherrimi ſponſi Virginalis uteri ingreſſiatur thalamum, & humanæ naturæ deſponſetur. Reſponde ergo animat Mariam S. Auguſt. *ſerm. 17. de Nativ.* Eia age reſponde, aſſenſum tuum Angelus præſtolatur. S. Bernardus exclamat. Reſponde Verbum, quod terra, quod inferi expectant & ſuperi. Ipſe quoque Rex & Dominus omnium, quantum concupivit decorem tuum, tantum deſiderat & reſponſionis aſſenſum. Cui placuiſti in ſilentio, jam magis placebis ex Verbo. Reſponde itaque Verbum, & ſuſcipe Verbum. Profer tuum, & accipe divinum. Emitte tranſitorium & amplectere æternum. Aperi Virgo beata cor fidei, labia confeſſioni, Viſcera Creatori. Quare ubi B. Virgo ſibi ſenſit divinitus cor liqueſieri, & voluntatem divinam agnovit, fixis humi genibus, & oculis in cœlum ſublatis dixit : Ecce ancilla Domini fiat mihi ſecundum Verbum tuum. Certè ſi quod bene obſervat S. Greg. *Thaum. ſerm. 3. de annunc.* ad Virginem immaculatam miſſus eſt Angelus incorporeus & omnis labis expers ; quis ambigat etiam Mariam omnis labis expertem. Quomodo Eliſabeth in Viſitatione benediſtam dicat, inter mulieres ? ſi communi maledicto fuit ſubjecta. Eleganter omnino Salazar *de Concept. B. V.* Quomodo ad ſanctificandum in utero Joannem veniret

Maria ſi maculata fuiſſet non fuiſſet gratioſa.

Ave Maria omnia v. caret.

Angelus ad Mariam miſſus eſt omnis labis expers, ergo & Maria.

ret illa, quam in utero matris vitiandam culpa præcurrit? Dicunt Astrologi, quod si in nativitate alicujus hominis, occurrat propitius planeta, & domus favorabilis, in quâ Planeta hospitetur, magnæ felicitatis id esse prælagium. Cum S. Maria DEO prægnans accessit ad Joannem, Planeta regnans erat Sol justitiæ, & domus favorabilis quam inhabitabat, erat Maria, in cujus castissimo utero divinus Sol hospitabatur. Et statim primus effectus fuit Originalis maculæ emundatio. Sicut enim legimus in libris Regum, David Cytharam suam pulsans, malignum spiritum expulit à Rege Saul, ita verus David Christus insonante Marianæ salutationis cytharâ, ad sonum illius peccatum Originale à S. Joanne Baptista penitus relegavit. Quod licet primario personam Christi respicere videatur, tamen etiam ad Mariam Joanne Baptista longè majorem referri potest. Philostratus in Iconibus refert statuam Memnonis adolescentis impuberis imaginem referre, constructam esse ex nigro lapide, cumque primum Solis radius ad os illius pertingit, locutam memorant, hilaresque oculos ad Solem convertisse. Quidni hoc longè sublimius actum sit, ubi aurora Lucis perpetuæ Maria benignissimo radio suo Joannem collustravit? os infantis fecit esse disertum. Gratiore planè S. Cyrillus, Salutatio S. Mariæ Virginis adhuc secum ferentis Jesum in utero, vocavit Joannem ad Prophetiam. Denique si sub primum congressum & Virginis affatum tantus gratiarum cumulus Joanni accessit, quantum assecutus fuerit toto trimestri, quo illi præfens fuit Maria. Benè omnino S. Ambr. in c. 1. Luc. Nam si primo ingressu tantus profectus extitit, ut ad salutationem Mariæ exultaret infans in utero, repletur Spiritu sancto Mater infantis, quantum putamus tanti temporis usu, S. Mariæ attulisse præsentiam? Quare S. Bern. *serm. de privil. S. Joannis Baptiste*: Morata est inquit Maria, donec puerum beatissimo confoveret sinu, & propinquiorem redderet præsentiae Creatoris. Ulterius progreditur. B. Petrus Dam. *serm. de S. Joanne Bapt.* Ipsa DEI Genitrix puerum Joannem prima de terrâ levavit. Quod pariter S. Bonav. l. 5. *Vite Christi* confirmat, dicendo. Peperit Elisabeth filium, quem Domina levavit à terrâ, & diligenter aptavit, & parvulus illam quasi intelligens aspiciebat, ac tandem concludit. Considera magnificentiam Joannis, nullus unquam talem gerulam habuit. Intelligo jam illud *Matth. 11. v. 11.* Inter natos mulierum non surrexit major Joanne Baptista. Ex

*Visitatio
Mariæ S.
Joanni sa-
lutaris.*

*Sæpius
Memoria-
nis.*

*Maria
gerula
S. Joan.
Baptiste.*

quibus verbis deduci non potest, Joannem esse majorem ipso Christo, quia hic non de muliere, sed Virgine natus est. Assentitur inhi S. Hier. in *Matth.* dicens: hic igitur præfertur hominibus, qui de muliere nati sunt, ex concubitu Viri, & non ei, qui natus est de Virgine & Spiritu sancto. Confirmat hoc Christianus Dietmarus in c. 8. *Matth.* Non est putandum Domino JESU Christo esse comparatum, quia Dominus noster non de muliere, sed de Virgine natus est. Modo ergo difficultas superest quomodo etiam B. Virginem Mariam salvemus; Ipsa enim virtute humanâ, de muliere nata est, non secus ac Joannes. Dicere Joannem esse Mariâ DEI Matre majorem, est niti contratorrentem benè moratâ Theologiâ, est injuriari Genitricis DEI maternitati. Quomodo ergo sine injuria Mariæ, verba Christi intelligemus? Attendamus rogo verba, & Mariam salvam videbimus. Non enim dixit Christus non est natus, sed non surrexit. Surgere autem, supponit casum & lapsum. Pulchrè sane Galatinus l. 7. de architect. fidei c. 5. super hæc verba: Hoc inquit dici non potest, nisi de eo, qui prius cecidit, ac postea surgit, ac si diceret: Inter eos, qui in peccato originali concepti sunt, non surrexit major Joanne Baptista. Maria teste B. Petro Damiano & Bonaventura Joannem de terrâ levavit, ergo stetit. Adeoque cum Beatissima Virgo ipso Joanne major sit, ipsam in peccato Originali nunquam cecidisse, consequens est. Quomodo enim ad levandum à casu venisset illa, quæ ipsa in terram lapsa, sub onere peccati Originalis ingemuisset. Purificationem ex Mariæ humilitate Mariæ veneramus, sed quid miremur humilem, si illam peccati macula vitiaisset, Deum omnium festorum complementum est Assumptio in cælum. Atqui Reginam cæli tanto solio dignam non venerabuntur Angeli, si eam aliquando fuisse solum dæmonis cognoscant. Neque nos peccatores illam haberemus fiduciam, si aliquando labe peccati infecta fuisset. Non male dicitur Maria Civitas refugii, de his in sacra scripturâ nempe in Exodo dicitur, quod fugientibus in assylum & refugium fuerint. Oleaster in c. 25. *Numer.* Viæ inquit ad eas, quæ ducebant, complanatæ erant, ut nullum esset offendiculum aut obstaculum fugientibus reis. Qui ponit in Maria maculam, offendiculum ponit cum peccator merito timere posset, quomodo me illa divinæ gratiæ reconciliabit, quæ aliquando fuit sine gratia. Quare hoc nobis solatio esse debet, quod talem habeamus,

Joannes
Baptista
non est ma-
jor Chri-
sto vel
Maria.

Maria le-
vavit Jo-
annem, er-
go stetit.

Si Maria
maculata
fuisset non
esset illa fi-
ducia.

Civitates
refugii sine
omni im-
pedimen-
to.

beamus,

beamus Mediatrix apud Christum, qualem mediatorem apud DEum Patrem describit Paulus *ad Hebr. 7. v. 26.* Sanctum, innocentem, impollutum, segregatum à peccatoribus, qui non habet necessitatem prius pro delictis suis exorare.

Credo ego non sine speciali instinctu Spiritus sancti factum esse, ut Ecclesia in festo Conceptionis utatur ipso initio Evangelij S. Matthæi. Quid enim est Evangelium aliud quam bonum & felix nuncium. Sic namque S. Chrysostomus *hom. 1. in Matth.* Matthæus non abs re descriptionem suam Evangelicam Evangelium vocavit, continet enim pœnarum sublationem, veniam peccatorum, sanctificationem atque iustitiam, redemptionem atque adoptionem filiorum, & cœlorum hæreditatem, cum DEO fraternitatem omnibus probis & improbis, ac in tenebris etiam sedentibus bonum nuncium. Subdit paulo post. Numquid posset aliquid his tam bonis nunciis æquale esse, nempe DEus in terris? homo in cœlo? & tunc hujus tam felicitis nuncii seu Evangelii factum est initium, quando in utero sanctæ Annæ concepta est Maria. Quis non merito lætetur, & exultet? Olim boni nuncii dies fuit illa, quando per Ektherem populo salus parta est: Pendebat jam mortis edictum, per Urbes, cum ecce mutata est scenæ facies, & Vitæ rursus nova lux oborta est. *Esther. 8. v. 26.* Judæis autem nova lux oriri visa est, gaudium, honor & tripudium. Stabat mundus totus capitis reus, cum ecce membrana nitida paratur, aptantur tabulæ, ordinatur liber, ut inscribatur Verbum DEI, eritque verum dicere; Verbum caro factum est *Joan. 1. v. 14.* Et ecce jam tum incepit scribi chiographum nostræ salutis. Quod miratus B. Ephrem exclamat, salve Charta divinissima. S. vero Epiphanius in illud *Isa. 8. v. 1.* Sume tibi librum grandem Mariæ applicans, dicit, Vere grandis hic liber, in quo tria ista Verba reperiuntur. Verbum caro factum est. Legit in his verbis Theodo-

Maria
Media-
trix pura
apud Chri-
stum sicut
Christus est
apud Pa-
trem.

Evange-
lium est bo-
num nun-
cium.

Maria
grandis li-
ber cui in-
scriptum,
Verbum
caro fa-
ctum est.

*Maria est
liber puris-
simus.*

*Spiritus
sanctus est
autbor li-
bri genera-
tionis Chri-
sti, ergo est
mundissim-
us.*

*In Maria
libro legi-
bile est ver-
bum ab-
breviatum.*

tos Elephantum dentes operosè in tabulas vel laminas duxisse, in quibus aureis literis inscripsit nomen Consulis. Si nomen Consulis in candido scribi debuit ebore, in niveo planè vel liliato ebore scribatur Verbum divinum. Ut proinde bene de hoc verbi Divini libro dixerit S. Thomas de Villa nova. Hæc scriptura, in quâ charta & papyro scripta est? utique in pergamenâ niveâ, Virgineâ, purissimâ sine omni nævo & nota peccati. Nunc enim vero intelligo illud sponſi divini. Tota pulchra es, & macula non est in te. Quia nimirum liber es generationis JESU Christi. Quis enim melioris indolis homo immundæ chartæ aut pergamenæ inscribat quidquam. Et nos credamus Spiritum sanctum Mariæ peccati labe maculatæ inscripsisse verbum divinum? Hunc librum profecto non stylo hominis, sed Spiritus sancti scriptum agnovit S. Antoninus, quem proinde hujus libri authorem veneratur. Celebravit olim antiquitas scribam illum qui totam Homeri Iliadem nuci inclusit; Mariæ utero Spiritus sanctus inscripsit DEum incomprehensibilem. Miratur enim verò seipsam Maria adeoque exclamat: Quomodo fiet istud: Sed non est, quod mireris ô Virgo; Scriba qui Virgineo utero tuo inscripturus est Verbum infinitum, ab ipso Angelo Spiritus sanctus nominatur. Scribit is, quemadmodum cum S. Paulo loquitur S. Bern. Verbum abbreviatum, dicente Evangelista, Spiritus sanctus superveniet in te. Nec timendum nobis est, quia Verbum abbreviatum non legemus. Legit S. Athanasius in suo symbolo secundum omnia puncta, dum dicit: Quia Dominus noster JESUS Christus DEI Filius, DEus est & homo. Jam verò si quemadmodum testatur Oleaster *inc. 13. Exodi*. Rabinis consuetum fuit, quod certa scripturæ Verba maximè vero ipsum nomen Jehova libro inscripturi, alia charta usi non sint nisi pelle ex pecore sine omni maculâ. Profecto Spiritus sanctus inscripturus Verbum divinum, utero Mariano usus est, quia nulla fuit unquam purior Creatura. Unde bene Novarinus in *Umbra sua Virginea Excurs. 16. n. 195*. Tantam inquit puritatem requirebant Judæi in membranâ, in quâ DEI verba scribenda essent, quanto magis in Maria. Ut proinde bene S. Joan. Damasc. *orat. 2. de Assumpt.* dicat; Verè purissimus liber, in quo innarrabili modo DEus Verbum suum inscripsit. Mirabilem scribam DEum miratur psalmographus, qui dicit, quod cælo veluti libro terſo stellas inscripsit. *ps. 103. v. 3.* Extendens cælum sicut pellem,

sem, eum tamen cœli juxta Jobi opinionem, quasi ærè fusi sint. Ut proinde Ramirez *orat. 2. de Cruce* dicat, quod Cœli sint plana, & æquabilis ad scriptionem charta, exarata literis aureis. An non credimus Mariam omni cœlo puriorem? cui non stellas, sed ipsum Verbum divinum inscripsit DEUS. Merito proinde S. Joan. Damasc. Mariam vocat librum novum quia sine maculâ. Eduntur & typomandantur libri plurimi, sed sæpe pleni erroribus: Quales nos sumus omnes teste Davide: Ecce in iniquitatibus conceptus sum; *Maria liber sine omni litura.* Non sic Maria, in qua litura nulla, & macula non est inte. Quare non frustra Hugo Cardinalis Mariam librum vitæ nominat; Ex illo *Exodi 32. v. 32.* Dimitte eis hanc noxam, aut dele me de libro Vitæ. S. Aug. *quest. 147. in hunc locum* securus inquit dixit hoc, sciens quod DEUS nihil deleret de libro suo, & populo potius peccatum remitteret. Non patitur lituram liber Vitæ. Credamus nunc in Mariâ lituram tam infamem, ut turpissimo nomini dæmonis, substituatur nomen Verbi divini. Egregie plane *Proclus de nativ. Christi.* O venter in quo communis libertatis syngrapha confecta est. At verò vltim nullam obtinuisset hæc syngrapha, si Pater æternus in eâ reperisset lituras aut characteres alienos. Dicamus ergo cum S. Ephrem: Ave charta divinissima; Ave liber sine omni macula purissime, quia liber es generationis JESU Christi. Non timete errorem, liber hic ab omni errore est immunis. Maria stella est, quod explicat Jacobus de Voragine ArchiEp. Genuensis: Dicitur stella, quia nullus in ea fuit error. Non dicitur Planeta, quia Planetæ dicuntur errantes. Stellæ autem fixæ sunt, quæ non nisi à DEO moventur. Simili modo loquendi utitur Cartagena. Non incongruè puto mysticè significari B. Virginem, librum omnis peccati adeo expertem, ut nec in prima ejus impressione, ullus unquam irrepserit error. Profecto non tam audaciam dicam, quam fiduciam venerabor illius, qui hoc posuit Enthymema: Maria liber est generationis JESU Christi, ergo impossibile fuit ob gratiam specialem maternitatis, illam ullo instanti temporis, contraxisse peccatum Originale.

Theologi dum de immaculatæ Virginis Conceptione agunt, totum hoc privilegium refundunt in maternitatem DEI Genitricis, & ideo dicunt immaculatam fuisse, quia à DEO electa fuit, ut esset mater DEI. Ita enim Fulbertus Episcopus: Ave Maria quæ immaculata semper extitisti, ab exordio tuæ Conceptionis, quia pa-

ritura

*Maria est
immacula-
ta, quia e-
rat futura
mater Chri-
sti.*

ritura eras Creatorem totius Sanctitatis. Majori cum gravitate verborum loquitur S. Aug. *serm. 20.* Maria mater electa est, ut de mundissima matre, mundissimus nasceretur filius, & ita ab omnibus gratiis fuit fecundata, & omni sanctitate repleta, ut sicut in cœlo filius habet Patrem immortalem & æternum; sic & in terrâ haberet Matrem, omni corruptione carentem. Addo S. Hier. pariter Ecclesiæ Doctorem. Nullum inquit is, dubium est de Matre Domini, quia talis debuerit esse, quæ de peccato redargui non posset, cum hoc ad improprium filii sui fuisset. Ex quo Theologi inferunt: Debuisset Matrem DEI esse absque omni labe, quia erat futura mater ipsius Sanctitatis. Jam verò cum S. Th. in 1. *distinct. 44. q. 1.* doceat, quod puritas & Sanctitas intendatur per recessum à Contrario, fatetur autem deinde quod B. Virgo potius elegeret esse in inferno, quam offensam DEI incurrere per peccatum, quæ sic recessit vel maxime à peccato, & Christo ipsi Sanctitati increate fuit similior. Pergit ulterius; Et ideo potest aliquid creatum inveniri, quo nihil purius esse potest in rebus creatis, si nulla contagione peccati inquinatum sit. Talis fuit inquit ipse S. Th. Adam & Eva in statu innocentie, quos fatetur sine peccato & maculâ in gratiâ productos. Unde à fortiori concludit: Et talis est puritas B. Virginis, quæ à peccato originali & actuali immunis fuit. Quomodo enim staret alias doctrina ejusdem S. Th. dum dicit in Beatâ Virgine debuit apparere omne illud, quod perfectionis fuit. Unde statuendum est cum Hugone Carnotensi *serm. de nativ. Deip.* Quod hæc gratia Soli Mariæ sit concessa, maxime si dicatur, quod Beata Virgo non habuit peccatum Originale, licet processerit ab Adamo secundum rationem seminalem. Dicendum enim est, quod ipsa sola speciali gratia præventa est & præservata quod fuit prævisa mater & domus DEI. Unde præclare S. Laurentius Justinianus *tract. de casto connub.* dicit. Quotquot ex ipsius nempe Adami sunt progenie nati, duntaxat mediatore DEI & hominum homine Christo Jesu & ejus matre exceptâ, sub hac peccati lege sunt conditi. Et nemo ab ipso mundi initio, usque ad temporis plenitudinem duntaxat mediatore ejusque Genitricis exceptis, jugum damnationis suæ evasit. Instat S. Bernardinus Sen. *Tom. 1. serm. 61. art. 1. c. 4.* qui docet primos parentes meritos fuisse, ut propter peccatum suum penitus fuissent annihilati, idque futurum fuisse, nisi DEUS illis propter prævisam in serie Adam imma-

trem

S. Thom.
fatetur B.
V. à pec-
cato esse
immunem.

trem pepercisset. Verba illius sunt : Ex propriâ transgressionem Adam & Eva, non solum mortis, sed & annihilationis exterminium meruerunt, & divina ultio, quæ personarum acceptionem ignorat, sicut nec culpam angelicam, sic etiam neque humanam dimississet. Sed propter præcipuam reverentiam, quam habebat ad Virginem, præservavit, quia hæc puella in lumbis erat Adæ secundum seminalem rationem. Ubi videmus clarè dicere, quod humano generi misericordiam fecerit DEus, quia Maria erat futura filia Adæ. Eruditè planè explicat hoc Mautinus Ecclesiastes Pontificius, qui advertit quod Matthæus in Genealogiâ Christi, mutat modum loquendi. Dum enim communem enarrat generationem, semper parenti subnectit filium dicens : Abraham genuit Isaac, quod servat in omnibus, quicumque peccato Originali subiecti fuerunt. Dum verò ad B. Virginem devenit, omittit Genealogiam parentum, eamque interruptit, ac statim ipsi innocentie increatae Christo, matrem conjunxit. Quod in Evangelio factum videmus, credamus in libro vitæ & prædestinatione divina factum esse, in quo libro primus scriptus est Iesus, proxima Maria, juxta illud Prophetæ : in capite libri scriptum est de me. Demus jam inquit hic author DEum in primo instanti rationis prævidisse peccatum, & in secundo instanti rationis prævidisse ejusdem peccati remedium incarnationem, sequitur tamen evidenter in eodem instanti reali, DEum prævidisse Mariam unitam filio. Quia incarnationem necessario prævidit cum Matre, cum non sit conceptibilis unio hypostatica, sine prædestinatione Virginis seu Matris, adeoque ipsi filio unita est in prædestinatione. Quod voluit S. Paulus *ad Rom. 1. v. 3.* quando dixit, qui factus est ei ex semine David secundum Carnem. Qui prædestinatus est filius DEI in Virtute, id est Virgine; quasi diceret, qui prædestinatus est, ut sit filius DEI, non per filiationem adoptionis sicut ceteri, sed in Virgine, id est, ut sit Filius DEI, habens æqualem potentiam & divinitatem cum Patre, & hoc per Virginem. Ubi bene advertendum est, quod S. Paulus præmittat temporale æterno, dicendo, qui factus est ei ex semine David secundum carnem, & deinde subdit : Qui prædestinatus est ei filius DEI in Virgine. Jam ergo si ex doctrinâ S. Thomæ in hac propositione relativum Qui, qui prædestinatus est ei filius DEI, referatur ad antecedens nimirum Christum secundum carnem; Neque enim poterat, Christus præde-

Christus non prædestinatur sine Virgine.

finari ut Verbum, ut esset filius DEI, sed necessario, qua talis erat coexistens ipsi prædestinanti nimirum Patri. Voluit ergo Paulus insinuare solum prædestinationem Christi, & ideo præmisit humanitatem, secundum quam prædestinabatur. Ubi ad meum propositum est, quod Christus dum prædestinabatur, non fuerit prædestinatus sine B. Virgine. Cum enim prius dicit Christum incarnatum, & postea prædestinatum, vult Christo incarnato jungere matrem, sine qua, filius illius non poterat prædestinari ad filiationem divinam. Cum hæc sit natura relativorum, ut posita se ponant, atque sic ad prædestinationem Virginis ad maternitatem divinam, ingrediebatur persona infinita Verbi, sine qua non erat futura mater DEI. Pulchrè S. Bernardinus *Serm. 51. de Virg.* Tu autem ante omnem Creaturam in mente DEI prædestinata fuisti, ut DEum ipsum hominem verum, ex tuâ Carne procreares, & præ omnibus post fi-

Christus amavit & honoravit matrem, ergo est sine macula.

lium, cælorum Regina effecta gloriosè regnares. Nisi fortè credamus Christum non magis amasse suam matrem, quam Æneas Anchisen Patrem suum, quem homo Gentilis & militaris ex Trojæ incendio communi salvavit. Cum tamen S. Th. 3. p. q. 27. art. 1. dicat Rationabiliter creditur, quod illa quæ genuit unigenitum à Patre plenum gratiæ & Veritatis, præ omnibus aliis, Angelis scilicet & primis parentibus, privilegia gratiæ acceperit. Ergo si cælestes illæ intelligentiæ, ac primi parentes nostri, in gratiâ conditi sunt, DEI Matri id ipsum privilegium concessum esse convincitur. Non dicam quod S. Th. p. 3. q. 27. art. 4. doceat, Mariam ab omni peccato Veniali prorsus fuisse liberam. Quia inquit non fuisset idonea Mater DEI; si peccasset aliquando. Atqui detestabilius est peccatum originale, quam aliquod Veniale actuale, ergo dicendum est, quod non fuisset idonea Mater DEI, si originale peccatum incurrisset, cum hoc rumpat & tollat charitatem, Veniale autem solum minuat. Decuit ergo hoc facere Christum, qui Matrem suam honoravit. Graviter omnino Methodius *serm. de Hypapante*: Qui dixit honora patrem tuum & Matrem tuam, ut decretum à se latum observaret, atque adeo hac in parte alios præcelleret, omnem Matri gratiam & honorem impendit. Quare si Pompejus Atticus jactare de se potuit, quod Matris suæ observantissimus filius, eidem semper obsecutus sic fuerit, ut diceret, nunquam cum Matre in gratiam redii, quia cum illa nunquam dissidebat. Potiori jure id dicat

Angeli & primi parentes sunt immaculati ergo etiam Maria.

Pompejus Atticus nunquam cum Matre dissidebat.

dicat Christus de Matre suâ, cum qua tamen dissidere debuisset, si in Originali peccato, vel in uno instanti rationis fuisset. Maximè cum S. Thomas doceat, quod per peccatum originale innocentia tollatur, quæ sicut Virginitas semel perditâ, recuperari non potest. Dicit enim 3. p. q. 98. art. 3. ad 1. Eadem enim est ratio de recuperatione Virginitatis & de recuperatione innocentie. Eleganti hoc explicat similitudine S. Bonav. qui B. Virginem aptissimè plane nivi comparat. Virgo inquit Pulchra ut nix Candida. Non comparat cum bysso vel cum candidissimo lino, quia hæc sunt vel fuerunt aliquando nigra, sed frequentissimâ dealbata rursus sunt lotione. Nix autem semper fuit candida, & omnis ex se deformitatis expers. Graviter proinde instat S. Aug. *serm. de Assumpt. Virg.* Si potuit Daniel à Leonibus, Jonas in ventre Ceti præservari, cur non Maria à peccato Originali? Audite verba S. Aug. Jonas servare in ventre Ceti præter naturalem usum voluit incorruptum, Mariam incorruptam, præter rerum ordinem non servaverit gratia? Servatus est Daniel ab intemperantissimâ fame leonum, non præservanda est Mater tantis dotata meritis dignitatum? Est quod legi in India serpens adeo infestus plantæ alicui odoriferæ, ut sub terrâ etiam adrepât, deò solum, ut venenato morfu suo radices arrodât & arefaciat, hanc tamen ut humana conservet industria, hortulani amarum succum circa radices affundunt, quem serpens cum pati non possit, ubi advertit, illas à radice recedit. Quæ pulchrior & suavior planta fuit quam genus humanum, sed Venenoso serpentis infernalis morfu exarvit in radice primi parentis. Divinus hortulanus tamen Christus, ut plantam saltem unam servaret Mariam, amarissimæ passionis suæ affudit liquorem, & sic præservavit Mariam. Docet hoc Joannes Cartagena l. 1. de Concept. B. V. Mirabilis illa & salutifera aquæ & sanguinis confectio ex latere Christi, in Cruce velut probatissima theriaca, ab æterno prævisam matrem suam inunxit, atque hac ratione illam præservavit. Assentitur S. Ctesiphon discipulus S. Jacobi majoris: Illa Virgo! illa Maria! illa sancta! præservata fuit à peccato Originali in primo instanti suæ Conceptionis, & libera ab omni culpâ. Merito proinde dicamus cum cœlesti sponso: Tota pulchra es Maria, & macula non est in te. Septuaginta legunt. Tota formosa es proxima mea, & Momus non est in te. De Momus homine odiosissimo fabulantur Poetæ, uti scribit Hesiodus, quod in visus. Noctæ

Nocte matre, uno partu cum ærumna effusus sit. Et bene nox mater & ærumna soror fingitur, quia homines illi, qui omnia carpunt, noctis potius quam lucis filii in ærumnâ vitam agunt infelicem, hominibus æque ac DEO, imo vero sibi etiam ipsis odiosi. Hic Momus adeo effrons fuit, ut Jovem ipsum culparet, quod in creatione hominis in præcordiis illius, nullam senescellam posuerit, quo facilius arcana cordis latentis potuissimus rinari. Venerem deinde Dearum omnium pulcherrimam, dum diu nasutè observasset, ut ejus pulchritudinem mordaci dente arroderet, cum nihil in eâ maculæ reperiret, in crepidas tandem virus carpendi exeruit, stridulas illas esse, malè ganiens. In Mariâ DEI Matre, ne quidem ipsa calcamenta mordaci dente impius Momus potest lacerare, quia *Cant. 7. v. 1.* ipse cœlestis Sponsus illa commendat. Quam pulchri sunt gressus tui in calceamentis filia Principis. In quem locum eleganter plane Rupertus Abbas *l. 6. in Cant.* Idcirco inquit ancillæ, Evæ scilicet calcaneum serpens momordit, quia discalceatis pedibus incescit. Tu autem ô filia Principis benè calcata, caput serpentis contrivisti. Ut proinde S. Jacobus in sua *Lyturgia* dicat: Dignum est, ut te beatam semper dicamus Deiparam, & omnibus modis irreprehenfam. Benè namque doctissimus Pepinus ex S. Dominici familiâ insignis encomiastes *serm. de Concept. B. V.* designatur inquit illa per rubum *Exodi 3.* qui comburi non debebat per culpâ, sed semper in virore gratiæ permanere ab instanti Conceptionis suæ. Comparatur inquit Palmæ & Rosæ; Palma deferri solet in signum Victoriæ. Rosa autem pulchra est & munda, quamvis procedat ex spinosa arbore. S. Virgo Maria habuit Victoriâ contra serpentem antiquum, ne morderet ipsam per culpam originalem. De rosa verò Maria canit Ecclesia, sicut spina rosam genuit Judæa Mariam. Allegat deinde SS. PP. dicens in scriptis præcipuorum Ecclesiæ Doctorum inventitur Beatissimam Christi Matrem immuncem fuisse à peccato originali in suâ gloriosâ Conceptione. Et primo quidem allegat Aquilam Doctorum S. Aug. qui de nat. & grat. contra Pelagianos c. 36. dicit: Excepta S. Virgine Mariâ, de qua propter honorem Domini nullam prorsus, cum de peccato agitur, habere volo quæstionem. Adjungit deinde S. Hieronymum à me superius citatum: Nullum inquit is, dubium est de Matre Domini, quia talis debuerit esse, quæ de peccato redargui non posset, cum hoc ad improprium filii sui fuisset.

Momus
Veneris
calceamen-
ta carpit.

Maria
calceamen-
ta sunt sine
macula.

SS. PP.
dicunt B.
V. esse sine
macula.

fuiſſet. Tertio adducit S. Ambr. *in quodam ſerm. de B. Virgine Maria*. Maria inquit eſt, in qua nec nodus originalis, nec cortex actualis culpæ fuit. Citat deinde S. Anſelmum qui *in Ep. ad Episcop. Angliæ* ſic ſcribit. Non puto verum amatorem Virginis, qui reſpuit celebrare feſtum ſuæ conceptionis. Addo ego S. Andreæ, qui de immaculatâ Virgine ait: ſicut primus Adam formatus fuit ex terrâ, antequam eſſet maledicta, ita ſecundus formatus eſt ex terrâ Virgineâ nunquam maledictâ. S. Cteſiphon inquit: Mariam non tetigit peccatum primum, quam opinionem ſuam tam firmiter tuetur, ut etiam anathema ſtatuat contrariæ ſententiæ. Origenes *hom. in c. 1. Matth.* Joſephum alloquitur. Accipe eam ſicut Unigeniti manſionem, ſicut honorabile templum, ſicut Agni cœleſtis ſponſi domum immaculatam. Paulo poſt ſubdit: Beata Virgo Maria neque ſerpentis perſuaſione fuit decepta, neque ejus venenofis afflatibus infecta. S. Greg. Neocæſar. *ſerm. 1. de annunciat. B. V.* S. Mariam ex omnibus generationibus ſolam elegit, nec ſimilis ei ex omnibus generationibus ulla unquam eſt reperta. *Serm. deinde 3. de eadem.* Miſſus ſervus incorporeus ad Virginem inviolatam atque immaculatam, miſſus eſt à peccato liber, ad corruptionis ſeu labis expertem. S. Cyprianus *l. de Chriſti operibus* Spiritu ſancto inquit obumbrante incendium Originale extinctum eſt, nec ſuſtinebat Juſtitia, ut illud vas electionis communibus laſſaretur injuriis, quoniam plurimum à cœteris differens natura communicabat, non culpa. S. Ephrem *orat. ad Deip.* dicit: Immaculata, intemeratâ, incorrupta & proruſ pudica, & ab omni ſorde & labe peccati alieniſſima Virgo DEI, ac ſponſa Domina noſtra. S. Ambr. *l. 2. de Virg.* Quid ſplendidiuſ eâ, quam ipſe ſplendor elegit. Cui conformiter loquitur S. Dionyſ. Arcop. *l. 4. de divin. nom.* Ingens ille, & totus ſplendidus, ac ſemper lucens Sol, imago expreſſa eſt divinæ bonitatis. Quid aptius ad ſplendorum Mariæ, quæ ab æterno ordinata, & eſecta ut Sol, tota ſplendida, non ex parte, ſemper lucens, nunquam caligine involuta viſa eſt. Longus eſſem ſi in enarrandis SS. PP. teſtimoniis procederem, claudo cum S. Auguſtino, qui ubi *in libro de nat. & grat.* non vult habere quæſtionem de Maria, quando de peccato agitur, hanc rationem reddit: Unde enim ſcimus, Vaſquez legit: Inde enim ſcimus plus gratiæ, quod ei collatum fuerit ad vincendum ex o-

mini parte peccatum, quæ concipere & parere meruit eum, quem constat nullum habuisse peccatum.

*Mariave-
re Esther.*

Venio nunc ad figuras quibus immaculata Mariæ Conceptio figuratur. In *L. Esther c. 15.* ingressa ad Assverum Esther, assumpsit duas famulas, & super unam quidem innitebatur præ deliciis, altera autem sequebatur Dominam, defluentia in terram vestimenta sustentans. Subdit textus quod eum in conspectu Assveri labasceret Esther, festinus is exilierit de solio, & sustentans eam ulnis suis, his verbis blanditus sit: Quid habes Esther? Ego sum frater tuus, noli metuere, non morieris. Non enim pro te, sed pro omnibus hæc lex constituta est. Esther figura est B. Virginis, quæ sola placuit DEO, quando decretum Originalis peccati in genus humanum fuit sancitum. Duæ domicellæ, sunt natura angelica & humana. Humana est pedissequa, quæ nimirum Marianarum Virtutum vestigia legit. Angelicæ innititur deliciis affluens cœlestibus. Verum non solum Angelis, sed ipsi Christo innititur, vel maximè in primo instanti suæ Conceptionis, ne scilicet in lubrico peccati Originalis laberetur, hinc est quod festinus exilierit de solio suo, & sustentaverit eam ulnis suis. Ut quid enim exilivisset, si tardè venisset, nec eam ulnis suæ gratiæ sustentasset Christus; si scilicet eam in reatum Originalis Culpæ labi passus fuisset. Hanc sustentationem seu brachia pulchrè insinuat Evāgelista, quando in initio & fine Evangelij memorat nomen Jesu.

*Assverus
non su-
stentasset
Estherem
si labi pas-
sus fuisset.*

Sic enim in principio inquit Liber generationis Jesu Christi. In fine vero dicit: de quâ natus est Jesus, qui vocatur Christus. Ut scias has duas ulnas esse, quibus ne laberetur, fuit sustentata. Neque enim frustra nomen Salvatoris adjecit. Ubi adverto quod sicut Esther à puellâ cui innitebatur non fuisset sustentata, nisi Assverus de solio suo adfuisset, ita Maria nullo modo solo obsequio angelico fuisset præservata, sed ipso Christo prævertente debuit sustineri, ne in peccatum Originale laberetur. Quare sicut Assverus non posset dici sustentasse Estherem, nisi labascentem prævertisset, ita pariter Christum non diceremus sustentasse Mariam, si eam labi passus fuisset. Neque eam satis dignè suæ passionis meritis Matrem prædestinasset, nisi ab ipso peccato Originali eam omni tempore præservasset. Quod ipsum Maria speciali affectu gratitudinis sibi collatum fatetur, dum Christum suum Salvatorem deprædicat, dicens: Et exultavit spiritus meus in DEO salutari meo. In quem locum

locum Hugo de S. Victore. Merito B. Virgo, quæ se singulariter electam videbat, fiducialiter quem pro mundi salutem conceperat, suum etiam cum lætitiâ & exultatione Salvatorem vocat. Unde non est quod S. Th. p. 3. q. 27. objiciat: Quod si Mariæ anima, nunquam fuisset peccato originali maculata, quod hoc derogaret honori Christi; quia sequeretur quod is non esset universalis Redemptor, esset enim aliqua Creatura, quam suo sanguine non redemisset, nempe B. Virgo, non enim redemisset illam, quia nunquam sub diaboli potestate fuisset. Ad quod facile respondetur cum communi Theologorum, quod creatura posset dici redempta ante & post lapsum, quia non minus redemptus dicitur, qui à lapsu præservatur, quam qui post lapsum, elevatur. Næ tu Aquilam illam redemptricem negaveris pueri, quæ ex turri labentem puerulum pennis suis & corpore excepit, & in proximum hortum deportavit, ibique sic adamavit puerum, ut illi cibos ministraret, ac tandem etiam commoreretur. Sic non minus dicitur redemptus ille, pro quo litrum solvitur, antequam carcerem ingrediatur, quam discitur redimi ille, qui ex carcere, cui jam inclusus fuerat, educitur. Maria ergo redempta fuit ut scholæ loquuntur præservativè, non liberativè. Quod pulcherrimè explicat S. Antoninus Archiepiscopus Florentinus. Nobilius inquit & melius liberatur, cui providetur ne cadat, & in servitutem incurrat, quam ut lapsus erigatur, & factus servus redimatur. Ex quo apparet, quod nulla sit illata injuria Christo, qui licet non redemerit Mariam liberativè, præservativè tamen ita sustentavit, ne unquam in diaboli potestatem deveniret. Quod Christi Redemptoris majestatem sicut longè magis extollit, ita Mariæ honori magis convenit, eique longè gloriosius est. Intelligo jam illud Prov. 8. v. 22. Dominus possedit me in initio viarum suarum, antequam quidquam faceret; à principio, ab æterno ordinata sum ex antiquis. Quod communiter SS. PP. intelligunt quidem de Sapientiâ increatâ. Convenienter tamen, & ex mente Ecclesiæ applicatur B. Virgini Mariæ. Ubi adverto quod textus sacer non dicat DEUS sed Dominus possedit me. Quia DEUS in hebræo sonat idem quod Judex quasi diceret, non ut DEUS Judex, sed ut DEUS benignus Dominus, qui suâ omnipotentia præter naturæ ordinem operatus est, Mariam præservavit. Quare ipsa Luc. 1. v. 47. lætabunda exclamat: Magnificat anima mea Domi-

RUM.

num. Et paulo post : Quia fecit mihi magna scilicet Dominus, qui potens est. Dicitur etiam Dominus possedit me, non habuit me, ut intelligatur possessa esse à Christo, non quomodocunque, sed velut res propria. Sanctos alios quando nascebantur possedit diabolus licet essent ipsius Dei res propria, dæmon tamen, qui per peccatum eos prædatus est, velut iniquus possessor, eos detinuit. Ita enim vel ipse Machomet causam ploratus assignans, cur infantes quando nascuntur plorent, dicit in libris AlboKarim & Mozlim, quia cum primum nascuntur, dæmon illos tangit. Addit vero ibidem B. Virginem & illius filium, à tali Sathanæ contactu, ex omnibus qui nati sunt immunes fuisse. In Maria possessio Dei, à dæmone nunquam fuit interturbata. Quid enim aliud intelligi potest verbis illis. In initio viarum

Infans cum nascitur, cur fleat.

Homines dum nascuntur, sumus possessio Dæmonis.

DEUS accepit possessionem Mariæ in misericordia, non in iustitia.

suarum, nisi opera Dei ad extra, quæ prima non fuerunt alia, quam Christus & Beatissima Virgo Maria. Ad propositum meum S. Th. loquitur in cap. 4. Job. dum allegat illa verba Universæ viæ Domini misericordia & Veritas dum ait : Ponit primo misericordiâ, quasi Deo magis notam, quia velox est ad misericordiam & tardus ad iram. Dicens, itaque Dominus possedit me in initio viarum suarum, idem est ac dicere, quod Deus non accepit possessionem Mariæ in ratione iustitiæ, sed misericordiæ. Hæc verò misericordia tanta fuit in conceptione Mariæ, ut merito non tantum redempta, sed ex omnibus maxime redempta, & primogenita Redemptoris dici possit. Ita enim S. Bernardus Beatissima Virgo fuit primogenita Redemptoris, & plus pro ipsa redimenda venit Christus, quam pro omni aliâ creaturâ. Pulchrè autem observat S. Joannes Damasc. quod Deus quando prædestinat aliquem ad singulare aliquod opus, non tantum tunc, cum destinat & disponit, sed longè antè jam prævidit. Hinc Mariam jam ab æterno ordinatam, ut potè in quâ laboravit DEUS ipse cui in prædestinatione suâ velut correlativa innitebatur, in eâ adornanda collaboravit. Quid mirum proinde si subtilissimus Scotus in 3. destin. 3. q. 2. eleganter dicat. Alii post casum erecti sunt, Virgo quasi in ipso casu est sustentata. Explicatur hoc in fructifera poma, ex quâ si poma decidunt, maculam contrahunt. Maria etiam ex poma decideret, id est ex stirpe Adami orta sit, terram tamen non attigit, neque maculam contraxit, quia de illâ verificatur illud Davidis ps. 36. v. 24. Cum ceciderit non collidetur. Cur hoc? quia Dominus supposuit manum suam. Ubi mihi occurrit ingeniosa observatio cuiusdam

Maria in casu quasi est præservata.

jusdam Mariophill, qui dum verba illa Angelus Dominus tecum, expendit. Quærit cur Angelus dicat Dominus tecum, & non DEUS tecum, cum tamen dicat textus, Angelum à DEO, non Dominò missum esse. Scio ego quantum ad rem significatam esse terminos realiter convertibiles, sunt tamen differentes, quo admodum significandi. Quia DEUS propriè significat Creatorem. Sic enim habemus *Gen. 1. v. 1.* In principio creavit DEUS cælum & terram. Dominus verò rigorosè videtur significare moderatorem secundum imperium divinæ voluntatis. Sic enim quia DEUS creavit ignem cum naturali suâ proprietate calefactivâ & illuminativâ; qua Dominus verò, id est juxta imperium suæ voluntatis & arbitrii, impedit, quo minus accenderet & noceret pueris in fornacem babilonicam injectis. Sic etiam defacto in inferno impedit, quo minus luceat & illuminet, licet urat. Et videtur hoc intellexisse David *ps. 28. v. 7.* Vox Domini intercidentis flammam ignis; hic enim flammæ insitam vim calefactivam, ibi Virtutem illuminativam suspendit. Quod pauciter confirmari potest ex motu stellarum, quas cum fecerit DEUS in signa & tempora, voluit DEUS planetas majores esse mobiles, juxta quorum motum dirigitur dies & nox, juxta illud *psal. 118. v. 91.* Ordinatione tua perseverat dies. Interim tamen velut Dominus mandante Josue, fecit Solem stare. Cum ergo dicit Angelus Dominus tecum, rem plenam mysterij nobis insinuat, nempe quod DEUS fecerit quidem legem hanc, Omnes in Adam peccaverunt, adeoque omnes in Adam moriuntur. Omnes nascimur filii iræ, sed legem hanc velut Dominus, secundum imperium voluntatis suæ moderatus est in Mariâ, ut neque debitum quidem labis Originalis contraxerit. Confirmant me in hac opinione meâ hæc eadem verba Dominus tecum; quibus Angelus Mariam salutavit. Si enim hæc verba combinem cum phrasi hæbraica illorum verborum *Cant. 4. v. 7.* Tota pulchra es amica mea, & macula non est in te; observo quod hæbraeus non habeat particulam Est, sed sine differentiâ temporis ullius dicat: Et macula non in te. Qui sensus licet videatur incompletus, est tamen maximi mysterii. Dum enim Angelus Mariam salutans *Luc. 2. v. 28.* dixit: Ave gratia plena Dominus tecum, & nullam ponit in verbis differentiam temporis, connotat co-existentiam gratiæ temporis præterito, præsentis, & futuro, in quo omni imaginario tempore fuit, est, & erit cum Mariâ Dominus.

Maria à Domino ex imperio divinæ voluntatis præservatur.

Maria sine differentia temporis est immaculata.

Nn

Ita

Ita planè cum dicit & macula non in te. Connotat omne præteritum tempus Conceptionis Mariæ, in quo sine omni peccato fuit semper immaculata Virgo. Pulchre plane Abulensis in hunc locum : Opportunissimam Verbi omissionem, ut intelligatur nullum unquam extitisse tempus in quo Virgo Maria maculam contraxerit, adeoque nec de præfenti, aut futuro, neque de præterito posse affirmari originalis peccati nævum illi adhæsisse.

Omnis orbis Mariam immaculatam honorat.

Quid ergo mirum est, si omnis orbis in hanc cœeat juratam quasi sententiam, ut pie credat, Mariam sine omni labe semper fuisse immaculatam. Agnoscit immaculatam ex Italiâ S. Ambr. Te ô Virgo ! Virgam sine omni nodo originalis, & cortice actualis peccati &c. Ex Hispaniâ S. Vincentius Ferrerius; hoc festum in cœlo ab angelis festivè celebrari asserit. Ex Galliâ prodeat S. Bernardus *serm. 4. in Cant.* ubi dicit : Tu innocens fuisti ab originalibus & actualibus peccatis, nemo ita præter te. Ex Angliâ S. Anselmus *l. de Concept. Virg. c. 6.* sic profatur. Hoc habitaculum cum Sancto Spiritu operante construeretur, si fundamentum illius, scilicet primordium conceptionis Mariæ corruptum fuisset, ipsa certè structura non congruebat. Neapolis 1618. Voto se obstrinxit pro hujus Veritatis piæ propugnatione; & quantis beneficiis DEUS per Mariam immaculatam Regnum est remuneratus ? Certè quando anno 1650. Augu-

Neapolis ex Voto se obstrinxit.

Ferdinandus III. Votum fecit & Pacem impetrat.

Infans Hispaniæ homo nuncio recreatus consistit.

Pons Offekiensis voto Græcii facto exuritur.

stissimus Ferdinandus Tertius Votum fecit de festo Immaculatæ conceptionis solenniter cum pridiano jejunio celebrando, in turbatissimo statu Imperii Pacem à solo DEO impetravit. Anno 1662. dum Hispania ab Alexandro VII. Romano Pontifice resolutionem urisit, Quid die Octavâ Decembris celebret Ecclesia, an nempe Conceptionis, an vero Sanctificationis hoc festum nominari debeat, & Decisionem pro Conceptione obtinuit, Infantem Hispaniæ periculose decumbentem in Vitâ servavit. Proximo deinde anno, quo remoram Turcæ iniekturus Excellentissimus Comes Nicolaus Zrinius ad pontem Össekiensem accessit, ut eum everteret, cum jam triduo laboratum fuisset, ut adhibita etiam stupâ, pice, resinâ, stramine, & sarmentis pons ille flammis absumeretur, nec tamen ignem concipere vellet, eo momento quo Græcii in festo Purificationis Provinciæ Styriæ Status, Votum fecerunt de festo Conceptionis immaculatæ solenniter celebrando, totus pons repente in flammâ conversus, incendio absumptus est, qui prius tanto labore ardere non potuit.

potuit. Quid quod vel hæc ipſa verba chartæ inſcripta ſanitatẽ corporis contulerunt? P. Placentia Societatis Jeſu Sacerdos ubi Romam venit, periculoſe cœpit ægrotare, & ad mortem uſque de-
eubuit; malum erat grave, ſtranguria ſcilicet, jam in dies plures con-
tinuata. Ubi tamen ſchedam cui erat inſcriptum, Conceptio immacu-
lata B. Virginis, quam in aquâ benediçtâ S. Ignatii hauſit, malum o-
mnino illico remiſit, & ipſe convaluit. Placet tamen maximè, & ſi-
dem huic piæ veritati adſtruit ipſa S. Thomæ doctrina, quam dediſ-
ſe refert Buſæus *ſerm. 2. de Concept. B. V.* Cum enim Fantinus Epi-
ſcopus Paduanus miraretur, & hæreret in doctrina S. Thom. 1. di-
ſtinct. 44. q. 1. ubi expreſſè docet, quod B. Virgo elegiſſet potius eſſe
in inferno quam offenſam DEI incurrere per peccatum Originale.
Deindè cum rurfus dicit. Puritas intenditur per reſeſſum à Con-
trario, Et ideo poteſt aliquid creatum inveniri, quo nihil purius eſ-
ſe poteſt in rebus creatis, ſi nulla contagione peccati inquinatum ſit.
Et talis eſt puritas B. Virginis, quæ à peccato originali & actuali im-
munis fuit. Cum inquam illationem hanc S. Thomæ conſideravit
& expendit, Merito quæſivit apud ſeipſum. Quomodo ergo S. Th.
docere poteſt quod Maria cum peccato Originali ſit concepta. Dum
ergo anxius hos textus combinat ab ipſo S. Thomâ ſibi manifeſtè ap-
parente doctus eſt ſequentibus verbis: Scias Epicoſcope, quod quan-
do talem opinionem poſui, ſolum habui reſpectum ad divinum ſta-
tum, in quo B. Virgo peccatum Originale contrahere debuerat, niſi
per filium ſuum fuiſſet præſervata; ſed DEI Filius Matrem ſuam ab
Originali peccato præſervavit. Quod ipſum in Commentariis ſuis,
quæ certum eſt S. Thomam ſuâ manu ſcripiſſe, poſt ſummam ad
Gal. 3. ſic ait: Virum de mille unum reperi, ſcilicet Chriſtum, mu-
lierem ex omnibus non inveni, qui à peccato omnino immunis eſ-
ſet, ad minus Originali vel Veniali. Excipitur puriſſima & omni
laude digniſſima Virgo Maria. Laudabile proindè fuit decretum,
quod ſub Reverendiſſimo Patre Hieronymo Xaviere totius Ordinis
S. Dominici Generali 1602. emanavit in hæc verba: Strictè prohi-
bemus, ne quis audeat in publico prædicare vel docere, quod B.
Virgo fuit Concepta in Originali propter ſcandalum fidelium. Ray-
naudus vero *tom. 7. pag. 139. & tom. 8. pag. 325.* accidiſſe refert Cra-
coviæ, ut cum Doct̃or quidam Paulus nomine prædicare contra Im-
maculatam Virginis Conceptionem cœpiſſet, nondum finito ſer-

Verba
chartæ in-
ſcriptæ, ſa-
nant Stran-
guriæ.

Fantino
Epicoſcope
S. Thom.
doctrinam
ſuam de
Imm. Conc.
explicat.

S. Th. Ma-
riam im-
macula-
tam fate-
tur.

*Manresa
resuscita-
tus à mor-
tuis, Ma-
riam im-
maculatam
tuetur.*

venerati sunt, multitudine; exemplo cum omnium adstantium stu-
pore apertâ tumbâ resedit mortuus, & loqui cœpit. Suum nempe
in Deiparam Virginem affectum fusius contestatus est, unum tamen
fuisse dixit, ob quod concessum fuit animæ in corpus regredi, ni-
mirum quod B. Virginem in peccato Originali conceptam credidisset,
& hanc ob causam rediisse ad corpus, ut hanc opinionem suam
retraheret, eamque immaculatè conceptam fuisse profiteretur.
Quod ubi fecit, quasi legatione suâ functus fuisset, placidè rursus
recubuit, & obmutuit. Injurius essem mariano honori, si eam ulte-
rius à reatu Originalis peccati exculparem; hoc unum præterire non
possum, quod ante paucos annos, nostrâ hac ætate nempe 1653. in
celebri Urbe cum nominato quodam concionatore accidit. Hic ad
Concionem in festo Assumptionis B. V. habendam invitatus, à Re-
ctore Congregationis illius hospitio exceptus fuit. Pridiè festi de
noctè affigitur ad valvas templi scheda magnis literis inscriptum ha-
bens: Maria concepta in peccato Originali. Vidit hoc Congrega-
tionis Rector, & schedam Concionatori exhibet, qui simul Schedam
Episcopo Valentiam transmiserunt. Interim Concionator to-
tum Concionis thema mutat, & plausibiliter de Immaculata Con-
ceptione dixit, cujus thema fuit sicut lilium inter Spinas. Factâ
concione domum reversus in montem Quercinum à quibnsdam in-
vitatus, ibi cenam sumit, quâ absolutâ aliis in diversa abeuntibus,
ipse penes fontem consistens meditatur, quomodo lilia inter spinas
crescant. Dum hæc secum recogitat, incidit in spinetum, in cu-
jus medio pulcherrimum & candidissimum lilium enatum vidit, quod
ubi reverenter carpit, mirè in illius contemplatione deliciatur.
Non procul inde digressus, aliud reperit pariter inter spinas exor-
tum, cujus bulbum dum effosâ humo inspicit, detractâ flavâ pelli-
culâ, pulcherrimam B. V. expressam imaginem vidit. Ne verò o-
culis suis imponi crederet, socios evocat, qui omnes piissimam im-
maculatæ Virginis imaginem viderunt & venerati sunt. Scio ego ô
immaculata Virgo quod dilectus tuus S. Hermannus uti refert *Surius*
7. Apr. te Mariam alio nomine non compellaverit, quam Rosam,
& quoties te sic nominavit, miram omnium florum fragrantiam sen-
serit. Quia tamen vel ipsa sicut lilium inter spinas tuæ immaculatæ
Conceptionis veram effigiem representasti, te ego cum S. Antio-
cho tom. 2. de Virg. Deip. salutabo :

*Bulbus li-
lii imma-
culatam
Virginem
refert.*

*Herman-
nus Ma-
riam Ro-
sam vocat.*

Salut

Salve Christi sacra Parens,
 Flos de Spinis, Spinâ carens,
 Flos Spineti gloria.
 O Maria ! nos peccati
 spinâ sumus cruentati
 Sed tu Spina nescia.



ARTICULUS IV.

Passus sub Pontio Pilato, crucifixus,
 mortuus, & sepultus.

DISCURSUS XXI.

Christus passus est pro nobis.

S Bernardus dum expendit verba illa Christi in horto, Pater mi si possibile est transeat à me calix iste, & illud pendentis in cruce; sitio, quasi contradictoria putat, adeoque inquit: Quid est hoc? antequam gustes ô bone JESU, petis calicem omnino auferri, & postquam bibisti, sitis? Dilectionis tuæ erga nos magnitudinem commendans. Quasi diceret: Quamvis passio meatam acerba fuerit, ut quamvis ad humanitatis sensum illam declinare petiverim; tamen tuâ ô homo charitate me vincente, & ipsa tormenta Crucis superante, adhuc plura & majora, si necesse sit, sitio subire tormenta. Profecto Venerab. Beda in c. 27. Mat. Verba illa DEUS! DEUS meus, ut quid dereliquisti me, non dolentis sed amanter Patrem incusantis, vult esse vocem. Cum enim Christus tormentorum accelerari mortem videret, vellet autem diutius pro nobis ferre tormenta, hanc amore plenam querimoniam Patri proposuit: Pater! cur me tam cito mori disposuisti? cur non magis protrahis moras? ut magis magisque pro hominis amore patiar.

*Christi ar-
dens pro
nobis pa-
tiendi de-
siderium.*

Quare

Quare S. Ambrosius & Cyrillus, linguæ has voces tribuunt, quasi patiente corpore illa doloris expers; queri cœpisset de sibi negatâ patiendi materiâ. Ac si diceret, cur me neglexisti? an non præ ardore patiendi me deficere vides? Sitio! ah sitio! Exauditus est in patiendi cupiditate bonus Iesus, *Matth. 27. v. 48.* Et continuò currens unus ex eis acceptam Spongiam implevit aceto, & imposuit arundini, & dabat ei bibere. Cum ecce restabat, cor, quod à vulnere illæsum, in passionis censum nondum venisse se contendebat. Sic enim Carthagena cum ijs, quos citat, hæc verba *Joan. 19. v. 30.* Consummatum est? non definitivè sed interrogativè dicta vult, quasi filius interrogaret Patrem si tormenta jam cessarent? Atque adeò ex ulteriore patiendi desiderio questus est. Ergo nulla pars doloris vel martyrii cordi cedit? Neque tam expeditus fuit Longinus, ut in tempore cor lanceâ feriret, cum enim unus militum lanceâ latus ejus aperuit, viderunt eum jam mortuum. Et hinc ego credo, quod Lancea dicatur crudelis, quia clavi & Crux, spinæ & ipsa nuditas vivo Christo, & in Cruce desideranti pati, dolorem attulerunt, quem lancea seranimum, negavit. Neque enim Christo majus fuit martyrium, quam non pati. Pulchrè hoc ardens in Christo patiendi desiderium explicat B. Laurentius Justin. *de triumphali Christi agone. c. 19.* quando Christum inducit sic loquentem: Si hæc quæ tolero, parum videntur, adde flagellum flagello, appone vulnera vulneribus, lacera, ure, confice, percuti, occide. Universa hæc & majora sitio. Unde Carthagena Christum in Cruce considerans, illum cum febricitante comparat, qui in ardoribus febrilibus dum à medico poculum aquæ frigidæ accipit, idemque ebibit, queritur de poculo jam vacuo. Sic planè in ardore & desiderio patiendi æstuans DEus, in cruce pendens quærit, consummatum est? Quam verum est illud Bern. Mirabilis potator es tu, Dòmine Iesu postquam enim bibisti, sitis ulteriorem calicem passionis. Et hinc credo Christum elegisse mensem Martium pro passionē suâ, & diem vigesimum quintum, quo antetriginta tres annos conceptus fuit, uti docent S. Aug. *4. de Trin. c. 5.* & Beda *derational. Temp.* Cujus causam assignat S. Bernardinus *Tom. 3. serm. 41.* quia eo mense sanguis in corpore ebullire solet, quod vel maximè propter circulationem sanguinis fieri videmus in febricitantibus, ut nimirum illum sic ebullientem in salutem humani generis totum effunderet. Similitudine ductâ

*Lancea
cur crudelis?*

*Ebrius
patiens in
Cruce febricitat.*

ductâ ab illis, qui sæpe quotannis certâ die & horâ crîsim febris annuæ; per multos annos patiuntur. Explicatur hoc paritate ollæ bullientis, in quâ quidquid liquoris est, dum apud ignem ebullire incipit, effunditur. Adeoque benè observat S. Hier. & Oleaster in c. 36. *Isa.* dum exclamant cum Prophetâ. Torcular calcavi solus. Voluit, inquit S. Hier. conculeri, ut quidquid sanguinis, quidquid succi in corpore suo latebat, totum effunderet in lavacrum nostrum. Imò ne forte gutta aliqua sanguinis in corde remaneret, lanceâ cor ipsum aperiri voluit, & teste Cypri: *de duplic. marty.* Quidquid residebat sanguinis in corde, emisit. Ut verum sit illud S. Bernardin. Sen. tom. 1. *serm.* 55. Totus sanguis in illo divino corpore defluxit, asserente id S. Joanne c. 19. v. 34. Et continuò exivit sanguis & aqua. Quid amplius expectamus? Exclamare cogor, satis est mi JEsu! Sed interpellat me, interpretem agens amantis JEsu, S. Chrysologus *serm.* 128. Satis est salutis, sed non amoris, & quod sufficiebat redemptioni, non satis erat amoris. Clarè hoc explicat familiaritatem S. Bern. Sicut aliquis amasius, postquam bibit calicem capacem in sanitatem amasie, adhuc sitit majores & capaciores calices, sic inquit S. Bernardus Christo accidit, quia charitate vincente, adhuc majora si necesse sit, sitio subire tormenta. Sed nunc mi Christiane audi conclusionem: Imitetur ergo quævis fidelis anima sponsum suum dulcem JEsu, qui se sequentibus formam præscripsit, quod imminentibus periculis, morbis, tentationibus posse à nobis frequentius Dominum exorari, ut flagella iracundie sue dignetur avertere; Si tamen ablata non fuerint, exemplo Passionis Christi gratanter, patienter, viriliter & cum omni patientia toleranda sunt. Et huc videtur spectare illud *ad Coloss.* 1. v. 24. adimpleo ea, quæ defunt passionum Christi in carne meâ, pro corpore ejus. Nimirum ut amoris divino satisfaceret ad æqualitatem, sui ardentissimi desiderii, Christus in membris suis nempè nobis, voluit satisfacere. Sciendum enim est, quod Adam, quemadmodum docet S. Th. extendendo manus suas ad fructum sibi prohibitum, non solum læserit Justitiam divinam, sed etiam amorem divinum, quia dum usurpavit illicitè rem alienam, offendit Justitiam divinam, quod explicat S. Th. sic, appetiit inquit ille divinitatem seu similitudinem DEI, quantum ad scientiam boni & mali, sicut ei serpens suggestit. Ubi clarè vides læsam Justitiam. Amorem autem divinum dicit læsum

Adam peccando læsit Justitiam & amorem in DEO.

fuisse, quod per peccatum aversus sit à bono incommutabili con-
versus verò ad bonum commutabile. Amavit scilicet creaturam
magis, quam DEUM Creatorem suum. Porro Justitiæ divinæ satis-
fecit ad æqualitatem per mortem suam, imò satisfactio Christi fuit
superabundans. Quoad amorem tamen divinum videtur Christus
non eatenus, quatenus desideravit, cum omni plenitudine satisfe-
cisse, quia uti prius cum Venerabili Beda diximus, Christus in Cru-
ce conquestus est, quod pater ei non concefferit longiorem moram,
ut plura pati potuisset. Hinc accidit nobis quod hæredibus, quibus
Pater familias hæreditatem oneratam debitis transcribit. Tunc enim
hæres tenetur Creditoribus *authent. de heredit.* solvere debita Pa-
tris. Nos ergo hæredes relictī sumus Principatus Christi *Iſa. 9. v. 6.*
factus est Principatus super humerum ejus. Amori ergo divino sa-
tisfacere debemus, quia cum ardentissimo suo desiderio patiendi,
morte præventus satisfacere ipse non posset, nos obligavit, ut im-
pleamus ea, quæ defunt. Et hinc quod hæredibus usu venit, qui
communiter libenter adeunt hæreditatem, id evenit SS. Apostolis,
de quibus in *Act. Apost. Act. 5. v. 41.* dicitur: Ibant gaudentes à con-
spectu concilii, quoniam digni habiti sunt, pro nomine JESU con-
tumelliam pati. Sic enim S. Andreas crucem visam tam amanter con-
salutavit, & amplexus est. S. Xaverius ampliores cruces exoptavit,
Sancti denique Martyres tanto ardore cruces & tormenta expetive-
runt & exantlarunt. Et hinc mirum non est, quod S. Andreas bi-
duo toto in Cruce vivus pependerit, cum tamen Christus in illà non
fuerit nisi tribus horis teste *Matth. c. 27.* nimirum ab horâ sextâ us-
que ad horam nonam. Licet Andreas purus homo & ætate jam senex
fuerit, Christus vero fuerit simul DEUS, & in ætate vegetâ trigintâ
trium annorum passus sit. Sic ut ipse Pilatus miraretur, si jam mor-
tuus esset Christus. Quia nimirum Christus S. Andreae extensionem
passionis suæ transcripsit quâ ipse brevitate vitæ à Patre definitâ præ-
ventus, non potuit extendere. Cum vero dies vigesima quinta
Martii, eo die inciderit in pasceven uti dicit S. Joan. c. 19. v. 14.
quæ præcedebat sabbatum Paschæ, dicitur à Novarino & aliis Chri-
stus passus esse die Veneris, cui proinde alludit Poëta:

*Luce obiit Veneris, Veneris flet turba, videtur
Causa DEI passi, non minima esse Veneris.*

*Cruce Chri-
sti libenter
ferenda.*

*Sancti im-
plent ea,
quæ defunt
passionum
Christi.*

*Christus
passus est
die Vene-
ris.*

Tre-

Tremendum est namq; illud S. Remigii in *Ep. ad Rom. c. 1.* quod dicit : Demptis pauculis ex adultis propter carnis vitium pauci salvantur. Confirmat hoc P. Drexelius , qui ait Memini , & horreo quod à Præceptore meo audiui , si centum juvenes damnentur , ex *Libido potissima est damnationis causa.* centenis illis nonaginta novem , ob vitium carnis damnari. Sanè Sancta Christina vidit aliquando in spiritu mundum totum turpissimo pollutionis spiritu plenum , uti refert Cornelius à Lapid. in c. 38. *S. Christi-na videt mundum plenum pollutioni-bus.* Gen. ideoque DEum mundo gravissimè offensum , crudeles minatum plagas fuisse , quas ut Sancta Virgo , à mundo averteret , ipsa horrendis modis & mortificationibus , se ipsam excruciauit. Justa proinde est querela S. Hier. *Ep. 22.* Piget dicere , quot quotidie Virgines ruant , quantas de suo gremio mater perdat Ecclesia , super quas sidera inimicus superbus ponat thronum suum , quod petras excavet , & habitet coluber in foraminibus earum. Videas plerasque viduas , antequam nuptas , infelicem Conscientiam mentita tamen *Meretrix pluri-ma.* veste protegere ; quas nisi tumor uteri & infantium vagitus prodiderit , sanctas & castas se esse gloriantur , & erectâ cervice & ludentibus pedibus incedunt. An non his dixeris quod Diogenes cuidam dixit , qui cum vitæ esset mollissimæ , Leonis tamen exuviis tectus , *Homo mol-lis, Leonis Exuviis* Herculis instar incescit. Non tu defines Virtutis stragulas pudefacere ? Indecens enim esse existimabat , quod homo mollis fortissimi Herculis amictum sibi vendicaret. O quot puellarum vertices non rosæ coronarent aut lilia , sed straminis ramenta , easque de venditâ pudicitâ prostituerent ! quæ tamen sub pudicitæ velamento turpissimas libidines suas contegunt. Potestnè excogitari turpius aliquid aut scædus concipi , quam ut vel ipsæ suas propalent libidines , & omni posteritati velint transcribere. Phryne infamis meretrix facta est , ut fieret opulenta , evasit tot accumulatis libidinibus locuples , ut fieret superba ; & quidem fastu sic intumuit , ut etiam de turpissimo questu superbiret. Promisit se Thebas circumdaturam muris , si hæc inscriptio fieret , Alexander evertit ; Phryne meretrix reparavit. Quid mirum ergo quod *Infamis meretrix Thebas muris ex-questu vult ornare.* Gen. 6. v. 12. Cum vidisset DEus omnem terram esse corruptam , (omnis quippe caro corruperat viam suam super terram) quid inquam mirum , quod omnem terram diluvio vastare decreverit DEus. S. Chrysostomus in hunc locum *bom. 22. in Gen.* per carnem intelligit homines carnales. Nam inquit licet animam rationalem haberent , utpotè potio-

*Libido as-
fucta non
emenda-
tur.*

rem & meliorem sui partem perinde tamen vivebant sine ratione, ac si sola carne constarent. Ita enim S. Greg. l. 4. mor. c. 10. DEus destruxit Pentapolim, igne enim punitus fuit ardor libidinis. Quod fufius & clarius explicat Innocentius III. in l. de contempt. mund. c. 25. Pluit DEus non imbrein vel rorem, sed sulphur & ignem. Sulphur super fœtorem luxuriæ, ignem super ardorem libidinis, quatenus pœna esset similis culpæ. Nec misisse dicitur sed pluuisse, quatenus ipso verbo magnitudinem & abundantiam pœnæ notaret. Sed quid remedii? Tremendum est quod Spiritus sanctus Prov. 2. v. 19. dixit: Omnes qui ingrediuntur ad eam, non revertentur, nec apprehendent semitas vitæ, sunt enim ad libidinis ingressum portæ quasi papyraceæ, sed volenti reverti ferreæ, & quasi adamantinæ: Huc namque respexit Oseas cum dixit c. 5. v. 11. fornicatio & vinum & ebrietas, auferunt cor. Docuit hoc exemplo suo impius Herodes, cui Marc. 6. v. 18. tam instanter dixit Joannes: Non licet tibi habere uxorem fratris tui. Audite Andream Cretensem! apud Lipomanum in Vita SS. tom. 1. orat. de decol. Præcursoris. Et quidem ille à ratione alienæ voluntariæ congressionis deliciis obrutus, neque se potuit erigere, neque potuit aspicere lucem veritatis, sed mansit gravatus crapulâ libidinis. Quasi diceret, noli mirari, quod monita S. Joannis apud Herodem nihil effecerint, nam ut mortuum nemo alloqui, neque monere potest ut surgat, quantumvis vocibus altis quis illum inclamet. Sic cum Herodes esset obrutus luxuriæ vino, jaceretque intumulo libidinis sepultus, Joannem nec in deserto, nec in regiâ, voluit audire dehortantem. Nam sicut est frustraneus labor, velle aliquid persuadere ebrio, sic etiam vana est opera, quæ revocando homini libidinoso impenditur. Accidit enim his, quod Alipio, qui theatrum ingressus, obfirmato plane animo oculos clausit, sed tandem ad instantiam amicorum aperuit, ast nihil in animum immittere decrevit. Decrevit quidem, sed factum est nihil. Audite S. Aug. l. 6. Confess. Ut vidit illum sanguinem, immanitatem simul ebibit, & non se avertit, sed fixit aspectum, & hauriebat furias, & nesciebat, delectabatur scelere certaminis, & cruentâ voluptate inebriabatur, & non erat ille jam qui venerat, sed unus de turbâ, ad quam venerat. Quid plura? spectavit, clamavit, exarsit, abstulit secum insaniam, quâ stimulabatur redire, non tantum cum illis, à quibus ipse prius abstractus est, sed etiam præ il-

his

lis alios trahens. Si uno aspectu mutatus sic est Alipius, quis præstat se permanfurum in spiritu, inter res quæ blandiuntur sensibus. Heu mihi etiam in vitiis quæ prius abominationi erant, si fortè prolabimur, timendum est, ne in iis ultro tam turpiter jaceamus. Ipsa ^{Assueti sunt usu} pix pro balsamo est inquit quispiam, si cum culpâ manus candorem ^{ipso grata.} inficit. Quam bene S. Greg. *hom. 11. l. 2. in Ezech.* Ubi tædebat cadere, ibi libet jacere. Quare monitum Philonis est, *l. de decal.* Ni malum nascens inhibeas, crescit in immensam magnitudinem. Infandæ libidinis monstra fuerunt aliqui, ex quibus eminuit Proculus Imperator, Quo monstro, quid scèdus? Diodorus vero Herculis quinquaginta Thestidas memorat. Oferina! & plus quam bestialis vesania! O si quis Deorum hæc monstra libidinis in eos impulisset amores, in quos cæstro voluptatis percitus fuit Dulcitus Dioletiani Tyranni tribunus. De hoc refert historia Ecclesiastica, quod cum S. Anastasiam & socias à fidei proposito nullis blanditiis neque minis posset deterrere, neque sacram Virginem in suos amores valeret pertrahere, repenti oculis & ratione captus de loco iudicii fugerit, & in vicinas domos irruerit, ubi lebetes & ollas ad ignem stantes, amplexatus & osculatus est, seque tantâ nigredine infecit, ut omnibus inspectantibus fieret ludibrio. O dignum vesanis amoribus objectum! Illuc nimirum irruit cæca libido, quo infanæ voluptatis ardor, & cæca concupiscentia pertrahit. Expectus est hoc luctuoso plane interitu Tribunus ille, qui dum assuetus libidinibus, noctu cum sociis vigilas obit, illustrem inatronam festino pede domū redeuntem cum facigero famulo conspexit. Quærit is, unde veniat, & quo tendat? seque si molestus non esset, in viæ socium offert. Dum simul procedunt, tres minus aptos socios à se dimittit, cum duobus reliquis matronam comitatur. Venitur ad domum, quam ardens libidine Tribunus subit, ibique fræna libidini laxans, aliundè in scelus jam paratæ sceminæ adulterium defert; neque ipse solus libidinem suam explet, sed socios etiam in scelus provocat. Vix autem ter repetito se polluerunt adulterium, cum ecce formosa illa Helena, quæ simul ac vestes, simul etiam mentitam formam dimisit, putridum cadaver se esse ostendit; & miserabilis Tribunus in cloacâ & omnium sordium colluvie cum sociis se reperit. Alterâ die Tribunus sine confessione periit, reliqui duo parifato inter paucos dies crepuerunt. Et tamen inventus est quispiam, qui

*Libido ca-
dos & lebe-
tes oscula-
tur & am-
plexatur.*

*Tribunus
in cloaca
cum cada-
vere deli-
ciatur.*

teste Majolo l. 2. Colloq. 2. Halberstadij dives & luxuriosus, adeo Christianæ pietatis vixit immemor, ut dixerit, si talem vitam haberet in æternum, se libenter DEO cælum cessurum. Moritur interitum infernalis hæc talpa, totamque domum ita replevit spectris, ut incolæ domum deserere coacti fuerint. Apparuit ille quotidie vespere, & cum Convivis suis] oppiparæ mentæ assedit, inter choros musicos & mulierum amplexus, sed quomodo illa tractatio sapuerit, nimium heu miserandus ille senserit. O cæcas hominum mentes! O tristia voluptatum mancipia! Heu quam verum est, quod tam graviter lamentatur S. Cyprianus, Mentior inquit, si non viderimus exindè interitus plurimorum. Quanti & quales Episcopi & Clerici simul ac laici, post Confessionum, Victostrarumque calcata certamina, post magnalia & signa vel mirabilia usque quaque monstrata, noscuntur cum his omnibus naufragasse, cum volunt in navi fragili navigare. Et paulò post: Ante nos ista tractantur, & nullis terroribus coërceamur. Quid faceremus si opinionibus tantum gestas stistorias audiremus? Sed hæc est semper humanæ duritiæ perversitas ut non solum audiendo, sed etiam videndo, non credat alterum interiisse, nisi & ipse se viderit. Unde idem Cypr. Casuale dicit esse omne, quod fœmina est, & copulationem ejus semper infestam esse. De carbonibus inquit scintillæ dissiliunt, de ferro rubigo nutritur, morbos aspidēs, sibilant, & mulier fundit Concupiscentiæ pestilentiam. Plutarchus de Olympia uxore Philippi Macedonis refert, quod aulici voluerint illi persuadere, quod Rex alienis amoribus detentus philtro fascinatus esset, at illa curavit reglam pellicem ad se adduci, quā visā dixit; cessent calumniæ, tu in te Veneficium habes, erat enim formosissima. Taceo quod à natura ipsā quidam sit appetitus animalis & inclinatio nobis indita, quæ nisi à virtute & recta ratione coërceatur, cum ipsis bestiis in libidinem præcepsit. Quis obsecro juveni illi à lacte materno abstracto, inter Eremiti solitudinem educato, ubi nec fœminam vidit, nec voluptatis nomen audivit, ubi tamen vix vidit, fœminæ desiderium indidit. Hic enim in monasterii solitudine educatus, ubi casu ex monasterio cum Abbate ad civitatem progreditur, obvium sibi habuit currum plenum mulieribus, quæ cum vario garritu inter se cachinantes garrirent & conferrent, juvenis monachus ex Sene Abbate quæsit, quid nam hoc esset? cum vero respondisset Senex Abbas esse

Assuetus voluptatibus DEO cælum cedit, si sibi vivere sic liceat.

Fœminarum consuetudo est periculosa.

Fœmina formosa est philtrosum.

Natura nos ad amorem fœminarum inclinat.

esse anseres. Omi Pater inquit, etiam mihi talem anserem emas. Nondicam, quod Turcæ in Alcorano suo fingant, quod Aratus & Marotus duo angeli, à DEO missi fuerint, ut homines docerent, ne occiderent, ne falsè jurarent, ne vinum biberent. Hos venustissima quædam scæmina ad cœnam invitavit, in qua Angeli vinum biberunt, & deinde in illius concupiscentiam exarserunt, quibus illa cum conditione succubuit, si sibi viam ad cœlum monstrarent. Ubi illa viam didicit, Angelis digressis cœlum petiit, & DEO omnia prout acta sunt retulit. In præmium itaque fidelitatis, illa in stellam Luciferum est mutata, angeli verò à cœlo exulare jussi sunt. Delirium hoc est Turcarum, veritas est, quod multi in Ecclesiâ DEI velut Angeli, nimirum DEO dicati sacratique religiosi, à scæminis seducti apostatent. Interfuit author qui hoc scribit, quando in aulâ Marchionis Brandeburgici apostatæ varii religiosi suæ apostasiæ causam reddere jussi sunt. Plerique dicebant se propter religionem, ad libertatem Evangelicam advolasse. Princeps haud ignarus, quis eos spiritus impulisset, cum inquit propter Religionem huc veneritis, dicite quæso cujus generis sit Religio, illi credentes se grammaticè interrogari, pueriliter responderunt esse generis scæminini. Bene inquit Marchio respondistis, nam non tam propter religionem, quam scæmininum genus, atque ut Evam sociam haberetis, huc ad nos commigrastis. Verissimum namque est illud Petri Blesensis *serm. 34*. Grave enim est consuetudinem relinquere, & ferè impossibile est de carne triumphare, si de nobis ipsa prius triumphavit. Quia ex turpissimâ tandem assuetudine, in ipsam desperationem devoluuntur, juxta illud *ad Eph. 4. v. 19*. desperantes, semetipsos tradiderunt impudiciæ in operationem immunditiæ omnis. Quod *glossa in c. 31. Job*. confirmat. Visum sequitur cogitatio, cogitationem delectatio, delectationem consensus, consensum opus, opus consuetudo, consuetudinem necessitas, necessitatem desperatio, desperationem damnatio. Refert ad meum propositum Thomas Cantiprat. *l. 2. Apum c. 30. f. 9*. quod circa festa paschalia convenerit se suffraganeus quidam, qui se absolvi petebat à mollitie, quâ se scæde polluere solebat. Ego, dicit illi, pro officii mei ratione ipsi absolutionem negavi. Promittens tamen emendationem multis precibus me induxit, ut absolutionem illi darem, ubi tamen ad suos rediit, iterum se scædâ mollitiæ polluit, & subito DEI pœnam sensit.

Turcæ dicunt angelos captos amore mulierum.

Religio est generis scæminini.

Apostasia causa, scæmina.

Pollusio consuetudo difficulter emendanda.

finis

*Libido af-
fucta ne-
que infer-
no terre-
tur.*

nam in lethalem morbum incidit, & horrendè exclamans Vindi-
cta DEI super me, expiravit. Quid quod nec ad patentes inferni
fauces fatalis libidinis necessitas hominem respiscere patiatur. Nar-
rat Joannes Major in *Spec. Exempl. distinct. 10. Exempl. 30.* apud Gel-
drienses juvenem eo libidinis prolapsum esse, ut omnino emenda-
tionem desperaret. Confessus quidem est sæpius, sed ad pristina re-
lapsus, nullum specimen dedit seriæ pœnitentiæ. Quare cum Con-
fessarius negaret absolutionem, dixit juvenis: Ea vis est tentatio-
nis, ut si hinc hiantes inferos, illinc assueti criminis videre occa-
sionem, me cohibiturus non sim, sed ad consuetas voluptates me
converterem. Sic desperatus abscessit, atque suis in sordibus com-
putruit. Site ô Christiane non movet tremendus inferni aspectus,
moveat te vel ipsa crudelitas libidinis, quæ filium DEI tam atroci
subjecit passioni. Audi vel ipsa Veneris mancipia *Sap. 2. v. 8.* Nul-
lum pratum sit, per quod non pertranscat luxuria nostra. Conclu-
sionem audi: Morte turpissimâ condemnemus eum. Quis obse-
cro de coronis florentibus & fertis suaveolentibus, cruenta vincu-
la formidaret? quis in dulcibus Vini poculis gravissimos augurare-
tur dolores? Et tamen S. Aug. in *hunc locum.* Ex his mollibus luxu-
riæ pratis, durum Crucis lignum enascitur. Quoties enim à nostrâ
libidine cruentatur DEUS? Unde bene S. Eucherius in *illud S. Pauli
ad Rom. 3.* Quem proposuit DEUS propitiatorem per fidem in
sanguine ipsius, sic loquitur: Dominus noster IESUS CHRISTUS non
solum divinitatem, sed etiam mortem & Crucem futuris sæculis vult
celebrari, ut à peccatis, propter quæ mortuus est, non solum nos
DEI mandata revocent, sed illata pro nobis supplicia & vulnera de-
terreant. En prostat CHRISTUS cruentus de Cruce pendens exclamat
Stephanus Cantuar; accedat qui peccat, accedat & videat Cru-
cem, videat Crucem, videat propter se mulctatum morte, turpa-
tum in cruce, sputis illitum, plagis lividum, spinis coronatum lan-
ceâ perforatum, & esse adversarius erubescat. Si enim quod de se
ipso refert S. Ephrem Syrus, quoties in tabella spectavit sacrificium
Abrahæ immolantis filium suum, Patrem nimirum evaginato instru-
ctum gladio, filium vero Isaac super ligna flectentem, & Patris ictum
expectantem, à lachrymis se continere nequivit, quotiescunque
inquit ille hujus pueri contemplatus sum imaginem, nunquam sine
lachrymis præterire potui. Certè si figura tam potenter movere po-
tuit

*Christus
crucifixus
à peccato
nos deter-
vere debet.*

*Isanci i-
mago mo-
vit, quidni
Crucifixi.*

tuit ad compassionis lachrymas? Quid cruentus in Cruce JESUS faciet, si pio ante te pendentem oculo fueris contemplatus.

Dicitur autem Christus passus sub Pontio Pilato, qui erat Præses Judææ nomine Romanorum, qui tunc Judæis dominabantur, atque Regis titulum Herodi contulerunt. Erat is homo Gentilis ut notanter ostenderetur, quia fructus passionis maximè ad Gentiles tran-

*Fructus
passionis
ad genti-
les tran-
sit.*

siit, quo se propter duritiam cordis sui fecerunt indignos: Dum vero Christi passionem contempler, & illius in horto initia intueor, occurrit mihi Criminalistarum consensus, qui primum Torturæ

*Christus in
horto ve-
nit in pri-
mo gradu
torturæ.*

gradum esse dicunt, si reus ducatur ad locum, ubi ei ostenduntur instrumenta supplicii. Accidit hoc Christo, cui Pater æternus ab unâ parte Adamum in paradyso exhibet de ligno vetito pomum su-

*Christus in
horto o-
rans eru-
bescit ad
peccata
nostra.*

stulisse, ab alterâ instantis passionis supplicia ab angelo repræsentata, ut mirum non sit, quod hinc velut homo tam cruentæ passionis seriem paveret, inde ad multitudinem & scditatem nostrorum peccatorum erubesceret, atque adeo toto corpore sanguinem sudaret. Ubi enim illi Pater imposuit onus peccatorum nostrorum, procidit in faciem. Eleganter S. Ambr. *in ps. 118.* Peccato gravescit oratio. Tanto autem plus gravatur, quanto magis improba est vita nostra. Causam dat Tertullianus. Oratio de Conscientiâ procedit, erube-

*Serpentis
morsus to-
to corpore
sanguinem
elicit.*

scit itaque oratio. Scilicet Christus etiam alienorum peccatorum conficius in faciem procidit, dicente Salmerone *tract. 12. in c. 26. Matth.* Erubescibat faciem levare ad DEum, cum peccata totius mundi sustineret. Et hæc erubescencia ex onere peccatorum nostrorum prodiit, velut dum quis gravatur pondere, rubro colore in facie perfunditur, quia nimirum condensantur partes corporis, ipseque sanguis in partes exteriores cogitur. Ideoque ex tanto pondere compressus Christus ejusque sanguis, vel per ipsos poros effusus est, adeoque *Luc. 22. v. 44.* factus est sudor ejus sicut guttæ sanguinis decurrentis in terram. *Lucanus l. 9.* de serpente Hymorchæo refert, quod morsu suo ita corpus hominis inficiat, ut per oculos & per omnes corporis poros sanguinem copiosè provocet. Serpens qui in paradyso humanum genus momordit, & culpæ veneno in primo Adamo infecit, in secundo Adamo nempe Christo amore nostri passo, per omnes poros corporis innoxium sanguinem elicit ac expressit. Perge nunc amantissima Sponsa, & in horto tuo à validis Boreis stillantia aromata expecta. Dic audacter *Cant. 4. v. 16.* Sur-

*Christus in
horto velut
myrrha
& balsamum
fundit.*

*Christus
orans ve-
stigia lapi-
di imprimi-
t.*

*Funis Chri-
sti captiva-
ti, fuit fu-
nis Victim-
marum.*

*Statua Ro-
man. Imp.
se Christo
capto in-
clinant.*

*Christus in
pratorio
Caiphae ac-
cusatur.*

ge Aquilo, veni Auster perfla hortum meum, & fluent aromata. Ubi advertendum est, quod cum Plinio naturalistæ dicunt, quod in Ægypto myrteta validioribus ventis agitata, guttas & liquorem balsami emittant, quæ myrrha prima & selecta est, altera quæ per decissionem destillat, minus odorifera sit. Hinc Aquilones & Boreas Sponsa rogat ut insurgant. Christus in horto montis Oliveti velut arbor myrrhæ solidissime radicata, sic enim teste Beda in oratione fixus fuit, ut vel ipsa orantis vestigia lapidi impresterit. Verba sunt authoris. Ex vehementia internæ afflictionis sudans adeo genua fixit, ut vestigia eorum in lapide remanserint. Venti autem qui hanc arborem myrrhæ agitarunt, caro & spiritus, amor & timor in Christo, dici possunt, quibus agitata Christi humanitas, pretiosum sui sanguinis balsamum, non dicam stillavit, sed profudit. Sed surgit ab oratione Iesus, surgamus & nos. Ecce enim Judas unus deduo-decim venit, & cum eo turba multa *Matth. 26. v. 27. & Joan. 18. v. 12.* Cohors ergo, & tribuni, & ministri Judæorum, comprehenderunt Iesum, & ligaverunt eum. Credamus myrrham nostram nimium iactatam, meliori fortè consilio ligari, ne omne planè balsamum exsudet. Rabbi Isaac ex hebræo Christianus dicit, quod funis collo Christi injectus, fuerit ipse ille, quo victimæ offerri solitæ ligabantur, contextus ex pilisequi illius, in quo olim equitaverat Abraham. Nunquam tam pretiosa victima, hoc fene ad aram fuit attracta. Undè vel ipsæ statuae Romanorum Imperatorum, quod asserit S. Vincentius Ferrerius, cum captus Iesus ingrederetur civitatem, eidem transeunti se inclinaverunt. Sic ergo victus sistitur summo Pontifici, & coram Prætorio Caiphæ sit blasphemix rea, ipsa DEI Sanctitas. Videte obsecro in atrio Caiphæ filium DEI, quem cum falsis etiam calumniis impetum convincere non possent, propria confessione, quod filius DEI esset, declararunt blasphemum. Postquam enim Caiphas interrogavit an ipse esset filius DEI? & Iesus respondisset ego sum, statim discidit vestem, & litem decisam pronunciat, fitque filius DEI reus blasphemix. Audistis inquit blasphemium? O egregiam Judicii formam! Nunc primum ad Assessores convertitur; quid vobis videtur? postquam jam sententiam publicavit: Audistis blasphemiam; postulat suffragia. Quid juvat dicere, quid vobis videtur? si dictum est prius audistis blasphemiam? Non fert Caiphas condemnationis sententiam per se, exclamat Victor Antiochenus

in

in c. 14. Marc. sed exigit illam ab assessoribus & circumstantibus, qui tamen tuniculæ discissione omnes permoverat, & in suam sententiam pertraxerat. Sic non finiuntur, sed prostituuntur judicia ô Caipha! quando is qui dominatur reliquis, mentem suam prius aperit, & inclinationem manifestat. Hinc ut amplius placeret Pontifici impius aliquis ministrorum, qui tunc erat assistens, in augmentum ludibrii validam alapam Christo impexit; de quâ Landisbergius *Christus alapa ca-*
ferm. 2. pass. Dom. Tradunt alapam adeo fuisse validam, ut digitorum vestigia retineret Christus in maxillâ, quod in Veronicæ Sudario Romæ cernitur manifestè. S. Brigitta l. 1. *revel. c. 10.* in persona Virginis Mariæ dicit: filius meus tam fortiter & valenter percussus fuit in faciem, ut licet ego non viderem percutientem, audiivi tamen clarè sonitum percussionis. Eadem rursus l. 4. *revel. c. 7.* Christi maxillas persæpe pugnis, alapis, colaphis, Virgis, armatâ etiam manu cædebant, ut dentes quoque licet non effringerent, ita tamen concuterentur, ut copiosè sangis efflueret. Quid scelestius? coram Principe? in aula? Christo innocentissimo alapa impingitur. D. Cyrillus l. 12. in Joan. c. 46. putat aliquos ministros fuisse Caiphæ suspectos de meliore in Jesum affectu, idcirco ne de suo animo benevolentiaque principes suspicarentur, alapâ Christum cædit. Benè namque inquit Cyrillus, Ea quibusdam servis insita est ambitio placendi potentioribus, ut nullum horreant scelus, ne ab illorum benevolentia excidant. Quod fit maximè, si ipsi Domini scelerati sint. Quod de his Sacerdotum Principibus dixit S. Chrysostomus hom. 33. in Matth. quia figura ibi duntaxat erat iudicii, re autem ipsâ latronum impetus. Et hinc quia omnis licentia scurrilis contra Christum placuit iniquissimis iudicibus, tanto crudelius sævierunt in innocentissimum Jesum, ut quo quisque eum audacius feriret, tanto laudabilius operaretur, gratiorque crederetur. Nuda-
Christus flagella-
 tur itaque vestibus & ad columnam alligatus flagellatur: Revelavit B. Virgo S. Brigittæ l. 1. *revel. c. 10.* Alligatus autem nihil operimenti habebat, & patiebatur erubescerentiam nuditatis suæ. Hæc porro nuditatis pœna intendebatur ex eo, quia facta est in publico loco, in prætorio spectantibus cunctis aulæ custodibus & militibus, quorum erant penè sexcenti, qui attentè & consideratè inspexerunt omnia juxta illud ps. 21. v. 18. Ipsi vero consideraverunt & inspexerunt me. Fugit Adam nudus in paradyso Gen. 3. v. 10. Timui quod nudus es-

sem, & abscondi me. Sed quem fugiebas ô Adam? forsitan DEum? at ipse te nudum creavit. Forsan animalia? sed hæc ratione carerent, & vel nudo tibi subjecta fuerunt. Si uxorem fugis? est etiam illa nuda. Nisi forte ideo, quia probrosum est, vel se ipsum nudum conspiceret. S. Martinum Archidiaconus monuit, ut ad solennia Missarum procederet, Videns autem quod tunicam suam pauperi dedisset, compulsus ab urgente tempore ad forum procurrit, & vilem vesticulam pro pauculis denariis emit, eamque indignabundus ante pedes Episcopi abiecit; quam Episcopus humiliter elevavit, & induit, licet illius manicæ ad cubitos se solum extenderent, Longitudo verò vix genua attingeret. Cum verò S. Martinus in sacrificio Missæ Corpus Christi in Elevatione manibus suis altius extulisset, ambæ manicæ sic retractæ fuerunt, ut nuda brachia apparent, quæ statim spectante universo populo famulantes Angeli contexerunt. Ubi inodo moramini celestes Ministri? toto corpore ad ludibrium prostat nudus DEI Filius. S. Agnes vestibus jam spoliata, dum in lupanar abripitur, per Angelum divinâ luce induitur, & veste de cælo datâ ornatur. S. Barbara cum ex ingenti odio impiissimi parentis ad ignominiam raperetur, DEus illam mirabili luce contexit, & Virgineum illius corpus impudicis Ethnicorum oculis subduxit. Graviter S. Bern. *serm. de pass. Dom.* dicit, quod Christus tantæ fuerit honestatis, ut majorem senserit confusionem ex denudatione unius scapulæ, quam alius quisque ex denudatione totius plane corporis. Quare ipse per Prophetam dicit *ps. 43. v. 16.* Totâ die verecundia mea contra me est; & confusio faciei meæ cooperuit me. Id est juxta mentem Divi Ambr. Inter alia tormenta gravissimum fuit, ut reliqua omnia excefferit. Ethinc ut exprimeret sensum suum *ps. 34. v. 15.* Congregata sunt inquit super me flagella, & ignoravi. Quem locum explicat S. Anselmus sic: Nuditas hæc tantum Christo infixit dolorem, ut alium non sentiret. Hinc dicit, & ignoravi. Tanta inquit dictus Anselmustrast. *de pass.* erat pudoris Christi vis, ut nec oculos auderet levare, strepitum sævientium militum audiebat, & ignorabat flagella, quæ gustabat. Taceo jam horrendam flagellationem, de qua S. Laur. Justin. *l. de triumph. Christi agone c. 14.* Ligatus cæditur, totumque corpus flagris dissipatur. Nunc scapulas, nunc ventrem, nunc brachia, nunc crura, cingunt, vulnera vulneribus, plagas plagis recentibus addunt.

S. Bern.

S. Martini nuda brachia in sacro Angeli tegunt.

S. Agnes nuda, divina luce tegitur.

S. Bern. *serm. de pass.* ipsum sacratissimum sanguinem per aërem sparsum dicit. Landspergius 73005. guttas hac crudeli flagellatione effusas affirmat. S. Brigitta *in suis revel.* ait Christum cœsum esse flagellis aculeatis, sic ut infixis aculeis non evellendo, sed sulcando totum corpus ejus flagellaretur, subdit deinde: Vidi corpus ejus flagellatum usque ad costas, ita ut costæ ejus viderentur. Caro enim ex sulco flagellorum jam planè disrupta erat, & undique aperta, sicque in medio patebant ossa candida. S. Greg. *l. 6. mor. c. 31.* illud Jobi Christo applicat, pelli meæ consumptis carnibus adhæsit os meum. Job inquit Redemptoris nostri, ejusque corporis cruciatus passione sua signavit. Nomen Job quidem interpretatur esse dolores. Et quis alius in Job dolente figurabatur nisi is, de quo scriptum est, Vere languores nostros ipse tulit, & dolores nostros ipse portavit. Quare illud Isaïæ: Nos putavimus eum quasi leprosum S. Pagninus legit: Nos putavimus eum plagatum & percussum velut Job ulcere pessimo. Meritò proindè exclamat S. Bern. *serm. de Pass.* Volve & revolve pellem corporis Jesu, à plantâ pedis usque ad verticem capitis nihil invenies in eo, nisi dolorem, nisi mœrorem. Denique inquit S. Justin. inter ipsos liçtores ille beator, illeque præstantior credebatur, qui in contumeliis irrogandis, insigendisque verberibus crudelior extitisset. Neque hic stetit furor Judaicæ vefaniæ, in ipsum caput sævitum est, & plurima vulnera sanguine manantia, in solo capite sunt resecrata. O quam verè exclamat S. Bern. Ingreditur Jesus hortum florum, sed non tempore florum, ipse flos humanæ naturæ, ut naturam nostram minimè florentem efflorescere faciat; & ut indè traheretur ad pœnam, undè primus homo fuerat tractus ad culpam. Aristæus refert de rege Salomone quod annulum habuerit, cui inculptæ fuerunt variæ literæ & signa, inter alias imagines duas habebat coronas; auream unam, spinicam alteram, cum hac inscriptione Victoria amoris. Profecto in Spinicâ Coronâ Christi legere debemus Victoriâ amoris. Et hoc est, illud mysterium *Gen. 22.* de ariete, quem Patriarcha Abraham, cornibus hærentem inter veprea loco Isaaci filii sui victimavit. Pulchrè namque S. Hier. *in Genes.* Dominus erat affigendus spinis peccatorum, at divinitas fuit illæsa, uti Isaac manu Angeli fuit liberatus, sed aries inter veprea fuit maciatus. Sic humanitas Christi inter vepres peccatorum nostrorum est passa, Arundinem Christo dolorum Regi in manum

Flagellatio cruenta

Coronatio Cruenta.

Salomonis annulus Spinica corona ornatur.

*Arundo
in manu
Et igitur.*

dexteram dederunt, quia ut inquit S. Anselmus *serm. de Pass.* Manus tenere voluit cannam, ut deleter magnam illam debiti lunnam, quam natura humana divinæ debebat iustitiæ, ratione Chirographi, cui subscripserat voluntas humana, dum peccavit in primo parente. Nisi forte dicamus cum S. Hier. hanc cannam fuisse instrumentum scribendi. Cum enim jam haberet paratam chartam nimirum sacratissimam Carnem suam, & simul in promptu esset atramentum tam largiter profusi sanguinis, non inveniebatur calamus aptior hac arundine, quâ efforinari debebant characteres tam admirandi amoris, quod scilicet DEus moreretur pro homine, Dominus pro servo, innocens pro peccatore. Ita enim S. Hier. *in c. 27. Matt.* Et posuerunt arundinem in dextra ejus, quia calamus illi deerat ad scribendum novi amoris opus, quod in se operabatur: Denique ad Pilatum devolvitur processus innocentis sanguinis, ut verum sit dicere, passus esse sub Pontio Pilato. Est hæc sæpè politica moderni temporis, ut crebro Reges & Principes non intersint consiliis criminalibus, non subscribant sententiis capitalibus, denique non damnant illi; efficiunt tamen, ut alii id faciant, & sæpè juratis votis in mortem alterius cogunt assidentes. Palliata hæc fuit Judæorum nequitia, dum dicunt; nobis non licet interficere quemquam, interim tamen, quod dicit S. Leo *serm. 8. de Pass. Dom.* Offerebant Jesum duris nexibus vinculum, colaphis cæsum, sputis oblitum, clamoribus prædamnatum, ut inter tot præjudicia, cum omnes vellent Christum perire, Pilatus non auderet absolvere. Dicite ! si potestis, quid aliud sonant voces illæ, si hunc dimittis non es amicus Cæsaris, nisi Pilatum impellere in fatalem necessitatem sententiæ, & iniquissimæ damnationis. Bene namque S. Leo citatus, Qui divino jure neglecto, clamarunt se Regem non habere nisi Cæsarem, tanquam Romanis devoti legibus, quasi omne Judicium potestati Præsidis reservassent; expetierunt utique Pilatum magis Executorem sententiæ, quam arbitrum causæ. Prævalet tamen perfidia, prostituuntur jura & leges, conculcatur æquitas, & innocentia Cruci adjudicatur.

*Judicio-
rum cor-
ruptela.*

Interim dum Crux paratur ego cum Latrone bono, innocentis Jesu sanctimoniam, cum nostris peccatis exæquo, ut tanto facilius justæ Compassionis affectum in nobis excitemus. Ordiamur ergo ab ipsâ mundi origine; Et ecce Adam in sudore vultus sui vesci-
tur

tur pane suo. Christus in horto sudat sanguinem. Eva in dolore parit filios, Christus in dolore crucis parit salutem. Sed dicant parentes nostri, nos quidem digna factis recipimus; Dicam ego de Christo, hic autem quid? Cain passus est tremorem corporis, cæpatitur, *Christus innocens* infamis, quia digna factis recipit, cur autem Iesus trepidat? hic nihil mali fecit. Orbis universus diluvio oppressus est; Ecce in diluvio sui sanguinis est Christus, factus est ludor ejus sicut guttæ sanguinis decurrentis in terram. Sed omnis caro corrumpit viam suam, sic ut pœniteret DEum creasse hominem; hic autem quid? Noë ridetur a filio, & ob nuditatis opprobrium apud fratres traducitur; Iesus innocentissimus vestibus nudatur ad columnam, & in Calvarie monte corā omni populo nudus exiit; Noë incautus se inebriat; hic autem quid? Sedecias captivus in Babyloniam abducitur, ejus filii occiduntur. Christus osculo Judæ proditur, catenatur & captivatur, ducitur in Concilium Seniorum & Sacerdotum omni Babylone magis confusum, fugiunt discipuli, Petrus ipse negat, Apostoli præ timore latent in abdito. Sed Sedecias fecit malum coram Domino, digna proinde factis recepit. Iesus autem quid? Maneamus in Babylone quod tragicum videri potest vindictæ divinæ theatrum, in hoc innocens Daniel in lacum leonum abjicitur, & inde servatur; Ejus maligni accusatores in lacum injiciuntur, & devorantur, acculatores Susannæ lapidantur; sed juste, digna enim factis recipiunt. Iesus autem quid? In deserto murmurat populus, ab ignitis serpentibus mordetur, & merito quidem, quia contra DEum murmuravit. Hic autem quid? Achan lapidatus est ob furtum purpuræ; Ecce Christus purpurâ illuditur, quia primi Parentes purpuram divinitatis affectarunt; hic autem quid? Tu mi Christiane hæc spectas; & tamen Christo pro te passo non compateris? Audi vel ipsum Christum apud S. Bern. sic loquentem: O homo! vide quæ pro te patior, ad te clamo, qui pro te morior, intus tamen est dolor intensior, dum te tam ingratum experior. Unde expende an possibile sit, ut creaturæ sensus expertes ingratiſſimum hominem possint superare? Merito proinde inter suspiria & lachrymas exclamat Drogo Ostiensis l. 1. de Sacram. Dom. Pass. Passio Domini celebratur, & nos voluptati operam damus. Clamat nobis de cruce; O vos omnes, qui transitis per viam, attendite & videte,

Christus innocens patitur, nos nocentes.

Christus ingratiſſimum hominem nostrum affligitur.

fi est dolor similis, sicut dolor meus. Et nemo est qui audiat, nemo est qui consoletur, nemo est qui respondeat. Quam iuste queritur

*Morienti
Christo o-
mnis crea-
tura com-
patitur; so-
lus homo
non.*

S. Hier. super Mat. Omnis creatura compatitur Christo morienti, Sol obscuratur, terra movetur, petrae scinduntur, velum templi dividitur, sepulchra aperiuntur, solus miser homo non compatitur. pro quo solo Christus patitur. In Palæstinâ cuidam Anglo Saracenus ostendit, quod totâ Carenâ seu hebdomadâ Sanctâ, quamvis verno & amœno tempore, aves quasi mortuæ in formam Crucis expansis alis jaceant, idque quotannis fieri dixit, sed die paschatis manè, suavissimo cantu rursus modulantur. Justo cum dolore queritur S. Bern. *serm. de pass.* Christus ascendit in altum Crucis, ut ab omnibus videretur, cum magnâ voce clamavit, ut ab omnibus audiretur: clamori lachrymas addidit, ut ei homo compateretur. Qui

*S. Joar.
Evang.
desiderat
videre B.
V. videt,
sed sub Cru-
ce.*

ad ejus clamorem non compungitur, gravior est terra; sœtidior sepulchris, & durior petris. Memini me legisse quod S. Joannes Evangelista in maximo desiderio flagraverit, videndæ in cœlo gloriosæ B. Virginis, cui se illa stitit, sicut illi sub Cruce fuit commendata. Neque illi se tantum videndum obtulit, sed eidem etiam fusius est collocuta, atque longum cum ipso de Christi passione sermonem habuit. Dixit inter reliqua, se cuius fidelis passionem Christi pie meditati, tres prærogativas daturam; Primo ut antequam è vivis decedat, sinceram de suis peccatis eliciat contritionem. Secundo quod ipsi singulari semper sit ad futura præsidio. Tertio quod sibi Christus transcripserit omne jus, quidvis pro tali impetrandi. Felicem te mi Christiane dicam, si quod jure suo exigit à nobis amore nostri passus DEUS, tu tot gratis illectus, pro salute tuâ feceris. O! si audire mereretur cœlestem illam benedictionem, quam beata Angela de Fulgino audivit, uti refert historia vitæ. Hæc enim cum die Veneris sancto devotè planè & affectuosè meditaretur passionem Christi, audivit vocem cœlestis sponsi: Benedicat vos Pater meus, quicumque acerbissimos dolores meos commiseratione prosequimini. Cœlum in vos omnia dona sua depluat. Benedico vobis Cruci meæ addictis. O quantum benedictionis cœlestis depluerit cœlum in Cor

*Angela de
Fulgino
vidit de-
votos pas-
sioni à Chri-
sto benedici*

S. Clara in S. Claræ, quæ ex jugi meditatione passionis Christi, ita sibi arden-
corde suo ter passionem Christi impressit, ut vel in ipso exenterato emortuæ cor-
Christum de, Christus columnæ alligatus cum cæteris Passionis instrumentis in-
in columna ventus sit. Tu aliquando saltem hæc eadem meditare, & Christo tanta
exhibet. pro te passo gratias age.

DISCUR-

DISCURSUS XXII.

Christus Crucifixus est pro nobis.

Basilides hæreticus dixit Simone Cyrenæum loco Christi Crucifixum, quod etiam, credunt Mahometani, dicuntque Christum sicut in vita fecit magna miracula, ita in morte magnum hoc fecit portentum, quod militum oculis imposuerit, & se subduxerit. At quis has fabulas credat, quod à Cruce se subtraxerit, qui teste Paulo *ad Phil. 2. v. 8.* æterno Patri usque ad mortem Crucis factus est obediens. Neque enim frustra DEus *Deut. 28. v. 66.* promisit Israeli custodienti mandata sua: Erit vita tua pendens ante te. nisi Christum ipso Davide teste à ligno regnantem voluisset pronunciare. Loquantur vel ipsa Christi resurgentis vulnera & ostendant non scenam fuisse personatam in Christo Crucifixo, *Vulnera in Christo* *resurgente* *ostendunt* *Christum vere Crucifixum.* cuius tam manifesta vestigia fixuras nimirum clavorum vel ipsis Apostolis in argumentum veræ resurrectionis demonstravit. Nisi forte dicere velimus, quod & credere debemus, DEum nostræ carnis in veste suspensum, subiisse loco nostri pœnam Crucis; & culpam exsoluisse, quam ipse nunquam contraxit. Sic enim S. Thomas de Villa nova *serm. de advent. Dom.* Quid magis homini peccanti horrorem incutere potest, quam videre filium DEI pro peccato in patibulo Crucis morientem, & terribilem pro peccato hominis satisfactionem reddentem. Nihil in Domine ita à peccato deterret, sicut videre filium tuum dilectissimum Unigenitum propter peccatum clavis affixum, latronibus associatum & crudelissimâ morte multatum. Unde merito exclamat Origenes. Filius DEI pro peccatis mortuus est ô Christiane, & te peccare delectat? DEum ô homo! pro peccato consputum, flagellatum, laniatum vides? & peccas? Pari verborum pondere peccatorem alloquitur S. Bern. *serm. de Pass.* Considera ergo ô homo quantum summam DEI majestatem offendis, quam post talem dilectionem contemnis, & quantum in te est, eundem filium DEI pro te Crucifixum, iterum vitiis tuis crucifigis. Non

Christus
Maria
Magda-
lena de
Pazzis
dicit se
Crucem
praelegisse.

Ludovicus
Elisabetha
sponsa in
signum a-
moris spe-
culum cum
Crucifixo
misit.

Christus
Crucem
bajulat.

miror equidem ego DEI filium amore Crucis, quam pro nobis passus est, de caelo in terras attractum adeo adamasse Crucem, ut S. Mariae Magdalenae de Pazzis pie, curiosè tamen interroganti: Dic mihi ó Verbum ubi libentius manebas? in utero Mariae? an in Cruce? Responderit Christus in Cruce! in Cruce! Hoc enim est quod dicit S. Bernardus chariora illi fuere brachia Crucis, quam, ubera Matris. Ludovicus Landgravius Thuringiae interrogatus an Elisabetham Ungaram sponsam suam amaret? Respondit, se plus diligere Elisabetham, quam montem vicinum, licet is totus aureus foret. In signum amoris cum limbis argenteis inclusum ei misit speculum, quod interne clausit Crucifixus elegantissime pictus. Dubitare poteramus de amore DEI erga nos peccatores, sed amoris sui tesseram, nobis exhibet aeternus Pater, dum nobis in signum amoris sui, dedit huius in Cruce pendulum. Amat ergo nos, qui amore nostri est Crucifixus. Sed & nos amemus, adeoque in Calvariae montem ex praetorio Pilati, cum pia plangentium turbam egrediamur. S. Bonav. in suis de Pass. meditat. Christum crucem bajulantem contemplatur, & sub Crucis onere lapsum lamentatur. Et verò doloris plenum est spectaculum, innocentissimum Christum à flagris cruentum onerari gravi Cruce quercinà, & ipso in lapsu à Cruce crudeliter concuti. Sic ego Isaacum ligna sibi in holocaustum tulisse, nec tamen lapsum audio. Christus in aram crucis pro nobis victimandus, sub crucis pondere concidit. Ille nimirum fortis DEUS, cui duodecim legiones Angelorum ad nutum famulantur, ille qui omnem terram, vel uno nutu facit tremere, ille qui tribus digitis totam terrae molem suspendit, & omnia portat verbo virtutis suae; Cruce suam gravatur in tantum, ut ponderi succumbat, & toto corpore concidat. Sanderus in sua pedia super illud Isa. 58. Solve fasciculos deprimentes, per fasciculos deprimentes peccata nostra intelligit, quae Christum tantoperè gravitasse asserit, ut ad terram usque depresserint. Quid mirum? si sub tanto pondere labascit? Coacti ergo Crucem Simonis humeris imponunt, non ut misericordiam Christo exhibeant, sed ut illum ad crudeliorem saevitiae suae & inhumanitatis tragediam reservent. Praecepit DEUS in Levit. c. 7. Quod si quispiam ex populo sacrificare vellet vitulum, ut detracta primum pelle, & sanguine sparso per circuitum altaris, carnes deinde in frusta concidant, sicque futurum sacrificium DEO gratissimum, adeoque peccatum remittit.

mittendum. Certè sacrificiorum quæ DEO offeruntur maximum fuit Christus, ut ait *Cyrillus in Joan.* cujus sanguis totus in monte Calvariae sparsus est, quando illum Judæi exuerunt vestibus. Inhæserat quippè corpori cruentato inconsutis tunica, ut inquit S. Laur. Justin. *de Christi agone c. 10.* quæ sanguine hauto siccata erat, quam obrem pellem totam detrahere compulsa est. Quod devotè aliquando contemplatus S. Bern. profuso lachrymarum imbri sic Christum est allocutus: O Afflictiſſime JESU! ô dulcedo cordis mei! an non sufficit tibi, ut instar latronis te Crucifigant, sed insuper vis, ut tibi pellem & cutem animalis instar ad victimam destinati detrahant. O crudeles ministri! Si brutum & rationis expers animal, non nisi mortuum excoriatur, cur ab hoc innocentissimo agno adhuc vivo pellem detrahitis? Inaudita hæc est crudelitas, & nullo unquam retroacto sæculo tolerata. Crudelis omnino hæc fuit denudatio, quia non solum ei vestes, verum ipsam pellem detraxistis. Quid hac nuditate turpius? quam dum S. Brigitta piè contemplata fuit, revelante Christo didicit, quod tantum probum ferre non potuerit Beata Virgo, & cum aliud quo ipsum cooperiret non haberet, sancto amore excitata, sumpto capitis sui velo intrepidè accesserit, nudique JESU lumbos contexerit. Sic enim ipsa S. Anselmo facta est, in quadam revelatione, ubi dixit: Cum venisset ad locum Calvariae ignominiosissimum, nudaverunt JESUM unicū filium meum totaliter vestibus suis, & ego exanimis facta fui, tamen velamen capitis mei accipiens circumligavi lumbis suis.

*Christus
dolorosè
nudatur
vestibus.*

*Denuda-
tio Christi
dolorosa.*

*B. Virgo
Christum
nudum ve-
lat.*

Parata jam morti victima credi poterat, adeoque humi prostrata aræ Crucis incumbere jubetur, & brachia extendere, atque in non audita crudelitatis scenam pedes aptare. Si dubitas ô Christiana anima de tui amore, & accedere formidas, aspice in Cruce extensa brachia Christi tui, vocat te ille, ut audacter accedas. Extendi, queritur ille, *Prov. 1. v. 24.* manum meam, & non fuit, qui aspiceret. Quem locum Lyranus sic explicat. Extendi manum meam, quia DEUS semper paratus est levare à peccato, dummodo faciat hominē, quod in se est. Et Janſenius in hunc locum inquit; Extendi manum meam ad vos, ut scilicet illam vobis præberem, meoque auxilio ad me pertraheremini. Pulchrè plane S. Bern. *serm. de Pass. Dom.* Quis non rapiatur ad spem impetrandi veniam, quando considerat brachia Salvatoris extensa ad amplexandum, & manus

*Christus
crucifigi-
tur.*

perforatas ad largiendum. Ut meritò nos confundi debere dicat S. Greg. l. 9. mor. c. 6. ob nimiam filii DEI patientiam, si ejus Justitiam nolumus formidare. Et verò quis formidet? quando in cruce clavis confixas manus perfodi sibi passus est, ut omnia effunderet, suosque donorum thesauros in nos largiretur. Instat Joannes Pinna DEus dum in hæc humana descendit crucis mortem elegit, sibi etiam manus confodi passus est, ut nihil omnino intra manus conservare posset, sed nolens volens omnia quæ habet, largiretur. S. vero Antonius de Padua Dom. 12. post Trin. Cum Christus in Cruce in manus extendit, & extensam clavo aperiri voluit, tunc per ipsius manus foramen misericordię thesaurum effundens, omne animal implevit benedictione. Hinc bene Petrus Damianus exclamat: O Sancte prodige! Quod integrum in te natura formavit, hoc clavis aperuit. Erigitur jam in Cruce Christus, & medius cælum inter & terram pendet. Volebant aliquando Judæi Christum lapidare, sed sub-

*Christus
clavis con-
fossus libe-
ralis*

Christus est duxit se. Neque enim in terrâ, neque in aquâ moritur Christus. Scilicet ne sit qui dicat. Hæc terra, aut hæc aqua mea est. Aërem nemo proprium habet. Communis aër est omnibus. De Christo dicit Paulus, pro nobis omnibus tradidit illum. Memorat scriptura 4. Reg. 3. v. 27. quod Israël obsederit Regem Moab, qui obsidione arctâ pressus, idolo suo proprium filium litavit super mœnia. Vidit id Israël, & facta est indignatio magna in Israël statimque recesserunt ab eo. Videri poterat cœlestis Urbs Jerusalem, & DEus ipse quasi à peccatoribus obsessus, ut nos à peccatis absterret DEus, Pater filium suum Cruci affixum è cœlorum mœnibus in ipso aëre suspendit. Sed quid hoc? DEus à nobis offensus ipse ultro reconciliationis gratiam offert? Sic enim 2. ad Cor. 5. v. 19. Paulus: DEus erat in Christo, mundum reconcilians sibi, non reputans illis delicta ipforum; & posuit in nobis Verbum reconciliationis, ideoque subjungit. Pro Christo ergo legatione fungimur, tanquam DEO exhortante per nos. Concludit deinde. Obsecramus pro Christo, reconciliamini DEO. O verba quavis lanceâ acutiora. Affectu sub-

*Christus
offensus
ipse recon-
ciliatio-
nem offert.*

S. Greg. hom. 3. in Evang. Ad nos DEus suos Legatos prior misit, ut nos ipsi qui peccavimus, ad pacem DEI rogati veniamus. Quod miratus Guericus Abbas serm. 1. de nativ. Dom. Pacem tuam satisfactionemque prævenit DEus, prior legatos de pace mittit, ut qui reus es, velis reconciliari. Tantummodo velis, & vere perfecteque vel-

lis,

lis, non modo veniam indulgebit, sed & gratiam cumulabit. Sed time, quod S. Aug. *serm. 102. de Temp.* monet. Audiamus DEum dum rogat, ne postea non audiat, dum iudicat. Recordemini si lubet dari Signi pacis Noëmo Patriarchæ post diluvium. Hoc est signum fœderis *Gen. 9. v. 17.* quod do inter me & vos in generationes sempiternas. In quo loco sæpius repetit nomen arcus. Hic arcus Iris est, quæ aliud non est, nisi quædam colorum illusio, toties tamen à DEO repetitur, quia figura erat Christi in arâ Crucis extensi, cuius humanitas ad instar nubis rosida, stillavit misericordiam, reverberavit radios iustitiæ in sanguine & livore suo, ruber & cœruleus, arcus verè cœlestis, cum quo firmatus est contractus inter DEum & hominem. Ibi confregit potentis arcum, scutum, gladium & bellum *ps. 75. v. 4.* Quia fecit in Cruce utraque unum, interficiens inimicitias in semetipso *ad Eph. 2. v. 15.* Quare ut spectabilis esset ab omnibus, in Cruce exaltatur. Est hæc doctrina Theophylacti *l. 4. divin. instit. c. 26.* ubi causam reddit, quare Christus in cruce mori maluerit. Quod scilicet in illa exaltari necesse fuerit. Nam is qui in patibulo suspenditur, conspicuus est omnibus, & cæteris altior, crux potius electa est, ut significaret illum tam conspicuum, tamque sublimem futurum, ut ad eum cunctæ nationes ex omni orbe convenirent. Quod ipsum dictus Theophyl. *in c. 27. Mat.* commemorans verbis S. Joannis confirmat: Cum exaltatus fuero à terrâ, omnia traham ad me ipsum. Nunc inquit videtur effectum fortiri, quod Dominus dixerat, exaltatus namque in Cruce traxit latronem & Centurionem. Confirmat hoc Drogo Hostiensis *serm. 1. de Pass. Dom.* Traxit ad se omnia cælum, terram & inferos. Contremuit terra, & petra scissæ sunt, & monumenta aperta, quia vocem filii DEE audierunt. Quæ omnia altiori indagine expendens S. Aug. *serm. 3. in Annunc.* dicit: Continetur in Crucis figura altius sacramentum, quod quanto est altius, tanto est diligentius attendendum, quod significavit Dominus in Cruce. Caput ad Orientem erigens, pedes ad Occidentem subinittens, manus ad Aquilonem & Austrum extendens, quod de se ante passionem dixerat adimpleturus. Cum exaltatus fuero à terrâ, id est cum fuero Crucifixus, omnia traham ad me ipsum, id est totum mundum. Cui consonat S. Greg. Nyss. *in orat. Christi resurrex.* super illud Pauli: Ut possitis comprehendere quæ sit latitudo & longitudo &c. per sublimitatem

*Christus
Crucifixus
Spectabilis
omnibus.*

nare injurias. Nec Christus majus miraculum fecit, quam quando in Cruce oravit Pater dimitte illis. Multa & magna miracula fecit Christus, nunquam tamen filius DEI a Judæis est dictus; Cum vero à pendente in Cruce audiverunt, dimitte illis, tunc enim vero *Mat. 28.* revertebantur percutientes pectora & dicebant verè Filius DEI erat iste. Videturque Christus loquendo hoc verbum, in Cruce, plus operatus esse pro salute multorum, quam sanguinem tunc fundendo. Credibile namque est Christum tam in flagellatione, quam in Crucifixione aliquos suo sanguine conspersisse, nec tamen legimus aliquem conversum fuisse. Ubi vero dixit, Pater dimitte illis, quia nesciunt quid faciunt. Convertitur latro, Centurio pectus percutit, alii publicâ confessione Christum filium DEI agnoscunt, & percutientes pectora reversi sunt. Ut non abs re dicere possim, plus sanguinis Christum profuisse brevi Verbo tunc concionando in Cruce, quam largissimè sanguinem profundendo. Hæc itaque Virtus hominem divinum facit.

Moyſes totus vindicativus erat, antequam DEI Legatus esset ad Pharaonem. Sic enim cum Ægyptium quendam videret cum Hebræo contendere, eodem in loco illum occidit & contumulavit. Factus verò Legatus ad Pharaonem habitâ amplissimâ cæli terræque potestate, semper coram Pharaone fuit mansuetissimus. Mutationem hanc divinam fuisse non humanam putant authores aliqui, idque colligunt ex verbis ipsius DEI, quando dixit: Ego te constitui Deum Pharaonis, DEus enim est, qui velox est ad misericordiam, & tardus ad vindictam. Hinc audivit Moyſes mitissimus super omnes homines, qui morantur in terrâ. Hæc namque Virtus, est quædam DEI proprietas, quia illius est misereri semper & parcere: Hinc inter divinitatis opera reposuit S. Bern. *serm. de pass. Dom.* Vide nunc opera DEI, quæ posuit prodigia super terram. Flagellis cæsus est, spinis coronatus, clavis confossus, patibulo affixus, probris saturatus, omnium tamen dolorum immemor, ignosce illis ait, quod faciunt. Certè divinitatis opus fuit illud, quod *3. Reg. c. 18.* quando Sacerdotes Baal cum Elia pacti sunt de DEO vero, per ignem de cælo mittendum. Erexerunt aram Baalithæ, impoluerunt ligna & sacrificia diligentissimè; omnia denique pro Sacrificio juxta ritum & consuetudinem erant disposita acuratissimè. Idem fecit Elias, & quod amplius erat, ligna & victimam, aramque omnem copiosis

*Christus
condonans
efficacius
convertit
quam a
persone
sanguinis
sui.*

*Injuria
condona-
tio homi-
nem divi-
num facit.*

*Elia con-
certatio
cum Sa-
cerdotibus
Baal.*

piofis aquis perfudit. Clamabant Sacerdotes Baal sed frustra; Oravit Elias, & ignis de cœlo egressus, Omnia ligna & Victimam & ipsam aquam in fossis collectam, absumpsit. Carnem & ligna consumpta ab hoc igne, non miror, sed aquam in fossis exsiccatam & exhaustam. Et hic ignis, inquit ipse, est DEUS. Divinus scilicet amor, non tantum amicos aut Con sanguineos, sed ipsam etiam aquam, id est inimicos, Sibi que oppositos, accenso pietatis fervore prosequitur. Qui ignis divinus est non humanus, teste S. Laur. Justin. Hoc supremæ Deitatis, quod quotidie innumerabiliter lacessitur, & non irascitur. Divinitatis istius gratiam participasse censeripotest Robertus Francorum Rex in cujus mortem, in ipso die Cœnæ Domini, duodecim illius primæ notæ Duces conspiraverunt; quia tamen detecta est conspiratio, omnes capti, & in domo Caroli Calvi sunt asservati. Jussit illos hic cibis regalibus refici, & deinde Dominicâ Resurrectionis sacrâ communione præmuniri. Ubi verò audivit eos à Judicibus læsæ majestatis reos esse damnatos, & postridiè supplicio afficiendos, ille omnes Christi nomine absolvit, dicens: Non debere damnari eos, qui fuerunt cibo cœlesti præmuniti. Deinde tamen, ne quid simile amplius attemptarent, benignè monitos ad sua remisit. Novit hoc probè S. Franciscus Seraphicus, qui uti legitur in *Chronica* p. 1. c. 48. cum Leone fratre conferens de perfectione absolutâ hominis Christiani, perfectionem veram & consummatam, in injuriarum tolerantia & sincera offensus remissione statuit. Hinc totum discursum concludens: O Frater Leo inquit, primaria Virtus Christiana est vincendo seipsum, paratissimo animo omnia probra sibi illata ignoscere. Hac enim ratione similiores DEO reddimur. In hoc enim quod diligamus amicos, convenimus cum cœteris etiam hominibus, ipsis improbis, imo cum Ethnicis & Gentilibus. Omnes enim amicos diligunt. Undè Christus *Mat. 5. v. 46.* Si diligitis qui vos diligunt, quam mercedem habebitis? nonne & Publicani hoc faciunt? nonne & Ethnici hoc faciunt? imo etiam ipsæ ferocissimæ belluæ. De quibus S. Aug. *serm. 6. de Temp.* Amicos & benefactores quis non amet? Amat latro, amat Draco, amant lupi, amant & ursi. At vero per dilectionem inimici, à cœteris tam brutis animantibus, quam sceleratis hominibus recedimus, soli DEO appropinquamus, & assimilamur. Diligite inimicos vestros, ut sitis filii Patris vestri. Ac si nul-

Roberti
Regis Gal-
lie in con-
juratos
mira Cle-
mentia.

S. Fran-
ciscus pu-
tat perfe-
ctionem
Christianam
esse
injuriarum
remissio-
nem.

a nullo alio amoris actu tam expreſſè divinæ perfectionis ſimilitudo
 à nobis exprimi poſſe videatur. Soſius enim DEI bonitas ad ipſos
 quoque inimicòs amplectendos effunditur. Sic Chriſtus ipſe, licet
 bis à Patre declaratus fuerit, quod ſit filius dilectus, ab hominibus
 tamen pro filio DEI non eſt habitus. At vero in Cruce, dum ſe à
 Patre dereliectum deplorat, pro inimicis verò à Patre veniam im-
 plorat, ſtatim à Centurione filius DEI agnoſcitur. S. Chryſoſtomus
 cauſam dat. Non quomodo periculis liberetur conſiderat, ſed ut ſe
 perſequentes lucretur & ſalvet. Ut merito dixerit Tertullianus
 l. 3. de pat. c. 3. Hinc maxime Pharifæi Dominum agnoſcere debui-
 ſtis, patientiam huiusmodi nemo hominum perpetravit. Certè ſo-
 licite inquit David ps. 39. v. 6. Non eſt qui ſimilis ſit tibi. Sed Re-
 ſpondet S. Aug. Qui bene vult inimico ſuo, DEO ſimilis eſt. Nec
 eſt iſta Luciferi ſuperbia, ſed obedientia, quia præceptum eſt. Sic
 Sandè & ſecurè heri poteris ſimilis Altiffimo. Dixerit Evangeli-
 ſta Majorem hac dilectionem nemo habet, ut animam ſuam ponat
 quis, pro amicis ſuis, Joan. 15. v. 13. Excogitavit quid altius S. Bern.
 ſerm. de Paſſ. Dom. ſer. 4. Tu majorem habuiſti Chriſte Domine, po-
 nens etiam pro inimicis. Intelligo jam illud Apoc. 5. ubi Joannes vi-
 dit, quod Seniores in genua ſua prociderint ante agnum. Hunc a-
 gnum Iſaias 53. ex eo agnina formâ & pelle induit, quia tanquam a-
 gnus coram tondente ſe obmutuit. Tertullianus c. 5. de patient. ho-
 minem pacificum & ad veniam facilem, in hoc agno veneratur. Ver-
 ba illius ſunt, poſſumus dicere allegoricè ſignificari nobis in agno
 homines pacificos, qui in ſanctis Viris à nobis propter eminentiam
 Virtutis honorantur. De hoc ergo agno audi Sanctos in cælo. Di-
 gnus eſt accipere Virtutem, & divinitatem & ſapientiam, & fortitu-
 dinem, & honorem, & gloriam, & benedictionem. Si virtutem
 accipere dignus eſt teſtè cælo, quid iudicio hominum peſſimorum
 formidabimus Vitium timorem? inquit Tertullianus; ſic licet dicant
 alii non maſculi & virilis pectoris eſſe, ignominiam illatam, vel
 injuriam non vindicare. Eſt tamen teſte cælo divinitas injuriarum
 remiſſio, ſapientia eſt, honor eſt, fortitudo eſt & gloria, & hoc
 quidem totum divino teſtimonio. Non ergo humana formidabimus
 teſtimonia, ſi illi ſtultitiam, timorem & infamiam jaçtaverint. Næ conjura-
 tu timidum dixeris Herculem Ferrariæ Ducem, de quo glorioſè me-
 morant faſti Italiae. Leonellus & Borſus Spurii legitimum filium Her-

Chriſtus
 ex cende-
 natione in
 cruce DEI
 filius agno-
 ſcitur.

Condonatio facit
 nos DEO
 ſimiles.

In offenſa
 remiſſione
 non curan-
 dum judi-
 cium hu-
 manum.

Hercules
 Dux Fer-
 varie in
 conjura-
 tes mirè
 maſtue-
 tus.

culem Ferrarienfem, paternâ hæreditate & Principatu ſpoliarunt, ad quem Virtute & fortunâ Comite eſt reſtitutus. Ubi vero mores & vitia nobilitatis correxit, in odium incidit nobilitatis licentioſæ. Quæ cum Leonello & Borſo nepotibus conſpiravit, atque Hercule Mantuæ abſente, varias naves Conjuratorum milite implevit, & beneficio noctis ſecundo Pado Ferrariam induxit. Exſcenſione itaque facta, quinque millia militum ſuorum Leonellus in arcem irrue-re juſſit, qui facile muros perruperunt, & reliquo militi aditum aperuerunt; ſic ut in ipſo diei diluculo miles armatus in foro ſtaret. Quid hic faciat civis adhuc ſemiſopitus? Sigismundus Hercules Frater, ubi uxorem & liberos Hercules in tuto poſuit, armatus in forum cum validâ manu prodiit, & Leonellum in fugam conſpicit, ipſumque Leonellum capit. Venit interim Ferrariam Hercules, & ubi Deo propitio omnia pacata reperit, primum DEO gratias egit, deinde conjurationis reos ſeſcire diſſimulavit. At unus ex auſcibus, ſine dubio gratiam & remunerationem ſperans ex delatione, ſolicite in conjuratos inquiſivit, atque ubi omnes notanter catalogo ſuo inſcripſit, chartam in die novî anni pro Xenio Herculi Duci obtulit. At Hercules Catalogum in ignem abjecit, & mandavit, ut ſi quid ſimilium Chartarum domi ſuæ haberet, abjiceret, quo facilius omnia illatæ injuriæ memoria aboleretur. Advertit namque bene S. Bernardus quod Chriſto Crucifixo, omnis creatura armabatur in ultionem. Omnis creatura inquit armata fuit ad ulciſcendam injuriam ſui Creatoris. Horribiles tenebræ factæ ſunt ſuper faciem terræ, terra tremuit; at ecce ſic armatis omnibus *Luc. 23. v. 34.* Exclamat Chriſtus; Pater ignoſce illis. Quare cum hæc vidiffet Centurio, ubi audivit Chriſtum ignoſcentem ſuis Crucifixoribus, exclamat etiam ille: Verè filius DEI erat iſte. Bene proinde Iſidorus Peluſiota *Ep. 169.* dicit lædendo vincere Sathanicarum legum eſt, pietate vero vincere Chriſti & Chriſtianorum eſt. Quod affectuoſe in Chriſto exhibet Petrus Damianus *ſerm. 47.* Magnum quidem & ultra hominum aſperitatem verborum & verberum, non ſolum pati, ſed & non reddere; illud vero majus eſt, & divinam quidpiam ſapit, benefacite hiſqui oderunt vos. Magiſter noſter & Dominus Chriſtus filius DEI & lædentes patienter pertulit, & benefecit lædentibus. Affectum concludit hiſ verbis. Conſidera beneficium, dum ſeſori, clavi manibus, lancea lateri apponeretur ab inimicis; Os & manus & la-

*Creatura
Chriſto Cru-
cifixo ar-
matur in
ultionem.*

& latus agebant pro inimicis. Unde ad Christum Crucifixum nos remittit S. Greg. Naz. Cum ergo dolore ardes maximo, memor sis vulnerum, & quata hæc pars sunt dolorum, quos Herus tuus tulit. Sic nempè velut vides, obrutus mœror perit. Quibus Nice-
 tus Nazianzeni Scholiasies addit sensum suum dicens: Cujusdam in *Crucifixi*
 te Contumelia ingestam in te furoris flammam excitavit, fac protimoria in-
 nus tibi Christum in mentem veniat. Da operam ut contumelias, il-
 lusiones, plagas, & vulnera ea, quæ ille salutis tuæ causa pro te in
 cruce pertulit, quamprimum recorderis, sic fiet ut hujusmodi co-
 gitationibus tanquam aquis animam tuam leniens, & irrigans, mœ-
 roris atque iracundiæ æstum extinguas. Fecit hoc Sixtus V. Roma-
 nus Pontifex, qui cum in Pontificem electus fuisset, & illius Creatio
 jam per Urbem totam percrebresceret, quidam Romanus Senator
 reminiscens, quod illum Cardinalem graviter offendisset, vindictam
 timens, Romæ cedere voluit, ast ubi rescivit id Pontifex, misit ad
 eum, eique significari curavit, non fuisse ab eo offensum Sixtum V.
 sed Cardinalem Montaltum. Magnum omnino mansuetudinis hu-
 jus & non vindictæ injuriæ exemplum habemus in Samuele, hunc
 enim Judicem populi abiecit Israel, dum Regem postulavit. Post
 paucos tamen dies, uti videre est 1. Reg. 12. v. 20. à DEO afflicti re-
 deunt ad Samuelem: Ora pro servis tuis ad Dominum DEum tuum, ut
 non moriamur. Quid rogo offensus Samuel? Absit à me hoc peccatū,
 ut cesserem orare pro vobis. Et docebo vos viam rectam & bonam, igitur
 timete Dominum. Samuel itaque ut ostenderet, se cor ab omni
 vindicta alienum habere, oraturum se pro populo protestatus est.

S. Aug. in suo Enchir. c. 33. Postquam dixit post Sacramenta non
 esse majus salutis remedium, quam condonationem injuriarum;
 sæpe audivistis inquit Christum in Cruce in illo trihorio ferventissimè
 orasse. Sed cur initium fecit à deprecatione pro inimicis, Pater di-
 mitte illis? quia divinus sacerdos totius mundi peccata in se suscep-
 rat, ut eorum obtineret indulgentiam, apud altare Crucis sic ora-
 vit. Sciebat enim ad eorum remissionem omnium maximè condu-
 cere, ignoscere inimicis. Cujus ratio est, quia hæc dilectio inimi-
 corum, purè in DEI honorem dirigitur; solum ideo namque fit, quia
 ipse jussit. Confirmat hoc exemplo Abrahamæ cujus obedientiam lau-
 davit DEus, quod jussus, voluerit filium suum immolare. Non e-
 nim movebatur Abraham ullo alio motivo, contra naturalem suam

*Remissio
injuria-
rum salu-
tis est cer-
tum reme-
dium.*

inclinationem, contra voluntatem propriam in eadem filii sui, cujus sanguine fiebat se conspergendum, sed ideo solum, quia DEus iussit. Hinc DEus extollit, & commendat hanc Abrahami promittitudinem. Quia non pepercisti Unigenito tuo propter me. Et hinc David plenus fiducia *ps. 56.* clamat: Misere mei DEus, quia in te confidit anima mea. Unde obsecro Davidi tanta fiducia; ne dicam præsumptio? Hic psalmus factus est tunc, quando David latuit in spelunca, quam ex necessitate ingressus est Saul, ubi in manibus erat Davidis, & ideo Socii illius ejdem dixerunt: *1. Reg. 24. v. 5.* Ecce dies, de quo locutus est Dominus ad te. Ego tradam ti-

*David erga
Saul
inimicum
mansuetus*

bi inimicum tuum, ut facias ei sicut placuerit in oculis tuis. Et tamen David stricto gladio, non caput Sauli sed oram chlamydis illius præcidit. Et confregit David viros suos sermonibus, & non permisit eos ut insurgerent in Saul. Denique David potuit nocere hosti suo Capitali, & non fecit. Hinc itaque plenus fiducia clamat misere mei, quoniam in te confidit anima mea. Quasi diceret: Ecce potui me ulcisci, nec tamen feci, Misere mei, hinc enim confido. David noluit occidere Saul, quia unctus Domini fuit, quæ inunctio fiebat solum oleo olivarum. Hostis tuus inunctus est, pre-

*Inimico
condonandum,
quia
unctus est
sanguine
Christi.*

tioso filii DEI sanguine, abstine proinde manum, parce! & tunc audacter dicere poteris DEO, misere mei. Quid enim sic turbat orationem nostram ac ira, vel animus vindictæ cupidus? S. Bern. *serm. 5. de Assumpt. Virg.* causam dicit: Si oculus aliqua injectione pulveris lædatur, oculus patitur, ita vel minimus pulvisculus oculis nocet. Novarinus id confirmat dicens: parvula arena & exiguus pulvisculus, si in oculum incidat, non exiguam affert molestiam.

*Inimicitia
orationem
turbant.*

Sed audiamus applicationem proposito meo plane propitiam. Ita in oratione, quæ se oculi instar habet, si levis alicujus amaritudinis aut rancoris pulvisculus incidat, magnam animi facit perturbationem. Unde divina Veritas Christus ipse sic nos orare docuit *Mat. 5. v. 23.* Si ergo offers munus tuum ad altare, & ibi recordatus fueris, quod frater tuus habeat aliquid adversus te, relinque ibi munus tuum ante altare, & vade prius reconciliari fratri tuo. Pulchrè Nilus Abbas *de Orat. c. 19.* Memoria enim alicujus injuriæ, obscurat orationis oculum. Quare Christus, qui hoc mandatum dedit, vel ipso exemplo suo, hanc suam doctrinam sacram commendavit. Oraturus enim in Cruce Christus, etiam cum actu oravit: Sic enim S. Paulus

*Christus o-
rans con-
denat.*

lus

lus ad Hebr. 5. v. 5. Cum clamore valido & lachrymis offerens, exauditus est pro reverentiâ suâ, & veniam nobis exoravit, quando dixit; Pater ignosce illis, quia nesciunt quid faciunt. Poterat enimvero vindictam petere in blasphemos sub Cruce scribas & Phariseos, poterat in sacrilegos crucifixo- res torquere horrenda cœli fulmina, tamen omnium oblitus injuriarum, demissè etiam, & inclinato capite, veniam & vitam supplex postulat pro illis, qui eum tam ignominiosè crucifixerunt. Jam videbat ille Patrem suum ad iracundiam concitatum, & paratum ad evertendam totius mundi machinam, jam cœperunt fragorem edere ut ait S. Bern. columnæ cœli, obscurari Sol, Luna & reliqua cœli luminaria confundi, elementa etiam cum totâ naturâ creatâ conturbabantur ac propterea protensis manibus prodit in conspectum Patris, eumque instantissimè deprecatur, offerens ei cunctas angustias & dolores, quos patiebatur, insuper suspiria illa, lachrymas & sanguineam, quem pro nobis tam copiosè actu effundebat, totoque affectu cordis conversus ad Patrem dicit; Ignosce illis, quia nesciunt quid faciunt. Vides ô anima Christiana affectuosè concludit S. Bernardus quanto affectu pro inimicis veniam rogat. In horto enim rogando pro seipso, totum se committit Patris voluntati: Pater si possibile est, transeat à me calix iste, ast hic absolutè rogat & veniam pro Crucifixoribus suis postulat. Romani olim ex Civitate suâ Ducem celebrem proscripterunt, qui inulto tempore exul & profugus, collecto deinum magno exercitu Romam obsidione cinxit, coëgitque Cives Romanos, ut proscriptionem annullarent, & exulem revocarent. Inhabuit ille Romam, sed non fidebant Romani, licet compluribus argumentis affectum suum contestaretur. Quare die quodam longâ oratione in Senatu habitâ ipse pugione sibi pectus transfodit dicens: Quisquis per hanc fenestram inspiciet, cor omni vindictâ vacuum videbit; & simul morte suâ senatum Romanque omnem, metu omni liberavit. Si Medicos consulam, ab iisdemq; petam: Quid sit ira? dicent esse accensionem sanguinis circa cor, seu ut inquit Doctor Angelicus, est abundantia sanguinis circa cor ebulliens. Quid magis nos timere poteramus, quam cor Christi à tam copioso sanguine inundasse, & metuere merito debebamus illud vindictam spirare; cum sciremus DEum tam graviter à nobis offensum. Netimemus aut diffidamus, exclamat de Cruce Pater dimitte illis quia

Rr 3

nesciunt

*Christus
pro nobis
veniam ab-
solutè re-
gat.*

*Roma
Dux pu-
gione cor
aperuit, ut
vindictâ
vacuum a-
penderet.*

*Christus
habet cor
apertum,
ut sciremus
esse cordis
aperti.*

*Qui Vin-
dicta ca-
ret, filius
DEI est.*

*Adrianus
Imperator
debita po-
puli Roma-
ni combus-
sit.*

*Ut delea-
mus debita
nostra a-
pud DE-
UM, nos
deleamus
inimico-
rum.*

*S. Bern.
facile con-
donat in-
juriam.*

nesciunt quid faciunt. Non tamen credebamus, neque suspicio-
nem malè conscii ponebamus. Ut Christus proinde, cor ab omni
vindictâ vacuum monstraret, cum ipse non posset, utpotè mani-
bus suis Cruci affixus, Longinum animavit ipse, ut fenestellam cor-
dis sui aperiret, ubi cum omnem sanguinem effluxisse videamus, &
ex corde ipsam aquam emanasse conspexerimus, quidni integre re-
frigeratum nobis persuadeamus. Unde cum omni Vindictâ carere
cerneret cor Christi Centurio, exclamavit & dixit: Verè filius
DEI erat iste, namcujus cor ab omni vindicta vacat, is verè filius
DEI est. Asserit hoc S. Greg. Nyss. l. de orat. Dom. petit. 5. Prope-
modum non amplius intranaturæ humanæ terminos conspicitur, sed
ipsi DEO per hanc Virtutem assimilatur, qui inimico ignoscit, & fa-
cit ea, quæ solius DEI sunt facere. Quid autem facit DEUS? Au-
dite S. Ambr. in ps. 118. Ascendens illud patibulum Dominus noster
JESUS CHRISTUS peccatorum nostrorum chirographum crucifixit, &
totius orbis peccatum, suo sanguine mundavit. Conformiter loqui-
tur S. Aug. serm. 28. de verb. Dom. Cautionem tuam tenebat inimicus,
sed eam Dominus crucifixit, & suo cruore delevit; alii legunt com-
bussit illud igne charitatis & amoris. Veluti Adrianus Imperator,
qui ad reconciliandam sibi populi Romani gratiam, viginti septem
millionum debitum, quod fisco debebat Cæsareo, publicè com-
bussit in foro Trajano. Age mi Christiane, si descripsisti nomina tuo-
rum inimicorum, si notasti injurias tibi illatas, si addidisti numerum,
diem & locum tibi dictæ contumeliæ; noveris velim esse etiam li-
brum grandem divinæ Justitiæ, in quo notata sunt tua peccata, vi hu-
jus tu reuses æternæ damnationis. Ut hunc librum strictissimo Ju-
dici Christo extorqueas, libellum tuum, ubi injurias tibi factas an-
notasti, affige Cruci Christi, & Christus tuæ damnationis chirogra-
phum eodem loco, cruci nimirum suæ affiget. Audite S. Bernar-
dum hic cum aliquando pugno percussus fuisset, dixit: Cum aliis,
hoc par est ignorare, cui toties ignoscitur à DEO. Æternâ memoriâ
dignum est facinus generosum Guisii Ducis Galliæ, qui cum ex ca-
ptivo hoste suo, qui suæ vitæ struxerat insidias petivisset causam, cur
sibi insidiatus fuisset? respondit Calvinista homo, movit me ad hoc
facinus Zelus & fervor pro meâ religione. Reposuit catholicissimè
Guisius: Ita nè tua te religio docet? ut me occidas? mea me docet,

cet, ut tibi ignoscam. Vade in pace! O vere! etiam hic Inter filios DEI fuit.

Ut verò hujus mansuetudinis suæ effectum ostenderet Christus ^{Christus} in Cruce, Latroni omne delictum dimisit, imo illi prius, quam ma- ^{latroni pri-} tri suæ charissimæ loquitur. Habuit David duos filios, Adoniam pri- ^{usquam} mogenitum, & Salomonem secundogenitum, ex eâ quæ fuit Uriæ. ^{matri lo-} Quis non crederet in regni successionem assumendum Adoniam præ- ^{quitur.} Salomone secundo genito? assumitur tamen Salomon ad regnum, & Patri succedit, non verò Adonias. Franciscus Mendoza in 1. libr. Reg. c. 7. annot. 25. sect. 1. putat DEum ita rem disposuisse, ut contra consuetudinem junior poneretur in regno, propterea quod Adonias genitus sit à Davide adhuc innocuo, Salomon vero genitus sit à Davide post peccatum patratum; de quo deinde tam graviter & tam diu pœnituit. Concludit deinde sicut autem pœnitens sæpe innocentem præponitur, ita pœnitentis filii, filiis innocentis aliquando præferuntur. Fecit hoc ipsum Christus in Cruce, quando prius pœnitentem latronem, quam amantissimam matrem suam fuit allocutus. ^{Salomon filius pœnitentia, regnat præ Adonia.} Prius enim latroni dixit, hodie mecum eris in paradyso, quam Matri Ecce filius tuus. Pulchrè Marcus Vigerius Cardinalis: In mortis articulo constitutus, prius peccatori providet, quam Matri. Et vero quis non crederet temerariam petitionem latronis petentis regnum? memento mei dum veneris in regnum tuum. Luc. 23. v. 43. Olim petiit Anaxarchus Philosophus ab Alexandro Magno centum talenta auri, putabant familiares Aulici, petatum hoc esse inurbanum, ne dicam temerarium. Alexander tamen dari mandavit, & dixit: Recte fecit, intelligens se habere amicum, qui tantum dare possit, & velit. Christus Alexandro est liberalior, etiam regnum ^{Alexander Mag. petita 100. talenta auri Philo- spha amico dari iubet.} dedit Latroni, Hodie mecum eris in paradyso. O magna DEI liberalitas! Imo latro tunc tantum petiit, quando veneris in regnum tuum, quod erat futurum post dies quadraginta, quando nimirum Christus erat ascensus ad cœlos. Sed non eò distulit Christus, hodie inquit. Adhuc rogabat Dominum latro, ut meminisset sui, inquit D. Ambr. dum venisset in regnum suum, & Dominus antequam venisset, jam illi regnum cœleste tribuebat. Quam velox & liberalis est Dominus? Tardius est votum precantis, quam sit præmium remunerantis. Quam verè Ecclesia dicit: Omnipotens sempiternæ DEUS, qui abundantia pietatis tuæ, & merita supplicum excedis & vota.

vota. In quæ verba Paulus Burgenſis DEus ex abundantia ſuæ bonitatis, non ſolum merita ſupplicum excedit, ſed etiam orationum vota. Hinc mirum non eſt, quod in Cruce omnium dolorum immemor clamat, ſitio. Quærit Drogon Episcopus *de paſſ. Dom.* Domine quid ſitis? Ergone plus cruciatiſtis, quam Crux? de Cruce files, & de ſiti clamas. Sitio. Quid ergo ſitis? audite respondentem in perſona Chriſti. Veſtram fidem & ſalutem. Plus animarum veſtrarum, quam corporis mei Cruciatuſ me trahit. Hinc dereli-ctum & deſolatum ſequitur. Non inquam ait Origenes æſtineat Salvatorem humano more iſta dixiſſe propter calamitatem, quæ comprehenderat eum in Cruce. Sed videns peccata hominum, propter quæ patitur, & pro quibus patiebatur. Confirmat hoc Rabanus Maurus *citatus in Catena D. Thome*: Non quia humana natura à Deo fuerat dereli-cta, ſed quia filius DEI factuſ eſt Advocatuſ noſter, & quorum ſuſcepit culpam, deploravit miſeriam. In quo oſtendit, quantum flere deberent qui peccant, quando ſic flevit, qui nunquam peccavit. Scilicet tantæ paſſionis fructuſ, in tot hominibuſ otioſuſ, in cruce deſolatuſ fuiſſe demonſtrat.

*Noſtra im-
pœnitentia
DEI Aſ-
ſiſtit.*

In tuâ poteſtate eſt ô anima Chriſtiana, ut Chriſto deſolato ſola-tium offeras. Certè Eusebiuſ Emiſſ. dum latronem in Cruce converſum conſiderat, & illa verba: Memento mei expendit. Glorioſa inquit voce præſentem temperat cruciatuſ. Quid ſtas miſer pecca-tor? Audi S. Chryſoſtomuſ: Non tantum univerſam terruit ter-ram, non tantum petraſ & ſaxa diſrupit, ſed animam etiam latro-niſ omnium lapidum inſenſibilitate durioſiorem ad ſe traxit. Scio ego Chriſtuſ totuſ cruentuſ ſe ſtituiſſe S. Lutgardi dicens; Vides mea Lutgardiſ vulnera mea, clamant ad te, ne fruſtra fuderim ſangui-nem, mortemque ſuſtinuerim. Exclamat S. Bern. *traſſ. de paſſ. c. 33.* & totuſ lachrymiſ perſuſuſ te ô peccator alloquitur. O cor duruſ! audis ad lachrymaſ commotuſ illuſ, qui æternuſ ſtat; & com-moveri non poteſt cor tuuſ? nec tamen ad lachrymaſ commove-riſ? Subdit; Addam ergo charitatiſ & paſſionis ſanguinem, ſi for-tè caleſcias, ſi emolliariſ & dulciſſimo Jeſu pro lachrymiſ ſuiſ, & ef-fuſo ſanguine ſaltem lachrymaſ rependas. Excuiſit lachrymaſ totiſ Egypto morſ primogenitorum. Et tu ſicciſ oculiſ primogenituſ DEI in Cruce ſpectabiſ morientem? Inclinat DEuſ Capuſ, & tu e-rigiſ? ah Time! ne cum Pharaone obdurato ſubmergaris in mari

rubro

*Chriſto in
cruce latro
Cruciatuſ
temperat.*

*Chriſtuſ
cruentus ſe
S. Ludgar-
di ſiſtit.*

rubro sanguinis filii DEI, otiosè pro te profusi. Referunt annales Anno 1399. quod Romam sub Bonifacio Pontifice abiverit sacerdos cum Crucifixo fictè lachrymante; quem ille scitè adeo aptavit, ut spectantè universo populo copiosas funderet lachrymas. Quo spectaculo attonitam copiosam spectatorum multitudinem secum adduxit inter continuos singultus & Suspiria, ita ut personarent plateæ omnes accompita; & quacumque incederent, ad Christi fientis spectaculum, collachrymantium & complorantium ejulatus audiretur. Non sunt hic fictæ lachrymæ O Christiane; quas S. Paulus ad Hebr. 5. v. 7. cum clamore valido in Cruce effusus dicit, & propter has a Patre pro nobis exauditum. Scio ego Ezech. 28. ostendisse DEum Prophetæ mulieres plangentes Adonidem, qui ex ære solido fuit fabricatus, cui cum intrinsecus supponeretur ignis plumbeæ ex oculis lachrymæ defluebant, quibus visis non poterant non collachrymari præfictæ fœminæ. Non Adonidem sed Adonai Deum verum, inter lachrymas nobis prætendit Paulus, cur lachrymas moramur? Beatissima Virgo quando depositum de Cruce filium suo complexa est gremio; adeo lachrymis suis, corpus filii perfudit, ut iisdem omnia illius vulnera quasi laverit. Et S. Bern. de planctu passionis *Maria mirè flevit* Virg. inquit; Lachrymarum tanta ubertas effluebat, ut carnem o sui filii. *passionem* mrem cum spiritu in lachrymas dissolvi putares. Maldonatus in cap. 19. Joan. Tot ac tantas dicit effudisse lachrymas, quot fuerunt guttæ sanguinis, quæ profluxerunt ex vulneribus Christi salvatoris. Imo S. Germanus de Compass. Virg. dicit eandem sanguineas flevisse lachrymas. Planxit inquit ille in tantum affligens se, quod etiam lachrymæ sanguineæ, de ejus oculis manaverint, propter fletum tam amarum. Ex quo S. Anselmus concludit, illam Martyrum reginam esse. Hinc cum alii Sancti Martyres, cum instrumentis martyrii sui pinguantur, uti S. Petrus cum Cruce, S. Paulus cum gladio. S. Catharina cum rota, S. Agatha cum forcipibus, S. Laurentius cum craticulâ, S. Stephanus cum lapidibus, S. Sebastianus cum sagittis; Beatissima Virgo Maria cum filio emortuo, & in suo gremio deposita, septem dolorum gladiis consossa representatur. Quia ut inquit S. Anselmus per singula momenta dolor vitam ejus sufficiens extinguere fuisset, nisi ex speciali providentiâ DEI conservata fuisset. Non exigo à te ô anima Christiana, ut sanguineas cū dolorosâ Matre fundas lachrymas. Non exigo ut tibi cum Joanne Baptista de Finçco

Capucino in pectore venam rumpas. Hic enim à Guardiano suo ac-
crius reprehensus, cum vellet impatientis animi motus reprimere,
eam sibi viam intulit, ut venam in pectore ruperit, ex quâ cum co-
piosus per os regurgitaret sanguis, illico ad consuetum sibi refugium
Crucifixum accurrit, & candido ac simplici affectu, sic Christum
est allocutus. Entibi ô Domine sanguinem meum ! Vide Jesu mul-
tum amabilis, quantum amore tui patiar ! Dixerat & ecce ligneus
crucifixus dexteram manum à Cruce refixit, atque hiantem lateris
plagam monstrans. Vide inquit ô Joannes Baptista quanti sint dolo-
res, quos in Cruce amore tui passus sum. Dixit, & dexteram rur-
sus Cruci affixit. Ego piam à te Christi Crucifixi meditationem peto,
& dum Christum cruci affixum vides pium Suspirium postulo. Certè
S. Bernardus cum quodam die coram sacrâ Christi Crucifixi imagine
altissimâ contemplatione abriperetur. Christus brachia sua à Cruce
resolvit, & mirâ tenacitate Bernardum est amplexatus, atque ad
potum pretiosi sui sanguinis invitavit dicens ; Bibe Bernarde. Pota-
beris & tu hoc cœlesti nectare ô anima Christiana, si Christum Cru-
cifixum in vivis tenerè amaveris. Ita enim teste Blosio S. Gertrudem
ipse Christus monuit dicens, Quod qui Christum Crucifixum affe-
ctuosè & amanter sæpius aspiciet in vivis, futurum, ut ab eodem
Crucifixo amabili obtutu conspiciatur in horâ mortis.

*Crucifixus
S. Bernar-
dum am-
plexatur.*

*Crucifixus
amanter
affectus in
vivis, in
hora mor-
tis nos a-
spiciet.*



DISCURSUS XXIII.

Christus pro nobis mortuus est.

*Cupido
cum morte
peregrina-
tur.*

APologus est, quod unâ cum morte Cupido iter fecerit,
cumque sub vespere lassum obvium intrassent hospitium &
cœnâ sumptâ decumbere vellent, quisque arcum suum &
pharetram neglectim in mensam abjecerit. Et quia quies modica a-
mori est, Cupido maturè se ex strato proripuit, & adhuc ante lucem
plenam ex diversorio abivit ; nescio autem quo infortunio, arcum
& pharetram mortis pro suo arripuit. Dum ergo Cupido varios ob-
vios arcu suo ferit, hos ille pallefcere, languere, imo etiam emori
vidit

vidit, non sine admiratione & suâ & aliorum, qui amorem adeo crudelem stupebant. Accidit hoc ipsum morti, quæ ubi homines arcu suo vulneravit, non pallefcere sed æstare, non mori sed novis amoribus accendi vidit. Vidit inquam & obstupuit. Res ad Jovem delata, Cupidinem & Mortem ad suum tribunal evocavit, ubi mutatis clypeis res in statum pristinum est revocata. Qui Christum amore nostri mortuum contemplantur, facile videbit illum amore nostri æstantem in telum mortis incidisse, & amoris mortique in victimam cessisse. Unde licet Turcæ rideant Christianos, & existiment Christum mortuum non esse, est tamen articulus fidei quod Christus verè mortuus sit, & nos morte suâ vivificarit. Nec absque causâ Christus se Pellicano assimilavit. De hoc enim referunt naturalistæ, quod ubi pullos à serpente sibi insensissimò occisos repererit, ipse rostro sibi pectus aperiat, & sanguinem ex corpore suo eliciat, quo mortuos pullos suos rursus animat, & vitæ priori restituit. Universum genus humanum à illo, qui se in serpentis formam transmutavit miserimè interemptum fuisse nemo est nescius, & clarè scriptura testatur *Gen. 3.* sed & serpens erat callidior cunctis animalibus terræ, quæ fecerat Dominus. Quæritur autem apud authores, quare dæmon volens decipere Evam speciem serpentis induerit? Majolus *Collog. 8. in sua Physica* dicit, nam cum acriore sunt ingenio, eoque acriore sunt veneno. Tota nimirum intentio erat diaboli, ut nos veneno peccati inficeret, & occideret, ideo ut nos citius enecaret, serpentis speciem assumpsit. At JESUS cum homini per peccatum mortuo mederi vellet, in similitudinem hominum factus velut alter pellicanus in ligneum Crucis nidum evolavit, ibique lanceâ velut rostro pectus suum pertundi passus est, atque ex intimo corde suo sanguinem & aquam profudit, ut nos vivificaret. Sic enim *Isa. 53. v. 15.* dicitur: Ille asperget gentes multas, ut nimirum quæ ob peccatum primorum parentum à serpente deceptorum mortem incurrerunt, per asperisionem sui sacratissimi sanguinis rursus animarentur. Et verò convenientissimum erat ut Christus verè & realiter moreretur. Qui enim pro alio satisfacit, subjicit se pœnæ quam alius meritus est. Quia verò homo primus *Gen. 2. v. 17.* mandatum habuit: Ex omni ligno paradysi comedas, de ligno autem scientiæ boni & mali ne comedas. In quacunque enim die comederis ex eo, morte morieris. Quod *Gen. 3. v. 6.* est transgressus: Deditque viro suo & comedit,

*Christus
verè mor-
tuus est.*

*Quam cur
serpens de-
ceperit.*

*Conveni-
ens erat ut
Christus
moreretur.*

ideo decretum mortis in Adamum à DEO latum est *Gen. 3. v. 17.* Quia audisti vocem uxoris tuæ, & comedisti ex ligno, de quo præceperam tibi ne comederes, maledicta terra in opere tuo &c. donec revertaris in terram, de quâ sumptus es, quia pulvis es, & in pulverem reverteris. Adeoque pœnam mortis, quam cum protoplasto Adamo contraximus, Christus ut pro nobis satisfaceret, ipse in se suscepit, mortemque subiit, ut nos à morte æternâ liberaret. Quare mortuus vere, homo esse desiit, quia unio animæ ejus cum corpore verè disrupta est, perinde ut in nobis disrumpitur, quando morimur. Et verum erat dicere tunc, fuisse sepultum & descendisse ad inferos ratione partium assumptarum; Sicut dicimus S. Petrum esse in cœlo quia ibi est secundum animam, & esse sepultum in Vaticano, quia ibi est sepultum ejus corpus, & ossa sacra illius ibi aservantur. Quod Christus ipse sæpius suis discipulis prædixit se nimirum moriturum, ne deindè in morte ipsius scandalizarentur. Atque adeo de morte Christi omnes unanimiter testantur Evangelistæ, ut scilicet mortem nostram destrueret, & deindè vitam resurgendo repararet. Adeoque mori debuit JESUS, ut nos salvaremur, mori debuit, ut nos æternum vivamus.

Decrevit DEus olim nefarios plectere Sodomitas *Gen. 18. v. 20.* Descendam inquit & videbo, utrum clamorem qui venit ad me, opere compleverint, an non est ita. Abulensis in hunc locum dicit, hoc factum esse ad instruendum Judices, qui licet cognoscant delictum per famam quasi publicam, tamen ex eo sententiam ferre non debent, sed rei gestæ tenentur indagare veritatem. Quare ut damnetur quis juxta leges, oportet id fieri coram Judice, præsentem reo, assistantibus accusatoribus, advocato, testibus & assessoribus seu Consiliariis. Quod ut ad apparentiam facerent Judæi, ut Christum morti adjudicarent, & Christum Cruci affigerent, coram tribunali Pilati comparuerunt. In hoc tribunali Pilatus est Juxex, Reus & accusatus est JESUS Nazarenus, cujus advocatus est Innocentia, & ipsa Sanctitas, accusatores sunt Judæi, Testes vel ipsa scripturâ attestante testes falsi, Consilarii & Assessores, Scribæ & Pharisei, imo & universus populus, qui repetito infami: Tolle! tolle! Christum mori coëgerunt. Sed si remotis iniquis consiliariis & corruptis Judicibus etiam ad sanctissimos & incorruptos arbitros appellemus, & ex lege naturæ vocemus Sanctos Patriarchas, adhuc vel horum judicio

*Christus
vere mortuus est.*

*Christus
Judicio publico
damnatur.*

*Christus
communi
consensu
debet mori.*

*Christus
damnatur
ab Adamo
& Patri-
archis, de-
bet ergo
mori.*

dicio & sententiâ debet mori bonus Iesus. Agnovit hanc necessitatem mortis S. Bern. qui Adamum cum omni posteritate perditam deplorat, nisi DEI filius moriatur pro homine. Quid mirum proinde si Adam dicat debet mori, ut mihi & posteris meis restituat vitam. Debet inquam mori, & quidem in arbore Crucis, cum ego per arborem scientiæ boni & mali me meosque omnes occiderim. Audiamus innocentem Abelem, qui mortis pariter dictabit sententiam, nimirum mori debet bonus Iesus, quia etiam ego innocens, & figura Christi à fratre meo occisus fui. Quare sicut ego à fratre meo eductus fui in agrum, & ab eodem ibidem interemptus, sic ille educi debet à populo suo in montem Calvariæ, ut ibidem crucifigatur. Noë confirmabit mortis sententiam & insuper addet; mori debet, & quidem totus nudus in Cruce, quia ego nudatus, à filio meo, risus fui. Isaac & ipse figura Christi statutum mortis decretum stabiliet. Quia sicut ego humeris meis à Patre onustus portare debui ligna ad holocaustum necessaria, sic ille in montem efferre debet lignum Crucis, in qua immolabitur. Et quidem coronâ Spineâ redimitus, quia hoc significabat ille aries, quem Pater meus ex spinis extraxit, & loco mei DEO obtulit in holocaustum. Aliud non dicet Patriarcha Jacob, qui olim cum dormiret in monte Calvariæ super lapide, in somno vidit mysticam scalam Sanctæ Crucis. Parem mortis sententiam pronuntiabit Patriarcha Joseph, qui sicut à fratribus venditus est viginti argenteis & traditus fuit Aegyptiis, ita ille à Judâ proditore vendetur triginta argenteis, & tradetur in manus militum, quorum deinde manibus crucifigetur, & in illâ suspensus morietur. Interponit se quidem innocentia, sed Verbum Domini manet in æternum. Quomodo enim impleretur Scriptura *Joan. 19. v. 26.* Pari ratione iudicabunt Sancti Prophetæ, ad quos si me convertero, plena hic inveniam illorum Oracula, quibus mortem Christi prænuñciarunt. Quid enim aliud facit David toto *ps. 21.* Omnes inquit videntes me, deriserunt me, locuti sunt labiis & moverunt caput. *v. 8.* an non his verbis clarè per Spiritum sanctum præsignificavit illudendum Christum? Quid aliud verba illa *v. 13. & 17.* Circumdederunt me Vituli multi, & Tauri pingues obfederunt me, significant? quam quod iniquo iudicio opprimendus mortì adjudicabitur. *v. 18.* Foderunt inquit manus meas & pedes meos, dinumeraverunt omnia ossa mea. Quid clarius potuit explicare Christi manus & pedes cruci clavis affingendos?

dos? Eumque in Cruce sic extendendum, ut omnia ossa facile potuerunt dinumerari. Omnia hæc impleri debebant, ut inveniretur Propheta fidelis. Mori ergo debet Iesus. Quomodo enim aliàs implebitur illud *Sap. 2. v. 20.* Morte turpissimâ condemnemus eum. Concludit ergo Salomon; Debet mori. *Isa. 53. v. 4.* Verè languores nostros ipse tulit, & dolores nostros ipse portavit, & nos putavimus eum quasi leprosum, & percussum à DEO & humiliatum, *v. 5.* Ipse autem vulneratus est propter iniquitates nostras, attritus est propter scelera nostra. Disciplina pacis nostræ super eum, & livore ejus sanati sumus. *V. 7.* Oblatus est, quia ipse voluit, & non aperuit os suum, sicut ovis ad Occisionem ducetur, & quasi Agnus coram tondente se obmutescet, & non aperiet os suum. Denique debet mori & quidem pendens in Cruce inter duos latrones atque pro Crucifixoribus suis rogare Patrem. *V. 12.* Et cum sceleratis reputatus est, & ipse peccata multorum tulit, & pro transgressoribus rogavit. Debet mori inquit Daniel *c. 6. v. 26.* Et post hebdomadas duas occidetur Christus, & non erit ejus populus, qui eum negaturus est. Quomodo ergò implebuntur scripturæ? Non ego in iudicium adducam divinam Charitatem, non allegabo obedientiam filij DEI, non memorabo Justitiam; Christum morti adjudicat Charitas *Joan. 3. v. 14.* Sicut Moyses exaltavit serpentem in deserto, ita exaltari oportet filium hominis. Et *v. 16.* Sic DEus dilexit mundum, ut filium suum Unigenitum daret. Non allegabo Obedientiam quam Paulus *ad Philip. 2. v. 8.* commendat. Humiliavit semetipsum factus obediens usque ad mortem, mortem autem Crucis. Denique Justitia clamat, debet mori, & vel ipso testimonio Christi se tuetur *Lnc. 24. v. 26.* Nonne hæc oportuit Christum pati, ut scilicet satisficeret æterno Patri, sine quâ satisfactione totum genus humanum periisset. Quid agat modo innocentia? quid Sanctitas tentabit? appellabit ad Patrem? sed ipse filium suum in mundum ut moriatur, & non tota gens pereat. Imploret misericordiam apud Spiritum sanctum? ipse per os Prophetarum locutus est, retractare non potest. Neque ipse filius dispensationem petiturus est, quia oblatus est, ipse enim voluit *Isa. 53. v. 7.* Ad amantissimam Matrem me convertam? sed confensit in hanc mortem, & præ desiderio salutis nostræ, sicut ipsa ex multorum opinione Christum circumcidit, ita si mandasset Pater, ipsa Cruci affixisset. Mori ergo debuit Iesus, ut nos vivamus. Atque adco

*Charitas
divina da-
minat.*

*Obedientia
jubet mori.*

*Justitia
fert senten-
tiam mor-
tes.*

adeo verificatum est illud, quod *Act. 4. v. 27.* dicitur : Convenerunt enim verè in civitate istà adversus Sanctum puerum tuum Jesum, quem unxisti. Herodes & Pilatus cum gentibus & populis Israel, facere, quæ manus tua decreverunt fieri. Quæ enim mors à Christo decreta fuit, eadem à Judæis pravâ intentione executioni est mandata. Hinc Scotus *in 3. Distinct. 16.* inquit, Judæi concordarunt in volito, sed non in modo volendi. Conformiter ad illud S. Aug. *tract. 7. in Ep. S. Joan. & in ps. 97.* Facta est traditio à Patre, facta est traditio à Filio, facta est traditio à Judâ. Una res facta est, sed diversa intentio, diversa facta fecit. Videtis? non quid faciat homo considerandum, sed quo animo & voluntate faciat. Ex quo concluditur, quod mors Christi à Christo præelecta, & à Patre decreta fuerit; Concilium tamen hanc mortem statuens fuit sacrilegum, dum anathematizantes se ipsos, sententiam mortis Christi proprio sanguine scripserunt. In quam rem aptè S. Hier. dicit : Judæos Christo passionis tempore arundinem in manus dedisse, ut velut summus Pontifex sanguine suo sententiam contra ipsos Judæos sacrilegos scriberet. Verba illius sunt *in caput 26. Mat.* Calamum tenebat in manu, ut sacrilegium scriberet. Papa Theodorus referente id Baronio ad annum Christi 640. excommunicacionem scripturus contra Pyrrhum Byzantinorum Patriarcham, unum tantum in Christo voluntatem asserentem; hic inquit Baronius, cum in Vaticano divina ageret, stillavit guttam de sanguine vivifico in atramentum, & propriâ manu excommunicationem Pyrrhi scripsit. Vix scripsit, Domus Patriarchæ ruit, caro & panis domi illius computruit, interierunt pecora &c. Dum Christus suo sanguine subscribit sententiam mortis, imò dum Judæi in sanguine Christi sententiam mortis ferunt, dum clamant sanguis ejus super nos, & super filios nostris, Judæi regno & Urbe privantur, vagi per orbem dissipantur, & usque hodie sine sanguine Christiano eniti non possunt illorum Matres. Si dicas hoc à me dici, non vero probari? Adduco Mancinum *de pass. Dom. l. 3. dissertat. 5. mor. doctr. 5.* Videatur Joannes Ekius in refutato Patrono Judæorum hæretico, qui insuper ait, quod ad Judæos Indos, Thraces; & Arabes mittatur sanguis induratus, qui in pulverem redactus, datur Judæis puerperis. In tantum sitientes Christi sanguinem merito exclamat S. Cypr. *serm. de resurrect.* ut se ipsos maledictione æternâ damnarent, & in parvulos suos ana-

Judæis
Christus
sententiam
mortis a-
rundine
scribit.

Excom-
municatio
Christi san-
guine scri-
pta.

anathematis illius reliquias immobili stabilimento firmarent. Quare cum Pilatus diceret, non invenio in eo causam mortis, ausi fuerunt exclamare Judæi sanguis ejus super nos & filios nostros. Quasi dicerent, si innocens est, tu Judex Pilate eris liber, nos culpam & pœnam in nos suscipimus. Crucifigatur! moriatur! Quod cœsus sit Virgis, quod flagellis cruentatus, quod Spinis coronatus, parum est; plura meritis est, atrociora expectet. Debet mori! Super nos sit vindicta hujus sanguinis. Quod etiam justissimo DEI Judicio factum est, sanguis enim ille quo genus humanum redemptum est, genti Judaicæ miserandum excidium, perpetuum exilium, omnium populorum odium atque irrisiōnem & contumeliā, ac denique plerisque illorum perpetuum interitum & damnationem attulit. In hodiernum enim usque diem divina Justitia vellicat Synagogam dicendo! ubi est innocens Abel? ubi Messias tuus? quid fecisti? Sanguis ejus clamat ad me de terrā. Ante annos paucos commissa est cædes clandestina in Hispaniā, cædis suspicio fuit de pluribus, omnes innocentiam simulabant, & ipse homicidii reus & author, cæteris audacior vultus sereniores induit, ut suspicionem omnem a se propulsaret, sistantur suspecti Judici, qui de loco suo consurgens, jubet omnium nudari pectora, quæ ipse curiosâ manu examinavit, & cum audacissimi illius cor, præ reliquis palpitaret, atrocibus verbis hominem allocutus dixit. Tu fecisti. Territus ille & conscientia propriâ convictus, se reum fassus est. Vos Judæi dum manu plenâ sanguine nascimini, sanguinis Christi vos reos esse ostenditis. Reies insignis Medicus in campo Eliso jucundarum questionum quest. 34. refert: Quod Joannes Spissius miles uxorem suam pulvinari suffocaverit, ad quæstionem attractus, nihil fassus est. Judices ergo Cadaver jam viginti diebus humatum, effodi jubent, ad quod ubi maritus accessit, totum corpus sanguinem sudare, ubi vero jurare supra corpus voluit, etiam sanguine fluere cœpit. Refert idem Danielelem Pradel à Patre & filio Petro & Jacobo Lefant occisum; suspicio erat de his homicidis. Quare Judices cadaver ad oppidum devehi curarunt, quod primo circuiverunt ipsi Judices, neque vulnus indicium dedit, adductus deindè homicida atque circuire jussus fuit, cum primo quasi vulnus aperiri, in secundo vero circuitu sanguis emanare, & tertio copiosè fluere cœpit, absterfo deinde sanguine, alii qui fuerant innocentes circuiverunt, cadaver tamen nulum

*Sanguis
innocens
Christi contra
Judæos
vindictam
petit.*

*Cor palpitans
reum
homicidii
ostendit.*

*Cadaver
uxoris mar-
ritum reum
ostendit.*

lum sanguinis indicium dedit. Etsi vero causæ variæ & naturales assignentur, cur in demortui hominis cadavere possit sanguis fluere; causa tamen nulla assignari potest, cur fluat tantum ad præsentiam ipsius homicidæ, & non alterius cuiusdam præsentis innocentis. Ut non immeritò dicat *Hieronymus Nymanus orat. de Mag. quest. 7.* In cadavere coram occisore sanguinem stillante, si à divina providentiâ recedamus nulla sese manifesta offert ratio. Undè licet cum Aldrovando, profluvium sanguinis dicere possimus naturaliter fieri quandoque, si venæ multo & aquoso ichorosoque sanguine redundaverint. Vel cum Huchero per spontaneum sanguinis motum, ex recenti conflictu etiamnum fervidi & vaporosi cadaveris. Cum Fabiano Hildano ex motu humorum extrinsecè vel intrinsecè accepto, cum enim sanguis in venis & arteriis, diu sæpè fluidus & in concretus permaneat, nec tam celeriter humores corruptantur; fieri potest, ut sanguis resolvatur & effluat? Hæc tamen omnia etsi probent cadaver naturaliter sanguinem fundere posse, non tamen convincunt, quomodo ad rei seu occisoris præsentiam id fiat. Undè ad divinam providentiam recurrendum est, quæ innocentis sanguinis vindex, autorè sceleris vult proditum. Et fundatur hæc opinio in illo *Gen. 4. v. 10.* Vox sanguinis fratris tui Abel, clamat ad me de terrâ. Et *Apopoc. 6. v. 10.* Usquequo Domine verus & sanctus, non iudicas, & non vindicas sanguinem nostrum, de iis, qui habitant in terrâ. Quod maxime in teneris & innocentibus infantibus facit DEus, & necessario factum esse in cadaveribus jam frigidis, aut diu sepultis dici debet. Variis enim modis DEus in vindictam trahit reos, & sanguinis innocentistemerarios decoctores. Mirabile est illud quod Cicero *l. 1. de divin.* narrat, de duobus amicis, quorum unus apud amicum suum, alter apud Cauponem diverterat. Is qui apud Cauponem hospitatus est, alteri in somno adsuit, monuitque sibi à Caupone parari interitum, ut sibi proinde adsit & juret rogavit; sed somnium hic putans, dormire perrexit, adsuit illi secundo rogans, ut quoniam sibi vivo non tulisset opem, saltem mortuum non patiatur inultum. Se enim à Caupone interfectum, in fimi plaustrum injectum esse, & manè ex oppido evehendum. Adsuit ille manè ad portam oppidi, & plaustrum fimi examinavit, atque cadaver amici sui invenit. Væ vobis Judæi! manus vestræ plenæ sunt sanguine, ita enim nascimini, & voluntariâ maledictione condemnati, manum plenam

Causæ fluentis in Cadavere sanguinis.

Sanguis ex cadavere fluens ad præsentiam rei, est divina providentia.

Occus à Caupone socium de morte sua monet.

T t

san-

*Puella à
Judæis oc-
cisa, à Ba-
densi vin-
dictam pe-
sit.*

sanguine abutero materno profertis. Vos! Vos! innocentis Christi sanguine polluti, non abluti estis. Sanguis Christi ille vos persequitur. In hoc sanguine legite innocentiam sanguinis Christi. En sanguis Joseph exquiritur. *Gen. 42. v. 23.* Tremendum est quod anno Christi 1271. accidisse lego. Nempe Vetula quæpiam Judæis puellam Christianam vendidit, quam illi multis vulneribus cruentam & mortuam in fluvium abjecerunt. Post tertium diem puella à piscatoribus inventa est, indicio manus in cælum erectæ; extractum puellæ cadaver in oppidum delatum est. Erat in viciniâ Marchio Badensis, qui audito nefando crimine, ipse ad cadaver accessit, quod statim erectum resedit, & quasi vindictam imploraret ad Principem utramque manum tetendit. Post horam quasi dimidiam rursus se reposuit supinum defuncti more, & requievit, usque dum suspecti adducerentur Judæi, & tunc vulnera copiosum effuderunt sanguinem, atque homicidii reos prodiderunt. Vel ipsæ manus veteræ cruentæ, quibus rei sanguinis & Vitæ Christi contaminatique generamini, vos illius innocentis Christi sanguine pollutos contestantur, ut verum sit illud *Josue 20. v. 5.* Sanguis ille persequitur vos, & redundat in capita vestra.

*Mors Ebri-
fi nobis u-
nionem de-
dit.*

Non sic nobis accidit Christianis, quibus mors Christi unionem attulit, ut inter nos cum Christo, in vinculo Charitatis viveremus. Sic enim *Joan. 17. v. 22.* inquit ipse Dominus: Claritatem quam dedisti mihi dedi eis, ut sint unum. Maldonatus noster in *Joan.* Ideò pro illis morior ut unum sint, do igitur illis hanc unitatem spiritus quam illis merui. Et hic est ille thesaurus amoris, quem Christus moriens inclinato in pectus capite ostendit. Refert in Vita Leonis Platina, quod in Apuliâ inventa fuerit statua ærea, cui in capite hæc inscriptio apposita fuit. Calendis Maji oriente sole caput aure-

*Statua Ca-
tendis Asa-
ji umbra
thesaurum
designat
J.N.R.J.*

um habebat. Quidam prima Maji orientis solis umbram observavit, quam caput fecit, ibique in Umbra defossum thesaurum reperit. Christo in Cruce pendente erat hora quasi sexta scilicet in meridie, stabat sol perpendiculariter, inclinans Christus caput umbram projecit in pectus, & quia capiti apposita erat superscriptio, J.N.R.J. Legit Longinus Invenies Nummos Require Intus, adeoque lanceâ pectus fodicavit, & thesaurum scrutatus est *Joan. 13. v. 34.* Unus militum lanceâ latus ejus aperuit, & continuo exivit sanguis. Alphonsus Paleotus Cardinalis *tract. de pass. Dom.* dicit, quod Christus san-

*Titulus le-
gendus.*

guinem

guinem ibi velut in secretiore corporis parte reconditum nobis velut ultimum amoris pignus exhibere voluerit. Locum enim illum clavus non perforabat, spina non pungebat & flagellorum sulcatio non aperiēbat. Lancea igitur paratur jētui locus, vocat Christus militem, quasi diceret, occultum in morte sanguinis mei thesaurum nondum invenit impius persecutor. Hunc ergo tu scrutare, & invenies ex meo latere emanare thesauros Ecclesiæ DEI, ipsa nimirum Sacramenta in lavacrum regenerationis humanæ, & ablutionem omnium peccatorum. Inclinato ergo capite moritur JESUS, ut quando jam omnia dedit, videat quid adhuc vel dandum superfit, vel allicui dare possit. Pulchrè S. Bern. O quam munificus factus es bone JESU! quam largè omnia quæ habuisti, tradidisti? Latroni parasydum, Joanni Matrem, Matri Joannem, mortuis vitam, manibus Patris animam, toti mundo signa potentiae tuæ. Liberalior longè fuit Christus, quam Marcus Lucius Romanus Eques, qui cum prodigisset omnia, & pauper factus esset, nihil sibi superesse dixit præter cælum & cœnum. Christo nec cælum superfuit quod donavit Latroni, nec cœnum seu terra, quia sepultus est in sepulchro alieno. Alexander Macedo navigaturus antequam in mare conscenderet amicis largissimè omnia donavit. huic enim castrum, illi villam, isti vectigal, alteri auri vim maximam. A Parmenione rogatus quid Regi superesset? blandè subridens dixit, spes acquirendi majora. Fecit hoc moriens in Cruce DEUS, qui vestes & ipsam Matrem suam donavit. Scilicet illi spes certa superfuit obtinendi majora, adeoque etiam post resurrectionem suam exclamat: Data est mihi omnis potestas in cœlo & in terra.

*Lateris
Chrīstian-
persio.*

*Inclinato
capite mo-
ritur JE-
sus.*

*Romanus
Eques
Marcus
Lucius pau-
per mori-
tur.*

*Christus in
Cruce mo-
riens est li-
beralis.*

Mirabile videri posset, quod Christus Zacchæum, qui in sicum ascenderat, ab arbore evocaverit. Quid obsecro turbavit Christum ascensus Zacchæi in arborem? ut dicat Zacchæe festinans descendere? Respondet hic S. Pater illam arborem præsignificasse Crucem Christi, quam ipse Christus ascensus erat. Undè inquit Zacchæus ascenderat in Crucem, quam Dominator ascensus erat. Et hinc est quod lapidari noluerit, sed Judæis lapidare volentibus se subduxerit, non quia mori timuit, sed quia Cruci se reservavit. Et hinc mors Christi in cruce omnino fuit voluntaria, licet à Patre æterno fuerit decreto sancita. Adeoque quando dicitur, quod Chris-

*Zacchæus
ex sicu de-
scendere
jubetur.*

factus sit sub lege, intelligi debet de lege voluntaria; non verò ex aliquo debito vel necessitate. Ipse enim oblatus est, quia ipse voluit. Quod de Christo tam in templo præsentato, quam in Cruce mortuo intelligi debet. Quare dum malitiosè licet, dicunt Judæi *Joan. 19. v. 17.* Nos habemus legem, & secundum legem debet mori, quia filium DEI se fecit. Verè tamen dixerunt, quia scriptum est *Dan. 9. v. 26.* Post hebdomadas sex occidetur Christus. Etipse Christus de se dixit: Nonne sic oportuit pati Christum *Luc. 24. v. 26.* Et tamen non obstante hac lege seu decreto divino oblatus est, quia ipse voluit. Unde licet verum sit, quod DEus, qui nos fecit existere de nihilo, revocare nos non potuerit, nisi per mortem suam & passionem, hoc tamen intelligendum sic est, quod stante præcepto id fieri debuerit, quod tamen præceptum voluntariè suscepit, neque in eo dispensationem, quam petere poterat, habere voluerit. Spontè ergo mortem in cruce subiit, & tamen etiam mori debuit, non necessitate coactionis, sed immutabilitatis decreti facti. Hinc S. Anselmus dum objectionem Gentilium examinat, qui nobis objecerunt. Si aliter peccatores salvare non potuit? ubi ejus omnipotentia? Si vero aliter potuit, & non voluit, quomodo defendemus ejus misericordiam & Justitiam? Eleganter respondet. DEus nihil potest dimittere inordinatum, sed si peccatum dimitteret impunitum, dimitteret aliquid inordinatum. Punire autem potest DEus peccatum dupliciter, vel per Justitiam in inferno, vel per misericordiam in præsentia. Sed non convenit divinæ bonitati, totaliter perdere naturam humanam in inferno, quæ tamen tota obligabatur per peccatum Adæ, oportet ergo, quod hic recipiat satisfactionem, & quidem ab eo qui potest & debet. Sed homo non poterat satisfacere licet debebat, DEus vero poterat, sed non debebat, oportuit ergo ut satisfaceret homo DEus, nempe homo, qui debebat, & DEus, qui posset. Mori ergo debuit bonus Iesus, hoc ipso felicissimos nos reddens, quod nos à morte æternâ liberaverit, & quod morte suâ ipsam mortem vicerit ac debellaverit. Pulchrè *S. Hier. Ep. 3. ad Heliodor.* ipsius ex Nepotiani morte conceptum mœrorem levaturus. O mors devorasti nostrum Jonam mysticum, ut tempestas mundi conquiesceret, & Ninive nostra illius præconio salvaretur. Illius morte tu mortua, illius morte nos vivimus. Videbatur homo totus ad labores & angustias natus; Videbatur

Christus
mori debuit
quia vo-
luit.

debatur ſol ipſi lucere tantum ad damnum & miſerias ſpectandas, cœcutiebat in DEO ſummo bono inſpiciendo. Nunc aliter ſe res habet; ſedatæ ſunt tempeſtates, mortis ſpiculum eſt cominutum, arcus contractus eſt, & mors quæ ante ferociebat, modo nec ab inſantibus, timetur. Gratias tibi Salvator inquit citatus S. Hieronymus, gratias inquam tibi agimus creaturæ tuæ, quod tam potentem adverſarium noſtrum dum occideres, occidiſti. Videmus hoc accidiffe 3. Reg. 19. cum Elia Prophetâ. Cum enim is intellexiſſet vitæ ſuæ inſidias Iſtrui à Jezabele, timuit; & ſurgens abiit. Mira res! Elias modo timet mortem, qui ignem nuper de cœlo evocabat, qui cœlum aperire & claudere noverat, qui iram Regis Achab infregit, qui Regem non timuit, modo Jezabelem fugit. Pulchrè S. Chryſoſtomus *hom. de Elia & Petro*: DEus declarare voluit, illa miracula quæ offenſa fuerunt, non ab Elia, ſed ſuâ potentiâ facta eſſe. Vide inquit quid faciat, Quo tempore DEus ipſe operabatur, Reges, Prin-
Elias mor-
tem timens,
ſub junipe-
ro anima-
tur.
cipes, & populi ſuccumbebant ipſi Eliæ, at verò cum DEus abſceſ- ſit, etiam mulier una, illi prophetæ terribilis viſa eſt. In Jezabele agnoſcit mortem, quæ ante adventum Chriſti omnibus fuit terribilis. Porro comitemur fugitivum Eliam in deſertum, ad hoc cum perve- niſſet, totus ſaſſus confedit ſubter unam Juniperum, & petivit animæ ſuæ ut moreretur. Quærit S. Chryſoſtomus: Quomodo? Elias fu- git Jezabelem, & ideo fugit, ne occidat; & jam ſub umbrâ Juniperi confidens, ipſam mortem implorat, & mori vult. Planè egregie Rupertus Abbas. Confugit ad vivificum lignum Crucis, illic am- bit mortem, illic feſtinat commori Chriſto, ut cum eodem fiat par- ticeps gloriæ. Agnovit nimirum Elias, in ſpinosâ Junipero myſte- rium paſſionis & mortis Chriſti in Cruce, in cujus agnitione, ita il- luminatus fuit & animatus, ut mortem nihil amplius timuerit. Pla- cuit hæc Juniperi allegoria Dionyſ. Carthuſiano, ut dixerit per ſpi- noſam Juniperum, cujus umbra fugat ſerpentes, & ſub cujus cene- ribus diu conſervatur ignis, intelligitur Crux Salvatoris Chriſti, in quâ ipſe mortis aculeos toleravit, quæ ſuâ virtute fugat dæmonia, & cujus memoria conſervat ignem amoris divini. Sub hac Cruce ergo debemus ſedere, hoc eſt amoroſo corde revolvere, quid, quanta, & qualia paſſus ſit filius DEI. Nec abſque re eſt quod Angeli ſæpius viſi ſint in loco paſſionis confediſſe. Sic apud Joſue angelus conſe- dit ſub quercu, quaſi jam tunc Angelis amabilior locus non fuerit

ipsâ Cruce. Sic in Evangelio *Matth. 28. v. 2.* Conſederunt angeli ad monumentum, & invitarunt pias mulieres: Venite & videte locum, ubi poſitus erat Dominus. Quod mirum videri non debet, quod ibi conqueſcant angeli, ubi ipſe Angelorum Dominus caput ſuum reclinavit, & velut ſub umbra crucis quievit. Lipomanus ſuper illud *Gen. 22.* ubi Abraham volens ſacrificare filium, cum fuiſſet ab Angelo prohibitus, juſſusque arietem cornibus hærentem in vepribus ſacrificare, dum inquam eundem in holocauſtum obtuliſſet, obſervat pulchrè, quod Abraham finito ſacrificio redierit ad ſervos, textus autem nihil aliud dicat, quam abierunt ſimul Betſabec, & habitavit ibi. Magna res exclamat Lipomanus, nihil juſtus de tanto opere vel promiſſis dicit, ſimpliciter arbitrabatur ſe feciſſe, quod obligabatur, & Domino debebat tanquam ſervus inutilis. Ego quidem inquit rem planè arduam credo, adeoque facinus plane generoſum, intuitu cujus DEus illi promiſit, adventum Meſſiæ. Quia feciſti rem hanc, benedicam tibi & benedicentur in ſemine tuo omnes gentes. Quidam putant, quod DEus tenuerit manum Abrahamo, & quod ſic reſpexerit, viditque poſt tergum arietem inter vepres hærentem cornibus, quem aſſumens obtulit holocauſtum pro filio. Syriaca verſio habet. Ecce aries unus pendens in arbore Sabech. Quod explicat Procopius & dicit, hanc figuram fuiſſe Chriſti in Cruce pendentis, quam arborem ipſe conſcendit in mortè ſuâ, in eaque pependit clavis affixus, & in Cruce pro nobis mortuus eſt: Scilicet poſtquam vidit Abraham figuram Chriſti Crucifixi, eique revelatum fuit Crucifiſgendum filium DEI propter peccata noſtra, ſtatim omnis amaritudo paſſionis tranſiit, nec videbatur ſibi aliquid magni feciſſe, licet promptiſſimus fuerit ad immolandum filium Iſaac. Tanta in virtutem habebant ſolæ figuræ, & umbra Chriſti in cruce morientis, ut omne amarum in memoriâ futuræ paſſionis dulce redderetur. Benè concludit Lipomanus, Lignum id eſt crux Chriſti, dulcia facit omnia hujusmodi adverſa. Quia ſanguis Chriſti & mors, omnem triftitiam abſtulit morituris pro Chriſto, multique ſancti Martyres etiam in morte majorem habuerunt voluptatem, quam filii hujus mundi, vel in ipſis nuptiis. Non ego hic commemorabo Apollonias, Barbaras, Catharinas. Non dicam Andreas, Stephanos, Laurentios, non integras catervas SS. Martyrum per cenſebo, obvia muliercula in amplum teſtimonium ſufficiet.

Tem-

*Abraham non extol-
litur in
conſidera-
tione Chri-
ſti Crucifi-
xi.*

*Cruce Chri-
ſti omnia
facit dul-
cia.*

Tempore Valentis Imperatoris viscebatur à plurimis illustre templum
 S. Thomæ Apostolo sacrum, quod indignè serens Imperator, man-
 davit Præfecto, ut populi concursum prohiberet, sed quia manda-
 tum dissimulavit Præfectus, indignatus Imperator, eidem alapam
 inflixit. Contumeliâ hac affectus infremuit quidem, sed tamen cru-
 delitatem exosus, monuit ne aliquis à se in templo deprehenderetur.
 Tunc enim verò animosior factus est concursus, & in ipso itinere
 Præfecto obvia fit mulier, quæ interrogata, quo infelix tenderet?
 respondit quo alii pii Christiani. Cui cum miles dixisset. Non audisti
 Præfectum omnes interempturum, quos ibi reperiret. Audivi re-
 spondit mulier, & ob eam causam festino, ut & ipsa ibi inveniam.
 Fregit non tantum Præfectum, sed ipsum etiam Imperatorem, tam
 constans in muliere hac animus. Utique morte Christi confirmatos
 Sanctos Martyres, nulla tormenta Tyrannorum frangunt. Pontia-
 nus nobilis adolescens à Fabiano Præsidente ardentibus prunis inambu-
 lare iussus fuit, fecit; & in prunis consistens Præsidentem sic allocutus
 est. Ecce in nomine Christi DEI mei, illæsus prunas tuas veluti ro-
 sas calco. Tu si Scævola es, vel in aquam feruentem manum tuam
 impone, & experire, num te Jupiter DEus tuus sit à dolore & læ-
 sione liberaturus. Quibus dictis incensus Tyrannus, corpus sancti
 Martyris unguis ferreis dilacerari iussit. At verò fracta sunt omnia
 martyrii instrumenta, & pellis ne quidem læsa fuit. Quare in ob-
 securum carcerem abjicitur, ubi angeli divinâ luce omnem caliginem
 dispulerunt. Objicitur Leonibus, sed à famelicis licet, non lædi-
 tur, ultimo in sartagine abjicitur, & plumbo liquato perfunditur,
 ac torretur, sed neque sic læditur, usque dum gladio cæsus Martyr
 occubuit. Verum ad nostra accedamus tempora, videbimus vel
 ipsos parvulos maxima Tyrannorum tormenta risisse. Narrat Tho-
 mas Bozius de signis Ecclesiæ l. 11. signo 43. Puerum quendam Com-
 morino ad Malabares Caletum inter prædationes abductum fuisse.
 Hic puer duodene major non erat, datus est in donum cuidam Re-
 gulo Mahometano, qui gratiâ & formositate pueri allectus, nihil
 non egit, ut eum à fide Christi abduceret. Promisit in matrimonium
 filiam, quam ei mirè ornatam stitit, sed neque blanditiis neque mi-
 nis aliquid potuit efficere. Puduit barbarum vinci à puero, adeoque
 martyrio afficitur. Frustratim manus pedesque confracti & divisi
 sunt. Inter hæc tormenta dixit puer, se nunquam suavius vixisse.

Mulier promptior ad subeundam quam Tyrannus ad inferendam mortem.

S. Pontianus pruna non pruna ardentes rose videbuntur.

Puer duodennis in fide constans Mar-tyr occumbit.

tandem

tandem inter continuatos cruciatus mortuus ad superos evolavit. Alius minoris ætatis puer Japon Petrus nomine, Anno Christi 1609. uti testatur Bartolus *p. 2. Asie l. 2.* cum parens martyrio affectus esset, more gentis in societatem martyrii fuit attractus. Hic cum à domo paternâ abesset, & in domo avi sui repertus fuisset, ad necem postulatus suaviter quiescebat. Evigilans intelligit se mortis causâ peti à Carnificibus. Benè inquit est, date vestes pulchras, quibus festatim induit, & cum Carnifices æquis passibus insequi non posset, ab uno ex Carnificibus est portatus. Ubi ad locum supplicii venit, petit ubi pater esset? Carnifices illi corpus parentis monstrarunt in plurima frustra dissectum. Quo nihil turbatus, statim ad cingulum usque se denudavit, & corpus cuivis vulnere aptavit. Jubentur amputare caput Carnifices, accedunt, sed reformidant, ferè quadrante integro expectavit ictum puerulus, usque dum ipse aliquem invitavit, paratior ad ictum excipiendum, quam carnifices fuerint ad inferendum. Cum tandem accessit unus, cui ex commiseratione ictus aberravit, neque prius, quam tertio ictu gloriosum caput cecidit. Adjungo ex parvulis tertium, in quo constantia virilis eluxit. De hoc *martyrol. Rom. 24. Octobris* habet, quod cum Mater frontem illius sanguine S. Aretæ M. inunxisset, puer magno ardore martyrii accensus fuerit, sic ut matrem ad rogam usque sequeretur, cum vero Tyrannum in alto folio conspexisset, puer pro matre balbutiens peroravit. Rex genibus suis impositum interrogat, an secum; an potius cum matre permanere vellet? Matrem inquit, nam propter illam ad te veni. Solvatur ergo; sin minus? me simul martyrii socium habeat, ad quod illa me toties hortabatur. Tunc Rex puerum rursus interrogat. Quid vero hoc est, quod dicis martyrium? Respondit puer, est pro Christo mori, & rursus vivere. Quærit iterum Rex, quis est hic Christus? Veni inquit puer huc ad Ecclesiam, & illum tibi ostendam. Dum vero Rex puerum multis crepundis demulcet, ubi puer vidit matrem in flammis injici, regis femur momordit, & is à Rege excussus, directè ad flammam accurrit, atque in illas insiliit, ibique in complexu matris mortuus est. Benè profecto Tertull. *l. de anim. c. 50.* ait publicâ totius humani generis sententiâ, in mortem naturæ debitum pronunciamus, hoc sponndit omne quod nascitur. Mox enim ut vitam ingreditur homo, mortis clientem se profitetur, eique homagium ut vocant, præstat, & velut

Puer parvulus ad mortem promptior quam carnifices ad occidendum.

Puer mavult mori Martyr, quam in gratia regis vivere.

Mori omnes debemus.

lut in manus compromittit. Etenim inquit dictus Tertullianus de *Carne Christi* c. 6. mutuum debitum est inter se nativitati cum mortalitate, forma moriendi causa nascendi est. Christus mori iustus, nasci quoque necessario habuit, ut mori posset. Non enim mori debet, nisi quod nascitur. Quasi diceret, non potest homo per mortis portam egredi, nisi prius per vitæ januam fuerit ingressus. Nam ut S. Chrysostomus *hom. 42. in Mat.* inquit, ideo morimur, quia nascimur, & cum in vivis homo esse incipit, tunc albo mortuorum adscribi potest. Hanc veritatem assecutus est Seneca *l. de Consol. ad Helvid.* c. 11. Quisquis ad vitam editur, ad mortem destinatur. Ergo mors vitam loco pignoris arripit, ut certum habeat debitum. Pulchrè hoc explanat Nissenus *in suo Cæli Polit.* p. 1. l. 2. c. 6. per Herodis Regis ingeniosam structuram de quâ Flavius Josephus *l. 3. de bello Judaico:* c. 16. Tumulum inquit ille in mammæ formam manufactum excitavit, qui stadiorum sexaginta spatio ab Hierosolymis aberat. Mirabilis fuit ea tumuli in mammæ formam compositi figura. Si illarum *Herodes* superbarum Ægypti pyramidum instar fuisset, aut quale illud Arthemisæ mausolæum, neminè figuræ novitas traheret, in admirationem, *tamulum* sed quod ad similitudinem uberum confectus fuerit, quis tale ali- *in mamma* quando vidit? Quid verò miri, si nativitati cum mortalitate mutuum *formam* inter se est debitum iudicio Tertulliani? prudens inventum fuit, ut *edificat.* indè acciperemus ubera materna, unde primæ vitæ alimoniam recens natus infans haurit; tumulumque cui denatus infertur, ita sibi mutuo sciat respondere, ut tunc in mortuis statim numerari possit homo, quando in vivis esse cœpit. Mors enim ex nativitatis malo nascitur. Quod cum scirent sancti Martyres, debitum pœnamque mortis, quam Christus pro nobis sustinuit, verterunt in instrumentum Virtutis. Audiendus est namq; Author operis Imperfect. *hom. 26.* Si ergo post modicum morituri sumus, nullâ DEI causâ proposita, quomodo non ante modicum, in DEI causâ cum gloriâ morimur, ut fiat voluntarium, quod futurum est necessarium. Non enim otiosa *Morien-* est S. Greg. Mag. *l. 5. moral. c. 30.* commonitio. Iusti mortem, quam *dam glo-* vitare funditus nequeunt, cum pro Virtute imminet, differre con- *riose pro* temnunt, eamque dum æquanimiter ferunt, pœnam propaginis *Christo.* vertunt in instrumentum Virtutis. Et hæc causa fuit cur S. Ambr. vi- *S. Ambr.* tam suam periculis exponere non dubitaverit, qui magis cohorrui- *in periculis* quando ab Arianis lauto exceptus est convivio, quam quando mina- *impeturbatus.* bantur

bantur carceres, & millena mortis pericula. Novit hic Sanctus Præsul, vitam suam in solius DEI pendere arbitrio, qui illam etiam inter medios hostes potest servare illæsam; cui vel ipsa aranei tela fortissimus murus est, à nullo tyranno expugnandus. Sicut accidit S. Felici, quem aranei textura fortius, quam ullus clypeus defendit. Taceo quam plurimos alios, qui vel cœli obtinendi desiderio, vel metu offendendi DEum, instantèr optarunt, vel venientem mortem exceperunt. B. Aldomira Virgo Castellana, cum ei mortis suprema hora annunciata esset, exclamavit: Hæc illa ultima hora est, quâ Dominus à famulâ suâ nequeat amplius offendi. Sancia Carilla accepto divinitus nuntio se post annum primo morituram, mirè ejulans dilatam mortem est lamentata. P. Joannes Sanchez tanto cœli ardebat desiderio, ut diceret si certò sciret, se illâ die non moriturum, satis id fore, ad se ex vivis exturbandum. Pari desiderio flagravit S. Theresia, quæ concinens illa verba: Videant te oculi mei suavissime Jesu, adeo in ecstasim raptâ fuit, ut velut exanimis in lectulum suum reportari debuerit, ubi usque in diem sequentem extatica jacuit. Rarum hoc Gerardo S. Bernardi Germano fratri accidit, ut is moriendo Cygni instar cantaret, & cantando moreretur. Accitus ego sum inquit S. Bern. *serm. 26. in Cant.* ad id miraculè; videre nempe in mortè exultantem hominem, & mortis quasi insultantem; Ubi est mors stimulus tuus? Jam non est tumultus sed júbilus; jam cantando moritur homo, & moriendo cantat. Verè omnino stimulus mortis per Christi mortem contractus est, & mors, quæ antea omnium terribilium terribilissima habita est, ut fugeretur ab omnibus; post mortem Christi magnis sæpè desideriis & suspiriis appetatur. Georgius Charentiæ Comes ob suspicionem affectati regni ab Eduardo Angliæ Rege fratre suo jussus mori, & mortis sibi genus eligere, mortem elegit suavem, nempe in vino malvatico suffocari. Conjectus igitur in vas plenum vino malvatico, tandem bibendo suffocatus est. Ludicra hæc est delicatorem hominum in confinio salutis de morte cogitatio, quæ fortè dum palato suavis accidit, inspidam tandem deglutivit æternitatem. Nulla mors suavior esse potest, quam quæ fit in vulneribus Salvatoris. Occurrit hic quod P. Allegambe in *bibliotheca scriptorum Societatis Jesu refert*, de quodam Societatis Sacerdote, qui Passioni Christi devotissimus singulis diebus DEum instantissimè rogavit, per angustiam morientis Christi, ut sibi

S. Felicem
contra bo-
sses ara-
nei tela de-
fendit.

Aldomira
mori gau-
det ne DE-
um amplius
offendat.

S. Theresia
mori anhe-
lat, ut JE-
sum videat.

Gerardus
cantando
moriatur.

Mors sua-
vis in vino
Malvati-
co.

Mors verè
suavis quæ
fit in vul-
neribus
salvatoris.

sibi beatam ac felicem mortem concederet. Hic cum jam in agone jaceret, & crucifixum ligneum manibus teneret, atque id ipsum à Christo amorosissimè peteret, simulque exclamaret: In manus tuas Domine, commendo spiritum meum. Viderunt circumstantes lignum Christi corpus paulatim se à Cruce solvere, excidere primum clavos ex manibus, deinde etiam à pedibus, deinde sese demittere, & corpus suum infirmi Corpori, & cor Cordi applicare atque morientem amplecti. O verè suavis mors, quæ in amplexibus Christi amore nostri mortui est terminata.

*Moriente
tem Cruci-
fixus solu-
tis à ligno
manibus
amplexatur.*

Nec terreat nos luctuosus ille plañtus de quo Euseb. l. 5. præpar. Evang. c. 9. ex Plutarcho refert, quod sub Tiberio apud Paxas insulam audita vox fuerit tristissima, Magnus Pan mortuus est. Et subito insonuit gemitus innumerabilis multitudinis, quæ comuni plañctu morientis in Cruce Christi exitum & mortem deploravit. Gemitus enim hic, aliud non fuit, quam dæmonum luctus, qui tardè nimium, etiam per uxorem Pilati mortem Christi impedire volebant, sed non poterant, quia per hanc una cum morte devicti & debellati sunt. Sic enim Habac. 3. v. 5. dicitur. Et egredietur diabolus ante pedes ejus. Ubi vides post devictam mortem, triumphatum pariter esse dæmonem. Pulchrè proinde S. Chrysostomus hom. de Cruce & Latr. Decuit splendorem Crucis, illuminare credentes sola enim Crux est quæ dissolvit tenebras & regnum dæmonum dissipavit. Crux nobis Sol Justitiæ factus est. Neque etiam est quod tenebras timeamus, quas integro trihorio perdurasse. Mat. c. 27. v. 45. scribit, à sextâ autem horâ tenebræ factæ sunt super universam terram usque ad horam nonam. Quas S. Hier. in c. 27. Mat. dicit inductas, ut natura ipsa ostenderet se Deicidium detestari, nec intueri posse. Quæ defectio juxta S. Hieronymum citatum, & S. Augustinum Ep. 86. ad Hesichium fuit omnino super cursum naturæ, cum fuerit in plenilunio quando non fuit Luna sub Sole, sed soli erat opposita, & rectè tunc Judæi celebraverunt pascha, quod ex præscripto Moyfis debebat celebrari in plenilunio. Adverto autem cum Nysseno tom. 2. Dom. 21. post Pentec. quod DEus, quando Exod. 10. v. 22. induxit tenebras super universam Ægyptum, toto triduo illas continuaverit, cum tamen in tremendo illo deicidio non voluerit tenebras esse nisi tribus horis. Ut intelligamus inquit Nissenus quanto majoris DEus æstimat injurias obstinato illi populo factas, quam offensas

*Tenebræ
moriente
Christo factæ sunt.*

*Velo scisso
via ad cœ-
lum pandi-
tur.*

*Velo scisso
columba
Spiritus a-
volat.*

*Christo in
Cruce passum
tota terra
movetur.*

*Monumen-
ta aperta
sunt.*

*Petræ scis-
sæ sunt.*

propriam ab ipsis illis populis, sibi illatas, utpotè qui suammet mor-
tem tam turpem & crudelem trium solum horarum Ecclipsi vindica-
vit, populi autem sui servilem oppressionem trium dierum densissi-
mis tenebris castigavit. Adeo vel in ipsis tenebris, punientis DEI be-
nignitas clarescit. Sed & in Christi morte velum scinditur, ut intel-
ligamus, vel nunc patefactam nobis viam esse, quâ in cœlum ten-
damus. Quod cum hætenus clausum fuerit, nunc tandem per pas-
sionem Christi est reseratum. Advertit autem S. Ephrem. *serm. de pass-*
quod quando velum templi scissum fuit, ex templo evolaverit Co-
lumba, quo DEus uti dicit Theodoretus in c. 15. Marci manifestare
voluit, quod gratia Spiritus sancti, quæ hætenus Synagogæ fuerat
concessa, ad veram Ecclesiam Christi transiverit. Sic plane in mor-
te Christi, terra mota est, & quidem universa, uti vult Orosius l. 7.
c. 4. non solum ut significaretur quasi naturalis sensus terræ ad tan-
tum scelus indignantis, sed etiam ut Eusebius clarè asserit, templi
superliminare collapsum est, atque Angeli templi Præsides auditi
sunt, qui dixerunt, Migremus hinc. quod tamen Josephus de bello
Judaico ad excidium Urbis & Templi transfert, utinquam discamus
DEum penitus à Synagogâ recessisse. Monumenta aperta sunt, ut o-
stendatur vi passionis Christi, mortem esse superatam, & vitam no-
bis esse restitutam. Petræ quoque scissæ sunt, tam in ipso monte Gol-
gothæ, quam in montibus Alvernæ, ubi S. Franciscus erat à Scra-
phino aliquando crucifigendus. Ut & nostra scindantur corda,
quando omnia moriente Christo moventur, rumpuntur, scindun-
tur. Verè omnino & benè observat Eusebius *de prepar. Evang.*
Omnes creaturas in morte Christi modo suo, signa doloris & com-
passionis dedisse, solum & unicum mare stetisse immotum. Stella
in c. 12. Luc. dicit hoc factum esse, quia mare est Symbolum pecca-
toris. Ita enim Isa. 57. v. 20. Impii quasi mare feruens. Ut ostenda-
tur inquit Stella, quod solus impius peccator non moveatur ad com-
passionem, spectando tot ac tanta morientis Creatoris sui mysteria.
O summan hominis peccatoris ingratitude! quam sufficienter
mirari non potuit S. Hieronymus: Quare inter suspiria & lachry-
mas in c. 26. Mat. exclamat: Omnis natura compatitur Christo mo-
rienti, sol obscuratur, terra movetur, petræ scinduntur, velum tem-
pli dividitur, sepulchra aperiuntur. Solus miser homo non com-
patitur. Tuentur se quidem hæretici nostri temporis, verbis illis

Luc.

Luc. 23. v. 24. Nolite flere super me, ideoque non tantum die Veneris Sancto, sed & totâ illâ hebdomadâ sumptuosa agunt convivâ. Sed audite cœcissimi mortalium; audite inquam Adamum Contzen *de consens. Evang.* scilicet non tam super me flete, quam super vos ipsos, utpote quibus mors mea cedit in æternam damnationem. Cœterum cum Christus ipse cœperit contristari, parere, & mœsus esse, cur nos tunc inani gaudio evanescamus? cur non cum Christo Jesu in Cruce sitiente, sitiamus potius & jejunemus, quam ut commensationibus & compotationibus intempestivis nos ingurgitemus; maximè cum legamus Veteres & primos Christianos, hac hebdomadâ majore, se vigiliis, jejuniis, & humicubationibus afflixisse. Ut vel sic suam erga Christum morientem compassionem contestarentur, quod jejunii genus nempè in abstinentia ab omni cibo, vel saltem in solo pane & aquâ cum veteres Carenam dixerunt, ad nos Germanos defluxit verbi illius usus, ut hebdomadam illam dicamus die *Earmochen*. Quid tu ô anima Christiana? pro cujus salute ipse pro te amantissimus tui, mortuus est Jesus? si jejunia perferre nescit corporis debilitas, si humicubationes recusat fragilitas, si flagra & Cruces nequit tolerare Complexionis teneritudo, hoc unum cum S. Augustino superius citato exigo. Sittibi in corde fixus Jesus tuus, qui pro te fixus fuit in Cruce.

*Cariss.
Gen.*



DISCURSUS XXIV.

Christus sepultus est.

Urcæ non volunt Christum verè mortuum esse, adeoque nos Christianos rident, quod tantâ veneratione ejus sepulchrum colamus. Cum tamen ipsi tam sollicitâ religione, ne dicam vesanâ superstitione sui Mahomet sepulchrum venerentur; & ipsa prisca gentilitas apud Cretenses Jovis supremi Deorum delubrum celebraverit. Sic enim apud Cretenses habetur simulachrum Jovis, cum hac Epigraphæ: *Hic sepultus est Jupiter.* Quid mirum

nunc si in omne scelus proruat gentilitas, quia mortuum DEUM habet, qui nunquā amplius, nec suā nec aliena Virtute resurget. Et certe tam prisca ætas, quam moderna nostra tempora, & omnis retro acta sæculorum gentilitas, Et tam veri DEI cognitione illustrata Synagoga, quam vera Christiana Ecclesia, in illā semper fuit concordie religione, ut licet gentilium plurimi non crederent futuram resurrectionem, semper tamen singularem sui funeris habuerint curam, ut corpus cuiuscunque defuncti hominis, honestā curaretur sepulturā, & vel ipsi cineres qualicunque tandem pietate & à naturā insitā religione colerentur. Quod tanto magis apud eos semper vim habuisse videtur, qui veræ fidei lumine illustrati, futuram Carnis resurrectionem credimus, quia spem certam reviviscentiæ habemus, & unionem novam animæ cum corpore longe firmiorem, in die iudicii piæ & religiosè speramus. Hinc enim verò vel in ipsis Sacris paginis legimus, quam religiosa fuerit cura Patriarchæ Abrahamæ integro plane *Gen. 23. capite*, in curando funere Saræ uxoris suæ, quæ ubi exactis 127. annis mortua est, præmisso officio funeris & planctu, sollicitè sepulta est per Abraham, apud filios Heth; & apud Ephrem filium Scor instituit, ut sepeliret uxorem suam in speluncā duplici, quam ære suo comparavit. Dicitque textus *Gen. 23. v. 19.* Atque ita sepelivit Abraham Saram uxorem suam in speluncā agri duplicis? In quem locum Abulensis. Vocatur spelunca duplex, quia erant duæ speluncæ, & in unā sepeliebatur vir, in alterā uxor. Cur obsecro Abraham quod moris est, non in eodem cum uxore tumulo sepelitur? Scilicet matrimonium inquit est nexus solā morte dissolutus; hinc si resurgeret alteruter, cum quovis esto vivente adhuc marito contrahere posset. Quod probè sciens Abraham, Saram scilicet per mortem non amplius esse uxorem suam, eam suo noluit commisceri cineri, ut nos doceret, cohabitationi non fidere mutuæ, qui adhuc calemus. Et hinc Clemens Alexandr. *l. 3. Strom.* legem refert, quæ præcipit ut adulter obruatur lapidibus, sed non in eodem loco etiam adultera, ut mors quidem eis sit communis. Usque adeo lex omnem occasionem intercidit. Quod in mortuis cavendum est corporibus, æquè & magis cavendum est in pictis & visis *Apoc. c. 17. v. 3.* Angelus Joanni Virgini lascivam mulierem monstravit, sed eum prius carne & corpore quasi exuit. Et abstulit me quasi in spiritu, & vidi mulierem super bestiam sedentem. Ut Joannes

*Si non est
resurrectio
aliquid a-
pud omnes
est tanta
cura fune-
ris.*

*Fœmina-
rum con-
sortium
periculo-
sum.*

*Adulter
cum adul-
tera non in
eodem loco
lapidantur.*

secu-

securè aspiceret mulierem lascivam, eum extra corpus rapit. Hugo in locum præsentem. Non incongruè hoc arbitror accidisse, quo nos docuit, ut à mulierum consortio abstineamus. Quid tu adolescens impudens dices, qui effigiem amasiæ tuæ velut libidinis jugum in collo tuo circumfers? Scilicet tu Joanne castior es? qui ut tutè mulierem videret corpore exutus est. Redeamus & nos ad exuti corporis exuvias; & ipsius Abrahami funus quam sollicitè ab Ismaële & Isaac fuerit curatum videamus. *Gen. enim 25. v. 8.* ubi dicitur, quod deficiens mortuus est in senectute bonâ provectæque ætatis & plenus dierum, congregatusque est ad populum suum, statim subjungit *v. 9.* Et sepelierunt eum Isaac & Ismaël filii sui, in speluncâ duplici, quæ sita est in agro Ephrem filii Seor Hethæi, ubi sepultus est ipse, & Sara uxor ejus. Pari sollicitudine sepulta est Rachel & Isaac *Gen. 35. v. 19.* Mortua est ergo Rachel & sepulta est in viâ, quæ duxit Ephratam, hæc est Bethlechem. Exexitque Jacob titulum super sepulchrum ejus. Hic est tumulus monumenti Rachel, usque in præsentem diem. Paulo post *v. 28.* dicitur: Et completi sunt dies Isaac centum octuaginta annorum, consumptusque ætate mortuus est, & appositus est populo suo senex, & plenus dierum, & sepelierunt eum Esau & Jacob filii sui. Ubi occasione tituli, quem posuit Jacob super sepulchrum Rachelis, laudabilem consuetudinem Ecclesiæ Catholicæ commendare debeo, quæ filiis suis in Domino dormientibus crucem apponit, quâ testamur defunctum fuisse Christianum, qui in eum credidit, quia amore nostri in cruce mortuus est. Et superius ostendimus Crucem à sepulchro pagano in tumulum Christiani hominis per S. Patritium fuisse translata. Cum quantâ pompâ Joseph curaverit funus Patris sui Jacob, copiosè refertur toto capite *Gen. 50.* ubi non solum ipse cum fratribus suis de Ægypto ascendit in terram Chanaan, sed etiam plurimos Satrapas Ægyptios in societatem luctus & funeris attraxit, & ingenti cum planctu Patrem suum sepelivit. Scio ego S. Marcellinum Pontificem post fidem abnegatam, facti pœnitentem, se ipsi Concilio ad pœnitentiam obtulisse, ac deindè magnâ constantiâ errorem suum retractasse, adeoque à Diocletiano ad martyrium abreptum esse. In ipso itinere ad martyrium comitatus est illum Marcellus Presbyter, qui Pontificem ad constantiam animavit. Marcellinus vero Marcellum constantem rogavit, ne corpus suum sepulture traderet, dicens, ob negatum Salvatorem, se id nequaquam mereri.

Crucis bene apponitur sepulchris.

Marcellini Papa corpus S. Petrus honorifice sepeliri mandat.

*S. Ignatius
insterquilini
petit
tumulari.*

rer. Cum ergo ex mandato Diocletiani, illius & reliquorum Martyrum corpora triginta sex diebus inhumata jacuissent, apparuit Marellō Presbytero S. Petrus, monuitque ut in viā Salariā in cœmeterio S. Prisciolæ, illius, & reliquorum corpora conderentur. S. Ignatius quod refert Petrus Ribadeneira, illud sæpius à DEO petebat, ut post mortem cadaver suum avibus & feris laniandum obijceretur. Nam cum ego inquebat ille, sterquilinum & detestabilis omnino sum, quid aliud meis criminibus dignum expectam? Sed aliter visum est DEO, cœlum ipsum S. Ignatio parentavit. Stellam namque viventi amicas, pro decentiā funeris ad Sarcophagum transmisit, ut cœli stellata parte involveretur, qui à mundo nec tegi, nec tumulari voluit. Animam astris quis dubitet esse receptam, quando ipsum corpus inter astra jacet. Si quæras quid stellæ in funere S. Ignatii faciant? Scias Ignatium in frequenti contemplatione cœli fuisse familiarem & amicum stellis, hinc quando moritur, velut amici ad funus veniunt. Profecto fuit hoc funus sumptuosum, in quo cœlum dedit funalia. O pulchri cineres, qui tales sovent scintillas!

*Stella in
funere S.
Ignatii.*

*S. Gregor.
Turon. post
mortem
calcarivolu-
it sed me-
liori loco
tumulatur.*

S. Gregorius Turonensis, qui ut consuetam sibi in vivis servaret humilitatem post mortem, in aditu templi sepeliri voluit, ut ibi omnium intrantium & exeuntium pedibus conculcetur. Verum populus id diu passus non est, ut tantus DEI servus omnium pedibus conculcetur; à templi ergo aditu, ad medium chori illius reliquias devotus populus transtulit, ubi ejus gloriosa memoria celebratur. Ita nimirum suorum funerum curam DEUS habet. *Josue 24. v. 32.* memorat scriptura, quam sollicitè filii Israël ossa Josephi Patriarchæ ex Ægypto transtulerint, & in Sichem, in agro Patrum suorum sepeliverint. Ossa quoque Joseph, quæ tulerunt filii Israël de Ægypto, sepelierunt in Sichem in parte agri, quem cemerat Jacob à filiis Hemor Patris Sichem. Noluerunt utique cineres Patriarchæ Joseph in Ægypto quiescere, ne gentilium Cineri commisceretur. Unde usque hodie in Ecclesiâ DEI sollicita est cura vel ipsorum morientium, ut loco sacro inferantur. Hoc unum durum est, quod in tantum pretium sepulturæ accrescant, ut fideles à funeribus penè arceantur. Nugatus est seriò vir clarissimus, at non specialiter nummatus, de quo Stengelius *Tom. 4. c. 66. §. 6.* qui dicere solitus est, vel ideo se illibenter mori, quod tanti mors constet, & à defunctis tumulandis nimium exigatur. Charontem olim navulo suo

*Cura sepul-
tura Ec-
clesiastica
apud Chri-
stianos.*

suo contentum fuisse, sed nunc ipsos Vespillones, ne dicam alios, Charonte magis esse avaros. Cæterum sepulturam Ecclesiasticam DEO cordi esse ostendit ipse DEus, vel per ipsum animal rudissimum. Apologus est. Usurarium in morte aliquo aliter pœnitentem, parochus absolvere non voluit, nisi malè parta suis Dominis restitueret, neque deindè nolenti satisfacere, ulterius assistere, neque mortuum in loco sacro sepelire voluit. Amici & Consanguinei de sepulturâ defuncti solliciti, fraudem excogitarunt, & ut Parochum, quem simplicem credebant, deluderent, cum eodem paciscuntur, ut asino cadaver imponant, & quo ab asino cadaver deportabitur, ibi sepeliatur. Credebant autem asinum, qui libros ad templum portare consueverat, more suo ad templum iturum. Asinus verò apertâ portâ cum onere sibi imposito, rectâ ad patibulum abivit, ubi sepultura asini sepultus est. Neque enim malî à Sanctis in templo tolerantur. Contigit in Urbe Genuensi, ut in Ecclesiâ S. Syri Martyris sepeliretur quidam Valentinus homo libidinosus. De nocte statim auditus est clamor, quasi aliquis violenter ex Ecclesiâ extraheretur, ad quos clamores dum accurrunt Ecclesiæ Custodes, viderunt duos nigerrimos spiritus, qui tenebant Valentini pedes funibus ligatos, qui corpus ejus extra Ecclesiam extraxerunt; mane Custodes ad tumulum defuncti Valentini abeunt, in quo cadaver non inveniunt; Quare extra Ecclesiam quærunt, ubi in alio tumulo corpus illius collocatis adhuc pedibus reperiunt, atque ibi ex voluntate divinâ, ubi invenerunt, sepeliverunt. Ita refert Stengelius *Tom. 4. c. 67. §. 5.* Tremendum magis est quod Theophilus Raynaudus *tom. 17. in prælo suo spir. refert.* In Apuliâ non procul Bario anno Christi 1643. accidit. Marchio quidam violenter puellam DEO sacram fœdavit, cumque illa inter lachrymas & resistendum sæpius vindictam à Beatâ Virgine sumendam in clamaret, ille blasphemus ore subridens dixit; & quam tu Virginem dicis, à quâ hujus facti pœnitentia mihi serò nimis obveniet. Dixit, & sine ulterioris pœnitentiæ signo exanimis concidit. Anima inferno à dæmonibus est illata, corpus à propinquis in Cœnobio PP. Capucinatorum fuit tumulatum. Noctè insequente casu religiosorum aliquis templum ingreditur, & horrendum spectrum super tumulum defuncti Marchionis vidit. Ubi se recollectit, Guardianum adit, & visum refert. Imponit Guardianus illi mandatum, ut ex spectro quærat quid velit? Pareat is, & interrogat; reponit spectrum, se Umbram esse sacrilegi illius & blasphemii

Asinus H. furario dignam sepulturam designat.

Mali à Sanctis in templo non tolerantur.

Ecclesia S. Syri M. libidinosum non patitur.

Blasphemi Marchionis Cadaver à dæmonibus rapitur ex sepulchro.

*Tumba
Blasphemii
à Corvis
discernitur.*

hominis damnati, cujus corpus etiam dæmones rapuerunt ex tumulo. Aperiant proinde sepulchrum, cadaver non inventuros sed horrendam mephytim. Aperto ergo tumulo inanis & vacua tumba inventa est, tantusque fœtor exhalavit, ut homines vix non mortui fuerint. Tumba carbonis instar fuliginosa, in sterquilinum abjecta fuit, quæ à quatuor corvis inspectantibus plurimis in aërem elata, ab iisdem in frusta discepta, & frustatiim comminuta est. Memorabilis est illa sepultura Saul Regis & filiorum de qua *1. Reg. c. 31. v. 11.* habetur, quod postquam Phylistæi devicto Saule, corpus illius suspendissent in muro Bethsan, cum id audivissent habitatores Jabes Galaad, surrexerunt omnes Viri fortissimi, & ambulaverunt totâ nocte, & tulerunt Cadaver Saul, & cadavera filiorum ejus de muro Bethsan, veneruntque Jabes Galaad, & combusserunt ea ibi, & tulerunt ossa eorum, & sepelierunt in nemore Jabes, & jejunaverunt septem diebus. Quod factum tantoperè probavit David Rex, ut statim post auspicia imperii & regni sui. *2. Reg. 2. v. 5.* miserit nuncios ad Viros Jabes Galaad, dixitque ad eos: Benediciti vos Domino, qui fecistis misericordiam hanc, cum Domino vestro Saul & sepelivistis eum. Et nunc retribuet vobis quidem Dominus misericordiam & Veritatem; Sed & ego reddam gratiam, eo quod fecistis verbum istud. Licet enim mortuus sit Dominus vester Saul, tamen me unxit Dominus Juda in Regem sibi. Non miror ego jam Marcianum Imperatorem factum, & à charitatis Christianæ officio, ad ipsam Imperii dignitatem elevatum. Ibat ille Philopopolim daturus nomen militiæ, in viâ cadaver hominis occisi invenit, quod ubi inhumatum vidit, misertus illius, tumulum parat, ut illud sepeliret, sed à vicinis observatus cædis factæ reus accusatur, & capitis damnatur. Interim deprehenditur cædis author, Marcianus vero absolvitur & dimittitur. Incidit deinde in milites, inter quos ascribitur, brevique Præfecturam illius adipiscitur, cujus occisi corpus humare voluit. Tribunus deinde factus, tandem à Pulcheriâ in Imperii consortium est adlectus. O quam merito dixerim Marcianum coronatum Vespillonem! Pulchrè omnino monet *Eccles. c. 38. v. 16.* Fili! in mortuum produc lachrymas, & quasi dira passus incipe plorare, & secundum judicium contege corpus illius, & ne despicias sepulturam illius. Memorabile est quod Cæsarius *l. 7. c. 39.* memorat de latrone quopiam, qui totâ vitâ suâ coluit sabbatinum jejunium; Gra-

tus

*Marcia-
nus quia
inhuma-
tum sepeli-
vit fit Im-
perator.*

tum hoc adeo fuit Beatæ Virgini, ut non solum ei peccatorum suorum seriam confessionem, & dolorem obtinuerit, sed etiam post mortem speciali honore illum fuerit dignata. Postquam enim Judicis sententiâ gladio percussus obiit, sepultus is fuit sub patibulo extra urbem. De nocte statim adfuit B. Virgo, cum aliis quatuor sacris Virginitibus, & tumulo rursus aperto corpus exhumarunt, atq; caput tam aptè corpori univerunt, ut non nisi cicatrix remaneret. Hæ sanctæ Virgines corpus feretro quod elegantissimâ purpura instructum fuerat, imposuerunt, illaque honorificentissimè contexerunt; feretrum deindè in humeros exceperunt, & accensis in manu cereis ad urbis portas detulerunt Beata Virgine funus comitante. Cujus miro splendore perstricti Custodes, vehementer contremuerunt. Maria tamen blandè illos est allocuta, & dixit: Ite! & dicite Urbis Episcopo, ut cras manè, hunc meum Clientem, in certo loco, quem nominaverat, honorificè sepeliat. Manè portis apertis adfuit Episcopus, & cadaver purpuræ involutum invenit, ubi & purpuræ mirabilem texturam, & caput corpori tam prodigiosè unitum miratus, coacto Urbis universo Clero, & omni populo honorificentissimè in templo & loco nominato sepelivit. Docuit nos Beatissima Virgo hac prodigiosa Clientis sui sepulturâ, quam verum sit illud Eccles. 7. v. 36. Consilium, Mortuo non prohibeas gratiam. Hæc enim gratia Tobiam servavit à morte Tob. 1. v. 25. postquam enim à filiis suis occisus est Rex Senacherib, qui Tobiam propter sepulturam mortuorum occidi mandaverat, revocatus est Tobias in domum suam, omnisque facultas ejus restituta est illi. Sed & laudata fuit ab angelo mortuis exhibita cura sepulturæ. Sic enim Angelus Tob. 12. v. 12. quando orabas cum lachrymis & sepeliebas mortuos, & derelinquebas prandium tuum, & mortuos abscondebas per diem in domo tuâ, & nocte sepeliebas eos, ego obtuli orationem tuam Domino. Non otiosa profecto est quæstio, cur vespillones tempore pestis maximè à morte communiter immunes sint, cum tamen pestis infecta corpora trahestent, de quibus Lemnius celebris Medicus dicit, quod eveniat in corporibus recentè extinctis, quod in lichnis & funalibus, quæ accensa à se nullam graveolentiam diffundunt, extincta verò foetorem molestissimum spirant. Pro quo licet varias assignent causas, placet tamen maximè Reies quæst. 66. ubi dicit, quod non minima hujus præservationis causa, videatur divina

*Maria la-
tronem sibi
devotum
honestè se-
peliri man-
dat.*

*Vespillones
cur in pe-
ste serven-
tur.*

Josephus
ab Arima-
thæa à
Christi se-
pultura ce-
lebris.

providentia, quæ Vespillonones vult ad tale ministerium reservare, ne ad tam necessarium munus deficiant homines. Quia si videremus communiter vespillonones infici & interire, arcerentur à tali ministerio homines, & multa corpora manerent insepulta. Et hinc est, quod obsequium hoc DEO semper fuerit gratum, & quæ singulariter placuerit. Nunquam Josephus ab Arimathæa tam celebris fuisset, nisi à sepultura ipsius Christi. Sic enim *Marc. 15. v. 43.* dicitur: Venit Joseph ab Arimathæa nobilis Decurio, qui & ipse erat expectans regnum DEI, & audacter introivit ad Pilatum, & petiit corpus JESU. Observat Drutmarus in *c. 27. Mat.* quod nullus aliorum Evangelistarum illius tam nobilis Viri faciat mentionem, nisi in hoc loco, & hac occasione. Non inquit in alio loco Evangelii, de hoc dicitur, nisi hic. quid est quod hic solum meminerint? cum non sit dubium eum Christo plures obtulisse occasiones & actiones memoria dignas. Certè ego causam aliam dare non possum, nisi quia audacter intravit ad Pilatum, & petiit corpus JESU. Erat Joseph dives & opulentus, uti *S. Joan. c. 19. v. 18.* videtur insinuare, nihilominus quamvis prævideret, quod petendo corpus JESU, divitias suas, officium, & vitam ipsam periculo exponeret, contemptis & calcatis universis, omnique timore post habito, defuncti corporis reliquias depoposcit, ut sumptuosè monumento suo inferret. Quare ut Joseph æternæ memoriæ consecraretur, & de omni oblivione triumpharet, satis erat hanc unam solamque illius innotuisse actionem. Qui enim pro salute alterius & honore, opes, honorem & vitam exponit propriam, in supremum fortitudinis fastigium evasisse videtur. Cur verò Christus sepeliri voluerit, etsi causa non minima fuerit, ut se probaret & ostenderet verè mortuum, primaria tamen fuit, ut suam resurrectionem faceret inagis gloriosam. Cœterum quia mandatum fuit *Deut. 21. v. 23.* Non permanebit cadaver ejus in ligno, sed in eadem die sepelietur, & quidem ut ait Philo antè solis occasum, Christus eadem die licet tardius, Sole tamen adhuc lucente, sepultus est. Deposito est ergo corpus Christi de cruce cum veniâ & consensu Pilati, neque enim uti ex jure constat L. corpora ff. de Cadaveribus, licet corporareorum sepelire sine consensu Judicis: & in sinum B. Virginis est demissum ab aliis, præsentibus nempe Joanne, Nicodemo, & Josepho sedulò ablutum, & aromatibus pretiosis inunctum, ac sindone sacrâ involutum, in sepulchrum plane

Christus
sepultus
est, ut su-
am resur-
rectionem
faceret
gloriosam.

plane novum illatum est. Ubi bene advertendum, quod Christus homo factus, nativitatis suæ locum elegerit, tuguriolum in petra excavatum, pro sepulturâ pariter acceperit monumentum in solido saxo excisum; ut introitus illius in mundum, & etiam exitus sint in firmissimâ Petrâ, nempe ut credentes, ad quos salvandos venerat, scirent se supra petram firmissimam introitum & exitum habere salutis, utique in summo angulari lapide Christo Jesu. Ubi bene dicitur in petrâ excisâ, ut tanto verior sit fides resurrectionis, & quidem in monumento novo, ne vel alius ibi resurrexisset, vel subruto fundamento furto sublatus credi potuisset. Quod verò aliqui opinentur, Evangelium tribuere piis illis mulieribus, quæ Christum sunt secutæ, illud pietatis & charitatis obsequium, quod Christum de cruce depositum inunxerint; tamen Cardinalis Baronius in aliâ est opinione, & putat à solis Viris fuisse conditum. Videtur hoc colligi ex verbis illis *Matt. 27. v. 59.* & accepto Joseph corpore involuit illud in Sindone mundâ. Cui correspondet *Marcus c. 15. v. 26.* ubi dicitur Joseph mercatus Sindonem, & deponens eum involuit Sindone, subdit statim *v. 47.* Maria vero Magdalenz & Maria Joseph aspiciebant, ubi poneretur. Quod pene paribus verbis refert S. Lucas. Accedit deinde autoritas Rabinorum Jacob & Moysis, qui dicunt, apud hebræos eam consuetudinem fuisse, ut Virorum cadavera Viri, mulierum mulieres condirent. Oculos inquit & ora primum claudabant defunctorum stringebantque fasciâ, tondebant capillos, lavabant corpus, unguentis ungebant, linteis involvebant, sicque curatum corpus in sepulchro locabant. Hoc autem constitutum erat, ut Viri Viris, fœminæ fœminis illa officia exsolverent. Licet autem deinde dicatur, quod ipso die resurgentis Christi valdè manè venerint ad monumentum, ut inquit *S. Luc. c. 24. v. 1.* Una sabbati valdè disuculo, apparet tamen, quod licet ungere voluerint Christum, illum tamen revoluto jam per Angelum lapide invenerint surrexisse; adeoque illud charitatis pietatisque officium Josepho & Nicodemo fuit reservatum, qui etiam Christi corpus in Sindonem involuerunt. De hac Sindone Christi, quæ usque hodiè apud Sabaudiam ducem Taurini asservatur, illud memorabile habetur, quod anno 1532. cum quartâ Decembris incendium obortum fuisset, illa in mediis flammis illasa perstiterit. Cum enim capsâ argentea, cui inclusa erat, jam inciperet colliquefcere, Philibertus Ducis Cubicularius,

*Christus
nascitur &
tumulatur
in petra.*

*Christum
Viri non
fœminæ
inunxerunt.*

*Sindon
Christi in
maximo
incendio
asservatur.*

*Christus
nec in se-
pulchro à
calumniis
illasus.*

*Mors Chri-
sti cur tot
contume-
liis plena.*

*Quomodo
Christus
tribus die-
bus fuerit
in sepul-
chro.*

larius, assumpto secum fabro, & duobus Patribus Franciscanis, per medias flammās accurrit, fugiebantque flammæ in conspectu Sindonis, dum sacram Sindonem à flammis illasam exportaverunt, quique in mediis flammis credebantur ardere, velut frigido rore perfundebantur, seque ipsos illæsos sunt mirati. Aperta deinde & expansa fuit Sindon, quæ non nisi in extremitatibus ambusta visa est. Debuit nimirum tam pretiosum salutis nostræ monumentum, posteritati perennare, ut haberemus etiam nostræ resurrectionis tesseram, in ipsis Christi gloriosi vestigiis. Verum quemadmodum Judæi Christum in Cruce pendentem blasphemaverunt, & contumeliis affecerunt, ita pariter in sepulchro jacentem, contumeliose opprobriis molestarunt. Quis non miretur inexplicabilem DEI patientiam, quam licet totâ vitâ suâ mirabiliter planè exercuit, in passionem tamen veluti scenâ pateticâ, fufius longè repræsentavit, & post mortem in ipso sepulchro voluit demonstrare. Ægyptii olim impensè in eo laborarunt, ut suis mausolæis magnificas & gloriosas inscriberent Epigraphes; Judæi blasphemi Christi tumultu inscribunt. Seducitor ille. Nec terræ quidem insepultus quiescit bonus Jesus. Tertullianus hanc DEI patientiam capere non valens, penè obmutescit, quod tantis opprobriis fuerit repletus DEus. Si enim pro nobis mori voluit DEI filius, cur quærit ille, tantis id factum est contumeliis? Respondet S. Greg. l. 30. *moral.* Ut redimeremur sufficiebat mors Christi, sed ut erudiremur, non sufficiebat mors, nisi doloribus contumeliæ adjungerentur; Audebant enim inquit ille, omnes Adami stirpe progeniti opprobria fugere, gloriam sequi, venit inter nos Dominus opprobria amplectens & gloriam fugiens. Nam cum Judæi illum Regem constituere voluissent, fieri Rex refugit. Cum verò eum interficere molirentur, spontè ad crucis patibulum venit. Fugit ergo, quod omnes appetunt; appetit, quod omnes fugiunt.

Supereft ut triduum in tumultu jacentis Christi expendamus. Et licet Alcuinus l. de offic. c. de cæna Dom. putet Christum jacuisse tribus integris diebus & noctibus in sepulchro, tamen non nisi quadraginta horis iisque saltem incompletis, in sepulchro fuisse communior est opinio. Si enim dicamus Christum in Cruce, nostrâ horâ tertiâ quod dicit Evangelium expirassè, & circa quartam illius dici sepultum esse, habemus usque ad duodecimam noctis, diem & noctem pri-

primam. Ab hac numerando viginti quatuor horas totius ſabbati, numerabimus diem & noctem ſecundam, ab hac rurfus horâ duodecimâ noctis, quæ ad diem Solis ſpectat uſque ad ortum Solis, qui tunc oriebatur noſtra horâ ſextâ matutinâ, ſi dicamus ſtatim poſt ſextam Chriſtum ſurrexiſſe, habebimus etiam diem inchoatam, & noctem tertiam. Cum textus ipſe dicat *Luc. 24. v. 1.* Una autem ſabbati valde diluculo veniſſe, quo tempore tres mulieres piæ, cum ad monumentum veniſſent, invenerunt jam ſurrexiſſe, dicente Angelo *Mat. 28. v. 6.* Surrexit ſicut dixit. Quare cum Chriſtus ipſe *Mat. 12. v. 40.* dicat: Sicut fuit Jonas in ventre Ceti tribus diebus & tribus noctibus, ſic erit filius hominis in corde terræ: Nec alius aptior modus eſt ſalvandi textum ſcripturæ maximè cum unanimi Evangeliſtarum conſenſu dicatur, Chriſtus in aurorâ diei Dominicæ ſurrexiſſe. Quod conformiter accedit ad illorum opinionem, qui Jonam in ventre Ceti quadragintâ horis fuiſſe exiſtimant; adeoque illam particulam ſimilitudinariam ſicut, etiam in hoc puncto commenſurant. Quod ſicut Jonas in ventre Ceti non tranſivit in ſubſtantiam Ceti, ſed jubente Domino illum piſcis evomit illæſum in aridam *Jonæ 2. v. 11.* Et dixit Dominus piſci, & evomit Jonam in aridam; ita volunt hinc aliqui rationem ſimilitudinis etiam in hoc inveniri in Chriſto, quod etiam mors Chriſtum ſub ſuo Dominio non tenuerit, ſed in glorioſâ ſua reſurreſtione, nobis de ſe magnificè triumphantem reſtituere coacta ſit. Theophylaſtus hanc rationem ſimilitudinis in ſenſu morali ad ſacram Communionem revocat. Sicut in balenæ cor inquit ſuſceptus Jonas, non tranſmutatus eſt in ejus ſubſtantiam, eſto à piſce in cibum ſuſceptus fuerit, ita neque Chriſtus tranſmutatus eſt in noſtram ſubſtantiam, eſto in cibum ſumptus in corde noſtro ſepeliatur. O quoties ego tremendas balænas metuo, quæ Chriſtum rurfus ex corde ſuo evomunt & expellunt. Quoties vel ipſo die Communionis vino ſe ad ebrietatem ingurgitant, ut vomere cogantur. At de hoc ſuo loco in parte 3. ubi de ſacra Communionē agemus.

Hoc mirabile eſt, quod ipſa communis parens tellus ſclerata hominum cadavera reformidet. Quando vel ipſa terra in corde ſuo ſepultos paſſa non eſt, ſed rurfus ejecit, & vehut ſepulturâ indignos ſatidivit, & rejecit. Tremendum eſt quod nobili Hiſpano accidit, qui ſine pœnitentiâ & confeſſione mortuus nobili & ſolenni planè pom-

Funus vobis Hispani fulminatur & comburitur.

pompâ elatus atque sepultus fuit. Dum autem actu effertur funus, horrida exoritur tempestas. Sic ut quisque relicto funere in tutiora fugere coactus sit. Et quia incredibilis erat fœtor cadaveris, duo vel tres vespillones funibus illud asseri vel carro impositum, ad sepulturæ destinatum locum pertraxerunt, ubi funus terræ impositum, vel potius injectum fuit, fulmen ex nubibus excussum, combussit primo insignia, deinde ipsum cadaver, relictis solis ossibus, quæ infernali fuligine denigravit. Quid obsecro prodest tantâ pompâ ad infernum pergere? Moriuntur heu potentes & divites, & grandi pompâ funus deducitur, sed iusto DEI iudicio fatalis lessus tandem occidit & sepultus est in inferno. Non minus tremenda est illa de incestuoso à DEO sumpta vindicta. Philosophi quidam ex Græciâ in Persiam profecti sunt ut Chosrois Regis viderent majestatem. Quadam die itinerantes incidunt in recens cadaver penes viam in humatum jacens, viso cadavere consternati, simul tamen misericordia moti, cadaver inde sublatum sepeliunt. Divertunt deinde ad hospitium, & cenâ sumptâ decumbunt. Sed hem! spectrum illud horrendum adstat, & mandat, ut cadaver sepultum exhument, & inhumatum relinquant. Terram enim matrem omnium, non suscipere talem gremio suo, qui suam matrem constuprasset. Alterâ die ubi ad tumulum abeunt, cadaver ex tumulo ejectum inveniunt. Non miror ego jam S. Faustinum vicinum sibi funus non tolerasse, neque enim sanctis convenit, cum sceleratis habitare. Cum enim Valerianus Patritius libidinibus suis in vitâ modum non poneret, impænitens à morte præventus est, & in Ecclesiâ S. Faustini sepelitur honorificè, uti testatur Stengelius *Tóm. 4. c. 67. §. 4.* At vero S. Martyr sequente nocte ædituo comparuit dicens, vade dic Episcopo, ut projiciat hinc fœtentes carnes, quas hic posuit. Quod si non fecerit die trigesimo ipse morietur. Cum vero Episcopum monere neglexisset ædituus, Episcopus repente die trigesimo defunctus est. Huic simile est quod de S. Dunstano habetur in vitâ illius. Cum enim juxta illum infidelis quispiam sepultus fuisset, monuit puerum templi, ut cadaver illius infidelis penes se sepulti, tolleretur, sed cum id non fieret, ipse S. Dunstanus à monachis visus est, ex illo loco discedere, à quibus cum interrogaretur, cur discederet? Respondit se fœtorem paganæ carnis, & quorundam ibidem viventium iniquitates, ferre non posse. Magis violentum illud videri potest, quod accidit in templo

Cum matre incestuosus à terrâ non recipitur.

S. Faustinus libidinosus cadaver in templo non patitur.

S. Dunstanus infidelem penes se non tolerat.

S. Vin-

S. Vincentii, in quo cum improbus & notorius homo sepultus fuisset, *Tumba bo-*
 concubiâ nocte, tumba illa cum cadavere de loco sancto est sublata, *minis im-*
 atque per fenestrâ ex templo exturbata, effraâtoq; sepulchri opercu- *probi cum*
 lo, omnibus hæc res est facta manifesta. Propinqui eodem die magnis *cadavere*
 precibus sarcophagum in loco priori restituunt, & altius defodiunt. *ejiçitur per*
 Redeunte vero nocte, rursus ut ante tumba cum cadavere per fene- *fenestram*
 strâ ejecta fuit, & in atrio publico inventa. Ita refert Stengelius *tom. 4.*
c. 67. §. 6. Quam verum est illud *Isa. 14. v. 19.* Tu enim projectus es de
 sepulchro tuo, quasi stirps inutilis, & obvolutus cum his, qui in-
 terfecti sunt gladio, & descenderunt ad fundamenta laci, quasi ca-
 daver putridum. Non habebis consortium, neque cum eis in sepul-
 turâ. Justo enim iudicio fit, ut qui humanis non vixerunt moribus, *Qui ha-*
 ut neque mortui habeant consortium in sepulturâ cum hominibus. *maniter*
 Benè his comminatus est *Jerem. c. 16. v. 4.* Non plangentur & non se- *non vivit*
 pelientur, in sterquilinum super faciem terræ erunt, & erit cadaver *non mere-*
 eorum in escam volatilibus cœli & bestiis terræ. De Memnone qui *tur sepul-*
 Corvorum similitudinem præ se ferebat, fabulantur Poëtæ, quod ad *tur am bo-*
 illius cadaver & funus advolaverint corvi, ut sibi simili, celebrarent *minam.*
 exequias, & fratris sui funus lamentarentur. O quoties talis funeris
 socios, videremus si atrati illi corvi oculis nostris in formâ visibili
 objicerentur! quos tamen prohibet justus DEus se facere spectabi-
 les; quia sæpè externam funeris pompam permittit in aliquam com-
 pensationem bonorum aliquorum operum. Nota est illa historia de
 Eremita quopiam, uti scribit Gabriel Jachinus in scala cœli ex vi-
 tis PP. Hic dum ageret vitam plane solitariam, soli DEO orationi-
 bus & jejuniis vacabat. Vir bonus & pius ex civitate vicinâ, illi heb-
 domatatin cibaria necessaria attulit, ita tamen, ut quæ alteri vix suffe-
 ciissent per diem, illi etiam per integram hebdomadam deservirent. *Funeris*
 Fuit vero in civitate vir dives, tam infamis sceleribus, quam dives *pompa est*
 opibus, hic tunc rectè sepultus est, cum obsonator ille sedulus, pro *sæpe com-*
 cibariis Urbem ingreditur. Magnâ cum pompâ elatum est funus, *pensatio a-*
 quod cum curiose observasset, collectis cibariis ad cremum regre- *licujus bo-*
 ditur. Ubi dum specum hiantem portâ intrat, Eremiticam mortuum *ni operis.*
 reperit, & quod tristius erat, à bestiis magnâ ex parte devoratum.
 Stupuit vir bonus & capere non potuit, quomodo notorius & infam-
 is homo cum tanta pompâ sepulchro inferatur, & hic Anachoreta
 Vir sanctus & innocens, à bestiis devoretur. Adfuit autem illi An-

*Nec mali
homines
funeris bo-
nore pri-
vandi.*

*Funus spu-
to macula-
tum rogo
expiatur.*

*Funera
compedes
non ferunt.*

*Sepultura
honestè ba-
benda.*

*Quidam
monumen-
tum patris
colit.*

*In Mogor
nupturi
monumen-
ta obcunt.*

gelus dicens ; dives pro pauculis bonis, quæ habuit, pro mercede splendorem funeris accepit ; Eremita vero magnis apud DEum meritis insignis, paucos in animâ suâ nēvos habuit, quos non à purgatorio, sed à ferarum morſu, DEus voluit expiari, qui modo cœlesti gloriâ fruitur, dum alter in inferno æternum torquetur. Hinc neque pessimorum hominum funera contumeliosè sunt habenda. Certè cum defunctæ Fabiæ Heraclii Conjugis funus exportaretur, puella quædam per fenestram spuit, atque elatum cadaver spuito commaculavit. Indignati cives comprehensam puellam unâ cum Fabiæ cadavere rogo impositam vivam exusserunt. Et Plinius memorat fuisse Athenis pretiosam domum, quæ quia à spectris fuit infestissima levissimo pretio fuit elocata. Hanc Athenodorus Philosophus conduxit, qui dum primâ nocte in aditu domus moratur, lumen poscit, mensæ assidet, atque studet. Vix parum consedit, audiuntur Vincula & catenæ, ille verò obfirmato animo studiis intendit, usque dum spectrum cubiculum ingreditur, ibique eum digito, quasi illi annuisset evocavit ; ille sine morâ lumen accipit, & spectrum sequitur. Ibat spectrum lento passu, at ubi in arcam domus pervenit, repente disparuit. Locum ubi evanuit, Philosophus herbis & foliis notavit. Magistratum alterâ die adit, & locum notatum effodi postulat ; effodiunt, & ossa hominis catenis implicata invenerunt, quæ cum solutis compedibus in alio honesto loco sepulta fuerunt, domus à spectris penitus fuit eliberata. Sic vel apud Ethnicos honestæ sepulturæ ratio habebatur, adeoque majorum nostrorum sepulchra, debitâ veneratione sunt colenda. Non tamen sic uti refert Suetonius & Macrobius *l. 2. Saturnal. c. 14.* qui de Augusto referunt, quod is cum vidisset hominem quemdam, aratro terram illam proſcindere, quategebatur parens illius ibidem sepultus, dixisse fertur ; Hoc est verè monumentum Patris colere. Dicuntur autem monumenta, quasi moneant mentem. Unde Veteres suorum sepulchris Cor inscripserunt. Sed heu ! quid juvat sepulchro patris cor inscribere, si mentem avoces ? Quot enim sunt, qui majoribus in Ecclesiis & cœmeteriis mira & sumptuosa monumenta erigunt, nec tamen unquam defuncti Patris aut matris recordantur ? In regno Mogor nupturi ante nuptias solent obire monumenta, eaque inspicere. *Matth. 22. v. 9.* paratur convivium, sed cum invitati non comparerent. Itē dicitur ad exitus viarum. Albertus Magnus *serm. 74.*

Hi

vere, nisi quia abolere conantur, omnemque mortis proscribere volunt memoriam, adeoque nullum mortuum suis imponunt Synagogis, sed tanquam abominabile quid, ex suis conventiculis excludunt. Scilicet sacri Evangelii studiosissimi sectatores, illo *Luc. 7.* se tuentur, cum filium unicum Viduæ ex Nain civitate efferri dicunt. Sed verius est quod Nyssenius dicit, Memoria mortis non tanguntur; cum salubrius nihil sit, quam mortis meminisse. Nimirum terrenis immergi tenebris, cum aliud non quærant, quam hujus vitæ voluptates & illecebras, mortis quæ janua est ad æterna, nolunt meminisse, Tu mi Christiane qui mortuum tuum Salvatorem vides, sæpius gratâ animi recordatione, ejus memoriam recole. S. Brigitta Suecica decimo ætatis suæ anno cum de passione Christi aliqua audivisset, in amorem illius vehementissime exarsit, sic, ut illam nocte insequente Christus Crucifixus alloquio suo dignatus sit. Apparuit enim illi JESUS in cruce cruentus, ita ut illâ horâ crucifixus credi potuisset. Cumque interrogaret Brigitta, quis illud fecisset? audivit, illi qui meam passionem contemnunt, & illam negligunt. Ex quo Christi responso mirè exarsit Brigitta in amorem passionis, ita quidem, ut sine lachrymis, ejus non posset meminisse. Et nos cordi nostro ejus memoriam imprimamus, imo cor nostrum in monumentum eidem offeramus. Ludovico undecimo Galliarum Regi Tornacum triumphaliter intranti venustissima occurrit Virgo, quæ submoto modicum pectorali, quod elegantissimum habebat cor aureum offerebat, quo aperto gemmeum liliū prodiit, quod utrumque Virgo Regi obtulit. Hoc DEUS à nobis petit *Prov. 23. v. 26.* Præbe fili mi, cor tuum mihi. Hoc petiit DEUS à S. Mechtilde, quæ cum aliquando in *ps. 67.* legisset verba illa, Reges munera offerent, sollicitè à Sponso suo petiit. Et quid est dilectæ cordis mei, quod tibi munus offeram? cum nihil habeam tuâ majestate dignum? Cui Sponsus, Filia præbe mihi cor tuum, offer mihi illud primo velut arrham desponsationis; vult enim DEUS à nobis amari velut sponsus à sponsa. Secundo velut aureum monile, quia vult amari super omne aurum, & omnes thesauros. Tertio velut regium diadema, id est magis amandus est, quam omnes honores sæculi. Quarto instar phialæ, quam gratiis suis repleat. Quinto velut vas electum, in quo sit omne oblectamentum. Quod illa sic præstitit, ut in ipsius de mortuæ corde hæc verba scripta fuerint. Mallem mori, quam per minimam noxam,

*Hæretici
ne mortis
recorden-
tur mor-
tuos ex
Urbe effe-
runt.*

*Christus
Crucifixus
Brigittam
ad passionis
memoriam
excitat.*

*Ludovico
XI. Regi
puella cor
aureum
cum lilio
offert.*

*DEUS à
S. Mecht-
ilde cor
petit.*

*Cor DEO
offeren-
dum.*

noxam, à te ò bone JESU separari. Scio ego amabilissime JESU, quod dixeris Brigittæ famulæ tuæ *l. 5. revel.* Ideo dedi cor homini, ut in co me DEum suum, qui ubique sum, & incomprehensibilis, includeret; ut sit arca ingentis thesauri, & ut cogitando in me, esset delectatio sua. Non tantum in arcam dulcissime JESU sed in sepulchrum in quo conquiescas, corda nostra tibi substernimus, ut in vivaci memoria sacratissimæ passionis tuæ & mortis, tecum conquiescamus. *Cor nostrum vult DEUS arcam, cui sit inclusus.* Ut tandem etiam post hujus vitæ cursum tecum gloriose resurgamus. Amen.



ARTICULUS V.

Descendit ad inferos, Tertia die resurrexit à mortuis.

DISCURSUS XXV.

Christus descendit ad inferos.

Hic articulus fidei non solum inter hæreticos, verumetiam Catholicos varias movit quæstiones; hoc mirabile, quod cum hæretici amantes sint puri Verbi, à sensu tamen puro & literali sine omni necessitate recesserint; cum tamen scriptura de hoc descensu agens, propriè sine aliquo absurdo intelligi queat, adeoque juxta regulam S. Augustini, in sensu proprio est accipienda. Quis enim illa verba S. Pauli *ad Ephef. 4. v. 9.* Quia & descendit primum in inferiores partes terræ, cum Brentio aut Anabaptistis explicet, quod Christus descenderit, id est penitus interierit, cum statim Paulus *V. 10.* subjungat. Qui descendit, ipse est, & qui ascendit super omnes cælos. Adhuc turpius sacrilegus Calvinus *Instit. c. 16. §. 8.* dicit: Descendit, id est desperavit. O rudem & bardum Grammaticum! qui credo in Luciferi vocabulario hanc synonymiam legerit, ut

ut descendere desperare dicatur. Quare audiendus est S. Hier. qui citatum Pauli textum sic explicat. Per inferiora terræ infernus accipitur, ad quem Dominus noster Salvator descendit. In quò tamen attineri non poterat, juxta dictum S. Petri *Act. 2. v. 23.* Juxta quod impossibile erat teneri illum ab eo, quo tamen infinitis Angelorum millibus Dominum gloriæ comitantibus, & illud *ps. 23. v. 7.* Attollite portas Principes vestras acclamantibus, descendit, atque juxta verba S. Petri *1. Petr. 3. v. 19.* Spiritibus prædicavit in carcere. Ex quo deducunt Theologi, quod cum varia sint loca subterranea, quæ inferni nomine accipi possunt, quod debeat esse alius locus is, ad quē Christus descendit, quam ille qui est proprius damnatorum. Licet enim *Eccles. 24. v. 45.* dicatur, penetrabo omnes inferiores partes terræ, & illuminabo omnes sperantes in Domino. Hoc tamen de damnatis non potest intelligi, quia non sperant in Domino. Quare suppono cum communi Theologorum sensu, præter infernum tuisse limbum SS. Patrum. Qui juxta Evangelistam *Luc. 16. v. 22.* Sinus Abrahæ dicitur, in quom deportatus est ab Angelis pauper Lazarus, dum in inferno sepultus est à dæmonibus dives Epulo. Et quia præter limbum, qui post gloriosam Christi resurrectionem & Ascensionem evacuatus est, adhuc supersunt animæ, quæ aut sine baptismo absque omni peccato actuali decesserunt, uti sunt infantes & parvuli nondum baptizati, vel certè animæ, quæ sine peccato mortali non tamen sine Veniali, vel sine sufficiente satisfactione præstita expirant, ideo priorem illum locum limbum puerorum, hunc vero purgatorium dicimus, de quibus ordine agendum est.

*Est infer-
nus seu lo-
cus dam-
natorum.*

Est ergo infernus locus proprius, in quo damnati æternum torquentur. Quod licet neget Calvinus *3. Instit. c. ult.* Est tamen de fide, & clarè habetur ex Verbis Christi *Luc. 10. v. 15.* ubi Christus comminatus Judæis severitatem stricci judicii, dixit. Et tu Capharnaüm usque ad cælum exaltata, usque ad infernum demergeris. Unde Eusebius Emisenus *hom. de Epiph.* benè dixit: Ardens inferni puteus aperiatur, descensus erit, reditus non erit. De hoc enim Propheta Coronatus dicit: Neque absorbeat super me profundum, neque urgeat super me puteus os suum. Quia cum susceperit reos, claudetur sursum, & aperiatur deorsum, dilatabitur in profundum; nullum spiramen, nullus liber anhelitus claustris desuper urgentibus relinquetur. Detrudentur illuc valedicentes rerum naturæ, ultra-
nescien-

nescientur à DEO, qui DEum scire noluerunt. Quam bene dixit de illis David *ps. 9. v. 18.* Convertantur peccatores in infernum, omnes gentes, quæ obliviscuntur DEum. Merito ergo dixit S. Anton. *p. 4. sum. tit. 14. c. 5. §. 3.* Locus damnatorum, est locus obli-
viosus? quod vel ipsis Gentilibus, & Poëtis illorum notum fuit, qui inferno affinxerunt fluvium, qui Lethes dicitur, quod interpreta-
tur Oblivio. Quia scilicet sui, id est ejus, qui est damnatus, tradent
eum oblivioni, & DEus etiam eorum videtur oblivisci. Et vero si
DEus electis suis & beatis in cælo deputavit locum aliquem in præ-
mium bonorum operum, & vitæ sanctæ & Christianæ obitæ, quidni
deputaverit etiam certum aliquem & determinatū locum in pœnam?
cui clarè dicat *Mat. 25. v. 41.* Discedite à me maledicti in ignem æ-
ternum; qui paratus est diabolo & angelis ejus. Atque hinc de divi-
te Epulone, uti dictum est habetur, quod sepultus sit in inferno, quo
descendunt impii, dicente David *ps. 113. v. 17.* Non mortui lauda-
bunt te Domine, neque omnes qui descendunt in infernum. Ubi vi-
demus quod damnatis descensus imperetur, & probabiliter ad cen-
trum terræ, quo velut hostes DEI, quam remotissime proscribun-
tur. Sic *Isa. 7. v. 11.* dicitur: Pete tibi signum in profundum inferni,
ad quod præcipitati sunt sacrilegi illi, cælo & Moyse rebelles,
Core Dathan & Abiron *Num. 16. v. 32.* Disrupta est terra sub pedi-
bus eorum, descenderuntque vivi in infernum. Hinc vel experien-
tiâ teste, plures habemus, quos dehiscens terra in inferno excepit,
quam quos per aërem abripuerunt dæmones, infernalibus pœnis
adjudicatos. Hic enim locus à beatorum sede & cælo empyreo est
maximè dissitus, quo DEI hostes velut in perpetuum exilium relegan-
tur. De hoc exilio graviter S. Aug. in *ps. 80.* asserit. Perire à re-
gno DEI, exulare à civitate DEI, carere tam magnâ multitudine dul-
cedinis DEI, quam abscondit timentibus se, tam grandis est pœna,
ut nulla possint ei tormenta, quæ novimus, comparari. Sed quid
mirum? hostes tui DEI, qui in inferno continuo maledicunt DEO,
cumque blasphemant. Sic enim Innocentius III. *super illa verba ps. 6.*
v. 6. Quoniam non est in morte qui memor sit tui, in inferno au-
tem quis confitebitur tibi, ita scribit. De morte gehennali hic debet
intelligi, quod non est in morte qui memor sit DEI, quoniam in ge-
hennâ non est recordatio ad salutem, sed potius ad tormentum. Quia
damnati maledicent Altissimo, & blasphemabunt, conquirentes

*Damnati
quasi nesci-
untur à
DEO.*

*Inferni lo-
cus est de-
termina-
tus.*

*Damnati
maledicunt
DEO.*

cum

*Damnati
sunt citra
statum gra-
tie.*

cum esse malignum, qui creaverit illos ad poenam, & nunquam inclinetur ad veniam. Quid mirum ergo, si DEus illos velut juratos hostes suos, persequatur? ut merito dixerit Discipulus *serm. 101.* Sciendum quod si B. Virgo, cum omnibus Sanctis, usque ad novissimum diem pro unâ anima damnatâ supplicaret, Christus eam nullatenus exaudiret, quia damnati sunt citra statum & terminum gratiæ & misericordiæ, ita quod nulla gratia potest pertingere ad eos, dicente Domino, per Malach. *c. 1. v. 4.* Isti vocabuntur termini impietatis, & populus cui iratus est Dominus usque in æternum. Citat deinde auctoritatem S. Aug. qui dixit; Si scirem Patrem meum in inferno, non plus orarem pro eo, quam pro diabolo. Quod expendens S. Cyrillus *orat. de exitu anim.* Gemunt inquit sine intermissione, sed nullus est, qui misereatur. Vociferantur ex profundo, sed nullus est qui exaudiat, lamentantur, sed nullus est qui liberet, exclamant & plangunt, sed nullus est qui commoveatur. Bene S. Chrysostomus *super illa verba ps. 48.* Auxilium eorum veterascet, ita loquitur. Non habebunt, qui defendat & opem ferat, & manum præbeat, & eorum supplicium consoletur. Sic neque Virgines prudentes ultis opem ferre potuerunt, quibus dictum est, nescio vos. Sic nec Abraham, diviti in inferno operi tulit, quia recepit bona in vitâ suâ. Cum enim damnatus à DEO proscriptus sit, & derelictus, omni consequenter subsidio divino in sempiternum destitutus erit, adeoque omnis spes impiorum peribit. O mors quam dulcis esses exclamat graviter S. Hier. citatus à S. Bonav. quibus tam amara fuisti? te solummodo desiderant, qui te tam vehementer oderunt, ut merito dixerit S. Prosper. O quam amarum est, edacissimis in æternum dilacerari vermibus, nec finiri. Sed terribilius est quod S. Chrysostomus *hom. 28. in Mat.* dixit: Terribilis est gehenna, terribilior facies judicis irati, sed quod omnium vincit timorem, est elongatio sempiternâ à contemplatione superbeatissimæ Trinitatis. Gulielmus ex D. Bernardi sociis, post mortem amico suo se noctu videndum exhibuit, & lamentabiliter questus est, se aliâ pœna non torqueri in purgatorio, quam quod visione beatificâ privetur. Rogavit proinde ut statum suum Abbati exponat, atque pro se Fratribus preces indicat. Jussit Abbas fratres omnes per octo continuos dies dicere *psalmum 41.* Quemadmodum desiderat cervus &c. & die septimo sub pallio B. Virginis, rursus, sed gloriosus visus est Gulielmus. Dam-
nnati

*Damnati
mortem
quam ode-
runt desi-
derant.*

*Visionis
beatificæ
privatio
tormentum
maximum.*

innati in æternum visione DEI carebunt. Quanta pœna est exclamat S. Aug. in ps. 49. tantummodo à facie DEI seperari. Qui autem illam dulcedinem non degustaverunt, si non desiderant DEI faciem, timeant velignem; supplicia terreant, quem præmia non invitant.

Sciendum autem est, quod damnati in inferno puniantur pœnâ duplici; unâ, pœnâ damni, ut loquuntur scholæ, quæ consistit in carentiâ visionis beatificæ; altera vero est pœna sensus, quæ ab igne aliisque inferni suppliciis infligitur. Et meritò, quia etiam in omni peccato mortali duo intercedunt, nempe aversio a DEO, & conversio ad creaturam, à quâ, relicto DEO infinito bono, momentaneum solatium expectamus. Aversioni ergo à DEO respondet pœna damni, conversioni verò ad creaturas pœna sensus imponitur. Licet vero aliqui putent, quod saltem sanctos aliquando in cœlo videant, quemadmodum Lazarum in sinu Abrahæ vidit Epulo. Tamen S. Greg. hom. 40. in Evang. dicit: Ex hoc accidente intendi pœnam damnatis, ut peccatores in supplicio amplius puniantur, dum eorum vident gloriam, quos contempserunt. Jam vero si ad pœnam sensus veniamus audite S. Hier. in c. 59. Jerem. In uno igne omnia supplicia sentient peccatores in inferno. Licet autem Calvinus & Beza voluerint, hunc ignem solum esse metaphoricum, non video tamen quomodo metaphoram somniare possit Calvinus, dum audit Christum dicentem Mat. 13. v. 50. Mittent eos in caminum ignis, ibi erit fletus & stridor dentium. Et dives Epulo Luc. 16. v. 24. exclamat: Crucior in hac flamma, adeoque arenti linguæ, vel guttam aquæ petiit. Certè Hugo de S. Victore l. 2. de sacram. p. 16. c. 3. nullam metaphoram hic ait intercedere. Verissimè enim inquit auctoritate sacri eloqui & veritatis Catholicæ probatur testimonio, corporaliter etiam animas ante receptionem corporum cruciari. Maximè cum omnipotentis divinæ, creaturæ ad quemvis effectum qui non repugnat, subiectæ sint. Ut propterea dicatur Deut. 32. v. 22. Ignis succensus est in furore meo, & ardebit usque ad inferni novissimam. Quare S. Aug. serm. 63. ad frat. Ibi nulla vox nisi gemitus, nulla requies sed ardor continuus. Ibi nullum in flammâ refrigerium, sed ignis perpetui continuum incendium, ibi lux nunquam videbitur, ibi tenebris nunquam carebitur. Horroris plenum est, quod dicit S. Chrysostomus l. de repar. laps. Cum ignem inferni audis, ne

*Ignis no-
fier pictus
est.*

arbitreris esse similem huic igni, qui accensus deservescit & mutatur, ille autem semel in flammâ exurgens, ardet perpetuo & nunquam moritur. Quod clarius explicat *hom. 94. ad pop.* Ignis noster materialis comparatione infernalis, umbræ duntaxat habet rationem. Quod penè iisdem verbis dicit S. Anselmus in *Elucid.* Tartarci ignis ardor sic ignem istum naturalem vincit, ut iste pictum ignem. Merito proinde S. Greg. in *synopsi*. Intende animo quascunque sæculi pœnas, quoscunque tormentorum dolores, quascunque dolorum acerbitates, compara hoc totum gehennæ, & leve est omne, quod pateris. Hugo de S. Victore omnia tormenta possibilia hujus mundi confert, & nihil esse dicit. Sic enim *l. 4. de anima c. 13.* loquitur. Ibi omnia genera tormentorum, quorum minimum, est majus omnibus his tormentis, quæcunque in hoc sæculo fieri possunt. Gravi-ter proinde concludit S. Aug. *l. de catechiz. rud. c. 24.* Sicut nullum gaudium rerum temporalium ex aliquâ parte potest inveniri simile gaudio vitæ æternæ, ita nullus cruciatus pœnarum temporalium, potest iniquorum cruciatibus sempiternis comparari. Quæ licet de toto genere pœnarum dicuntur, tamen in igne mirabiliter prævalent, quomodo nimirum ad nutum omnipotentia divina materiale quid spirituale afficiat. De quo ulterius S. Thom. *quest. 7. art. 6.* quaerit, an ignis inferni sit ejusdem speciei? & videtur cum nostro differre, quod non habeat flammam splendidam. Ita enim S. Anselmus: Ardet ignis, sed non lucet. Quod expendens S. Basiliius ad illa verba *ps. 28.* Vox Domini intercidentis flammam ignis. Duo enim habet ignis inquit: Uret & lucet. Qualitates has præceptum Domini intercudit. Vim urendi reliquit, sed abstulit illuminativam. Unde in inferno dicuntur sedere in tenebris: Quod Job sollicitè prævidit. *c. 10. v. 21.* Antequam vadam & non revertar ad terram tenebrosam, & opertam mortis caligine. Ulterius S. Aug. observat, quidum inferni tormenta expendit, illudque summè miratur, quod nempe ab intensissimo excessu caloris ad summum algoris gradum devolvantur: Principalia inquit sunt duo tormenta in inferno, frigus intolerabile, & calor ignis inextinguibilis, quod spiritu Prophetico affirmat Job *c. 24. v. 19.* Ad nimium calorem, transeat ab aquis nivium. Hinc enim verò Christus ipse stridorem dentium penè toties repetit, quoties ferè ignis infernalis meminit. Sic *Mat. 8. v. 12.* Ibi erit fletus & stridor dentium. Quod rursus apud eundem *c. 13. v. 15.*

& ite-

*In inferno
est summus
ardor, &
summus
frigus.*

& iterum c. 22. v. 13. aliisque in locis plurimis affirmat. Qui stridor dentium sive ex enormitate frigoris oriatur, quod putat S. August. & asserit Laurentius Forrerus, qui ait infernum plenum esse febricitantibus, sive confurgat ex nimia ira, & furore erga DEum, & contra tormenta, quæ patiuntur, semper ingentis tormenti sensum exprimit. Dum enim impatienter pœnam ferunt, eam longè gravio-rem suâ impatientia sibi efficiunt. Verba sunt Galfridi apud Titelman-
num: Nimirum sicut passiones omnes patientia subleuat, sic impa-
tientia, quamlibet leves aggravat. Ibi ergo erit stridor dentium, ex
impatientia, alioquin si æquanimiter ferrent, si dicere possent digna
factis recipimus, audeo dicere ignis ille inextinguibilis, tunc ex-
tingueretur. Quia verò ex odio erga DEum damnati Justitiam divi-
nam agnoscere nolunt, meritò omnino æternam sentiunt. Hinc Ju-
dith. 16. v. 21. dicitur: Dabit ignem & vermes in carnes eorum, ut
urantur & sentiant usque in sempiternum. Et licet Origenes mitius
de divinâ misericordiâ sentire voluerit, Christus tamen ipse Justitiæ
divinæ æquissimam indignationem ostendit, dum dixit Mat. 25. v. 41.
Discedite à me maledicti in ignem æternum. Habet nimirum hoci-
gnis infernalis, ardet semper & urit, sed non comburit. Quod as-
serit S. Bern. l. medit. c. 5. Ignis in inferno sic consumit, ut semper
ad tormenta reservet. Et confirmat S. Aug. l. 32. de civit. DEI, qui
in corruptibilitatem corporum damnatorum, & verò perpetuitatem
ignis infernalis probat ex eo, quia notissimi quidam montes Siciliæ
tantâ diuturnitate temporum æstuant usque nunc flammis, & integri
perseverant. Ut meritò dixerit S. Bern. serm. 42. in Cant. super illa
verba ps. 48. Sicut oves in inferno positi sunt, mors depascet eos.
Mors inquit depascet eos, quia in inferno semper moriuntur ad vi-
tam, & semper vivunt ad mortem. Quæ verba S. Aug. pulchrâ alle-
goriâ amplificat: Mors inquit pastor est eis. Pastor ad hoc pascit o-
ves, ut in vitâ conserventur. Mors ergo, quæ in hac vitâ non pa-
stor videtur, sed nos pascens est, in inferno pastor est, quia non
occidere sed conservare intendit, ne in æternum moriantur, & ta-
men æternum moriantur. Simili allegoriâ prædicta verba explicat
S. Greg. o. moral. c. 7. Depascere dicitur mors, quia sicut ovis de-
pascens herbam, non eam radicitus evellit, sed ita pascit, ut rema-
nente radice iterum herba crescat, & iterum depascatur; ita semper
mors depascit miseros, quia semper illis relinquitur vita, ut tormen-

*Damnati
mori non
possunt.*

ta valeant sustinere. Denique concludit S. Bern. *l. medit. c. 4.* Sic ignis ibi consumit, ut semper crescat. Sic tormenta aguntur, ut semper renoventur; ardebunt miseri in igne æterno in æternum. Horribilem hujus æternitatis scenam exhibet P. Georgius Stengelius in *sua hist. Trag.* ubi sic refert. Eremicola in quodam monasterio invenit Virginem sanctam, ex quâ suæ Conversionis vocationisque causam sciscitatus est, quæ ingemiscens respondit: Diversos habui parentes, patrem virtuosum, matrem vanissimam. Mortuo patre in ipsâ sepulturâ magna orta fuit tempestas, illo vero sepulto, domus nostra brevi in lupanar abiit. Paulo post tamen mortua est & mater, & cum ingenti honoris pompâ funus elatum fuit. Dum ego hæc apud me expenderē, & deliberarem, cujus vestigiis insistere vellem, rapta sum in extasim, & primo deducta fui in paradysum, ubi inter Sanctorum choros animam parentis mei reperi. Indè ad alium locum deducta fui, & quidem ad fornacem igneam, in illa vidi jacentem scēminam, & omnia ejus membra ignea, cum tanta faciei & oris deformitate, ut agnoscere non possem. Ubi tamen DEO volente eam agnovi esse matrem meam, his illa verbis me est allocuta. Heu me filia! mater tua sum, & de propriis operibus hæc patior. Eheu! ecce propter parvam libidinem quæ tormenta patior? hoc tamen præcipue affligit, cum has flammæ, hæc tormenta, tot millibus annorum passa fuero, quot sunt in cælo stellæ, erit tormentorum principium. Fuerunt mihi olim hæc dicta & decantata, sed risi; nunc experior, quid sit ardere in inferno. Vade tu, & aliter vive! His auditis, ubi mihi restituta fui, valedixi mundo, ut hic DEO servirem, ne æternum sim misera. O quam bene S. Aug. *super illa verba Apoc. 19.* In diebus illis quærent homines mortem, & non invenient eam: Quærit deinde quare mors in inferno quæritur, & non invenitur? Respondet ipse. Quia quibus in hoc sæculo vita offertur, & nolunt accipere, in inferno quærent mortem, & non poterunt invenire. Unde Innocentius III. eadem verba declarans dicit: Tunc erit mors immortalis; Tunc vivent mortui, qui vita sunt mortui; quærent mortem & non invenient, quia vitam habuerunt, & perdidērunt. O mors! exclamat, quam dulcis esses, quibus tam amara fuisti. Te solum desiderantes optabunt, qui te prius vehementer abhorruerunt. Merito ergo concludit S. Greg. Quid igitur acerbius, quam mortem semper desiderare, & non obtinere? Imò quid tam

*Puella ex-
dispari pa-
rentum sta-
tu, seculum
eligat.*

tam pœnale, quam ſemper velle, quod nunquam erit; & ſemper nolle, quod nunquam non erit. Cruciatur ergo, & non extinguitur, moritur & vivit, deficit & ſubſiſtitur, finitur, & ſine fine eſt. Ex quo neceſſario ſequitur deſperatio. Ut bene dixerit ſapiens *Proverb. 10. v. 28.* Expectatio juſtorum lætitia, ſpes autem impiorum peribit. Quod nimis evidens eſt in damnatis, quibus ſpes omnis eſt ſuccifa. Unde S. Bern. *l. medit. c. 3.* hanc omnis ſpei carentiam dolo- roſiſſimam futuram putat. Adeo enim atrox erit hic Cruciatuſ, ut cum S. Cypr. *ſerm. de aſcens.* omnibus aliis pœnis præferat. Omni inquit tormento atrocius deſperatio condemnatos affliget. Occurrit hic fornax illa babilonica de qua *Dan. 3. v. 47.* habetur, quod cum miniſtri non ceſſarent ſuccendere fornacem naphthâ & ſtuppâ & pice & maleolis, effundebatur flamma ſuper fornacem cubitis quadraginta novem. Hic merito quis mirabitur, tam curioſe à Propheta obſervari numerum quadraginta novem cubitorum. Quæ tamen ſi bene conſiderentur magni myſterii ſenſum aperiunt. Cum enim numerus quinquagenarius ſit numerus remiſſionis & indulgentiæ uti habemus ex ſcripturâ ſacrâ. Quod nimirum anno quinquageſimo Jubilæus fuerit celebratus, quo tempore omnia debita, quibus unus alteri obſtringebatur, remittebantur. Ignis verò infernalis, quia per omnem æternitatem duraturus eſt, ne quidem per figuram vel umbram in minimo expiari poterit, adeoque nunquam ad numerum quinquageſimum & Jubilæum attinget, ſed flamma quadraginta novem cubitorum, utique perpetua, in æternum durabit. Spes enim impiorum peribit, & in inferno nulla eſt redemptio. Ut merito dixerit S. Gregor. *l. 9. mor. c. 49.* ſit miſeris mors ſine morte, & ſinis ſine fine, quia & mors vivit, & ſinis ſemper incipit, & deficere defectus neſcit. Quia & mors perimit, & non extinguit; dolor cruciat, & nullatenus pavorem fugat; flamma comburit, ſed nunquam tenebras diſcutit. Denique ignis inferni eſt ſempiternus.

Quod certè Juſtitiz divinz inconveniens videri non debet. Li- cec tanta ſit damnatorum copia; de qua agens Michæas *c. 7. v. 1.* *Da-
torum co-
pia,* Væ mihi inquit, quia factum ſum, ſicut qui colligit in autumnno ra-
cemos. Non eſt botrus ad comedendum. Tremenda eſt hæc ſen-
tentia Prophetæ, quia ut Gloſſa dicit, hic loquitur Propheta in per-
ſonâ Salvatoris. Quæſi poſt vindemiam, vix racemi in aliquibus
vitibus reperiantur. Lyrain hunc locum cauſam dat, quia diabolus

primo colligit plures & majores. Quod certè DEO imputari nequit, quia damnatis sponte suâ in damnationem ruerunt, ut merito dixerit DEus per Oseam c. 13. v. 9. Perditio tua Israël, tantummodo in me auxilium. Quod pulchrè declarat Paschasius *super illud Mat. 25.* Satuet hædos à Sinistris. Nec DEI est quod à Sinistris sint, sed ipsorum, qui in sinistris malitiæ suæ, se collocaverunt, nolentes dextrorsum sequi vestigia. Unde Theophylact. *in Mat.* ait; DEI est vocare, electos autem fieri, aut non fieri, nostrum est. Quod paribus verbis confirmat S. Ambr. *super illud 1. ad Tim. 2.* DEus vult omnes homines Salvos fieri. Vult inquit DEus omnes homines salvos fieri, sed si accedant ad eum. Non enim sic vult ut nolentes salventur, sed vult illos salvari, si & ipsi velint. Benè proinde S. Aug. *l. de correct. & grat. c. 15.* Qui creavit te, sine te, non justificabit nec salvabit sine te. Quia tamen ex suâ obstinatâ malitiâ DEum amanter vocantem non audiverunt, & ut benè observat S. Greg. *l. 4. Dial. c. 44.* voluissent quantum in se erat, & si potuissent sine fine vivere, ut possent sine fine peccare; ideo ad Justitiam DEI pertinebat, ut nunquam careant supplicio, qui in hac vitâ nunquam voluerunt carere peccato. Quod Hugo Cardinalis *in illud Isa. 50.* In doloribus inferni dormietis, confirmat, dum dicit: In doloribus inferni dormietis, id est permanebitis ibi semper jacentes in pœnâ, qui semper dormi-

*Pœna cura
terna?*

*Godschal-
cus iſo in
ferno non
emenda-
tur.*

vistis hic in malitiâ. An non hoc vidimus in Godschalco amplissimarum possessionum Colono, de quo Pexenfelder *p. 3. hist. 124.* qui à quodam Equite jussus conscendere equum ductilem, illum conscendit, cumque illo ad infernum abiit, ibique parentem consanguineos, & amicos suos vidit, & in flammis ardere crudelissimis conspexit. Dixit ei dæmon, post triduum morieris, eademque patieris. Rediit ex inferno, visa narravit, nec tamen pœnituit, sed post triduum impœnitens obiit. Quam verè Glossain c. 13. *Oſæ*: Tu ipse es causa tuæ perditionis. An non merito cum Origene *hom. 30. in libr. Numer.* exclame n. Major causa est in DEO, ut homines pertrahat ad veram salutem, quam diabolo ut nos ad æternam damnationem impellat. Quandoquidem hic DEus ipsum dæmonem coëgit, ut columnâ manifesto periculo damnationis advocaret. Simile huic est, quod in quodam monasterio accidit & habet Pexenfelder *p. 1. hist. 46.* ubi paulo antè concionem in gravem morbum incidit Concionator, quare de Concione sollicitus superior, dum varia tecum reputat, quid-

*Dæmon
cum magno
motu Con-
cionatur.*

quidque agat deliberat, videt venientem Janitorem, qui refert adven-
niffe peregrinum Virum insignem; hic a Superiore humaniter ex-
cipitur, dumque suam de Concione sollicitudinem aperit, persona-
tus hic hospes, operam suam liberaliter obtulit. Dixit, & quidem
magnâ cum faciendâ, motu, plausuque Auditorum. Concessit au-
tem DEUS uni ex Religiosis, ut personatum Concionatorem agno-
sceret, quem proinde finitâ Concione sic est allocutus. Quid tibi
cum verbo veritatis? cui dæmon, an non verum dixi? Ita inquit
vir ille religiosus, sed intentio tua pessima est. Quare ut veritatem
fatearis, te in nomine Jesu Christi crucifixi adiuro. Tunc Sathanas.
Eccè omnes isti, ad horam dictis meis credent, sed minimâ tenta-
tione urgente, recedent. Erit ergo illis verbum veritatis in futuro
judicio ad majorem condemnationem. Quid ergo mirum quod Chris-
tiani longè profundius in inferno ardeant? qui cum notitiâ suâ ad
DEUM obligationis, tam obstinatè à DEO averfi æternis pœnis se
sponte addixerunt. Cum S. Macarius Alexandrinus in deserto in-
venisset caluam hominis defuncti, interrogavit an Christiani an pa-
gani hominis hæc calua esset? respondit se esse pagani hominis. In-
stitit ulterius Macarius, ubi anima illius moretur? dixit in inferno.
Rursus ergo Macarius an in inferno sint Christiani? imò verò inquit
Calua, sunt multi, & quidem profundiore loco, quia doctrinâ à
Christo datâ rebelles, Christiano nomini & legibus conformiter non
vixerunt. Ite nunc Christiani & hoc nomine vobis blandiamini, quia
Christiani estis. Ite Lutherani & vos pretioso Christi sanguine re-
demptos vanâ complacentiâ jactate! damnati in inferno Christiani,
hoc nomine æternis torquentur inferorum suppliciis, quia legibus
Christi rebelles vixerunt. S. Aug. in ps. 127. refert se in Concione de
inferno ad populum dum hanc Concessionem Rhetoricam fecit. Ite
impii! peccate quantum lubet; Ite voluptuosi! coronate vos ro-
sis; ite invidi! ite Iracundi! quærite vindictam, effundite sangui-
nem. Sed unum monco! faciem DEI, non videbitis in æternum &c.
Tantum dicit fuisse factum motum inter suos auditores, ut omnis po-
pulus inceperit plângere, flere, & misericordiam DEI implorare.
O si ego hodie toti mundo inclamare possem illud S. Gregorii, quo
allocutus est omnes peccatores. O impii! nolite misericordiæ tem-
pora perdere. Ideò inquit S. Leo *serm. de Collect.* Nunciata est seve-
ritas, ut quæretur misericordia. Misericordiam nobis offert Christus,
qui

Christiani
sunt pro-
fundius in
inferno
quam Eth-
nici.

*Christus
S. Gertru-
di ostendit
solicitam
suam apud
Patrem
mediatio-
nem.*

*S. Domini-
cus offen-
sis inferni
pœnis, ab
adulterio
deterret.*

*Christus
nos sapè
terret in-
ferno.*

*Natura,
inferni spi-
racula o-
stendit.*

qui teste Blosio in *monili suo spir. c. 1.* S. Gertrudi dixit: Utilissimum foret homines scire, & in memoriâ semper habere, quod ego Virginis filius, pro salute eorum adsto ante Patrem, & quodocunque ipsi ex fragilitate delinquant corde suo, offero pro eis DEO Patri cor meum, immaculatum, in emendationem. Quando vero peccant opere, exhibeo manus meas perforatas, & ita statim placo Patrem, ut illi pœnitentes facilius semper obtineant veniam suorum peccatorum. Quia verò plures timore potius, quam amore reguntur, sequantur illi consilium S. Augustini & timore pœnarum æternarum se ipsos cohibeant & refrænent. Audiamus S. Bern. *serm. ad Cler. c. 4.* Qui pavet, cavet. Qui negligit, incidit. Sic enim S. Chrysost. *hom. 31. in Ep. ad Rom.* nobis timorem omnem eripit, dum dicit: Non sinit in gehennam incidere gehennæ recordatio. Evidenter hoc ostendit D. Dominicus in cuius vita refertur, quod mulier quæpiam impatiens adulteriorum, quæ in facie illius maritus commisit, se resolverit par pari referre. Noctu autem habuit visionem, in quâ vidit pœnas inferni, quibus adulteri puniuntur. Circumdabantur nimirum pice & sulphure, & ardenti metallo perfundebantur. Vidit & ardentem fornacem marito suo paratam. Ubi mulier ad se rediit. S. Dominicum accessit, à quo rosarium accepit, ut dormientis inariti pulvillo subjiceret, quod ubi fecit uxor, maritus similem visionem habuit, ad quam salutariter exhorruit, & vitam emendavit. Mirum ergo videri non debet, quod Christus toties in Evangelio suo inferni faciat mentionem. Ut benè dixerit S. Aug. Quem non terreat ista repetitio, & illius pœnæ comminatio tam vehemens? & quidem ore divino prolata. Taceo SS. PP., ipsos Prophetas, ipsam denique naturam, quæ in Ætna, Vesuvio, Vulcano montibus, nobis ipsius inferni caminos repræsentat, de quibus eleganter Tertullianus *l. de pœnit.* Quidni illum thesaurum ignis æterni æstimemus, cum ejus quædam sumariola, tales flammarum ictus sustinent, ut proximæ Urbes aut nullæ extent, aut idem sibi in dies metuant. Cur obsecro? nisi ut nos à peccato deterreant. Benè S. Anselmus *in c. 5. Mat.* Audiamus DEum gehennam minantem, & per hoc exterriti mundo renunciabimus, & DEO servire cum amore incipiemus. Si amor DEI terrere non potest, exclamat S. Bern. *l. de inter. domo c. 30.* saltem teneat, & terreat timor judicii, metus gehennæ, laquei mortis, dolores inferni, ignis urens, vermis corrodens, sulphur scæ-

tens,

tens, flamma tartarea, & omnia mala. Quare ne fugiamus sermonem de gehennâ inquit S. Chrysostomus *hom. 1. in Ep. 1. ad Thessal.* ut gehennam fugiamus; Ne fugiamus pœnæ mentionem, ut non puniamur. Si dives ille ignem cogitasset, non peccasset, quoniam autem ejus nunquam meminit, idcirco in eum incidit. Salutariter proinde S. Chrysostomus *hom. 31. ad Rom.* monet. Ultinam in prandis & cœnis, imo & ubique de gehennâ disputaretur, nec enim mœrore affecti essemus in vitæ hujus malis; neque in bonis illius deliciati aut lætati. Concludit deinde, Continuos itaque sermones de gehenna misceamus, non enim finet in gehennam incidere, gehennæ recordatio. Refert in vitis PP. Rosweidus duodecim Anachoretas ad Colloquium convenisse ut de piis rebus inter se colloquerentur; cum unus de cœlo, alter de morte & Judicio, alius de misericordiâ DEI proponeret, ultimus dixit, ego non judico me dignum ut tam sublimia animo meo volvam, hoc ego frequenter ago, vivus descendo in infernum, videre videor ardentes animas, & cogito; istis fortassis post modicum tempus annumerabor. Quanti non peccarent? si infernum sæpius cogitarent. Isaac *Gen. 27. v. 33.* deceptus in benedictione eandem retractasset; sed Lyranus dicit, a DEO offensam esse Isaac gehennam, & statim acquivisse voluntati divinæ. Quare ne eò deveniamus, sæpè cogitatione eò descendamus. Benè namque David *ps. 54. v. 16.* Veniat mors super illos, & descendant in infernum viventes. Pulchrè S. Bern. *l. 1. de vit. solit.* Ad infernum descendit quippe homo vivens per considerationem. Cum scilicet aliquis, se ipsum mortuum cogitat, & in sepulchro jam positum, putredine & vermibus plenum, omnibus nudatum, & insuper animam suam considerat divino judicio infernalibus pœnis traditam. Expertus est hujus vim juvenis ille regis Ratislaus nomine, de quo Pexenfelder *p. 2. hist. 88.* refert quod Lescus Parens Poloniae Rex, propter sibi structas insidias, & consuetas ebrietates emendatum volens, potum & vino somnoque sepultum, noctu à quatuor larvatis spectris lapidum fodinæ subterraneæ inferri curaverit, ibique deponi, atque à spectris variis terriculamentis exerceri. Ubi crapulam edormivit Ratislaus, & expergesfactus fuit, primo longas miratus est tenebras, deinde cum neque exitum videret, neque fugæ locum ullum, horrere cœpit & sudare. Interim se illius oculis varia horrenda monstra objecerunt, quæ illi rotas, enses, aliaque hor-

Patres inferni memoriam se excitant ad virtutem.

Rex insidiantem filium emendare volens, ebrium ad infernum misit.

Ex malo
juvene bo-
nus senex
fit: viso in-
ferno.

rida mortis instrumenta repræsentarunt, illisque extrema omnia ei-
dem minabantur. Totum diem tenuit hæc visio, ubi rursus nox cœ-
ca advenit, hi portitores larvati rursus juvenem regium sandapilæ
imponunt, & domum referunt, atque in tenebris ad lectum regium
deponunt atque disparent. Nec dum Ratislaus scivit, quo loco sa-
lus sua consisteret, usque dum dies illuxit. Ubi enim de more ad-
sunt aulici, & suum intuentur Principem, simul vident juvenem
viginti duorum annorum cum barbâ & capillitio canum referre se-
nem octogenarium. Audivit hoc parens, & in collum filii pro-
ruens dixit; volebam ex filio perduelle probum & morigerum fa-
cere, sed simul ex juvene feci senem. Quot hodie incanescerent
& juveniles libidines exuerent, si serio infernum cogitarent. Quam
verum est illud Chrysostomi *hom. 5. ad pop.* Gehennam continuo ti-
mens, nunquam in gehennæ ignem incidet. Pulchrè enim S. Basilius
dicit: Multi gehennæ multum debent, quia gehenna illos ducit
ad paradysum.

Christus
non descen-
dit ad in-
fernum da-
mnatorum.

Cæterum licet aliqui sint DD. qui putant Christum secundum
substantiam descendisse ad hunc infernum damnatorum seque fun-
dent in illo *Eccles. 24. v. 45.* Penetrabo omnes inferiores partes ter-
ræ, tamen quia ibidem statim additur, & illuminabo omnes speran-
tes in Domino; quod de damnatis dici non potest, ideo videtur
probabilius, illuc tantum per virtutem suam devenisse, & vi divini-
tatis suæ totum infernum conterruisse. Neque enim ille amabilissimus
aspectus Christi gloriosi, sine consolatione esse potuisset, quos ta-
men nullo solatio vult affici strictissima DEI Justitia. Confirmat me
in meâ opinione S. Aug. qui in *suo manual. c. 2.* DEI vultum tantæ
dicit esse pulchritudinis, ut si damnati per ictum oculi vel momento
unico viderent, omnia tormenta in gloriam, tenebræ in lucem, hor-
ror in suavitatem, totus infernus converteretur in paradysum. *Luc. 16.*
Elevat dives epulo ex infernalibus flammis ardentes oculos, quibus
ubi vidit Lazarum in sinu Abraham, petit ab illo, ut intingat digitum
in aquam, ut unicâ guttulâ, liceat incendium mitigare. Quid faciet
guttula, inter tantas flammis? Sed æqua omnino est petitio; petit
namque guttam de fonte vitæ æternæ. De hujus fontis guttulâ S. Aug.
serm. 120. de Temp. Tanta est dulcedo futuræ gloriæ, quod si unica
gutta in infernum deflueret, totam damnatorum amaritudinem dul-
coraret. Quare sacundè planè concludit S. Aug. Si unica mellis gut-
tula

tula ex paradyſo, omnem vanitatis, dicam ego incendii infernalis ſitim extinguit? quid faciet inexhauſtum voluptatis pelagus. Quod nos de cœleſtis beatitudinis guttâ diximus, S. Vincentius Ferrerius ad lachrymam pœnitentiæ extendit. Cujus magnum hoc dictum eſt; Si anima unius damnati, poſſet habere unicam guttam lachrymarum contritionis, DEus illam ſalvaret. Flent quidem juxta dictum Chriſti: Ibi erit fletus. Sed fletus hic, non eſt pœnitentiæ; omnes enim hæ lachrymæ inanes ſunt, quia non ex debita pœnitentiâ, ſed ex triſtitia, & indignatione procedunt. Unde S. Apoſtolus Judas in ſua Ep. Cath. v. 12. vocat arbores autumnales, inſructuoſas, bis mortuas, eradicatas. Quæ verba Hugo Cardin. ſic explicat: Sera nimis eſt illa pœnitentia, erunt enim quaſi arbores autumnales, quæ ^{Pœnitentia in inferno, eſt tarda nimis.} florere incipiunt, quando aliarum arborum fructus comeduntur. Pulchram ſanè fictionem inorum facit Nirenbergius noſter l. de grat. c. 4. Fingamus Inquit indici damnatis apud inferos facultatem vitæ melius retexendæ; an eorum quiſquam neglecturus ſit tantum munus, vel rejecturus in aliud tempus aut momentum? eſſi majorem quam nunc ferunt, dolorem forent toleraturi? Quanti tunc forent prodigiſi videre homines ex horrendis illis flammarum ſepulchris in ſpem frugis, gratiæ, felicitatiſque redivos? Nobis hoc totum in manu eſt. Quid ergo miſeri peccatores moramur? Audite Paulum ad Galat. 6. v. 10. Dum tempus habemus operemur bonum, id eſt pœnitentiam in alteram vitam non differamus. Quia S. Joannes in ſua Apocalypſi clare dicit, ſe angelum audiviſſe, qui poſt hanc vitam nullum ad benè operandum tempus ſuperfuturum jurejurando affirmavit. Et Angelus inquit c. 10. v. 5. quem vidi ſtantem ſuper mare, & ſuper terram, levavit manum ſuam ad cœlum, & juravit per viventem in ſæcula ſæculorum, qui creavit cœlum & terram, & ea quæ in eo ſunt, & mare, & ea quæ in eo ſunt. Si quæras quid jura-verit? dicam. Quia tempus non erit amplius. Unde nemo ſibi blandiatur, ſequè inani ſpe lætet, quia ſo in æternum deſuſum ſentiet. Dura eſt illa S. Bernardi conceſſio ſerm. 75. in Cant. I ergo tu, & in medio gehennæ expectato ſalutem, quæ jam facta eſt in medio terræ; quam tibi ſomnias proventuram inter ardores ſempiternos facultatem, & veniam promerendi? cum jam tranſiit tempus miſe-rendi? Non deſcendit ad inferos ſanguis, qui effuſus eſt ſuper terram, Biberunt hunc omnes peccatores terræ, non eſt quod ſibi ex eo

*In infernū
vivi de-
scendamus,
na morien-
tes eō ve-
niamus.*

vendicent quidquam dæmones, ad restringendos focos suos; sed neque homines, qui apud inferos sunt focii dæmonum. Quia nimirum in inferno nulla est redemptio. Descendamus ergo cum Christo non pedibus sed virtute, assiduā scilicet piaque meditatione. Quia benè inquit S. Bern. *de vit. solit.* Descendant in infernum viventes, ne descendant morientes. Hoc enim modo cælorum incolæ viri scilicet iusti in infernum descendunt, ut sic inferni dolores horreant & effugiant. Est tamen hæc nimium quantum iusta querela S. Chrysostomi *hom. 55. ad pop.* Quamvis ignis ille æstuet, fluvius ille flammeus accendatur, nos tamen ridemus & licentiosè peccamus. Horrescere & ingemiscere audiamus S. Bern. *de inter. dom. c. 30.* Quid horribilius morte? quid iudicio terribilius? sed gehennā nihil potest intolerabilius excogitari. Quid metuet, si quis ad ista non trepidat? non expavescat? non timore concutiat? Quare cum desperato peccatore sic loquitur S. Basil. *hom. 7. in ditescentes.* Quibus verbis te curabo? quomodo loquar? Regnum DEI non curas? gehennam non times? quam animæ tuæ medicinam idoneam inveniam? Si enim horribilia non metuis, clara insuper & pulchra despicias? disputamus cum corde lapideo.

*Datur pur-
gatorium.*

*Consecratur
in purga-
torium de-
trudamur.*

Secundus locus subterraneus est Purgatorium, quo nomine aliud non intelligimus, quam locum aliquem, in quo animæ fidelium, quæ cum reatu pœnæ temporalis decesserunt, detinentur, donec perfectè expiata, æternā beatitudine perfruantur. Quem locum licet negent Lutherani & huius temporis sectarii cum priscis illis Aërianis; dari tamen, de fide est, & apud omnes pios Catholicos indubitatum, quod nempe sit locus subterraneus inferno vicinus. Causa vero cur quis ad illum locum deveniat duplex est, vel enim est ex culpā mortali dimissā adhuc residua pœnā, verbi gratiā: centum peccata mortalia commisisti, juxta Canones verò uti docet Gobat *in tract. 4. de Indulg. c. 3. n. 284.* peccato mortali correspondet pœnitentia septem annorum, cum ergo non vivas nisi 30. vel 40. annis, vel in vitā tuā non nisi centum annos delevisti, pœna sexcentorum annorum reservatur. Vel est culpa Venialis nec dum dimissa. Quā inquinata anima cum pœnas æternas non mereatur, ad infernum detrudi non potest, nec tamen etiam cælo inferri, quia nihil inquinatum eō penetrabit. Habemus huius rei pulchram figuram in scriptura, ubi DEus arcet aves à sacrificio, nisi etiam plumulis minimis

care-

carerent, quare neque eas ad sacrificium admisit, priusquam plumæ minimæ igne tollerentur. Sic enim *Levit. 1. v. 14.* dicitur. Si de avibus holocausti oblatio fuerit Domino, plumas projiciet lignis igne supposito. Quasi diceret ubi per confessionem grandes plumæ depolitæ fuerint, & ex lachrymarum diluvio grandiora peccata abiverint, minores plumæ seu peccata Venialia & residua pœna purgatorii igne sunt abolenda. Quod dicere videtur David *ps. 65. v. 10.* Quoniam probasti nos DEUS, igne nos examinasti, sicut examinatur argentum, statimque subjungit *V. 12.* Transivimus per ignem & aquam, & eduxisti nos in refrigerium, debent enim in conspectu DEI omnia esse mundissima, & minimi etiam nævi prius depurari. Mirabile est illud *Isa. 6. v. 1.* Vidi Dominum super solum excelsum & elevatum &c. paulo post dicit, Væ mihi! quia tacui, quia vir pollutus labiis ego sum. Quomodo autem Isaias pollutus labiis DEum videt? cum non nisi mundo corde DEum videbunt? scilicet DEUS *Alia sunt* etiam in Angelis suis reperit pravitatem, & hinc etiam Isaias, qui *judicia* ante DEum conspectum se planè mundum credebat, ubi in conspectum divinum venit, pollutum se invenit. Dicit hoc S. Gregorius Nazianzenus: Isaias priusquam videret thronum excelsum & elevatum, ad populum clamat Israeliticum, sibi autem ipsi parcat, & indulget, tanquam minimè reus. Postquam autem visionem vidit, tanquam sibi jam conscius, Væ mihi inquit misero, quia tacui. Arguit & instat Isaias apud populum, implet ministerium suum, sed in conspectu DEI Oculatissimi, se statim pollutum labiis invenit. Et hinc subdit: Et volavit unus ad me de Seraphim, & tetigit os meum. Depurari debuit Prophetæ puritas. Nihil enim in humanis tam sanctum, quod ad oculos purissimæ majestatis divinæ non debeat repurgari. Simile quid video *Mat. 14.* Descendit Petrus de navicula, & ambulavit super aquam, ut veniret ad JESUM, porro cum cœpisset mergi, clamavit; Domine salvum me fac. Et continuo extendens JESUS manum, apprehendit eum; & ait illi, modicæ fidei, quare dubitasti? In hunc locum Origenes dixit. Peccatores graves sunt; sancti quia leves, ambulant super aquas; ambulavit ideo Petrus. Quæ- *Petrus dis-* ret aliquis, si Petrus ambulavit super aquas quia levis, cur ergo ad *fidens, per* conspectum Christi cœpit mergi? Respondet S. Synesius. Non enim Petrus tantus erat ac talis, qui nihil omnino de specie plumbi haberet in se admixtum. Instabis tamen, si plumbum habuit admixtum, *peccatum* *gravis fa-* *ctus mer-* *gitur in* *mari,*

curtamen levis ambulavit super aquas ? Respondet dictus Synesius. Nisi quia Sanctus Apostolus levitate fulget nè submergatur, dum longè à Christo constituitur ; at ubi ad Christum puritatis fontem accessit, gravis deprehenditur & submergitur, ac si verè peccator esset. Idcirco concludit Origenes : Qui salvus fit, per ignem salvus fit. Petro clamante salvum me fac. Ut si quid de specie plumbi in conspectu Domini admixtum habuerit, id ignis decoquat & resolvat. Et hoc est quod *Malach. 3. v. 3.* dicitur ? Ipse enim quasi ignis conflans, & quasi herba fullonum, & sedebit conflans & emundans argentum. Et purgabit filios Levi &c. & colabit eos quasi aurum. Purgatur ergo aurum, emundatur argentum, quia nihil in conspectu Domini, quod non debeat expurgari. Quid herba fullonum aliud, quam severa Iustitia divina, cui filii Levi id est animæ purgatorij adhuc repurgandæ traduntur. Aptissimè planè hic quadrat Episcopi Synesii sententia, quæ sic habet. Dæmones expiandis sceleribus præsumunt, eandem in animis hominum artem exercentes, quam in sordidis vestibus fullones habent. Quod si quis vestibus sensus esset, quid eas demum facturæ arbitramur, cum & calcibus subiguntur, & nitro perfricentur, & omni ratione depectantur. Considera hæc verba omni ratione, & combina cum illis verbis *Malach. 3.* & sedebit emundans. Quid aliud concludes ? nisi omni ratione severissimâ rationes exacturum DEum. Quantis verò cum cruciatibus concludit S. Synesius veteres sordes & insitas penitus maculas elutum iri putabimus ? Quasi diceret, si tantâ diligentia purgatur aurum & argentum, quid fiet de ferro & plumbo. Et hinc est quod Christus ipse, dum gradus fecit ipsius peccati, in materia iracundiæ & odii, simul etiam faciat gradus pœnæ *Mat. 5. v. 21.* Audistis, quia dictum est antiquis. Non occides, qui autem occiderit reus erit Iudicio. Ego autem dico vobis, quia omnis qui irascitur fratri suo, reus erit Iudicio. Ecce primus gradus. Qui autem dixerit fratri suo racca, reus erit concilio ; ubi habes secundum gradum. Qui autem dixerit fatuè ; reus erit gehennæ ignis, ubi tertius gradus confurgit. Quibus positis dicit Christus *v. 25.* Esto consentiens adversario tuo cito, dum es cum ipso in viâ, ne forte tradat te adversarius Iudici, & Iudex tradat te Ministro & in carcerem mittaris. Amen dico tibi non exies inde, donec reddas novissimum quadrantem. Ex quo apparet, quod Christus contradistinguat iudicium à Concilio, & utrumque à gehennâ ignis ;

Omnia vestra ad ultimum depurgantur.

Christus ipse assignat differentiam pœnæ.

ignis; sic ut solum tertius gradus debeat esse damnationis & consequenter mortalis, dum duo priores tantum venialis peccati rei dignoscuntur, adeoque etiam pœnæ diversitas notanter apponitur. Temporalis nimirum & minor Veniali peccato, æterna vero gehennæ & peccato mortali. Cum enim ex inferno non sit exitus, & ibi nullus quadrans novissimus reperiatur, patet, quod iste carcer seu purgatorium, sit tantum carcer temporalis animabus nondum plenè expiatis deputatus. Patet ergo Christum hic non agere de judicio humano sed divino; ad quod spectat pœna gehennæ in quam nemo hominum, jus habet. Et vero sic explicat hoc S. Aug. l. 1. de *serm. Domini in monte ca. 19.* Ubi Christus discriminat tres gradus. Primus est iram cohibere intra cor, secundus erumpit in commoti animi signum, manifestum tamen convicium comprimit. Tertius aperte conviciatur. Quorum gravitati proinde pœna à Christo deputata respondet. Nempè primo gradui judicium, ubi statuendum, an pœnâ aliqua sit mulctandus. Secundo Concilium statuta nimirum pœna dispicere, an temporali, an æternâ gehennæ, sit puniendus reus. Tertio tandem absolute æterna pœna statuitur. Quod ex verbis sequentibus patet; Esto consentiens adversario tuo cito, dum es in viâ cum eo. Ubi viæ nomine vita nostra, nomine adversarii vel lex divina vel ratio ipsa, nomine verò Judicis Christus intelligitur, utpotè qui de se ipso dixit *Joan. 5. v. 22.* Neque enim Pater judicat quemquam, sed omne judicium dedit filio. Addit S. Greg. *hom. 39:* Ministri nomine diabolus, nomine carceris infernus vel purgatorium, nomine quadrantis novissimi levitas peccati notatur.

Simile est illud *Mat. 12. v. 32.* Qui autem dixerit contra Spiritum sanctum, non remittetur ei, neque in hoc sæculo, neque in futuro. Ex hoc textu S. Aug. l. 31. de *Civit. DEI c. 24.* Et l. 6. contra *Julianum* infert, esse aliquem locum in altero sæculo in quo remitti peccata possunt. Non in cælo, quia ibi peccatum non est. Non in inferno, quia ibi remissio nulla est, ergo est tertius aliquis locus, quem purgatorium dicimus. Quod idem affirmat D. Greg. l. 4. *Dial. c. 39.* D. Bern. *hom. 66. in Cant.* & Venerabilis Beda in c. 3. *Marci.* ubi dicit quod peccata quædam in futuro sæculo, per suffragia & orationes Ecclesiæ remittantur. An non purgatorii pœnas, ostendit minores esse quam inferni S. Lucas c. 12. v. 47. dum ait: Qui cognovit voluntatem Domini sui, & non præparavit, & non fecit volun-

tatem

Est in altero sæculo locus ubi peccata remitti possunt.

Plato agnovit purgatorium.

S. Augustinus timuit purgatorium.

tatem ejus, vapulabit multis; qui autem non cognovit, & fecit digna plagis vapulabit paucis, id est tempore aliquo terminandis, cum plagæ inferni sint æternæ nunquam finiendæ. Quod multum & patrum Sancti Patres communiter explicant, per durationem vel æternam vel temporalem. Hoc lumine naturæ illustratus agnovit Plato, qui animabus cum levi maculâ decedentibus lacum assignat Acherusium. Quicunque enim in hac vitâ tenuisse medium quoddam comperiuntur, ad Acherontem profanis vehiculis quæ unicuique adfuit, in lacum perveniunt Acherusium, ibique inhabitant purganturque, cum purificati sunt, absolvuntur, rursusque pro merito singuli benefactorum præmia reportant. Sic S. Aug. in ps. 37. Verba illa Davidis, Domine ne in furore tuo arguas me, neque in irâ tuâ corripas me explicat: Domine ne in indignatione tuâ arguas me, id est, non sum inter illos, quibus dicturus es, ite in ignem æternum, qui paratus est diabolo & angelis ejus. Neque in irâ tuâ emendes me, ut in hac vitâ purges me, & talem me reddas, cui jam emendatorio igne opus non sit. Ita verba ps. 65. v. 12. Transivimus per ignem & aquam, & eduxisti nos in refrigerium interpretatur S. Ambrosius. serm. 3. in ps. 118. ut per aquam baptismum, per ignem Purgatorium intelligat. Planè hoc sensu accipiuntur verba illa Michææ c. 7. v. 8. Ne lateris inimica mea super me, quia cecidi, confurgam cum ledero in tenebris; Dominus lux mea. Iram Domini portabo, quoniam peccavi ei, donec causam meam judicet, & faciat judicium meum, educet me in lucem, videbo justitiam ejus. Quæ verba S. Hier. & Glossa ordinaria ad verbum de Purgatorio intelligunt. Par est ratio de verbis illis Malach. 3. v. 3. Et sedebit confans & emundans argentum, & purgabit filios Levi, & colabit eos quasi aurum, & quasi argentum. Hæc verba S. Ambrosius, Hieronymus & Augustinus unanimi consensu de Purgatorio intelligunt. Rursus Luc. 16. v. 9. facite vobis amicos de mammona iniquitatis, ut cum defeceritis, recipiant vos in æterna tabernacula. Nominè defectus intelligit S. Aug. l. 21. de Civit. DEI c. 27. mortem, amicorum vero nomine Sanctos in cælo; qui post mortem pro nobis intercedendo opem ferunt. Ex illis verbis Luc. 23. v. 42. Domine memento mei, cum veneris in regnum tuum, concludit S. Aug. l. 6. contra Julian. c. 5. quædam esse peccata, quibus post mortem venia detur. Neque enim latro bonus sic locutus fuisset, nisi credidisset, posse tunc ani-

mas

mas adjuvari. Quomodo enim obsecro explicabunt illud *Apoc. 5. v. 13.* Et omnem creaturam, quæ in cælo est, & super terram, & sub terrâ, omnes audiui dicentes sedenti in throno & agno; Benedictio & honor, & gloria & potestas in sæcula sæculorum. Quis sapiens dicet benedictionem aut gloriam dari DEO à damnatis, ubi nihil auditur aliud, nisi perpetuæ blasphemiae contra DEum. Ergo debent esse sub terrâ tales animæ, quæ DEum laudant: Non sunt autem damnati, qui DEum blasphemant; non parvuli nondum baptizati, quia hi non agnoscunt agnum divinum; non Patres in sinu Abrahæ, quia limbus jam fuit evacuatus, ergo solæ animæ purgatorii. Unde bene S. Aug. *hom. 16. ex 50.* Qui temporalibus pœnis digna gesserunt, per ignem quandam purgatorium transibunt. De quo Apostolus Paulus ait: salvus erit, sic tamen quasi per ignem. Quod paribus quasi verbis repetit, *1. ad Cor. 3. v. 12.* & similitudine ædificii spiritalis explicat dicens: Si quis autem superædificat super fundamentum hoc aurum, argentum, lapides pretiosos, lignum, fœnum stipulam, uniuscujusque opus manifestum erit. Dies enim, Domini declarabit, quia in igne revelabitur, & unius cuiusque opus quale sit, ignis probabit. Si enim opus manserit, quod superædificavit mercedem accipiet; Si cuius opus arserit, detrimentum patietur, ipse autem salvus erit sic, quasi per ignem. Quod pulchrè S. Basil. *in c. 9. Isa.* explanat. Si per confessionem detexerimus peccatum, jam succrescens gramen arefecimus, dignum planè quod depalcatur ac devoret purgatorius ignis. Adeoque hunc textum S. Ambrosius, Hieronymus, Augustinus, aliique SS. PP. disertè de purgatorio explicant. Et S. August. *l. de fide & operibus c. 15. in fine* ait, hunc locum esse unum ex illis locis S. Pauli de quibus S. Petrus *2. Petr. 3. v. 16.* ait: in quibus sunt quædam difficilia intellectu, quæ indocti & instabiles depravant, sicut & cœteras scripturas, ad suam ipsorum perditionem. De hoc igne David *ps. 28. v. 7.* Vox Domini intercidentis flammam ignis, quæ verba, superius cum de inferno ageremus, explicuimus quasi in pari sensu. Tamen S. Basil. *hom. 5.* aliter interpretatur dum dicit: Quamvis indivisibilis & insecabilis humanis sensibus videatur ignis, verè tamen ad præceptum Domini interciditur ac dividitur. Existimo autem quod ignis ac supplicium, diabolo & angelis ejus paratus, voce Domini interciditur. Quoniam duo sunt in igne potissima, ustiva vis & illustratoria, id

*Ignis urit
& lucet, in-
ferni uet
& non lu-
cet.*

*Infernus &
purgato-
rium dura-
tione diffe-
runt.*

*Ignis in-
ferni est li-
gnis Cliba-
ni quia æ-
qualis per
omnes par-
tes.*

est comburere & lucere. Vis prior ignis acerrima quidem ad pœnas irrogandas reposita est iis, qui aut in gehennâ aut in purgatorio ultio-
ne sunt digni. Altera nempe splendidissima sui ignis diffusiva velut sortito succedet iis, qui claritate gaudii perennis fruturi sunt. Qua-
si diceret, tolle lucis sortem, flamma inferni & purgatorii est ead-
em in re, differunt tamen deindè in duratione. Et S. Hier. dum ex
Exercitu Pharaonis aliquos demersos dicit, qui Moysis miraculis
visis, in DEum Hebræorum crediderunt atque de peccatis suis pœ-
nitentiam agentes ab aquâ absorpti sunt, quod ab aquâ in ignem de-
scenderint, concludit. Aliqui in flammam lucidam & ad tempus du-
raturam, alii ad incendium illud obscurum, æternum cremandi. Ad
quod alludit S. Chrysostomus *hom. 44. ad c. 12. Mat.* Non ignoro,
multos etiam nunc in Pharaonis impietate vivere, qui non in rubro
mari demergentur, sed in ignis fluvium atque pelagus intrudentur,
pelagus impertransibile, atque magnitudine acerbissimum, in quo
ignei fluctus montium instar eriguntur. Ignis dico, non huius ignis,
sed ignis certo multo quam hic horribilioris, cujus flamma maxi-
mam conficit abyssum, ita ut undique ignis immanissimæ similis feræ
transcurrere videatur. Mox subjungit eos, qui extra fornacem
sunt, id est in purgatorio constitutos, ab hoc ipso igne cruciari, quo
discruciantur damnati, hac scilicet differentiâ, quod qui extra for-
nacem inferni sunt, inibi recipiantur hospitio, dum incolæ gehennæ,
sunt peccatores æternum concremandi. D. Augustinus hoc
brevius exponit: Unum est, quo differunt æternæ pœnæ à pœ-
nis purgatorii, quod infernales pœnæ finem non expectent sed aug-
mentum in die iudicii corpore utique simul concremando; purga-
torii autem terminantur. Verum sicut S. Chrysostomus fornaci com-
paravit infernum, & loco ambienti purgatorium; ita David *ps. 20.*
v. 20. clibano comparat, dicens; pones eos ut Clibanum ignis in
tempore vultus tui. Dominus in irâ suâ conturbabit eos & devora-
bit eos ignis. Ubi benè advertendum quod Propheta igni clibani non
camini comparet, quia ignis camini non æqualiter omnes partes ca-
mini calefacit, quod facit ignis clibani, quia cum ignis ex naturâ suâ
tendat sursum, id autem non possit facere in clibano, serpendo per
gyrum fornacis, omnes partes æqualiter intendit. Ita profecto &
memoriâ torquetur neglectarum Virtutum recordatione, & intel-
lektus cognitione privati gaudii, & voluntas appetitu incredibili eli-
berationis,

berationis, quo totam animam ostendit occupari à pœnis purgatorij.

Quid vero evidentius & clarius verbis illis 2. *Machab. 12. v. 43.* Et facta collatione duodecim millia drachmas argenti misit Hierosolymam, offerri pro peccatis mortuorum sacrificium, benè & religiosè de resurrectione cogitans. Nisi enim eos qui ceciderunt resurrecturos speraret, superfluum & vanum videretur, orare pro mortuis, & quia considerabat quod hi, qui cum pietate damnationem acceperunt, optimam haberent repositam gratiam. Sancta ergo & salubris est cogitatio, pro defunctis exorare, ut à peccatis solvantur. Similis est textus S. Pauli 1. *ad Cor. 15. v. 29.* Quid faciunt qui baptizantur pro mortuis, si omnino mortui non resurgunt? ut quid & baptizantur pro illis? nomine baptismi SS. PP. intelligunt juxta scripturæ phrasim afflictiones & opera pœnitentiæ, orationes, jejunia, lachrymas, & afflictiones voluntarias, quas pro mortuis faciebant Corinthii. Quasi diceret frustra illos ista suscipere, si à pœnis purgatorii non liberentur. Quæ tamen piè suscepta commendat scriptura *Tob. 4. v. 8.* Panem tuum & vinum tuum super sepulcrum justi constitue. Quo sanctus parens filium monet, ut pauperes elemosynis suis inducat, ut pro anima justi orent. Ubi bene nota, per panem & vinum sacrificium posse intelligi, & quia sepultura justi nominatur, non potest intelligi anima quæ pœnis æternis est addicta. Unde mos antiquus est in Ecclesiâ ut in sepulcris convivia oder *die Todtenmahl* celebrentur. De quibus S. Chrysostomus *hom. 32. in Mat.* Cur post mortem tuorum pauperes convocas? cur presbyteros, ut pro eo velint orare, obsecras? non ignorote respondurum, ut defunctus requiem adipiscatur, ut propitium judicem inveniat. Ita 1. *Reg. 31. v. 13.* refertur pietas Virorum Jabes Galaad qui sepulto Saule Rege, ob mortem illius jejunaverunt septem diebus. Subdit Scriptura 2. *Reg. 1. v. 21.* Apprehendens autem David vestimenta sua, scidit, omnesque Viri qui erant cum eo, planxerunt & flevērunt, & jejunaverunt usque ad vesperam, super Saul & super Jonathan filium ejus. Dices sine dubio hæc facta esse in signum doloris, quod ego lubens concesserim, & puto in signum doloris ex parte factum esse, dico tamen præcipuè factum esse ad animas juvandas. Ostendo id ex hoc, quia David quando pro filio infirmo jejunavit & oravit, auditâ morte filii, statim jejunare destitit, atque

damnatae nullo auxilio nostro juvantur. Solæ ergo animæ purgatorii efficaci subsidio nostro & egent & adjuvantur. Lazarus erat amicus Christi, sic enim Christus ipse, Lazarus amicus noster dormit. Hæ animæ purgatorii sunt amicæ, utpotè quæ sunt in gratiâ. Lazarus modico tempore in sepulchro latuit, hæ animæ etiam aliquanto tempore in purgatorio tenentur. Lazari manus & pedes ligabantur in litibus, animarum manus ligantur, quia operari non possunt, ligantur pedes, quia exire inde nequeunt. Lazari vultus sudario obvolutus erat, Velatur vultus animarum, quia DEum videre nequeunt. Lazari mors somnus dicitur, amicus noster dormit; Animæ purgatorii mortuæ non sunt, sed defunctæ tantum vitâ temporali & hinc Ecclesia missas defunctorum, & Officium defunctorum nominat. Lazari mortem deplorat Christus, Et lachrymatus est Jesus; Animarum pœnas quis nisi lapis non flect? Lazarus ad intercessionem Mariæ & Marthæ sororum revocatur ad vitam, animæ per merita Sanctorum, & intercessionem ac suffragia nostra eripiuntur à pœnis purgatorii. Lazarus ob honorem & gloriam Christi resuscitatur, animæ ad gloriam DEI & utilitatem juvantis liberantur. Sed modo pace vestrâ quæro ego, undè ad hanc vitam rediit à Christo resuscitatus Lazarus? an eum Christus ex sententiâ Lutheri (qui ante Christi ascensionem omnes animas Patrum voluit esse in cœlo) an inquam illum deduxit ex cœlo, an ex inferno revocavit? Certè Martha soror *Joan. 11. v. 21.* non aliâ de causâ pro fratre suo mortuo adeo fuit sollicita, nisi ob pœnas purgatorii, quas Judæi in hanc usque diem agnoscunt, & superius *ex 1. Reg. ult. cap.* ostendi viros Jabes Galaad piè credidisse? Adhuc tamen unum à vobis Lutheranis postulo, quia Casus non est impossibilis nec merè speculativus. Non implicat, quin moriatur aliquis, qui sit in statu solius peccati Venialis, qui etiam satisfecerit pro reatu omnis peccati mortalis, quod apud nos Catholicos faciliè concedi potest, si supponamus, illum indulgentiam plenariam consecutum esse. Vos ego judices & arbitros compello! Si hunc cœlo adscripseritis, porta clausa est! nihil enim inquinatum eo intrabit. Si ad infernum detruferitis? Ubi vestra est de misericordiâ divinâ fiducia. Insto ego, & vel ipso vestro Achille, quem *ex Eccles. 11. v. 3.* contra nos Catholicos allegatis dico, si ceciderit lignum ad Austrum aut Aquilonem, ibi erit, in quocunque loco ceciderit. Scio quod fundatè in hoc casu satisfacere

Non implicat aliquem mori in solo Veniali, quo loco illum ponent?

nequeatis. Respondeo ego, ex hoc textu non inferri legitime non esse purgatorium. Si enim per Austrum sicut vos dicitis cælum, per Aquilonem infernum intelligamus, certum est quod ipsæ animæ purgatorii ad Austrum spectent, licet illuc aliquo tempore non pertinant; & huc ego in casu posito animam in peccato Veniali decedentem remitto. Est tamen sensus Scripturæ ibi de morte corporeâ. Sicut enim lignum aliquando tandem cadit, atque in eo loco ubi cadit, putrescit, ita cum statutum sit omnibus hominibus semel mori, sic quocunque loco mortuus fuerit, jacebit, neque semel mortuus ex se ipso resuscitari poterit. Quod autem purgatorium datur, seu tertius locus, id à me vobis positus casus evincit. Undè respondeo ulterius objectionibus vestris, dum allegatis *Eccles. 9. v. 10.* Quodcunque potest facere manus tua instanter operare, quia nec opus, nec ratio, nec sapientia erunt apud inferos, quo tu properas. Quorum verborum sensus duplex est, vel enim hoc de atheis dictum est, qui neque infernum, neque purgatorium credunt, atque adeò quid mirum, si taliter loquantur. Vel certè sumi potest in sensu verè Catholicò, idque rursus dupliciter intelligi potest, vel de inferno, ubi certum est nihil remedii super esse; vel verò cum S. Greg. 4. dial. c. 39. animabus purgatorii plenè applicari possunt, quia reverà ipsis animabus nullum remedium est activè, ut scholæ loquuntur, sed solum passivè. Cum enim satisfacere illæ nullo modo possint, sed solum satis pati, possunt tamen suffragiis vivorum adjuvari. Pari facilitate explicantur textus quos objiciunt Lutherani, nimirum *Luc. 23. v. 43.* Hodie mecum eris in paradyso. Item illud 2. ad Cor. 5. v. 1. Si terrestris domus nostra dissolvatur, scimus quod ædificationem ex DEO habemus, domum non manufactam æternam in cælis. Rursus illud *Apoc. 12. v. 13.* Beati qui in Domino moriuntur, quomodo jam dicit Spiritus, ut requiescant à laboribus suis. Iterum *ps. 126. v. 3.* Cum dederit dilectis suis somnum. Ecce hæreditas Domini. Ergo inferunt Lutherani, concludunt Calvinistæ, non datur purgatorium. Respondeo, hos textus de justis intelligi, qui nihil purgandum habent. Quod faciliè de bono latrone dici potest; qui propter plenam & perfectam contritionem non tantum culpam, sed etiam pœnam omnem deleverunt. Vel certè Christus illis liberaliter plenariam indulgentiam donavit. Neque dicas Scriptura *Mat. 7. v. 13.* duas tantum vias agnoscit alterius vitæ. Dico enim duos tantum esse termi-

Multi Ju-
sti sine pur-
gatorio cœ-
lum in-
trant.

nos ultimos, per hoc tamen non negari, quo minus purgatorium ad alterum celestis patriæ, per moram aliquam disponat. quod consonat cum illo *Mat. 25. v. 34.* Ubi Christus dicit: Venite & discedite. Hic dicunt Lutherani solum duorum locorum fit mentio. Quod ego lubens concedo, quia patet, hoc loco fieri mentionem de ultimo die Judicii, quo tempore finis purgatorio statuatur. Ultimum quod contra purgatorium opponunt est, quod faciant, velintque non dari Veniale peccatum, sed omnia esse mortalia, & utuntur verbis *Ezechielis 18. v. 20.* ubi dicitur, anima quæ peccaverit ipsa morietur. *Non omnia peccata sunt mortalia.* Et ad *Rom. 6. v. 23.* Stipendium autem peccati mors. Ergo inferunt omne peccatum est mortale. Respondeo enim falsam esse Consequentiam. Quia *Ezechiel* ibi loquitur de magnis peccatis, impietatis nimirum & injustitiæ. Uti & *S. Paulus* qui agit de primo peccato Adami, vel etiam de gravibus peccatis, propter quæ etiam merito tunc erubescabant. Dantur autem alia Venialia peccata, quia *Mat. 23. v. 24.* alia comparat cum culicibus, & alia cum Camelis; Duces cæci excolantes culicem, camelum autem glutientes. *Luc. 6. v. 42.* festucæ & trabi, Frater sine, ejiciam festucam de oculo tuo, ipse in oculo tuo trabem non videns. Quare cum *Salomon* dicat, septies cadere justum & refurgere in uno die, potest fieri, ut justus dum inter septem illas vices cecidit, moriatur. Quo casu cum dicat *Joannes* in sua *Apoc. 21. v. 27.* Non intrabit in eam aliquid coinquinatum aut abominationem faciens & mendacium, necesse est ut cum justus sit, & propter inquinamentum Venialis peccati ingredi cælum non possit, neque propterea inferno addici, necesse est ut dicamus esse tertium aliquem locum, in quo anima detineatur, quem purgatorium esse dicimus. Stabilita nunc satis hac Veritate, quod purgatorium detur, seu locus ab inferno distinctus, super est querere;

An Christus ad purgatorium reverà secundum suam substantiam & non per meram virtutem descenderit? Est hæc quæstio inter Theologos: Et verò nititur negativa sententia hoc solo principio. Quia purgatorium locus est pœnarum horribilium, quo non decuit Christi animam triumphantem substantialiter descendere. Sed placet *Belzarminus*, & cum illo alii dicentes, quod Christi gloriosa anima secundum suam substantiam, huc descenderit. Quia sic explicatur illud *Eccles. 24. v. 45.* Penetrabo omnes inferiores partes terræ, & illuminabo omnes sperantes in Domino. Ubi bene advertendum est ad particulam

Christus descendit ad purgatorium.

ticulam omnes sperantes, cum enim animæ purgatorii sperent in Domino, erunt illæ inter eos, qui illuminati sunt, ideoque credibile est animam gloriosam Christi, singulari solatio & consolatione, se animabus illis communicasse. Licet autem locus pœnæ sit, est tamen etiam locus veniæ. Et Christus defuncto in cœlo gloriosus, quoties in abstrusissimis carceribus & morborum pædoribus electis suis præsentiā suā misericordissime communicavit? Multum me movet ad hoc piè credendū autoritas S. Aug. *qui in libr. de cura pro mortuis*, Christum tertio in horto orantem sanguinem sudasse observat. Quo posito dicit Christum, primo grassse pro iis omnibus, qui peccato mortali inquinati erant. Secundo asserit orasse pro perseverantiā

Christus in horto oravit pro animabus.

Iustorum. Tertio vero clarè inquit orasse pro animabus purgatorii, & quod quasi in repræsensatione illarum animarum, Christus ad lachrymas sanguineas fuerit commotus. Amplius observat Momingo *fer. 6. post Dom. 4. Quadr.* Quod pretium sanguinis Christi, quòd erat triginta Denariorum publico decreto deputatum sit in agrum, peregrinorum sepulturæ deputatum. Ubi adducit S. Vincentium Ferrerium *serm. 2. de animab.* Qui per agrum purgatorium intelligit, quasi sanguis Christi singulariter deputatus sit in litrum animarum. Sicverum est inquit, Christum ob salutem universalem peccatorum incarnatum, magna tamen pars incarnationis respexit liberationem animarum purgatorii. Et hinc credo factum esse, quod in Vesperis

In Vesperis Nativitatis cur psalmus de profundis dicatur.

Nativitatis Domini, Ecclesia psalmum de Profundis ponat, ut scilicet significet Christum advenisse etiam in auxilium animarum. Ut ergo principio finis correspondeat, qui in salutem earum venerat, voluit etiam sanguinem suum venumdari, & in earum litrum impendi. Et hinc inquit illa resurgens cura fuit, ut eas inviferet, & velut amplissimo Jubilæo recrearet. Scilicet litro plenè persoluto easdem animas recreaturus. Quarè non video quid indecori accedat Christi gloriosæ animæ, cum nec ejusdem Matris gloriosæ Assumptioni aut certè in cœlo jam triumphanti, aliquid inconveniens sit, animas purgatorii suā præsentiā consolari. Devotissimus Gerson super Magnificat, piè credit B. Virginem in sua Assumptione omnes animas liberasse ex purgatorio, in augmentum sui gloriosi triumphi. Piè creditur inquit DEI privilegio in Virginis Assumptione evacuatum fuisse Purgatorium. Sed & hodie etiam in cœlo existens non deserit animas sibi devotas, & inibi detentas. Refert S. Brigitta *l. 1. revel.*

B. Virgo gloriosa visitat animas purgatorii.

Maria in Assumptione sua omnes animas liberavit.

c. 39. Militem quemdam Virgini devotum flammis purgatorii gravissimè fuisse Cruciatum, qui cum eandem implorasset, ab eaque auxilium petiisset, Maria pro animâ sui Clientis apud Filium intercesserit supplex. Cui Filius Benedicte sis tu mater charissima, nihil tibi negari potest, fiat voluntas tua; uti petisti, ita fiat tibi. Dionysius verò Carthus. *serm. 1. de Assumpt.* annis singulis dicit Natalis & Resurrectionis Christi diebus, Mariam Purgatorii carcerem visitare, & multorum minuere pœnas, plurimas autem penitus liberare. In natali quidem die, quia tunc quem genuit, adoravit; in die autem resurrectionis, quia tunc ipsius filius etiam limbum ingressus fuit, & animas liberavit. Eoque tempore inquit meritis Sanctissimæ Matris DEI pœna purgatorii fit remissior & levior. Confirmat hoc Petrus Damianus uti refert Barry in sua hagiophila: Quod paulo ante festum B. Virginis Assumptæ Romæ defuncta fuerit fœmina, quæ nocte festum illud subsequente uni suarum Sodalium apparuerit. Interrogata quo in statu esset? dixit se magnis in pœnis fuisse, sed hac die Assumptæ Virginis, cum infinitis penè animabus simul liberatis, per intercessionem Assumptæ Virginis cœlum intrasse. Cum verò illa, cui retulit, de multitudine liberatarum ex purgatorio veriorum dubitasset, prædixit illi fore, ut post annum hac eadem die moriatur. Quid obsecro familiarius, quam Angelorum ad purgatorium accessus? Hoc unum solatium dat S. Anselmus in *Elucid.* Dum ibi sunt positi, inquit, apparent eis Angeli, vel alii Sancti, in quorum honorem, egerunt aliquid in hac vitâ, & vel auram, vel suavem odorem, aut aliquod solamen eis impendunt, usque dum liberati, introibunt in illam aulam, quæ non recipit ullam maculam. Nobis sufficiet hic stabilivisse dari purgatorium, quomodo verò juventur, suo loco in articulo 9. ostendimus.

Quid verò de Limbo parvulorum sine baptismo decedentium statuendum sit, audiendi sunt Theologi. Cum enim in inferno propriè dicto statui non possint, cum is sit locus eorum, qui suo proprio actu mortaliter peccaverunt, illis locum vicinum & inferno proximum assignare volunt, qui communiter limbus puerorum dicitur. Calvinus infantes parentum Christianorum omnes vult salvos, quia sunt inquit in fœdere, quod fœdus nunquam satis explicat, multo minus stabiliet. Alii è contrâ, omnes ad infernum relegant, cum enim triticum non sint *Mat. 3. v. 12.* velut paleas ad ignem æternum

Maria militem sibi devotum ex purgatorio liberat.

Maria quotannis in Natali & Resur: purgatorium visitat.

Anima B. V. devota in die Assumptionis cum multis aliis liberatur.

Angeli visitant animas in purgatorio.

Etiam à Sanctis visitantur anime in purgatorio

Calvinus cœlo, alii inferno adscribunt animas parvulorum.

Ccc

remit-

remittunt. Repugnat hæc sententia posterior communi opinioni Theologorum, quæ tenet, quod parvuli, pœnam sensus non habeant, adeoque non torquantur illo igne infernali. Quod clarè docet S. Greg. Naz. *orat. de S. lavacro*. dicens : Nec cœlesti gloriâ, nec suppliciiis à Justo iudice afficientur. Et S. Aug. *l. 5. contra Julianum* c. 8. asserit. Non dico parvulos sine Christi baptifmate morientes, tantâ pœnâ esse plectendos, ut eis non nasci potius expediret. Et paulo post : Quis dubitabit parvulos non baptizatos in damnatione omnium levissimâ futuros, quæ qualis & quanta erit, quamvis definire non possim, non tamen audeo dicere, quod eis, ut nulli essent, quam ut ibi essent, potius expediret. Quod vero aliqui obijciant, ex *Mat. 22. v. 5.* Quod non habeant vellem nuptialem, ac proinde mittentur in tenebras exteriores, ubi erit fletus & stridor dentium. Respondeo cum S. Bern. *serm. 3. de resur.* Quod sola voluntas propria ardet in inferno, sed Originale peccatum non est propriæ voluntatis, imo ex ipsâ notione nominis, consequitur ex alienâ, ergo Originali non debetur pœna sensus. Confirmat hoc Innocentius III. pontificio suo Oraculo, qui in *Decret.* dicit. Quod pœna sensus debeatur pro peccato actuali, sed originale non est actuale, ergo ei pœna sensus non debetur. Quare demum sic concludit : Dicendum quod communiter dicitur : Peccato originali non debetur pœna sensus, sed solum pœna damni, scilicet carentia visionis divinæ. Quæ carentia visionis beatificæ, quamvis in se major sit, quam pœna sensus quæcunque, tamen non erit parvulis tanto dolori, quanta est damnatis, qui ab illâ felicitate malitiâ suâ exciderunt. Imo S. Th. apertè asserit, quod nihil omnino dolebunt de carentiâ visionis divinæ, imo magis gaudebunt de hoc, quod participabunt multum de bonitate divinâ, & perfectionibus naturalibus. Gaudebunt itaque quod fuerint proportionati ad vitam æternam consequendam, quia potuissent ab aliis baptizari, sicut multi pueri ejusdè conditionis baptizati, in innocentia suâ vitam æternam consecuti sunt. Hoc enim inquit est super excellentis gratiæ, ut aliquis sine actu proprio præmiatur. Quare concludit opinionem suam his verbis. Unde totus defectus gratiæ in pueris non baptizatis decedentibus, non magis causabit tristitiam, quam quod in sapientibus causat hoc, quod eis multæ gratiæ non fiant, quæ in aliis similibus factæ sunt. Ex quâ benignâ S. Thomæ doctrinâ, puto in animum induxisse Catharinum, ut

Parvuli
non habent
pœnam
sensus.

Parvuli
non bapti-
zati non
dolebunt
singulari-
ter de ca-
rentia vi-
sionis.

in

in Opusc. parvulorum sine baptismo decedentium, dicat. Noscent ergo quantum naturalis cognitio se extendere poterit Dominum DEum, & substantias separatas longè super omnes Philosophos. Imo hujus est opinionis, quod non carebunt Angelicis revelationibus & visitationibus etiam eorum, qui sunt in cœlis; verbi causa Parentum, qui siceos recreabunt, ut præter divinæ majestatis visionem, nihil eis deesse sentiamus. Cui Decreto divino plenâ voluntatis conformatione acquiescent, atque tunc verum erit dicere, fore, ut fiat voluntas DEI sicut in cœlo, ita & in terrâ. Quia non solum Catharinus, sed etiam alii plures putant, post diem judicii hos parvulos, tunc inhabitaturos terram novam & repurgatam, ibique victuros vitam naturaliter beatam. Ad quod Catharinus putat respexisse Davidem *ps. 113. v. 16.* quando dixit Cœlum Cœli Domino, terram autem dedit filiis hominum. Quare authores contrariæ sententiæ miror, qui ut suam tueantur opinionem, putant bonitatem divinam ejusque in parvulos de se infantes benignitatem, plus ipsis obesse, quam prodesse. Dicunt enim, si parentibus semel persuasum fuerit, tales parvulos naturaliter fore beatos, non magnopere erunt solliciti de baptismo illis procurando. Sed quia vel â naturâ non tantum matribus, verum etiam cuivis hominum innata est ergo parvulos pia quædam cura, & succurrendi propensa voluntas, quâ illis non tantum salutem corporis, sed etiam animæ providemus, videtur illis abundè provisum, maxime cum etiam jura, ipsa severe puniant matres, in hoc casu tam nefandi criminis reas. Undè non matres sed Trigides cenferi debent illæ, quæ vel crudeli, & plus quam bel-

Matres, quæ suos infantes jugulant, matres non sunt.

tuinâ ferociâ, ne suas libidines prostituunt, infantes suffocant & trucidant, vel turpissimâ incuriâ & ignaviâ, eodem in lecto secum jacentes opprimunt, vel adhuc in utero clausos nefando abortu exterminant. Certè si S. Cyrillus in simplici homicidio, tantam sceleris atrocitatem agnovit, quantam *in suâ homiliâ 8. Paschæ* describit. Quid de hac parricidali in corpus & animam impietate, vel per nefandum abortum vel detestabilem suffocationem dicturus fuisset? Inclamat ille homicidam quemcunque, tanquam immitem bestiam, à quâ naturæ leges convelluntur; miratur quomodo jacens ante se occisi cadaver contuens, sibi terram dehiscere non pertimescat: *Homicidæ in confite-* *tu DEI* interrogat, quas nam manus inter orandum sublaturus sit? si enim *apparere non audeat.* cas levaverit quas humano sanguine cruentavit; Audiet intonantem

DEum illud *Isa. 1. v. 15.* Cum extenderitis manus vestras, avertam oculos meos à vobis, & cum multiplicaveritis orationem, non exaudiam, manus enim vestræ sanguine plenæ sunt. Quare si manus simpliciter à sanguine humano sic scédantur, quam abominationem pariet innocentissimus sanguis filiorum, quo turpissimo plane parricidio, infames à libidinibus matres, se commaculant? quando vel suâ impudentiâ & verecundiæ proterviâ, vel etiam incuriâ & fociordiâ non tantum corpori, sed etiam animæ cladem inferunt æternam.

Matres teneros infantes secum in lecto non habebant.

Atque ut hæc incuriâ tollatur, meminerint matres, se gravis sceleris reas esse, si in eodem secum lecto teneros infantes collocant, quos dum Simiorum instar depereunt, perimunt. Dum enim somno oppressæ indormiscunt, sub stragulis indormiscunt etiam parvuli, aut incauto corporis motu comprimuntur, aut certè dormientis matris uberibus admoti à continuo lactis fluxu extinguntur. Timete ne hipræmaturâ morte à vobis sublati parvuli, vobis occinant, Triste illud: Quare me occidisti? Quibus eheu! intemperiiis, ne dicam furis agiturus est Eremita ille, qui teste Stengelio p. 4.

Eremita qui parvulum interfecit, licet pœnitens judici se scissit.

c. 5. §. 4. latrociniorum suorum pœnitens novennio integro pœnitentiam seriam egit, quia tamen innocentem parvulum crudeliter occidit, ex cœnobio ipsâque Eremo fugere debuit, quia vox pueri ab ipso occisi, continuo illi occinuit, Quare me occidisti? adeoque impatiens tam longæ torturæ, ultra se Judici in proximâ civitate stitit, & caput gladio subjecit. Quis ignorat illas 3. Reg. 3. notissimas, inter mulierculas duas coram Salomone Rege tragædias? ex quibus una non uno filii sui oppressi funere contenta, etiam alterius innocentissimi parvuli sanguine se voluit turpissime commaculare. O Matrem omni fera crudeliorem! ô Hircanam Tigridem! & omni belluâ ferocius monstrum! Audisne tristissimum illud in omnem æternitatem duraturum: Cur me occidisti? Vel ipsa tandem veræ matris pietas, quæ ne proli suæ vitam tolleret, filio orbari mallebat, & Salomonem æquum proclamavit judicem. Ut nesciam, an hæc lata sententia Salomonem magis à sapientiâ, an matrem à pietate in prolem fecerit omni posteritati commendatissimam. Occurrit hic Cyriacus latronum Princeps uti refert P. Pexensfelder l. 1. hist. 10. qui propter enormia latrocinia, decennio integro carceri inclusus horrendo, cum tremendam semper expectaret mortis sententiam, sine omni pœnâ repente liber dimissus fuit. Præmium hoc dixit fuisse, quod

Salomonis iudicium inter duas mulieres.

Latro à supplicio servatur qui parvulis vitam servavit.

quod inter tam varia & enormia licet atrocinia, pluribus tamen infantulis vitam servasset. Quid vos mercedis sperabitis piæ matres? quæ non tantum vitam hanc mortalem, quam parvulis vestris dedistis, maternâ pietate & sollicitudine conservastis; sed in majori longe curâ & sollicitudine providistis, ut filios vestros, ex horrendâ dæmonis potestate, quamprimum emancipatos & sacri baptismi fonte ablutos cœlesti felicitati regeneraretis. Fecit hæc parvulorum erga latronem Servatorem suum pietas & gratitudo, ut hi parvuli sæpius se latroni in carcere dira quæque formidanti, sisterent, ac se pro illo satisfacturos pollicerentur, cumque vel sic ad secuturæ brevi libertatis fiduciam animarent. Vobis æternum grati erunt parvuli vestri, quos post baptismi lavacrum præmaturo fato subductos cœlo tamen maturè intulistis, & à cæca limbi caligine subduxistis, dum multi alii hac baptismali gratiâ fraudati, æternum his tristissimis tenebris & cœcitate involventur, & in omnem æternitatem DEum non videbunt. O quam verè lamentantur hi parvuli cum cæco Tobia c. 5. v. 12. Quale gaudium erit mihi, qui in tenebris sedeo, & lumen cœli non video? Qui quia obicem Visionis beatificæ habebunt, in perpetuum, DEum in omnem æternitatem non videbunt. Ex quibus inducor, ut credam Christum ad hunc limbum puerorum non accessisse, quibus ex præsentia gloriøsæ suæ resurrectionis solatium modicum, vel plus mœroris attulisset, utpotè qui fructus redemptionis humanæ & profusi sanguinis Christi, & meritorum passionis ad æternam salutem non sunt capaces.

Matres sollicitæ sint ut nati infantes baptizentur.

Supereft ergo limbus Patrum, in quo detinebantur animæ Patriarcharum & Prophetarum, aliorumque proborum hominum, qui ante Christi mortem juxta legem naturæ & Moysis piè conversantes cum fide in Messiam decesserunt. Negavit hoc quidem Lutherus, & nescio per quam portam illos in cœlum intrudere voluit, cum tamen S. Paulus ad Hebr. 11. v. 9. clarè dicat: Et hi omnes testimonio fidei probati, non acceperunt repromissionem. Quod de PP. veteris testamenti clarè S. Paulus intelligit; quandoquidem longum Catalogum superius V. 32. enarravit, quos ad Christi in cœlum ascendentis triumphum reservavit. Ut non sine nobis, quod ait ibidem v. 40. consummarentur, id est Christi gloriosam ascensionem expectarent. Quarè communis est sensus Theologorum, quod quidem PP. detenti fuerint, sed non in inferno damnatorum, quia justi erant, & amici

Limbus PP. contræ Lutherum ostenditur.

DEI

*Limbus
fuit Sub-
terraneus.*

DEI. Neque in limbo puerorum, qua salutis aeternae spem non habent. Neque in purgatorio, quia multi ex illo jam expiati in sinum Abrahamæ transplantati fuerunt, ideoque in loco ab his tribus diverso, nempe in limbo PP., vel ut cum scripturâ loquamur, in sinu Abrahamæ. Et hinc ostenditur, quod locus ille fuerit subterraneus, quia juxta S. Paulum *ad Ephes. 4. v. 9.* dicitur. Quod autem ascendit, quid est nisi quia & descendit, primum in interiores partes terræ. Quod confirmat S. Ignatius Episcopus & Martyr in *Ep. sua ad Trallian.* Descendit ad infernum solus, regressus cum multitudo. Quod adhuc clarius S. Hier. in *c. 4. ad Eph.* asserit dicens; per inferiora terræ infernus accipitur, ad quem Dominus Salvator noster descendit, ut Sanctorum animas, quæ ibi tenebantur inclusæ, secum in cœlos victor adduceret. Quem subterraneum descensum pius & fidelis Jacob intellexit, quando dixit *Gen. 37. v. 35.* Descendam ad filium meum in infernum. Et certè Samuel pius & iustus coram DEO, quando à Pythonissa evocatus fuit *1. Reg. 28. v. 13.* Visus est non de cœlo descendere, sed ex profundo terræ assurgere, atque Sauli Regi collocutus esse, uti legitur *Eccles. 46. v. 22.* Si quæras undè Samuel Propheta emerit? aliud respondere non possum quam ex confortio aliorum Patrum, qui adventum Messiae tantis lamentis & suspiriis expectarunt. Clarè proinde S. Paulus *ad Hebr. 9. v. 8.* dicit Viam Sanctorum quæ est cœlum primum per Christum propalatam esse; Et hinc dicit de PP. antiqui testamenti: Juxta fidem defuncti sunt omnes isti, non acceptis repromissionibus. Ex quibus concluditur contra Calvinum, PP. ante mortem Christi non fuisse in cœlo, sed in limbo; ut verificaretur illud *ad Eph. 4. v. 8.* Ascendens in altum captivam duxit captivitatem, quod ex Psalmographo Davide Paulus locutus est. Notum est & decantatum apud Romanos, quod repente aperta tellus ingentem hiatus fecerit. Toti Urbi fatalis imminebat pestis, nec hiatus ille clausuram optatam compromiserat, nisi fortissimi juvenis funere expleretur. Curtius generosus adolescens adactò in voragine in equo in hiatus insiliit, & vortex ille infernalis se clausit. Vorago hæc erat tristissimi illius limbi PP. imago, qui ab Abel & primis nostris Parentibus, usque ad mortem Christi tot præcellas Sanctorum Patriarcharum & Prophetarum, tot laudatissimarum Matronarum absolvebat animas, juxta illud *Isa. 5. v. 14.* Dilatavit infernus animam suam & aperuit os suum absque ullo permino.

*Anima
PP. ante
Ascensio-
nem fue-
runt in
limbo.*

*Curtius se
Scrobi im-
mersens
Romam a
peste libe-
rat.*

mino. Sed ubi Christus in mortis fauces præcipitem se dedit, quando nimirum ad infernum descendit, cessavit hiatus iste, meritoque Christus dicere potuit. illud *Apoc. 1. v. 18.* Fui mortuus, & ecce sum vivus, & habeo claves mortis & inferni. Pulchrè proinde Petrus Chrysologus *serm. 74.* Merito perit lex Tartari, remota sunt inferni iura, potestas mortis ablata est, quia dominata servis, exarsit in Dominum, sæviens in homines, prosiliit in DEum. Quod utique *Osas c. 13. v. 14.* prædixit dicens: Ero mors tua ô mors! quando non solum incredibili gaudio omnes illas animas affecit, & limbum in paradysum convertit, atque omnem dolorem, quem hæcenus ex dilatione gloriæ passi sunt, dissolvit, & penitus abstulit. Denique animas omnes hæcenus in limbo detentas secum eduxit, sine dubio passionis suæ mortisque stationes obiens, & vaticinia de se prædicta declarans. Verè non sine mysterio dixit *Isaias c. 9. v. 4.* Sceptrum exactoris superasti in die Madian. Quis crudelius exigebat illud decretum divinum statutæ in omnes homines mortis, quam mors ipsa? quæ non solum funesto suo telo, longâ serie enarratâ in sacris literis confecit homines, sed vel in mari rubro integros exercitus Agyptiorum devoravit, vel omnem carnem, quæ viam suam corrumperat horrendo cataclismo absorpsit. Quare Hugo Cardinalis per exactorem, mortem intelligit, quam Christus sicut Gedeon Madianitas devicit & superavit. Mirabilis plane fuit hæc bellandi forma, quam nobis sacræ literæ *Judic. 9.* exhibent. Ubi Gedeon milites suos armaturus ad pugnam, instruit lumine in lucernâ clauso, & tuba arinat in manu dextrâ. Subdit textus: Cæperunt buccinis clangere & inter se complodere lagenas, cumque hydrias confregissent, tenuerunt sinistris manibus lampades, & dextris sonantes tubas, & omnia castra turbata sunt, ululantesque aufugerunt. Gedeon divinus, nempe Christus oppugnaturus mortem & infernum, vas & lucernam confregit, quando in Cruce inclinato capite emisit Spiritum, & rutilans divinitatis lumen animæque gloriôsæ divinus Splendor limbo illatus, mortem turbavit eamque ululantem fugere coegit. Quam verum est illud *Osæ 12. v. 14.* De manu mortis liberabo eos, de morte redimam eos. Ut non sine causâ Apostolus Paulus *1. ad Cor. 15. v. 55.* quærat: Ubi est mors Victoria tua? Refert *Livius l. 22.* cæsis ingenti strage Romanis Hannibalem tres modios aurebrum annulorum collegisse, eosque per fratrem suum transmississe in Africam, quos deinde Frater

*Hannibal
cœfis Ro-
manis tres
modios an-
nulorum
colligit.*

ter dicti Hannibalis, in Curiâ coram Senatu effudit in argumentum cruentæ Victoriæ. Christus ut fidem Victoriæ suæ faceret, pretiosas Patrum animas orbi effudit, vel ipso Matthæo teste, quic. 27. v. 52. clarè inquit, monumenta aperta sunt, & multa Corpora Sanctorum, qui dormierant surrexerunt, & apparuerunt multis. Et hic effectus fuit descensus Christi in infernum, ut nimirum PP. animas à caligine negatæ hucusque Visionis beatificæ eliberaret, & gloriosæ resurrectionis suæ splendore illustratas, secum in cœlum ascensurus ad stationem æternæ felicitatis deduceret.



DISCURSUS XXVI.

Tertia die resurrexit à mortuis.

*Luctator
in terram
dejectus à
terrâ vi-
res resur-
mit.*

Miranda videri poterat illius strenui luctatoris in pugná felicitas, qui simul ac victus atque ab adversario in terram dejectus fuit, novis viribus animatus in Victorem insurrexit, & Victus prius, Victorem suum devicit atque prostravit. Erat nimirum insignis luctator quispiam, qui in variis certaminibus fortitudinis & roboris miranda præstitit specimina, casu tamen nescio quo, ubi adversarii sui impulsu in terram dejectus humum attigit, de terrâ animosior surrexit novisque viribus instructus hostem suum est aggressus, eumque gloriosè devicit. Cui proindè lapsus Victoriæ fuit occasio, & dedit infirmitas fortitudinem, casus palmam, ruina Victoriâ. Nunquam certe tam gloriosè resurrexisset Christus, nisi morti in Cruce succubuisse. Bellarminus expendens verba illa *ps. 92.* Dominus regnavit, decorem indutus est fortitudinem & præcinxit se, dicit, primam partem applicari Christo, qui homo factus juxta illud *Isa. 9. v. 6.* Principatus ejus super humerum ejus, regnavit; & tunc quidem decorem indutus est, quando naturam humanam assumpsit, speciosus factus præ filiis hominum. Quam speciositatem regno dignam veneratus David, eidem *ps. 44. v. 5.* defert imperium dicens: Specie tuâ & pulchritudine tuâ, intende, prosperè, procede, & regna.

Ubi

Ubi vero à ligno regnavit DEus, in cruce pro nobis mortuus, non amplius decorem indutus est, qui aliundè in corpore glorioso eminebat, sed fortitudinem indutus est, eaque se præcinxit, quando scilicet resurgens, devictâ morte non amplius erat moriturus. Benè S. Epiphanius *tom. 3. de resurr. contra Marcionem* : Quia resurrexerat ex mortuis, & non amplius ad passionem aut flagella, aut mortem, ipsa humanitas ventura erat, idè præcinxit se. Quasi diceret, in nativitate humanitatem induit, sed eâ se non præcinxit, quia venit passibilis, & in monte Calvariæ eâ fuit inadæquate saltem spoliandus. Resurgens verò se præcinxit, quia per immortalitatem eam non erat amplius dimissurus. Quod observans Paulus *ad Rom. 6. se præcinit. v. 9.* inquit Christus resurgens ex mortuis, jam non moritur mors illi ultra non dominabitur. Quare licet Christus à PP. eleganter planè in suâ resurrectione cum fortissimo Samsonè comparetur, qui *Judic. 16. v. 3.* Dormivit usque ad medium noctis, & indè conflurgens apprehendit ambas portæ fores cum postibus suis & seris, impositasque humeris suis portavit ad verticem montis; tamen differt in eo, quod licet mors cœperit fortissimum Heroem Christum, eumque sepulchro incluserit, & lapide planè signato obfirmaverit; Ex sepulchro autem ille egressus sit, nec tamen portas abstulit, sed illas intactas & clausas reliquit. Quia nimirum Samson portas abstulit iterum reponendas, & aliquando ab iisdem tenuè occludendus; Christus verò jam non moritur amplius. Unde tametsi Calvinus in *4. instit. 17. v. 19.* neget Christum clauso sepulchro resurrexisse, eo quod *Mat. 28. v. 2.* dicatur : Et ecce terræ motus factus est magnus, Angelus enim Domini descendit de cœlo, & accedens revolvit lapidem, & sedebat super eum; non tamen indè inferitur, tunc primo surrexisse Christum, sed jam prius resurrexisse præsumi debet, cum lapis ille solum ad instantiam piarum mulierum, & in evidens testimonium resurrectionis jam peractæ, per angelum sit revolutus. Cum enim *Marc. 16. v. 3.* sollicitæ mulieres dicerent ad invicem; quis revolvat nobis lapidem ab ostio monumenti? respicientes viderunt lapidem revolutum? erat quippe magnus valdè. Et quæ *Mat. 28. v. 6.* ab angelo invitabantur : Venite & videte locum, ubi positus erat Dominus, *Marc. 16. v. 5.* Introeuntes in monumentum viderunt juvenem sedentem in dextris, qui dixit illis, nolite expavescere; JESUM quæritis Nazarænum Crucifixum, surrexit nō est hic;

Ddd

Ecce

*Christus
in resurre-
ctione hu-
manitate
se præcinit.*

*Christus
resurgens
Samsonè
gloriosior.*

*Christus
surrexit
clauso se-
pulchro.*

Ecce locus ubi positus erat ; adeoque Ecclesia in hymnis suis vetustis canit : Ille clausus lapide , custoditur sub milite , Victor surgit de funere. Pulchrè namque S. Aug. *serm. 138. de Temp.* Quomodo de sepulchro (utique clauso) exire non possit , qui ex incorruptis Matris visceribus salvâ Virginitate processit , fecellit Custodes , exiit de sepulchro , apparuit discipulis januis non apertis , inde clausus exiit , huc exclusus intravit. O quam merito exclamem ! Magnus dies Paschæ dexteram Domini magnificavit. Dies natalis Christi ex magnis fecit parva , Resurrectionis gloriosa Dies ex parvis magna fecit. Parvus est alias mulierum animus , at in resurrectione magnus omnino est , valdè manè namque in ipso diluculo Apostolis longè cordatiores , vadunt ad monumentum. Obstat ingens lapis , & accessum prohibet ; sed animus sanctarum mulierum lapide grandior , non terretur , neque recedit. Olim Vestalibus Virginibus apud Romanos , quævis onera de viâ cedebant. Datum est hoc per angelum animosis mulieribus , ad nos arguendos , qui in viâ virtutis quavis difficultate victi retardamur. Audite S. Ambr. *l. de Abel & Cain*. Ubi virtus , ibi multa semper obstacula. Sed quærenti DEUM , nihil arduû. Non enim frustra *Exod. 3. v. 6.* dicitur DEUS , DEUS Jacob. Jacob plurimos lapides removet , est utique laboriosus. Luctatur in utero matris , luctatur cum Angelo. Quantos lapides removet DEUS Josepho ? quæ saxa obstantia non sustulit ? Justus ut Leo , ad nullius pavebit occursum. Scandala juxta S. Aug. aliud non sunt , quam saxa & lapides offensionis. Non curant hæc Sancti , habent antesignanum DEUM , qui aspera in vias planas redegit. Hinc credo , quod Christus *Marci 6. v. 8.* voluerit discipulos suos uti calceamentis & sandaliis ut currentes , non tam facile sentirent offendiculum. Hannibal montes liquefecit aceto , ut iret in Italiam. Sponsa ad montem myrrhæ per cubilia leonum abivit. Animosa S. Barbara Virgo & Martyr , petram habuit ceræ instar liquidam , dum fugit insidias parentis. O quoties montem nos credimus , & tamen mons non est , sed petra , quæ est refugium Erinacii. O quam bene exclamat sancta Mater Ecclesia : Hæc est dies quam fecit Dominus , dies nimirum gloriæ & triumphi , quia nimirum suâ morte Christus de morte & inferno fortissimè triumphavit. Undè merito dixit Apollinarius de Christo resurgente ; Surrexit in triumphi curru magnifico. Quem currum , si vel à jugalium raritate , vel à Splendore ornatus magnifici

com-

Dies paschæ dies magna & gloriosa.

Vestalibus onera cedebant de viâ.

Scandala saxa impediunt in via salutis.

Virtutivæ nihil obstat.

commendaverimus, nihil alienum à gloriâ Christi resurgentis dicemus; quando vel ipsam gloriam DEI in essendo mirando conspiciam habuit Propheta Ezechiel. Ego tamen in hoc curru quatuor rotas, nimirum ipsa Elementa famulantia contemplor. Et primam quidem rotam globum terræ, in quâ depictus stabit Leo juxta illud *Gen. 49. v. 9.* accubisti uti Leo. Secundam Rotam Elementum aquæ statuo, in quâ depictus est Jonas qui ex ventre Ceti egreditur, conformiter ad illud *Mat. 12. v. 39.* Signum non dabitur ei, nisi Jonæ Prophetæ. Quia pulchrè S. Augustinus dicit, Jonam gessisse figuram Salvatoris, qui tertiâ die resurrexit. Tertia rota erit globus æris, in quo depicta videtur aquila, de quâ *ps. 102. v. 5.* Renovabitur ut aquila iuventus tua. de qua S. Ambr. Aquilam rectè dixerim, cujus iuventus renovata est tunc, cum à mortuis resurrexit. Quarta rota sit globus ignis, in quo Phœnix redivivus post ignes conspicius confurgit. Pulchrè S. Chrysostomus: Resurrectionem Christi testantur elementa reditiva, quæ erant funereo teginine jam sepulta. Hanc portentosam Christi anastasin miratus est Oecumenius, qui in hac maximum à Christo factum agnoscit miraculum. Observat is hoc notatu dignum, quod omnes quatuor sacri historici per sua sacra quæ scripserunt Evangelia, copiosa à Christo patrata narrent miracula, sic ut S. Petrus *Act. 10. v. 18.* dicat, pertransiit benefaciendo & sanando omnes oppressos à diabolo. Non tamen invenitur ullum fecisse post suam resurrectionem prodigium. Postquam nimirum, se ipsum suæ divinitatis potentiâ ex tristi & funesto mortis tumulto, in gloriosam & triumphabundam Vitæ duxit, vi propria factus redivivus. Oecumenii verba in *c. 10. Act. Apost.* hæc sunt; non signum aliquod post resurrectionem fecit. Quid causæ obsecro? quod pius & potens benefactor, tam stupenda & innuenera miracula fecit, quando in carne adhuc passioni & morti obnoxia vixit, deindè verò à signorum operatione avocavit, cum à morte, per quadraginta dies cum discipulis suis sæpius conversatus fuit. Destituit ne illum potentia? cur ergo tam gloriosus Victor, signum nullum tunc præstitit? Respondet ipse: Resurrectio ipsa satis magnum miraculum fuit. Quod ergo Christus nihil signorum post suam resurrectionem fecerit, id non accidit, vel quod potentia illum destituerit, vel imminutæ fuerint ejus vires, sed quod resurrectio ipsa, ad commendandam illius magnitudinem, & fidem divinitatis adstruendam abunde

Gloria Dei in curru visa ab Ezechiele.

Rota cursus gloria DEI sunt elementa.

Christus post suam resurrectionem non fecit miraculum.

*Resurre-
ctio ipsa
magnum
fuit mi-
raculum.*

undè suffecerit. Resurrectio namque ipsa satis magnum miraculum fuit. Postulabant quidem Judæi à Christo in Cruce pendente *Mat. 27. v. 42.* Descendat nunc de Cruce, & credimus ei, scilicet, pro magno miraculo habituri erant Judæi si se à Cruce, & morte liberaret. At verò majus longe miraculum est, post ipsam mortem & sepulturam, se a morte resuscitare. Rectè enim S. Chrysostomus *orat. 4. in 1. ad Cor.* Qui in malis fuit, malis fuisse superiorem, & cum his pugna commissâ vicisse, est potentiae infinitæ; sicut admirabilius fuit in tribus pueris ingressos conculcasse flammam, quam non ingressos esse fornacem. Et in Jona erat multo majus, nihil à belluâ esse passum, cum in eam incidisset, quam omnino non incidisse in Cetum. Ita etiam in Christo admirabilius fuit mortuum perfregisse mortem, quam mortuum non esse. Christus ergo non descendit de Cruce, nam cum ipsa morte volebat pugnam committere. Non descendit de Cruce, non quod non potuit, sed quia noluit. Nam quem mors ipsa non detinuit jam mortuum, quomodo potuissent clavi Crucis detinere adhuc vivum. O! quam benè concludit S. Chrysostomus: Hinc Credo factum, ut tanti miraculi fides non pateretur à Judæis mendacibus aliquam calumniam. Quod ipse Longinus, qui Christo cor vulneravit lanceâ resurrectionis testis factus sit. Cum enim Judæi Christum crucifixum copioso milite custodivissent, sed gloriose à mortuis surrexisset nolent fateri, corruerunt milites, ut dicerent, se dormientibus venisse discipulos, qui cum furto subduxissent. Verum Longinus à Pilato custodiæ sepulchrali præfectus, qui gloriosæ anastasis oculatus testis fuit, Pilato & Judæis restitit, atque in Capadociam profectus, iram Pilati & Judæorum declinavit, ibi tamen comprehensus, & ad Pilatum in Judæam remissus, cum duobus sociis militibus, pro veritate resurrectionis capite plexus est. Et hinc quia Judæi omni conatu volebant suppressere tantum gloriosæ resurrectionis Christi mysterium, Christus sollicitè suam anastasin manifestis stabilivit argumentis, & apparitionibus frequentatis, seque verè surrexisset orbi universo comprobavit.

*Christus
in salutis
nostræ o-
peratione
celerissimus.*

4. Reg. 9. v. 20. Joram Rex Israël, & Ochozias Rex Juda, bellum gesserunt contra Jehu. Appropinquabat autem Jehu cum speculator illum agnoscens ait: Est incessus, quasi incessus Jehu, præceps enim graditur. Certè celerrimus fuit semper gressus DEI nostri. Vix enim conceptus fuit in utero, jam in ipsâ matre sua hanc celeritatem

tatem adamavit, quæ abiit cum festinatione in montana. Quid non festinanter in suâ resurrectione operatus est bonus Iesus? Prædixerat se tribus diebus fore in ventre terræ, ut staret immota Christi Veritas, diem Veneris maturatione mortis & sepulturæ suæ attingit, diem vero tertiam seu dominicum, quasi præmaturo ortu solis anticipavit, ut verum esset dicere, Tertiâ die resurrexit à mortuis. Neque enim Marco teste, tres illæ devotæ fœminæ, valde mane, sed orto jam sole abire ad sepulchrum dicerentur, nisi sol ortum suum resurgente Domino maturasset. Quod si causam hujus anticipationis requiras, velisque scire, cur sol illo die per tres circiter horas incrementum lucis acceperit? putant aliqui, quia patiente Christo totidem horis id est tribus, se occultavit. Docet hoc Anastasius Sinaita in 4. hexam. Cum defecisset impolluta anima ex corpore, simul etiam defecit sol in cœlesti suo corpore. Unde etiam Christo exoriente, & resurgente à mortuis, manè una sabbatorum, unâ cum eo exoritur etiam sol in terra, celerem faciens diem. Properabat utique amantissimus suorum Dominus, & in solatium illorum suam accelerabat resurrectionem, atque primum matri, deindè Magdalænæ & discipulis se spectandum exhibuit. Ubi teste S. Hier. singularis eluxit Christi erga suos discipulos charitas, & pia sollicitudo; Cum enim Christus in cœna obtulisset discipulis suis corpus suum, dicit S. Hier. quod S. Jacobus votum fecerit, se non comesturum donec viderit Dominum à mortuis resurrexisse. Quare ipsa die resurrectionis Jacobo præ aliis apparuit Dominus, & deinde rursus eisdem serò cum cœteris Apostolis simul, utque voto suo solveretur Jacobus, mandavit Christus mensam poni, acceptumque panem benedixit dicens: Surge! comede! quia filius hominis à mortuis jam surrexit. Quæ omnia consonant verbis S. Pauli 1. ad Cor. 15. v. 7. Visus est Jacobo, deinde Apostolis omnibus. Eadem celeritas enituit in apparitione quæ facta est Mariæ Magdalænæ. Dicit enim S. Marcus, tres Marias postridie sabbati venisse ad monumentum cum unguentis, ut sacrum Christi corpus ungerent, sed cum non reperissent, quem Angelo docente, jam resurrexisse audiverunt, aliis in varia distractis, sollicitæ Magdalænæ Christus apparuit Marc. 16. v. 9. Surgens autem mane prima sabbati, apparuit primo Mariæ Magdalænæ. In quæ verba Cardinalis Cajetanus. Hinc habemus horam resurrectionis Christi fuisse in aurorâ. Hoc mirabile quod Christus in

Christus in resurrectione sua celer.

Sol in resurrectione cursum anticipavit.

S. Jacobus votum fecit se non comesturum nisi videret Christum resurrexisse.

Christus apparuit Magdalænæ.

*Resurre-
tio Christi
in aurora.*

specie hortulani se stiterit Magdalena *Joan. 20. v. 15.* nectamen eum agnovit. Causam hujus dat Origenes *bom. de S. Magdal.* Quia Magdalena tota erat in JESU, & JESUS totus in Magdalena. Verba illius sunt quibus eandem alloquitur; Joseph posuit in monumento corpus tuum, Maria sepelivit ibi pariter Spiritum suum, & ita indissolubiliter junxit, & quodammodo cum univit cum corpore tuo, ut facilius posset separare animam se vivificantem à vivificato corpore suo, quam Spiritum suum te diligentem à defuncto corpore tuo. Concludit deinde; Quid mirum si te nesciebat, quæ non habebat Spiritum, quo scire debebat. Redde itaque ei Spiritum suum, quem habet in se corpus tuum, & mox recuperabit sensum suum, & relinquet errorem suum. Non miror proinde, quod cum quem vel ex ipso Crucis titulo Nazarenum & floridum novit, modo hortulanum non agnoscat. O Magdalena redivivus à morte Christus tuus hortulanus apparet, ut terram nostram à maledictione liberam nunc demum in flores feliciter germinandos dispositum, te doceat. Bene omnino exclamat Guericus Abbas, Errabas Maria, quæ cum credebatur hortulanum horti hujus pauperis & exigui, in quo sepultus fuit. Hortulanus est cæli, Hortulanus est Ecclesiæ, hortulanus est animæ tuæ. Et hinc credo accidit, ut qui flos campi vocari voluit in horto sepeliri, in horto resurgere, & hortulanus tibi voluerit apparere. Nisi fortè dicamus, ideò Christum Magdalena ignotam exhibuisse speciem quia etiam illa se Christum non nosse ostendebat, & quia Christum habebat pro hortulano Christus fingit se illam habere pro ignotâ, adeoque dicit Mulier quid ploras? Non autem vocat Magdalenam. Ubi verò Magdalena Christum agnoscit, & Rabbi vocat, audit etiam à Christo Maria. Pulchrè omnino S. Ambr. Quando non credit mulier est, quando credere incipit Maria vocatur. Unde S. Bern. *serm. 70. in Cant.* Qualem te paraveris DEO, talis apparet DEUS. Cum amante est amans, cum vacante est vacans, sollicitus est cum sollicito. Mirabile est quod *in prato Spirit.* legitur de quodam qui sicaversus fuit à pauperibus, licet alias variis relucere virtutibus, ut passim ab hominibus haberetur Sanctus, & magni apud DEUM meriti. Hic postquam diem ultimum obiit, & funus templo illatum fuit, Episcopus sacris operatus, quoties se apud altare vertit & Dominus vobiscum dixit, crucifixi lignei imago, tumbæ super imposita, refixis à Cruce clavis aures obstruxit. Vidit hoc attol-

nitus

*Magdale-
na cum
hortulano.*

nitus Episcopus, & sollicitè in vitam inquisivit, cumque aliud nihil
 inveniretur, relatum fuit, quod asper fuerit in pauperes, quos ne
 audiret, domi suæ eleemosynam implorantes, in remotissimo à
 plateâ, vel portâ domus cubiculo habitavit, ne sic ullam pauperis
 vocem audiret. Quam verum est illud *Prov. 21. v. 13.* Qui obturat
 aurem suam ad clamorem pauperum, & ipse clamabit, & non ex-
 audiatur. Benè omninò inquit Cajetanus. Is est Dominus, quita-
 lem se exhibet hominibus, quales invenit homines erga se. Quod
 eleganter confirmat Hugo Carnotensis, *super illa verba Cant. 2.* Ego
 flos campi. Quærit enim cur se non florem determinatum, sed ge-
 neraliter campi nominat. Quia namque non uno modo floret in
 campo Ecclesiæ, sed ut ita dicam rubet in Martyribus, candet in Vir-
 ginibus, viret in Confessoribus, pallet in pœnitentibus, rutilat in
 prædicatoribus, in nos se perpetuò transferens nostris coloratur af-
 fectibus. Et D. Cyrillus *Catech. 10.* Unicuique varius fit Salvator ad
 utilitatem. Qui enim indigent recreatione & lætitia illis fit Vinea; *Christus
flos campi,*
 qui opus habent, ut ingrediantur, his constituitur ostium, sum-
 musque sacerdos habentibus peccata; ut pro ipsis mactetur ovis, &
 omnibus fit omnia, idem ipse naturâ permanens, qui est. An non
 hoc clarè videmus *Luc. 24.* factum, quando cum duobus discipulis
 in Emaus abeuntibus, & ipse peregrinum induit. Peregrinum ali-
 quem pallium, pileus, & baculus constituunt, quibus provius
 iter ingreditur. Certè hic peregrinus ornatus Christum non tantum
 discipulis, sed ipsis etiam cœlestibus spiritibus fecit ignotum; ut de
 hoc dicant Angeli! Quis est iste? de Discipulis vero dicitur *Luc. 24.
v. 16.* Oculi autem eorum tenebantur, ne eum agnoscerent. Quis
 enim non miretur pallium gloriôsæ carnis suæ, de quâ cum incarna-
 tus fuit, dicitur, habitu inventus ut homo. Pileum ipsi imposuit
 peritus Judæus coronam spineam, baculo verò velut itineris sui al-
 levamento sanctissimâ Cruce suâ stipatur. Habent hoc etiam pere-
 grini, ut sibi assumant quædam signa obitæ peregrinationis; Christus
 Sanctissima vulnera in suâ resurrectione, velut obitæ peregrinatio-
 nistesseram servavit. Peregrini dum per viam incedunt, ter quasi
 in hospitio manere solent, manè in jentaculo vel potius in prandio,
 à meridie, quando ardente sole sitis crescit, in cœnâ denique noctu,
 quando quiescunt. In meridie quasi amoris divini incarnatus est
 Christus, & tunc in utero Virgineo hospitatus est. à meridie dum in
 cruce *Christus
in terris
peregrinus
ter in mun-
do hospita-
tus est.*

*Christus
peregrinus
peregrina
loquitur
lingua.*

cruce sui æstuans torrebatur, ita, ut etiam exclamaret sitio; de nocte in tumultu uti ipse fatetur; Ego dormivi & somnum cœpi. Imo ipsa loquela peregrinum ostendit. Sed quid mirum, cum *Joan. 3. v. 31.* dicatur: Qui de terrâ est, de terrâ loquitur, qui de cœlo venit, quod vidit & audivit, hoc testatur. Linguarum diversitas nationes discriminat; Sic enim Germanum, Hispanum, aut Italum loquela manifestat. Christum ostendit lingua cœlestis, quid mirum si cum non agnoscerent discipuli, quorum non tantum oculi sed & corda tenebantur, ut merito Christus illud *ps. 58. v. 9.* dicere potuerit: Extraneus factus sum fratribus meis, & peregrinus filiis matris meæ. Neque hoc mirum videri debet, cum *S. Paulus 1. ad Cor. 15. v. 47.* dicat; primus homo de terrâ terrenus, secundus homo de cœlo cœlestis. Interim tamen si hi duo discipuli voluissent agnoscere suum Magistrum, alio non indigebant indicio, quam festinationis, adeoque ex mirabili æstu & succurrendi desiderio. Ibant hi discipuli magnis passibus in Emaus, & magis celeri gressu ruebant in diffidentie perditionem, & ecce eadem horâ properat peregrinus Jesus, atque a fide fugientes insequitur, errantesque reducit. Quis pastor tam celeriter suas insequitur oves? Quis Dux sic sistit fugitivum militem? Apelles representatur celeritatem, qua Orbem devicit Alexander, pinxit Alexandrum cum fulmine. Christus suiminis alis ocyor est. Non tamen fulminat, sed infidelitatem suorum exurit *Luc. 24. v. 32.* Nonne cor nostrum ardens erat in nobis? *1. Reg. c. 30.* ubi David audivit Amalecitas expilasse Siceleg, & suas duas uxores abductas, festinavit & cecidit raptores. Et eruit David omnia quæ tulerunt, etiam duas uxores. Ecce duæ animæ discipulorum abripiebantur ab infernali Amalech, accurrit optimus Jesus, easque servavit, & feliciter reduxit *v. 33.* Et surgentes eadem horâ regressi sunt in Jerusalem. Quærat hic merito aliquis, quomodo oculi eorum tenuit? forte ventus acrior, aut pulvis in oculos injectus. sed ubi Christus, ibi summa est malacia? solet subindè etiam seriò colloquentibus amicus tertius intervenire, qui manu oculos obvelat; sed quis id agit? certè non Christus qui agnosci & videri desiderat; adeoque quis alius id fuerit, quam tenebrarum parens dæmon, qui illorum oculos tenebat diffidentia, velabat infidelitate. Ita enim *S. Aug. de conciliis Evang. c. 25.* clarè asserit. Hoc impedimentum in oculis fuit à Sathana. Picinelli in suis symbol. l. 6. c. 41. sepiam piscem

*Christus
ex celeritate
in succurrendo
nosci potest.*

*Alexandri
celeritatem
Apelles in
fulmine
pinxit.*

*Christus in
Emaus errantes
in viam reducit.*

*Oculi discipulorum
tenebantur.*

cem ponit, cui hoc lemma adscribit Velamento tutus. S. Greg. Naz. *orat. coram 150.* Episcopis dæmonem sepiæ confert. Sepiæ inquit atramentum exspuunt, quo venantes effugiunt. Est nempe Princeps tenebrarum, adeoque conatur, ut sagittet in obscuro rectos corde, id est instrui volentes. Sed aperti sunt oculi eorum, & agnoverunt eum. Hæc utique unica erat intentio Christi, ut à suâ coecitate quamprimum liberarentur, celerrimè proindè suorum occurrit necessitatibus. *Mat. 8.* Tempestas magna fecit periclitari naviculam in mari; inclamant Apostoli, Domine salva nos, perimus! Tunc surgens imperavit ventis & mari, & facta est tranquillitas magna. Subdit textus: Porro homines mirati sunt. Miratur hoc Verbum *homines*. Origenes, quasi Evangelista non de Apostolis, sed de extraneis loqueretur, cum tamen nullibi alius quispiam, quam discipuli aut Apostoli, adfuisse legantur. Abulensis considerans illa verba Apostolorum. Qualis est hic, quia mare, & venti obediunt ei, dicit Apostolos loqui de Christo tanquam de homine sibi ignoto, atque ideo etiam sic Christum loqui de discipulis, tanquam de extraneis. Verba illius sunt: loquitur de illis Matthæus tanquam de extraneis; quia illi loquuntur de Christo tanquam de extraneo, & ab eis incognito, discentes: Quis est hic? Non miror jam quod *Cant. 1. v. 13.* compareretur Sponsus botro. Botrus Cypri dilectus meus in vineis Engaddi. Idem tamen *v. 12.* myrrhæ comparatur; fasciculus myrrhæ dilectus meus mihi. Quærit Benedictus Fidelis in *ps. 22.* Quare dilectus rebus adeo disparibus comparetur à sponsa? Sibi ipsi respondet: Si ego amara sum, myrrha videtur; si dulcis, est botrus, quo nihil est dulcius. Pro sumentium meritò eum transinutari vidit, & qui dignis est botrus, myrrha fit indignis, amarus his, illis suavis. Verbo dicam, se DEUS nobis accommodat. Ita Christus *Mat. 26.* sanando cæcum se fidei illius accommodat. Inunxit illi Christus oculos, & interrogavit eum, si quid videret? respondit cæcus. Video homines sicut arbores ambulantes. Ubi verò Christus rursus imposuit illi manus, ita eum restituit ut clare videret omnia. Pulchrè Cajetanus, & in hoc miraculo hoc singulare, quod JESUS cæco paulatim visum restituit, primò imperfectè, deindè perfectè. Ut intelligeremus, quantus erat defectus fidei alienæ; Concludit augmentum promeruit sanitatis. Ethinc NVssenus DEUM cum speculo comparat. DEUS inquit est speculum benignitatis divinæ. Si stans quis ante

Dæmon sepiæ est.

Apostoli de Christo loquuntur tanquam extraneo. Sic Christus de illis.

DEUS se nobis accommodat.

Christus se cæco accommodat.

DEUS est speculum.

E c c

spe-

speculum manum claudit, etiam ipsam speculum DEus manum claudit, si manum aperis, etiam DEus speculum manum suam aperiet. Confirmat hoc S. Aug. l. 1. *Incarnat. in Man. c. 24.* Sicut in speculo, omnibus motibus atque omnibus actibus, prout is qui speculum intuetur, movetur & agit, iisdem ipsis etiam imago, quæ per speculum formatur actibus & motibus comovetur & agit: Ita etiam DEus; Qualis apparueris DEO, talis oportet ut appareat tibi DEUS. Experti sunt hoc duo filii Zebedæi *Mat. 20.* ubi mater filiorum Zebedæi petit à Christo, Dic ut sedeant hi filii mei unus ad dexteram, & alter ad sinistram in regno tuo. Respondit Christus; Non est meum dare vobis, sed quibus paratum est à Patre meo. Obsecro Domine quomodo hoc intelligam? numquid enim apud *Joan. c. 13. v. 1.* clarè habetur; Sciens quia omnia dedit ei pater in manus. Cur ergo remittitur inater ad Patrem? Respondet *Cajetanus l. 11.* Quid mirum quod ad Patrem remittantur, quando ipsi non aliter accedunt ad JESum, nisi per Matrem. Is ergo est Dominus, qui talem se exhibet omnibus hominibus, quales invenit homines erga se. Egregiè proinde S. Bern. hanc liberalem DEI erga nos charitatem docet, dum omnibus omnia factum se esse ostendit. Si vulnus inquit curare desideras, medicus est; si febribus æstuas, fons est; si gravaris iniquitate, Justitia est; si auxilio indiges, virtus est; si mortem times, vita est; si cælum desideras, via est; si tenebras fugis, lux est; si alimentum quæris, cibus est; Gustate igitur, & videte, quia suavis est Dominus. Ut merito exclamem cum Gilberto Abbate *serm. 18. in Cant.* Quantum placet? qui placere satis non potest.

Non otiose quærit S. Chrysost. cum reversis ex Emaus discipulis, dum narrant aliis quæ gesta erant in viâ *Luc. 24. v. 35.* Et quomodo cognoverunt eum in fractione panis, statim subjungatur *v. 36.* Dum autem hæc loquuntur, JESus stetit in medio eorum. Joannes vero *c. 20. v. 19.* dicit: Cum ergo serò esset die illo una sabbatorum. Quærit inquam cur Christus apparuerit serò, & non prius? cum tamen tam tenerè discipulos suos amabat. Respondet ipse, de die non venit, ut omnes congregarentur, valde enim timebant. Scilicet de re omnium fuit, tam gaudiosa apparitio. Ut ergo cuncti illà fruerentur, datà operâ Christus ad vespertinum venit; neque enim ante illam feri temporis horam convenerunt discipuli, ut communis esse posset omnium de redivo Magistro suo lætitia. Est enim certa illa

S. Co-

*Christus est
omnibus
omnia.*

*Christus
resurgens
sero venit,
ut omnes
simul es-
sent.*

S. Cœlestini Papæ sententia : Omnes debent nosse , quod agitur , ^{Nissenus} quoties omnium causa tractatur . ^{putat ob} Nissenus tamen putat , quod metus ^{timorem} Judæorum omnes Apostolos coegerit in unum , qui simul erant in- ^{discipulo-} clusi . Cum clarè dicat textus apud Joannem ; Et fores erant clausæ , ^{rum serb} ubi erant discipuli congregati , propter metum Judæorum . Cum ec- ^{venisse.} ce sub vesperum adfuit JESUS , & se illis manifestum exhibuit . Stetitque in medio eorum , & dixit eis , pax vobis , & simul ostendit eis manus & latus . Quo viso ^{gavisi sunt} discipuli . Sed dum hæc fiunt abfuit Thomas , cui reverso dixerunt alii . Vidimus Dominum . Tri- status Thomas , plane in profundam incredulitatem delapsus est . Cu- jus tamen misertus Christus , post octo rursus dies discipulos suâ ^{Christus} præsentia recreavit ; Thomam verò ^{de Thoma} ab infidelitate penitus elibera- ^{solicitas.} vit . Infer digitum tuum huc , & vide manus meas . Et affer manum ^{Thomas} tuam , & mitte in latus meum , & noli esse incredulus , sed fidelis . ^{palpat} Gaudentius Brixinensis ^{Christi vul-} *serm. 17.* miratur humanitatem Christi erga suum discipulum . Apparuit inquam secundo Apostolis , ut Thomæ desiderium adimpleret ; nam detrimenta prioris aspectus , visu pa- riter & tactu compenstat . Hinc vides , quam bonum Dominum ha- bemus , cujus tantum est satisfaciendi omnibus desiderium , qui Tho- mæ sese reddidit non tantum spectandum , sed etiam contrectandum . O felicem manum S. Thomæ , quæ dominici pectoris sacrarium ri- mata est . Ab illo arcana cœlestia hausit S. Joannes dormiendo ; S. Thomas vigilando & scrutando . O quanta hæc est sapientiæ palæ- stra ! ex quâ subito emergunt tales palestritæ . Evolat inde velut A- quila S. Joannes , & arcana illa mysteria tractavit , quæ hætenus or- bi ignota divinæ generationis dictaverunt mysterium . In principio erat Verbum . Thomas radio divinæ Veritatis irradiatus , simul in- carnationem , & DEum uno intuitu complexus , docet ; Dominus meus , & DEus meus . Hominem palpat , & DEum vocat . Vul- nera Crucifixi intuetur , & divinitatem humanitati conjunctam profi- tetur . O quam aperte & nudè Christum vocat DEum . Eleganter S. Ambr. *in c. ult. Luc. de D. Thoma* sic loquitur . Tactu suo debuit me docere . Exaltavit quidem S. Gertrudis *in revel. l. 5. c. 13.* quod ^{Gertrudes} eidem tota cœlestis arca scilicet cor Jesu Christi fuerit refferatum , ex- ^{cor Christi} cipit tamen unam clausuram , quæ eidem non patuit , quæque tan- ^{vidit.} tum reservatur illis , qui sic diligunt DEum in terris , ut quæ bona sciunt de DEO , eadem toti mundo patefaciant . Quod utique tali-

bus præparatur, sicut fuit S. Thomas, qui in altissimæ divinitatis incarnatæ, & divinæ humanitatis adytum admissus, tantum profecit, ut ea statim orbi universo mandaverit, & fidem suam præ cæteris Apostolis in nobis stabilendo confirmavit. Hinc D. August. *super illa verba*: *Nisi videro. serm. 156. de Temp.* ait: In his Apostoli verbis, mundi utilitas agebatur, & unius interrogatio, veritatis est restauratio. Adco ut infidelitas Thomæ ejusque incredulitas, nobis plus contulerit, quam viva fides & prædicatio Apostolorum. Sic enim S. Bonav. *de S. Thoma* ut verbis utar S. Gregorii inquit: Numquid casu gestum esse credimus, ut electus ille discipulus, quando ad discipulos ingressus est Dominus, deesset? sed post veniens aliis referentibus audiret, audiens dubitaret, dubitans palparet, palpans crederet? Non hoc casu, sed divinâ dispensatione gestum est, agit namque miro modo superna clementia, ut discipulus dubitans, dum in Magistro suo vulnera palparet carnis, in nobis sanaret vulnera infidelitatis; adeoque verum est, plus nobis contulit Thomæ infidelitas, quam fides & prædicatio Apostolorum.

Neque est quod terreamur à Vulneribus gloriosi Salvatoris, quæ *Joan. 20. v. 20.* discipulis exhibet. Ostendit eis manus & latus. Quia priusquam hæc illis ostenderet, pacem precatus est dicens: Pax vobis. Adeoque visis vulneribus benè subjungitur; Gavisi sunt ergo discipuli. Ut sciamus hæc vulnera Salvatoris manifestum esse indicium, quod Pacem apud Patrem obtinuerit nobis, armis utique suæ passionis, & ideo comparens discipulis, eodem momento pacem obtulit & vulnera ostendit, scilicet causam cum suo effectu, cum armis victoriam, pugnam cum spoliis, cum pace vulnera. Christo nato olivæ seu pacis ramus ab Angelis illatus est terris, quia tunc loqui non poterat infans Christus. In gloriosâ suâ resurrectione, ab ipso pacis autore Christo, ipsi Apostolorum medio denuo est implantatus. Multo minus metuamus ab his vulnerum cicatricibus latentem illatæ injuriæ vindictam, ubi enim pax tam sacrosancta promulgatur, præterita omnia silentio involvuntur, & certa est oblivio omnis prioris offensæ. Fridericus Aragoniæ Rex. Neapoli, quæ Urbs prius gravissimis seditionibus & tumultibus turbabatur, pace tamen cum civibus compositâ, pro Symbolo accepit librum rationarium Mercatorum in quo annum pingi curavit 1495. cum hac Epigraphæ: Recedant vetera, Redivivus à sepulchro Christus inclamat:

Rece-

*Thomæ in-
credulitas
plus prodest
quam fi-
des Apo-
stolorum.*

*Vulnera
sunt pacis
argumen-
tum.*

*Pax inna-
tivitate &
resurre-
ctione an-
nunciatur.*

*Fridericus
Aragonie
Rex inju-
riarum im-
memor.*

Recedant vetera, & pacem annunciat, Pax vobis? Quæres & forte non otiosè cur Christus non æque vulnera & plagas in flagellatione aut coronatione inflicta retinuerit? licet retinuerit vulnera in Crucis accepta? Causam ego aliam non puto, nisi quia in prioribus illis vulneribus non legimus intercessisse actum condonationis, qui tamen in cruce expressè & emphaticè expressus fuit, quâdo ad Patrem conversus tam amanter pro inimicis suis eundem est deprecatus dicens: Pater dimitte illis, quia nesciunt, quid faciunt. Unde quia illis tam manifestè condonavit, has servavit vulnerum suorum in cruce acceptorum cicatrices. Dum ergo, per negativam quærit David. Numquid in æternum irascetur, aut in æternum comminabitur? affirmativè respondet Campensis dicens, memoria quidem non retinebit injurias, quibus illum tam graviter affecimus, sed vulnera. Et vero si considero verba illa S. Aug. l. 22. de Civ. DEI c. 20. Nescio quomodo sic afficiamur, amore Beatorum Martyrum, ut velimus in illo regno in eorum corporibus, videre vulnerum cicatrices, quæ pro Christi nomine pertulerunt. Non enim deformitas sed dignitas in eis erit, & quædam quamvis in corpore, non corporis sed virtutis pulchritudo fulgebit. Quam ego hoc potiori jure dixero de pretiosis vulneribus Christi, quæ incredibilis splendor gloriæ ornabit. Quandoquidem quod olim acclamatum est Catoni, quod de fortissimis ejus vulneribus plus gloriæ fluxerit, quam sanguinis, hoc in omnem æternitatem cœlestis acclamabit curia, & semper humillimâ veneratione accinet, quod omnis gloria & felicitas nostra, ab his vulneribus promanaverit. Non iniror ego jam Constantinum Magnum effossos Sanctorum Episcoporum oculos in Concilio Nicæno piè ac venerabundè exosculatum esse; pro certo persuasus ut ait Theodoretus, osculo se indè benedictionem haus-
Christi vulnera in cœlo gloriosa.
Catonis vulnera gloriam habent.
Constantinus Magnus Oculos effossos Episcoporum osculatur.
Joannes Rex Lusitaniæ nihil negat per vulnere Christi petenti.

Et quæ hydryæ vasculum amiserat, Christi plenitudinem & thesaurum cœlestis scientiæ reportabat. Graviter proinde S. Hier. Ep. 140. *Fœmina mortis causa fuit, quæ fuit & nunciavit* ad Principiam instat. Sacerdotes & Pharisei Viri crucifigunt filium DEI; Maria Magdalena plorat ad crucem, unguenta parat, quærit in tumulto, hortulanum interrogat, Dominum recognoscit, pergit ad Apostolos, repertum nunciat. Illi dubitant, ista confitetur & ta resurconfidit. Causas porro hujus Legationis quæ fœminis conceditagenis. fuit, dum S. Th. assignat, inquit, quia per mulierem mors nunciata est, sic per mulierem vita resurgens. Additur & Petro; ut quem fœmina fecerat negare, fœmina faceret confiteri. Pulchrè S. August. *serm. 35. de Temp.* Festo resurrectionis benigna dispositio Domini nostri Jesu Christi egit, ut primum fœmineus sexus illum resurrexisse nunciaret; quia per sexum fœmineum cecidit homo, per sexum fœmineum reparatus est homo. Quia ergo Christum Virgo pepererat, & fœmina resurrexisse nunciabat, per fœminam mors, per fœminam vita. Momingo in sua Conc. in festo Paschatis plures assignat causas, cur Christus resurgens primo apparuerit Magdalenzæ, & aliis fœminis, quia nimirum devotione præcellunt Viros, quod ipsa Ecclesia agnoscit, quando eis dat prædicatum devoti fœminei sexus. Altera causa esse potest, quia constanti obsequio suo, & mortuo & vivo Christo ministrarunt. Non sic Apostoli Viri, qui ob metum Judæorum fugerunt, & se occluserunt. Præcipua tamen causa videri potest, quod per illas vel maximè grande resurrectionis opus evulgari posset. Quid enim muliere loquacius? S. Vincentius Ferrerius *Fœmina garrula resurrexionem evulgant.* plurimis miraculis illustris, cum variis mutis loquelam felicissimè restituisset, ubi tamen ei adducta fuit mulier muta, eam propter garrulitatis periculum sanare non voluit. Quid magis vulgare est, quam illa de Papirio Romano cum Matre divulgata fabula? Cui non ab simile est illud, quod cum iisdem Senatoribus Romanis accidisse memoratur, cum enim præter morem, diu de re monenti majoris de liberaissent Patres, & per dies aliquot solito longius consultassent, sic ut maritus sæpius ad prandium tardius rediret; Uxor variis blanditiis à marito causam deliberationis postulavit. Luctabatur diu maritus, sed inopportunitate Uxor tandem victus, fabulam uxori contexit, silentium autem sanctum ab illâ postulavit. Nihil uxore taciturnum magis, quam diu maritus eam adjuravit. Res itaque inquit à Sacerdotibus & auguribus ad nos delata est, quod cassita alauda visa

*Alauda
casta Ro-
ma fabula
per fœmi-
nas divul-
gatur.*

*Fœminæ
ex offe fa-
ctæ, cla-
mosæ.*

*Mulier
manus ad-
purum de-
purabit,
Vir semper
turbabit.*

sit in aëre, cum galeâ aureâ & hastâ ; Quæritur modo an boni an mali ominis sit res ista ? Tu vero inquit Uxori maritus, secretum ser-
va, ne cum grandi nostro damno Senatus nostri secretum reveletur.
Vix abiit maritus, & Domina ancillam evocat, eamque interrogat
an illam alaudam non vidisset, vel aliquid de illâ in foro audivisset ?
negat illa. At ubi in forum prodiit, obvios quosque de illâ alaudâ
interrogat. Fabula hæc brevi totâ Urbe diffusa ad ipsum Senatum
perlata est. Hic ubi Patres Conscripti de fabulâ inquirunt, maritus
rein totam aperuit, & risum largum movit. Interim tamen quasi di-
gustatus esset domum revertitur, seque exilio damnatum fingit, at-
que iter se meditari simulat, eo quod uxor sibi concreditum secre-
tum evulgaverit. Cum verò uxor reponeret plures quam trecentos
esse, qui de hac re vel in foro loquantur. Enimvero inquit maritus,
hoc tuæ garrulæ linguæ est vitium ; quæ hanc lepidam fabulam, tam
cito inter tot homines diffudit. Quæ verò hujus garrulitatis causa sit,
non æque conveniunt auctores. Ego ideo fœminas præ Viris loqua-
ces credo, quia à naturâ streperam aliquam traxerunt qualitatem.
Cum enim Vir ex limo, fœmina vero ex offe & costâ fabricata sit,
quid mirum ? si fœmina statim osseo suo strepitu audiatur, viri verò
limoso silentio obmutescant. Sic enim experientiâ videmus si sac-
cus aliquis diversis limi partibus repleatur, vel certe repletus effun-
datur, nullus audietur strepitus, nullus fragor personabit. At si
saccum ossibus repleas, cumque agites vel effundas, quis fragor in-
tonabit ? quis tumultus exaudietur ? Quid obsecro conventus mu-
lierum, quam saccus ossium, nam si conveniunt subito fragor &
confabulantium muliercularum audietur tumultus. Hoc quidem na-
tivitatis est vitium, habent tamen in hac ipsâ sui creatione ex costâ
privilegium, quod viris non est concessum. Quantumcunque enim
limum laveris, semper tamen aquam turbabis. Ossa si semel depu-
raveris, retinebunt sibi inditum candorem, nec aquam ullâ maculâ
inscient aut turbabunt. Sic planè cum viris accidit, qui quantum-
vis laboriosè se laverint, aquam tamen toties de novo turbabunt,
quoties de novo se lavare tentaverint. Quod fœminis non accidit,
quæ ubi semel sordes manuum bene abluerint, aquam, quâ se lavant,
amplius non turbabunt. Neque hoc mirum est, quia vir ex limo,
mulier ex costâ est procreata. Ut nulli proinde aptius resurrectionis
gloriosæ fama divulganda committi potuerit quam fœminis, quæ in-
genti

genti cum celeritate, per totam Hierosolymam Christum resurrexisse disseminarunt, & quod illis ab Angelis commissum est dicite fideliter divulgant.

*Forma
fideliter di-
vulgant
resurre-
ctionem.*

Mirabile etiam in hac gloriosâ Christi anastasi illud accidit, quod *Luc. 24. v. 30.* dicitur. Et factum est cum recumberet cum eis, accepit panem, & benedixit ac fregit, & porrigebat illis. Et statim subditur. Et aperti sunt oculi eorum, & agnoverunt eum. Lyranus putat Christum facientem crucem super panem, ostendisse vulnera sua, & cum illâ cruce, æque ac cultro aliquo discidisse panem, sicque ab Apostolis fuisse agnitum. Durandus observat in suo *rationali bibliorum*, Christum in Emaus fregisse panem, sed non comedisse, & ideo eum agnoverunt, scilicet ex eo, quod indigentia eorum succurrerit. Est enim speciale divinæ providentiæ attributum, ex quo discipuli manifestum fecerunt divinitatis argumentum. Ubi tamen omnibus discipulis simul apparuit, piscem ei attulerunt, quem in testimonium suæ resurrectionis comedit *Luc. 24. v. 42.* At illi obtulerunt illi partem piscis assi. Quando Job rediit ad priorem suâ fortunam, venerunt ad eum fratres & qui noverunt eum, & comederunt cum eo panem in domo ejus. Benè etiam Christus noster, non quidem convivio regio, paupere tamen excipitur ab Apostolis. Nec ipse cum Job in eo esse comparandus, quod amicos vel discipulos suos tractasset, sed sicut cum Job epulati sunt amici, ita Christus epulatus est cum Discipulis. Accepit autem partem piscis. An non decesset tam mirando hospiti integrum dare piscem? Inurbanum enim est amico nobili apponere, quod alius reliquit. Neque est ista tractatio paschalis, quia pro quadragesimâ pisces deputantur. Non est tamen exiguus honor piscibus, quod primi in dapem Christo glorioso cessarint. Nam ut benè observat S. Aug. *serm. 134. de Temp.* Pisces primi benedictionem meruerunt, quando mundus creatus est. Sic pariter quando mundus per Christi resurrectionem est recreatus, primi etiam benedictionem pisces acceperunt. Undè hanc piam in Ecclesiam consuetudinem dimanasse puto, ut in die paschatis panis & ova aliaque comestibilia benedicantur. Neque enim hoc est à Christi doctrinâ alienum, cum videamus sæpius in Evangelio Christum benedixisse panem & pisces. Sic enim benedixit panem & pisces *Mat. 14. v. 19.* Aspiciens in cælum benedixit ac fregit, & sic turbam pavit ultra quinque millia numerosam. Quod *Marc. 6. v. 41.* & *Luc. 9.*

*Christus
ex sollicita
in suos pro-
videntia
agnoscitur
a discipu-
lis.*

*Pisces ci-
bus gloria
Christi.*

*In pascha-
te benedi-
ctio escu-
lentorum.*

ARTICULUS VI.

Ascendit ad cœlos, sedet ad dexteram
DEI Patris omnipotentis.

DISCURSUS XXVII.

Qui ascendit, sedet ad dexteram DEI
Patris omnipotentis.

B Aronius anno Christi 681. narrat accidisse ; quod eadem
horâ, qua auxilio Cleri Romani, ex sexta synodo exesse
jussi sunt hæretici Macarius Episcopus Antiochenus, & Ste-
phanus ejus discipulus, quod inquam omnes arancarum telæ in me-
dio populi ab alto deciderint. Ut omnes clare intelligerent, à do-
mo DEI omnes deterfas esse Sordes, & hæreticorum fraudulenta
Sophismata velut arancarum telas esse dissipata. Et verò quis non
Calvinum arancarum telas texere asserat, cum tropos & figuras fin-
git in Scriptura, ubi sacer codex, nudè planè de tanto fidei nostræ
loquitur mysterio. Quid enim clarius de verâ & reali ascensione in
cœlum dici potest, quam quod *Marcus c. 16. v. 19.* dicit : Et Do-
minus quidem JESUS, postquam locutus est eis, assumptus est in
cœlum, & sedet à dextris DEI. Nisi fortè metaphoram somniabis
in eo ? quod dicat, quia locutus est. Quid magis à tropo alienum
quam quod *Luc. 24. v. 51.* dicitur : Et factum est, dum benediceret
illis, recessit ab eis, & ferebatur in cœlum. Ubi certè nec benedi-
ctio, nec recessus, atque adeò nec in cœlum elatio tropum ullum spi-
rat aut figuram. Certè *Act. 1. v. 9.* Verba illa : Et cum hæc dixisset,
videntibus illis elevatus est, & nubes suscepit eum, ab oculis eorum.
Verba inquam hæc nudam rei historiam oculis Apostolicis conspici-

*Hæretico-
rum frau-
des sunt te-
le aranea-
rum.*

Simon Magus verè & non metaphoricè voluit ascendere.

Etiam, sic referunt, ut omnem larvam metaphoræ, sibi à Calvino impositæ detrahant. Profecto si primi Christiani imò & ipse Simon Magus, de reali ascensu Christi dubium aliquod habuissent, nunquam in conspectu Urbis & Orbis Romani controversiam cœpissent de paritate divinitatis, quam quia affectavit Simon Magus, & demonstrare volebat coram Nerone in Circo publico Romæ, decrevit, statuitque diem Solis, quo Magicis suis artibus confusus Simon, S. Petro condixit, se ad annihilandam Christi divinitatem, in cœlum suamet virtute ascensurum. Aderat ergo in diem Solis condictam cum infinitâ hominum multitudine Nero Imperator, cum ecce pridiano jejunio exhaustus S. Petrus orationi intentus, DEum instantè oravit, ut veritati Christianæ assisteret, & turpissimas dæmonis imposturas confunderet ac dissiparet. Aduit autem Ecclesiæ suæ fidelis DEus, & ubi affectatâ maiestâte divinâ, prodiit superbus Simon Magus, jam Cæsari valedicturus cœlum scandere paravit, postquam Sathanicis incantationibus suis funem infernalem imploravit, à terrâ aliquantum elevatus, aërem calcare quidem cœpit,

Simon Magus ex aëre delapsus.

sed inspectante universâ Româ & omni populo Christiano in ipso aëre mirabiliter gladio cœlestis vindictæ percussus, & à fugato per Angelum Lucifero desertus, rursus in terram delapsus cervicem non fregit aut comminuit, sed pedes ita contrivit, ut qui antea volare aquilæ instar volebat, & radios divinæ maiestatis exæquare, nec pedes incedere, sed sædè ad ludibrium universi populi cogeretur claudicare. Quod non sine ingenioso sarcasmo S. Maximus Episcopus notavit, qui *homil. 5. de SS. Petro & Paulo* dicit: Tunc igitur

Simon Magus volare volens labitur & claudicat.

Petrus velut vincum illum de sublimi aëre deposuit, & quodam præcipitio in saxo elidens, ejus Crura confregit. Et hoc in opprobrium facti illius, ut qui paulo ante volare tentaverat, subito ambulare non posset, & qui pennas assumpserrat, plantas amitteret: In nunc Calvine & ex lapsu reali Simonis Magi Magistri tui, temere veritatem ascendentis Christi, qui non angelico auxilio aut nubium, sed suamet divinâ virtute, se supra omnia humana extulit & elevavit. Unde ut tanto firmius in hoc articulo fidei procedamus, juxta historicam relationem progrediemur, ex cujus manifesto contextu necessario resultat, ut nisi vesanus sis, cum Calvino, sanus certè nunquam Christum in cœlos reverâ ascendisse negare auis.

Quidam ex Verbis *Luc. Act. 1. v. 12.* inter quos fuit ipse S. Chrysostomus

Iostomus putabant Christum cœlos ascendisse die Sabbati, quia dicitur Apostolos die Ascensionis ex monte Olivarum reversos esse, qui mons est juxta Jerusalem, sabbati habensiter. Ex quo intulerunt, cum hic fiat mentio sabbati, quod Christus eadem die cœlum *Christus die Jovis s. Maji cœlum ascendit.* ascenderit. Sed convenientius longe est dicere, Christum ascendisse quadragesimo à resurrectione die, quæ juxta legitimam calculationem incidit in feriam Quintam. Unde Durandus l. 4. c. 6. ait primitiva Ecclesia observabat diem Dominicam solemnè ut modo, sed & observabat feriam quintam, & hanc quidem ob ascensionis memoriam, illam autem ob resurrectionis obsequium. Multiplicatis deinde Sanctorum festivitibus, sublata est festivitas quinta feriæ, de quo fuse tractat Lorinus in c. 1. *Ait.* Et quia eadem feria quinta anno illo, quo passus est Christus, incidit in quintam Maji, nempe amœnissimi inensis totius anni, qui dum à florum vernantium amœnitate & fragrantia, ab arborum frondiumque suavissimo virore, ad incredibilem animum evocat lætitiā, ostendit non sine causā in amœnissimum annitēpus Christum hunc suum in cœlos adornasse ascensum. Et verò qui Nazarenus est, & flos de radice Jesse, imo vel *Christus in vere resurrexit.* suo testimonio Flos Campi *Cant. 2. v. 1.* nunquam suavius se potuit æterni Patri suo præsentare, quam in ipso florido tempore, quo omni terra flores fundit. Pulchrè observat S. Bern. *serm. 48. in Cant.* Non flos horti dicit, sed Campi. Cur obsecro? Quia in horto flos clauditur, qui in campo exponitur. Experientia certè docet, quod flos licet succisus odorem suum servet, & contritus accumulet, nec avulsus amittat. Ita & Dominus Iesus, in illo patibulo Crucis, nec contritus emarcuit, nec avulsus evanuit, sed illā lanceæ punção succisus, speciosior fusi cruoris sacro colore vernavit, mori ipse nesciens, & mortuis vitæ munus exhalans. Observant autem bene SS. *Christus flos campi publicum amat.* PP. Christum non voluisse nasci in civitate in quā portæ occluduntur, non in arce munitā quæ pontes & portas habet, sed in stabulo aperto & portā omni carente, ut omnibus ad se accessum daret. Eandem ob causam voluit mori in Jerusalem, sed ut ait Paulus *ad Hebr. 13. v. 12.* Extra portam passus est, ut qui pro omnibus mortem subierat, nulli quoque in accessu suo esset difficilis. Ego flos campi inquit Christus. Sicut enim flos campi omnibus patet, ita *1. ad Tim. 2. v. 4.* vult omnes salvos fieri, & in agnitionem suæ veritatis venire. O quam pretiosus fuerit flos iste primus cœlo illatus? quantā fragrantia cœlum

Christus paulo post meridiem ascendit.

Colloquii Christi ante ascensionem.

Ex monte myrrhæ, transitur ad collem thuris.

cælum omnerepleverit ? quem tanto studio plantavit Spiritus Sanctus, ipsa suavissima Mater peperit, & educavit. Habemus nunc mensē, habemus etiā diē, superest ut etiā horā horam investigemus. Et quidem Marcus c. 16. v. 14. clarè dicit novissimè accumbentibus illis undecim apparuit, & post sermonem cum illis habitum eduxit illos in Bethaniam, & inde in Olivetum vicinum, ubi deinde Assumptus fuit. Ex quo inferunt non sine rationabili fundamento SS. PP. quod Christus unā circiter horā post meridiem assumptus fuerit. Confirmat hoc S. Aug. *super verba ps. 54.* Vespere & mane & meridiem narrabo & annuntiabo. Vespere inquit Dominus in Cruce, manè in resurrectione, meridiem in Ascensione. Sol in meridiano tempore cæli culmina tenet. Justitiæ Sol eodem instanti temporis verticem cæli Emphyrei tenebat. Post meridiem Adam expulsus est ex paradyso, *Gen. 3. v. 8.* quando DEus ambulavit post meridiem; post meridiem Iesus paradysum cælestem est ingressus; Adæ & posteris ejus viam ad cælum aperuit, & ostendit, non posse esse securiorem viam, quam si conversio non differatur ad occasum. Quia vero ex occasione prandii, ad horam & tempus ascensionis defleximus, non otiosè contemplabimur, quid in illā mensā colloquii fuerit. *Marc. c. 16. v. 14.* Invehivam ponit. Et exprobravit incredulitatem eorum, & duritiam cordis, quia iis qui viderant eum surrexisse non crediderunt. Lucas tamen c. 24. v. 46. mitiorem amantissimi Magistri valedicentis orationem ostendit dicens, & dixit eis: Quoniam sic scriptum est, & sic oportebat Christum pati & resurgere a mortuis tertia die, & prædicari in nomine ejus pœnitentiam, & remissionem peccatorum in omnes gentes incipientibus ab Hierosolyma. Posterior hæc Christi resurgentis parænesis, monet me illius *Cant. 4. v. 6.* Vadam ad montem myrrhæ, & collem thuris, ubi mihi occurrit, quod inter munera, quæ Christo à regibus oblata sunt, myrrha fuerit & thus, Myrrha designabat hominem moriturum, Thus DEum gloriosum. Mons myrrhæ fuit ejus passio, sed ab hoc monte transit ad collem thuris, gloriæ nimirum & honoris, dicente S. Greg. Nyss. à monte myrrhæ transivit Christus ad montem thuris & honoris. Ideoque Paulus dixit: Propter quod & DEus exaltavit illum, & dedit illi nomen, quod est super omne nomen. Ut in nomine ejus omne genu flectatur. Mors Crucis myrrhæ, genuflexio thus. Mira reperitur apud S. Joannem subordinatio,

*Obedientia
est scala
cæli.*

Morientes & peregrè euntes valedicunt suis, quidni Jesus?

DEus affligitur si non petamus.

Christus ægrè separatur à Matre & discipulis.

quâ cælum ascenditur. Tu quadriga quâ Elias vectus est in paradysum. Si proinde cum Christo cælum ascendere volumus, eamus in Bethaniam, in domum Obedientiæ. Ubi valedixisse censendus est, quia locus is ita Hierosolymis vicinus est, ut inde urbis plateæ conspici possint, ita testante Eusebio l. 3. *de vita Constantin.* Ibi enim expectabat mater JElu, cum omni Sanctarum mulierum, & reliquorum discipulorum copiâ, qui Magistri sui abitum majori longè ardore, quam unquam Elifæus Eliæ abitum præstolabantur. Sic enim Pater abiturus peregrè, filios suos & domum omnem convocat, eisque vale dicit, atque sæpe in sui memoriam aliqua dona offert. Sic legimus quod Jacob Patriarcha moriturus *Genes. 48.* vocavit filios suos, quibus vale dixit & benedictionem impertivit. Sic Jacobum imitatus est Josue, qui moriturus convocato populo dixit; En ego hodie ingredior viam universæ terræ, & recensitis beneficiis divinis populum ad DEI cultum hortatus est. Christus in ascensione suâ longum iter facturus, idem plane fecit, quando discipulis suis valedixit & gratiam suam illis promisit. Petite & accipietis. Magna DEI erga nos est beneficentia, quia DEus non solum rogari vult, sed etiam affligitur, si non petamus. Apud homines quot memorialia, quot supplicationes debemus sæpè porrigere, & vix responsum futuri promissi obtinemus. Apud Christum non solum non repudiatur nostra petitio, sed etiam offertur ampla accipiendi occasio, quando se quasi juramento obstringit DEus: Amen! amen dico vobis, Quidquid petieritis Patrem in nomine meo, dabit vobis. Petite & accipietis. Quo verò affectu valedixerit amantissimæ Matri suæ, quis verbis exprimat? S. Lucas compendiosè id describit, & elevatis manibus suis benedixit eis. Et factum est dum benediceret illis recessit ab eis. O quam difficilis fuerit recessus iste! Cum enim Christus in orto ad orationem à discipulis recessisse dicitur, ponitur avulsus est ab eis, quantum jactus est lapidis. Jansenius Episcopus Gandavensis in c. 23. *Luc.* Notatu inquit non indignum quod Lucas dicat: Dominum non recessisse à suis, sed avulsam. Hoc enim significat illum ægrè recessisse ab eis, sive propter suum erga illos amorem, qui fecit, ut cum difficultate amicus ab amico discedat; sive etiam ob animi mœrorem, quo naturaliter fit ut adhæreamus amicis, à quorum consuetudine aliquid solatii accipimus. Non enim vel amor, vel potius mœror cum patiebatur longè divelli. Unde Paulus de Pa-

latio

latio in Mat. Divelli non potest amicus ab eo, quem amat; quomodo divelli posset Christus ab hominum consortio. Videtur hoc insinuasse S. Marcus, dum dicit Assumptus est in cœlum. An non naturalius fuisset dicere, Assumpsit se in cœlum. Neque enim aliena virtute sed propria in cœlum assumptus est, undè ipse descenderat propter nostram salutem. Sic enim canit Ecclesia: Qui propter nos homines, & propter nostram salutem descendit de cœlis. Ecce Verbum activum! Cur autem non utitur verbo activo in sua ascensione, cum tamen propria virtute elevetur, sed passivâ voce hoc exprimit Evangelista Assumptus est. Non est hoc absque mysterio scripturæ, quæ etiam in accessu ad nos, Verbo venio, verbo neutro utitur Mat. 18. Venit enim filius hominis salvum facere quod perierat. Et Joan. 16. Ego veni ut vitam habeant, & abundantius habeant. Quod sicut in plurimis scripturæ locis reperitur, ita pronam Christi indicat voluntatem qui in ipsam actionem accessus sui ad nos, propenso voluntatis affectu influxit; at ubi à nobis recessit, & à charis discipulis suis avulsus fuit passive id describitur, non quia id ipse aliquâ actione positivâ procuraverit, sed quasi ægrè id secum fieri passus sit. Quæ dilectio Christi apparuit in horto, de quo aliqui quærunt, cur angelus Christum confortaverit tibi, & non in Cruce, quando se à Patre derelictum questus fuit? Et respondent Christum majorem sensisse dolorem in horto, quam in Cruce. In Cruce enim tantum erat separatio animæ à Corpore, at verò in horto Christo repræsentabatur scandalum Apostolorum, qui separandi erant à Christo in passione, quando relicto eo fugerunt. Imo in horto repræsentabatur Christo separatio tot millium damnatorum, qui in æternum à Christo separabuntur; & hinc tristitia fuit usque ad mortem. Observat hoc pulchrè Tertullianus ex verbis Evangelistæ, ubi Christum tantum parum recessit à discipulis, oraturus Patrem. Dicit enim Lucas, avulsus est ab eis, quantum est jactus lapidis. Avulsus est inquit Tertull. l. de carne Christi. Quid avellitur, nisi quod adhæret, quod infixum, quod intrinsicum est ei, à quo ut auferatur, avellitur. Quare avulsio violentiam denotat, quam sensit, dum se absentavit à charis suis discipulis quos ita amavit, ut separatio illa, animam illius affligeret. Appositè ergo Marcus utitur illa voce Assumptus est, & apertius Lucas Act. 1. Et ferebatur in cœlum. Invitus enim avulsus est à nobis, cujus erant delicia, esse cum filiis hominum. Hinc opere

rosè laborant multi, quomodo salvent illud, quod Christus tribus diebus, & totidem noctibus fuerit latens in terrâ. Quod ut salvent, arctissimè ut diximus superius quadraginta horas accipiunt, ut sic veritatis divinæ infallibilitatem tueantur. Quas quadraginta horas adeo copiosè refudit Christus ut totidem diebus horas singulas refarciret. Exclamat Strabus: Qui quadraginta horarum spatio mortuus fuerat, quadraginta diebus se vivere confirmavit. Simon Cassianus addit. Nubes suscepit eum, non ad vehiculum seu ad auxilium opportunum, sed ut excluderetur à mundo. Humanitas igitur Salvatoris quodammodo abducitur invita. Quid namque laxo impressa vestigia innuunt aliud, nisi Jesum reluctantem, ac terræ, ne avelleretur, enixè hærentem. Sæpius Christus dum viveret laxis suis impressit vestigia. Brocardus in *descriptione terre sanctæ* refert, quod primo impresserit vestigia sua ad Nili fluentia, quando fugit in Ægyptum. Secundo in supercilio montis unde illum præcipitem dare volebant Nazarethani. Tertio in horto ubi Christus oravit, ut à se transiret & transferretur calix passionis. Quarto in Urbe Tyro habetur lapis, cui Christus docens impressit sua vestigia, & in hoc lapide nullus pulvis manet. Quinto in littore Galileæ, ubi dixit, pueri pulmentarium habetis? Sexto tandem in monte Oliveti de quo lapide Sulpitius Severus scribit, quod licet sæpius inde abradatur, nunquam tamen lapis minuatur, & quod illa vestigia nunquam tegi possint. Ego in hoc lapide, disparem Christi & hominum ex hoc mundo abeuntium egressum considero. De humano egressu sapiens c. 5. dicit. Quod navi, avi, sagittæ sit similis, cujus non est vestigium invenire. Numera enim si potes tot fortes, sapientes, divites, pulchros, potentes, juvenes, credebant illi omnes se ingentia terræ impressisse vestigia. Quid hi sunt aliud, quam navis in aquâ, avis in aëre, sagittæ in auras emissæ. Solus Christus æternis vestigiis ex mundo excessit. Vestigia sunt hæc Domini virtutum. Petra Virtutis est via. Statuit pedes meos supra petram. Pulchrè Tertul. l. ad MM. c. 3. Virtus inquit duris inambulat, & ubi pedem fixerit, æterna imprimit vestigia. Brocardus notat inter cætera, quod Titus Cæsar Hierosolynam obsidens equitatum totum in illo monte habuerit, nec tamen Equorum calcibus vestigia Christi sunt erasa. Conculcet mundus virtutem, quantumcunque velit, non eradet ejus vestigia. Sicut patula semper manent Christi vestigia, ita virtus nul-

Christus
40. horis
mansit in
sepulchro
resurgens
manes 40.
diebus no-
tistum.

Christus
ascendens
saxo vesti-
gia impres-
sit.

Christi ve-
stigia æter-
na.

Vestigia
ascenden-
tis Christi
neque e-
quorum cal-
cibus sunt
erasa.

lo unquam tempore clauditur. Obruat livor virtuosum, sepeliat mundus, invidia contumulet, lucebit non occludetur, velut lux non potest abscondi; inglorius jacet & ignotus, quem sine comitivâ Virtutum, vitiorum caterva sequitur. Et hinc forte est quod Beda scribit, nempe quod annuatim in die ascensionis flammæ ex his vestigiis erumpant. S. Wenceslaus in summo hyemis rigore, noctu ^{S. Wenceslaus nudus} templis nudis pedibus obibat, comitabatur illum aulicorum fidissimus, qui calceatus licet, inclementiâ tamen frigoris penè congelatus fuit, nec dissimulabat dolorem suum coram Principe, qui iussit illum suis vestigiis glacie ne dicam sanguine cruentatis insilire, fecit, & corpore toto animoque incaluit. Ascendit ergo Christus ex monte, qui ab oleis dictus est oliveti, ubi usque hodie sacrorum pedum visuntur vestigia. Quia ibi cœpit ejus passio, ibi proditus, ibi captus est, ibi sæpius in oratione pernoctavit, & ibi in fine mundi universoni orbem judicabit. Neque otiosè in monte elevatur. Egredius ibat in montem Olivarum, secuti sunt autem illum & discipuli, ut inter oleas insignis misericordiæ pietas ascendentis Christi rursaret. Et hinc etiam non in cœnaculo prodi aut capi voluit, sed ad Olivarum montem egreditur, ut ex insigni misericordiæ objecto mansuetissimus Iesus flagitiosissimum expectaret proditorem. Sic enim Beda; Tradendus à discipulo Dominus consueti secessus locum adit. Consuetum secessum ipsius Iesu misericordiam appellavit. Nunquam enim non pacificus Princeps incitamenta pietatis meditatur. Ideo etiam ad cœlos elevandus pacificus Princeps pergit ad Olivas, ut incredulorum excessus piâ abluat benignitate. Absolonem juveniliter rebellantem poterat David pacificus copioso milite contemere, sed intuitu Christi pacifici fugit per torrentem Cedron ad montem Olivarum 2. Reg. 15. Rex transgrediebatur per torrentem Cedron, & populus cunctus incedebat contra viam Olivæ, quæ respicit ad desertum. Credo ego quia Oliva typus est misericordiæ, aut certè quia David in spiritu prævidit, quod ex eodem loco Christus pacificus sit cœlum conscensurus. Fugitigitur iratus David ad olivas, ut obijciens sibi Christum pacificum inde in cœlum ascendens, qui prius occisoribus suis & Crucifixoribus pepercerat, discederet etiam persecutori filio parcere. Habeo meæ opinionis authorem D. Cyrillum Hierosolym. Catech. 1. Cum Absalon inquit ille adversus Davidem arma cœpit, quamvis illi multæ ad fugam paterent viæ,

per montes tamen Olivarum fugere maluit, firmâ mente invocans liberatorem illum, qui isthinc cœlos ascensurus erat. Quid enim efficaci ad iram extinguendam quam invocatio illius principis, qui in suâ gloriosâ ascensione acceptâ potestate à Patre non ulus est ad hostium perniciem, sed ad totius Orbis emendationem.

Et cum hæc dixisset *Act. 1. v. 9.* videntibus illis Matre scilicet, Apostolis, discipulis, & turbâ piarum mulierum elevatus est, non obsequio Angelico, uti aliquando elevatus est Enoch, aut Elias, vel etiam Habacuc, sed sibi insitâ virtute per dotem agilitatis juxta illud *Isa. 63. v. 1.* Iste formosus in stolâ suâ gradiens, in multitudine Virtutis suæ, stipatus nimirum tot animabus Patriarcharum & Prophetarum, atque justorum Virorum ac mulierum, quibus omnibus in triumpho societatem attractis, uti testatur S. Cypr. *serm. de ascens. inspectantibus omnibus*, in cœlum ascendit tardo & lento passu. Paulatim enim & gradatim inquit Strabo Fuldenfis se elevavit, donec nube exceptus cœlos subivit. Videntibus illis elevatus est, non subito raptus, inquit Cornelius à Lapide, sed videntibus illis & con-

*Christus in
cœlum paulatim se
sublevat.*

tuentibus elevatus est. Elevatur ergo à se suâque Virtute, idque sensum & pedetentim, ut nos doceret, veluta aquilæ cœlestis pullos volare & levare in cœlum. Poterat inquit Guericus Abbas *serm. 1. de Ascens. Dom.* poterat utique repente, in istu oculi ex oculis illorum rapi, & ubi vellet constitui, sed planè erat sicut aquila provocans ad volandum pullos suos & super eos volitans. Aquilæ uti & aves aliæ, cum ad volandum pullos suos instituunt initio propius à nidis ob oculos suorum pullorum avolant, & paulatim subvehuntur, vel ut timidulos excitent, vel ut præfidentes comprimant, ut teneris nimirum alis non credant. Eam ob causam etiam elevatus est sensum & pedetentim Salvator noster ait Venerabilis Abbas, ut eo exemplo indicaret, neminem derepente in ipsam perfectionis arcem penetrare, & in cœlum consummata sanctitatis pervenire posse. Hinc S. Maximus Episcopus *hom. 2. de Pentec.* Christum Aquilæ quæ suis pen- nis in cœlum libratur assimilat. Sicut enim Aquila relictis terræ for- dibus sublimè volans, purioris aëris salubritate perfunditur, ita & Dominus terrenorum deserens faciem peccatorum, purioris vitæ simplicitate lætatur. Tres Currus cœlestes scriptura memorat *1. Reg. 6.* meminuit arcæ Domini, quæ cum duabus vaccis vecta est in Bethsames sine auriga. Secundus habetur *4. Reg. 2.* Et est Currus Eliæ

*Nemo repente fit
summus.*

*Tres Cur-
rus nomi-
nati in scrip-
tura.*

sine

sine Equis nostratibus. Tertius *Ezech. 1.* Currus Ezechielis sine ductore. S. Bernardus quatuor currus enumerat. Currum elationis in Pharaone, Currum humilitatis in Eunuchio Reginae Candacis. Currum devotionis in quo Joseph occurrit Patri suo. Currum denique Eliæ id est amoris & desiderij. Quibus Christus noster opus non habet, qui suâ virtute elevatur. Pulchrè S. Hier. considerans Davidem qualiter collegerit de torrente limpidissimo lapides quinque quos etiam in perâ suâ reposuit, & obviam processit in pugnam cum Goliatho, quod eundem devicerit, & proprio suo gladio interemerit, qualiter deinde triumphabundus Jerusalem inter cantica ingressus sit; transit ad pugnam & Victoriâ Christi; qui pugnaturus cum infernali Goliatho, loco quinque lapidum accepit sacratissima quinque vulnera, quæ abolere noluit sed victoriosè cœlesti Jerusalem voluit inferre; Sic loquitur: Cum in monte Oliveti Iesus positus cœlos ascendit, & angeli lætificati sunt & homines, cum utrique magnum consecuti fuissent bonum, & vidissent, quem finem habuissent opprobria Christi, qui inimicos sævos triumphavit in semetipso. Hæc scilicet & nos manet de toleratis opprobriis gloria. Et hinc Christus cœlum ascendens elevatis manibus in cœlum ferri dicitur, ut ostenderet inquit S. Bern. *serm. 1. de ascens.* quod vulnera portabat ad cœlum, ut qui sanguinem pluerat per vulnera illa in supplicio Crucis, per ipsa eadem tanquam per meritoria instrumenta abundantiam Spiritus sancti effunderet sublimatus in cœlis. S. Bonav. vero *serm. 2. de Translat. S. Franc.* Per hæc vulnera inquit sic nobis *Christus pandit nobis vulnera in sequela.* loquitur. Si ad hanc immortalem gloriam, in quâ sum, venire vultis, exemplum dedi, quanta pati debeatis. Jam vero ubi Christus eo pertigit, ut oculus illum amplius non attingeret Apostolicus, *Act. 1. 13.* Nubes suscepit eum ab oculis eorum. Explicat Abul. *paradox. 5. c. 16.* Cum consolationi terminum imponeret Dominus, descendit de aëreâ regione quædam nubecula usque ad pedes Salvatoris, factaque est in modum throni aut gestatorie sedis, ut sic in eâ Christus sessurus videretur. Tollebatur autem nubes in excelsum, & Christus cum eâ ascendebat, ac si in eâ sederet, major autem pars corporis nube velata non erat, ut sic discipulis vultus videndus concederetur, corporis quoque reliquâ præcipuâ parte spectabili. Si quæras quare in nube ascenderit? Dicam ego quod nubes divinam indicet maiestatem. Sic *Exodi 16.* dicitur: Gloria Domini apparuit in nube.

Nubes divinitatis est argumentum.

Nihilum est omnipotentia divina subiectum.

Christo porta amplior aperitur.

Christus Samson portas cœli ex cardinibus evellit.

Et *Exodi 24.* Operuit nubes montem, & habitavit gloria Domini super Sinai, tegens illum nube sex diebus. Placet proinde Aretus. Semper inquit nubes ministra est in divinis rebus, illisque familiaris est. Nam in nube est quædam obscuritas cum aliquo splendore, qui in refractione radii Solaris perficitur; ideo semper divinis manifestationibus attestando commiscetur, illaque designans quæ divina revelatione neque nobis incerta sunt, neque omnino manifesta nobis præbentur, sed velut puræ lucis illustratio, per obscuritatem manifestatur. Unde licet nubes communiter sit vanitatis symbolum, videmus tamen DEum ex ipsis sibi currum triumphalem parasse. Scio ego nubem nihil esse, nec in se singulariter aliquid continere; sed scio pariter DEO omnipotentia quasi subiectum, ex quo mirabilia sua operatus est DEus. Unde vel in ipsâ gloriosâ suâ ascensione sibi ex nube currum triumphalem paravit, his velut paludamento se investivit, imo & in iis velut in palatio regio habitavit. *Exodi 19. v. 9.* veniam ad te in caligine nubis inquit DEus. *Isa. 19. v. 1.* dicitur: Ecce Dominus ascendit super Nubem levem, scilicet inquitavit nubi. Ut mirum non videatur, quod David dixit *Pf. 67. v. 35.* Magnificentia & Virtus ejus in nubibus. Hanc magnificentiam ostendit Christus in suâ transfiguratione in monte Thabor, ubi gloriam suam in nube contestatus est. Sic pariter in tremendo illo iudicio, in quo maiestate plenus comparebit, in nubibus cœli venturus est, adeoque vile cenferi, non debet, quod DEO servit ad tantam maiestatem.

Sed hem repente fragor insonat, clamat chorus Angelicus *Pf. 23. v. 7.* Attollite portas Principes vestras. Super quod S. Ambr. *l. 3. de fide c. 1.* Debuit inquit novo Victori novum iter parari, quia non unus homo, sed totus in eo mundus intravit. Et S. Hier. *Ep. 27.* pulchrè dicit; Levare seu tolli portæ jubentur, & in sublime erigi, quia major regreditur, quam venerit ad terras. David egregium hujus solennitatis inducit schema *Pf. 23.* dum dicit: Attollite portas principes vestras, & elevamini portæ æternales. Legit Tertullianus & solvantur portæ æternales. Quasi diceret vos cœlorum Principes auferte portas, & cardinibus suis evellite. Audistis aliquando fortissimum Samsonem oclclum in civitate Gaza, non quævisse clavim, quâ portas urbis aperiret, sed easdem suis evulsisse Cardinibus. Sic Tertullianus intelligit hunc locum Davidis. S. Chrysostomus au-

ctm

tem per hæc verba : Tollite seu auferte, vult Christum Dominum ita nobis voluisse patere cœleste palatium, ut nunquam amplius clauderetur, neque aliquibus portis indigeat, ideo præcipiebat Angelis, ut eas attollerent. Sicut enim domus quam diu portas habet occludi potest, sed illis sublatis claudi nequit, ita cœlum semel per me-
Christus cœlum aperuit non amplius claudendum.
 rita Jēsu Christi apertum, cum amplius claudendum non sit, portis non eget. Verba sunt S. Chrysostomi: Jam enim quod claudendum nunquam erat, portis non eget. Patentem nobis in cœlum viam fecit, ut nullum jam sit obstaculum, nec necesse sit pulsari ad portam cum nulla sit. Nec præmittendum examen, aut responsum expectandum, sed continuo homo ingredi possit ut amicus, & Concivibus suis optime cognitus. D. Greg. Naz. adhuc sublimius advertit mysterium. Bene nostis inquit quod homo altæ staturæ intrare non possit portam humilem & angustam, nisi fortē se inclinet. Christus Dominus quantum creverit per Assumptionem carnis, docet S. Paulus *ad Phil. 2. v. 8.* Humiliavit semetipsum factus obediens usque ad mortem, mortem autem Crucis. Propter quod DEus exaltavit illum. super quod S. Aug. *in Ps. 126.* inquit Dominus noster, qui est lux vera, humiliatus est ut exaltetur. Itaque Christo Domino in tantum exaltato, unum ex duobus erat eligendum, si ingredi vellet supremum cœlorum palatium, aut ut semetipsum inclinaret, & humiliaret, quod non decebat regem universi. Turpe enim esset regi terreno inclinare se & incurvare, ut portam suæ civitatis ingrediatur. Aut certē quia potius convenit, ut habeat liberum & honorificum ingressum, propterea portam humilem jussit dissipari. Itaque hanc viam elegit DEus incarnatus, qui videns, quod se in cœlum ascendentem portæ non caperent, angelis dixit attollite, & prosternite portas, ut Rex gloriæ, civitatem suam gloriosè ingredi possit. Verba sunt S. Greg. Naz. *orat. 42.* Portis ut attollantur & sublimiores fiant imperat, quo Christum a passione sublimiorem capiant. S. Bernard. urbibus binas esse portas asserit, magnam unam, parvam alteram. Christo ascendenti non amplius parva patere debuit, quæ fuit incarnato infanti referata. Sed attollite; occinitur, quia porta jam amplior facta est. Tertullianus in fuga de perfec. Cœlum modo nullas habere vult portas, dicens: Sublatæ sunt portæ sempiternæ, ut introiret Rex gloriæ Dominus Virtutum: Quin graviter omnino
Cœlum jam nullam portā habet.
 Rupertus *l. de div. offic. c. 11.* Caro Christi quæ ante Passionem solius erat

erat Verbi, per passionem ita crevit, adeo dilatata est, ita mundum universum implevit, ut omnes electos, qui fuerunt ab initio mundi, & futuri sunt usque ad ultimum diem in fine sæculi, in unam Ecclesiam faciat DEum & hominem æternum copulari. Quid ergo moramur in terris? quibus cœlum tantâ vi est reſeratum. Præceſſit Chriſtus & viam nobis monſtravit, qua eundem eſt. Nobile ſtratagema invenit Alexander Magnus, ut miles fluvium trajiceret. Sciebat ille leones non tranare flumina, ſed transvadare. Quare Leonem quem familiarem habebat, à milite natandi peritiſſimo arbori alligatû, crudeliſſimè verberari & vulnerari curavit, ut ita manans ſanguine, viam quâ incederet, notaret. Solutò ab arbore Leone miles natando fluvium trajecit, quem irâ furens Leo, ubi ex altera parte ripæ conſpexit, perſequi non deſtitit, uſque dum invento vado, cum eſt inſecutus. Miles autem furori Leonis ſe ſubduxit, & in arborem aſcendit. Habito vado univerſus trajecit exercitus, & ſuum ſinem obtinuit Alexander. Chriſtus eſt Leo ille de quo *Apoc. 5.* Vicit Leo detribu Juda. Hunc Columnæ & Cruci alligavit Pater, & à furente milite cædi fecit, ut totus manaret ſanguine, quo nobis vadam monſtraret, ut ex lachrymarum valle, ex mari miſeriarum, ſecuri tranſiremus ad cœlum, & ripam felicitatis æternæ, *1. Petr. 2. v. 21.* Chriſtus paſſus eſt pro nobis, vobis relinquens exemplum, ut ſequamini veſtigia ejus. Abbas Athanaſius *apud Moſchum in prat. ſpir.* cum in viſione patentem paradylum vidiffet, velletque ad illum intrare, ab angelo audivit, nemo piger huc intrabit. Ite! certate! Sæculi contemnite vanitates. Certè qui cœleſtia videt facile omnes mundi hujus contemnet vanitates. S. Joanna Franca dicere ſolita fuit, mille ſceptra, mille diademata, mille mundi nihil ſunt animæ, quæ ſemel DEum ejusque dulcedinem eſt experta. Et hinc Silvanus Abbas cum in extaſi cœleſtes delicias vidiffet, oculos deinceps clauſos tenuit, ne rerum terrenarum ſœditas, cœleſte illud ſpectaculum turbaret. Quam ego facilè credo cœleſti hoc ſpectaculo recreatos Apoſtolos, ab intuitu Salvatoris ſui non reſeſſuros, niſi Viſione Angeliçâ redire juſſi fuiſſent. *Act. 1. v. 10.* Cumque intuerentur in cœlum euntem illum, ecce duo Viri aſtiterunt juxta illos in veſtibus albis, qui & dixerunt: Viri Galilæi quid ſtatis aſpicientes in cœlum. Hic JEſus qui aſſumptus eſt à vobis. Sic veniet, quemadmodum vidiffis eum euntem in cœlum. Verum eſt Victoribus hu-

*Chriſtus
viam ſa-
lutis ſuo
ſanguine
ſignavit.*

*Cœlum non
patet pi-
gris.*

*Silvanus
Abbas vi-
ſo cœlo n-
culos cla-
uit.*

juſ

jus sæculi dari purpuram, triumphatoribus in spiritu albus ornatus datur. Hinc Christus quando confecto bello contra dæmonem, co-
 que subjugato, revertitur in cælum, in gloriosâ ascensione suâ, Vi-
 ri qui Apostolis astiterunt, in vestibus albis apparent. Venerabilis Beda miratur in ascensione Angelos describi quoad vestitum, cujus nulla sit mentio in nativitate? Causam tamen hanc allegat, Ideo Domino ascendente in albis vestibus angeli apparent, qui nato Domino in albis vestibus apparere non dicuntur, quia qui in nativitate sua apparuit DEus humilis, in ascensione suâ ostensus est DEus sublimis. Nunc ergo Angeli in gloriâ sui Domini apparent in albis, quia ipse Dominus *Mat. 17.* cum se gloriosum exhiberet Apostolis in monte Thabor, resplenduit facies ejus sicut sol, vestimenta autem facta sunt alba sicut vix. Porro hoc vestimentum album non solis convenit Angelis, quasi ob puritatem naturæ id illis proprium esset; Etiam hominibus in præmium datum docet S. Joannes *Apoc. 4.* Ubi seniores Viginti quatuor, in sedilibus describuntur circum amicti vestimentis albis. Sed & Sardicenses suos solaturus Joannes dicit. Ambulabunt mecum in albis, quoniam digni sunt. In quem locum *Bac-za l. 14. c. 12.* In paucis his erat tantus splendor gloriæ, ut candida ipsa salutis species amplius in ipsis candesceret. Festivæ hæ erant olim convivantium vestes, quibus lætitiâ præ se ferebant, dum vel nuptias, vel honores ambirent Candidati Romani. Imo in ipsâ & Resurrectione & Ascensione ipsi Cæli cives non aliis vestiuntur, quam albis indumentis, indutique stolis candidis, DEO in cælum reduci triumphum adornant. Hinc ut candidior cælum ingrederetur S. Catharina lacte se lavit, dum alii sancti stolas in sanguine Agni dealbant, Antiochum Medicum cum Cyriacus Carnifex Sebaſte in urbe Armeniæ obtruncaret, & pro sanguine lac manare cerneret, mox eo miraculo ad Christum conversus, suam ipse cervicem alteri ferendam obtulit. Hoc est mirabile quod *Apoc. 7.* dicitur: Laverunt stolas suas in sanguine Agni, & dealbaverunt eas. Miratur Gilbertus Abbas *serm. 47. in Cantic.* Qualis rubor qui dealbandi non caret effectu. Sciendum autem quod vestes albæ semper lætitiæ fuerint argumentum. Hinc illud *Ecclef. 9. v. 8.* omni tempore sint vestimenta tua candida. Sponsa bysso candido vestitur. Et *Apoc. 19. v. 8.* Uxor agni præparavit se, & datum est ei, ut cooperiret se byssino splendente & candido. Dealbarunt ergo stolas suas in sanguine

Victore: terreni purpura, celestes albis ornantur.

Albus color etiam hominibus datur in præmium.

Convivantes olim Candidati.

8. Catharina lacte rovat.

Antiochus lacte manat & carnificem convertit.

Vestes albæ lætitiæ signum.

H h h

Agni,

*Lætitia
tempera-
tur metu
Judicii.*

Agni, quia sanguis Christi cui sua immerferunt martyria, omnem abstulit tristitiæ & doloris materiam. Sanguis utique Christi & mors omnem tristitiam abstulit morituris pro Christo; ideoque etiam in ipsâ morte & tormentis habent majorem voluptatem, quam homines habeant in gaudiis & voluptatibus hujus mundi. Hoc tamen ad-
verto, quomodo DEUS moderetur lætitiâ suorum, quos in hoc excessu gaudii & lætitiæ tristissimæ dici extremæ jubet esse memores. *Act. 1. v. 11.* Hic IESUS qui assumptus est à vobis in cœlum sic veniet, scilicet in die Judicii, quemadmodum vidistis eum euntem in cœlum. Et ecce statim *v. 12.* subditur: Tunc reversi sunt Hierosolymam. Lucas tamen *c. 24. v. 52.* dicit: Et ipsi adorantes regressi sunt, in Jerusalem, cum gaudio magno. Scilicet gaudio immiscent pietatem & reverentiam, quam Magistro suo exhibuerunt venerabundi discipuli. Nobilis quidam quod refert S. Bernardinus Sen. *serm. 1. de ascens.* impulsus ad loca sacra visitanda peregrè in terram sanctam abiit. Ubi peccatorum suorum seriâ confessione peractâ & sacrâ Communionem refectus, eadem summo animi ardore obire cœpit. Ivit ergo & primo Nazarethanam domum Incarnationis principium, Bethlehem deinde nativitatis locum, Jordanis exinde flumen Sanctissimæ Trinitatis scholam, desertum Tentationis palæstram, Olivetum agonizantis Christi Circum, denique Calvariæ montem, redemptionis nostræ complementum devotissimo pede obambulavit. Inde ubi ad sepulchrum pervenit, & rursus in olivetum regressus fuit, cum ascendente Christo humana pertæsus, ardentissimis suspiriis Christo conjungi, & in cœlum abire rogavit. Quod eo ardore precatus est; ut brevi illum & vita & anima defeceret, atque ex eodem loco ubi Christus ascendit, abeuntem Dominum suum est profecutus. Profecit qui ex animo terrena contemnit, facile ad cœlestia abit. Quidam Monachus quod referunt PP. vitæ multis & quotidianis lachrymis ad cœlestia gaudia aspiravit. Unde unâ eademque die bis cœlesti solatio fuit recreatus, semel enim de instante morte, deinde de condonatis sibi à DEO peccatis monitus fuit, & cum non minori securitate, quam cum mentis suæ lætitiâ ex vitâ excessit. Pulchrè S. Chrysostomus *hom. 66.* Præsens vita dulcis est, non tamen omnibus, sed iis solum, qui illi adhærent. Quod si quis in cœlum suspiraverit, & quæ ibi præclara sunt contemplatus fuerit, statim hanc contemnet, ac nullius pretii existimabit. Nam & corporum pul-

*Peregrinus
loco Ascen-
sionis im-
moritur.*

*Cœlum
quidam ar-
denter de-
siderat &
impetrat.*

pulchritudo, quoad pulchrius non deprehendatur, in admiratione habetur, cum verò aliud præstantius apparuerit, illa prior despici-
 tur. Quod si illam pulchritudinem etiam nos intueri voluerimus, &
 cœlestis regni amœnitatem consideraverimus, confestim nos hujus
 sæculi vinculis dissolvemus. Unde non sine gravi motu Heroïna illa
 2. Machab. 7. filium sic allocuta est: Peto nate; ut aspicias ad cœ-
 lum. Super quo eleganter S. Prosper *serm. de prædict. c. 40.* Præcla-
 ra illa scœmina suo nos admonet exemplo, pereuntia contemnere,
 appetere sempiterna. Ut benè proinde dixerit S. Ignatius: Quam
 fordet mihi terra, cum cœlum aspicio. Quod penè similibus ver-
 bis ante pridem dixit S. Fulgentius, comparans cœlum cum Româ,
 quando dixit: Quam speciosa est cœlestis Jerusalem, si ita fulget
 Romaterrestribus. Et si in hoc sæculo datur tanta honoris dignitas di-
 ligentibus Vanitatem, quænam præstabitur Sanctis diligentibus Ver-
 ritatem. Memoranda est S. Augustini sententia. Mirabilis inquit est
 fabrica mundi, sed mirabilior fabricator; & male occupatur crea-
 tis, qui à Creatore discedit. Cui si inhæserit, inferiora calcabit,
 ne quod dilexerit contra naturam, vertatur in pœnam. Cui assen-
 titur S. Paulinus *Ep. 4.* Omnia sub sole Vanitas, proinde super So-
 lem Veritas. Ita qui in Veritate consistunt, etsi in ira mundum vivant
 habitatione corporeâ, tamen supra mundum sunt conversatione cœ-
 lesti. Unde Guericote teste fit, quod is dicit *serm. 4. de S. Benedicto.* Ut
 nihil reputentur temporalia, si præ oculis habentur æterna. Quia ut
 ait D. Ambr. *l. de Virg.* Influentibus divinis corporeus peregrinatur
 affectus, & usus ille exterioris hominis exolefcit. Ideò bene ju-
 dicavit Cicero in somnio Scipionis dicens: Ipsa terra mihi parva vi-
 sa est, ut me imperii nostri, quo quasi punctum ejus attigimus, pœ-
 niteret. Concludit deinde paulo inferius: Quæ si tibi parva, ut est,
 ita videtur, hæc cœlestia semper spectato, illa humana contemni-
 to. Et vero nisi hoc vel cum Ethnicis sentiamus, Christi discipuli S. Igna-
 tius M. nunc incipio Christi esse
 discipulus, nihil de his quæ videntur, addam ego quæ audiuntur, contem-
 nens. Cuius
 gustantur, tanguntur, desiderans, ut Jesum Christum inveniam. si discipu-
 lus esse in-
 cipit.
 Contempsit enim vero terrena Theophilus, ubi cœlestes delicias sub-
 misit S. Dorothea. Quæ enim Babylon unquam tales rosas dedit?
 quæ terra tales fructus protulit? S. Franciscus una plectri tracti dul-
 cedine, penè exanimatus est. Ut non mirer exclamasse S. August.

Senex pro
eælo nihil
se laborasse
putat.

serm. 57. de SS. O anima, si quotidie oporteret nos tormenta perferre, si ipsam gehennam parvo tempore tolerare, ut Christum in gloria videre possemus nonne erit dignum pati omne, quod triste est. Ita enim verò sensit & insuper egit senex ille monachus, quem in decrepita jam ætate rogaverunt discipuli, ut aliquid de vitæ austeritate remitteret. Quibus senex, respondit: Si quis in beatos cadere posset dolor, hoc illis maximè doleret, quod pro tantâ gloriâ quâ potiuntur, non plus laboris in hac vitâ subiissent; ac merita sua & præmia tam levibus rebus auxissent.

Christus
sedet ad
dexteram
Patris.

Superest ut alteram hujus articuli partem expendamus. Et certè quæstio non vulgaris est apud PP., an vere Christus sedeat ad dexteram Patris. Quia *Act. 7. v. 55.* dum Stephanus à Judæis lapidatur & pro lapidatoribus suis veniam exorat, Christum ille vidit stantem. Pro quo supponi debet, quod cum DEus Pater Spiritus sit, & Spiritus carnem & ossa non habeat, quod hoc in sensu mystico intelligi debeat. Ac proinde sicut electi statuendi sunt ad dexteram DEI, id est à DEO honore immortalis & præmio æterno donabuntur, ita etiam Christus dignitate, quâ omnes homines antecellit, honore inexplicabili à Patre æterno donatus est. Dicitur autem sedere, quia sedere est jam hominis quieti, quo insinuat quod Christus, qui operose pro nobis pugnavit, peractis tandem salutis nostræ operibus à Patre æterno remunerandus requiescat. Nobis in solatium, quod & nos post hujus vitæ molestias æternum in felicissimâ quiete permanfuri simus. Est ergo thronus Christi dextera ipsius Patris, quam Euthymius & Damascenus, dicunt esse thronum omnino connaturalem, ne minorem Patre existimemus filium, cui dicitur: Dixit Dominus Domino meo sede à dextris meis. Est autem hic locus Christo debitus velut Victori gloriosè de prælio reduci, in cujus manu juxta Davidem gloria & divitiæ omnes manent. Illa utique manus, quæ regressum è terris filium coronabat. Si enim prodigii filii collo dexteram injecit Pater? quo affectu hodiè filium suum dextera Patris ornaverit? Christus in mundo fuit percussus à DEO

Manus
DEI fini-
strâ percu-
sit, dextrâ
coronat.

Isa. 53. ut diceret illud *Job. 19. v. 21.* Manus Domini tetigit me. Sed fecit hoc manus sinistra, manus inquam Justitiæ vindicativæ; nunc vero est dextera præmiativa & remunerativa. Hinc S. Ambr. *serm. 60.* Pro Christo Patris dexteram prætendit, quia inquit necesse est ut partem Ovium primus agnus obtineat, & secuturo inmaculato gregi, lo-

cum

cum Dux immaculatus anticipet. Sic enim dicit S. Joannes, quod sequantur Agnum. Viderat hunc agnum solitarium Joannes, & desertum ab omnibus ad occisionem ductum. Non erat Vir mecum. In gloriosâ ascensione comitatur illum grex integer ovium, & cœlum cum agmine Sanctorum veteris testamenti triumphabundus ingreditur. Clamat hodie cœlum; dignus est, accipere honorem, dignus est, qui teneat dexteram Patris & oves quas secum adduxit ad dexteram illius statuatur. Advertendum autem est, quod S. Aug. *l. de symbol.* dicit. Sedere ad dexteram Patris significat judicariam potestatem. Et in hoc eodem sensu accipit verba illa *ps. 106.* Sede à dextris meis. Eugubinus dicit: Accipe Judicariam potestatem. Ad stare autem ex S. Aug. in *ps. 109.* seu assiste-
 re iudicio, adjuvantis atque auxiliantis est, & Advocati Officium est iudicare. *Christus sedet, id est iudicat.*
 gerentis. Cum ergo Christus ascendit in cœlum, iussus est à Patre sedere ad dexteram suam, & hoc actu iudex vivorum & mortuorum *Christus in cœlo stat, id est iurare paratus est.*
 constitutus est. Quando autem dicitur stare auxiliandi ostendit promptitudinem alteri in necessitate constituto succurrendi. Idco *Act. 7. v. 55.* Quando Stephanus lapidatus est à Judæis, vidit Christum auxiliatorem sibi adesse. Ecce inquit video cœlos apertos & Jesum stantem à dextris Virtutis DEI. Ascendit ergo Christus, ut habeamus illum advocatum apud Patrem. Advocati partes Christus explevit quidem, *Joan. 17. v. 9.* Non pro eis rogo tantum, sed & pro iis, qui credituri sunt per Verbum eorum in me. Unde S. Thomas dicit Christi pro nobis intercessionem esse triplicem. Primo enim interpellavit pro nobis ante passionem devotâ oratione in horto, deinde in Cruce, ipsâ sanguinis effusione, ubi sanguis Christi melius dicitur clamare, quam sanguis Abel. Tertio post ascensionem Vulnerum & cicatricum repræsentatione juxta illud *ad Hebr. 5. v. 1.* Ut appareat nunc vultui DEI pro nobis. Et sic *Joan. 1. c. 2. v. 1.* Advocatum habemus apud Patrem Jesum Christum. In causis inquit S. Th. in *1. Joan. c. 2.* animarum; non possessionum; & idque apud Patrem, ut iram Patris habeat placare, repræsentando Patri humanam naturam cicatricibus signatam, & ita sua merita allegantem non nostra. Si ergo Marcus Antonius Orator Romanus causam Aquilii tuitus est, cum is de periculo capitis reus teneretur, quando Sagum multis confossum telis & gladiis populo Romano exhibuit. De Christo apud Patrem quid sentiamus? de quo S. Cypr. *serm. 3. de sejun.* Qui
Marcus Antonius pro Aquilio perorat.

*Christus
perorat vul-
neribus.*

ut appareat vultui DEI, pro nobis, reservatæ in corpore inquit plagæ, salutis humanæ à Patre exigunt pretium, & obedientiæ donativum. Quare sicut S. Chrysologus *serm. 121.* de Lazaro dicit totum corpus pauperis perorasse, quia ulceribus quibus scatebat peroravit. Quid dicemus de Christo, qui quinque vulneribus velut efficacissimis linguis, veniam exorabit. Advocatum proinde habemus apud Patrem, qui tot ora habet, quod vulnera, quibus animabus nostris patrocinetur.

*Fortunam
debemus
metiri à fi-
ne.*

*Christus felici-
ssimus,
quia ad cœ-
lum abiit.*

S. Bern. *serm. de ascens.* in eo felicitatem Christi Regis ponit, quod fuit felix clausula itinerarii Filii DEI. Venit aliquando Solon ad Croesum cujus cum vidisset innumeras divitias, interrogatus Solon, quem mortalium felicissimum crederet respondit; Tellus Atheniensis, quia felix illi vitæ clausula obligisset. Concludit deinde, omnis rei felicitatem à suo exitu oportet ducere. Concludamus & nos, & credamus nos felices futuros, si cum Christo felix fuerit clausula itinerarii nostri. Judam & Latronem unica divisit itinerarii clausula. Navigationis felicitatem probat exscensus in littore. Felix quem ex mundo abeuntem nubes excipit, ut verum sit dicere abiit in cœlum.



ARTI-



ARTICULUS VII.

Inde venturus est judicare vivos, & mortuos.

DISCURSUS XXVIII.

De Judicio hominum in particulari.

Dari judicium particulare, id est, animas hominum statim à morte judicari à Christo, est de fide. Licet id negent Anabaptistæ, qui volunt animas hominum interire; Et non admittant Calvinistæ, qui dicunt animas nostras dormire, & soporari, usque ad diem Judicii. Quid verò clarius, quam quod S. Paulus *ad Hebr. c. 9. v. 27.* dicit, statutum est hominibus semel mori, post hoc autem, judicium. Confirmat hoc *Job c. 21. v. 13.* Ducunt in bonis dies suos, & in puncto ad inferna descendunt. Ostendit hoc *Lucas c. 16. v. 22.* factum est autem ut moreretur mendicus, & portaretur ab angelis in sinum Abraham. Mortuus est autem & dives, & sepultus est in inferno. Ubi vides malos statim post mortem puniri, bonos verò etiam præmiari. Cum verè dicat *Eccles. c. 11. v. 28.* Quoniam facile est coram DEO in die obitus reddere unicuique secundum vias suas. Et statim subdit *v. 29.* Et in fine denudatio operum nostrorum. Quæ denudatio operum nostrorum in Christo Judici attribuitur, quia non frustra super Iridem venturus dicitur, sol ille justitiæ divinæ, qui radiis suis omnia penetrantibus, corda & conscientias hominum sic illuminabit, ut sint futura veluti specula vel vitra, in quibus patebunt omnia. Hanc illuminationem David adscribit vultui divini Judicis *ps. 89. v. 8.* Posuisti iniquitates nostras in conspectu tuo, sæculum nostrum in illuminatione vultus tui, scilicet quando Christus

*Anima be-
minis sta-
tim à mor-
te judica-
tur.*

Christus veniet in morte hominis, tunc vultus divinus radios & lucem sparget, quæ in momento detegit omnia. O quoties in hyeme sterquilinia, & cloacæ teguntur nivibus, videturque intuentibus locus esse mundissimus, quamdiu nives incumbunt; at ubi in meridie ad incalescentem solem dissolvuntur nives, ecce sordes! ecce lutum! Talia sunt corda peccatorum; in hac vitâ scatemus sordibus peccatorum, sordissimo luto scelerum & vitiorum involvitur, sed omnia integrit nix hypocrisis. In horâ judicii liquefit nix, & ecce homo peccator, & opera ejus patebunt. Pulchre Lorinus hoc symbolum futuri judicii deducit, & demonstrat quomodo ad radios solis justitiæ cuncta opera hominum manifestanda, in apertum producantur. Num. 25. v. 4. iratus Dominus Moyfi dixit: Tolle cunctos principes populi, & suspende eos contra solem in patibulis. Fiet hoc instricissimo illo judicio, in quo suspendemur omnes contra solem justitiæ, & statim velut in speculo nuda erunt omnia. Locus porro, in quo anima judicatur est ipse ille, in quo homo moritur, quo enim momento anima separatur à corpore, eodem etiam judicatur, & recipit prout gessit in corpore suo. Licet autem aliqui putaverint, judicari hominem paulo post instans mortis obitæ, alii verò ante instans ipsum actualis separationis; videtur tamen non convenire justitiæ divinæ, ut vel ad momentum differatur sententia: neque etiam hominem DEUS prævertere dici potest, quia quamdiu homo vivit, potest mereri, vel demereri, cum adhuc sit viator. Quare licet videamus multos in agone ipso graviter torqueri, & maximis arctari angustiis, non tamen id fit, quod sententia tunc actu feratur, sed anima præfaga futuræ sententiæ, toto corpore exhorrescit, & sic circumstantes ad justum tremendi judicii metum inducuntur. Sic accidit Stephanò cuidam anachoretæ, qui multis annis in monte Sinai, in lachrymis & magnâ pœnitentiâ vixit; hic ante ultimum mortis diem in extasi positus, apertos oculos cum summo terrore huc atque illuc vertebat, cum admiratione astantium, quia vitæ præteritæ ratio ab illo exigebatur. Aliquando ergo dicebat, re vera ita est, sed pœnitentiâ & lachrymis crimen dilui. Ad quædam tamen dicebat: ita est; verè me accusatis, & quod respondeam non habeo; in DEO tamen est misericordia. Et hic quadragintâ annis monachus, qui donum lachrymarum habuit, sic obiit, quemadmodum testatur Climacus grad. 7. ut ambiguum reliquerit, quæ in strictissimo Numi,

Locus judicii est ipse, in quo homo moritur.

Anachoreta in morte judicio divino constituitur.

Numinis judicio secuta fuerit decisio. Majori cum spe salutis decessit ille Franciscanus Novitius Parisiis, qui fatali in lecto decumbens repente exclamare cepit, quantum satius fuisset, nunquam nasci. Paulo post rursus dicere auditus est: libram obsecro fideliter tractate. Tandem rogavit, appone etiam aliquid de Jesu patientis tormentis. Et tunc subdidit: nunc bene habet. Mirabantur astantes trepidationem morientis, sed ubi illis visionem narravit, seque meritis passionis Christi, in illo stricto DEI examine adjutum dixit, placidissime expiravit. Si ergo ex historiis habemus, quod aliquando dilata fuerit sententia, vel ante mortem ipsam fuerit executioni data, vel fuit illud ideo factum, quia erant ad vitam revocandi, vel fecit DEUS ideo, ut veritas fidei nostræ de judicio particulari tanto magis stabiliretur. Sic nota est historia illa de Doctore Parisiensi, qui in exequiis publicis, quæ habebantur in templo, ad verba illa, Responde mihi quantas habeo iniquitates primâ die in sarcophago secessurigenus, claris & disertis verbis dixit: Justo DEI judicio accusatus sum, Neque plura dixit & se reposuit. Alterâ die dum resumerentur exequiæ, & rursus ad dicta verba perventum esset, erigens se mortuus dixit: Justo DEI judicio accusatus sum. Quievit rursus, & recubuit, usque dum tertiâ die in exequiis iterum erectus, lamentabili voce dixit: Justo DEI judicio condemnatus sum, & æternum obmutuit. O quam sunt alia judicia DEI, alia judicia hominum! Interim tamen nemo est damnandus, quia in ultimo vitæ momento adhuc superest spes veniæ, si seriò convertatur peccator. Tremendum est illud quod narrat S. Dorotheus de quodam monacho, qui cum audivisset, quod pater quispiam in fornicationis crimen incidisset, qui post paucos deinde dies decessit, eundem audacissime damnatum, & æternum perditum proclamavit. Apparuit temerario Monacho Angelus defuncti animam secum adducens, jussitque ut animam illam judicaret. Quo auditus territus Monachus in genua procubuit, & suæ temeritatis veniam petiit. Promittit Christus Religiosis sedes judicantium, sed primò in die judicii; hic nemo se divinis judiciis ingerat.

Franciscanus Novitius in morte judicatus placidè moritur.

Doct̃or Parisiensis tertiâ die secessurigenus affertur.

Nemo damnandus est, licet dubietur.

Angelus fuit animam temerè judicanti.

Et licet multi sint, qui ante Christum incarnatum animas hominum à S. Michaële Archangelo nomine DEI judicatas asserant, velintque etiam nunc in particulari judicio illas ab eodem judicari, maxime cum Ecclesia in missa defunctorum dicat: Signifer S. Michaël.

Ghristus judicat animas in particulari Judicio.

repræsentet eas in lucem sanctam. Ex quo Tirinus & Viegas in suis commentariis in apoc. putant illum hac de causâ pingi cum staterâ, quasi actiones nostras ipse ponderaret, & dijudicaret, tamen probabilius est, & Scripturæ multisque visionibus conformius, animas omnes judicari à Christo. Cum *Joan. 5. v. 22.* dicatur: Pater non judicat quemquam, sed omne judicium dedit Filio, & causalem addit *v. 23.* ut omnes honorificent Filium, sicut honorificant Patrem. Unde videtur hoc spectare ad dignitatem ipsius Christi, qui sedet ad dexteram Patris, idque assecutus est per suam passionem, ut iudex esset vivorum & mortuorum. Quare etiam sapius legitur exercuisse hanc potestatem judiciariam. Quid enim vero tritum magis est, quàm illa apud historicos de Udone Episcopo nota historia, qui sapius à cælo etiam monitus est, ut pessimam, quam egit, vitam emendaret, & seriò ad DEum converteretur. Cum tamen id non fecisset, ulterioris moræ impatiens Christus, Udoni obdurato in templo S. Mauritii diem dixit, ubi in magnâ majestate Christus, in comitiâ plurimorum Angelorum, assidentibus sibi SS. Apostolis, & patronis templi illius, confedit, & Udonem à dæmonibus captivum adductum, atque ab iisdem gravissimè accusatum capitis primum, & deinde æternæ damnationis reum condemnavit. Sententiam capitis executus est unus dæmonum, qui obstinato homini caput amputavit, & pavementum copioso sanguine resperfit, sic ut usque hodie templum illud infami illo sanguine rubescat, in manifestum signum exercitæ potestatis judiciariæ, sibi à Patre traditæ. Non minus tremendum est, quod nostrâ memoriâ Anno Christi 1644. accidisse refert Thomas de Blanck de milite generoso. L. 1. c. 3. Fuit, quidam, inquit ille genere illustri, sed blasphemis infamis, qui cum graviter in duello quodam læsus fuisset, illius optima uxor de mariti salute sollicita & Medicum, & Confessarium statim advocavit. Adest Medicus & periculum vitæ ostendit, adest & Confessarius, & ad pœnitentiam, seriamque confessionem hortatur, sed surdo loquebatur. Orat ergo Pater pro salute obdurati hominis, & hem exclamat æger. Mi Pater! Mi Pater! Misericordia! accurrit Pater, & ex ægro petit, quid velit? Video, inquit æger, scripturam oculis meis obversantem, quam ut legat hortatus est confessarius, & legit æger: Dum tempus habemus, operemur bonum. *ad Gal. 6. v. 10.* Instat ergo Pater, ut tempore utatur, ad quod æger indignabundus; quid de salutari dolore,

Udo Episcopus à Christo in Ecclesiâ palam judicatur.

Miles blasphemus in morte sententia scripta condemnatur.

lore, quem Contritionem vocant mihi ingeris quotus enim quisque mortalis reperitur, cui tam propitium sit cœlum, ut cum Davide pretiosos illos gemitus edat? Et si quispiam est, ego certè is non sum. Respondit Pater, enimvero hoc tam arduum non est bonæ voluntati. Obtulit æger; rursus ergo ad orationem redit Pater; iterum exclamat æger: Pater mi! Pater mi! Cito! Cito! Misericordia! Redit Pater, & hominem rabiosi instar canis spumantem reperit, hortatus tamen ad confessionem, & dolorem de peccatis, dixit adhuc esse tempus veniæ, modo velit. Sed exclamat æger, aliquid video scriptum. Jubetur legere, & legit illud *Joan. 7. v. 34.* Quæretis me, & non inveniatis. Argumentum hinc sumpsit Pater, & vel nunc ad seriam confessionem faciendam hortatus est, ast omnia aspernatus æger, nullum periculum mortis esse clamavit. Desperatis rebus omnibus abitum simulat Pater, sed statim horrendis clamoribus revocatur, & æger clamat Decretoriam se videre scripturam, quæ fuit *Joan. 8. v. 21.* In peccato vestro moriemini: Dixit & eodem momento inter horrendas blasphemias desperatam evomuit animam. Cadaver ista erat deformitas, ut illi nec species hominis inesset, per omne corpus ebullivère vermes, & horrendus fœtor erupit. Interim cum solaretur viduum Pater & abitum pararet, adest unus ex cadaveris custodibus, & Patrem inclamat dicens; Dominum à duobus molossis per caminum abreptum. Prodit ergo ad cubiculum Pater, & nihil nisi linteum reperit, quo contextum fuit cadaver, foramen verò, per quod corpus abreptum fuit, pugni quantitatem non superavit; fœtor autem tantus fuit, ut illo vix non extincti fuerint præsentés. Anno vertente fulmen in illud cubiculum incidit tanto impetu, ut omnes turres, & muri in acervum lapidum corruerint. Ex quo ostendo, non esse necesse Christum de cœlo ad iudicandas animas descendere, ut animæ explicet decretoriam sententiam, cum hic locutus sit per scripturam. Sic olim *Christus* locutus est DEus per manum quæ in pariete *Dan. 5. v. 5.* scripsit: In eadem horâ apparuerunt digiti, quasi manus hominis scribentis contra candelabrum, in superficie parietis aulae regiae, & rex aspicebat articulos manus scribentis. Nec scripsit nisi tria verba, & sententiam decretoriam in divino iudicio declaravit. Mane; Mors est, numeravit enim DEus dies vitæ nostræ. Thecel; appensus es in statera, iudicium est divinum. Phares divisum est regnum tuum. Quæ

Ad sententiam non opus est, ut Christus de cœlo descendat.

major potest esse divisio, quam æternum à DEO separari. Et hæc est separatio hædorum ab ovibus, quæ in æternum à misericordiâ divinâ excludet. Potest etiam DEus loqui animæ, sicut anima Abrahamæ locuta est diviti Epuloni in inferno *Luc. 16. v. 23.* nec opus erat, ut Abraham descenderet ad Epulonem in infernum; adeoque patet, quam breves sint processus divini, nec à causarum cognitione extrahantur, atque in momento sententia intimetur.

Invenio tamen aliquem descensum Christi apud *Joan. c. 6. v. 47.* ubi Regulus, cujus filius infirmabatur Capharnæum, rogavit Jesum, ut descenderet, & sanaret filium suum; Domine descende, priusquam moriatur filius meus. Ast objecit illi Christus descensum fidei, Nisi signa & prodigia videritis, non creditis. Quasi diceret, annon credis Christum, qui sanare potest, quod possit etiam resuscitare filium, si moreretur. Pulchrè tamen Bæza *l. 1. in Joan.* excusat Regulum rogantem ut descendat Jesus, antequam moriatur filius, quia dum descendit Dominus ad hominem jam in mortis articulo constitutum, tunc descendit, ut judex severus, quod Regulus non volebat accidere filio, cui Christum volebat esse propitium. Quod enim descensus ille sit formidandus, audite *Isa. c. 13. v. 9.* Ecce dies Domini veniet crudelis, & indignationis plenus, & iræ furorisque.

*B. Agatho
judicium
timet.*

*Arsenius
in morte
timet.*

Non miror Ego jam B. Agathonem, hanc diem formidasse, cum enim is mortis vicinus jaceret, & trepidaret, causam à bono sene Magistro suo petiverunt discipuli; & cur timeret, interrogârunt? Quia, inquit, ô filii! alia sunt judicia DEI, alia hominum. Et hinc S. Arsenius eodem modo cum moriturus timeret dicentibus discipulis: Pater in veritate, & tu times? Respondit, timor qui nunc in me est, semper in me fuit. Verè enim Amos dixit *c. 5. v. 18.* Dies Domini iustatenebræ, & non lux. Quomodo si fugiat vir à facie leonis, & occurrat ei ursus. Christus, ut inquit Rupertus Abbas, in vitâ nostrâ est tanquam leo, qui prostratis per pœnitentiam, parcit, sed in morte & judicio morientibus instat velut strictus Judex. Notum enim est, quod si homo occurrat leoni, & se coram illo prosternat, ac quasi mortuum simulet, quod ei non insistat, aut illum dilaceret: at urfi, & lupi, ac similia animalia etiam prostratos sæpe dilacerant, ac devorant. Quoties accedit, ut tædio vitæ affecti mortem optemus, & licet cum Paulo desideremus dissolvi, & esse cum Christo, tamen reverâ in corde est impatientia adversitatis ælicujus,

*Christus,
qui in vita
nobis est
propitius,
in morte est
severus.*

cui

cui deum pares ferendo non sumus, mortem, & consequentia horrenda pericula, improvidè optamus. Si nobis id accideret, quod S. Paulo, ad quem ante mortem in agro Damasceno prostratum & conversum descendit Christus, non esset, quod timeremus descendum Christi in morte, sed quia ante mortem non prosternimur poenitentes, ut sic veniat ad nos per gratiam Dominus; Timeatis, quicumque fugit Leonem parcentem prostratis, ne incidat in ursum, id est in eum, qui parere nescit Judicem. Pulchrè proinde Theodoretus Abbas in verba Amos. Qui Prophetiæ finem expectant videre, nihil differunt ab homine, qui cum leonem impetentem effugisset, mox in ursum incurrit. Non est ergo expectandus DEus Judex, qui potest haberi Pater. Hinc S. Joan. *Apoc. 1. v. 13.* describens Christum Judicem dicit: Et conversus vidi similem filio hominis, vestitum podere, & præcinctum ad mamillas Zonâ aureâ. Explicat Hugo Cardinalis: Ut discamus Christum in præsentî vitâ gerere se in modum matris, sed ibi acturum officium severi Judicis. Et hinc bene advertit. S. Bern. apparèt cum mamillis stricissimè ligatis cingulo justitiæ, juxta illud *Isa. 11. v. 5.* Et erit justitia cingulum lumborum ejus. Scilicet tunc mamillæ pietatis & benevolentiae à justitiâ totaliter adstringentur, ut nullus misericordiae in foro Justitiæ sit locus futurus. Unde bene S. Aug. monet: de misericordiâ DEI multum tibi polliceris, quasi ille, qui tibi per patientiam promisit indulgentiam, promiserit etiam tibi longiorem vitam? Non est fidendum! DEus qui nos vocat, si non auditur in vitâ, non auditur in morte. Quid misero peccatori morienti magis potest esse solatii, quàm Christus pro nobis crucifixus, qui amore nostri, ut nos à peccatis & inferno redimeret, in cruce pro nobis mori dignatus est. Sed heu me! hic etiam ipse Christus crucifixus obstinato peccatori est argumentum interitus. O quam tremendè exclamat S. Chrysostomus *hom. 15. de verb. Apost.* Verba recito scripturæ. Ne tardes converti ad Dominum, neque differas de die in diem, subito enim veniet ira ejus, & in tempore vindictæ disperdet te. Numquid ego scripsi hoc? Numquid delere illud possum? Si delevero timeo deleri. Scilicet in judicio videbit peccator ipsam misericordiam contra se armatam in vindictam, quia ab ipsamet misericordiâ fulcietur justitia, ut illi sic majores ad sumendam vindictam vires suppeditet. Videtur hoc dicere *Isaias c. 59. v. 16.* salvavit sibi brachium suum, & Justitia ejus

confirmavit eum. Septuaginta legunt : ultus est brachio suo : Quasi diceret : DEus potenti divinæ Justitiæ suæ brachio vindicavit sese de inimicis suis, & misericordia ipsa fulciet illum, ne ab incepto desistat. Illa nimirum misericordia, quæ modo Justitiæ divinæ remeatur brachium, illudque suspendit, eadem illa tunc vindictæ subministrabit vim & vigorem. Et hoc illud est, quod formidavit Joannes *Apoc. 15. v. 4.* Quis non timebit te Domine, quia solus pius es; an non potius diceret, quia solus justus es? Tuetur hanc propositionem S. Chrysostomus *hom. 39. in Evang.* Quanto enim Dominus ad misericordiam promptior fuit, tanto erit vindicta ejus acerbior. S. Hilarion moriturus se ipsum animavit ad egressum ex corpore infirmo, sed judicium timuit. Timoris causam si postulavero, aliam non invenio, quam reatum conscientiae propriæ. Certè *Mat. 22. v. 12.* nudus ille à veste nuptiali conviva, interrogatus quomodo intraverit sine veste nuptiali? nihil respondit, sed obmutuit. Causam dat Ludolphus Carthus. *p. 2. c. 4.* propter timorem accusationis, propter erubescientiam iniquitatis, propter ignorantiam excusationis, præ confusione non habens, quod responderet. Propriâ urgente conscientia convincitur & mutus efficitur. Per hoc, quod ille obmutuit, pergit citatus author, monstratur, quod in illo stricto examine omne genus excusationis cessabit. Obmutuit dicit Paulus de Palatio *c. 22. in Mat.* Quia si ad tempus stricti judicii, & mortis cujusque verba hæc referantur, jam tempus non est pœnitendi, sed obmutescendi. Quid enim dicet peccator, cui tot monstrantur DEI beneficia, tot à DEO impensa auxilia, tot instituta remedia; toties tamen contemptus est DEus, toties violata sunt Sacramenta? Et verò accidit multis ex nobis, quod illis duobus fratribus, sapiens uni, fatuus alteri, cui se in bivio accommodavit sapiens, adeoque jucundam ingressi viam, relicta asperâ, in latrones inciderunt, ubi longolitigio sibi mutuo culpam imputantes uterque à Judice tandem est damnatus. hic sapiens scilicet, quod fatuum sit secutus, ille quod sapientem sequi noluerit. O quoties anima stultum corpus sequitur! & deinde in divino judicio æternum damnabitur? Thomas Morus hominem longioris & brevioris vitæ, comparare solebat cum duobus furibus, qui ad idem patibulum suspendendi ducuntur, in quibus hoc solum differt, quod unus longâ, alter breviori viâ ducatur, nec tamen ipsi sciunt, quis brevior, vellongiore

In divino
Judicio,
nulla est
excusatio.

Frater sapiens
stultum
secutus
in latrones
incidit.

Vita
nostra
fratrum
tandem morte
terminatur.

viâ procedat. Sic est ! Omnes ad tremendum illud iudicium accedimus, nec nisi morâ differimus. Hic tandem terminus erit aternitatis, in quo vel præmium, vel poenam consequemur æternam. Alius vitam nostram scenam dixit, in quâ personas agimus velut in theatro, sed utinam benè. Augustus Cæsar moriturus ad amicos dixit, satisne bellè personam nostram egimus ? Illis respondentibus bellè, attrahens, claudensque lecti cortinam, valet ergo, inquit, & plaudite : quod dicunt Actores, qui comædiam faciunt. Sed non omnibus hæc fors obtingit, ut bellè personam hominis Christiani agamus. Est in cælo Iudex Christus, qui personas nostras dijudicabit, ubi scenam vitæ clausurimus. Polemon Philolophus in ludis theatralibus Iudex constitutus, cum observasset actorem quendam dixisse. O Jupiter ! O terra ! & gestu planè dissono hæc ostendisset, illum non modo præmio indignum iudicavit, sed ne actoris nomine indignus censetur, quia gestum manine voluit compellari. Quid nos ? quibus in vitam introeuntibus scena panditur, & cum ad cælum ordinati sumus, ne in minimo vitæ nostræ actu, cælum monstramus. Quo ille nomine nos Christianos actores compellabit ? Videt Christus omnes actiones nostras, & Deus totum cælum, an terram spectemus, accuratissimè observat. Egyptii Deus mundi oculum dixerunt. Deus noster, teste S. Aug. totus est oculus, etiam in occipite oculum habet, ut nihil lateat omniscium Deum.

Vita humana est scena.

Actoris nomine indignus censetur, quia gestum manine voluit compellari.

Deus totus est oculus.

Conscientia propria iudicabit.

Nec opus est, in hoc divino iudicio multo examine ; propria conscientia iudicabit, & condemnabit te reum. Eam rationem habet consuetudo divinæ sententiæ, ut qui gesserunt impiè, ipsi proprio confessione se ipsos damnent. Confirmatur hoc exemplo Lamech, qui *Gen. 4. v. 23.* nemine conscio Cainum occidit, urgente tamen conscientia propria, coram insciis & facti ignaris mulieribus, contra se sententiam tulit : septulum ultio dabitur de Cain, de Lamech verò septuagies. Pulchrè S. Chrysostomus super hæc verba : Quasi carnificem se lancinantem gestaret, ita post absurdum facinus ambulat, nullo conscio sustinens illas intolerabiles pœnas, & iudex ipse factus & accusator. Peccatum, ait dictus S. Chrysostomus *hom. 64. in Gen.* postquam factum est, & absolutum, tunc dolorem excitat in animâ, & mentem, quæ ipsum peperit, doloribus disrumpit. Et *hom. 7.* ait : Ea peccati natura est, ut priusquam omnino perpetratum sit, hominem temulentia afficiat, postquam autem exple-

Anglica-
nus Auli-
cus con-
scientiâ
propriâ
damnatur.

tum & perfectum est, tunc ea voluptas se proripiat, & extingua-
tur, ac solus deinde stat accusator, conscientia nimirum Carnificis
locum obtinente. Expertus est illam accusantem, tumultuantemque
Anglicanus ille aulicus, qui cum in supremo morbo nihil de confes-
sione audire vellet, tandem exclamavit : Actum est ! perii ! con-
scientia sceleribus onustain oculis est, Hæc me damnat, necdum à
DEO damnatum. Dum vivimus, conscientiam audire nolumus,
audiemus in agone. Iudex ille Hispanus suspecta de homicidio nu-
davit pectora, & ex palpitatione cordis reum monstravit. Ite nunc
impii peccatores ? simulate & dissimulate vestra scelera, occultate
fornicationes & adulteria, rapinas tegite. In morte severus Iudex
Christus nudabit pectora cum tremendâ illâ voce : Hoc fecisti. Quam
verum tunc erit illud *Ezech. 20. v. 43.* Recordabimini ibi viarum ve-
strarum, & omnium scelerum vestrorum, quibus polluti estis in eis,
& displicebitis vobis in conspectu vestro, in omnibus malitiis vestris,
quas fecistis. Quis, obsecro, Judam accusavit ? Quis ad suspen-
dium damnavit ? dum dixit *Mat. 27. v. 24.* Peccavi tradens sangui-
nem justum. Pulchrè observat S. Ambr. *serm. 2. in Dan.* Domini tra-
ditorem non invenio, à Iudice damnatum ; Non enim damnat Pi-
latus, non damnat populus, sed quod majus, se ipsum condemna-
vit. Quem enim alter judicat, potest utcumque esse excusabilis :
reus autem sine excusatione est, qui conscientia suâ judicio con-
demnatur. Merito proinde addit S. Leo *serm. 16. de pass.* Tibi tua
pœna commissâ est, quia in supplicium tuum nemo potuit te sævior
inveniri. Erit hic conscientia propria, quæ & accusatoris, & Judi-
cis partes aget. Laboriosè S. Ambr. conciliat illud *Joan. 5. v. 22.* Ne-
que enim Pater judicat quemquam, sed omne iudicium dedit filio,
Et illud *Joan. 8. v. 15.* Ego non iudico quemquam ; Explicat tamen,
& declarat exemplo hoc. Accidit, ut reus testibus convictus cri-
men fateatur, adeoque mortis sententia per iudices decernitur. Reus
gratiam petit, sed respondet Iudex, non possum à me facere quid-
quam. Ego non iudicio, sed facta tua te iudicant, ipsa accusant, ipsa
te condemnant. Sic Christus dicit, nihil ex me profero, sed lex
contra te mortis sententiam promulgat. Ipsa conscientia tua reum
te æternæ damnationis facit. Certè illa adultera *Joan. 8. v. 11.* à Chri-
sto audit : nec Ego te condemnabo. Vade & noli amplius pecca-
re. Albertus Magnus dicit : nec Ego te condemnabo ab accusato-
ribus

ribus tuis ereptam , & per pœnitentiam interiorem emendatam. Quæ quia conscientiam propriam per actum pœnitentiæ pacavit, ideo neque amplius à se ipsa pœnam, & supplicium formidavit. Pulchrè S. Ambr. advertit, quod Christus Phariseis adulteram accusantibus responderit ; qui vestrum sine peccato est, primus in illam lapidem mittat. Et statim dicitur *v. 9.* Audientes autem hæc, unus post unum ibat, incipientes à senioribus. Causa verò, cur à senioribus incipiant videri potest, quia priores vim intellexerunt sententiæ quasi prudentiores, cœperunt magis sua deslere peccata, qui alieni criminis venerant accusatores. Merito proinde formidet anima misera illam comminationem Davidis *ps. 49. v. 21.* Arguam te, & statuat contra faciem tuam, vel, ut alii legunt, contra conscientiam tuam. Hoc enim, inquit Ambr. sacrilegi solet esse delictum, ut impietatem suam ipse dum recordatur puniat, & scelus suum dum recognoscit vindicet ; omnium enim supergreditur sententias conscientie suæ sententiâ damnatus. Ex quo patet, quod talis securitatis spem nullam habeat, quia ut bene observat Zeno, si ei contingat accusatore carere, & teste conscio, cum se ipso carere non possit, violentior omni torture conscientia, nunquam deserit peccatorem. Quare bene dixit S. August. *in ps. 45.* Inter omnes tribulationes animæ, nulla est major tribulatio, quam conscientia delictorum. Quia ut ait S. Leo *serm. 5. de Epiph.* mens dura & ingrata jam sibi ipsi supplicium est, & in conscientia suâ patitur, quidquid DEI bonitate interim differtur. Hic liber est ille, in quo totum continetur, unde miser homo judicetur. Ingemuit ad hunc librum *Job. 15. v. 26.* ubi dicitur : scribis contra me amaritudines, & consumere me vis peccatis adolescentiæ meæ. Vidit hunc scribam Ezechiel *c. 9. v. 2.* Et atramentarium scriptoris ad renes ejus, scripta autem hic sunt omnia dicta, facta, imò & cogitata nostra, dicente Ecclesiaste *c. 12. v. 14.* cuncta, quæ fiunt, adducet DEus in judicium pro omni errato, siue bonum, siue malum illud sit.

Mala conscientia non est securus.

Quam verò exactè illud futurum sit, audi *Soph. 1. v. 12.* scrutabor Jerusalem in lucernis. *Cant. 3. v. 5.* inquit sponsa : spoliavi me tunicâ meâ, quomodo induar illâ ? Lavi pedes meos, quomodo inquinabo illos. Juxta S. Greg. Naz. tunicâ se spoliât, dum à peccatis mortalibus anima liberatur, dum autem pedes abluir, venialibus peccatis renuntiat : Hæc tamen tam immaculata sponsa exclamat :

Kkk

In-

*Alia erunt
judicantis
DEI in
morte ju-
dicia.*

Invenierunt me Custodes, qui circumcunt civitatem, percusserunt me, tulerunt pallium meum. Quærit Nyss. *hom. 12. in Cant.* Quomodo, nuda vestimentis omnibus pallium adhuc habet, quod etiamnum custodes civitatis adimunt: Et respondet: vestimento deposito non aderat sponsus visibiliter, qui de innocentia & puritate sponsæ judicaret, licet se illa omnino ab Adami exuviis liberam vestimento deposito crediderit. At cum mortua divino judicio sistitur, quasi nunquam à vitiis sæculi exuta fuisset, apparet, propter infinitam DEI, cui sistitur, puritatem. Unde dicit Nyssenus, ea, quæ jam ante tunicam veterem exuerat, non exuisse antè hoc pallium videtur. Sic ascensus ad illam sublimitatem divinam aliquid ostendit rei crassæ adhærescere illi animæ, quod restat purgandum. Audiendus est D. Basil. *in reg. fus. c. 18.* Cum affirmaverit Dominus, quia jota unum, aut apex non transibit à lege, donec omnia fiant: Et rursus definierit, quia de omni sermone, & verbo otioso, quod locuti fuerint homines, reddent de eo rationem in die judicii, nihil oportet contemnitanquam parvum. Tremendum est, quod Christus *Mat. 12. v. 36.* dicit: Dico autem vobis, quoniam omne verbum otiosum, quod locuti fuerint homines, reddent rationem de eo in die Judicii. Ex verbis enim tuis justificaberis, & ex verbis tuis condemnaberis. Propter quod S. Chrysostomus *hom. 17. in Ep. ad Eph.* magna mala inquit mentem illam, quæ facietis dedita est, magna dissolutio & vastitas inhabitant. Harmonia illius hiulca est, cariosum ac marcidum ædificium, timor exterminatus, & fugata pietas. Eousque verò progressus est Petrus Dam. *in illud Isa. 54.* Et omnem linguam resistentem tibi in judicio judicabit explicans, ut nihil religiosos suos, quam de gestis sanctorum loqui voluerit. Quid est hoc, exclamat *l. 2. Epist. 18. ad Desiderium Abbatem Cassinensem*, de omni verbo otioso rationem reddent in die judicii. Fateor fratres mei, nihil ferè in monasteriis agitur, unde mens mea terribilius super monachos imminere DEI judicium suspicetur. Deducit hoc argumentum fusius, & amplificat narrando colloquium duorum monachorum, qui cum à se visain civitate domi referrent, ita animos Monachorum perturbârunt, ut dicat Dorotheus *serm. 4. de divin. Tim.* Immerfo quodam lethali veneno in cor illorum, quo quidem vitio nihil gravius, quia plerique nauseare eremi solitudinem, sæculi vanitates concupiscere cœperunt. An non meritò his occi-

nere

*Colloquia
secularia
religiosis
nociva.*

nere possim illud *ps. 5. v. 11.* sepulchrum patens est guttur coruin. Quod expendens S. Chrysostomus quærit cur non potius thesauri, quam sepulchra esse velimus, ut cum loquendum est, non potius Topazios, ac pyropos, id est, Evangelicas sententias potius, quam terrenorum sensuum putrida ossa depromamus. Non sit ergo, exclamat S. Chrysostomus in hunc locum, os tuum sepulchrum, sed thesaurus.

Jam verò audite S. Paulum *1. ad Cor. 4. v. 5.* Nolite ante tempus judicare, quoadusque veniat Dominus, qui & illuminabit abscondita tenebrarum, & manifestabit consilia cordium. Quid enim magis absconditum, quam cogitationes cordis nostri, & ecce de his iudicati condemnantur. Refert Joannes Raulinus in *suo itinera-rio*, quod nobilis Matrona fuerit, miræ pietatis, & in pauperes liberalis, atque ob hoc ipsum apud Episcopum, qui illius erat confesarius in magnâ æstinatione. Hæc fortè oculos in herilem servum coniecit, & lubricam mente cogitationem concepit, in quam etiam se delectando, consensit, sicutamen, ut ubi se recollectit, & cogitationem, & opus ipsum vehementer detestaretur. Neglexit illa hanc cogitationem confiteri, nec multo post in gravem infirmitatem delapsa, & mortua est. Episcopus cum omni industriâ sepelivit illam in sacello suo, dum verò matutinas preces dicturus alterâ die in sacellum ingreditur Episcopus, totum sacellum ardere videt, cohorrui, animum tamen assumit & intrat, videtque in sepulchro matronam craticulæ impositam, horrendè à dæmonibus assari. Quærit cur hoc patiat? Respondit illa, quia cogitationem turpem, cui consensi, confessa non sum. Et sic disparuit. O quàm verum est, illud *Job. 31. v. 12.* ignis est usque ad perditionem devorans. Quod explicat S. Greg. Quid est libido nisi ignis? Quid item turpes cogitationes nisi palææ? quis etiam nescit, si in palæis ignis negligenter extinguitur, ex parvâ scintillâ omnes palææ accenduntur. Qui ergo virtutum incrementa non vult extinguere, ita debet libidinis ignem extinguere, ut per tenuem scintillam, nunquam possit ardere. Bene S. Hier. ad *Eustoch. Ep. 22.* Ne sinas malum cogitationum crescere, sed dum parvus est hostis interfice, parvulos illide. Fecit hoc Pharaon *Exod. 1.* dum parvulos Hebræos occidit. Moysem, quem in fiscellâ excepit filia, sprexit, qui deinde Pharaoni coronam sustulit, simul & vitam. An non hic cogitaverit in mari rubro, utinam Moy-

*Cogitatio
morosa ma-
trona da-
minat.*

*Cogitatio-
nes libidi-
nosæ statim
repellendæ.*

sem primum ad me allatum suffocâſſem. Hoc idem in inferno clamat diſſematrona, quæ obortam malam cogitationem non ſuffocavit. Bene itaque monet Ovidius. Opprime dum nova ſunt ſubiti mala ſemina morbi. Experti ſumus, quod ſæpè cum velimus, reſilire non poſſimus. Baſiliſcus ova ponit, ſimplex alia avis, vel gallina eadem excludit, ſed cum ſuo interitu. Dæmon ova parit, aſt tu non excludit. Si David primam cogitationem in ſolario confreſſiſſet, nunquam deindè lachrymis ſic ſtratum rigâſſet. Quare *Jerem. 4. v. 14.* dicit: uſquequo morabuntur in te cogitationes noxiæ. In quem locum S. Greg. *l. 7. moral.* bene obſervat dicens, Non, inquit, reprehendit DEus, quod anima pravis cogitationibus agitur, hoc enim ſæpè in poteſtate noſtra non eſt, ſed quod in eis moram trahat, & delectetur. Pintus Ramirez in *Cant. l. 3. c. 6. v. 12.* ex *Plinio hiſtorico l. 7. c. 2.* refert, Pygmæos ſingulis annis expeditionem facere contra ova gruum, quia ſi ova non expugnarent, ſed pullos ſincerent excludere, à gruibz obruerentur. Ova dum ſunt, confringenda ſunt, non expectanda grues. Et verò quis in domo ſua temerè ſcintillam in ſtramine ſuſtinet? Si ſcintilla pravæ cogitationis incidit, opprime. Audi *Job. c. 41. v. 12.* de dæmone dicentem, halitus ejus prunas ardere facit.

Sententia
ſibi ju-
dicii eſt in
noſtra po-
teſtate.

Quid dicam de neglectis charitatis operibus de quibus. *Mat. 25.* longus pertextitur catalogus, & ideo æterno ſupplicio adjudicantur. Fuit in autè Mauritiæ Cæſaris ſæmina nobilis, quæ ſcire volebat ſententiam, in judicio contra ſe ferendam. Cui S. Greg. reſcripſit. Omniſte vita tua docebit. ſi dextrè egitti, dextram tenebis. Pulchrè S. Eligius, delicatè nobiſcum agitur, quomodo judicemur. Hoc inſuper felicitatis eſt, ſi fortè hæcenus malè ſcripſiſti ſententiã tuam, ut poſſis eandem melius vivendo emendare: Et hinc in ſtriſto illo judicio gaudebunt boni, trepidabunt mali, quia ſcient, quam ſibi vivendo ſcripſerint ſententiam, & ſi bona fuerit, quod amplius mutare non debeant. Curioſam aliquando quæſtionem habuerunt Phariſæi *Mat. 16. v. 1.* Rogaverunt, ut ſignum de cælo oſtenderet eis. Quid Chriſtus? Audite *v. 2.* factò vespere dicitis, ſerenum erit, rubicundum eſt cælum. Et nos ſæpè ſigna petimus, & futuri judicii eventum ſcire deſideramus, vespere inſpiciamus. vespere eſt vita noſtra *ps. 29. v. 6.* ad vespere demorabitur ſletus, & ad matutinum lætitia. Ex vespere præſentis vitæ collige ſerenitatem futuri judicii.

Si

Si rubicundus est, id est, applicatis bene meritis, & Christi sanguine in asperitate, & charitatis fervore, serenum ominemur manē propitii iudicis. Econtrā qui vesperum habuit serenum, iuxta illud ducunt in bonis dies suos, metuunt sibi ex prævio hoc vespere futuram tempestatem, fulmina & tonitrua, & talia quidem, qualia Petro Hispalensi teste in Tartariā audiuntur, quæ solo fragore hominem exanimant. Hæc nostra est vesania, licet enim sciamus iudicium illud rigidum impendere, illiustamen incurii vivimus. *Æsopum* miserat Herus, ut in foro aliquid emeret, cui dum in foro obvius fit Prætor, interrogat. Quò vadis? Respondit Prætori *Æsopus*, Nescio. Credidit Prætor, se ab *Æsopoludi*, & rursus indignatione plenus *Æsopum* interrogat; Quò vadis? rursus reponit ille nescio. Iratus Prætor mandat satellitibus, ut *Æsopum* ad carcerem abducant, conversus ad Prætorem *Æsopus* dixit: En quia nesciebam, quò vaderem; credebam enim me ad forum pergere, & modò ad carcerem abducor. Quo liberali responso mitigatus Prætor, liberum *Æsopum* dimisit. O mi Christiane! Quoties tibi meritò occini posset in vitā tuā, Quò tandem vadis? Usque adeo æternitatis immemores vivimus, ut nihil minus, quàm DEI iudicium fore, credere videamur. *Æsopum* stultam fabulæ memorant; Næ tu *Æsopo* longè stultior, & ne dicam mortalium omnium stultissimus es. Rex quidam moriturus pomum curavit aureum, hoc dedit filio, ut illud daret mortalium omnium stultissimo, diu hunc quæsit filius regius, sed non invenit. Tandem in Regem quempiam incidit, qui iure gentium sibi subditarum, sic regnavit anno uno, ut sequenti exulaverit; huic pomum obtulit, stultissimum illum credens, quod modicam regnandi cupiditatem, perpetuo exilio commutaret. Sed prudenter respondit Rex ille, Quia anno illo ita sibi prospexit, ut omni vitā sequente in exilio commodè viveret. Nos ad æternitatem tendimus, & de nullo commeatu solliciti nobis non providemus, unde æternum vivere mereamur. *Judic. 12.* Galaaditæ controversiam habuerunt cum Ephratæis. Occupaverant Galaaditæ vada Jordanis, per quæ Ephraim reversurus erat, quia verò se non poterant dignoscere, excogitarunt Galaaditæ ingeniosè hanc tesseram, ut quisquis transire vellet, diceret Schibolet. Quia verò Ephraditæ. Schin literam pronuntiare non poterant, ex hujus vocis pronuntiatione à Galaaditis discernebantur. Venit ergo Galaadites, & dixit

Æsopus nescit, quò vadat.

Pomum autem cum stultissimo omnium eundum.

Æternitatem prospicere debemus.

Schiboleth, qui velut amicus transire permixsus est. Venit Ephraëus & dixit Siboleth, statimque jugulatus est. Quid est Schiboleth, nisi spica plena, & Siboleth nisi spica vacua? Audiamus modo S. Hier. Jordanis aliud non est, quam fluvius illius strictissimi judicii; Omnes per vadium hujus Jordanis, id est, divini judicii transire debemus, at non omnes sic constituti sumus, ut tunc verè dicere possimus Schiboleth, hoc est, ut proferamus spicam virtutis & meritorum granis plenam; adeoque ubi Siboleth, id est, vitam vacuum produxerimus, non transibimus ad cœli felicissima gaudia, sed ab infernalibus dæmonum larvis jugulabimur in æternam damnationem detrudendi. Pulchrè & ingeniosè S. Greg. Nyss. quærit. Undè colligi possit, quod homo dormiens non utatur integro, & perfecto rationis judicio? Et respondet ex obscænis somniis illud colligi posse, quæ homini dormienti obrepunt. Nullo enim pacto hoc fieri posset, si animus eo tempore à ratione & mente gubernaretur. Quo ergo modo obdormiscit homo ille, qui se in judicio divino comparitutum credit? Nam si mentis compos esset, advocare animum ab illius judicii cogitatione, & somno se tradere nunquam posset. Decem virginibus, quarum quinque prudentes, aliæ quinque fatuæ dicuntur, Christus regnum cœlorum comparavit, quæ dormitavere omnes & dormierunt. *Mat. 25. v. 5.* quando moram trahebat sponsus, quem ad nuptias conducturæ convenerant. Quærit hic Abulensis, utrum omnes decem virgines positæ omni sollicitudine de adventu sponsi somno habenas permiserint. Videntur enim hoc indicare verba S. Matthæi. Respondet tamen *q. 6. inc. 25. Mat.* verisimilius est, quod prudentes dormitabant tantum, & non dormiebant, fatuæ autem dormiebant. Hoc enim pertinet ad prudentes, nam cum tenerentur curæ expectationis venturi sponsi non possunt dormire profundè, quia cura hæc illas excitaret. Dormitabant igitur, id est leviter, & pauculum rapiebantur sopore, & statim evigilabant. Fatuæ verò quasi non esset eis aliqua cura, dormiebant; licet essent in expectatione venturi sponsi. Et ideo dormire & non dormitare dicuntur. Merito fatuæ dictæ, quæ inter non tantum propinquantis sponsi, sed paulo post futuri judicii timores, tam vacuæ à curis fuerunt, ut totaliter somno fræna laxarent. Melius vigilavit vir quidam pius & devotus, qui quoties audivit sonitum horæ secum dicebat: Domine DEus jam iterum unâ horam vitæ meæ consumpsi,

dc

Contra O-
tium bo-
num & se-
curum re-
medium.

de quâ tibi redditurus sum rationem, quomodo illam impenderim. Nullum enim à te est mihi impensum tempus, cujus mihi non sit reddenda ratio. Ita Petrus Binsfeldius de pec. capit. c. 12. Quis modo poterit dormire, non dicam dormire. Unde obsecro ergo sit, quod peccata peccatis accumulamus? nisi quia dorminus & futuri stricti iudicii memores non vivimus. Philosophus quidam Athenas venit, ut sibi asinum ad clitellas vehendas coëmeret. Offerebantur venales plurimi, sed nullus placuit, voluit enim habere asinum cum caudâ pavonis. Omnes hic riserunt Philosophum, non minus autem ille risit se ridentes, quod nimirum illi riderent se quærentem asinum cum caudâ pavonis, cum illi caput, & corpus habeant vitæ asininae, & tamen caudam & finem vitæ suæ velint habere pavoninum; seu multarum virtutum schemate illustrem. In vitâ parandum est, undè in iudicio ultimo securi simus. Adolescens quidam vitam meditabatur monasticam, sed cum à matre, plus æquò filium amante, revocaretur à proposito, constanter illam filius repressit, & verò vicit, dicendo: volo salvare animam meam. At verò dum in monasterio sibi & salutis suæ vacat remissus, morbo gravi corripitur & in mentis excessu ad DEI tribunal adducitur. Stetit ante tribunal mater, cum aliis damnanda, quæ ad filium conversa clamavit. Quid hoc fili? & tu hic inter cæteros damnandos ades? Ubi nunc sunt ille voces tuæ, volo salvare animam meam. Dixit, & altum ingemuit Mater. Filius verò sibi restitutus, & sanitati pristinae redditus, aliud mente nonolvebat, quam matris exprobrantis voces. Cum verò illum solarentur socii, piè exclamavit. Si in illa tantum unbratili scenâ iudicii, vel unius matris impropria non sustinui, quomodo in extremi iudicii die, & Christi, & Angelorum impropria feram? Quod si à pauculis verbis defunctæ matris tantus in hoc iuvene fuit motus animi, quis sensus in nobis esse debet, quibus vox illa severi iudicis *Ma. 18.* Redderationē, in auribus debet insonare. Utpueri facilius addiscant litteras, & verba, quæ illis proponuntur, sæpè in pictura illis verba, & litteræ repræsentantur. Difficile est verbū reddere Rationem, adeoq; sæpius in Evangelio nobis per similitudinē, modò servi, modò villici, modò scæneratoris à Christo proponitur. Non otiosè hic quæri potest, undè hic servus tantum contraxerit debitum? *Matt. 18. v. 24.* oblatus est ei unus, qui debebat ei decem millia talenta? S.

Chry-

Hora sonante cogitemus, nos de ea rationem DEO daturus.

Asinus cum cauda pavonis.

Religiosus factus ut animam salvaret, nil minus fecit.

Chrysostomus dicit, quia fortè se rationem redditurum nunquam re-
flectebat. Cur nos in tanta debita apud Deum delabimur? Iudicii
divini immemores vivimus. Felix tamen fuit servus iste, cui Domi-
nus tantum dimisit debitum; felicius fuisset, si nec tantum debuisset.
O quàm bene est illi animo, qui nihil se debere novit.



DISCURSUS XXIX.

De Iudicio extremo, & universali.

*In Iudicio
universali
non est no-
vum Iudi-
cium.*

*Christus
invitus ad
iudicium
venit.*

*Anticise
Principi
suo confor-
mant in
vestitu.*

IN hoc Iudicio non nova sententia, sed prioris jam latæ pu-
blicatio expectanda erit. Ad quod iudicium quàm ægrè
& invitus quasi veniat, ipse declaravit. *Matth. 24. v. 28.*
Dum se cadaveri quasi assimilat, quod non motu intrinseco,
sed alieno movetur dicens: ubicunque fuerit corpus, ibi congregan-
tur & aquilæ, ut ostendat, quanto cum mœrore opus illud exerceret,
cui omnis judiciaria majestas cadaverosa, & quasi fatalis videtur.
Et ideo forte sol obscurabitur, & luna non dabit lumen suum, ut ele-
menta sui Authoris ad condemnandum venientis testentur mœro-
rem. Si enim, inquit Palatius, tenebris tantis integitur mundus, u-
bi Iudex venit iratus; Non igitur opus Iudicis: Non enim est o-
pus suum irasci, condemnare, punire: alioquin si lubens, & gaudens,
venisset ad pœnam, rideret orbis, & cuncta gaudio plena essent. Non
autem iudicare, sed salvare mundum venit. Aularum hic mos est;
ut luceant cum Principe, & lætentur cum eodem, dicente Camerario
in medit. hist. Cent. 1. c. 66. de aulâ Maximiliani secundi. Imperatoris
optimi, observavi familiares Cæsaris plerosque imitari solitos colo-
rem vestitus. Rex ille supremus DEUS, cui familiariter millia millium,
& decies centena millia ante ejus ostium excubant stellarum exerci-
tus, & vestes & vultus suos irato Principi conformaturi dicuntur. A-
trata elementa inquit author operis imperf. *apud Freyre in c. 7. Judic.*
& mœrentia luminaria mœrorem & luctum sui ad condemnandum
non sponte venientis testantur authoris, alioquin si gaudens, & lubens
venis-

venisset ad pœnam, rideret orbis, plenaque cuncta gaudio essent. Unde quando de judicio loquitur Christus, semper fere addit, id sibi à Patre mandatum esse. Sic *Act. 10. v. 42.* dicitur. Hic constitutus est à Deo Judex vivorum & mortuorum. Et *Luc. 12. v. 14.* de judicio ferendo inter duos fratres rogatus, Respondit, homo! quis me constituit Judicem? aut divisorem inter vos. Ego non judico quemquam. Quod observans S. Chrysostomus *serm. 121.* dicit. Cum à scribis, & Doctoribus accusaretur adultera, avertit faciem suam, & declinavit in terram, nè crimen cerneret, maluit in pulvere scribere veniam, quam dare in carne sententiam. Non enim misit DEUS filium suum, ut condemnaret mundum, sed ut salvaretur mundus per ipsum. Sic Procopius in *Isa. c. 64.* merito ait Christum increpuisse dæmones *Luc. 4. v. 34.* clamantes: venisti perdere nos. Quia Tertulianus *l. 4. contra Marcionem* inquit Judicis & ultoris, & ut dicam sævi DEI personā agentis agnoverunt JESUM, & non potius illius perdere & punire nescientis. Et paulo post planè ut invidiosum, & in ipsā confessione petulantem dæmonem increpuit JESUS, quasi hæc esset summa gloria Christi, si ad perditionem dæmonum venisset, & non potius ad hominum salutem; Qui nec discipulos de subjectione spirituum; sed de securitate salutis suæ gaudere volebat. Hinc Petrus dixit, an putas, quia non possum rogare Patrem meum, & exhibebit mihi modò plùs, quàm duodecim Legiones Angelorum. Non dixit, inquit Euthymius, possum eos perdere. maluit enim imbecillis videri, quàm perdendi potentiam ostentare. Quin ut omnem severitatis umbram effugeret, neque ipsos Apostolos potestatis jure voluit insignire, adeoque neque virgam *Mat. 10. v. 10.* eos portare permisit: in quem locum eleganter Hilarius: Neque virga, id est, potestatis externæ jure indigere voluit, habentes virgam de radice Jesse, nam si quæ alia fuerit, non erit Christi. Reges olim, ut habet Pineda in *Job c. 9.* virgis utebantur, in quarum summitate rosæ, seu lilia pullulabant. Annon hic verum est illud *Eccles. 24. v. 12.* Et ossa eorum pullulent, nempe ut lilia & rosæ, quæ suavitatem spirant mansuetudinis. Quod quidem Christum ex hoc capite averlari existimo, quia in illo universali judicio manifestanda sunt omnia delicta nostra. *Gen. 18.* peccavit Sodoma, pœnamque decrevit DEUS, quam manifestaturus dixit *v. 17.* num celare potero Abraham, quæ gesturus sum? S. Thom. in *c. 13. in Gen.* hæc verba intelligit sic, qua-

*DEus non
facile pro-
palat oc-
culto no-
stradelih.*

si DEus ægrè Abrahamo prodere vellet crimen Sodomitarum. Quia DEus, inquit, est valde difficilis ad publicanda occulta nostra crimina. Hinc *Lev. 1. v. 10.* Quando DEus sacrificium pro peccatis ordinavit, Immolabit, inquit ad latus altaris, quod respicit Aquilonem. Benè Hesichius ad Aquilonem, inquit, quia hæc pars semper nebulosa. Observavit hoc etiam Patriarcha Joseph. *Gen. 45. v. 1.* Qui cum ultra cohibere non posset, quin se fratribus manifestaret; præcepit, ut egredierentur cuncti foras. Philo de vitâ Joseph, hoc ideo factum dicit, quia dicturus erat, ego sum frater vester, quem vendidistis. Sic quoque Christus *Joan. 12.* Dux erant sorores utraque incredula. Martham multis Christus increpuit, ubi Magdalena advenit, nihil ei Christus loquitur. Turba enim aderat, nec voluit eam aliis præsentibus reprehendere. Si ergo Christus tam difficilis est in judicandis hominibus, iisque reprehendendis, rectè infert S. Bern. *Ep. 42.* Et ego, inquit, mihi assumam, quod nec ipse Pater assumit, dicam Ego, quod Filius tam coactè, & invitè suscipit, ad quod omnis creatura luget. Quare iusta querela est S. Aug. *serm. 202. de Temp.* Maxima pars humani generis indisereto iudicio ad reprehendum, & judicandum prompta est. Vel sol ipse velum obducet, ut tu fratrum tuorum crimina non prodas, sed obtegas. Et hinc *Mat. 24. v. 29.* dicitur, sol obscurabitur & luna non dabit lumen suum, & stellæ de cælo cadent, quia vellent tegere tam enormia peccata totius mundi. Ut vel ideo concidentibus cæli luminaribus, putent aliqui, novum ignem accendendum ad iudicii illustrationem dicente coronato Propheta *ps. 96. v. 2.* Ignis ante ipsum præcedet. Quod *Isaias c. 66. v. 15.* confirmat: Quia ecce Dominus in igne veniet.

*Provi sumus
ad judicandum.*

*Christus
ad judicium
veniet in
forma hominis.*

Veniet autem, non ut DEus, quia impii DEum non videbunt, sed veniet ut homo, quod bene observat S. Hier. qui dicit damnatos visuros Christum in formâ hominis, quam amore nostri suscipere dignatus est, ut verificetur illud, quod videbunt, in quem transfixerunt. Quare Godefridus Cardinalis S. Priscæ ait, videbunt humanitatem, ut DEus in eâ forma, in quâ judicatus est à mundo, iudicet mundum. Quis venturus est judicare exclamat S. August. *in ps. 147.* nisi qui voluit judicari. Unde solatur bonos & justos S. Bern. *serm. 73. in Cant.* O verè Patrem misericordiarum, vult per hominem homi-

nes

nes judicare, quo in tantâ trepidatione & perturbatione malorum electis præstet fiduciam naturæ similitudo. Adeoque loquens de hac tremendâ judicii die, se alium non, quàm filium hominis affirmat. Sic enim clarè loquitur S. Matthæus, cum venerit filius hominis, & S. Joannes in suâ Apoc. inquit: Et vidi, & ecce nubem candidam, & super nubem sedentem, filio hominis similem. Gratiôsè S. Bern. Vult itaque in judicium venire, non tamen in formâ DEI in judicio comparere, sed in eâ, quâ nobis natus est, idque de sexu fæmineo. Sic enim *Joan. 5. v. 27.* dicitur: Et potestatem dedit ei, judicium facere, quia filius hominis est. Ideo namque quia filius hominis est, & homo factus, atque in cruce pro nobis mortuus est. Verùm quàm amabilis fuit humanitas Christi in terris, tam tremenda erit in die judicii. Certè S. Vincentius Ferrerius audet dicere, quod tunc eligerent peccatores, potius ad infernum detrudi, quam Domini præsentiam ferre judicantis. Judicaturus enim Dominus, inquit S. Hier. *l. 2. Ep. 6. ad Helvid.* lugubre mundus immugiet, tribus ad tribum pectora ferient, & potentissimi quondam reges nudo latere palpitant. Nec reges tantùm hujus mundi, sed virtute præcelsi sancti contremiscent.

Humanitas Christi in judicio erit terro-ri.

An non excelsus coram DEO fuit Abraham, & tamen is DEO duce ivit in convallem illustrem in terram visionis. Hebræus legit in convallem timoris, in terram timoris. Job ille excelsus amicus DEI, semper super se tumentes fluctus DEum timuit. David vir secundum cor DEI *ps. 118. v. 120.* de se fatetur: A judiciis tuis timui. Ut meritò proinde exclamet S. Aug. nimis timidus esse volo, quia nimirum ignem æternum timeo. Melius est enim justum DEum Judicem timere, quàm de salutis suæ severitate præsumere. Audite Tertull. *de cultu fem.* Qui de se ipso vel amore suo in DEum præsumit, minus veretur, minus præcavet, adeoque plus periclitatur.

Sol & luna obscurabuntur, stellæ de cælo cadent.

Ut verò propius accedamus, expendamus vel ipsa illa, quæ hunc judicii actum præcedunt. Patientur cœli luminaria, & luce suâ privabuntur, dicente Christo *Mat. 24. v. 29.* sol obscurabitur, & luna non dabit lumen suum, & stellæ de cælo cadent. In senectute oculi caligant, tremunt membra, labant, nutantque pedes, quæ omnia videntur vicinam mortem innuere. Fient hæc in ultimâ mundi senescentis ætate, cum jam finis, & consummatio instabit. Oculi mundi, id est, sol & luna, cœli illa pretiosa luminaria caligabunt,

terra contremifcet, ſtellæ ipſæ concident. Hi ſunt mundi quaſi morientis paroxiſmi. Erunt ſigna in ſole, ſed non illa, quæ cum Joſue aut Ezechia facta legimus, quando ſol ſtetit imperio hominis, vel retroſeſſus eſt. Sol obſcurabitur, id eſt, facies ſolis Juſtitia divi-
 næ mœrore lugubri inveſtita, horrorem pariet admirandum. Flori-
 mundus Raymundus l. 3. de ortu & progreſſu hereſeon ſcribit, quod
 pugnaturo Carolo quinto cum Saxone ſol ruber viſus ſit. Erubeſcet
 enim verò ſol Juſtitia Chriſtus, vel ardore vindicantis Juſtitia, vel
 pudore noſtrorum ſcelerum confuſus. Nos dum erubeſcimus vel
 manu faciem tegimus, vel rubore ſuffundimur. Erubeſcet Chriſtus,
 pudebit enim illum pro nobis inaniter profuſi ſanguinis, tot gratia-
 rum & beneficiorum perditorum. Referunt hiſtorici, quòd anno
 1581. viſus ſit in ſole gladius. In ſole Chriſto videbitur gladius ille a-
 pocalypſicus, Apoc. 19. v. 15. Et de ore ejus procedit gladius, utra-
 que parte acutus, ille ſcilicet qui Patrem à filio dividet in omnem æ-
 ternitatem, & hominem à DEO ſeparabit in æternum. Sol modò
 in ſignis ſuis graditur. Tunc verò erunt ſigna in ſole. Erit ſignum i-
 rati Leonis Judicis, à cujus fulmineo ore omnes damnati miſerrimè
 fulminabuntur. Erit ſignum æquiſſimæ libræ, ſcorpionis morſican-
 tis reas damnatorum conſcientias, cancri retroſeſſuri in ſeparationem
 juſtorum à damnatis, qui à voce Judicis Chriſti velut milites in
 horto fulminati cadent retrorſum. Sagittarii ſententiam damnatio-
 nis vibrantis in reos. Tauri, arietis, capricorni cornibus crucis da-
 mnatos arietaturi. Erunt ſigna in luna, quæ obſcurabitur, non e-
 nim amplius patrocina-bitur Maria, quæ pulchra eſt ut luna, & pec-
 catorum eſt refugium. SS. PP. illud Cant. 7. v. 4. de Maria intelligunt,
 collum tuum ſicut turris eburnea, quia ſanctiſſima virgo interceſſio-
 ne ſua pro peccatoribus eſt robuſtiſſima. Licet autem Philippus Ab-
 bas dicat de ebore, quod ſi illi imponatur tela, quod tela ab igne
 non conſumatur; ita etiam peccator, qui eburnæ turri Mariæ mo-
 do innititur, ab igne iræ divi-næ non conſumetur. Tunc autem quia
 decretoria ſententia irrevocabili-ter lata eſt, & promulgata, amabile
 hoc ebur Maria, penitus enervatum erit, ejusque interceſſio nulla
 audietur. Scio Ego, quod Jonas morte duriorem tulerit ablatam ſi-
 bi umbram. Maria umbra eſt peccatorum à facie irati DEI. Non
 dicam, quòd pallida luna pluat, rubicunda fiet. Pluet tunc imber
 lachrymarum non amplius fruſtuofarum, & à facie irati DEI flabit
 ventus

Sol pu-
gnante Ca-
rolo V. ru-
ber viſus.

In ſole vi-
ſus eſt gla-
dius.

Erunt ſi-
gna in ſole.

Maria in
judicio non
amplius
patrocina-
bitur.

ventus furoris Domini. Erunt signa in stellis. Scilicet tunc nulla stella nos ducet ad præsepe, & cunas amabilis DEI, sed tunc caudatorum instar cometarum virgâ suâ fatali nempè approbationis iudicio, impellent damnatos in ignem æternum. In vita S. Alexandri 3. Maji refertur, quod angelus cum virgâ ferreâ, & igneâ apparuerit Aureliano, has virgas nobis peccatorum nostrorum vinculis colligavimus. Tunc stellæ de cælo cadent, quakiter *Apoc. 9. v. 1.* cecidit stella illa, quæ aperuit abyssum; scilicet abyssum infernalium ignium, in æternum referaturâ. Nomine stellarum intelligunt SS. PP. communiter Sanctos & electos DEI. Inter has stellas, quædam dicitur Hesperus, illa nimirum morientium Patrona, quæ in occasu mortalis vitæ Clientibus suis oritur. S. Barbara, hæc etiam tunc concidet, nec amplius patrocinebitur. Quid tunc miser peccator agat? Certè nihil gravius nobis in hac vitâ mortali potest accidere, quam deferri ab omnibus. Si tamen modo in terris deferamur à terrenis, cælum saltem nobis superest, quo recurramus. Tunc omni præsidio etiam ipsius cæli destituti perire debemus, nisi in vitâ operibus misericordiæ & vitâ Christianâ præoccupaverimus. Advertendum autem est, quod Angelus tubâ citabit judicandos, hocque multi credunt S. Michaëli Archangelo committendum, cuius est representare Christo animas judicandas dicente S. Paulo *1. ad Thess. 4. v. 15.* Quoniam ipse Dominus in jussu & in voce Archangeli, & in tuba DEI descendet de cælo, & mortui qui in Christo sunt, resurgent primi. Et quidem quemadmodum dicit idem Apostolus *1. ad Cor. 15. v. 52.* In momento, in ictu oculi, in novissimâ tubâ. Canet enim tubâ, & mortui resurgent. Ubi verò mortui resurrexerint, Christus gloriosus aderit, ut tunc impleatur illud Pauli *1. ad Cor. 15. v. 26.* Omnia enim subiecit sub pedibus ejus. Et propterea idem Paulus *ad Philip. 2. v. 10.* DEus Pater exaltavit illum, & donavit illi nomen, quod est super omne nomen, ut in nomine JESU omne genu flectatur, cælestium terrestrium, & infernorum, & omnis lingua consteatur, quia Christus est in gloria DEI Patris. Tunc comitabuntur eum omnes Angeli in numero incredibili, & quod vero simile est, in specie visibili ad terrorem impiorum, & consolationem iustorum. Ut & in comitivâ Sanctorum dicente S. Juda Apostolo *in Ep. v. 15.* Ecce veniet Dominus in sanctis millibus suis, facere iudicium contra omnes impios, de omnibus operibus impietatis eorum, quibus

Patrocinii SS. in iudicio non erit.

S. Barbara Hesperus morientium.

In iudicio divino Angelus tubâ canet.

*Signum
crucis erit
in cælo.*

impiè egerunt, & de omnibus duris, quæ locuti sunt contra DEum peccatores inpii. Qui omnes assistent ante thronum DEI, ita effigiatum è nubibus, ut is ex claritate corporis Christi illustratus singulari splendore clarescat. Parebit deinde signum filii hominis dicente Christo *Mat. 24. v. 30.* Tunc parebit signum filii hominis in cælo, crux nimirum Christi divinâ virtute redintegrata; quod conformè videtur verbis sequentibus: Tunc plangent omnes tribus terræ, utique damnatis in pœnam æternam. En prostat Christus cruentus de cruce pendens, inclamat Stephanus Cantuariensis, accedat, qui peccat, accedat, & videat crucem, & propter se multatum morte, turpatum in cruce, sputis illitum, plagis lividum, spinis coronatum, lanceâ perforatum, & esse adversarius erubescat. Meritò tunc aliquis reprobos alloquetur verbis S. Ephrem *de pass.* contempleris ô homo immaculatissimum Dominum in cruce suspensum, audesque, ô impudens & infelix homo in deliciis vitam tuam transigere, an nescis ô miser! quod de his omnibus rationem exiget, qui pro te crucifixus est dominus. vibrabit hæc crux tonitrua & fulmina in damnatos, quorum omnia abscondita peccata illuminabit. Sic enim illuminationem cordium in die Judicii S. Hippolytus *M. tract. de consum. secul.* adscribit radiis S. crucis. Radiabit enim illa inter nubes in manibus Angelorum juxta Iridem iudiciariæ sedis instar solis super electos, ut recreentur; super reprobos, ut torqueantur. Verba Authoris sunt. Apparebit signum filii hominis cum multitudine exercitus Angelorum, universam terram illuminans, super claritate solis in adventu Domini. Opalus gemma, refert varios colores diversarum aliarum gemmarum, nempe ignem carbunculi aurum amethysti, virorem smaragdi, purpuram iaspidis, verbo uno nobilissimus est naturæ partus. Ars tamen naturam imitatur, quæ commune vitrum ita præparat, ut opalo sit simillimum. Adulterinam tamen gemmam probat lux solis, hæc enim illud irradians ostendit, non gemmam sed vitrum esse. Tales adulterinos Opalos habet mundus, multi enim videntur ardere igne charitatis, argenti puritatis, sed imponunt & decipiunt, gemmæ non sunt, vitra si nt. Verus Justitiæ sol, & lux ipsa sanctæ crucis ubi illos irradiaverint, in momento fucus omnis palam fiet. Nec est, qui se oculis divinæ iustitiæ subducatur. Omnes inquit Sanctus Paulus *ad Rom. 14. v. 10.* stabimus ante tribunal Christi. Quod rursus

*Opalus
gemma re-
fert omnes
gemma-
rum colo-
res.*

*Omnes pa-
lam judi-
cabimur.*

rurfus afferit. 2. ad Cor. 5. v. 10. omnes enim nos manifestari oportet ante tribunal Christi, ut referat unusquisque propria corporis, prout gessit, five bonum, five malum. Et tunc bonos quidem judicabit iudicio approbationis, malos verò iudicio exprobrationis. Atque hoc publicè, dicente Christo apud *Matth. c. 16. v. 27.* filius enim hominis venturus est in gloriâ Patris sui, cum angelis suis & tunc reddet uni-
cuique secundum opera ejus. Ut scilicet non solum cuique constet de æquitate Judicis sed & publicè videatur divina providentia circa justos & improbos, ut scilicet improbis, qui duxerunt in bonis dies suos, sit major confusio. Boni autem qui in hoc mundo pressuras passi sunt, & quemadmodum dicit Paulus *ad Hebr. 11. v. 37.* circue-
runt in melotis, in pellibus caprinis, egentes, angustiiati, afflicti, ut majori gloriâ coram omnibus ornentur. Hæc autem omnia sient in valle Josaphat teste *Joël. c. 3. v. 2.* ubi clarè dicit: congregabo
gentes, & deducam in vallem Josaphat, Beda dicit vallem, per quam transit torrens Cedron, in qua scilicet Christus passionem suam exorsus est. Ut nimirum ibi peccatoribus majestatem suam exhibeat, ubi maximè in eandem peccârunt. Hic omnia arcana nostro-
rum cordium patebunt, imò ipsa etiam peccata licet grandia Sancto-
rum. Quærit S. Gregorius, an in die Judicii etiam Davidis adulterium, S. Petri negatio, infidelitas S. Thomæ, libidines S. Magdalene prodibunt? Et respondet, quòd ita, non tamen ad confusionem il-
lorum, sed gloriam. Pulchrè id declarat exemplo. *Exod. 14. v. 13.* quo Deus solatus est per Moysen populum in Ægypto, quando illum ad mare rubrum persecutus est Pharaon dicens: Ægyptios, quos nunc videtis, nequaquam ultra videbitis usque in æternum. Dum ergo Is-
raëlitæ transeunt per mare rubrum, eosque insequuntur Ægyptii, hi coeuntibus aquis omnes submerguntur: Dicit scriptura: viderunt Ægyptios mortuos super littus maris. Objicit S. Aug. Quid est hoc? promittit DEUS, quod non sint visuri amplius Ægyptios? Respondet eleganter, prius vidisse illos vivos cum fastidio, sed postea vidisse eos submersos cum consolatione. Hoc idem de adulterio Davidis, de negatione Petri, de infidelitate S. Thomæ, de libidinibus Magdalene pænitentis dicendum est, quorum delicta audiuntur etiam nunc cum consolatione, & in iudicio cum gloriâ ipsorum manifestabuntur. Heu quantus autem tremor, & consternatio occupabit tunc homines pec-
catores, cum voluptuosa, & carnalis anima, videbit cadaver suum
scatere

Judicabi-
mur in
valle Josa-
phat.

Etiam San-
ctorum
magna
peccata
manifesta-
buntur.

scatere vermibus. Quando superbus videbit idolum suum redactum in cineres, ubi sol humanæ gloriæ convertetur in tenebras orcinas, ubi stella omnis felicitatis infernalis evanescet, & nihil nisi flammæ piceæ caligine mixtas, post se relinquet. Pulchrè S. Joannes in sua *Apoc.* c. 18. v. 9. dum describit ruinam meretricis babylonicæ dicit: & Aebunt, & plangent super illam, qui cum illâ fornicati sunt, & in deliciis vixerunt. Sed cur obsecro plangent? Audite S. Joannem, cum viderint fumum incendii ejus. Explicat hoc venerabilis Beda Judicium perditionis suæ, quoniam fumus ignem præit. Nondum Judex apparebit, & jam intolerabilis pudor peccatores torquebit. Denique erit pro supplicio, quod vilitatem meretricis suæ ardentem vide-re cogantur. Unde Beda loco citato cunctas mundi pompas, & ea, quæ sensibus suavia, vel externis sunt usibus accommodata deficere lugebunt. Timemus fulmina, coruscationes formidamus, horremus tonitrua! Et quid obsecro est tonitru? Et tamen licet sonitus tantum sit, timetur tamen, & terret etiam illos, qui populos faciunt contremiscere. At verò tonitru in damnatos feralis sententiæ, quod à supremo Judice audietur, ita seriet, ut in momento omnes detrudat in domum æternitatis infelicissimæ, in æternum duratura inferorum incendia. Hæc est vox illa tremenda, quæ auribus S. Hieronymi semper insonuit, ut dixerit. sive comedam, sive bibam vox ista insonat in auribus meis. Venite benedicti! Ite maledicti! Rident hanc piam formidinem nostram acatholici, qui penè ex Mahometis Alcorano sibi cælum facilitant. Tunc enim inquit ipse Mahomet veniet velut lanosa ovis, in cujus lanam velut pulices insilient Turcæ, ut per illum cælo illati deinde se explicent, & securè diffundant: Quid aliud agunt Lutherani, qui ad hanc formam quasi cælo se ingerunt, atque solis Christi meritis se contegunt, sicque in sola fide & meritis Christi stabunt in judicio securi. Enimverò credidit S. Hieronymus & meritis Christi plurimum præfidebat. Quid dicam de tot SS. Martyribus, qui in testimonio fidei mortui sunt. Quid memorem tot Sanctissimos viros & scæminas, qui sine dubio crediderunt, & in meritis Christi piissimè confidebant, tamen iuxta doctrinam S. Petri 2. *Petr.* 1. v. 10. Quapropter fratres magis satagite, ut per bona opera certam vestram vocationem, & electionem faciatis, hi suam salutem bene operando assecurârunt.

Legite

*Turcæ &
Lutherani
facile cæ-
lum in-
traunt.*

Legite obsecro totum caput 25. *Matth.* ubi in fine à v. 31. usque ad finem illius capituli Judicii processus describitur, & sententia decretoria æternæ salutis, æque ac maledictionis decernitur, nec tamen fidei in Christum (quam Catholici semper supponimus, nec meritum Christi, quorum participes nos facere debemus) mentionem ullam audio. In hoc tremendo & iustissimo DEI processu sententia vitæ æternæ illis verbis *Mat. 25. v. 34.* publicatur. Venite benedicti Patris mei, possidete paratum vobis regnum à constitutione mundi, & causalis statim additur: esurivi enim & dedistis mihi manducare; sitivi, & dedistis mihi bibere; hospes eram, & collegistis me; nudus, & cooperuistis me; infirmus, & visitastis me. Paribus verbis planè v. 41. decernitur sententia condemnatoria. Tunc dicit; & his, qui à sinistris erunt, discedite à me maledicti in ignem æternum, qui paratus est diabolo, & angelis eius. Quare? Fortassis ideo, quia non credidistis? Nihil Ego hic audio de fide, sed audite Christum v. 42. Esurivi enim & non dedistis mihi manducare; sitivi, & non dedistis mihi potum; hospes eram, & non collegistis me; nudus & non cooperuistis me; infirmus & in carcere, & non visitastis me. Audite modo tremendum fulmen non in infideles tantum, sed fideles, à piis charitatis operibus nudos evibrari. Et ibunt hi in supplicium æternum, iusti autem in vitam æternam. Hæc credo fuerit causa, quod Calvinus l. 3. c. 14. §. 21. dicat, nempe quos *Calvinus sibi contra-* DEUS suâ misericordiâ æternæ vitæ hereditati destinavit, eos ordi-
dicat. nariâ suâ dispensatione per bona opera inducit, in ejus possessionem. Quod l. 9. c. 15. §. 1. repetit. Non enim aut fidem somniamus bonis operibus vacuum, aut justificationem, quæ sine iis constet.

Quomodo ergo sui immemor Calvinus in eodem loco à me citato docet. Iustitiam in fide positam esse, non in operibus. Cui consonat *Lutherus p. 6. fol. 196.* ubi dicit: Maledictus ille, qui aliter docet, quàm quòd in solâ fide nostra consistat justificatio. Particus obsecro! Si enim nos Catholici dicamus Lutheranis, quod ex doctrina S. Pauli sit unus Christus, una fides, unum baptisma. Et consequenter qui hoc non credit, ex doctrina S. Joannis jam sit condemnatus; exprobrant illi nobis illud Christi; Nolite judicare, & non judicabimini, nolite condemnare & non condemnabimini. Quâ fronte ergo maledicit *Lutherus* nobis, qui docemus, quod justificatio nostra non in solâ fide, sed & in operibus consistat. Nisi forte homo impius maledicat ipsi Christo. Qui *Mat. 7. v. 19.* dicit: omnis

M m m

arbor,

*Opera ad
salutem
& sunt neces-
saria.*

arbor, quæ non facit fructum bonum, excidetur, & in ignem mittetur. Cui similis est textus ille Evangelicus *Mat. 22. v. 11.* Intravit autem Rex, ut videret discumbentes, & vidit ibi hominem non vestitum veste nuptiali, & ait illi, Amice, quomodo huc intrasti non habens vestem nuptialem. Quem ideo ligatum manibus, & pedibus eiecit in tenebras exteriores. Hanc vestem nuptialem S. Joan. *Apoc. 3. v. 18.* charitatem dicit: suadeo tibi emere à me aurum ignitum probatum, ut locuples fias, & vestimentis albis induaris. Undè Paulus *ad Eph. 4. v. 24.* monet. Induite novum hominem, qui secundum DEum creatus est in Justitiâ & sanctitate veritatis. Quos textus SS. PP. unanimiter explicant de operibus bonis ex charitate factis. Ut propterea Christus *Mat. 25. v. 41.* nullam aliam fecerit mentionem, quam operum, dum dixit: discedite à me maledicti in ignem æternum, qui paratus est diabolo, & angelis ejus. Quia scilicet esurivi, & non dedistis mihi manducare &c. Undè etiam S. Paulus 2. *ad Cor. 5. v. 10.* Judicii diem in quæstione & examine bonorum operum repræsentat, dum dicit: omnes enim nos manifestari oportet ante tribunal Christi, ut referat unusquisque propria corporis, prout gessit sive bonum, sive malum. Quod Christus confirmat *Apoc. 2. v. 23.* Ego sum scrutans corda & renes DEus, dabo unicuique secundum opera sua. Quod *ibidem c. 22. v. 12.* repetit. Ecce venio cito, & merces mea mecum est, reddere unicuique secundum opera sua. Certè quando DEus creavit hominem, inquit facer textus, posuit eum in paradysum voluptatis, ut operaretur, & custodiret illum. Per paradysum intelligunt SS. PP. Ecclesiam, Philo Hebræus intelligit ipsam vitam iustorum. Ex hac ordinatione divinâ S. Ambr. duo deducit, & postulat ab homine Christiano. Primo ut operetur semper nova opera bona, & proficiat de bono in melius. Secundò ut opera sua custodiat. Hæc duo, inquit, ab homine requiruntur, ut & opera nova quærat, & parta custodiat. Et hoc putat S. Basil. voluisse DEum, quando dixit primis parentibus, crescite & multiplicamini, quod non tantum de generatione, Adami & Evæ, verum etiam de augmento virtutum & bonorum operum in animâ intelligi debet. Et hinc S. Bern. *serm. 51. in Cant.* fides sine operibus mortua est, dicit; Sicut inutiliter quoque flos apparet, ubi non sequitur fructus. Ut benè dixerit proinde Eugenius in l. 4. Reg. fides & opera vinculo quodam indissolubili connectuntur,

Bona opera sunt facienda & conservanda.

Etuntur, ubi enim una deficit altera penitus non stabit. Hinc 2. *Pet. r. v. 10.* Hortatur Apostolus, ut per bona opera certam vestram vocationem & electionem faciatis, hæc enim facientes non peccabitis aliquando. Et *S. Jacobus c. 2. v. 20.* sicut corpus sine spiritu mortuum est, ita fides sine operibus mortua est. Quia verò Jacobus heterodoxis non placet, audite *S. Paulum ad Gal. 5. v. 6.* Nam in Christo Jesu neque circumcisio aliquid valet, neque præputium sed fides, quæ per charitatem operatur. Aristoteles homo gentilis *l. 1. Eth. c. 9.* beatitudo est præmium virtuosarum operationum. Quem diviniore lumine illustratus *S. Thomas ex S. Aug.* explanat dicens: Multis & diversis operationibus, & virtutibus indiget humana anima, ut assequatur beatitudinem. Sic Christus requisitus à quodam, quid faciendo vitam æternam possidebo? interrogavit, In lege quid scriptum est? & ubi respondit Phariseus, DEum ex toto corde amandum *Luc. 10. v. 28.* dixit Christus, hoc fac & vives. Ex hoc bene inferunt Catholici, quod sola fides non salvet. Lutherus tamen *super 5. ps. Tom. 3.* inquit, si tibi scriptura præcipiat facere opus bonum, sic intelliges, quod scilicet tibi prohibeat, aliquod bonum opus facere, cum illud non possis facere. O impia, ne dicam belluina interpretatio! Phariseus non interrogavit Christum, quid credendo, sed quid faciendo vitam æternam possidebit. Unde etiam Christus respondet; hoc fac; & non dixit; hoc crede. Et bene sequitur dictum Christi. Et vives, scilicet in vitâ æternâ. Quare sicut Christus hic nullam mentionem faciendo de fide, fidem tamen non excludit, quia sine fide impossibile est placere DEO *ad Hebr. 11. v. 6.* ita quando Christus loquitur de fide, non referendo se ad opera, intelligendus est, pariter, per hoc bona opera non exclusisse. Uti bene *S. August. l. de fide & op. c. 13.* monet. Libenter proinde viderem, quomodo Lutherus explicet illud *Mat. 20.* quando paterfamilias conduxit operarios in vineam suam, quibus mercedem justam pro operâ conductâ promissit. Si enim vera esset allegata doctrina Lutheri: si scriptura dicit ut bonum opus faciamus, sic intelligendum esse, ut prohibeat bonum opus, cum illud facere non possis. Effet, inquam hoc patrisfamilias mandatum, ite & vos ad vineam meam idem dicere; ac otiemini in vinea mea, non laborate, quod tamen falsum esse manifestè probatur ex Evangelii contextu. Primò enim dicuntur operarii, deinde dicunt ipsi, se portasse pondus & æstum diei.

Rursus quomodo murmurare potuissent, & dicere, hi ultimi tantum unâ horâ laborarunt, & tamen eos nobis pares fecisti, si enim otiosi esse debuissent, facile responderi illis potuisset, eos non ad laborandum, sed otia dum missos esse. Ex quo deducitur, quod DEus præmium, quod daturus est iustis, illud non daturus sit nisi propter opera. Sicut enim se pœna habet, propter negationem seu defectum bonorum operum, ita etiam præmium correspondet bonis operibus. Sic enim *Mat. 25. v. 34.* dicit: venite benedicti Patris mei, possidete paratum vobis regnum à constitutione mundi. Sed quare? Audite, Esurivi enim & dedistis mihi manducare. Ideoque Paulus *1. ad Cor. 3. v. 8.* dicit unusquisque autem propriam mercedem accipiet, secundum suum laborem, DEi enim sumus adjuutores. Atque ideo ne in hoc labore deficiamus, hortatur nos *2. ad Cor. 4. v. 17.* Id enim quod in præsentis est momentaneum, & leve tribulationis nostræ, æternum gloriæ pondus operatur in nobis, non contemplantibus nobis, quæ videntur, sed quæ non videntur. Ut verò videamus clariùs, quàm opera ad salutem sint necessaria, in specie descendit scriptura ad actus certos, & determinata opera bona. Et quidem ad contritionem nos hortatur Paulus *2. ad Cor. 7. v. 10.* Quæ enim secundum DEum est tristitia, pœnitentiam stabilem in salutem operatur. Sæculi autem tristitia mortem operatur. Ut propterea *ad Philip. 2. v. 12.* dicat, cum metu & tremore salutem vestram operemini. Et S. Petrus ubi monet, ut per bona opera vocationem certam faciamus, *2. Pet. 1. v. 11.* expressè dicit: sic enim abundanter ministrabitur, vobis introitus, in æternum regnum Domini nostri, & Salvatoris JESU Christi. An non expressè præter fidem scriptura à fidelibus exigit Timorem Domini? *Eccles. 1. v. 28.* Qui sine timore est non poterit justificari. Ideoque David *ps. 110. v. 10.* inquit: Initium sapientiæ Timor Domini. Quod confirmavit Salomon *Prov. 14. v. 27.* Quia timor Domini est fons vitæ. Itâ spem pariter & fiduciam postulat Salomon *Prov. 28. v. 25.* Qui sperat in Domino sanabitur. Quod idem S. Paulus asserit, *ad Rom. 8. v. 24.* spe salvi facti sumus. Charitatem vel ipse Christus exigit. *Joan. 14. v. 23.* si quis diligit me, sermonem meum servabit. Et Pater meus diliget eum, & mansionem apud eum faciemus. Et ideo S. Joan. in sua *Ep. 1. c. 3. v. 14.* gravissimè asserit. Qui non diligit, manet in morte. Christus vero *Luc. 7. v. 47.* Magdalena peccata remissa dixit, quia dilexit: Remit-

*Spocialia
opera bona
nobis scri-
ptura man-
dat.*

Remittuntur ei peccata multa, quia dilexit multum. Clarissimè verò Paulus *1. ad Cor. 13. v. 2.* contestatur, si habuero omnem fidem, charitatem autem non habuero, nihil sum. Exigit præterea Christus præter fidem observationem mandatorum *Mat. 19. v. 17.* si vis ad vitam ingredi serva mandata. *Joan. verò 15. v. 10.* si præcepta mea servaveritis, manebitis in dilectione meâ. Quod *ibid. v. 14.* repetit: vos amici mei estis, si feceritis, quæ Ego præcipio vobis. Unde Apostolis per orbem dispergendis mandavit *Mat. 28. v. 20.* docete eos servare omnia, quæcunque mandavi vobis. In quæ verba S. Hier. *in c. 28. Mat.* Jussit Dominus quæcunque servanda sunt, præcipere. Ne autem putaremus levia esse & pauca, addit. Omnia quæcunque mandavi vobis. Baptismum Christus eodem modo sub pœnâ salutis perdendæ ordinavit. *Joan. 3. v. 5.* Nisi quis renatus fuerit ex aquâ & Spiritu sancto, non potest introire in regnum DEI. Adeoque *Act. 2. v. 35.* monuit. S. Petrus. Baptizetur unusquisque vestrum. Causa datur *1. Petr. 3. v. 81.* Salvos nos facit baptisina. Si verò post baptismum quis lapsus est, necessaria est pœnitentia dicente Christo. *Luc. 13. v. 3.* Nisi pœnitentiam egeritis, omnes similiter peribitis. Quare tam sollicitè monet S. Jacobus *in suâ Ep. Can. c. 5. v. 16.* Confitemini alterutrum peccata vestra. Ex quo manifestum sit, quod opera nostra bona mercantur vitam æternam. Sic enim *Mat. 20. v. 8.* Cum esset serò dixit Paterfamilias ad villicum suum, voca operarios, & da illis mercedem, & quilibet accipiebat grossum suum. Per grossum intelligunt communiter SS. PP. beatitudinem cœlestem. Ex quo sequitur, quod regnum cœlorum pro labore in vineâ tanquam merces homini debita à DEO detur. Et in hoc omnes beati pares sunt, quia omnes grossum accipiunt, nempe essentialiam beatitudinem, pares tamen non sunt in accidentali gloria, & ideo variz sunt apud Patrem mansiones. *Joan. 14. v. 12.* Et S. *Aug. l. de virg. c. 26.* sic declarat. Quomodo ergo Lutherani in suo cantu de præceptis ogga-Gloria eniunt. Quod opera nostra sint perdita, nec aliud nisi iram DEI merentur? Item in aliis cantionibus, opera nostra nihil omnino mereri. Scriptura dicit, quod operarii in vineâ meriti sint grossum, & non iram apud Patrem familias. Certè in die Judicii juxta sententiam Christi justî experientur opera sua misericordiæ fuisse meritoria. Cum clare dicat Christus *Mat. 20.* Venite benedicti. Cur? Esurivi enim, & dedistis mihi manducare. Obijciunt tamen hæretici, si grossum

Opera bona merentur vitam æternam.

Gloria essentialis & meritis & qualis est omnibus, & accidentalibus est diversa.

significat beatitudinem, quare nihilominus aliqui murmurârunt, quod ultimi tantum acceperint, quantum primi? Ad quod Respondemus Catholici, in cœlo non fore murmur: Deinde dicimus hanc posteriorein partem parabolæ spectare Judæos, qui quia in lege semper fuerunt, credebant se aliquam habituros prærogativam prægentibus, quæ quia posteriores erant, à Judæis despiciebantur, tanquam impares tantæ gratiæ, & hunc errorem voluit DEus avertere. Et hinc S. Chrysostomus bene observat. Quod Christus sæpè in parabolis aliquid immisceat, quod ad substantiam quidem quæstionis non pertinebat, serviebat tamen ad alium finem à Christo intentum. Advertendum tamen est, quod DEus non observet rationem temporis, quamdiu aliquis laboraverit, sed quàm benè, quia unus una hora plùs mereri potest, quàm alter integrâ die. Sic enim *Marc. 12. v. 43.* Vidua illa dedit duos nummos tantum, & tamen plus dedit, quàm omnes illi, qui manus plenas iniecerunt in gazophylacium.

*Sola fides
non justificat.*

Merito ergo Ecclesia Catholica decernit, quod sola fides sine operibus non justificet. Clarè enim S. Jacobus in *Ep. sua Can. c. 2. v. 24.* dicit. Ex operibus justificatur homo, & non ex fide tantum. Et ideo in eodem *c. v. 14.* per Ironiam quærit. Quid proderit, si fidem quis dicat se habere, opera autem non habeat? numquid poterit fides salvare illum? Quod bene advertens S. Paulus *1. ad Cor. 13. v. 2.* dixit. Si habuero omnem fidem, ita ut montes transferam, charitatem autem non habuero, nihil sum. Quod gravissimè *ad Gal. 5. v. 6.* confirmat. In Christo JEsu neque circumcisio aliquid valet, neque præputium, sed fides (bene observa) quæ per charitatem operatur. Ut propterea S. Aug. *serm. 16. de verbis Apost.* dicat. à fide incipit homo, sed quia etiam dæmones credunt, necesse est, addere spem & charitatem. Quod utique dæmones nequeunt, sicut & damnati, & ideo salvi esse non possunt. Hanc fidem infructuosam Christus ostendit fuisse in Judâ. *Joan. 6. v. 71.* Nonne Ego vos duodecim elegi, & ex vobis unus diabolus est. Quod explicat *v. 72.* Dicebat autem Judam Simonis Iscariotem, hic enim erat traditurus eum, cum esset unus ex duodecim. Ubi vides Judam licèt reprobum, fidem habuisse. Idem videmus accidisse cum Simone Mago. *Act. 8. v. 12.* Tunc Simon (scilicet Magus.) & ipse credidit, & cum baptizatus esset adhærebat Philippo. Imò & à charitate & omnibus bonis operibus potest fides separari, atque separata permanere. Id enim clarissimè

rissime videtur in dæmonibus & manifestè apparet. *Joan. 12. v. 42.*
 Multi ex Principibus crediderunt in eum, sed non confitebantur, di-
 legerunt enim gloriam hominum magis, quam gloriam DEI. Et *Mat.*
7. v. 22. Multi dicent mihi in illâ die, nunquid in nomine tuo prophete-
 tavimus, & in nomine tuo dæmonia ejecimus, &c. Et tunc confite-
 bor illis, quia, nunquam novi vos. Sic licet adulterium commiserit
 David, & occiderit Uriam; licet Petrus negaverit Christum, tamen
 & in Petro, & in Davide perstitit fides. Ut propterea S. Aug. dixe-
 rit. Fides sine charitatè potest quidem esse, sed non & prodesse.
 Quare hæc fides sine operibus mortua est. Docet hoc disertis ver-
 bis S. Jacobus in *Ep. sua Can. c. 2. v. 17.* Sic & fides, si non habeat o-
 pera, mortua est in semetipsâ. Quod per similitudinem explicat ibi-
 dem *v. 26.* Sicut enim corpus sine spiritu mortuum est, ita & fides si-
 ne operibus mortua est. Luctantur hic, & mirè se torquent Lutherani,
 ut quibusdam se scripturæ textibus tueantur. Quare illud ex S.
 Paulo *ad Rom. 3. v. 28.* adducunt. Arbitramur enim hominem justi-
 ficari per fidem sine operibus legis. Sed expendenda sunt verba
 totius capituli, in quo disputatur de præcellentiâ novi; & veteris testa-
 menti & ostenditur quod novum testamentum præcellat, quia gratia
 DEI, quam fides per Christum nobis proponit seu opera ipsius veræ
 fidei, ad quæ nos illa hortatur, nos à peccato liberat, non verò opera
 legis, & ideo dicit S. Paulus nos justificari per opera fidei, non verò
 per opera legis. Et licet scriptura sæpius absolutè justificationem
 tribuere videatur fidei. Patet tamen quod eadem scriptura tribuat
 justificationem etiam aliis actibus. Unde differentia est in eo, quod
 fides sit fundamentum, & radix omnium operum bonorum, atque
 adeo radicaliter est fundamentum justificationis nostræ. Quare si
 scriptura loquitur de fide absolutè, scilicet *Marc. 16. v. 16.* Qui cre-
 diderit & baptizatus fuerit, salvus erit. Et rursus *Joan. 3. v. 16.* Ut
 omnis, qui credit in ipsum, non pereat, sed habeat vitam æternam.
 Semper subintelligenda est tacita illa conditio, si cætera adsint, nimi-
 rum, si mandata serves, si de peccatis contritus fueris, &c. Quo sen-
 su loquuntur SS. PP. qui fide nos justificari asserunt, id est, operibus
 fidei, non verò operibus naturæ, aut legis Mosaicæ. Ubi verò A-
 postolus *ad Rom. 3. v. 24.* dicit nos justificari gratis: Justificati gratis
 per gratiam ipsius per redemptionem, quæ est in Christo JESU. Et *ad*
Eph. 2. v. 8. Gratis enim salvati estis per fidem, & hoc non ex vobis,
 DEI

DEI enim donum est. Sic est intelligendum, quod sine merito operum nostrorum, quæ fidem vel justificationem antecedunt, iustificemur. Quod verba illa Apostoli, DEI enim donum est, significant. Quare S. Aug. in Ps. 98. exclamat. Exakemus illum, qui fecit ipsam Iustitiam, quam habemus. Quis enim facit in nobis Iustitiam, nisi qui nos iustificavit. Quod explicant Theologi per gratiam excitantem, vel prævenientem, quâ DEus cor hominis movet ad salutis suæ desiderium, & consistit in speciali motione voluntatis ad opus salutare, juxta illud *Joan. 6. v. 44.* Nemo potest venire ad me, nisi Pater, qui misit me, traxerit eum. Quæ sufficiens est, & dicitur, quia homo liberè potest eam amplecti, quod tamen ex perversa sua voluntate non facit. Cujus rei exemplum habemus. *Isa. 5. v. 2.* ubi sub figurâ vineæ sterilis describitur homo divinæ gratiæ non correspondens. Sepovit eam, & lapides elegit ex illa, & plantavit eam electam, & ædificavit turrim in medio ejus, & torcular extruxit in eâ. Et expectavit ut faceret uvas, & fecit labruscas. Similiter. *Jerem. 7. v. 13.* Locutus sum ad vos manè confurgens & loquens, & non audivistis, & vocavi vos, & non respondistis. Hinc *v. 15.* dicit: Projiciam vos à facie meâ, sicut projeci omnes fratres vestros. Quod si verò gratiæ excitanti liberè, & libenter assentiamur, & cum illâ, cum quâ operari possumus, actu operemur, Excitans ista fit efficax, quam DEus *Ezech. 36. v. 27.* illis verbis explicat. Spiritum meum ponam in medio vestri & faciam, ut in præceptis meis ambuletis, & judicia mea custodiatis, & operemini. Quibus verbis etiam gratia concomitans explicatur, quâ ad ipsum opus animati adjuvamur à DEo, ut illud pro salute nostrâ perficiamus. Pulchrè hoc explicat Christus *Matth. 25. v. 25.* similitudine ductâ de quodam, qui abiit in regionem longinquam, & servis suis varia ad negotiandû talenta partitus est. Et dum alii negotiantur, unus eorum commissum sibi talentum reposuit in sudario, & Domino suo, ubi reversus est, restituit. Sed malus & piger servus audivit, atque insuper malè multatus est. Præclare in hunc locum S. Chrysostomus *hom. 79. in Mat.* Vides quomodo non solum rapaces, & qui aliena invadunt, nec solum malefactores, sed etiam, qui bona opera negligit, extremo cruciatur supplicio, ut propterea dixerit S. Hildebertus. Porro munera DEI damno sunt possessoribus otiosis, quibus nolle negotiari ad salutem, homo negotiatur ad supplicium. Si quæris quæ sit ista negotiatio? Lege, si placet, 7.

Para-

2. *Paralip. c. 17. v. 3.* Fuit Dominus cum Josaphat, qui ambulavit in viis Patris sui primis, & perrexit in præceptis illius. Josephus *l. 8. Antiq. c. 9.* sic habet. Hic Rex perpetuo propitium & auxiliatorem DEum habuit, qui cum esset vir iustus, ac pius, per singulos dies dabat operam, ut aliquid DEO gratum faceret. Quam planè contrarium docet Lutherus *de Captiv. Babyl.* Non alia via potest homo convenire cum DEO, aut agere nisi per fidem. Opera illenihil curat. Tam dives est Christianus, ut non possit perire, etsi velit; *Fides non* Quantumcunque malè vivat, nisi nolit credere. Dicite rogo Lutherani. Quomodo ergo intelligendus est S. Petrus *in sua Ep. 2. c. 1.* *sola, sed opera cum fide iustificant.* *v. 10.* Satagite ut per bona opera certam vestram vocationem, & electionem faciatis. Quid sonant illa verba S. Jacobi *in sua Can. c. 2. v. 14.* Quid proderit fratres mei, si fidem quis dicat se habere, opera autem non habeat, numquid poterit fides eum salvare. Unde *v. 17.* dicit: fides si non habet opera, mortua est in semetipsâ. Quod probat *v. 20.* Vis autem scire ô homo inanis, quoniam fides sine operibus mortua est. Abraham Pater noster nonnè ex operibus iustificatus est, offerens filium suum super altare. Ideoque S. Paulus *ad Gal. 5. v. 6.* ait: Namin Christo Jesu neque circumcisio aliquid valet, neque præputium, sed fides, quæ per charitatem operatur. In quem locum S. Athanasius: Perdisce autem, quomodo fides operetur per charitatem. Hoc est ut actuosa & exercita sit; Charitate verò si caret, otiosa sit, & torpida futura. Quomodo, obsecro, respondebunt hæretici his S. Pauli verbis *ad Gal. 6. v. 9.* Bonum autem facientes non deficiamus omni tempore. Tempore enim suo metemur, non deficientes. Ergo dum tempus habemus operemur bonum ad omnes. Quomodo explicabunt illud *ad Hebr. 10. v. 36.* Patientia vobis necessaria est, ut facientes voluntatem DEI, reportetis promissionem. Qualiter excludent opera bona, si audient Paulum *1. ad Tim. 2. v. 15.* dicentem. Mulier seducta in prævaricatione fuit, salvabitur autem, si permanserit in fide, & dilectione, & sanctificatione cum sobrietate. Quid quod doctrina Christi clarè repugnet verbis Lutheri *Mat. 28. v. 19.* ubi Christus Apostolis mandat. Euntes docete omnes gentes &c. docentes eos servare omnia, quæ mandavi vobis. S. Aug. super hæc verba eruditè observat; Non dixit docentes eos, quod sim natus, sed ut mandata servant. Hinc ipsis Apostolis Christus *Joan. 15. v. 14.* Vos amici mei eritis, si feceritis,

ritis, quæ Ego præcipio vobis. Ubi S. August. priorem suæ interpretationis sensum repetit. Non dixit si natum me credideritis. Audite proinde S. Joan. c. 5. v. 28. Venit hora, in qua omnes, qui in monumentis sunt, audient vocem filii DEI, & procedent, qui bona fecerunt, in resurrectionem vitæ, qui verò mala egerunt, in resurrectionem judicii. In quem locum graviter S. Aug. Erit combustio eorum æterna, qui cum fide bona opera non habuerunt. Certè S. Jacobus c. 2. v. 19. inquit: Tu credis, quoniam unus est DEUS, bene facis. Sed & dæmones credunt, & contremiscunt, non tamen ideo beati sunt. Pulchrè S. August. quid verius, brevius, vehementius dici potuit? Cum & in Evangelio legamus, dixisse dæmonia, cum Christum filium DEI confiterentur. Verissima est illa S. Gregor. Nyss. orat. 2. de resurr. exprobratio: qui sibi conscii sunt turpissimarum & scædissimarum actionum, quibus graves pœnas meriti sunt, odio judicii tollunt resurrectionem, aut saltem pro eo quod cupiunt & optant, varias sibi cogitationes fingunt: Scilicet, ut salvemur satis est Christum pro nobis passum, vel sanguis ipsius infiniti est valoris, vel DEI infinita est misericordia. Causam dat S. Gregorius ut suis perditis moribus polliceantur impunitatem. Merito proinde S. Thomas in illud Mat. 27. v. 29. Genuflexo ante eum illudebant ei dicentes. Ave Rex Judæorum. Significatur inquit per istos illi, qui voce consentunt, se nosse DEum, factis autem negant. Tales genna stant coram Christo, sed simul exspuunt in faciem ejus. O quam vivaci penicillo depinxit hos S. Greg. Nyss. Fundent Lutherani spes suæ salutis in meritis Christi, sed legant Paulum ad Tit. 2. v. 14. Qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Hæc loquere & exhortare, & argue cum omni imperio. Quæ verba licet elara sint, tamen ea sic explicat Cajetanus. Et si Christus redemit, ac mundavit sibi populum in sanguine suo, ea tamen lege illum redemit, ac mundavit, ut se ipsum quoque populus servet, ac promoveat, ut sit æmulator bonorum operum, non verò ut otio torpescat, sed velut æmulando incumbat bonis operibus. Convenimus cum Lutheranis in hoc Catholici, & dicimus. Longinus nobis aperuit latus Christi, ut intremus, & requiescamus ibi securi. Dicimus etiam nos, inter brachia salvatoris, & vivere volumus, & mori cupimus, sed addimus cum S. Paulo oportet nos esse

cer-

certos. Quare fides illa, quæ est sola fiducia promissionum, quam Lutherani dicunt consistere in eo, ut aliquis generaliter credat, Deum facturum, quod promissit credentibus in se. Vel specialiter, quâ quis promissiones à Christo factas sibi applicat, non est salvifica. Quia licet credas firmissimè, & confidas, quod omnia peccata tibi propter Christum sint remissa, licet speres constantissimè, te esse filium & amicum DEI, ibis tamen ad diabolum. Ratio est, quia fides est de eo, quod est à Christo Jesu, vel à DEO revelatum. Sed tibi esse peccata remissa, nec à Christo, nec à DEO est tibi revelatum. Patet hoc in S. Paulo 1. ad Cor. 9. v. 27. quando dixit, castigo corpus meum, & in servitutem redigo, ne cum aliis prædicaverim ipse reprobus efficiar. Certè Paulus habuit fidem veram & justificantem, & tamen, ut patet ex his verbis, non credidit, sibi peccata esse remissa. Imo 1. ad Cor. 4. v. 4. sibi nullius peccati conscius adhuc formidavit. Nihil mihi conscius sum, sed non in hoc justificatus sum. Quod si autem ulterius consideres, quod hæc fiducia vana, quâ credo mihi esse peccata remissa, vel quâ credo me esse filium DEI, & Christum pro me satisfecisse, atque adeo nullo alio opus esse, me salvificet: Ad quid Christus docuit nos orare, dimitte nobis debita nostra? Ad quid est sacramentum Pœnitentiæ? Ad quid sunt opera misericordiæ spiritualia & corporalia? Ecce quanta porta aperitur hominibus ruendi ad diabolum! Quare fides vera & salutaris alia non est, quàm nostra Catholica, qua verè credimus, omnia vera esse, quæ DEus revelavit, nimirum DEum esse remuneratorem bonorum operum, & vindicem malorum, de quo diximus in 1. p. hujus operis. c. 2. Et de hac fide est illud S. Athanasii, Quicumque vult salvus esse, ante omnia opus est, ut teneat Catholicam fidem, quæ consonat cum illis verbis Pauli ad Rom. 10. v. 9. Quia si in ore tuo confitearis Dominum Jesum, & in corde tuo credideris, quod DEus illum suscitavit à mortuis, salvus eris. Ecce S. Paulus hic nihil dicit de fiducia remissi peccati, quod nempe si firmiter credas, quod eo ipso jam sint remissa, & tu sis salvus futurus. Sed adverte, quod Paulus simul nobis memoriam resurrectionis ingerat, ut illius recordemur. Luc. 24. v. 26. Nonne hæc oportuit pati Christum, & ita intrare in gloriam suam, scilicet, quod sicut Christus post passionem suam recepit præmium passionis suæ, ita & nos in resurrectione nostrâ simus accepturi præmium operum nostrorum,

juxta illud 2. ad Cor. 5. v. 10. omnes enim nos manifestari oportet ante tribunal Christi, ut referat unusquisque propria corporis prout gessit (non prout credidit) sive bonum, sive malum.

Opera nostra non sunt omnia mala.

Ex quo ulterius patet contra Lutheranos opera nostra non omnia esse mortifera, sed in his multa bona. Licet enim Ecclesiastis. 7. v. 1. dicatur. Non est enim homo justus in terrâ, qui faciat bonum & non peccet; hoc tamen non significat omnia opera justî esse peccata, sed solum neminem esse adeo justum, ut benè semper operetur, sed omnes nos interdum peccare. Adeoque Prov. 24. v. 16. dicitur, septies cadet justus, & quod notandum est, resurget. Audiamus proinde orationem Ezechiae Regis Isa. 38. v. 3. Memento quæso, quomodo ambulaverim coram te in veritate, & in corde perfecto, & quod bonum est, in oculis tuis fecerim. Neque scriptura laudaret Davidem. 3. Reg. 15. v. 5. Eo quod David fecisset rectum in oculis Domini. Certè illud Matth. 6. v. 2. Si oculus tuus simplex fuerit, totum corpus tuum lucidum erit. SS. PP. sic explicant, si recta sit intentio nostra, opus ipsum bonum est. Confirmat hoc S. Paulus ad Titum 2. v. 14. Ut mundaret sibi populum acceptabilem sectatorem bonorum operum. Quod rursus ad Eph. 2. 10. repetit. Creati in Christo Jesu in operibus bonis. Et ideo Luc. 1. v. 6. Zacharias & Elisabeth laudantur. Erant autem justî ambo ante DEum, incedentes in omnibus mandatis, & justificationibus sine querela. Quod magis apparet à contrario. Quia scriptura vindicat DEI servos ab hac calumnia, & eos non peccasse ostendit. Job. 1. v. 22. In omnibus his non peccavit Job labiis suis. Imò ipse DEus defendit illum Job. 2. v. 3. Fuit rectus, & recedens à malo & adhuc retinens innocentiam. Sic David de se ipso loquitur ps. 16. v. 3. Probasti cor meum, & visitasti nocte, & non est inventa in me iniquitas. Numquid & Paulus 1. ad Cor. 7. v. 28. inquit, si nupserit virgo non peccavit adeoque 2. Petr. 1. v. 10. dicitur. Hæc facientes non peccabitis aliquando. Occurrit hic commendatissima illa charitas & apud DEum maximè meritoria, de quâ Pennequin de amor. divin. p. 3. c. 28. de sacerdote refert, qui ad hominem cum morte luctantem vocatus, ubi cum desperandum omnino reperisset cum eodem transegit, & dixit, se statum animæ illius cum omni reatu scelerum in se suscipere; sua verò apud DEum merita eidem transcribere. Ex lethargo quodam moribundus excitatus peccata sua consiteri cum

Quidam merita sua infirmo obdurato cedunt & convertit.

cum lachrymis cœpit, & viatico muniri petiit, atque placidè planè expiravit. Proxima ab obitu nocte sacerdoti apparuit defunctus, ei-que salutem suam in gratiis retulit, addens merita sua, quæ ipsi tam charitativè applicuit, ob insignem hunc charitatis actum eidem esse duplicanda. Verissimum namque est, quod S. Anselmus *l. 2. Ep. 3.* dixit: Quisquis diligit aliquem, aut per dilectionem prodest alicui, scitote, quia plus sibi prodest, quam aliis. Verum quidem est, quod nobis obijciunt Lutherani *Isaie c. 64. v. 6.* facti sumus, ut immundus omnes nos, & quasi pannus menstruatus, universæ Justitiæ nostræ. Sed hic Propheta loqui de iniquis intelligendus est, & idolis servientibus. Nec obstat quod dicat omnes, quia per ly omnes, non omnes intelligit collectivè, sed tantum juxta scripturæ phrasim, potiorè partem. Sic namque *Gen. 6. v. 12.* dicitur omnis quippe caro corrumperat viam suam & tamen *v. 9.* paulo ante dixit. Noe vir justus, atque perfectus fuit in generationibus suis. Accedit, quod Propheta non loquatur simpliciter de omnibus omnino operibus impiorum, sed tantum de sacrificiis, neomeniis, Sabbathis, calendis & festivitibus. Sic enim *Isa. 1. v. 13.* dicit, ne offeratis ultra sacrificium frustra, incensum abominatio est mihi. Neomeniam & Sabbathum & festivitates alias non feram. Iniqui sunt cœtus vestri, Calendas vestras & festivitates vestras odivit anima mea. Intelliguntur ergo solum omnes actus, & opera illa impiorum, quæ ad cultum divinum spectant. Instant tamen hæretici, & urgent illud Davidis *ps. 142. v. 2.* Quia non justificabitur in conspectu tuo omnis vivens. Ad quod respondemus Catholici, quia hoc comparativè ad Justitiam divinam intelligendum est, sicut enim stellæ lucidæ sunt in se, comparative tamen ad solem videntur tenebrosæ. Sic Justitia nostra si conferatur cum divina est nulla. ad quod alludit *Job. c. 9.* Et quomodo justificabit se homo cum DEO. Ut propterea dixerit S. Aug. *l. ad Orosium contra Priscillianistas. c. 10.* cujus enim participatione Justi sunt, ejus comparatione nec Justi sunt. Cæterum ipse Christus nos hortatur, ut lux bonorum luceat, ut videant opera vestra; quod notandum, bona, & glorificent Patrem vestrum, qui in cœlis est. Quod S. Petrus insinuat. *Act. 10. v. 34.* Non est personarum acceptor DEus, sed in omni gente qui timet eum, & operatur justitiam, acceptus est illi. Quod rursus *ad Eph. 2. v. 10.* repetit. Ipsius enim sumus factura, creati in Christo Jesu, in bonis operibus, quæ præparavit DEus,

ut in illis ambulemus. Ad quæ proinde nos Paulus hortatur. *i. ad Timoth. 6. v. 17.* Divitibus hujus sæculi præcipe non sublime sapere, neque sperare in incerto divitiarum, sed in DEO vivo, qui præstat nobis omnia abundè ad fruendum, bene agere, divites fieri in bonis operibus.

*Liberales
in paupe-
res in judi-
cio securi-
tatem ha-
bent.*

Et hinc divites in pauperes benigni magnam in Judicio divino securitatem habent. Pulchrè S. Leo Papa. *serm. 4. de collect.* Cibus egeni, regni cœlestis est pretium & largitor temporalium, hæres efficitur æternorum. *serm. deinde 5.* exclamat. Eleemosynæ peccata delent, mortem perimunt, & pœnam perpetui ignis extinguunt. Eruditè planè quidam Neotericus *in verba ps. 111.* Jucundus homo qui miseretur, & commodat, disponet sermones suos in judicio. Sermo-nes, inquit, ejus, sunt opera ejus, quibus in judicio ultimo defenditur, quia tunc ei fiet misericordia, quia ipse aliis fecit. Et hoc dicitur à simili alicujus præmeditantis causam suam, ut eam firmis allegationibus in judicio muniat. Sic iste opera sua disponit & ordinat, ut his causa sua in judicio defendatur. Unde S. Basil. *serm. in divit.* indignatus exclamat. Quid respondebis Judici, tu qui parietes vestis; hominem nudum finis? Qui equos ornas, fratrem in turpi amictu contemnis? Qui frumentum putrescere sinis, esurientes non nutris? Qui non aperuisti domum, repudiaberis à Regno. Non dedisti panem, non accipies vitam æternam. Quare affectuosè monet S. Aug. Cupis ô homo, ut tui misereatur Deus, fac, ut proximo tuo miserearis. Tantum tui miserebitur DEUS, quantum & tu misereberis proximi. Tantum accipies in aliâ vitâ, quantum feceris in præsentî vitâ. Causam dat *l. 50. hom. 55.* patrocinatur Eleemosyna in die judicii homini, ut flammæ æternas non timeat. Quia ut inquit *hom. 39.* ante fores gehennæ stat misericordia, & neminem permittit in carcerem mitti. Fuit Constantinopoli matrona pia, cui filia fuit magnæ vensualis, & patris omnino castitatis, hanc Zeno Imperator ex gremio matris suæ sustulit, & turpiter constupravit. Mater tribunali humano destituta, DEum justum vindicem imploravit. Lachrymanti apparuit B. Virgo, & justas querelas dixit, sed simul illi ostendit Zenonis liberalitatē in pauperes, vindictam divinam impedire. Quam primum Zeno Arianus factus est, & in pauperes parcior, factus in convivio ebrius, vivus sepultus est. Eleemosyna enim inquit S. Chrysostomus *hom. 33. ad pop.* Christi adstat tribunali, non tantum patrocinans, verum & i-

psi

*Eleemosy-
na non
permittit,
ut DEUS
puniat pec-
cata.*

psī persuadens Judici, ut reo patrocinium præstet, & pro eo sententiam ferat. Nihil namque ait idem Chrysostomus *hom. 31. in c. 11. Gen.* ita nos exinere potest à gehenna ignis, atque largitas eleemosynarum. Disponet inquit *in ps. 111.* sermones suos in iudicio, hoc est patrocinium consequetur, non deerit ei defensio, nec erit ei condemnatio, cum eleemosyna defensionem pulchram sibi comparet. Quare Henricus Dux Poloniæ S. Hedwigis maritus illà suadente hospitalitate extruxit pro alendis mille personis, & exercendà perpetuà hospitalitate, non alio consilio, quàm ut in die iudicii à Christo mereatur audire. Hospes eram, & collegistis me. Venite benedicti &c. Merebuntur tunc misericordes omnes, audire Christum misericordem. Quia bene S. Chrysologus super verba illa: in die mala liberabit eum Dominus. In die, inquit, mala illi DEus liberator assistet, qui à malis pauperem liberaverit. In angustiis illum DEus clamentem audiet, qui pauperem, cum clamaret, audivit. Non videbit diem malum, qui dies bonos habere pauperem fecit. Inò ipsi pauperes patrocinabuntur. ut propterea dixerit, S. Chrysologus sine causa accusant peccata, quem pauper excusat. Uti & à contrario: Excusari non potest, quem fames pauperis accusat. Quare concludit. Quæ cum ita sint, qui se novit per mala sæculi vitam ducere; eleemosynam semper auxilium secum ducat, ad præsidium sibi turmas pauperum vocet. Neque enim DEus despiciere poterit pauperes intercessores in die iudicii, quos hic in terris velut pupillam oculorum suorum habuit. Patet hoc in Nabuchodonosore Rege, cui interitum regni prædixit Daniel, sed remedium statim adjunxit. Quamobrem consilium meum placeat tibi Rex, & peccata tua eleemosynis redime, forsitan ignoscet DEus delictis tuis. Etiam post latam jam sententiam non desperat veniam Daniel. Post menses autem duos oblitus rex sermonis Domini in aula sua deambulans superbivit dicens: Nonne hæc est Babylon magna, quam ego ædificavi domum regni, in robore fortitudinis meæ, & in gloriâ decoris mei. Sed cum sermo adhuc esset in ore Regis, vox de cælo ruit: Tibi dicitur Nabuchodonosor Rex, Regnum transibit à te. Quærit hic D. Hieron. Cur non statim post sententiam, contra regem DEus assumpserit supplicium, sed primò post duos menses sententia executioni data sit? Et respondet. Fecit Nabuchodonosor juxta Danielis consiliū misericordias in pauperes, & idcirco usque ad mensem secundum, in eum est dilata sententia,

*Hospitalitas
erigitur ut
in iudicio
mereatur
excipi lo-
sses eali.*

tentia, sed quia postea ambulans in aula Babylonis gloriatur, & dicit: Nonne hæc est Babylon magna, quam ædificavi, bonum misericordiz perdidit malo superbiæ. Non est peccatum inquit S. Chrysostomus *hom. 25. in acta Ap.* quod non possit purgare eleemosyna, quodvè non possit extinguere. Hom. verò *super ps. 40. verba illa Dominus opem ferat illi super lectum doloris ejus.* Bene inquit lectum doloris dicim mortis intelligimus, ille enim gravis & molestus est peccatoribus propter metum judicii. Sed in eo fert opem ei, qui est amator pauperum. Jubet enim esse bono animo, ut qui sit clementiam ac misericordiam consecuturus. Quare graviter commonet divites *hom. 33. in Gen.* Vestes non sinamus à vermibus rodi; & absque usu in arculis putrescere, cum tot sint, qui indigent, & ambulant nudi; sed veneremur, honoremquedemus nudo Christo potius, quam tincis, & induamus eum, qui propter nostram salutem nudus obambulare voluit, ut cum ipsum induerimus, audiamus in illà die: Nudus eram, & vestistis me. Fuit rusticus ingenio satis liberali, qui aulicis consuevit, & hominibus cultioribus non fuit ingratus. Cum verò inter aulicos incidisset discursus, in quo quærebatur, quot ulnis egeret DEus, ut vestem sibi pararet, dicente scripturâ; cælum & terram ego impleo. Rusticus qui aderat, aliis laboriosè calculantibus, illis facillimè quæstionè resolvit, dicens, quinque vel sex ulnis, nec amplius opus esse. Hocque Christi testimonio comprobavit, qui dixit: Quod uni ex minimis meis fecistis, mihi fecistis. Me inquit his pauculis ulnis vestite, & Christum vestietis, cælumque obtinebitis. Pulchrè S. Chrysostomus *hom. 9. de pœnit.* Eleemosyna, inquit, via est, quæ hominem in cælorum arces celerrimè inducit, advocati optimi loco fungens. Referunt Cistercienses Annales de quodam peritissimo Medico sui ordinis, qui artem suam non nisi in pauperum favorem impendebat. Hic non tantum medicinas dabat, sed horrentia etiam vermibus ulcera ipse lavabat, manibus detergebat, tantâ curâ & affectu, ut Christi vulnera fovere videretur. Cum in agone jaceret totus hilarius, cum Abbas interrogavit, ut lætitiæ suæ causam ediceret. Dixit: Piissimus Iesus meus, mihi indigno peccatori apparuit, & ad me dixit: ecce peccata tua deleta sunt à facie tuâ. Veni ergo securus. Veni, & vide, & deosculare vulnera mea, quæ tantum dilexisti, & toties in pauperibus fovisti. Quâ plena consolatione est hæc S. Chrysologi in *c. 25. Mat.* sententia, quod Abel passus sit, quod Noë mundum

*Pauperes
n di ve-
stendi.*

*Rusticus
DEum
vestire
vult. 5. vel
6. ulnis
p. anni.*

*Medicus
Religiosus
à Christo
in morte
miro sola-
t' recrea-
tur.*

dum servaverit, quod Moyses legem tulerit, quod Petrus resupinus in crucem ascenderit, DEus tacet, hoc solum clamat, quod pauper comederit. Quare merito exclamat S. Chrysostomus *serm. 91.* Da panem si DEum debitorem, non judicem vis habere. Non time te proinde illud *ps. 75. v. 6.* dormierunt somnum viri divitiarum, & nihil invenerunt in manibus suis. In quem locum eleganter S. August. nihil invenerunt in manibus suis, quia nihil posuerunt in manu Christi. Quisquis per pauperes in manu Christi reponit, nec tinea, nec æruginem timeat. Non diffidamus DEO, cum tam graviter nos moneat S. Augustinus: Ponunt pueri in thesaurario, & securi sunt, tu ponis in manu Christi, & times? Quidquid in manu Christi reponitis, cum sœnore recipietis. Merito itaque exclamat S. Ambr. sit illis misericordia fons salutis, quibus avaritia fuit mortis incendium, ut flammâs quas sibi peccando accenderunt, largiendo restinguant. Et hinc S. Chrysostomus *hom. 36. ad pop.* dicit. Tanta vis est elemosynæ. Cum multâ fiduciâ suos introducit alumnos. Est enim nota cœli janitoribus, cui contradicit nemo, sed omnes cedunt. Certè S. Catharina Senensis cum sollicitè cogitaret, quid responderet aliquando Judici, ubi accusabitur à Dæmone? vidit Dominum, qui argenteam illi crucem ostendit, quam in juventute suâ pauperi dederat, dicens: confide filia hæc crux, quam dedisti pauperi, coram regio tunc tribunali causam tuam defendet. Sic numeros tuos, quos in sinum pauperum deponis, aliquando in valle Josaphat ostendet Christus. Hoc enim est, quod *Osee 12. v. 6.* dicitur: Misericordiâ & Justitiam custodi, & spera in Deo tuo semper: septuaginta legunt, & propinqua DEO tuo semper. Certè moriens securè DEO propinquat, si misericors fuit. Sic enim S. Hier. *in ps. 40.* non memini, me legisse malè mortuum, qui libenter opera pietatis exercuit, habet enim multos intercessores, & impossibile est multorum preces non audiri. Hac de causâ S. Ludovicus Gallia Rex pauperes stipendiarios milites suos vocare solitus est, à quibus Regnum Franciæ custodiretur. Narrat S. Greg. *l. 4. dial. c. 6.* de quodam Stephano nomine, qui visus est ex angustissimo ponte in fluvium præceps ruere, cum verò dæmones vellent arreptum demergere, angelus eundem ab interitu vindicavit. Visionem ubi intellexit Episcopus, dixit Stephanum esse civem notum, quem propter libidinis suæ scelera multa, cum in periculo æternæ damnationis versetur, auxilio

*S. Catharina
nam Senensis
crux argenteam
pauperi dedit
in iudicio
tuebitur.*

*S. Ludovicus
pauperes
stipendiarios
milites suos
dixit.*

tamen liberalis eleemosynæ ab interitu vindicandum, & ad pœnitentiam revocandum. Pulchrè S. Joan. Damasc. *orat. de judic.* ubi expendit verba illa *Mat. 25.* Discedite à me maledicti in ignem æternum. Esurivi enim & non dedistis mihi manducare. &c. Non, inquit dixit discedite à me, quia furtum & homicidium commisistis, & alia mala. Sed ait: quia de substantiâ vestrâ pauperibus non dedistis. Sicut illos qui ad dextram futuri sunt sola misericordia liberabit, ita eos qui ad sinistram sunt, sola avaritia condemnabit. Ita enim Hugo Cardinalis in *Mat.* Christus omnia facta iustorum tacet, & solas eleemosynas commemorare dignabitur, ita neque malefacta improborum pronuntiabit, sed arguet illos, qui eleemosynam non fecerunt.

Advocatus non vult audire pauperes, miserè moritur.

Tremendum est, quod de advocato in annonæ caritate erga pauperes immisericorde refertur, qui ne pauperes audiret misericordiam implorantes, ad ultimum domus angulum se retraxit, dicens: Non durabo cum istis canibus. Adest interim armatus vir ad portam domus, qui ad Dominum admitti petiit, negat famulus herum suum Domi esse. Mentiris, inquit miles, ne audiret voces pauperum, ad conclave certum, quod nominavit se inclusit. Tu verò dic illi, quod citem illum ad DEI tribunal, subitoque morbo correptus advocatus ille hortantibus licet amicis consiteri renuit, & impenitens decessit. Merito plane S. Chrysostomus *hom. 33. ad pop.* Melius est hanc artem dandi eleemosynam scire, quam esse regem, & diademate coronari. Adeoque idem S. Chrysostomus *hom. 22. in Joan.* Impossibile enim, impossibile inquam est; etsi innumera facias bona, sine eleemosynâ cœlestis regni vel vestibulum quidem attingere. Econtrà verò liberaliter in pauperes erogata, fiduciam certam nobis facit salutis. Magnum planè est, quod *Prov. 13. v. 8.* dicitur:

Petrum telonarium panis datus mendico in iudicio defendit.

Redemptio animæ viri divitiæ suæ. Expertus hoc est tempore. S. Joannis Eleemosynarii Petrus nomine, officio telonarius, homo in pauperes durus, & asper, ita quidem ut inter mendicos fieret concertatio, non sine stipulatione, si quis ab illo quid impetraverit. Unus præ cæteris fortunam tentaturus, ad ostium domus accedit, & clamans eleemosynam rogat, indignatus Petrus, cum in furore aliud non inveniret, obvium panem post illum projicit, quem mendicus elevat, atque ad socios in signum defert victoriæ. Post bidduum infirmatur Petrus, & in quiete ad divinum tribunal sistitur, ponderantur peccata, bonorum operum nihil inveniebatur. Tandem ap-

ap-

apponitur panis iste, ab invito pauperi datus; qui lanci impositus, peccata sic exæquavit, ut redituro dixerit Angelus, abi, & panem hunc auge. Sicque Petrus non ex somno solum, sed etiam vitâ sceleratâ evigilavit. Doceat nos exemplo suo Loth Patriarcha. *Gen. 39.* qui propterea quod liberaliter hospitio exceperit advenientes hospites à Sodomæ incendio fuit salvatus. De quo Origenes *hom. 5. in Genes.* Audite hæc qui peregrinis clauditis domos, Audite! Qui hospitem velut hostem vitatis. Loth in Sodomis habitat, alia ejus beneficia non legimus, hospitalitas sola in eo ex usu veniens memoratur. Evadit ignes, evadit incendia, ob hoc solum, quod domum suam patefecit hospitibus. Hospitalem domum angeli sunt tuiti. Clausas hospitibus domos ignis ingressus est. In celebri quodam oppido magna fuit erga pauperes inclementia, sic, ut nulli pauperi daretur eleemosyna. Hanc impietatem ulturus DEus pridie vindictæ divinæ misit Angelum adeo miserando aspectu, ut omnibus compassionem moveret, rejectus tamen ab omnibus, ad Proconsulis domum venit, à quo susceptus & perhumaniter habitus fuit. Cum ergo confedissem aliquamdiu, ab angelo amanter monitus est, ut peccata sua sapius confiteatur, & in pauperes benignus exeat. Deinde monuit oppidum die altera flammis totum absumendum. Territus hoc nuntio Proconsul, ab angelo confortatus est, futurum enim ut domus ipsius utpote charitatis hospitium conservetur, dum manifestum supplicium irrogatur immisericiordiæ. Pulchrè certè S. Chrysologus: Loth quia hospitio suscepit angelos, judicium prævenit. Misericordiam nescit divinus ignis exurere. Faciat ergo misericordiam, qui vult gehennæ incendia non timere. Quia ut bene S. Chrysostomus *hom. 33.* Non finit nos eleemosyna eo decidere, quo dives ille epulo decedit. Nec audire verba illa tremenda, discedite à me maledicti in ignem æternum, sed in sinum Abrahæ deducit. Ex dictis, ut credo patet, opera nostra bona non tantum non provocare iram DEI, sed insuper DEum placare. Testem hujus habeo Ezechiam Regem. 2. *Paralip. 30. v. 18.* Et oravit pro eis Ezechias dicens: Dominus bonus propitiabitur cunctis &c. Quem exaudivit Dominus, & placatus est populo. Hoc eodem verbo placationis utitur David *Pf. 105. v. 27.* Et stetit Phinees & placavit, & cessavit quassatio. Hac phrasi utitur Propheta *Ezechiel. c. 43. v. 27.* facient sacerdotes super altare holocausta vestra, & quæ pro pace offerunt,

Angelus mendicus à domibus arceatur.

Hospitalitas domum ab incendio servat.

Opera nostra bona placant DEum.

& placatus ero vobis, ait Dominus DEus. Sic orante Moyse ad Dominum. *Exod. 32. v. 14.* dicit Textus, placatusque est Dominus, ne faceret malum, quod locutus fuerat Dominus adversus populum suum. Eant nunc hæretici & rudi plebeculæ imponant, se purum DEI verbum habere, quando tot claris scripturæ testimoniis ostenditur, nos in die Judicii non à sola fide justificandos, sed ex operibus à radice fidei procedentibus æternum præmiandos.

Dies extremi judicii est ignota.

Superest modo investigare tempus illud, quo dies ista judicii futura sit? Multi ex SS. PP. ex illo mundi opificio, quo DEus orbem sex diebus molitus est, cum apud DEum mille anni, sicut dies unus computentur, putant mundum sex annorum millibus statutum, quibus evolutis mundus rursus occidet, & interibit. At verò nemo de illa quidquam dicere potest. Cum clarè dicat Christus *Mat. 24. v. 36.* de die autem illà & horà, nemo scit. Et certè Christus inter diem judicii & universale diluvium paritatem facit. *V. 37.* Sicut autem in diebus Noë, ita erit & adventus filii hominis. Sicut enim erant in diebus ante diluvium comedentes & bibentes, & nuptui tradentes, usque ad eum diem in quo intravit Noë in arcam, & non cognoverunt, donec, venit diluvium & tulit omnes: ita erit adventus filii hominis. Adeoque sicut minime opinantibus hominibus diluvium supervenit, ita non cogitantibus nobis dies judicii aderit. Cæterum ex verbis Christi *Mat. 24. v. 30.* De die autem illa & hora nemo scit, neque angeli cælorum, nisi solus Pater, impius Arius deducere voluit, filium minorem esse Patre. Sed negat id S. Chrysostomus *hom. 11.* ubi dicit: Si Christo homini datum est, ut sciat, qualiter oporteat judicare, quod est maius, nonne multò magis datum est ei ut sciat, quod minus est, scilicet tempus judicii. Nonnè Christi anima in verbo omnia videt, quæ DEus scientia visionis agnoscit? Videt utique & cognoscit. Unde *Apoc. c. 5. v. 12.* vox magna audita est dicentium. Dignus est Agnus qui occisus est, accipere divinitatem & sapientiam. Exponit Glossa, id est omnium cognitionem. Quomodo ergo audet dicere Arius, quod neque filius sciat. Et licet *Marc. 15. v. 32.* dicatur. Neque filius scire, audiendus est, S. Thom. *3. p. q. 30. art. 2.* Dicitur nescire diem & horam judicii, quia non facit scire, quia non revelat, quia non manifestat. Sic Apostolis interrogantibus, quando ad judicandum venturus esset? Christus eis respondit: non est vestrum nosse tempora, vel momenta, quæ Pa-

ter

ter posuit in suâ potestate. Et hinc dicit se nescire, quia aliis non vult indicare. Jam olim, Christiani, etiam in ipsa prima Ecclesia tempore postolorum timebant adventû dici illius. Sic ut S. Paulus 2. *ad Theff.* 2. v. 2. suos monuerit, ut non citò moveantur à sensu suo, quasi instet dies domini. Quia inquit venturus est prius filius perditionis, adeoque non mirum est, si in perturbatione tantâ hominum, in tantis bellis & seditionibus varia etiam inter SS. PP. intercesserit de hac die opinio. Novissimè Anno Christi 1532. Pastor quidam firmissimè persuasit suis Auditoribus anno insequenti certissimè futurum diem iudicii, idque ex verbis illis scripturæ: *VIDebVnt In qVcM transiXerVnt* deduxit, ex hoc enim textu per chronosticas litteras 1533. anni numerum elicit, & mundi interitum certò prædixit. Crediderunt rudi Pastori, simplices oviculæ, & se diligentissimè per pia opera ad tremendam illam diem præparârunt, quando venditâ omni supellectili pecuniam perpotaverunt. Quia verò in conditâ diem grandis tempestas oborta fuit, magna cum devotione populus temulentus ad templum accurrit, & magnæ pænitiæ indicia dedit, sed discussâ tempestate, ubi omnia priori tranquillitati sunt restituta, populus, turpissimè delusus, pastorem nisi maturè fugisset, certò mactâisset. Stultius & periculosius in vico Salinario Amsterodami septem viri, & quinque sæminæ Anabaptistæ conveniunt. Ex quibus Theodoricus sartor afflatus Enthusiasmo, se in terram projecit, in eâque exanimis quasi jacuit, repente autem evigilans, quasi à DEO doctus fuisset, dixit diem instare iudicii in forum deindè progreditur, & vâ! vâ! horrendum inclamans diem iudicii instare dixit. Concurrunt ad arma cives, & Prophetas capiunt, quæstione deinde super eos habitâ calendis Martii capite minuerunt. Aliter S. Chrysostomus *hom. 9. in Theff. c. 5.* optimam dignoscendi illius dici rationem assignat, nempe quamvis diem. Jam ab Adam, inquit, incepit consummatio. Omnes dies vitæ nostræ cognatæ sunt illius. Quod ille simul & summatim est, hoc quisque est per partes. Explicatur hoc in simili: Qui emit pannum, particulam sibi à mercatore præscindi petit, ex qua totam peziam dijudicat. Ex quovis die decursum vitæ nostræ metiri debemus, & sic ultimi tandem conclusionem deducere possumus. Cæterum cur Christus diem illum non manifestaverit Apostolis, causam dat Cajetanus, quia quæstio hæc & postulatam neque eorum saluti profuisset.

Falsus propheta de die iudicii.

Anabaptista simul diem iudicii prædicant.

Quævis dies est futuri iudicii prognostica.

set, neque ad virtutem solidam homines animasset. Quare S. Ambrosius. l. 5. *de fide ad Gratianum*. Scire non proderat, proderat ignorare. Si enim tempus & hora iudicii nota nobis esset, iustus dissolveretur, & peccator in sceleribus suis perseveraret, cum sciret aliud quod adhuc sibi tempus super esse. Concludit deinde nervosè S. Doctor. Si modo tam incerti vivimus, nunc dum mortis & iudicii diem ignoramus, ita ut omni momento improvisa & insperata mors imminere queat, tamen ita desides & negligentes sumus? Quid foret si multorum annorum tempus haberemus. Quis voluptatibus se tunc non dederet, certò sciens se tanti temporis spatium habiturum. DEus ergo qui nos in nostræ salutis negotio solertes, & sedulos, esse vult, desiderat, ut in virtutum actibus ferventer nos exerceamus, atque adeo omnem securitatem proscrit, ac perpetuo eoque salutari timore nos refrænât, ita ut nec diem, neque horâ, nec momentum certum nobis spondere possimus. Sed sibi soli iudicii universalis & particularis notitiam reservat. Et hinc quando dicit *Marc. 13. v. 14.* De die autem illo vel hora nemo scit, neque angeli in cælo, neque filius nisi Pater, statim subjungit: Videte! vigilate, & orate, nescitis enim quando tempus sit. Quod explicat Cajetanus, mentis oculis perlustrate, vigilate bonis operibus sedulo incumbentes. Videre enim non prodest, si studium non impendatur ad bonum exequendum, vel ad vitandum malum. Unde vel hinc dici potest misericors esse Deus, qui de suo iudicio tantopere nos præmonet, & tot signis terret, ut iram DEI evadamus. Dum enim noluit nos scire diem, voluit, ut omnes dies observentur. inquit benè S. Aug. Non miror itaque ego S. Hieron. tam graviter extimuisse urbem illam serelem: Surgite mortui, & venite ad iudicium, quæ ejus auribus semper insonuit, ut neque comedere, neque bibere virum tam sanctum pateretur. Monet nimirum DEus antequam puniat, ut moniti telum furentis DEI evadamus. Clementiæ enim DEI hoc est peculiare inquit S. Basil. *hom. 1. in Jerem.* Non clam, aut silenter ingerit supplicia, sed per cōminationes ea prædicat, per hoc peccatores invitans ad pœnitentiam. Fecit hoc ipsum DEus, *Exod. 9. v. 18.* ubi per Moysen Pharaoni minatur, eique pœnam jussit dici. En pluam cras hac ipsa hora grandinem, qualis non fuit in Ægypto. Et tamen per Moysen monet ibidem *v. 19.* Mitte ergo jam nunc, & congrega jumenta tua omnia, quæ habes in agro

gro &c. Bene observat S. August. in *Exod. 35.* quid est, quod mandavit DEus Pharaoni cum grandinem se facturum magnā minaretur, ut festinet congregare pecora sua, & quæcunq; essent in campo ne grandine intereant? Et respondet, id totum fuisse opus misericordiæ, ut non exqueretur pœnam, quam comminatus fuerat. Hoc enim non tam indignanter quàm misericorditer, videtur admonere. Quod confirmat Origenes in *c. 9. Exod.* Vide temperamentum divinæ correptionis; non cum silentio verberat, sed dat vocem, & doctrinam cœlitus mittit, per quam possit culpam suam mundus castigatus agnoscere. Nec caret mysterio, quod de Christo venturo Iudice dicatur. Videbunt filium hominis venientem. In quem locum S. Aug. in *ps. 147.* Qui venturus est iudicare quis est? Nisi qui voluit iudicari. Nec timeas accusatorem, de quo ipse dixit Princeps huius mundi missus est foras. Consonat illi S. Bern. supra citatus *serm. 73. in Cant.* O verè Patrem misericordiarum, vult per hominem homines iudicare, quo in tantâ trepidatione, & perturbatione malorum, electis præstet fiduciam naturæ similitudo.



AR-

ARTICULUS VIII.

Credo in Spiritum sanctum.

DISCURSUS XXX.

Spiritus sanctus verus est DEUS à Patre
& Filio procedens.

*Spiritus
sanctus e-
iusdem est
substantia
cum Patre
& Filio.*

IN hoc fidei articulo contestamur, nos vivâ fide credere tertiam in SS. Trinitate personam, quæ sicut verè est DEUS, ita Patri, & Filio omnino est æqualis, & ejusdem cum Patre & Filio est substantiæ, majestatis & potentiæ. Sic enim 1. Jo. an. 5. v. 7. dicitur. Tres sunt qui testimonium dant in cælo, Pater, Verbum, & Spiritus sanctus. Et hi tres unum sunt. Ubi advertendum est, quod non dicat Unus, sed Unum, juxta illud Joan. 10. v. 30. Ego & Pater unum sumus. Quod sicut æqualitatem naturæ in Patre & Filio ostendit, ita verba allegata, & hi Tres unum sunt, æqualitatem substantiæ, & potentiæ in omnibus tribus personis manifestat. Undè sicut Christus Mat. 28. v. 19. æqualiter de Trinitate personarum loquitur, dum dixit Apostolis: Euntes ergo docete omnes gentes, baptizantes eos in nomine Patris, & Filii, & Spiritus Sancti, & nullâ Differentiam, sed per omnia æqualitatem in his tribus personis asserit. Ita S. Athanasius in suo Symbolo disertè dixit: DEUS est Pater, DEUS est Filius, DEUS est Spiritus sanctus. Et hinc fortè in actionibus ad extra plerumque locutus est DEUS in numero plurali dicens. Genes. 3. v. 22. Ecce Adam quasi unus ex nobis factus est, sciens bonum, & malum. Gen. 2. v. 18. Faciamus ei adjutorium simile sibi. Quâ plane phrasi usus est etiam in ipsa creatione. Gen. 1. v. 26. faciamus hominem ad imaginem & similitudinem nostram. denique Gen. 11. v. 7. eodem planè modo dixit: Venite igitur descendamus, & confundamus

mus ibi linguam eorum. Quæ verba sicut omnibus tribus personis in Trinitate sunt communia, ita etiam fides Spiritui sancto divinitatem planè æqualem cum Patre & Filio tribuit, & ostendit, quando Spiritum sanctum verum esse DEum decernit. Ita enim *Act. 5. v. 5.* quando Ananias, & Saphyra volebant fraudare S. Petrum de mercede agri venditi, Petrus eosdem reprehendens dixit: Cur tentavit Sathanas cor tuum mentiri te Spiritui sancto? Et statim *v. 4.* subjungit. Non es mentitus hominibus sed DEO. Hinc etiam eadem scriptura attributa divina quæ sunt solius DEI, non minus Spiritui sancto, quam reliquis personis assignat. Scilicet Omnipotentiam *ps. 32. v. 6.* Verbo Domini cœli firmati sunt, & spiritu oris ejus omnis virtus eorum. Omnipræsentiam *Sap. 1. v. 7.* Quoniam Spiritus Domini replevit orbem terrarum. Æqualitatem cum Patre & Filio ex citato *1. Joan. 5. v. 7.* Quoniã tres sunt, qui testimonium dant in cœlo, Pater, Filius, & Spiritus sanctus, & hi tres unum sunt. Omnis scientiã divinam *1. ad Cor. 2. v. 11.* Quis enim hominũ scit, quæ sunt hominis, nisi Spiritus hominis qui in ipso est? ita & quæ DEI sunt, nemo cognovit, nisi Spiritus DEI. Potentiam, & voluntatem quidvis faciendi *1. ad Cor. 12. v. 11.* ubi enarratis divisionibus gratiarum dicit Apostolus: Hæc autem omnia operatur unus atque idem Spiritus, dividens singulis prout vult. Ex quibus manifestè ostenditur Spiritum sanctum verum esse DEum, qui cum Patre & Filio juxta S. Athanasii symbolum, Unus est in divinitate, æqualis in gloria, & cœternus in majestate. Adeoque qualis Pater & Filius, talis est etiam Spiritus sanctus, nempe increatus, immensus, æternus, omnipotens, denique DEus verus, & Dominus. Neque differentia ulla à S. Athanasio dicitur, nisi in modo procedendi. Quia neque factus aut creatus, neque etiam Genitus dici potest, sed procedens, & ideo in Nicæno symbolo dicitur. Qui ex Patre, Filioque procedit, spiratione nimirum activa, quæ utrique est communis. Licet enim Pater & Filius sint duæ personæ, sunt tamen unus Spiritus à quibus non per intellectum sed per voluntatem, adeoque non velut imago; sed per voluntatem & unionem velut amor procedit. Et ideo à S. Thom. *p. 1. q. 37. art. 1.* dicitur, nexus & vinculum Patris & Filii, amor suavis, & dulcis, non volaticus, sed æternus, qui nos omnes vinculo dilectionis, & charitatis nexu, in æternum copulare intendit. Licet autem tam Pater, quam Filius sit Spiritus juxta id quod

S. Spiritus
proprie est
Spiritus.

dicat S. Joan. DEus Spiritus est, proprie tamen hoc prædicatum convenit huic tertiæ personæ, quia procedit per amorem, qui est quidam in rem amata impulsus & quasi status, qui optimè per Spiritum exprimitur.

*Spiritus
sanctus
quomodo
mittatur à
Patre &
Filio.*

Hinc bene explicatur per hanc processionem quomodo Spiritus sanctus à Patre, & Filio mittatur. Qui enim ab aliquo mittitur, ab eo procedit. Non autem hæc missio sit per imperium, consilium, aut suasionem, sicut homo solet mitti ad hominem, neque per motum localem, quomodo missus est Gabriel Angelus ad Mariam Virginem, sed per novum modum præsentia in aliquo signo, quale fuit columbæ vel ignis. Sic à Patre missus est in forma columbæ, quando Christus baptizatus est in Jordane. *Mat. 3. v. 16.* Baptizatus autem Iesus, confestim ascendit de aqua, & ecce aperti sunt ei cæli, & vidit Spiritum DEI descendentem sicut columbam, & venientem super se. Putant aliqui Spiritum sanctum in formâ columbæ infedisæ Christo in aquis baptizato, ut significaret sæcunditatem, quam suâ gratiâ per baptismum communicata, Ecclesiæ daturus erat. Et hoc erat quod statim in prima creatione mundi hic spiritus divinus incubando aquis, eandem fecundaverit. Quærent nimis sacræ scripturæ interpretes, quis fuerit, ille spiritus, cujus mentionem facit Moyses *Gen. 1. v. 2.* Et Spiritus DEI ferebatur super aquas. Tertullianus & Theodoretus ventum fuisse dixerunt. S. Augustinus, Basiliius, & Beda Spiritum sanctum fuisse asserunt. S. Chrysostomus per Spiritum Domini intelligit virtutem & efficaciam, quam DEus aquæ impressit, cujus impulsu illæ movebantur, & fluebant, secundum naturæ suæ inclinationem. Nititur autem fundamento sacræ scripturæ, in qua Spiritus sanctus vocatur motio, quam suo impulsu imprimit.

*Spiritus
Sanctus à
quas in
creatione
fecundat.*

Quare sic loquitur: Mihi videtur significare hoc, quod adfuerit efficax, & vitalis quædam operatio aquis, & non fuerit aqua stans & immobilis, sed mobilis & vitalem quandam vim habens. Causam dat, nam quod immobile omnino, inutile c. l. quod verò movetur, ad multa conducit. Abul. in c. 1. *Genes* putat fuisse Spiritum sanctum, qui vitalem, mobilemque virtutem dedit aquis. Voluntas, inquit & mens opificis, ferebatur super aquas, quasi mente pertractans & designans, quæcunque decreverat ex aquis facere, ad similitudinem hominis opificis. Ac proinde vult quod illud ferebatur, denotet motionem, seu in mente divini designabat id, quod mediante aqua

aquâ tanquam instrumento operari vellet, scilicet, ut homo renasceretur à peccatis mediante aquâ sanctificante, quia aquâ dederat efficaciam opererandi nostram sanctificationem. Ergo illud ferebatur super aquas, fuit effectus singularis aquæ baptismalis, apud nos Christianos. Ex quo deducunt Patres Ascetici, Christianum hominem non debere esse stabilem, sed mobilem & nunquam otiosum, sed auxilio Spiritus sancti se semper movere, continuo operari, & de virtutis unius perfectione ad aliam progredi, ut tandem salvus fiat, & salutem æternam consequatur. Ut meritò dici possit illud *Spiritus sanctus omnium viventium anima.* *Joan. 6. v. 64.* Spiritus est, qui vivificat. S. Cyprianus legit: Spiritus est omnium viventium anima. Clarius id asserit Petrus Damianus *serm. 21.* sicut anima est vita corporis, ita & vita animæ nostræ Spiritus sanctus. Ut sicut corpus animâ recedente collabatur, ita & eadem anima si Spiritus vivificator abscesserit, necesse est, ut moriatur. Hinc *Actor. 2. v. 2.* quando factus est repente de cælo sonus, tanquam advenientis Spiritûs vehementis, Apostoli acceperunt de cælo quasi novas animas, & novâ, ac cælesti inceptum vivere vitâ. Hinc novi motus, hinc cælestia desideria, hinc generosus & intrepidus animus, à Spiritu sancto vivificatus. Ecce quanta divinarum operationum fecunditas! Certè hic divinus Spiritus, qui in primâ orbis creatione aquis fecunditatem contulit ad generationem piscium, & avium, idem deindè in incarnatione filii DEI Mariam obumbrando fecundavit, ut vel ipsa fecunda fieret Virginitas. Pulchrè S. Basiliius verbum illud ferebatur, censet idem esse, quod fovebat, vel vivificabat aquas præparans illas, ad mox secuturam fecunditatem, quod idem dicit S. Hieronymus allegans textum Hebraicum, ubi ferebatur explicat incubare, & confovere ductâ similitudine à gallinâ, & volucribus quæ ovis incubant, eaque confovent, & naturali suo calore vivificant, ut sic pullos suos excludant. Quæ forte ipsa causa est, cur Spiritus sanctus, in specie columbæ avis fecundissimæ in baptismo Christi super aquas Jordanis apparuerit, ut ostenderet baptismi aquas fore suarum gratiarum fecunditate fertilissimas, quando statim in principio nascentis Ecclesiæ ad tria millia hominum baptizata sunt. Sicut ergo ex fecundatione Spiritûs sancti ab aquis prodierunt pisces & aves, ita videmus ex Sacramento baptismi homines alios emergere, qui velut cælestes volucres sese elevant, sequè auxilio sancti Spiritûs cælo inferunt, dum homines

terreni piscium instar, in hujus mundi pelago hærent, eique immorantur. Neque se tot cœlestes animæ sublevarent, nisi per gratiam Spiritûs sancti elevarentur. *Exodi 16. v. 14.* habemus, quod cum filiis Israël manna de cœlo plueret, mane ros jacuit per circuitum castrorum, cumque operuisset superficiem terræ, apparuit in similitudinem minutum: Quænam obsecro hujus rei necessitas, utrori superveniret manna, nisi ut ostenderetur per manna DEI gratiam intelligi, per rorem autem Spiritum sanctum. Manna ergo non descendebat sine rore, quia gratia DEI non descendit in cor hominis, nisi prius à Spiritu sancto præveniatur. Pulchrè Rupertus Abbas in *Exodum*. Ros qui cum manna descendit, Spiritum sanctum significat, Sicut enim ros terram calidam, & aridam refrigerat, & fecundat, ita etiam terra humani cordis à Spiritu sancto irrigata, calorem, quem concupiscentia accenderit, amittit, & ab illo foecundatur, ut novos virtutum fructus proferat. Albertus Magnus mirabilem refert Adamantum originem & generationem. Nempè in Regionibus Aquilonaribus decidunt nives, quæ post aliquos menses liquefiunt, plerumque tamen in profundis vallibus, quas radii solis non penetrant, remanent nivis inassæ, quæ paulatim a frigidissimis, siccissimisque ventis ita purgantur, ut omni humiditate, & sordibus sublatis reddantur duræ velut crystallus, rursus à supervenientibus ventis siccioribus certæ particulæ illarum massarum ita siccantur, & indurantur, ut tandem in durissimos adamantes transformentur. Videtur ad hoc alludere *Ecclesi. c. 43. v. 22.* Frigidus ventus Aquilo flabit, & gelabit crystallus ab aquis. Talis nix erant Apostoli candida quidem, dicente Christo *Joan. 13. v. 10.* Vos mundi estis, sed frigida & mollis, nam relicto eo fugerunt. *Mat. 26. v. 26.* Postquam autem Christus Dominus per gloriosam resurrectionem suam *Joan. 20. v. 22.* Insufflavit dicens: Accipite Spiritum sanctum, facti sunt velut crystallus, acceperunt jam aliquod robur, tamen fragiles adhuc erant & timidi. At ubi in Pentecoste fit de cœlo sonus, fugato omni timore durantur, in adamantes. Placuit hæc venti similitudo Regio palmographo *ps. 142. v. 11.* cum dixit: Spiritus tuus bonus deducet me in terram rectam. Causam dat Genebrardus: Quia sicut ventus impellit in cœlum. Vel ut ait S. Chrysostomus: Spiritus Domini instar venti omnes concupiscentias extinguit, & ad majora exercenda semper impellit. Hoc Spiritu impulsus David dixit

Adamantum origo.

Spiritus Sanctus ventus.

xix

xit *ps. 54. v. 7.* Quis dabit mihi pennas sicut columbæ? volabo, & requiescam. Bene S. Ambr. *l. de Virg.* monet: fume igitur alas virgo, sed Spiritus, ut supervoles vitia, si contingere cupis Christum.

De Octavio Cæsare scribit Aldus Manutius, quod iactabundè dixerit: Romam accepi lateritiam, relinquo marmoream. Verius *Augustus Romanæ* ego dixero de Spiritu sancto, quod ubi cor hominis visitat dicere *Lateritiam* possit, hominem accepi luteum, & reliqui aureum. *Apoc. 21. v. 18.* *fecit marmoream.* dicit Joannes sibi ostensam esse civitatem cœlestis Jerusalem. Ipsa verò civitas inquit aurum mundum. S. Hieronymus *in ps. 133.* dicit: Spiritus S. Vidit Joannes civitatem sanctam, quæ tota erat aurea, muros habebat aureos, aureas habebat plateas, quia in hac civitate Christus regnat. Scilicet non habitat Christus in luto, sed in auro. Unde sollicitè videndum, an corda nostra lutea sint, an aurea? Si lutea sint, igne S. Spiritus expurgentur. Quia teste S. Basilio: Quemadmodum solis radiis nubes illuminantur & splendent, sic & Spiritus sanctus, cum in cor hominis ingreditur aureum colorem & aspectum inducit. Et hinc putat Laminez. *Conc. 4. Dom. post Ascens.* quod *Cur Pentecostes ante festum Corporis Christi.* Ecclesia prius celebret festum Pentecostes, quam Corporis Christi, ut scilicet anima per spiritum sanctum ad Eucharistiam bene præparetur. Consueverunt olim Judæi in vespere diei Lunæ decimæ quartæ cujuslibet mensis Martii omnes domos scrutari, & si panem fermentatum invenerunt, illum abjecerunt, gravis enim abominatio fuit agnum cum fermentato comedere. Dum sacra Eucharistia sumitur, agnus novæ legis comeditur, quem oportet manducare in azymis sinceritatis & veritatis, non veteris nequitie. Sancta igitur Ecclesia sicut olim synagoga, non in lucernis ardentibus, sed in illuminatione Spiritus sancti, priusquam festum Corporis Christi faciat, omnes angulos cordis vult visitari, & si fermentum adsit veteris malitiæ, illud abiciamus. Sic ad excipiendum Christum præparandus erat senex Simeon, qui *Luc. 2. v. 25.* magnoperè laudatur. Ecce homo erat in Jerusalem, cui nomen Simeon, & homo ille iustus, & timoratus expectans consolationem Israël. Præcipua tamen laudis ratio consistit in eo: Et Spiritus sanctus erat in eo. Ut ulnis suis exciperet Jesum Simeon, Spiritus sanctus illum præparavit, dicente Bartholomæo Pisano: Jesum in ulnas accepit Simeon, eo quod Spiritus S. purgaverit eum. Quare si & nos Christum ulnis cordis excipere volumus, prius à Spiritu sancto sumus expurgandi.

*Spiritus
Sanctus
columba
candida
castitatem
amat.*

Venit Spiritus sanctus in formâ columbæ candidissimæ *Joan. 1. v. 32.* Vidi Spiritum descendentem quasi columbâ de cœlo. De columbâ, quam Noë ex arca emisit, habemus, quod cum aquæ inundarent cadaveribus hominum, & animalium, illa tamen nulli cadaveri infederit, sed cum non haberet, ubi pes ejus requiesceret, reversa sit in arcam; ita planè Spiritus Sanctus columba est candidissima, quæ non infidet cadaveribus, id est, hominibus carni deditis. Sic in formâ columbæ infedit capiti S. Catharinæ Senensis, quæ sicut virgo erat castissima, ita pulcherrimo candore virginalis suæ pudicitiae, Spiritum sanctum nycam hanc columbam de cœlo traxit, ut super eam conquiesceret. Bene observat S. Ambr. *l. 6. de arca, & Noë.* Columbas aquis non insidere, neque natâre. Hinc *Gen. 8. v. 11.* quando Noë emisit columbam, & illa retulisset ore viridem ramum olivæ, intellexit is, aquas diluvii decrevisse. Verba sacri textus sunt *v. 11.* venit ad eum columba portans ramum olivæ virentibus foliis in ore suo. Intellexit ergo Noë, quod cessassent aquæ super terram. Ergo particula est illativa, illius nimirum consequentiæ, columbæ se aquis non immergunt, ergo cum columbarum ferat, aquæ decreverunt, quia ramum non accepisset, nisi imminutis aquis arbores frondosæ prosterent. Occurrit hic quod Alcuinus observat *Gen. 3. v. 17.* verba illa: qui comedisti de ligno. ex quo præceperam tibi, ne comederes, maledicta terra in opere tuo, & gratiose quærit, cur DEus non maledixerit aquis? Si dicas inquit ille, aquam non peccasse, cui tamen maledixit DEus. Respondet dicens: Terræ maledicatur non aquis, quia homo de fructu terræ contra mandatum manducavit, non de aquis bibit, & in aquis erat peccatum abluendum, de fructu terræ contractum. Et ideo quia per aquam futura erat emundatio & depuratio nostra, exclamat Tertullianus *contrâ Quintilianum.* Nunquam sine aquâ Christus. In aquâ Christus manifestatur à Patre, hic est Filius meus dilectus. *Matt. 3. v. 17.* In aqua Christus primum se manifestavit, & fecit miraculum. *Joan. 2. v. 7.* quando in nuptiis in Canâ Galilæa aquam convertit in vinum. Ad fontem convertit Samaritanam. *Joan. 4. v. 6.* super aquas ambulavit. *Matt. 14. v. 25.* In aquis navigans tempestates sedavit. *Matt. 8. v. 26.* In aquâ denique quæ fluxit ex latere, vitam & passionem suam clausit. Ecce quanta cura puritatis & munditiæ! Hinc non immeritò Spiritus Sanctus custos virginum dicitur, quas immortalis sponsus Christo maritat. Et certè licet

*Aquis
DEUS
non maledixit licet
terra.*

*Spiritus S.
Sponsus
virginum.*

licet omnis anima iusti, possit esse, & dici sponsa Christi, speciali tamen ratione id virginibus datur, ut nominentur & sint sponsæ Christi. Et hoc ideo, quia à virginitate pulchræ sunt, atque amabiles & simul etiam per hoc ad sponsi ipsius naturam, geniumque accedunt. à Joële dicitur Christus vir pubertatis: Septuaginta legunt vir virgineus; à S. Hieronymo vocatur sponsus virginalis. S. Epiphanius sponsum incorruptæ nominat. S. Ambrosius exclamat; DEI sapientia, DEI sanctitas. DEI castitas. Quid ergo mirum si virgines amet, si eas in sponsas assumat. Sic assumpsit S. Catharinam virginem, etiam inserto in digitum sponsali annulo, in signum castissimi amoris, cui sicut pulchra est casta generatio virtutum, sic eidem pariter pretiosa sit, & amabilis. Et certè quid nō sit amabilis? Et quidem vel ex eo, quia Gulielmus Parisiensis virgines propter similitudinem, quam habent cum DEO, eas singulariter ab eodem dicit adamari. Sine ulla periphrasi Joannes Climacus tract. 1. dicit, quòd virginitas sit similitudo DEI, & S. Basilii de vera virgin. Virginitas inquit hominem DEO incorruptibili simillimum facit. Jam verò si juxta Ciceronem l. 1. offici. similitudo morum, amoris, & amicitiae est principium; Necessè est virgines DEO simillimas, maximam cum eodem habere amicitiam. Nihil amabilius, nec copulativius inquit Cicero, quam morum similitudo bonorum, in quibus enim eadem studia sunt, eadem sunt voluntates, ut æque quisque altero delectetur, ac seipso. Et hinc claritatem quasi divinam participant. Certè Angelicam claritatem tribuit illis S. Chrysologus serm. 143. In carne inquit præter carnem vivere, non terrena vita est, sed cœlestis. Et si vultis scire angelicam gloriam acquirere majus est, quam habere. Esse enim angelum felicitatis est, virginem esse est virtutis. Pulchrè S. Hieronymus ad Mauritiū filiam scribens, dum eam DEI filiam, divinæ nativitatis nobilitate decoratam asserit, hortatur, ut ipsius divinæ ingentitate clarescat. An non enim S. Catharinæ V. & M. facies cœlesti luce illustrari visa est ab ipsis carceris custodibus, & ab ipsa Imperatrice Tyranni conjuge, quæ vel hoc cœlesti fulgore fidei lucem animo hausit, & se Christianam confessa est? Casta fuit S. Cæcilia, & ideo illius oculi, frons, facies totūmq; corpus à Valeriano collucere visum. Casta fuit S. Agatha, cujus carcer ipse, à cœlesti lumine resplendere visus est, emanante luce ex ipsius Agathæ radiosâ facie. Casta fuit S. Walburgis, cujus faciem solis instar radiare, non sine amabili stupore spectantium conspexere plurimi.

Virgines
Sponsæ
Christi.

Christus
amat vir-
gines.

S. Catha-
rina vir-
go Christo
d. sponsa-
tur.

Virgini-
tas est si-
militudo
DEI.

S. Catha-
rina à ca-
stitate ra-
diosa.

Castitas
cœlesti
splendore
ornat.

*Virgines
ipsis astris
sunt amabi-
les.*

*Virgines
margaritæ
sunt.*

*Castitas
propria est
S. Spiritus
operatio.*

*Spiritus
Sanctus
est Spiritus
charita-
tis.*

rimi. Ut credam vel ipsas virgines sidera agnoscere, & velut affinia sibi lumina venerari & amare. Non malè virginitas componitur cum margaritâ, cuius uti ait Plinius l. 9. c. 35. Dos omnis est à candore, si quæras unde ille candor oriatur? Dicam ab influxu puri roris cœlestis. Si purus ros inquit Plinius influxerit, candor concipitur. Virginitatis, quæ cœli est margarita, dos omnis est à candore. Si petas unde hic niveus candor oriatur? Dicam à puriore utique sanctissimi Spiritus, ejusque gratiæ cœlesti rore. Cujus suavissimus candor tantam parit amabilitatem, ut magnetis instar trahat, & trahatur. Trahat, inquam non ferrum sed DEum, trahatur non ad frigidum septentrionem, sed ad meridiem, ubi sponsus cubat. Merito exclamat Tertull. l. de cultu fam. c. 8. Ubi DEus, ibi pudicitia, & ubi pudicitia ibi DEus, dicam ego ibi spiritus sanctus. Licet autem Sanctissimæ Trinitatis opera ad extra sint indivisa, tamen virginitas magis spiritui sancto, quam alteri ex tribus personis competit: cum enim hujus virtutis excellentia, omnes alias perfectiones superet, noluit eam DEUS præcipere, sed solum consulere dicens: Qui potest capere, capiat. Et ideo etiam S. Paulus. 1. ad Cor. 7. v. 25. dicit de virginibus præceptum non habeo, consilium autem do. Sicut ergo Verbo divino competunt ea, quæ spectant ad rationem cognitionis, sic spiritui sancto tribuuntur ea, quæ sunt amoris, qualiter excessus legis censeri debet, qui necessario fit per spiritum sanctum ab impulsu excessivo amoris. Hic enim spiritus seminator est casti consilii, & virgines velut sponsas Christi, quarum Tutor & custos est, eidem castissime desponsat, atque velaminis loco, cœlestis gratiæ suæ copiâ obumbrat. Quemadmodum fecit in Maria, cui velaminis loco, fuit obumbratio spiritus sancti, dicente cœlesti paranymphe Angelo: Virtus altissimi obumbrabit tibi.

Venit Spiritus sanctus in formâ columbæ, quæ fel non habet. Ita enim S. Augustinus tract. 7. in Ep. Joan. In columbæ specie Spiritus Sanctus venit, quo nobis charitas infunditur. Causam hujus aliam non assignat, nisi quia hæc columba fel non habet. Est enim Spiritus amoris & charitatis; Et signum inhabitantis Spiritus Sancti in cordibus nostris est charitas. Hinc quando Christus promisit se missurum Spiritum Sanctum, causam dedit, ut nos faciat unum, adeoque quando abiit ex mundo, tam instantè Patrem rogavit: Pater sancte serva eos in nomine tuo, ut sint unum, sicut & nos. Ex quâ unione quid aliud

aliud colligamus, quam notam hanc esse discipulorum Christi, & characterem Spiritus sancti, quo eos distinguit, quos suâ gratiâ obumbrat, si nimirum dilectionem habuerimus ad invicem. Unde Paulus ad *Philip. 2. v. 1.* si qua societas Spiritus est, quasi diceret si invicem estis socii, amici, fratres, concordēs, unanimēs & charitate pleni. Abraham certē ut jurgia tollerēt pestem fraterni amoris, ob pastores illorum: Ne sit inquit jurgium inter me & te, fratres enim sumus. Rectē S. August. *serm. 25.* Melior est affinitate sanguinis, Christi fraternitas. Quoniam illa sibi interdum inimica est, Christi autem fraternitas sine intermissione est pacifica. Hinc Frater, quod Frater fecit alter, Festus & Aulus Gellius observant, idē est ac ferē alter, ut scilicet alter in altero vivat. Quod Plutarchus l. de fraterno amore expendit. Fraternali inquit amoris, consuetudinis & usus, exempla natura non longē à conspectu nostro removet. Fecit videlicet in ipso corpore pleaque duplicia, germana & gemella; manus, pedes, oculos, aures, nares; per hoc significans, omnia hæc salutis & auxilii causā, non dissidii vel pugnæ esse divisa, unde sicut manus manum fricat, ita frater qui adjuvatur à fratre. Et hoc est quod *Prov. 18. v. 19.* dicitur, quod sit civitas quasi firma. Ut propterea Paulus ad *Eph. 4. v. 3.* moneat, solliciti servare unitatem Spiritus in vinculo pacis; & statim subdit: unum corpus, & unus Spiritus, ac si diceret; si unum corpus estis, nimirum si vos invicem diligitis, id totum Spiritus sanctus operatur. *Ezech. 37. v. 17.* vidit Propheta campum plenum ossibus, quæ sic allocutus est: ossa arida audite verbum Domini, intromittam in vos spiritum, & vivetis. Factus est sonitus, & ecce commotio, & accesserunt ossa ad ossa, unumquodque ad juncturam suam, & ingressus est in ea Spiritus, & vixerunt, steteruntque super pedes suos exercitus nimis grandis valdē. S. August. *serm. 2. ad fratres.* ait: Spiritus humanus sicut nunquam vivificat membra, nisi fuerint unita, sic Spiritus sanctus, nunquam nos vivificabit, nisi pace uniti fuerimus. Concordat S. Bernard. *serm. 1. de S. Michaele.* Videre est animam hominis, quemadmodum universa membra corporis vivificat, sed sibi cohærentia. Separa ergo quodvis à juncturâ cæterorum, & vide, an de cætero vivificet illud. Sic omnis qui ab unitate dividitur, non dubitas, quin ab illo recesserit Spiritus sanctus, & Spiritus vitæ. Audite ergo ossa arida & sicca, quæ inter cineres vestros alitis, & fovetis odia, ossa estis mortua, Spiritus enim

nim vitæ, spiritus amoris, spiritus unionis, denique Spiritus sanctus
 recessit à vobis. Si vultis ut Spiritus sanctus vos rursus vivificet, re-
 dicit ad juncturam & concordiam, & bonus JESUS intromittet in vos
 Spiritum sanctum & vivetis. Graviter proinde concludit S. Basilius
Ep. 79. Hinc certè probatur, quam non ducantur Spiritu sancto, qui
 falsas inter se suspiciones alunt, quos S. Judas in *Ep. Catholica v. 19.*
 animales & spiritum non habentes vocat. In quem locum Hugo *lib.*
de arca Noë. Ut anima sit capax cœlestis gratiæ, præparet se in pace
 & tranquillitate. Quia non sine causâ David *ps. 75. v. 3.* de Christo
 dixit: In pace factus est locus ejus, quia non habitat in cordibus,
 quæ non habent pacem aut diligunt proximum suum. Causam reddit
 S. Hilarius in *S. Mat. c. 18.* ipse enim qui pax, atque charitas est, se-
 dem in bonis, ac pacificis voluntatibus collocavit. Propter quod
 2. *Petr. 3. v. 14.* studiosè nos hortatur dicens: Propter quod cha-
 rissimi, hæc expectantes satagite, immaculati & inviolati inveniri
 in pace. Quod considerans Tertull. *l. de spectac. c. 15.* monet: DEUS
 præcipit nos Spiritum sanctum pro naturæ suæ bono tenerum, & de-
 licatum, DEUM videlicet amoris cum tranquillitate, & lenitate, cum
 quiete & pace tractare, non cum furore & bile, non cum irâ aut do-
 lore inquietare. Ubi ergo charitas, ibi Spiritus sanctus. Ut pro-
 inde si quæram, quod Paulus suos Ephesios, si Spiritum sanctum ac-
 cepistis? id scire omnino possitis, si sit in vobis cor unum, & anima
 una. Quia bene idem S. Apostolus *ad Rom. 5. v. 5.* Charitas Dei dif-
 fusa est in cordibus nostris per Spiritum sanctum, qui datus est no-
 bis. Hic enim Spiritus unit, & conjungit. Et ideo hanc unionem
 inter Davidem & Jonatham mirè deprædicat Aëlredus *de amic. Spirit.*
c. 3. dum exclamat: Opulcherrimum veræ dilectionis speculum!
 Et Lyranus in 2. *Reg. c. 1.* verba illa: Doleo super te frater mi Jo-
 natha, super amorem mulierum sic exponit. David volens ostende-
 re vehementiam & sinceritatem amoris, hanc adducit similitudinem.
 Tanta est enim affectio viri in mulierem, ut dicatur, relinquet homo
 patrem & matrem, & adhærebit uxori suæ. Sicut ergo conjunctio
 matrimonii efficit unam carnem, ita etiam qui sincere amant, co-
 rum animas unit affectio. Sed adhuc magis diligebatur David à Jo-
 natha, quia diligebat eum sicut animam suam. Anima quippe Jona-
 thæ conglutinata est animæ David. Bene proinde S. Greg. Naz. *O-*
rat. 16. Pulchra res est fraternus amor, cujus rei testem habemus
 Chri-

Ubi Cha-
 ritas, ibi
 Spiritus
 sanctus.

Christum qui non modo frater noster vocari, sed etiam salutis nostræ causâ mori dignatus est. Præclare S. Chrysostomus *hom. 72. in Ep. ad Rom.* Ex hoc potissimum DEO gloria accedit, quod in unum complicemur & conjungimur, ideoque per charitatem, quam Christus *Joan. 17. v. 2.* dicit se dedisse discipulis, intelligit Maldonatus mortem illius, per quam nobis Spiritus sanctus datus est. Pulchrè *Levit. 4. v. 7.* jubentur sacerdotes intingere digitum suum in sanguinem vituli, coque septies aspergere tabernaculum & velum. Tolle sacerdos de sanguine vituli, & asperget digito septies contra propitiatorium. Et paulo post: immolatoque vitulo in conspectu Domini inferet sacerdos, qui unctus est de sanguine ejus in tabernaculum testimonii aspergens contra velum. Abbas Rupertus *1. in Levit.* intelligit per digitum Spiritum sanctum, sic enim ab Ecclesia vocatur Dexteræ DEI tu digitus. Per sanguinem vituli, intelligit sanguinem Christi, per numerum septennarium, septiformem gratiam Spiritûs sancti, qui datus est mundo, per passionem & mortem Christi. Verba sunt Ruperti: digitum in sanguinem intingere est, Spiritum sanctum per sanguinem suum dare, nam digitus DEI dicitur Spiritus sanctus. Quod ipsum *l. 2. in Mat. c. 27.* repetit dicens. Ut quid vitulus iste immolatus, Quid sanguis Christi est fusus? nisi Spiritum sanctum, qui in eo septiformi plenitudine requiescit, in remissionem peccatorum acciperemus. Advertendum autem est, quod *Spiritus* *Act. 2. v. 2.* dicitur: factus est repente de cælo sonus tanquam advenientis Spiritus vehementis; non enim otiosè videtur Spiritus sanctus venisse in vento valido. Hærent subinde naves in portu, rebus quidem omnibus instructæ, & in longissimum iter paratæ, exire tamen ex portu nequeunt, donec secundus ventus aspiet. Momento ipso quo ventus propitius incipit aspirare, elevantur anchoræ, attrahuntur rudentes, expanduntur vela, impelluntur remi, & naves quasi volant in pelagus. An non instar navium in portu hærebant Apostoli Hierosolymis in cænaculo, & ad illud iter se parabant? de quo *Marc. 16. v. 15.* Christus: Ite in universum mundum, prædicate Evangelium omni Creaturæ, sed quia nondum aspirabat necessarius ventus, perseverarunt unanimiter in oratione suspirantes cum sponsa *Cant. 4. v. 16.* Veni Auster & persa hortum meum. Qui ventus cum validus sit, per illum S. Bern: Spiritum sanctum intelligit. Hinc ubi in die Pentecostes circa sextam factus est repente de

cœlo sonus tanquam advenientis Spiritus vehementis, in quo Spiritus sanctus supra Apostolos descendit, subito Apostoli aperuerunt portas cœnaculi, & veluti ex portu soluentes explicuerunt vela divinæ prædicationis, ut verificaretur illud *ps. 18. v. 5.* In omnem terram exivit sonus eorum. De causis ventorum disputant Philosophi. David *ps. 134. v. 7.* in divinis thesauris eos reponit. Qui producit ventos de thesauris suis, adeoque effectus illius videmus, & experimur, causam tamen ignoramus, & nescimus. Est enim verò ventus celerrimus. Quid autem celerius Spiritus sancti gratia? Ambulat super pennas ventorum inquit David *ps. 103. v. 3.* Quia ut inquit S. Augustinus in hunc locum, velociter currit sermo ejus, cito implens quidquid vult. Et S. Ambr. ait nescit tarda molimina Spiritus sancti gratia. Unde enim tam miræ fierent conversiones, nisi à vento S. Spiritus, & illius gratia speciali impelleremur. Abbas quidam zelosus ut latronem insignem converteret optimis se vestibus induit, atque equum conscendit, sicque ad viam à latronibus infestam perrexit. Non diu indagandi erant prædones, obvii captum hospitem ad Principem suum abducunt. In cujus conspectum ubi venit Abbas, quæsit, quid velint, & cujus causa se captivum Principi sistant. Latro dixit, se equum, & vestes illius velle. Bene respondit Abbas: Hæc mihi DEus cujus sunt omnia dedit, & ego illis multis annis usus sum, par est ut etiam tu illis utaris. Sed illud libenter scirem, quomodo tu veste mea usus sis? Risit Latro, dicens: vendam; & hinc me & meos alam. Suspirans Abbas reposuit, si de cibo & veste agitur, mecum veni, dabo tibi, quidquid necessarium fuerit. Respondit latro se sabis non esse assuetum. Promittit Abbas mensam liberalem, carnem nimirum & pisces cum omni securitate. Quæ omnia, ubi sibi tam candidè promitti vidisset, pergit cum Abbate. Hic Abbas illi religiosum addidit, qui servi loco illi famulatus est. Tractavit illum laute; Religiosus vero illi comedenti semper humi assidebat, modicum panis, & parum aquæ habens, quo fruebatur; ubi hoc vidit latro, quærit ex monacho, quid peccasset, quod tam duram vitam agat. Nihil reponit Monachus, me scio graviter peccasse sed pœnitentiam ago, ut DEum mihi in morte propitium habeam. Vulneravit hoc verbum cor latronis, dixitque: vae mihi tot sceleribus onusto, & statim lachrymans ad Abbatem cucurrit, ejusque pedibus advolutus, peccata sua confessus,

scriam

*Spiritus
sancti gra-
tia non
ardet.*

*Abbas la-
tronem mi-
rabili-
ter
convertit.*

seriam pœnitentiam egit. Quam vehemens fuit hic Spiritus, qui hominem peccatorum limo infixum, tam facile in cœlum impulit. Solent aliqua præsidia sic munita habere ostia, ut non nisi per funem, quo attrahuntur, ostium attingere, & penetrare possint. Cœlum est turris fortissima, præsidium est inexpugnabile, cujus ostium est à terrenis planè sublevatum; neque illud sine consensu filii DEI quisquam potest intrare dicente *S. Joan. c. 6. v. 44.* Nemo potest venire ad me, nisi Pater meus traxerit illum. Hæc tractio fit per gratiam Spiritus sancti, cujus virtute trahitur homo ad superna. Sicut enim ventus sursum trahit paleas & pulveres, ita etiam Spiritus sanctus missus à Patre rapit peccatores, ut sic elevati intrent cœleste ostium. In magnifico illo Salomonis templo etiam quatuor portæ fuerint, illa tamen quæ Orientalis dicebatur, fuit celeberrima. In cœlum portæ dicuntur patere duodecim. Una tamen porta antonomasticè dicenda est, ipso Christo teste, qui dicit. Ego sum ostium, qui quia *Zach. 6. v. 12.* dicitur vir oriens, merito porta orientalis dici potest. Hoc verò mirabile, quòd Christus illos tantum Pastores nominet, qui intrant per ostium, cum etiam fures & latrones per ostium intrare possint. Ego hic ostium materialiter sumi non putem, est enim ostium unus Christus, per quem Pastores à latronibus discernuntur. Sic *S. August. tract. 45.* Christus ostium est, per quod legitimi Pastores intrare debent. Ostiarius verò per hanc portam intranti est Spiritus sanctus, qui dona sua confert ei, qui per Christum intrat credens in eum.

Mirabilis visio fuit objecta Prophetæ *Ezech. c. 1.* vidit enim turbinem, quem secuta est atra nubes, in cujus medio vidit currum gloriæ DEI, qui à quatuor animalibus trahebatur, vel potius à quatuor alatis juvenibus ducebatur, quorum quisque ante se faciem habebat hominis. ad dextrum verò latus faciem leonis, à sinistra, faciem bovis, & desuper faciem aquilæ. Præterea quisvis fuit instructus alis, quarum duabus texerunt femora, aliis duabus volabant. Supra currum regale spectabatur solium, in quo consedit homo igneus & lucidus, circumdatus Iride. Multa in hoc mysterio curiosè indaganda essent. Ego in Iride Sanctissimam Trinitatem veneror, de qua *S. Basil. Ep. 43. ad S. Greg. Nyss.* Hæc inquit ut una est & tricolor, viridis nimirum, cœrulea, & purpurea; Sic DEus unus est in essentia, & trinus in personis. Purpureum velut alii igneum viderunt DEum illi, qui mon-

Gratia Spiritus S. funis est, quo ad cœlum trahimur.

S. Trinitas in Iride representata.

tem Sinai fumantem, flammæumque viderunt, qui rubi ardentis meminerunt, qui denique fulminantem DEum æternæ damnationis fatali icû experti sunt. Sed etiam rubrum vidit *Isaias c. 63. v. 2.* quare rubrum est indumentum tuum? Hunc purpuratum vidimus in monte oliveti, in Prætorio Pilati, denique in ipsâ cruce totum sanguine perfusum. Viridem vidit S. Joan. in *Apoc. c. 4. v. 3.* hic scilicet color spiritum sanctum notat, qui sicut consolator noster est, ita ejus præsentia recreatur anima, non minus ac virore oculi nostri delectantur.

*Spiritus
Sanctus a-
moris ve-
rus Magi-
ster.*

Quid enim non fiduciæ ab eo sperare debemus, quem charitatis & amoris Magistrum accepimus. Certè S. Gregorius in *Ezech.* dum adventum sancti spiritus in igne contemplatur, exclamat: Ignis in terram mittitur, cum per ardorem sancti spiritus afflata terræ mens, à carnalibus suis desideriis crematur, spiritualique amore succenditur. Alludit nimirum S. Gregorius ad verba illa Christi *Luc. 12. v. 49.* Ignem veni mittere in terram, & quid volo, nisi ut accendatur. Quidam hanc sancti spiritus operationem hac historica relatione expli-

*Urbs à co-
lumbis in-
cinerata.*

cat. Principissæ alicui in Russia rebellavit urbs, quam cum videret, se armis, & vi non posse subjugare, conversa ad dolum, de urbe rebel- li crudelem sumpsit vindictam. Obtulit civibus omnem libertatem, hac tamen conditione, ut quævis familia ad se mitteret certum num- rum columbarum; missæ sunt ergo quàm plurimæ. Ipsa verò Du- cissa paratos pyrobolos columbarum alis alligari curavit, cum qui- bus ad sua columbaria revolantes plurimis in partibus testæ ædium succenderunt, & sic inter paucas horas urbs tota conflagravit. Simi- le quid meliori effectu operatus est divinus amor. Rebellaverunt, adversus DEum peccatores, imò verò obduraverunt faciem suam & noluerunt reverti. Descendit filius DEI de cælis, factus est homo, passus & mortuus est, sed quia neque suo sanguine dura corda rebel- lum emollire potuit, misit igneam columbam, spiritum sanctum, qui suis ignibus primum accendit Apostolos, ipsi vero velut ignitæ colum- bæ totum mundum pervolitantes, sparserunt in universo mundo i- gnes divini amoris. Benè autem adverti debet spiritum sanctum non absolute descendisse in forma ignis, sed illum ignem arsisse in formam linguarum, ut sciamus circa linguas fore operationem spiritus sancti, ita ut aliqui putent, illas linguas igneas penetrâsse ora Apostolorum, ut visi fuerint, quasi ardere. Quare merito cum S. Gregorio dico, ut igneæ linguæ igneam legem loquerentur, Adeoque *Act. 2. v. 4.* dicitur,

*Spiritus
sanctus in
forma i-
gnearum
linguarum.*

dicitur, cæperunt loqui, prout Spiritus Sanctus dabat eloqui illis. Certè *Iſa. 6. v. 7.* debuit lingua *Iſaie* purificari per Seraphinum. Et carbo ille Seraphicus fuit illius ignis, quo spiritus sanctus purificat linguas nostras. Quærunt autem aliqui, cur spiritus sanctus in linguis igneis & quidem hora nona descenderit? Quod enim in linguis igneis venerit spiritus sanctus, clarum id est ex verbis *Act. 2. v. 3.* Et apparuerunt illis linguæ dispertitæ tanquam ignis. Hoc autem ipsum factum esse horâ nonâ colligitur ex eo, quod Petrus omnem suspici- nem ebrietas à se, suisque focis avertere volens dixerit, nondum esse horam diei tertiam, quæ apud nos est hora nona, qua crucifixus è- tiam fuit Christus. Horâ ergo nonâ, qua atrocissimum facinus est commissum, descendit spiritus sanctus in specie ignearum linguarum, ut amorem, quo ardebat, tali figura loqueretur. Velut iisdem lin- guis, & ardentissimis vocibus dicere voluerit, se paratum venire, ut illo igne consumat Judæorum alioquin inexpiabile scelus, & ab omni noxâ, quam maledicentissimis suis linguis illâ ipsâ horâ con- traxerunt, liberos pronuntiare, si tantum se peccâsse, doerent, & pessimum facinus verâ cordis pœnitundine damnarent. Quam bene ignis iste in forma linguarum obtusus descendit, ne creda- mus aculeari in fulmina, amor enim fulminare nescit, sed blan- diri, & oscula parare charitatis, ut eum Paracletum sciamus, & Consolatorem. Hinc cum olim vellet DEus conspirantes in malum confundere homines *Gen. 11. v. 7.* inquit textus: Divisit eos Do- minus ex loco illo, per diversitatem linguarum, ubi verò DEus mi- sit Spiritum sanctum super Apollolos, sic eos in diversitate lingua- rum univit, ut fieret ex multis cor unum, & anima una. Quare& dum in actis Apostolicis dicitur, cæperunt loqui variis linguis, statim ap- ponitur: Multitudinis autem credentium erat cor unum, & anima una. Pulchrè S. Chrysostomus *orat. in Pentec.* Cum olim homines superbia clati turrim extruere voluerint, quæ ad cælum usque per- tingeret, & injectâ divisione linguarum pravam illorum cotionem dissipavit DEus; idcirco jam quoque in spiritu ignearum linguarum ad eos evolat Spiritus sanctus, ut per illum orbem terrarum divisum, conjungat. Discamus ergo ex hoc articulo fidei igneas habere lin- guas, id est, charitate plenas, quæ nos in concordia & fidei cha- ritate conservent, conemurque per veram cum DEO & proximo unionem, sic in anima nostra tueri Spiritum sanctum, ne unquam illum

*Christianus
fidem ne-
gans perdit
Spiritus
sanctum.*

illum per diffensionem , aut peccatum deperdamus. Expertus est hoc Christianus ille , qui perdit Saraceni hominis filiam adamaverat , sed parens in idolo consulvit dæmonem , an filiam Christiano homini dare deberet ? negavit diabolus , nisi prius fidem ejuraret Christianus , & Christum desereret. Quod amore filię turpissimè excecatus fecit Christianus , & ecce Spiritus sanctus in specie columbæ , ex ore abnegantis fidem egressus est , & visibiliter circumvolitavit. Consultus rursus dæmon dixit , hoc ideo fieri , quia Spiritus sanctus redire paratus esset. Quare cogat Christianum ad jurandum , quod non velit pœnitere de fidei factâ abnegatione. Et ecce ubi juravit , columba se in altum levavit , nec amplius visa est. At verò postquam insanis suis amoribus potitus , imò verò lassatus fuit , ad se reversus facti pœnitens ingemuit , & magno cum dolore sua peccata confessus , jussus est in solitudine tamdiu pœnitere , usque dum rursus visibiliter Spiritus sanctus in formâ columbæ rediit. Quoties nos peccamus , Spiritum sanctum perdimus , sed dum confitemur peccata nostra , eundem rursus recipimus. Felix , imò felicissimus est ille , qui Spiritum sanctum nunquam à se dimisit.



ARTI-

ARTICULUS IX.

Sanctam Ecclesiam Catholicam ; San-
ctorum Communionem.

DISCURSUS XXXI.

Datur Ecclesia , quæ veram Fidem
proficitur.

Certum est , & indubitatum quod in mundo sit aliquis verus cultus DEI , qui post abrogatam legem Mosaicam , & veteris testamenti antiquatas cæremonias , à Christo institutus , & Apostolis traditus , atque ad nostra tempora traductus est , adeoque vera est hæc illatio. Ergo datur vera Ecclesia , in qua vera de DEO fides docetur , & habetur. Cum Christus clarè dixerit *Matth. 16. v. 18.* super hanc petram ædificabo Ecclesiam meam , & portæ inferi non prævalebunt adversus eam. Cui proinde suam assistentiam promisit. *Mat. 28. v. 30.* Etenim Ego vobiscum sum omnibus diebus , usque ad consummationem sæculi. Notandum verò est , quod hoc nomen Ecclesiæ diversimodè accipitur ; aliquando enim sumitur pro templo & quodam loco , in quo fideles congregantur ad orandum & laudandum DEum , quo sensu accipit scriptura *Judith. 6. v. 21.* ubi cum Achior in Bethulia retulisset omnia , quæ locutus is fuit ad Holofernem , & Ozias suscepisset in domum suam , expletoque jejunio se refecissent , inquit sacer textus : Convocatus est omnis populus , & per totam noctem intra Ecclesiam oraverunt , petentes auxilium à DEO Israël. Aliquando accipitur Ecclesia magis latè : pro multitudine fidelium in certâ Provinciâ , Regno , aut certâ

Datur vera Ecclesia , in qua vera fides habetur & docetur.

Ecclesia diversimodè accipitur.

R r r

parte

parte orbis : quo sensu locutus est S. Paulus *ad Rom. 5. v. 16.* Quando dixit salutant vos omnes Ecclesiæ Christi, utique quæ erant in Asia, unde hanc epistolam ad Romanos scripsisse putatur. Aliquando in amplissimâ latitudine significat cœtum omnium ubique existentium, & veram de DEO doctrinam, atque rectum Sacramentorum usum profitentiũ, in quâ latitudine sumpsit S. Paulus *1. ad Cor. 10. v. 17.* dicens : quoniam unus panis, unum corpus multi sumus omnes, qui de uno pane participamus. In quæ verba S. Anselmus. Sicut unus panis ex multis granis, & unum corpus ex multis in membris componitur, sic Ecclesia Christi, ex multis fidelibus charitate copulante connectitur. Certè in Canticis laudaturus sponsus dilectam sponsum suam, eam à pulchritudine commendat, cujus genas cum fragmine mali punici comparat, ut nimirum in aperto fragmine grana purpurea intuentium oculis statim subiciantur, quia præcipuum, quod in ea est, laudat, nempe charitatem, quam symbolicè malogranatum repræsentat. Et hinc Christus Ecclesiam suam comparavit, hortu paradyfi. *Cant. 4. v. 3.* Emissiones tuæ paradyfus malorum puni-
corum. Ubi emissiones vocat propagines arborum, quæ ex terræ velut magnæ matris sinu, quasi emitti videntur. Adeoque juxta interpretes sensus est, quod emissiones & propagines Sanctorum, sint variis virtutibus illustres animæ, præcipuè SS. Apostolorum, quorum nomen, ut ait Philo hebræus, missionem significat, quæ cum reliquis Sanctorum ordinibus, efficiunt hortum amœnissimum, seu paradysum, ex fructiferis malogranatis constitutum. Cur verò Ecclesiæ perfectionem & ornatum malogranatis assimilaverit, ratio alia non est, quam quod tota Ecclesiæ pulchritudo ex ejusdem singulari charitate habeatur. Unde vel ipsa divina Sapiencia in hac ipsa totius universi concordia harmoniâ gloriatur. *Ecclesi. 24. v. 24.* Ego mater pulchræ dilectionis, quia in omnibus creaturis, quæ à divinâ Sapienciâ gubernantur, & in suos fines ordinantur, pulchra quædam relucet dilectio, & ordinatissima charitas etiam in his ipsis, in quibus aliàs naturalis est oppositio. Sic licet cœlum oppositos habeat motus, ab Oriente in occidentem, & ab Occidente in orientem, id tamen cum tali fit harmoniâ, ut in illâ disparitate mira resplendeat uniformitas, ut vel ideo quidam sapienter dixerit, cœlum innato moveri amore. Quid dicam de elementis, quæ licet oppositas habeant qualitates, tamen illa divinæ sapientiæ sic collocavit, ut non solum

*Ecclesiæ
pulchritu-
do est ab u-
nitate.*

lum inter se non dissideant, verum etiam in bonum universi, mirè inter se cohæcant. Quæ si in orbis univèrsi machinâ adeo manifestè relucet, quanto magis in Ecclesiâ DEI resplendebunt, quam vel ideò super fraternâ charitate fundavit; ut S. Chrysostomus super illud *Mat. 4. v. 18.* vidit duos fratres &c. dicat: Ideo super fraternitatem Charitatis Ecclesiæ composuit fundamenta, ut radicibus charitatis exuberans, quasi humor ascendat in ramos, ut per naturam, & gratiam, ipsa charitas firmior habeatur. Fuerunt hi duo Apostoli fundamentum Ecclesiæ, qui deinde suo sanguine hanc Ecclesiæ basin stabiliverunt. Ut quod de Roma Lucanus Poëta dixit. Fraterno primi maduerunt sanguine muri; Idem de his primis Ecclesiæ fundamentis dici possit, qui suo martyrio Ecclesiam exornaverunt. Planè ejusdem est opinionis S. Thomas in *Mat.* dicens binos elegit, quia voluit, ut per hoc significaretur charitas spiritualis. Quia ut bene advertit S. Greg. *hom. 17. in Evang.* Charitas minus, quam inter duos haberi non potest. Olim fundaturus DEUS Synagogam ejusdem fundamenta in duobus fratribus, Moyse scilicet, & Aarone constituit. Præclare S. Ambr. *l. 1. de Joseph.* Jungat liberos æqualis gratia, quos junxit æqualis natura. Observavit hanc divinæ fabricæ structuram S. Chrysostomus in duobus Apostolis ad ipsam primam hominis creationem respexisse, dum enim considerat verba illa *Genes. 2. v. 19.* Non est bonum hominem esse solum, ideoque dixit faciamus ei adjutorium simile sibi; Sic in molitione Ecclesiæ suæ vocavit eos, scilicet fratres inquit S. Chrysostomus: Sicut enim in paradiso primo parente condito dixit Dominus, non est bonum hominem esse solum, ita, qui novum condebat paradysum in terra, novosque homines in eo constituere decreverat, prioribus longè excellentiores, vocato Andræ, ei sociare volebat Petrum. Benè omnino docente S. Gregorio: Non habet aliquid viriditatis ramus boni operis, si non manet in radice charitatis.

3. *Reg. 5.* Quando Salomon ædificare voluit domum Domino, pluris lignis indiguit, sic ut etiam ab Hiram Sidoniorum Rege peteret homines, qui in Libano Cedros, & abiegnos cæderent in ædificium destinatum necessarios. Christus Dominus unico ligno crucis, Ecclesiam toto orbe diffusam ædificavit. Quod non miror, quia *Christus in una cruce fundat Ecclesiam.* etiam Patriarcha Jacob unicum baculum habuit, quando ivit in Mesopotamiam, ut inde sibi uxorem acciperet. Hic tamen dum so-

Rrr 2

mmum

num caput *Gen. 28. v. 13.* audit sibi dici, Terram, in qua dormis, tibi dabo, & semini tuo, eritque sementuum quasi pulvis terræ; dilataberis ad Orientem, & Occidentem, & Septentrionem & meridiem. Audite, obsecro, sensum S. Augustini de baculo hoc. Jacob ad accipiendam uxorem exhibuit baculum & Christus ad redimendam Ecclesiam detulit crucis lignum. Laminez in *Conc. 4. de Invent. S. Crucis* expendens virgam Moyſis, de qua *Exod. 4.* habemus, quod abjecta in terram versa sit in colubrum, & recepta rursus in statum priorem redierit, inducit S. Augustinum in *sine comm. in Gen.* sic loquentem: Virga illa crucis mysterium præferbat. Sicut enim per virgam Ægyptus decem plagis percutitur; ita & per crucem totus mundus humiliatur & vincitur. Quare quod *Iſa. 11. v. 12.* dixit: Levabit signum in nationes, & congregabit profugos Israël, & dispersos Judæ colliget, à quatuor plagis terræ, id ego longè meliore jure de Christi Ecclesiâ dixero, quæ percusso per passionem & mortem Christi pastore, per universum orbem dispersis SS. Apostolis est coadunata. Ut propterea S. Ambrosius *serm. 2. in ps. 118.* super illa verba: percutiam pastorem, & dispergentur oves gregis dicat: Ideo dispergentur, ut repleatur totus orbis terrarum grege Christi. Et hinc est quod DEUS templi Salomoniaci fabricam, ideam esse voluerit Ecclesiæ suæ. Neque enim Salomon passus fuit, ut in illius ædis structuram aurum, lignum, & metallum ullum conferretur, quod terra ipsa Israëlitis protulisset; aurum enim montes ex Ophir, cedros ac marmora Tyrus, ac Sidon miserunt. Egregiè S. Bruno *libell. de Laud. Eccles.* Aurum & ligna, cæteraque, quibus templum DEI constructum est, non ibi nata, sed aliunde allata sunt. Sic igitur & Ecclesia ex omnibus Gentibus ædificata, omnes homines recipit. Et ideo David in spiritu dixit. Gloriosa dicta sunt de te Civitas DEI: ac si diceret, synagogam Mosaicam excipiet Ecclesia Christi; sed tanto illa gloriosior, quanto Moysem superat, & excedit Christus. Hujus tantæ gloriæ & splendoris causam dat ipse David, cum enim dixisset *Pſ. 68. v. 3.* Gloriosa dicta sunt de te Civitas DEI, subjunxit: Ecce alienigenæ & Tyrus, & populus Æthiopum hi fuerunt illi. Ad quos omnes vel etiam in primitiva Ecclesiâ jam tunc coadunatos conversus Paulus *1. ad Cor. 12. v. 27.* dicere potuit: vos autem estis corpus Christi & membra de membro. Ex quo an non benè inferam: Veram Ecclesiam Christi esse visibilem.

Templum
Salomonis
typus Ecclesie.

Si enim Corpus Christi est visibile, nimirum tanta populorum *Ecclesia* collectio, quidni & Ecclesia, quæ re vera est corpus Christi, erit visible. Unde non parum miror hæreticos, qui in *Confess. Helv. c. 17.* *Christi est* docent Ecclesiam invisibilem appellari posse: cujus rationem reddunt, quod oculis nostris absconsa, DEO autem soli nota, iudicium humanum sæpe subterfugiat. Sed obsecro dicite; si Ecclesia soli DEO nota est, quomodo salus Judæis æque ac gentibus erit possibilis? cum nemo possit salvari nisi sit in Ecclesiâ, quam tamen scire non poterit, nisi sciat, ubi sit. Est quidem fides interna invisibilis, externa tamen est visibilis, cum verò Ecclesia aliud non sit ex dictis, quam congregatio profitentium fidem, & Ecclesia fundatur non purè in fide interna, sed tam in hac, quam etiam externa, & quia debet hæc congregatio seu multitudo fidelium esse cognita, quæ quatenus fidem exterius proficitur, & consuli & adiri potest. Juxta illud *Isa. 61. v. 9.* Omnes qui viderint eos, cognoscent illos, quia illi sunt semen, cui benedixit Dominus. Et verò quid clarius, quam quod *ps. 18. v. 6.* dicit psalmographus: In sole posuit tabernaculum suum, id est, in clara luce posuit Ecclesiam suam, ut videlicet omnibus fieret manifesta. Adeoque S. Augustinus *tract. 2. in Ep. S. Joan.* dicit Tabernaculum ejus in sole positum est, non in nocte, sed in die. Non dicam ego Ecclesiam, seu fidem nostram, testimonio Christi esse lucem & lucernam *Mat. 5. v. 14.* Vos estis lux mundi. Neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt. Super quæ verba disertè S. Hilarius in *S. Mat.* Lucerna Christi non recondenda sub modio est, neque operimento occultanda synagogæ, sed in ligni passione suspensa lumen æternum est in Ecclesiâ habitantibus præbitura, Pari etiam lumine fulgere Apostolos monet, ut admonitione operis, DEO laus impertiatur. Quare S. Chrysostomus *hom. 4. in c. 6. Isa.* graviter planè dixit facilius est solem extinguere, quàm Ecclesiam obscurari. Unde nisi cæci sint hæretici, visibilem DEI Ecclesiam negare non poterunt. Maxime cum Ecclesia à Daniele *c. 2. v. 35.* dicatur mons magnus, qui implevit universam terram. Et clarius adhuc apud *Isa. c. 2. v. 2.* Et erit in novissimis diebus præparatus mons domus domini, in vertice montium. Ut merito D. August. *tract. 2. in Ep. D. Joan.* dixerit, quid amplius dicturus sum, quam cæcos? qui tam magnum montem non vident. Qui contra lucernam in candelabro po-

ſitam oculos claudunt. Certè S. Ambroſius l. 7. in Luc. c. 11. ait fides noſtra in altiffimo omnium locata monte, hoc eſt Chriſto non poteſt tenebris & ruinis hujus mundi abſcondi, ſed fulgens calore ſolis æterni, luce nos gratiæ ſpiritualis illuminat. Sed quid obſecro, miramur, cæcutire carnales hæreticos, ſi gratiæ ſpiritualis lumine ſola illuminentur corda fidelium: Merito profeſſo ſit illis malitiøſe ad tam claram lucem caligantibus, quod factum eſt cuidam hæretico furioſo, qui cum auſus fuiſſet ſtriſto gladio ferire ſtatuum Beatæ Virginis MARIÆ, ex illius imaginis vulnere ſtatim copioſus effluxit ſanguis, quo multi infirmi cum fuiſſent inuncti, ſanabantur. Impius quidam hæreticus, ubi hoc audivit, imagini ſacræ illudere volens, jumentum ſuum cæcum & oculis captum, eò adduxit, dicens ſe illud eò duxiſſe, ut Maria miraculoſe illi viſum reſtituat. Et ecce beſtiæ viſus redditur, irriſori verò impio adimitur. Melius actum eſt cum S. Dionyſio de quo in Chronicâ Martini Poloni reſertur, quod prædicante S. Paulo in Areopago, ille ſe in Chriſtum crediturum dixerit cum conditione, ſi S. Paulus illuminaverit cæcum, qui tunc tranſibat. Converſus namque ad Paulum dixit. Si dixeris huic cæco. In nomine Domini DEI tui vide, & is viderit, ſtatim credam. Sed ne utaris verbis Magicis, ego tibi formam verborum præſcribam. In nomine JEſu Chriſti nati de virgine, mortui, qui reſurrexit, & aſcendit ad cælum; Vide. Ut verò adhuc magis tolleretur omnis magiæ ſuſpicio, mandavit Paulus Dionyſio, ut ipſe ſuper cæcum eadem verba proferret. Quæ cum Dionyſius dixiſſet, cæcus vidit, & credidit Dionyſius. Eruditè S. Bernardus. triplex cæcitatis genus poſuit. Cæcos à nativitate, quales ſunt Turcæ & Gentiles. Cæcos per infirmitates, & paſſiones corporis, quales ſunt mali Chriſtiani. Denique alios qui cæci ſunt ex injecto pulvere, & tales ſunt hæretici, qui perſuaſionibus ineptis excæcantur, & proinde veræ fidei non adhærent. Annon enim gravis eſt hæc Cæcitas, ab eâ Eccleſiâ deſciſcere, ſuper quam ſpiritus ſanctus deſcendit, quam tot miraculis ornavit, & SS. Martyrum ſanguine purpuravit. Et ad unius privati hominis fallax verbum, à verâ fide recedere. Excute obſecro pulverem ab oculis veſtris, & videte, an non ſit gravis & inexcusable ignorantia, ſcripturæ proprios ſenſus invertere, verbo Chriſti filii DEI addere, vel demere pro libitu, ſacrum Evangelium contra authoritatem Conciliorum, & SS. PP. interpretari, dogmata ſacro-

Hæreticus blaſphemus in B. V. excæcatur. jumentum videt.

Dionyſius Areop. cre. dit, illuminato cæco.

Triplex cæci.

Hæreticorum cæcitas.

sacrorum Conciliorum spernere, & pravis opinionibus levissimorum hominum adhærere, conscientiam, & animam suam ac salutem iis committere, de quorum vocatione, & missione non constat, qui sapius magis corium & calceos, quam scripturam tractare noverunt. Proh pudor! Non sic agit DEus, dum Ecclesiæ Prælatum, aut Pastorem ordinat. Facit utique DEus, quod egit in primâ creatione *Gen. 1. v. 26.* Faciamus hominem ad imaginem & similitudinem nostram, & præsit. Quæ obsecro illa similitudo? Nisi ut Ecclesiæ Pastor imitetur in divinis potentiam Patris, sapientiam filii, & amorem Spiritus Sancti. Advertendum autem quod non dicat, faciamus hominem imaginem, sed ad imaginem, quia in divinis filius est imago Patris, sed homo tantum est ad imaginem, ut scilicet illius imitetur attributa.

Imitari ergo debet potentiam Patris, id est, animosus esse & cor-
 datus, qui cedere nesciat etiam Regibus, ubi DEI Ecclesia patitur. O-
 stendit hoc Gratianus Nepos Eugenii Papæ, Legatus ab Alexandro
 tertio Pontifice ad Angliæ Regem missus in causa S. Thomæ Cantuari-
 ensis, de quo Baronius Anno 1169. qui Regi multa minitanti liberè &
 disertè dixit, minis abstinere, quia de tali curiâ sumus, quæ novit impe-
 rare Regibus. Et hoc est, quod *Exod. 3. v. 5.* dictum est, cum e-
 nim DEus populo suo Ducem & Pastorem constituisset: solve in-
 quit calceamentum de pedibus tuis. Explicat hoc S. Ambrosius.
 Mortale igitur, ac terrenum calceamentum jubetur solvere, cum mit-
 teretur ad liberandum populum, hujus enim minister muneris, time-
 re nihil debet, nec à suscepto officio, mortis periculo retardari. Cal-
 ceci ex mortuorum animalium pellibus symbolum sunt nostræ morta-
 litatis. Calceos proinde exuere debet, nec ulla formidine mortis ab
 officio impediri. Hinc DEus *Ezech. c. 3. v. 9.* dixit. Ecce adaman-
 tem & siliem dedi faciem tuam. Et David *ps. 3. v. 7.* Non timebo, S. Thomas
 quid faciat mihi homo? Certè vel ipse S. Thomas Cantuariensis Epi-
 scopus Henrico secundo Angliæ Regi fortissimè obstitit, neque ullis
 pollicitationibus, aut terroribus de sententiâ dimoveri potuit, ut ce-
 deret iniquæ cupiditati regis. Vos ego hic interrogo hæreticos, pe-
 tōque mihi ostendi ex toto grege Pastorum vestrorum, vel unum, qui
 se ad exemplum S. Thomæ Cantuariensis Episcopi potestati regis,
 iniquas arbitrio vestro leges, contra vos vel vestram synagogam sta-
 tuenti, opponere ausit. Cum enim omnes arbitrio plebis, ne dicam
 arbitrio regis, aut Principis facti sitis, vel ipse in pago rusticus iudex,
 in

Pastor ve-
 rus imita-
 ri debet po-
 tentiam
 Patris.

Legati cor-
 data ad
 Regem An-
 glie re-
 sponsio.

S. Thomas
 Cantuari-
 ensis Re-
 gi obstitit.

in vos jus, & imperium exercere potest. Ut propterea ingeniosè, acriter tamen perstrinxerit auctoritatem vestram Richardus Sacerdos in Anglià à vobis captus. Hic enim cùm in carcere constrictus vinculis, à ministris Calvinistis molestissimè infestaretur, & unus ex illis impertinentius ogganiret. Uni Petro à Christo datas esse claves. Respon-
 dit subridens vinculatus Sacerdos; Neque ego negaverim tibi cla-
 ves esse conceditas, sed Petro claves cœli, tibi verò cellæ vinariæ, sic
 enim vox tua stridula sonat, & nasus rubicundus, ac cupreus indicat.

*Sacerdos
in catastra
videt Cal-
vinistam
Prædican-
tem.*

*Pastor ve-
rus imitari
debet sa-
pientiam
filii.*

*Sancti A-
postoli libri
Spiritus S.
sive errore
impressi.*

Imitari debet Pastor Ecclesiæ sapientiâ Filii. De Christo dixit I-
 saias c. 9. v. 2. Populus qui ambulat in tenebris, vidit lucem magnam,
 habitantibus in regione umbræ in ortis, lux orta est eis. Adeoque i-
 dem Propheta c. 2. v. 5. Ambulemus inquit in lumine Domini,
 quod utique Christus intellexit, quando *Matth. 5. v. 14.* Apostolis
 dixit: Vos estis lux mundi. Quod explicat S. Bern. *serm. 66. in
 Cantic.* Dictum est hoc Apostolis, ideoque super candelabrum posi-
 ti sunt, ut toti luceant mundo. Præclare plane Nissenus *tom. 2. Dom.
 2. Adv.* qui Apostolos leges animatas esse dixit, ubi alludere videtur,
 ad id, quod fieri solet, cum liber aliquis prælo subjicitur, cujus cum u-
 numquodque folium, quod primum typo subjicitur, si vacuum à men-
 dis & erroribus habeatur, folia ejusdem generis quæ illud sequuntur,
 etiam absque vitio erunt. Si verò illud mendosum sit, necesse est, ut
 reliqua etiam erroribus scateant. Omnis ergo reliquorum foliorum
 corruptela à primo folio dependet. Cum ergo Apostoli prima essent
 Ecclesiæ Christi folia, & instar primarii cujusdam exemplaris spiritus
 sanctus tam studiosè illos formavit, ut cæteri omnes Christiani ex eo-
 rum doctrinâ & imitatione fierent perfecti. Si enim in primis foliis,
 vel in iis qui fuerunt Principes Ecclesiarum, postquam eos spiritus
 sanctus ad lucem sui divinissimi ignis attentissimè emendavit, & in die
 Pentecostes ipse suo divino igne purgavit, fuissent reperta mendosa,
 certò futurum erat, ut omnis posteritas corrumperetur, atque sic exi-
 gua spes profectus Christiani nobis remansisset. Divinus spon-
 sus laudaturus sponsæ suæ pulchritudinem à collo commendare voluit.
Cant. 4. v. 4. Sicut turris David collum tuum, quæ ædificata est cum
 propugnaculis. Hugo Cardinalis cum glossâ ordinariâ vult hic in-
 telligi Ecclesiarum Rectores, nam sicut per collum alimonia omnis in
 stomachum descendit, & per hoc corpus vivit, & nutritur. Sic Ec-
 clesiarum Rectores doctrinæ pabulum, quod animarum victus est,

popu-

populo subministrant, ex quo robur omne, virēsque anima trahit. Diximus paulo ante SS. Apostolos libros fuisse plane absolutos. Occurrit mihi, quod glossa ex sententiā S. Chrysostomi monet, ubi observat, quod S. Matthæus Evangelium suum ab hoc verbo Liber incipiat. Et S. Joannes Evangelium suum à mentione verbi hujus nempe libri claudat. Dicit enim Matthæus Liber generationis Jesu Christi. S. Joannes verò claudit: Licet & alia multa sunt, quæ fecit Jesus, quæ si scribantur per singula, nec ipsum arbitror mundum capere posse eos, qui scribendi sunt libros. Quid est, quærit glossa, quod à libroumat initium, & libris absolvitur, perficiturque Evangelium? Respondet sibi ipsi; Libri arma sunt, quibus propugnandum est Evangelium, quæ prima se hostibus objicere, & cum postremis movere in legiones Catholico nomini infensas debent. Tolle D. Thomam, & dissipabo Ecclesiam dixit quispiam impii Lutheri emissarius. Sunt ergo libri inquit Thom. de Kempis *serm. 20.* arma Clericorum, ornamenta Ecclesiæ, divitiæ, & thesauri DD. tubæ sacerdotum, solatia religiosorum, epulæ devotorum, testamenta Sanctorum, luminaria fidelium, seminaria virtutum, organa sancti Spiritus. Non otiosa fuit quæstio an arma, an litteræ in republica præstent? Sed facile quis concludet, cum arma per litteras perficiantur. Habemus hujus pulchrum argumentum. *1. Reg. 21. v. 9.* Quando David fugiens Saulem venit ad Achimelech, à quo cum postulasset David arma; Respondit Achimelech: Ecce hic gladius Goliath Philistæi, quem percussisti in valle Terebinthi, est involutus pallio post Ephod. Erat autem Ephod vestis Sacerdotalis. Quid ergo nunc est aliud gladius involutus in Ephod, quam scientiam gladio præferri? Quod insinuat *Malach. c. 2. v. 7.* Labia enim Sacerdotis custodient scientiam, & legem requirent ex ore ejus, quia angelus Domini exercituum est. Et certè militum omnia illustria licet facinora, oblivione quasi sepulta essent, & tenebrarum pallio jacerent involuta, nisi illis suam lucem litteræ attulissent. Unde quispiam Ecclesiæ armamentarium dixit. Quod confirmat Joan. Gerson. *l. de laud. scriptorum tom. 1.* Non habent tyranni depopulatores Regionum seu religionum efficacius machinamentum, quam si libris ipsas spoliaverint, ac privaverint. Expertus hoc est Sedecias Rex Judæ, qui ubi vidit Principes Regis Babylonis ingressos Jerusalem, & sedisse in mediâ portâ, fugit. Sic enim *Jerem. 39. v. 3.* Ingressi sunt omnes Principes Regis

Libri arma sunt Ecclesiæ Catholice.

Libri armis præstant.

Babylonis, & sederunt in portâ mediâ. Si quæras quid sit illa porta mediâ. Respondent Vatablus, & Aria Montanus, quod sicut Jerusalem habuit tres muros, sic etiam habuit tres portas, in medio autem erant ludi litterarii, & gymnasia. Quo innuitur, quod licet hæretici velut jurati Ecclesiæ hostes, eandem variis persecutionibus infestent, quamdiu tamen eo non progrediuntur, ut portam secundam seu mediam invadant, Universitates evertant, libros diripiant, tamdiu timendum non esse. At ubi arcem sapientiæ diruunt, & scripturam demoliuntur, tunc enim verò conelamatum esse, & ejus ruinam, ac interitum deplorari posse, est manifestum. Nunquam profectò Lutherus tam procul progressus fuisset, si sæculum illud plures viros insigniter doctos, & sapientiâ conspicuos habuisset. Ubi gymnasia crevit, & scholas publicas aperuit Societas Jesu, opposito quasi validissimò repagulo furens stetit hæresis, & turbulentus fluctus suos infregit. Loquantur Florimundus Remondus, & Thomas Bozius de signis Ecclesiæ; ego pluribus hic superfedeo. Hoc unum dicam, quod sedes Apostolica in publico de S. Ignatio officio dicit. Ipse tamen ad prædicandum Indis Evangelium, S. Francisco Xaverio aliisque in alias mundi plagas ad religionem propugnandam disseminatis, Ethnicæ superstitioni, hæresique bellum indixit, eo successu continuatum, ut constans omnium fuerit sensus, & Pontificio confirmatus oraculo, DEum sicut aliis temporibus sanctos viros, ita Luthero ejusdemque temporis hæreticis Ignatium, & institutam ab eo Societatem objecisse. Quæris quomodo? ipse apertis inquit in *Leç. 6. Breviarium Romanum*, ubique locorum ad juventutem erudiendam in litteris, ac pietate gymnasiis indefessus lucrandis DEO animabus institit. Ecce quomodo in Ecclesiâ Catholicâ adlaboretur, ut imitemur sapientiam filii DEI. Ut Christi fideles ambulent in lumine Domini. Et prædicans unus sutor, qui die dominicâ, vel festâ dum declamat, quam non intelligit postillam, æternæ veritatis verbum tanquam ab ore Christi diffeminet? Merito exclamat S. Hieronymus *Ep. 103. ad Paulinum*. Taceo de Grammaticis, Rhetoribus, Philosophis, Geometricis, Musicis, Astronomis, Astrologis, Medicis; ad minores artes veniam & quæ non tam lingua, quam calamo administrantur. Agricolæ, cæmentarii, fabri, metallorum, lignorum cæsores, lanarii quoque, & fullones, & cæteri absque Doctore non possunt esse, quod cupiunt.

Sola

Lutheri incrementa à defectu literarum illius sæculi.

S. Ignatius Luthero opponitur.

Sola scripturarum ars est, quam sibi omnes passim vendicant. Mulierculæ inverecundæ inquit Cresolius cum duas, tresve Pauli Epistolæ didicissent oblitæ modestiæ, & impudoratæ, non dubitârunt viros graves in Theologiâ Principes acri ingenio, studioque politos invitare, & provocare ad disputandum: atque adeo gloriari, quod in sacrorum Codicum intelligentia, de Sorbonicis in Theologiâ Doctoribus palmas & triumphos retulissent. Hujus insanîæ specimē exhibet S. Hieronymus, qui sic loquitur. Hanc utique scripturam garrula anus, hanc delirus senex, hanc Sophista verborum, hanc universi præsumunt, lacerant, docent, antequam discant. Hanc mulierculæ in curribus, in navibus deblaterant, hanc textrix ex textrinâ, Tonfor è tonstrinâ, coquus è coquinâ, denique ministrelli aliquando ex sæce hominum conflati è cathedra deprædicant. Quam rectè in illos cadit illud D. Basilii in cocum garrulum. Tuum est pulmentum coquere, non Evangelium exponere. Tuum est garrula anus fila nere, non textum docere. Ut propterea S. Hieronymus meritò queratur. Alii discunt pròh pudor à fæminis, quod viros doceant. Et ne parum hoc sit, quadam facultate verborum, imò audaciâ edisserunt, quod ipsi non intelligunt. Justo dolore plenus exclamat Hylareti *Dom. 1. post Epiphan.* Mentuntur proinde hæretici, qui Scripturam sacram facilem & cuivis perviam deblaterant. Nam si Josephus tantus vir & Maria *Luc. 2. v. 20.* Et ipsi non intellexerunt; statim verba sacra non intellexerunt, quomodo plebei & indocti opifices, sine Doctore tam profunda capient fidei mysteria. O quam Ego rudibus fidei, & salutis æternæ Doctoribus optarem illam cathedram, quam P. Joannes Benedictus S. I. Sacerdos in Angliâ pro fide Christi vinculatus habuit: cum enim in catasta suspensus manicis ferreis, & aculeatis constrictus pependisset, sic pendulum Calvinista ministrellus ad disputandum provocavit. Conversus ad Carnificem Pater, dixit subridendo. Age hominem istum sublimem rape, ut cujus tanta est disputandi mecum libido, disputantium more paribus subfelliis decertemus. Hæc ideo à nobis dicuntur, ut vel ipsi tandem intelligant, in scripturis sacris sine prævio Doctore eas non posse, quod cupiunt. Sed proh pudor sola scripturarum ars est, uti deflet S. Hieronymus quam sibi omnes vendicant. Ut non immerito dicat Persius in suis Satyris, scribimus indocti, doctique poemata passim. Ah quoties merito occinas illis rabulis divinam scripturam

Scriptura non est facili.

Sacerdos in catasta Prædicantem ad pariem cathedram invit.

*Quidam
ne à Litera
occidatur,
literalem
sensum non
investigat.*

*Heretici
diffidunt
sua doctri-
na.*

deblaterantibus, quod accidit illi, qui cum in scripturâ parum versatus in quodam discursu, ubi allegabatur sensus literalis, ingenuè non dicam stupidè professus est, se litteralem sensum non scrutari; eo quòd Paulus dicat Littera occidit. Ingeniosè alter respondit: Bene cavisti mi Domine, ne littera te occideret, quia nulli studuisti. Tumor quidam est, & trabeata ambitio apud homines istos, qui inter rudes docti videri cum velint, apud prudentes reverâ sunt Arcadicæ pecudes. Hinc quod Contzen l. 9. polit. c. 42. bene notavit cum suæ doctrinæ diffiderent ad Concilii Generalis auctoritatem exequendam se semper paratos dolosâ simulatione ostenderunt, plurimos tamen Principes deluserunt. Dicunt enim in præfatione Augustanæ confess. Ad Generalis Concilii conventum provocamus & appellamus, cui appellationi adhuc adhæremus, neque eam per hunc vel alium tractatum deserere intendimus, aut possumus, de quo & solenniter protestamur. Ita illi Anno 1330. Et tamen cum anno 1542. à Paulo III. Pontifice Concilium ritè indictum fuisset, & Anno 1545. primus confessus celebratus fuisset, atque Concilium integris annis 20. usque ad annum 1563. perdurasset, nunquam concessio licet quocunque salvo conducto induci poterant, ut in Concilio comparerent; ut dignè de his dici possit: Hæc est potestas tenebrarum.

*Ecclesiastica digni-
tates con-
ferenda
cum dele-
ctu.*

*Honores
Ecclesiastici onero-
si.*

Aliter se habet dignitas Ecclesiastica, & cura Pastoralis 1. Reg. 13. v. 14. Ipse DEus quæsit sibi virum secundum cor suum, ut esset Dux super populum suum. S. Gregorius in hunc locum, quæsitivè se virum DEus dicitur, ut eligendorum Antistitum forma omnibus præbeatur, ut omnis qui ad Ecclesiæ sanctæ culmen eligitur discutiendus esse ab hominibus doceatur. Quæri autem debet secundum cor DEI, ut videlicet non solum voluntatem divinam intelligant, sed bonis etiam operibus ostendant. Oleaster in verba Isaïæ, & factus est principatus super humerum ejus dicit: Putant usque hodie in sensati filii Adam, imperia regna & Principatus hujus sæculi, honores esse, & non onera, quos puer divinus arguit, qui suum Principatum quasi grave onus super humeros gerit. Non ergo Prælate aut Princeps cum ad Prælaturam vocaris, te ad honorem vocari putes, sed ad onus & sub præfectura tibi gemendum puta, sicut sub onere gravi. Lepidum est, quod legi apud probatum authorem. Quidam Episcopatum laboriosè quæsit, sed ubi ipso die consecrationis in loco con-

constituto comparuit, interrogatus an velit consecrari? Quid ni? inquit, quando tam laboriose pro illo obtinendo egi. Interrogatus rursus, an in die iudicii pro animabus sibi commissis respondere velit? Respondit disertè. Nolo. & ipso Episcopatu cessit. Hoc ego de Pastoribus heterodoxis dicam, qui sæpe ad Ecclesiam DEI, à qua apostatarunt, redirent, sed hoc unum obtinent, quia hoc munere pastoralis sc, uxorem, & liberos sustentare debent. Erratis, quicunque Pastores dici vultis, & non animas, sed lac & lanam expectatis. Audite quid *Apoc. 3. v. 1.* Sardicensi dicatur Episcopo. Scio operatua, quia nomen habes, quod vivas, & mortuus es. Alcazar eruditè sic explicat: Respicitur ad ipsum Episcopi nomen, quod Græcè significat inspectorem, sive speculatorem. Episcopus ergo nomen est hominis, qui ex speculâ omnia oculis circumspicit attentis, & vigilis excubitoris partes agit. Et hic patet culpa, quæ in Episcopo Sardicensi reprehenditur. Nomen Episcopi, habes, id est, *Episcopi* vigilis, & mortuus es, quia oscitabundus dormis, nec gregi tuo in- *gregi sua* vigilas. Benè itaque S. Gregorius Nyss. tales nos in omni vitâ præ- *invigilent.* sternus, quales nos requirit Christiani nominis excellentia. Nimirum inquit Nyssenus in suo *cæl. polit. p. 1. l. 5. c. 4.* ut hoc semper agamus, quod inclytæ appellationi congruit. Erudita & gratiosâ id similitudine declarat, si inquit in officinam intrares librariam, in quâ prostant opera SS. PP. Augustini, Basilii, Chrysostomi, Gregorii, Hieronymi &c. si postquam exciperes, & aperires, atque invenires esse opera Lutheri, Calvini, Zwinglii, Machiavelli &c. nè tu Bibliopolam illum rogo dignum exclamares? Quid Christus in die *Simus, qui* iudicii dicet? Si in titulo Christiani, invenerit opera Turcarum? *videri vo-* si in titulo Pastoris repererit prædonis aut nescio cujus latronis vi- *lumus.* tam & acta. An non meritò tunc audietur tremenda illa vox. Ite in ignem æternum. Estote itaque nominum, & officiorum vestrorum memores, & sollicitè curatè, ne quod ait. S. Ambr. *apud Hugo-* nem Cardinalem in *c. 3. Apoc.* sit nomen inane, & crimen immane, deifica possessio & diabolica actio; religiosus amictus, & irreligiosus profectus, gradus excelsus, & deformis excessus. Ne locutionem simulemus columbinam, & vitam habeamus corvinam, ne professionem monstremus ovinam, & ferocitatem habeamus lupinam. Mementote vos debere DEO reddere rationem de ovibus vestris. Tremendum est, quod Turonis accidit. Fuit ibi vir bonus

*Archi-
Episcopum
Turonen-
sem San-
ctus Mar-
tinus apud
Judicem
Christum
accusat.*

*Pralati in-
digni divi-
no judicio
extinguun-
tur.*

*Pralati in
amore de-
bent ex-
cellere.*

& pietati singulariter addictus, qui quotidie ad preces matutinas majoris Ecclesiæ venire consueverat; quodam die solito citius venit, Ecclesiam tamen apertam reperit, in quâ dum ad columnam consistit, repente vidit in Ecclesia lucem magnam, & Judicem sedentem in throno, quem frequentes circumstiterunt Angeli. Cùm ecce venit S. Martinus cum multitudine Sanctorum, & cœpit graviter accusare Archiepiscopum loci, qui citatus sedit in cathedrâ suâ in Pontificalibus suis, sed cum nesciretis, quid responderet, judex pede percussit cathedram Episcopalem, eumque cum cathedra evertit, visioque sic disparuit. Ubi verò vir ille bonus, qui hæc vidit, ad Archiepiscopi domum venit, eundem repentinâ morte extinctum reperit.

Tertium quod in divinis imitari debemus, ut imaginē & similitudinem divinam referamus, est amor, quem habere debet, quisquis Pastoris munus vult implere. Certè S. Joan. cum c. 3. v. 16. contestatur amorem, quo DEus nos amavit, exclamat, sic DEus dilexit mundum, ut filium suum daret unigenitum. Disputant SS. PP. an Abrahami tam parata voluntas, & prona ad victimandū filium suum, an matris Samuelis expedita filii oblatio DEO gratior, & in se magis meritoria fuerit? Arbitrum hujus quæstionis habeo S. Chrysostomum in Ep. ad Ephes. qui Annam præfert Abrahamo, eo quod Abraham habito primum mandato filium suum offerre voluerit. Illa autem sine omni mandato filium suum DEO sacraverit. Quid dicemus nos de Patre æterno, cui nemo imperare poterat, adeoque ex mera misericordiâ, & gratiâ, quâ nos dilexit filium suum unigenitum mundo dedit. Cant. 5. v. 9. ferculum sibi fecit Rex Salomon de lignis Libani, columnas ejus fecit argenteas, reclinatorium aurum; juxta communem interpretum sensum hoc ferculum erat rheda, vel currus, in quo ipso die desponsationis suæ, per plateas urbis cum sponsâ suâ vhebatur. Addit Soto Major Salamonem in medio illius ferculi, curiosè curâsse depingi amores suos, in summitate verò currus amorem & affectum, quo erga sponfam ferebatur. Christus sibi præparavit ferculum crucis, scripsit & pinxit in illâ vivacissimè purpurâ sui sanguinis amores ardentissimos juxta illud Isaie 49. v. 16. Ecce in manibus meis descripsi te. O quanta hæc Dei nos amantis est benevolentia! Non minus DEI filius nos amavit, qui pro nobis animam suam posuit. Certè complementum amoris sui statuit ipse Joan. 15. v. 13. Majorem hac dilectionem nemo habet, ut animam suam ponat quis pro amicis suis.

Fe-

Fecerunt hoc Apostoli sancti, & quod singulare est omnes continua-
ta, & nunquam interruptâ serie per integros trecentos annos sancti
Romani Pontifices, qui pro grege sibi à Christo per S. Petrum com-
misso, animam suam posuerunt, & glorioso Martyrio coronati sunt.
Sic enim

*Pontifices
per trecentos
annos
Martyres.*

I. Anno Christi 69. 29. Junii S. Petrus in crucem actus est.

II. S. Petro successit Linus, qui Anno Christi 80. 23. Septembris gla-
dio Martyr occubuit.

III. Linum secutus est Cletus, qui Anno Christi 93. 26. Aprilis sub
securi cecidit.

IV. Post Cletum venit Clemens I. cui in mari demerso Anno Chri-
sti. 102. 23. Novembr. ipsi angeli sepulchrum & templum efformâ-
runt, quod annuatim recedentibus maris fluctibus, à Christianis ma-
gnâ cum pietate viscebatur.

V. Anacletus successit Clementi I. qui Anno Christi 112. 13. Julii
glorioso Martyrio vitam terminavit.

VI. Secutus est Evaristus, qui 26. Octobris Anno Christi 121. Mar-
tyr occubuit.

VII. Huic successit Alexander I. qui sub Adriano Anno Christi. 132.
3. Maji sub gladio cecidit.

VIII. Post hunc Xixtus, vel Sixtus I. qui Anno Christi, 142. 6. Apri-
lis Martyr sub Antonino pio occubuit.

IX. Fuit Telephorus, qui sicut testatur *Irenæus l. 3. c. 3.* & Tertul-
lianus in suo carmine contra *Marcionem* martyrio coronatus est.

X. In Pontificatu Romano Martyr fuit Hyginus, hic Anno Christi.
158. 11. Januarii occubuit.

XI. Martyr cecidit Pius I. de hoc Breviarium Romanum habet, quod
sub Marco Aurelio Anno Christi 167. martyrii coronam acceperit.

XII. Pari corona martyrii ornatus est illius successor Anicetus, qui
sub Aureliano Anno Christi 175. 17. Aprilis interemptus est.

XIII. Soter fuit, qui sub eodem Aureliano Anno Christi 194. 22. A-
prilis martyrii palmam est affecutus.

XIV. Hoc eodem Anno successit Eleutherius hic 26. Maji Anno
Christi 194. uti habet Romanum breviarium martyr cecidit.

XV. Victor I. Anno Christi. 203. 23. Julii sub Imperatore Severo
vitam martyr terminavit.

XVI. Zephyrinus Anno Christi. 221. 28. Augusti.

XVII.

- XVII. Callistus I. Anno Christi. 226. 14. Octobris.
 XVIII. Urbanus I. Anno Christi. 233. 25. Maji.
 XIX. Pontianus Anno Christi. 237. 19. Novembr.
 XX. Antherus, Anno Christi. 238. 3. Januarii.
 XXI. Fabianus, Anno Christi. 253. 20. Januarii.
 XXII. Cornelius, Anno Christi. 255. 14. Septembr.
 XXIII. Lucius I. Anno Christi. 257. 4. Martii.
 XXIV. Stephanus I. Anno Christi 260. 2. Augusti.
 XXV. Sixtus II. Anno Christi. 261. 6. Augusti.
 XXVI. Dionysius, Anno Christi 272. 26. Decembr.
 XXVII. Felix I. Anno Christi. 275. 30. Junii.
 XXVIII. Eutychianus Anno Christi. 283. 8. Decembr.
 XXIX. Cajus, Anno Christi. 269. 22. Aprilis.

XXX. S. Marcellinus, qui lapsus quidem, sed gloriosè resipuit, & Martyr sub Diocletiano Anno Christi. 304. 26. Aprilis cecidit. Quartum sæculum inchoavit S. Marcellus I. qui sub Maxentio ad Itabulum, seu equile cæsaris relegatus, inter ærumnas & labores serviles longo martyrio Anno Christi. 309. 19. Januarii contabuit. Quia verò Ecclesia à persecutionibus tunc respirare cœpit nec amplius aperto ferro sævierunt Tyranni, ego cum enarratis S. Martyribus contentus hanc laureolam tot purpuratis rosis decoram Ecclesiæ Romanæ in triumphum imponam. Eant nunc Lutherani, & vel unum ex suis Pastoribus Martyrem, qui pro suis ovibus animam posuisset ostendant. Non dicam ego quadraginta quatuor Pontifices Sanctissimos Confessores, quos omnes Ecclesia solenni ritu canonizatos colit & veneratur. Quos mihi Sanctos numerabit omnis hætenus hæresis, quorum nefanda scelera orbi universo sunt notissima. Insurgunt hic contra sedem Romanam pleno agmine hæretici, & nobis excessum quorundam Pontificum obtendunt, sed tam paucorum errores non officiant Ecclesiæ intaminato splendori, cum inter 244. hætenus Pontifices vix octodecim numerentur, quos cum aliquo fundamento historico- rum acrior calamus perstrinxit. Cæterum de his Pontificibus dixerò, quod de Alexandro 6. Romano Pontifice scripsit Joannes Mariana l. 27. c. 2. Multa inquitis de Alexandri vita tum famâ, tum scripto prodita sunt, vera? an ex invidia? non faciliè dixerim. Omnia conficta temerè fuisse non arbitror. Nisi velint Lutherani, ut nos Catholici omnia credamus, quæ de ipsorum Evangelistâ novo Martino Luthero

*Lutherani
non possunt
ostendere
veros pro
fide Mar-
tyres.*

*Paucorum
Pontificum
errores non
officiunt
Sanctitati
Ecclesiæ.*

Luthero scripta fuerunt. Quæ omnia si vera essent, nullum abominabilius monstrum, non dicam Germania, sed neque orbis universus vidisset. Quod si autem nolunt, ut omnia tanquam vera credamus, quæ multorum audaci nimis ore, vel calamo effusa sunt, cur ergo illi tam sanctè credunt, quæ contra sedem Apostolicam propudiosa calumniandi effutit licentia. Et verò si in Apostolico Collegio inter duodecim fuit unus Judas, nec tamen huius perfidia derogat sanctitati Apostolici statûs; Quid mirum si inter ducentos quadraginta quatuor hæcenus Pontifices octodecim, quos etiam ipsi Catholici fatemur, censurâ graviore perstringi posse, quos tamen nemo unquam hæreseos, aut à fide pertinacis defectus potuit convincere. Quare si hæretici tam oculati sunt in pervidendis paucorum Pontificum delictis, cur non etiam vident Ecclesiæ Catholicæ stabilitatem, quæ vel ex ipsâ perpetuâ Pontificum successione ostendit, quod deficere non possit, dicente Angelo *Luc. 1. v. 33.* Regni ejus non erit finis. Regnum autem Christi aliud non est, quam vera ejus Ecclesia visibilis & cognita. Neque enim Regnum dici possunt homines aliquot occulti, ab invicem separati, & dispersi, qui se non noverunt. Annon merito exclamem cum S. Augustino contra Donatistas in *ps. 102.* O impudentem vocem! Illa non est, quia in illa tu non es. Vide ne tu ideo non sis, nam illa erit, etsi tu non sis. Quomodo ergo stabit verbum Christi *Matth. 16. v. 18.* super hanc petram ædificabo Ecclesiam meam, & portæ inferi non prævalebunt adversus eam, neque Christus disertè dixisset apud *Matth. c. ult. v. ult.* Etece ego vobiscum sum usque ad consummationem sæculi, id est, usque ad diem Judicii, cum visibilibus illis hominibus, & eorum in Ecclesiâ DEI successoribus. Hinc *Matth. 3. v. 12.* dicit S. Joannes Baptista de Ecclesiâ Christi: Perirundabit arcam suam, & congregabit triticum suum in horreum, paleas autem comburet igni inextinguibili. Quod sine dubio non fiet ante diem judicii: Quare de Ecclesiâ Christi visibili arcam istam ipsi fatentur hæretici. Adeoque verissimum est, quod *Isa. 61. v. 8.* promisit DEus. Et sædus perpetuum faciam eis, & sciatur in gentibus semen eorum, omnes qui viderint eos, cognoscent illos, quia isti sunt semen, cui benedixit Dominus. Digito proinde in Ecclesiam Romanam intento dixit *Isaias c. 35. v. 8.* Et hæc erit vobis directâ via, ita ut stulti non errent per eam. Certè sineque stulti possunt errare per eam, qui

Judas proditor non derogat Collegio Apostolico.

Ecclesiæ stabilitas ex continuata successione Pontificum.

prudens metuat, cum Christus dicat *Luc. 10. v. 16.* Qui vos audit, me audit. Hoc enim est quod *Isaïas c. 59. v. ult.* tam graviter alleverat, promississe DEum. Hoc fœdus meum cum eis dicit Dominus, Spiritus meus qui est in te, verba mea, quæ posui in ore tuo, non recedent de ore tuo, & de ore seminis tui, & de ore seminis seminis tui, dicit Dominus, amodo & usque in sempiternum. Quod Christus *Joan. 14. v. 16.* confirmavit, quando dixit. Et ego rogabo Patrem, & alium Paracletum dabit vobis, ut maneat vobiscum in æternum, Spiritum veritatis, quem mundus non potest accipere. Subdit deinde: vos autem cognoscetis eum, quia apud vos manebit, & in vobis erit. Et hinc Christus *Matth. 18. v. 17.* DEI Ecclesiæ inquit utique visibili: Si autem Ecclesiam non audierit, sit tibi sicut ethnicus & Publicanus, Veritas enim fidei Ecclesiæ auctoritate nititur, quæ dicitur *1. ad Tim. 3. v. 15.* Ecclesia DEI vivi, columna & firmamentum veritatis. Adeoque *1. Joan. 4. v. 6.* Apostolus illuminatissimus dicit: Nos, hoc est, Apostoli, & Ecclesiæ Pastores ex DEO sumus. Qui novit DEum, audit nos. In hoc cognoscimus Spiritum veritatis, & Spiritum erroris. Nimirum in assensu ad ea, quæ docet Ecclesia, ejusque Prælati, & in dissensu ab eorum doctrinâ. Unde licet asserant Novatores, quod Ecclesia aliquando tota erraverit in Concilio Ariminensi, quando expunxit Græcum *homusios*, id est, consubstantialis. Sciendum tamen est, quod licet ibi sexcenti Episcopi fuerint, tamen non fuerit collecta tota Ecclesia, quia Romanus Pontifex, quo sine nullum Concilium Generale est ratum, cum aliis multis Episcopis statim contradixit. Atque ille error ex ignorantia linguæ Græcæ ortus, inter illos sexcentos Episcopos licetnaverit Arianis, tamen per reliquos Episcopos linguæ Græcæ magis peritos, ipsumque Pontificem fuit emendatus. Utor itaque verbis Calvini, qui *l. 4. instit. c. 2. sect. 1.* dicit: Si vera Ecclesia est columna & firmamentum veritatis, quod tamen dicit S. Paulus *1. ad Timoth. 2. versu. 15.* certum est, Ecclesiam non esse ibi, ubi Regnum occupavit mendacium, & falsitas. Quod in Ecclesiâ Christi implicat, nam doctrina Ecclesiæ, non tam est Ecclesiæ, quam Christi, & Spiritus sancti. Quod *Luc. 10. v. 16.* expressè dicitur. Qui vos audit, me audit. Et *Act. 15. v. 28.* Universi Apostoli scribentes fratribus Antiochiæ, Syriæ, & Ciliciæ ajunt:

Errori
Concilii
Ariminen-
sis contra-
dixit Pon-
tifex & alii
Episcopi.

ajunt : Visum est Spiritui sancto & nobis. Quia ergo Spiritus sanctus errare non potest, neque errabit Ecclesia, quæ dicitur, & est sancta, Sancta autem non esset, si falsa & impia doceret.



DISCURSUS XXXII.

Ecclesia Christi est una.

Docet nos Catechismus, quod debeamus credere Ecclesiæ. Et ratio est, quia Ecclesia vera eam fidem docet, quam Christus suo ore sacrosancto tradidit, Apostoli toto orbe prædica- runt, SS. PP. à Christo hucusque suis libris commendârunt, tot SS. Martyres suo sanguine subscripserunt, tot sancti non solum in primitivâ Ecclesiâ, verum etiam usque hodie tam insignibus miraculis stabiliverunt. Quia verò inter tot obortas sectas, variæ Ecclesiæ enatæ sunt, cum tamen non sit nisi una, in quâ salvari possimus, quæri necessario debet, an Lutherana, an Calviniana, an Anabaptistica, an Catholica, sit illa vera Ecclesia, in qua salvari possimus, & salutem æternam consequi. Quare cum fundamentum Ecclesiæ sit vera fides, quæ non potest esse multiplex, sed una dicente S. Paulo *ad Ephes. 4. v. 5.* Unus Dominus, una fides, Conveniebat divinæ providentiæ dare, certa signa, vel notas, ex quibus vera fides dignosci possit, & consequenter vera Ecclesia à falsa distingui. *Note & signa vera Ecclesiæ.* Advertendum autem est, quod Lutherus & Calvinus, imò plerique hæretici nostri temporis, admittant per quingentos primos annos in Ecclesiâ nostrâ veram, & illibatam fidem perstitisse, adeoque quidquid à SS. PP. illius temporis, vel sacris Conciliis fuit statutum, etiam ipsi agnoscunt & acceptant. Adeoque Generale Concilium Nicænum à trecentis octodecim PP. habitum velut legitimum & sanctum ipsa confessio Augustana statim in primo articulo agnoscit. Quod Concilium, quia expressè suâ autoritate confirmavit symbolum & confessionem fidei, quam Sacerdotes profitentur in sacro, dicentes & unam, sanctam, Catholicam & Apostolicam

*Hæretico-
rum signa
sunt nulla.*

licam Ecclesiam; Nos, aliis alia signa inquirentibus, cum his quatuor contenti erimus, & eam Ecclesiam veram esse dicemus, Quæ una, quæ sancta, quæ Catholica, quæ Apostolica fuerit. Ponunt quidem Lutherani Neoterici, & Calvinistæ duo signa, nimirum puram divini verbi prædicationem, & legitimam Sacramentorum administrationem, sed quia omne signum ex natura sua est sensibile, quemadmodum docet S. Aug. l. 2. *de doct. Christ. c. 1.* & aliunde ex Philosophiâ notum est, quod omne signum alicujus rei debeat esse notius, quam res illa cujus est signum, ignotum verò æque fit, ubi prædicetur purum verbum divinum, aut ubi sit legitima Sacramentorum dispensatio, quam ubi sit vera Ecclesia, hæc duo ab hæreticis adducta signa, veræ Ecclesiæ notæ statui non possunt, cum ad hæc ipsa signa, aliæ notæ, vel signa requirantur. Et verò quia Ecclesiæ veræ signa debent posse cognosci tam à gentilibus, quam à fidelibus, tam à rudibus, quam à doctis, prædicatione verò puri verbi divini, & dispensatio Sacramentorum agnosci non possint, nisi à fidei Christianis & fidelibus, & quidem iis solum, qui callent scripturam, eamque amplectuntur, manifestè concluditur, quod hæc duo signa vera non sint, sed illa, quæ à nobis assignantur pro veris haberi debeant. Quia notius est cuivis etiam gentili, quid sit esse unum, quid sit ipsum esse & sanctum, quid sit esse universale, & commune omnibus ejusdem professionis, quam si quæras, quæ sit vera Ecclesia. Debet enim signum esse sensibile. An verò ego Sacerdos Catholicus, vel Prædicans conficiat Sacramentum, non est sensibile. Nisi fortè apud Catholicos notius sit esse Sacramentum Eucharistiæ, si Sacerdos clariore voce verba consecrationis proferat, quæ ubi circumstantes audiunt, ex præsentem materia & forma, factaque adoratione à Sacerdote agnoscere possunt. Quod apud Lutheranos fieri non potest, qui dicunt, quod Sacramentum primo fiat in sumptione. Quia verò potest aliquis hostiam citius sumere, alius verò in ore diutius tenere, fiet, ut ego nunquam sciam, quando erit Sacramentum Lutheranorum. Et tamen ipse Kemnitius concedit Sacramentum esse signum visibile gratiæ invisibilis.

*Unitas Ec-
clesiæ est si-
gnum vera
Ecclesiæ.*

Signum ergo visibile veræ Ecclesiæ est unitas, quam unitatem velut visibile signum Christus ipse suis dedit. *Joan. 13. v. 31.* In hoc cognoscent omnes, quia discipuli mei estis, si dilectionem habueritis ad invicem. Pulchrè S. Gregorius l. 20. *mor. c. 9.* Testimo-

nium

nium supremi discipulatus est donum fraternæ dilectionis. Et hoc signum itatim prima dedit Ecclesia. *Act. 4. v. 32.* Multitudinis autem credentium erat cor unum & anima una. Qui effectus ardentissimæ illius orationis, quam Christus habuit ad Patrem, fuisse credi potest, quando dixit : *Joan. 17. v. 20.* non pro eis tantum rogo, sed & pro eis, qui credituri sunt, per verba eorum in me, ut omnes unum sint, sicut tu Pater in me, & ego in te, ut & ipsi in nobis unum sint ; ut credat, mundus, quia tu me misisti. Unde eleganter S. Cyrillus Alexand. *l. 9. in Joan.* signum certissimum & indubitatum erit vos meos esse discipulos, si quantum natura vestra, & humanitatis condicio capere potest, meæ vitæ vestigia sequamini, ut ita à mutæ charitatis vinculo non disjungamini. Ideoque citatus S. Gregorius dicit. Quam dilectionem quia omnes hæretici habere refugiant, & dum ab Ecclesiæ universalis unitate dividuntur, jure de eis dicitur, quorum virtus inanuum mihi erat pro nihilo. Ut propterea S. Augustinus *tract. 65. in Joan. tom. 9.* in illa verba Christi: In hoc cognoscent omnes, quia discipuli mei estis. &c. tanquam diceret inquit. Alia munera habent vobiscum etiam non mei, non solum naturam, vitam, sensus, & eam salutem, quæ hominibus, pecoribusque communis est, verum etiam linguas, sacramenta, Prophetiam, fidem, distributionem rerum suarum pauperibus, & traditionem corporis, sic ut ardeant, sed quia charitatem non habent, ut cymbala concrepant, nihil sunt, nihil ipsis prodest: Non ergo in illis quamvis bonis muneribus meis, quæ etiam habere possunt non discipuli mei; sed in hoc cognoscent omnes, quia discipuli mei estis si dilectionem habueritis ad invicem. Concludit deinde: Charitas in deliciis tuis, ipsa non comperdit cum impiis animam tuam, ipsa discernit causam tuam. Et hanc unitatem in Ecclesiâ Catholicâ suscepit, & deprædicavit Justinianus Imperator in *l. inter claras §. omnes. cod. de sum. Trin.* dicens: omnes verò Sacerdotes sanctæ Catholicæ, atque Apostolicæ Ecclesiæ, atque Reverendissimi Archimandritæ Sanctorum monasteriorum, sequentes sanctitatem vestram, & custodientes statum & unitatem sanctarum DEI Ecclesiarum, quam habent ab Apostolica sanctitatis vestræ sede, nihil penitus immutantes de Ecclesiastico statu, qui hætenus obtinuit, atque obtinet, uno sensu consentientur & glorificant prædicantes. Hanc unitatem commendat fufius paulo infra §. petimus §. Plus enim ita

Unitatem
Ecclesiæ
agnovit
Justinianus.

circa vos omnium amor, & vestrae sedis crescit auctoritas, & quae ad vos est unitas sanctarum Ecclesiarum inturbata servabitur, quando per vos didicerint omnes beatissimi Episcoporum, quae ad vos relata sunt synchronam vestrae sanctitatis doctrinam. Concludit deinde *s. Liqueat*. Unam veram fidem Catholicam Domini & DEI Salvatoris nostri Iesu Christi magisterio institutam, & Prophetis, Apostolicisque praedicationibus ubique diffusam, & Sanctorum per totum orbem confessionibus roboratam, PP. atque sanctorum sententiis adunatam & nostrae doctrinae (utique Pontificiae) consentaneam, inconcussè atque inviolabiliter devotè DEO & pià mente servavit. Hæc est igitur vestrae fidei, hæc certa religio, hoc beatæ recordationis PP. omnes, Praesidesque Romanae Ecclesiae, quos in omnibus sequimur, hoc sedes Apostolica praedicavit hætenus, & inconcussè custodivit. Huic confessioni, huic fidei quisquis contradictor extiterit, alienum se ipse à sancta communione, alienum ab Ecclesiâ iudicabit Catholicâ. Est namque Ecclesia cœtus hominum ejusdem Christianae fidei professione colligatus, sub regimine legitimorum Pastorum, ac præcipuè unius Christi in terris Vicarii Romani Pontificis. Quem omnes Christiani veri agnoscunt pro capite, cui in doctrinâ & Sacramentorum usu consentiunt. Hinc quando Christus ascensurus ad Patrem, abiturus erat à nobis, ille vices suas mandavit Petro. Quando dixit. *Matth 16. v. 18.* Tu es Petrus, & super hanc petram ædificabo Ecclesiam meam. ubi per Petram significari Petrum, quasi omnes SS. PP. docent, adeoque Ecclesiae fundamentum fuit Petrus. Si enim fundamentum alicujus communitalis & multitudinis est ille, qui ei præest, sic namque fundamentum familiae est Paterfamilias; Regni totius fundamentum est Rex. Sic S. Petrus per claves sibi à Christo traditas *v. 19.* & tibi dabo claves regni cœlorum, accepit potestatem gubernativam totius Ecclesiae Christi. Sic videmus in signum potestatis & domini, quod advenientibus Regibus & Principibus offerantur claves Civitatum, & oppidorum, quas cives deferunt, & se subiectos ostendunt. Quod magis elucescit ex verbis Christi, quibus potestas collata explicatur sequentibus statim verbis. Et quodcumque ligaveris super terram, erit ligatum & in cœlis, & quodcumque solveris super terram, erit solutum & in cœlis. Quod per claves autem scriptura intelligat potestatem gubernativam,

Pontifex
Romanus
est verè ca-
put Eccle-
siae Christi.

Per claves
intelligitur
potestas gu-
bernativa.

habemus id clarè *Iſa. 22. verſu 22.* Et dabo clavem domus David ſuper humerum ejus, quod omnes intelligunt de SS. cruce, quam Chriſtus humeris ſuis exportavit in montem Calvaria, ut verum eſſet illud: Regnavit à ligno DEUS. In cujus teſtimonium in cruce Chriſto titulus Regis fuit appoſitus. Sed obſtrepunt hæretici, æque enim volunt reliquis Apoſtolis dictum eſſe *Joan. 20. v. 23.* Accipite Spiritum ſanctum, quorum remiſeritis peccata, remittuntur eis, & quorum retinueritis, retenta ſunt; adeoque reliquos Apoſtolos Petro pares eſſe aſſerunt, & conſequenter Eccleſiam non tantum ſupra Petrum, ſed ſupra omnes Apoſtolos fundatam eſſe. Placuit mihi pro reſponſo instantia, quam dat hæreticis P. Petrus Wittfeld in ſua Theologia catechetica l. 1. de fide. Diſquis. 6. Inſtruit. 3. Quæſt. 3. ſuper omnes Apoſtolos inquit fundata eſt Eccleſia, ſed non eodem modo. Supra Petrum enim fundata eſt ut ſupra fundamentum primum, poſt Chriſtum; ſupra reliquos Apoſtolos, ut ſupra fundamentum poſt Petrum. Et hinc quando dicitur. 1. Petr. 5. v. 2. pascite qui in vobis gregem, oſtendit illos particulares particularium Eccleſiarum eſſe conſtitutos Paſtores. Petrum autem, cui à Chriſto dictum eſt bis, pascere agnos meos, tertio etiam dictum eſt, pascere oves meas amplior poteſtas collata cenſeri debet. In quem locum eleganter *Eusebius Emiſſ. in nativ. S. Joan. Evang.* Prius agnos, deinde oves Petro commiſit, quia non ſolum Paſtorem, ſed etiam Paſtorem Paſtorum conſtituit. Paſcit igitur Petrus Agnos, paſcit & oves. Paſcit filios, paſcit & matres, regit & ſubditos, regit & Prælatos. Omnium igitur Paſtor eſt, quia præter agnos & oves nihil in Eccleſia eſt. Explicat hoc eruditè dictus Wittfeld hac instantiâ; Imperium Romanum fundatum eſt ſupra Imperatorem Romanum, & Principes Imperii. Sed ſupra Imperatorem, ut totius Imperii moderatorem, ſupra Principes ut moderatores particularium Provinciæ. Nec obitat quod *Act. 8. v. 14.* dicatur, cum autem audiſſent Apoſtoli, qui erant Hieroſolymis, quod recepiſſet Samaria verbum DEI, miſerunt ad eos Petrum & Joannem. Ex hac miſſione inferunt hæretici contra Petrum, ergo Petrus non erat illis ſuperior. Sed bene advertendum eſt, quod aliud ſit mitti conſultivo tantum. aliud verò præceptivè; & priori modo conſultivo mitti poteſt non tantum inferior, ſed æqualis & ſuperior. Sic Pater in divinis miſit filium, Pater & filius, miſerunt Spiritum ſanctum, non tamen exinde inferre licet, quod Spiritus ſanctus, non ſit æqualis Patri, &

Etiam reliquis Apoſtolis data eſt poteſtas clavium, ſed non eodem modo.

S. Petrus
unanimiter
à SS. PP.
Ec. l'ſe
caput ſa-
lutatur.

tri, & Filio, vel quod Filius ſit minor Patre. Sic etiam videmus Paulum reſtitiffe Petro *ad Gal. 2. v. 11.* Cum autem veniſſet Cephas Antiochiam. in faciem ei reſtiti, quod non intelligi debet Paulum id feciſſe authoritative, ſe à ſolum charitative. Quod uſque hodie in multis religioſis familiis bene conſtitutis prædicatur, ut aliquis ſuperintendens vel Monitor Præſato ordinis adjungatur, qui in certis circumſtantiis ex charitate ſuperiorem monere poteſt, neque tamen ex hoc arguitur in monente Potestas ſupra monitum. Merito proinde S. Petrus tot SS. PP. oraculis caput Eccleſiæ, & Paſtor Paſtorum ſalutatur. Sic enim Cyrillus Hieroſol. *Catech. 2.* Petrum nominat Apoſtolorum Principem. S. Epiphanius *heres. 51.* Diſcipulorum Duceſſe Eusebius in Chron. primum Chriſtianorum Pontificem. Cyrillus Alexandr. *l. 12. in Joan. l. 64.* Principem, caputque cæterorum. Denique Cypr. *l. de unitate Eccleſiæ* caput, fontem, radicem, totius Eccleſiæ appellat. Longus eſſem ſi omnia PP. teſtimonia adducerem, quibus abundant homilia diſertiſſimæ Doctorem Eccleſiæ, & SS. PP. divino ſpiritu pleniffimi ſermones redundant. Placet mihi S. Bern. *qui l. 2. de conſid. ad Eugenium* Pontificem ſcribit. Si me amas Petre, paſce oves meas. Quas? illius vel illius populos Civitatis? Oves, inquit, meas. Cui non planum eſt, non deſignâſſe aliquas, aſſignâſſe omnes. Nunc verò quia S. Petrus martyrio coronatus eſt ſub Nerone, illi in curâ Univerſalis Eccleſiæ ſucceſſit Linus, de quo diſertè S. Aug. *Ep. 165.* dicit, Petro ſucceſſit Linus. Sic etiam videmus in ipſo Canone in communicantes ante actualem conſecrationem poſt nomina Sanctorum Apoſtolorum imponi nomina ſucceſſorum S. Petri in cathedrâ Romanâ, & quidem primo Lini, deinde Cleti, & Clementis qui primum ſæculum Chriſti velut Romani Pontifices concluderunt. Hoc eodem ordine referuntur ab Eusebio Cæſar. *l. 3. hiſt. Eccl. c. 13.* atque ab ipſo Platina hac ſucceſſione locantur, & fuſius à Cardinale Bellarmino in ſua *chronol.* demonſtratur. Et verò ſi in antiquo teſtamento in Synagopâ, quæ fuit figura Eccleſiæ hoc fuit conſtitutum, ut demortuo Pontifici ſuccederet alius, cur id negetur Eccleſiæ, quæ uſque ad finem mundi perdurabit. Cuius proinde fundamentum cum fuerit Petrus, qui velut homo mortalis, uſque ad conſummationem ultimam mundi in propriâ perſonâ non potuit perdurare, manſit ſaltem uſque in hodiernam diem in ſuis ſucceſſoribus Romanis Pontificibus. Apud quos juxta Concilium Nicænum &

Chal.

Chalcedonenſe Eccleſia Romana ſemper habuiſſe primatum dicitur, *Romanus*
 & Romanus Episcopuſ vocatur omnium Eccleſiarum caput, atque *Episcopuſ*
 univerſalis Eccleſiæ Papa. Et hinc ſtatim in ſui Romani Episcopatuſ *eſt omnium*
 initio S. Petruſ varioſ Episcopos in orbem univerſum miſit, & qui- *Eccleſia-*
 dem per univerſam Italiani Capuam S. Priſcum, Neapolim Aſpreſ, *rum caput.*
 Taracinam Epaphroditum, ad Equicolas Marcum ab Evangeliſta *S. Petruſ*
 diverſum, Feſulas Romulum, ad Lucam Civitatem Paulinum, Ra- *caput Ec-*
 vennam Apollinarem, Veronã Euprepium, Paduam Proſdocimum, *cleſia per*
 Paviam Syrum, Aquilejam Hermagoram, in Siciliam Pancratium, *omneſ Pro-*
 Marcianum Perillum & Philippum Episcopos miſit, de quo ſuſius *vincias mi-*
 Cardinalis Baroniuſ ad annum Chriſti 46. In Galliam verò & quidem *ſit Episco-*
 ad Lemovicenſes Tolofanoſ & Burdegalenſeſ S. Martialem, ad Re-
 menſeſ Sixtum, ad Arelatenſeſ Trophimum, ad Senonenſeſ Sa-
 brianum, ad Cenomanos Julianum, ad Viennẽſeſ Creſcentium, ad
 Catalaunos in Campaniam Memmium, ad Bituricenſeſ Urfinum. In
 Arverniam Auſtremonium, ad Xantonas Eutropium. In Hiſpa-
 niam deinde Torquatum, Cteſiphontem, Secundum, Indeletium,
 Cæcilium, Heſychium, & Euphraſium, per quos ſeptem, & eo-
 rum ſucceſſoreſ univerſa deinde Hiſpania fuit converſa. In Ger-
 maniam ablegavit Valerium, Maternum, Eucherium, Creſcentium,
 Laurentium de quo Raderuſ in ſua Bavaria ſancta. S. Beatum, Æ-
 giſtum, Marcianum. In Aſiam verò ipſe Anno Chriſti 51. ſub per-
 ſecutione Claudii Imperatoriſ proſectuſ eſt, ubi per ſeptem annos
 velut ſolicituſ Paſtor Pontum, Bythiniam, Galatiam, & Capado-
 ciam viſitavit, relicto Romæ, uti ſcribit S. Epiphaniuſ *heret. 27.*
 Lino & Cleto, qui velut fideleſ Petri coadjutoreſ interim Eccleſiæ
 Romanæ providerunt. Quæ omnia ſuſius refert Baroniuſ ad annum
 Chriſti 46. & Martyrol. Romanum, alii que varii authoreſ teſtantur.
 Quemadmodum autem S. Petruſ prædictoſ ſanctoſ Episcopos ad
 treſ orbis parteſ dimiſit, ſic planè de Lino, Cleto, Clemente Pe-
 tri proximis ſucceſſoribuſ, S. Innocentiuſ in ſua *Ep. 1.* diſertis ver-
 biſ teſtatur. Manifeſtum eſt in omnem Italiani, Galliaſ, Hiſpaniaſ,
 Africam & Siciliam, inſulaſque interiacenteſ nullum hominuſ con-
 ſtituiſſe Eccleſiaſ, niſi eoſ, quos Venerabilis Apoſtoluſ Petruſ, aut
 ſucceſſoreſ ejuſ Sacerdoteſ conſtituerunt. Quod certè neque Pe-
 truſ, neque ſucceſſoreſ ejuſ feciſſent; niſi Univerſaliſ Eccleſiæ ca-
 put & Pontificeſ fuiſſent. Ut propterea S. Hier. *Ep. 57.* dicat: Bea-
 titudini

Nulla heresis orta
in Ecclesia,
quæ non
fuiſſet à
Pontifice
Romano
damnata.

Ecclesia eſt
una quia
eſt unum
caput.

titudini tuæ (nempe cathedræ S. Petri) communione confocior, ſuper illam Petram Eccleſiam ædificatam ſcio. Taceo quod juxta continuatam praxim Eccleſiæ Concilium Oecumenicum, & legitimum habitum non ſit in Eccleſiâ, niſi authoritate Pontificis Romani niteretur. Non dicam, quod dicit Tannerus *tom. 3. diſp. 1. q. 7. dub. 3.* quod nulla unquam fuerit in Eccleſia exorta hæreſis, quæ non à Romano Pontifice mediatè vel immediatè fuiſſet condemnata. Hinc ex toto orbe Chriſtiano quæſtiones dubiæ de fide ſemper ad Petri Romanam cathedram ſunt delatæ, utpote cui dictum eſt à Chriſto *Luc. 22. v. 32.* Ego rogavi pro te ut non deficiat fides tua, & tu aliquando converſus, confirma fratres tuos. Illi enim datæ ſunt claves, ſeu potestas aperiendi cælum iis, quibus per ignorantiam rerum fidei clauſum fuiſſet. Et quia illi dictum eſt à Chriſto *Pasce oves meas*, data ſunt illi pariter omnia, quæ ad bene paſcendum gregem ſibi commiſſum ſunt neceſſaria, inter quæ primario eſt doctrina & fidei infallibilitas, quia ſi poſſet errare Petrus, ejusque Succeſſores Chriſti vicarii in ſuis definitionibus; illi non confirmarent, ſed deciperent fratres ſuos; adeoque non paſcerent, ſed maſtarent, atque infernalis lupi faucibus oves exponerent. Merito proinde dixit S. Baſil. *in Ep. ſua ad Pontif. Pietati tuæ donatum eſt*, ut quod adulterinum eſt, à legitimo ſecernas. Quia verò hæc omnia à plurimis Controverſiſtis copioſè ſunt pertractata, ego ad illos lectorem remitto. Ad meum itaque propoſitum revertor, & Eccleſiam Catholicam verè unam oſtendo, quia omnes veri Chriſtiani & Catholici cum ſuo capite nempe Romano Pontifice ſunt uniti, quem pro ſuo capite agnoſcunt, eique in doctrinâ & Sacramentorum uſu conſentiunt.

Cum enim Eccleſia à S. Paulo *ad Rom. 12. v. 4.* dicatur corpus, dicente: Sicut enim in uno corpore multa membra habemus, omnia autem membra non eundem actum, ita multi unum corpus ſumus in Chriſto, ſinguli autem alter alterius membra. Quod *ad Eph. 4. v. 4.* repetit, dicendo: unum corpus, & unus Spiritus, ſicuti vocati eſtis in unâ ſpe vocationis veſtræ. Quasi diceret, ſicut eſt una ſpes vocationis, ita eſt, & eſſe debet unus Spiritus adeoque tam ſolicitè Chriſtus *Joan. 17. v. 20.* Patrem ſuum cœleſtem rogavit. Non pro eis autem, id eſt, Apoſtolis rogo tantum, ſed etiam pro eis, qui credituri ſunt per verbum eorum in me, ut omnes unum ſint, ſicut tu

Pater

Pater in me, & ego in te, ut & ipsi in nobis unum sint. Qui enim cum corpore reliquo, & capite non consentit, & unus est; neque cum Christo consentit. Hinc postquam S. Hier. *Ep. 57. ad Dámasum* dixit: Cathedræ Petri communionem confocior, statim subiunxit: quicumque extra hanc domum agnum comederit, profanus est. Neque enim inquit S. Cypri. *Ep. 55.* aliunde hæreses obortæ sunt, quam inde, quod non cogitatur in Ecclesiâ unus sacerdos, & unus Iudex ad tempus vice Christi. Quare si, quod ex S. Paulo diximus, Ecclesiâ est unum corpus visibile, nempe collectio fidelium, quæ toto orbe diffusa in suis membris nempe Christi fidelibus cernitur, debet illa habere visibile caput, quod est Romanus Episcopus Christi Vicarius, & in cathedrâ Petri Successor, cui tanquam capiti suo in terris adhæreat. Quod profectò de Ecclesiâ Lutheranâ dici non potest, quia Lutherani docent in Ecclesiâ non esse caput, cui omnes teneantur obedire; non esse Iudicem, cujus definitionem omnes teneantur sequi. Cum tamen S. Athanasius ad Felicem II. Cyrillus Alexandrinus ad Cœlestinum, S. Ambr. *Ep. 81. ad Siricium* Papam recurrerint, & resolutiones in materiâ fidei petiverint. Sciverunt illi utique Canonem. 29. Concilii Nicæni à 318. Episcopis habiti, cui etiam Constantinus Magnus anno Christi 324. interfuit, ubi sic decretum fuit. Qui tenet sedem Romæ, caput & Princeps est omnium Patriarcharum, cui data est potestas in omnes Principes Christianos & omnes populos eorum. Ut qui sit Vicarius Domini nostri super cunctos populos, & universam Ecclesiam Romanam. Quæ enim dixit *Matth. 28. v. 20.* Ecce ego vobiscum sum omnibus diebus usque ad consummationem sæculi, intellexerit id de legitimis & veris Petri successoribus, quibus sublato per mortem Petro, utpote immediato Christi Vicario, usque ad consummationem sæculi continuis ejusdem successoribus adesse debet. Et hoc est illud, quod Paulus *ad Ephes. 4. v. 11.* voluit, quando dixit. Et ipse scilicet Christus dedit quosdam Pastores & Doctores ad consummationem Sanctorum in opus ministerii in ædificationem corporis Christi, donec occurramus omnes in unitatem fidei, & agnitionem Filii DEI, in mensuram ætatis plenitudinis Christi, hoc est, in resurrectione universali mortuorum. Ut jam non simus parvuli fluctuantes, & circumferamur omni vento doctrinæ, in nequitia hominum; in astutia ad circumventionem erroris. Ex quo concludes, quod si Christus

vi hujus suæ promissionis dabit Ecclesiæ Pastores, usque ad extremum mundi diem, certe Pastorem illius primarium interire non patietur, cum is velut caput illius visibile, in terris omnium maxime sit necessarius, ad oves Christi in concordia unitate continendas. Et verò si Spiritus sanctus per Davidem *ps. 108. v. 8.* prædixit. Et Episcopatum ejus accipiat alter, adeoque *Act. 1. v. 20.* Petrus tam sollicitè juxta voluntatem DEI illi Successorem providit; quanto magis Petro Pastori universalis Ecclesiæ, cum Petrus & officium illius propter oves, quæ usque ad consumationem mundi perdurabunt, & non oves propter Petrum sint constitutæ, dicente S. Aug. *l. de Pastoribus c. 1.* quod Christiani sumus, propter nos est, quod Præpositi sumus propter vos est. Quod si autem vel in antiquo testamento DEO tanta cura fuit in successione unius familiæ, ut domus illa continuata serie succederet, & non extingueretur, ut propterea *Ruth. 4. v. 14.* Mulieres gratulentur Noëmi dicentes Benedictus Dominus, qui non est passus, ut deficeret successor familiæ tuæ, magis longè successio Pontificum erit cordi Christo, ut in Ecclesiâ suâ pro quâ sanguinem fudit, continuatâ successione Pastores summi, ejusque in terris Vicarii continuentur. Observavit hoc S. Chrysostomus *l. 2. de sacerdotio circa principium*, dum quærit. Quanam de causâ ille sanguinem effudit suum. Certè ut pecudes illas acquireret, quarum curam tum Petro, tum Petri successoribus committebat. Si enim semper manet Ecclesia, quæ est ovile Christi, necesse est, ut maneat etiam ejus Pastor, qui alius non est nisi Petrus, & ejus in Episcopatu Romano successores. Huic enim dictum est à Domino *Matth. 16. v. 18.* Et ego dico tibi, quia tu es Petrus, & super hanc Petram ædificabo Ecclesiam meam. Prævaluissent enim portæ inferi, si aliquando Ecclesia universalis summo Pastore fuisset orbata, & corpus Ecclesiæ sine capite perstitisset. Conatus id fuit evincere dæmon ab anno Christi 300. per totum illud sæculum, quo solo, plures, quàm quinquaginta hæreses insurrexerunt. Et in Asia quidem ita prævaluerunt Arianæ, ut ipsum Cæsarem in partem suam inclinaverint. In Africâ dominabantur Manichæi, Donatistæ, & Pelagiani. In Europâ præter Arianos grassabantur Priscillianistæ, Jovinianistæ, Origenistæ, Photiniani, & plures alii. Quos omnes autoritate Cæsareâ firmabat Constantius Imperator Arianos secutus, & Julianus Apostata Gentilis factus. In Italiâ Ostrogothorum, Visigothorum,

*Ecclesia in
4. sæculo
gravissimè
perturbata.*

rum in Hispaniâ, Vandalorum in Africâ Reges Arianis adhærebant. Tumultuabantur Patriarchæ Constantinopolitani, & Antiocheni, plurimi Archi-Episcopi & Episcopi, qui vel Arianis adhæserunt, vel sedem Apostolicam Romanam in suo primatu perturbabant. Has tamen tam sævas & frequentes tempestates, Ecclesia Christi super petram fundata Christo summo capite se protegente, confudit, & annulavit. Ita quidem ut si in ullo sæculo autoritas sedis Romanæ fuit propugnata, certè in illo sæculo autoritate præcipuorum Doctorum & SS. PP. nimirum ab Athanasio, Basilio, Chrysostomo, Gregorio Nazianzeno, Ambrosio, Augustino, Hieronymo, fuerit defensa & conservata. Sic ut S. Athanasius in *Epist. ad S. Marcum Papam*, hanc quasi maximam inter fidei nostræ dogmata statuerit: Romanam Ecclesiam matrem, & caput esse omnium Ecclesiarum. Et ideo quia caput est Ecclesiæ, ipsius est convocare Concilia, eisque præsidere, vel per se, vel per legatos suos. In hoc enim omnes Catholici conveniunt, quod dicant Pontificem Romanum quemadmodum docet Bellarm. *tom. 1. de Rom. pontif. l. 1. c. 10.* Sancti Petri Apostolorum Principis, totiusque Ecclesiæ militantis capitis immediatè ab ipso Christo instituti legitimum successorem, ac totius militantis Ecclesiæ Monarcham, caput, & fundamentum esse, soli enim Petro, ejusque legitimis successoribus dictum est, Tibi dabo claves. Neque ullus alius audivit sibi à Christo dictum esse. Pasce agnos meos; pasce oves meas, id est non solum populum fidelem, sed ipsos etiam Pastores, id est, Prælatos & PP. in Conciliis congregatos. Unde putant aliqui hoc esse juris divini, sicquidem ut supremus Pastor, & Pontifex Romanus etiamsi vellet, non possit se juridicè Concilio subicere, quod enim DEUS statuit, homo non potest tollere. Et hinc vidimus, quod S. Marcellinus Pontifex cum ex timore suppliciorum sub Diocletiano Imperatore fidem negasset, & thus Diis Gentium incensasset, facti pœnitens, cum intellexisset Sinuessæ collectum Episcoporum Concilium, cilicio indutus eò perrexerit, & multis cum lachrymis perfidiam suam detestatus, se Concilio subicere voluerit, Concilium tamen unanimiter reclamaverit, contestatique sunt PP. Collecti, quod prima sedes à nullo alio judicetur. Quare illum, ad pœnitentiam cum Petro agendam sunt cohortati. Quod si verò aliquando inveniatur, quod Imperatores Concilium indixerint, illud aliter factum non est, quam cum autoritate & consensu

*Romana
Ecclesia
mater &
caput est o-
mnium Ec-
clesiarum.*

*Romanus
Pontifex
non potest
se juridicè
subicere
Concilio.*

Imperato- res non nisi cum consensu Pontificum Concilium indicunt. sensu Pontificum Romanorum, quod claris verbis testatur Sixtus III. in Ep. sua ad Orientales. Valentinianus, inquit, Augustus auctoritate nostrâ Synodum convocavit. Quod pari sensu Adrianus II. in Ep. ad Basilium Imperat. quæ lecta est in synodo 8. actio. 1. rescripsit: Voluimus per tuæ pietatis industriam Constantinopoli numerosum convocari Concilium. Sic Constantinopolitanum non tam indixit Imperator Theodosius, quam litteras Papæ Damasi quibus Concilium indicebatur ad Episcopos misit. Sicut ergo primis illis tem-

Pontifices in Conciliis convocandis opem requisiverunt Imperatorum. poribus Imperatores non indixerunt Concilia Generalia sine auctoritate Pontificis, sic neque Pontifices sine Imperatorum auxilio & ope eadem habuerunt, non quod Concilia sine Imperatoribus non fuissent rata, quod rudissimè dicunt heterodoxi, sed ut Episcopi auctoritate Imperatoriâ in itineribus à paganis defenderentur, vel ut sumptibus publicis pauperiores Episcopi transveherentur, vel etiâ ne publicis statutis Cæsarum de seditiosis Conventiculis à Concilio adeundo PP. convocati retardarentur. In his proinde si Imperatores comparuerunt, iudicia & leges non dictare & ferre, sed audire solebant. Ut propterea Marcianus Imperator in 7. act. Concil. Chalcedonenfis dixerit: Nos ad fidem confirmandam, non ad potentiam ostendendam exemplo religiosissimi Principis Constantini synodo interesse volumus, ut veritate inventâ non ultrâ multitudo pravis doctrinis attrita discordecet. Ecce quam cordi fuerit ipsis Imperatoribus unitas Ecclesiæ Catholicæ, quam etiam per Concilia Generalia conciliare laborarunt.

In Ecclesia Christi est unitas doctrinæ.

Alterum, in quo unitas Ecclesiæ consistit, est, ut sit unitas & consensus in doctrinâ, ut omnium, qui sunt unius fidei, una sit doctrina juxta illud Act. 4. versu 33. Multitudinis autem credentium erat cor unum & anima una. Bene enim monet S. Paulus 1. ad Cor. 14. v. 33. Non enim est dissensionis Deus, sed pacis, sola enim Ecclesia Catholica est, quæ in doctrinâ fidei consentit, dum illa solum circa dogmata fidei credit, quæ proponit Ecclesia, & illa reprobat, quæ Ecclesia damnat. In divino verò cultu, & administratione Sacramentorum, & numerum eundem servat, & cæremonias easdem adhibet per totum orbem terrarum. Quod quia non videmus fieri apud Lutheranos, quis nō videat, illos hoc signo destitui, & unitate carere, de quo vel ipsi queruntur, quod in varias sectas vel in ipso ortu suo fuerint divisi. Has sectas suas & discordias vel ipsi sectarii libris per illos

ema-

emanatis vulgari, ut opus non sit Catholicos in his confutandis occupari. Nec verò tantum inter se dissentiunt, sed ipsi à se ipsis turpidissime discordant, & contradicunt. Lutherus certe in suo libro de captiv. Babyl. jam unum tantum Sacramentum nempe Cœnam, jam duo, Cœnam nimirum & Baptismum; aliquando etiam tria; Cœnam, baptismum, & pœnitentiam concedit. Tandem nec septem esse abnuat in Ecclesiâ Sacramenta. O Protheum! & in salutis negotio periculosum Vertumnus. Fusus est in hoc demonstrando Cochleus in Luthero suo septicipite, Faber in Antilogia, aliique probati auctores, qui tanti Evangelistæ errores, & falsissima dogmata clarè ostendunt. Olim Arii doctrinâ à nobis, nempe sede Catholicæ Ecclesiæ Romanâ declarata est erronea, quia hæc doctrina ab homine nempe Ario, qui Sacerdos fuit in Africâ, & veteri legi Christi fuit contraria, spargebatur. Ostenderunt præterea Catholici sæculum, annum, locum, diem, quo fuit disseminata, cui & à quo fuerit, contradictum, atque adeo doctrinam illam manifestè esse novam & erroneam confutaverunt. Annon pariter Lutheri doctrinam erroneam ostendemus, quando Lutherum natione Saxonem, 'professione Monachum, deinde Catholicum Sacerdotem, horum errorum auctorem monstramus. Quos ipse in Saxoniam Wittenbergæ Anno Christi 1517. 1. Novembris Primâ vice contra indulgentias disseminavit. Sed & manifestissime ostendimus, eidem fuisse contradictum ab Eckio, Joanne Cochleo, Embsero, SS. Theologiæ Doctoribus, à Cardinale Cajetano, & ipso Leone 10. Clemente 7. Hadriano 6. Romanis Pontificibus, ab ipso Concilio Tridentino, à plurimis, ad quas ipse provocavit, Academiis & Universitatibus, nempe Parisiensi, & Lovaniensi, quæ omniâ argumentum sunt evidens erroris falsæque doctrinæ, quam perniciosè Lutherus in Ecclesiam Christi induxit. Ego certè illius sum opinionis, quod si quis Lutheri tomos syncero affectu, & non passionato in Ecclesiâ Catholicam animo legeret, ejusdemque doctrinam tam fœdam, & scandalosam, sibi que contradicentem expenderet, vel hoc ipso sufficiens haberet argumentum conversionis, & tam ludicram, ac propudiosam veræ fidei titulo coloratam doctrinam detestandi. Scio ego multos honestos viros, imò & matronas erubuisse, quando viderunt, tam lascivis scurrilitatibus verbum DEI infamari. Ostendant hoc nobis Catholicis quicunque hæcenus fuerunt hæretici, quod in Ecclesiâ DEI Catho-

*Lutherus
pari modo
confuta-
tur, quo o-
lim Arius.*

*Lutheri
doctrina
sibi fœde
contradi-
cit.*

licâ

licâ ab ejusdem Doctore & fidei Magistro, aliquid tam monstrosâ fecunditate contaminatum, autoritate Ecclesiæ approbatum prodierit? Adeoque vel ipsi fateri debent, in Ecclesiâ Catholicâ per totum orbem diffusâ unam, eandemque esse doctrinam, quæ Christi fidelibus in Ecclesiâ proponitur, eamque uno omnes ore profitentur. Sequimur namque consilium S. Pauli *ad Hebr. 9. v. 13.* Doctrinis variis & peregrinis nolite abduci. O si hæretici serio expenderent admonitionem illam Pauli. *1. ad Cor. 1. v. 16.* Obsecro autem vos fratres per nomen Domini nostri Jesu Christi, ut id ipsum dicatis omnes, & non sint in vobis schismata. Sitis autem perfecti in eodem sensu, & in eadem sententia. Nunquam illi in tam manifestos errores prolapsi fuissent, neque tam facile errorum Magistris adhæsisent, sed in fidei Catholicæ confessione constantes permansissent: Cum vel ipse Anti-Lutherus, sibi; contrarius fateatur in *tom. 7. Wittenb. Anno Christi 1551. impresso.* Ecclesiam Christi usque ad finem mundi, successionem habituram. Sic enim loquitur ipse. Quod si cessârunt jam Apostoli, Evangelistæ & Prophetæ, necesse est alios ipsis successisse & posthac successuros esse, usque ad mundi finem, nam Ecclesia duratura est usque ad consummationem sæculi. Quomodo ergo dicitis Ecclesiam post sextum sæculum defecisse, & post novem primò sæcula à vestro Evangelista rursus sub scamno extractam. Quis ergo toto illo novem sæculorum cursu salvus factus est? Cum extra Ecclesiâ nulla sit salus; dicente S. Hier. in *Ep. ad Damasum*, si quis in arcâ Noë non fuerit, peribit regnante diluvio. Quod ipsum dixit Christus Joan. *15. v. 6.* Si quis in me non manserit, mittetur foras, & arefcet, & in ignem mittetur. Quod spiritu Prophetico prædixit *Isaias c. 60. v. 12.* Gens enim & regnum, quod non servierit tibi, peribit; Quippè hæc sola vinea est, in qua fidelibus operariis datur denarius: In hac solâ Petro ejusque successoribus datæ sunt claves ad aperendum & claudendum cælum, cui proinde non acquiescere peccatum quasi ariolandi est, dicente S. Spiritu. *1. Reg. 12. v. 23.* Quasi peccatum ariolandi est repugnare, & quasi scelus idololatriæ, nolle acquiescere. Ideoque à Christo apud *Matt. c. 18. v. 17.* anathema ponitur refractariis: Si Ecclesiam, inquit Christus non audierit, sit tibi sicut Ethnicus, & publicanus. Causam dat ipse, *Luc. 10. v. 16.* Qui vos audit, me audit, & qui vos spernit, me spernit. Hinc à contrario. *1. Joan. 4. v. 6.* dicitur; Qui novit DEum, audit nos. Est enim

verò

verò Ecclesia unica columba, & una perfecta, quam sibi desponsandam prædixit Christus *Osee. 2. v. 19.* Sponsabo te mihi in sempiternum. Quod Paulus *ad Ephef. 5. v. 32.* adimpletum dixit per Ecclesiam, dicens: Sacramentum hoc magnum est; Ego autem dico in Christo, & Ecclesia. Est illa unica familia, super quam constituit DEUS fideles servos suos, nempe servos servorum DEI, quo titulo Romani Pontifices à tempore S. Gregorii Magni utuntur. *Mat. 24. v. 45.* Est hæc unica illa Vineam quam triginta trium annorum labore constanti plantavit, & demum proprio sanguine rigavit, ad quam cœlestis Paterfamilias misit duos filios suos, inter quos est differentia, & quæstio, quis voluntatem Patris fecerit. *Mat. 21. v. 28.* Ubi bene notanda est decisio ipsius Christi *v. 31.* Amen dico vobis, quia Publicani & meretrices præcedent vos in regnum DEI. Quomodo ergo Anabaptistæ teste ipso Calvino *instit. l. 4. c. 1. §. 18.* audent dicere, Ecclesiam esse multitudinem hominum perfectorum nullum peccatum habentium. Ubi ergo manent Publicani & meretrices? Et tamen Christus cœlo inscribit; quos hi ex synagogâ suâ excludunt. O quam ego metuo, si in horum Synagogâ se bonus IESUS inclinaret, & digito in terrâ scriberet *Joan. 8. v. 6.* diceret qui sine peccato vestrum est, vestrum primus in illam lapidem mittat. Quam ego brevi viderem Ecclesiam vel Synagogam hanc esse vacuam, cum certò futurum esset illud, quod ibidem *v. 9.* dicitur, audientes autem unus post unum exhibant incipientes à senioribus. An autem IESUS solus remansurus esset, vehementer dubito. Et tamen Ecclesia Vestra est multitudo perfectorum nullum peccatum habentium. Memini tam sanctæ Synagogæ in populosâ quadam civitate, ubi cum Anabaptistæ de religione disputaturi convenirent, magnus populus confluerat, adfuerunt etiam fœminæ, & inter illas formosissimæ aliquæ puellæ, quæ inter viros in limine templi consistentes admitti petebant, has ubi conspicati sunt fratres perfecti plane, & nullum omnino peccatum habentes, in colla illarum puellarum per quàm affectuosè ruerunt, cum præmissâ hac suavissimâ salutatione, salvete charissimæ sorores. Cum verò penes illas puellas vetulus & senex quispiam adstaret, nec senem ullus oscularetur, quidam Catholicus argutè dixit: Charitative sorores vestras osculamini, cur non æque fratres salutatis? Ubi vestra charitas fundata sit, facile perspicimus, & non sine risu omnium abivit. Quid vos Lu-

Anabaptistæ sorores non fratres in osculo pacis salutant.

therani cum veſtrâ Eccleſiâ ageretis, qui in confeſſione veſtrâ Auguſtanâ Eccleſiam dicitis congregationem eorum, qui nunquam lapſi ſunt circa confeſſionem fidei. Quomodo in hac Eccleſiâ veſtrâ ſalvaretur Petrus, qui Chriſtum negavit? Heu me quàm ſtultis, & vaniſſimis erroribus diſtrahimini? Eccleſia uti habetis *Mat. 13. v. 47.* Similis eſt illi ſagenæ miſſæ in mare, & ex omni genere piſcium congreganti, ex quibus malos foras miſerunt. Ergo prius intus fuerunt, neque enim aliàs foras mitti poſſent. Eccleſia eſt ârea illa *Mat. 3. v. 13.* in quâ non tantum triticum, ſed etiam paleæ ſunt, quæ igni inextinguibili reſervantur. Eccleſia eſt ager ille *Mat. 13. v. 24.* in quo præter herbam bonam creverunt etiam Zizania, quæ ſervi eradicare volentes prohibiti ſunt à Patrefamilias, ſed jubentur, expectare tẽpũ meſſis. In quo bene obſervandum eſt, quod ſemen bonum ſeminatum ſit prius, deinde verò dormientibus hominibus dæmon ſupervenerit, & ſuper ſeminaverit Zizania. Ubi manifeſtum habes ſignum, veræ Eccleſiæ eſſe unitatem, & antiquitatem fidei. Quare vera Eccleſia non eſt illa, quæ primò poſt annos complures enata eſt, ſed debuit prognata eſſe, & durâſſe à tempore Chriſti, & Apoſtolorum. Quod cum nequeant præſtare Lutheranæ, neque etiam Calviniſtæ, qui primò poſt mille quingentos annos poſt Chriſtum prodierunt, manifeſtè oſtenditur illos non à Chriſto ſeminatore vero, & bono, ſed à dæmone omnium Zizaniarum autore prodiſſe. Nec obſtat Lutheranorum cavillatio, qui dicunt, quod viſibilis Eccleſia Chriſti, & Apoſtolorum poſt ſextum ſæculum interierit, nec niſi tempore Lutheri, & Calvini rurfus revixerit, expreſſe enim mandat Paterfamilias, ut non exterminent Zizania, ſed dicitur ſinite utraq; creſcere, nempe veram & falſam Eccleſiam, nec niſi tempore ſuo diſcriminanda. Adeoque vera & una Chriſti Eccleſia ſemper perduravit, & uſque ad conſummationem ſæculi permanebit, docente hoc Chriſto : Ego vobiscum ſum uſque ad conſummationem ſæculi.



DI-

DISCURSUS XXXIII.

Ecclesia Christi est Sancta.

Transseo ad secundum signum veræ Ecclesiæ, quod est esse sanctam. Et quidem hanc sanctitatem prodit Ecclesia Catholica in suâ doctrinâ, quæ aliud non docet, quam quod sanctum est. Hinc enim verò David *ps. 18. v. 8.* Lex Domini immaculata. Quid enim non sit immaculatum in eâ lege, quam Christus ipsa sanctitas divina dictavit. Pulchrè planè & crudite observat Burgenfis in *addit. suis ad Nicolaum de Lyrâ. super c. 17. Gen.* quod de hominibus qui ante Christi adventum vixerunt pie & sancte, communiter dicatur, quod in conspectu DEI, & ante divinos oculos ambulaverint, quod mirum videri non debet, cum ipse DEus Abrahamo *Gen. 17. v. 1.* dixerit: Ego DEus Omnipotens, ambula coram me, & esto perfectus. Attendendum est inquit, quod de justis, seu perfectis, qui fuerunt ante Christi adventum, sæpe dicitur in scripturâ, quod ambulaverint coram DEO, uti dicitur in hoc loco *Gen. 17.* Sic etiam *4. Reg. 20. versu 3.* Ezechias Rex ad DEum conversus dixit: Memento, obsecro, quomodo ambulaverim coram te. Quod ipsum *Isa. 38. v. 3.* repetitur. Quod scriptura sicut de his, ita de plurimis aliis enunciat. Quid vero pergit author de novæ legis justis dixerit, audiamus. De justis enim qui fuerunt post adventum Christi non dicitur, quod ambulaverint coram DEO, sed potius quod sequantur DEum. Sic enim *Joan. 12. v. 26.* dicit Christus: Si quis mihi ministrat, me sequatur. Cujus causam videtur ipse dare *Joan. 8. v. 12.* Qui sequitur me non ambulat in tenebris. Vult DEus hoc insinuare, quod nos homines agamus more communi. Si enim cupias aliquem viæ socium, & dubitas an constans sit futurus itineris tui comes, curas, ut juxta te vadat, aut te præcedat. Sed cum certum habes, & securus es, quod te non destituet, incurius pergis, tametsi ille à tergo te sequatur. In veteri

*Lex Christi
est perfectioris,
quam
Moyſis.*

testamento coram & ante oculos suos habebat DEus servos suos, merito enim timere poterat, an obsequentes habiturus esset quocunque illos duceret, cum DEO semper populus ille fuerit refractarius. At postquam in lege gratiæ amore nostri homo factus, ipse crucem bajulavit, & in illâ mortuus est, tantâ nos sui exempli efficiaciâ trahit, ut merito dicat: Venite post me. Quis enim sequi non velit Dominum cruce onustum, cui ille suo sanguine viam signavit? Voluit nimirum Christus nos in lege gratiæ ad longè majorem perfectionem assurgere, quàm fuerit in lege veteri, & populus carnalis in majore perfectione non potuit assequi. Adeoque Christus *Mat. 5. v. 20.* nobis dixit: Nisi abundaverit Justitia vestra plusquam Scribarum, & Phariseorum, non intrabitis in regnum cœlorum. Apparuit Danieli DEus in antiquo testamento, sed & in novo se stitit Joanni in suâ Apocalypsi, factum id tamen est, cum magnâ differentiâ, & disparitate. In antiquo enim *Dan. 10. versu 5.* Ecce vir unus vestitus lincis, & renes ejus accincti auro obryzo. In novo vidit eum Joannes *Apoc. c. 1. v. 13.* præcinctum Zonâ aureâ usque ad mamillas. Abulensis hujus differentiæ causam dat, quia ibi, id est, apud antiquos contentus erat vetare operis sceleratam, hic etiam adstringit cor & cogitationes. Illis nimirum dictum erat, Non mœchaberis. Ego autem dico vobis *Mat. 5. v. 28.* quia omnis, qui viderit mulierem ad concupiscendum eam jam mœchatus est in corde suo. Illis dictum fuit non occides, qui autem occiderit reus erit judicio. *Mat. 5. v. 22.* Ego autem dico vobis, quia omnis, qui irascitur fratri suo, reus erit judicio. Illis dictum fuit *Mat. 5. v. 31.* Quicunque dimiserit uxorem suam, det ei libellum repudii. Ego autem dico vobis, quia omnis qui dimiserit uxorem suam exceptâ fornicationis causâ, facit eam mœchari, & qui dimissam duxerit, adulterat. Illis dictum fuit non perjurabis. Ego autem dico vobis *Matt. 5. v. 34.* Non jurare omnino. Illis dictum fuit: Diliges proximum tuum, & odio habebis inimicum tuum. Ego autem dico vobis *Mat. 5. v. 44.* Diligite inimicos vestros, benefacite his, qui oderunt vos, & orate pro persequentibus vos. Statuit olim Hercules, postquam mare emensus est, columnas duas, quibus inscripsit: Non plûs ultra. Moyſes ille veteris testamenti Hercules, & ipse duas columnas fixit: Diliges DEum ex toto corde tuo, diliges proximum sicut teipsum. His à se erectis columnis lemma inscripsit: Non

*Dilectio
inimico-
rum perfe-
ctior Christi-
ana.*

Non plus ultra, quasi in his confisteret plenitudo legis veteris. In his enim duobus mandatis univēsa lex lendet & Prophetæ. Christophorus Columbus navigatione sua columnas Herculis prætergressus, refixit ab illo positum lemma, & scripsit; Plus ultra. Sic Christus Mosaicum lemma reficiens, perfectioni Christianæ ulteriorem terminum statuit. Ego autem dico vobis: Diligite inimicos vestros. Ubi bene notandum est, quod Christus dicat: Diligite inimicos vestros, non amate: est namque differentia inter amare & diligere. Amor enim ex impetu qualitatū aut meritōrum personæ amatæ procedit, ut si amem hominem malum, hunc ego non amo ex motivo virtutis & honestatis, sed præcisè ob sympathiam, & sanguinis inclinationem. Dilectio autem non ex impetu inclinationis movetur, sed in rectâ ratione fundatur, & meritū, atque qualitatem objecti spectat amabilis. Et ideo Christus non amate, sed diligite, dixit, inimicos vestros, quia in inimico qualitates aliquas, quas diligamus, habemus. Sic cū Aristotelis liberalitatem reprehendisset quispiam, quod homini pauperi, sed prodigo eleemosynam dedisset; respondit: misertus sum humanitatem, non iniquitatem. Et tu humanitatem, Dei quæ imaginem, non iniquitatem inimici tui intueri. Unde benè S. August. docet, DEum vel le, ne iustitia nostra in lege gratiæ à Christo dictata sit manca, solum opus externum considerans. Illa enim manum à vindicta arcebat, non affectum; corpus removebat, non cor; vetabat occidere, non odisse. Hinc idem S. Aug. *l. de inſtit. Virg. ad Euseb. c. 5.* quærit, cur, DEus, quando creavit mundum, omnibus operibus suis & creaturis laudem dederit, solum verò hominem laudare prætermiserit. Quia, inquit, rerum cæterarum temporalium, vel corporalium & animalium perfectio tota est in exteriori, hominis autem perfectio est interiori; juxta illud *ps. 44. v. 14.* omnis gloria ejus filiæ Regis ab intus. Quæ vera, & maxima laus Christi fuit, omnia bene fecit. Hinc si bene non adſit, non prodest magnoperè si dicatur oravit, jejunavit, eleemosynam dedit. Sicut enim plus panis sit de granis succosis, licet paucis, quam de plurimis vacuis, ita etiam plus meriti sperandum est ex paucis benefactis virtutum operibus, quàm multis obiter, & ad speciem peractis. Et propterea David *ps. 65. v. 15.* dicit: Holocausta medullata offeram tibi. Quod pulchrè explicat S. Greg. medullatum opus bonum est, puro corde & diligenti studio oblatum. Ideoque rejecit DEus munera & sacrificia

*Aristoteles
homini im-
probo dans
elemosy-
nam hu-
manitatem
reſpiciit,
non iniqui-
tatem.*

*Perfeci-
o
boninis est
ab intrin-
seco.*

Cain, quia de macilentis pecoribus obtulit. Ex quibus liquet ad quam virtutis perfectionem lex Christi nos erigat, & perducat, ut merito sancta sit, & dici debeat. Et hinc à Davide merito lex immaculata vocatur. Quare huic opposita doctrina, quid aliud censeri debet, quam erronea. Ducamus si placet, modicam paralellam inter doctrinam Christi & Lutheri, & videbit quilibet, quàm dispar sit condicio hominis Catholici à Lutherano. Christus *Matth. 19. versu 3.* cum accessissent ad eum Pharisei tentantes eum, & dicentes: Si licet homini dimittere uxorem suam, quacunque ex causa? Responditeis: non legistis, quia qui fecit hominem ab initio masculum & feminam, fecit eos & dixit, propter hoc dimittet homo Patrem & Matrem, & adhærebit uxori suæ, & erunt duo in carne una. Quod ergo DEus conjunxit, homo non separet. Videte nunc quid Lutherus cum septem Theologis Universitatis Wittenbergensis anno Christi 1539. die Mercurii ante festum. S. Nicolai in Ep. ad Philippum seniore Landtgravium Hassiæ rescripserit. Quod liceat illi habere duas uxores, non aliâ de causâ, quàm quod vera conjunx, cum quâ tamen plures proles habuit, eidem ad libidinem non sufficiat, adeoque cum ipso dispensat. De quo fusius Georgius Schererus S. I. *Dom. 2. post festum trium Regum.* Quid mirum proinde est, quod spurius iste Theologus, *Tom. 6. per Lufft Wittenbergæ anno 1553. impressio* dicat de vita conjugali. Non vistu, volet alia. Si non vult Domina, volet ancilla. Quis similem scditatem ab Ecclesiæ Catholicæ Doctore apud nos unquam libris editam audit? Taceo, quòd Anabaptistæ promiscuam commixtionem in gradibus naturæ patientur, quod sæpius ipsa animalia abhorrent. Calvinistæ ex levi causa libellum repudii concedunt, & aliam vivâ priore superinducunt. Et hæc deberet esse sponsa illa sine maculâ, sine ruga, quam Joannes vidit. Pudet me immorari turpissimis his spurciitiis, quibus verbum divinum hi errorum præcones inficiunt, & conspurcant. Sunt in Ecclesiâ Catholicâ scandala, sunt turpissima scelera, quæ etiam in ipsâ thiarâ pontificiâ, quod jactant heterodoxi Ecclesiam obfuscarunt. Ausim tamen dicere, nullus vel illorum etiam, testimonio, vel calumniis pessimus, tam impius fuit, quam apud eosdem hæreticos ipsi hæresiarchæ, & Sectarum Authores. Quis enim Pontificum, licet in libidine notatus fuerit, cum meretrice sacri-

*Differen-
tia legis
Christi &
Lutheri.*

*Lutheri &
hæretico-
rum feda
libidines.*

sacrilegâ contra votum DEO factum nuptias publicas celebravit? Cum illâ publicè velut legitimâ conjuge vixit? Celebravit nuptias, & velut in thoro legitimo impudentissimè convixit Lutherus. Quis Pontificum Deo sacratam virginem per summum sacrilegium subduxit, & libidinibus suis constupravit? Constupravit Lutherus. Quis Pontificum suas libidines publico typo aut litteris commisit, vel de illis gloriatus est, & ad similes DEO scdificas turpitudines animavit? Evulgavit scriptis, gloriatus est de rebus pessimis, & ad tales DEO summe injurias turpitudines animavit Lutherus. Quem non Catholicorum hucusque non puduit similium errorum? Quis non tam turpem lapsum nostrorum ægerrimè tulit, & ingenuo pudore, ac verecundiâ conatus est contegere, & contumulare? Cum interim nefandas suorum libidines commendet Calvinus, deprædicet Lutherus, Prædicantes innumeri in exemplum secuturis Apostatis scripto & concionibus publicis commendent. Quare si vestri Prædicantes ô Lutherani synceram Christi doctrinam docerent, eamque non corruptam traderent, solarer ego vos verbis Christi, quibus in lapsu paucorû Ecclesiæ universalis Antistitû ipse nos solatus est Christus *Mat. 23. v. 2.* Super cathedram Moysis sederunt scribæ, & Pharisei: Omnia ergo quæcunque dixerint vobis, servate, & facite. Secundum opera eorum nolite facere. Nos Catholici ex tali lapsu formidare discimus, & illud S. Pauli animo nostro seriò imprimimus. Qui se existimat stare, videat, ne cadat. Rogandum namque est, ut quod de sanctis Apostolis dixit *David. ps. 74. v. 4.* Ego confirmavi columnas ejus, in Petri successoribus confirmetur. Bene S. Augustinus in hunc locum, per columnas sanctos Apostolos intelligit, quæ quasi quodam terræ motu concussæ nutabant in passione, at verò in resurrectione, & missione S. Spiritûs sunt firmatæ. Unde S. Leo *serm. 1. de SS. Petro & Paulo* inquit, Nec mundi Dominam timet Romam, qui in Caiphæ domo expaverat sacerdotis ancillam. Numquid aut judicio Pilati, aut sævitia Judæorum minor erat in Claudio potestas? Velin Nerone erat debilitas? Causam nostis; ipse confirmavit columnas ejus. Ut nullis calamitatum telis, nullis hostium machinis, nullis carnisficum viribus commoverentur. Quare S. Ambr. *serm. per Spiritum sanctum confirmati.* *47.* Petrus fidelior factus est, postquam fidem se perdidisse desievit, atque ideo majorem gratiam reperit, quàm amisit. Ut qui sibi antea infirmus fuerat, fieret omnibus firmamentum, & qui ipse nutaverat, cœte-

*Apostoli in
passione
nutantes
per Spiritum
sanctum
confirmati.*

cæteros fidei stabilitate firmarent. Eleganter S. Pater observat, non caruisse mysterio, quod primum à S. Petro miraculum patratum fuerit; Claudicantis gressum firmasse. Sic enim *serm. 66. de natali SS. Petri & Pauli* inquit: Rectè primum signum mirabilium suorum Petrus facit solidando plantas hominis claudi. Ut sicut in Ecclesiâ fidei fundamentum continet, ita & in homine membrorum fundamenta confirmet. Imitare ergo Petrum & tu. Tremuit ille ad ancillæ vocem, & pronus in terram corruit, at respuit ad Christi aspectum, ac deindè stetit in omni vitâ; Ita quidem ut teste S. Maximo *hom. 4. de SS. Ap.* qui sibi antea infirmus fuerat, fieret omnibus firmamentum. Sancta ergo est Ecclesia Catholica, quæ non tantum doctrinam Christi sanctam, & incorruptam docet, sed vel ex ipso lapsu, suorum ulterioris sanctitatis accipit incitamentum.

*Ecclesia
Christi fa-
cit homines
sanctos.*

*Lutherani
non habent
sanctos.*

*Neque ipse
Lutherus
sancti no-
men habet.*

Sanctitatis in Ecclesiâ Catholicâ alterum est argumentum, si multos suæ fidei confessores sanctos faciat, quos non solum nos Catholici, sed etiam ipsi adversarii nostri pro sanctis venerantur. Neque autem monstrare Lutherani, vel Calvinistæ ullum sanctum, qui tam ab ipsis, quam à nobis pro sancto habeatur, quemque Lutherana, aut Calvinistica doctrina ad minimû sanctitatis gradum perduxisset. Centenos, & Centenos ego audiui, & legi hæreticos, qui Luthero suo Evangelistæ aliud prædicatum non dederunt, quam pretiosum Virum Germanicè den theuren Mann nominando. Quomodo enim sanctitatis nomen vel opinio conveniat, qui Sectarum suarum auctores, vel à fide catholica, vel etiam à professione, quam sædisfragi professi sunt, turpissimè defecerunt, qui ut ipse Lutherus de se ipso sæpius fatetur, nescii sunt, an à bono, an malo genio edocti, seipsis semper facti sunt deteriores. Quod si vero inter Lutheranos aliqui boni sunt, certè id non vi doctrinæ, sed vigore innatæ honestatis habent, & in hoc parum, vel nihil differunt ab Ethnicis, nisi quod character sacri baptismi initiati ad christianæ perfectionis legem magis habituentur. Ecclesia verò Catholica sanctos habet non tantum primis sexcentis annis virtute & miraculorum gloriâ conspicuos, sed usque in hanc diem sanctitatis honore illustres, quorum miranda virtus, usque hodie à DEO gloriosis prodigiis ornatur, & ab orbe universo, si scurras, & mimos theatrales excipias, magnâ veneratione celebratur. Vel nostra ætate vidimus Ignatium, Xaverium, Philippum Nerium, Isidorum, Franciscum Salesium, Petrum Nolasium, Andre-

am

am Corfinum, Cajetanum, Thomam de villa nova, Petrum de Alcantara, Franciscum Borgiam, Aloysium, Stanislaum, tres Martyres Japonios, Martyres Gorcomienses in Sanctorum vel Beatorum numerū relatos. Inter sœminas verò sanctitate inclytas, hoc corrente sæculo S. Theresiam, Magdalenam de Pazzis, Elisabetham Reginam Portugalliæ, Margaritham Reginam Scotiæ, Rosam Limensem Virginem Sanctorum Catalago adscriptas numeravimus. Taceo quod vel inter ipsos Romanos Pontifices vix ullum sæculum fuerit si tria, ad summum quatuor excipias, ex quorum numero si non unus, certè plures etiam, vel martyrio coronati, vel sanctorum numero totius orbis consensu fuerunt adscripti. Tria prima sæcula meros Martyres viderunt Romanos Pontifices. Quid gloriosius? Turbatissimum sæculum decimum vel inter Cæsareas, regiasque, vel Principes personas numerat. S. Matildem Ottonis Cæsaris matrem; ejusdem uxorem. S. Brunonem ejusdem Ottonis fratrem Archi-Episcopum Coloniensem, Robertum Regem Galliæ, adhuc in vivis miraculis clarum, Eduardum Regem Angliæ Martyrio coronatum, Olavum Regem Norvegiæ, Henricum Romanorum Imperatorem, & Kunegundem consortem suam, Stephanum Regem Ungariæ, Emericum filium S. Stephani, Wenceslaum Regem Bohemiæ, Rudolphum II. Regem Burgundiæ. Inter Episcopos, & Archi-Episcopos numeravit hoc sæculum in solâ Germaniâ S. Heribertum Archi-Episcopum Coloniensem, Conradum Episcopum Constantiensem, Udalricum Episcopum Augustanum, Wolfgangum Episcopum Ratisbonensem, Bernardum Episcopum Hildesheimensem, Lambertum Episcopum Trajetensem, Eliam Episcopum Sedunensem, Quarinum itidem Episcopum Sedunensem. In Hispaniâ S. Sifenandum Episcopum Compostellanum, in Galliâ Episcopum Viennensem Adonem. In Angliâ S. Oswaldum Vigorniensem, S. Dunstanum Episcopum Cantuariensem. In Bohemiâ S. Adalbertum. In Ungariâ S. Gerardum. Ut taceam Religiosos qui sanctitatis famâ hoc sæculo floruerunt. S. Romualdus fundator Camaldulensium, S. Bonifacius in Sclavoniâ martyrio affectus, ubi pari martyrii pretiosâ laureâ ornati sunt Andreas, & Benedictus Monachi. S. Odo Cluniacensis Abbas, S. Odilo ejusdem loci Abbas S. Stephanus fundator Grandimontensium, S. Medericus Abbas, S. Goar, S. Colomanus, & hos omnes vel unum sæculum

*Sancti
fra me-
moria Ca-
nonizati*

*Romani
Pontifices
plurimi
Martyres
vel confes-
sores.*

*Cæsares &
Reges san-
ctitate con-
ficiunt.*

*Archi-E-
piscopi &
Episcopi
sanctitate
illustrés.*

*Sæculum
decimum
gloriâ San-
ctorum il-
lustre.*

cælo inſcriptos, glorioſâ ſedis Apoſtolicæ Canonizatione celebra-
vimus. Quot ego vel noſtro ſæculo ex ſolâ Societate numerarem
purpuratos fidei teſtes, quos omnes quatuor orbis partes fidei teſti-
monio illuſtres viderunt. Taceo quam plurimos gloriâ confeſſo-
rum conſpicuos, quos Rota Canonizationis aliquando orbi Chri-
ſtiano proponet piè venerandos. Ite ! Ite nunc miſerandi hetero-

*Fides Ca-
tholica
montes
transferit.*

*S. Greg.
NeoCaſar:
rupem loco
movit pro
fabrica
Eccleſiæ.*

*S. Theodo-
rus Siceo-
rum Epi-
ſcopus ru-
pem trans-
fert rema-
nente ar-
bore.*

*Cerdo mon-
tem trans-
fert.*

*Caſtitatis
magnum
apud DE-
um preſti-
um.*

Nos Catholici montes transferimus in ſignum veræ fidei, vos
nec ſolium, quod vento rapitur, fidei veſtræ ſanctitate movere va-
letis. Legite S. Hier. *l. de viris illuſtribus*, ubi ſic habet : cùm Ec-
cleſia in loco quodam arctiſſimo inter montem & fluvium poſito
conſtrui deberet, neque ſpatium ſufficiens eſſet, S. Gregorius in o-
ratione pernoctavit, & manefacto, inventa eſt rupes tanto ſpatio
loco ceſſiſſe, quantum erat pro Eccleſiâ fabricandâ competens.
Quod idem præſtitit Siceorum Epicoſopus, qui cum occuparetur in
ædificio templi S. Gregorii, vidit ſibi obſtare magnam rupem, ad
cujus radices arbor alta conſtitit, cùm verò fabrorum operâ rupes
illa excindi non poſſet, mandavit ſanctus vir rupi, ut aliò ſe trans-
ferret, paruit rupes ſubſiſtente tamen arbore, quæ ædificio ſubſer-
viebat. Ita Lipomanus in vitâ S. Theodori *Tom. 7.* Et ne ſolis Ec-
cleſiaſticis tribuamus hanc fidei Excellentiam, Cerdonem produ-
co, qui ſuæ fidei imperio uti teſtatur Marcus Polus Venetorum
nomine Orator apud Gregorium X. Pontificem *l. 1. c. 8.* qui narrat,
quod Babylonix Imperator totus in id incubnerit, ut Chriſtianam fi-
dem in ditione ſuâ penitus extingueret; Vocatis ergo Chriſtianis
mandat, ut fidei ſuæ probam facerent, & in montem loco moverent,
vel totâ Babylonîâ exeant. Territi hoc poſtulado Chriſtiani, triſta-

ri cœperunt, Epicoſpo tamen ſuo poſtulatam regionem exponunt,
quo cum orationi & jejunio incumbentes, obtinuerunt, ut DEus Ep-
iſcopo revelaret, quid fieri oporteat. Erat inter Chriſtianos
Cerdo quidam magnæ humilitatis, & caſtimoniæ, cujus amore o-
culum ſibi eruerat, juxta literam Evangelicam, quia curioſiore oculo,
incentiva libidinis hauſerat, hunc DEus juffit inquire, ad cujus
imperium mons ille à Rege designatus, foret, transferendus. Ubi ergo
in conſpectum Regis venit Cerdo, in nomine SS. Trinitatis monti
imperavit, ut aliò ſe transferret, qui etiam inſpectante Rege ſe movit,
& aliò eſt translatus. Hoc miraculo motus Rex cum plurimis aliis

fidem

fidem suscepit, & annuâ memoriâ tantæ fidei veritas celebratur. Nos sacrosanctum Evangelii librum inter flammâs illæsum recepimus: Sic enim Zonaras in *Basilio Macedone* refert, quod pace facta inter Imperatorem & gentem Rhossicam acciderit, ut gens illa veniret in cognitionem fidei Christianæ, cumque ad baptismum inclinaret, missus est illis Episcopus, qui illos in fide instrueret, cumque is illis multa de Christo, ejusque miraculis dixisset, plebs omnis in miraculi desiderium exarsit. Annuit Episcopus, & quale peterent, postulavit. Clamârunt omnes ut sancti Evangelii librum in rogo publicè injiceret, quo illæso se credituros dixerunt. Accenditur ergo rogo, & liber sancti Evangelii rogo imponitur, qui cum diu in flammis illæsus permansisset, magnâ cum reverentiâ cum consensu populi illæsus recipitur, & omnis populus sacro baptismo est ablatus. Vos si in fidei testimonium litteram retraxeritis, mendacii reum me agite. Non enim potest DEus in confirmationem falsæ fidei concedere, ut vel arte magicâ, fidem vestram stabiliat.

Liber Evangelii in flammis illæsus.

Non minus sanctitatis signum est, si ad fidem & Ecclesiam veram, quæ sancta est, infideles & barbaræ nationes convertantur. Sic enim dum citatus psalmographus dixit: Lex Domini immaculata, statim addit, convertens animas. Numeret Lutherus, producat Calvinus, aliique omnes hæretici proferant, quos illi ex Turcis, Indis, & Barbaris ad suam perfidiam perverterunt, quas terras zelo fidei peragraverint. Nisi eos fortè producere velint, quos auri cupiditas pertraxit in Indias, ut Mercatoribus juncti Christianos jam factos, exemplo suo pessimo & corrupto inficerent. Florimundus Remondus hoc dat testimonium S. Xaverio, quod ille solus manu sua, quæ usque hodie illibata Romæ asservatur, plures Gentilium ad fidem Christi adductos baptizaverit, quam omnes hæretici ab ortu nascentis Ecclesiæ ex gentilibus perverterunt. Fuit hæc gentium conversio prima cura S. Petro sollicito Pastori, qui, quod diximus vix cathedram Romanam insedit, totius orbis curam suscepit, & in omnes regiones & provincias Episcopos, & viros Apostolicos ablegavit, qui gentes prædicatione verbi divini informarent, & ad fidem veram Christi adducerent. Fuit hæc semper cura sedis Apostolicæ, ut viros Zelo gloriæ divinæ æstuantes in remotissimas etiam alterius orbis partes expediret, qui fidei lumen tenebris Gentilium inferrent, eosque veritate & agnitione fidei illustrarent.

Conversio Gentium est sanctitatis signum.

Florimundus Remondus de S. Xaverio.

S. Gregorius sollicitè Angliam convertit.

Quod zelosissimè fecit S. Gregorius Magnus, quando tam sollicitè, ut Angliam converteret viros in Ecclesiâ primarios destinavit ad prædicandum ibi verbum DEI, & regnum illud convertendum. Pulchra est illa tanti Pontificis erubescencia, quando intellexit per Recaredum Regem Hispaniæ, Visigothos ad fidem Christi adductos. Aurea sunt verba illius, quæ *L. 7. Ep. 126.* ad Regem rescripsit; Hæc me etiam contra me excitant, quod piger ego, & inutilis tunc inerti otio torpeo, quando in animarum congregationibus pro lucro cælestis patriæ Reges elaborant. Quid ego itaque in tremendo illo examine Judici venienti dicturus sum, sit tunc illuc vacuus venero, ubi tua Excellentia greges post se fidelium ducet. Hos greges gloriosos prædicat in Collegio Apostolico *hom. 17. in Evang.* quando consolatione plenus & gaudio SS. Apostolos in Iudicio cum copioso animarum fructu adducit. Ibi inquit Petrus cum Judæa conversâ, quàm post se traxit, apparebit. Ibi Paulus ut ita dixerim conversum mundum ducens. Ibi Andreas post se Achaiam: Ibi Joannes Asiam, Thomas Indiam in conspectum sui Iudicis conversam ducens. Ibi omnes gregis Dominici arietes, cum animarum lucris apparebunt, qui sanctis suis prædicationibus DEO post se subditum gregem trahent. Pulchrè & nervosè subjunxit. Nos miseri, quid dicturi sumus, qui Pastorum nomen habuimus, & oves, quas, debemus ostendere, non habemus. Vos ego Pastores compello, qui hoc nomine gloriamini, sed tot miseras oves pretioso tamen Christi sanguine redemptas, luporum instar perditis, & devoratis. Ubi vestræ synagogæ ergo est sanctitas? quam exteris & barbaris nationibus infudistis. Quis vestrum cum Petro Asiam, cum Paulo Macedoniam & Græciam, cum S. Thoma Indiam penetravit? Vestræ nimirum sarcinæ sacrilegæ, uxores dico, vestra impedimenta, ex tot infamibus nuptiis susceptæ proles impediunt, & retardant, ut vestræ fidei zelus non nisi impudicissimis cubilibus vestris circumscribatur. Apostoli relictis uxoribus secuti sunt Christum, ut tanto expeditiores essent in disseminationem Evangelii. Vos nec sine appendicibus illis vivere potestis, cum ex Evangelistâ vestro, & spurcissimo verbi illius divini, ut vos dicitis oraculo habeatis, has carnis spurcicias ad hominis vitam conservandam non minus necessarias, quam sit cibus aut potus, quo vita nostra conservetur. Ad sanctam Matrem Ecclesiam Catholicam me converto, cui semper cordi fuit animarum zelus,

Prædicantes ab uxoribus non finuntur esse Apostoli.

lus, & Apostolicum studium animarum. Vos ego Episcopos & Pontifices veros Ovilis Christi Pastores verbis illis S. Gregorii alloquor. Proinde objurgando, suadendo blandiendo, consolando, quibus prodesse possumus, festinamus. Simus in custodiâ vigiles, aditus contra hostes solliciti muniamus, & si quando error ovem abduxerit, toto illam adnifu ad caulas revocare Dominicas contendamus. Ut de Pastoris nomine, quod habemus, non supplicium sed præmium consequamur.

Denique sancta est Ecclesia, quia caput illius quod Christus est, *Ecclesia* sanctum est. Neque enim alium Religionis Catholicæ autorem *Christi* novimus nisi Christum, juxta illud Pauli 1. ad Cor. 3. v. 11. fundamentum aliud nemo potest ponere præter id, quod positum est, *sancta est, quia Christi* quod est JESUS Christus. Dum è contrâ Sectariorum fundamentum & authores sunt homines, à religione Catholicâ, & ordine suo Apostata, uxorati monachi. Si verò quod dicit S. Matth. c. 7. v. 18. *nomina- mur, san- tus est.* Non potest arbor mala bonos fructus facere, neque DEUS unquam ad Ecclesiam reformandam alios misit, quàm viros sanctos, non minus sanctitate, quàm doctrinâ conspicuos. Quid ab his hominibus sancti & virtuosi expectemus? Audite S. Aug. l. 2. in Julian. Talibus nimirum sanctis post Apostolos sancta Ecclesia plantatoribus & rigatoribus crevit. An verò sanctus tibi videtur, qui in SS. Trinitate impius, uti superius de necessitate mediî credendorum c. 6. diximus, eandem cum tribus furibus ab unâ furcâ, pendulis comparavit. *Lutherus in SS. Trinitatem impius non est sanctus.* Qui ex Lytaniis tam sanctum hoc nomen extirpavit. Cum tamen videamus nihil nobis Catholicis vel ab ipsis cunabulis magis commendari, quàm SS. Trinitatis cultum, & venerationem. In cruce namque efformandâ, edocendaque elaborant matres, nutrices fatigantur, Pastorum & parochorum defudat industria. Ipsa Ecclesia mater Ecclesia omnes psalmos cum adoratione SS. Trinitatis per SS. Trinitatis bonor- Gloria Patri, & Filio, & Spiritui sancto terminat. quin ipsa Sacramenta quasi omnia cum Sanctissimæ Trinitatis nominatione conficit, *semper in primis curavit.* quod in baptismo sacro ex ipsius Christi mandato accepimus. Hoc denique SS. Trinitatis mysterium, in Lytaniis publicis, in sacro quotidiano, in symbolo Apostolico, in collectis, quas orat, in clausulâ ordinariâ commendat. Neque aliud tam sollicita mater intendit, quàm sumnam reverentiam, quâ tantam majestatem humillimè revereamur, & veneremur. An tu ad reformandam sanctam DEI

*Lutherus
Christum
mendacii
arguit.*

Ecclesiam dices missum hominem illum , qui Christum veritatem æternam mendacii arguit ? dum enim illa verba Christi *Joan. 16. v. 23.* Si quid petieritis Patrem in nomine meo , dabit vobis. Usque modo non petiistis quidquam in nomine meo. Petite & accipietis , ut gaudium vestrum plenum sit , turpissimè , & quod horrent audire aures , in *ps. 25.* dixit. Necessè est hic Christum summè esse mendacem. Quia mater filiorum Zebedæi petiit , ut filii sederent ad dextram , & sinistram , & nihil impetravit. Sic inquit , Christum Judæi quæsi verunt , & non invenerunt. Sic virgines fatuæ pulsant , nec tamen illis aperitur. O quam Ego huic reformatori Evangelico optasset , ut cum Mida tam felix fuisset , ut omnia , quæ petiit , sibi quæ preceperat fuit , fuisset consecutus. Fortè citius vidissemus hunc

*Lutherus
non est dæ-
monium
mutum.*

Erat JEsus ejiciens dæmonium , & illud erat mutum , instar hominis à dæmone obsessi in terrâ abjectum , instar suis se volutare , & toto ore phrenetici instar spumare , clamare quæ : Non sum Ego ! Non sum Ego ! O si unquam verum dixisti , modo certè veritatem locutus es. Quia dæmonium quod ejecit JEsus , illud erat mutum. Nimis autem loquax & garrulum fuit dæmonium Lutherus , qui suo sacrilego ore tot millia animarum seduxit , & in æternam damnationem præcipitavit. O quanti homines in turpissimos errores inducti non fuissent ! Nec illa desperata vox , nescio an bovis an athei , audita fuisset , quam in colloquiis suis mensalibus sine dubio vino benè madidus effutiit. Ego si cælum apertum viderem , idque culmo stramineo de terrâ sublato mereri possem , nollem tamen illum attollere. Et credamus , his sacrilegis hominibus Christum Ecclesiam suam reformandam credidisse ?

*Lutherus
non vult
cælum me-
veri.*

*Ecclesia
sancta mo-
res sanctos
inducit.*

Quid quod Ecclesiæ sanctæ signum clarum sit , si ex doctrinâ illius sancti sequantur mores , & vita Christiano homine digna in populo videatur. Pulchrè planè Lactantius Firmianus contra Novatianos dicit : Scien dum est illam veram esse Ecclesiam , in quâ est confessio & pœnitentia , quæ peccata & vulnera , quibus subjecta est carnis imbecillitas salubriter curet , & proinde impedit , quantum potest , ne fideles in nova ruant scelera præcipites. Audite obsecro novi Evangelii confessionistas , qui apud Carolum V. Romanorum Imperatorem questi fuerunt , Rempublicam suam postquam confessio auricularis cessavit , vitiis contra naturam scatere , petierunt .

*Lutherani
queruntur
sublata
confessione
homines
feri pejo-
res.*

que

que autoritate Cæsareâ usum confessionis auricularis restitui. Inò Lutherus ipse *Dom. 1. Adv. Conc. 2.* Evangelii novi fructum fatetur: Mundus, inquit, ex hac doctrinâ quotidie redditur deterior; jam homines singuli septenis obsidentur diabolis, cum antea in papatu unico tantum diabolo obsessi essent. Diabolus jam catervatim in homines ingreditur, ut nunc in tam splendidâ Evangelii luce sint avariores, crudeliores, callidiores, multò denique deteriores, quàm antea in Papatu fuerunt. Quot obsecro, catervas dæmonum habuerit ille, qui hujus novæ & scandalosæ doctrinæ author fuit? Ecclesia Christi longè alios suæ doctrinæ mores producit; sicut enim in primitivâ Ecclesiâ ex prædicatione Apostolica contemptus rerum temporalium secutus est, sic ut ad Apostolorum pedes deponerent omnem pecuniam, & divitias suas, ita etiam nunc videmus, plurimos opibus potentes, spreto mundo renunciare terrenis, contemptis carnis voluptatibus castimoniam amplecti, & nudum Christum sequi. Et hoc est, quod Christus *Matt. 7. v. 20.* dixit: Ex fructibus eorum cognoscetis eos. Quis obsecro nostrum tam cæcus est, ut non videat, vel etiam palpet, Turcarum sectam, & superstitionem esse pessimam, & in eâ neminem posse salvari, quia summam vitæ licentiam, etiam contrâ ipsius naturæ instinctum concedit, & tamen ubi Lutherani suæ confessionis formam miserunt Constantinopolim, illam ipsi Turcæ multum accedere ad suam perfidiam testati sunt. Quare si ex fructibus cognosci debet arbor, sancta est Ecclesia Catholica, quia illa opera sancta & bona defendit, quæ tamen Lutherus rejicit, & minimè necessaria docet. Audite Christum *Matth. 7. v. 19.* Omnis arbor quæ non facit fructum bonum excidetur, & in ignem mittetur. Hujus arboris nomine intellexit Christus omnem populum Hebraicum, maximè vero Phariseos. Erant hi Doctores antiquæ legis, & in apparentiâ extrinsecâ pulchritudinem foliorum ostentabant, in se autem erant arbores steriles, & infructuosæ. Has arbores videtur Christus comprehendisse in maledictione illius ficulneæ, quam sine fructu reperit, dicens: nunquam amplius ex te nascetur fructus in sempiternum. Miratur S. Gregor. *l. 8. moral. Ep. 42.* & ait: Hoc in te Domine maximè omnium admiror, quod ad arborem accedis, fructum quærens eo maximè tempore, quo manifestum est omnibus fructum non ferre. Benè La Nuzza *bom. 17.* hanc arborem representasse Judæos ait, qui exterius

*Opera bona sunt
fructus
vera Ecclesie.*

terius cæremoniarum redundabant foliis, & de illis gloriabantur, fructibus autem bonorum operum erant destituti. Confirmat hoc autoritate venerabilis Bedæ; esuriens Dominus vidit ficum habentem folia, & venit fructum quærere in illâ, nec invenit; quia salutem desiderans generis humani, vidit Judæam habentem eloquia legis & Prophetarum, venitque probare, si quem fortè in eorum corde fructum fidei, & vitæ posset invenire, sed quia folia sine fructibus habere reperta est ficulnea, damnatur. Quia Judæa, quæ verba scripturæ sine operibus signabat, digna est ultione punita. Rectè omnino Laminez Dom. 7. post Pentec. Conc. 5. Tales infructuosæ arbores sunt etiam hæretici nostri temporis, quæ foliis plenæ sunt, sed fructu carent. Fides enim inquit S. Jacobus in Ep. sua Canonica c. 2. v. 26. sine operibus mortua est. Quod ipsum confirmat Concil. Trid. Sess. 7. c. 7. si quis dixerit solâ fide impium justificari, ita ut intelligat nihil aliud requiri, anathema sit. Benè enim advertit S. Greg. Nyss. DEum in paradyso nullam voluisse habere arborem infructuosam. Dixit enim Dominus: Ex omni ligno paradyssi comede. Et ipsa arbor scientiæ boni & mali fructum habuit, quem infelix Eva comedit. Concludit proinde: Ergo in Ecclesiâ militante per paradysum terrestrem significatâ, omnes homines fructum bonorum operum producant necesse est. Certè cum Christus apud Matth. c. 25. de stricto illo judicio cum reprobis agit, & dum in illos sententiam æternæ reprobationis fulminat, non exoptulat, quod non crediderint, sed quia esurientes non cibaverunt, captivos non visiterunt, infirmos non sunt solati, nudos non vestiverunt. Ex quo manifestè patet, hos ob neglectum bonorum operum pœnæ æternæ addici dum boni Catholici celesti præmio ornantur, quia bona & sancta opera fecerunt. Concludo hunc discursum cum verbis ipsius Lutheri, qui in quadam Epistolâ quam scripsit contra Anabaptistas ad duos parochos sic ait: Doctrina Ecclesiæ tota est sancta, tota rectæ rationi consentanea, & ubi invalescit, emendantur mores, opera penitentiae vigent, & sua castitati laus est. Quid aliud ex hoc ipso

Hæretici
nostri tem-
poris sunt
arbores
infructuo-
sæ.

Fides sine
operibus
nulla est.

Lutheri testimonio inferas, nisi quod hæcenus ostendimus,
Ecclesiâ Catholica Romana est sancta.



DIS-

DISCURSUS XXXIV.

Ecclesia Christi est Catholica.

Certum est & indubitatum DEI Ecclesiam non posse deficere, juxta illud *ps. 47. v. 9.* DEus fundavit eam in æternum. Adeoque etiam *Isaias c. 68. v. 8.* de Ecclesia DEI vaticinatus est : iædus perpetuum faciam eis, subjungit autem statim, & sciatur in gentibus semen eorum nempè juxta vaticinium Davidis *ps. 21. v. 28.* Convertentur ad Dominum universi fines terræ, id est, quod DEUS ipsi Abrahæ promisit *Gen. 22. v. 16.* Benedicentur in semine tuo omnes gentes terræ. Neque otiosum credere debemus, quod in adventu Spiritûs sancti, ubi super Apostolos requievit Spiritus divinus, *Act. 2. v. 4.* repleti sunt omnes Spiritu sancto, & cœperunt loqui variis linguis, ut scilicet, qui per orbem universum erant dispergendi Apostoli ad prædicandum Evangelium, omnium gentium linguis loquerentur. Quod voluit insinuare Christus verbis illis *Act. 1. v. 8.* à Spiritu Eritis mihi testes usque ad ultimum terræ, in cujus utique finibus Evangelium Christi debebit prædicari, cum finem hunc passionis & resurrectionis ipse Christus contestatus sit. *Luc. 24. v. 46.* oportebat Christum pati & resurgere à mortuis, & prædicari in nomine ejus pœnitentiam in omnes gentes. Hinc S. Paulus *ad Rom. 1. 4. 8.* scribens inquit, fides vestra annuntiatur in universo mundo. Quæ fides ideo Romana dicitur, quia ibi Petrus sedit, & inde dispersit in omnem terram sacri Evangelii præcones; ideoque S. Aug. in *ps. de Ecclesiâ Romanâ* inquit, ipsa est Petra, quam non vincent superbæ inferorum portæ, utpote in quâ, ut idem S. P. *Ep. 162.* loquitur, semper Apostolicæ cathedræ vigit Principatus. Benè proinde S. & Venerabilis Pacianus in *Ep. suâ ad Sempronianum* dixit: Christianus mihi nomen, Catholicus verò cognomen, illud me nuncupat, illud ostendit. Causam autem subjungit, Catholicum istud nec Marcionem, nec Apellem, nec Montanum sonat, nec hæreticos sumit aucthores.

Z z z

thores. Quod nomen mirè averſati hæretici vim intulerunt ſymbo-
lo Nicæno, in quo nos Catholici dicimus Credo unam Sanctam, Ca-
tholicam Eccleſiam, illi audaciſſimè poſuerunt loco Catholicæ Chri-
ſtianam. Et Beza in præſatione ſua in novum teſtamentum hanc vo-
cem Catholicam planè rejecit. Gloriatur ergo Eccleſia Chriſti in
hoc cognomine Catholici, quia à Chriſto fundata, ab illo originem
ſuam traxit, ut manifeſtum ſit, quod qui ab alio nomen accipit, non
Chriſti vel Catholici nomen ſortiat, ſed hæretici. Sicut enim illo-
rum doctrina, nunquam antea ſic tradita fuit in Eccleſiâ; ſic etiam
non à Chriſto, ſed ſuarum Sectarum authoribus, nomen & ortum
ſuum acceperunt. Nec illos tuctur, quod nolint Lutherani à Lu-
thero, aut Calviniſtæ à Calvino dici, quia eos pudet authorum ſuo-
rum, adeoque Evangelici vocari affectant. Quia tamen non ſoli
Lutherani, ſed etiam Calviniſtæ hoc nomine volunt gaudere, ut vel
hi ipſi inter ſe diſcernantur, adhuc debebunt à Luthero Lutherani,
à Calvino Calviniſtæ appellari. Quare licet per calumniam in Eccle-
ſiam noſtram retorquere velint vim noſtri argumenti, adeoque nos
dicunt & nominant Papiſtas, quia tamen à nullo determinato Papa
nos Papiſtas denominare poſſunt, & in primis ſæculis omnibus ve-
ri Catholici Romanis Pontificibus, & ſedi Apoſtolica ſemper ad-
hæſerunt, huic nomini Catholico, nihil omnino officit, ſed nos pa-
piſtas dicere, idem erit, ac Catholicos nominare; utpotè qui veræ
petræ Chriſti ſemper adhæſimus. Sectarii verò, qui à ſede Pontificiâ
receſſerunt, à ſuis Sectis, eorumque ſequacibus nomina impoſue-
runt. Ut meritò S. Hieron. contra Luciferianos dixerit: ſic ubi
audieris eos, qui dicuntur Chriſtiani non à Domino Jeſu Chriſto,
ſed à quoquo alio nuncupari ut Marcioniſtas, Valentinianos, ſcito
non Eccleſiam Chriſti, ſed Antichriſti eſſe Synagogam. Imò hæc ipſa
Sectarum diſſenſio occaſio fuit, ut ſtatim poſt tempora Apoſtolo-
rum, quando hæreſes multiplicari cæperunt, Eccleſia Chriſti, ut ab
hæreticorum conventiculis diſcerneretur, etiam nomine diſcerni
debuerit, atque Chriſti fideles Catholici, ipſaque Eccleſia Catholi-
ca à numero & multitudine fidelium dici cœpit. Hanc enim diſfe-
rentiam inter ipſam Eccleſiam Chriſti & Synagogam Iſaias ponit
c. 54. v. 1. Multi filii deſertæ magis, quam ejus, quæ habet virum.
Quod explicat S. Paulus ad Galatas de Eccleſiâ Catholicâ, neque
poſteſt de ullâ aliâ Eccleſiâ, quam noſtrâ verificari. Hæc enim cujus
filii

*Eccleſia
Chriſti eſt
Catholica,
quia à
Chriſto.*

*Hæretici
quia pudet
illos Au-
thoris ſui,
volunt dici
Evan-
gelici.*

*Eccleſia
Chriſti ex
vaticinio
ſuperat ſy-
nagogam
& omnes
ſectas.*

filii olim Gentiles, & deserti ante Christi adventum fuerunt, nunc filiorum numerositate, & dominationis suæ amplitudine eam, quæ habebat filios, id est Judæorum Synagogam superat, & multis omnino incrementis longè antecellit. Dum interim tamen Synagoga licet à DEO rejecta, & reprobata alias omnes Sectas sive Lutheranorum, sive Calvinistarum, sive aliorum quorumcunque Ecclesias superstitionis diuturnitate, regionum varietate, & hominum multitudine præcellit. Quare sicut Synagoga Judæorum vincit quoscunque hæreticos, cujuscunque illi appellationis & nominis sint: ita Ecclesia Catholica multitudine suâ, & numero superat Synagogam, eamque multis titulis excedit. Ut verè de Ecclesiâ Catholicâ dici possit, quod Christo à Patre promissum fuit per Davidem *ps. 2. v. 8.* Postula à me & dabo tibi gentes hæreditatem tuam, & possessionem tuam terminos terræ. Est enim illa mons ille magnus, de quo *Daniel. 2. versu 25.* Qui implevit universam terram. Vel certè mons ille in vertice montium præparatus, & fluent ad eum omnes Gentes. Hic enim mons nempe Ecclesia Catholica, ubi à S. Petro Romæ in domo S. Pudenti Consulis Romani fundamentum primum posuit, & se in vertice montium anno Christi quadragesimo quinto, decimâ octavâ Januarii collocavit, statim quod supra diximus, per totum orbem se effudit, quando Petrus per universam Italiam, Episcopos & viros Apostolicos expedit, qui per universam Italian doctrinam & fidem Christi disseminârunt. Sed non contentus Italian finibus per totum orbem se diffudit, quando in Galliam, Hispaniam, Germaniam varios sanctos Episcopos, & fidei Magistros ablegavit, dum interim diffusi per totum orbem Apostoli in conversione Gentium in Asiâ, Africâ, & Europâ desudârunt. Qui Zelus Apostolicus dum in S. Apostolo Petro & ejus successoribus à S. Augustino commendatur, in succedentibus etiam Pontificibus per omnia sæcula singulariter semper incrementum sumpsit. Quid enim non egit Alexander I. ut Hermetem Urbis Romanæ Locumtenentem non solum Christianum, sed etiam Martyrem efficeret. Cujus exemplum deinde sub Eleutherio plurimi Senatores Romani secuti, & ad fidem Christianam Catholicam conversi sunt. Sub hoc Eleutherio primum conversa est Anglia per S. Lucium Regem, quæ deinde per sanctum Gregorium Magnum misso ad eos S. Augustino, aliisque viris Apostolicis, unâ cum Scotiâ & Hybernâ fidei lumine est illustrata. Sub

*Ecclesia
velut mons
magnus est
visibilis.*

*Petrus toto orbe se
diffundens
videri potuit ab omnibus.*

*S. Petri
successores
in fidei disseminatione
Zelosi.*

Sergio I. Pontifice Hollandia, Westphalia, Frislandia fidem Catholicam est amplexa. Tempore Gregorii II. Pontificis Germania superior, Thuringia, Franconia, fidei veræ lumine est illustrata. Sub Hadriano I. auxilio Caroli Magni Cæsaris Catholica facta est Saxonia. Bulgariam Nicolaus I. convertit. Poloniam Joannes XIII. ad fidem Catholicam adduxit. Ungariam Sylvester II. ope S. Henrici Cæsaris Catholicam vidit. In Turciam & Tartariam sub Alexandro III. Pontifice fidei prædicatio penetravit. In Americam Alexander VI. viros Apostolicos misit. Indiam & Japoniam Paulus III. prædicatione S. Xaverii veræ fidei luce illustravit. In Mauritaniâ per inisum a Julio III. Patriarcham & Episcopos, plurimi ad fidem conversi sunt. Thomæ in Indiâ sub Paulo V. cum Sede Apostolicâ sunt reconciliati, sub quo etiam Africani Congenses fidem Christi sunt amplexi. Quanti conatus, quantique progressus Ecclesiæ Catholicæ usque hodie in hoc sæculo decimo septimo videntur, dum per omnes quatuor partes orbis, continuæ novæ ad Ecclesiam sunt accessiones. Testatur hoc China, Persia, nova Francia, quæ omnes Regiones dum continuo Martyrum sanguine rigantur, fecundior his in partibus exurgit Ecclesia Catholica, & in fertiles traduces, id est, novarum gentium conversiones transplantantur. Unde meritò S. Chrysostomus exclamat: Enimvero sicut plantæ rigatæ aquis magis crescunt, ita etiam fides nostra oppugnata magis floret, & seditione agitata incrementa majora sumit. Confirmat hoc *hom. de defendendis opprob.* exemplo S. Stephani dicens: Lapidatus est Stephanus, & pullulavit Paulus, & illi qui per Paulum crediderunt. Scio ego Psalterium Regium minari Synagogæ velut mysticæ vineæ excidium, adeoque *ps. 77. v. 44.* inquit: Et occidit in grandine vineas eorum. Hodie tamen in vineâ Ecclesiæ hi lapides, seu grandines culturam fecundam ostendunt, & vineæ fertilitatem commendant. Dum enim *Isaiasc. 5. v. 2.* de vineâ suâ dicit: Lapidem elegit ex eâ, in originibus habetur. Lapidavit eam. quod Velasquez in *Indice Conc. pro S. Stephano* interpretatur sic: alia est vinea Ecclesiæ, alia est vinea mundi, hæ nimirum mundi si grandinantur, nullum fructum afferunt: Ecclesia autem ex tribulationibus firma & munita redditur. Unde Zeno Veronensis enumerans labores Pauli, ac inter alia illud *2. ad Cor. 11. v. 25.* semel lapidatus sum, lapideis inquit imbribus feliciter grandinatur. Facebat proinde Poëtarum Deuca-

lion

Persecutiones Ecclesiæ incrementa.

lion qui ex lapidibus homines suscitavit. Ex lapidibus Stephani natus est Paulus, & quotquot suo Evangelio Christo genuit. Josephus de bello Judaico refert l. 1. c. 5. Circa Jericho pinguissima Judææ est regio, & balsami nutritrix, cujus incisio acutis lapidibus cortice, stil-
 lantem lachrymam ex vulneribus colligunt. Balsami inquit frutex *Balsamum lapide incidi debet, ut pretiosum fiat.*
 incisus lapide, balsamum spirat. Non est proinde cogitandum si DEUS vineam suam Ecclesiam scilicet grandinet, illam fore infructuosam, aut illam non amare. Vinicola vitem scindit & amputat, non eradicat. Pulchrè S. Ambr. Hæc vinea recisa non moritur, sed augetur. Ecclesia dum ligatur, excutitur, dum humiliatur extollitur. Paradoxum certè videri potest, quod S. Bern. *serm. 29. in Cant.* asserit, semper in Ecclesiam depugnatum est hostili animo, damno utili. Exundat Nilus per Ægyptum, sed damno utili, quia fecundat terram. Incidit venam Medicus, sed damno utili, quia sanitas consequitur. Putatur vitis & scinditur, sed damno utili, quia feracior redditur. Preinuntur in torculari uvæ, sed damno utili, quia vinum copiosius prorumpit. Sulcatur terra, sed damno utili, quia fecundior redditur. Certum enim est, quod sanguis Martyrum sit semen Christianorum. Ostendant suæ fidei fecunditatem hanc hæretici, & per sanguineos rivos Martyrum Ecclesiam suam diffusam mon-
 strent. Possum proinde de Ecclesiâ Catholicâ dicere illud *Malach. 1. v. 11.* In omni loco à solis ortu usque ad occasum sacrificatur, & offertur nomini meo oblatio munda, quia magnum est nomen meum in gentibus, dum per totum orbem diffusi Catholici, veræ & salutiferæ fidei veritatem defendunt, suoque sanguine gloriosissime eidem subscribunt. Et hinc merito Ecclesia nostra tam à fidei nostræ hostibus, quàm etiam ab amicis & domesticis semper appellata est Catholica. Id enim inquit S. Cyrillus est nomen proprium S. Matris Ecclesiæ, matris omnium nostrum. Et licet omnes hæretici se Ca-
 tholicos dici velint, quærenti tamen peregrino alicui, ubi ad Eccle-
 siam Catholicam conveniatur, nullus hæreticorum synagogam suam, vel domum audebit ostendere, sed quisque intento in nostram Ecclesiam digito, illam Catholicam dicet. Quod ipsum magis confirmatur ex eo, quia etiam hæretici & Gentiles semper hanc nostram Ecclesiam, Catholicam esse, sunt confessi. Et licet frequenter de hac fuerint quæstiones gravissimæ, triumphavit tamen semper, & evicit Ecclesia nostra, ut Catholica diceretur & crederetur. Adeo-

*Ecclesia
Lutherana
non est Ca-
tholica.*

*Stupidas
Prædicans
Evange-
lium cani-
bus præli-
cat.*

que præclare S. August. l. de vera Relig. c. 7. velint, nolint ipsi quo-
que hæretici, & Schismatum alumni, quando non cum suis, sed
extraneis loquuntur, Catholicam nihil aliud quam Catholicam di-
cunt. Bene itaque concluditur, & totius orbis consensu, & vel ipso-
rum adversariorum testimonio, quod sola Christi Romana Ecclesia
sit verè Catholica & universalis. Quomodo enim posset dici Lu-
therana Ecclesia Catholica, quæ priori sæculo ex Saxoniae latebris
erupit, & ab Apostatâ Monacho originem traxit, nec nisi inter an-
gusta Germaniæ spatia hætenus constitit. Nostrâ Catholica, per to-
tum orbem diffusa, fidei suæ dogmata prædicat in Germaniâ, disse-
minat in Italia, propagat in Hispaniam, proficetur in Galliâ, diffun-
dit in Indiâ, & in Oriente & occiduo sole ubique divulgat. Hoc est
quod prædixit David ps. 2. v. 8. Dabo tibi gentes hæreditatem tuam,
& possessionem tuam terminos terræ. Ex quo proinde bene Vin-
centius Lyrinensis intulit: Eos esse propriè Catholicos, qui tenent,
quod semper, quod ab omnibus, quod ubique creditum est. Ethinc
Christus ipse in Missionem suâ Apostolicâ Marc. 16. v. 15. dixit: Eun-
tes in mundum universum prædicate Evangelium omni Creaturæ.
Occasione quorum verborum vel scurra quidâ impudentissimus, vel
rabula ipso Arcadico animalis rudior, ut indignitatem horum hominû
videas, canes illius loci collegit in forû, & illis Evangelium prælegit. Re-
quisitus cur id fecerit? respondit, se mandatû Christi implevisse, qui ju-
bet prædicari Evangelium omni Creaturæ. Scio ego S. Antonium de Pa-
dua aliquando piscibus concionatû esse, sed hoc non in ludibrium E-
vangeliû, verum cum maximâ animarû conversione factum esse. Cum
enim S. Antonius obstinatîs concionaretur hæreticis, & concionanti
aures præbere nollent, ad maris ripam se contulit, iussitque pisces ad
audiendum verbum divinum convenire. Paruerunt confestim pi-
sces, & innumeri diversarum specierum convenerunt, qui circa lit-
tus extra fluctus & aquas erexerunt capita, & tototempore, quo S.
Antonius illis obligationem, quam Creatori suo debent, exposuit,
attenti & immobiles permanferunt. Hujus miraculi fama in urbem
illata eosdem prorsus hæreticos, qui S. Antonii concionem audire
contemperant, ad ripas maris evocavit, eosque rei novitate attoni-
tos Antonius sic est allocutus. Hi pisces perduellis animi vestri te-
stes sunt. Cum enim animalia sint nullius disciplinæ capacia, & à ci-
curatione vel maximè aliena, tamen divinum verbum ore meo pro-
latum

latum reverentur, quod vos contumeliose spernitis. Hi, inquam, pisces perfidiam vestram condemnant, hi contra duritiam & indomitum cordis vestri rebellionem sententiam ferunt, & quamvis loquendi facultate careant, tamen impietatis vestrae poenas, & vindictam exposcunt. Memini Ego P. Bernardum Colnagum à Societate nostra cum in amœno viridario cum aliis, qui aderant, versaretur, uti testatur Joannes Paulinus in vita ipsius l. 2. c. 16. §. 8. & aves jucundissimis modulis, quos natura docuerat, suavissime cantillarent, atque omnium, quotquot praesentes aderant, aures mirifice demulcerent, soli Colnago hic cantus avium placere visus non est. Quare illis imperavit, *Colnagus aves novum cantum docet.* ut cessarent à cantu suo familiari, & novam, quam intonabat melodiam assumerent, atque docto gutture, disertisque vocibus, ac expectatâ linguâ cantarent Christus Iesus. Et ecce rem stupendam omnes illicò aviculæ, mandato Patris obtemperant, inauditâque hætenus musicâ sæpius suavissimis vocibus demandata sibi verba Christus Iesus repetitâ etiam voce decantârunt. Quo tam mirando cantu novi hi Amphiones audientium animos prorsus attonitos planè extra se rapuerunt. O quam dispar est studium! quam diversus hæreticorum modernorum & sanctorum virorum circa scripturam & verbum divinum sensus! illi ad ludibrium scripturâ utuntur, & verbum DEI propudiosè conculcant, sancti & electi DEI, etiam irracionales creaturæ ad verbi divini & Creatoris sui reverentiam inducunt. Intelliguntur ergo omnis Creaturæ nomine homines, quibus in toto mundo prædicari debet Evangelium. Sic ut in omnibus provinciis & regnis qua latè patet orbis, verbum DEI & fidei Catholicæ doctrina proponatur. Ita quidem, ut bene observat S. Aug. ex illo Matt. 24. v. 14. Et prædicabitur hoc Evangelium regni in universo orbe in testimonium omnibus gentibus, & tunc veniet consummatio. Ut dies judicii non sit ventura usque dum hæc universalis prædicatio consummatur. Quæ verò fides alia, quam nostra Catholica per totum orbem prædicatur? Et quod Ecclesiæ Catholicæ singulare est, quod nos prædicamus in Europâ, huic assentitur totus Oriens & occidentens, hoc reliquæ orbis partes Catholicæ firmiter credunt, & confitentur. Eandem enim doctrinam, eadêmque fidei dogmata tenet Ecclesiain Europâ, quæ in Asiâ, Africâ, & Americâ, fidei populo proponuntur. Ostendat hanc uniformitatem Ecclesiâ Lutherana. *Hæretici doctrinam uniformitatem non habent.* Certum est enim aliud doceri in Ungariâ, aliud in Saxoniâ, ex quo vel

vel ipsi Agentes Ducis Saxonæ, ubi Pofonium venerunt, & in Eccle-
 siâ super Altare præter imaginem cœnæ nihil reppererunt, scandali-
 zati ipsosmet confessionis Augustanæ & Helveticæ sectarios repre-
 henderunt, atque pro legitimis Lutheranis, seu Confessionistis non
 agnoverunt, usque dum crucem in altari posuerunt, & imagines vi-
 tæ Christi in templi parietibus suspenderunt. Taceo tantam in do-
 ctrinâ varietatem, cum hic unum, alter duo, tertius tria sacramenta
 admittat. Ite in Italiam, peragrate Hispaniam, perambulate Galli-
 am, lustrate Germaniam, adite Indiam, totam investigate Europam,
 tentate Asiam, periclitemini Africam, ipsam tot sæculis inviam intra-
 te Americam, denique in toto orbe inquirete Catholicos in fide in-
 ductos, omnes ubique septem Ecclesiæ Sacramenta à Christo insti-
 tuta asserent, purgatorium dari dicent, invocationem sanctorum ag-
 noscent, Missæ sacrificium vivis æque ac defunctis salutare confite-
 buntur, denique omnia nostræ fidei dogmata æquali tenore, & fidei
 unanimi professione contestabuntur. Quare cum in omnibus à
 Christo hucusque sæculis in Ecclesiâ Catholicâ invariata doctrina
 semper permanferit, cum veræ Ecclesiæ proprietatis sit, non posse de-
 ficere dicente Angelo *Luc. 1. v. 32.* Regnabit in domo Jacob in æter-
 num, & Regni ejus non erit finis. Utpote contra quam portæ inferi
 non prævalebunt, propter perpetuam, & usque ad consummatio-
 nem sæculi à Christo promissam assistentiam. *Matth. 28. v. 20.* Ecce
 ego vobiscum sum usque ad consummationem sæculi. Quid aliud
 inferre poterit quisque prudens, & recti honestus arbiter, quam u-
 nam & solam Ecclesiam Romanam esse veram Catholicam. Quod
 magis elucet ex eo, quia omnes, qui Ecclesiam Catholicam persecuti
 sunt, licet maximi orbis monarchæ & Imperatores, gravissimis pœnis
 etiam in hac vita castigati sunt. Sicut enim in antiquo testamento
 DEUS defendit Synagoga, & populum electum, sic ut Pharaonem
 persequentem populum demerserit in mari rubro; Core Dathan &
 Abiron contra Moysem & Aaron seditiosos, à terra absorberi pas-
 sus sit: ut taceam Antiochum, Sennacherib, Holofernem, Heliodo-
 rum, & complures alios, quos divina Nemesis Synagogæ insectos, &
 refractarios gravissimis pœnis afflictos attriverit, & tristissima morte
 exterminaverit. Ita plane in Ecclesiâ suâ sanguinarios illos Tyrannos
 & Christianitatis juratos hostes atrocissimis pœnis in manifestâ vindi-
 ctam tantarum persecutionum ipse DEUS est persecutus. Sic Nero ille in-
 famis

Persecuto-
 res Ecclē-
 siæ Christi
 sicut olim
 Synagogæ
 puniti sunt.

famis Tyrannus anno insequente post iniquissimè martyrio affectos SS. Apostolos Petrum & Paulum fugitivus in speluncâ non procul Roinâ se ipsum interemit. Ulpianus Christiani nominis infensissimus hostis, noctu repente à milite cæsareo seditiosè perimitur. Maximinus cum filio à proprio milite decapitatur. Decius fugitivus in palude una cum equo submersus est. Valerianus sanguinarius à Sapore Persarum Rege captus, eidem inscensuro equum, pro scabello defer-vivit, & tandem vivus excoriatus est. Julianus Apostata à S. Mercuriano hastâ transfixus crepuit. Valens quemadmodum Ammianus Marcellinus testatur, in modum foculi ardentissimis febribus est extinctus. Zeno vivus sepelitur, & suis met carnibus absumptis fame enecatur. Constantinus Copronymus toto corpore vivus adhuc, & spirans, computruit. Basiliscus in exilio fame enecatur. Anastasius à fulmine perit. Justinianus I. ubi Ecclesiam persequi cœpit, deliravit; & sine prole moritur. Justinianus II. dum sedem Romanam perturbat, Imperio privatur. Belisarius in Pontificem Silverium injurius, fortunis & honoribus omnibus exiuit. Annon hæc omnia clarissima sunt argumenta amantissimi DEI, qui suæ Ecclesiæ Catholicæ curam habet tam paternam. Venio ad Sectarum au-
thores, & hæresum Primipilos, in quos iusta DEI vindicta gravissimis *Sectarum
pœnis condignè planè animadvertit. authores
turpi in or-
te pereunt.* Manichæus, qui Regis Persarum filium in testimonium suæ fidei miraculosè plane curare voluit, sed occidit, vivus excoriatus est. Donatistæ quidam, qui canibus ob-
jecerunt Eucharistiam, ab iisdem canibus sunt lacerati. Arius cum Ecclesiam intrare vellet, ad latrinas publicas secessit, & viscera sua dignâ sepulturâ contumulavit. Nestorius impiâ à vermibus exesâ linguâ periit. Lutherus cum cœnam plenam facietis spurcis sum-
pisset, eadem nocte crepuit. Carlostadius à dæmone jugulatus scribitur, & testantur Ministri Basileenses. Calvinus vermibus & pediculis consumptus expiravit, & uti Bossecus testatur, dæmones in-
vocans inter diras, & execrationes blasphemam evomuit animam. *Infans Cal-
vinisticè
baptizatus* Et verò DEUS ipse sæpius luculentis miraculis ostendit hæreticorum se detestari perfidiam. Mulier Calvinistæ marito cohabitavit, quæ *moritur,* cum prolem feliciter enixa fuisset, unicè optavit, ut infans à se e-
ditus, ritu Catholico baptizaretur. Maritus verò à Calvinistico Præ-
dicante puerum voluit baptizari, quare cum uxorem contristare *apud ma-
trem Cat-
holicam
reviviscit.* non vellet, totus tamen in eo esset, ut suum in hoc expleret deside-

A a a

rium,

rium, dormienti matri à latere suffuratus est prolem, eamq; ad Calvinisticum detulit Pastorem; ubi verò parens ad prædicantem pervenit, prædicans infantem mortuum reperit, qui non modicè cum parente expostulavit, quod mortuum infantem sibi obtulisset. Parens inopinato casu consternatus mox domum cum infante mortuo revertitur, & clam cubiculum uxoris ingressus, ubi illam dormientem reperit, infantem dolosè in sinum matris reponit, tacitoq; gressu recedit, & usque dum ipsa evigilaret, expectavit, tunc simulato vultu uxorem accedit, & de infante interrogat, quæ infantem vivum & sanum exhibet. Quare quod testatur Florimundus Remondus miraculo manifesto territus ipse maritus religionem Catholicam amplexus est, & infantem à sacerdote Catholico voluit baptizari. Arianus Patriarcha Cyrola nomine, quod habet Baronius, volens veritatem doctrinæ suæ Arianæ adstruere, eamq; miraculo firmare Mendicum quendam datis in pretium 50. fl. corruptit, ut se cæcum simularet, & in plateâ, ubi patriarcha erat transiturus, se exponeret, eumque transeuntem tanquam divinæ fidei Doctorem inclamaret, ut se cæcum velut sanctus Præsul & veritatis Evangelicæ verus Magister efficaciam suæ fidei illuminaret. Hoc cum magnâ comitiva suorum stipatus Patriarcha transiens in loco constituto ubi audivit, accessit, & miraculosè se oculos mendici aperire velle simulavit, ast ubi mendici oculos attigit, ingens oculorum dolor miserum hominem invadit, & verè cæcus factus est. Quare perfidiam suam detectus est, & omnibus, qui non credunt Spiritum sanctum, ejusdem cum Patre & Filio naturæ & substantiæ esse, imprecatus est, eisdem ut secum paterentur dolores. Ad hoc miraculum & concursum populi cùm intervenissent Catholici Episcopi, & cæcum verè in Spiritum sanctum credere invenissent, S. Evagrius Episcopus fiduciam in DEum plenus in confessione sancti Spiritus, signo crucis super oculos facto, cæcum à doloribus & cæcitate liberavit. Non sine confusione Arianorum, plausu verò Catholicorum, qui gratias divinæ bonitati egerunt, quod credentes in se in confirmationem fidei Catholicæ exaudiverit. Hoc pro conclusione addo, ut videant hæretici DEum justas pœnas exposcere ab illis, qui Ecclesiam Catholicam oderunt, & persequuntur. Apud Novesium in ditione Coloniensi, nescio quâ de causâ monasterium Canonicorum Regularium dirutum fuit. Erat tunc Novesi femina hæretica, quæ cum ex odio

Patriarcha Arianus volens cæcum illuminare evidentem excæcat.

in Catholicos, jam longo tempore in Ecclesiam illam ingressa non fuisset, interrogata, cur non intrasset, respondit joculariter metueret se, ne columnæ Ecclesiæ in caput ipsius deciderent. Ubi verò post Pascha dirui cœpisset Ecclesia, scilicet illa quæ avidè ruinam Ecclesiæ illius spectare voluit, occurrit, & ubi inter jocos, ac sarcasmos ingressa est Ecclesiam, repente à collapsa inibi Ecclesiâ opprimitur, & ad stuporem ipsorum hæreticorum perimitur. Non sine motu gravi animorum, quando clarè viderunt omnes, quod Deus Ecclesiæ nostræ illatas contumelias & opprobria justâ vindictâ, puniat, nec patiatur esse inulta.

Mulier hæretica ex odio in Catholicos averſata Ecclesiam Catholicam, & in gravem animorum, quando clarè viderunt omnes, quod Deus Ecclesiæ nostræ illatas contumelias & opprobria justâ vindictâ, puniat, nec patiatur esse inulta.

Quod si ergo in ore duorum aut trium testium stat omne verbum, & veritas humana si tali testimonio firmetur, sufficienter stabilita creditur: Cur derogant hæretici veritati divinæ dicenti: Et portæ inferi non prævalebunt adversus eam. Quando non solum tot SS. eximiiq; Ecclesiæ Doctores & PP. id affirmant, sed etiam festarii fatentur, Judæi & gentiles agnoscunt, omnes denique populi & nationes Catholicam confitentur. Sicut enim ab initio nascentis Ecclesiæ post ascensionem Christi una eademque fuit Christi, & Petri Ecclesia, ita in hunc usque diem eadem esse perseverat, nec illam ullus unquam divisit, sed quia extra hanc salus non est, inconcussa stabit, & usque ad consummationem sæculi permanebit.



DISCURSVS XXXV.

Ecclesia Christi est Apostolica.

Idem Catholicam esse verè Apostolicam vix melius ostendere posse existimeim, quam si eandem dixero fuisse fidem ipsius S. Pauli Apostoli, qui extrâ controversiam fidem habuit verè Apostolicam. Audite ergo S. Paulum *ad Rom. 1. versu 8.* Fides vestra (ad Romanos scribit) annuntiatur in universo mundo. Statimque subjungit *versu 11.* Desidero enim videre vos, ut aliquid impertiar vobis spiritualis gratiæ, ad confirmandos vos, id est simul

Fides vestra est fides Pauli.

consolari in vobis, per eam, quæ invicem est fidem vestram, atque meam. Ex quibus verbis quid aliud concludas? quàm si fides Romanorum, & Pauli invicem est, sequitur quod fides Romanorum sit eadem, quæ Pauli. Quod Justinianus videtur claris verbis stabilire. l. 1. in princip. Cod. de sum. Trinitate. Fidei enim Catholicam Romanam tradidit Apostolus Petrus. Romanam proinde Novcl. 9. legum Patriam & fontem sacerdotii vocat, quia S. Petrus Apostolus primus & summus Apostolorum hujus Apostolicæ sedis author est. Ad cujus inquit Justinianus venerandæ sedis authorem hoc est Apostolorum primum Domino loquente præceptum est. Pasce oves meas. A cujus proinde ore, sicut lex Ecclesiæ Catholicæ dictata est, & per orbem universum diffusa; ita ad nos usque hodie dinnavit, ut merito doctrina, quæ non est ab Apostolis & Petri successoribus continuâ serie ad nos propagata, nec sit, nec dici possit doctrina verè Apostolica. Ubi manifestum est, quod Lutheri & Calvinii, aliorumque Novatorum doctrina & fides, Apostolica dici non possit, quæ primo priori sæculo Anno Christi 1517. est prædicata, & quia antecedenter in Ecclesia DEI taliter nunquam fuit proposita, Apostolica credi non potest. Ut proinde bene cum Tertull. l. de præscript. modernis novatoribus dici possit. Qui estis vos? unde? & quando venistis? Ubi tamdiu latuistis? meritoque illud S. Hier. Ep. ad Pamachium & Oceanum vobis occinam: Cur post quadringentos (dicam ego mille quingentos) annos docere nos nitimini, quod ante nescivimus. Usque in hanc diem, sine istâ vestrà doctrinâ Christianus mundus fuit. Adeoque verbis Optati l. 2. contra Parmenio: Tenemini, dum dicit, vestræ cathedræ originem ostendite, qui vobis sanctam vultis vendicare. Quia verò vestræ cathedræ originem altam ostendere non potestis, quam illam eandem, quam anno 1517. Wittenbergæ per Apostatam Monachum infedistis, quid aliud, quàm cathedram pestilentiae esse ostenditis? Unde ut Ecclesiam Apostolicam esse clarè evincamus, necesse est, ut ab aliquo Apostolo successionem legitimam continuata serie ostendamus. Quam seriem cum à S. Petro Apostolo continuatam ostendat Ecclesia Catholica dicente S. Augustino in Ep. 165. Petro successit Linus, Lino Cletus, Cleto Clemens &c. quorum ulteriorem seriem cum usque in hæc nostra sæcula laboriosè pertexuerit P. Christophorus Ott. S. I. in suâ Româ gloriosâ, ego hic percensere supersedeo. At verò quia

Nulla Ecclesia hæreticorum est Apostolica.

hanc

hanc seriem neque inchoare, neque pertexere possunt Novatores hæretici, Ecclesia illorum non est Apostolica, sed falsa & erronea. Quos enim illi Superintendentes Episcoporum loco habent, ab alio non quam à Luthero derivant, qui quia ipse Episcopus non fuit, sed solum sacerdos, neque alios Episcopos ipse creare potuit, cum nemo det, quod non habet; neque alios sacerdotes consecrare valuit, quia hoc est solummodo Episcoporum. Merito proinde exclamare debeo cum S. Aug. Tenet me in Ecclesiâ ab ipsâ sede Petri Apostoli, cui pascendas oves suas Dominus commendavit usque ad præsentem Episcopatum sacerdotum successio. Irenæus vero l. 4. c. 43. contra hæreses inonet: His, qui in Ecclesiâ sunt, presbyteris obaudire oportet, & eos qui successione habent ab Apostolis, reliquos vero, qui abstant à principali successione, & quocunque loco colligantur, suspectos habere, vel quasi hæreticos, & malæ sententiæ. Cum Ergo Lutherani non habeant Episcopos, nisi fortassis eos, qui à nobis apostatarunt, & sic sacrilegè fortassis aliquos ordinatos sacerdotes, inanifestum est, quod nec legitimam habeant missionem. Neque enim Ecclesia verum Christi ovile unquam sine Pastoribus & Episcopis esse potuit. Benè namque dicit S. Cypr. l. 4. Ep. 9. Ecclesia non est, quæ non habet sacerdotes. Et ipse dedit quosdam quidem Apostolos, alios Pastores & Doctores. Neimpe tales, qui suam consecrationem ab aliis atque aliis acceperunt, usque dum tandem ad SS. Apostolos, & ipsum Christum devolvamur. Cæterum evidentissimum signum veræ & Apostolicæ Ecclesiæ est illud, quod Apostolis suis ipse Christus dedit Marc. 16. v. 17. Quando Apostolos ad Evangelii prædicationem misit. Signa autem eos, qui crediderint, hæc sequentur, in nomine meo dæmonia ejicient, linguis loquentur novis, & si quid mortiferum biberint non eis nocerebit, super ægros manus imponent, & bene habebunt. Et statim subdit v. 20. Illi autem profecti prædicaverunt ubique Domino cooperante, & sermonem confirmante sequentibus signis. Hæc mihi ostendant Lutherani, & ego fidem illorum Apostolicam venerabor.

Facetur certè Erasmus Roterodamus in suâ Diatribæ de libero arbitrio. Cum inquit afferant paradoxotera, nullus tamen extitit, qui vel equum claudum sanaverit. Vehementer se torquet Conradus Diethrich in suâ analysi Evang. Dom. 21. post SS. Trinit. ubi dicit stultum

Aaaa 3

tum

Contin: a
ta in Ec-
clesia sa-
cerdotum
successio
veram Ec-
clesiam o-
stendit.

Evidens si-
gnum fidei
a Christo
datum sunt
miracula.

tum esse petere miracula, cum hæc ideo solum fiant, ut increduli convertantur. Quam immemor est suorum verborum Diethrich, cum dicat nos Catholicos graviter errare in fide, & sic in infidelitate hærare, consequenter debet admittere, nos jure posse petere miracula, cum in hoc statu, in quo nos dicit hic nasutus Prædicans versari, nempe in infidelitate, faciat nos pares Turcis & Gentilibus, qui miracula ab his novæ legis Doctoribus possunt petere. Pulchrè proinde Georgius Wicelius in suâ relatione Lutheranismi inquit. Jam si recens est doctrina ista, quæ ab orthodoxis omnibus discrepat, uti re vera est, debebat miraculis firmari, sed nulla horum existunt, cur ergo adhuc hæsitās? Hæc ille divinâ gratiâ à Lutheranismorecenter conversus. Annon ego meritò vos alloquar verbis S: Epiph. tom. 2. contra Ebionitas. Aliquem mortuum, ò Ebion! suscita, leprosos munda, aut cæcis visum restitue, aut paralyti resolutum sana, si potes. Non potes autem, quia contraria facis incredulitate, & vinculis carnis occupatus. Si autem hoc facere non potes, uti re verâ non potes, quid, inquit, multum te jastas? Et paulo infra, imò si nomen Christi invocaveris, nihil efficies. Hinc diximus sæpè, sed frustra fuisse conatos hæreticos miracula facere. Videte Ecclesiam Catholicam, hæc utique sufficientissimis ac efficacissimis miraculis corroborata ac confirmata est, ut qui de cætero dubitaverit in fide, nullam mereatur excusationem dicente Christo Jo. an. 15. v. 24. si opera non fecissem in eis, quæ nemo alius fecit, peccatum non haberent. Nunc autem excusationem non habent de peccato suo, quia reverâ Davide teste. Testimonia tua credibilia facta sunt nimis. Statilla fidei tessera in nomine meo, dæmonia ejicient. Quis vestrum unquam dæmonem expulit? Lutherus puri verbi divini Evangelista, voluit ejicere dæmonem, fabula est tot calamitis comprobata, tot libris confirmata, ut probatione non egeat. Sed dæmon illi tantas fecit angustias, ut planè ad alvi profluvium adegerit. Cum verò fugere ex Sacrystia Wittenbergæ vellet, dæmon illi portam obstruxit, non exiturus, nisi Fridericus Staphylus oculatus hujus miraculi testis securi seram infregisset, & huic Thaumaturgo Apostolo ad fugam viam aperuisset. Fortassis autem in fide Lutherana jam melius stabilitis gratiam miraculorum obtulerit quispiam? Augustæ anno Christi 1563. in suburbio S. Gregorii Textoris Lutherani filia viginti annos habens,

*Lutherus
dæmonem
frustra pel-
lere cona-
tur.*

bens, à dæmone fuit obsessa, pro quâ liberandâ parentes opem *Auguſta*
 Prædicantium implorant, adivit illam unus ex præcipuis, cum *quem Præ-*
 paris farinæ lociis, quos tamen dæmon risit, neque eorum con- *-dicantes*
 iurationes curavit. Cùm ecce Catholica puella intervenit, quæ *pellere non*
 obsessæ miserta, parentes rogavit, ut pro Domino Doctore Si- *poterant*
 mone Catholico parochio mitterent, qui ad S. Mauritium in parochiâ *dæmonem,*
 habitaverat. Venit statim evocatus parochus, & cum jam domum *pepulit Ca-*
 appropinquaret, obsessa horrendè inclamavit, mirèque convulsa est. *Sacerdos.*
 Interim Catholica illa puella poculum aquæ benedictæ obsessæ por-
 rigit, quod ubi bibit longè magis infremuit, tantùmque fortorem ex-
 balavit, ut præsentēs penè omnes exanimarentur, multisque calum-
 niis ascendente per gradus parochum dæmon est persecutus. U-
 bi jam cubiculum ingressus est, & puellam cruce signans dixit, in no-
 mine Jesu Regis gloriæ præcipio tibi, ut ex eas, dæmon illam hector-
 sit, ut penè exanimis inter manus tenentium collaberetur, repetito
 deindè exorcismo paulo post excessit. Puella liberata ad partes Ca-
 tholicorum accessit, & sacrâ Synaxi refecta, multis annis Catholica
 vixit. Quod vestri nequeunt Prædicantes, hoc sciunt, & præstite-
 runt nostri Catholici rustici. Anno namque Christi 1589. Hildesio *Rustici po-*
 scripsit vir fide dignus, quod in symposio superbus quidam, & fastu- *-tentiores*
 osus rusticus filiam suam cantharo pleno cerevisiâ ad matrem do- *-sunt in pel-*
 mum miserit, quia verò filia in via cum cantharo lapsa cerevisiam ef- *-lendo dæ-*
 fudit, juravit parens, aut se fore dæmonis, aut filiam horrendè ver- *-mone,*
 berandam. Domum ubi irarum plenus reversus est, securim rabi- *quâ Præ-*
 osus arripit, quod ubi vidit uxor, & liberi, quâ datâ portâ ex *-dicantes.*
 domo erumpunt, & vicinorum auxilium implorant. Hic tam ex
 vicinis ædibus, quàm non procul inde distatâ popinâ adfunt, & do-
 mum intrare tentant, inter quæ cæteros unus reliquis audacior intrat
 dicens: sive dæmon, sive mater ejus sis, in nomine Jesu ad te
 ingredior. Simul ac ingreditur & penes securi armatum dæmonia-
 cum confidet, ac dixit: Et hic inquit in nomine Jesu sedeo, serias me,
 si audes. Ad nomen Jesu contremiscere cæpit rabiosus paterfa-
 milias, reliqui autem audaciores facti, & ipsi ingressi, cogunt illum
 clarè edicere: Jesus est in corde meo, quod tamen nullo modo fa-
 cere potuit. Undè suspicati id, quod erat, eum à dæmone obsessum
 crediderunt, adeoque primò securim ex manu extorquent, petenti
 deindè aquam ad lavandas manus, aquam benedictam affundunt, alii
 herbas

herbas benedictas inspergunt, alii ex herbis illis cruces efformant, quas illi appendunt, alii cereum benedictum accendunt, tantisque molestiis dæmonem agitant, ut cogeretur dicere: Non diu hic manebo. Paulo post vehementi vomitu tantum fœtorem eiecit, ut intolerabilis crederetur adstantibus, ubi tamen secundo vomuit ad se reversus dixit: Iesus in corde meo, & à dæmone liber convaluit. Videtis, O Lutherani! Rustici Catholici hæreticis Prædicantibus sunt contra dæmonem fortiores. Nec tantum rustici cum dæmone audent congregari; Pueri imbelles cogunt cedere, & fugere dæmonem compellunt. In Mechliniæ oppido puella totâ quasi die cum pueris choreas duxit, sic ut à saltu fessa domum rediret, ubi cubitum pergere voluit, à dæmone fuit obsessa, adeoque à familiâ vinculis constringi debuit, & die alterâ ad vicinum templum Beatæ Virg. fuit deducta, quod ubi scholares audiverunt pueri, etiam illi advenierunt, ex quibus unus audacior aliis, quasi annorum duodecim, dæmoni imperat, ut à puella recedat. Videbatur se dæmon circa umbilicum puellæ per vehementiorem tumorem ostendere, & puer crucem dæmoni opposuit, coëgitque dæmonem versus os ascendere. In ore instar hirsuti vermis se dæmon gyrare visus est, quem tamen puer exire coegit. Ejectum deinde puer apprehendit, & in fossam aquâ plenam demersit, ubi paulò post disparuit. Manus pueri apprehenso infernali verine nigerrima fuit, usque dum aquâ benedictâ fuit abluta, & tunc fœtor & nigredo omnis abscessit. O quam imbelles Prædicantes! nisi fortè ex speciali amicitia dæmonibus nihil faciunt hi Exorcistæ. Sic enim Augustanos illos Prædicantes dæmon fratres suos diserte nominavit, & conjurationes eorum risit. O dignam Evangelicis Præconibus fraternitatem! Et hujusmodi hominibus animam, & salutem vestram cæci mortales conceditis? Fortassis alia miracula tentastis? Sic enim mortuos resuscitaverunt, & advitam revocaverunt Sancti Apostoli, aliique Sancti viri DEI. De vobis aptissimè certè dixit Tertull. *de præscript.* ad nostra respiciens tempora. Apostolos inquit ille Gnostici hæretici in perversum æmulantur. Hi enim de mortuis vivos faciebant, isti de viventibus mortuos faciunt. Lindanus *dial. 3. c. 1.* de Luthero refert, quod quendam aquis præfocatum excitare voluerit, sed non potuerit. Si Lutherus tempore S. Dominici vixisset, vidissetque quadraginta in aquis jam demersos revixisse ad imperium solum Sancti viri, an non pudu-

Pueri Catholici dæmones pellunt.

Dæmon Augustanos prædicantes fratres suos dixit.

Lutherus demersum in aquis resuscitare nequit.

pudivisset novi verbi divini præconem? Habetur enim in vitâ S. Dominici, quod quadraginta peregrini ex Angliâ Compostellam tendentes Tolosæ navim conscenderint, sed non procul à littore cum navi demersi sint. Hos ubi sub aquis demersos vidit S. Dominicus, altâ voce inclamavit dicens: præcipio vobis, ut omnes ad littus evadatis. Et statim omnes quadraginta ex undis extulere demersum jam prius caput, qui statim hastis, lanceis, perticis, funibusque objectis extracti sunt, & vitæ restituti. Quàm dispar est Lutheri, & S. Dominici Sanctitas! Pejus adhuc accidit Calvinio, qui maritum, & uxorem pauperem induxit, ut sibi miracula patraturus, impostu-
S. Dominicus quod naufragio demersos resuscitavit.
Calvinus mortuum resuscitaturus vivum occidit.
 ris, & dolis suis assisterent. Persuasit enim inquit Cornelius à Lapide
in Com. in Mat. c. 7. marito, ut in plateâ publicâ jacens se mortuum simularet, uxorem verò copiosis etiam pecuniis induxit, ut mortuum maritum lamentis, & lachrymis copiosis deploraret, quem deinde à somno excitaturus populo à se vitæ restitutum persuaderet. Adornatur ergo ex voto fabula, & mortuus in platea maritus jam rigidum se mentitur. Uxor sæmineo ululatu viciniam implevit. Cum ecce adest Calvinus, & in fidei suæ confirmationem hunc mortuum fictum surgere jubet: clamat Calvinus, rogat uxor, ut surgat, sed frustra. in testimonium erroris divîno judicio factum est, ut, qui se mortuum malitiosè finxit, verè mortuus fuerit, nec amplius resurrexerit. Ettunc cum summâ confusione Calvinî, uxor defuncti pauperis imposturam omnem inter convicia, & execrationes in Calvinum effusas detexit, & aperuit. Simile quid cum Prædicante in finibus Poloniæ, & Ungariæ circa Cracoviam accidit, ubi pecuniâ
Prædicans vivum miraculose occidit.
 corrupti conjuges eandem scenam adornârunt, sed ubi maritus fictè mortuus reverà extinctus est, impostorem, non pastorem uxor rabiosa contumeliis onustum ex foro cedere coëgit.

Sed ad suas latebras revertuntur tenebriones, & recurrunt hæretici, atque ex illo *Joan. 4. v. 48.* Nisi signa, & prodigia videritis, non creditis, inferunt, non esse necessarium ad contestandam fidem, ut miracula fiant, cum Christus hic Regulum reprehenderit propter petita miracula. Unde Calvinus in *c. 4. Joan. & in c. 16. & 24. Matt.* infert, malè Catholicos petere à Lutheranis, & Calvinistis miracula. Sed respondemus Catholici; Christum non ideo reprehendisse Regulum, & Judæos, quòd miracula petant, sed quod post tot præstita, plura adhuc & quidem malitiosâ cavillandi intentione petant,
Hæretici non volunt, ut nos Catholicî ab illis petamus miracula.
 B b b b ideoque

ideoque Christus *Joan. 15. v. 24.* clarè dixit , si opera non fecissem apud illos , quæ aliis nullus fecit , peccatum non haberent. Sunt ergo miracula fidei veræ proba , & argumentum evidens veritatis divinæ , quemadmodum docet S. Th. *in 3. p. q. 43. art. 1.* Et cum eo Franciscus Soarez *disp. 51. sect. 1.* Quæ proinde meritò à novæ legis Doctoribus & possumus , & debemus exigere. Interpellat me Conradus Diethrich *in sua analysi* & dicit : intempestivum esse , velle fidem probari miraculis , cum illorum fides alia non sit , quàm fides Christi & Apostolorum , jam aliàs à Christo & Apostolis stabilita. At verò Domine Doctor hoc est in quæstione. Quis enim unquam sanæ mentis Catholicus concessit , doctrinam vestram esse doctrinam Christi. Ego sanè fidem vestram invenio esse magna ex parte fragmenta priscorum hæreticorum , quos uti alios hæreticos fatetur ipse Lutherus , nostra Ecclesia Catholica miraculis felicissimè devicit. Id verò quod juxta aliquos articulos novum est , & solum illud , quò impudentiæ non sunt progressi veteres hæretici , ut id impiè assererent , quod clarè verbis Christi & legi divinæ repugnat , neque tam impudenter scripturam corrumpere ausi sunt. Vobis itaque novatoribus incumbit , ut hanc novam doctrinam miraculis corroboretis. Nec obstat , quod dicitis , multos fuisse sanctos , neque tamen fecisse miracula. Sic namquè S. Joannes qui fuit vox clamantis & præco Christi , de hoc non legimus , quod ullum miraculum fecerit. Ad hoc respondet Laurentius Forerus *in vita Jesu Christi Dom. 20. post Pentec.* Si sancti homines fuerunt sine miraculis , dicam illos etiam non fuisse novæ legis Doctores , quales se jactant Lutherus & Calvinus , & dicunt , se à DEO missos , ut nos legem novam edoceant. Quod verò S. Joannem Baptistam concernit , non egebat ille miraculis , quia solum erat præcurzor Christi ; & hujus doctrinam suo testimonio confirmavit. Quia verò Christus ipse suam doctrinam sufficienter miraculis stabilivit , eo ipso simul doctrinam S. Joannis confirmavit , quod docet fufius S. Thom. *in 3. p. q. 38. art. 2. ad 3.* Et verò si S. Joannes æque ac Christus miracula fecisset , homines errare potuissent , cum etiam sine miraculis apud Judæos fuerit Joannes in conceptu Messiae , cujus admirabilis nativitas , & portentosa in abstinentiâ vita , ipsi Joanni sufficientem dederit auctoritatem. at verò neque Lutherus , neque Calvinus suæ vitæ sanctitate ullam sibi compararunt exultationem. Miraculis verò opus esse

*Multi
Sancti non
fecerunt
miracula,
sed non
fuerunt
nova legis
Doctores.*

*S. Joannes
Baptista
non ege-
bat mira-
culis.*

effectiam modo, vestra inter vos postulat discussio, cum enim inter Lutheranos & Calvinistas multa intercedant, quæ diversitatem doctrinæ, & Evangelii manifestè ostendunt, necessarium saltem erit, ut fidei vestræ veritatem divina miraculorum virtus discriminet. Certè olim Germani, Boheini, Poloni, Ungari, Dani, Angli, Indi, aliique Orientis, & Occidentis populi potissimum per miracula conversi sunt. Sic enim Bonifacius Germanos, Ludinilla & Wenceslaus Bohemos, Joannes & Benedictus Monachi Polonos, S. Stephanus Rex Ungaros, S. Ericus Rex Danos, S. Augustinus Anglos, novissimè S. Xaverius Indos per miracula converterunt. Quid enim horum Sanctorum vita aliud fuit, quàm continuum miraculum? Longior essem si singula percererem, unum nostri temporis Thaumaturgum accipio Xaverium, quem velut Moysen cum virgâ dicam ego SS. crucifixo instructum vel ipsa bulla Canonizationis tantorum mirabilium patratores celebrat. Vel cum hoc unico signo sanctæ crucis Badagarum copiosum fugavit exercitum; cum Josue solem stetit, cum Daniele non tantum inter leones, sed etiam tigrides illæsus perstitit, ejusque imperio ferocissima animalia se subjecerunt. Xaverius velut alter David, non fundâ sed sola oratione integros prostravit exercitus, quorum devicta arma etiam per modum somnii in concione à se visa retulit, & populum ad gratias DEO agendas animavit. Ille non secus ac Elias contra urbem Tolo de cœlo ignes evocavit. Cum Jona in maris naufragio securus cruce, quam tenuit, tempestates sedavit. Cum Petro & Joanne claudos sanavit, cum Paulo per rosarium, & sudarium infirmos restituit, & ad pristinam valetudinem revocavit. Cum Elisæo non tantum unum, sed etiam viginti quatuor & plures in vitâ & post mortem ad vitam reduxit. Benè proinde advertit S. Ambr. *l. 10. Ep. 85.* Ideo hæretici miracula Sanctorum non credunt, quia non habent fidem Sanctorum.

Quo obsecro fundamento dicite in antiquâ lege DEUS usus est, ut se verum DEum probaret, quàm miraculis? Annon DEUS mittens Moysen ad Pharaonem *Exodi 4. v. 17.* Virgâ illorum mirandorum patratrice instruxit dicens. Virgam hanc quoque sume in manu tuâ, in quâ facturus es signa. Hæc enim verò virgâ mare divisit, petras durissimas in aquas dulces emollivit, imperium aeris, & maris obtinuit? Annon miraculosè Daniel illæsus in lacu servatur à leonibus *Dan. 6. v. 22.* DEUS misit Angelum suum, & confusit ora leonum,

S. Xaverius miraculis illustris.

Moyse
DEUM
veram probat miraculis.

num, & non nocuerunt mihi, quia coram eo iustitia inventa est in me. David in funda adversus Goliath victor triumphat. 1. Reg. 17. v. 50. Prævaluitque David adversus Philistæum in fundâ, & lapide. Elifæus. 4. Reg. 2. v. 14. divisit pallio suo Jordanem. 4. Reg. 4. v. 33. Excitavit à mortuis viduæ filium, & c. 5. versu 14. à leprâ mundavit leprosum Naaman. Elias 3. Reg. c. 17. v. 6. à corvis alitur, suscitavit viduæ filium. Denique verum DEum per miraculum probat, quando conscisso bœve & affusis super altare aquis. 3. Reg. 18. v. 38. cecidit ignis Domini & voravit holocaustum, & ligna & lapides. Jonas à balenâ illæsus servatur. Jonæ 2. v. 1. Eterat Jonas in ventre piscis tribus diebus, & tribus noctibus. Josue Solem & Lunam stitit. Josue 10. v. 13. Stetit itaque Sol in medio cœli, & non festinavit occumbere spatio unius diei. Nec fuit antea nec postea tam longa dies obediēte Domino voci hominis. Quæ vero DEus in antiquo testamento tot miraculis confirmavit, fidei ac legis à se late mysteria; eadem fidei fundamenta Christus in lege gratiæ singularibus & penè infinitis miraculis confirmavit. Quid enim totum est sacrosanctum Christi Evangelium, quàm continuum quasi miraculum ita ut brevi compendio omnia complexus Marcus dicat c. 7. v. 37. omnia bene fecit, surdos fecit audire, & mutos loqui. Quod enim infirmitatum genus est, quod ipse non curasset. Paralyticis membra integra restituit; leprosos mundavit; à febris focum Petri liberavit; sanguinis profuvium stitit; cæcos illuminavit; aridos reflorescere fecit; mutis loquelam dedit; claudos solidavit; surdis aures aperuit; hydropicos ab aquâ intercute liberavit; lunaticos ab intemperie sanavit; dæmones ex corporibus ejecit; mortuos suscitavit; denique omnis generis languores sanavit. Cum discipulis fructuosè piscatur; tempestates maris sedavit; famelicam turbam prodigiosè satiavit; ubique legem suam prædicavit, verbo denique unico omnia bene & miraculosè fecit. Atque sic legem suam & doctrinam stabilivit. Hinc cum Joannes Matth. 11. v. 2. misisset ad Christum discipulos suos, qui quærerent, an Christus esset verus Messias à Patribus promissus? Christus aliud non respondit quàm hoc: Renunciate Joanni, quæ vidistis. Sed quid viderunt? Evangelicus textus declarat: Cæci vident, claudia ambulant, leprosi mundantur, mortui resurgunt. Ecce Christus suam doctrinam confirmat à factis miraculis, si enim Christus interrogantibus discipulis:

Tu

Christus
omne genus
morborum
curavit.

Tu es, qui venturus es, claris verbis dixisset, se Messiam esse, infallibiliter à Judæis sibi objici audivisset illud *Joan. 8. v. 13.* Tu de te ipso testimonium perhibes. Operibus itaque quæ divinitatis perhibent testimonium, respondit dicens: *Itē! Renunciate Joanni, quæ audistis, & vidistis. Licet etiam alii Prophetæ, vel veteris Testamenti sancti homines miracula fecerint, ut Moyses virgâ mare dividens, Josue solem sistens, Elias mortuum suscitans, Eliseus leprosum sanans, Daniel leones cicurans, Jonas in ventre Ceti illæsus permanens, & alii alia miranda præstiterint, tamen illa omnia non propriâ virtute fecerunt, sicut Christus, sed DEI speciali auxilio id per fecerunt. De Christo enim solo verificatur illud Ps. 145. v. 8. Dominus solvit compeditos, Dominus illuminat cæcos, Dominus erigit elisos. Quod patet ex modo Imperativo, quo usus est Christus, quando sanitatem infirmis contulit. Sic enim *Matth. 9. v. 6.* paralytico dixit: Tolle lectum tuum, & vade in domum tuam. Leproso *Matth. 8. v. 3.* Volo. Mundare! Socro Petri *Luc. 4. v. 39.* miracula stans super illam imperavit febri. Mulieri profluvium sanguinis patienti *Marc. 5. v. 34.* Vade in pace, & esto sana in plagâ tuâ. Lazaro resuscitato *Joan. 11. versu 43.* Lazare veni foras. Cæcis illuminatis *Matth. 9. v. 39.* secundum fidem vestram fiat vobis. Arido manûs usu destituto *Matth. 12. v. 13.* Extende manum tuam. Muto & surdo *Marc. 7. v. 37.* Epheta, quod est adaperire. Et statim apertæ sunt aures ejus, & solutum est vinculum linguæ ejus. Quod reliqui Prophetæ aut sancti viri facere non potuerunt, adeoque deprecatoriè solum operati sunt. Ulti videmus factum cum Elia *3. Reg. 17. versu 20.* Domine DEus meus revertatur obsecro anima hujus pueri in viscera ejus. Non sic Christus egit cum filio viduæ in Naim cui dixit. Adolescens tibi dico surge, ut ostenderet scilicet opera ipsa dare testimonium legi à se latæ. Hac de causâ Christus *Joan. 10. v. 25.* Judæis se circumdantibus, & dicentibus quousque animam nostram tollis? Si tu es Christus dic nobis palam. Respondit, opera quæ ego facio in nomine Patris mei, testimonium perhibent de me. Et verò quæ sunt illa opera, nisi eadem, quæ Joanni referri jussit, quia cæci vident &c. Certè non frustra ille cæcus à Christo in utroque homine illuminatus dixit. *Joan. 9. versu 32.* à sæculo non est auditum, quia quis aperuit oculos cæci nati. Miracula namque quæ ipse edidit, efficax de eo ferebant testimonium. Quod tanto magis con-*

Christus imperativè, alii deprecativè miracula faciunt.

firmat continuata illorum miraculorum operatio, quæ sanctis Apostolis, aliisque sanctis viris non nisi pro exigentiâ temporis à DEO fuit concessa. Quàm Ego merito exclamem cum Davide *ps. 92. v. 5.* Testimonia tua credibilia facta sunt nimis. Ut proinde dicere de Christo possim illud *Apoc. 8. v. 3.* quando Angelus accepit thuribulum aureum, quod cum implevisset de igne altaris & in terram demississet stupenda tonitrua, voces & terræ motus secuti sunt. Origenes in hunc locum ait: Thuribuli nomine humanitatem Salvatoris Domini nostri Jesu Christi intelligi. Cum verò illud thuribulum aureum fuerit, per aurum intelligi ejusdem divinitatem, cui per unionem hypostaticam juncta fuit. Thymiana seu incensum gratiam significat, quâ Christum semper abundavit. Hoc thuribulum in utero virginis elaboratum, ubi in terras delatum est, mirabilia operabatur. Fecit tonitrua, id est, ut filii tonitruum nempe sancti Apostoli fulmina verbi Evangelii detonarent. An non pie credere possum S. Joannem Baptistam audito responso Christi discipulis suis ablegatis explicuisse illud *Isa. 35. v. 5.* DEus ipse venit & salvabit vos. Quod autem signum hujus felicissimi adventus? Audite Prophetam. Tunc aperientur oculi cæcorum, & aures surdorum patebunt. Tunc saliet sicut cervus claudus, & aperta erit lingua mutorum. Quare ad hæc verba Prophetæ alludens Christus, hoc utique respondit Joanni: *Isaia* dicit: Tunc aperientur oculi cæcorum; ecce cæci vident, & Ego illorum oculos aperio, quid aliud hinc concludes, quam quia Ego sum Messias. Dicit Prophetæ: Tunc aures surdorum patebunt, Ego surdis auditum reddo, ergo sum verus Messias. Prophetæ dicit, quia salient sicut cervi, claudi; ego illis gressum reddo; cur ergo Messiam me non creditis? Aperta erit lingua mutorum, inquit Prophetæ, ego mutos loqui facio, non ergo potestis amplius dubitare. Si dicas Moysen fecisse longè majora miracula, quàm Christum; dicam Ego quod miracula Moysis magis furorem divinum, quàm liberalem DEI munificentiam, ostenderint. Christus verò qui aliud non, quàm mansuetudinem professus est, dicente Paulo *ad Titum 3. versu 3.* Benignitas & humanitas apparuit Salvatoris nostri, totus humanus & mitis miracula mera misericordiæ & benevolentiae exhibuit. Hinc infirmis sanitatem, dæmoniis libertatem, famelicis liberalem sapidissimumque cibum, naufragis salutem, omnibus denique oppressis & afflictis solatium, &

auxi-

Ex vaticinio
Isaia
Christus
se verum
Messiam
ostendit.

Differentia
inter
miracula
Moysis &
Christi.

auxilium præstitit. At verò aquas sanguine comminulare; Ranis implere domos, & conclavia; cinises per aërem spargere; Ulcera & vesicas hominibus imponere, etsi mirabile videri possit, non tamen aliud est, nisi odiosum, & vindicantis divinæ manus indicium. Imò illa ipsa quæ Moyses beneficis contulit in populum miracula, communiter ira DEI vel antecessit, vel secuta est. Sic DEUS dedit populo manna & coturnices, sed inquit David, adhuc erat cibus in ore illorum, & ira DEI ascendit super illos. Dedit aquam petra percussa virgâ, sed statim Amalech persecutus est eos, & pugnavit contra Israel. DEO dictante in monte accipit tabulas legis divinæ, sed dum populus adorat vitulum, DEUS irascitur, & Moyses tabulas DEI manu scriptas confringit. Quare dum Moyses miraculosus est, communiter etiam rigidus & asper apparet, ut obduratum Regem Ægypti emolliat vel perdat, populum verò Israëlitis durissimi cordis aliquando tandem emendet.

Quæ verò inanus et inusitatus JESUS in confirmationem legis gratiæ præstitit, eadem discipulis suis & toti secuturæ Ecclesiæ ex hoc mundo abiens, veluti testamento transcripsit. Abiturus enim ad Patrem cum eos in universum mundum, ut prædicarent Evangelium, ablegasset *Marc. 16. v. 17.* dixit. Signa autem eos, qui crediderint, hæc sequentur: In nomine meo dæmonia ejicient, linguis loquentur novis, serpentes tollent, & si quid mortiferum biberint, non eis nocebit, super ægros manus imponent, & bene habebunt. Si autem nos parentum nostrorum ultima verba tanti facimus, ut illa veluti sancta veneremus; Cur Christi ex terris ad cælum abeuntis doctrinam, non velut sacrosanctam suspicimus, & veneramur. Olim Socratis discipuli dixerunt. Socrates dixit, & hoc sufficit illis, ad omne dubium, & moram tollendam. Hoc nobis ipse DEI filius, quem ut audiamus ipse Pater repetitis vocibus mandavit, ille inquam ultimis verbis, quæ locutus est nobis, ille dicit. Hoc est verum signum, & aliquis dubitare velit aut contradicere? Cavete ne quod Judæis. *Joan. 15. v. 24.* exprobravit Christus, id ipsum vobis in vestram damnationem objiciat. Si opera non fecissem in eis, quæ alius nemo fecit, peccatum non haberent. Nunc autem viderunt, & oderunt, & me, & Patrem meum. Et hinc quando suam doctrinam probavit Christus, Judæos ad opera remisit. *Joan. 14. v. 11.* Non creditis quia Ego in Patre, & Pater in me est? Alioquin propter opera ipsa credere.

Et

Miraculorum populi testas Ecclesiæ veluti testamento transcripsit.

*Christus
majorem
quasi vim
dedit disci-
pulis quam
ipse osten-
derit.*

Et quia præcivit postabitum suum futuros complures, qui hæc miracula vel magicis artibus, vel dæmonis adminiculo adscribent, sapientissimè anteocepavit *Joan. 14. v. 12.* Qui credit in me, opera quæ Ego facio, & ipse faciet, & majora horum faciet. Annon hic admiremur DEI immensam bonitatem, quæ suæ legi divinam vim inde-re volens majorem quasi virtutem dedit discipulis, quam ipse videbatur exercuisse? Merito attonitus exclamat S. Aug. *traçt. 72. in c. 14. Joan.* qui faceret opera quæ Christus fecit, non inveniebamus, qui etiam majora fecerit, inventuri sumus. Quod etsi ex inente ipsius Augustini difficile sit creditu, factò tamen ipso experimur. Plures enim Judæi ad verbum Prædicantis Petri conversi sunt *Act. 2. v. 41.* quando statim conversa sunt tria millia hominum, & appositæ sunt in illa die animæ circiter tria millia. Plures Græci doctrinam Andreæ susceperunt. Plures Asiatici Joanni adhæserunt. Plures Indi Thomæ se adjunxerunt, aliisque per orbem dispersis Apostolis, quàm ipsi Christo. Audite nunc S. Augustinum citatum. Plures Apostolis prædicantibus, quam ipso prædicante Domino crediderunt. Nonne ab ore Christi dives ille juvenis tristis abscessit, qui vitæ æternæ consilium quæsit, audivit, abjecit? Et tamen postea, quod ab eo auditum non fecit unus, fecerunt multi, cum loqueretur per discipulos Magister bonus, contemptibilis ei, quem divitem per se monuit, amabilis eis, quos ex divitibus pauperes per discipulos pauperes fecit. Ecce majora fecit prædicatus, quàm locutus. Annon enim majus fuit umbræ suæ transitu, quod fecit Petrus, quam simbriæ suæ tactu, quod fecit Dominus, sanare languentes? Angelum DEus jussit movere piscinam probaticam, quæ dum movebatur illa, primum, qui descendit, sanavit. Certè si DEus illam vim sanativam contulit aquæ, ut tam diversis languoribus prodesse posset, multo magis credendum est quòd DEus sanctis suis, quos voluit esse instrumenta potentiae suæ, similem & longè majorè virtutem comunicavit. Si enim virga Moysis petram in aquas eliquavit, aquam in sanguinem vertit, mare divisit, aquas Jordanis stitit: Si serpens Mosaicus in deserto exaltatus morientibus vitæ servavit. Quid mirum, si etiam umbra Petri sanavit infirmos *Act. 5. v. 15.* Ponebant infirmos in plateis ut veniente Petro saltem umbra obumbraret eos, & sanarentur ab infirmitatibus suis. Unde non sine causa miratur S. Aug. illud *Pauli. 2. ad Cor. 4. v. 7.* Habemus thesaurum istum in vas fictilibus, ut sublimitas sit virtutis DEI,

DEI, & non ex nobis. Quid est inquit in vasis fictilibus, nisi in corpore hoc mortali & corruptibili. Sicut enim testa ex luto, & igne fit, sic profectò & corpus illorum sanctorum, cum sit lutum & spiritualis ignis efficaciam susceperit, testa factum est. Et quâ de causâ factum est? ut thesaurum talem & gratiarum copiam mortali & corruptibili corpori dederit. Ut abundantia virtutis sit à DEO, & non à nobis. Ut talia miracula quæ in mortali corpore sanctorum ostendit DEUS, testimonium præbeant non sibi, sed divinæ potentiae. Confirmavit hoc S. Bern. *serm. 28. in Cant.* Nihil inquit omnipotentiam verbi clariorem reddit, quam quod omnipotentes faciat omnes qui sperant in eo. Videte an non omnipotentes fuerunt sancti Apostoli in primitivâ Ecclesiâ? Audite *Marc. 6. v. 13.* Apostoli exeuntes prædicabant, ut pœnitentiam agerent, & dæmonia multa ejiciebant, & ungebant oleo ægros, & sanabant. *Act. 3.* ad portam speciosam Petrus, & Joannes sanaverunt claudum. *Act. 9. v. 40.* Petrus flexis genibus orans conversus ad corpus dixit: Tabitha surge, & mortuam resuscitavit. *Act. 5.* Petrus verbo oris sui occidit Ananiam & Saphiram. *Act. 14.* Claudum ex utero matris suæ sanavit Paulus. *Act. 19. v. 12.* virtutes quaslibet faciebat DEUS per manus Pauli, ita ut etiam super languidos deferrentur à corpore ejus sudaria & semicinctia, & recedebant ab eis languores & spiritus nequam egrediebantur. Non modica difficultas est apud authores, quid sibi velint semicinctia Pauli? Lorinus putat fuisse quoddam tegimen ab humeris usque ad genua pendulum, quo mechanici cum illiberales artes tractant, utuntur, ne cæteræ vestes, sordium aliquid ex eis contrahant, adeoque semicinctia vestes reliquas mundas servare solent. Semicinctia ergo, inquit Lorinus est ex lino, similivè materia pannus, quem circumligando dimittunt, qui in opificio, aut ministerio occupantur. Cur autem voluit DEUS, ut illud semicinctium, sudariumque Pauli tam prodigiosa operaretur? ipsosque generis nostri capitales hostes ex hominibus fugaret? Cur voluit, ut eadem res & ad vilia opificia, & ad stupenda miracula esset usui? Ut scilicet significaret, nihil detrahi de dignitate alicujus rei per hoc, quod ad humilia officia adhibeatur, & ideo voluit ut sudarium, & semicinctiū Pauli ejiceret dæmones, & curaret infirmos. *Act. 20. v. 10.* Adolescens ex fenestrâ in terram delapsus à Paulo excitatur à mortuis. Sed ne Apostolorum temporibus hæc tantum facta credamus,

Ecce

vidit

*S. Marti-
ni Reliquiæ
filium Re-
gis Ariani
sanant.*

vidit omnis ætas miranda prodigia, quæ DEUS ad confirmandam fidem Catholicam operatus est. Expertus est fidei nostræ virtutem Arianus Rex Galliciæ Chararives nomine, de quo Stengelius *judicior. divin. l. 4. c. 40.* cujus filius cum ita graviter ægrotaret, ut solum spirare animadverteretur, cumque nullum remedium à suis Arianis inveniret, ad Catholicos conversus dixit, multa se de S. Martini beneficiis audivisse, petiit ergo an filio suo ab illo sperare posset salutem? Dixerunt Catholici: S. Martinus credit, Filium Patri esse æqualem, si tu credis cum illo, quis scit an non filio sit daturus salutem. Quo audito aurum & argentum ad pedes infirmi filii curavit componi, deinde ad S. Martinum deferri, promittens, si legati filio sanitatem retulerint, se idem cum S. Martino crediturum. Ubi per legatos reliquiæ S. Martini Episcopi Regi missæ, filio infirmo sunt applicatæ, filio plena sanitas est restituta, & Rex in SS. Trinitatem credidit, atque cum filio, totoque regno Arianismus est execratus. Pleni sunt omnes libri, plenæ Sanctorum vitæ, & historiæ, plena tot authorum volumina, ut qui hoc negare velit, vix inter homines ratione præditos possit connumerari. O quam meritò exclamem ego cum S. Aug. *de utilit. Credent. c. 17.* cum quo etiam sentit Richardus de S. Victore *l. 1. de Trin.* Domine si error est, quod credimus, à te decepti sumus. Ista enim in nobis iis signis, ac prodigiis confirmata sunt, quæ nisi à te fieri potuerunt. Sed consuetam nobis occinunt Lutherani, atque Sectarii omnes nāniam, nimirum Antichristum etiam facturum miracula, adeoque negant evidens esse signum veræ fidei.

*Magia
adscribunt
hæretici
miracula,
sed nihil
novi.*

Si verò ego Respondeam etiam Simonem Magum fecisse miraculum, sed à DEO confusum esse, ita credendum est, Antichristi miracula virtute divinâ confundenda. Quid hic opponent hæretici? Quod verò sectarii hujus temporis miracula Ecclesiæ Catholicæ magis adscribant, faciunt illi, quod Judæi olim Christo *LUC. 11. v. 15.* dixerunt, in Belzebub Principe dæmoniorum ejicit dæmonia. Hoc semper in Ecclesiâ DEI fecerunt Gentiles, qui sanctorum Martyrum miracula attribuerunt magiis. Sed quod Christus respondit Judæis, id nos hodie reponimus hæreticis. Si autem & Sathanas in se ipsum divisus est, quomodo stabit regnum ejus? Id est, Si Sathanas per miracula cooperatus est, ut fidem suam & doctrinam Christus stabiliret, ipse Sathanas turbavit & destruxit regnum suum. At quis tam simpli-

ccm

cem credat diabolum, ut aliquid in perniciem suam operetur. Quare cum miracula sint, & semper fuerint contestatio fidei Catholicæ, neque enim DEus, qui est æterna veritas contestari potest aliquid falsum, sequitur quod etiam temporibus nostris fides Catholica vera sit, & Apostolica, quam DEus hucusque tam constanter manifestis miraculis comprobatur, & tuetur. Unde sicut Christus præcipuum argumentum habuit, quo se probavit Messiam esse, ita nos etiam miracula allegamus in fidei nostræ probationem, quam etsi evertere conati sint & Lutherus & Calvinus, nunquam tamen id potuerunt obtinere. Imo ego ex verbis Christi *Joan. 10. v. 17.* Si non facio opera Patris mei, nolite credere mihi. Si autem facio, & si mihi non vultis credere, operibus credite, ut cognoscatis & credatis, quia Pater in me est, & ego in Patre; infero, inquam, & dico, si opes diaboli possunt fieri miracula, Christus æterna sapientia non bene probasset, se esse verum Messiam. Si hanc illationem concedant hæretici, impii sunt & injurii divinæ sapientiæ; Si negaveritis illatum, sentire debetis nobiscum Catholicis. Taceo quod ipse Lutherus in sua *Postillâ Jenensi Dom. 25. post festum SS. Trinitatis* dicat: quod sancti & electi in Ecclesiâ non fallantur diabolicis fraudibus, & signis. Sic enim, inquit ille, legitur. Frater quidam illusor à dæ-
 mone ut & ipse & alii crederent illum pretiosâ veste contectum, sic
 ut oculi & manus referrent pretiosum sericum, ita enim dæmon il-
 ludebat oculis & manibus, sed cum socii dicerent, ut hanc vestem
 etiam exhiberet S. Martino tunc adhuc vivo, nequaquam dixit,
 quia angeli qui hac veste me induerunt, id prohibuerunt. Cum vero
 illum vi pertraherent ad S. Martinum vestis disparuit. Pergit Lutherus
 & dicit in vitis PP. haberi de viro, & uxore optimis conjugibus,
 qui pulchram habebant filiam, quibus dæmon imposuit, ut filiam
 suam vaccam crederent. Afflicti parentes filiam adducunt ad S. Macarium,
 qui nullam illusionem passus, rogavit DEum ut oculos parentum aperiret,
 aperuit Dominus, & filiam agnoverunt parentes. Ita Lutherus.
 Ex quibus quid aliud concludas? quàm verum esse, quod neque S. Martino, neque S. Macario illudere potuerit dæmon,
 neque id aliis servis suis permittat bonus Iesus. Unde non parum miror
 Centuriatores Magdeburgenses *Centur. 1. l. 2. c. 4.* dicere, in Ecclesiâ Papistarum multa miracula accidisse

se ope diaboli, sub velo nominis Christi, per invocationem sanctorum & cultum Sanctorum imaginum; cum tamen omnes hæretici moderni etiam admittant Ecclesiam nostram omnes hæreses devicisse signis & miraculis. Si autem hos omnes devicit Ecclesia in nomine diaboli & non in nomine Christi, & quidem illo tempore, quo jam, uti dicunt, fuit Ecclesia Antichristi; sequitur Ecclesiæ Catholicæ regnum fuisse divisum. Quod tamen falsum esse ipsi asserunt, quia dicunt papatum seu Antichristismum jam mille annis durasse. Quot millena obsecro interim patrata sunt miracula? Discrimen igitur inter Christi miracula & dæmonis

Discrimen præstigias optimè capi potest ex eo, quod Magorum prodigia fiant inter mira- magis ad ostentationem, & curiositatem. Quo vero fructu id fa- cula vera, ctum sit, vidimus ex Simone Mago, qui ex nubibus decidens pe- & falsa. des confregit. Sic S. Clemens l. 4. recognit. refert de Zoroastro,

Zoroaster volens videri DEus quasi scintillas ex astris produxerit, & eas- dem hominibus ostentaverit, sed tandem ab ipso dæmone fulminatus interiit. Ita Abdias Babylonicus de S. Bartholomæo scribit, quod in Indiâ fuerit idolum Astaroth, in quo residebat dæmon, qui curabat infirmos & cæcos. Causabat autem ille ægris dolores, quibus deinde persuasit, ut sibi sacrificarent, & tunc causas doloris removit, atque sic se sanari credebant. Certum namque est quod dæ-

mon neque cæcos illuminare, multo minùs mortuos resuscitare possit. Audite obsecro Baruch Prophetam, qui idolorum & dæmonis imbecillitatem declarans dicit e. 6. versu 35. Hominem à morte non liberant, neque infirmum à potentiore eripiunt. Hominem cæcum ad visum non restituunt, viduæ non miserebuntur, neque orphanis benefacient. At vero de DEO David Psal. 145. versu 8. Dominus solvit compeditos, Dominus illuminat cæcos. Et versu 9. Dominus custodit advenas, pupillum & viduam suscipiet. Quasi diceret misericordiæ divinæ in omnibus operationibus certissimum esse iudicium misericordiam & benignitatem. Certum itaque sit, dæmonis miracula modico tempore durare, & tandem à DEO confundi. Quis non credidisset Guidonem de Lacha Brixinensem Episcopum alterum Joannem Baptistam esse, sic enim totius populi consensu colebatur, ubi tamen ejus in Episcopatu successor, facta inquisitione illum exhumari jussit, & illius velut hæretici ossa comburi,

huri, ossa illius à dæmone in aëre tam diu visibiliter tenebantur, usque dum Episcopus in sacro de B. Virgine ad consecrationem venit, tunc enim dæmones exclamaverunt, ô Guido de Lacha, te quidem hæc tunc defendimus, sed nunc major nobis adest, atque ossa in ignem relapsa exusta, & in cineres redacta sunt. Non potest enim DEus patrocinari mendacio. Nec stabilire valet miraculo, quod divinæ veritati repugnat. Cum ergo DEus, quod superius diximus, miracula quasi Testamento Apostolis suis, totique Ecclesiæ transcripserit, dum *Marc. 16. v. 15.* his verbis illos est allocutus: Euntes in mundum universum prædicate Evangelium omni Creaturæ. Qui crediderit, & baptizatus fuerit, salvus erit, qui verò non crediderit, condemnabitur. Sigillum testamenti suo apposuit, dum dixit: signa autem eos, qui crediderint hæc sequentur. In nomine meo dæmonia ejicient, linguis loquentur novis, serpentes tollent, & si mortiferum quid biberint, non eis nocebit. Super ægros manus imponent, & bene habebunt. Audite nunc verba Evangelistæ. Et Dominus JESUS postquam locutus est eis, assumptus est in cælum. Hæc ergo sunt verba ultima ad nos Christi, quis non credat?

*Miracula
sunt sigil-
lum veri-
tatis fidei
Catholicæ.*



DISCVRSVSXXXVI.

Est in militante Ecclesia Sanctorum Communio.

*Triplicis
Ecclesia
status.*

Dividitur hæc sanctorum Communio juxta triplicem statum eorum, qui sunt in Ecclesiâ Catholica. Alia est enim Ecclesia militans, & sumus nos, qui modo in terris agimus; ex quibus quia multæ sunt sanctæ & timoræ animæ, quæ DEO placeant, operibusque suis ac sanctis aliis prodesse possunt, ideo eorum opera aliis etiam vivis, & in Ecclesia militante laborantibus prodesse possunt. Evidens hujus rei argumentum habemus in Job. c. 42. *versu 8.* Itē ad servum meum Job, & offerte holocaustum pro vobis, faciem ejus suscipiam, ut non vobis imputetur stultitia. Et statim subditur. v. 9. Abierunt ergo, & fecerunt, sicut locutus fuerat Dominus ad eos, & suscepit Dominus faciem Job. Altera Ecclesia est triumphans, quæ magnis suis meritis amplissima & condigna accepit jam præmia, quia verò plurima præstitit opera pænalia, quæ excedunt peccatorum demeritum, vel quæ non habuerunt, vel quæ per excessum pœnitentiæ actæ supergressi sunt, ideo nobis per indulgentias ex thesauro suo fructificant. Tertia Ecclesia est media inter militantem & triumphantem, quæ est status animarum purgatorii, quæ suffragiis vivorum juvantur. Et sic S. Chrysostomus in ps. 50. hanc communionem explicat. Causam autem hujus dat S. Paulus ad Rom. 12. *versu 4.* Sicut enim in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra. Quasi diceret: sicut in corpore humano os non sibi, sed toti corpori comedit, oculi aspiciunt, manus cibum ori ingerunt, dentes comoliunt, fauces glutunt, stomachus digerit, & concoquit, venæ mæsericæ in omnes artus dispensant; ita in Ecclesiâ Christi nemo sibi soli servit. Ut proinde bene de Ecclesiâ militante dixerit David. ps. 118. v. 63. Particeps ego sum omnium amentium te, & custodientium

man-

mandata tua, id est, ego participo de bonis operibus Sanctorum, qui sunt in terris. Et hæc participatio communis est omnibus Ecclesiæ membris, etiam ipsis peccatoribus, pro quorum conversione Christus ipse in cruce oravit. *Luc. 23. v. 34.* quando pro ipsis crucifixoribus suis Patrem interpellavit dicens: Pater dimitte illis, quia nesciunt, quid faciunt. Magistrum suum proximè secutus est discipulus, nimirum S. Stephanus, qui pro lapidatoribus suis ardentissimè DEum est deprecatus. *Act. 7. v. 58.* Et lapidabant Stephanum invocantem & dicentem: Domine Jesu suscipe spiritum meum. Positis autem genibus clamavit voce magnâ dicens: Domine ne statuas illis hoc peccatum. Miror ego non parum Beza, aliòsque Novatores dicentes orationem nostram non prodesse peccatoribus, nec pro illis in hac vitâ constitutis orandum esse. Cum tamen S. Paulus *1. ad Tim. 2. v. 1.* dicat: Obsecro primum omnium fieri obsecrationes, orationes, postulationes, gratiarum actiones pro omnibus hominibus. Quæ verba si expendisset Beza, peccatores non exclusisset à communione orationis nostræ. Qui enim dicit omnes, neque reprobos, neque peccatores quantumcunque graves, excludit. Et certè quando oravit Moyses pro populo idololatrâ *Exod. 32. v. 31.* in hac multitudine populi non fuerunt omnes sancti & electi, cum dicat ipse Prophetâ: Obsecro peccavit populus iste peccatum maximum, feceruntque sibi DEos aureos. Aut dimitte eis hanc noxam, aut si non facis, dele me de libro tuo, quem scripsisti. Annon peccavit populus, quando murmuravit auditis exploratoribus, ut eos Josue & Caleb sedare non potuerint. *Num. 14. v. 19.* & tamen pro populo hoc contumace orat Moyses, dimitte obsecro peccatum populi hujus secundum magnitudinem misericordiæ tuæ, sicut propitijs fuisti egredientibus de Ægypto usque ad locum istum. Et ecce quod DEO grata fuerit oratio Moysis, subditur. *v. 20.* Dixitque Dominus, dimisi juxta verbum tuum. Ita placatus oratione Moysis DEus *Deuter. 9. v. 26.* jubet statim. *c. 10. v. 1.* tabulas novas lapideas confici, quibus legem divinam rursus inscripsit. Et orans dixi Domine DEus ne disperdas populum tuum & hæreditatem tuam, quam redemisti: in magnitudine tuâ, quos eduxisti de Ægypto in manu forti. Recordare servorum tuorum Abraham, Isaac, & Jacob; ne aspicias duritiam populi hujus, & impietatem atque peccatum. Ubi vides actum meminisse Prophetam peccati à populo commissi, & tamen pro eodem orat. I-

mo

*Orationis
vis & effe-
cacia.*

mo cum ab indignante DEO prohiberetur pro populo refractario orare *Exod. 32. verſu 10.* Dimitte me ut irascatur furor meus contra eos, & deleam eos. Petrus Abaelardus *Ep. 3.* Attende inquit, quæ ſitorationis ratio! Orare Propheta prohibitus tamen orando obtinet, quanto magis cum petere juſſi ſimus. Si inſtanter oraverimus, obtinebimus. Refert Alexander ab Alexandris *Gen. dier. l. 4. c. 12.* obſervatum legimus à Tyriis ut Deorum ſimulachris vincula annectant, ne evocarentur, & abirent, cum eos hoſtili carmine evocatos, abituros timerent. Ecce etiam noſter DEus à Moyſe ſe vinculis ſtringi paſſus eſt oratione; ut quaſi vinculorum impatiens, ſe dimitti peteret. Teſtatur hoc. S. Aug. *in format. Novit. c. 37.* ubi poſt multas de oratione laudes inquit: Hæc DEum ligat: Beatus qui te adſtringit. Similiter plane loquitur B. Agathon; Magna poteſtas orationis vinciendi omnipotentem. Bene itaque Hugo Cardinal. *inc. 32. Gen.* Sancti ſuis orationibus tenent DEum, ne in peccatoribus ſuam exerceat Juſtitiam. Ut merito exclamem cum S. Bern. *ſerm. de Magdal.* O humilis oratio! Tua eſt potentia, tuum regnum! tu ſola tribunal Judicis aſcendere non vereris. Tu vincis invincibilem, ligas omnipotentem. Quod ubi exemplo Moyſis ſuperius allegato demonſtrat Nyſſenus, verba illa DEI ad Moyſem: Dimitte me ut irascatur furor meus: Ex translatione Chaldaica legit. Intermitte orationem. S. Hier. verò *Ep. 12. ad Gaudentium* inquit, Quando dicit dimitte me oſtendit ſe teneri poſſe, ne faciat. Quare *Eccleſ. 35 v. 21.* dicitur oratio humiliantis ſe nubes penetrabit & donec propinquet, non conſolabitur, & non diſcedet; donec altiſſimus aſpiciat. In quæ verba S. Bern. *ſerm. 82. in Cant.* Quando fidelis & humilis oratio fuerit, cælum ſine dubio penetra- bit. Unde certum eſt, quod vacua redire non poſſit. Neque enim alia cauſa fuit, cur tam inſtanter nos ad orationem impulerit S. Martialis *Ep. 2. c. 2. tom. 3. Biblioth. SS. PP.* niſi ejus omnipotentiam noviſſet. Nunquam deficiatis inquit ab oratione purâ, nunquam de DEI largitate deſperetis, quia ſalubriter, quæ deſideratis adhuc differt, ut accendantur multo magis deſideria veſtra in eum. Bene omnino S. Ambr. *ſerm. 13. de Natal. Dom.* O beata violentia! quæ indignatione non percutitur, ſed miſericordia condonatur, viſ admittitur, & gratum id eſt, vim patienti. Quisquis violentior per orationem Chriſto fuerit, is religioſior habebitur. Sic *Marc. 10. v. 48.* Cæcus ſe-
debat

debat juxtâ viam , cui clamanti : JESU fili David , dum increpantes alii dicerent , ne sic clamaret ; ille multò magis clamavit : JESU fili David miserere mei. Obtinuit hac importunitate , ut JESUS staret , & illum ad se vocaret. Stans JESUS præcepit vocari illum. Ecce perseverantia visum impetravit. Nihil sic Principes horrent , & averfantur aulici , quam importunam & instantem supplicationem eorum , qui non recedunt , nisi obtento petito. Non sic DEUS de quo S. Chrysostomus *hom. 14.* Non est importunus illi quisquam petendo , sed tacendo. Miserat aliquando DEUS Isaiam ad Achaz regem. *Isa. 7. v. 11.* dicens : pete tibi signum à Domino DEO tuo , sive in profundum inferni , sive in excelsum supra. Sed quid aulicus Rex reposuit ? Audi Prophetam *versu 12.* Non petam , & non tentabo Dominum. Sed indignatus DEUS per Prophetam inquit *versu 13.* Numquid parum vobis est molestos esse hominibus , quia molesti estis & DEO meo ? Qui sic ? quis obsecro molestus est DEO ? cum claris verbis dicat Rex cæremoniosus , Non petam. Hoc ipsum est , quia Rex Achab importunus fuit tacendo. Audite Origenem in *Ep. ad amicum egrotum. Tom. 9.* peti se vult DEUS ; ideoque misericordiam facilem habuit Moyses apud DEUM , quia importunè etiam pro populo veniam exoravit. Et hoc est , quod Paulus *ad Coloss. 4. v. 2.* dicit : Orationi instate. Institit profecto Abraham. *Gen. 18. v. 23.* Quando repetitis vicibus aggressus est DEUM , cumque pro Sodomâ , & Gomorrhâ deprecatus est. Habent hoc palatia Regum , ut eorum habitationibus amænissima viridaria , horti pensiles , aliaque oculorum oblectamenta ob-

DEO molesti sumus non orando.

DEUS delectatur oratione nostra.

triginta, placabilem se offert bonus DEUS, Usque ad viginti, imo ad decem delabitur, adhuc placabilem se fore DEUS promittit. O quanta DEI dignatio! qui ne in furore suo abuteretur Sodomitis, in decem iustis toti universitati hominum veniam compromisit. Non enim relinquendus est peccator, sed orationibus adjuvandus, ut ad salutem revocetur, Annon Christus nonaginta reliquit oviculas in caulâ, ut errabundam centesimam revocaret. Ostendit hoc DEUS S. Carpo olim S. Pauli discipulo, deinde Episcopo Cretenfi, de quo Raderus in p. 3. *viridarii* c. 6. §. 34. hic ubi intellexit catechumenum quendam ab idololatrà, ad castra dæmonis, & idolorum cultum abductum, ita Zelo nimio amoris divini incaluit, ut utrumque orco devoveret, neque crederet offensæ divinæ aliter satisfacere posse, quam si uterque ad infernum abriperetur. Hæc precatus, imo verò imprecatus, vidit cælum apertum, & IESUM inter infinitos Angelos in cæli limine considerare, subtus ingens patebat hiatus, ad cuius orificium duo illi viri consistebant. Ex imo barathri illius vidit ingentem draconem emergere, qui suæ caudæ spiris hos duos sibi bene notos conabatur involvere. Applaudebat Carpus, & tantum non indignè ferebat, illos adhuc consistere. Dum ille hæc cogitat, assurgit Christus cum totâ cœlesti iuriâ, & ruituris manum porrigit; atque ad Carpum conversus. Inquit, & in præcipitium age miseros, quos ego pretioso sanguine meo redemi, & usque hodiè pro illis sanguinem fundere paratus sum. Quo dicto disparuit visio, & Carpus didicit laudare DEI misericordiam, atque indiscretum zelum suum, in veræ charitatis affectum ordinavit.

Non debemus cessare orare pro peccatoribus.

Carpus corrigitur à Christo, ne sit Severus nimium in peccatores

Non ego credo Bezam tam potenti æstuâsse amore divinæ, ut ideo peccatores a comunione excluderet, sed piguit in iisdem revocandis desudare, cum labor non sit modicus, quando vel ipse Christus sedit ad fontem fessus dum mulierem Samaritanam ad pœnitentiam revocavit. Certè S. Paulus ad *Ephef.* 3. v. 14. qui orationem conversionis remedium dixit, huius rei gratiâ, inquit, flecto genua ad Patrem Domini nostri IESU Christi, ut det nobis secundum divitiâ gratiæ suæ virtute corroborari per spiritum ejus in interiore homine Christum habitare per fidem in cordibus vestris. Confirmat hoc Baronius tom. 3. ad annum Christi 327. n. 11. ex *Ruffino* l. 1. c. 10. Gens Iberorum inquit, quæ sub axe Pontico jacet verbo DEI scedera, & fidem futuri susceperat regni, sed hujus tanti boni causam præstitit mulier,

Varia benevolentia hominibus exoramus.

mulier, quædam captiva, quæ apud eos fuit inventa, cumque fidelem & sobriam duceret vitam, totisque diebus ac noctibus orationibus apud DEum instaret, ipsâ vitæ suæ integritate admirationi & venerationi cœpit esse barbaris, & cum sæpius ex illâ curiosè quærerent, quid sibi hac vivendi methodo vellet, illa ut res erat simpliciter falsa est, se Christianam esse, atque sic piè vivendo DEum colere. Quæ deinde oratione suâ Reginam ab infirmitate liberavit, universum verò populum ad cultum veri numinis revocavit. An non precibus suis Onias Heliodorum ab angelis castigatum in vitam servavit. Cum enim jaceret quasi exanimis 2. *Machab. 3. versu 31.* Tunc verò ex amicis Heliodori rogabant confectum Oniam, ut invocaret altissimum, ut vitam donaret ei, qui in supremo spiritu erat constitutus. Considerans autem supremus sacerdos, ne fortè Rex suspicaretur malitiam aliquam ex Judæis circa Heliodorum consummatam, obtulit pro salute viri hostiam salutarem. Cumque summus Sacerdos oraret, iidem juvenes iisdem vestibus amicti, adstantes Heliodoro dixerunt, Oniæ Sacerdoti gratias age, nam propter eum Dominus tibi vitam donavit. Sic Daniel pro populo rogavit. *Dan. 9. v. 6. & v. 21.* ab angelo accepit consolationem, quia exaudita esset oratio illius, quia tempus ac dies venturi Messie abbreviabitur. Oravit Esther Regina ad Dominum *Esther. 14. v. 3.* & invenit gratiam in oculis Assueri, atque salvavit omnem populum suum.

Neque hoc solum in casibus communibus, sed etiam in particularibus certarum personarum accidisse vidimus, ut, sancti dum adhuc in terris agerent, oratione suâ aliis varias gratias impetrarent. Annon orante S. Clemente fons erupit, undè siti pene oppressi homines plurimi recreabantur. De hoc *Breviar. Rom. 23. Novemb. in lèct. 5.* refert. Quod à Trajano Imperatore relegatus trans mare Ponticum in solitudine Urbis Chersonæ, in quo duo millia Christianorum reperit, qui ab eodem Trajano damnati fuerant. Hi cum in eruendis & secandis marmoribus aquæ penuriâ laborarent; Clemens factâ oratione in vicinum collem ascendit, in cujus jugo vidit agnum dextro pede fontem aquæ dulcis, qui indè scatebat, attingentem ubi omnes sitim expleverunt. Eustachius Abbas de quo *Henriquez in fascic. Ord. SS. l. 2. distinct. 25. c. 1.* narrat. Quod cum exaruissent omnes fontes, & cœlum imbres negasset, atque homines præ siti gement, animalia etiam fatiscerent, omnes ad B. Præ-

*Malier
Christiana
sanata Re-
gina in vo-
cato Chri-
sti nomine
liberos con-
vertit.*

*Orante S.
Clemente
fons erum-
pit.*

Eustachius Abbas oratione fontem elicit. Iulem confugerunt, quorum precibus commotus, plenus fiduciâ ad Ecclesiam abiit, ubi baculo suo petram percussit, & illico fluxerunt uberes aquæ. Fons, qui in Mamertino carcere à S. Petro excitatus est, in hodiernum usque diem durat, sic ut nec foras exundet, nec quantumvis hauriatur, exsicceatur. S. Isidoro Hispaniæ colono, & inter sanctos ætate nostra relato, uti habetur in historiâ vitæ illius

S. Petrus in Mamertino carcere fontem excitat. paruit terra, sic ut sitientibus scipione suo ex terrâ fontem effoderit. Dedicavit S. Dunstanus Ecclesiam quandam cum affluxu ingentis multitudinis hominum, cum verò populo sitienti deficeret aqua, pedo suo terram verberavit, & mox copiosus fons se aperuit.

S. Franciscus asilum fonte novo potat. S. Franciscus Agasoni, suoque, quem antese agebat, asello, cum valde sitirent, nec aliunde, quo sitim levarent, haberent, ex petrà aquam elicit, unde ipse & asellus potaretur. Navigarunt in mari homines complures, sed cum tempestate diutius jactarentur, sic ut aqua dulcis in vasis ad bibendum deficeret, confugerunt omnes

Anachoreta maris aquas crucis signatas potabiles facit. ad Anachoretam secum in navi commorantem, à quo in extremâ necessitate constituti opem & auxilium instantissime postularunt. Hic ad DEum per preces confugit, atque ab oratione confurgens mare signo S. crucis signavit, & aquas, quibus nautæ vasa rursus repleverunt, dulces reddidit. Quod S. hic Anachoreta precibus suis obtinuit, hoc sæpius navigantibus in mari sociis secum vectis præstitit.

S. Xaverius signo crucis dolia marinæ aquæ dulces facit. S. Xaverius, qui dolia integra marinæ aquæ signo S. crucis indulces & potui gratas convertit. Nec tantum sitim averterunt sancti orationibus suis, panem impetrarunt, horreumque repleverunt, ut fame pressos reficerent. In Hierosolymitano monasterio repente defecit panis, sic ut annonæ nihil penitus superesset. Jam fratres loco cedere decreverant, sed Abbas eos ad orandum hortatus est,

Oratio horreum frumento replet. & ecce dum noctu orant, choroque immorantur, ita repletur horreum tritico, ut portæ vix potuerint aperiri. Post multos deinde annos deficiente rursus annonâ, orante Abbate Angelus altare copioso replevit auro, unde annona copiosa potuit comparari. Cum

Oratio æconomus novo Roma centum aureos donat. Socii gravi premerentur inopiâ Romæ, S. Ignatius familiam auxit, & plurimos ad Novitiatum admisit, non sine admiratione Sociorum. Interim dum æconomus sive dispensator ex Lateranensi vesperi donum revertitur, incidit in aliquem, qui illi in silentio centum aureos dedit, & disparuit. Transeamus ad affectiones animi, & ecce S. Bernardus Godefrido Peronensi, nobili stirpe oriundo, tristitiam

omnem

omnem ab animo felicissimè per orationem absterfit. Cum enim hic se S. Bernardo adjunxisset, & diceret, se ad mortem usque tristem futurum, ad orationem conversus S. Bernardus pro Godefrido supplicat, qui interim penes sacellum gravi mœrore & sopore oppressus confederat. Finivit S. Bernardus preces, & ecce evigilat Godefridus, atque omnem tristitiam sublatam advertit. dicens: ad mortem usque hilaris vivam. Non dicam Ego portentosam illam erga parentes curam, quam S. Antonius de Padua habuit, ut pro indignitate illorum, mira planè patraverit. Hic enim sanctus parens suum, qui regum quæstorem egerat, contra Senatum regum felicissimè defendit. Cum enim parens vir rectus & bonus sæpius ex ærario pecunias dedisset, neque apochas debitas ab illis recepisset, ubi ad rationes ventum fuit, negantibus malitiosè multis se quidquam accepisse, in grave periculum infamiæ, imò & vitæ, & capitis est devolutus. Dum itaque hæret coram Senatu regio parens, Religiosus ingreditur, qui assidentes sic est allocutus. Hic homo probus est & recti tenax, qui vobis ipsis, qui iudices assidetis, uti probè nostis, ex quæstura suæ peculio, hæc & hæc suppeditavit. Mirati omnes, & verò confusi per inopinatum causidicum, parentem absolvunt, & crimine peculatus eliberant. Mirabilis est, quod Olyssipone egit novus hic Habacuc, ut parentes ab homicidii suspitione vindicaret. Sicarius Olyssipone patraverat homicidium, & cadaver de nocte in horto parentis S. Antonii de Padua sepelivit. Ex vestigiis cruentis parens fit reus patrati homicidii, & morti innocens adjudicatur. Pridiè executionis à Guardiano suo Paduæ petit Antonius licentiam exeundi, quâ concessâ extra urbis portas egressus Antonius à latere socii sui velut alter Habacuc abreptus Paduâ transfertur Olyssiponem. Summo mane adit Judicem, & petit ut innocentem absolvat. Negat innocentem iudex. Adeamus ergo inquit Antonius tumultum, quem ubi aperiri jussit, interrogat mortuum, an commissi homicidii reus sit parens, vel aliquis ex domo paterna. Erexit se mortuus & clarâ, distinctaque voce negat patrati homicidii reum, neque ullum ex domo paterna facti criminis conscium esse; sicque rursus recubuit, qui resederat mortuus. Rogatur à iudice S. Antonius, ut authorem necis à mortuo postularet. Respondit se non venisse, ut prodatur nocentes, sed ut innocentes defendat. Longior essem & penè infinitus, si beneficia omnia &

gratias recenserem, quibus viventes in terris vivis aliis, suis orationibus profuerunt; Quod fieri non posset, si non esset communio Sanctorum, & unus alteri de congruo mereri non posset. Unde S. Paulus Thessalonicenses hortatur, & dicit *1. ad Thessal. 5. v. 25.* Fratres orate pro nobis. & S. Jacobus in *Ep. sua Can. c. 5. v. 16.* tam instanter monet. Orate pro invicem ut salvemini. Annon Evangelicus ille Centurio oravit Christum pro famulo suo, & sanitatem impetravit? Annon Apostoli Magistrum suum Christum interpellarunt pro socio Petri, quæ tenebatur magnis febribus, & statim à Christo sunt exauditi. Placet nimirum DEO hæc erga proximum charitas, quem orationibus nostris DEO commendamus. Quod licet de oratione privatâ sanctorum hominum in hac vitâ hætenus ostendimus, longe tamen efficacius oratione publicâ factum fuisse, & in novo æque ac veteri testamento didicimus. Unde S. Paulus *ad Coloss. 4. versu 2.* Orationi instate vigilantes in eâ, in gratiarum actione, orantes simul & pro nobis. Hinc in Ecclesiâ Catholica pro salute vivorum offeruntur sacrificia missæ, aliæque preces, ex quarum meritis vivi de vivis participant. Sic fructum sacrificii pro se oblato expertus est juvenis ille, qui in custodiâ constrictus compedibus & vinculis, iisdem exutus est, quando mater illius pro eo quem mortuum credebat, requiem dici curavit. Redux enim & à captivitate liber factus est, se quavis feriâ sextâ matutino tempore à vinculis fuisse liberatum, quod tamen aliis diebus factum non fuit. Simile quid accidit Episcopo Panormitano Agathoni, hic cum Romam navigaret, ad Insulam, quæ est in ostio Tyberis applicuit, ubi statim pro nautâ suo, quem cum abruptâ scaphâ ventorum vis in altum abrupuit, sacrum dixit. Cum verò absoluto sacro rursus lituus Romanum obit, obvii ipsi nauta, pro quo sacrum dixit. Interrogat ergo, quomodo evaserit? Respondit se extremâ lassitudine defatigatum, re DEO commendatâ obdormivisse, in somno illo vidisse, sibi ab aliquo panem datum, quo comesto rursus inter fluctus laboravit, atque à prætereunte navigio exceptum, Romam pervenisse. Quantum autem oratio communis DEO placeat, habemus *Matth. 8. versu 21.* quando discipuli in mari penè naufragi mergebantur: exclamant enim. Magister salva nos, perimus! Quibus Christus respondit: Quid timidi estis modicæ fidei? Nihilominus tem-

Missæ pro defunctis captivo solvit compedes.

Missæ pro defuncto dicta est panis naufrago.

Oratio communis DEO placet.

tempestatem sedat, & fluctus maris componit: imperavit ventis, & mari, & facta est tranquillitas magna. Dubium hoc loco movet Lyranus; Cur Christus tam promptè subveniret discipulis, quos tamen velut modicæ fidei, fundamento utique miraculorum carere dixerat. Sic enim *Luc. 4.* in Nazareth in patria suâ non fecit miracula propter incredulitatem eorum. Assignat ergo pro causâ orationem communem Apostolorum: Sanè, inquit, non hoc obtinuit eorum fides, quæ modica erat, verùm obtinuit eorum concordia, quâ singuli pro omnibus deprecabantur dicentes. Salva nos, perimus. Ita *Act. 12.* Petrus in carcere ab Angelo liberatur. In quem locum S. Chrysostomus *hom. ad pop. Antioch.* Vis scire quanta sit in Ecclesiâ orationis sanctæ potestas? Vincit erat Petrus multisque catenis circumdatus? oratio autem fiebat ab Ecclesiâ pro eo, & statim à carcere eum liberavit. Quid hac igitur oratione potentius? Verè potens est communis oratio. *Isa. 6. v. 3.* Seraphini alternando Sanctus concinunt, subdit textus commota sunt superliminaria Cardinum à voce clamantis. Cur quæso clamantis dicit? qui prius omnes Angelos hoc concordi concentu insonuisse asserit; sed quasi unus fuit, quia charitate & spiritu uniti omnes erant, qui dum oratione concordi DEum laudant, ipsas cælorum portas commovent. At vero quid hoc? Dum canunt Angeli repente mandatum venit silentii quasi per mediam horam *Apoc. 8. v. 1.* Cur obsecro silent Angeli *v. 3.* audite! Et alius Angelus venit, & stetit ante altare habens thuribulum aureum, & data sunt illi incensa multa, ut daret de orationibus Sanctorum omnium, super altare aureum, quod est ante thronum DEI. Et ascendit fumus incensorum de orationibus Sanctorum de manû Angeli corâ DEO. Nimirum tunc terra concordi supplicatione orationem suam incepit, & ecce angeli obnutescunt. Omnes attentis auribus hærent, ut audiant petitiones nostras, & gratiarum actiones. Quòd verò hæc unita oratio DEO placeat, ex ipso thymiamate sacro, quod super altare incensi adoleri præcepit Dominus, & unius speciei non erat, licet deducere. Sume, inquit, tibi aromata Staeten, & Onyga, galbanum boni odoris, & thus lucidissimum, faciesque thymiama compositum. Sic etiam sanctificationis unguentum jubet DEus esse compositum. Sume, inquit, tibi aromata primæ myrrhæ & electæ, casie & olei de olivetis.

Ita

Vestes sacerdotales & ibi multa pluri-um orationem significanti.

Ita pariter in vestibus Aaronis maxima erat colorum varietas, & vel in ipso rationali duodecim gemmæ diversæ collocari jubentur, utique non aliam ob causam quam ut vice totius populi Legatus apud DEUM futurus & mediator, singularum tribuum nomina, conditionesque DEO exhiberet, & ex ipsius Sacerdotis ornatu monerentur omnes, suas preces illius precibus conjungere, ne vacua rebus nomina DEO in lapidibus repræsentaret. Neino ergo indignitatem suam prætexat, vel exilitatem, quo minus orationi communi jungere audeat suam, quando neque minimæ in organo fistulæ supervacuæ sunt. Eleganter hoc observat Humbertus c. 37. in c. 5. Regum unusquisque sperare debet, quod etsi non ratione sui, tamen ratione multitudinis orantis, cui se adjungit, debeat citius exaudiri. Placet apta hæc de organo similitudo, nam sicut in organo unus idemque spiritus, omnes percurrens fistulas varium pro cuiusque modo, vel ratione sonum elicit, sic unus idemque spiritus Christi omnia Ecclesiæ membra vivificans, modificatam pro singulorum captu vocem exprimit, singulas acceptas DEO, sed simul omnes acceptissimas. Quare sicut ab organo major ornatus templis, concentui reliquo perfectio, & auribus offertur delectatio, quam ab omnibus aliis, quorum in instrumentis musicis usus est, sic communis Christianorum oratio, quacunque particulari cuiusque, est longe DEO charior & suavior. Quia, ut inquit Nissenus hoc tam multarum simul fistularum facit consonantia. Verum cum hæc hominum sit condicio, quæ nautarum, ut in malaciâ positi cantent, ludant, conviventur, & deliciis disfluant, in tempestate verò orent; quid mirum si DEUS procellas furere patiat, ut nos orantes audiat, dicente S. Chrysostomo. *hom. 4. ad pop.* sicut mari æstuante ad portum timor compellit, ita procellæ ad Ecclesiam compellunt. Annon ad portum Ecclesiæ DEI confugit Ezechias Rex, quando Rabfices Dux exercitus Regis Assyriorum cum manu validâ invasit Jerusalem. Audite Prophetam *Isa. c. 37. v. 14.* Et tulit Ezechias libros de manu nuntiorum, & legit eos, & ascendit in domum Domini & expandit eos Ezechias coram Domino, & oravit, placatusque Dominus percussit in castris Assyriorum centum octuaginta quinque millia, & ipse Senacherib in templo idoli sui à propriis filiis suis est occisus. Quid aliud petiit Judith, quando contra Holofernem progressa est, quam orationem communem *Judith. 8. v. 31.* Quando dixit ad sacerdotes. *Orate ut*

firmum

Oratio communis elegans oraganum.

Necessitates publicæ nos ad orandum compellunt.

firmum faciat DEUS consilium meum. Fecerunt hoc etiam jam prius Principes Sacerdotum *Judith. 6. v. 21.* Postea vero congregatus est omnis populus, & per totam noctem intra Ecclesiam oraverunt petentes auxilium à DEO Israel. quod etiam consecutus esse affirmat sacra historia. Sic planè Rex Josaphat. *2. Paralip. c. 20.* ubi prædicavit jejunium, & unà cum populo suo supplex ad DEUM confugit, obtinuit ut Ammonitæ, Moabitæ, & Syri inter se concurrerent, seque ipsos mutuis armis contrucidarent. Annon communi comprecatione præmissa Judas cum paucis milite congressus est cum Nicanore, eumque cum toto exercitu suo interemit. Et verò fortissimus ille Dux Machabæus ultimam spem suam in oratione communi posuit. *1. Mach. 3. v. 44.* Et congregatus est conventus, ut essent parati in prælium, & ut orarent, & peterent misericordiam, & miserationes. Sed quid obscuro orationi cum prælio? Pulchrè S. Chrysostomus *l. 3. de incomprehensibil. naturæ divinæ.* Expande illud, ut essent parati in prælium, & ut orarent. Res quippe maximè disjunctæ prælium & oratio. Sed equidem oratio multorum convenientium firmissima, est debellatrix misericordiarum divinarum. Et ideo quia sæpe preces publicæ indicuntur propter communem aliquam necessitatem, par est ut communis etiam fiat comploratio, & comprecatio. Quod DEO placitum esse affirmat David, *ps. 49.* Qui ubi dixisset *v. 3.* Ignis in conspectu ejus exardescet, statim remedium salutare apposuit. *v. 5.* Congregate illi sanctos ejus, qui ordinant testamentum ejus. Quod probè observans *Joël. c. 2. v. 2.* qui dum dixit veniet dies Domini, dies tenebrarum & caliginis, dies nubis & turbinis. *Et v. 11.* Magnus enim dies Domini & terribilis valde, & quis sustinebit eum? *v. 15.* subdit modum optimum placandi DEUM: vocate cætum, congregate populum, sanctificate Ecclesiam coadunate senes, congregate parvulos, & sugentes ubera. Bene namque inquit *Cypr. Ep. 1.* Quidquid simul à cunctis petitur, DEUS pacis pacificus exhibet. Et S. Thomas gravissimè confirmat. Impossibile est preces multorum non exaudiri. Quare bene Tertull. *in Apol. c. 59.* Oratio Coimus in cætus, & congregationes, ut DEUM quasi manu facta am-

Eccc

tionem

tionem pollere, quæ cum conſenſu agitur & jugi concordia plurium hominum. Vultis ſcire cauſam cur Abraham pro Sodomitis orans auditus non fuerit? Solus erat. Unde ſi vel decem habuiſſet in oratione ſocios, veniam impetrâſſet. Intellexit hoc probè S. Gregorius, variique ſucceſſores Pontifices, Reges & Principes, qui quotiones publica incubuit neceſſitas, publicas etiam eduxerunt proceſſiones.

Non tantum oratione ſed etiam meritis participant fideles.

Sed non tantum orationibus, verum etiam meritorum mutuâ communicatione in Eccleſiâ militante participant fideles, cum unus alteri apud DEum de congruo mereri poſſit aliquas gratias, quibus adjutus vel animæ ſuæ ſalutem, vel corporis etiam utilitatem confequatur. Sic enim videmus tot homines ſanctorum aliorum precibus valetudinem & ſanitatē conſecutos eſſe, alios in moribus vitæque emendatione plurimum profeciſſe, ſine quibus vivorum auxiliis æternum perituri fuiſſent. Videtur hoc nobis indicare ſcriptura in perſonâ Gedeonis. *Judic. 6. v. 12.* cum enim Iſ purgaret frumenta in torculari, apparet ei Angelus Domini & ait: Dominus tecum, vir fortiffimè: Reponit Gedeon: Si Dominus nobiſcum eſt, cur apprehenderunt nos hæc omnia? Non poterat Gedeon melius loqui, non gratioſius reſpondere Angelo. Loquitur Angelus Gedeoni in ſingulari, Gedeon verò reſpondet Angelo in plurali, & ratio eſt, quia ſi DEus verè fuit cum Gedeone, quod dixit Angelus, debuit Gedeon neceſſariò eſſe charitativus erga proximum ſuum. Eſt hæc opinio & doctrina doctiffimi P. Serarii *q. 8. in hunc locum ſcripturæ*, qui ſic loquitur. Licet dixiſſet Angelus, Dominus tecum, ſic tamen accipit Gedeon quaſi Angelus dixiſſet Dominus vobiſcum, quia ipſe pars populi erat, ſuamque ab illo ſecretam felicitatem, hætenus nullus ſciebat, aut etiam deinceps cupiebat. Profecto magna hæc fuit charitas Gedeonis, qui ſe felicem non exiſtimabat, cum oppreſſum proximum ſuum videret. Et hoc inquit ille, mirabile eſt, quod cum Gedeon juvenis eſſet, nec ſpectaret ad illum cura populi, nihilominus tam ſolicitus pro populo angelum alloquitur. Hæc charitas DEO tam grata fuit, ut DEus illum elegerit in Ducem populi Iſraelitici, qui eundem ab hoſtibus ſuis liberaret. Eſt ſcilicet hæc charitas mirè operativa & efficax in ſalute proximi impetrandâ. Occurrit hic, quod habet Stengelius *de judiciis divinis* de pari conjugum, ſed moribus & vitâ planè diſpari, maritus enim impius, uxor pia

pia fuit, quæ simplici, candidoque animo DEum, singulariter vero Beatissimam Virginem his pene verbis est allocuta. Si tu ô magna DEI mater, mei loco esses, & ego tui, quod pro te rogares, & marito impio, hoc rogo mihi præsta. Sic precata incidit illi, ut Religiosos aliquos ad prandium cum consensu mariti invitaret, annuit ille, cum conditione, ne ulla de DEO, aut divinis fieret mentio. Positâ mensâ dum suo & sociorum nomine unus gratias agit, hoc breve addidit documentum. Omnia quæcunque vis, ut faciant tibi homines, & tu facias illis. Altè hoc documentum imbibit maritus, & cum alterâ die vidisset molitorem, cui in molâ rota emota ingentem in reponendo fecit difficultatem, reflectens se quid sibi in statu pari fieri vellet, repente ab equo desiliit, famulosque convocavit, quorum auxilio molitori rotam in locum suum restituit, atque domum reversus est. Movit hoc documentum hominem ad malè parta restituenda, multaque misericordiæ opera cum magno animæ suæ fructu exercenda. Inter hæc in mendicum incidit, cujus desiderium ubi suo commensuravit, eidem liberalem stipem dedit, imò domum duxit, mensæ adhibuit, in proprium cubile imposuit, infirmo astitit, & de nocte haustum aquæ petenti, ad fontem pro aquâ ferendâ cucurrit, ast dum festinanter aquam trahit, incautè attractus est ipse, & aquis præfocatus. Manè à conjuge sollicitâ neque mendicus infirmus in lecto, neque maritus in domo repertus est; fuit tamen qui dixit, se de nocte strepitum apud fontem audivisse; accedunt ergo, & herum in fonte aquis innatare inveniunt, quare statim extrahere conantur, & in extracti collo torquem aureum cum hac inscriptione reperiunt. Priusquam hoc corpus in aquâ frigidum factum est, ab angelo anima illius in cælum portata est. Spiritualis charitatis, & meritum suorum communicationis rarum exemplum dedit Catharina Rivia Ordinis S. Dominici, quæ ubi audivit quendam Italiæ dynastam hominem flagitiosum & prostitutæ vitæ cum morte luctari, nec resipiscentiæ spem superesse, interposuit se apud DEum, ut iram omnem, quam in perditum hominem decreverat, in se transferret. Voti rea mox decubuit, & quadraginta diebus gravissimo morbo divexata est, ægro interim sanior mens, & animæ corporisque salus reddita. Docuit hoc ipsum sponsa Cant. 1. v. 3. ubi dicit: Introduxit me Rex in cellaria sua.

Religiosi utiliter mensis adhibentur.

Opera charitatis apud Deum pretiosa.

Catharina Rivia ut hominem desperatū convertat, iram DEI in se recipit.

Eccc 2

Quæ

Quæ verba expendens. S. Bernardus suos alloquitur. Putate & vos pariter introductos. Sola inquit, introducta videor, sed soli non proderit, vestrum omnium est meus profectus. Ubi hoc audierunt sponsæ sociæ, gaudio plenæ exclamaverunt. Exultabimus & lætabitur in te memores uberum tuorum. Causam dat S. Bernardus, scientes te plenis ad nos reversuram uberibus. Sic, sic quælibet anima plena charitate DEI, semper debet eandem charitatem communicare proximo suo, ipsum adjuvando, sublevando, consolando. Neque tantum communicat suas cum proximo gratias, sed ipsas in se suscipit satisfactiones, quibus pro alio iram divinam placare contendit.

S. Ignatius ut libidinosum emendet juvenem glaciem se immergit.
Annon S. Ignatius, ut impurum juvenem à libidine deterret, in illius conspectu in glaciatis aquas se immergit collotenus, immoratusque est illis, usque dum ardorem turpissimæ libidinis in juvene extinxit. Hæc eadem ingeniosa charitas effecit, ut S. Ignatius, quod habetur in illius vita l. 5. c. 10. Sacerdoti parum morato cum maximâ doloris significatione confiteretur, ut ad suorum peccatorum detestationem confessarium suum induceret. Ut verò hominem desperatum revocaret, alium gratiâ se induxit, ut se desperatum fingeret, quem tantis argumentis in præsentia alterius fregit, ut verè desperatus ad salutis anchoram veram peccatorum suorum contritionem anhæleret. Ulus est simili stratagemate S. Xaverius, qui ut militem sceleratam converteret, Commorinum cum eodem abiit, ubi in navi non sine admiratione navigantium se primum in familiaritatem illius insinuavit, deinde familiari colloquio induxit, ut sponte suâ miles ediceret, se jam ab annis viginti & uno, à confessione abstinuisset, idque non culpâ suâ sed Vicarii Generalis, qui eum sine absolutione rejecisset. Egit hic omni studio Xaverius, & militem ad confessionem animavit, usque dum ad litus pervenit, ubi exscensione factâ militem velut aliud agens ad sylvam deduxit, atque ad seriam confessionem disposuit, deinde ad truncum arboris confidens confitentem militem auditur nec aliud nisi unicum Pater & ave pro pœnitentiâ suorum peccatorum imposuit, in reliquo ipse utique pro pœnitente satisfactorius. Quare dimisso à se milite ipse in sylvam interiorem recessit, ibique detractâ sibi veste crucifixum tenens, dextrâ verò catenâ ferreâ crudeliter se cæcidit. Miles verò plagarum strepitum secutus pro se hoc fieri credens arreptâ ex manibus illius catenâ, & flagro acriter in se sævit, militibus sociis pie illachry-

man

mantibus, qui ex occulto hæc omnia observarunt. Militem deinde amiceissime complexum optimis instruxit monitis, & Commorino, quo solum illius causa iuerat, Goam reversus est. O quam merito dicam de S. Xaverio, quod S. Greg. Naz. *orat. 23. de S. Athanasio*, quem vocat sanctissimum orbis oculum, qui pro Ecclesia DEI, & membris ejus tam sollicitus fuit. Pulchrè S. Aug. *tom. 58. homiliarum hom. 15.* super illa verba: alia pro aliis sollicita sunt membra, oculum velut Du-
cem corporis commendat. Ecce inquit spinam calcas pes, quid tam longe ab oculis, quam pes? quid remotius à sanctitate capitis, qui est Christus, quam peccatores? Et tamen Christus *Mat. 9. v. 13.* disertè. Non enim veni vocare justos, sed peccatores. Quos Novatores nostri hæretici non tantum ex Ecclesia DEI, sed ipso cælo proscribunt, cum tamen DEus *Ezech. 18. v. 32.* dicat, quia nolo mortem morientis. Dixit enim superius *v. 21.* Si autem impius egerit pœnitentiam, ab omnibus peccatis suis, quæ operatus est, & custodierit omnia præcepta mea, & fecerit judicium & justitiam, vitâ vivet, & non morietur.

Unde licet in Ecclesiâ DEI omnes qui in peccato mortali sunt, quamdiu in illo hærent, & non confessi pœnitentiam agunt de communione sanctorum non participant, possunt tamen precibus sanctorum hominum adjuvari, ut gratiæ priori restituantur, & velut membra mortua reviviscant. Hinc tam sollicitè suadetur frequens confessio, ut à peccato liberati membra viva Ecclesiæ sanctæ esse possimus. Major est difficultas de Excommunicatis, qui quamdiu in Excommunicatione perseverant, non amplius velut membra mortua, sed quasi jam à corpore recisa censentur, privanturque non solum meritorum, sed etiam sacramentorum participatione. Rident hanc Excommunicationis censuram, & fulmen hæretici, & in malo obstinati peccatores. Sed fulmen esse sciant. Quisignem illæsus tractaverit? Refert P. Georgius Stengelius S. J. *judiciorum divin. p. 4. c. 24. §. 7.* Quod S. Laurentio Dublinensi Archiepiscopo quodam in itinere se associaverit miles, cui se etiam adjunxit scriba cum uxore, & parvulo. Ubi vero ad sylvam venerunt, inciderunt in latrones, qui simulantes se velle parcere S. Archiepiscopo & sociis, solum faminam petierunt, ut suæ traderetur voluntati, quod cum nullo modo permetteret Archiepiscopus, illi in socios itineris irruentes scribam occiderunt, militem lanceâ confodere volentes, equum

Peccatores
precibus
SS. juvari
possunt, ut
participent
de meritis
Ecclesiæ.

Excom-
municati
quæ tales
non parti-
cipant.

Excom-
municatio
periculose
ridetur.

Ecce 3

Archi-

Archiepiscopi consecrerunt. Interim Præsul variis licet affectus injuriis, cum uxore occisi scribæ, & filio illius, atque milite ægrè evasit. Archiepiscopus deinde domum reversus relictam viduam totâ vitâ sua sustentavit, filium autem litteris imbutum, Clero adscripsit, & latrones per internuncios excommunicatione fulminavit. At cum Præfulem riderent dicentes, etiam nos excommunicemus Archiepiscopum; atque illuforiè formulam consuetam ululando imitarentur, omnes intra spatium unius anni miserrimè expirârunt. Brevi pre compendio contemptæ excommunicationis censuram sensu miles quidam, qui ob mendacium ab Hugone Episcopo Lincolnensi reprehensus, cum contumax emendare se nolle, ab illo fuit excommunicatus. Cum verò is excommunicationem rideret, illi dæmon nocte insequente miseram extorsit animam. Neque laureata, aut regia coronata capita ab hoc fulmine immunia sunt. Robertus Rex Galliæ propinquam sibi cognatam in uxorem copulavit, ex quâ suscepit filium, qui asserinum per omnia caput, & collum referebat, Regem & Reginam excommunicaverunt Episcopi Galliæ, cujus excommunicationis tanta fuit vis, ut illi nullus amplius vellet cohabitare, præter duos servos, qui & ipsi tandem tædio affecti regem fastidire cæperunt. Unde coactus consanguineam repudiavit, & legitimum thorum iniit, simulque ab Excommunicatione absolutus liberos legitimos & formosos generavit. Neque tantum in vivos, verum etiam mortuos excommunicatos hoc fulmen desævit, sic ut per Ecclesiæ Canones neque ipsa cadavera prius terræ sanctæ inhumari possint, nisi prius ab excommunicatione absolvantur. Fuit quidam hoc fulmine ictus, quem occisum in duello consanguinei & amici magnis precibus instantes apud Episcopum in loco sacro sepultum volebant, sed negavit Episcopus, & constanter contradixit Parochus. Adfuit tamen de nocte milites & inscio Episcopo, atque Parocho, excommunicati cadaver in coemiterio sepeliunt. Manè verò factò, corpus defuncti procul extra coemiterium projectum nudum super faciem terræ incumbere visum est. Obstinati milites rursus cadaver de nocte tumultu suo intulerunt, in quo cum præter vestes nihil invenissent corpus supra vestes imposuerunt, & gravi terræ lapidumque pondere obruerunt, die verò alterâ rursus ejectum reperiunt. Quintâ ergo vice sepeliunt, sed & divina vi toties rejectum, ostendit, quam

Excommunicatione contempta graviter punita.

Excommunicationem spre tam dæmon vindicat.

Excommunicatione in Roberto monstra, absolutio formosias proles dedit.

Excommunicatione defuncti Cadaver sepeliri non patitur.

DEO

DEO sint odibiles, qui se ab Ecclesiæ communione turpissimè separant. Cujus vim & efficaciam etiam inanimatæ Creaturæ senserunt. Refert Ferdinandus à Castella vir Religiosus S. Gundisalium Amarrantium Religiosum ex familia S. Dominici ut rudi populo, ad quem concionem habebat, quod corbem candido pane plenum, quem mulier casu transiens gestaverat, excommunicaverit, subitoque panis ille candidissimus in nigerrimum penè carbonem degeneraverit; quem deindè revocato maledicto ubi benedixit, pristinum candorem recepit, & manifestè vim excommunicationis ostendit. Ut hinc discamus Christianè & pie vivere, ne unquam peccatorum nostrorum sceditate denigrati, à communione Sanctorum in Ecclesiâ militante excludi & excommunicari mereamur.

*Excommunicationis
panes albos
nigros facit.*



DIS-

DISCVRS. XXXVII.

Est in Ecclesia militante, cum trium-
phante in cœlis Meritorum communio.

Non modica est in hoc articulo nobis cum Lutheranis, aliisque sectariis controversia, qui statim nobis occinunt vulgarem illam cantilenam, nimirum nihil nobis commercii esse cum sanctis, neque ipsos scire nostras misérias. Nuntuntur autem verbis illis *Luc. c. 16. v. 26.* Et in his omnibus inter nos & vos chaos magnum firmatum est. Quare ex scripturâ sibi ostendi petunt hanc, quam de fide symbolum Apostolicum asserit sanctorum communionem. Quod ostendere difficile non est: cum vel ex eo maximè patet, quia S. Paulus dicit, Ecclesiam Christi militantem, utique & triumphantem esse unum corpus mysticum, cujus membra inter se communionem necessariam habere debent. Ut tamen eorum desiderio satisfaciam, accipio ex *Apoc. c. 5. v. 8.* verba illa Joannis. Et viginti quatuor seniores ceciderunt coram agno habentes singuli cytharas, & phialas aureas plenas odoramentorum, quæ sunt orationes Sanctorum, Pari planè verborum sensu loquitur *Apoc. 8. v. 3.* Et alius angelus venit & stetit ante altare habens thuribulum aureum, & data sunt illi incensa multa, ut daret de orationibus Sanctorum omnium, super altare aureum, quod est antethronum DEI. Quem locum S. Irenæus qui circa annum Christi 165. floruit, *l. 4. c. 34. circa finem* sic explicat. Est igitur altare in cœlis, illuc enim preces nostræ, & oblationes diriguntur. Ubi vides quod ad phialas aureas Sanctorum nostræ preces deferantur, quæ coram DEO velut incensa à Sanctis ponuntur. Explicat & declarat opinionem nostram S. Th. qui 2. 2. q. 103. art. 3. oratio inquit porrigitur alicui uno modo quasi per ipsum implenda, alio modo sicut per ipsum impetranda. Primo quidem modo soli orationem porrigimus, sed secundo modo porrigimus angelis & hominibus,
non

non ut per eos DEus orationes nostras cognoscat, sed ut eorum precibus, & meritis orationes nostræ sortiantur effectum. Et ideo dicitur *Apoc. 8. v. 4.* quod ascendit fumus incensorum de orationibus Sanctorum de manu angeli coram DEO. Et idem S. Th. *art. 11. ad 1.* de sanctis inquit. Orant pro nobis, quibus deest beatitudinis ultima perfectio, & eorum orationes habent efficaciam impetrandi ex præcedentibus eorum meritis, & ex divinâ acceptione. Quod probè cognoscens S. Anselmus l. *de Excel. B. V. c. 6.* ait. Invocato autem nomine Matris, etsi merita invocantis non merentur, ut exaudiatur, merita tamen Matris intercedunt, ut exaudiatur. Quare pleno affectu S. Bern. *serm. 2. de adventu*, ad Mariam se convertit dicens: Domina nostra, mediatrix nostra, advocata nostra, tuo filio nos reconcilia, tuo filio nos commenda, tuo filio nos repræsentata. Fac ô benedicta per gratiam quam inveniisti, per misericordiam, quam peperisti, ut qui te mediante fieri dignatus est particeps infirmitatis, & miseriæ nostræ, te quoque intercedente participes faciat nos gloriæ beatitudinis suæ JESUS CHRISTUS filius tuus Dominus noster. Quod non minori affectu de sanctis in cælo pro nobis interpellantibus dicit Petrus Dam. *in serm. de festo omnium Sanct.* Isti sunt advocati, quos apud Judicem habemus, pro quo isti intercesserint, sententiam non timeat capitalem. Confugiamus ergo ad probata suffragia, nec nos deterreat enormitas peccatorum. Consiliarii sunt Regis nostri, & ipsius iræ sæpe resistunt, nec nos deserunt in tempore malo. Suspiremus igitur ad illorum memoriam, & protegant nos sub umbrâ alarum suarum, donec transeat iniquitas, & perducant nos ad sponsam Ecclesiæ, qui est DEus. *Polyenus l. 7.* refert Cambysem Regem cum Ægyptiorum exercitui impar esset, eumque pugnâ lacessere non auderet, exercitui suo præposuisse Ægyptiorum DEOS, id est varia animalia, quæ Ægyptii pro Diis colebant. Quæ cum Ægyptii impetere non auderent, cohibebantur, ne Cambylis militi nocerent. Si nos divini furoris exercitus premit, opponamus iræ divinæ Cygnos SS. Patriarchas, agnos castissimas virgines, leones fortissimos Martyres, columbas sanctos confessores. Et sicut magna fuit Cambylis prudentia, quia non unum aliquod genus animalium delegit, ita non unum solum sanctorum sed omnes simul DEO irato opponamus. Nisi fortè velimus dicere, sanctos clypeos esse, sub quorum protectione vivimus. Sic enim

*Sanctorum
pro nobis
intercessio
potens.*

*Cambyses
Ægyptius
opponit in
acie illorū
Deos.*

*Sanctorum
vis. cly-
peus præ-
clara eo-
rum virtu-
te inscri-
ptus.*

Pf. 90. v. 5. dixit David, Scuto circumdabit te veritas ejus, non timebis à timore nocturno, quia angelis suis mandavit de te, ut custodiant te in omnibus viis tuis. Pulchre autem dicuntur Sancti scuta, quia dum vixerunt in hoc mundo juxta S. Paulum *ad Eph. 6. v. 16.* assumpserunt scutum fidei. Refert Pierius Valerius *l. 5. hieroglyph.* gentiles veteres in more habuisse, quod dum mitterent Tyrones ad bellum iisdem dederint scuta alba, ut hi videntes veteranorum inscriptos heroicis factis clypeos, ad paris laudis accenderentur æmulationem. Sanctorum ergo clypei, qui per baptismum erant dealbati, heroicis deinde illorum factis, & passione fuerunt illustrati, ut posterì legerent secuturæ imitationis argumenta. Sic Petrus Andreas & Philippus Apostoli crucem, quam ascenderunt, Paulus gladium, sub quo cecidit, Laurentius craticulam, in qua fuit assus, Catharina rotam, cui erat imponenda; Barbara turrin cui fuit inclusa, clypeis suis inscripserunt. Hæc scuta nobis Sancti obtendunt, in præclaræ imitationis exemplum, ut unde ad virtutem excitemur, vel quo à furore iræ divinæ defendamur, habeamus. Tale scutum habuit Judas Machabæus pugnaturus contra Nicanorem qui *2. Machab. 15. versu 12.* vidit Oniam, qui fuerat summus sacerdos manus protendentem, orare pro omni populo Judæorum. Post hæc apparuisse & alium virum; respondentem vero Oniam dixisse. Hic est fratrum amator, & populi Israël, hic est qui multum orat pro populo, & universa sancta Civitate Jeremias Propheta DEI. Sed opponunt hæretici, & dicunt, hoc solum somnium fuisse. Hoc verò somnium illud est, de quo *Joëlis 2. v. 28.* dicitur. Effundam Spiritum meum super omnem carnem, & prophetabunt filii vestri, & filiae vestrae, senes vestri somnia somniabunt, & juvenes vestri visiones videbunt. Observo deinde, quod ipsa scriptura anteoccupet hanc objectionem dicens: singulos autem eorum armavit sermonibus optimis & exhortationibus, exposito fide digno somnio. Ubi vides quod scriptura dicat fuisse sermones optimos, & fide dignum somnium. Quare hic hærent hæretici, & cum respondere nesciant cum *Calvino l. 3. c. 5. §. 8.* negant libros Machabæorum esse Canonicos. Sed cur obsecro non bene memor verborum suorum Calvinus *instit. suarum l. 3. c. 10. §. 22.* nobis Catholicis objicit tertium Concilium Carthaginense, in quo Machabæorum libri pro Canonicis habentur. Si verò impudenter id negent, probabit hoc S. Aug. qui

*Libri Ma-
chabæo-
rum sunt
Canonici.*

qui illi Concilio interfuit. Hic l. 2. de Doctr. Christia. c. 8. quod repetit l. 18. de Civ. DEI c. 36. disertè dicit : Machabæorum libri, quos non Judæi, sed Ecclesia pro Canonicis habet. Et verò ipsi Genuenses Ministri in admonitione suâ ad Lectorem, quam libris Machabæorum præmittunt, omnes illos libros continentur sanctos, & veras prophetias, velataque Sacramenta continere, atque à Spiritu sancto promanasse, & sanæ radicis exiltere. Non miror ego jam S. Ambr. in precatone. 2. præpar. ad missam dicentem : obsecrandi sunt sancti Angeli pro nobis qui nobis ad præsidium dati sunt. Martyres obsecrandi, quorum videmur nobis quodam corporis pignore, patrociniū vendicare. Possunt pro peccatis rogare nostris, qui proprio sanguine etiam, si quæ habuerunt peccata, luerunt. Isti enim sunt DEI Martyres, nostri Præsules, speculatores vitæ, ætuumque nostrorum. Causam efficacis illorum intercessionis amplificat S. Chrysostomus hom. 40. ad pop. de solennit. SS. MM. Iuven-
tini, & Maximi. Etenim sicut milites vulnera, quæ in præliis sibi inflicta monstrantes fidenter loquuntur, ita & illi in inanibus absæta capita gestantes, & in medium afferentes quodcunque voluerint apud Regem cælorum impetrare possunt. Ideoque ad fiduciam singularem erga B. Virginem, ejusque invocationem nos animans exclamat idem S. Chrysostomus apud Metaphrastem. visne cognoscere, quantum virgo hæc præstantior sit cælestibus potentiis? Illæ cum timore & tremore assunt faciem suam velantes, hæc humanum illi genus offert, nempe quem genuit. Merito proinde Andreas Cretensis Mariam alloquitur in salut. Angel. Placæ Dominum pro communi figmento. Nam quamdiu quidem versabaris in terra, te habuit parva terræ portio; ex quo autem translata es ex terrâ, te universus mundus continet commune propitiatorium. Eleganter observat Cajetanus, quòd, dum Scriptura refert Samuelis mortem. 1. Reg. 28. v. 2. statim versu 4. dicatur. Congregati sunt Phylistim. Commemoratur, inquit, prius mors Samuelis, ad manifestandum, tempore quo Saul desertus fuit à DEO, destitutum etiam fuisse ope Samuelis, utpote mortui, ut ostenderent, quantum possint apud DEum iusti, qui pro nobis intercedentes, detinent iram DEI. Quare pulchrè Olcafter in c. 22. Exod. ligatum habent sancti DEum, ubi verò præsidio hoc nudantur peccatores, tunc relinquitur DEO locus, ut iustitiam suam adversus peccatores exerat. Hujus rei quid-

Sancti pro
nobis pos-
sunt inter-
cedere.

Gentiles
agnove-
runt SS.
interces-
sem.

piam assecuti sunt gentiles, & Ethnici antiqui, ipseque Plato in l. 11. *legum* agnovit, uti testatur Theodoretus Episcopus Syriæ. Solebant autem Gentiles laurum appingere iis, quos Diis charos esse credebant. Causam dat Ricciardus Brixianus *Symbol. tom. 1. verbo Laurus*. Quia loca ubi lauri consistæ sunt vel affixæ, incolumitatem habere credebantur, & quod ibi, ubi lauri sunt, fulmina non feriant. Prudenter ergo ab antiquis per laurum designantur Sancti, apud quos paratum semper invenire possis patrocinium. Siinoniæ vitio laboravit Giezi & Simon Magus. *4. Reg. 5. v. 27.* Giezi leprosus factus est, dicente scripturâ: Egressus est leprosus quasi nix. Simon celebris ille Magus a DEO punitus non legitur. Cur hoc? Abulensis in *4. Reg. 9. 47.* Non fuit aliquis, qui orabat pro Giezi, ideo punivit illum tanquam non habentem auxiliatorem. Simon autem Magus oravit Apostolos, uti habetur. *Act. 8. v. 24.* ut deprecarentur pro eo. Concludit citatus Abulensis: Tantum est habere bonos apud DEum deprecatores. Non miror ego jam illud *Jerem. 15. v. 1.* Si steterint Moyses & Samuel coram me, non est anima mea ad populum istum. Si autem DEus utpote æterna veritas verè locutus est, & tunc jam pridem ante mortui fuerunt Moyses & Samuel, annon fateri debemus, Sanctos jam vitâ functos posse, & verò solitos esse orare pro viventibus. Confirmari hoc potest ex illo *Luc. 16. v. 27.* ubi dives Epulo in inferno rogat pro fratribus suis. Rogo ergo te Pater, ut mittas eum in domum Patris mei; habeo enim quinque fratres, ut testetur illis, ne & ipsi veniant in hunc locum tormentorum. Ex quobene inferes: Si Epulo in gehennâ orat pro fratribus, ergo multo magis Sancti in cælo. Quis non videt, hanc bonam esse Consequentiam? Sed oblatrant hæretici, qui dicunt, hoc tantum esse parabolam. At verò bene docet Barradius *tom. 3. Concord. Evang. l. 4. c. 5.* hanc esse doctrinam multorum SS. PP. & in specie S. Irenæi, Tertulliani, Origenis, Ambrosii, Augustini, Gregorii Magni, quod non sit parabola, sed historia vera de divite Epulone. Quod magis clarescit ex ipsius Calvinii verbis, qui in *c. 16. Luc.* ait: Quamquam autem quibusdam videatur simplex esse parabola. Quia tamen Lazari nomen exprimitur, potius rem gestam narrari arbitror.

Quid quod graviter omnino infert Bellarminus ex illo *Apoc. 6. v. 9.* Vidi subtus altare animas interfectorum propter verbum DEI,

& cla-

& clamabant voce magna dicentes. Usquequo Domine non iudicas, & vindicas sanguinem de iis, qui habitant in terrâ. Sancti, inquit clamant vindictam de interfectores suis, ergo multo magis misericordiam, pro nobis ipsos implorantibus. Quia non est conce-
 ptibile, quod SS. Martyres in cœlo maiorem vim ac propensio-
 nem habeant ad exposcendam à DEO ultionem, quam pro nobis
 fratribus suis deprecandi misericordiam. Hinc Origenes *hom. 26. in Num.* tanquam indubitatum asserit, Quod sancti quique Patrum, & orationibus nos juvent, & gestorum suorum confirmet, atque hortentur exemplis. Quare plenus fiduciâ exclamat S. Ephrem.
 Syrus *l. 1. de compunct. cordis. c. ult.* Grex tuus electus, Monachorum quoque conventus, & omnium Sanctorum, qui placuerunt ante te, qui nunc in paradyso exultant; jam deprecantur pro me, & obsecrant te solum amatorem hominum, exaudias quoque eos, & salvabis me obsecrationibus eorum. Si enim *Exod. 23. v. 5.* mandavit DEus Israeli, ut inimici sui jumentum sub onere concidens sublevaret, credamus nos à cœli civibus non sublevandos, qui in spe cœlestis gloriæ adhuc in terris peregrinamur. Mirabilem Cœlitum favorem refert Ludovicus Richeome *in suo peregrino Lauretano*, qui circa annum 1386. sub Carolo VI. Galliarum Rege visus est. Tunc enim maxima nobilitas Gallica confluerat in Ungariam contra Turcas pugnatura, sed infelici conflictu præliantes Christiani, plerique vel occubuerunt, vel in captivitatem miserrimam pertrahiti sunt. Inter captivos fuit comes de Bacqueville, qui omni studio pro litro ad uxorem litteras, sed frustra expedire conatus est, adeoque integro septennio miserè captivus vitam transegit. Interim barbarus Dominus de litro sperato desperans Comiti necem decreverat, & inter domesticos mors certa spargebatur. Ubi ergo humana spes omnis defecit, comes ad cœlum se convertit, & S. Juliano, cui
 semper devotus vixit, votum fecit de sacello honori suo ædificando, si ejus precibus & ope à carcere, & captivitate liberaretur. Voto jam facto obdormivit, paulo post tamen evigilat Comes, seque solutum vinculis neque amplius in carcere, sed in mediâ sylvâ se reperit. Credebat hic se somniare, nec ipse sibi credidit, usque dum Turcicè homines obvios alloquitur, quos sibi audivit Gallicè respondere. Et tunc & ipse Gallicè quærit, quæ & qualis illa sylva esset? reponunt interrogati Comitis de Bacqueville.

Sancti clamant vindictam contra Tyrannos, ergo multo magis misericordiam pro nobis.

S. Julianus ex captivitate Turcicâ Comitum Galliarum restituit suis.

Quare se recolligens ubi parum progressus est vicinam arcem recognovit, ad quam ubi contendit, obviam sibi nobilitatem vidit, & ex Janitore intelligit, nuptias hoc die constitutas. Colloquium cum Comitissâ arcis Dominâ, petit, sed non impetravit, liberali tamen stipe donatus abire jussus est. At non contentus peregrinus personam ipsius Dominæ & alloquium instanter postulavit, cui secreta, quæ panderet, haberet. Tunc enim verò venienti Dominæ dixit, se recenter ex Turcicâ captivitate venire, pròque captivo Comite de Bacqueville litrum sollicitare. Quærit tamen Dominam, an jam à septennio literas nullas, vel nuncium de litro petito accepisset? Sed nec litteras, nec nuncium ullum à se visum inter lachrymas illa contestatur, & multis conjugalem suum amorem ostendens, se ipsam in litrum inariti paratam offert, litri proinde pretium petit. At peregrinus dimidium annuli, cujus alteram partem in Turciam abiens illi reliquerat, in fidei maritalis tesseram, protulit, quod illa agnoscens in amplexu mariti ruit, & penè exanimis in deliquio collabitur. Accurrunt aulæ ministri, & dum Dominum suum agnoscunt, non amplius nuptias, sed festivum Domini sui reditum cum plausu celebrârunt. Comes verò voti reus pulcherrimum facellum S. Juliano exædificavit, & utl, inquit author, barbam promissam cum intonso capillitio in anathema suspendit. Quis obsecro hic neget manifestum S. Juliani patrocinium? Sed frustra cum hæreticis agitur, novo rursus effugio argumenti vim eludunt. Dicunt enim Sanctos generatim quidem pro nobis intercedere, sed nihil scire, vel orare speciatim de nobis. His si opponas illud *Tobie. 12. v. 12.* Quando orabas cum lachrymis, & sepeliebas mortuos, ego obtuli orationem tuam Domino. Vel illud *Zach. 1. v. 12.* Et respondit Angelus Domini, & dixit: Domine exercituum usquequo non misereberis Jerusalem & Urbium Juda, quibus iratus es? iste jam septuagesimus annus est, Vel illud *Luc. 15. v. 10.* Gaudium erit coram Angelis super uno peccatore pœnitentiam agente. Atque adeo si argumenteris à pari, & dicas cum Bellarmino sancti angeli pro nobis orant non generatim, sed etiam speciatim, ergo etiam sancti, & beati in cœlis, negabit consequentiam Calvinus, qui *l. 3. c. 20. §. 23.* dixit, quod angelis ex ordine speciali mandetur cura nostri, non verò spiritibus, seu animabus Sanctorum.

Advertendum autem est Christum sanctos in cœlis, sæpius cum

an-

angelis comparavisse. Ita enim habemus *Matt. 22. v. 30.* Erunt sicut Angeli DEI. Quod ipsum dicit *Lucas c. 20. v. 36.* Aequales enim Angelis sunt. Cum verò sancti sint membra Ecclesiæ nobis magis conjuncta, quam angeli, quia sunt homines sicut nos, quis dubitet, aut diffidat, eosdem non minus sollicitos esse pro nobis, quam sint Angeli, qui alterius sunt ordinis, & meri spiritus. Ut verò insistamus argumento contra Calvinum, & beatos in cælo pares Angelis ostendamus, aptè planè ad nostrum propositum inquit S. Ambr. *l. 8. in Luc. super illa verba Luc. 19. v. 17.* Eris potestatem habens super decem Civitates, sicut Angeli præsumt ita etiam hi, qui vitam meruerunt Angelorum. Quod *Matt. 24. v. 46.* Confirmatur verbis Christi. Beatus ille servus, quem cum venerit Dominus ejus, invenerit sic facientem. Amen dico vobis super omnia bona sua constituet eum. Quod adhuc evidentius *Apoc. 2. v. 26.* ostenditur, qui vicerit & custodierit usque in finem opera mea, dabo illi potestatem super Gentes, & reget eos in virgâ ferrèâ. Ut propterea S. Leo *serm. 3. de annivers. sue assumpt.* dixerit: Nunc Petrus mandatum Domini pius Pastor exequitur, confirmans nos cohortationibus suis, & pro nobis orare non cessans, ut nulla tentatione superemur. Quod Pelagius 2. in Ecclesiæ consuetas præfationes retulit dicendo: Te suppliciter exoramus. ut gregem tuum Pastor æternæ non deseras, sed per beatos Apostolos tuos continuâ protectione custodias, quos operi tui vicarios eidem contulisti præesse Pastores. Quod disertè convenit cum promissione ipsius S. Petri, qui cum *2. Petri 1. v. 15.* dixisset, se brevi moriturum, statim subdidit. Dabo autem operam, & frequenter habere vos post obitum meum, ut horum memoriam faciat. Ideoque rectè. S. Leo *serm. 2. de Assumpt. sue anniversar.* inquit. Petrus nunc plenius & potentius quæ commissa sunt, peragit, & omnes partes officiorum, atque curarum, in ipso per quem est glorificatus exequitur. Ex quibus concludere non tantum possumus, sed & debemus, tam Angelos, quàm ipsos etiam beatos homines posse, à nobis invocari. Annon enim invocata S. Agatha uti testatur *Breviar. Rom. 13. Decembris* ad preces S. Luciae, quæ tunc in terris adhuc degebat, Eutychiæ Matri suæ, quæ sanguinis fluxum patiebatur, sanitatem contulit? Ubi bene notandum est, quod Ecclesia in Antiphona ultimâ ad Laudes in personâ S. Agathæ sic alloquatur S. Luciam. Soror mea Lucia Virgo DEO devota, quid à me petis, quod ipsa poteris præstare, continuo

matri

S. Potami-
ana
militi se in
pudicitia
conservan-
ti promit-
tit & præ-
stat gra-
tiam.

Sancti in
vita potue-
runt aliis
impetrare
gratias, er-
go etiam
jam in cœ-
lo.

Sancti sci-
unt nostras
necessitates
& preces
audiunt.

matri tuæ, scilicet quando mecum fueris, in pari gloriâ in cœlo. Ubi-
nimirum post modicum tempus martyrium subveris. Ostendit hoc
S. Potamiæna, de quâ S. Eusebius Cæsar. l. 6. *hisor. Eccles.* quod cum
militum aliquis illam ex libidinosorum juvenum eripuisset manibus,
illa defensori suæ pudicitie promiserit, se illi impetraturam apud DE-
um gratiam, & amplissimam hujus meriti mercedem. Tertia nam-
que die post martyrium illi adfuit, & coronam capiti illius imposuit,
cûmque de cœlesti gloriâ securum fecit. Longus nimis essem, si has
sanctorum gratias pro jure hujus argumenti vellem pertrahere. Un-
de cum Bellarmino hoc forino argumentum. In utroque testamen-
to tam veteri, quàm novo sapè viventes à viventibus fuerunt invo-
cati. Et hoc clarè ostendo ex verbis illis *Job. 42. v. 8.* Job autem ser-
vus orabit pro vobis, faciem ejus suscipiam, ut non imputetur vobis
stultitia. Neque enim locuti estis ad me recta, sicut servus meus Job.
Annon clarissimus est textus ille. *1. Reg. 7. v. 8.* Ubi Israel ad Samu-
elem clamat. Ne cesses pro nobis clamare ad Dominum DEUM NO-
STRUM. In novo verò Testamento S. Paulus ipse orationes à suis E-
phesis expetiit. *ad Eph. c. 6. v. 17.* Per omnem orationem, & obse-
crationem orantes omni tempore in spiritu, & in ipso vigilantes in o-
mni instantiâ & obsecratione pro omnibus sanctis & pro me, ut de-
tur mihi sermo in apertione oris mei cum fiducia. Ergo licebit etiam
nunc invocare eosdem Sanctos DEI. dum jam cum Christo regnant,
& cœlesti gloriâ potiuntur. Quod si verò id modò dum jam cœlo
inserti sunt, fieri non posset, esset id vel ex eo, quod nostras ignorent
necessitates, nostrasque preces non audiant. Et hoc statim lascivè
suo modo, & scurriliter tenet Calvinus qui *l. 3. c. 20. §. 24. suarum in-*
stitit: dicit: quis eousque illis longas aures esse revelavit, oculos e-
tiam tam perspicaces, qui necessitatibus nostris advigilent? Sed audi-
endus S. Athanasius, qui in *quæst. quadam ad Antiochum* sic loquitur:
De animabus verò sanctorum, non est dubitandum, nam & post mor-
tem, & in judicii die cognoscent omnia. Pari pene sensu loquitur:
S. Greg. Nyss. in *oratione de obitu Meletii*. Non amplius per specu-
lum atque per transfennam, atque ænigma, sed ipsâ facie cum facie
collatâ intercedit. Intercedit autem pro nobis & populi erratis.
Quapropter S. Sulpitius Severus *Ep. 2. ad Aurelinm de S. Martino*.
Non deerit nobis inquit ille, mihi crede non deerit. Intererit de se
sermocinantibus, adstabit orantibus, quodque jam hodie præstare di-
gnatus

gnatus est, videndum se in gloriâ suâ præbebit, & assiduâ, sicut ante paululum fecit benedictione, nos proteget. Causam hujus dat S. Greg. Mag. l. 4. Dial. c. 33. in fine : Quia enim illic omnes communi claritate DEUM conspiciunt, quid est, quod ibi nesciant, ubi scientem omnia sciunt. Modus autem, quo sancti lachrymas nostras & preces audiunt, & vident, consistit in visione beatificâ, in cujus lumine sancti omnia vident. *Modus quo Sancti omnia vident.* Licet enim anima, quamdiu est in corpore organis corporeis egeat, ut oculis videat, & auribus audiat, tamen, ubi corpore exuitur, DEO & angelis simillimo intelligendi modo utitur, quia anima est imago DEI, & ad illius similitudinem est condita. Et quia juxta illud *Joan. 4. v. 24.* DEUS spiritus est, illa similitudo cum DEO, non secundum corpus, sed animam desumi debet. Hinc illud Davidis *ps. 35. versu 10.* In lumine tuo videbimus lumen communiter à Theologis de visione beatifica intelligitur. Quia verò *Jac. 1. v. 17.* DEUS Pater luminum dicitur. Et *Joan. 1. versu 9.* Christus ipse lux vera nominatur. Ipse etiam Spiritus sanctus in hymno Ecclesiæ de Patris ergo lumine decorus ignis nuncupatur, ideo DEUS beatos in cælo supernaturali lumine gloriæ illuminat, quo illustrati, apertè divinam essentiam videre possunt. Cum ergo DEUS sit summum rerum omnium principium, sequitur, quod Sancti in DEO si non res omnes, saltem eas videant, quæ vel ad eorum oblationem, dignitatem, charitatem, ac beatitudinem aliquo modo spectant. Unde pulchrè venerabilis Beda in c. 16. *Lucæ* inquit, qui Creatoris sui claritatem vident, nihil in creaturâ agit, quod videre non possint. Cui consonat Alcuinus c. de celeb. missæ & exstat in tom. 6. *Biblioth. SS. PP.* Nec dubitandum est fidelium petitiones à Spiritibus justorum fieri, quia qui intus claritatem DEI vident, non est credendum, quod sit aliquid foris, quod ignorant. Bene itaque inserunt Catholici Theologi ex illo *Luc. 15. v. 10.* Gaudium erit coram angelis DEI super uno peccatore pœnitentiam agente. Si Angeli DEI vident, & sciunt in cælo pœnitentiam peccatoris, quam is in terris agit, etiam hanc pœnitentiam peccatoris vident, & sciunt beati in cælis, quia sancti quod diximus similes sunt angelis. Sciunt ergo sancti miseras nostras, nobisque compatiuntur, & ideo pro nobis apud DEUM intercedunt. Quod probè sciens Richardus de S. Victore c. 23. in *Expos. Cant.* ad Mariam affectuosissimè se convertit dicens : Ad te ergo Matrem misericordiæ matrem miserorum

Gggg

cla-

clamant exules filii Evæ, clamant ipsæ miseriæ. Habet enim miseria clamorem, adeo ut si ipsi miseri non clamant, istæ auribus tuis insonent. Non possunt hæc ante te silere, nec auditum tuum latere, eo quod aures audiendi misérias habeas, & te has scire, sit audire.

Sancti volunt nos juvare.

Transco ad alteram partem argumenti, & dico si non liceret invocare Sanctos, esset id vel ex eo, quod sanctis nulla insit voluntas nobis ferendi auxilium. Sed quis hoc de beatis illis mentibus credat, in quibus charitas erga nos non extinguitur sed augetur. Certè S. Bern. *serm. in festo SS. Apost.* vocat illos viros misericordiæ, tum quia misericordiam singularem sunt consecuti, tum quia misericordiâ pleni sunt. Scimus autem sanctos Apostolos nec sibi vixisse, nec sibi mortuos esse, sed nobis omnibus. Annon ergo plurimum de eorum misericordia confidamus? Si enim *1. Reg. 12. v. 23.* dixit Samuel ad populum. Absit enim à me hoc peccatum in Dominum, ut cessem orare pro vobis, annon ego legitime hinc inferam illud Cypr. *serm. 4. qui est de mortalitate hac circa finem.* Sanctorum copiosam turbam, jam de suâ immortalitate securam, esse adhuc de nostra salute sollicitam. Cum S. Paulus *1. ad Cor. 13. v. 8.* clarè asserat. Charitas nunquam excidit. Unde Origenes *hom. 3. in Cant. ante medium* dicit, sed & omnes sancti, qui de hac vitâ decesserunt, habentes adhuc charitatem erga eos, qui in hoc mundo sunt. Si dicantur curam gerere salutis eorum, & juvare eos precibus suis, atque interventu suo apud DEum, non erit inconveniens, scriptum namque est in Machabæorum libris ita: Hic est Jeremias Propheta DEI, qui multum orat pro populo. Undè etiam S. Cypr. *in Ep. 57. ad Cornelium Papam* scribens, dicit: si quis hinc nostrum prior divinâ dignationis celeritate præcesserit, perseveret apud DEum nostra dilectio pro fratribus, & sororibus nostris, apud misericordiam Patris non cesset oratio. Pulchrè proinde argumentatur S. Bern. *serm. in Vigil. SS. Petri & Pauli.* Si dum hic viveret sanctus, misertus est peccatoribus, & oravit pro eis, nunc tanto ampliùs, quanto

Sancti non ideo quia impassibiles sunt etiam incompassibiles.

verius agnoscit misérias nostras, orat pro nobis Patrem, quia beata illa patria charitatem illius non immutavit, sed augmentavit, neque enim quia impassibilis omnino, ideo & incompassibilis factus est. Sed nunc potius induit sibi viscera misericordiæ, cum ante fontem misericordiæ existit. S. verò Theodoretus *l. 5. de martyr.* dicit: Hi sunt verè hominum Duces, Principes, propugnatores, custodes,

des,

des, per quos à nobis infortunia avertuntur, proculque arcentur, quæ à dæmonibus inferuntur mala. Ideoque S. Leo Papa *serm. 1. de SS. Petro & Paulo*: sicut autè & nos experti sumus, & nostri probavère majores, credimus, atque confidimus inter omnes labores istius vitæ ad obtinendam misericordiam DEI, semper nos specialium patronorum orationibus adjuvandos, ut quantum propriis peccatis deprimimur, tantis eorum meritis erigamur. Merito itaque Cassiodorus *l. 1. de instit. divin. Lect. c. 13.* postquam laudasset in defuncto Dionysio Monacho cum sapientiâ magna simplicitatem, cum doctrinâ humilitatem, cum facundiâ loquendi parcatem illum sic invocat. Interveniât pro nobis, qui nobiscum orare consueverat, & ejus hic oratione sumus suffulti, ejus possimus nunc meritis adjuvari. Quod Generale Concilium Calcedonense sub Leone I. anno Christi 451. celebratum, estque unum ex quatuor Conciliis Generalibus, de quibus ipse Calvinus *l. 4. c. 9. f. 8.* ait: se libenter amplecti, revereri que ut sacrosancta, quantum attinet ad fidei dogmata, quæ ait nihil continere, quam puram & nativam scripturæ interpretationem. Hoc Concilium in *Act. 11. de S. Flaviano M.* sic habet. Omnes hæc ipsa dicimus. Flaviano æterna memoria! Ecce ultio! Ecce veritas! Flavianus post mortem vivit, Martyr pro nobis orat.

Tertia argumenti pars est, si non liceret invocare sanctos, esset illud ex eo, quod sancti nullum nobis auxilium ferre possint. Refutavit hunc errorem pridem S. Hier. *contra Vigilant. c. 3.* Dicis inquit in libello tuo, quod dum vivimus in utro pro nobis orare possumus. postquam autem mortui fuerimus, nullius sit pro alio exaudienda oratio. Præsertim cum Martyres ultionem sui sanguinis obsecrantes, impetrare non quiverint. Si Apostoli & Martyres adhuc in corpore constituti possunt orare pro cæteris, quando pro se adhuc debent esse solliciti, quantum magis post coronas, victorias, & triumphos. Unus homo Moyses sexcentis millibus armatorum impetrat a DEO veniam, & Stephanus imitator Domini sui, & primus Martyr in Christo pro persecutoribus veniam deprecatur. Et postquam cum Christo esse cæperint, minus valebunt? Paulus Apostolus ducentos septuaginta sex in navi animas dicit sibi condonatas, & postquam cum Christo esse cæperit, tunc ora clausurus est, & pro iis, qui toto orbe ad suum Evangelicum crediderunt, mutire non poterit? meliorque erit Vigilantius canis vivens, quam ille Leo mortuus?

tuus? Rectè hoc de Ecclesiaste proponerem, si Paulum in spiritu mortuum confiterer. Denique sancti non appellantur mortui, sed dormientes. Unde bene urget citatus Bellarminus dicens: verisimile non esse, quod modo non possint nos juvare in cælis, quod tamen potuerunt, cum viverent in terra. Quos etiam David *ps. 44. versu 16.* orbis Principes nominat dum dicit: Constitues eos Principes super omnem terram. Et Sancti, qui quasi gregarii in terrâ milites poterant opitulari, modo in cælo Tribuni, & Duces id non poterunt? Præclare omnino S. Aug. *serm. 29. de Sanctis*, situnc o-
 pem ferre poterat umbra corporis, quanto magis nunc plenitudo virtutis? Si tunc supplicantibus proderat aura quædam pertranscun-
 tis, quanto magis nunc gratia permanentis! Et paulo post: si ad præsidia supplicantium tam potens fuit ante martyrium, quanto ma-
 gis efficax post triumphum. Confirmat hoc exemplo de Concive suo l. 22. *de Civit. DEI c. 8.* dicens: Erat quidam Senex Florentius Hipponensis noster homo religiosus, & pauper, qui factoris se arte pascebat, casulam perdiderat, & unde sibi emeret non habebat. Ad viginti Martyres quorum apud nos memoria est celeberrima, clara voce ut vestiretur, oravit. Audiverunt eum adulescentes, qui fortè aderant irrisores, eumque discedentes exagitabant, quasi Martyribus quinquagenos folles unde vestimentum emeret, petivisset. At ille tacitus ambulans ejectum grandem piscem palpitantem in littore videt, eumque illis faventibus, atque adjuvantibus, apprehendit, & cuidam coquo Carchoso nomine bene Christiano ad co-
 quinam conditoriam, indicans, quid gestum sit, trecentis solli-
 bus vendidit, Lanam inde comparare disponens, ut uxor ejus quo-
 modo posset ei, quo indueretur, efficeret. Sed coqus piscem discindens annulum aureum in ventriculo ejus invenit, moxque mi-
 seratione flexus, & religione perterritus, homini eum reddidit, di-
 cens: Ecce quomodo viginti Martyres te vestiverunt. Negent nunc irrisores hæretici Catholicos, quod devotè colant sanctos, quando vident imploratos sanctos Martyres, etiam pauperes vestire. Merito proinde exclamat S. Sulpitius Severus, quem refert Trithemius *Ep. 3. ad Bassulam*, Martinus hic pauper & modicus cæ-
 lum dives ingreditur illinc nos ut Spero custodiens, me hæc scri-
 bentem respicit, telegentem. Et verò possunt Sancti nos juvare, quia valent tantum apud DEum, quantum valuit Joseph apud Pha-
 raonem,

Sartori a-
 pud 20. SS.
 M. M. re-
 stem exo-
 ranti, Ve-
 stis datur.

raonem, qui Parenti & fratribus obtinuit pingues & bonas possessiones. Concludit S. Aug. Quiescamus ergo sub umbraculo sanctorum DEL. *Jona 4. v. 5.* Fecit sibi Propheta umbraculum, & sedebat subter illud, & lætatus est Jonas super hederâ lætitiâ magna. Sed heu brevis lætitiâ! paravit DEus verinem ascensu diluculi in Crastinum, & percussit hederam & exaruit. Quot Jonæ, qui lætantur in suis umbraculis? Et ecce vermis? uriturque Jonas talis fortè æstu libidinis, utinam non æternum. Hedera inquit Cornelius noster symbolum est vanitatis mundi, & omnis rei ac spei mutandæ, quæ juxta versionem hebraicam vocatur filia noctis, vel somnium. Quoties enim grandem nacti arborem, nimirum favorem Principis, inultos se existimant. Sed brevi auditur illud *Dan. 4.* succidite arborem & præcidite ramos ejus. Non ergo est spes tutior, quam in cælo. Audite S. Greg. Naz. *orat. 20. in laudem S. Basilii.* Tu verò sacrum & divinum caput, è cælo nos, quæso, inspicere, carnisque stimulum à DEO nobis ad disciplinam datum, aut precibus tuis siste, aut certè ut cum forti animo perferamus, persuade, atque omnem nostram vitam ad id quod maximè conducibile est, dirige. Ut propterea Origenes initio sui lamenti dixerit: Incipiam me genibus prosternere, & deprecari universos sanctos, ut mihi non audenti petere DEum, propter nimietatem mei peccati mihi succurrant. O Sancti DEL vos lachrymis, & fletu pleno dolore deprecor, ut Supplices statis misericordiis ejus pro me misero. Et bene omnino! quia pulchrè S. Bern. *in vigilia SS. Ap. Petri & Pauli*, Si in terrâ adhuc positi omnia poterant, non quidem in se, sed in Christo, quid nō poterunt hodie viventes in æternâ felicitate cum ipso. His cæli Principibus eleganter planè accommodat S. Hier. verba illa Job, sub quo curvantur, qui portant orbem. Portantes inquit orbem Sancti rectè intelliguntur, qui gloria suorum meritorum inagni & potentes sunt apud DEum. Hi ergo cordis humilitate ad interveniendum pro peccatoribus in conspectu ejus sunt incurvati. Ita Sancti portant mundum, ut dum ne ruat, ac pereat, orationum fortitudine sustinent.

Occasione horum verborum sancti Hieronymi, devolvor ad quartam partem argumenti, & dico; si non essent invocandi Sancti, esset denique ex eo, quod irrogetur hoc ipso injuria quædam Christo mediatori nostro, dum alius quispiam invocatur. Quod dici non

Christo per invocationem Sanctorum non irrogatur injuria

potest, si enim non irrogatur injuria DEO vel Christo ex eo, quod dicitur *Exodi 14. v. 31.* Crediderunt Domino & Moyſi ſervo ejus, cur obſecro irrogatur injuria DEO vel Christo, cum ſanctos invocemus non quaſi authores, ſed velut interceſſores apud DEUM. Placet hic erudita doctrina Durandi in *4. Sentent. diſtinct. 45. q. 4. art. 1.* Conveniens eſt, quod dirigamus orationes noſtras ad ſanctos, ratio eſt, quia ſecundum Dionyſium lex divinitatis eſt, infima per media ad ſuprema reducere. Sed quantum ad dona gratiæ beati ſunt medii inter DEUM & viatores, ergo eis mediantibus viatores debent reduci in DEUM. Cum ad hoc argumentum reſpondere neſciant Sectarii, uno ore inclamant, ſicut S. Pauli, *1. ad Tim. 2. v. 5.* ubi dicunt, quod S. Paulus aſſerat, unus ſolus mediator DEI & hominum homo Chriſtus J E S U S. Ex quo arguunt irrogari injuriam Chriſto, ſi aliun ex Sanctis patronum aſſumamus, apud DEUM. Sed heus novi Evangeliftæ, ubi vos in verſione genuina ex græco legiſtis illam particulam *ſolus*? Hoc verbum *ſolus* vos corruptores, non Doctores legis Evangelicæ, in editione Geneueuſi primò anno Chriſti. 1601. edità quo jure addidiſtis? Textus enim genuinus, legitimus

Lutherani
corrum-
punt ſcri-
pturam.

Chriſtus eſt
mediator
redemptionis
& talis eſt ſolus

Sancti me-
diatores
ſunt medi-
ationis ſub-
alternæ.

Moyſis
fuit media-
tor uti ſa-
tentur he-
retici.

Philophi
ſacrificiis
olim adhi-
biti, quia a-
nimæ Deo-
rum.

& antiquus habet. Unus enim DEUS, unus & mediator DEI & hominum, homo Chriſtus J E S U S. Dato tamen, non autem conſeſſo hoc, ſi dicamus S. Paulum non de quacunque mediatione, ſed de mediatione redemptionis locutum eſſe, verum eſt Chriſtum ſolum eſſe mediatorem talem. Et hoc ſenſu omnino locutus videtur Apoſtolus, quia ibidem, *v. 6.* dicit. Qui dedit redemptionem ſeinctiſſimum pro omnibus, Quare quando de mediatione Sanctorum agimus, mediatam & ſubalternam intelligimus quæ ſcilicet ab infinitis Chriſti meritis pendet. Et in hoc ſenſu etiam locutus eſt Paulus *ad Gal. 3. v. 19.* quando ipſum Moyſem nominavit mediatorem dicens: quid igitur lex propter transgreſſiones poſita eſt, donec veniret ſemen cui promiſerat, ordinata, per angelos in manu mediatoris (id eſt Moyſis) quem ipſe Beza hoc loco intelligit, non tamen mediatorum ſed internuncium vocat. Licet idem Beza in editione ſua gallicâ, quam anno 1570. edidit expreſſè utatur voce mediatoris. Solebant olim Ethnici ſacrificiis adhibere Philoſophos, credebant enim, quod cum DEUS ſit ſumma ſapientia, non poſſe DEO de arcanis ſuis melius aliquem loqui, quam Philoſophos, utpote qui conſervationi cum DEO aſſueviſſent. Certe ſi gentiles tantum tribuebant

Phi-

Philosophis; Quid nos Sanctis? Qui verè sunt amici DEI. Nec obstat illud Pauli quod diximus, unus mediator DEI & hominum, quia Christus se solo est talis, sancti autem tales non sunt nisi per Christum. Et verò pulchrum huius rei argumentum habemus *Apoc. 8. v. 2.* ubi S. Joannes vidit Angelum, qui stetit juxta altare aureum, & data sunt ei incensa multa, ut adoleret de Orationibus Sanctorum super altare aureum, quod est ante thronum DEI. Hic angelus ex mente S. Thomæ est Christus Redemptor noster, altare verò aureum est sacratissima crux Christi, quæ licet lignea, auro tamen charitatis Christi tota est inaurata. In manibus Christi redemptoris fuerunt posita omnes, quæ in mundo factæ, & faciendæ sunt orationes, quas ipse æterno Patri suo obtulit, & ita ibi omnes acceperunt, suam efficaciam. Quanto verò justiores sunt orantes, tanto etiam magis orationes illorum de sacratissimo Christi sanguine participant, cum ergo nullum dubium sit, sanctos, qui in cælis sunt, esse justissimos, sequitur, non obstante officio Christi mediatoris sanctorum orationes esse maximi valoris.

Nec obstat, quod Christus dicat: Si quid petieritis Patrem in nomine meo, dabit vobis. Sciendum enim est, quod nos non invocamus Sanctos, ut illi ex sua virtute nobis succurrant, sicut nos adjuvat DEUS, sed rogamus, ut illi à DEO sua intercessione nobis impetrent, quod petimus. Hinc etiam Ecclesia dum per intercessionem sanctorum aliquid petit, orationem suam sic concludit: Per Dominum nostrum JESUM Christum filium tuum, id est, per ejus merita, sine quibus nec intercessio Sanctorum aliquid valeret. Falsum proinde est, quod Lutherus objicit, quod Christi velut mediatoris persona, ejusque merita inhonorerentur per Sanctorum interpositionem. Quia si hoc verum esset, etiam S. Petrus inhonorasset merita Christi, dum variorum in Ecclesia interventionem, & preces ad DEUM postulavit. Quare bene notandum est, quod Christus mediator noster sit apud Patrem se ipso, Sancti verò in cælo sint mediatores per Christum, & ejus merita, quod in gloriam Christi Salvatoris refluunt.

Restat adhuc unum Sectariorum argumentum, quod solvere debemus dum dicunt: Nullum extat in scriptura mandatum, ergo sancti non sunt invocandi. Ego cum S. Eusebio Alexand. *hom. de Vener. Sancti.* quem refert Jodocus Cocceius *l. 5. de Sancti. art. 12.* nego non esse præceptum aliquod saltem minus rigorosum. Dicit enim ille ob hanc causam præcepit nobis DEUS memorias sanctorum

Sancti in cælo sunt mediatores per Christum.

Christus mediator noster est apud Patrem se ipso.

Est aliquod præceptum in scriptura de invocandis Sanctis.

cele.

celebrare, ut acceptis hymnis; & auditis laudibus benignum DEum exorent, ut preces nostras caducas admittat. Interim quid obsecro respondebant hæretici ad verba illa *Job. c. 5. v. 1.* Vocæ ergo si est qui tibi respondeat, & ad aliquem Sanctorum convertere. Dices forte hoc non Jobum sed Eliphaz dixisse. Dicam Ego S. Augustinum in suis annot. in *Job* ex his ipsis verbis deducere, quod tunc jam mos fuerit invocare sanctos Angelos. Si tamen divinum præceptum habere volumus, audite DEum ad amicos *Job. c. ult. v. 8.* Itæ ad servum meum *Job*. Ecce hic habes mandatum. *Job* autem servus meus orabit pro vobis, faciem ejus suscipiam, ut non imputetur vobis stultitia. Annon meritò hic utar verbis ipsius Lutheri, qui in *Epist. sua ad Erfordienses tom. 7.* ita scribit. Nec tamen putârim eos respuendos, aut condemnandos esse, qui sanctos adhuc colunt nullo præsumptâ fiducia. Quidquid enim sanctis faciunt, Christo faciunt; nec fieri potest, quin honoris beatis divi habiti etiam Christus sit particeps. Meliori sensu loquitur S. Joan. Damasc. *l. 4. de fide orthodoxa c. 16.* Honorare debet sanctos & amicos Christi, ut filios, ut hæredes DEI, quemadmodum loquitur Deïtoquens Joannes Evangelista. Quicumque autem receperunt eum, dedit eis potestatem filios DEI fieri. Quare non amplius sunt servi, sed filii. Si autem filii, & hæredes quidem DEI, cohæredes autem Christi. Et paulo post. Quomodo igitur non honorandi sunt, qui cultores, & amici, & filii DEI existunt. Nam honor erga gratos & benignos conservos, benevolentia erga communem Dominum indicium est. Cæterum ut Sanctos licitè & utiliter possimus invocare, necesse non est, ut habeamus præceptum rigorosum aut promissionem specialem in sacra scripturâ expressam, sed sufficit universalis Ecclesiæ praxis. Licet autem Calvinus æque ac Lutherus dicant, quod hanc Sanctorum invocationem jam in quarto sæculo tenuerint Athanasius, Basiliius, Nazianzenus, & deinde Chrysostomus, Hieronymus, Augustinus, dicunt tamen, eos in hoc puncto cum Papistis errasse. O impudentia! Tu mi Christiane lector, dic mihi obsecro, an non velis potius cum his SS. PP. per calumniam impiorum hominum errare, quàm cum discipulis istis Thrafonibus & impudentissimâ sorte Sectariorum contra omnem rationem & æquitatem stolidè sapere. Imò verò hic consensus tot SS. PP. ostendit non tantum Apostolicam Traditionem, sed praxim etiam fuisse in Ecclesia

Non est necessarium præceptum de invocatione SS. sufficit praxis Ecclesiæ.

clesiā continuam, Sanctos DEI invocare. Est enim vera & certa planè doctrina S. Aug. *l. de Bapt. cont. Donat. c. 7.* Quod Ecclesia universalis suo tempore observat, nec est per Concilia Generalia institutum, credi debet, esse ex Apostolicā traditione. Et hinc statim in Liturgiā S. Petri & S. Jacobi majoris commemoriatio Sanctorum fuit habita. Pacato verò Ecclesiæ statu S. Sergius constituit, ut in annunciatione Domini, in festivitate quæ dicitur Hypapante Domini, in nativitate & assumptione Mariæ exeant Lytaniæ. Et Venerabilis Beda *in serm. de majore Lyt.* Et nos preceimur, inquit, omnes Sanctos ut pro nobis intercedant ad DEum, ut dignetur nobis dare remissionem peccatorum. S. Genadius verò Presbyter Massiliensis *in lib. de Ecclesiast. dogmat.* ne quidem Christianum putat, qui Sanctos non piè colit. Basilicas inquit Martyrum nominibus appellatas, velut loca sancta, divino cultui mancipata, affectu piissimo, & devotione fidelissimā adeundas credimus. Si quis contra hanc sententiam venerit, non Christianus, sed Eunomyamus, & Vigilantianus est. Concilium verò Gangrense, quod Onuphrius in Chronicis anno 361. celebratum asserit, & habetur *in tom. 1. Concil.* ait: Si quis conventus, qui per loca & Basilicas sanctorum fiunt, accusaverit, vel etiam oblationes quæ ibidem celebrantur, spernendas esse crediderit, memoriasque Sanctorum contemnendas putaverit, anathema sit.

Scandalizantur ad hæc hæretici, & dicunt: Genua flecti, luminaria succendi, templa erigi, sacra celebrari, jejunia & festa fieri, hæc omnia cum DEO fiant, & illis, æqualem sapiunt illis fieri venerationem. Ad quod si respondeam, Quod signa aliqua externi cultus possint esse DEO & Sanctis æqualia; quid rogo inconvenientiæ opponent? interm tamen in his omnibus intentio est dispar. Hæc autem quia ad præcepta Decalogi spectant, ibidem DEO volente, pluribus agemus. Hoc certum est, quod DEUS velit Sanctos suos honorari. Sophronius *in prato Spir. c. 87.* inquit. Aspiciebamus non pauci per noctem, & in vertice montis lucem quasi magnam vidimus, cumque hoc pluribus diebus factum fuisset, ascendimus die quadam, sed neque lucem, neque ignem, nec ignis vestigium invenimus. Cum verò tribus mensibus hunc splendorem observassimus, sub vesperum tandem ascendimus, cum hominibus armatis propter frequentes feras, ut ex vicino lucem illam observaremus.

Signa aliqua externi cultus possunt DEO & Sanctis esse æqualia.

DEUS per lucem fulgidam ostendit Sanctum quem voluit honorari.

H h h h

remus.

remus. Hunc ubi ex vicino observavimus, & locum notavimus, manè facto invenimus speluncam modicam, quam ingressi invenimus Anachoretam defunctum, qui erat indutus cilicio & pallio, tenebatque in manibus crucem argenteam. Penes quem erat charta inscripta his verbis. Defunctus sum Ego Joannes humilis indicatione decimâ quintâ. Computatis ergo annis invenerunt illum ante annos septem defunctum fuisse. Ita verò erat integer, ac si eadem die obiisset. Ubi ergo solenniter honorifico tumulo in Ecclesiam fuit illatus, splendor ille non amplius apparuit. Annon hoc verum est, quod DEus Sanctos suos velit honorari. Et hinc multi Sancti, qui modo sunt in cœlo, dum adhuc agerent in terris, Patronis suis Sanctis singulariter devoti fuerunt. Sic S. Joannes Chrysostomus S. Paulo singulariter fuit devotus, cujus Epistolas ita studiosè legit, ut iis legendis videretur satiari non posse. Huic scribenti & concionanti, uti Brevi. Rom. 23. Jan. testatur adstitisse sæpius visus est S. Paulus. S. Ignatius, uti testatur Ribadeneira *in illius vita l. 1. c. 1.* sui Patroni S. Petri auxilium luculenter expertus est: nam cum ex vulnere in bello accepto lethaliter decumberet, S. Apostoli illius opem vitam & sanitatem recuperavit. S. Theresia magno studio coluit S. Josephum, de quo ipsa *in vitâ suâ c. 6.* In Patronum & Dominum selegi Virum S. Josephum, ejusque patrocínio me unicè commendavi. Liquidè dein perspexi, Sanctum hunc Patrem & Dominum meum, ab hac me necessitate, aliisque majoribus, in quibus de animæ meæ & honore & perditione agebatur, liberâsse. S. Henricus Imperator singulariter erat devotus S. Wolfango, ad cujus sepulchrum, dum adhuc Dux Bavariæ oraret, eidem adfuit S. Episcopus, & intento in parietem digito jussit legere scriptum; Post sex. Credebat ille sibi mortem intimari his verbis, adeoque bene paratus expectavit sex dies, menses, annos, & Rex Romanorum salutatus est. Idem Imperator rarâ & singulari pietate coluit S. Laurentium, S. Adrianum, S. Georgium, ideoque quod asserit P. Jacobus Gretserus S. Adriani gladio accinctus intrepidus hostiles acies ingressus est, & his cœlestibus Ducibus præcuntibus Imperii Romani hostes faciliè superavit. Similes favores cœlestes expertus est S. Eduardus Rex Angliæ, qui præcipuo honore coluit S. Joannem Evangelistam, sic ut nulli in illius honorem aliquid petenti negaret. Accessit aliquando peregrinus ad Regem, & non sine importunitate

Sancti Sanctis devoti fuerunt, & velut patronos coluerunt.

S. Henricus post 6. non moritur, sed Caesar eligitur.

stipem

ſipem in nomine S. Joannis Evangelizæ petiit. Cùm verò Rex a-
liud in promptu non haberet, annulum de manu ſua detraxit, & pe-
regrino dedit. Hunc annulum S. Joannes Regi per Britannos pe-
regrinos tranſmiſit cum dicto, hunc eſſe annulum illum, quem ali-
quando importuno peregrino dediſſet. Super eſſe ſex menſes vitæ,
quibus ſe ad felicem mortem diſponat.

Quid quod ipſi Dæmones ſanctos colendos eſſe ſint confeſſi. In
Italiâ fuit à dæmone obſeſſa mulier, quæ cum nullas unquam didiciſſet
litteras, bene tamen loquebatur latinè. Hæc cum à diabolo aliquan-
do graviter agitata fuiſſet, & ſimul multos recitaſſet Virgiliũ verſus,
ab Exorciftâ interrogata fuit, quis verſus Virgiliũ eſſet pulcherri-
mus dixit?

Diſcite Juſtitiam moniti, & non temnere Divos. Annon mi-
remur mirabilia hæc? dæmones fatentur ſanctos eſſe honorandos,
Lutherus & Calvinus negant. Et verò ridiculum videri poteſt, quod
hæretici majorem gratiam concedant dæmonibus, quam Sanctis
DEI. Hi enim ab hominibus invocati, ſæpius illos audiunt, Cur
ergo hoc ſanctis in cælo negent? Quis dæmonibus tam longas au-
res dedit, ut inter horrendos illos inferni ejulatus & clamores nos
audiant? Quod verò dæmones noſtra ſciant, & audiant, teſtantur
hitoriæ plurimæ. Joannes Nollus homo ruſticus, uti habet Delrio
in diſquiſ. magicis & noviffime P. Pexenfelder p. 1. hiſt. 40. §. 7. ubi
ebrius domum rediit, ab uxore cibum & potum poſtulavit, uxor
illi cum filiis omnia affatim ſubminiſtravit. Urget ille, ubi ſibi af-
ſideant, ſed cùm uxor & liberi id detractaſſent, tot ille convivas dæ-
mones invitavit, quot cum uxore liberi ad eſſe recuſaſſent. Adſunt
repente ſeptem, qui menſam flammivomis circumſtant oculis. Hic
dum uxor & liberi fugam capiunt, ſolus relictus maritus, cum ho-
ſpiribus quid agat? Ubi tamen ſe recollegit, quærit ex invitatis
his hoſpitibus, quid ſibi velint? reſpondent illi cœnare tecum, tu
enim nos invitaſti. Bene, inquit, ſed prius manus ſordidas lavate.
Lavant illi, & ad menſam advolant. Quibus ille indignabundus di-
xit. Quæ verò iſta eſt veſtra impudentia? necdum bonum JEſum
conſuetâ benedictione invocaviſtis, & ſic menſæ accumbitis? Ad JE-
ſu nomen territi hoſpites fugam capeſſunt. Unus tamen cateris fu-
gâ dilapſis, locum poſt fornacem occupat, & inde abire moraba-
tur, indignatus proinde maritus, colum uxoris vicinam apprehen-
dit,

H h h h 2

S. Joannes
Ev. Regi
annulum
ſibi datum
in paupere
reſtituit.

Dæmones
fatentur
ſanctos eſſe
colendos.

Virgiliũ
verſus pul-
cherrimus.

Dæmones
nos audi-
unt, cur
non Sancti.

Dæmones
invitati ad
cœnam ho-
ſpites com-
parent.

JEſu no-
men fugat
dæmones.

dit, quâ dæmonem morantem verberavit, ast quot iustus dæmoni intentavit, totidem sensibilibus se ipsum læsit, & egregiè contudit, ut sic imprecationis petulantis culpam expiaret. Vides Christiane Lector, quod dæmones audiant invitationem ad prandium, sancti in cælo surdi ab hæreticis finguntur. Ad cœnam accedamus, cui gra-

*Quidam
finitâ cœnâ
gratias a-
git dæmoni,
& ab illo
ex solvitur.*

tiarum actionem datam etiam audiuit dæmon, & adfuit. In Flandria tres erant Ganeones, quorum cuique sua erat appendix, dum simul hi in feram noctem helluantur & scortantur, unus fortè dixit: Sat Baccho, Venerique datum est, DEO saltem jam gratias agamus. Subinfert alter, ego verò dæmoni gratias agam, & agendas cenfeo, cui tam operose servimus. His dictis cum risu mensa solvitur, & in cubilia singuli cum fortis ruunt. Vix decubuerunt, & ecce adest magnus & nigerrimus Venator, cum duobus parvulis in speciem lixis, qui horrendâ voce dixit: ubi est, qui mihi gratias egit? adsum! referam. Simulque lurconem ex lecto extraxit à latere scorti, atque à pueris veru ad id parato insigi fecit, luculentoque in igne assari mandavit. Paruerunt prompte lixæ, assatur infelix, & nidore assi corporis cubiculum, inò & domus tota redolebat, denique miserrima orci victima emoritur. Venator deinde ad alios conversus pari supplicio illos dignos dixit, sed modo iussu divino abstinere, nisi tamen resipuerint, maiora illos manere supplicia. Ut verò visio inanis non crederetur à posteris, duo reliqui mane facto focium in pavimento assum, & mortuum reperiunt. Quàm bene in heterodoxos Sanctorum ofores convenit illud, quod Christus *Joan. 5. v. 45.* dixit: Nolite putare, quia Ego accusaturus sum vos apud Patrem, est qui accusat vos Moyse. Cur non obsecro pro fidelibus apud Patrem intercedat mater Christi, cur non omnes Sancti, & Sanctæ DEI, valeant pro nobis patrocinari, si Judæos potest accusare Moyse? Annon meritò cum S. Ephrem Syro *in lamentat. Genitricis semper Virginis ad crucem stantis* exclamem: Precibus DEI Genitricis semper Virginis, & exercitus cælestium, ac cœtus angelorum, Cherubim, Seraphim, Prophetarum, Martyrum, Sanctorumque omnium intercessionibus, & omnium beatorum supplicationibus miserere tuæ Creaturæ DEus clementissime. Cur non convertamus nos ad cœlites, quemadmodum id fecit S. Greg. Nyss. *in orat. de S. Theodoro M.* Nos enim etiam qui incolumes, & integri conservati sumus tibi beneficium acceptum referimus. Petimus au-

tem

tem etiam futuri temporis præsidium, atque securitatem. Pulchrum est quod sequitur: Quod si majori etiam opus fuerit advocacione, ac deprecatione fratrum tuorum Martyrum, coge chorum & cum omnibus una deprecare. Multorum iustorum preces, multitudinum ac populorum peccata luent. Admone Petrum, excita Paulum, Joannem item Theologum, ac discipulum electum, ut pro Ecclesiis, quas constituerunt, solliciti sint. Idque ideo maxime cum S. Dionysius Areopag. in *cæl. hier. c. 7. p. 3.* asserat: Dico enim oracula id est scripturam sacram secutus, utique planè utiles esse in hac vita Sanctorum preces hoc modo, si quis ad eorum participationem piè affectus, tanquam propriæ consciius exiguitatis adiens quempiam Sanctorum, roget ipsum sibi fieri adiutorem, & precatorem. Utilitatem omnio ex eo consequetur omni utilitate superiorem. Concludo itaque hunc discursum cum verbis Prophetæ *Baruch. c. 3. v. 4.* Domine omnipotens DEus Israël, audi nunc orationem mortuorum Israël. Ubi ego quæro ex omnibus sæculariis, an mihi non liceat pariter dicere nomine totius militantis Ecclesiæ: Domine Omnipotens audi nunc orationem mortuorum Ecclesiæ tuæ, nimirum SS. Apostolorum, Martyrum, Confessorum, Virginum, Sanctorum denique omnium. Quia ut bene S. Isidorus Hispalensis in *l. de morte & vita SS. c. 34.* Festivitates antiqui Patres in venerationis mysterio celebrari sanxerunt, vel ad excitandam imitationem, vel ut meritis eorum consociemur, atque orationibus adjuvemur.



DIS

DISCVRS. XXXVIII.

Militantis in terris , & triumphantis in cœlis cum animabus in Purgatorio Com- munio.

DEpendet materia præsens à discursu utroque priore , ubi ostendimus communionem Sanctorum intercedere non solum inter vivos cum vivis , sed etiam inter vivos in militante Ecclesiâ cum Sanctis & electis DEI in triumphante jam existentium. Modo expendemus , quæ intercedat communio Sanctorum in cœlo regnantium , vel etiam vivorum adhuc in terris , cum animabus purgatorii. Pro quo sciendum est , quod indulgentiæ pro vivis differant ab indulgentiis pro mortuis in hoc , quod indulgentiæ pro mortuis non possint dari per modum absolutionis , sed solum per modum suffragii sive solutionis. Deinde indulgentia pro vivis conceditur immediatè ipsis vivis , at defunctis non potest conferri nisi mediante operâ alicujus vivi. Cùm enim absolutio sit actus jurisdictionis , jurisdictionem verò in animas defunctorum non habeat Pontifex , ideo per modum suffragii , non verò absolutionis illis indulgentiæ & satisfactiones sanctorum possunt communicari. Vivorum ergo indulgentiæ absolutivæ vocantur , sic ut hominem reum pœnæ a DEO imponendæ , penitus eliberent. Pro defunctis verò solutivæ dicuntur , quasi DEO solvant pretium contractum ab animabus illis , quæ pœnam in alterâ vitâ patiuntur. Pulchrâ & clarâ similitudine hoc explicatur: exempli causâ , si homini ob centum florenos in carcere posito succurras , & illius nomine Creditori centû florenos deponas , si Creditor debitoris nomine illos acceptet , incarcerationû dimittet. Ita DEus opera nostra in censum solutionis illius accipit , quem animæ eidē præstare deberent. Quæ quia non sunt amplius in statu merendi nos illis succurrimus , & loco illarû infinitum pretium sanguinis Christi & reliquorû sanctorum persolvimus. Et hunc modû

expli-

Indulgentiæ vivorum & mortuorum differunt.

Indulgentiæ pro defunctis quomodo solutivæ dicantur.

explicandi videtur supponere S. Th. in 4. dist. 45. q. 2. art. 3. dum negat animas defunctorum posse per indulgentias aliter juvari, quam indirectè & secundariò. Explicat hoc clarius Toletus. l. 6. c. 26. quod nimirum indulgentia per modum suffragii concessa alicui, censeatur esse ipsi concessa immediatè, & directè, sed mediante actione alterius alicuius vivi, sic ut is, per cuius actionem applicatur defuncto indulgentia, donet defuncto illi indulgentiam, quam posset sibi ipsi applicare, si vellet. quod utique bene exemplo centum florenorum ostensum est, quos sibi reservare posset is, qui incarceratum liberat. Hoc enim verò clarè habetur in Brevis pro Communione Generali, in quo Brevis pro fit expressè potestas, vel lucrandi sibi indulgentiam plenariam, vel Communionem applicandi defunctis per modum suffragii. Quare si modo anima Patris tui, aut matris; si anima fratris aut sororis clamet, misericordiam mei saltem vos amici mei, profecto tu impius eris, si illis Communionis Generalis indulgentiam negaveris. Certè visæ sunt plurimæ animæ per has indulgentias à pœnis purgatorii liberatæ.

Quia verò fundamentum hujus quæstionis est, an detur purgatorium, te ego amice Lector ad articulum quintum, seu discursum 25. remitto, ubi fusius ostendi, dari purgatorium, in quo animæ torquentur, detinenturque, quousque pro pœnis DEO debitæ satisfaciunt. Dari ergo purgatorium est de fide. Clarè enim 2. Machab. 12. v. 45. Dari purgatorium, & facta collatione duodecim millium drachmas argenti, missum fit Jerosolymam offerri pro peccatis mortuorum sacrificium, bene & est de fide. religiosè de resurrectione cogitans, nisi enim eos, qui ceciderant, resurrekturos speraret, superfluum videretur & vacuum orare pro mortuis. Concludit deinde v. 46. sancta ergo & salubris est cogitatio pro defunctis exorare, ut à peccatis solvantur. In quem locum S. Aug. l. de cura pro mortuis c. 2. Et si nunquam in scripturis veteribus legeretur, non parva est universæ Ecclesiæ, quæ in hac consuetudine claret autoritas, ubi in precibus sacerdotis, quæ Domino DEO ad ejus altare funduntur, locum suum habet etiam commendatio mortuorum. Unde Tob. 4. v. 18. parens filio præcepit. Panem tuum & vinum super sepulturam justi constitue. Ubi nota panem & vinum designare sacrificium, justi verò sepulturam significare animas fidelium, quæ utique per purgatorium iustificantur. De quorum pœnis multam disputare necesse non est, cum ex opinione multorum Doctorum ignis purgatorii ab infernali non differat, nisi duratione.

Ita

Ita enim S. Greg. *l. 4. dial. c. 8.* Eodem igne crematur damnatus, & purgatur electus, quod repetit. *c. 35.* Ignis purgatorii idem est cum igne inferni, hoc duntaxat excepto, quod unus æternus est, alter verò sit temporalis. Quare quidam super illud *ps. 6.* Domine ne in furore tuo arguas me, neque in irâ tuâ corripas me, per furorem purgatorii pœnam, per iram pœnam inferni explicat, quæ duæ pœnæ differunt per hunc authorem, sicut torrens & flumen. Torrens enim repente intumescit, domos & turres evertit; flumen pacato alveo labitur, & verò exsiccato torrente adhuc fluit. Scilicet differunt hæc duo tempore, sed differunt etiam furore, & intensione; Quam Innocentius. *3. in ps. 37.* explicaturus inquit. Ne punias me purgatorii igne, in quo erit tanta incendii vehementia, quod quasi furere videberis etiâ in electos. Breviter ergo bene dixerimus, si purgatoriū dicamus esse breve infernum, infernū autem dicamus esse æternum. Inhærendo allegoriæ placet S. Bernardin. *sen. Tom. 3. serm. 3. de nomine Mariæ. c. 3. art. 2.* Qui purgatorii pœnas undas maris appellat. Et certè undis maris hæc pœnæ comparari possunt, quia instabiles & varietate suâ adeo sunt mirabiles, & vehementes, ut miseræ animas quovis quasi momento inundent. Sunt autem etiam maris, qui amaræ & dolorosæ. Convenerunt aliquando duo Clerici quemadmodum refert Vincentius *hystor. l. 25. c. 89.* ut qui prior diem obiret, alterum de suo statu admoneret, uno horum defuncto, is qui superstes fuit, per quietem vidit defunctum scintillam ignis sibi in frontem destillare, incredibilem sensit dolorem, adeoque doloris vehementia totum corpus pervasit, ut longo tempore dolorem senserit. Nec mirum quia S. Aug. *l. de cura pro mort.* dicit. Dico verum, gravius est esse in purgatorio, quamdiu possit quis oculos claudere & aperire, quam illa pœna, quam S. Laurentius sustinuit in Craticulâ. Intendit hanc pœnam S. Cyrillus Alexandr. *l. 10. in Joan. c. 14.* dicens. Mallet quilibet viventium usque ad finem mundi omnibus simul excruciaci tormentis, quæ omnes homines ab Adam usque tulerunt, quam uno die in purgatorio manere. Pari sensu loquitur venerabilis Beda *in ps. 37.* Pœna purgatorii gravior est, quam quidquid unquam passi sunt latrones, vel sancti Martyres, vel quidquid gravior posset homo excogitare. S. Bernardinus super ipsas pœnas, quas Christus pertulit, extendit, sic enim *tom. 4. serm. 15. de purgat.* inquit. Tanta est pœna sensitiva, & purgativa, & dolor, & sensus omnis generis

Clerici duo
de experi-
mento ignis
purgatorii
convenerunt.

Ignis pur-
gatorii est
gravis.

neris tormentorum, quod in hoc mundo excogitari non potest. Quia omnes pœnæ, quæ possunt excogitari in hoc mundo, etiam pœnæ ipsius Christi, & omnium aliorum Martyrum, cœterarumque personarum, & Creaturarum, nihil sunt respectu pœnæ purgatorii. Nam velex eo etiam intendi credo animabus pœnas, quia ut loquitur Dionysius Carthus. in ps. 29. animæ in purgatorio existentes sciunt, se liberandas & vehementissimè liberari desiderant. Imò dilatio gloriæ est illis ita pœnalis, ut nulla pœna sensibilis hujus mundi æquari possit pœnæ, quam habent propter gloriæ dilationem. Et idcò S. Aug. l. de cura pro mortuis c. 8. inquit. Etsi æternus non sit ignis ille, miro tamen modo gravis est, exceditque omnes pœnas, quas aliquis in hac vitâ passus est. Meritoque super illa verba; Domine ne in furore tuo arguas me, ad DEum orat; ita Domine in hac vitâ purges me, ut talem me reddas, cui emendatorio, & purgatorio igne opus non sit. Nescit enim inquit l. de cura pro mort. nescit inquit, quid petat, qui purgatorium petit. Hinc non malè dicuntur animæ laborare ex gravi oculorum dolore, quis autem nescit, hunc sensum doloris esse gravissimum, adeoque stillantibus oculis nobis inclamant: Misere mini mei! Et verò quam gravis hic sensus sit, vel ipsa quæ patitur anima, & rationalis potentia ostendit, dolent enim ex oculis, quia torquentur pœna damni, & visione beatificâ privantur. Obsecro dixit Absalon à parente rejectus, ut videam faciem Regis; & Job aliud non queritur, quàm in amaritudinibus moratur oculus meus. Non curat bona deperdita, non luget amissos filios, de oculis queritur, quia in amaritudine morantur. Medela oculis salutaris est viror, spes scilicet æternæ salutis, quæ licet nos viventes in terris relevet inter hujus vitæ miseria, animas tamen acrius torquet, propter propinquam spei consecutionem, quam tamen vicinæ licet, non consequuntur. Ita enim S. Chrysostomus dicit: Lazarum nunquam magis sensisse famem, quam quando ad divitis Epulonis portam jacuit. Nec Israëlita magis sitim passi sunt, quàm quando ad Maran aquas amaras bibere non potuerunt. Animæ purgatorii cœlo proximæ ipsius jacturam ferunt acrius.

*Intenditur
pœna ex
dilatione
gloriæ.*

*Lazarus
nunquam
magis sen-
sit famem,
quam ad
portam E-
pulonis.*

Postquam Daniel Sacerdotes, & Sacrificulos Bel confudit, invidiâ nimia & irâ stimulati satrapæ Babylonii effecerunt, ut Daniel mitteretur in lacum leonum. Versabatur inter hos Daniel, quasi
inter

inter perpetuos pavores, & quovis momento crudeles eorum rictus formidabat, usque dum per comam capitis adductus Habacuc prandium tulit Danieli. Manent usque hodie inter Leones infernales minimè dilacerandæ animæ purgatorii, quibus nos felicissimi Habacuc cibum deferimus in solatium. Cibus iste alius non est, quàm omne genus suffragiorum, quod animabus impendimus, quæ S. Greg. in *Ep. ad Bonif.* ad quatuor capita revocat, nempe sacrifici-
um, orationes, elemosynam, jejunia. S. Bernardinus Sen.
Tom. 2. *serm.* 63. addit suffragia communia Ecclesiæ, pœnitentias, peregrinationes, restitutiones alienorum. Ex his pulmentum conficimus animabus, Hi sunt panes, quos Habacuc intrivit in alveolum. Clamant animæ in lacu isto: Quanti mercenarii abundant panibus! Clamant cum Epulone, si sit, qui digitum intingat. Sic enim S. Aug. famem & sitim pœnas purgatorii nominat. Frange ergo esurienti panem, fer prandium in lacu constitutis. Cave ne tibi væ illud occinatur *Amos 6. v. 6.* Bibentes vinum in phialis, & optimo unguento delibuti & nihil patiuntur super contritione Joseph. Quo loco utique fratres illius, aut pincerna obliviosus intelliguntur, quidum Joseph in cisternâ tenebatur, illius non meminerunt, aut dum in carcere clauderetur, illius recordati non sunt, neque ab oblivioso pincernâ fuit adjutus. Acturus causam pauperum se interpellantium apud Auditores S. Aug. *serm.* 5. *de verb. Dom.* sic exorsus est. Non occultabo charitativestræ, quare hunc sermonem necesse habui promere, pauperes interpellant nos, ut dicamus aliquid vobis; ut aliquid accipiant à vobis, ipsorum enim ad vos legati sumus. Quid aptius ego dicam? Pauperes interpellantine; Verè Pauperes, quæ cum Lazaro *Luc. 16.* micas de mensis divitum cadentes inclamant. Legatus sum horum pauperum, ut dicam vobis; ut aliquid accipiant à vobis. Causa eorum videtur fere talis, qualis à Cicerone in oratione pro Sextio fuit proposita. In hac causâ inquiebat ille, querelæ potius, quàm eloquentiæ, doloris, quàm ingenii partes susceptas esse. Status & conditio illarum illa est, ut vel nudè proposita commiserationem moveat. In pœnis sunt, quas Theologi in pœnam damni & in pœnam sensus dividunt. De pœnâ damni dicit S. Bernardin: quod sit carentia boni proportionati, quia scilicet retardantur à visione divina, quæ retardatio maximus est ex omnibus cruciatus. Quanto enim inquit inquit S. Bernardin. aliquid magis defi-

*Suffragia
varia sunt.*

*S. Aug. de
propaue-
ribus per-
rat.*

*Animæ ve-
rè paupe-
res sunt.*

desideratur, tantò ejus absentia cruciat amplius. In animabus autem summum est desiderium, quia affectus non retardatur corporis mole, & terminus fruendi advenit. Ex quo inferit, licèt in inferno pœna damni sit acerbissima, major tamen est in purgatorio. Probat pulchrè exemplo filii regii, & rusticani, quorum uterque eodem carcere detinetur, sine dubio inquit plus dolebit filius regis privationem regni, quam alter casâ suâ rusticanae. Quid quod anima gravissimè torqueatur ex suorum retardatione desideriorum, dum adhuc captivatur in corpore? Quoties enim flagra non sentiet, vulnera non curabit, qui vel ardet libidine, aut vindictâ flagrat cupiditate. Accedit pœna sensus. Est enim Catholica sententia uti diximus, animas pati per verum realem & materialem ignem, ex illo Pauli 1. ad Cor. 3. v. 13. Uniuscujusque opus quale sit, ignis probabit. Quòd licèt videatur difficile, pulchrè tamen S. Bernardin. probat ex naturalibus effectibus. Quis credat inquit ignem ardere in aquis? Et tamen Aristoteles de hoc librum scripsit, & modum conficiendi tradidit. Si ignis est, qui oleo extinguitur, & aquâ accenditur, quæ humana excogitavit industria, nos id negabimus omnipotentiae divinæ? Nimirum si corporalia agunt in spirituale, uti defacto carnalibus voluptates corporeæ, animam inflammant in earum desideria. Quo posito audiamus S. August. in ps. 37. Est hic ignis durior, quàm quidquid in hoc sæculo potest pœnarum videri, aut cogitari, aut sentiri. Unde S. Bernardin. inquit. Tantum differt ignis purgatorii à nostro, quantum ignis verus differt à picto. Membra nostrafunt, quis ferat pedem suū aut manum uri? Nec petunt ut te pro illis vadem ponas. Alia non est illarum petitio, quam illa Josephi ad pincernam Gen. 40. v. 14. Tantum memento mei, cū bene tibi fuerit, & facias mecum misericordiam, ut suggeras Pharaoni, ut oducat me de carcere isto. Absit ut cum ingrato Pincernâ amantissimi obliviscamur Josephi, id est animæ patris vel matris, Conjugis, fratrum, liberorum. Leonem Innocentem Basilius Imperator carceri inclusit, cum aulæ totius & maximè matris gravissimo luctu, & quia complures inter suspiria & gemitus nomen Leonis repetebant aulici, effecerunt, ut inter toties repetita suspiria etiam psittacus nomen Leonis caperet. Unde factum est, ut cum Basilius Imperator mensæ assideret psittacus clarâ voce ingemuerit. O Leo! Leo! statimque

Anima verè torquentur ab igne materiali.

Anima purgatorii sunt membra nostra.

Psittacus Leonem ex carcere liberat.

Imperator Leonem ex carcere educi jussit, & sui Imperii successor-
rem nominavit. Non jam psittacus, sed quotidianus campanarum
pulsus, atrata altaria, cereorum funeralis apparatus, quid aliud oc-
cinunt, quam triste miserere, vel incemento animarum? In eleemo-
synis nostris egentiores aliis præferimus; nulli sunt egentiores, ut-
pote quæ se ipsas amplius juvare non possunt. Certe *Joan. 5.* para-
lyticus ille triginta octo annis apud piscinam probaticam hærens ni-
hil aliud queritur, quam negatam sibi charitatem. Nihil ille de mor-
bo dicit, hoc solum lamentatur, hominem non habeo. Idem ad te
clamant animæ purgatorii, hominem non habeo. Comunicas, o-
ras, sacrum audis, eleemosynam porrigis, jejunas &c. clamant
illæ, memento mei. Refert Surius in vita S. Ephrem fuisse quem-
dam carceri inancipatum ob factum falsò sibi imputatum. Jam pe-
nè caput resti erat implicandum, cum Ephremo suam exposuit in-
nocentiam; sed latebat occultum aliud crimen. Videratis aliquan-
do hominem in flumen delapsum, cui si solum manum protendisset,
potuisset ipsum morti eripere, sed quia opem suam negavit, ille aquis
mersus periit, & modo inquit Ephrem, capitis reus de hoc nocens
attineris. Quot nos scelerum rei vivimus? qui animas, quas eripe-
re possemus, patimur flammis immerfas torqueri? Quoties unicum
solum Requiem æternam dona eis Domine sufficeret? *4. Reg. 5. v. 11.*
Naaman Syrus jubetur ab Eliseo septies se in Jordane lavare, sed in-
dignatus Naaman inquit: Numquid meliores sunt fluvii Damasci?
& abire parabat. Cum ecce servi illius eidem dicunt, si rem gran-
dem dixisset Propheta, facere debueras, quanto magis quia nunc
dixit tibi, Lavare, & mundaberis. Si rem grandem juberet Deus
pro animabus, facere deberemus, quanto magis cum rem facilem
præcipiat. Quid facilius quam *Num. 16. v. 46.* ubi cum ignis jam
consumpsisset quatuordecim millia, & septingentos murmurantes,
modico labore furore Domini stitit Aaron, cui Moyses: tolle
thuribulum, & hausto igne de altari mitte incensum desuper pergens
cito ad populum, ut ores pro eis, jam enim egressa est ira à Domi-
no, & plaga desævit. Quod cum fecisset Aaron, & cucurrisset ad
mediam multitudinem, quam jam vastabat incendium, obtulit thy-
miama, & stans inter mortuos ac viventes, pro populo deprecatus
est, & plaga cessavit. Quid facilius? Non jubetur Aaron insilire
cum Curtio in terram hiantem, sed sume thuribulum. O quoties &
quam

*Quidam
carceri
innocens
mancipa-
tur, qui
submerso
manum
non pot-
nit.*

*Modico
sage ju-
vantur a-
nima, cur
negemus?*

quam parvo sæpe opus est, ut ignem purgatorii animabus extinguas, unica Communio Generalis, modica oratio, elemosyna exigua, vastantem ignem sistit, & iram DEI infringit. Quam merito exclamat S. Aug. *serm. 44. ad fratres in eremo.* Ora pro defunctis, ut cum fuerint in æternâ vitâ, pro te orare non negligant, expectant enim nos, ut juventur per nos, tempus enim operandi profugit ab eis. Clamant igitur quotidie qui jacent in tormentis, clamant, & pauci sunt, qui respondeant; ululant, & non est, qui consoletur eos. O quam grandis crudelitas fratres mei! O quam grandis inhumanitas! Clamant ad nos quotidie, qui dum vixerunt multa mala pro nobis sustinere voluerunt, nec eis sub venire curamus. Paulo infra: ô vere magna inhumanitas! Ecce enim infirmus consolatur: Cadit asinus, & omnes cum sublevare festinant, sed clamat fidelis in tormentis, & non est, qui respondeat. Ecce vestra inhumanitas fratres! Eja ergo non sic! sed mementote fratres, quam sancta & salubris, pia & suavis DEO & angelis est cogitatio, pro defunctis exorare, ut à pœnis, quas pro peccatis patiuntur, exsolvantur. Bene S. Chrysostomus *hom. 41. in c. 1. Ep. ad Cor.* Juvetur mortuus non lachrymis sed precibus, supplicationibus & elemosynis. quia bene S. Bonav. *serm. 3. de morte super illa verba ps. 72.* Animas pauperum tuorum ne obliviscaris in finem. His verbis inquit Ecclesia cum multo gemitu orat pro pauperibus animabus in purgatorio, quarum pœnæ intolerabiles tam durabiles sunt, quasi DEus oblivioni castradiderit. Si DEus quasi obliviscitur earum, & nos non recordemur, quis earum memoriam recolet? *Matt. 25.* Inter misericordiæ opera numeratur visitare infirmos, & incarcerationes. Quid prodest infirmo aut captivo nostra visitatio? Et tamen si chari aut amici non invitant, querimus, & affligimur, est enim solatio vel ipsa visitatio. Si enim tua præsentia podagricum aut febricitantem liberaret à morbi doloribus, & tu hanc infirmo negares, atque cum pueris in foro ludes, aut domunculas in arenâ strueres, aut certè muscas stylo aureo venerareris nâ tu homini infirmo dolorem creares inexplicabilem? Hora quam sacro audiendo, aut etiam sacrificando impenderes, animam purgatorii liberaret à pœnis tantis, & negas? Annon justè queratur pater tuus, qui tibi omnem substantiam corrasit; mater quæ ipsas papillas suas ori tuo inseruit, sollicito digito pulces ori ingessit, tam anxie enutrivit,

Anima captiva sunt, visitantur in carcere.

illa modo clamat, oblivioni datus sum. Queritur jure meritissimo Propheta *Thren. 4. v. 4.* Parvuli petierunt panem, & non erat, qui frangeret eis. Non clamat, quia non est panis, sed quia non est qui frangeret. Si non esset, qui seminare, excusaret fortè paupertas; si non esset, qui araret, obstaret fortè virium imbecillitas; sed queruntur, quia qui frangat non adest, hoc enim mœoris iusti est argumentum. Clamant animæ in purgatorio, clamat sollicita mater Ecclesia: frange esurienti panem tuum. *Isa. 58. v. 7.* Sed heu! non est qui frangat. Quid vos hic Sacerdotes incurii, qui sacrum ob quamvis alterationem levissimam omittitis, & animas suo defunctorum memento tam facillè fraudatis? Quid vos Christi ani? qui sacram Communionem per modum suffragii applicare possetis, nec tamen facitis? quid, inquam, respondebitis? annon jure defraudatæ exclament animæ, non est qui frangat. Christus ipse qui vel in horto ex opinione S. Augustini pro animabus oravit, nos ad misericordiam animabus impendendam animat, quid moramur?

*Sacerdotes
sacrum
non facillè
omittant.*

*Deus ani-
mas juvari
vult per
vivos.*

*Christus
vixit vivis
prodest.*

*Christus
mortuus
profuit
mortuis.*

*Christus
profuit vi-
vis mortui-
is quos sus-
citavit.*

Joan. 11. cum Christus suscitare vellet Lazarum dixit ad vicinos adstantes: Tollite lapidem, quo sublato Christus magnâ voce inclamavit, & Lazarum suscitavit. Cur obsecro lapidem tolli mandavit? annon qui potuit suscitare mortuum, non poterit etiam tollere lapidem? Noluit hoc propter alios fieri, ut innuat, quod defunctorum levamen debeant homines vivi procurare. Affirmat hoc S. Damasc. *orat. de defunctis.* Nam hoc misericors ille vult, gratumque habet, ut nos omnes tum in vitâ, tum post confectum vitæ curriculum mutuo alii ab aliis juvemur. Et certè si Christus caput hujus corporis mystici profuit vivis vivis, mortuus mortuis, vivens mortuis, & mortuus viventibus, quid ni par est, ut nos etiam membra capitis hujus parem vim & gratiam nobis communicatam habeamus, & credamus? Profuit autem Christus vivus vivis, quo ad animam, quia dimisit peccata Magdalenæ, paralytico, Zachæo, Petro, latroni. Quo ad corpus sanavit omnes morbos, pavit in deserto turbam famelicam, verbo uno bene fecit omnia. Profuit etiam mortuus mortuis, quoniam descendit ad inferos, & Patres ex limbo eduxit, sepulchra mortuorum aperuit, eosque suscitavit. Profuit rursus vivis mortuis, quia puellam in domo, adolescentem in viâ ad sepulchrum, Lazarum ex ipso tumulo ad vitam mortuos revocavit. Denique mortuus nobis vivis prodest, quia morte suâ nos redemit, & modo pro nobis inter-

pellat

pellat apud Patrem. Sic ergo etiam nos membra debemus nobis mutuo prodesse. Quod fit ab Ecclesiæ principio usque huc, pascendo oves Christi verbo & Sacramentis, & orando juxta illud *Jac. 5. v. 16*, Orate pro invicem, ut salvemini. Pro sunt etiam mortui mortui uti in veteri testamento *4. Reg. 13.* Eliseus mortuus alium mortuum suscitavit; & *Luc. 16.* Abraham mortuus Lazarum mortuum excepit in sinum suum. Quot infantes ætate nostra altari Beatæ Virginis, vel etiam Sancti Xaverii licet mortui impositi vivi rursus revixerunt? Profunt etiam mortua membra vivis, quod ostendimus toto discursu priore, & usque hodie, tot anathemata sanctorum aris affixa fatentur, quorum intercessione & animæ & corporis beneficia plurima obtinemus. Unde tandem certum & indubitatum esse debet, quod sicut Christus vivus profuit mortuis velut caput nostrum, ita & nos vivi mortuis prodesse possimus. O quam verum est illud Christi. Venit hora & nunc est, quando mortui audient vocem filii DEI, & qui audierint, vivent. Cicero inter vitæ civilis præcepta etiam illud dedit. Primus pietatis gradus est, eorum, qui ante nos vixerunt, meminisse. Triplex est horum apud nos Catholicos status, & condicio: nimirum damnati in inferno, quorum meminisse possumus, ut detestemur & horreamus. Beati, quorum meminisse debemus, ut nos adjuvent, atque suâ intercessione solentur, & animent. Animæ denique purgatorii, ut eas suffragiis nostris juvemus, utpote quæ nobis commemoris suis illud Jobi inclamant: Miseremini mei saltem vos amici mei. Et quia *2. Macchab. 12. v. 46.* Sancta & salubris est cogitatio pro defunctis exorare, ut à peccatis solvantur. Hæc sancta omnino cogitatio, ab Ecclesiâ, quæ Christi assistentiam habet, & à spiritu Sancto regitur, & gubernatur, nobis præcipitur. Quam merito ego conferam sanctam matrem Ecclesiam cum pia matre Respha uxore Saulis, cujus septem filii cum capti fuissent à Gabaonitis, & in crucem acti, inquit textus. *2. Reg. 21. v. 1.* Tollsens autem Respha siliam Aja Cilicium substravit sibi supra petram ab initio messis, donec stillaret aqua super illos. Quid obsecro ista fœmina tanto tempore hæsit apud cadavera, usque dum illorum corpora aquis abluerentur. Bacchiarius inquit, quod aqua refrigerare soleat, refrigerium autem est contra ardorem ignis. Unde Respha illa quæ tamdiu stetit sub cruce denotat Ecclesiam, ejusque suffragia, quæ dum pro animabus facimus, ipsis impetramus de cœlo rorem misericordiæ divinæ, quo

Christus mortuus nobis vivis prodest.

Ciceronis de defunctis Christiana opinio.

vcl

vel refrigerantur, vel ex toto ab illis flammis eliberantur. Et hinc S. Aug. tam seriò nos monet: festinate orare pro defunctis Ecclesiæ, ut illi festinent procurare, ut ipsis in gloria jungamur. Christianè planè Cicero pro Milone dixit, orandum esse potius pro mortuis, quam pro vivis, quia mortui non habent, quomodo se defendant. Perorandum ergo est pro animabus apud DEum, quia se defendere nequeunt contra iram divinam, & hoc eas maxime cruciat, quod nos, qui eas defendere possumus, sumus negligentes, cum tamen tam facile esset, eas inde eripere. Quantæ animæ cum Davide dicere possunt id, quod *ps. 30. v. 13.* dixit. Oblivioni datus sum, tanquam mortuus à corde, factus sum tanquam vas perditum. Sunt ii quidem, vasa perditæ quo ad corpus fractum, sed superest anima, quæ clamat, miseremini mei! Quod ut nobis clarius ostendat Ecclesiæ, in officio defunctorum solas vespèras cum matutino assignat. Vespèr in quo Christus obiit, plandem significat juxta illud *ps. 29. v. 6.* ad vespèrum demorabitur fletus. Matutinum cum Nocturnis tenebrarum & dolorum sunt argumenta, in quibus animæ purgatorii tenentur. Completorium non dicitur, neque enim completa est pœna, quam animæ illæ sustinent. Omittuntur etiam horæ diurnæ, quæ significant operandi tempus quibus ipse Pater familias ad operandum conducturus vinitores exivit. Verùm quia hæ operari non possunt, à die Solis exclusæ, in tenebris ab Ecclesiâ representantur. Ut vel hinc discamus auxilio nostro illis subvenire, quæ omni auxilio destitutæ, non habent, quod sperent nisi in nobis.

Quia verò superius ex S. Bernardino ostendimus media, quibus illis subvenire possumus, esse præcipuum SS. sacrificium missæ, & sacram Communionem, quam illis applicare per modum suffragii possumus, occurrit hic illud *Apoc. 7. v. 9.* ubi turba magna amici stolis albis cum palmis visi sunt, de quibus cum Angelus petisset; Qui sunt, & unde venerunt, nescienti Joanni ipse Angelus respondet: Hi sunt qui venerunt de tribulatione magnâ & laverunt stolas suas in sanguine agni. Pineda ex purgatorio eas venisse putat, quæ beneficio missæ, in quo agnus immolatur, depuratæ ad cælum devenerunt. Isti sunt, inquit ille, qui venerunt ex magnâ tribulatione, & laverunt stolas suas in sanguine agni, qui percipitur in altari. Altare verò lavacrum Eucharistiæ dicitur, quid mirum proinde, si sint dealbatæ. Occurrit hic quod Naturalistæ de Leone referunt, cui famelico nulla

vis

anima
plurimum
jurantur
sacrificio
& Commu-
nione.

Leo cla-
mante ca-
tulo præ-
danti dimi-
sit.

vis hominum prædam eripere potest, si tamen catulum reclusum ad minimum clamorem, vel ejulatum excitaveris, relicta ille prædâ catulo subventurus occurrit. Annon Ego Justitiam DEI leonem dixerò, quæ animam velut prædam in purgatorii pœnis seu unguibus tenet. Non enim frustra David dixit, ne quando rapiat ut Leo animam meam. At ubi divinitatis Catulus Christus, cuius minister sacerdos est, vocem miserit (si enim sanguis Abel ad cœlum clamavit, quid ni clamat sanguis filii DEI?) relicta prædâ suâ, seu animâ, Justitia divina occurrit, & misericordiâ movetur, atque prædam dimittit. Hinc S. Hier. in missâ pro def. asserit, animæ quæ in purgatorio torquentur, pro quibus solet sacerdos in missâ orare, interim nullum tormentum sustinent dum missa celebratur. Quam malè proinde agunt sacerdotes in missâ præcipientes, qui pausam quietis illis dare possent, si tardius in missâ progredierentur. Neque frustra Ecclesia in sacrificio missæ memento defunctorum annectit, ut scilicet hic catulus vocem suam animabus salutare emittat. Solatio plenum est quod legitur in vita B. Sufonis ex Ordine Prædicatorum. Promiserat is uni ex fratribus post obitum illius, se duo pro ipso sacra facturum. Mortuo fratre, B. Sufo promissi obliviscitur, & dum preces alias pro anima illius offert, sacra promissa tamen non legit. Adest ergo anima, & non servari promissum queritur, cui B. Sufo respondit, se quotidie pro illo preces obtulisse. Cui reposuit anima, ô frater! Sanguine est opus; qui extinguat ignem, quem patior. Oratio tua bona est, sed non sufficit, nisi accedat sanguis JESU Christi, qui offertur in missâ. Quo audito magnâ cum devotione promissas legit missas, & anima rursus non ut ante tristis, sed gloriola apparuit, & gratias egit. Est enim sanguis Christi, quemadmodum S. Vincentius docet, singulariter deputatus in litrum animarum. Unde S. Aug. *Sanguis Christi est singulariter deputatus in litrum animarum.* l. 50. *Homil. homil. 16.* inquit: Unum ex sanctioribus exercitiis, & una ex magis piis curis, quibus se homo exercere potest in hac vitâ, est offerre sacrificia & eleemosynas, & orare pro defunctis, qui sunt in purgatorio, quorum fratres sumus. Et S. Greg. Papa l. 4. *dial. c. 55.* Multum solet etiam animas post mortem sacra oblatio hostiæ salutaris adjuvare, ita ut hanc sæpius ipsæ defunctorum animæ expetere visæ sint. Sic refert Joannes Trithemius in *Chronicis suis de monasterio Hirschauiensi* anno Christi 1008. Non procul Wormatiâ, inquit, multis diebus & noctibus armatas copias equestres & pede-

Anima
purgatorii
tempore
missæ non
torquen-

Promissum
sacrum a-
nima à B.
Sufone po-
stulat.

Sanguis
Christi est
singulari-
ter depu-
tatus in li-
trum ani-
marum.

*Armata
copie suf-
fragia &
missas ex-
petant.*

*Missa u-
na plures
animæ ex
purgatorio
liberantur.*

*Anima S.
Nicolaum
Tolent. ad
requiem die
dominico
impellunt.*

stres viſas, quaſi ad bellum progredi, ſub horam verò noctis nonain,
ad vicinum monſtem unde prodibant, regredi. Cordatior aliquis à
Limburgenſi monaſterio, aſſumptis aliquot ex monaſterio ſociis, eo
progreſſus, excentes de monte allocutus eſt, & qui eſſent, in vir-
tute SS. Trinitatis, ut edicerent, adjuravit. Cui unus ex turma re-
ſpondit, ſe milites fuiſſe, & non multos ante annos in hoc ipſo loco
interfectos. Cum verò peteret Monachus an juvari poſſint? Re-
ſpondit jejuniiſ & orationibus, maximè verò ſacrificiis ſe adjuvari
poſſe, & hoc ipſum omnes rogare, ſimulque tota multitudo exclamavit.
Orate pro nobis. Quo dicto omnes in ignem reſolvi viſi ſunt,
& mons, quaſi arderet, conſpiciebatur. Unde bene S. Joan. Chry-
ſoſtomus *ſerm. 3. in Ep. ad Philipp.* Non fruſtra inquit ab Apoſtoliſ
ſancitum eſt, ut in ſacris myſteriis memoria fiat eorum, qui hinc
diſceſſerunt. Noverunt quippe, hinc illis multum emolumentum fieri,
multum utilitatis. Ita ut S. Hier. citatus in miſſa S. Gregorii pro
defunctis dicat, pro qualibet miſſa devotè celebrata plures animas
exire de purgatorio. Vidit hoc S. Joannes de Alverno, qui tanto
pietatis affectu pro animabus ſacrum dixit, ut totus in ſachrymas ſol-
veretur. Hic dum in miſſa ſacroſanctam hoſtiam elevaret impenſè
pro animarum ſalute Chriſtum eſt deprecatus, & vidit innumeras a-
nimas velut ſcintillas ex fornace exilientes in cœlum abire. Ita S.
Antonin. *p. 3. tit. 24. c. 8.* Quare Eusebius Emiſſ. *hom. 5. de Paſcha*
inquit: Memento in oblatione ſanctiſſimæ Eucharistiæ parentum
ac fratrum, qui jam de vitâ deceſſerunt, hoc ſi feceris, magnam eis
requiem præbes. Adeoque tam ſolicite inſtitère vel ipſæ animæ, ut
etiam die Dominicâ ad Requiem dicendam S. Nicolaum Tolentina-
tem compulerint. Legitur enim in vitâ S. Nicolai Tolentinatis,
quod is Sacerdotio initiatus ad Eremum miſſus, manè quotidie ce-
lebraverit. Cum verò à Superiore juſſus eſſet die Dominico ſolenne
ſacrum facere, & ideo ſuper lectulum paululum indormiſceret, a-
nima quædam lugubri voce eum interpellavit. Frater Nicolae vir
DEI reſpice in me. Verùm cum ille reſpiciens non agnoſceret,
quis eſſet, qui ipſum vocaſſet, dixit: Ego ſum anima peregrini Au-
xinienſis, rogo te ut miſſam pro defunctis celebres, ut eripias me ex
his ſlammis. Excusavit ſe S. Nicolaus dicens, ſe pro ſacro can-
tando deputatum eſſe: Sed anima duxit illum ad alteram partem e-
remi, & planitiem oſtendit, ubi ingens fuit multitudo animarum,
quæ

quæ omnes Nicolaum inclamârunt, & pro auxilio missarum deprecata sunt. Vir sanctus manè Priorem accessit, & animarum preces exposuit, obtinuitque ut etiam illâ die, & totâ hebdomadâ pro animabus requiem diceret, plurimasque animas ex purgatorio suis sacrificiis eriperet, quemadmodum anima, quæ illi apparuit, hoc ipsum revelavit. Merito proinde S. Bern. *serm. 56. in Cant.* exclamat: Surgam ergo in adiutorium illis, interpellabo gemitibus, implorabo suspiriis, orationibus intercedam; Satisfaciam Sacrificio singulariter, si forte videat Dominus, & judicet, ut laborem convertat in requiem, miseriam in gloriam, verbera in coronam. His enim & hujusmodi officiis potest corû pœnitentia refecari, finire labor, & destrui pœna. Et hinc tam sollicitè S. Aug. *l. 9. Confess. c. 13.* pro Matre suâ Monicâ institit dicens: Namque illâ imminente die resolutionis suæ, non cogitavit corpus suum sumptuosè contegi aut condiri aromatibus, aut monumentum electum concupivit, aut curavit sepulchrum patrum. Non ista mandavit nobis, sed tantummodo memoriam sui ad altare tuum fieri desideravit, cui nullius prætermissione servierat, undè sciret dispensari victimam sanctam, qua deletum est chirographum, quod erat contrarium nobis &c. ad cuius pretii nostri sacramentum ligavit ancilla tua animam suam vinculo fidei. *Et infra.* Et inspira Domine DEus meus, inspira servistuis fratribus meis, filiis tuis, dominis meis, quibus voce, & corde, & litteris servio, ut quotquot hæc legerint meminerint ad altare tuum Monicæ famulæ tuæ cum Patritio quondam ejus Coniuge, per quorum carnem introduxisti me in hanc vitam, quemadmodum? nescio. Meminerint cum affectu pio meorum parentum in hac luce transitoriâ, & fratrum meorum sub te Patre in Matre Catholicâ & civium meorum in æternâ Jerusalem, cui spirat peregrinatio populi tui ab exitu usque ad reditum, ut quod à me illa poposcit extremum, uberius ei præstetur in multorum orationibus, tam per confessiones, quam orationes meas. Causam hujus dat *serm. 32. de verbis Ap.* Orationibus inquit Sanctæ Ecclesiæ, & sacrificio salutari, & elemosynis, quæ pro eorum spiritibus erogantur, non est dubitandum, mortuos adjuvari, ut cum eis misericordius agatur à Domino, quam eorum peccata meruerunt. Hoc enim à Patribus traditum universa observat Ecclesia, ut pro eis, qui in corporis & sanguinis Christi communionem defuncti sunt, cum ad ipsum sacrificium loco suo com-

Aug. pro defunctis parentibus suis suffragia implorat.

Anima
purgatorii
vicini no-
stri assu-
mendi ad
esum agni.

memorantur, oretur, ac pro illis quoque illud offerri commemoretur. Occurrit hic in tam sollicitâ curâ S. Augustini erga parentes suos, illud *Exodi* 12. v. 24. Sin autem minor est numerus, ut sufficere possit ad vescendum agnum, assumet vicinum suum, qui junctus est domui suæ. Quis enim verò ad paschalem agnum seu panem coelestem sufficiat? Cujus meritorum infinitus valor excedit quidvis creatum. Vicini porro nostri sunt animæ purgatorii, quæ de agno paschali participare debent. Vicini omnino nostri parentes & consanguinei sunt, qui in purgatorio hærent. Pro quibus Alexanderinus Eusebius à Turriano de Eucharistiâ agens perorat. Memento inquit in oblatione Sanctissimæ Eucharistiæ fratrum & parentum, qui è vitâ decesserunt, hoc si feceris, magnam eis requiem præbes, complēs preces tuas. Complēs dicit, quasi preces nostræ incompletæ sint, si non ad purgatorii animas extendantur. Quid quod parentes tui aut fratres, tui causâ hæc sæpè patiantur, qui ut tibi corradere pinguem hæreditatem, pauperes neglexerunt, divina omiserunt; plus opibus quam suæ salutis studuerunt. Non obliviscaris modo eorum, iisque esurientibus panem frange, quem illi tam copiosum tibi reliquerunt. Da illis cum Habacuc prandium tuum, id est, impende illis sanctissimam Eucharistiam, quam devotè sumis, aut missam, aut Communionem illis transcribendo. Quis enim neget Eucharistiam esse prandium, quæ in amoris meridiè à Christo est instituta. Est illa prandium paratum messoribus & peregrinis in viâ, sed divina dispensatione in Babylonem & lacum leonum transfertur. Sed audio lamentabiles parentum, fratrumque voces ex *Ecclesiæ* 14. v. 10. Non satiabitur panem, sed indigens & intristitiâ erit super mensam suam. Scilicet volentem cum Alveolo Habacuc invadunt Harpyæ, infestant corvi rapaces. Hos S. Bernardin. Sen. Dom. in *Ost. av. Refr. serm.* 63. c. 1. perstringit, quod sint detentores alienorum bonorum, falsificatores testamentorum, impediētes causas pias. O quot animabus hodiè subsidium ferre nequeunt boni Habacuc, nempe Sacerdotes sacrificiis suis parati, quia Harpyæ istæ ne aliquid decedat hæreditati, nostra suffragia non patiuntur ad illas animas accedere. Et dum parentum animæ vident alias penes se flammis eripi, se suorum filiorum vel uxorum culpâ cernunt, in purgatorio detineri, quia hæredes vel aliena non restitunt, vel causas pias & legata non explent. Annō

hoc

Eucharistia est prandium animarum.

Filii pias causas negligentes, torquent parentes in purgatorio.

hoc verum est, quod proverbio Germanico dicitur : Das Brodt vor dem Maul abschneiden / & panem, quem ori proximum habes, eripere, eosque privare pane cœlesti, quo pasti ad æternam felicitatem pertigissent. Quam meritò hic querat verbis *Job. c. 22. v. 7.* Esurienti subtraxisti panem; adeoque bene S. Bernardinus tales fures, sacrilegos, infideles, egentium necatores & latrones nominat, & tandem ultimò non absolvendos dicit. Furantur enim cœlo gaudium, & angelis lætitiā, ex anima, quæ cœlo potitur, & beatorum consortio adjungitur, Sacrilegi sunt, qui sponſas DEI detinent, infideles sunt, & injurii iis, quorum opibus fruuntur, latrones sunt, qui animas longo carcere detinent, qui diuturnus in jure morti compar, censetur. Denique non absolvendi utpote qui indispositi videntur ad pœnitentiæ Sacramentum. *Æneas* Anchisen ex Trojæ incendio flammis eripuit, vos filii parentes vestros purgatorii incendio subducite. Orpheus Euridycen ab inferis evocavit, Vos Conjuges & liberos vestros reducite. Amphinomus & Anapius fratres cum *Ætnæ* incendio omnis penè conflagraret Sicilia, quæ *Ætnæ* vicina erat, parentes humeris suis exceptos periculo subduxerunt, medios inter ignium fluctus illæsi illi processerunt recedentibus, aut subsistentibus undis flammeis, quæ illi incesſerunt. Cedet flamma non *Ætnæ* aut Vesuvii sed purgatorii, si cum pane Eucharistico ad parentes vel cognatos accesseritis. Sed quoties ingratis filiis occidere cogimur illud *ps. 128. v. 8.* Et non dixerunt, qui præteribant: Benedictio Domini super vos: quoties sepulchra parentum vestrorum calcatis, nec ullam parentum in benedictione facitis memoriam. Quot usque hodie reperiuntur ingratiſſimi filii, qui parentibus pia legata in testamento suo constituentibus maledicunt, quia suæ illud subtractum credunt cupiditati. Audite Concilium 4. Carthaginense *Can. 95.* Qui oblationes defunctorum aut negant Ecclesiis, aut difficulter reddunt, tanquam egentium necatores excommunicentur. Pari severitate verborum utitur Concilium Valense *Can. 4.* Qui oblationes defunctorum retinent, & Ecclesiis tradere demorantur, ut infideles sunt ab Ecclesiis abjiciendi, quia usque ad inanitionem fidei pervenire certum est hanc divinæ pietatis exacerbationem, quia & fideles de corpore recedentes vœtorum plenitudine, & pauperes consolatui alimonix, & necessaria sustentatione fraudantur. Hi enim tales quasi egentium necatores, nec credentes

Æneas Anchisen, filii parentum animas his flammis eripiunt.

Ætnæ flamma cecidit filiis in parentes piis.

judicium DEI habendi sunt. Oñ audire liceret animas miserorum parentum; annon audiremus illud *Apoc. 6. v. 10.* usquequo non vindicas sanguinem nostrum deis, qui habitant in terrâ. Quid enim aliud sunt tanto sudore sæpe etiam sanguine parta bona, quæ proli-
bus relinquuntur, quam sanguis parentum? Annon etiam audire-
mus illud *Job. 19. v. 22.* Quare persequimini me, & carnibus meis sa-
turamini? Quod explicat Gulielmus Parisiensis, & clarè dicit: Bo-
nis meis vobis derelictis. Sed periit memoria eorum cum sonitu
ps. 9. v. 8. id est, cessant campanæ, quibus elato ad tumultum cada-
veri compulsi sunt, & nulla mortuorum parentum superest memoria.
Disputantur testamenta, evertuntur legata, negatur hæreditatis
substantia, iniquè parta detinentur. Tremendum est, quod non
procul Bruxellis cum eleganti & divite Castello accidit. Erat hoc
a spectris horridè infestum, adeoque his jam lassus loci Dominus se
ad Collegium Societatis ibidem confert ibi sacerdotem invenit, qui
se itineris socium obtulit, & ad arcem infestam cum socio suo egre-
ditur. Ingressus arcem locum sibi delegit in cubiculo infestissimo;
quod sub noctem offerat, & plures benedictas candelas accendit,
atque orationi cum socio incumbit. Sub medium noctis tumultuo-
sa auditur circumcursatio, quâ finitâ, validâ ternâ pulsatione clau-
sa porta feritur illius cubiculi. Tacente Patre cum socio post ter-
tium validum ictum ingreditur horrendum spectrum, quo nihil ter-
ritus Pater interrogat, quis sit? & unde veniat? cur locum istum
infestet. Spectrum sellam è regione positam occupat, & inquit;
quod ex me quæris, ex proximè hic ad futuro intelliges. Quadran-
te post simile spectrum ingreditur, Sessum eodem modo capit, &
similiter à secuturo responsum dandum dixit. Pari temporis inter-
vallo adest spectrum tertium, & ad quartum se remisit. Quartus
ergo habitu paululum à prioribus diverso, & lætiore vultu compa-
rens interrogatus, quæ sit sui adventus causa? Respondit animam
se esse parentis dynastæ Castellani. Tres verò assidentes avum esse,
abavum, atque atavum. Hoc Castellum iniquè attractum est ab a-
tavo, qui illud in abavum iniquæ possessionis conscius transtulit.
Hunc rursus malâ fide detulisse arcem in manus avo, de quo tamen
nunquam me monuit, & ideo illi tres æternum damnati sunt. Ego
verò quia bona fide successi, sed non diligenter satis de titulo posses-
sionis inquisivi, purgatorii flammis detineor, usque dum ad legiti-
mum

*Anima pa-
rentis Ga-
vorum in
purgato-
rio deten-
ta propter
dilatam re-
stitutionem
arcis.*

nam possessorem arx redeat. Verus autem arcis possessor & Dominus est Joannes servus filii mei, qui quidem genere nobilis est, sed iniquitate meorum antecessorum dejectus, modo in horreo tritum rat. Quibus dictis sacra aliquot, & celerem arcis restitutionem rogavit, & sic cum aliis disparuit. Reliquum noctis cum Socio Pater quiete transegit. Primo diluculo Toparcha adfuit, atque ubi à Patre omnia intellexit, statim Joannem famulum in præsentia Patris vocavit, illumque arcis Dominum salutavit, dicens paratum se esse ad cedendum, vel si malit, quocunque modoid placeat, secum velis pacisci. Hæsit attonitus famulus, sed Patris relatione confirmatus, dixit se id unum petere, ut sibi suâ sorte frui liceat, se ultro omni juri ad dynastiam cedere, modo præsens Dominus, & successores sibi, uxori, ac liberis pro tenuitate fortunæ suæ prospiciat. Itum igitur in pacta, quæ à Domino Sanctè servata, statim castrum quietum fecerunt. Testis hujus est Theophilus Raynaudus *tom. 27. in prælo Spirit. hist. 87.* Merito proinde inter pœnas purgatorii S. Antoninus *1. p. tit. 5. c. 3. §. 1.* numerat consanguineorum negligentiam, dum dicit: Alic modo affliguntur considerantes negligentiam cognatorum suorum & amicorum circa ea, quæ illis commendârunt defuncti. Unde tan instantè clamant cum *Job. c. 19. v. 21.* misere-mini mei! misere-mini mei saltem vos amici mei. pulchrâ id instantiâ explicat dictus S. Pater: Si quis inquit in magnis periculis constitutus, non valens per se ipsum evadere, videret amicum aut filium, uxorem vel liberos, vel quemlibet ex cognatis, posse se facîle ex tanto periculo liberare, si tantum vellet, & tamen per negligentiam omitteret, quanto quæso cruciaretur dolore? Sic ergo animæ in purgatorio detentæ, videntes suorum circa se negligentiam, plurimum cruciantur.

Sed dicunt aliqui; curavi celebrari in altari privilegiato, indulgentiam applicui plenariam, & Communionem generalem, non opus est ergo ulteriori suffragio. Laudo pietatem; sed memineris velim dixisse me superius, Pontifici directe in animas Purgatorii jus nullum esse, undè etiam in missâ defunctorum non datur à sacerdote benedictio, quod sufficienter intelligitur ex verbis Christi *Matt. 16. v. 9.* quando dixit Petro. Quodcunque solveris super terram: per modum tamen suffragii animas liberari, & DEum ut plurimum suffragium animæ applicatum acceptare. Quia tamen defectus aliquis esse potest

*Suffragia
nostra pro
animatus
reiteran-
da.*

Negligenter orantes pro defunctis post mortem non juvantur suffragiis.

Suffragia nostra pro animabus nunquam sunt irrita.

potest in applicante missam, vel offerente indulgentias, non satisfaciendo conditionibus præscriptis, vel etiam in animâ ipsâ defuncti, utpote, tali, fieri potest ut uno non juvetur sacrificio, proinde debere suffragia nostra utiliter reiterari. Refert enim Gonzaga de Orig. Seraph. Relig. p. 4. Religiosum quemdam, ordinis Novitio pro se oranti post mortem apparuisse, atque falsum fuisse, inde potissimum se ignibus purgatorii detineri, quod pro defunctis orare in vitâ neglexisset. Quid si vero anima jam sit in cælo, vel vero sit inferno, ubi nullibi eget nostro suffragio, annè tunc irritum & infructuosum nostrum erit suffragium? Thomas Wëndinus semper effectum suum sortiri dicit, & explicat per columbam illam Noë, quam Patriarcha emisit ex arcâ. Suffragium nostrum, inquit, est columba, quæ ex arcâ id est, Ecclesiâ DEI egreditur, si animam in purgatorio reperit, ibi sistit, si illam in cælo invenit, ramum olivæ refert gloriæ alicujus accidentalis illi animæ collata. Si vero anima sit in inferno, pro quâ suffragium destinasti, tunc fructus suffragii, vel in tuum servitium, vel cum plurimis Doctoribus putem in aliarum animarum utilitatem impenditur. Et hinc tot extant visiones, quæ animas aliquorum religiosorum in comitivâ plurimarum animarum viderunt cælum ingredi, quas utiq; suffragia, quibus non egebant, eliberarunt, & secû in cælum induxerunt. Quo enim suffragia tot sacrorum terminarentur, pro animâ cujusvis Religiosi, qui fortè non nisi uno, vel altero indigebat, pro quo tamen omnes in Provinciâ Sacerdotes quamprimum suffragia accipiunt, sua sacra legunt pro anima illius defuncti. Ut jam non mirer cælum sæcundum fieri ab animabus, quæ ex purgatorio nostrorum suffragiorum subsidio eliberantur.

1. Reg. 1. Elcana Phenenam habebat, & Annam uxores, hanc sterilem, illam verò sæcundam, quæ tantoperè sterilem laceravit, ut dicat scriptura, porro illa flebat, & non capiebat cibum. Punivit autem DEus Elcanam morte filiorum, & sterilis facta est Phenena. Annam verò DEus fertilitate donavit, fecitque sæcundam. In his dubiis mulieribus repræsentatur mihi limbus Patrum, & præsens purgatorium. Antemortem Christi limbus fertilis erat, & hic, quia dictus fuit sinus Abrahæ, non malè cum sæcunditate correspondet. Cælum verò sterile velut Anna nullos filios, nullasque animas habebat, moritur DEI filius, & hic limbum ingressus, limbo velut fertili Phenenæ omnes filios eripuit, & cælo donavit. Anna modo à morte Christi

Cælum fit sæcundum beatis per sacra.

Christi secunda facta est, id est, ab initio nascentis Ecclesiæ, animæ in purgatorio detinentur. Ut verò hæc liberentur, eritne necessarium, ut rursus DEI filius moriatur? Respondet Momingo *fer. 6. post Dom. 4. Quadrag.* Omnino, ut liberentur hæc animæ rursus moriendum est Christo, non morte illa cruentâ, sed repræsentativâ in sacrificio missæ, in quo recolitur memoria passionis ejus. Hinc S. Th. *opusc. 58. c. 1.* dicit: Caro & sanguis Christi pro animabus defunctorum rectè offeruntur, ut à pœnâ purgatorii, quâ pro residuo pœnitentiæ ligati sunt, absolvantur. Quare dum in Sacrificio per modum suffragii offertur Christus, & ad purgatorium mittitur, quasi rursus pro animabus moritur, cum sit ejusdem cruentæ mortis repræsentatio. Ad quas dum Christus mittitur, uti superius ex S. Hieronymo diximus, animæ interim nullum quasi tormentum sentiunt. Videtur hoc DEus ostendisse in illo captivo, de quo Beda *Anglic. hist. l. 4. c. 22.* refert is, quod commisso prælio inter Egfridum & Edelredum reges, quidam miles graviter vulneratus inter reliqua cadavera jacuerit. Verum ubi resumpto spiritu se erexit ab hostibus captivus abductus est. Hic dum captivus tenetur, ferreis vinculis constrictus fuit. Frustra *Sacrum* tamen illi imponebantur vincula, sponte namque solvebantur. Res *pro captivo factum* hæc consternavit hostes, sed & ipsum terruit captivum, usque dum *solvit com-* rescitum fuit, quod frater ipsius Abbas pro ipso quasi defuncto, con- *pedes, &* tinuo sacrum faceret. Atque adeo sacrificia, quæ pro putatio *vincula.* mortuo offerebantur, vincula solverunt viventis. Ex quo patet, quòd missæ, diu differendæ non sint, sed statim dici debeant, quo citius à pœnis solvantur. Obiit aliquando Parisiis Religiosus Angelus dictus, cum tantâ æstimatione sanctitatis, ut quidam ex fratribus omitteret legere tria sacra, ad quæ vi legum tenebatur. Post aliquot dies apparuit permittente DEO fratri suo cum hac lachrymabili voce. Ah, frater miserere mei! Cum alter quæreret, quid verò peteret? Respondit tria sacra, quæ debes. Jam dudum essem in cælo, si illa pro me obtulisses.

Fusus ostendi quantum sacrificio missæ & sacrâ Communione animabus prodesse possimus. S. Hier. *in c. 11. Prov. uti & S. Antonin.* putant etiâ aliis precibus & eleemosynis nos illis veniam & gratiam posse obtinere. Etsi impiis inquit S. Hier. spes veniæ non est, sunt tamen qui de levioribus peccatis cum quibus obligati defuncti sunt, post mortem possunt absolvi, vel pœnis videlicet castigati, vel

*Suffragia
nostra sunt
navis in
Turciam
cum litro
missa.*

suorum precibus, & eleemosynis missarumque celebrationibus. Unde non malè quispiam suffragia nostra cum navi illà comparavit; quam olim Christiani quotannis mittebant in Turciam, ut eò litrum pro Christianis eliberandis deportaret. In eà navi patronus catalogum habebat accepti pro certis captivis litri, quem publicè recitavit; litroque barbaris persoluto eosdem navibus suis impositos, in patriam libertati restitutos reduxit. O quanta navis hujus fuit expectatio! Quod gaudium liberatorum ex Societate captivorum? Quis dolor illis, qui ulteriori detenti captivitate à suis amicis & consanguineis nihil acceperunt? Navarchus qui litrum fert orationes scilicet vivorum, jejunia nostra, mortificationes, eleemosynas, aliaque pietatis opera, angeli sunt, qui quotidie purgatorium ingrediuntur. Quæ hic animarum est expectatio? Quis jubilus liberatarum? Quis dolor neglectarum, maximè si parentum sint, aut eorum, qui tibi tanta bona fecerunt; aut certè quibus tu ipse scandalo fuisti, aut causa, ut modo pœnis purgatorii attingantur. 2. Reg. 9. v. 7. dixit David ad Miphiboseth: Comedes panem in mensâ meâ semper. Cur obsecro Miphiboseth debilis & claudus pedibus, semper mensæ regiae assidere debebat? Cur nutritur dapibus regiis? Causam dicunt fuisse Interpretes; Ingressus est David urbem cum numerofo & valido exercitu; Nutrix quinquennem Miphiboseth ex terrore ulnis suis excidere passâ est, eumque fractis pedibus claudicare fecit. David suâ causâ id factum sciens, eum suæ mensæ accumbere jubet. Quot nostrâ causâ lapsæ sunt animæ, omnes hæ claudæ sunt, imò manibus & pedibus captæ, quas proindè meritò cum Davide non mensæ regiae, sed divinæ adhibere debemus, easque suffragiis missarum, aut sacræ Communionis adjuvare. Animæ purgatorii in Camino sunt, non secus ac illi tres pueri, qui missi sunt in Caminum ignis fornacis babilonicæ. Dan. 3. v. 5. Nabuchodonosor Rex statuat suam adorari præcepit sub pœnâ combustionis in fornace ignis ardentis. Non paruerunt huic edicto tres adoloscenscentes hebræi, adeoque jussu regio in fornacem injecti sunt. Et ecce dicit scriptura, v. 49. Angelus autem Domini descendit in fornacem, & excussit flammam ignis de fornace, & non tetigit eos omnino ignis, neque contristavit, neque quidquam molestiæ intulit. Fornax hæc purgatorium est, ad quod descendunt angeli sancti, & consolantur animas, atque flammæ nostris suffragiis. dissipant, & orationibus atque bonis operibus mitigant ac mode-

*Orandum
pro anima-
bus, quas
scandalis-
zavimus.*

moderantur. Hæ flammæ stagnum illud sunt, quod vidit Joannes *Apoc. 19. v. 20.* Vivi missi sunt in stagnum ignis ardentis sulphure. Defunctæ matri ad tumulum innocens quotidie parentavit parvulus, & flexis genibus super sepulchrum oravit ter pater & ave, ut matri ^{Puerulus} suæ bene precaretur, ut requiem obtineret æternam. Vidit hunc ^{pro matre} puerum Episcopus, & observavit, quod hamum aureum in tumu- ^{orans pi-} lum demitteret, quo scilicet animam matris suæ piscabatur. Tan- ^{scari ab E-} tum est pro mortuis DEum exorare. Placuit Episcopo hæc pueri ^{piscopo vi-} ^{sus est.} devota erga matrem pietas, & matrem deinde peracto sacrificio ex stagno ardenti cœlo intulit. Sunt illæ gratæ & memores accepti beneficii; Grande est beneficium, quod illæ nobis rependunt. Suffragium tu mittis, sed duplex beneficium tu accipis. Occurrit hic rei ^{Anima} istius symbolum 2. *Machab. 15. v. 16.* Machabæo pugnato contra ^{grate} Nicanorem adfuerunt animæ Oniæ Sacerdotis, & Jeremiæ Prophe- ^{sunt nobis.} tæ offerentes ei ensen dicendo. Accipe sanctum gladium munus à DEO, in quo deicies adversarios populi mei Israël. Quid obsecro hæc duæ animæ nisi beneficium duplex, tutela nimirum corporis & animæ, quam historiæ penè infinitæ confirmant. Miles erat, inquit ^{Miles a-} Pexensfelder *p. 1. hist. 12.* qui sub lorica animum gestabat religiosum, ^{nimatus} inprimis autem devotus erat aninabus, hic quoties transibat cœmi- ^{devotus} terium, toties substitit, & orationem Dominicam pro illis dixit: ^{contra ho-} Habuit ille inimicos vitæ suæ insidiantes, qui cum eum in cœmeterium ^{stes ab ani-} compulissent, ubi celeri fugâ elabi potuisset, sed moris sui, & piæ ^{mabus de-} consuetudinis recordatus, anxius hæsit, an consuetum. Pater no- ^{fenditur.} ster diceret? an fugeret? Vicit pietas, & dum orat, eum assequun- tur hostes jam jam trucidaturi, nisi repente ex tumulis exivissent mortui, qui Clientem in medium sui recipiunt, & orationem imper- ^{Anima} turbatæ absolvere jubent, hostes verò in fugam converterunt, atque ^{consulunt} ad pacem ineundâ compulerunt. Vides hic corporis tutelam. Animæ ^{vivorum sa-} singulare præsidium habes in illo, qui omnium scelerum genere infamis ^{luti quo ad} animabus tamen purgatorii mirè additus fuit, his eninsæpius sacra ^{animam.} curavit, & variis obsequiis earum liberationem apud DEum procu- rabat. Fuerunt huic inimicitie cum popularibus suis, uti narrat Pe- ^{Latro in 4.} xens. *p. 1. hist. 12.* à quibus ad certam necē designabatur. Hic cum sub ^{dissidius} crepusculū æstus vitandi causâ urbe exiret, incidit in quercum, à qua ^{partes} latronis in quatuor partes secti membra pendebant, quæ ipso spe- ^{pium erga} ^{animas Cli-} ^{entem de-} ^{fendit.} ciente cœperunt inter se conjungi, atque in unum corpus coire, at-

que ab arbore descendere. Ubi terram attingit torpentis pene præ timore spectatoris equum arripit, cumque ex equo descendere, & inibi expectare, usque dum rediret, jubet. Vix equum inscendit, & ad sexaginta forte passus abinde progressus fuerat, cum ecce invaditur a quatuor positus in insidiis, qui displotis suis bombardis venientem ex equo dejiciunt. Hostibus fuga dilapsis equum rursus conscendit, & ad spectatorem in tragœdiæ redux dicit: Hæc te mala fors manebat, nisi tui misertus in eam me coniecissem. Datum hoc est eximiae tuæ in defunctos pietati. Perge in hoc studio, mores autem tuos & vitam sceleratam emenda, atque ad legis divinæ rationes compone. Quibus dictis cadaver rursus in quatuor partes distractum, ut antea, pependit. Tantum potuit diligens pro animabus oratio. Potest etiam plurimum liberalis in pauperes eleemosyna, quæ intuitu animarum purgatorii impenditur & erogatur in pauperes. Annon enim Judas Machabæus sibi assistentiam obtinuit Oniæ & Jeremiæ, quia liberalis fuit? Audi sacrum Codicem *Machab. 2. c. 12. v. 43.* duodecim millia drachmas argenti inivit Jerusalem. Non otiosum est consilium Sapientis *Ecclesiastis 11. v. 2.* Da partem septem, nec non octo, quasi diceret bonorum tuorum partem septem tribue vivis, sed nec octavæ obliviscaris, id est animarum. Cum enim præsens status vitæ nostræ per septimanam denotetur, octavus videtur designare statum animarum. Fundatur hæc opinio in judicio Medicorum, de quo *Reies quest. 90.* Cur octimestris partus communiter sit fatalis? inquit; varii varias attulerunt causas. Aliqui in Saturnum hoc referre volunt quasi fatalem infantibus, sub cuius tutelâ tunc est infans in utero matris. Peramatus verò refert in feminum naturam & differentiam dum dicit, aliud esse septimestre, aliud novimestre. Unde infantes, qui nascuntur octavo mense, præter seminis exigentiâ & naturam nascuntur, & vitales non sunt. Confirmatur hoc ex Hipocrate de alimento, ubi motionis & perfectionis tempora declarans, nullum octavo mense ad perfectionem devenire docet. Quia inquit si calidior sit partus & citius moveatur, formatur triginta quinque diebus, in septuagesimo movetur, & in ducentesimo decimo, id est in fine septimi mensis nascitur. Si quadraginta diebus formatur, octuagesimo movetur, & in ducentesimo quadagesimo principio mensis noni nascitur. Si vero quadraginta

Eleemosyna animæ purgatorii multum juvantur.

Octimestris partus est fatalis.

ginta quinque diebus formatur, quod fit communiter, tunc in nonagesimo movetur, & ducentesimo septuagesimo id est initio mensis decimi prodit. Unde patet ex naturali motu ipsius naturæ, nullius maturitatem in mensem octavum incidere, adeoque hunc mensem à naturâ velut infestum, partem morti deputare. Ex quo inferas octavam partem fatalem esse, & mortuorum, quasi diceret, da partes septem, id est, vivis misericordem te exhibe, sed adverte ne octo, nimirum mortuorum obliviscaris. Bene namque S. Bernardinus dicit, Eleemosyna extinguit ignem purgatorii. Expertus est hoc Eusebius Sardinia Dominus, qui unius integræ civitatis proventus annuos in subsidium spirituale animabus purgatorii impendit. Ostorgus, qui Sicilia imperavit, hanc urbem Eusebio eripuit, quam cum Eusebius Ostorgo viribus impar recuperare vellet, ipse collectis quibus potuit copiis, contra Ostorgum processit. Altero abinde die imminēbat Eusebio exercitus albus, quem conspicati excubitores nunciant statim Eusebio, qui mox quatuor ex suis delegit, qui qualis exercitus esset, explorarent. Hjs procurrentibus occurrunt etiam quatuor equites albi, qui Eusebianos bono animo esse jubent, esse se auxiliares ex altero orbe copias, velleque se pluribus cum Eusebio agere. Adfuit statim Eusebius, & ab albi exercitus Ductore humaniter salutatur, deinde iussus est exercitum suum jungere huic candidæ militiæ, & confidenter in hostem ire. Videbatur hic exercitus referre copiam quadraginta millium, qui ubi in conspectum Ostorgi venit, non parum illum exterruit, maxime ubi per Legatos millos cognovit, has esse copias à DEO missas, ad urbem animarum recuperandam, non sine gravibus minis, si urbem violenter detineret. Ostorgus statim urbem Eusebio restituit, & pro damnis illatis satisfactionem promisit. Quibus promissis Ductor Exercitus Candidi ad Eusebium gratias agentem sic locutus est. Totus iste, quem vides, exercitus tuus est, mi Eusebi, quia totus piis tuis suffragiis purgatorii pœnis exsolutus, jam in cælo beatus agit. Si pergis plures liberare, plures habebis apud DEUM deprecatores & Patronos. His dictis totus exercitus disparuit, & Eusebium, omnesque alios consolatione plenos reliquit. Ita Lucas Pinellus l. 1. de altera vita c. 28. O quam verum est S. Bernardini dictum Eleemosyna extinguit ignem purgatorii. Quod si velis cum

Urbs animarum ab istis recuperatus.

S. Domini-
cus quoti-
diè se pro
animabus
flagellavit.

S. Christi-
na ut ju-
ret, animas
ad vitam
rediit.

Maria
Purgatorii
Regina.

S. Dominico, aut S. Christina afflictiones & mortificationes corpo-
ris adhibere, tuæ, quas spontè assumis, pœnæ, animarum pœnam
incident penitus, & infringent. S. Dominicus ter quotidie se fla-
gellavit, & tertio pro animabus purgatorii copiosum sanguinem
fudit. S. Christina statim ab obitu suo, ubi vidit in pœnis purgato-
rii animas, à Christo interrogata fuit, an mallet intrare cælum, vel
redire ad corpus & castigationibus corporis implere ea, quæ de-
sunt passionum animabus purgatorii? Et ecce sancta virgo ad cor-
pus rediit, perque quadraginta duos annos miranda planè toleravit
in suffragium animarum.

Ego vobis, O afflictissimæ animæ pro coronide sermonis mei,
Mariam purgatorii Reginam, & Dominam constituo, huc ergo,
huc mecum omnes oculos vestros convertite, & Mariam velut
cynosuram salutis vestræ respicite. Est illa Domina & Regina
vestra, huc oculos vestros & suspiria refledite, atque spem o-
mnem & fiduciam convertite. Neque enim frustra huic Reginæ
dictum est *Cant. 4. v. 8.* veni de Libano, veni! coronaberis. De
capite Anana, quod verbum ex S. Hieronymi interpretatione in
c. 3. Esther. Et Glossa Ordin. in *c. 4. Cant.* significat angustiam,
afflictionem, vel pœnam. Quid verò aliud est purgatorium, quàm
locus angustiarum, dolorum & pœnarum inexplicabilium. Si ve-
rò verissimum est, quod *Prov. 17. v. 17.* dicitur omni tempore
diligat, qui amicus est; & frater in angustiis comprobatur. Quam
ego merito dicam de Maria, quod omni tempore diligat sibi de-
votas animas, adeoque fidele earum suscipiat patrocinium. Ut
propterea S. Bonav. ad illam conversus dicat. Oramus te piissi-
ma Virgo Maria, & Angelorum Domina, ut eis, quos in purga-
torio examinat ignis, impetres refrigerium. Quomodo enim
possibile esset, ut pia aliqua mater in clibano accensissimo arden-
ti non succurreret pro viribus filio. Sic impossibile est, ut piissi-
mæ matris non intinè moveantur viscera, quando videt animas
sponsas dilecti filii sui ardere in ignibus purgatorii, & ibi flammis
illis dirissimè excruciaci. Certè hic verificatur illud *Aug. l. 9. confess.*
Non enim amas & deferis. Unde ad Mariam respici-
unt, inquit Hugo Cardinal. *super Cant.* qui degunt in purgatorio,
ut liberentur. Et S. Bernardin. postquam flammam purgatorii un-
dis

dis maris comparavit, illud *Eccl. 24. v. 8.* adducit, & in personâ B. virginis loquitur. In fluctibus maris ambulavi, scilicet visitans & subveniens necessitatibus & tormentis devotorum meorum. Causam dat idem S. Bernardin. Sen. *serm. 3. de nomine Mariæ art. 2. c. 3.* Quia filii ejus sunt, quia sunt filii gratiæ, & in gratia confirmati, atque de gloriâ certificati. Cui assentitur Hugo citatus. Ad Mariam respiciunt, & qui habitant in cœlis, & qui degunt in purgatorio, & qui habitant in mundo. Primi ut refarciantur. Secundi ut eripiantur, tertii ut liberentur. Tu ergo ô piissima Mater filiorum tuorum patrocinium suscipe, & quod nos suffragiis nostris sufficienter in illarum subsidium præstare non possumus, tu maternâ tuâ pietate supple, & animas defunctorum validissimâ intercessionem tuâ sævissimis tormentis eripe, atque æternæ felicitati transcribe.



DIS-



DISCVRS. XXXIX.

De Communione Sanctorum quæ est in Ecclesia per Indulgentias.



Thesaurus Ecclesiæ et si præcipuè constet ex meritis Christi, & illius infinitis satisfactionibus; Constat tamen etiam ex meritis & satisfactionibus Beatissimæ Deiparæ, aliorumque præcipuorum Sanctorum, utpote quorum sanctæ actiones, & rigorosæ mortificationes potuerunt longè plus pœnæ

*Thesaurus
Ecclesiæ
sunt meri-
ta & satis-
factiones
Christi & o-
mnium SS.*

expiare, quam eorum peccata vel navi fuerint demerita. Quare thesaurus Ecclesiæ nil aliud est, quam ingens quidam, & inexhaustus cumulus meritorum & satisfactionum, quæ Christo Domino, sanctissimæ Matri illius, ejusque vivis membris superfuerunt, & hucusque in acceptatione memoriæque divina servantur, atque in utilitatem indigentium membrorum Ecclesiæ erogari possunt. Quod *Job. c. 6. v. 2.* sensisse videtur, quando dixit: utinam appenderentur peccata mea & calamitas, quam patior in staterâ, quasi arena maris, hæc (scilicet calamitas.) gravior appareret, ex quo manifeste ostenditur, quod B. Virgo, quæ nunquam peccavit, S. Joannes Baptista, Sancti Martyres inter innumera & crudelissima tormenta longè plus passi sunt, quam peccatis suis pœnæ contraxissent. Ex quo manifestum fit, sanctos qui modo sunt in cælo, dum adhuc nobiscum vixerunt superfluas habuisse satisfactiones, quæ ut dicamus, quod nullum penitus effectum habuerint, divinæ hoc bonitati nullo modo videtur congruere. Cum enim ille excessus satisfactionum & meritorum effectum suum habere non possit in ipsis sanctis, habebit saltem in nobis, si nobis debitè applicentur. Si enim satisfactiones vi-

*Sunt in Ec-
clesiâ si-
perfluæ SS.
satisfactio-
nes.*

*satisfactio-
nes viven-
tium pro-
sunt aliis
viventibus.*

ventium profunt aliis viventibus, dum ipsis per alios applicantur, cur non prodèsse queant, si applicentur sanctorum in cælo satisfactiones, etiam nobis per eum qui potestatem habet. Quod autem viventibus profint, si illis per alios viventes applicentur, testatur S. Paulus

ad Col.

ad Goloff. 1. v. 21. Gaudeo in passionibus pro vobis, & adimpleo ea, quæ defunt passionum in carne mea pro corpore ejus. Ubi bene advertenda sunt verba S. Pauli pro corpore ejus, quasi diceret: Sancti quorum sunt satisfactiones vel hic in terris, vel etiam jam in cælis, sunt ejusdem corporis membra nobiscum, membra autem se mutuo juvant. Quare sicut satisfactiones Christi sunt omnibus communes, quia sumus omnes membra Christi, ita etiam satisfactiones & merita Sanctorum sunt omnibus membris, totique corpori communia, ut de illis omnes participemus. Et licet DEUS opera bona sanctis in cælo copiose omnino remuneratus sit, quod Paulus dixit 2. ad Cor. 4. v. 17. Id enim quod in præsentī est momentaneum & leve tribulationis nostræ, æternum gloriæ pondus operatur in nobis; nihilominus tamen sciendum est, quod opera satisfactoria duplicem habeant effectum, unum scilicet meriti, vel præmii, quatenus nimirum sunt bona & DEO placita, atque ex gratia producta, Opera satisfactoria alterum habent effectum satisfactionis, quatenus sunt carni molesta & afflictiva, atque sic pro pœnis temporalibus nostrorum peccatorum satisfaciunt. Primum effectum præmii & gloriæ habent beati in cælis, secundum non habent in se ipsis, quia nullam, vel certe non tantam pœnam sunt commeriti, atque adeo ut suum sortiantur effectum, habebunt illum in nobis, si nobis applicentur.

Ex quo oritur quæstio quis nobis hæc merita Sanctorum, & satisfactiones applicare possit. Et est communis doctrina Ecclesiæ Catholicæ, quod hæc potestas sit in summo Pontifice velut Christi Vicario, cui Jo. 21. v. 17. à Christo dictum est, pascere oves meas. Clemens tamen Sextus in Extravag. insinuat ejus promissionem factam fuisse Petro per verba illa Matth. 16. v. 19. Tibi dabo claves Regni cælorum. adeo ut P. Gobat Tract. 4. de Indulg. p. 1. c. 6. dicat hanc potestatem in summo Pontifice esse ordinariam ita quidem, ut illi competat etiam ante actualem consecrationem, quia est potestas jurisdictionis, non verò ordinis, Et hinc potestas concedendi indulgentias centum dierum data Cardinalibus, Quadraginta verò dierum concessa communiter Legatis Apostolicis, Archi-Episcopis, Episcopis, Suffraganeis, vel etiam Prælatis, qui sunt Episcopo inferiores, licet à quibusdam dicatur illis concessa jure ordinario, à multis tamen delegata tantum docetur. Neque est, quod moderni Novatores & Sectarii dicant, quod res sit nova, & recens, dare

Indulgentias S. Bernardus promulgans miraculo confirmat.

in Ecclesia Indulgentias, cum conflct ex Bullario Cherubini Urbanum secundum anno Christi 1092. dedisse pœnitentibus & confessis Ecclesiam congregationis S. iustinæ Ordinis S. Benedicti visitantibus indulgentiam septem annorum & totidem quarantenarum. Sic Paschalis secundus anno Christi 1116. uti testatur Bellarminus *de Indulg.* l. 2. c. 17. dedit indulgentiam quadraginta dierum iis, qui limina Apostolorum visitarent. Eugenius Tertius S. Bernardi discipulus anno Christi 1150. dedit Indulgentias ituris ad expeditionem sacram contra Saracenos, & S. Bernardo eandem promulgandi mandatum dedit, in vita verò ejusdem S. Bernardi legimus, quod cum is concionatus fuisset de indulgentiis ab Eugenio concessis, fidem suis dictis adjecerit complurium miraculorum patratiōe facta post concionem. Alexandder III. deinde anno Christi 1159. plura de Indulgentiis meminit, quod postea in corpus Juris Canonici est relatum. Atque adeo novum non est, quod vel ab ipsis Apostolis, vel eorum successoribus laudabiliter & sanctè factum vidimus. Quomodo enim aliter intelligi debet S. Paulus 2. ad Cor. 2. v. 10. quando Incestuoso illi, quem Sathanæ tradidit, id est, excommunicavit, propter pœnitentiam tamen quam egit, ad instantiam ipsorum Corinthiorum indulgentiam contulit, & debitum pœnæ remisit, cum dixit: Cui aliquid donastis, & Ego, quod donavi propter vos in persona Christi. Unde quando nobis à summo Pontifice indulgentiæ ex justa & rationabili causa, potestate à Christo sibi tradita, conferuntur, & pœnæ temporales in foro DEI debitæ sub condicione implendi certi operis condonantur, tunc enim verò ille, quæ defunt passionum nostrarum supplet ex thesauro Ecclesiæ, exhibendo justitiæ divinæ vice nostrarum satisfactionum, superfluas satisfactiones Christi & Sanctorum. Neque enim frustra in. Pater noster nos DEO debitores esse fatemur, dum quotidie dicimus. Dimitte nobis debita nostra, quia enim solvendo non sumus, ex communi Ecclesiæ arario misericordissimè adjuvari debemus. De debitoribus refert Cœlius Rhodiginus l. 12. c. 20. consuevisse Romanos eos, quæ alienum fecissent, adduci à Creditore non solum in servitutem, sed sæpe etiam in ergastulum & carnificinam. Neque hic solum stetit Creditorum severitas, etiam filios & nepotes in eandem sortem secum involverunt infelices debitores. Miremur nos expilari Provincias, expugnari urbes, fame interire exercitus, in captivitatem

Tur-

Romanorum in debitores severitas.

Turcicam abduci uxores, & liberos. Creditores! Dicamego justus Creditor, & longanimis DEus exigit à nobis debita, & quia debitas DEO satisfactiones non damus, in carnificinam cruenti gladii Turcici, & nos & filii nostri, nostrique nepotes tradimur. Mitiores fuerunt Spartiæ de quibus *Herodotus* l. 6. qui in more habuerunt, ut is qui defuncto Regi succederet, omnes ære alieno detentos liberaret. Felices subditi! qui funere regio ab omni ære alieno sunt exsoluti. Ter felix genus humanum, quod non solum morte Christi ab æterna captivitate est emancipatum, sed tanto ærario meritum Christi est præmunitum, ut unde dissolvat omne apud Patrem æternum debitum, semper habeat. Quia namque teste Davide ps. 129. v. 7. apud DEum misericordia, & copiosa apud eum redemptio. Alexander ab Alexandris l. 3. c. 16. Quinque viros apud Romanos dicit exhibuisse in publico foro menfas auro & argento graves, & in illis Creditores fuisse exsolutos. qui longo carcere detinuerunt debitores illos, qui solvendo amplius non erant. Per indulgentias, quas Sedes Apostolica concedit, mensa ditissima ponitur ex qua per merita Christi suorumque Sanctorum dissolvitur æs illud grande, quod apud DEum contraximus. Ut verò nobis non accidat, quod refert Dubravius l. 19. *hist. Bohem.* fecisse Wenceslaum V. Bohemorum Regem, Ecclesia velut pia mater contra justissimam indignationem irati DEI nobis providet, atque præmunit. Rex hic cum plurimos haberet debitores ærarii sui regii, utpote qui possidebant terras regias, nec tamen pensiones debitas solverunt, complures ollas vacuas afferri, & in ordinem certum disponi iussit, quas deinde Rex cum his verbis allocutus fuisset. Redde Regi quod debes, alioquin caput tuum in hunc modum tibi confringetur, ollas valido baculi ictu confregit. Nec minus fecit, quam dixit, quando severissimè exegit rationes suorum debitorum, & multos qui pellit non erant solvendo in ære, in pelle luere coëgit, atque capitis damnavit. Quoties ira DEI testas fragiles & mortales nos, tristi voce compellat, redde, quod debes! at quia vacui sumus à meritis, & operibus satisfactoriis, justam DEI manum meritò timere debemus. Atque adeo ne confringamur, qui nostris meritis sumus vacui, alienis, ex amplissimo Ecclesiæ thesauro replemur.

Est enim indulgentia per Cardinalem Toletum l. 6. c. 21. & Valentiam tom. 4. disp. 7. q. 20. relaxatio pænæ temporalis debitæ pro

*Spartani
in debito-
res mitio-
res fuerunt.*

*Wences-
laus V.
Rex Bo-
hemie de-
bitores ad
solvenda
debita con-
pellit.*

Indulgentia quid?

Septennii
penitentia
p. peccato
mortali
in Ecclesia
recepta.

peccatis actualibus jam dimissis concessa à Prælato Ecclesiæ per applicationem thesauri Ecclesiastici. Ubi adverte dici pro peccatis actualibus, quia pœna pro originali debita, uti docet Gobat *tract. 4. p. 1. c. 2. q. 7. n. 4.* remittitur per baptismum, non verò per indulgentiam. Dicitur deinde esse remissio pœnæ temporalis, quæ vel ex sententia DEI in purgatorio, vel ex præcepto confessorii in hac vita luenda esset. Dicitur rursus remissio vel relaxatio pœnæ temporalis, quia ut loquitur Pontifex in *Extravag. lit. D.* pœna æterna remittitur per illum ipsum actum, per quem culpa mortalis dimittitur, nimirum per absolutionem Sacramentalem. Pro quo melius intelligendo notandum est, duo semper intercedere in quovis peccato, nimirum quod peccator incurrat pœnam damni, & pœnam sensus, id est, quod homo vi peccati mortalis mereatur excludi ex cælo, & simul præcipitari in infernum ad ignem æternum. Quando verò peccator confitetur, tunc sacerdos reconciliat illum DEO, cumque facit amicum DEI, atque rursus cæli hæredem constituit. Pœnam verò æternam inferni, commutat in temporalem. Et quia fuit primitivæ Ecclesiæ praxis ut pro uno peccato mortali imponeretur pœna septem annorum, propterea quod hæc sancta apud omnes fuerit opinio, quod etiam animæ licet in hac vita peccatum mortale confectæ ab eoque absolutæ fuissent, septem tamen annis in purgatorio propter unum peccatum mortale detineantur. Hinc quia remissa culpa seu aliquo peccato mortali per absolutionem Sacramentalem semper sequitur remissio pœnæ damni, ut nimirum homo rursus cæli capax fiat, non sequitur tamen semper remissio pœnæ, quam DEUS in alteram vitam seu purgatorium reservavit, nisi illa per indulgentias aut alia pietatis ac misericordiæ vel etiam mortificationis opera expiemus. Quod verò DEUS hoc faciat, & in gratiam recipiat, pœnam tamen reservet; ostendit nobis hoc DEUS in Adamo *Sap. 10. v. 2.* ubi scriptura clare dicit: & eduxit eum DEUS à delicto suo, id est, remisit illi debitum pœnæ damni, reservavit illi tamen debitum pœnæ in hac vita, quam usque ad mortem ferre coactus fuit. Nempe illam quam *Gen. 3. v. 17.* imposuit, quia audisti vocem uxoris & comedisti de ligno, ex quo præceperam tibi ne comederes, maledicta terra in opere tuo, in laboribus comedes ex ea cunctis diebus vitæ tuæ. *Et v. 19.* in sudore vultus tui vesceris pane tuo, donec revertaris in terram, de quâ sumptus es. Ubi non tantum

num laboriosè vita, sed ipsa etiam mors peccati licet dimissi pœna fuit. Quod idem in eodem loco v. 16. dixit Eux: multiplicabo ærum nastuos. In dolore paries filios; & sub viri potestate eris. Quod DEus fecit cum primis nostris parentibus, idem planè præstitit populo Israëlítico Exod. 32. v. 34. ubi DEus ad instantiam Moysis condonavit peccatum commissæ idololatriæ, sed tamen pœnam suo tempore se sumpturum minatur, Ego autem in die ultionis inquit, visitabo & hoc peccatum eorum. Hinc v. 31. dicitur percussit ergo Dominus populum pro reatu vituli, quem fecerat. Sic plane Sorori Moysis Num. 12. v. 10. licet orantè Moysè DEus sorori veniam dederit, in pœnam tamen murmurationis leprâ percussit. Et ecce Maria apparuit candens leprâ quasi nix. Accedamus ad librum 2. Reg. c. 12. v. 13. & videbimus Davidem adulterii veniam habentem, quando ad exprobrationem à se commissi peccati exclamavit. Peccavi Domino. Tunc enim Nathan ad David conversus dixit: Dominus quoque transulit peccatum tuum. Non morieris. Verum tamen quoniam blasphemare fecisti inimicos Domini, propter verbum hoc, filius qui natus est tibi, morte morietur. Quæ omnia licet manifestè ostendant remissâ culpa reservari pœnam temporalem, tamen ab hæreticis malè detorquentur, dum dicunt: hæc solùm facta esse ideo, ut præmoneremur, ne similibus peccatis DEum offendamus, non verò facta esse in vindictam peccati præteriti. Quod tamen manifestè in peccato Adami, populi Israëlitici, & Davidis refellitur, quibus ratio pœnæ clarè à DEO apponitur. Ut tamen manifestius procedamus, videamus Num. 14. v. 20. Quid DEus dicat Israël in deserto murmuranti. Dixitque Dominus dimisi juxta verbum tuum, at statim subjungit v. 21. attamen omnes homines, qui viderunt majestatem meam & signa quæ feci in Ægypto & solitudine, & tentaverunt me jam per decem vires, nec obediunt voci meæ, non videbunt terram, pro qua juravi Patribus eorum adeoque subdit: dic ergo eis; vivo Ego ait Dominus, sicut locuti estis, audiente me, sic faciam vobis. In solitudine hac jacebunt cadavera vestra, omnes qui numerati estis à viginti annis & supra, & mururastis contra me. Non intrabitis terram, super quam levavi manum meam, ut habitare vos facerem præter Chaleb filium Jephonæ, & Josuæ filium Nun. Parvulos autem vestros, de quibus dixistis, quod præda hostium forent, introducam in terram, quæ displicuit

*Remissa
culpa re-
servatur
pœna tem-
poralis.*

Mmm 3

vobis.

vobis. Quod ut adhuc clarius appareat *v. 34.* ponit modum quo DEUS in modo computationis utitur, juxta numerum quadraginta dierum, quibus considerastis terram; annus pro die imputabitur. Fecit hoc ipsum DEUS apud *Ezech. c. 4. v. 6.* assumis iniquitatem domus Juda quadraginta diebus diem pro anno, diem inquam pro anno dedit tibi. Factum hoc ipsum est cum Aaron *Num. 20. v. 24.* Pergat Aaron ad populos suos, non enim intrabit in terram, quam dedi filiis Israël, eo quod incredulus fuerit ori meo ad aquas contradictionis. Tolle Aaron & filium ejus cum eo; & ducs eos in montem Hor, cumque nudaveris Patrem veste suâ, induces eâ Eleazarum filium ejus, Aaron colligetur, & morietur ibi. Nota verba illa eo quod incredulus fuerit ori meo. Quando nimirum in deserto fuit jussus percutere petram & tunc dubitavit an fieri possit, ut de durissimo saxo educeretur aqua. Fecit hoc ipsum DEUS pariter Moyse *Deuter. 32. v. 49.* Ascende in montem istum Abarim, id est transituum in montem Nebo, qui est in terra Moab contra Jericho, & vide terram Chanaam, quam Ego tradam filiis Israël obtinendam, & morere in monte. Causam subdit *v. 51.* quia prævaricati estis contra me in medio filiorum Israël ad aquas contradictionis in Cades deserti Sin. & non sanctificastis me inter filios Israël. Sic Davidi numeranti populum. *2. Reg. 24. versu 13.* à Gad Propheta jussu DEI denunciatur hujus peccati pœna, cumque venisset Gad ad David nunciavit ei dicens, aut septem annis veniet tibi fames in terra tuâ, aut tribus mensibus fugies adversarios tuos, & illi te persequentur, aut certè tribus diebus erit pestilentia in terrâ tuâ. Ex quibus deducitur in ipso Sacramento pœnitentiæ nomine satisfactio- nis intelligi opus aliquod pœnosum, quod à sacerdote ante absolutionem, in cautelam peccatorum in futurum & vindictam præteritorum confessio & pœnitenti imponitur. Unde S. Greg. in *6. Comment. suorum lib. in 1. Reg. c. 2.* inquit: Quid prodest confiteri flagitia, si confessionis vocem non sequitur afflictio pœnitentiæ. Tria quippe in unoquoque veraciter pœnitente consideranda sunt, videlicet conversio mentis, Confessio oris, & vindicta peccati. Nam qui corde non convertitur, quid prodest ei, si peccata confiteatur? peccatum quod diligitur, confitendo minimè deletur. Nonnulli quidem sunt, qui peccata confitendo aperiunt, sed non convertendo nequaquam detestantur. Hi profecto confitendo nihil agunt, quia

Satisfac-
tionis no-
mine intel-
ligitur pœ-
nitentiæ
à confessa-
rio imposi-
ta.

Tria in ve-
ro pœni-
tentere-
quisita.

quia quod loquendo efficiunt, amando introducunt. Unde etiam salubriter consentibus scriptura insinuat dicens: corde creditur ad Justitiam: ore autem confessio fit ad salutem. Quid est corde creditur ad Justitiam, nisi voluntatem dirigere ad fidem per dilectionem operantem. Cum ergo quis cordis intentionem ad Justitiam per amorem dirigit, per initium bonæ voluntatis fructum habet bonæ conversionis. Hic certe jam ad salutem confitetur, quia plus loquendo de vulnere ejicit, quam conversione compunxit. Tertia ergo species, id est, vindicta quasi medicina necessaria est, ut apostema reatus, quod conversione compungitur, confitendo purgetur, afflictionisque medicinâ sanetur. Tunc namque bene peccatorem conversum cernimus, cum dignâ afflictionis austeritate delere nititur, quod loquendo confitetur. Modum verò satisfactionis S. Aug. ostendit *hom. 50. ex l. 50. homil.* Non enim sufficit mores in melius commutare, & à factis malis recedere, nisi etiam de his, quæ facta sunt, satisfiat DEO per pœnitentiæ dolorem, per humilitatis gemitum, per contriti cordis sacrificium, cooperantibus eleemosynis. *Matt. 5. v. 7.* quoniam ipsorum miserebitur DEUS. Quoniam non tantum dictum est, ut abstineatis à peccatis, sed etiam de præteritis inquit *Eccl. 1. c. 21. v. 1.* Deprecare Dominum, ut tibi dimittantur. Quia non in sola mutatione & resipiscentiâ vitæ, sed in operibus quoque pœnalibus pœnitentiâ vera versatur. Hinc tam in lege naturæ, quam in scripta, quàm etiam gratiæ pœnitentiæ opera à DEO probantur. *Job. 42. v. 6.* Idcirco ipse me reprehendo, & ago pœnitentiâ in favilla & cinere. *Jona 3. v. 6.* dicitur. Pervenit verbum ad Regem Ninive, & surrexit de solio suo, & abjecit vestimentum suum à se, & indutus est sacco & sedit in cinere. Ut propterea nos *Joel. 1. c. 2. v. 12.* tam instanter commoneat. Convertimini ad me in toto corde vestro, in jejuniis, & in fletu, & in planctu. Quod quia fecit Achab Rex. *3. Reg. c. 21. v. 27.* Itaque cum audisset Achab sermones istos, scidit vestimenta sua, & operuit cilicio carnem suam, jejunavitque, & dormivit in sacco, & ambulavit demisso capite. Gloriatu est DEUS in hac Regis pœnitentiâ. Et factus est sermo Domini ad Eliam Thesbytem dicens: non vidisti humiliatum Achab coram me? Quia igitur humiliatus est mei causâ, non inducam malum in diebus ejus. Adeoque hæc ipsa velut laudabilia Christus commendavit. *Matt. 11. v. 21. v. 22.* v. tibi Corozaim, v. tibi Bethsaida quia si in Tyro & Sidone factæ

factæ essent virtutes, quæ facta sunt in vobis, olim in cilicio & in cinere pœnitentiam egissent.

Cum ergo satis clarè ostenderim dimissâ culpâ remanere pœnam, quam uti diximus ab æternâ; quam peccator commertitus fuisse, Sacerdos temporalem fecit; Certum est, quod hanc ipsam multum alleviet, confessus per dolorosam confessionem, & per affectuosam impletionem adjunctæ sibi pœnitentiæ. Servient tamen ad hæc expianda alia pia opera, nimirum oratio, jejunium & elemosyna, uti & alia opera mortificationis, quibus DEO hic satisfacimus, ne in purgatorio pro illis satisfacere cogamur. Quod autem hæc opera iram DEI mitigent, gratiam & veniam nobis impetrent, testem habemus scripturam 2. Esdræ. 9. v. 7. Convenerunt filii Israel in jejunio & in sacco, & humus super eos: Quibus actibus ostenderunt pœnitentiam super eo, quod commiscuerint se alienigenis populis, & à DEO recesserint. Reversi verò ad Dominum his actibus pœnitentiæ restaurarunt rursus Jerusalem, & à DEO in gratiam recepti sunt. Exemplum hujus pœnitentiæ habemus in Davide; qui peccati sui licet à DEO per Prophetam sibi dimissi perpetuum recoluit memoriam, & variis pœnitentiæ operibus DEO pro illo satisfecit. Audiamus illum ps. 68. v. 11. & operui in jejunio animam meam, & factum est in opprobrium mihi & posui vestimentum meum cilicium, & factus sum illis in parabolam. Rursus ps. 101. v. 10. quia cinerem tanquam panem manducabam & potum meum cum fletu miscebam. Sic Judith. 4. v. 8. Et clamavit omnis populus ad Dominum instantiâ magnâ, & humiliaverunt animas suas in jeuniis, & orationibus ipsi & mulieres eorum, & induerunt se sacerdotes cilicii, & infantes prostraverunt contra faciem templi, & altare Domini operuerunt cilicio. Quibus placatus Dominus excitavit Juditham heroinam, quâ auxiliante ab Holofernis castris liberati sunt. Jonæ caput tertium continet mirabilem pœnitentiam Regis, populi & ipsorum animalium, quâ usque adeo divinæ misericordiæ viscera commota sunt ut ab interitu servata fuerit civitas. Ubi expresse ostendit scriptura, DEO hæc opera eorum, quia conversi sunt de via suâ malâ, & misertus est DEUS super malitiam quam locutus fuerat, ut faciat eis, & non fecit. Annon Petrus lacrymis veniam obtinuit? Matt. 26. v. 71. recordatus est Petrus verbi JESU, quod dixerat, priusquam gallus cantet, ter me negabis, & egressus foras flevit amarè. Sic Magdalena Luc. 7. v. 37.

ad pe-

*Varia pia
opera sunt
satisfactoria.*

ad pedes Christi veniam obtinuit. Et ecce mulier, quæ erat in civitate peccatrix, ut agnovit, quod accubisset in domo Pharisei, attulit alabastrum unguenti, & stans retrò secus pedes ejus, lachrymis cœpit rigare pedes ejus & capillis capitis sui tergebat, & osculabatur pedes ejus, & unguento ungebat. Audi jam beneplacitum divinum; Remittuntur ei peccata multa, quia dilexit multum. Rursus *Luc. 18. versu 13.* publicanus à longè stans, nolebat nec oculos ad cælum levare, sed percutiebat pectus suum dicens: DEus propitius esto mihi peccatori. Vide complacentiam DEI! Dico vobis, descendit hic justificatus in domum suam. Iterum *Luc. 19. v. 8.* Zachæus restituens iniquè possessa, & sua in pauperes erogans, in gratiam recipitur. Stans autem Zachæus dixit ad Dominum: ecce dimidium bonorum meorum Domine, do pauperibus. Et si quid aliquem defraudavi, reddo quadruplum. Ait IESUS ad eum: Quia hodiè salus huic domui facta est, eo quod & ipse sit filius Abraham. Undè benè consideranda sunt verba illa 2. Paralip. c. 34. v. 27. Hæc dicit Dominus DEus Israël, quia audisti verba voluminis atque emollitum est cor tuum, & humiliatus es in conspectu DEI, super his, quæ dicta sunt contra locum hunc, & habitatores Jerusalem, reverentique faciem meam scidisti vestimenta tua, & flevisi coram me dicit Dominus, ego quoque exaudivi te. Quidquod DEus ipse sapius moderetur poenitentiam in rigide nimis poenitentibus. Nota est Serrati montis historia, ubi Joannes Guarinus magna cum sanctitate vitam agebat solitariam sicut dæmon, qui filiam Comitis loci illius Domini obsederat, dixerit, se non exiturum nisi à Guarino exire jubeatur. Quæritur, & inter rupes invenitur. Adest Comes cum filiâ, & rogat ut ab eâ dæmonem pellat. Negatis, se habere illa merita, utin dæmones exerceat imperium, orare se velle pro puellâ ut ab hospite tam malo liberetur. Orat, & dæmon puellam humi affligens disparet. In exitu tamen minatus est se rediturum, nisi diebus novem puellam apud Guarinum relinquat. Unde instantissimè rogârunt parentes, ut contubernium filiæ concedat. Ubi omnes abeunt, & Eremita solus cum puella mansit, exarsit in illius concupiscentiam, atque vim & vitium puellæ intulit. Ut autem seculus non proderetur, puellam occidit, occisam in fossâ lapidibus obruit. Interim redeunt parentes, & filiam repetunt, ille à se recessisse puellam asserit, fortè à feris absumptam, vel in aliquod præcipitum

tium delapsam esse. Credunt homini communi opinione Sancto, & tristes recedunt. At Guarinus ubi ad se rediit, penè desperavit, nisi à B. Virgine, cui devotus fuit, ad pœnitentiam agendam fuisset animatus. Pergit ergo Romam ad Adrianum Pontificem, cui confessus jubetur ad locum commissi sceleris redire, & severam agere pœnitentiam. Regressus ergo ad montem Serratum quadrupedis instar repebat, nec cœlum unquam intuitus est, Post trium aut quatuor annorum spatium miraculosè inventa est imago montis Serrati, quam ubi Episcopus ex monte transferre voluit, & in oppidum monti subiectum deportare, ubi ad locum venerunt, ubi tumultata jacebat filia, imago ulterius moveri non potuit. Unde tumultuario ex frondibus ibi erecto sacello imaginem deponunt. Sub idem tempus Comes in illâ viciniâ venatus per Canes Guarinum pilosum & monstrosum reperit; qui dum feræ instar hospitibus in mensâ ridendus exhibetur, trimestris in ulnis nutricis filiolus clarâ voce Guarinum alloquitur. Erige te Frater Guarine, nam DEUS remisit tibi peccatum tuum. Exiit ergo se Guarinus, & abjectus ad pedes Comitum peccatum suum confitetur, eique ad omnem pœnam se offert. Non potuit Comes velle punire illum, quem DEUS absolvit. Unum hoc postulavit ut filiz ossa ostenderet meliori loco tumulanda. Adeunt ergo simul fossam, lapides remonent, & filiam vivam reperiunt. Puella cum à loco illo recedere non vellet, extracto ibidem virginum cœnobio DEO & B. Virgini vitam suam sacravit; Guarinus verò ibidem non multò post pœnitentiâ, & meritis celebris mortuus est. Refert P. Joannes Baptista Cancellotus in *annal. suis marian.* Quod in Geldriæ oppido apud religiosum & pium Sacerdotem fuerit Maria neptis illius, hanc misit in urbem ad res necessarias coëmendas cum mandato, ut apud amitam per noctem maneret, si commodè ante noctem redire non posset. Accessit amitam, quæ ferociens puellam domo expulit, inter noctis tenebras ad fepes se recepit puella; Ubi non Superos sed omnes dæmones invocavit. Adest invocatus sub specie circumforanci, pollicetur auxilium, si se Mariæ nomine abdicet. Negat illâ, multis tamen tandem inducitur, ut saltem Eme se vocari patiatur. Quo facto in consortium illius, inò & thorum admittitur. Annos aliquot in libidine transegit turpissimè, sed tædio tandem capitur, & ubi ab illo inpetravit, ut Neomagum ad festa sibi liceret abire, in spectaculum ibi incidit, in quo

Guarino
pœnitenti
DEUS pec-
catum re-
misit.

Mariæ no-
men damo-
ni infen-
sum.

quo exhibebatur matris DEI in peccatores miſericordia, quæ res mi-
re animum puellæ commovit. Avertẽre illam rursus conatus eſt dæ-
mon, at renuentem, in aërem abreptam ingenti rursus vi in terram
collit, ab accurrentibus tamen hominibus ipſoque avunculo ſacer-
dote agnita, ad ſeriam peccatorum pœnitentiam eſt induc̃ta, atque
Romam miſſa ibidem ipſi Pontifici conſeſſa pœnitentiam accepit, ut
collum & brachium annulo ferreo conſtringeret, nec niſi attritu, aut
alia divinâ vi ſolvi patiatur. Illa in Patriam reverſa quatuordecim
integris annis ferreos illos annulos tulit, uſque dum ſibi noctu illos
ab angelo ſolvi vidit, & altero abinde anno ſeliciter exſpiravit. Et
negemus DEO placere pœnitentiam, quam tantis prodigiis oſten-
dit ſibi fuiſſe acceptam. Objiciunt tamen Calvinus & Beza homines
molliffimi, & dicunt ſufficere mutationem vitæ, & reſpiſcentiam,
illam tam rigidam aſperitatem non eſſe neceſſariam. Audiamus ob-
ſecro S. Aug. *hom. 50. ex 50.* Et cum protulerit ſeveriſſimæ medici-
næ ſententiam, veniet ad Antitiſtites, per quos illi in Eccleſiâ, cla-
ves miniſtrentur, & tanquam bonus jam incipiens eſſe filius, mater-
norum membrorum ordine cuſtodito à Prepoſitis ſacrorum acci-
piat ſatiſfactionis ſuæ modum. Circa finem deinde concludit. Non
enim ſufficit mores in melius mutare, & à factis malis recedere, niſi
etiam de his, quæ facta ſunt, ſatiſfiat DEO. Non enim dictum eſt,
ut tantum abſtineatis à peccatis, ſed etiam de præteritis inquit, *Ec-
cleſ. c. 2. v. 1.* deprecare Dominum, ut tibi dimittantur. Ubi duo
habes nempe ex conſilio Sapientis, ut de præteritis depreceris Do-
minum, ut tibi illa indulgeat, & miſericordiam in pauperes, ut per
illa facias tibi DEum propitium. Quod verò eleemoſyna veniam
impetret, audiamus illud *Tob. 4. v. 11.* Eleemoſyna ab omni pecca-
to, & à mortẽ liberat, & non patietur animam ire in tenebras, ſi-
ducia magna erit coram ſummo DEO eleemoſyna, omnibus facien-
tibus eam. Et *Prov. 16. v. 6.* Miſericordiâ & veritate redimitur ini-
quitas. Non enim fruſtra dixit *Ecceſ. 3. v. 53.* Ignem ardentem ex-
tinguet aqua, & in eleemoſynis impetrabit veniam peccati. Quare
DEus nos ad ſimilia opera pietatis, & ſatiſfactionis hortatur *Joël. 2.
v. 12.* Convertimini ad me in toto corde veſtro in jejunio & ſctu, &
in planctu. Certẽ commovere nos deberet cohortatio *Iſa. 1. v. 16.*
Lavamini, mundi eſtote, auſerte malum cogitationum veſtrarum ab
oculis meis, quieſcite agere perversẽ, diſcite benefacere, quærite

DEus per
angelum
pœnitenti
puella mo-
dum ſta-
mit.

Eleemoſy-
na veniam
peccato-
rum impe-
trat.

judicium, subvenite oppresso, judicate pupillo, defendite viduam, si fuerint peccata vestra ut coccinum, quasi nix dealbabuntur. S. Joannes in eremo, profectò non nudam tantum voluit resipiscentiam; quando ad opera pœnitentiæ Judæos à se baptizatos est cohortatus. Facite ergo inquit *Luc. 3. v. 8.* fructus dignos pœnitentiæ. Causam hujus dat S. Paulus *1. ad Cor. 11. v. 31.* Quod si nosmetipsos judicaremus, non utique judicaremur. Certè enim si judices æqui foremus, tunc æquam de peccatis vindictam sumeremus, ut sic læsæ justitiæ divinæ satisficeret; dicente S. Paulo *2. ad Cor. 7. v. 10.* Quæ enim secundum DEum est tristitia, pœnitentiam in salutem stabilem operatur. Expertus est suavitatem hanc pœnitentiæ Eremita Jacobus, qui post multos annos in eremo exactos, ad illam sanctitatis famam venit, ut plurimos ad Christum vel sui nominis æstimatione adduceret. Invidit hos progressus Sathan, & per Samaritanum aliquem auro corruptit prostitutam scœminam, quæ se in sylvâ errantem simulavit, ut hospitium impetraret, & ad flagitium induceret. Quare ad Sancti viri tugurium nocte pervenit, pulsat, admitti rogat, ne bestiis in prædam cedat. Ægrè illam admisit, & pane, atque aquâ recreavit, sed illa infirmam se simulans oseo sibi pectus inungi rogat, quod ille sic caute præstitit, ut dextrâ quidem ungeret, lævam interim ad ardentes prunas ustularet, ne turpibus amoribus arderet. Attonita mulier fassa suum scelus, melioribus instructa monitis discessit. Quare alia fraus erat tentanda dæmoni. Insedit ille nobilem puellam, & clarè edixit, se inde non exiturum, nisi à Jacobo Eremita expelleretur. Inquiritur à mœstis parentibus eremicola; eique reperto puellam sistunt, ut precibus suis malum hospitem expellat, orat Jacobus & dæmon cedit. Parentes ergo DEO & Eremicolæ prolixas gratias agunt. Ne tamen dirus hospes redeat, rogant, ut triduo saltem puellam secum detineat. Vix digressis parentibus ardere libidine cœpit Eremicola, & demique exardescens, vitium infert innocentem puellâ. Ne verò crimen prodatur, puellam occidit, & in vicinum flumen abjicit. Eò progressus est, ut eremum deserere, & voluptates carnis in mundo sequi decreverit. Incidit tamen in virum bonum, cui vulnus animæ detegit, quod in DEI misericordiâ bene animatus ut feliciter curaret, invenit. Dum ergo ad Eremum pristinam redire parat, ad specum mortuorum ossibus horridum pervenit, huc ille progressus sepulchrum vivus subiit,

Jacobus
Eremita
ignes igni-
bus extin-
guit in ten-
tatione.

subiit, & in decimum usque annum pœnitentiam extendit, neque unquam oculos in cœlum crexit. Ut verò pœnitentiæ pretium ostenderet DEus, siccitatem grandem toti regioni inmisit, simulque Episcopo revelavit, hanc non nisi Jacobi pœnitentis precibus removendam. Adest cum Clero & populo Episcopus, rogat, ut oret, & pluviam à cœlo petat. Et ecce dum ille oculos in cœlum elevat, repente cœlo effusus imber viri sanctitatem docuit: Mortuus est, uti testatur Petrus Ribadeneira in floribus Sanct. 28. Januarii anno ætatis septuagesimo quinto eoque loco templum est ædificatum. O quam verum est illud Paulinum. Quæ secundum DEum tristitia est, pœnitentiam in salutem stabilem operatur. Experti sunt illi qui ad pœnitentiam seriam inducti, vel ipsa peccata sua atrâ sepiâ notata deleverunt. Fuit Sacerdos pius, qui sub missâ vidit dæmonem in pergamênâ amplissimâ intentissimè scribere, cumque membrana deficeret, vidit, quòd ipsius dentibus illam extraxerit, & factorum more extenderit. Ad hunc peracto sacro conversus sacerdos in virtute JESU Christi præcepit, ut coram omni populo ediceret, quid scripsisset? Respondit, scripsisse se omnia mendacia, detractiones, aspectus lascivos, impudica desideria, omnia denique peccata populi, quæ sub sacro commissa fuerunt, Sacerdos acceptâ membranâ peccata populi legit, & omnes ad seriam confessionem est hortatus, quâ peractâ membrana illa candida planè visa est, & dæmon confusus recessit. Ne tamen pœnis nos ipsos consciamus, facilem nobis viam ostendit Christus *Luc. II. v. 41.* Verumtamen, quod superest, date elemosynam, & omnia munda sunt vobis. *Prov. namque 15. v. 27.* dicitur per misericordiam & fidem purgantur peccata. Cujus evidentiam confirmat *Matth. c. 25. v. 34.* Venite benedicti Patris mei, possidete vobis paratum regnum. Causam audite, efurivi enim, & dedistis mihi manducare. Ne verò pauper queratur salutis sibi medium subtractum; habet etiam elemosynam spirituales, quam semper paratam domi suæ inveniet *Luc 6. versu 37.* clarè dicitur: Dimittite, & dimittemini. Quod graviter planè confirmat *S. Matth. c. 6. v. 14.* si dimiseritis hominibus peccata eorum, dimittet, vobis & Pater vester delicta vestra. Quis non abundat hac satisfactionis materiâ. Quia verò de hac alibi fusius tractabimus, ad illa me in sequenti Pater nosse remitto.

*Pœnitentia Jacobi
Eremitæ
divinitus
gloriosa fit.*

*Peccata à
dæmone in
pellesci-
pta per
confessionem
faciamur
etiam de-
sentur.*

Effectus
indulgentiarum est
remissio
pœnæ in fo-
ro sacra-
mentali,
& in foro
DEI.

Effectus ergo indulgentiarum est remissio pœnæ temporalis, quæ quia duplex est, una quæ spectat ad forum DEI luenda in purgatorio, altera in foro sacramentali ex præcepto & arbitrio Confessarii imponenda, sciendum est, quod ex sententia S. Th. in 4. distinct. 20. q. 1. art. 3. per indulgentiam remittitur illa in foro sacramentali à Sacerdote inuncta, & altera in foro DEI. Quia ex usu indulgentiarum habemus, quod ideo sit introductus, ut suppleantingentes pœnitentias, quas juxta sacros Canones olim confessarii imponebant. Pro foro autem DEI militat ratio, quia si non remitterentur pœnæ in foro DEI, pœnitens alleviaretur levioribus pœnitentiis ipsius confessarii, & remitteretur ad graviores ipsius purgatorii. Cum enim hac ætate in foro sacramentali exiguæ imponantur pœnitentiæ, exiguus foret fructus indulgentiarum, si illæ tantum remitterentur. Cum tamen Concil. Trid. sess. 25. c. 21. in decret. de indulgentiis. definiat, illarum usum esse populo Christiano maximè salutarem. Ex quo deduces, quod ad omnes indulgentias consequendas necessaria sit confessio & status gratiæ. Non male SS. Patres statum hominis peccatoris cum leproso compararunt, qui ex lege Moysis duplex malum passus est, nempe lepram ipsam, & exilium ab urbe, neque enim leprosos intra urbem admiserunt. Duo habet mala peccator, culpam nimirum & pœnam, culpam tollit Sacerdos per Sacramentalem absolutionem. Dum corde contrito confiteris peccata tua, ad cœlestem tamen civitatem non admittebis, nisi etiam indulgentiam & remissionem à pœna commerita obtineas. Nemo ignorat Ecclesiam cum navi comparari, quæ quantis jactetur procellis, quisque nostrum videt. Huic Navarchus à DEO datus est summus Pontifex, qui velut artis nauticæ bene peritus evacuare vult sentinam, ne navis Ecclesiæ tot peccatorum sordibus onerata subsidat. Tremendum est, quod de muliere parricida narrat Sophronius in prælo spirituali c. 76. quæ in navim admissa, illam sic stitit, ut propitiis licet ventis ex portu solvere non posset, licet reliqua navigia omnia felicissimè ex portu solvissent. Hæsit ergo navis quindecim integris diebus in portu cum omnium admiratione, ideoque omnes conversi ad DEum rogarunt, ut impedimentum aperiret. Cum ecce audivit vocem Navarchus, quæ dixit, ut mulier Maria nomine ex navi ejiciatur. Quærebatur hæc mulier, quam inventam interrogavit Navarchus, quomodo DEum offenderit, falsa est, se per-

Status pec-
catoris est
status le-
prosi.

Ecclesia
navis cu-
jus sen-
tina per
indulgen-
tias eva-
cuatur.

Mulier
parricida
filiorum
suorum
navim fi-
xit.

missæ

misſe duos filios ſuos, ut ſibi ad ſecundas nuptias faciliorem viam aperiret, quas tamen aſſecuta non eſt, quia vel ipſe procius facinus crudele fuit deſeſtatus. Ubi hoc cognovit Gubernator, mandavit, ut ſcapha pararetur, quæ mulierem ex navigio egreſſam in littus reduceret. Ad ſcapham ubi mulier deſcendit, & navicula ab oneraria ſoluta fuit, in conſpectu omnium ſcapha quinquies in gyrum verſit, & cum muliere in profundum demerſa periit, ſalviſtamen nauis, quæ ad onerariam adnatarunt. Navis deinde oneraria tam pernici curſu iter ſuum peregit, ut triduo illud iter fecerit, quod quindecim diebus vix potuiſſet confeſſiſſe. Merito inclamat nobis ſolicitus Pontifex per Prædicatores, & Confeſſarios ut ſentinam expurgemus, id eſt peccata noſtra confeſſeamur. Debemus enim ex mandato S. Pauli 1. ad Tim. 2. verſu 8. puras ad DEum levare manus, ne forte nobis objiciatur illud Iſa. 1. verſu 15. Cum extenderitis manus veſtras, avertam oculos meos à vobis. Ut ergo manus noſtras mundemus, balneum ordinat ſacram confeſſionem. Olim Synagoga tria habebat lavacra, primum extra templum piſcinam probaticam de quâ Joann. 5. habetur, quod primus qui ad motum angeli deſcendit in eam, fuerit ſanatus. Secundum fuit intra templum, & erat mare æneum, in quo lavabantur viſtimæ. Tertium in interiore adhuc templi parte fuit, de quo Exodi 38. verſu 8. fecitque labrum æneum cum baſi ſua de ſpeculis mulierum, quæ ex-
 eubabant in oſtio tabernaculi. Etiam Eccleſia habet tria lavacra.
 nimirum baptiſinum, qui poteſt comparari cum piſcina probati-
 cæ. Alterum lavacrum eſt pœnitentia, quæ aſſimilari poteſt mari
 æneo jam intra Eccleſiam, de quo Oſorius ex l. 2. Reg. c. 8. re-
 fert, quod fuerit conſectum ex idolis Syrorum, & ſpoliis expug-
 natarum urbium, & gentium. Tertium denique ex ſpeculis, mulierum; ubi gloſſa per mulieres intelligit animas ſanctas, ſpecu-
 la vero putat eſſe illarum ſuperſuas ſatiſfactiones, quibus expiamur
 per indulgentias, ſic ut à culpâ & à pœniâ omnino mundi ſiamus.
 Inſtituta quando apud S. Catharinam Senenſem confeſſarius ipſius
 S. Raymundus, ut ſibi orationibus ſuis apud DEum plenariam indul-
 gentiam impetraret. Dum is minimè cogitat, repente illum in Mu-
 ſæo ſuo obruit lachrymarum imber, quo perſuſus, intimè ſe DEO
 conjunxit, & intellexit ſibi precibus S. Catharinæ Senenſis hoc in ſi-
 gnum plenariæ indulgentiæ conſeſſum fuiſſe. En felix planè lava-
 gentium.
 crum,

S. Raymundus
 precibus
 S. Catharinæ
 Senenſis
 obtinet
 plenariam
 indulgentiam.

S. Franciscus Indulgentiam pro Portiuncula obtinet.

crum, quo ablatus Raymundus cœpit esse nova quasi Creatura. Peccata nubes sunt dicente *Isaia c. 59. v. 2.* Iniquitates vestrae diviserunt inter vos, & DEum vestrum. Ubi peccata seu nubes hæ resolvuntur in lachrymas pœnitentiæ suavisima cœlestis gratiæ stillicidia deplount. Unde tam sollicitè apud Christum summum Ecclesiæ caput institit S. Franciscus, ut indulgentiâ plenariam obtineret, cujus admiranda gratia cum singulares cœli favores contineat, ego fusius ex *Chronica S. Francisci. l. 2. c. 1.* referam. Accidit Anno Christi. 1223. non procul a Missio in templo B. Virginis Porticellâ, aut Portiuncula dictâ, ut Seraphico ardore æstuaret Franciscus animarum salutem, & pro his inter lachrymas precaretur DEum. Adfuit oranti angelus, qui ad templum eundem evocavit, ubi cum Iesus & Maria expectaverunt. Abit properanter, & in summo altari in Regio throno Christum, à dextris autem illius, B. Virginem confidentes reperit. Latæra stipabant Angelorum chori. In terram supplex procidit Franciscus, statimque audit hanc vocem à Christo, quod exaudita sit ejus oratio pro salute animarum; licere sibi nunc petere, quod judicaret aptissimum. Recollegit se Franciscus, & Christum allocutus petiit, ut omnes Christiani rite confessi, templum illud visitaturi plenariam consequantur indulgentiam. Conversus deinde ad B. Virginem rogavit, ut nostra dignaretur esse patrona. Quam filius clementissimè S. Francisco concessit, sic tamen ut ad suum Vicarium accedat, suoque nomine eandem indulgentiam petat. Quo facto visio evanuit. Plenus gaudio Franciscus F. Mascum vocat, & cum eo Perusium, ubi tunc erat Pontifex, abit. Erat is Honorius, à quo nomine Christi & Mariæ pro animarum salute plenariam indulgentiam pro templo Porticellâ postulat. Pontifex re collata cum Cardinalibus eidem indulgentiam pro uno die in anno concedit, idque in perpetuum. Abitum parabat Franciscus, adeoque Pontifici gratias agit, sed à Pontifice revocatus interrogatur, cur bullam non recipiat? Respondit se bullâ non indigere, cum obtentæ gratiæ sit testis B. Virgo, tantique Angelorum chori, ipsèque Christus sit Notarius, quod quidem ipse Christus confirmavit, cum enim in reditu in nosocomium divertisset, ei Christus apparuit, & dixit: Indulgentias hæc in cœleste bullarium jam esse relatas. Ubi advertis amice Lector quod Christus minimè S. Franciscum ad Pontificem amandasset, si Ho-

fi Honorius tunc Romanus Pontifex clavim ad merita Christi non habuisset.

Est ergo in Ecclesiâ Apostolico Romanâ potestas conferendi indulgentias. Hanc conclusionē P. Gobat hoc syllogismo demonstrat: si tam Christo quàm plurimis aliis sanctis supersunt plurimæ, imò infinitæ satisfactiões, quæ possint applicari vivis membris Christi in relaxationem pœnæ peccatis illorum debitæ, tunc est in Ecclesiâ potestas largiendi indulgentias: Atqui tam Christo, quàm plurimis sanctis supersunt plurimæ, imò infinitæ satisfactiões, quæ possunt applicari ab Ecclesia vivis illius membris in relaxationem pœnæ peccatis debitæ, ergo est in Ecclesia vera potestas largiendi indulgentias. Majorem ipsi hæretici concedunt, quia per potestatem dandi indulgentias aliud non intelligimus. Minor etsi ex dictis hætenus sufficienter probata censeari possit, tamen breviter sic confirmatur, quo ad primam partem, quòd nempe Christo & sanctis supersint satisfactiões. Quia Christus 1. Joan. 2. v. 2. est propitiatio pro peccatis nostris, non pro nostris tantum, sed pro totius mundi, id est, etiam pro illis qui hætenus sunt damnati. Cum ergo illæ satisfactiões illis velut incapacibus re ipsa applicatæ non sint, sed remanserint, supersunt ergo. Quod ipsum de satisfactiõibus B. Virginis & plurimorum SS. Martyrum, Eremitarum, Anachoretarum, sanctorum confessorum, & virginum, credendum est, quos DEUS scit exercuisse plurima opera, per quæ potuisset satisfieri pro plurimis peccatis, quod tamen defacto re ipsa factum non est. Quod autem hæ plurimæ sint, imò infinitæ, manifestum est hoc de meritis Christi, ex cujus personæ infinitate infinita laudabilitas, & vis satisfaciendi in opera illius refunditur. Supersunt ergo Christo, B. Virgini & Sanctis DEI plurimæ & infinitæ satisfactiões. Quod autem illæ nobis applicari possint in satisfactionem pœnarum pro peccatis nobis debitarum ostenditur, quia nulla repugnantia vel physica vel moralis ostendi potest ab hæreticis, cur id fieri non possit? Et in symbolo fidei nomine Communionis sanctorum aliud non intelligimus, quam talem membrorum Christi inter se & cum suo capite conjunctionem. Ut sicut viva membra corporis, sibi mutuam ferunt opem, ita etiam mystica membra corporis mystici sibi invicem valeant bona sua Communicare. Porro hanc applicationem posse fieri ab Ecclesia ostendimus ex verbis Christi Joan. 21. v. 18. Pascue oves meas.

O o o o

Per

Per quæ verba uti communiter docent scholæ, intelligitur omnis actus jurisdictionis ad claudendum, vel aperiendum cælum, qualis actus jurisdictionis revera est indulgentiarum concessio. Quare merito à S. Thoma reprobat opinionio illa paucorum, qui putarunt, indulgentiæ largitionem esse piam quamdam fraudem Ecclesiæ, ut illarum spe alleccti homines faciant opera pia, quibus iram divinam mitigent.

Indulgentia est duplex, plenaria & non plenaria.

Indulgentiam plenariam omnes pœnas extinguere docet indulgentia Portuensis.

Est autem communiter indulgentia duplex, plenaria nimirum, & non plenaria, seu partialis. Et licet aliqui faciant inter plenariam plenam, & plenariam plenissimam distinctionem, ego tamen puto, vix aliquam faciendam, cum per indulgentiam plenariam simpliciter intelligatur dari relaxatio omnium pœnarum, quas quis in purgatorio luere deberet. Sic, ut si tunc aliquem mori contingeret, absque ulla mora sine purgatorio cælum intraret. Quod in prima illa indulgentia plenariâ ad Porticellam accidit. Cum enim in secundâ Augusti mirabilis hæc indulgentia publicata fuisset, centum viginti Sclavi etiam ad illud templum convenerunt, inter quos fuit mulier, quæ ibidem peractâ confessione & Communione ac persolutis debitis precibus in gravem infirmitatem incidit atque è vivis decessit, sociis verò dum mare trajicerent redituri in patriam, in ipso mari navigantibus apparuit, eosque de suâ salute certificavit: dicens se obtentâ plenariâ indulgentiâ mortuam, cælum sine omni purgatorio ingressam esse. Quo dicto disparuit grandi consolatione relicta apud itineris socios. Non otiosè tamen queri potest, quomodo intelligi debeat, si in bullâ, qua conceditur indulgentia plenaria, addantur aliquando partiales? Negat Soarez, & cum illo Palao, se similem bullam vidisse. Gobatrespondet, quod illi dies vel anni per modum suffragii aliis possint applicari. Partialis verò indulgentia, vel non plenaria verbi gratiâ unius anni juxta communem Theologorum opinionem est remissio tantarum pœnarum purgatorii, quantæ delerentur per pœnitentiam unius anni secundum antiquos Canones. Sic si propter centum peccata mortalia confessa, & absolutione donata, deberetur pœna in purgatorio septingentorum annorum, per indulgentiam partialem centum annorum obtentam, non remaneret pœna nisi sexcentorum annorum, quæ per opus simile adhuc sexies repetitum tandem penitus extingueretur. Hoc loco breviter agendum censui de Jubilæo, quod optime describit Lezana

in

in summa quest. regul. tom. 3. verb. Jubil. Jubilæum inquit est indulgentia plenaria à summo Pontifice concessa visitantibus certas Ecclesias ac certa pia opera facientibus, cum facultatibus circa absolutionem à Casibus reservatis, censuris & commutationem in votis. Quod licet Polydorus Virgilius, & alii putent incepisse primum sub Bonifacio VIII. anno Christi 1300. cum tanto concursu, ut omnes plateæ Romæ peregrinis plenæ essent, tamen negari non debet, quin etiam ante illa tempora fuerit, cum probati authores referant principium Jubilæi ad tempora SS. Apostolorum Petri & Pauli uti supra ex illo Corinthio à Paulo excommunicato ostendimus. Atque adeo quando Bonifacius octavus primum Anno Christi 1300. instituisse dicitur, intelligi debet, quod is suorum Prædecessorum exemplum secutus primus editâ bullâ statuerit, ut singulis sæculis, id est, quovis centesimo anno, Jubilæus annus Romæ celebraretur. Quia verò pauci homines illum centesimū attingunt annum, propter vitæ humanæ brevitatem, & infiniti interim homines extinguuntur, Clemens Sextus anno Christi 1350. ad quinquagesimum annum revocavit, & dicto illo anno prima vice jubilæum quinquaginta annis fuit anticipatus. Quia verò magnus fructus anni Jubilæi in Ecclesia apparuit, Paulus Secundus anno Christi 1470. statuit, ut quovis vigesimo quinto anno imposterum Jubilæum celebraretur, adeoque Sixtus quartus illud anno Christi 1475. Alexander Sextus anno Christi 1500. Clemens septimus pro anno Christi 1525. Julius Tertius pro anno 1550. Gregorius Decimus tertius pro anno Christi 1575. Clemens Octavus pro anno Christi 1600. Urbanus Octavus pro anno Christi 1625. Innocentius Decimus pro anno Christi 1650. Deinum Innocentius Undecimus pro anno Christi 1675. indixere.

Quæ verò dispositio requiratur ad obtinendum indulgentias, vel Jubilæum, communis est sensus omnium Doctorem, quod debeat esse statim gratiæ, sic ut nemo lucrari possit indulgentiam, si in peccato mortali existat, & ratio est, quia non dimittitur pœna, nisi post dimissam culpam. Hinc enim verò est, uti supra diximus, quod in Jubilæis & Indulgentiis plenariis semper dicatur, qui ritè peccata sua confessi, & communione sacra refecti fuerint. Cum enim hæc remissio sit gratiosa, & filiis bonis debita, eam neutiquam merentur inimici Christi, quales sunt omnes peccatores, qui in statu peccati mortalis actu persistunt. Notandum deinde est, quod præter confessionem &

communione præcipiatur oratio cum certâ intentione nempe pro concordia Principum Christianorum, extirpatione hærefum, sanctæ matris Ecclesiæ exaltatione, vel etiam pro aliis necessitatibus occurrentibus, quod sic intelligitur, ut oratio fiat in Ecclesia, vel loco, ubi indulgentia conceditur & sunt ut minimum quinque Pater & Ave. Uti docet P. Gobat: Quod ex eo patet, quia in bulla Jubilæi, vel Indulgentiæ plenariæ communiter dicitur, qui Ecclesiam visitaverit, quod est locale.

*Differen-
tia inter
Jubilæum
& Indul-
gentiam
plenariam.*

Ex quo ulterius patet, quod differentia inter Jubilæum, & Indulgentiam, extra Romam, alia non sit, quam quod in Jubilæo sit amplior licentia absolvendi à casibus reservatis, & dispensandi vel commutandi in votis, juxta concessionem bullæ Pontificiæ. Unde bene advertendum, quæ in bulla præcipiantur, ut si fortè gravibus casibus intricati simus, vel votis sinus involuti, cum plenariâ indulgentiâ liberiores statum animæ in Jubilæo consequamur. Et hæc est praxis Ecclesiæ continuata ad nostra usque tempora, vel ab ipso primo Concilio Nicæno, quod ipsi hæretici in suâ confessionis Augustinæ initio pro sancto & intemerato habent. Hoc ergo Concilium Can. 11. v. 12. expressè habet, ut pro animi ardore, quo quis injunctam cœpit agere pœnitentiam, illi Episcopus possit præstare Indulgentiam. Quod non potest intelligi de solâ remissione peccati quoad culpam, quia impium esset, hoc peccatori pœnitenti negare, sed quo ad pœnam, ut sic homines ad pœnitentiam in vita promptius agendam animentur. Quæ omnia imperturbatè in Ecclesia DEI steterunt, usque dum indulgentiæ bullæ Cruciatæ fuerunt promulgatæ, ubi propter pericula maxima Christianitatis, ob potentiam nimiam Turcarum, non tantum preces, & pia opera, sed etiam subsidium pecuniarum contra tam formidandum hostem fuit petitum. Et quia harum indulgentiarum publicatio fuit concessa PP. Dominicanis, non verò à Pontifice delata, vel demandata fuit PP. Augustinianis, Lutherus tunc Augustinianus eloquens & celebris, sed tumidus concionator, cum is arroganter sibi hoc deberi crederet, & indignè ferret, aliis hoc munus delatum esse, acrius contra Indulgentias has à Sede Apostolicâ concessas debacchatus est; Cumque merito metueret, ne ad commercium suæ impudentiæ traheretur pœnam, desperatâ veniâ, turpissimè ab Ecclesia penitus defecit.

*Indulgentiæ bullæ
Cruciatæ
occafio o-
portuit
Lutheri.*

DIS-

ARTICULUS X.

Remissionem peccatorum.

DISCURSUS XL.

In Ecclesia Christi est vera remissio
peccatorum ; nullumq̃ peccatum est, quod non re-
mitti possit,

Ecclēsia in symbolo suo fusiore dum verbis illis utitur : Con-
fiteor unum baptisma in remissionem peccatorum præter
Sacramentum Pœnitentiæ & Contritionem, quæ in adultis,
qui in peccatum lapsi sunt, requiritur, ostendit etiam ipsum
baptismum à Christo institutum, ut per hunc in infantibus peccatum
originale, in adultis verò nondum baptizatis & originale, & actua-
lia omnia extinguantur. Sicut ergo peccatum duplex est, Origi-
nale, & actuale, ita etiam est duplex remissionis remedium, nempe
pro infantibus in originali peccato natis baptismus, pro adultis verò
post baptismum lapsis Sacramentum Pœnitentiæ, & confessio. Nega-
vit quidem Lutherus per baptismum tolli peccatum Originale, sed peccatum
falsum & erroneum hoc esse docet universalis Ecclesia. Si enim in tollitur per
vetere lege parvulos juvit circumcisio *Genes. 17. v. 14.* Masculus cu- baptismum.
jus præputii caro circumcisa non fuerit, delebitur anima illa de po-
pulo suo, quia pactum meum irritum fecit. Quidni in lege gratiæ
parvulos juvet baptismus? cum alioquin minus efficax esset gratia
Christi, quàm sit peccatum Adami, quod manifestè repugnat S. Pau-
lo *ad Rom. 5. v. 15.* Si enim unius delicto multi mortui sunt, multo
magis gratia DEI & donum in gratia unius hominis Jesu Christi in
plures abundavit. Adeoque verba quæ Christus apud S. *Joan. c. 3. v. 5.*
Oooo 3 dixit :

dixit : Nisi quis renatus fuerit ex aqua & Spiritu sancto non potest introire in regnum DEI. S. Aug. l. 1. de peccat. & merit. c. 30. non vult esse præceptum, sed medium ad salutem consequendam. Quod deducitur ex ratione, quam Christus ipse v. 6. assignat dicens : quod natum est ex carne caro est, & quod natum est ex Spiritu, Spiritus est. Non mireris quia dixi tibi, oportet vos nasci denuo. Quasi diceret nos homines nascimur carnales, & peccatores, atque adeo servi peccati; necessarium est proinde contra hoc tam grave malum remedium, quod statuo baptismum. Neque enim frustra Christus ibidem v. 14. dedit instantiam ænei serpentis. Sicut Moyses exaltavit serpentem in deserto, ita exaltari oportet filium hominis, ut omnis, qui credit in ipsum non pereat, sed habeat vitam æternam. Quod idem est ac dicere : Sicut serpens ille visus & aspectus, erat unicum contra ignitorum serpentum morsum antidotum; ita baptismus erit in Ecclesia unicuique contra mortem æternam remedium. Hinc S. Aug. Ep. 20. ad Hier. tam graviter affirmat. Quisquis asserit, quod in Christo vivificabuntur etiam parvuli, qui sine sacramenti huius participatione de vita exeunt, hic profectio & contra Apostolicam prædicationem venit, & totam condemnat Ecclesiam. Ubi propterea cum baptizandis parvulis festinatur & curritur, quia sine dubio creditur, aliter eos in Christo omnino vivificari non posse. Vidit hoc portentose planè S. Maria Oegniacensis, cum enim in præsentia illius puerulus quidam baptizaretur, ubi in consuetis cæremoniis, per exorcismos actum est, dæmon visibiliter fugatus disparuit; ad affusam verò aquam, seu actuale baptismum manifestè in forma columbæ spiritus S. puero visus est insidere. Merito proinde S. Aug. l. 3. de orig. anim. c. 9. inquit, Noli credere, noli dicere, infantes antequam baptizarentur morte præventos pervenire posse ad originale indulgentiam peccatorum, si vis esse Catholicus. Verùm quia hæc materia fufius tractanda est in Sacramento baptismi, eo me propitio DEO remitto.

Agendum ergo hoc loco est de remissione peccatorum, quatenus est secunda post naufragium Tabula, seu homini post baptismum lapsò unicum salutis remedium. Adverto autem quod Luc. 3. v. 3. dicatur de S. Joanne Baptista. Et venit in omnem regionem Jordanis prædicans baptismum pœnitentiæ in remissionem peccatorum.

Ubi

Maria Oegniacensis videt in baptismo pelli dæmonem & Spiritum sanctum dari.

Ubi non sine mysterio Pœnitentia baptismus dicitur. Licet enim realiter duo Sacramenta sint, & differant, quo ad materiam & formam; & baptismus sit prima tabula, Pœnitentia vero dicatur secunda post naufragium tabula, sunt tamen quo ad rationem hujus effectus nempe remissionis peccatorum omnino similia. Ut proinde Origenes dixerit: Agite pœnitentiam, ut in remissionem peccatorum baptismus quoque consequamini. Quod prævidens *Isaias c. 1. v. 18.* omnino nos ad pœnitentiam hortatur, nosque de effectu illius securos facit, dicens: Si fuerint peccata vestra ut coccinum, quasi nix dealbabuntur, & si fuerint rubra quasi vermiculus, velut lana alba erunt. Impossibile putavit hoc *Jeremias. c. 13. v. 23.* dicens: si mutare potest æthiops pellem suam, aut *Pardus* varietates suas? Sed impossibile non esse docet *Thadæus Perusinus in Isa. c. 1.* dum inquit, in *Jordane* Christus lavit nostra crimina. Quod ut intelligatur, dicit, non solum sensum quem verba faciunt, sed juxta sensum, quem verba faciunt, accipi debere. Anima enim est, quæ lavatur. Sic enim *Apoc. 1. v. 6.* Lavit nos à peccatis nostris in sanguine suo. Quod *c. 7. v. 14.* repetit, dicens: Laverunt stolas suas, & dealbaverunt eas in sanguine agni. Pergit citatus *Perusinus*, & illud *Is. 1. v. 18.* sic legit: si fuerint peccata vestra ut coccinum, animæ vestræ dealbabuntur ut nix, adeoque concludit. Nemo eorum qui in profundum iniquitatum devenerunt, de seipso desperet, quandoquidem pœnitentiâ du-
Pœnitentia est baptis-
mus seu remissio peccato-
rum.
Nemo de remissione peccato-
rum despe-
ret.

ctus, si habitum vitiorum contraxeris, vel restrinxeris, non solum salvaberis, sed sicut lana candida dealbaberis. Et hoc est, quod sponsa *Cant. 1. v. 4.* dicit. Nigra sum sed formosa. Nigra dicit *S. Hieron. bom. 2. in Cant.* pro eo quod non descendendo de stirpe clarorum virorum, habeo tamen pulchritudinem meam mecum. Ego sum illa æthiopissa, ego sum nigra quidem pro ignobilitate generis, formosa vero propter pœnitentiam, & fidem. Ut proinde exclamet *Origenes bom. 1. in Cant. 1.* Pœnitentiam egit à peccatis. Speciem ei largita est Confessio, & ideo speciosa cantatur. Chaldaica Paraphrasis per sponsam nigram, sed formosam intelligit Synagogam. Quando enim fecit *Domus Israël* vitulum, inquit, denigratæ sunt facies eorum, sicut filiorum æthiopissæ, qui commorantur in tabernaculis Cedar, & quando egerunt pœnitentiam, dimissum est eis peccatum, & multiplicatus fuit splendor vultus eorum, sicut vultus angelorum. Pulchrè
con-

*Pœnitentia
immutat
hominem.*

concludit Philo Carpatius in c. 1. *Cant.* Nigra propter delicta, formosa ob pœnitentiam. Quod si dicam, quod pœnitentia planè immutet hominem, tuebitur me S. Lucas c. 7. v. 39. dum Magdalenam pœnitentem exhibet. Fuit illa occasio scandalì Phariseo qui Christum invitavit, quod infamis mulier a Christo tanto Prophetâ rejecta non fuerit, quia peccatrix est. Erras Pharisee! Magdalena peccatrix non est, sed fuit. Sic enim verba illa Christi vides hanc mulierem, accipit Dionysius Carthus. Id est, inquit, aspicere & considerare debes hanc personam, cujus gesta sunt mirabilia. Vides oculos ejus? fuerunt lascivi, vagabundi, jam per pœnitentiam facti sunt fontes lachrymarum. Vides comas illius? fuerunt funiculi vanitatis; pœnitentia illos mutavit in catenas castissimi amoris. Vides os & labia? fuerunt hæc cloaca omnis immunditiæ & libidinis, modo pœnitens lambit pedes Salvatoris. Muta itaque Simon mentem tuam; Magdalena non est amplius peccatrix, sed mulier omni laude digna. Confirmat hoc S. Ambr. l. de Pœnit. c. 9. Qui refert, adolescentem serio confessum, adeo firmiter respuisse ab illicitis, quos prius sectabatur amoribus, ut amasiam suam transiens, illam se nec videre simularet. At verò cum illa procaciter juvenem per pallium traxisset, & se illam suam charissimam esse insurrexisset, ille cordatissimè respondit. Si tu es illa, ego non sum ille. Præclare Benedictus Fernandus in *Gen.* Tam purus ab omni labe per confessionem fidelis existit, ut non tam prioribus mundatum sordibus, quàm de novo creatum cor habere videatur. Exclamare cogor cum Zenone. *Ep. serm. 3. ad Neoph.* Ipse est, & tamen ipse non est; vetus quidem videtur domicilium, sed novus est inquilinus. Quia ut ait S. Greg. *hom. 32. in Ev.* Ipse quidem est per naturam, sed non ipse est per malitiam. Ipsius dæmonis hoc comprobo testimonio. Fuit Romæ Matrona nobilissima, quæ defuncto marito filium Patri suo simillimum adeo deperibat, ut nunquam à latere suo tenerū filiolum dimitteret. Quia verò hic tener adeo cum filio amor adolevit, ut illa neq; adolescentem à se dimitteret, tamdiu excrevit amor, usq; dum incestuosis filii amoribus imprægnata, & suæ & filii saluti consulere coacta fuerit. Quare filium in Provincias transmisit, illa vero se in arcem suam inclusit, ibique hydropicis affectionibus laborans, ne aliis fastidio esset, exclusis etiam familiaribus, solitudinem tamdiu affectavit, usque dum effuso in secessum partu, cum partu omnia parturitionis vestigia eodem in loco

*Juvenis
confessus
meretrici
dicit, se non
esse illam.*

*Matrona
cum filio
incestuosa
confessa
non est illa
teste dæ-
mone.*

loco tumulavit. Nemo hic domesticorum Suspensus est scelus, omnes detumescens hydrops tumores gratulati sunt. Ubi confirmatâ jam valetudine metum omnis suspitionis evasit, urbem ipsam repetiit. Non diu hic stetit opinata securitas, dum enim illa minime metuit, ab ignoto quodam Nobile apud urbis Prætozem de incestu & parricidio nominatenus defertur, & delatori dies statuitur, quâ in foro competenti causam producat. Interim delatæ matronæ non sine condolentiâ gravi à Prætoze dies dicitur, ut se de incestu, & infanticidio purget. Hæret illa, & se in jus vocari miratur, utique cum sciret neminem hominum commissi à se sceleris conscius. Accurrit ergo ad templum, atque Confessarium evocat, eique in tantâ perturbatione rerum, statum animæ suæ aperit, & consilium auxiliumque implorat. Suadet Pater, ut cum DEO se per confessionem componat, sacraque communione muniat, videri enim hæc omnia, permittente DEO, à Dæmone agi, quæ tamen omnia propitiato Numine in salutem animæ & corporis illius à DEO possunt dirigi. Redit ergo domum, & spe divinæ opis plena se ad dolorosam confessionem parat, reliquum vero diem & noctem totam in detestatione suorum peccatorum, & contritione transigit. Primo mane ad templum accurrit, & Confessario multis cum lachrymis peccata sua confitetur, deinde absolutione Sacramentali donata, bene animata devotè ad sacram Synaxin accedit, atque peractis gratiis confidenter Tribunal Prætoris adiit. Adest eadem horâ delator, atque actionem inchoare iussus, non ut ante insolens causam suam jactavit, sed perturbatus dixit, non esse hanc à se delatam incestuosam & parricidam, sed aliam. Miratur hanc actoris variationem Prætor, & quærit ipsam delatam de nomine, fatetur illa nomen suum. Ita inquit larvatus dæmon, nomen est, sed res amplius non est. Hæc enim antea inquit dæmon, quod verum est, incestuosa, & parricida fuit, sed modo confessa, filia DEI est. Dixit & disparuit. Attonito toto prætorio res ad sacrum tribunal delata est, in quo omnes Matronam ream, à divinâ misericordiâ absolutam, suo iudicio non voluerunt condemnare. Quam verum hic est; Ipsa quidem est per naturam, sed ipsa non est per malitiam. Hoc est, quod Act. 13. v. 22. dicitur: Inveni David filium Jesse virum secundum cor meum, qui faciat omnes voluntates meas. Quid hoc? David committit adulterium cum Bethsabee, Uriam proditoriè occidit!

P p p

Quæ-

David pœ-
nitens vir
secundum
cor DEI.

Pœnitentia
ipsam cica-
tricem vul-
neris Sa-
nat.

Quærit meritò S. Justinus M. Si DEus Davidem virum secundum cor DEI affirmavit, Quomodo postea idem Propheta & adulterium, & latrocinium commisit? Respondet ipse. At enim per pœnitentiam David Delicta sua correxit, ac proinde uti vir secundum cor DEI inventus est. Quod S. Petrus Dam. confirmat *serm. 56.* Grandia vulnera sic restringit, ut non solum vulneris, sed nec cicatricis vestigia remanerent. Medicus aut chirurgus sanabit fateor vulnus, non verò cicatricem. Pœnitentia ipsam cicatricem extinguit teste S. Chrysostomo *in suo proëm. in Isa.* Quamvis Medicus adnitarur delere cicatricem, eamque de medio tollere, tamen non poterit. DEus autem, quando per pœnitentiam peccata tua abolet, nullam relinquit cicatricem, nullum finit manere vestigium, sed una cum sanctitate eximium confert formæ decus. Ostenditur hoc testimonio: *Eccles. 49. v. 5.* Præter David & Ezechiam, & Josiam omnes peccatum commiserunt. Quid ais? Annon Josias sacrilegus qui deprædatus est thesaurum templi DEI? Annon injurius DEO Ezechias: qui sibi victoriam contra Senacherib arrogavit, ut in pœnam hujus arrogantiae Isaias *c. 58. v. 1.* diceret: Dispone domui tuæ, quia morieris, & non vives. Annon, quod diximus, notissimus peccator David? Defendit Ecclesiasticum Jansenius apud Franciscum Labatam dicens: Dicuntur peccatum non commisisse, quia condignâ pœnitentiâ peractâ in eum statum repositi sunt & restituti, ac si nunquam peccassent. Hoc enim est insigne privilegium pœnitentiæ. Audite S. Joannem in sua *Apoc. c. 14. v. 4.* qui omnes animas in cælo contemplatus exclamat: Hi sunt, qui cum mulieribus non sunt coinquinati, Virgines enim sunt. Pulchrè D. Ambr. *in c. 14. Apoc.* Oritur namque quæstio, nam si in illa beatitudine diversi ordines sunt, ut Apostoli, Martyres, Confessores, Virgines, quomodo omnes sanctæ animæ Virgines dicuntur? & in tantum quidem virgines, ut dicantur cum mulieribus non coinquinati? Respondet sibi ipsi. Fuerunt multi qui multa scelera commiserunt, sed cum per pœnitentiam & lachrymas mala, quæ gesserunt, delere studuerunt, Domino veniente Virgines reperti sunt. Et tandem concludit. Istorum igitur animæ rectè virgines vocantur, quia si quas sordes ex fœminarum conjunctione, contraxerunt, pœnitentiâ deletum est. Rem tremendam narrat Cantipratanus *l. 2. apum. c. 30.* de adultero, cujus facies in pœnam commissi sceleris mutata fuit in monstruosam faciem

dæmo-

dæmonis. Cum enim adulter hic de latere conjugis contemptuossimè surrexisset, & completo cum aliena adulterio, ad Lunæ radios ad uxorem propriam rediret, uxor faciem redeuntis contemplata horrendè exclamavit. Accurrunt famuli, & ancillæ, atque Domini suum pariter exhorrescunt. Ubi hoc advertit maritus, delituit ille nocte reliquâ, & facti pœnitens confessionem meditatus est: mane verò facto, ad templum properat. In via dum illi grex animalium, & pabulandæ pecudes cum pastoribus obviant, hæ pariter cum ingenti horrore dissiliunt, ipsique pastores exterriti fugerunt. Et verò fugit ipse Sacerdos, qui accedentem ad templum exhorruit, & fores templi occlusit. Ubi tamen pœnitentem audivit, & Absolutionem Sacramentalem dedit, continuo confusio illa infernalis deterfa est, & propriam suam faciem recepit. Annon Nabuchodonosor Rex eiectus ex regia sua septem annis cum bestiis vixit. At ubi post septennium levavit oculos in cælum, & egit pœnitentiam, tunc ait Daniel c. 4. v. 35. in ipso tempore sensus meus reversus est ad me, & ad honorem, decoremque regni mei perveni. Eleganter S. Cyrillus Hierosol. *Catech. 2.* Cum devenit ad eorum, quæ patra-verat, pœnitentiam, ac infirmitatem suam agnovit, tunc restituit illi DEus regni honorem. Hoc est, quod S. Bonav. 3. p. *stimul. div. amor. c. 17.* dicit: Ego fœdissimus sumus, & abominabilis latrina, valeo esse ex immensâ DEI clementiâ tabernaculum ejus, & qui sum plenus sanie & fœtore, ero sanctum DEI templum, sapientiæ sedes, & habitaculum Spiritus sancti? *Jerem. 18. v. 1.* Mittitur Propheta ad domum figuli: Surge, & descende in domum figuli, & ibi audies verba mea. Sequitur. Et ipse faciebat opus super rotam, & dissipatum est vas, conversusque faciebat illud vas alterum. Hoc est singulare DEI artificium, fracta reparare, ut nulla fracturæ inaneant vestigia. Nihil verentur fracturas suas Sancti reparari. Gaudet Petrus prædicari suam negationem; Magdalena non reformidat au-dire peccatrix; Matthæus libenter audit suas recenferi usuras. Ra-tionem hujus dat Orosius, dum enim DEI gloria sanctorum peccatis illustratur, gratissimum est cuique Sancto, qui DEum glorificari summe cupiunt, ea in Ecclesia decantari. Nec Sanctis hoc dedecori est; *Num. 16. v. 37.* Core Dathan, & Abiron rebelles DEO puniuntur, & terra eos absorbit, mandat tamen DEus Eleazaro, ut tollat thuribula malè usurpata; & affigat altari, Sic Ecclesia negationem

*Adulter
facie de-
formatus
monstrum
homines
& pecora
terret.*

*DEus fra-
cta repa-
rat sine ve-
stigio.*

*Peccata
Sanctorum
repetuntur
in Ecclesia
ut fugia-
mus.*

nein Petri, infidelitatem Thomæ, Magdalenzæ voluptates proponit, ut discamus, quod lapsus in arenâ pugil animosior surgat. Neque enim inglorium est, aliquando captivum fuisse, sed gloriosum est, captivitatem heroicè excussisse. Repetuntur toties in Ecclesiâ casus Adam protoparentis nostri, Noë ebrietas, Loth incestus, proditio filiorum Jacob, Aaronis idololatria, Davidis adulterium, Petri perjurium, Pauli persecutio, Matthæi telonium. Thomæ infidelitas, non ut in similia peccata labamur, sed ut exemplis his utamur ad cautelam, animemur ad æmulandam resipiscentiam.

*Pœniten-
tiam non
esse neces-
sariam di-
xit Luthe-
rus.*

Unde pœnitentia semper fuit habita velut medium necessarium ad consequendam cœlestem gloriam. Unus impius Lutherus ausus est dicere, pœnitentiam minime esse necessariam, eo quod Christus infinitis suis meritis pro omnibus satisfecerit. Hoc impium dogma Lutheri refutat S. August. *l. de Corrupt. & grat.* Qui fecit te sine te, non salvabit te sine te. Causa est, quia efficacia meritorum Christi dependet à nostra cooperatione, quæ provenit à gratia DEI. Quod Paulus ad Coloss. c. 1. v. 24. insinuavit dicens: adimpleo ea, quæ desunt passionum Christi in carne mea. Quæ voluit innuere, ultra me-rita Christi nostram requiri cooperationem; etenim mediante libero arbitrio, id quod in nobis est, operari debemus. Et in hoc consistit complementum, quod S. Paulus vult conjungi cum infinito valore sanguinis Christi.

*Coopera-
tio no-
stra neces-
saria est.*

Hinc tam serio S. Joannes Baptista *Luc. 3. v. 8.* monet: facite ergo fructus dignos pœnitentiæ. Et Christus ipse *Luc. 13. v. 3.* clarè dixit, Nisi pœnitentiam habueritis, omnes similiter peribitis. De hac enim S. Hier. *Ep. 8. ad Demetriadem.* Pœnitentia est quasi secunda post naufragium miseris tabula. Quam proinde S. Greg. *hom. 34. in Evang.* pulchrè sic definit: Pœnitentia est perpetrata peccata plangere, & plangenda non committere. Ad quam S. Cypr. *Ep. 52. ad Antonianum* nos hortatur. Considerans enim verba illa Sap. 1. DEUS mortem non fecit, nec lætatur in perditione vivorum; utique inquit, qui neminem vult perire, cupit peccatores pœnitentiam agere, & per pœnitentiam denuò ad vitam redire. Merito itaque S. Chrysostomus eandem extollens exclamat *hom. 22. de pœnit.* O pœnitentia, quæ peccatum DEO miserante remittis, & paradysum referas! per te David post flagitium felix iterum recepit Spiritum Sanctum. Scandalizabantur olim Judæi *Mat. 9. v. 2.* quando Christus dixit Paralytico: Confide fili, remittun-
tur

tur tibi peccata tua. Et ecce quidam de scribis dixerunt intra se; hic blasphematur. Et cum vidisset Iesus cogitationes eorum, dixit: ut quid cogitatis mala in cordibus vestris? Quid est facilius dicere? remittuntur tibi peccata tua; an dicere, surge & ambula? ut autem sciatis, quia filius hominis habet potestatem in terrâ dimittendi peccata, tunc ait paralytico: surge, tolle lectum tuum, & vade in domum tuam. Et surrexit, & abiit in domum suam. Videntes autem turbæ timebunt, & glorificaverunt DEum, qui dedit potestatem talem hominibus. Agnoverunt ergo ex hoc miraculo turbæ datam esse talem potestatem hominibus, quam tamen heterodoxi cum Judæis soli DEO volunt reservatam. Egregie hos perstringit S. Ambrosius. l. i. de pæn. Sed ajunt se Domino deferre reverentiam, cui soli remittendorum criminum reservent potestatem. Imò nulli majorem injuriam faciunt, quam qui ejus volunt mandata rescindere, commissum munus refundere. Nam cum ipse in Evangelio suo dixerit Dominus Iesus: accipite Spiritum sanctum, quorum remiseritis peccata, remittuntur eis, & quorum retinueritis, retenta erunt. Quis est ergo qui magis honorat, utrum qui mandatis obtemperat? an qui resistit? Hæresis in altero immitis, in altero inobediens, vult ligare quod non resolvit non vult solvere, quod ligavit. Et paucis interpositis: Ius enim hoc solis permissum est Sacerdotibus. Rectè igitur Ecclesia vindicat, quæ veros Sacerdotes habet. Hæresis vindicare non potest, quæ Sacerdotes DEI non habet. Et rursus; munus Spiritus sancti est officium Sacerdotis, jus autem Spiritus sancti est in solvendis, ligandisque criminibus. Quomodo igitur munus ejus vindicant, de cujus diffidunt jure & potestate. Deinde concludit. Cur baptizatis? Si per hominem peccata dimitti non licet? In baptismo utique remissio peccatorum omnium est. Quid interest, utrum per poenitentiam, an per lavacrum hoc jus sibi datum Sacerdotes vindicent? Unum in utroque ministerium est. Pari penè sensu loquitur S. Chrysostomus l. 2. de sacerdotio ante medium. Etenim qui terram incolunt, atque in ea versantur, iis commissum est, ut ea, quæ in cælis sunt, dispensent; iis datum est, ut potestatem habeant, quam DEus optimus neque angelis, neque Archangelis, datam esse voluit. Neque enim ad illos dictum est. Quæcunque alligaveris in terrâ, erunt alligata & in cælo; & quæcunque solveris in terrâ, erunt soluta & in cælo. Habent quidem & terrestres Principes vinculi potestatem, verum corporum

Agnoverunt Judæi datam esse hominibus potestatem remittendi peccata.

Si in Ecclesia non est remissio peccatorum, sit Christo injuria.

Si non est remissio, neque erit baptisimus.

Principes solum corpus, sacerdotes animam ligant.

folùm: Id autem quod dico Sacerdotum vinculum, ipsam etiam animam contingit, atque ad cœlos usque pervadit. Usque adeo, ut quæcunque Sacerdotes infernè consecrerint, illa eadem superne Deus rata habeat, ac servorum sententiam Dominus confirmet. Et paulo post rursus. Corporis lepram purgare, seu, ut verius dicam, haud purgare quidè, sed purgatos probare, Judæorū Sacerdotibus solis licebat. Neque nescis, quanta cum ambitione, quanto cum studio, ac concertatione Sacerdotalis dignitas id temporis acquireretur. At verò nostris Sacerdotibus non corporis lepram, verum animæ sordes non dicam probatas purgare, sed purgare prorsus concessum est. Quare iudicio quidem meo, qui istos despiciunt, contemnuntque, multo sceleratioris ac majori supplicio digni fuerint, quam fuerit Dathan unà cum suis omnibus. Et ideo S. Aug. l. 2. de visit. infirm. c. 5. monet, Astantem coram te Sacerdotem Angelum DEI existima. Labia quidem Sacerdotis, ait *Malachias* c. 2. v. 7. custodiunt scientiam, & legem requirunt ex ore ejus. Angelus enim Domini exercituum est. Et cum quā, & DEum, & angelum ejus decet reverentia DEI ministrum affare. Aperi ei penetralium tuorum abditissima latibula, conscientiarum verecundarum penitiora revela repagula. Non te pudeat coram uno dicere, quod te non puduit, forsan coram multis facere. Nam humanum est peccare, Christianum est à peccato desistere, diabolicum est perseverare. Causam Reverentiæ istius dat. S. Greg. Magnus *hom. 26. in Evang. super illud Joan. 20. v. 33.* Quorum remisistis peccata, remittuntur eis. Libet intueri inquit; illi discipuli ad tanta onera humilitatis vocati, ad quantum culmen gloriæ sunt perducti. Ecce non solum de semetipsis securi sunt, sed etiam alienæ obligationis potestatem relaxationis accipiunt, principatūque superni iudicii sortiuntur, ut vice DEI quibusdam peccata retineant, quibusdam relaxent. Sic, sic eos decebat, à DEO erigi, qui tantum pro DEO consenserant humiliari. Ecce qui districtum DEI iudicium metuunt, animarum Judices sunt, & alios damnant, vel liberant, qui semetipsos damnari metuebant. Horum profecto nunc in Ecclesia Episcopi locum tenent. Ligandi atque solvendi auctoritatem suscipiunt, qui gradum regiminis sortiuntur. E paulo post. Causæ ergo pensandæ sunt, & tunc ligandi atque solvendi potestas exercenda. Videndum est quæ culpa præcessit, aut quæ sit pœnitentia secuta post culpam, ut quos omnipotens Deus per compunctionis

Sacerdotes
nova legis
antiquis
longè præ-
stant.

Sacerdotes
magna
cum reve-
rentiâ co-
lendi.

punctionis gratiam visitat, illos pastoris sententia absolvat. Tunc enim vera est absolutio præsidentis, cum æterni arbitrium sequitur iudicis. Quod bene quadriduani illius mortui resuscitatio significat, quæ videlicet demonstrat, quia prius mortuum Dominus vocavit, & vivificavit dicens: Lazare, veni foras, & postmodum is, qui vivens egressus fuerat, à discipulis est solutus. Omnis quippe peccator dum culpam suam intra conscientiam abscondit, introrsum latet, in suis peccatis neutralibus occultatur. Sed mortuus venit foras, ac si aperte cuilibet mortuo in culpâ diceretur. Cur reatum tuum intra conscientiam abscondis? foras jam per confessionem egredere, quia apud te interiorius per negationem lates. Veniat itaque mortuus foras, id est, culpam confiteatur peccator. Venientem verò foras solvant discipuli, ut Pastores Ecclesiæ ei debeant pœnam amovere, quam meruit, qui non erubuit confiteri, quod fecit. Eadem hac Lazari similitudine utitur S. Aug. *Conc. 2. in ps. 101.* Quid enim prodesset inquit Lazaro, quia processit de monumento, nisi diceretur, solvite eum, & finite abire? Ipse quidem voce de sepulchro suscitavit, ipse clamando animam reddidit ipse terrenam molem, terreno sepulchro impositam vicit, & processit inde victus. Non ergo pedibus propriis, sed virtute producentis fit hoc in corde pœnitentis. Cum audis hominem pœnitere peccatorum suorum, jam revixit; cum audis hominem confitendo proferre conscientiam, jam sepulchro eductus est, sed nondum solutus est. Quando solvitur? a quibus solvitur? Quæ solveritis, inquit, in terrâ, erunt soluta & in cœlo. Merito per Ecclesiæ dari solutio peccatorum potest, suscitari autem ipse mortuus non nisi intus clamante Domino potest. Unde Lactantius Firmianus in l. 4. *divin. instit. c. 30.* Confessionem & pœnitentiam veram Ecclesiæ notam ostendit. Sed tamen, inquit, quia singuli quisque cœtus hæreticorum, se potissimum Christianos, & suam esse Ecclesiæ Catholicam putant, sciendum est, illam esse veram, in qua est confessio & pœnitentia, quæ peccata & vulnera, quibus subiecta est imbecillitas carnis, salubriter curat. Hanc enim potestatem quam Christus habuit, dimittendi peccata, eandem Apostolis suis, & eorum successoribus communicavit. *Joan. 20. v. 21.* Sicut misit me Pater, & ego mitto vos. Hæc cum dixisset, insufflavit & dixit eis: Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt. Quare bene Beatus Laurentius Justinianus

L. de

Remissio peccatorum cum Lazaro suscitato comparatur.

Confessio est pœnitentia est vera Ecclesiæ nota.

l. de obed. c. 15. Hujus Sacramenti minister est homo, sed indulgentiæ largitor est DEus. Corporis auditum præbet Sacerdos, Dominus autem scrutator est mentium. Juxta doloris mensuram præstatur & donum. Illam planè solvit Sacerdos, quam prævenit gratia, confessio manifestat. Causam pulchrè dat Ludolphus Carthus. *c. 25.* Sed postquam DEus homo factus est, requirit ab homine, quod confessio sibi tanquam homini fiat; Et quia ipse in formâ humanâ nobiscum ubique præsens esse non potest (intelligendo de potestate ordinariâ) vicarios suos constituit homines, quorum primus fuit Petrus & cæteri Apostoli & consequenter Sacerdotes, quibus ipse dixit: Quæcunque alligaveritis super terram. &c. Per hoc enim, quod ministris Sacramentorum dedit potestatem ligandi, & solvendi, insinuavit, confessionem eistanquam Judiciis debere fieri. Sic ergo Christus confessionem instituit tacitè, sui Apostoli eam promulgaverunt expressè. Hinc tam sollicitè ad pœnitentiam nos hortatur Tertullianus *l. de pœn. c. 12.* Igitur cum suas adversus gehennam post prima illa intinctionis Dominicæ monimenta, esse adhuc in Exomologesi secunda subsidia; cur Salutem tuam deseris? Cur cessas aggredi, quod scis mederi tibi? Multæ quidem animæ & irracionales medicinas sibi divinitus attributas in tempore agnoscunt. Cervus sagitta transfixus, ut ferrum & irrevocabiles moras ejus de vulnere expellat, scit sibi dictanno medendum. Hirundo si excœcaverit pullos, novit illos rursus oculare suâ chelidoniâ. Peccator restituendo sibi institutam à Domino Exomologesim sciens, præteribit illam, quæ Babylonium Regem in regna restituit?

In confessione excipienda Sacerdotes sunt Christi Vicarii

Animalia sibi medentur, cur non & homo.

In confessione non teguntur sed verè remittuntur peccata.

Remissionis Lutherana Schema.

Ex dictis hætenus quæstio non levis inter Catholicos & Lutheranos oritur, dum Catholici asserunt, DEum verè remittere peccata confessa, Lutherani verò dicunt, quod DEus illa tantum tegat, & peccatori non imputet. Memini ego me vidisse schema hujus tegumenti, quod reperi in libro hæretico, ubi peccator genuflexus sistebatur æterno Patri, quem ut Pater in gratiam reciperet, pluviale induit, cui in dorso per totum crucifixus Christus erat extensus cum lemmate: Beati quorum remissæ sunt iniquitates, & quorum tecta sunt peccata. Efficacius fortè contra æterni Patris justam indignationem texissent peccatorem, si eum cum Pilato Christi tunicâ induissent. De hac Didacus Vega *in ps. 3. pœnit.* ait opinionè constantem esse, à Tiberio Romani evocatum fuisse Pilatum, qui se sub tunicâ in-

confutuli

confutuli Christi Tiberio Romæ stitit. Venienti Pilato assurrexit Tiberius & omni furore posito immeritum licet magno honore est prosecutus. Quam primum extra oculos fuit Tiberii recruduit Imperatore furor. Vocatur ergo rursus Pilatus, & rursus, ut ante mansuefecit Tiberium. Mirantur ergo rem hanc adstantes, & intelligunt Pilatum Christi tunicâ vestitum esse. Quare jussu Cæsaris exuitur illâ Pilatus, subitoque capitalem excepit sententiam. Sic tecti veste meritorum Christi dicunt Lutherani, quod damnari non possimus. Alii volunt, remissionem peccatorum esse puram non imputationem, adeoque beatus dicitur ille, cui juxta Davidem *ps. 31. v. 2.* non imputavit Dominus peccatum. Sed veræ Ecclesiæ doctrina est, non tantum tegi, vel non imputari nobis peccata in remissione, sed verè DEUS ritè pœnitentibus remittit peccata nostra. Accipio testimonium ex ipso Joanne *c. 1. v. 29.* ubi Christum digito monstrans Joannes Baptista inquit: ecce agnus DEI, ecce qui tollit peccatum mundi. Hinc non frustra S. Petrus commonuit Israël *Act. 3. v. 19.* Pœnite mini igitur & convertimini, ut deleantur peccata vestra. Quod probè agnoscens David *ps. 102. v. 12.* dixit: Quantum distat ortus ab occidente, longè fecit à nobis iniquitates nostras. Et ideo scriptura ablutionis nomine utitur, quia sicut per lotionem sordes tolluntur, ita ut non remaneant; sic per absolutionem Sacramentalem verè abluuntur & tolluntur peccata, ut re verâ non amplius sint; & propterea Paulus *1. ad Cor. 6. v. 11.* dicit: Et hæc quidam fuistis, sed abluti estis. Et David de peccatis remissis dicit *ps. 50. v. 9.* Lavabis me & super nivem dealbabor. Ut propterea Micheas *c. 7. v. 19.* dixerit. Deponet iniquitates nostras, & projiciet in profundum maris omnia peccata nostra. Verè enim pœnitentia nostra sententiam damnationis rescindit, & penitus abolet. Tanta fuit iniquitas Ninivitarum, ut intra quadraginta dies urbis excidium statueretur. Quia verò toto corde pœnitentiam egerunt, resciderunt, damnationis suæ sententiam. Et ut S. Ephrem *serm. de pœnit. Niniv.* dicit: ut quantum pœnitentia valeret demonstraretur; nam sententiam DEI ista immutavit, atque dissolvit. Stat autem firma illa DEI promissio *Ezech. 8. v. 21.* si impius egerit pœnitentiam, ab omnibus peccatis suis, vita vivet, & non morietur. Omnium iniquitatum ejus, quas operatus est, non recordabor. Quæris quomodo DEUS oblivisci possit? Audi Hugonis Cardinalis glossam in verba citata: Non re-

DEus obli-
viscitur
peccato-
rum ad pœ-
nitendum.

Prævenire
debemus
accusato-
rem demo-
nem.

Differen-
tia judicii
divini &
forensis
DEus re-
um confes-
sum absol-
vit, mun-
dus per-
dit.

cordabitur scilicet ad puniendum, quia pœnitens peccator meminit ad dolendum, confitendum, satisfaciendum. Quia cum homo punit, DEus parcit; cum homo meminit, DEus oblivioni tradit. Aurea est sententia S. Chrysostomi: Ninivitæ confitentur & vivunt; Sodomitæ obdurantur, & pereunt; illos impendens supplicium provocat confiteri, hos vicinus interitus non confitendo fecit aboleri. Sunt hæc cœlestis Grammaticæ Synonima, confiteri & vivere, non confiteri & mori. Pulchrè Origenes *super verba Isa. c. 43. v. 26.* Narra si quid habes, ut iustificeris. Septuaginta legunt: Dic tu Iniquitates tuas prius, ut iustificeris. In *Levit. bom. 3.* sic inquit. ut ostendat quia, prævenire illum debeas, qui paratus est ad accusandum. Tu ergo dic prior, ne te ille præveniat. Pronunciare peccatum, remissionem peccati meretur, præventus enim diabolus in accusatione, accusare nos non poterit; & si ipsi nostri fuerimus accusatores, proficit nobis ad salutem. Si verò expectemus, ut à diabolo accusemur, accusatio illa nobis cedit ad pœnam. In hoc differunt DEI Tribunal, & mundi, quod mundanis, forensibusque judiciis post accusationem, & criminum confessionem restat mors, apud Dominum & divinum tribunal post accusationem & confessionem criminum detur corona. Dicente Hesichio uti & Chrysostomo *bom. 5. in illud Isa. 47.* Dic tu prior peccata tua, ut iustificeris. Benè proinde Isidorus Pelusiota dicit, quod pii & electi quia misericordiam hic amarunt, DEI sunt Beniamini, id est filii dexteræ. Unde si dicas, videri tibi difficilem esse confessionem, nobis coronam obtendit. Et S. Aug. *l. 50. bom. 12.* monet: vult diabolus, ut magis defendere, quàm accusare peccata velimus. E contrario autem DEus noster, quia pius est, & misericors; vult ut ea confiteamur in hoc sæculo, ne pro illis postmodum confundamur in futuro. Si enim nos confitemur ille parcit; si nos agnoscimus, ille ignoscit. Pulchrè itaque S. Pater August. *in lib. sentent.* Peccata si-ve parva, si-ve magna impunita esse non possunt, quia aut ab homine pœnitente, aut in iudicio à DEO iudicante puniuntur. Cessat autem vindicta divina, si conversio præcurrat humana. Amat enim DEus confitentibus parcere, & eos, qui semetipsos iudicant, non iudicare. Quomodo sanabit Medicus, si æger non dicat, aut explicet vulnus. Quod ipse Ecclesiasticus *c. 10. v. 11.* insinuat: Si mordeat serpens in silentio? Si tacuerit inquit S. Hier. qui percussus est & non egerit pœnitentiam, vel vulnus suum fratri vel magistro noluerit confiteri.

Magi-

Magister qui habet linguam ad curandum eum, facile ei prodesse non poterit. Si enim rubescat ægrotus vulnus Medico confiteri, quod ignorat medicina, non curat. *Mat. 22. v. 12.* Quæritur ex nuptiali conviva, Amice! quomodo huc intraſti, non habens vestem nuptialem? hæc tamen amica interrogatio repente transivit in severam sententiam, jubeturq; ligatis manibus & pedibus abjici in tenebras exteriores. Scilicet cùm illi DEus amicè proposuit, quod esset reus, & quòd peccasset, voluit ut culpam fateretur. Galfridus ait, fuit amabilis signatio, quæ ante iudicium illum provocavit ad Pœnitentiam; misericorditer illum convenit, quem reum invenit. Sed quia invenit taciturnum, & nolentem loqui: at ille obmutuit. Tunc dixit Rex ministris, ligatis manibus & pedibus mittite eum in tenebras exteriores. Ubi velim ut observetur particula Tunc. Quæri enim potest, quando nam Rex illum condemnavit? an quando intravit nuptialem locum? an quando mensæ incepit accumbere? an quando incepit comedere, & bibere? Minimè! Sed tunc ait Galfridus, postquam admonitus siluit, interrogatus obmutuit, & noluit confiteri. Quare nolite inquit moniti obmutescere, cogitate enim in quem carcerem conjectus sit elinguis iste servus, ne pari iudicio & pœnâ taciturni & confiteri nolentes pereatis. Si dicas Paulum *ad Rom. 7.* toto illo capite satis clarè dicere quod in nobis maneat concupiscentia; hæc autem cum peccatum sit, signum est peccatum non tolli, sed tantum non imputari. Concesserim lubens concupiscentiam in nobis remanere, falsum tamen est, hanc esse formaliter peccatum, sed tantum causaliter. Quia tamen *Gen. 4. v. 7.* DEus in Caino dixit nobis omnibus, sub te erit appetitus tuus, & tu dominaberis illius, concupiscentia quæ est in homine, tanta non est, ut illa adjuvante divina gratia vinci, & studio solidæ mortificationis non possit reprimi. Nonne S. Paulus queritur, se à Sathanâ colaphizatum, & à stimulo carnis, seu concupiscentiâ tentatum. *2. ad Corinth. 12. versu 7.* Datus est mihi stimulus carnis meæ, qui me colaphizet. Sed audite quomodo reprimat concupiscentiam. Propter quod ter Dominum rogavi, ut discederet à me. Ecce oratio! qua impetravit divinæ gratiæ assistentiam; & dixit mihi, sufficit tibi gratia mea, qua adjutus concupiscentiam repressit. Sed dices clara sunt verba Davidis *ps. 31. v. 1.* ubi Propheta dicit: *Beati quorum remissa sunt iniquitates,* & quorum tecta sunt peccata, ubi clarè habemus, quod peccata nostra tecta sint; quod autem

Concupiscentia non est peccatum formaliter sed causaliter.

Concupiscentia oratione reprimitur.

DEus tegit peccata, sed sanat.

tegatur non tollitur, cum aliàs neque tegi posset, si supponeretur sublatum. Dico enim quædam ita tegi, ut etiam tollantur. Sic chirurgus tegit vulnus emplastro, ut illud etiam tollat, & hoc sensu hic loquitur Propheta, atque beatum illum dicit, qui sic apud DEum peccata tecta habet. Et quia in eodem hoc psalmo v. 2. dicitur, Beatus vir, cui non imputavit Dominus peccatum. Dico dupliciter aliquid posse non imputari. Primo enim DEus non imputat homini peccatum, quia non est amplius, & hoc fit per actualem remissionem, qua peccatum hominis in anima sic tollitur, ut amplius non existat. Deinde dicimus aliquid imputari, quia est, & non habetur pro eo, quod est, sic possumus homines alicui non imputare aliquid pro delicto, quod tamen in se est peccatum; & hoc in DEO est impossibile, quia DEus non potest non habere pro culpa, quod culpa est. Quia *ad Rom. 2. v. 2.* Judicium DEI est secundum veritatem. Ex quo concludi debet, quod DEus in remissione peccatorum sic nobis non imputet peccatum, quia sic tollitur, ut amplius non existat. Et hoc est illud mirabile, quod S. Augustinus inter mirabilia opera DEI deprædicat, nimirum conversio peccatoris. Considerans enim illa verba Christi

DEus non imputat peccatori peccatum quia illud tollit.

Joan. 14. v. 12. Qui credit in me, opera quæ ego facio, & ipse faciet, & majora horum faciet. Quod primâ fronte dicit, esse captu difficile. Licet enim umbra Petri, & semicinctia Pauli, prodigiosa opera Christi excessisse videantur, tamen hoc paucorum planè fuit Sanctorum, cum tamen allegata verba Christi ad omnes fideles extendi videantur. Quare S. Aug. revocat hanc patrationem mirabilium ad justificationem nostram, adeoque dicit. Si hominem te fecit DEus, & tu facis te ipsum justum, melius aliquid facis, quam fecit DEUS. Quia quod DEus non potest per te, salvâ tuâ libertate, hoc facit homo DEI gratiâ adjutus. O pretiosa pœnitentia! In Cujus conside-

Justificatio nostra est maximum miraculum.

Pœnitentia peccatorem quasi super angelos extollit.

ratione S. Chrysostomus. & Hier. cum Pagnino *illud ps. 3.* Minuisti eum paulo minus ab angelis sic legunt. Minuisti eum, id est, angelum paulo minus ab homine scilicet peccatore, sed pœnitente. Benedictus Mendez *ser. 6. post diem Cinerum.* Legit, Minuisti eum paulo minus à quo? à DEO. Quod confirmat de peccatore pœnitente B. Bruno in *ps. 8.* Minuisti eum paulo minus à DEO. Libet proinde peccatores verbis Prophetæ invitare. *ps. 45. v. 9.* venite & videte opera Domini, quæ posuit prodigia super terram. Multa DEus signa & prodigia fecit in Ægypto, sed majus audite prodigium, quod Cassia-

nus

nus *Collat. 2. c. 12.* assert. Quod majus potest esse prodigium, quam sub momento brevissimo ex rapacissimis Publicanis, apostolos fieri, ex persecutoribus truculentis prædicatores Evangelii patientissimos reddi, ita ut eandem, quam persequebantur fidem, etiam effusione sui sanguinis propagarint. Tale prodigium extollit Petrus Blesensis *tract. de convers. S. Pauli*, qui cum esset vas blasphemiarum, contumeliarum, & irarum, factus est vas honoris, electionis, & gratiarum, vas admirabile, & opus excelsi, quod adeo sublime existimavit S. Greg. *l. 3. dial. c. 27.* ut suscitationi Lazari præferret. Chrysostomus vero proponit celsissimis quibusque Christi operibus. Sic enim in illa verba Christi. Quid facilius est dicere, dimittuntur tibi peccata tua, an dicere surge & ambula, manifestum est, quod dimittendo peccata, majus aliquid operemur. Evidentius enim inquit S. Th. propriam declarat potestatem Christus; quando dixit. Ut autem sciatis, & c. quasi diceret, consolidare corpus facilius est, quia quanto anima nobilior est corpore, tanto excellentior est absolutio criminum & remissio peccatorum. Hæc miracula quotidiana sunt, & à confessariis quotidie fiunt. Licet autem cum S. Th. in hunc locum Pharisei verè dicant. Quia peccatum nemo dimittere potest nisi solus DEUS, is tamen quidvis dimittendi tribuit hominibus potestatem. Adeoque subjungit: sortiti sumus & nos Sacerdotes, ab eo tam mirabilem gratiam. Et adeo quidem admirabilem, ut longe excellentior sit absolutio criminum, quàm gratia sanitatum. Ut propterea bene S. Chrysostomus *inc. 14. Joan.* Præstantius est animæ mederi peccatis mortuæ, quàm iterum revocare ad vitam mortua corpora iterum moritura. Illud dictum est S. Francisci Salesii *in cujus vita p. 4. c. 5.* hæc habentur. Constituti estis à DEO fratres mei dilectissimi ad judicia exercenda in animas, & tanta quidem autoritate, ut quæ in terris justè & legitime statueritis, rata, fixaque in cælo sint. Præclara in hoc eluxit Pipini Regis pietas, & religio, qui S. Vironi non tantum nudo capite, sed nudis etiam pedibus scilicet discalceatus confitebatur, uti Baronius *comēssarium* morat. Noverat piissimus rex illud *Judith. 8. v. 21.* vos estis presbyteri in populo DEI, qui ut Lyra & Hugo Cardinalis in hunc locum, redditis rationem pro ovibus, & ex vobis pendet anima illorum, id est salus æterna dependet. Mirabile erit illud, quando in ictu oculi universa humana natura resurget. Sed pulchrè advertit Eusebius Gallicanus *serm. 2. in Epiph.* mirabilis quid esse, quando tot peccato-

*Remissio
peccato-
rum major
est quocun-
que Christi
miraculo.*

*Sacerdotis
magna est
auctoritas.*

*Pipinus
Rex con-
fessarium
honorat.*

res repente de pessimis optimi, de persecutoribus etiam prædicatores fidei exsurgunt. Videamus, inquit, quanto plus est, quod præstat gratia! Ecce vera miracula! Ecce prædicanda miracula! Et stupendas immutationes, quas quotidie in nobis operatur Redemptor noster, quando de pessimis bonos facit, castos de luxuriosis, humiles de superbis, de sectatoribus sæculi, amicos DEI. Quæ potest maiora exercere miracula, quam quando hominem de substantia pulveris in Angeli statum provehit. Bene S. Laur. Just. *serm. de S. Mat.* Quemadmodum crudelitas est extincta in Paulo, ita avaritiæ cupiditas occisa est in Matthæo. Occurrit hic mirailla & portentosa conversio in Neaniâ, quem Deus pari pene fato cum Paulo ex persecutore Martyrem, & fidei Christianæ fidissimum testem fecit, hic teste Pexens. *hist. 101. §. 6. p. 3.* Patrem Martyrem, matrem gentilem habuit Theodoram nomine, quæ ad inariti clarissimi Martyris fufum pro Christo sanguinem tam parum erubuit: ut filium suum Neaniam, Diocletiano in aulâ suâ & superstitione enutriendum tradiderit. Qui quia formâ erat liberali & acri ingenio, Præfectus militum factus à Diocletiano Alexandriam missus est, ut Christianos ibidem penitus extirparet. Jam prope Apameam in Syriam pervenerat, cum derepente terra tremere, cœli tonare & fulgurare, simulque vox de cœlo audita est. Quo Neania? Verum cum exterritus interrogâset, quis esset? Vidit Christum crucifixum, & vocem omnifulinine graviorem audivit: Ego sum Christus, quem tu persequeris! Vas electionis tu mihi eris. Et hem! Neanias statim sibi curavit crucifixum confici aureum, colloque appendit, & sic in hosies movit. Vix signum crucis Agarenis intulit, gloriosam de hostibus victoriam reportavit. At verò laureato reduci cruentum propria mater bellum indixit, quæ ubi inaudivit, quod ad Christi castra transivisset filius, eundem apud Diocletianum maternæ pietatis oblita detulit, effecitque ut in carcerem detrudere- tur laureatus filius, virgisque caderetur. Apparuit illi in carcere Christus, eumque ibi baptizavit: ac Procopii nomine insignivit. Ducebatur paulo post ad supplicium Procopius, & cruento spectaculo sui impotens adesse voluit mater, quæ cum in turba Christum confidentem audivit filium; mira animi conversione immutavit animum, ut verè dici potuerit, quod inoriturus jamjam filius, matrem suam Christo pepererit. Hæc enim efferatam suam rabiem detestata, mirâ con-

Pœnitentia est major resur- rectione mortuorum.

Neanias velut alter Paulus conversus.

constantia, & plusquam virili magnanimitate Christum confessa,
 cum filio victima veritatis Christianæ cecidit. O quam verè S. Cypr.
serm. de cæco inquit: Sicut Domine armentarios statim facis Pro-
 phetas, opiliones Reges, telonarios Apostolos, piscatores Doctores.
 Eleganter deinde concludit. Neque ab his quos sanas lentè languor
 abscedit, sed illico quem restituis ex integro convalescit. Est hæc
 miranda pœnitentiæ vis & potentia. est hæc divinæ gratiæ operatio.
 Fuit teste Pexenfelder *p. 1. hist. 44.* Latronum Princeps, qui sub Mau-
 ritio anno Christi 583. cædibus & latrociniiis adeo infamis vixit, sicq;
 vias publicas infestavit, ut nemo securus de vita iter ageret. Ubi de
 hoc audivit Mauritius, & Constantinopoli milites misit, qui eundem
 opprimerent. Sed omnem militum elusit operam; ad alia proinde
 consilia Imperatorem coëgit. Rebus ergo desperatis misit illi Im-
 perator sanctorum insignes Reliquias aureæ capsæ inclusas, cum in-
 sinuatione gratiæ Cæsareæ, si rediret. Movit hoc latronis animum
 sic, ut munus reverenter acciperet, reliquias collo appenderet, Con-
 stantinopolim pergeret, & se ad pedes Mauritiij abjiceret. Brevi de-
 inde infirmatus ad hospitale Samsonis deportatur, ubi à DEO veniam
 suorum peccatorum rogavit. Tantis autem manavit lachrymis, ut
 strophium totum maduerit. Mortuus cum hoc strophio oculus
 imposito à Medico Cæsaris inventus est. Hic vidit latronem in ju-
 dicio divino graviter accusari à dæmonibus, ab angelis verò operose
 defendi, qui cum aliud non haberent, quod opponerent, strophio-
 sum hoc à lachrymis pœnitentiæ madidum lanci imposuerunt, quo
 sanx animæ elevata, & cælo illata est. Quare magna cum reveren-
 tia medicus strophium ad Mauritium detulit, qui DEI misericordi-
 am mirè deprædicavit. Annon ego de hoc latrone dicam, quod Ar-
 noldus Carnotensis de latrone in cruce celebravit, qui dum latronis
 in cruce metamorphosim fuit admiratus, exclamavit: Domine DEUS
 noster, quam admirabile est nomen tuum in universâ terrâ, qui ex im-
 piorum ore perficis laudem. Latronem hunc in cruce multis latro-
 ciniis infamem dixit S. Chrysostom. S. Elogius etiam fraticidii reum
 asserit. Hunc tamen spirantem cædes, & funera, æquasse magnos A-
 postolos testatur S. Cyprian. *serm. de cæna Domini* dicens: Quid tu Do-
 mine amplius contulisti Stephano? quid amplius obtinuit ille tuus di-
 lectus discipulus, qui supra pectus tuum in cæna recubuit? quid ampli-
 us Pauli meruere sudores? quid labores tanti sanctorum? quid tot anno-

rum

*Reliquiæ
latronum
mirè con-
vertunt.*

*Lachrymæ
pœnitentis
latronis in
judicio di-
vino gra-
ver.*

*Latro in
cruce ma-
gnis exa-
quatur san-
ctis.*

ruin tormenta ? quid Martyrum plagæ ? Unâ horâ collatum est huic præmium , ad quod illi per tot discrimina pervenerunt.

Nullum
peccatum
est irremis-
sibile.

Et quomodo dicere audent impudentissimi sectarii, dari aliquod peccatum tam enorme, quod DEUS non velit remittere. Licet ergo Novatiani putaverint apostasiam à fide esse irremissibilem, falsum tamen hoc esse ostendimus superius in sancto Marcellino Pontifice & Martyre, qui licet territustormentis thus Diis sacrificaverit, facti tamen pœnitens & fidem novo ardore confessus, & suo sanguine constantissimè est contestatus. Numquid etiam Petrus Christum negavit ? quem tamen Christus respexit, & Apostolorum Principem fecit. Longè rationabilius de misericordia divina sensit David *Pf. 144. versu 9.* miserationes ejus super omnia opera ejus. Et ideo *Ezech. 18. v. 23.* in persona DEI Propheta loquitur. Numquid voluntatis meæ est mors impii ? Et non ut convertatur à viis suis & vivat. Hanc DEI misericordiam miratus Sapiens *Sap. 11. v. 18.* Qui ubi dixisset : Non enim impossibilis erat omnipotens manus tua, quæ creavit orbem terrarum ex massa invisâ, immittere illis multitudinem urforum, aut audaces leones, aut novi generis irâ plenas ignotas bestias, aut vaporem igneum spirantes, aut fumi odorem proferentes, aut horrendas ab oculis scintillas emittentes, quorum non solum læsura poterat illos exterminare, sed & aspectus per timorem occidere. Virtuti enim brachii tui quis resistet ? Statim subjungit *v. 24.* Sed misere- ris omnium, quia omnia potes, & dissimulas peccata hominum propter pœnitentiam. Statim deinde *c. 12. v. 17.* addit : Et ob hoc quod omnium Dominus es, omnibuste parcere facis, virtutem enim ostendisti tu. Ubi velim observari particulam *Tu.* Quasi diceret Sapiens. Homines putant se fortes esse, si se vindicant, si injurias cruento ferro ulciscantur ; DEUS verò ostendit potentiam suam, quod hostium suorum misereatur. Ita enim Paulus ad *Rom. 9. versu 22.* Quod si volens DEUS notam facere potentiam suam, sustinuit in multâ patientiâ vasa iræ apta in interitum. Quasi diceret ex hoc quod Pater cœlestis nobis remittit injurias, colligimus illum esse omnipotentem & bonum. Divinum hoc utique opus est. Quod proinde in Christo, quem purum hominem credebant Judæi, non volebant admittere. Hinc cum *Luc. 7. v. 48.* Magdalenæ dixisset : remittuntur tibi peccata tua ; cœperunt, qui simul accumbebant, dicere intra se. Quis est hic, qui etiam peccata dimittit. Hanc divinitatis tesseram obser-

Dimittere
divinum
est, hinc
Judæi non
volebant
hoc Christo
concedere.

observat Oleaster in verbis illis Davidis 2. Reg. 9. v. 3. Numquid superest aliquis de domo Saul, ut faciam cum eo misericordiam DEI? Quomodo quærit Oleaster in c. 18. Gen. misericordiam DEI? Et sibi respondet. Expende quare vocet misericordiam DEI, quam erga domum Saulis volebat exercere. Nostra enim in hoc à divinâ distare videtur, quod nostra ad nostros tantum se extendit, diligentes solum eos, qui nos diligunt amicos; non vero inimicos. Misericordia vero Domini præcipue est ad inimicos, id est, peccatores. Solatii plenum est, quod S. Thomas à villa nova in Dom. 1. Adv. dicit: Quid times peccator? quid trepidas? quid diffidis? Convertere ad Dominum quia pius est, & benignus, & præstabilis super malitiâ, non vult mortem peccatoris, sed ut convertatur & vivat. Ecce propter hoc crucifixus est, propter hoc pendet in cruce, propter hoc inter sceleratos moritur. Quomodo te damnabit pœnitentem? Qui propter hoc moritur, ne damneris? Quomodo te abjiciet redeuntem, qui de cœlo venit, quærere te? Audi S. Ambr. in Ep. ad Rom. Si DEUS peccatoribus non indulgeret, quid esset de Adam & Eva? Quid de Aaron, & Davide? Quid de Petro & Paulo? Quid de Matthæo & Magdalena? aliisque innumerabilibus? nullus illorum cœlum intrasset. Bene Theophylactus de crucis adoratione: Quis de se spem abjiciat, cum latronem videt salutem adeptam, & in paradysum cum eo, qui vocaverat, quasi vi ingressum esse. Refert Jacobus de Vitriaco de puella, quæ teneris adhuc annis formæ venustate nimium lenocinante cum parente suo lascivè vixit, ubi verò adolevit paternis blanditiis etiam ad incestum inducenda fuit, advertit crimen mater, & puellam, ut par erat, severius increpuit, filia monitionis impatiens matrem absente patre veneno extinxit. Ubi pater rediit, & matris fatum intellexit, rursus puellam acriter correxit, & se puellæ indignari ac irasci ostendit. At illa parentis iram ferre non valens, noctu in lecto suo dormientem securi trucidat. Inde cum optima supellestiale à DEO & domo paterna profuga, in omne scelus proruit: casu in Concionatorem de DEI misericordia differentem incidit, à quo solutâ concione dictorum veritatem inquiri, pœnitet, & confitetur, confessarius pro pœnitentia imposuit, ut altera die ad concionem redeat, in qua præ contritionis magnitudine emortua est. Orante autem pro illa populo, vox de cœlo delapsa est; non est opus ut oretis pro ipsâ, illa potius orabit pro vobis. Magnum dictum est S. Cyp.

DEUS vult
ut pœnitentia
mus ut is
possit re-
mittere.

Puella in-
cesta patris
& matris
parricida
salutariter
pœnitet.

R r r

serm.

*Filius re-
fractarius
in culeo
salvatur
pœnitens.*

serm. de cœna Dom. In eodem articulo temporis cum jam anima festinat ad exitum, & egrediens ad labia expirantis emerferit, pœnitentiam clementissima DEI benignitas non aspernatur, nec serum est, quod verum, nec irreversibile, quod voluntarium. Et quæcunque necessitas cogat ad pœnitudinem, nec quantitas criminis, nec brevitatis temporis, nec vitæ enormitas, nec horæ extremitas (si vera contritio, si purafuerit voluptatum mutatio) excludit a veniâ. Expertus hoc est Juvenis ille Brabentinus à pueritiâ in omne scelus propensus, de quo Pexensfelder *p. 1. hist. 35.* qui cum parentum & familiaris iudicio, putaretur aliquando futurus probrum domus paternæ, ad iudicem ab ipsis parentibus & amicis est adductus, quem rogârunt, ut filium clam propter multa morte luenda facinorâ è vivis tollat. Iudex jubet ligatum in sacco mitti, & sic in aquis suffocari. Juvenis sacco includendus obstinatissimè iudici, parentibus & consanguineis veniam negans sacco includitur, & desperabundus cum grandilapide alligato non tam in aquas, quam in æternas inferni flammâs immergitur. Dum noctu iudex miserandi juvenis obitum secum recogitat, adstat in formâ visibili juvenis ille, seque incredibiles pœnas pati dixit, solatio tamen sibi esse, quod de salute suâ sit certus, eo quod inclusus sacco cum jam aquæ subirent, à gratiâ DEI præventus fuerit, & certam planè de peccatis suis contritionem habuerit, quâ durante aquis præfocatus decessit. Pulchrè S. Chrysostomus *hom. 6. de pœnit.* Propterea Christus peregrinatus est in terrâ, maxima peccata remisit, latronem in paradysum reduxit, Publicanum fecit Evangelistam, Paulum blasphemum Apostolum orbis, ut tu peccator non desperes, sed peccatum satendo deleas, & salubrem ingrediaris viam. Instat proinde *hom. 2. in ps. 50.* Peccasti? pœnitere. Vulneratus es? adhibe tibi curam dum spiras, etiam in ipso lecto positus, etiam, si dici potest, animam efflans, etiam si ex hoc mundo ex eas. Non impeditur temporis angustia misericordia DEI. Quid est enim peccatum ad misericordiam DEI? tela est aranearum, quæ vento flante non comparet. Audite S. Bern. *serm. de bono latr.* Cuncta peccata ab origine mundi commissâ divinæ misericordiæ comparata, sunt quasi una gutta ad totius maris pelagus. Solatii plena est illa S. Aug. sententia: DEus omnia potest, non autem potest non misereri gemitibus peccatorum, qui ad se convertuntur. Verissimum namque est illud S. Pauli *1. ad Tim. 4.* vult omnes salvos fieri.

fieri. Unde licet gravissima sint hominum peccata, nullum tamen e-
 jus misericordiam transcendit. Cantipratanus refert de quopiam qui
 propria filiae stuprum intulit, & peccato commisso de misericordia
 DEI pene desperavit, ubi tamen veniae locum superesse didicit, ma-
 ximo cum dolore Senonensium Episcopo est confessus, qui contri-
 tionem cordis videns, septennii poenitentiam confesso imposuit, &
 ubi contritio magis, magisque sese prodidit, septennium poenitentiae
 ad triduanum jejunium reduxit, ac tandem ad unicam orationem
 Dominicam restrinxit. Ast homo hic poenitens praeter contritionem ni-
 mia contabuit, interque singultus & suspiria ac lachrymas expiravit,
 atque ab eodem Episcopo caelo inferri visus est. Pulchrè S. Ambr.
de obitu Theodosii super illa verba ps. 114. v. 5. Misericors Dominus
 & justus & DEus noster miseretur. Bis inquit, misericordiam posuit,
 semel justitiam, in medio justitia est gemino inclusa septo misericor-
 diae. Superabundante ego fateor peccata, sed superabundat & gra-
 tia & misericordia. Unde S. Hier. ad Rusticum. Nihil sic offendit
 DEum sicut cor impoenitens. Solum desperationis crimen est, quod
 veniam consequi non potest. Audiendus est proinde S. Ambr. *l. 6. in*
hexam. c. ult. super illa verba Gen. 2. Et requievit ab universo opere,
 quod patraverat. Fecit caelum, non lego quod requieverit; fecit
 solem, lunam, & stellas, nec ibi lego quod requieverit; sed lego
 quod fecerit hominem, & tunc requievit, habens cui peccata dimit-
 teret. Similem misericordiae occasionem desumit idem S. Ambr.
ex illo Gen. 9. Arcum meum ponam in nube. Lib. itaque de Noë & arcu
cap. 73. dicit, Arcum meum ponam in nube, non sagittam. Arcus
 enim instrumentum est jaculandae sagittae. Itaque non ipse arcus vul-
 nerat, sed sagitta. Et ideo Dominus in nubibus arcum magis, quam
 sagittam ponit, id est, non illud, quod vulnerat, sed quod habet
 terroris indicium, vulneris effectum habere non solet. Bene enim
 observat S. Bern. *serm. 5. de nativ. Dom. super illud 2. ad Cor. 1. Pater*
 misericordiarum, & DEus totius consolationis. Dicitur inquit Pa-
 ter misericordiarum, non dicitur Pater judiciorum, quia misericor-
 dia ex se sumit materiam miserendi, nam quod judicet & condemnet
 nos eum quodammodo cogimus; miserendi causam & originem su-
 mit ex propria; judicandi, vel ulciscendi magis ex nostro. Sic enim
 Salvianus *l. 4. de provid. Exacerbamus DEum impietatibus nostris,*
 & ad puniendum nos trahimus invitum, cumque ejus naturae sit, ut

Nullum
 peccatum
 DEI mi-
 sericordi-
 am trans-
 cendit.

Poenitentia
 salutariter
 peccato-
 rem extin-
 guit.

Semper su-
 perabun-
 dat miseri-
 cordia.

nulla iracundiæ passione moveatur, tanta tamen in nobis est exacerbatio, ut per nos cogatur irasci. Unde Cæsarii Arelatensis consilium audiamus *hom. 6. in biblioth. SS. PP. tom. 7.* Nec debet aliquis, quia DEus iustus desperare, nec quia misericors est, debet nimia securitate confidere. Sed sis timeat Iustitiam, ut quærat misericordiam, sic de misericordia confidat, ut tamen iustitiam contremiscat. Quia quanto nos diutius DEus expectat, tanto gravius iudicat, si de conversione tardius cogitemus. Neque dicas obstare claros textus scripturæ, qui vel contrarium docent, vel certè explicari dilucidè debent. Sic enim *Mat. 12. v. 31.* dicitur. Omne peccatum & blasphemia remittetur hominibus, spiritus autem blasphemix non remittetur. Et quicumque dixerit verbum contra filium hominis remittetur ei, qui autem dixerit contra Spiritum sanctum non remittetur ei, neque in hoc sæculo, neque in futuro. Sensus est de non simpliciter non remittendo, sed quod difficulter hoc sit futurum, quia talis homo obicem ponit Spiritui sancto, per quem veluti Sanctificatorem nostrum, gratia in cor hominis profluit. Quia vero talis se à Spiritu sancto avertit, ægrè ad gratiam pœnitentiæ deveniet, & sic in peccatis suis morietur. Sic namque *2. Machab. 9. v. 13.* de Antiocho dicitur: Orabat autem hic scelestus Dominum, a quo non esset misericordiam consecuturus. Patet enim non verè orasse Antiochum, non enim oravit ex motivo offensæ divinæ, sed ex dolorum gravitate, & morbi molestia, adeoque nec merebatur exaudiri à DEO. Ita plane intelligi debet illud S. Pauli *ad Hebr. 12. v. 17.* Non enim invenit pœnitentiæ locum, quamquam cum lachrymis inquisisset eam. Dicendum enim est: Esau pœnituisse quidem cum lachrymis, sed non habuisse propositum serium emendationis. Quod manifestè patet ex illis verbis *Gen. 27. v. 41.* Venient dies luctus Patris mei, & occidam Jacob. Quod ipsum fecisset Antiochus, si ex infirmitate sua convalesceret. Unde etiam illa difficultas, quam scriptura insinuat. *Act. 8. v. 22.* & à S. Petro dicta est Simoni Mago. Pœnitentiam itaque age ab hac nequitia tuâ, & roga DEum, si fortè remittatur tibi hæc cogitatio cordis tui, elucidatur. Respexit enim Petrus ad pœnitentiam minime seriam Simonis Magi, sed fictam tantum, quam indicavit expressis verbis illis: In felle enim amaritudinis & obligatione iniquitatis video te esse. Ex quibus verbis habes, quòd obligatus iniquitate, se ad seriam pœnitentiam non accommodaverit. Neque dicas, quod

*Aliud est
non remittendum, aliud quasi non, id est, difficile.*

quod S. Joannes non velit, ut pro aliquo peccatore oretur, eo quod spes veniæ non sit. Sic enim dicitur 1. Joan. 5. v. 16. Qui scit fratrem suum peccare peccatum, non ad mortem, petat, & dabitur ei vita peccanti non ad mortem. Est peccatum ad mortem, non pro illo dico ut roget quis. Sed hunc textum explicat S. Aug. l. 1. retract. c. 19. de *impœnitentiâ finali*. Si enim quis impœnitens moriatur, & desperandus, cum talis damnationis suæ manifesta det indicia, pro tali supervacaneas preces dicit esse S. Joannes. frustra enim oratur pro damnatis, cum in inferno nulla sit redemptio. Quod verò DEus etiam relapsis remittat peccata, id modo indagabimus.

Quando DEus pœnitentibus gratiam promisit, nullam penitus fecit exceptionem de relapsis, sed absolute Petro ejusque successoribus dedit claves & potestatem remittendi. Quare licet Montanistæ, qui in secundo Ecclesiæ sæculo eruperunt, præter alia multa absurda docuerint nullam relapsis esse veniam. Contra hos tamen suo tempore acerrimè decertavit S. Hieronymus, qui pœnitentiam esse secundam post naufragium omnibus communcin tabulam ostendit. Pulchrè proinde S. Chrysostomus in *præfat. commentar. suorum in I. sa.* monet, quotidie peccas, quotidianam age pœnitentiam. Id quod in singulis quibusque ædibus & ipsi facimus. Mox enim ut verriculo collectæ sunt quisquilæ, eas domo efferimus. Novas instauramus & superaddimus, nec sic interquiescimus, ab assiduâ hac diligentia converrendi domum. Hodienè in peccatis consenuisti? fac ut te renoves per pœnitentiam. Novatiani Hæretici, qui tertio sæculo invaluerunt, veniam dederunt relapsis, sed non nisi semel. Unde quis post primum relapsum, veniam & absolutionem petiit, eandem pœnitentibus negarunt. Repugnat autem hoc Bonitati divinæ, quia misericordissimus DEus non minus est misericors, quàm ille nos vertit esse misericordes, cum velit, ut non semel, sed sæpius offensam condonemus. Sic enim *Mat. 18. v. 21.* Petro interroganti; Quoties Christus peccabit in me frater meus, & dimittam ei? usque septies? Respondit illi Iesus, non dico tibi usque septies, sed usque septuagies septies. Certè si Christus voluit, ut nos condonaremus proximo nostro etiam septuagies septies, non est credendum, quod nos in hac mansuetudine simus superaturi DEum, cum nos in hac voluerit Patri æterno esse simillimos filios. Sic enim similitudinem hanc explicat maximè per condonationem injuriarum, uti videre est. *Matt. 5. v. 43.* quando

*Quotidie
sordes fa-
cis, quoti-
die verris,
sic si quoti-
die peccas,
etiam quoti-
die confi-
tere.*

*Quoties Christus
nos jubet
sæpius re-
mittere,
cur non &
ille?*

dixit: Audistis, quia dictum est antiquis &c. Et concludit Estote ergo vos perfecti, sicut & Pater vester cœlestis perfectus est. Ex quo principio pulchre S. Chrysostomus citatus. Peccasti, inquit, pœnitere. Millies peccasti? millies pœnitere. Quod confirmatur ex eo quia scriptura, cum largiter promittat pœnitentibus misericordiam, nullam unquam facit exceptionem temporis vel relapsus. Mirabile videri posset illud *Josue* 7. Cum enim Achan in deprædatione Jericho commississet furtum, eundem ad confessionem urgens Josue dixit: fili mi da gloriam Domino DEO Israël, & confitere. Quam gloriam obsecro sacrilegus fur dabit? Cajetanus in hunc locum dicit: Si Achan confessus fuisset peccatum suum à DEO obtinuisset veniam, Deoque dedisset gloriam. Hinc *Exod. c. 14. v. 17.* locutus DEus inquit Glorificabor in Pharaone, & in omni exercitu, & in curribus, & in Equitibus illius. Forſitan tunc quando omnes in mari submersi sunt? non negaverim! Tamen hoc verius dici potest, quando pœnitentes & contriti dixerunt Ægyptiî, fugiamus Israël, Dominus enim pugnat pro eis contra nos. Ex quo bene explicatur illud, quod quotidie in missa dicitur: gratias agimus tibi propter magnam gloriam tuam. Quis obsecro gratias agat Principi propter magnam gloriam, & majestatem, quam habet? Et tamen Sancta mater Ecclesia vult, ut DEO gratias agamus de sua infinita misericordia, quam peccatoribus exhibet in eo, quod peccatoribus misericorditer indulgeat veniam, quod ipse DEus sibi summæ gloriæ ducit. Et ideo David *ps. 144. v. 9.* inquit, Miserationes ejus super omnia opera ejus, quod S. Thomas explicat dicens, quod nulli rei melius DEus possit operam suam impendere, quam justificationi peccatoris, in cuius rei testimonium adducit verba Ecclesiæ: DEus qui omnipotentiam tuam parcendo maxime & miserando manifestas. Et S. Aug. *tract. 72. in Joann.* dicit: Quod enim ex impio justus fiat, majus hoc dixerim, quam creare cœlum & terram. Causam hujus dat. S. Th. ex fine utriusque actionis, quia creatio habet pro fine bonum naturæ mutabilis, justificatio autem bonum æternum divinæ participationis unde S. Greg. *hom. de centum ovis* dicit, majorem gloriam resultasse in DEUM ex conversione Magdalene, quam ex resurrectione Lazari, quia in resurrectione Lazari nullam divina omnipotentia reperit difficultatem ex parte subjecti, sicut in justificatione Magdalene ratione liberi arbitrii, quo

Confessio
nostra est
DEO glo-
riosa.

DEO in
missa gra-
tias agimus
propter
magnum
gloriam
suam.

Conversio
peccatoris
major Cre-
atione.

Se impius opponere potest divinæ voluntati. Et hinc ipsum Concil. Trident. sess. 6. c. 7. dicit Justificationis causa finalis est gloria DEI & Christi. Moriturus Jacob convocat filios suos, & incipiens à Ruben benedixit illis *Gen. 49. v. 3.* Ruben primogenitus meus effusus est sicut aqua. Non crescas quia ascendisti cubile Patristui, & maculasti stratum ejus. Quid hoc? Certè hæc maledictio potius, quam benedictio censeretur debet. Videte tamen, quid DEus egerit; facit DEus ut Moyses moriens benediceret omnibus tribubus Israël, incipit etiam Moyses à Ruben & dicit, vivat Ruben! non moriatur. Jacob voluit extinguere Ruben ut non crescat, & moriatur. Moyses maledictionem Patristollit, & benedicit. Theodorus in catena aurea causam dicit benedictionis fuisse, quod Ruben pœnituerit, & quod Josephum fratrem suum conatus fuerit, liberare à morte, quam fratres reliqui eidem inferre volebant. Quare non bene inferunt hæretici quidam dicentes, nimiam indulgentiam facere peccandi licentiam. Quia desperatio veniæ majorem facit apud DEum offensam. Et ideo Deus etiam gravius punit eos, qui desperant de veniâ, quam qui in idem peccatum relapsi pœnitentiam tandem serio faciunt. Sic Petrum licet ter negaverit se nōsse Christum, respexit & pœnitentem in gratiam recepit. Quam negationem deinde gratiosè voluit expiari triplici confessione, quando Christus eundem requisivit: Quem dicunt homines esse filium hominis? Et Petrus postquam flevit; illum Christus trinæ negationis oblitus, Ecclesiæ suæ præfecit. Pasce oves meas. Tanquam negationis oblivisceretur exclamat, S. Chrysostomus *homil. in Joan.* fratrum curam illi committit, neque negationis meminit, neque exprobrat; tantum dicit: si amas me. Ecce præsentem statum! Si amas me, fratrum curam suscipias. Sic Paulum *Act. 9.* divina voce fulminat Christus, & Paulus clamat: Domine, quid me vis facere? Interim DEus Ananiæ mandat, ut Paulum invitat: surge & vade in vicum qui vocatur Rectus, & quære in domo Judæ Saulum nomine Tarsensem. Replcat Ananias, Domine audivi à multis de viro hoc quanta mala fecerit sanctis tuis in Jerusalem. Erras Anania inquit Christus. Tu præterita loqueris. Ego de præsentī ago. Ecce enim orat. Quæ verba Hugo Cardinalis expendens dicit: Mitem eum feci, jam nulli timendum, sed amplectendus est ut frater, quia mala, quæ sanctis intulit, paratus est sustinere cum sanctis. Hinc Ecclesiasticum dicentem præter Davidem, Ezechiam, & Josiam omnes

Miseri-
cordia di-
vina in re-
missione
non facit
licentiam
peccandi.

*Fruſtus
pœnitentia.*

omnes peccatum commiferunt: Explicat Rabanus Morus ArchiEpiscopus Moguntinus. Hi tres non dicuntur non peccâſſe ſimpliciter, ſed comparatione aliorum, quia quod peccaverunt, condigna pœnitentiâ elucunt, & devotionis, ac pietatis officio DEO placuerunt. Hi tres igitur ſancti Canonizati juxta vitam præſentem, quam ſervaverunt poſt pœnitentiam, & non ſunt damnati ratione præteritorum. Concludit: Et hic eſt fruſtus pœnitentiæ. Hæc enim inquirenti Chriſto, ovem perditam monſtrat, drachmam amiſſam offert, diſſipatorem filium ad Patrem reducit, vulneratum à latronibus, exſpoliatumque cuſtodiendum & curandum tradit. In hac omne bonum invenitur & conſervatur. Quantum ad effectum, iſta fugat tenebras, inducit lucem. Confirmat hoc exemplis S. Aug. tom. 10. Dominus poſt tam grave peccatum David indulſit. Achab ſacrilego Regi pepercit, Manaſſem poſt innumerabilia peccata pœnitentiam agentem inter amicos ſuos reputavit, & meretrici quæ lachrymis pedes rlgaverat, & capillis terſerat, totum indulſit. Qui ergo iſtis tantis ac talibus peccatoribus veniam dedit, paratus eſt & nobis non ſolum peccata diſmittere, ſed & æternam beatitudinem dare. Quare tom. 4. idem S. Aug. nos hortatur; Sperate de venia, etſi maxima ſit iniquitas, quia ubi abundavit delictum, ſuperabundavit & gratia. Hinc bene Arnol-
dus tract. 7. de verbis. Dom. ſit, qui pœniteat, non deerit, qui indulgeat. Cui conſonat S. Chryſoſtomus hom. 2. in ps. 10. ſi lapſus es, poteris ſurgere; periſti, ſed poteris ſalvari; fornicatus es, ſed poteris continere; mœchatus es, ſed poteris liberari. Tantum vel parva incipiat eſſe converſio; paululum pœnitere, etiam animam efflans, ſi ſic dici poteſt pœnitere; non enim impeditur à temporis anguſtiâ miſericordia DEI. Certiſſimum eſt eſſatum S. Thomæ de villa nova Conc. 1. de judicio. Peccavimus fratres! aut pœnitendum; aut certe ardens.

*Baptiſmus
iterari non
poteſt, po-
teſt vero
pœnitentia.*

Sed dices forte cum S. Paulo ad Hebr. 6. v. 4. Impoſſibile eſt enim eos, qui ſemel ſunt illuminati, guſtaverunt etiam donum cœleſte & participes facti ſunt ſpiritus ſancti, guſtaverunt nihilominus bonum verbi DEI, virtutésque ſæculi venturi, & prolapſi ſunt, rurfus renovari ad pœnitentiam. Dicam ego S. Paulum vel loqui de renovatione ad pœnitentia baptiſmi, & hæc eſt impoſſibilis illuminato vel baptizato; quia baptiſmus non poteſt reiterari. Cauſa autem negatæ huius iterationis eſt, quia baptiſmus eſt ſignum mortis Chriſti, qui cum

non

non sit nisi semel mortuus, baptismus etiam repeti non debet. Et sic explicant hunc locum Pauli, Theodoretus, Ambrosius, Chrysostomus. Vel certè dicendum est, cum S. Anselmo, & Lyrano, quod S. Paulus locutus sit de renovatione ordinaria ad pœnitentiã, quæ graviter lapsis est impossibilis, non simpliciter, sed quasi; quia in similibus peccatis gravibus habitatis est valde difficilis. Quod autem valde difficulter sit, vulgari modo loquendi dicitur impossibile. Hi enim quia non habent seriam voluntatem resipiscendi, gratiã divinã prœveniri non merentur. Non miror jam Nirenbergium l. 4. de gratia dicentem. Ah si norint homines, quantum sit, quod agunt, cum antea etiam vitam dolore criminum rescindunt, serioque ad frugem redeunt. Majus profecto quidpiam & excellentius est, quam si corpus mortale immortali gloria induerent, excitarent in vitam mortuos, homines ex nihilo crearent. Pulchrè enim S. August. *serm. 15. de verb. Ap.* Si hominem te fecit DEus, & justum tu te facis, melius aliquid facis, quàm fecit DEus. Quid si Germanum possis dolendo propria scelera ex sepulchro in vitam revocare. An usque adeo sis DEO infensus, aut durus Germano tuo, ut ipsi illum dolore in salutarem neges? Quid ergo mortuam animam, te inquam ipsum æterno addictum supplicio ab eo non revocas, cum id possis tam levi ac parabili dolore. Audite S. Chrysostomum *tom. 4. hom. 4.* lethali vulnere confectam denuo instaurare animam excellentius est, quam corpus mortuum excitare. Nec immeritò quia ut inquit S. Aug. *de verbis Dom. serm. 44.* Corpus vitæ redditur iterum casuræ, anima verò vitæ nunquam desituræ. Quare non desperes, licet catenis malæ consuetudinis ligatus tenearis a dæmone. Refert Joannes Major in *spec. Exempl. verbo contritio Exempl. 2.* Quod homo improbus sola curiositate ductus ingressus sit in templum, ut famulos concionatorem audiret; hic DEO disponente contra vitium illud acris intonabat, in quo iste gravius laborabat. Casu inter dicendum in hunc oculos conjicit orator, & hoc ipso intuitu gravi catenâ miserum obstrictum videt. Quare vel ex hinc dictionis suæ accipit materiam, & quam gravi catena teneatur peccator ostendit. Dum hoc agit concionator, illius catenati conturbatur cor, subitoque in lachrymas solvitur. Vix autem catenam illam una lachrymarum attigit, cum subito catena sumpti visa est, atque ille peccata sua confessus, feliciter suæ salutis restitutus est libertati. O quam verum est, quod non impediatur illa temporis angustia

*Baptismus
cur ne-
queat ite-
rari.*

*Habitatis
quasi est
impossibilis
pœnitentia.*

*Conciona-
tor videt
peccato-
rem cate-
nis obstri-
ctum esse.*

Lacryma
pœnitentis
ſilvunt,
catenam
demonis a-
nimam li-
gantis.

Chriſti pa-
tientis do-
loroſus ac-
ſeſſus pec-
catorem
moveret o-
rante S.
Cath. Sen.

Chriſtus
prævertit
pœnitentes
ſua miſeri-
cordia.

DEus non
remittit
peccatum
poſt hanc
vitam.

guſtia clementiſſima DEI miſericordia ! Andreas Naddini Civis Se-
nenſis luſor inſignis ac inter ludendum horrendè blaſphemus, gravi
morbo obrutus à medicis deſiſtus, à viris Religioſis fruſtra ad pœ-
nitentiam ſtimulabatur. Audit hoc confeſſarius S. Catharinæ Senen-
ſis, camq; adit, & rogat, ut deſperato homini veniam exoret. Oratilla
ardentiſſimè & ecce adeſt Chriſtus, qui illam informat de homine
ſcelerato dicens: os illius blaſphemum, me ipſum ſi poſſet perderet;
ille Matris meæ imaginem combuſſit &c. Illachrymata virgo ulterius
pro miſericordia inſtat, ut ſe ipſum Andreæ obdurato ſpectabilem ſi-
ſtat, & ad pœnitentiam hortetur. Fecit hoc exoratus Chriſtus, & ho-
minem ſic inmutavit, ut peccata ſua doloroſiſſimè conſeſſus felicissi-
mè expiraverit. Quam verè dixit S. Ephrem ſerm. de afflicto. O dulcis
Jeſu, priuſquam peccator attingat ad januam, tu ei aperis, antequam
tibi procidat, manum ei præbes, antequam lachrymas profundat, tuas
ſuper illum miſerationes effundis. Charitas tua noſtræ ſalutis cupidifi-
ſima ſeipſa ad nos inclinat. Expertus hoc fuit pius latro, qui Chriſto in
cruce vicinus vix dixit. Domine memento mei; audivit ſtatim: Ho-
die mecum eris in paradyſo. Pulchre S. Ambr. in ps. 37. ille adhuc ro-
gabat, & Dominus cum nondū veniſſet, tribuit illi paradyſum. Quam
velox miſericordia ! Tardius votum precantis, quam remunerantis
eſt pretium. S. Chryſoſtomus verò hom. 38. in Gen. poſtquam egiſſet
de converſione latronis. Tanta eſt inquit DEI miſericordia erga nos.
Nam ubi viderit voluntatis noſtræ firmum propositum, non retar-
dat, ſed accelerat, dicens: adhuc te loquente dicam, ecce adſum.

Ex diſtis tamen non ſequitur, quod DEus infinite miſericors ho-
mini remittat aliquod peccatum poſt hanc vitam, uti malè ſibi per-
ſuaſit Origenes, qui putavit, animas damnatas aliquando tandem ex
inferno liberandas. Repugnat enim hoc ſcripturæ, cujus eſt hæc
maxima. In inferno nulla eſt redemptio. Et oſtendit hoc Chriſtus
Mat. 25. in illis fatuis virginibus quæ lampadibus & oleo inſtructæ non
fuerunt, quando ſponſus venit, quæ verò paratæ erant, intraverunt
cum eo ad nuptias & clauſa eſt janua. Quare Eccleſ. 9. v. 10. dicitur:
Nec opus, nec ratio eſt apud inferos, Quia Apoc. 16. v. 6. definitum
eſt: Non erit tempus amplius. Bene S. Aug. tract. 44. in Joan. Hoc ex-
plicat: Quando vivebas, tunc erat tempus operandi, modo jam in
noſte es, quando nemo poteſt operari. Ex quo bene concluditur,
quod pœnitentia non ſit differenda. Reſert Beda l. 5. hiſt. Anglic. de
aulico

aulico quodam Regis Angliæ, qui cum ab ipso Rege admonitus fuisset de confessione nec tamen confiteri vellet, quod inquam Rex viderit loco Angelorum, qui lectum circumstabant, accessisse horrenda facie dæmones, qui in ingenti volumine rationes vitæ transactæ eidem ostendebant, cumque ingenti cum ejulatu exclamaret moriens, quod unus dæmonum ad caput, alter ad pedes sibi desperatam animam eripiat, inter inconditos ejulatus & clamores miserissime expiravit. Hac nimirum animadversione percutitur peccator, ut in morte obliviscatur sui, qui vivus oblitus est DEI. Sicut enim gravem injuriam infert Creditori, qui cum posset Creditorem solvere, illum tamen semper differt; sic non minorem injuriam infert DEO, cum per veram contritionem, posset se reconciliare DEO, id tamen non facit. Unde tam sollicitè S. Chrysologus *serm. 167.* Currat pœnitentia, ne præcurrat sententia. Ne judicemur, judices nostri simus. Et hinc est tam seria Sancti Augustini commonitio *serm. 36. ad frat. in Eremo.* Age pœnitentiam dum sanus es, si sic agis, dico tibi, quia securus es, quia pœnitentiam egisti eo tempore, quando peccare potuisti; Si vis agere pœnitentiam, quando jam peccare non potes, peccata te dimiserunt, non tu illa. Narrat Lobetius *Dom. 5. post Pentec. sect. 5.* fuisse senem octuagenario majorem virum opulentum, at erga pauperes durum utpote qui plurimos oppresserat. Infirmatus, monitus est, ut animæ suæ confuleret, quia jam ab annis triginta id neglexerat, sed surdo caneatur, usque dum monitionis impatiens permisit, ut confessarius Religiosus evocaretur. Curritur & quales voluerunt amici, obvii sunt, statim ad ægrum sine arbitris adinituntur. Cum verò hi cum infirmo de salute animæ agere creduntur adfunt alii duo veri Religiosi, qui cum se nescire de aliis quidquam assererent, perplexam fecerunt Domini sui familiam; dum ergo pertæsi longioris moræ famuli cubiculum subintrant, nec religiosos ullos, sed neque herum suum in lecto reperiunt, neque aliud vident, nisi murum lecto vicinum copioso recentique sanguine respersum & ex lecto erumpentes sœtidas flammæ, quæ fidem fecerunt, quo miser impœnitens abreptus sit. Discamus tam funesto exitu Christianam consequentiam *ad Galat. 6.* à Sancto Paulo dictatam. Ergo dum tempus habemus operemur bonum. O quam meritò exclamat S. August. *de vera & falsa pœnit. c. 7.* Multos solet serotina pœnitentia decipere, quem enim morbus urget, pœna terret, ad seriam vix ven-

*Anglus
aulicus pœ
nitentiam
differens
à demoni-
bus abri-
piatur.*

*Dæmon
confessa-
riam men-
titus octu-
agenarium
impœni-
tentem ab-
ripit.*

*Pœniten-
tia non dis-
ferenda.*

veniet satisfactionem. Maxime cum uxor & filii, quos dilexit, sint praesentes, & mundus ad se vocet. Causam dat idem S. Aug. *serm. 58. de Sanctis*. Emenda igitur frater vitam tuam, dum tempus datur. Implora nunc auxilium divinum dum locus datur. flecto nunc, dum lachrymis non intercluditur via. Noli poenitentiam differre, dum hoc in tempore vivis, in quo tantum fructus ejus est utilis. Quomodo enim, quærit S. August. *serm. 58. de temp.* Agat poenitentiam in extremis vitæ finibus constitutus? Poenitentia quæ à moriente petitur, vereor ne mortua sit. Et ideo dilectissimi, quicumque invenire vult misericordiam DEI sanus agat poenitentiam in hoc sæculo, ut sanus esse valeat in futuro. Graviter S. Bern. *serm. 38. ex parvis*. Si bene memini in toto Canone scripturarum unum latronem invenies salvatum. Noli ergo huic tam periculosa expectationi credere temetipsum. Quia ut bene inquit S. Isidorus *de summo bono c. ult.* qui vult de remissione peccatorum securus esse in hora mortis, faciat poenitentiam dum sanus est, & tunc iniquitatem suam plangat. Sed qui male vixit, & poenitentiam in hora mortis agit, certum est, quod in summo versetur periculo. Quemadmodum enim ejus damnatio est incerta, ita salus illius est dubia. Monet ergo tam instant S. Chrysostomus *hom. 22. de poenit.* Noli expectare finem ubi poenitentia remedium nihil valet. Quærite exclamat *Isaias c. 55. v. 6.* Dominum dum inveniri potest, invocate eum dum prope est. In quem locum S. Gregor. *18. mor. c. 5.* Modo non videtur & prope est, tunc videbitur & prope non erit. Nunc non videtur & invenitur, tunc videbitur & inveniri non poterit. Causam dat idem S. Greg. *1. 8. mor. c. 5.* Ejus clamorem tempore angustia DEUS non audit, qui ipse tranquillitatis tempore clamantem Dominum non audivit, juxta illud. Qui declinat aures suas, ne audiat legem, oratio ejus erit execrabilis. Contremiscant ergo & expavescant omnes S. Augustini sententiam, qui *serm. 3. de Innocent.* dicit: Veniet tempus, quando nec eis licebit poenitentiam agere, nec bonis operibus se ab æterna morte poterunt redimere, quia percutitur etiam hac animadversio peccator ut moriens obliviscatur sui, qui dum viveret oblitus est DEI. Neque dicas S. Theclam eliberasse animam Falconilla ex inferno, uti & S. Gregorium ex inferno evocasse animam Trajani. Bellarminus enim *l. 2. de purgat. c. 8.* ostendit hoc esse fabulosum. Cæterum si dicas B. V. aliosque sanctos impetrasse dilationem de rectoria Sententia

tiæ æternæ damnationis, & obtinendæ conversionis, peragendæque pœnitentiæ, non video, quid inconvenientiæ inferre possint hæretici. Maximè cum anima Lazari toto illo quadriduo, quo erat sepultus, velut ad vitam revocanda, indefinite hæserit. Si verò istes, & dicas, Christum in inferno prædicasse pœnitentiam, ut salvarentur. Dicam ego Christum non prædicasse damnatis in inferno, sed Patribus in limbo, neque illa prædicatio fuit de pœnitentia, sed materia consolationis, qua eosdem est solatus, & illos certificavit de redemptione peractâ. Si dixeris SS. PP. Nazianzenum, Damascenum, Augustinum, dubitasse, & pene ejusdem fuisse opinionis, quod tunc quando Christus descendit ad inferos, aliquas animas ex inferno liberaverit, respondebo ego aliud esse sentire, & aliud esse dubitare. Fieri enim potest, quod in aliquo manifesto fidei articulo dubitem, quo dubio stante non sum hæreticus, quod si tamen ita sentirem, omnino pro hæretico haberer. Quia verò de hoc fusius egi *articul. 5. disc. 25.* ad illum lectorem benevolum remitto, interim notæ Ecclesiæ paræmiæ insisto & dico, quia in inferno nulla est redemptio.

Supereft modo expendere, quomodo intelligi debeat illud Lutheri axioma, seu fidei suæ novæ documentum, hominem debere credere sibi remissa esse peccata, cum tamen passim ex Lutheri doctrina habeatur, quod prædicantes non remittant, sed solum annuncient remissionem peccatorum. Quare sciendum est, quod error hic oritur ex confusione vocum istarum fidei & fiduciæ, quas hæretici confundunt, dum illas pro eadem sumunt. In quo apparet error & manifesta ignorantia veræ Grammaticæ. Cum enim fides sit fundamentum fiduciæ nostræ, hæc fiducia non fides, sed spes & confidentia dici debet. adeoque falsa est ista propositio: homo debet credere sibi remissa esse peccata, quia *Eccles. 9. v. 1.* dicitur: nescit homo an odio, an amore dignus sit. Item *Eccles. 5. v. 5.* de propitiato peccato, noli esse sine metu. Quid quod Paulus *1. ad Cor. 4. v. 4.* dicat: nihil mihi conscius sum, sed in hoc non sum justificatus. Unde merito Sapiens *Prov. 30. v. 9.* quærit: quis potest dicere mundum est cor meum. Aliud autem esset, si Christus alicui illud revelasset, sicut revelavit & dixit Magdalenz *Luc. 7. v. 48.* Remittuntur tibi peccata tua, vel sicut dixit Paralytico *Mat. 9. v. 2.* confide fili remittuntur tibi peccata tua. Aut quemadmodum contestatus est Zachæo *Luc. 19. v. 9.* Quia hodie salus domui huic facta est, eo quod & ipse filius

Nulla anima liberatur ex inferno.

Homo non tenetur credere sibi esse remissa peccata. Fides & fiducia distinguuntur.

fit Abrahæ. Proinde sperare debemus, & fiduciam habere possumus, quod solitis in Ecclesia applicatis mediis remissionem peccatorum consequamur. Si scilicet peccata nostra confessi simus, nihil volenter vel scienter celavimus, dolorem debitum & propositum habuimus; tum enim sperare possumus, peccatorum veniam nos esse consecutos, cum DEus quod docet Concilium Milevitanum, facienti quod est in se non deneget gratiam. Quod si cum Paulo simplice videremus vincula Dæmonis in nobis rumpi; esset hoc argumentum amplioris fiduciæ. Hic enim præforibus templi confidens introeuntium animas contemplabatur. In mediâ vero turba vidit aliquem, quem non Angeli sed dæmones catervatim stipabant. Altum proinde ingemuit & lachrymis perfusus universum populum conturbavit. Sollicitus ergo populus causam insoliti ploratus petiit, jussit vero ille omnes devotè sacris assistere, & DEum rogare, ipse autem in portæ limine substitit. Peractis divinis iterum egredientes observavit Paulus, & specialiter illum quem vidit prius male à dæmonibus comitatum, modo vero non amplius à dæmonibus, sed angelo comitante procedere. Unde miro gaudio exultans, omnes ad templum revocat, & omnibus, quæ vidit, exponit. Deinde vero hominem illum ex turba ad altare evocat, & quæ secum acta sint, pro DEI gloria ut manifestet, rogat. Hic se peccatorem esse asserit, nec aliud se scire, quàm cum caneretur in Ecclesia, Lavamini & mundi estote &c. Ita se accendi sensisse, ut peccata sua toto corde detestaretur, & sic cum proposito seriæ confessionis ex templo exivisse. His dictis magna cum acclamatione DEI misericordiam collaudavit. Quod si cum Piscatore in Episcopatu Trajectensi ferrum illæsus tractarem, esset, quod de remissione peccatorum aliquomodo præsumerem. Hic enim piscator postquam diu cum quadam fœmina esset fornicatus, timeret autem ab instante Synodo citari ad pœnam, venit ad sacerdotem, cui peccata sua confessus emendationem proinquit, eamque aliquamdiu cum admiratione multorum servavit, adeoque in Synodo accusatus pro sui defensione ignitum ferrum tractavit illæsa manu. Ubi verò solutâ Synodo in illicitas voluptates rursus relapsus fuit, gloriatusq; fuisset, se à ferro candente tam parum læsum fuisse, quàm ab aqua fluminia, in quo tunc navigavit, atq; aquam in manum sumeret, aqua frigida candentis ferri vicem gessit, & manum graviter adussit. Modo autè quia nescimus an odio an amore digni sumus, agamus quod

hortus

S. Paulus simplex videt peccatores per pœnitentiam solvi à catenis dæmonis.

Piscator; pœnitens ferrum illæsus tractat, relapsus ab aqua aduvertur.

hortus Pastorum tract. 1. de char. Sect. 2. refert, egisse monachum. Cum enim dæmon mentitus angelum lucis seni cuidam monacho apparuisset eiq; dixisset juvenem discipulum, qui alias bene se gerebat, æternæ damnationis esse filium, adeoq; in vanum laborare & frustra se affligere. Quoties ergo senex discipulum suum aspexit, flevit. Importunitate tandem juvenis victus, eidem doloris sui causam aperuit. At juvenis nihil motus dixit: DEUS quod in oculis ejus beneplacitum est, faciat; ego non servio illi propter regnum cœlorum, sed propter bonitatem suam. De Cætero si mihi cœlum dare velit, sit benedictus; si ad infernum detruserit, justum erit judicium ejus. Dominus est, quod lubet, faciat. Sequenti nocte apparuit angelus seni, & fraudem dæmonis detexit, simulque aperuit, quantum, hoc actu demissionis sibi juvenis optimus meritus fuerit. Non est proinde quod Paulum *ad Rom. 8. versu 16.* objicias dicentem: ipse Spiritus reddit testimonium Spiritui nostro, quod sumus filii DEI. Quæro enim ubi definitum sit, quod iste Spiritus, qui tibi testimonium perhibet, sit verè Spiritus DEI maxime verò, cum ipsius Lutheri testimonio habeamus, quod ipse nesciat, quo spiritu actus suas de mîsâ sententias dictaverit. Præterquam quod testimonium hoc, quod redditur spiritui nostro sit tantum probabile, non autem simpliciter & absolute certum. Quo tamen consolati, manemus in fiducia optimâ & spe misericordiæ divinæ, nos esse & permansturos inter filios DEI. Ut verò hanc optimam salutis nostræ fiduciam habeamus, accipiamus auream regulam ab ipso Christo dictatam *Matt. 19. v. 17.* Si vis ad vitam ingredi, serva mandata, quæ si ex fragilitate transgressi fuerimus, per pœnitentiam recurramus ad Christum.

Matth. 11. versu 28. dicentem: Venite ad me omnes qui laboratis & onerati estis, & ego reficiam vos.



ARTI-



ARTICULUS XI.

Carnis Resurrectionem.

DISCURSUS XLI.

Omnes resurgemus in ultimo die
Judicii.

Cardinalis Cajetan ubi definitivè decernit horam resurrectionis Christi fuisse in aurora, docet, quod de fide sit resurrectionem Christi esse causam resurrectionis corporum nostrorum. Paulus namque *1. ad Cor. 15. v. 22.* dixit: Sicut in Adam omnes moriuntur, ita & in Christo omnes vivificabuntur. Adeoque resurrectio mortuorum fundatur in resurrectione Christi. Quasi diceret Paulus. Si Christus à mortuis resurrexit, ergo & nos à mortuis resurgemus. Si autem nos à mortuis non resurgemus, sequitur quod neque Christus à mortuis resurrexerit. Adeoque quintus & undecimus Articulus fidei videntur inter se ita esse connexi, ut qui credit in unum, cogatur credere in alterum. Et hoc clarè deducere possumus ex discursu S. Pauli, qui *versu 12.* sic loquitur: Si autem Christus prædicatur, quod resurrexit à mortuis, quomodo quidam dicunt in vobis quoniam resurrectio mortuorum non est. Si autem resurrectio mortuorum non est, neque Christus resurrexit. Si autem Christus non resurrexit, inanis ergo prædicatio nostra, inanis est & fides nostra. Invenimur autem & falsi testes DEI, quoniam testimonium diximus adversus DEUM, quod suscitavit Christum, quem non suscitavit, si mortui non resurgunt. Nam si mortui non resurgunt, neque Christus resurrexit. Quare *ad Thessal. 1. c. 4. v. 12.* eisdem his verbis solatur: Nolumus autem vos ignorare fratres de dormientibus, ut non contristemini sicut cæteri qui spem non habent.

Si

fi enim credimus, quod IESUS mortuus est & resurrexit, ita & DEUS
 eos, qui dormierunt, per IESUM adducet cum eo. Quam formam argumen-
 tandi utitur *ad Rom. 8. v. 11.* quod si spiritus ejus qui suscitavit IESUM
 Christum à mortuis habitat in vobis, qui suscitavit IESUM Christum à
 mortuis vivificabit & mortalia corpora vestra, propter inhabitantem
 spiritum ejus in vobis. Quasi diceret: in resurrectione gloriosi capitis
 nostri habemus omnia membra hujus mystici corporis, unde speremus,
 quod & nos resurgemus. Videri tamen potest difficilis hæc ar-
 gumentatio Pauli: Si Christus surrexit, ergo & nos resurgemus,
 nam si mortui non resurgunt, neque Christus resurrexit. Legitima
 tamen hæc est S. Pauli illatio. Quia SS. PP. qui hunc locum Pauli
 explicant, supponunt Ecclesiam esse corpus mysticum & Christum
 illius esse caput juxta illud *ad Col. 1. v. 18.* & ipse est caput corpo-
 ris Ecclesiæ. Capillos hujus capitis dicunt esse Sanctos ex illo
Matth. 10. versu 30. Capilli capitis vestri omnes numerati sunt. Cur
 autem Sancti capillis potius, quam aliis membris corporis compa-
 rentur, causa est; quia si manum vel pedem amiscindas, nulla ma-
 nus aut pes renascetur, capillus etsi præscindatur, renascitur & suc-
 crescit, imò sæpe pulchrior redibit. Christus est caput, capilli sunt San-
 cti, resurgente capite juxta velut capilli resurgent, qui licet à tyran-
 nis sæpe recisi fuerint, gloriosiores tamen resurgunt in cælo. Ut
 verò ad Cajetanum redeamus aptè ad meum propositum quærit ille,
 quid causæ sub sit, quod Dominus appetente die, & quidem in au-
 rora surrexerit? Respondet ipse, quod valde congruè dies æter-
 nitatis gloriosorum corporum incipiat cum aurora. Resurrectio eni-
 nim Christi est initium universalis resurrectionis omnium corporum,
 sicut aurora est initium diei. Ubi vides quod magno cum mysterio
 factum sit, quod Christus tunc surrexerit, cum aurora exoriri cœ-
 pit, ut significaret, quod velut aurora est prodromus solis & cur-
 rus illius triumphalis, in quo invehitur dies, ita suam resurrectio-
 nem esse originem & principium resurrectionis nostræ. Sunt tamen
 aliqui, qui hunc locum Pauli explicant per locum intrinsecum &
 pro faciliiori intelligentia, dicunt caput esse fontem vitæ, utpote
 quod omnibus membris vitam dat & spiritum sic enim dicitur à ca-
 piendo quia inde initium capiunt omnes sensus & nervi corporis. Et
 hinc *Gen. 2. versu 7.* Inspiravit DEUS in faciem ejus spiraculum vitæ,
 & factus est homo in animam viventem. Ex capite scilicet derivavit
 vitam

*Christus
resurrexit
ergo & nos
bona est
consequen-
tia.*

*Sancti cur
capilli di-
cantur in
resurre-
ctione mor-
tuum.*

*Christus in
aurora re-
surgit, quia
est princi-
pium re-
surrectio-
nis nostræ.*

vitam in univcrsum hominem. Unde argumentatio Pauli bene procedit Christus est caput Ecclesiæ & nos membra sumus corporis ejus, ergo per locum intrinsecum, Si Christus vivit caput Ecclesiæ, etiam fideles qui membra sunt hujus capitis, vitam habebunt. Explicat hoc eruditè Momingo *Dom. Paschas.* similitudine ducta à quodam serpente, de quo Plinius refert, quod crocodilo insectissimus inter herbas, quibus is vescitur se abscondat, & quia serpens ille coloris est viridis inopinatè se herbis commiscet, vivusque crocodilum in stomachum ingreditur, & ibi tamdiu stomachum illius corrodit, usque dum crocodilum penitus extinguat, quo mortuo vivus iterum profilit. *Joan. 3. v. 14.* Sc Christus Serpenti comparat sicut Moses exaltavit serpentem, ita exaltari oportet filium hominis. Si herbae colorem velis? audi *Isaiam c. 40. v. 6.* omnis caro scenum, quam carnem *Joan. 1. v. 14.* assumpsit. Verbum caro factum est. Crocodilum mortem dicam, quæ tot virentes flores in ætate optimâ demersuit, insuper in ipso Calvaria monte duos latrones cum ipso Christo devoravit, sed vix fauces mortis ingressus est, Christus morsu suo mortem ipsam interemit. Ut verificaretur illud *Osee c. 13. versu 14.* O mors! Ero mors tua, morsus tuus ero inferne. Accidit nimirum morti, quod apibus, quæ ubi aculeum figunt & relinquunt, pereunt. Ita ubi mors aculeum suum fixit in Christum isque hæsit, quando nimirum pro nobis mortuus est in cruce, mors mortua est, & interivit. Sed Christus rursus gloriose ex corde terræ prodiit, seu mortualis crocodili faucibus, quando gloriosus resurrexit, & factus est primitiæ morientium *1. ad Cor. 15. v. 20.* nunc autem Christus resurrexit à mortuis primitiæ morientium, quoniam quidem per hominem mors, & per hominem resurrectio mortuorum. Quod *ad Colossenses 1. versu 18.* repetit: Et ipse est caput corporis Ecclesiæ, qui est principium, primogenitus ex mortuis, ut sit in omnibus ipse primatum tenens. Cui assentitur S. Joan. in sua *Apoc. c. 1. versu 5.* ubi nominatur testis fidelis & primogenitus mortuorum, non quod primus omnium à mortuis resurrexerit cum ipse ante mortem suam alios suscitaverit, sed quia surrexit primus non amplius moriturus. Et ideo resurrectio à Christo regeneratio dicitur *Matth. 19. versu 29.* Amen dico vobis; quod vos qui secuti estis me, in regeneratione cum sederit filius hominis in sede majestatis suæ, sedebitis & vos super sedes duodecim, judicantes duodecim tribus Israël. Quia vero

intre

Serpens
viridis cro-
codilum in-
fermit.

Mors mor-
tuo Christo
mortua est.

inter eos, qui secundum animam & corpus ad vitam regenerati sunt; Christus omnium primus est, clarum est, quod sit primogenitus, quia ante illum nemo sic gloriosus æternam beatitudinem assecutus est. Licet enim ante Christum à mortuis resurrexit filius viduæ Sareptanæ *1. 3. Reg. c. 17.* resuscitatus ab Elia. Revixit filius illius viduæ Sumanitidis *4. Reg. 4.* revocatus ab Elisæo. Redierit ad vitam homo ille, qui in sepulchrum Elisæi abiectus fuit. *4. Reg. 13.* Rursus ad vitam puella illa filia Principis per Christum *Matth. 9.* revocata sit. Repetierit mortalem vitam iussu filii DEI, filius viduæ in Nain *Luc. 7.* resuscitatus sit ab ipso Christo quadriduanus Lazarus *Joan. 11.* Hi tamen omnes solum ad vitam mortalem sunt revocati, morituri iterum, primus Christus sic resurrexit ad vitam immortalem, ut jam non moriatur amplius, nec mors illi ultra dominabitur. Et quia nullus ante ipsum sic resurrexit, est ille manetque primogenitus mortuorum, quem omnes sequemur & ad vitam æternam etiam suo tempore resurgemus. Unde argumentum otiosum non est apud nos Catholicos: in veteri lege aliqui per Prophetas Eliam & Elisæum, in novâ per Christum Salvatorem, in Ecclesia DEI per Apostolos variosque Sanctos, etiam postremis temporibus à mortuis resuscitati sunt, ergo possibile est mortuos resurgere. Quid ad hoc dicent Saducæi? Quid Marcionistæ? Quid Albigenes? Quid Manichæi? Certè S. Paulus argumentatur à solo Christo; annon ergo à Christo mortuorum primogenito, cui tot centeni conjuncti sunt, efficaciter concludam dari carnis resurrectionem in novissimo illo die, quando omnes resurgemus recepturi in corpore prout gessimus sive bonum sive malum.

Non minùs efficax argumentum est ex *Osea qui c. 13.* gloriosam resurrectionem Christi prævidens & in illa omnium nostrum in carne futuram anastasin victoriam Christi contra mortem prædixit. Si verò non resurgeremus à mortuis, sequeretur quod Christus verè mortem non devicisset, cum in nos adhuc imperium obtineret. Quod dici non potest, quia Christus clarè per Prophetam *Oseam c. 13. versu 14.* morti comminatus est. Ero mors tua o mors! quem mortis interitum contestatur Paulus *1. ad Corinth. 15. versu 54.* Cum autem mortale hoc induerit immortalitatem tunc fiet sermo, qui scriptus est: absorpta est mors in victoria. Ubi est mors victoria

Mors somnus est.

Cæmeterium est dormitorium.

Septem dormientes resurrectionis argumentum.

tua? Ubi est mors stimulus tuus? Quod cum Paulo tam confidenter dicere non possemus, nisi certi essemus de resurrectione nostra. Et hinc puto esse, quod Christus toties mortem somnum appellaverit, eosque qui mortem oppetierunt, dormire dixerit. Sic namque *Matth. 9. versu 24.* non est mortua puella sed dormit. Et *Joan. 11. versu 11.* de Lazaro dixit Christus, Lazarus amicus noster dormit, sed vado, ut à somno excitem eum. Somnus autem vivis, non verò mortuis competit. Quare sciendum, quod mors bonorum somnus sit, sicut enim reprobi, etiam si secundum corpus vivant, verè tamen in anima mortui sunt: Ita qui in statu gratiæ moriuntur, non mortui, sed vivi dici debent. Quod vel ex ipsâ derivatione nominis Græci cæmeterium deducitur, quod aliud non significat, quam quoddam quasi dormitorium, ubi mortui dormientium instar aliquando resuscitandi dicuntur. Videtur hoc innuasse *Job. c. 7. versu 21.* Ecce nunc in pulvere dormiam. Certè S. Chrysostomus *hom. 4. in Job.* dum illum nudatum rebus omnibus & ipso in corpore tam dirè laniatum considerat; at verò longa virtutis & patientiæ constantiâ probatum invenit, velut servum fidelem & sincerum à DEO variis gratis ornatum asserit *Job. 42. versu 10.* Et addidit Dominus omnia, quæ fecerat *Job* duplicia. Quærit autem citatus Chrysostomus cum *Job* dicatur habuisse septem filios & tres filias, quomodo jumenta reddantur in duplum, in simplum verò restituantur liberi? Sibi interroganti ipsemet respondet; ut ostenderet, quoniam ipsi tametsi perempti sunt, vivant tamen; ac omnes sancto *Jobo* lætitiæ causa sint, eique cohæredes applaudant. Bene proinde bestias in duplum restituit, quas perdiderat, filios verò non, quia eorum occasus vera mors non erat, sed potius de domo hujus vitæ ad alteram meliorem translatio. Magnum hujus felicitis somni & futuræ resurrectionis testimonium nobis exhibent septem dormientes illi, qui cum anno Christi 283. Decio imperante persecutionem declinarent, postquam eos tyrannus nobilitatis ornamentis exuit, eisque tempus ad deliberandum dedit, ipsi spontè in speluncam quandam se abdiderunt, ubi cum in somnum declinassent, Decius spelunçæ os occludi, & obmurari mandavit. Accidit autem, ut post ducentos annos Dominus loci illius volens aliquid in loco ædificare, lapides ex ore illius spelunçæ mandaret accipi, & ecce patefacto

tesaſto exitu, atque ſomno divinitus diſſipato, nocte unâ ſe dormiſſe rati Malchum ex ſociis mittunt, qui in urbe vicinâ neceſſaria compareret & coemat. At verò ubi hic omnia nova reperit, neque faciem priorum temporum amplius vidit, non tantum ſibi, ſed omni populo admirationi fuit, cum & ipſa pecunia quæ pro pane data fuit & mores atque loquela antiquitatem ſaperent, nulli tunc temporis notam. Res ergo ad Episcopum & urbis Proconſulem deferretur, qui ubi omnia examinarunt ab inventâ inſuper laminâ illuminati ſunt, in quâ didicerunt, quod ducentis pene annis hi ſancti juvenes in ſpecu ibidem obdormiverint. Reigitur ad Imperatorem delatâ, ipſe Theodoſius junior venit Ephesum, qui ubi juvenes vidit, eosque amanter eſt complexus, ſeptimo poſtquam evigilarunt die deſunctos honorificè ſepeliri fecit. Quid hic dicat Philetus hæreticus? An fortè DEI omnipotentia limitata eſt, ut qui poſt ducentos annos excitavit à ſomno hos juvenes, nequeat in virtute omnipotentiae ſuæ, in voce tubæ angelicæ excitare omnes mortuos? Veniat is & prodeat cum Ezechiele in medium campi illius *Ezech. 37.* qui erat plenus offibus.

Et circumduxit me perea in gyro, erant autem multa valde ſuper faciem campi, ſiccaq; vehementer. Et dixit ad me, fili hominis putasne vivent offa iſta? Et dixi Domine DEus tu noſti. Et dixit ad me vaticinare de offibus iſtis, & dicas eis. Offa arida audite verbum Domini. Hæc dicit Dominus DEus offibus his: Ecce ego intromittam in vos ſpiritum, & vivetis, & dabo ſuper vos nervos, & ſuccreſcere faciam ſuper vos carnes, & ſuper extendam in vobis cutem, & dabo vobis ſpiritum & vivetis, & ſciētis, quia Ego Dominus. Et prophetavi ſicut præceperat mihi. Factus eſt autem ſonitus prophetante me, & ecce commotio: Et acceſſerunt offa, ad offa, unumquodque ad juncturam ſuam. Et vidi, & ecce ſuper ea nervi & carnes aſcenderunt, & extenta eſt in eis cutis deſuper, & ſpiritum non habebant. Et dixit ad me vaticinare ad ſpiritum: vaticinare fili hominis & dices ad ſpiritum: Hæc dicit Dominus DEus à quatuor ventis veni ſpiritus, & inſuffla ſuper interfectos iſtos, & reviviſcent. Et prophetavi ſicut præceperat mihi, & ingreſſus eſt in ea ſpiritus, & vixerunt, ſteteruntque ſuper pedes ſuos exercitus grandis nimis valde. Annon hic vident hæretici magnum illud myſterium noſtræ reſurrectionis in die iudicii? quando offa arida rurfus veſtientur carne ſua, circumdabuntur

Tttt 3.

pelle

pelle nervis & venis induentur, vitæque vivent immortali. Videmus ossa arida modo jacere in cryptis & ossariis, spargi sæpe distrahique in sylvis & campis quæ nihilominus obsequio angelico vivunt, virtute verò divina animabuntur. Non sunt ergo mortui, sed dormiunt à voce tubæ angelicæ excitandi.

Epaminondas militem in villa dormientem occidit.

Somnus longus arte induitur.

Inter lectum & lectum affinitas nominis.

Epaminondas militem in se illum sicut invenit reliquisse, ratus inter mortem & somnum non esse differentiam. DEO enim tam facile est mortuum ad vitam revocare, quam tibi aliquem dormientem à somno excitare. Sunt qui felice leporis aut anguillæ somnum inducunt, neque excitari valent nisi aceto irrorentur. Omnes longo sopore obdormiscimus, sed virtute sanguinis Christi irrorati resurgemus non amplius morituri.

Quid quod ipsa nominis affinitas inter lectum & lethum, inter tumulum & thalamum nos moneat futuri somni? Ultrorobique vestes exuimus, & nudi comparemus. Cur ergo horremus tumulos, & thalamos amamus? Nauta quidam interrogatus, ubi parens illius, ubi avus, ubi reliqui majores ipsius obierint? cordatè respondit, omnes in mari submersos esse. Subintulit alter. Et tu nauticam exerceas, neque mare times? Argutè reposuit nauta. At ubi pater tuus, ubi mater, ubi avus, proavus, & tritavus mortui sunt? cumque respondisset in lecto, subintulit nauta, cur ergo tu lectum non times, ad quem tamen singulis diebus accedis, in coque magnam vitæ partem consumis? O quantum temporis in mortis affinitate transigimus.

Veniet tempus quando à mortuis surgemus, nunquam amplius dormituri. Prædixit hoc Christus Joann. 5. v. 24. Amen, amen dico vobis, quia veniet hora, & nunc est, quando mortui audient vocem filii DEI, & qui audierint vivent. Statimque v. 28. subjungit, nolite mirari hoc, quia venit hora, in qua omnes, qui in monumentis sunt, audient vocem filii DEI, & procedent qui bona fecerunt in resurrectionem vitæ, qui verò mala egerunt in resurrectione judicii. Et hoc est, quod dixit David ps. 117. v. 17. Non moriar sed vivam, & narrabo opera Domini. Sed obsecro quomodo hoc fiet? annon dixisti? Quis est homo qui vivet, & non videbit mortem? Dissolvit hanc quæstionem S. Bruno, qui divinū psalmographum defendit, & Davidem licet mortuus fuerit, tamen mortuum non esse crudite ostendit. Rationem assignat, mors enim temporalis, quæ per tribulationes accidit, mors dicenda non est, sed vitæ principium, post hanc enim mortem Sancti felici-

- citur

eter vivere incipiunt. Testor ego martyrologium Romanū, quod obitum Sanctorum, diemq; mortis, quo martyrium passi sunt, natalem, quo in cœlis regenerati sunt, appellat. Manifestius hoc ostenditur ex illo *Matt. 22. v. 31.* De resurrectione autem mortuorum non legis, quod dictum est à DEO dicente vobis. Ego sum DEUS Abraham, & DEUS Isaac, & DEUS Jacob. Non est DEUS mortuorum, sed viventium. Quod explicat Philippus Abbas *de silentio c. 80.* Ut eos non jam mortuos, sed in æternum vivere cognoscatur. Cum enim ex hac vitâ in gratiâ DEI decesserint, quæ est anima vitæque morientium, ideo non mortuorum, sed viventium DEUS est. Et hinc Christus ex cœnaculo ad mortem abiens, dum ad hortum progrediretur cum discipulis hymno dicto egressus est. Ad mortem pergit, & canit inquit Paulus Palatius *in c. 26. Mat.* Canit in morte, ut ostendat canendum esse in ea morte, quæ mortis primæ est finis, & vitæ sequentis initium. Scio ego Theramnem à Ciricio Tyranno interfectum, cum venenum sibi paratum manibus teneret, poculi dimidium effudisse in terram ac dixisse propino Ciricio. Cicero ubi de huius hominis constantiâ agit. Lufit, inquit, vir egregius extremo in spiritu, verèque ei, qui sibi venenum præbuerat, mortem est auguratus, quæ etiam in Ciricio est subsequuta. Quot invicti Sancti Martyres pro Christo morituri velut candidissimi mi cygni suavissimè in morte modulabantur, quia nimirum per hanc mortem temporalem, ad vitæ sequentis initium tendebant. S. Andreas Episcopus Fesulanus ætatis suæ septuaginta & unius annorum, dum in nocte nativitatis sacrum celebravit, DEI matrem habuit à spectabilem, à quâ intellexit, se sextâ Januarii moriturum. Quâ revelatione ita fuit exhilaratus, ut qui prius ob victus tenuitatem fuit macilentus, manifestè videretur pinguior & vegetior. Spes nimirum immortalis felicitatis vel ipsum corpus vegetavit, ut in gloriosæ resurrectionis fiducia, quasi novo vigore animaretur. Hinc illi qui feliciter in Christo moriuntur, ad vitam nostram mortalem redire non curant, sed cum Christo versari gaudent. Mutius certè miræ sanctitatis Abbas, ut ad moriturum discipulum suum posset pertingere, solem ipsum in cœlo stare fecit. Ubi autem jam mortuum reperit, oratione factâ osculatus est eum, & resuscitatum interrogavit. Quid magis desiderii habes frater, abire & esse cum Christo, nos redire.

Theramnes in morte jocatnr.

Sancti spe resurrectionis in morte lætantur.

S. Andreas Episcopus mortis nuncio fit pinguior.

Beati manent cum Christo quam ad nos redire.

sto, an permanere nobiscum in carne. Erexit se mortuus & dixit. Quid me revocas Pater? melius est mihi, redire & esse cum Christo; permanere autem mihi in carne necessarium non est. Cui Abbas; dormi ergo fili mi in pace, & ora pro me. Qui reclinavit se in lectulo, & obdormivit. Hoc est, quod veteres volebant Christiani, qui suorum defunctorum feretris, ramos & folia lauri, hederæ atque cupressi insperserunt. Causam hujus dat Durandus in suo *rational. divin. oper. l. 7. c. 35. n. 38.* hederæ vel laurus & ejusmodi quæ semper servant virorem in Sarcophago corpori substernuntur, ad significandum, quod qui inoriuntur in Christo, vivere non desinant, nam licet moriantur secundum corpus, tamen secundum animam vivunt, & reviviscunt DEO. Quod olim fecerunt Christiani parentantes suorum piis manibus, id usque hodie vel ipsæ irrationales præstant aviculæ & obsequiosum volucrum genus varium, quæ singulis annis ad sepulchrum S. Catharinæ Virginis & Martyris convolant, & illarum quælibet de fructiferâ arbore cum foliis & fructu ramum affert, ac ibi velut offertorium suum relinquit. Quia verò copiosos olivæ ramos & fructus ferunt, monachi largum inde oleum exprimunt. Taceo quod multi ex Sanctis vel ipsa capita sua, quæ tyrannus abstulit in manifestum resurrectionis testimonium circumtulerint. De S. Dionysio Areopagita testatur *martyrol. Romanum 9. Octobris.* Memoria proditum est caput suum abstulisse, & progressum ad duo milia passuum illud in manibus suis gestasse. Severinus Boëtius à Theodorico Rege Ariano, capite truncatus fuit, qui caput resectum utraque manu sustulit, rogatusque à quonam esset percussus? respondit ab impiis. Ubi ad vicinum templum venit impositum sibi capite flexis deinde genibus sacram Synaxim accepit & pacatissime expiravit. Mirabile etiam illud videri potest, quod de S. Justino puero refert Surius, hic cum miro teneretur desiderio liberandi fratrem suum Justinianum, qui Ambiani in vinculis tenebatur, importunis etiam precibus extorsit à parente, ut eum comitari Ambianum possit: Ubi ad Usaram fluvium veniunt, omni navâ desituti ab angelo & navi cœlitus misâ transportantur. Ambianum ubi perveniunt, in domo Lupi ubi Justinianus tenebatur, divertunt; in quâ statim ignotum licet Justinianum, agnoscit Justinus frater, cæmque mirâ dulcedine & suavitate morum ab Ethnico Domino

Olim Christi-
iani lauri
& hederæ
foliis in-
perserunt
sepulchra.

Aves quot-
annis S.
Catharinæ
sepulchrū
foliis arbo-
rum insper-
gunt.

Dionysius
Areopagi-
ta caput
resectum
portat.

Boëtius ab-
scissa cap-
ite ad tem-
plum de-
fert & com-
municat.

mino impetrat, quia tamen homo Ethnicus Præsidis in Christianos iram timuit, parenti cum filiis suavitatem abivit. Quem ubi præses intellexit, eisdem per suos milites est persecutus. Hos ubi adverterunt fugitivi, se in foveam vicinam cum filio majori Justiniano recenter ex captivitate liberato subduxit parens. Perstitit in patulo puer Justinus qui à militibus interrogatus, quis esset, & ubi itineris socii versentur, requisitus, de sociis; nihil dixit, se verò Christianum esse respondit. Furiosi milites caput innocenti juveni demetunt, quod caput suum sancti Justini truncum corpus elevavit, illudque in manibus suis tenuit, hocque tam prodigioso miraculo milites gentiles fugavit. Dilapsis fugâ militibus egreditur cum fratre de specu parens, quos Justinus Martyr placide sic est allocutus. Ubi sepeliveritis corpus meum, caput hoc meum in filialis observantiæ monumentum matri deferre. Caput itaque mundo linteo involvunt, eoque honorificè sepulto, matri pium pignus attulerunt, quod illa piis osculis venerata, summo honore coluit, & arcæ suæ maximâ cum veneratione inclusit. Sed lux cœlestis domui incumbens cœgit religiosam matrem publicæ venerationi sacrum pignus exponere. Quam ego meritò cum Hugone de Sancto Victore exclamem, ne mors vitam hæreditaret, in mortuis signum faciens caput manibus suis bajulavit Dionysius, Boëtius decapitatus etiam sacra communione est refectus; Justinus pietate suâ fraternâ publicam populi venerationem extorsit. Quare non miror S. Paulum 1. ad Cor. 15. v. 19. afflictissimè conqueri, quod nos Christiani omnium essemus miserrimi, si resurrectionis spem non haberemus. Alioquin inquit ille, quid faciunt qui baptizantur pro mortuis, si omnino mortui non resurgunt. Ut quid & nos periclitamur omni horâ. Quotidie morior per vestram gloriam Fratres, quam habeo in Christo Jesu Domino nostro. Si (secundum hominem) ad bestias pugnavi Ephesi, quid mihi prodest, si mortui non resurgunt? manducemus & bibamus, cras enim moriemur. Ex quo deducemus S. Paulum clarè ostendere, quod omnis vita hominis Christiani operosa licet, otiosa esset, si mortui non resurgerent, sequeretur omnino summa dissolutio morum, si non esset resurrectionis certitudo; cum aliud non facerent homines, quàm perpetuis vacarent ebrietatibus, continuis volutarentur in libidinibus: quippè illis aliud non occineretur, quam Epicurea illa cantilena. Ede! Bibe! Lude! post mortem nulla

voluptas. At verò longe aliter loquitur Christus *Luc. 14. versu 12.* Cum facis prandium aut cœnam, noli vocare amicos tuos, neque fratres tuos, neque cognatos, neque vicinos divites, ne fortè te & ipsi reinvitent, & fiat tibi retributio. Sed cum facis convivium voca pauperes, debiles, claudos, & cæcos, & beatus eris, quia non habent retribuere tibi, retribuetur enim tibi in resurrectione iustum. Et hoc est, quod B. Matorium virum nobilem ac opulentum docuit Christus. Cum enim hic magnificum ac splendidum castrum exædificasset, illius foribus inscribi & vero marmori incidi curavit hos versus:

Aux castrum & diversorium nobilitatis convertitur in hospitale pauperum.

Hospitalitas DEO est grata.

Decretum detur, ne dormiat, aut epuletur,

Hic Gens Villana, sed Achilles, Plato, Diana.

At verò illi Christus de nocte apparuit totus indignabundus & minarum plenus dixit, non ei futuras apertas cœli portas, qui hospiti peregrino & pauperi suas clauferit. Ubi Christus disparuit, recurrit sollicitè S. Matorius ad DEI matrem, quam semper unicè colebat eamque suppliciter rogavit, ut se rursus dilecto filio suo reconciliat; atque pro se intercedat. Promisit illa suam intercessionem, & verò gratiam spondit, si inscriptionem factam sic mutaverit:

Muta decretum, sanctorum suscipe cœtum

Nudum Martinum, Lasarum, Jacobum peregrinum.

Et subito elegantissimum illud ædificium non amplius Achilles aut Dianæ hospitio suo procabatur, sed pauperum diversorium factum est, ut haberet in resurrectione, unde retributionem speraret. Habes ergo Christiane Lector, quomodo in futura resurrectione tam animæ quam corpori fiat retributio operum misericordiæ. Ut verò videas non solum bonis & iustis fieri retributionem bonorum operum in resurrectione mortuorum, ipse Christus *Joan. 5. v. 28.* reprobis pœnas decernit. Venit hora inquit ille in quâ omnes qui in monumentis sunt audient vocem filii DEI, & procedent, qui bona fecerunt in resurrectionem vitæ; Qui vero mala in resurrectionem iudicii. Cum enim corpus cooperatum sit animæ, sequitur quod sicut anima prout bene vel malè gessit recipiet præmium vel pœnam, ita etiam corpus prout concurrat, recipiet retributionem dicente S. Paulo *2. ad Cor. 5. v. 10.* omnes enim nos manifestari oportet ante tribunal Christi, ut recipiat unusquisque propria corporis prout gessit sive bonum, sive malum,

malum. Si ergo quilibet recipiet propria corporis, necesse est ut eadem corpora in quibus operati sumus resurgant. Quod *Job Anim.* *c. 19. versu 25.* contestatur apertis verbis: scio quod redemptor *præmiatur* meus vivit, & in novissimo die de terrâ surrecturus sum, & rursus *ergo & corpus.* circumdabor pelle meâ, & in carne meâ videbo DEum salvatorem meum, quem visurus sum ego ipse & oculi mei conspecturi sunt, & *Idem corpus quod* & non alius. Hæc unica resurrectionis spes Job patientissimo dolorum viro solatii fuit materia, quando ulceribus plenus, nudus *ab bonum egit* consolatione uxoris & amicorum in sterquilinio confedit. Boves & *præmiabitur.* asinos abduxerunt Sabæi, Camelos deprædati sunt Chaldæi, oves depopulatus est ignis de cælo lapsus, liberos ruinâ suâ oppressit à ventis everfa domus, ipse denique ulcere pessimo percussus ex fractis testulis radebat lanien. Manifestum est itaque divina revelatione edoctum fuisse Jobum, quod prototo genere humano mortuus Christus, & à mortuis resurrecturus reviviscet, & hinc dicit: Scio quod Redemptor meus vivit. In hac itaque resurrectione Christi fundavit Job suam fiduciam, & firmissimè tenuit, quod sicut Christus Redemptor vivit, ita etiam ipse sit vitam consecuturus immortalē eademque carne, pelle, ossibus & nervis sit vestiendus. Non enim frustra Christus *Joan. 15. v. 2.* dixit omnem palmitem in me non ferentem fructum, tollēt eum; & omnem qui fert fructum purgabit eum, ut fructum plus afferat. Quis autem hortulano indignetur quod palmites luxuriantes cultro rescindat? Neque enim illa vulnera obsunt, sed profunt. Sic falx Christi dum mortale rescindit, non vulnerat, sed sanat, & immortale loco mortalis implantat. Videte mirabilem hortulanum. *Dan. 4. v. 20.* ubi divino decreto dicitur: succidite arborem & dissipate illam, attamen germen radicū ejus in terra dimitte. Quod ipse Daniel sic interpretatur, quod autem præcipit, ut relinqueretur germen radicū ejus id est arboris, regnum tuum tibi manebit, postquam cognoveris potestatem esse cœlestem. Non scindit divinus agricola vitis suæ palmites, ut destruat, sed ut ablato mortali hoc, & corruptibili, immortale & incorruptibile induamus, juxta illud Pauli *1. ad Cor. 15. v. 53.* oportet autem corruptibile hoc, induere incorruptionem, & mortale hoc induere immortalitatem. Quare non alius de novo creabitur homo, quod sibi falsè persuasit Euty chius Patriarcha Constantinopolitanus,

*Fœminæ in
sexu suo
resurgunt.*

sed in iisdem corporibus, quæ ante mortem habuimus, in iisdem membris & potentiis atque sexu resurgemus. Unde licet aliqui ex illo S. Pauli *ad Epheſ. 4. v. 13.* donec omnes in unitatem fidei & agnitionis filii DEI occurramus in virum perfectum, ætatis plenitudinis Christi, voluerint inquam fœminas non surrecturas in sexu suo. Hi notent discursum Christi cum Saducæis *Matt. 22. v. 23.* In illo die accesserunt ad eum Saducæi, qui dicunt non esse resurrectionem, & interrogaverunt eum dicentes; Magister Moyses dixit si quis mortuus fuerit non habens filium, ut ducat frater ejus uxorem illius, & suscitet semen fratri suo. Erant autem apud nos septem fratres & primus uxore ducta defunctus est, & non habuit semen; reliquit uxorem fratri, similiter secundus & tertius usque ad septimum. Novissimè autem omnium & mulier defuncta est. In resurrectione ergo cujus erit de septem uxor? Omnes enim habuerunt eam. Respondens autem JESUS ait illis, erratis nescientes scripturam; neque virtutem DEI, in resurrectione enim neque nubent, neque nubentur, sed erunt sicut angeli DEI in cælo. De resurrectione autem mortuorum non legistis, quod dictum est à DEO dicente vobis. Ego sum DEUS Abraham, & DEUS Isaac, & DEUS Jacob; non est DEUS mortuorum sed viventium. Ex qua disputatione Christi quid aliud concludamus, quam quod omnes, qui carnis resurrectionem negant cum Saducæis, neque scripturam, neque DEI virtutem intelligant. Præterea manifestum est, quod non solum viri, sed etiam fœminæ in sexu suo comparabunt. Cum enim Saducæi interrogassent Christum, cujus ex illis septem viris uxor futura esset? Christus non negavit in cælo futuram fœminam, quod tamen dicturus fuisset si fœminæ resurrectionem in sexu suo non sperarent. Adeoque solum respondit in cælo non fore uxorias actiones, adeoque nos similes futuros angelis, qui ab omni carnis illecebra alieni vitam vivunt spiritualem. Quare sensus S. Pauli superius allegati dum dicit nos occurſuros in virum perfectum ætatis plenitudinis Christi, solum in eo est, quod voluerit indicare maximam perfectionem, quæ futura est in altera vita, & resurrectione in utroque sexu tam virorum, quàm fœminarum. Quare integri quo ad omnia membra, sensuum organa, facultatesque corporis, in ætate perfecta, in statura juxta ac decora resurgemus. Et ratio est, quia si ex S. Paulo resurget, quod cecidit, ut recipiat bonum vel malum, indubitatum est hanc

hanc eandem carnem eademque corpora resurrectionura. Quam u- ^{Rejunge-}
 duciam resurrectione carnis habuit S. Jacobus intercisus; hic e- ^{mus in fac-}
 nim cum à Rege Persarum ob fidem Christianam comprehensus fu- ^{eandem car-}
 isset, ab eodem damnatus fuit ut omnia ei membra successivè detrun- ^{ne nostra.}
 carentur. Quare cum articuli digitorum prius in dextrâ, deindè in
 sinistra parte corporis præcinderentur, ipse ad singula benedicebat ^{S. Jacobus}
 DEum, & Creatori suo gratias egit, quod se velut sæcundam vi- ^{intercisus}
 tem putaret, quo sæcundior in resurrectione mortuorum resore- ^{sse resur-}
 sceret, & fructum uberiolem germinaret. Dicebat proinde spe re- ^{rectionis}
 surrectionis plenus, quoties vel digiti, vel manus & pedes abscin- ^{in Marty-}
 derentur. Ite membra mea! cadite modo, & amputemini, sed ^{rio con-}
 conveniemus, & congaudebimus in resurrectione generali mortu- ^{stans.}
 orum. Cum verò sublatis jam manibus & pedibus nihil amplius su-
 peresset, ad DEum affectuosissimè exclamavit. Exaudi Domine
 DEus, non est amplius manus, quam ad te levare possum, nec ge-
 nua quæ flectam, jube animam meam ad te venire, & abscisso capi-
 te ad cælum evolavit, sicque suam quam de resurrectione fiduciam
 haberet, abunde est contestatus. Hæc eadem resurrectionis spes
 adolescentes illos Machabæos confortavit, ut crudelissimi ty-
 ranni Antiochi sævissima tormenta & martyria imperterritò ani-
 mo exantlarent. Cum enim secundo genito cutis capitis cum pel-
 le detraheretur 2. Machab. 7. versu 7. interrogabant eum, si
 manducaret, priusquam toto corpore, per membra singu-
 la puniretur. At ille respondens voce patriâ dixit: Non fa-
 ciam, Propter quod & iste sequenti loco, prius tormenta suscepit;
 & in ultimo spiritu constitutus sic ait. Tu quidem scelestissimè in præ-
 senti vitâ nos perdis, sed Rex mundi defunctos nos pro suis legibus
 in æternâ vitâ resurrectione suscitabit. Pari fiducia ulterius proce-
 dunt invicti juvenes, v. 10. namque habetur. Post hunc Tertius il-
 luditur, & linguam postulatùs cito protulit, & manus constanter
 extendit, & cum fiduciâ ait. E cælo ista possideo, sed propter DEI
 leges nunc hæc ipsa despicio, quoniam ab ipso me ea recepturum
 spero. Et hoc ita defuncto quartum vexabant similiter torquentes.
 Et cum jam esset ad mortem ait: Potius est ab hominibus morti da-
 tos, spem expectare à DEO iterum ab ipso resuscitandos, tibi enim
 resurrectio ad vitam non erit. Tantum nimirum fortitudinis, &
 constantiæ causavit in animis horum juvenum spes certa futuræ re-
 surre-

surrectionis. Qua eadem certitudine heroina mater filium ultimum
 in tormentis secuta est, quando v. 28. Sic filium est allocuta: Peto
 mate, ut aspicias ad cœlum, & intelligas; quia ex Nihilo fecit illa
 DEus, & hominum genus. Ita fiet, ut non timeas carnificem istum,
 sed dignus fratribus tuis effectus particeps, fulcipe mortem, ut in
 illa miseratione (id est in resurrectione) cum fratribus tuis te recipi-
 am. Verum est, & negare non possum, humanæ rationi hoc vi-
 deri posse impossibile, quod in cinerem & pulverem redactum cor-
 pus, caro à vermibus corrota, & exesa rursus in vigorem pristinum
 restituatur. Sed idem ille omnipotens DEus, qui cœlum & terram,
 & omnia quæ in eis sunt, ex nihilo creavit, etiam mortale hoc cor-
 pus in cinerem & pulverem redactum, rursus potest vivificare. Et
 verò videmur vel à naturâ doceri resurrectionem, quæ vetustatem
 hyemalem detestata, juventutem amœniorem in vere meditari jubet.
 Dies qui occidit, serenior sæpe die altera renascitur, & idem annus,
 qui in hyeme consenuit, serenior cum aurâ vernare incipit. An-
 non per annos singulos virentium arborum folia, pratorum, agro-
 rumque in vernante gramine amœnissimus viror, arborum florumq;
 pretiosa dona nascuntur & denascuntur. Tumulantur hæc quidem
 omnia à sævientis hyemis nivibus, & tamen vertente anno ad solis a-
 mœniore radios rursus resurgunt. Ut vel ipsa Ecclesia gloriosam
 Christi anastasin ad veris amœniora tempora revocaverit, quo faci-
 lius ab ipsâ naturâ hujus mysterii commoneremur. Cujus vel ipse
 Christus Luc. 21. v. 29. nos voluit meminisse. Videte inquit ficulne-
 am & omnes arbores, cum producunt jam ex se fructum, scitis quo-
 niam propè est æstas. Ita & vos cum videritis hæc fieri, scitote quo-
 niam propè est regnum DEI. Ubi vides ad renascentis Christi ana-
 stasin intelligendam, nos Christo ad naturam ipsam remitti, ut di-
 scamus ab hujus repullulantis radicibus, futuræ resurrectionis nostræ
 capere documentum. Et hinc forte pia promanavit fideliū con-
 suetudo, ut defunctorum cadavera & tumbas inspergamus herbis
 suaveolentibus, & pretiosis floribus exornemus. Quia vel hoc ipso
 contestamur, quod sicut herbæ & flores in vere renascuntur, ita etiam
 in illo æternæ felicitatis vere corpora nostra ad immortalē vitam
 sint revocanda. Cur autem DEus voluerit etiam corpus mortale
 cœlestis gloriæ esse particeps, quod tamen ex pulvere formatum in
 cun-

Natura
 nos docet
 resurrecti-
 onem mor-
 tuorum.

Resurre-
 ctio Christi
 in vere
 cum nati-
 ra.

Funera
 floribus in-
 spergun-
 tur.

cundem reducitur, & revocatur: causa melior dari non potest, quam bonitas divina, & misericordia, quæ corpus nostrum animæ in laboribus & molestiis individuum socium vult cum animâ præmiari. Unde sicut anima abundantissimum recipit operationum suarum præmium, ita etiam par est, ut corpus laborum socium, suam recipiat remunerationem. Quod Apostolus dixit, ut recipiat, prout unusquisque gessit in corpore suo, sive bonum, sive malum. Quod vel ex eo magis convenire videtur, quia Christus est caput nostrum, nos verò membra illius. Sicut ergo Christus cum corpore & anima cælos ascendit, sic par est, ut nos, qui sumus membra hujus gloriosi capitis pariter cum illo quo ad corpus & animam cælum subeamus. *Christus est cum corpore & anima in cælo ergo & nos.* Ex quo benè concludere licet, quod sicut Christi corpus gloriosissimum factum est, quia plurimas sustinuit passiones, ita etiam corpus nostrum, quo plures patitur pro DEI gloriâ molestias, commajores etiam in cælo recipiet remunerationes. Ut proinde nos nulla debeat deterrere molestia, cum tam copioso præmio recompensetur. Porro hæc gloriosi corporis prærogativa in quatuor principaliter qualitatibus corporis gloriosi consistit, nimirum in claritate, Impassibilitate, agilitate, & subtilitate, de quibus nunc agemus.

Ut verò claritatis aliquod capiamus argumentum eam cum claritate corporis Christi componamus. Quæ sine dubio miri fulgoris & admirandæ vultus esse debuit, quando vel in angelis, qui ad monumentum confederunt, fuit tam gloriosa, ne dicam prodigiosa, ut dicat *Mat. c. 28. v. 3.* Erat autem aspectus ejus sicut fulgur, & vestimentum ejus sicut nix. Quæ fuit Christi in monte gloriosa facies, & vestis, quando *Matth. 17. v. 2.* coram discipulis suis inter Moysem & Eliam est transfiguratus. Et resplenduit facies ejus sicut sol, vestimenta autem ejus facta sunt alba sicut nix. Et certè si ex consortio Moyse cum DEO facies illius adeo radiare cœpit, ut eam tegere debuerit, quia filii Israël in eam intendere non poterant, quam claritatem DEUS ex speciali voluntate conferet corporibus gloriosis? ut proinde merito dicat S. Paulus *ad Philip. 3. v. 21.* Nostra autem conversatio in cælis est. Unde etiam Salvatorem expectamus Dominum nostrum Jesum Christum, qui reformabit corpus humilitatis nostræ configuratum corpori claritatis suæ secundum operationem,

tionem, quæ etiam possit sibi subicere omnia. Quam operationem intellexit S. Paulus 1. ad Cor. 15. v. 41. dicens: alia est claritas solis, alia claritas lunæ, alia claritas stellarum, stella autem à stellâ differt in claritate, & subdit; Sic & resurrectio mortuorum. Aliam proinde habebunt claritatem Doctores Ecclesiæ, & Magistri Gentium, de quibus Dan. 12. v. 2. Et multi de his, qui dormiunt in pulvere terræ evigilabunt, alii in vitam æternam, alii in opprobrium ut videant semper. Qui autem docti fuerint fulgebunt, quasi splendor firmamenti, & qui ad Iustitiam erudiunt multos, quasi stellæ in perpetuas æternitates. Aliam claritatem habebunt sancti Martyres, aliam Sanctæ Virgines. Experientiâ ostendit, & confirmat S. Cyrillus dari in ætate vermiculos parvulos, vel scarabæos, qui de nocte instar luminum lucent, atque instar lucentis faculæ in aëre circumferuntur. Quæ tam vilia & contemptibilia animalcula si DEus vestit tam gratioso fulgore, qua claritate ornabit, corpora nostra, quæ singulari splendore vult collucere? Scribit P. Nirenbergius in vita divina, fuisse, in Indiis Patrem Societatis Jesu singularis planè virtutis, & Zeli omnino Apostolici, & qui usque adeo æstuabat ardore & desiderio convertendarum animarum, ut ex hoc solo motivo delatum sibi Superioris officium instanter planè recusaret, cum verò aliquantulum nimium reluctaretur obedientiæ, DEus cum in anima illius nævum alium non haberet, illum non purgatorii flammis voluit expiare, sed momentaneo fulminis ictu extinxit, dum actu Zelosissimè ad populum concionaretur. Varius ex tam in solito casu in populo vagabatur rumor, & plerique sinistram de viro optimo diffundebant famam, usque dum post mensem unum, & alterum famam servi sui vindicavit DEus, & illum in corpore glorioso, in eadem, ex quâ fulminatus fuerat cathedrâ, stetit, atque causam suam ad populum agere jussit. Ubi ergo multa de divinis judiciis dixisset, quantum nimirum differant ab humanis, solis instar clarescere cœpit, & ex cathedrâ per templi fornicem, & aërem reliquum in cœlos usque se elevavit, atque omni populo inspectante cœlum conscendit. Annon hoc verum est, quod Christus dixit Mat. 13. v. 43. Tunc iusti fulgebunt sicut sol in regno Patris eorum. Alteram gloriosi corporis prærogativam etiam ex ipsius Christi resurgentis gloriosis dotibus deducimus nempe impassibilitatem. De Christo enim S. Paulus ad Rom.

Pater quidam fulminatus in cathedra post mortem gloriosus concionatur.

Impassibilitas.

Rom. 6. v. 9. dicit : Christus resurgens ex mortuis jam non moritur, mors illi ultra non dominabitur. Quam impassibilitatem idem Apostolus nobis communicari ostendit 1. ad Cor. 15. v. 42. seminatur in corruptione, sed surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget corpus spirituale. Ideoque Apoc. 7. v. 16. dicitur, non esurient, neque sitient amplius, neque cadet super illos sol, neque ullus æstus. Quod ipsum Apoc. 21. v. 4. repetitur. Et absterget Deus omnem lachrymam ab oculis eorum, & mors ultra non erit, neque luctus, neque clamor, neque dolor erit ultra, quia prima abierunt. Tertiam gloriosi corporis gratiam vocant Theologi agilitatem, quæ adeo in Christi gloriosa resurrectione enituit, ut sine omni omnino fatigio modo hic, modo ibi suis discipulis se spectabilem fecerit. Non jam amplius fatigabitur divina sapientia, uti Joann. 4. v. 6. dicitur. Jesus ergo fatigatus ex itinere sedebat sic supra fontem. De gloriosis enim in cælo corporibus verificabitur illud Sap. 3. versu 7. fulgebunt justi & tanquam scintillæ in arundinetis discurrent. Quantis nunc fatigiis moventur corpora nostra? Tunc ad imperium voluntatis movebitur corpus gloriosum. Sic quidem ut S. Bern. serm. 4. de festo omnium Sanctorum dicat tam agilia fore, ut ipsam voluntatis nostræ celeritatem adæquent; & velle ac esse in aliquo loco sit idem futurum. Quare S. August. l. 12. de Civit. Dei inquit. Talia illis inerunt corpora, ut illinc sint, ubi esse voluerint. Adeoque Isaias 6. 40. v. 31. dixit : Qui autem sperant in Domino, mutabunt fortitudinem, assument pennas sicut aquilæ, current & non laborabunt, ambulabunt & non deficient. Quarta gloriosi corporis qualitas est subtilitas, quæ possit quævis corpora penetrare. Sic enim Christus clauso & signato atque illaeso sepulchro gloriosus surrexit. Sic etiam ad discipulos clausis januis penetravit; Sic ipso cælos teste Job ære solidiores perrupit. Quæ licet Calvinus neget in c. 10. Evang. S. Joann. dicens: interea tamen verum esse, minimè concedo Christi corpus penetrasse per januas clausas, adeoque vel portam ultro patefactam esse, vel pulsanti patuisse, vel per rimam aut clavis ipsius foramen extenuatum penetrasse asserunt. Sed si bene expendamus fabulosa hæc Calvinii deliria, videbimus non minus mysteriosum esse per rimam talem vel foramen corpus transmittere, quam ipsum corpus penetrare. Sed otiosum est hoc disputare, cum

X x x x

clarus

clarus fit textus Evangelii *Joan. 20. v. 19.* Cum ergo serò esset die illò unâ Sabbathorum & fores essent clausæ, ubi erant discipuli congregati propter metum Judæorum venit IESUS & stetit in medio. Unde omnipotentiam divinam melius expendens. S. Greg. Magnus *hom. 20. in Evang.* inquit, quid mirum si clausis januis post resurrectionem suam in æternum jam viſturus intravit, qui moriturus veniens non aperto virginis utero exiit. Quare si hæc gloriosa Christi subtilitas fuit manifestata in Christi resurrectione, illa etiam in nobis suam virtutem ostendet ut verificetur illud *Pauli 1. ad Cor. 15. v. 44.* Seminatur corpus animale, surget corpus spirituale. Quod S. Damasc. *l. 4. de fide c. 14.* explicat his verbis. Hoc significat spirituale, quale post resurrectionem corpus Domini erat, cum per januas clausas transivit. Ubi adverto cum Comuni Doctorum, quod sicut Beatorum

Damnatorum corpora erunt fuliginosa.

corpora sunt futura gloriosa & pretiosis suis dotibus exornata, ita vicissim damnatorum corpora sint futura fuliginosa, passibilia, gravia & horrida. Cujus rei aliquam ideam habuimus anno Christi 1222. in Saxonia, quando in horrendo quodam cataclysmo nubes densa effuso repente nubifragio omnia aquis implevit, & incredibilem hominum stragem fecit. Ubi decreverunt aquæ & terra rursus apparuit, homines mirabiliter planè in suis cadaveribus differebant, qui

Nubifragium corpora submersorum discriminat.

enim vel in templis, vel in domibus suis aquis præfocati fuerunt, corpora habebant candidissima, cum interea qui in theatris, vel popinis aut lupanaribus inventi sunt, ipso carbone essent nigriores. Unde quomodo & quo in loco cadamus bene advertendum. Licet proinde aliqui putaverint, quod Angeli singulorum cineres delaturi sint in

Resurgemus ubi cadaver vel ejus potior pars fuerit.

vallem Josaphat, & ibi omnes simus resurrecturi, probabilius tamen est, quod eo quisque loco resurget ubi vel totum corpus vel major & præcipua pars illius jacuerit. Quia *Joan. 5. v. 28.* dicitur: Omnes qui in monumentis sunt, audient vocem filii DEI. Et *Ezech. 37. v. 12.* vaticinatur in nomine DEI. Aperiam tumulos vestros. Qualis autem illa vox futura sit, indicat nobis S. Hier. in *Reg. monast. c. 50.* nempe: surgite mortui, venite ad judicium. Quam vocem per tubâ sonoram proponit S. Paulus *1. ad Cor. 15. v. 52.* In momento, in ictu oculi, in novissimâ tubâ. Canet enim tubâ, & omnes resurgent incorrupti. Ubi adverto voces illas in momento, in ictu oculi omnes resurgent. Adeoque errant Anabaptistæ, alique, qui putant justos prius excitandos, quam reprobos. Neque enim ulla est ratio hujus successio-

nis,

nis, cum ad commune gaudium electorum spectet videre horrenda damnatorum supplicia, quæ per amantissimi DEI misericordiam evaserunt. Certe *Matth. 25. v. 32.* dum Christus Judex in suâ majestate venturus dicitur, clarè habetur. Et congregabuntur ante eum omnes gentes, & separabit eos ab invicem, sicut pastor segregat oves ab hædis, & statuet oves quidem à dextris suis, hædos autem à sinistris. Ubi vides non fore separabiles oves ab hædis, si non simul resurgerent. Omnes ergo resurgemus, quia teste S. Paulo *ad Hebr. 9. versu 27.* statutum est hominibus semel mori, post hoc autem judicium. Et idem S. Paulus *1. ad Corinth. 15. versu 37.* clarè asserit, quod resurget illud, quod cecidit. Quare cum per decretum divinum omnes in morte cadamus, etiam omnes resurgemus. Nobis ergo incumbit ut pleni fiduciâ cum Martha confiteamur *Joan. 11. v. 24.* Scio quia resurgemus in resurrectione in novissimo die. Et JESUS est resurrectio & vita, & qui credit in eum, etiam si mortuus fuerit, vivet. Et omnis qui vivit, & credit in eum, non morietur in æternum.





ARTICULUS XII.

Et vitam æternam. Amen.

DISCURSUS XLII.

Post hanc vitam superest beata, &
æterna in cœlo.

Intelligitur per vitam æternam cœlestis illa beatitudo, ad quam à DEO conditi, & creati sumus; dicente S. P. Ignatio in suo aureo exercitiorum libello: Creatus est homo, ut Dominum DEum suum laudet & recreatur, eique serviens tandem salvus fiat. Atque adeo salus, & vita æterna omnibus patet, ejusque porta nulli omnino clauditur, nisi ipse exclusus esse velit. Et hoc est quod Joannes in sua *Apoc. c. 21. v. 12.* cœlestem Jerusalem describens dixit. Et habebat murum magnum & altum, habentem portas duodecim. Ab oriente portæ tres, & ab Aquilone portæ tres, & ab occasu portæ tres, universim portæ duodecim, hæ scilicet æqualiter in quatuor mundi partes divisæ aditum patefaciunt omnibus, quod significare videbatur mare illud æneum, quod duodecim boves sustentarunt, quorum tres ubilibet in quatuor mundi partes faciem vertebant. Et explicat Beda l. *de templo Salomonis*, Artificiosum illud mare aquâ plenum baptismum prænotabat, quod verò boves ad quatuor mundi plagas respiciant, illudque sustineant, illud indicabat baptismum, quia janua est Ecclesiæ, & omnibus gentibus patere debet. Distinguitur tamen à paradyso, qui in primâ creatione mundi à DEO conditus, post lapsum primorum parentum, iisdem ab eisdem ejectis clausus est, & à Cherubino custoditur. *Genes. 3. versu 24.* Collocavit ante paradysum voluptatis Cherubim & flammeum gladium atque versatilem ad custodiendam viam

Cælum omnibus patet uti & baptismus.

viam ligni vitæ. Quem proinde locum omni deliciarum genere abundantem diluvii tempore sublimatum putat ad ipsum globum lunæ, ubi à nobis inaccessibilem mirabiliter à DEO conservari putat. Ut mirum non sit Alexandrum Magnum ab inquirendo paradyso desistere coactum, si lunæ fuit implantatus. Refert enim Thesauri novi author Alexandrum Magnum sibi voluisse subjicere paradysum, adeoque magno cum exercitu enavigasse Nilum, ad cujus fontes ubi se pervenisse credidit, vidit ingentem sibi montem ob stare, in quem milites aliquos misit exploratores, ut dispiciant, annon ab altera montis parte Nilus fluere. His montem subeuntibus obviam factus est decrepitus senex, qui viæ causam interrogans risit deliras insanasque Alexandri cogitationes, atque propositum dissuasit. Lapidem tamen raritate singulari pretiosum Alexandro misit, qui ejus naturæ fuit, ut in bilance positus quodcumque grave licet pondus superaret, cinere verò aspersus palcæ instar alleviaretur. Quod significavit, Alexandrum quidem meritis suis orbem exæquare, tamen palcæ instar annihilari, si se mortalem esse cogitaverit. Adeoque contra DEI decretum frustra laborare, cum DEO pares cogitationes assumere non debeat homo. Fictum paradysum excogitavit Tyrannus quidam Aladinus dictus, qui Muletam regionem cum violentè occupasset, ut eam sibi conservaret, multos prædones & milites hac arte sibi adjunxit. In valle quadam amænissimâ, & præruptis montibus cinctâ, hortum omni genere deliciarum instructum adornavit; oblata deinde soporiferâ potione suos milites dormientes eo inferri curavit, ubi expergefatos omnium deliciarum ubertate recreavit. His ergo deliciis, ubi per dies aliquot fruebantur, repente rursus soporiferâ potione sepultos ex paradyso efferrî curavit, spe tamen tam felicitatis beatitudinis lactatos ad omne facinus animavit, sibi que fideles mirificè obstrinxit. Humanus longè egit hic Tyrannus, quam Propheta ille Moyse dictus de quo Nicephorus l. 14. c. 40. refert, qui in insula Cretâ hominibus imposuit, quod illos velit traducere in terram promissionis, & ipsum paradysum, si se constanter sequi velint. Hos ille in præruptum saxum eduxit, ut inde præcipites à subiectis aquis depurandi ad cœleste deliciarum litus enatarent. Sed multi scopulis illisi, reliqui vorticibus aquarum hausti didicerunt, se à pessimo Propheta delusos, non cœlorum sed inferni tristissimum portum attigisse. Commenta hæc

Alexander M. ab inquirendo

in paradyso desistere jubetur.

Lapis quodcumque grave exæquans cinere assuescit.

Paradysus Turcicus.

Paradysus à Moyse impostore fit portus inferni.

& deliria sunt pessimorum hominum, qui ut simplices deludant mortales, similibus imposturis decipiunt, & à verâ beatitudine, & vitâ æternâ excludunt. Vita æterna quam velut Creationis nostræ finem habemus, in cœlo est, in terrâ non invenitur. Audiamus Christum apud S. Joan. c. 14. v. 2. dicentem: In domo Patris mei mansiones multæ sunt. In quem locum Iſidorus Pelusiota l. 1. Ep. 65. Vere inquit in cœlo mansio est, hæc autem præsens vita tentorium est. Sed à quo in Babel Gen. 11. confusæ sunt linguæ, nihil inquit S. Bern. ab eo tempore rectè nominamus, sic namque mundus, tentoria nostrain mundo mansiones dixit; correxit hoc Christus dicens in domo Patris mei mansiones sunt, in terris non nisi tentoria habemus. Et si enim DEus terram dedit filiis hominum, hæc tamen cum cœlo comparata mansio non est, sed peregrinorum tugurium. Num. 33. profecti sunt Israhelitæ per quadraginta duas mansiones, quas tamen prius Num. 10. v. 6. profectiones appellat dicens: ululantibus tubis in profectionem. Ita nimirum mundus profectiones, mansiones suas nominat, quas tamen ob brevitatem incolatus vix bene tentoria auderet appellare. Quis enim viator sub arbore subsistens? quis aliquam domum pertransiens dicet se ibi habitasse. Punctum est & momentum omnis vita nostra respectu æternitatis secuturæ. Poëtæ delirantes ventis domos & domicilia, Mathematici stellis errantibus habitationes certas, & domos in cœlo siderico finxerunt. Civitas illa beata in quadro posita est Apoc. 21. v. 12. Quod est stabilitatis firmæ signum. Hinc namque dicimus vitam æternam; quia quamdiu DEus erit DEus, tamdiu etiam durabit hæc vita beata. Vaticinatus est hoc Isaias c. 33. v. 20. quando dixit: Respice Sion solennitatem civitatis nostræ, oculi tui videbunt Jerusalem habitationem opulentam, tabernaculum, quod nequaquam transferri poterit, nec auferentur clavi ejus in sempiternum, & omnes funiculi ejus non rumpentur, quia solummodo ibi est magnificus noster. Unde mirum non est, quod qui cœlo nati sunt, & illius delicias animo conceperunt, fastidio rerum terrenarum premantur. Sic David ps. 119. v. 5. exclamavit: Heu mihi quia incolatus meus prolongatus est. Et Paulus ad Philip. 1. v. 23. desiderium habuit dissolvi & esse cum Christo. Has enim cœli delicias addidit tunc, quando 1. ad Cor. 2. v. 9. raptus ad tertium cœlum dixit: quod oculis non vidit, nec auris audivit, nec in cor hominis ascendit, quæ præparavit DEus iis, qui diligunt illum.

Hæc

In mundo
tentoria, in
cœlo man-
siones sunt.

Venti, &
stellæ do-
mos habere
dicuntur.

Hæc autem æternæ vitæ gaudia in duplici sunt differentia, alia *Essentialis* enim cœlestia bona essentialia sunt, & est visio & fructio DEI, de quâ *beatitudo* *Joan. 17. v. 3.* dicitur. Hæc est autem vita æterna, ut cognoscant te *visio bea-* solum verum DEum, & quem misisti JESUM Christum. Quod pridem *tifica.* DEus prædixit Moyfi volenti videre faciem DEI *Exod. 33. v. 19.* Ego ostendam omne bonum tibi, adeoque David dixit *ps. 79. v. 8.* ostende faciem tuam & salvi erimus. Quare bene dixit S. Irenæus *l. 4. contra hereticos c. 37.* vita æterna unicuique evenit ex eo, quod videat DEum. Sicut enim Absalon reconciliatus cum Patre, nihil reputavit omnia, si faciem Patris non videret; ita Sanctorum gloria nulla esset si DEum non viderent, in quo velut in speculo omnem divinitatis immensitatem in perpetuam æternitatem speculabuntur. *Sancti a-* Hic *tu vident* non parum errant Novatores Lutherus & Calvinus, qui putant *DEum &* eos primo post universale judicium DEum visuros. Qui si bene *fruantur* *beatitudi-* *ne.* ex- penderent verba illa *Luc. 23. v. 43.* quibus Christus latronem in cruce secum pendentem de vitâ æternâ asscuravit, dicens: hodie mecum eris in paradyso, nunquam sic exerrarent. Neque video, quomodo tam confidenter S. Stephanus postquam vidit cœlos apertos, & filium hominis stantem à dextris DEI, Domine JESU exclamasset suscipe spiritum meum, si usque ad extremum judicii diem cœlo excludi debuisset. Audite S. Cyprian. *l. de exhortat. MM.* Quis non omnibus viribus laboret, ut cum Christo statim gaudeat. Sic Paulus desiderium habuit dissolvi & esse cum Christo. Quia bene S. Hier. *Ep. 25. ad Marcel.* cum Christo vivit in cœlo. Quod S. Hier. primo videtur accepisse ex illo *Eccles. c. 11. v. 28.* ubi disertè dicit, quoniam facile est coram DEO retribuere unicuique secundum vias suas. Impedimentum enim quod erat in veteri testamento, nempe cœli nondum per mortem Christi reaserati, modo penitus est sublatum. Et verò si reprobi statim, atque moriuntur æternis inferorum pœnis quemadmodum in Epulone Evangelico videmus, puniuntur, quid impedit, quo minus etiam sancti si sine debito & reatu purgatorii decedant statim æternâ beatitudine perfruantur. Unde non satis mirari possum, aliquos in eam devenisse opinionem, ut crederent, beatos mille annis in hac terra victuros in omni rerum sensibilibus affluentia & illis elapsis primùm in cœlum transferendos. Neque enim video quod hic in terris deliciis carnis se dedant illi, qui juxta clarissima verba Christi *Matt. 22. v. 29.* neque nubent, neque nubentur. Sed e- runt

runt sicut Angeli DEI. Non enim video quomodo ex illis verbis *Apoc. 20. v. 6.* deducatur. In his secunda mors non habet potestatem, sed erunt Sacerdotes DEI & Christi, & regnabunt cum illo mille annis, quod in his mille annis perpetua convivia sint celebranda. Cum Paulus clarè dicat *ad Rom. 14. v. 17.* non est enim regnum DEI esca & potus. Quare mille anni isti non sumuntur pro tempore certo seu determinato, sed pro incerto, & indeterminato, quo Sancti cum Christo, qui est in cœlis, regnant hic in militante Ecclesia. Beatitudo enim nostra per *S. Ioan. Ep. 1. c. 3. v. 2.* consistit in eo, quia similes ei erimus, quoniam videbimus eum. Et hinc *S. Aug. l. 1. de Trin. c. ult.* inquit illa visio DEI, qua contemplabimur immutabilem & humanis oculis invisibilem substantiam, sola est summum bonum nostrum, cujus adipiscendi gratiâ, præcipimur agere, quidquid agimus. Pulchrè hanc visionis beatificæ præcellentiam *S. Augustinus soliloq. c. 22.* in Transfiguratione Christi meditatur. Cujus umbram ubi vidit Petrus statim aliorum omnium oblitus, ad hanc unam aspiravit. Hanc dulcedinem inquit *S. August.* ut gustavit Petrus, omnium oblitus clamavit quasi ebrius dicens: Bonum est, nos hîc esse; Hic moremur, te contemplemur, quia nullo alio egemus. Sufficit nobis te videre, sufficit beatâ dulcedine satiari. Unam enim stillam dulcedinis ille gustavit & omnem aliam fastidivit dulcedinem, nam ut *D.* loquitur *Gregorius hom. 11. in Evang.* Qui cœlestis vitæ dulcedinem, in quantum possibilitas admittit perfectè cognoverit, ea quæ in terris amaverat, libenter cuncta relinquit; in comparatione ejus vilescunt omnia, deserit habita, congregata dispergit, deforme despicitur, quidquid in terrenæ rei placebat specie; quia solâ pretiosæ margaritæ claritate refulgebat in mente. Hinc enim vero *S. Ignatius* vel sola astra contemplatus exclamavit: Quam sordet mihi terra, cum cœlum aspicio. Quia bene *S. Greg. l. 8. mor. c. 16.* Sancti viri quo verius sancta cognoscunt, eo sublimi⁹ terrena despiciunt, & idcirco præsentis vitæ dies nihil esse conspiciunt. Recte proinde dixit *S. Chrysostomus hom. in Gen.* Non est possibile, ut qui sola & immobilia bona amant, nocumenta hæc, & quæ antequam apparent, marcescunt, concupiscant. Nam saucius amore divino & qui futurorum desiderio tenetur, aliis oculis videt præsentem statum, & videt, quod omnis præsens vita figura est & deceptio, & à somniis nihil differt. Merito proinde exclamat *S.*

Bern.

*S. Ignatio
visio cœlo
sordescit
terra.*

*Qui cœle-
stia verè
cognoscit,
terrena a-
mare non
potest.*

S. Bern. *serm. 3. in Cant.* O beata Regio paradyfi! O beata regio deliciarum! ad quam suspiro de valle lachrymarum. Suspiravit enim verò S. Aug. *l. 10. confess. c. 27.* Dum æterna contemplatus inquit: Serò te amavi pulchritudo tam antiqua, & tam nova, serò te amavi. Ecce intus eras, & ego foris, & in ista formosa quæ fecisti, deformis vivebam. Quare audiamus S. Chrysostomum *hom. 66. in Joan.* dulcis inquit, præsens vita est, & multis plena voluptatibus, non tamen omnibus, sed iis, qui illi sunt affixi. Quod si quis in cælum suspexerit, & quæ ibi præclara sunt, contemplatus fuerit, statim hanc contemnet, & nullius pretii esse existimabit. Expertus hoc est ille monachus, qui decantato matutino versus illius meditationi inhæsit, neque penetrare potuit, quomodo intelligi possit: Mille anni ante oculos tuos, quasi hesterni dies, quæ pertransiit. Meditanti se objicit avicula, quæ elegantissimè cantans suâ dulcedine traxit illum extra Ecclesiam ad nemus monasterio vicinum. ubi suo cantu sic detinuit, recreavitque concentu suavissimo monachum, ut sine omni potu, cibo, & somno totis trecentis annis illum occupaverit. Usque dum tandem avolans eundem dimisit, & monachus credens unius diei fuisse indolias, ad monasterium reversus est, ubi cum Janitor illum admittere non vellet, ad Abbatem tandem deduxit, factaque in analibus monasterii inquisitione invenerunt ante trecentos annos Abbatem, quem nominavit fuisse defunctum, in quo loco etiam de perduto tunc temporis fratre memorabatur. Ille verò, ubi ea, quæ sibi acciderunt, serio expendit, die altero sumptis piè Sacramentis ad cæli delicias iisdem æternum fruiturus abivit.

*Monachus
ab avicula
æternas cæ-
li delicias
disicit.*

Quid dicam de accidentali gloria nimirum de claritate gloriosorum corporum, quia corpora Sanctorum fulgebunt sicut Sol. Auro & pretiosis lapidibus pretium ponimus ob splendorem. Festivitates & natalitia magnorum Principum à collucentibus facibus æstimamus, diem à solis radiis auratam amamus. Quidni amemus illam cæli felicitatem, quam perpetuâ luce totam auream, tot sanctorum corporum collucentia luminaria illustrabunt. Quot corpora tot soles; quot artus tot faces collucebunt. Refertur in *Cron. fratrum Min. l. 1. S. Fr. m. c. 51.* quod S. Franciscus aliquando magno capitis dolore afflictus jacuerit, cui à doloribus pene fesso, allapsa est vox dicens: Quid tibi videtur, si totus orbis in aurum, si mare & omnia flumina in balsama, si rupes & saxa in adamantes verterentur, quod si hoc thesauro

*Pretium
rebus à ful-
gore pom-
mus.*

*Francisco
ostendit
Christus
vitæ æter-
næ magni-
tudinem.*

Y y y y

adhuc

adhuc magis aliquid pretiosum invenires, & ille totus tibi cederet in præmium patientiæ, numquid merito exultares? Reposuit humilis Franciscus tanto thesauro se dignum non esse. Institit tamen DEus, scito hunc thesaurum vitam æternam esse, quem Ego præparavi tuæ patientiæ. Memineritis credo locum Transfigurationis montem fuisse Thaboræum paulo ante à me adductum, dicente *Matth. c. 17. v. 1.* Assumpsit Iesus Petrum & Jacobum, & Joannem fratrem ejus; & duxit illos in montem excelsum seorsum & transfiguratus est ante eos. Bene inquit S. Ambr. in arduo montis factum est, ut ostenderet cœlestem gloriam conatu & labore consecuturos. Et hinc est, quod Joannis *Apoc. c. 21. v. 16.* Cœlum dicatur civitas in quadra posita. Hoc mirum, quod cum apud Mathematicos forma circularis quadraturâ sit perfectior, cœlum tamen non circulare, sed quadratum dicatur. Quidam causam assignat dicens: Civitas in quadra posita est, quia Civitas quadrangularis per figuram crucis ex diametro dividitur. Quare cum figura quadra per diametrum divisa crucem repræsentet, ipsum cœlum crucis instar factum esse ostenditur. Sic DEus daturus Arahæ terram promissionis, perambula inquit terram in longitudine & latitudine suâ, quia tibi daturus sum eam. Inquit ille crucis instar emetitur DEus terram promissionis, quia crux non habet nisi duas lineas transversas in longum, & in latum. Quid quod ipsa paradysi fera cruce constet? Quæ seræ cum difficulter aperiantur, non nisi clavi crucis potuit referari. Et hinc *Isa. 22. v. 22.* Vaticinans Propheta dixit: Dabo clavem domus David super humerum ejus, & aperiet. Quod divinum oraculum suo testimonio confirmat Christus. *Luc. 24. v. 26.* Nonne hæc oportuit pati Christum, & ita intrare in gloriam suam. Non dicam, quod ipse custos paradysi flammeo instructus gladio sit, in cujus capulo crux est. Pulchre Albertus Patavinus *serm. 5.* Nullus ergo potest ingredi paradysum, nisi transeat per gladium. Sic DEus descripturus terram promissionis ab ubertatis copiâ *Exod. 3. v. 8.* Educam inquit de terrâ illâ, in terram bonam & spatiosam, in terram quæ fuit lacte & melle. Quod verò mel sine apum aculeo? Quod lac nisi prius sanguis fuerit? Unde S. Bern. *serm. 48.* Donec in carne est anima, inter spinas profecto versatur, & necesse pati inquietudinis tentationem, tribulationumque aculeos. Et verò mirabile est, quod Christus erga suos tam munificus, tamen *Matth. 20.* Matri petenti pro filiis suis

non

DEUS crucis instar emetitur terram promissionis, sic cœlum.

non annuerit. Dic ut sedcant hi duo filii mei, unus ad dexteram, & unus ad sinistram in regno tuo. Respondit enim Christus: Nescitis, quid petatis. Imo interrogat, potestis bibere calicem? Basilii Seleucienfis *serm. 24.* exclamat in personâ Christi. Si leprosus curationem querit, virtutem exero; si mortuum è tumulo resurgere necessarium est, potestatem exprimo; at si quis regiam potestatem petat, fusi pro pietate sudoris testes, reposco. Ideoque Cajetanus rationem, quod nesciant quid petant, insinuat: Quia nesciunt quid ipsis imminet post suam resurrectionem. Ac si apertè diceret, ideo nescitis quid petatis in meâ resurrectione, quia putatis vos perventuros ad regnum meum sic viventes, cum ego surgam à mortuis. Sed longè aliter est, quia modus perveniendi ad regnum meum est per passionem & mortem. Et propterea examinate vos, si potestis bibere calicem passionis & occisionis. Ita namque *Cant. 4.* invitatur sponsa. Veni coronaberis. Respondit sponsa, vadam ad montem in myrrhæ. Novit utique sponsa tritum illud Poëtæ.

Dulcia non meruit, qui non gustavit amara.

Per quod ostenditur inquit Greg. Nyss. quod qui cum Christo fuerit myrrhæ particeps, omnino etiam erit particeps thuris, nam qui fuerit cum eo passus, simul etiam glorificabitur. Hinc etiam quando *Matth. 17.* in monte Thabor transfiguratus Christus in gloriâ & cælesti luce irradiavit cum exclamasset Petrus: Domine bonum est, nos hic esse, subdit Evangelista nesciebat, quid diceret. Omnino nescivit Petrus illud Poëtæ.

Aspiratur honos, sed non onus, optat honorem

Quilibet, ingratum non amat ullus onus.

Et ideo Petro non assentitur Christus. Quia ut S. Leo *serm. de transfig. Dom.* Ut ostenderet prius petendam esse tolerantiam, quam gloriam. Hinc fortè Christus ascendens in cælum elevatis manibus perrexit, & vulnera cæli Janitoribus ostendit, per quæ cælum sibi fuit mercatus. Et ideo *Ezech. c. 9.* cæli cives; & electos Israel signo Tau seu cruce signatos vidit. S. verò Joannes in sua *Apoc. c. 6. v. 9.* non nisi Martyres in cælo conspexit. Vidi subter altare animas interfectorum propter verbum DEI. In quem locum Tertullianus sic inquit Joanni in spiritu paradysi regio revelatur, quæ nullas alias animas apud se præter Martyres ostendit, quia nullis romphæa paradysi Janitrix cedit, nisi qui in Christo decesserint. Audite

Yyy 2

con-

*Clavis pa-
radyſi eſt
patientia
noſtra &
crux.*

*Pecunia
variis ſi-
guris ſi-
gnatur.*

*Coronatis
Venetis
cælum e-
mitur.*

*Uxor im-
paticiſ
aurea ſed in-
utilis.*

*S. Paulus
Coronatus
Venetus.*

concluſionem. Tota paradyſi clavis ſanguis tuus eſt. Imo non ſo-
lum clavis, Crux eſt etiam pretium ipſius cœli. Eſt hæc S. Auguſti-
ni ſententia, qui in *ps. 149.* cum dixiſſet quod Chriſtus pependit
in ligno, ſubdit. Vide quanto emit ! Vitâ emit Chriſtus gloriam o-
lim pecuniæ imprimebantur figuræ animalium. Fit id etiamnum
hodie. Sic enim Cæſarea Aquilam. Veneta Leonem, Bernenſis
Urſum refert. Nectantur animalium, ſed & Cæſarum, Regum &
Principum, imò etiam Sanctorum, uti & B. Virginis Mariæ, & Chri-
ſti ipſius imagines noſtræ referunt. Nulla tamen harum cœlo emen-
do eſt aptior, quam Veneta, & quidem Coronati, quia cruce inſi-
gniti ſunt. Eximius ſed faceti ingenii vir uxorem ſuam mirè impa-
tientem gratiſe traduxit ; Laudavit illam, & planè auream dixit,
ſed tamen inutilem, quia hoc auro uti non poſſit, neque enim ad cu-
dendam pecuniam, neque ad fictile ullum opus valere ; cum ne mi-
nimum idcirco ſuſtinere velit artificis, qui illam efformare in opus
pretioſum velit. O quot hodie aurum tale ſumus ! Et tamen Paulus
2. ad Cor. 4. v. 17. clamat : Leve tribulationis noſtræ æternum glo-
riæ pondus operatur. Scilicet crux ſignum monetæ cœleſtis, levi
tribulationis malleo cuditur, ſed idcirco formidamus *Act. 9. v. 10.*
oſtendit Chriſtus Ananiæ monetam cœlo dignam, Coronatum Ve-
netum S. Paulum. Surge & quære in domo Judæ Saulum Tarſenſem,
quoniam vas electionis eſt mihi iſte. Ananias monetam examinare
volens, monetam inſpicit, & in imaginem Leonis incidit. Territus,
pecuniam nihil valere dicit, adeoque exclamat : Domine audivi,
à multis de viro hoc, quanta mala fecerit tuis in Jeruſalem. Sed ver-
tere jubetur monetam : Ego oſtendam illi quanta eum oporteat pa-
ti pro nomine meo. Scilicet crucem oſtendit. Et ſtatim Ananias
monetam approbat, laudat & exoſculatur. Salve frater. Hic Co-
ronatus aliquando levior ſaciſtus eſt in libra divina, & 2. ad Corinth. 12.
uſque ad tertium cœlum aſcendit. Ut DEus huic Coronato pondus
daret v. 7. Ne magnitudo revelationum extollat me, addit DEus
Paulo crucem. Datus eſt mihi ſtimulus carnis Angelus Sathanæ, qui
me colaphizet. Jam ego intelligo illud *Job. 28. verſu 25.* Qui facit
ventis pondus, Pondus ventis facere inquit S. Greg. in hunc locum
eſt conceſſam electis de virtutibus gloriam permiſſâ infirmitate tem-
perare. Crux nimirum ſe nimium erigentibus fit in debite qualitatis
temperamentum *Genef. 32. verſu 10.* Jacob Patriarcha de ſe dixit :

In

In baculo meo transivi Jordanem istum. Nobis Jordanes id est mundus est transeundus, sed non sine baculo crucis. Non enim absque mysterio *Apoc. 7. versu 13.* interrogatur Joannes. Hi qui amicti sunt stolis albis, qui sunt & unde venerunt? Sed cum S. Joannes hæsitaret, respondit Senex: Isti sunt qui venerunt ex magna tribulatione, & laverunt stolas suas in sanguine agni. Cur obsecro non respondit ad primam quæstionis partem? Qui sunt? Scitote in cælo non curari quis sis? An Germanus, an Hispanus, an Gallus, an Italus? An Rex, an Princeps, an nobilis, an rusticus? An vir an femina, an juvenis an senex? Sed an cruces pro Christo sustinueris, easque patienter toleraveris. Hoc enim verò curatur. Sic enim Paulus *ad Rom. 8. versu 29.* Nam quos præcivit & prædestinavit conformes fieri imagini filii sui. S. Cyrillus & Origenes explicant sic. Quos Deus præcivit sibi amicos, & dilectos futuros per gratiam, hos etiam prædestinavit, ut patientur, & per patientiam fiant similes filio suo, qui in hac vita tanta sustinuit. Ut proinde conformitas imaginis Christi in hac vita aliud nihil sit, quàm nostra patientia, Quæ quo constantior in nobis erit, erimus etiam aliquando tanto firmitiores, & magis conformes imagini filii in gloriâ. Unde observant aliqui SS. PP. illam consolationem S. Pauli *ad Rom. 8. versu 17.* Si autem filii & hæredes, hæredes quidem DEI, cohæredes autem Christi. Pulchrè advertit Cardin. Toletus, magnam esse differentiam inter hæreditatem bonorum hujus mundi, & hæreditatem gloriæ cælestis. Nascitur enim Hispaniarum, aut Galliarum Regi filius primogenitus, eo ipso quod primogenitus est, est etiam hæres regni sine omni ulteriore labore, aut merito. Hæc lex civilis non habet locum in hæreditate regni cælestis. Omnes quidem Filii DEI sumus, & cohæredes Christi, sed antequam hæreditatem adeamus, debemus prius laborare, sicut Christus laboravit. Hinc S. Paulus statim dictis suis apposuit: si compatimur, & conglorificabimur. Ubi Toletus hic: condicionē quandam apponit Apostolus, ut hæreditatis possessionem adire possimus. Si modo compatimur tribulationes, & persecutiones, sicut etiā Christus ipse passus est, cujus cohæredes sumus, ut una cum ipso etiam conglorificemur, & hæreditate DEI perfruamur. Quare bene Rupertus Abbas in *c. 7. Apoc.* Hoc jus legale est apud cælestem Regem, ut sicut ipse disposuit Pater regnum, ita nobis disponat præmium permanentibus cum illo intentionibus ejus.

*In cælo non
queritur
quis sis,
sed unde.*

*Hæreditas
cæli est
condicio-
nata.*

Yyyy 3

Bene

Bene namque S. Chrysostomus in *ps. 5.* Non enim reliquit nobis hereditatem purè, sed sub quadam conditione. Quænam autem illa est? Ut tollamus crucem nostram & sequamur eum. Sic enim illis, quibus regum disponit dixit. *Luc. 22. v. 28.* Vos estis qui permanistis

Latro quia in cruce cælum statim obtinet. mecum intentionibus meis: Mirantur multi, quod latro ex cruce tam citò in paradysum venerit, quando dixit memento mei, cum veneris in regnum tuum. Cui Christus statim subjecit: Hodie mecum eris in paradyso. S. Bern. *serm. 1. in Ramis.* Latro vidit Christum euntem in cælum, rogat, ut sit sui memor, & secutus est euntem ad cælum. Sed vis nosse, quâ compendiosâ viâ? tam cito pervenit per crucem & tormenta, quæ sunt viâ compendiosa, & initium beatitudinis patriæ. Non enim latroni ut sic, sed tribulato, non supplicanti tantum, sed simul patienti paradysum donavit. Bene namque idem S. Bern. *serm. 1. de verb. Isaie.* Nunquam Christus socium tribulationis à communione gloriæ patietur arceri. Sicut latronem, quem habuit crucis socium, habere voluit beatitudinis consortium. O quam pauci exclamat S. Bern. bone JEsu post te ire volunt. Omnes corregnare cupiunt, sed non compati, non curant quærere, quæ tamen desiderant invenire, cupientes consequi, sed non sequi. Ladovicus Blosius in aureo suo opusculo, quod vocat consolationem timidorum. Inducit Christum sic alloquentem animam, Filia mea imprime cordi tuo bene utilissimam & necessariam hanc lectionem.

Nemo sine cruce ad cælum abit.

Conare omnem tribulationem recipere de manu meâ, & ferre patienter. Nam tribulatio calix tribulationis est, quo sanctos meos potavi. Ego primus bibi, & deinceps nullus sanctorum fuit, qui non externam aut internam aliquam crucem portare debuerit. Per adversa regia via est, quæ hominem ad regnum cælorum perducit. Patientia firmat fidem, roborat spem, accendit amorem. De hoc amore ait Basilius Seleuciensis *orat. de transfig.* Affectionem erga Christum probat Societas crucis. Societatem crucis sequitur societas gloriæ. Sic S. Ignatius Martyr ubi inter bestias fuit, dixit: Nunc servus Christi esse incipio. Unde bene S. Hier. filius DEI sustinuit ignominiam crucis, & tu putas beatos, qui felicitate istius sæculi, & deliciis perfruuntur. Sine Cruce, sine patientiâ, sine operibus nunquam patebit cælum. Non est ullum certius signum divinæ electionis ait Blosius, quam ut quis adversa humiliter, & resignato animo propter DEum toleret. Dices fortè, nullam tibi esse crucis materiam;

S. Ignatius Martyr inter bestias servus Christi esse incipit.

Nemo cruce caret.

am; Ego id credere non possum. *Luc. 23. v. 33.* crucifixerunt Jesum, & latrones unum à dextris, & alium à sinistris. Ergo declines licet ad dextram, vel sinistram ubique crucem invenes. Christus in monte Calvariae dum propinatum acetum felle mixtum gustavit, nobis illud propinavit. Est ea consuetudo in conviviiis. ut si quis dignitatis vel honoris magni haustum propinet, eundem inferior acceptare debeat. Secus indignatio sequitur. S. Wilibrordus viro opulento contra se stomachanti, quod equum suum ad pratum illius divitis pabulaturus, induxerit, cum in mensâ simul convenissent, propinavit. Quia verò vir ille opulentus se componere noluit, haustum propinatum à viro sancto non acceptavit. Cui S. Wilibrordus dixit, si non vis bibere, non bibes. Et ecce licet ingenti arderet siti integro tamen anno bibere non potuit. Usque dum exacto integro anno vir sanctus cum benedictione calicem illum misit, & eique propinavit, quem ubi opulentus ille vir ori suo applicuit, bibit, & unius anni longam sitim facile extinxit. Quis obsecro majoris dignitatis est, quam Christus? Ille calicem passionis bibens nobis propinavit, nos detrectare non possumus, nec debemus. Paphnutius Abbas incidit in latronum Principem, à quo ad mensam invitatus, coactus est ingens poculum in sanitatem illius ebibere. Quia vero vino assuetus non fuit Abbas, recusavit poculum. Ubi tamen stricto gladio latro institit, bonus senex calicem impiger ebibit. Profuit haustus latroni, qui miratus viri integerrimi resolutionem, veniam suae petulantiae rogavit, & latrociniis unâ cum sociis renunciâns Abbatem sanctum in Ereum secutus est. Quod si tamen crux delicatulis nimis gravis est, Laminez in Conc. omnium SS. octo gradus proponit ex illo *Ezech. 40. v. 34.* In octo gradibus ascensus ejus. Magna diversitas graduum in laudatissimis aedificiis passim in scriptura exhibetur. Annon celebre aedificium fuit regius ille Thronus Salomonis de quo. *3. Reg. 10.* Non est factum tale opus in universis regnis. Et hic thronus sex gradus habuit. Quid magis magnificum, quam structura illa elegantissima templi Salomonis, cujus templi atrium interius septem gradus, exterius vero octo habuisse legitur. Ut verò hujus differentiae mysterium intelligamus, sciendum est ex Scripturâ per sex dies laborem denotari, per septem vero cessationem à labore, per octo autem indicari octo virtutum gradus, per quos ad requiem coelestem pervenitur, cum dicat S. Ambr. *l. 5. in c. 6. Matt.* Sicut spei no-

Propinanti digno, i respondere debemus.

Nolens propinanti S. Wilibrordo respondere integro anno sitit.

Latroni propinanti latro griter respondens Paphnutius eundem corvertit.

Caelum additur per octo gradus.

stræ

stræ octava perfectio est, ita octava summa virtutum est. In throno ergo Salomonis mundani homines intelliguntur, qui inter labores & sudores eluctantur ad cœlestem gloriam. In atrio templi interiore septem sunt gradus, quia in cœlesti Jerusalem vera est quies. Quia verò ad interiorius atrium non pervenitur sine exteriori, in exteriori atrio octo sunt gradus, quia ad illam cœlestis atrii requiem, per illos octo gradus ascendere oportet. Et ideo Ecclesia non sine causa in Sanctorum omnium Solennitate Evangelium posuit octo beatitudinum, per quas velut gradus omnes Sancti & ipse Sanctorum omnium Princeps, cœlum est ingressus. Legimus enim vestigia & ecce teste S. Paulo Christus primum gradum beatitudinum conscendit 2. ad Cor. 8. v. 9. Quoniam propter vos egenus factus est, cum esset dives, ut illius inopia vos divites essetis. Nec alieno eget divina Sapiencia testimonio, quæ de se ipsâ Luc. 9. v. 58. dixit vulpes foveas habent & volucres cœli nidos,

Octo beatitudines gradus sunt per quas cœlum aditur

Christus ipse per hos gradus est ingressus.

Et Sancti per hos gradus in cœlum conscenderunt.

filius autem hominis non habet ubi caput reclinet. Exemplum Christi imitatus est Abraham qui dives erat in possessione auri, & argenti, & tamen ad unam vocem DEI terram & cognitionem suam deseruit, ut verè spiritu pauper dici posset. Secundum gradum mansuetudinem Christus pro professione sui magisterii accepit Matt. 11. v. 29. discite à me quia mitis sum & humilis corde. Sic mansuetus fuit David, qui leones & ursos confregit, nihilominus Saulem Regem juratum vitæ suæ hostem cum in speluncâ habuisset in manibus, non vitam sed oram chlamydis illius præcidit. Ut hoc ipsum argumentum misericordiæ suæ exhibuerit DEO in testimonium suæ benignitatis dicens: Memento Domine David, & omnis mansuetudinis ejus. Moyses pariter cum esset dux Israël audiebat mitissimus dicente scripturâ Num. 12. v. 13. Erat Moyses vir mitissimus super omnes homines, qui morabantur in terrâ. Luctum Christus toto vitæ suæ tempore professus est. Et qui nunquam risisse legitur, flevisse sæpius invenitur. Certè S. Paulus ad Hebr. 5. v. 7. in ipsâ cruce flevisse testatur, quando dicit ipsum preces pro salute nostra ad DEum Patrem cum clamore valido & lachrymis obtulisse. Luctus etiam Jacob filium suum, & luctus iste quem in figura Ecclesiæ mortem Christi deplorantis fecit, fuit laudabilis. Justitiam quis Christo negabit? Qui ut jus suum redderet æterno Patri, seipsum in satisfactionem obtulit, pro mundi salute. Et verò qui dixit DEO reddenda esse, quæ DEI sunt,

& Cæ-

& Cæsari voluit dari, quæ sunt Cæsaris, justitiam se administrare clare ostendit. Sic à justitiâ bene administratâ laudatus est in sacris litteris David, de quo 2. Reg. 8. versu 15. Faciebat quoque David Judicium & Justitiam omni populo suo. Quintum gradum misericordiæ, super omnia opera sua Christus ostendit, utpote cujus omnia opera humanitatis quid aliud loquuntur & spirant, quam misericordiam & pietatem. Quid enim tot curati infirmi, leprosi & energumeni, quid restituti elaudi, cæci, hydropici clamant, quam misericordiam & pietatem, quam illis præstitit. Certè mulier illa de adulterio accusata magnum est misericordiæ argumentum, quam tam dextrè accusantium subduxit crudelitati. Jobum misericordia celebrem fecit, qui non tantum adultus portionem suam cum egentibus dividebat, sed cum ipsâ ab infantia suâ adolevit Job. 31. v. 18. Quia ab infantia meâ crevit mecum miseria, & de utero matris meæ egressa est mecum. Castitatis excellentiâ adeo rarâ eminuit Christus, ut licet de variis culparetur summa DEI Sanctitas, adeoque falsis calumniis, & iniquis testimoniis Christi innocentia opprimeretur; tamen in puncto Castimonie in minimo nunquam notaretur. Unde etiam tam constanter Christus Joan. 8. v. 46. dixit: Quis ex vobis arguet me de peccato? Sic castitas celebrem fecit Patriarcham Josephum, qui à Dominâ suâ tentatus, etiam pallium reliquit in manu illius. Septimus gradus est pax & amicitia, quam Christus inter nos & Patrem etiam sanguine suo reconciliavit. Quam deinde velut teseram victoriæ suæ à mortuis redivivus semper discipulis suis est præcatus. Et Joan. 16. v. 33. quasi Testamento reliquit. Hæc locutus sum vobis, ut in me pacem habeatis. Considerate Patriarcham Josephum, qui cum fratribus suis posset bellum indicere, eosque in Ægypto opprimere, & penitus exterminare, tamen pacem coluit, & veniam fratribus liberalissimè concessit. In apice Supremi gradus cœlestis consistit Christus Dux noster, qui non tantum persecutiones passus est, quas mirandâ patientiâ pertulit, sed vel in ipsâ cruce pro suis crucifixoribus Patrem exoravit. Hoc scilicet patientis Christi ultimum fuit Epiphonema Luc. 24. v. 26. Nonne hæc oportuit Christum pati, & ita intrare in gloriam suam. Josephus à fratribus venditus injuriarum patienter pertulit, In carcere innocentem positus, DEO non obmurmuravit, & ita à DEO exaltatus est, ut in regio quasi folio constitutus de persecutione fratrum suorum triumpharet. Hæc

Z z z z

viâ,

*Porta Sancta non
durat nisi
durante
Jubilao.*

*In urbibus
pulsatur
campana
ante clau-
suram.*

*Morosis
cæli Janua
non patet.*

*Alexan-
der obsessa
urbi facem
accendit.*

*Atheis &
insanis so-
lis in mun-
do opus est
carcere.*

viâ qui non graditur, à cœli janua exerrabit. Bellarminus Cardi-
nalis dicere solitus est, Portam sanctam à Pontifice Romæ aperiiri so-
litam, tamdiu esse apertam, quândiu durat Jubilæum. Hoc finito
claudi, nec Regibus aperiendam. Christus summus Pontifex in
vita mortali Jubilæum facit, & per crucem atque passionem suam
cœli portam aperuit, clauditur hæc cum vita nostra; & per hanc
clausam tardo & moroso peregrino in omnem æternitatem aditus
non patebit. In urbibus bene moratis vesperi ante urbis clausuram
campana vel alio modo signum datur, qui moras trahit, excluditur.
quas sæpè incommoditates, quæ hostium pericula subire debent tunc
morosi viatores? Quos suas, quas in hortis habebant, damnant de-
licias? Et parum fructuosam execrantur segnitiam? Habent tamen
aliquando tuguriolum vel casam rusticanam, in quam se recipiunt.
Qui à cœlo excluditur solum infernum habet, æternum arsurus.
Nec obest quod apud *Matth. c. 7. versu 7.* dicatur: pulsate & ape-
rietur vobis. Audite namque justam DEI indignationem *Joan. 7.*
versu 34. Queretis me & non inveniatis, & in peccatis vestris mor-
ietimini. Alexander Macedo urbi, quam obsedit, facem accendit,
quâ ardente gratiæ locum promisit, hac extinctâ nullum amplius mi-
sericordiæ locum superesse protestatus est; Sed omnia ferro, & igne
est depopulatus. Fax ardet vitæ nostræ, festinemus ad cœlum. Ma-
gna est ejus severitas post judicium exclamat S. August. *serm. 22. de*
verbis Dom. cujus ante judicium incessabilis est misericordia. *2. Reg. 7.*
Joab cum Abner tota die prælio decertabat, sub vesperum inclina-
batacies Abner, misit ergo caduceatores ad Joab. Sed audi quid
Joab. Vivit Dominus, quod si locutus fuisset mane, recessisset po-
pulus persequens. Peccatores totâ vitâ cum DEO præliantur, in-
gruente vitæ vespere frustra inclamatur misericordia. Dum tempus
negotiandi est, salutis merces comparemus; Cum nundinæ vitæ
nostræ terminantur, clauduntur officinæ. Nundinæ æternitatis,
vitæ nostræ momento stant, omnia hic vili, imò nullo quasi pretio
vancunt juxta illud: Venite, emite sine argento. Bene omnino
quidam dixit, videri sibi in mundo tantum duobus carceribus opus
esse. Uno pro Atheis, altero pro insanis. Vel enim credit aliquis
esse vitam, æternam, vel non? Si non credit Athæus est, & primo
carceri includi debet. Si credit, & tamen peccat, seque cœlesti
gloria privat, atque ultro se in infernum demergit æternis crucian-
dus

aus flammis, stultissimus est, adeoque alteri carceri est mancipan-
 dus. Tu mi Christiane in negotio æternæ salutis cautè procede, ne
 hic ergastulo stultorum coercearis in terris, & ibi carceri includaris
 æterno. Rogavit aliquando S. Thomam Aquinatem Soror illius, *Soror S.*
 quid esset cœlestis gloria? Respondit S. Thomas, antequam illam *Thomæ A-*
 possideas, non scies. Dic obsecro quantum non impendimus? *quinatis*
 Quid non satagimus, ut nobis bene sit, vel ut infirmi à morbo & do- *vult scire*
 lore liberemur? Ibi nullum doloris vel morbi erit periculum. *quid sit*
beatitudo.
cal. 21. versu 4. Et absterget DEus omnem lachrynam ab oculis eo-
 rum, & mors ultra non erit. Neque luctus, neque clamor neque
 dolor erit ultra, quia primò abierunt. Hoc est quod gloriosos Chri-
 sti Martyres in passione sua & tormentis fecit invictos. Cum Joân-
 nes Crucius Carmelita discalceatus Segobiæ in Hispaniâ familiariter
 ageret, interroganti Christo, quid pro laboribus suis vellet? Aliud *Joannes*
 non respondit, quam hoc; Domine pati, & contemni pro te. *Crucius*
 Quid enim facilius, quam pati hic in consideratione Secuturæ feli- *pro premio*
 citatis. Non miror ego Olympium senem, qui in cœnobio Gerasi- *pati deside-*
 mi ad Jordanem caveam potius quam cellam inhabitavit, in quâ præ- *rat.*
 ter tenebras, ingenti æstum solis, ciniphum & muscarum mole- *Olympius*
 stissimum incursum, rerum omnium penuriam patientissimè tolera- *in cœnobio*
 vit, interrogatus à quodam se visitante, quomodo hæc omnia per- *miserè ba-*
 ferre posset? Respondit: fili hæc levia sunt, si cum æternis conse- *titat, ut*
 rantur, æstum enim hunc, & alia omnia tolero, ut effugiam ignem *in cœlo me-*
 sempiternum, dicam Ego, ut refrigerium capiam in cœlo semper- *lius delicia-*
 rum. Hoc enim spondet Christus omnibus, qui sibi patienti com- *tur.*
 patiuntur. Barbara Mariæ de Victoria socia septemdecim annis a- *Barbara*
 liud fere non egit, quam pro amore patiendi pro Christo continuis *S. Victo-*
 morbis & doloribus exerceri. Duobus ante mortē annis morbis gra- *ria socia*
 vissimis obruta lecto affixa hæsit, eaq; constantiā inter hos dolores vi- *pro cœlo*
 xit, ut nunquā gemere audita sit. Illius tam insignem patientiam pro- *quidvis pa-*
 bavit Christus, quando illi non solum cœlestem gloriam in proximo *titur.*
 promisit, sed simul se ipsum illi spectabilem exhibuit, ei; nomen Bar-
 baræ in amabile nomen Dilectæ permutavit. Inde tanto cœli deside-
 rio Dilectæ exarsit, ut cuperet dissolvi & esse cum Christo. Quare ro-
 gavit jam moriens sorores ut Te DEum laudamus cānerent, ubi verò *Spes præ-*
 ad illa verba: Per singulos dies benedicimus te, perventū est placidis *mi est so-*
 simè expiravit. Quam verè dixit Publicus Minutius, Ex præmii spe so- *latus.*

latum sit laboris, quia ut inquit S. Aug. Minuit laborem ponderis, spes Præmii. Unde bene S. Hier. *ad Eustoch.* Præsentis laboris ante oculos tibi pingere incedem, quam nec oculus vidit, nec auris audivit. Pulchrè proinde S. Thomas à Villà novâ exemplo Sancti Stephani Martyris nos animat. Martyr inquit Stephanus cælos apertos vidit, hiantem gloriam, patentem paradysum januam, lætus agone in aggreditur, provocatus à præmio. Cui insitit S. Hilarius Arelatenfis. Nihil de vulneribus suis loquitur, nihil de ictibus lapidum, quibus totus frangebatur. Vides quod spectantis intuitus armat constantiam triumphantis, & quasi dum occupatur in stupore & amore cælestium, non turbatur ab imbre Saxorum. Plutarchus de Archimede refert, quod Marcellus in expugnatione Syracusarum interdixit, ne Archimedes occideretur. Verum cum Syracusæ caperentur, & ipse animo ac oculis in terram defixis formas Geometricas describeret, à milite ignaro, quis esset, est interfectus. Terræ infixus Archimedes mortem non sensit. Quid mirum si Stephano, si tot gloriosis Martyribus lapides torrentis dulces fuerunt, enses & catastræ rolarum instar ablandiebantur, in cælo namque defixi erant. Quare rectè *Ægidius Columna in Ep. ad Rom. c. 5.* si lædamur in istis rebus sensibilibus, non solum affligimur sed lætamur, si pressuram patimur in hoc mundo, operatur enim in nobis expectationem futuræ gloriæ. Quis enim illas cælestis gloriæ delicias explicet, quas Paulus humano cordi impenetrabiles tam graviter affirmavit. Sunt qui molaris lapidis casum à cælo Empyreo usque ad nos deorsum per tempus longum & dies plurimos suspendunt; tanta enim est cæli illius à nobis distantia. Et tamen in momento corpus gloriosum, sicut homo circumferetur cogitatione, ita circumferetur corpus agilitate donatum, sine omni impedimento quacunque libuerit. Neque enim avis tam pernici volatu librabitur in aëre, quā corpus gloriosum circumferetur per extrema cæli terræque spatia. Expertus hoc est S. Theophilus M. qui Dorotheam per ludibrium imploravit, ut ex cælorum viridario sibi rosas & poma mitteret. Vix illa sub ferro cecidit, & cælum subiit, & ecce de cælo adfuit angelus qui Theophilus rosas, & poma exhibuit. Quare sicut modo sunt angeli, & spiritus suo corpore exuti, ita erunt post resurrectionem corpora gloriosa, dicente Christo: Erunt sicut Angeli DEI. Quam vere proinde Paulus *ad Rom. 8. v. 18.* dixit: Non sunt condignæ passionēs huius temporis ad futuram gloriam. Quod

expen-

*Archimedes
de terra
infixus
mortem
non sensit,
quid nos in-
fixi cælo.*

*Agilitas
corporis
gloriosi.*

*S. Dorothea
Theophilo
promissas pa-
radysii deli-
cias mittit.*

expendens virorum fortissimus Thomas Morus Aloysiæ uxori ro-
 ganti, ut se tempori accominodaret, dixit: Dic mea Aloysia bonis
 istis, quæ commemoras, quamdiu fruemur? Subdidit illa: viginti for-
 san annis. At graviter reposuit Morus; abi stulta mercatrix, quæ
 me pro viginti annis æterna velis commutare. Si annorum viginti
 millia dixisses, esset hoc aliquid, & tamen hoc nihil est respectu æter-
 nitatis. Non inquit Morus ego tam brevem felicitatem æternæ præ-
 feram. Bene proinde in articulo fidei additur illa particula æternam.
 Ut à fugaci voluptate carnis aut vitæ nostræ momentaneæ blanditiis
 non seducamur. DEus æterna nobis spondet, huc animos, huc o-
 ra convertamus. Quæris, quid sit æternitas? Dicam quod sentio. Si
 millenis singulis annis guttam unam ex mari subduceres, citius ex-
 haurires mare, quam æternitatem. Si mons esset, qui ad cælum us-
 que pertingeret, & singulis millenis annis avicula unicam arenulam
 tolleret, citius montem tolles, quam æternitatem. Quam pruden-
 ter dixit ille in *visis PP. l. 3. §. 107.* qui à puella ad libidinem sollicita-
 tus eidem respondit: Sine me ut prius experiar an inferni pœnas pos-
 sim sustinere? Et in candelam ardentem immisit digitos suos ordine,
 sed cum sustinere non valeret, en inquit pro inferno aptus non sum,
 adeoque me tanto peccato obstrictum non possum in infernum de-
 mergere. Si te mi Christiane invadat tentatio peccati, fac experia-
 ris, an infernum possis tolerare. Verum cum has inferni pœnas per-
 ferre nequeas, ad cœli delicias te convertas, firmoque animo crede,
 te his in æternum fruiturum, si peccatum viceris, & illius tentatio-
 nem magnanimiter represseris. Superant cœli deliciæ omnes mun-
 di voluptates. S. Franciscus æger à Fratre Pacifico in sæculo insigni-
 mus petiit, ut sibi in fidibus luderet: Excusavit se F. Pacificus, al-
 legans scandalum, si luderet. Sed DEus S. Franciscum solaturus il-
 li Angelum misit, qui eidem luderet. Ludit & Franciscum dulcedo
 angelicæ musicæ vix non exanimavit. Quid plenus chorus in cœlo
 facturus est?

Laudat scriptura Tobiam, quod inter omnes, qui currebant ad
 vitulos, quos Jeroboam Rex Israel fecerat, hic solus fugiebat confor-
 tia omnium, & pergebat in Jerusalem ad templum Domini. Lyr-
 nus in hunc locum putat, quod non omnes omnino apostataverint a
 DEO, limitat proinde ad paucos, qui cum Tobia DEum secuti sunt,
 atque ab idolis recesserunt. Quotus quisque inter nos est, qui non

Zzzz 3

adoret

Thomas
Morus æ-
terna ca-
ducis præ-
ferre do-
et uxore.

Vita, quâ
speramus,
æterna est.

Æternitas
quid?

Sollicitan-
tem puel-
lam qui-
dam digi-
tos urendo
repremit.

S. Fran-
ciscus æ-
ger à cœ-
lesti fideli-
ne recrea-
tur.

Plurimi
hominum
idola se-
quantur
suarum cu-
piditatum.

*Vitulus est
omnis cu-
piditas.*

adoret vitulos aureos? Abbas Guixonensis dicit, vitulus est, quid-
quid in terrâ amabile est. Omnes quotquot sunt, ad hunc vitulum
currunt, hoc adorant. S. Greg. Nyss. inquit: Vitulus noster libido
est. S. Aug. verò dicit vitulus significat corpus omnium malorum.
Annon omnes corpus, non verò animam curant? Hoc est, quod la-
mentatus est, *Michéas. c. 7. v. 1. vix mihi, quia factus sum, sicut, qui*
collegit in autumnno racemos, utique post terga colligentium. Hæc
est persona Salvatoris inquit Glossa ordinaria, quia in toto orbe Sal-
vator vix invenit opera digna suo sanguine profuso. Quasi post vi-
demian racemi vix in aliquibus poterunt inveniri, qui fidem in tantâ
vastitate servaverint. Clarius Lyranus dicit: Quia sunt valdè pau-
ci respectu collectorum. Pergit ulterius Propheta in sensu literali
in personâ Christi. Perit Sanctus de terrâ & rectus in hominibus
non est. Omnes in sanguine insidiantur. Excusat divinam bonita-
tem S. Aug. in responsione ad articulos sibi falso impositos dicens:
sine omni exceptione credendum est, quod DEus vult omnes homi-
nes salvos fieri. Ex quibus qui pereunt, ex merito peccantium est,
& qui salvantur, salvantis est donum. Et sic ille idem intelligendus
est *Tract. 26. in Joan.* Quando dicit, quare illum trahat, & non illum.
Noli velle judicare, si non vis errare. Certè S. Joannes Chryosto-
mus *hom. 40. ad pop.* exhorrescere fecit suos Auditores, dum dixit:
Quot esse putatis in hac civitate, qui salvi fient? Inestum est, quod
dicturus sum, verum tamen dicam. Non possunt in tot milli-
bus centum inveniri, qui salventur; Imò & de his dubito. Cur hoc?
Audite S. Aug. *l. 1. ad Simpl. q. 2.* Non odit DEus Esau hominem, sed
Esau peccatorem. Nihil enim DEus in homine aliud odit, nisi pec-
cata. Unde peccator non de DEO, vel Christo, vel alio quopiam que-
ratur, se ipsum culpæ, & suæ miseræ auctorem agnoscat. Esau primo-
genitus fuit Patriarchæ Isaac Patris sui, ad quem jure spectabat jus pri-
mogenituræ, & majoratus, sed jus suum pro scutellâ lentis vendidit
fratri suo. *Gen. 25. v. 33.* Juravit ei Esau & vendidit primogenita. Et
consequenter cum his omnes præcellentias nimirum sacerdotium, &
reliqua bona quæ per majoratum consequuntur. Quare cum Esau ad
venationem abivit, prævertit Jacob fratrem suum, & pellibus Esau se
induit, cibos morituro Patri obtulit, & benedictionem præripuit. Sed
quid obsecro tot stratagemata? Nonne DEus absolutus erat Dominus
& dominio supremo primogenituræ jus ab Esau revocare, atq; in Ja-
cob

*Pauci sal-
vantur
multi da-
mnanar.*

*DEus non
odit Esau
hominem
sed Esau
peccato-
rem.*

ob transferre poterat? Pulchrè Oleaster in hunc locum respondet. Quæso adverte Justitiâ DEI exactissimam. Licet enim justè primogenituram possit ab Esau auferre, sicut modò facit, & regna, ac imperia ad libitum distribuit, noluit tamen auferre, ne postea Esau de eo posset conqueri, & dicere: absque meâ culpâ accidit; inera Domini DEI voluntas fuit. Hinc voluit ut eam spontè fratri suo venderet, quo sibi imputaret, quod eam à se abjecerit. Hoc ipsum cui libet peccatori accidit. Nullum enim peccatum est, nisi sit voluntarium, atque adeo voluntariè per peccatum homo animam suam DEO subtrahit, & dæmoni vendit. Unde bene monet S. Paulus ad Rom. 6. *voluntarium*. v. 13. Sed neque exhibeatis membra vestra arma iniquitatis peccato. S. Ambr. in commentar. suis sensum ejusdem Apostoli declarat, ostendit Apostolus diabolum nos nostris jaculis impugnare. Occasio enim datur illi per nostra peccata, ut deserente nos DEO acceptâ potestate illudat, & nos mortificet. Scilicet tu dæmoni ipse arma subministras tuis peccatis, quibus te impugnet. Ut propterea dixerit *Nos DEO arma qui-* *bus impu-* *gnemur,* *dæmonis.* *Isaias c. 50. v. 1. Ecce in iniquitatibus vestris venditi estis. Ideoque* de nullo alio conqueri poteris, si flammis adjudiceris æternis. Unde mirum non est, tantis augmentis infernum locupletari, dum pauci plañt cælo inscribuntur. *Apoc. c. 20. vidit Joannes sedentem in throno Judicem DEum. V. 12. Et vidi inquit mortuos magnos, & pusillos stantes in conspectu throni. Paulo post subjungit. Et libri aperti sunt. tandem dicit: Et alius liber apertus fuit, qui est vita. Certum* *Multi da-* *mnantur* *pauci sal-* *vantur.* est, quod DEUS non indigeat ullo libro, quia oculis divinis omnia patent, cui etiam ipsa præterita omnia sunt præsentia; omnia enim nuda & aperta sunt oculis ejus. Quid ergo tot libri? Bene Calainatus *Dom. 23. post Pentec.* Et libri, inquit aperti sunt, qui erant reprobi, quasi multi libri sint ad conferibendos reprobos. Pro vitâ libro unus sufficit. Quia scilicet impiorum Catalogus nec multis capitur voluminibus. Justorum autem numerus exiguo capitur libello. Unde tam solicite S. Petrus 2. *Petri 1. v. 10. Satagite ut per bona opera vestra, certam faciatis vocationem vestram. Glossa ordinaria in hunc locum. Certam inquit facit vocationem suam, qui in bonis operibus perseverat. Pulchrè Origenes hom. 34. super illud: Venite benedicti Patris mei. Addit inquit Patris mei. Quod non addit, quando dixit: Re maledicti; nam benedictionis ministrator est Pater, maledictionis autem sibi quisque est author, qui operatus est ea, quæ digna sunt maledi-*

Certa est
prædesti-
natio ser-
vare man-
data.

ledictione. DEus enim quantum in se est, homines non ad perditionem creavit, sed ad vitam. Peccantes autem conjungunt se diabolo. Audite ergo Eusebium Emiffen. *serm. 6.* Noli attendere ad prædeterminationem DEI, quam ignoras. Attende ad verba, quæ audis & intelligis. Si vis ad vitam ingredi serva mandata. Non quæras aliam prædestinationem, in his enim verbis omnis & vitæ & mortis prædeterminatio consistit. Verissimum namque est illud Pauli. Quod seminaverit homo, hoc & metet. Qui de carne seminat, de carne & metet. Filios Israel per desertum deduxit columna ignea, quæ ostendit illis viam ad terram promissionis. Sed hoc satis non fuit ad actuale ingressum. Movendi erant pedes, & longo fatigio ambulandum, sæpiusque cum hoste pugnandum. Terra lacte & melle fluens cælum est. Columna est Christus vel fides, sed nisi nos æquis pedibus sequamur, nihil nobis proderit. Vidisse & ivisse in ejus luce requiritur, ut vitam consequamur æternam. Amen.

F I N I S.

Omnia ad majorem DEI gloriam.



IN-

INDEX RERUM PRÆCIPUARUM.

A.

ABBAS latronem mirabiliter convertit. 424.
ABRAHAM non extollitur in consideratione Christi. 336.
ACTIO respondeat nomini 511.
ACTORIS nomine indignus, qui malum gestum fecit. 441.
ADAM creatus est extra paradysum. 182.
 Cum Eva productus est ingratiâ. 196. Peccando læsit amorem & iustitiam in DEO 291. primus fuit Iconoclasta. 197.
ADAMANTUM origo. 486.
ADULTERIUM DEUS etiam de nocte videt. 45.
ADULTER facie monstrosus homines & pecora terret 669. Non occiditur in eodem loco cum adulterâ. 344.
ADRIANUS Imperator debita populi Romani combussit. 320.
ADVOCATUS nolens audire pauperes, miserè moritur. 476.
ÆNEAS Anchisen, filii parentes flammis purgatorii eripit. 631.
ÆSOPUS nescit quo vadat. 447.
ÆTERNITAS quid. 735. Illi prospicere debemus. 447.
ÆTNÆ flamma cessit filiis, qui in parentes pii fuerunt. 631.
B. AGATHON iudicium timet. 438.
AGATHOCLES rex fustibus in mensâ utitur. 181.
AGILITAS gloriosi corporis qualitas. 715. 734.
S. AGNES nudata, divinâ luce integitur. 302.
ALAUDÆ cassitæ fabula, per scæminas sequitur. 410.

ALBUS color etiam datur in præmiis. 427.
ALBÆ vestes, lætitiæ signum. 427.
ALDOMIRA mori gaudet, ne DEum offendat. 340.
ALEXANDER VI. Venerabile in collo portat. 40.
ALEXANDRI M. incunabula Aquila ornat 250. frustra inquit paradysum 719. Nuncium ad Ephesionem missum, prævertit. 209. Ejus celeritatem Apelles in fulmine pinxit. 402. Urbi obsessæ facem accendit. 731. Petita 100. talenta auri jubet dari. 321. Ejus Ephcebus inter sacrificandum carbonem ignitum sustinet. 26.
ALPHONSUS Rex sacrilegus à DEO punitur. 1.
P. ALVAREZ monialem reprehendit, quod dæmonem timeat. 169.
AMANTES liberales sunt. 145.
S. AMBROSII in periculis imperturbatus. 339.
AMORIS DIVINI & humani lucta. 205.
ANABAPTISTÆ stultè diem iudicii prædicunt. 479. Sorores non fratres in osculo pacis salutant. 531.
ANACHORETA moriens divino iudicio sistitur. 424.
P. ANCHETÆ aves obediunt. 332.
S. ANDREAS Episcopus mortis nuncio fit pinguior. 205.
ANGELA de Fulgino videt Passioni adiectos à Christo benedici. 306.
ANGELICÆ naturæ excellentia. 149. Sunt creati in gratiâ 151. Non sunt creati in gloria. 152. Sunt varii. 201. Et plurimi 150. Sunt novem chori. 151. Quos vidit S. Mechthildes. 151. Cur alati & juvenes. 150. Eorum cum DEO efficta similitudo. 152.
 A a a a

INDEX.

do. 152. Horum prælium in quo confite-
rit. 152. Superbia illos de cœlo præcipita-
vit. 153.

ANGELI sunt custodes nostri. 153. 181.
Clypei nostri sunt. 167. Sunt geruli nostri.
168. Sunt Convoja nostra. 169. Horum
clypeus est tutissimus. 171. Semper nobis
præsentés sunt. 164. DEum nobis propiti-
um reddunt. 166. Gaudent de nostrâ salu-
te. 155. Plures sunt defensores, quam hos-
tes dæmones. 167. Theodorum ad pu-
gnam contra dæmonem gigantem animant.
162. Solantur nos. 163. ad bonum nos im-
pellunt. 163. Lanceâ armatus vitam emen-
dare jubet. 165. Ejus præsentia à peccato.
deterret. 179. Eliam Abbatem à destina-
tâ lasciviâ cohibet. 172. Ermelendem à nu-
ptiis avocat. 172. S. Theophilum in Lupa-
nari servat. 172. Humiles amant, superbos
oderunt. 166. Jovinianum superbuni emen-
dat. 165. Hypocritism monachi prodit, &
execratur. 166. Inviti puniunt. 167. In ex-
cidio Hierosolymitano emigrant. 180. Ti-
ment faciem irati DEI, quid ni peccator?
36. Altaria custodiunt. 158. Ecclesiam ab
ineineratione defendunt. 158. Eandem con-
tra Eudoxiam tuentur. 158. Sacrytamm a-
git. 158. S. Gregorio in sacro clarè respon-
det. 158. Berchmanum, uti & alium in mi-
nistrando supplent. 157. Sacerdotem hono-
rat. 158. Crucem à Theodosio ecclesiam hon-
orat. 136.

ANGELI orantes supplent. 159. Oranti-
um frontes signant. 159. Horum neglectam
compensant. 159. Moniali morituræ de Sa-
cramentis provident. 160. Sunt in baptis-
mo patrini. 17. S. Bonaventuram uti & B.
Stanislaum communicant. 159. Furfuram in
Concione instruit. 163.

ANGELUS pro Coco cibos parat. 47.
Franciscanus religiosos pane reficit. 38. In
terrâ motu obrutos duos parvulos pascit,
simul autem abstinentiam à carnibus servat.
176. S. Basilidem in navi vehunt. 178. Oran-
te S. Isidoro arant. 157. S. Martini nuda bra-
chia in sacro tegunt. 302. S. Wandregisilo

pallium lutulentum purgat. 179. P. Realino
baculum refert, & purgat. 179. Moniales
in viâ errantes reducit. 170. Maximilianum
ab Alpibus in viam revocat. 169. Perigrinam
ad S. Michaelem contra dæmonem defen-
dunt. 180. Zelotypiam clienti periculosam,
emendat. 173. Patibularium induit, ut cli-
entem servet. 173. Infirmary agit. 176.
In Venæ sectione lumen & pelum tenet.
176. Infirmary à supervenientibus mona-
chis pellitur. 177. B. Constantinum vulne-
ratum sanat. 177. S. Martinum per scalas la-
psum curat. 177. S. Svvitbertum ex carcere
liberat. 177. S. Theodorum à cruce solvit.
177. In foro ream defendit. 174. In agone
nos defendunt. 160.

ANGELUS vexillifer dux Christiiani ex-
ercitus. 170. Dum Antolinus sacrum audit,
pugnat Angelus. 157 Theodosio Victoriam
spondent. 175. Contra Persas Victoriam obti-
nent. 175. Christianum exercitum ab hos-
te clausum salvat. 170. Constantinopolim con-
tra Arianos defendunt. 174. Ravennam oc-
cupat. 171. Congensium Regem Victorem
faciunt. 176. Clotarium stricto gladio fu-
gere cogit. 175. Angelus mendicis à domi-
bus arceatur. 477.

ANGLIAM sollicitè S. Gregorius Pontifex
convertit. 542.

ANGLICANUS aulicus à propriâ consci-
entiâ damnatur. 442. Pœnitentiam differens
à dæmonibus rapitur. 699.

ANIMA hominis est spiritalis. 62. Ejus
ingratâ pulchritudo S. Carharinæ sensus o-
stenditur. 54. Est capax DEI, nec alio ex-
pleri potest. 61. Est pretiosa. 55. Pro Judæ
anima Christus genua flectit. 57. Et tamen
quispiam animam pro sex Cruciferis vendi-
dit. 56. Causidicus quidam illam proprio ju-
dicio dæmoni addicit. 51. Illius nundinator
eum corpore & anima perit. 63. Calvinista
Ministellus suam animam Mercatori oppri-
gnorat. 56. Ejus jactura est gravissima. 57.
A morte non dormit usque ad diem judicii.
58. Est immortalis. 60. Si non esset immor-
talis, pecudes essent feliciores. 60. Natura-
liter

RERUM PRÆCIPUARUM.

liter perennare desiderat. **61.** Mereri potest ulteriorem durationem. **61.** Superest altera vita, in qua consolationem accipiat. **60.** Calva invitata ad mensam, docet illius immortalitatem. **62.** Plurimi sunt à morte suscitati. **63.**

ANIMA cujusdam pauperis per angelos cœlo interitur. **61.** Statim à morte hominis judicatur. **433.** Præmiatur illa in cœlo, ergo & corpus. **709.** Nulla liberatur ex inferno. **695.**

ANIMÆ PP. ante ascensionem Christi, fuerant in limbo. **392.**

ANIMÆ purgatorii sunt membra nostra. **621.** Verè pauperes sunt. **620.** Captivæ sunt, visitentur in carcere. **623.** Ciceronis de his Christiana opinio. **625.** Torquentur verè ab igne materiali. **621.** Vult illas DEus juvari per vivos. **624.** S. Angustinus pro defunctis parentibus suis suffragia rogat. **629.** Cogunt S. Nicolaum Tolentinum ad Requiem dicendum, die Dominica. **628.** Armata copiae missas & suffragia petunt. **628.** Promissum Sacrum à B. Sufone postulat. **627.** Abbatem, ut pro se oret, monent. **66.** Episcopo pro se oranti clarè respondet. **67.** In publico hospitio per unum requiescat in pace, liberatur. **59.** Parentis filio suo Cambisæ inscribit. **59.** Lazarus est harum paradigma. **382.** Pro his Christus in horto oravit. **386.** Ejus Sanguis est deputatus in litrum animarum. **627.** S. Christina, ut eas juvet, ad vitam redit. **640.** S. Dominicus quotidie pro his se flagellat. **640.**

ANIMARUM varia sunt suffragia. **620.** Eleemosynâ animæ purgatorii plurimum juvantur. **638.** Etiam alia pia opera pro his faciendâ. **635.** Modico sæpè jurantur. **622.** Plurimum tamen juvantur missæ sacrificio & **Communione**. **626.** Ecclesiæ consuetudo est, pro his sacrificare. **382.** Unâ missâ plures sæpè liberantur. **628.** Sub hac animæ non torquentur. **627.** Statim sunt pro his legendæ. **635.** Has sacerdotes non facile omittant. **624.** Animæ velut vicini nostri assuecudi ad esum agni. **630.** Parvulus proma-

tre orans, ab Episcopo piscari visus est. **637.** Suffragia nostra sunt sæpè iteranda. **633.** Nunquam sunt irrita. **634.** Sunt navis in Turciam cum litro missa. **634.** Parentum & majorum propter dilatam restitutionem, detinentur. **632.** Filii piæ causas negligentes, animas suorum torquent. **630.** Has B. Virgo quotannis in natali & resurrectione visitat. **387.** Omnes in suâ Assumptione liberavit. **386.** Sibi devotam, cum aliis in Assumptionis festo liberat. **387.** Etiam militem sibi devotum liberavit. **387.** Angeli has visitant. **387.** Cœlum fecundatur per animas ex purgatorio liberatas. **638.** Orandum pro illis quas scandalizavimus. **636.** Qui negligenter has suis orationibus juvant, etiam suffragiis vivorum sæpè non jurantur. **634.** Sunt gratæ nobis. **637.** Consulunt vivorum salutem quoad animam. **637.** Militem contra hostes defendunt. **637.** Dissertus Latro in 4. partes ab arbore pendulus clientem salvat. **637.** Urbs animarum ab illis recuperatur. **639.**

ANIMÆ PARVULORUM, Vide parvuli sine baptismo decedentes.

ANIMALIA sibi medentur, cur non & homo. **674.**

ANNULUS Salomonis spinâ coronatur. **303.**

S. ANSELMUS cruce factâ cœcum illuminat. **133.**

S. ANTIOCHUS M. læte rorat, & carnificem convertit. **427.**

S. ANTONIUS persecutionem fugiens e-remum petit. **27.**

S. ANTONIUS PADUANUS parentem à peculatu liberat. **583.** Uti & ab imputato homicidio. **583.**

APOSTASIÆ causa communiter sunt seximæ. **297.**

APOSTOLORUM cur nullus Joseph dicatur. **142.** Cum his Christus resurgens loquitur sicut cum extraneis. **403.** In passione nutantes, per Spiritum Sanctum firmantur. **337.** Ut essent universales, varias linguas docentur.

Aaaa 2

centur. 547. A Spiritu Sancto impulsi, volant per universum mundum. 493. Sunt libri Spiritus Sancti sine omni errore. 506. Sunt omnibus traditæ claves, sed non eodem modo. 521. Mortuos excitant. 65.

AQUÆ laus à puritate. 261. Has Spiritus Sanctus in creatione secundat. 484. His DEUS non maledixit, sicut terræ. 488. S. Xaverius marinarum multa dolia dulcia fecit. 582. Ili & Anachoreta crucis signo. 582.

AQUILA Alexandri incunabula ornat. 250. Candida in sinum Pythagoræ delabatur. 256. Puerum exturri lapsum excipit & servat. 281.

ARCHIMEDES terræ affixus mortem non sensit. 734.

ARIANUS Patriarcha volens cæcum illuminare, videntem excæcat. 556.

ARISTOTELES dans elemosynam homini improbo, humanitatem in illo respicit. 535. Aliquid de SS. Trinitate dixit. 91.

S. ARSENIUS in morte timet. 438.

ARUNDINE Christus Judæis mortis sententiam scripsit. 329.

ARX diversorium nobilitatis sit hospitale pauperum. 708.

ASCENSIONIS Christi loco peregrinus immoritur. 428.

ASINUS cum canda paronis. 449. Usurario dignam sepulturam assignat. 347. Dæmonem se obsidere volentem cruce fugat. 132.

ASSUERUS non sustentasset Estherem, si labi passus fuisset. 280.

ASSUETA sunt ipso usugrata. 295.

S. ATHANASIUS ludit persecutores. 27.

ATHEUM Vespæ docet quod sit DEUS. 3. DEUM in duellum provocat. 3. His solis & stultis carcere in mundo necessarii. 732.

AVE Mariæ, omni vix caret. 268.

AVES quotannis S. Catharinæ sepulchrum invisunt. 706. Has P. Colnagus novum canticum docet. 553. P. Anchietæ obediunt. 32. Monachum cœli delicias docet. 723.

S. AUGUSTINUS SS. Trinitatem non capit. 91. Ejus cor subsultat in præfatione de

SS. Trinitate. 95. Timet purgatorium. 378. Pro pauperibus perorat. 620.

AUGUSTUS Cæsar sol, Livia Luna, 252. Collem erigit in quo omnis terra DEUM adorat. 228. Romam lateritiam facit marmoream. 487. Ejus irati oculi, fulmina. 85.

AULICI se principi suo conformant in vestitu. 450.

B.

BACCHUS novus ex femore natus. 215. BALNEUM, à dæmone insectum Crucis signo liberatur. 132.

BALSAMUM si lapide incidatur, pretiosius fuit. 551.

BAPTISMUS omnibus patet. 718. Cur nequeat iterari. 690. In hoc sunt Angeli patrum. 17. Per hunc DEUS puellæ liberalem elemosynam remuneratur. 16. Originale peccatum tollit. 663. Maria Oegniacensis vidit in baptismo pelli dæmonem & Spiritum sanctum dari. 664. Infans Calvinisticè baptizandus moritur, relatus ad matrem Catholicam reviviscit. 555. Matres pro suis parvulis de baptismo sollicitæ sunt. 391. Animæ parvulorum. Vide parvuli sine baptismo decedentes.

S. BARBARA Hesperus morientium. 455.

BARBARA B. Victoris focia, pro cœlo quidvis patitur. 733.

BEATITUDO essentialis est visio beatifica. 721. Quid hæc sit, scire vult Soror S. Thomæ Aquinatis. 733. In hac nihil est morbi vel doloris. 733. Hac Sancti actu fruuntur. 721. Ejus gradus sunt octo. 730. Christus per hos gradus cœlum ascendit. 730. Et sancti per hos gradus cœlum ingressi sunt. 730.

BENEDICTIONES sacræ non repugnant ordinationi divinæ. 412. In paschate benedictiones esculentorum. 411. Lutherus has odit. 412.

S. BENEDICTUS poculum venenatum cruce sancta frangit. 133.

BERCH-

RERUM PRÆCIPUARUM.

BERCHMANUM supplet angelus in ministrando. [157.](#)

S. BERNARDUS faciliè condonat injurias. [320.](#) Eum Crucifixus amplexatur. [324.](#) demonem incubum baculo pellit. [162.](#) Indulgentias quas promulgat miraculo confirmat [644.](#)

S. BLANDINA gloriatur in nomine Christiani [122.](#)

BLASPHEMIUS in SS. Trinitatem ter fulminatur. [96.](#) Quædam Domina cum his civitatem evertit. [79.](#) Qui Mariam aliis feminis parem dixerunt à terrâ absorbentur. [261.](#) In DEI matrem non tolerandæ [261.](#) cuiusdam blasphemii Marchionis cadaver ex sepulchro ejecit. [347.](#) Miles his affectus in morte scripto damnatur. [436.](#) in B. V. miraculosam injuriis excœcatur, & jumentum videt. [504.](#)

BOETIUS abscissum caput ad templum defert. [706.](#)

S. BONAVENTURAM Angeli communicant. [159.](#) Moriens diductis costis mirabiliter communicat. [245.](#)

S. BORGLAS ter manè terram osculatur. [184.](#) Illius crucifixus dynastam suo sanguine enecat. [76.](#)

BIBULCUS ex viso bufone, DEO pro creatione gratus. [203.](#)

C.

CAUSÆ fluentis sanguinis in cadavere variæ [331.](#) Præcipua est providentia DEI. [331.](#)

CÆSARES, & Reges sanctitate conspiciunt. [539.](#)

S. CAJETANI in DEum fiducia. [40.](#)

CALVINUS sibi contradicit. [459.](#) mortuum resuscitatur vivum occidit. [563.](#)

CAMBYSES opponit Ægyptiis in acie illum Deum [535.](#)

CAMELI sine Viæ Duce cibarie servis DEI deferunt. [39.](#)

CAMPUS Ezechielis plenus ossibus imago resurrectionis futuræ. [703.](#)

P. CANISIO infirmo DEus desideratam aviculam mittit. [42.](#)

S. CANUTUS Rex Daniæ adulatorem reprimat. [222.](#) Coronam sibi detrahit, & Christo imponit [222.](#)

CAPRA infantem derelictum nutrit. [40.](#) filiam monet, ne sit curiosa. [147.](#)

CAPUT suum recisum Boëtius ad templum defert, & communicat [706.](#)

CARCER quidam includitur, quia submerso alteri, manum non porrexit, quod faciliè potuisset. [622.](#)

CARPUS corrigitur à Christo, quod nimis severus sit in peccatores. [580.](#)

P. CARTESIUS Christum semper ad latus habet. [43.](#)

Cæbr. 2 Boshen / unde dicatur. [343.](#)

CASITAS est propria S. Spiritus operatio. [490.](#) Hanc S. Spiritus amat. [488.](#) Ejus magnâ apud DEUM est pretium. [540.](#) Cœlestis splendore ornat. [489.](#) servant lætentes carnes. [264.](#) Solutio pretio pudicitiam emit. [164.](#) Rosas & lilia redolet. [254.](#) Theodorum Virginem miles salvat. [109.](#) Puella ne lupa fiat, Ursum induit. [264.](#)

S. CATHARINA V. & M. Christo desponsatur. [489.](#) à Virginitate sua est radiofa. [489.](#) Martyr læte rorat. [427.](#) Ejus sepulchrum aves quotannis totius arborum inspergunt. [706.](#)

S. CATHARINAM SEN. crux pauperi data, in iudicio tuebitur. [475.](#) Ei pulchritudo animæ in gratiâ constitutæ, ostenditur [54.](#) Illi DEUS suam providentiam promittit. [38.](#)

CATHARINA RIVIA ut desperatum hominem juvet, illi sua merita cedit, & convertit. [589.](#)

CATHARINA ROMANA Christum libidine sua cruentat. [80.](#)

CATHOLICI nomen est proprium Ecclesiæ. [551.](#)

CATONIS vulnera gloriam habent. [407.](#)

CERDO montem transfert. [540.](#)

CERVIS non videtur à famulo, videtur ab hero. [47.](#)

A a a a a 3

CHA-

I N D E X

CHARITAS est spiritus animæ. [491](#). Ubi illa, ibi Spiritus sanctus [est. 492.](#)

CHRISTIANI nomine gloriantur [S. Blandina. 122.](#) Veri vita, est perpetuum martirium. [28.](#) Sunt profundius in inferno, quam Ethnici. [369.](#) Olim sculptra sua inseperant hederæ & lauri foliis, [706.](#) Quidam fidem negavit, & Spiritum sanctum perdidit. [498.](#)

S. CHRISTINA vidit mundum plenum pollutionibus. [203.](#) Ut animas purgatorii juvet, ad vitam redit. [640.](#)

CHRISTUS INCARNATUS non est prædestinatus sine Virgine. [276](#) Illi incarnando Maria specialiter parabatur. [232.](#) Cur Gabriel illius nuncius. [210.](#) Coram Mariâ nullam facit mentionem peccati. [286.](#) Mariæ consensus convenienter est petitus. [234.](#) Nisi à Spiritu sancto fuisset obumbrata viui Verbi divini ferre non potuisset. [238.](#) Illius fiat, DEUS quid amplius tribuit, quam suo. [237.](#) Est grandis liber, cui *inscriptum* est, Verbum caro factum est. [271.](#) Est liber apocalypticus clausus sigillis septem. [213.](#) In Christo magnum fuit incarnationis desiderium. [232.](#) Est divini amoris excessus. [101.](#) Est beneficium summi ponderis. [106.](#) Bene in Echone repræsentatur. [216.](#) DEUS & homo satisfacere debuit. [103.](#) Cur secunda in Trinitate persona sit incarnata. [107.](#) DEUS ipse in sinum Mariæ descendit. [256.](#) Christus est filius Virginitatis. [259.](#) Ex vaticinio Isaïæ se verum Messiam probat. [568.](#) Incarnatus, DEUS est. [205.](#) ipse se DEI filium dicit. [210.](#) Ejus obedientia erga Patrem, non facit illum Patre minorem. [213.](#) Ad homo factus est, genua flectimus. [186.](#) Verus Eliæ humanum genus resuscitat. [102.](#) Gloriat quod sit filius hominis. [214.](#) Matris factus est mansuetus. [235.](#) [236.](#) Incarnatus est imbellis Samson. [238.](#) Est homo factus, ut habeamus Doctorem salutis. [105.](#) Incarnatus nos amat. [102.](#) Rogatus per suam incarnationem facile nos audit. [240.](#)

CHRISTUS NATUS cujus magna est dignatio novem mensibus jacuisse in utero.

Maræ. [244.](#) Cujus uterus fuit Verbi divini quasi tumulus. [245.](#) Hanc quamdiu prægnans fuit, non novit Joseph. [248.](#) Hospitio excluditur. [241.](#) Natus est [25.](#) Decembris. [246.](#) Quo die Soles tres in cælo visi sunt. [246.](#) Nox ipsa luminosa dies dicitur. [247.](#) Illo nato dies felicitatis illuxit. [246.](#) Natus est filius fasciæ, [251.](#) Nascitur & tumulatur in petra, [351.](#) Multa nascenti cum passione conveniunt. [244.](#) DEO detur gloria, & nobis pax datur. [37.](#) nascitur ut nobis pacem firmaret. [235.](#) Natus levis armaturæ milites colligit. [205.](#) Quomodo autem pax fi occiduntur parvuli? [242.](#) illo excluso extrahuntur infantes civium. [242.](#) Circumcisio ostendit Christum verum hominem. [219.](#) Duodenis Doctorem Catalogo adscribitur. [104.](#) Quia plane similis Joseph fuit, credebatur illius filius. [217.](#) Amemus parvum, ut magno æternum fruamur. [108.](#) Duplex illius in terras passus. [208.](#) Non intrat ubi duæ portæ sunt. [241.](#) In terris peregrinus, ter hospitatus est. [401.](#) In salutis nostræ operatione est celerimus. [398.](#) Ros campi publicum amat. [401.](#) [415.](#) Omne genus morborum curavit. [566.](#) Se cæco Evangelico accommodat. [403.](#) fit omnibus omnia. [401.](#) [404.](#) Amat vocari Magister. [104.](#) Sæpe nos in Evangelio terret inferno. [370.](#) ipse differentiam culpæ & pœnæ assignat. [376.](#) In mortuos suam exerceat potestatem. [64.](#) Miracula facit imperativè, alii deprecativè. [567.](#) Vivus, prodest vivis & mortuis. [624.](#)

CHRISTUS PATIENS cujus ardens fuit desiderium pro nobis patiendi. [289.](#) Hoc suum desiderium S. Mariæ Magdalene de Pazzis revelat. [308.](#) Variis figuris præfiguratur. [112.](#) Conveniens autem fuit, ut Christus patretur, & moreretur. [225.](#) Christus in horto orans, est velut in primo gradu torture. [299.](#) Hic velut myrrha balsamum fundit. [300.](#) Erubescit ad nostra peccata. [299.](#) Vestigia sua genium lapidi imprimit. [300.](#) In horto, non in cruce solatur illum Angelus. [419.](#) Inter olivas proditur in horto. [421.](#) In horto milites terruit, quid in Judicio? [85.](#)

Fumig

RERUM PRÆCIPUARUM.

Funis Christi captivi, fuit funis Victimæ. 300. In prætorio Caiphæ accusatur. 300. ibidem alapa ceditur. 301. Nudatur dolorose vestibus ob verecundiam. 301. 309. Flagellatur cruentè 301. 303. Spinis horridè coronatur. 303. Coronatus aut Rex aut DEus esse ostenditur. 226. Arundo in manu illius. 304. hac scribit sententiam mortis contra Judæos. 329. ab omnibus ad crucem prædamnatur. 113. 326. Judicio publico damnatur. 326. Charitas divina damnat. 328. Iustitia DEI damnat. 328. Damnatur ab Adam & Patriarchis. 327. Denique obedientiæ Patris mori jubet. 328. Crucem bajulat. 308. Crucem sceptrum habet in humero. 225. Ad Crucem dolorose nudatur vestibus. 309. B. Virgo nudam ad Crucem velat. 309. Clavis confossus est liberalis 310. Est ipso Alexandro liberalior. 321. Crucifigitur & erigitur. 309. Ut esset communis & spectabilis omnibus. 310. 311. Moriens est liberalis. 333. In cruce orans condonat. 318. Orat absolute veniam. 319. Ex hac oratione DEI filius agnoscitur. 315. Condonando efficacius convertit, quam ipsa aspersione sanguinis sui. 313. Latro illi cruciatus temperat. 322. Prius huic quam matri in cruce loquitur. 321. In cruce mulierem non matrem vocat. 287. In Cruce febricitat. 290. Inclinato capite moritur. 333. Cor apertum habet, ut sciamus esse cordis aperti. 320. Hic nos à peccato debet detertere 298. 307. Ejus dolorosus aspectus, orante S. Catharina movit peccatorem. 692. Maaci imago movet, quidni Crucifixus? 298. Titulus Crucis, Christum regem docet. 312. Rex est jure natiuitatis. 222. Jure hæreditatis. 228. Jure Unionis hypostaticæ. 227. Jure redemptionis nostræ. 227. Moritur denique quia Rex noster est. 224. Et quia DEus, & pro nobis mortuus est, noster Dominus est. 227. Vult statua peccati pro peccato moritur. 110. Amore nostri agens occisus est. 109. Mori debuit, quia voluit. 334. Vere mortuus est. 325. 326. Passus est die Veneris. 292. Lateris Christi apertio. 333. Mors Christi cur

tot contumeliis plena. 352. Tenebræ Christi moriente factæ. 341. Et monumenta aperta sunt. 342. Moriente Christo tota terra movetur. 342. Omnis Creatura Christo compatitur, solus homo non. 306. Christi sanguis contra Judæos clamat. 330. Nobis suo sanguine viam salutis signavit. 426. Morte suâ nobis unionem dedit. 332. Morte suâ profuit vivis. 625. & mortuis. 624. Viri non formæ sepeliendum unxerunt. 351. Sepultus est, ut resurrectionem suam faceret gloriosam. 350. Sindon Christi in incendio servatur. 351. Christus passione suâ sufficiens nos redemit. 114. Cruentus se S. Lugardi sinit. 322. Innocens passus est, nos nocentes. 305. S. Brigittam ad suæ passionis memoriam excitat. 358. Qui Crucifixum non amat, novum infernum meretur. 121. Neque in sepulchro à calumniis illæsus fuit. 352.

CHRISTUS RESURGENS quomodo tribus diebus fuerit in sepulchro. 352. 40. horis mansit in sepulchro, 40. diebus post resurrectionem mansit cum discipulis. 420. Est in resurrectione suâ celer. 399. 402. Resurgit in aurora, quia est principium resurrectionis nostræ. 699. Resurrexit in Vere. 415. Et clauso sepulchro. 395. Hic humanitate se præcinxit. 395. Sola Vulnera, quæ in Cruce accepit, retinet. 407. Hæc verè Christum Crucifixum esse ostendunt. 307. Ea nobis pandit in sequelam. 423. Fœminis divulganda conceditur. 408. Quæ illam fideliter divulgan. 411. Post hanc nou legitur fecisse miraculum. 397. Apparet Mariæ Magdalene. 399. Quæ cum Hortulano agit. 400. Apparet discipulis peregrinis in Emaus. 401. Loquuntur illi de Christo tanquam extraneo, sic etiam ille. 403. Hos errantes reducit. 402. Cum quibus velut peregrinis peregrinâ linguâ loquitur. 402. Agnoscitur ex sollicità ergâ suos providentiâ. 411. Est de Thoma sollicitus. 405. Nissenus putat tardè venisse propter timorem illorum. 405. Amat inter suos discipulos medicum, 108. Resurgens est Samsone gloriosior.

I N D E X

395. Deicendit ad purgatorium. 385. Non autem ad infernum damnatum. 372. Resurrexit ille, ergo & nos, est bona Consequencia. 699. Resurgens in nobis debet fugare vitia. 412.

CHRISTUS IN COELO GLORIOSUS, 5. Maij in cœlum ascendit. 415. Et quidem paulo post meridiem. 416. Ægre separatur à matre, & discipulis. 418. 419. Sua vestigia suxo impressit. 420. Quæ neque Equorum calcibus sunt crasa. 420. Sed sunt æterna. 420. Ascensio est gloriosa. 224. Paulatin in cœlum se sublevar. 422. Ei porta amplior aperitur. 417. 424. Cœlum aperuit non amplius claudendum. 425. Velut Samson ex Cardinibus evulsit. 424. Vulnere gloriosa cœlo infert. 407. Sedit ad dexteram Patris. 430. Sedit id est iudicat. 431. Est felicissimus quia ad cœlum abiit. 432. Ejus locus proprius est misericordia. 421. Stat in cœlo, id est nos juvat. 431. Est advocatus noster. 431. Perorat vulneribus. 432. Hoc protegente tuti sumus. 207. Est mediator apud Patrem se ipso. 609. Est solus Mediator redemptione. 608. Nec irrogatur illi injuria per invocationem Sanctorum. 607. Offensus ipse reconciliationem offert. 310. S. Gertrudi ostendit suam apud Patrem meditationem. 370. Pœnitentes suâ misericordiâ prævertit. 692. Nos jubet sæpius remittere, ergo & ille. 687. Qui in vitâ nobis est propitijs, in morte erit severus. 438. Amat Virgines. 489. Est cum corpore & anima in cœlo, ergo & nos. 713. In una Cruce fundat Ecclesiam suam. 501. Majorem vim dedit discipulis, quam ipse ostendit. 570. Affligit in gratitudine nostra. 305.

CHOSROIS impia & vesana Trinitas. 96.

CICERONIS de defunctis Christianâ opinio. 625.

S. CLARA Christum columnæ alligatum in corde habet. 306.

CLARITAS corporis gloriosi qualitas. 713.

PER CLAVES intelligitur potestas gubernativa. 520.

CLYPEORUM olim existimatio. 167. **COECI** triplices. 504. Nimis sollicitus perdit, æter invenit marisupium. 44. Arianus Patriarcha volens cœcum illuminare, videntem verè excoecat. 556.

COELUM omnibus patet. 718. Non tamen pigris. 426. Neque morosis. 732. Ejus delicias monachum aricula docet. 723. In hoc mansiones, in mundo tentoria sunt. 720. Ejus spes est nostrorum laborum solatium. 733. Senex Eremita nihil pro eo se putat laborasse. 430. Crucis pro præmio pati desiderat. 733. Olympius hic miserè habitat, ut in cœlo melius. 733. Pro hoc Barbara Victoria Socia, quidvis patitur. 733. Cruce sicut terram promissionis cœlum emensus est. 724. Aditur per octo gradus 729. Hoc sine Cruce non aditur. 728. Hic non quaeritur quis, sed unde 727. Venetis Coronatis emittitur. 726. Latro quia in Cruce fuit, illud statim obtinuit. 728. Hoc viso Sylvanus oculos clausit. 426. Quidam ardenter desiderat, & impetrat. 428. Ejus hæreses sumus, sed condicionatè. 119. Ejus enim hæreditas est condicionata. 727. Jam nullas portas habet. 425.

COELESTIA terrenis sunt potiora. 429. Qui hæc cognoscit terrena amare non potest. 722.

COELO tonante, quidam bombardam explosit. 83.

COEMITERIORUM origo. 357. est dormitorium. 702.

COGITATIONES libidinosæ statim repellendæ. 445. Morosa matronâ damnat. 445.

COGNITIO sui est necessaria. 184.

P. COLNAGUS aves novum Cantum docet. 553.

COLLOQUIA Sæcularia religiosi nociva. 444.

COLUMBÆ pudicæ. 261. Urbem incinerant. 496.

COLUMNA feliciter erigitur, cui regis filius alligatur. 56.

COMMUNIO Generalis. 617. dignè communicantes angeli libro vitæ inscribunt.

RERUM PRÆCIPUARUM.

bunt. 159. Moriens quam deglutire non potuit hostiam, cælo infert. 246. indignè communicantes sunt Christi sepulchrum. 247.

CONCEPTIONES duas celebrat Ecclesia, 265. Est marianarum festivitatum origo. 267. Ejus immaculatæ Officium. 266. Vide plura Immaculata Conceptio.

CONCILIO se non potest subicere Pontifex. 527. Ariminensi contradixit Pontifex. 516. In his indicendis Pontifices implorant auxilium Cæsaris. 528. Imperatores non nisi cum consensu Pontificis indixerunt. 528.

CONCIONATOREM Angelus instruit. 163. Videt peccatorem catenis obstrictum esse 691. dæmon cum magno motu concionatur. 368.

CONCUPISCENTIA non est formaliter sed casualiter peccatum. 677. Oratione reprimitur. 677.

CONDONARE injurias certum est salutis remedium. 317. S. Franciscus dicit esse perfectionem Christianam. 314. facit nos DEO similes. 313. 315. 320. Est regium. 312. Saul hoc agnovit in Davide. 312. Condonemus, quia est unctus sanguine Christi. 318. Deleamus nos debita inimicorum nostrorum, DEUS delebit nostra. 320. S. Bernardus facile condonat. 320. Non est hic curandum judicium humanum. 315.

CONFESSIO & pœnitentia est veræ Ecclesiæ nota. 673. Est DEO gloriosa. 688. In hac DEUS hominem absolvit, mundus perdit. 676. Si quotidie sordes facis, & veris, etiam quotidie confitere. 687. In hac non teguntur sed verè remittuntur peccata. 674. Matrona cum filio incestuosa confessa, non est illa, teste ipso dæmone. 666. juvenis confessus meretrici dicit se non esse amplius illum. 666. Volens confiteri sacrilegè verè pœnitet. 71.

CONFESSARII sunt Christi Vicarii. 674. Pipinus Rex honorat. 679. Dæmon mentitur & ostuagenarium impœnitentem abripit. 693.

CONRADUS Imperator voluntati divinae non potest resistere. 7.

CONSCIENTIA mala non est secura. 443. Propria in judicio damnabit. 441. Anglicanus aulicus ab hac damnatur. 442.

CONSIDERANDUM quis sis, & quid? 185.

CONSTANTINUS M. injurias facile condonat. 312. Erutos Episcopis oculos reverenter exosculatur. 407.

CONVERSIO gentium est Sanctitatis in Ecclesia signum. 541. Regnorum multorum facta per feminas 191. Peccatoris major est creatio. 688. Quidam obstinato infirmo merita sua cedit, & convertit. 470.

CONVIVANTES olim Candidati. 427. Convivæ oseus. 62. sint hæc in sepulchris, sed pauperum. 381.

COOPERATIO nostra est necessaria. 670.

COR DEO offerendum. 358. illud DEUS à S. Mechtilde petit. 318. Arca sit cui includatur DEUS. 359. Religiosi mortui, ad crucifixi pedes invenitur. 122. Sine hoc Dalmata Lauretum petit. 50. Tornacenses Ludovico II. offerunt. 358. palpitans reum homicidii ostendit. 330.

CORPUS quod bonum egit, præmiabitur. 709. merito præmiabitur quia præmiatur anima. 709.

CREATURÆ sunt vestigium DEI. 3. liber sunt, qui DEUM refert. 35. seorsim sunt bonæ, junctæ autem sunt valde bonæ. 31. Peccatori rebellant. 32. Crucifixo Christo armantur in ultionem. 316. Puniuntur à DEO, quia se opposuerunt. 204.

CREATIONIS meminit bubulcus, & pro hac DEO gratias agit ex aspectu bufonis. 203.

CROCODYLUM serpens viridis interimit. 600.

CRUCIFIXUS S. Bernardum amplexatur. 324. morientem religiosum solutis clavis amplexatur. 341. moribundis benè porrigitur. 127. Sodalis in agone se hoc armat. 128. Draconem apud morientem fugat. 129. Paryulus sine hoc non vult dormire. 130.

Bbbbb

Aurcs

I N D E X

Aures suas obstruit, quia pauperes audire noluit. 401. apud Toletanum Canonicum obfufecit. 26. Ejus memoria injurias illatas temperat. 317. amanter aspectus in vis, in morte solatur. 324. Ludovicus Thuringiæ Comes Elisabethæ Sponsæ suæ mit- tit. 308. Sacerdos cum sistē stente Romam pergit. 323.

CRUX Christi est honoranda. 117. Est enim ultimum instrumentum redemptionis nostræ. 118. Ejus reliquie semper Christianis erant venerationi. 119. In judicio apparebit in celo. 456. Omnia dulcia facit. 336. Ejus Titulus bene legendus. 332. Ubique venerationi exponitur. 125. Angelus à Theodosio erectam honorat. 136. In processio- nibus olim præferebatur. 126. In turribus & testis Ecclesiarum ponitur. 126. Agareni volentes evertere, puniuntur. 127. Bene sepulchris apponuntur. 127. 345. S. Patritius il- lam Christiano tumulo restituit. 127. Illius irrisores Veneris Simulachrum opprimit. 137. Cum hac S. Theodorus fluvium silit. 135. Et S. Hilarion intumescens mare cohi- bet. 135. Theodosio Imperatori Victorias parit. 135. Hostes debellat. 135. à terrâ le- vata Tiberio Cæsari thesaurum aperit. 138. Pedibus non proterenda. 138. Lege publica à terrâ levanda. 138.

CRUX Christi in fronte fidelium. 122. Quomodo formari debeat. 138. sit manu dextrâ 139. Sæpius devotè fiat. 124. Egyptiæ digiti in crucis formatione frequen- tes, illæ à putredine servantur. 124. Cum hac Sanctissimam Trinitatem profiteamur. 99. Omnia sanctificat. 136. Ipsa Sacramenta Ec- clesiæ, cum hac perficiuntur. 135. Ad Evan- gelium cruce se munit Diaconus 136. Infan- tes teneri hac figuntur. 130. Saga hac signa- to, nocere non potest. 131. Maria de Victo- ria his se vult in morte. 129. S. Maria /Egy- ptiaca cum hac Jordanem calcit. 135. S. Franciscus aquam in vinū vertit. 134. S. An- selmus cæcum illuminat. 133. Mamillæ cancro affectæ sanantur. 133. Epilepticus restituitur. 133. S. Macarius ruens laxum

avertit. 134. S. Martinus ruentem in se ar- borem declinat. 133. S. Benedictus vene- natum poculum frangit. 133. Judæus in fo- veam lapsus non læditur. 134. Aliam puel- lam lascivam occidit. 134. Hac se muniens puella à vetulâ seducta dæmones fugat. 131. Eosdem S. Edmundus cum manu non pos- set, solum corde exprimens, pellit. 133. Cum hac S. Vincentius tentationes superat. 134. per hanc infestum balneum liberatur. 132. ab Officinâ purpurariâ pellitur. 131. Gemmæ in thesauro regio oblectæ liberan- tur. 131. S. Thomas Aquinas scortum fu- gat. 131. Hanc ridens quispiam fulminatur. 137. Julianus impius ipse se contra speculū munit. 132. Idem frustra illam exterminare conatur. 137.

CRUX quæ imponitur libenter ferenda. 292. Nemo hac caret. 728. sine hac cælum non aditur. 728. alia est legitima, alia natu- ralis, spuria alia. 119.

CLIPIDO cum morte peregrinatur. 324. CIROSITAS multorum malorum ori- go. 147. Eva per hanc tentationi fit obno- xia. 147. Gallina fit præda vulpi. 147. Ca- pra filiam monet, ne sit curiosa. 147.

CURRUS tres in scripturâ nominati. 421. S. Bernardus quatuor numerat. 423. Gloriæ divinæ rotæ sunt elementa. 397.

CURTIUS se scrobi immergens Romam à peste liberat. 392.

D.

DÆMONES nos audiunt, cur non San- chi? 613. Invitati ad mensā statim ad- sunt. 613. Cuidam qui gratias illi egit, gratiam reponit. 614. Fatentur Sanctos esse colendos. 613. Juvenem præfictū dicit, quem angelus prædestinatum revelat. 697. Accu- satores prævenire debemus. 676. Sepia est. 403. Torquem porrigit, & laqueo suspen- dit. 171. Ejus miracula nulla. 574. Moni- lem P. Alvarez corripit, quod dæmonem ti- meat. 169. S. Bernardus incubum pellit ba- culo. 162. Quod etiam facit S. Ignatius. 162.

S. Ju-

RERUM PRÆCIPUARUM.

S. Juliana captivum vinculis ligatum tenet. **162.** Contra hunc **S. Michael** defendit **S. Magdalenam. 161.** Et **S. Franciscum Romanum. 161.** Morienti Cononi Monacho **15000.** adfunt. **160.** Pueri Catholici pellunt. **162.** Ipsique Rustici Catholici potentiores sunt contra illum quam prædicantes Lutherani. **161.** Cum illo non est de Trinitate disputandum. **11.** Cum magno motu Concionatur. **368.** Subentur alere **DEI** famulos. **44.** Non inclinanti se ad Verba illa Verbum caro factum est; alapam insignem impingit. **106.**

DAMNATORUM copia. **367.** Ibunt hi in supplicium **85.** Eorum corpora erunt fuliginosa. **716.** Quasi nesciuntur a **DEO. 361.** Sunt citra statum gratiæ. **362.** Mortem quam oderunt desiderant. **362.** Mori non possunt. **365.** Maledicunt **DEUM. 361.** In **Judicio DEUM** hominem videbunt. **85.** Ad supplicium vident aliquando **BB. gloriam. 361.** Quid agerent? Si pœnitentiæ locus klaretur. **373.** Miles quidam in scripto damnatur. **436.** Damnandus nemo licet dubie moriatur. **435.**

DAVID erga **Saul** mansuetus. **318.** In monte olivarum mansuevit. **421.** Pœnitens est vir secundum cor **DEI. 668.**

DEUS est unus. **29.** Est trinus & unus. **97.** Est **DEUS** vivorum non mortuorum. **64.** Natura dari docet. **2.** Sicut & cœlum tonans. **1.** Datur ex consensu omnium nationum. **2.** Nolentes cogimur credere dari **DEUM. 1.** Multi agnoscunt, sed non volunt videri credere. **4.** **S. Valerianum** docet **S. Paulus** quod sit. **35.** **DEUS** noster alios **Deos** non patitur. **221.** Ad hunc velut ad finem omnia nostra referantur. **144.** Etiam nolens homo servire debet. **4.** Omnipotentia in divinis omnibus personis est communis. **143.** Est tamen Pater solus Pater. **141.** Adeoque nomen Patris est incommunicabile. **142.** Est in minimis maximus. **143.** Mundum per gradus creavit. **31.** Creavit illum sex diebus. **145.** Quid creaverit sex diebus. **146.** Præceptum dedit de non comedendo pomum. **230.** Creatori pareamus. **203.** Cui tamen pro hoc beneficii parum grati sumus. **203.** **DEUS** omnia

gubernat. **36.** Nobis ubique præsens est. **45.** Est mundi oculus. **7. 45.** Totus est oculus. **441.** Etiam in occipite oculum habet. **45.** De nocte videt adulterium. **45.** Est quasi singulorum **DEUS. 41.** Eremitæ de pane providet. **39.** Etiam duobus religiosis **S. Dominici. 38.** Et nimia sustentationis cura displicet. **44.** Se nobis accommodat. **403.** Est speculum. **403.** Etiam ingratum confert beneficia. **144.** Affligitur si non petamus. **418.** Olim inaccessibilis, modo palpabilis. **219.** Peccatorem querit. **231.** Vult ut pœniteamus, ut possit remittere. **683.** Peccator non imputat peccatum, quia tollit. **678.** Et verbè remittit. **675.** Tegit quidem peccata, sed sanat. **677.** Et fracta reparat sine vestigio. **669.** Obliviscitur peccatorum nostrorum ad puniendum. **676.** Semper superabundat misericordia **DEI. 685.** Per hanc tamen non causatur licentia peccandi. **689.** Ei propter magnam gloriam suam gratias agimus. **688.** Non facile propalat peccata nostra. **451.** Non tamen remittit peccatum post hanc viam. **691.** Monet **Abraham** ut **Sara** obediat. **191.** Iratum timent angeliquidni peccator. **86.** Ejus manus sinistra percussit, dextra coronat. **430.**

DEORUM multitudo vitiorum origo. **30.**

DEBITA Romani severè exigebant. **644.** Mitius egerunt **Spartani. 645.** **Adrianus** Imperator populi **Romani** combussit. **320.**

DESPERATIO damnatorum poena gravissima. **367.** De remissione peccatorum nemo desperet. **665.**

DIES Jovis olim festa. **415.**

DIGNITATES Ecclesiasticæ conferendæ cum delectu. **510.**

DILECTIO inimicorum est perfectio Christiana. **534.**

S. DIONYSIUS Areopagita credit cum illuminatus fuit cæcus. **504.** Caput suum recisum portat. **706.**

DIVITES sunt providentiæ divinæ ministri. **32.**

S. DOMINICUS ostensis inferni poenis, ab adulterio deterret. **370.** Quadraginta homines

mines naufragio demersos refuscitat. 563.
Quotidie se pro animabus purgatorii flagellavit. 640.

P. DOMINICANUS ex tribus liliis ex terrâ enatis Mariam Virginem esse credit. 257.

DOCTOR Parisiensis tertiâ die se damnatum dixit. 435.

DORMIENTES septem resurrectionis sunt clarum argumentum. 702.

S. DOROTHEA promissas cœli delicias mittit Theophilo. 734.

S. DUNSTANUS penes se in sepulchro indilem non patitur. 354.

DUX Romanis reconciliatus pugione sibi cor aperit, & fidem suam probat. 319.

E.

ECCLESIA diversimodè accipitur. 499.
Christus in una Cruce illam fundat. 501. Datur vera in quâ vera fides docetur. 499. Triplex Ecclesiæ status. 576.

Est visibilis. 501. Et quidem velut mons magnus. 549. Ejus veræ notæ & signa. 512. Unitas est verum Ecclesiæ signum. 518 Est una quia est unum caput. 524. In hac est unitas doctrinæ. 528. Ejus pulchritudo ab unitate. 500. Hanc agnovit Justinianus Imperator. 519. Est Sancta, quia etiam Christus sanctus est. 543. Et quia doctrinam sanctam habet. 532. Mores sanctos inducit. 544. Hominesque sanctos facit. 538. Est Catholica, quia à Christo. 538. Illi proprium est nomen Catholici. 551. Romana mater & caput est omnium Ecclesiarum. 527. Ejus stabilitas ex successione Pontificum. 555. Et Sacerdotum continuata successio veram ostendit. 559. Sinon est remissio peccatorum, injuria fit Christo. 671. Habet tria Lavacra. 657.

Est navis cujus sentina per Indulgentias evacuatur. 656. Ejus thesaurus sunt merita & satisfactiones Christi & SS. 642. Habet potestatem conferendi Indulgentias. 659. Sunt in hac superflue satisfactiones. 642. Superat Synagoga & omnes sectas. 548. Perfe-

cutores illius sicut olim Synagoga sunt puniti. 554. In Quarto Sæculo gravissimè fuit turbata. 526.

ECCLESIA malos sepultos non tolerat. 347. S. Syri libidinosum non patitur. 347.

ECHO mirabilis in incarnatione Verbi. 276.

ELEEMOSYNAM DEUS baptismo remuneratur. 16. Veniam peccatori impetrat. 653. DEum non patitur punire. 472. In judicio est securus. 472. Petrum telonarium invita licet data in judicio defendit. 476. Animas purgatorii multum juvat. 638.

ELEI populi infante Duce triumphant. 207.

ELEMENTA sunt rotæ currus gloriæ DEI. 397.

Eliam pascit DEUS per corvos. 42. Ejus concertatio cum Sacerdotibus Baal. 313. Mortem timens sub Junipero animatur. 335.

EPAMINONDAS in Vigiliâ dormientem militem occidit. 704.

EREMITÆ DEUS providet de panis. 39. Quia occidit puerum nec in Eremo quietus judici se sinit. 390.

EVA non minus quam Adam ad similitudinem DEI creata est. 195. Creata est in paradiso. 183. Ex costa Adami cur? 186. Curiosa tentatur. 147. Cur eam serpens deciperit. 325. Ex ambitione prior pomum comedit. 200. Dominabatur Adamo. 199. Ambitiosa subjicit Viro. 199.

EVANGELIUM est bonum nuncium. 271. Stupidus prædicans canibus prædicat. 552. In contestationem fidei in flammis manet illæsus. 541.

EUCHARISTIA est prandium animarum. 630. ad illam, præparatio. 487.

S. EUPHRAXIA pedo Abbatissæ enegumenam liberat. 162.

EUSTACHIUS Abbas oratione fontem elicit. 582.

EXCOMMUNICATIO Christi sanguine scripta. 329. Periculosè ridetur. 591. Contempta graviter punita. 592. Dæmon ipse spretam vindicat. 592. Panes albos nigros facit.

RERUM PRÆCIPUARUM.

facit. 593. Defuncti cadaver in loco sacro non patitur sepeliri. 592. Robertus Rex excommunicatus monstra, absolutus formosus proles habuit. 592. Qua talis non participat de meritis Ecclesiæ. 591.

F.

FAMILI ut Dominis placeant sunt sæpe scelerati. 301.

S. FAUSTINUS libidinosum in templo sepultum non patitur. 354.

S. FELIX ab aranei telâ tegitur. 27. 340.

FERDINANDUS III. Votum fecit pro Immaculata Conceptione, & statim pacem habuit. 284.

FERDINANDUS REX Castellæ coronam suam Christo subiecit. 227.

FICUS arbor Taurum mansuefecit. 236.

FIDES nostra est fides Pauli. 57. Datur Ecclesiæ, in quâ vera fides docetur. 499. Est actus intellectus. 8. Est actus liber. 9. Distinguitur à fiducia. 82. 621. Catholica sola est vera & salvifica. 9. Ad salutem sufficit simplicitas. 10. Eadem fuit salutaris morienti. 17. Septem credenda sunt necessitate medii. 11. Et totidem necessitate præcepti. 12. Est omnium gratiarum fons & origo. 14. Defectus fidei causa est peccatorum. 14. Per malam vitam extinguitur. 13.

Negare nunquam licet. 24. Licet tamen aliquando dissimulare. 27. nunquam autem simulare. 26. Aliquando etiam tenemur illam confiteri. 23. Sola non iustificat. 464. 467. Sine operibus mortua est. 546. Catholica montes transfert. 540. In aquâ bulliente manum illâsam servat. 23. Cæco visum reddit. 212. Quo viso S. Dionysius Areopagita credit. 504. In hac Pueri Catholici dæmonem pellunt. 562.

FILII à parentibus ad vanitatem non educantur. 13. Piis erga parentes Æthnæ flamma de via cessit. 631. Æneas Anchisem à Trojæ incendio, boni, parentes suos ex Purgatorio extrahant. 631. piâs causas negligentes, parentes torquent in flammis purga-

torii. 630. In culcum infusus poenitens salvatur. 684.

FOEMINA formosa est philtrum. 269. Natura ad eorum amorem inclinât. 296. Juxta Turcas etiam angeli earum amore capiuntur. 297. Communiter apostatizæ sunt causa. 297. Earum consortium est Periculosum. 296. 344. Earum præ Viris singulare privilegium. 195. Manus depurabit ad purum, non Vir. 410. Tres status illarum miseria non caret. 262. Est à naturâ ambitiosa. 199. fuit causa mortis, hinc fit resurctionis nuncia. 409. Garrulis conceditur resurrectio promulganda. 409. 410. Eandem fideliter evulgant. 411. Viro debet præeminentiam, Vir illi amorem. 186. DEUS tamen monet Abraham, ut Saran sequatur. 192. Ejus monitio est Viro grata. 191. Magis devotæ sunt quam Viri. 193. Conversiones multæ regnorum per has factæ. 191. Memorabilis est illius, quæ Iberos convertit. 581. In sexu suo resurgunt. 710.

FONTEM S. Clemens orando impetrat. 581. Eustachius Abbas orando elicit. 582. Isidorus baculo producit. 582. S. Petrus in Mamertino carcere excitat. 582. Quidam faces extinctas accendit. 229.

FORTUNA est fabula. 36. à fine debemus illam metiri. 432.

FRAGA DEUS misit ægro colono. 42.

S. ERANCISCUS ad præsepe verum præsepe spectat. 280. Lupum cicurat. 33. Asello suo fontem elicit. 582. Cruce factâ aquam in vinum vertit. 134. Indulgentiam pro Portiuncula obtinet. 658. Ejus cicatrices magnum colorem spirant. 229. A Cœli fidicine recreatur. 235. Christus ostendit illi vitæ æternæ magnitudinem. 223.

S. FRANCISCAM Romanam angeli tunc contra dæmones. 161.

FRANCISCANOS duos angeli pane reficiunt. 38. In morte quidam judicatus, placide moritur. 435.

FRATER est verè alter. 491. Sapiens stultum secutus in latrones incidit. 440.

B b b b b 3

FRI-

I N D E X.

FRIDERICUS Aragoniz Rex injuriarum immemor. 406.

S. FRONTONIUM cum suis, DEUS alit. 39.

FUNERIS Ecclesiastici cura apud Christianos. 346. In Cryptis olim sepeliebantur. 357. Honestè habenda. 356. Floribus insperguntur. 712. Olim lauri & hederæ foliis sepulchra inspergebantur. 706. Latronem decapitatum B. V. honorifice condecorat. 349. Marcellinum Papam S. Petrus honestè jubet sepeliri. 345. Illius pompa, est sæpe operum bonorum compensatio. 355. Neque mali honore funeris sunt privandi. 356. Compedes non ferunt. 356. Sputo maculatum, rogo expiatur. 356. Nobilis Hispani fulminatur & exurit. 354. Qui non vivit humaniter, non sepeliatur humaniter. 355.

G.

GABRIEL cur fuerit incarnationis nuncius. 210.

GALLINA curiosa fit præda vulpi.

147. GENERATIONES sunt quatuor. 217.

GENTILES coelo Virgines inscrunt. 259. agnoverunt SS. intercessionem. 598.

GERARDUS S. Bernardi frater cantando moritur. 140.

S. GERTRUDES cor Christi vidit. 405.

GLORIA DEI visa in curru ab Ezechiele.

392.

AD GLORIA Patri &c. se inclinat B. V.

99.

GLORIA ESSENTIALIS est æqualis sanctis, accidentalis est diversa. 463.

GODSCHALCUS viso inferno non commendatur. 368.

GRATIA DEI est merces. 75. Est ad salutem necessaria. 68. Sine gratiâ DEI nihil possumus. 73. Sufficiens nulli deest. 15. Cur in uno fructuosa, in altero sterilis. 72. Illi cooperari debemus. 72. Datur juxta dispositionem nostram. 69. Est rochlea. 70. Est

funis quo ad cælum trahimur. 495. Non tardat. 424. Est illi parendum. 18. Uni sæpe concessa, compensatur in aliâ. 69.

S. GREGORIO orante Angelus gladium condit. 34.

S. GREGORIUS Neō Cæsariensis rupem loco movet pro Ecclesiâ ædificanda. 540.

S. GREGORIUS Turonensis post mortem calcari ab omnibus hominibus voluit. 316.

GRISELDIS magna erga Virum subiectio. 188.

GUARINO poenitenti DEUS peccatum remittit. 651.

H.

HABITUATIS peccatoribus, est quasi impossibilis poenitentia. 691.

HÆRETICOS quia pudet authoris sui, volunt dici Evangelici. 548. Sunt arbores infructuosæ. 546. Nulla illorum Ecclesia est Catholica. 558. Signa veræ Ecclesiæ nullâ habent. 518. Diffidunt sine doctrinæ. 510. In hac uniformitatem non habent. 553. Cæcitas illorum. 504. Eorum fraudes sunt telæ araneæ. 413. Corruptum nomen Catholici. 547. Non volunt, ut ab illis petamus miracula. 563. Omnes à Pontifice Romano damnantur. 524. Earum auctores turpi morte pereunt. 555. Ne mortis recorderentur, mortuos suos ex urbe eferunt. 358.

HÆRETICUS blasphemus in B. V. excæcatur, & jumentum illius visum recipit. 504. hæretica mulier aversata Ecclesiam Catholicam, à ruinâ illius opprimitur. 557.

HANNIBAL ex cæcis Romanis tres modios annulorum colligit. 394.

HENRICUS post sex non moritur, sed Imperator eligitur. 612.

HERCULES Dux Ferrariæ in conjuratois mitis. 315.

S. HERMANNUS Mariâ rosam vocat. 288.

HERODES tumulum in formam matris ædificat. 339.

S. HIE.

RERUM PRÆCIPUARUM.

S. HIERONYMUS in præsepio delicia-
tur. 250.

S. HILARION iudicium timet. 86.

HISTRIONES duo seriò pœnitentiam a-
gunt. 70.

HOMICIDA in conspectu DEI compa-
rere non audet. 389. Puella à Judæis occisa
à Marchione Badensi vindicari petit. 332.
Uxor cadaver sanguinans, maritum reum
prodit. 330. Causæ fluentis in cadavere san-
guinis expenduntur. 331. à Caupone occi-
sus, socium de morte sua monet. 331.

HOMO Dei manibus formatus est. 149.
Creatus est die sexta mundi. 182. In parady-
so cur fructibus nutritus fuisset. 37. Dum na-
scitur est possessio dæmonis. 282.

HONORES Ecclesiastici onerosi. 510.

HORAM neglectam angeli compensant.
559. illa sonante, cogitemus nos DEO ra-
tionem reddituros. 449.

HOSPITALITAS est DEO grata. 708.
Erigitur, ut hospes cœli fiat. 473. Domum
ab incendio servat. 427.

HUMILITAS ex cognitione sui nihili.
183. Angelis homines assimilât. 201. Ange-
li hos amant, oderunt Superbos. 166.

HYPOCRISIM angelus tridente prodit, &
exccratur. 166.

I.

S. JACOBI Apostolus votum fecit, se
non comesturum, nisi Christum resur-
rexisset videat. 399.

S. JACOBUS in tentatione carnis ignes i-
gnibus extinguit. 654. Ejus pœnitentia di-
vinitus fit gloriosa. 655. Spe resurrectionis
in martyrio consistens. 714.

JAPON Rex non patitur in templo sibi ta-
petem sterni. 228.

IDOLA suarum cupiditatum plurimi se-
quuntur. 735. Omnis Cupiditas est Vitulus
idololatricus. 736.

JEJUNIUM & abstinentiam à carnibus
docent Angeli. 176.

JESU nomen fugat dæmones. 613. La-

pidicus pulchram tunicellam lubens acce-
pat. 194.

S. IGNATIUS M. terrena contemnens, fit
Christi discipulus. 429. Idem fit inter bestias.
728.

S. IGNATIUS Luthero opponitur. 508.
Viso cœlo illi terra fordescit. 722. Ut juve-
nem libidinosum emendet, se in glaciem im-
mergit. 590. Ut desperatum juvet, alium
desperare fingit. 590. Dolorosè confitetur,
ut Confessarium emendat. 590. In sterqui-
linio vult sepeliri. 346.

IMAGO Thalesii Rhodum ab impugna-
tione servat. 51.

IMMACULATA CONCEPTIO Quis
erat futura Mater Christi. 273. DEUS acce-
pit Possessionem Mariæ in misericordiâ, non
vero Justitiâ. 282. In casu quasi est præser-
vata. 282. Assuerus Christus Matrem non
sustentasset, si labi passus fuisset. 280. Chri-
stus honoravit Matrem suam, ergo servavit.
276. Non derogat hoc honori Christi. 281.
Præservatur enim, ex imperio divinæ vo-
luntatis. 283. Ejus sanctitas removit omne
peccatum. 262. Neque nomen illius stat
cum peccato. 257. Angeli & primi parentes
sunt sine peccato, ergo & Maria. 276. An-
gelus ad Mariam missus est sine peccato,
quidni Maria ? 268. Jonas & Daniel servan-
tur à Ceto & Leonibus, ergo & Maria. 277.
Jordanem sanctificavit Christus, cur non
Mariam ? 262. Levavit S. Joannem Bapti-
stam, ergo illa stetit. 270. Si maculata fuisset,
non fuisset gratiosa. 268. Non esset tanta no-
stra ad illam fiducia. 270. Liber est sine o-
mni litura. 273. Ejus author est ipse Spiritus
Sanctus. 272. Nivi semper candela com-
paratur. 272. Ejus calceamenta sunt sine
nævo. 278. Hanc S. Vincentius dicit ab An-
gelis celebrari. 267. Maria est vexillifera
contra dæmonem & peccatum. 267. Est im-
maculata sine differentia temporis. 283.
S. Nicolaus Episcopus Elifino Abbati man-
dat celebrare. 266. Lampas sine oleo ardet,
dum Cursor diploma Madritum intulit. 266.
Ferdinandus III. Votum fecit, & pacem
obtinuit.

obtinuit. 284. Infans Hispaniæ bono nuncio recreatus convaleuit. 284. S. Thomas Fantino Episcopo doctrinam suam explicat. 285. SS. PP. dicunt esse sine maculâ. 278. Omnis orbis talem honorat. 284. Neapolis se voto obstrinxit. 284. Lili bulbis immaculatam ostendit. 288. Manresæ resuscitatus à mortuis eam defendit. 288. Verba ipsa stranguirum sanant. 285. Turcæ dicunt esse immaculatam. 286. Armenus Soldanus in contrario scandalizatur. 286. Neganti jubet Alcoranum evelli dentes. 286. Concionator hunc impugnans perit. 286. Zelus tuendi illam probatur. 288.

IMPASSIBILITAS corporis gloriosi. 714.
IMPOENITENTIA nostra DEum affligit. 221.

INCESTUOSA & parricida puella repente pœnitet. 71681. Cum matre filius, à terrâ non recipitur. 354.

INDULGENTIÆ quid? 646. Sunt plenariæ & non plenariæ. 660. Plenariæ omnes pœnas extinguere docet Portiunculæ indulgentia. 660. Vivorum & mortuorum differunt. 616. Pro defunctis quomodo solutive dicantur. 616. Effectus illius est remissio pœnæ in foro DEI. 656. Est in Ecclesia potestas conferendi Indulgentias. 659. Eam habet Pontifex. 643. Ecclesia est navis cujus sentina per has purgatur. 656. Quæ dispositio ad has requiritur. 661. Ravmundo Confessario suo S. Catharina Senensis plenariam à DEO impetrat. 657. S. Franciscus pro Portiunculâ obtinet. 658. S. Bernardus eas promulgans, miraculo confirmat. 644. Inter plenariam & Jubilæum differentia. 662. Bullæ cruciatæ, Luthero Apostasiæ occasio fuerunt. 662.

INFANS cum nascitur, cur flect? 534. Tenui Cruce signentur. 130. Ut baptizentur sollicitæ sint matres. 391. Dux Elcis populis Viñoriam confort. 207.

INFERNUS est locus determinatus damnatorum. 360. 361. Natura illius spiracula ostendit. 370. A Purgatorio duratione differt. 380. Illius ignis non est metaphoricus.

363. Noster respectu illius pictus est. 364. Urat & non lucet. 380. Est ignis clibani æqualis per totum. 380. Est hic pœna damni & sensus. 363. Summus ardor & algor. 364. Pœna cur æternâ? 368. Christus nos per hunc terret. 370. Ratislaus hoc ficto viso, ex nialo juvene repente bonus scenex. 372. S. Dominicus ostensio vero ab adulterio retrahit. 370. Godschalcus tamen hoc viso non terretur. 368. Hic pœnitentia est tarda nimis. 373. Ex hoc nulla anima liberatur. 695. Illius memoriâ SS. PP. excitantur se ad virtutem. 371. Ut ex adamus, vivi eo descendamus. 374.

INIMICITIÆ orationem turbant. 318. Horum dilectio est Christiana perfectio. 534. In hac facilis fuit Hercules Dux Ferrariæ. 315. Et Fridericus Rex Aragoniæ. 406. INNOCENS carceri includitur, quia submerso alteri cum posset, manum non porrexit. 612.

INNOCENTIA & Virginitas perditâ, non potest recuperari. 272.

S. JOANNES BAPTISTA non est major Christo & Mariâ. 270. Non egebat miraculis. 564.

S. JOANNES EVANGELISTA desiderat videre B. V. 306. Eduardo Regi Angliæ Annulum sibi in paupere datum restituit. 306.

JOANNES-Rex Lusitanie nihil negat roganti per Vulnera Christi. 407.

JONAS frustra resistit divini voluntati. 6.

JONATHAS scutum Davidis contra Saul. 167.

JOSEPH reluctantibus licet fratribus adoratur. 5. DEI præsentia illum in castitate ferrat. 48.

S. JOSEPH divinitus disponatur Mariæ. 255. Ejus cum Maria cœleste connubium. 255. Se hac indignum reputans, desecrere voluit. 256. Ejus laus quia fuit Sponsus Mariæ. 218. Et Pater Christi. 142. Qui filium habuit JESUM. 218. S. Josephum pulcherrimum vidit quædam Monialis. 218. Cur nullus ex Apostolis sic fuerit nominatus. 142.

RERUM PRÆCIPUARUM.

JOSEPHUS ab Arimathæa & Christi sepultura celebris. 350.

JOVINIANUM Cæsarem superbum corrigi Angelus. 165.

ISAAC Christi pro nobis mortui figura. 113. Ejus imago movet, quidni Christi crucifixi. 298.

S. ISIDORO orante arant Angeli. 157.

JUBILÆUM quid? 661. Ejus antiquissimum in Ecclesia consuetudo. 661. Reducitur ad pauciores annos. 661. Hoc durante, Romæ porta Sancta patet. 722.

JUDAS proditor non derogat Sanctitati Collegii Apostolici. 515.

JUDÆA puella veram Ecclesiam ostendit. 10.

JUDÆI agnoverunt esse datam potestatem hominibus remittendi peccata. 671. Puellam lascivam facta cruce enecat. 134. In foveam lapsum facta Cruce est illæsus. 134. Mercator illi SS. Trinitatem probat. 93.

JUDICIORUM corruptela. 304.

AD JUDICANDUM prout sumus. 452. Temere judicanti Angelus animam ficit. 435. DEI sunt alia ac hominum judicia. 375. 444. P. quidam fulminatus post mortem gloriosus de se mala judicia corrigi. 714.

JUDICIUM extrema dies est ignota. 478. Quævis Dies est illius prognostica. 479. Anabaptistæ male illam prædicunt. 479. Sicut etiam alius falsus Propheta. 479. Divini & humani differentia. 676. Christus sedet id est judicat. 431. Anima statim à morte judicatur. 431. Anachoreta tamen ante mortem judicio divino fititur. 434. Hic velum vitæ nostræ removebitur. 88. Nulla proferus audietur excusatio. 430. Blasphemus miles per sententiam in scripto damnatur. 436. Sententia illius est in nostra potestate. 436. Somnium emendat. 84. Ejus salutarem memoriam dæmon impedit. 84.

IN JUDICIO UNIVERSALI non est novum judicium. 450. Christi ad hoc judicium passus. 209. Invitus venit. 450. Veniet, ut filius hominis. 80. 452. Hic humanitas Christi erit terrori. 453. Uti & vulne-

ra illius. 83. Si in horto terruit milites, quid ibi fiet? 85. Sancti hoc tonitru timent. 83. Discipuli in monte Thabor timuerunt. 86. S. Agatho & Arsenius. 438. Uti & S. Hilarion timuerunt. 86. Etiam damnati hominem DEum videbunt. 85. Ad hoc angelus tuba canet. 455. Sol & Luna obscurabuntur. 453. Judicabimur in valle Josaphat. 457. Hic omnes palam judicabimur. 456. Et eriguntur totti Vitrei. 88. Maria in hoc non patrocinabitur. 454. Nec Sancti. 455. Pictum salutari ter terruit. 84.

S. JULIANUS Comitem Gallicum ex captivitate Turcica suis restituit. 599.

JUPITER cum Mercurio peregrinus hospitio excluditur. 241. Stupido marito puellam indultriam jungit. 192.

JUSTIFICATIO nostra est maximum miraculum. 678.

L.

LAC pro sanguine fundit S. Catharina. 427. Uti & S. Antiochus, qui per hoc Carnificem convertit. 428.

LABORIS solatium est spes præmii. 722. I. ACHRYMÆ poenitentis, solunt catenam dæmonis animam ligantis. 693. Latronis poenitentis sunt in iudicio graves. 681.

LÆTITIA Apostolorum in ascensione temperatur metu judicii. 428.

LAMPAS sine oleo ardet, dum Madritum fertur diploma de immaculata Conceptione. 266.

LANCEA cur crudelis dicatur. 290.

LAPIS omne grave exæquans cinere at sperfus fit levis. 219.

LATRO in cruce Christo cruciatus temperat. 322. In Cruce cælum statim obtinuit. 728. Magnis comparatur cum Sanctis. 681.

LATRONEM Abbas mirabiliter convertit. 423. Quisdam parvulus non occidit, ab his servatur in vita. 390.

LAZARUS nunquam magis sensit famem, quam ad portam divitis Epulonis. 419.

Ccccc

LAZA-

LAZARUS resuscitatus est paradigma animarum in purgatorio. 382.

LECTUM inter & Lethum modica differentia. 704.

LEGATI Pontificii cordata ad Regem Angliæ responsio. 505.

LEX CHRISTI majoris est perfectionis, quam Moysis. 534. Hujus cum Luthero differentia. 536.

LEO S. Francisci socius duas scalas ad cœlum videt. 240.

LEONES peccanti S. Macario rebellant.

32. Poemeni Abbati familiaris, eundem laecerat. 33. Clamante Catulo prædam dimittit. 62.

LEONIS exuviis testus molliculus, ridetur à Diogene. 393.

LIBRI armis præstant. 707. Arma sunt Ecclesiæ Catholicæ. 507. Machabæorum sunt Canonici. 596. Apocalyptici septem signacula. 213.

LIBIDO potissima est causa damnationis. 293. Affineta non emendatur. 294. Nec visio inferno terretur. 298. Cadus & lebetes osculatur. 295. Tribunus in cloacâ cum cadavere deliciatur. 295. Ustulando digitos reprimatur. 253. B. V. conceptæ cubiculum nullum patitur. 263. S. Faustinus in templo sepultum non tolerat. 354. S. Syri templum tales ejicit. 347.

LIMBUS fuit locus subterraneus. 392. In hoc fuerunt PP. ante Christi ascensionem. 392. Datur contra Lutherum. 392.

Ne à LITERA quidam occidatur, sensum literalem non investigat. 510.

LIVIA Augusti uxor modestiâ suâ Viro imperat. 187.

LONGINUS resurrectionis Christi testis. 398.

LUCTATOR in terram dejectus, à terrâ vires habet. 394.

S. LUDOVICUS pauperes regni stipendiarios dicit. 425.

LUNA pudica & fecunda. 253. Parva licet est capax foliis. 233. Eidem rubras literas inscribere. 240.

S. LUTGARDI Christus cruentus se sibi.

322. **LUTHERUS** ex Lytaniis nomen SS. Trinitatis expunxit. 97. In SS. Trinitatem impius non est Sanctus. 543. Nec apud suos Sancti nomen habet. 538. Christum mendacii arguit. 544. Ejus, & Sectariorum fœdæ libidines. 536. Negat poenitentiam ad salutem esse necessariam. 670. Non vult cœlum mereri. 544. Est dæmonium sed non mutum. 544. Dæmonem frustra pellere conatur. 560. In aquis demersum suscitare nequit. 562. Odit benedictiones sacras. 412. Confutatur sicut olim Arius. 529. Ejus incrementa à defectu literatorum. 508. In suâ doctrinâ fœde sibi contradixit. 529. Eidem S. Ignatius opponitur. 508. Fatetur Sanctos non ludi imposturis. 573. Etiam fatetur dari purgatorium. 382.

LUTHERANA Ecclesia non est Catholica. 552. Non habet Sanctos. 538. Non possunt ostendere veros Martyres. 514. Cœlum facile intrant. 458. Corruptum scripturam. 608. Sublata confessione sunt peiores. 544. Remilivius Lutheranae schema. 674. Lytanas constituit Sergius Pontifex. 611.

M.

MACHABÆI Martyres spe resurrectionis animosè tormenta sustinent. 211.

MAGDALENA peccatrix non vocatur Maria. 257. Est Apostolorum Apostola. 408.

MARCIANUS quia inhumatum sepelivit, sit Imperator. 248.

MARCUS ANTONIUS pro Aquilio perorat. 421.

MARCUS LUCIUS Romanus Eques pauper moritur. 333.

M. est triplex V. 257.

MARLE nomen est salutare puellis. 257. Est insensum dæmoni. 652.

MARIA est vera Esther. 280. Et quidem parata in tempore. 239. Sola benedicta in mulie-

RERUM PRÆCIPUARUM.

mulieribus. 262. Ejus fiat efficax. 237. DE-
us illi plus quam suo tribuit. 237. Est rubus
Moyſis incombuſtus. 215. Subjecta Sponſo
ſuo Sponſum reveretur. 189. Ejus Caſtitas
plus quam Angelica. 260. Velut Cedrus in
aliis libidinem extinxit. 263. Vel ſua ſan-
guinea libidinem ſopuit. 254. Dominicans P.
natis tribus ex terra liliis Mariam Virgi-
nem eſſe diſcit. 257. Ejus Virginitas eſt
fecunda. 260. Gloria illius quia eſt mater
Chriſti. 238. Meruit ſibi ut congrue eſſet
Mater DEL. 247. Laudis compendium eſt,
quia eſt mater DEL. 249. Eſt verè mater DEL.
247. Eſt gravis ſine onere. 242. Ab omni
parturientium onere libera. 243. Non eſt
ſicut cœteræ foeminae. 261. Qui foeminis
cœteris parem dixerunt, abſorbentur à ter-
rà. 261. Vitis pulcherrima. 253. Ex terra
promiſſionis allata. 253. Pulchra eſt flore &
fructu. 259. Mater eſt virtute conceptivà &
generativà. 214. Mulier amiſta ſole, coro-
nata ſtellis duodecim. 249. Solem Juſtitiae
utero ſuo clauſit. 253. Mater eſt ſui Creato-
ris. 233. Liber puriſſimus. 272. In quo le-
gitur Verbum abbreviatum. 272. In quo
ſcriptum eſt Verbum caroſactum. 271. Ma-
ria eſt Virgo per partum. 258. Virgo Virgi-
num. 258. Mater & Virgo. 249. Omni ſœ-
mina poſſibili purior. 260. Monſtrum gra-
tiae. 248. Paradysus animatus. 232. Gratia-
num mare. 263. Abyſſus miraculorum. 236.
Ex Conceptione filii cœli terræque Domina.
223. Chriſtum Salvatore ſuum deprædica-
cat. 281. Virgo, Conjux & Vidua ſemper
ſeſcificiſſima. 262. Majorem DEL Matre DEUS
non poteſt facere. 248. Fons eſt limpidiſſi-
mus. 261. Pulchra ut Luna. 234. S. Herman-
nus illam roſam vocat. 238. Mediatrix no-
ſtra apud Chriſtum. 271. Ejus Viſitatio S.
Joanni Baptiſta ſalutaris. 269. Fuit Gerula
S. Joannis. 269. Mirè flevit paſſionem filii.
223. Maria ex compaſſione Martyrum Re-
gina. 223. In aſſumptione ſua omnes animas
liberavit ex purgatorio. 386. Glorioſa in cœ-
lo viſitat animas ſæpius. 386. Quotannis in
natali & reſurrectione Domini eaſdem ſola-

tur. 387. Eſt purgatorii Regina. 640. Mi-
ſerem ſibi devotum ex eo liberat. 387. Et aliam
ſibi devotam in ipſo aſſumptionis die. 387.

S. MARIA Oegniacensis videt in bap-
tiſmo ab infante pelli dæmonem, & Spiritum
Sanctum dari. 664.

S. MARTINUM per ſcalas lapſum Angel-
us ſanat. 177. Ejus nuda brachia Angeli in
ſacro tegunt. 302. Tres mortuos ſuſcitavit. 65.
Episcopum apud Chriſtum accuſat. 112. E-
jus reliquiae filium regis ſanat. 572.

MARTYRUM Sanguis eſt ſemen Chriſti-
anorum. 551.

MARTYRUM ſœmina paratior ſubit,
quam Tyrannus inferit. 317. Uti & parvu-
lus puer. 318. Duodennis puer in hoc con-
ſtat. 337.

MATRES ſolicite ſint, ut parvuli bap-
tizentur. 391. Infantes teneros in lecto non
ſervent. 390. Quæ infantes jugulant matres
non ſunt. 389.

MAXIMILIANUS IMPERATOR in ſpe-
culo ſuam videt. 48. Ex alpiſibus ab Angelo
reducitur. 169.

S. MECHTILDI offenduntur novem An-
gelorum chori. 151. Ab hac Chriſtus cor-
petit. 358.

MEDICUS religioſus in morte à Chriſto
ſolatium accipit. 474.

MEMNONIS ſtatua. 269.

MERETRICES plurimæ. 293. Quædam
ex turpi queſtu vult Thebas muro cingere.
293. Eremita Abraham neptem ſuam caſti-
tatis ſuae fragrantia revocat. 254.

MIRACULA ſunt evidens veræ fidei à
Chriſto datum ſignum. 559. Sunt ſigillum
veritatis Catholicæ. 575. Moyſes per hæc
DEum probat. 565. Multi Sancti non fece-
runt, ſed non fuerunt legis novæ Doctores.
564. Chriſtus majorem vim quaſi dedit di-
ſcipulis, quam ipſe oſtenderit. 570. Ille im-
perative, alii deprecative illa fecerunt. 567.
Horum poteſtas eſt Eccleſiæ à Chriſto, velut
per teſtamentum tranſcripta. 569. Hæc DE-
us non facit pro hæreticis. 24. Hinc Zoroa-
ſter patrare volens à dæmone abripitur. 574.

Ccccc 2

Arianus

I N D E X

Arianus Patriarcha volens cœcum illuminare, videntem excœcat. 556. Calvinus mortuum refuscitaturus, vivum occidit. 563. Prædicans alium vivum miraculosè mactat. 563. Dæmonis verò miracula sunt nulla. 574. Quod hæretici nostra miracula magis adscribant, nihil est novi. 572. Differentia inter miracula Christi & Moyſis. 569. Ulti, & inter vera & falsa. 574.

MISSÆ auditæ fructus. 5. Angelus sub hac S. Gregorio respondet. 158. Parrulus sub hac non vult stare. 228. Disſa pro defuncto, qui vivus erat, solvit vincula. 584. 635. Est panis naufragus. 584. Complures hac & sacra Communionem ex purgatorio liberantur. 626. 628. Armatæ copiæ missas rogantur. 628. Et anima sibi à B. Sufone promissam postulat. 627. Unde Ecclesiæ antiqua est consuetudo pro his sacrum dicere. 382. Statimque debite pro illis sunt persolvendæ. 635. Sacerdotes non facillè missam omitant. 624. Quia animæ sub missâ non torquentur. 627.

MOGIUNTINUS Elector in insignibus rotam præfert. 184.

MOMIUS Veneris calceamenta carpit. 278. Est DEO & hominibus odibilis. 277.

MONIALES in viâ errantes reducit angelus. 170.

MONTES transfert fides Catholica. 540. Sic S. Gregorius NeoCæsariensis. 540. S. Theodorus Siceorum Episcopus. 540. Et Cædo quidam Castitate eximius. 540. Ex monte myrrhæ transitus est ad collem thuris. 416.

MONUMENTUM Patris verè colit quispian. 356.

MORS formus est. 702. Cum Cupidine peregrinatur. 324. Mori omnes debemus. 338. Aldomira mori gaudet, ne DEum amplius offendant. 340. S. Andreas Episcopus ad mortis nuncium sit pinguior. 705. Moriens est obfessa Hierosolyma. 127. Hi & peregrini valedicunt. 418. Mori pro DEO decorum est. 24. Et vero gloriosè pro DEO moriendum est. 339. Puer mori mavult quam

ingratia Regis vivere. 338. Suavis in Vino maluit. 340. Sed suavior in vulneribus Christi. 340. Mors mortuo Christo mortua est. 670. Sancti varios fuscitant mortuos. 65. Plurimi se speciales dederunt. 66. Tot surrexerunt, ergo & nos. 671. Ejus memoria à peccato cohibet. 202.

MORIS Angliæ Cancellarius fidem non simulat. 26. Aeterna caducis præferre docet. 725.

MOYSES fuit mediator, quod fatentur hæretici. 608.

MUNDUM DEUS per gradus creavit. 31. Et quidem per sex dies. 145. In hoc solum tentoria sunt. 720. Ejus quatuor sunt monarchiæ. 223.

N.

IN NATIVITATIS nocte cur sacrum dicatur. 246.

NATURA nos docet resurrectionem mortuorum. 712.

NAVIM parricida mulier in portu sistit. 656.

NEANIAS velut alter Paulus conversus. 680.

NEAPOLIS Duci suo rebellis, vexillo inscripsit: Sui eum non receperunt. 252.

NECESSITATES publicæ nos ad orandum impellunt. 586.

S. NICOLAUS Tolentinas ab animabus ad Requiem die Dominicâ cogitur. 628.

NIHILUM est divinæ omnipotentis subiectum. 414.

NOMINI respondeat actio. 511.

NUBES divinitatis est argumentum. 424. Suscepit Christum ab oculis ipsorum. 423.

NUBIFRAGIUM corpora submersorum discernit. 716.

NUDI pueri oleo inuncti luctabantur. 204.

NUDITAS Christo dolorosa. 301. 309.

NUPTURUM in Mogor monumenta obervant. 356. Eadem Virginem angelus à nuptiis

RERUM PRÆCIPUARUM.

nuptiis advocat. 172. Juliani & Basilidæ nuptiæ Virginæ. 254.

O.

OBDURATO infirmo quidam merita sua cedit, & convertit. 470.

OBEDIENTIA est scala Cœli. 418.

OCTIMESTRIS partus est fatalis. 638.

OCULUS est Symbolum SS. Trinitatis. 7. Discipulorum in Emaus tenebantur. 402. Effoscos Episcoporum Constantinus Imperator osculabatur. 407.

OPALUS gemma refert colores omnium gemmarum. 456.

OPERA nostra non sunt omnia mala. 470. Bona sunt fructus veræ Ecclesiæ. 545. Ad salutem sunt necessaria. 459. Specialia Scriptura mandat. 462. Sunt facienda & conservanda. 460. Merentur vitam æternam. 463. Charitatis, sunt apud DEum pretiosa. 589. Placant DEum. 477. Sunt Satisfactoria. 650. Habent effectum meriti & satisfactionis. 643.

ORATIONIS vis & efficacia. 577. DEO molesti sumus non orando. 418 579. Delectatur DEus oratione nostrâ. 579. Angeli orantes supplent. 159. Et frontes orantium signant. 159. Hac Peccatores juvari possunt, ut de meritis Ecclesiæ participant. 591. Non tantum de oratione sed etiam meritis participant fideles. 588. Non debemus cessare orare pro peccatoribus. 580. Varia beneficia hominibus exoramus. 580. Ipsa horrea frumento replet. 582. Pecuniam & aurum exorat. 582.

ORATIO communis est efficax. 587. Est elegans Organum. 586. Communis DEO placet. 584. Hanc vestes Sacerdotes & Thymiama significat. 586.

ORIGINALE peccatum tollitur per baptismum. 663.

OSSARIA eriguntur. 3571

OSSEUS Conviva. 62.

Contra OTIUM bonum & securum remedium. 448.

OVA DEus hospitibus multiplicat. 43.

P.

PALMA formella mari fructus suos subjicit. 37.

PAN magnus mortuus est. 347.

S. PAPHNUTIUS vult peccare, si neque à DEO videatur. 46.

PAPIRIUS matrem garrulam ostendit. 409.

PARADYSUS est creatus cum aliis plantis. 147. Alexander M. ab inquirendo desistere jubetur. 719. Clavis ad illam est crux & patientia nostra. 726. Mirabilis Turcius. 719. à Moyse impostore fit portus inferni. 719.

PARENTES malæ voluntatis pacem fregerunt, filii luunt. 242.

PARVULORUM sine baptismo animæ ab aliquibus cœlo, ab aliis inferno deputantur. 387. Non habent pœnam sensus. 388. Non dolebunt singulariter de carentiâ visionis. 388.

PASCHÆ dies est magna & gloriosa. 396.

PASSIO Christi est gradus ad gloriam. 417. Ejus fructus ad gentiles transiit. 299. Multa habet cum nativitate convenientia. 244. Huic addictos videt Angela de Fulgino benedici. 306. His B.V. tres gratias promittit. 306. Ad hujus memoriam Christus S. Brigittam excitat. 358.

PASTOR verus imitari debet potentiam Patris. 505. Et sapientiam filii. 506. Et amorem Sancti Spiritus. 512.

PATIENTIA est verum martyrium. 116. SS. PP. autoritas est magni facienda. 22. S. PAULI femicinctia quid? 571. Fit Coronatus Venetus. 726.

S. PAULUS simplex videt peccatores ligaticenis. 696.

PAUPERES nudivestendi. 474. Advocatus audire nolens miserè moritur. 476.

PAX in nativitate & resurrectione nunciatur. 406. Pacis responsum peremptoriè à Ptolomæo petitur. 235.

PECCATOREM DEUS quaerit. 231. Ejus conversio est major Creatione. 688. Christum crucifigunt. 80. Angeli DEum iratum Ccccc 3 viment,

timent, quid ni peccator? 86. Ejus status est status leprosi hominis. 656. Esau hominem DEUS non odit, sed Esau peccatorem. 736. DEO arma ministrat, quibus impugnetur. 737.

PECCATA non sunt omnia mortalia. 385. Sunt sepe non bene causa. 56. Etiam magna Sanctorum manifestabuntur. 457. Reperuntur in Ecclesia ut fugiamus. 670. In visum tamen DEUS non facile manifestat. 452. Nullum est nisi sit voluntarium. 737. Nullum est irremissibile. 682. Neque ullum misericordiam DEI transcendit. 685. Pelli à dæmone inscripta, per poenitentiam deleuntur. 655. DEUS obliviscitur, ne punire cogatur. 676. Aliud est non remitti, aliud quasi non, id est difficile. 686. Habitatis tamen est poenitentia quasi impossibilis. 691. Nemo tamen de remissione peccatorum desperet. 665. Nec tamen ideo misericordia divina facit licentiam peccandi. 689. In Confessione non teguntur, sed verè remittuntur. 674. Tegit quidem DEUS, sed sanat. 677. Et reparat fracta sine vestigio fracturæ. 669. Neque tantum non imputat, sed verè remittit. 675. Quia tollit. 678. Nullum tamen remittit post hanc vitam. 692. Juventur proinde precibus, ut possint participare de meritis sanctorum. 591.

PECUNIA variis figuris signatur. 726.

PENTECOSTES ante festum Corporis Christi cur? 487.

PEREGRINAM ad S. Michaelem angeli tucuntur. 180. Aves mittit illis DEUS in cibum 43. Uti & Salimones. 43. Quidam sacro Ascensionis loco immoritur. 428.

PERFECTIO hominis est ab intrinseco. 525. Hanc nemo repetè obtinet. 322.

PERSECUTIONES sunt Ecclesiæ incrementa. 550.

PERSIA per feminam convertitur. 191.

PESTEM extinguit Curtius se scrobi immergendo. 392.

PETRÆ scissæ sunt. 342.

S. PETRUS diffidens per peccatum gravè, mergitur. 375. Unanimiter à SS. PP.

Ecclesiæ caput salutatur. 522. Quà caput per omnes Provincias misit Episcopos. 523. Toto orbe se diffundens videri potuit ab omnibus. 549. Successores illius in fidei diffinitione Zelosi. 549.

PHILIPPUS Macedo nato Alexandro convivium apparat. 250.

PHILIPPUS Rex Hispaniæ in pluvias imperium non habet. 222.

PHILOSOPHI olim ad sacrificia adhibiti, quia amici DEORUM credebantur. 608.

PILATUS tunicâ Christi indutus damnari à Tiberio non potuit. 675.

PISCARI visus est parvulus, supra tumulum matris orans. 637.

PISCATOR poenitens ferrum illæsus trahat, relapius ab aquâ adurit. 696.

PISCES cibus gloriosus Christi. 411. Se ultro in cibum sibi Lucæ Monacho. 43.

PLATO aliquid de SS. Trinitate agnovit. 91. Creditit in Christum. 250. Agnovit dari Purgatorium. 378.

POENITENTIA est vera Ecclesiæ nota. 673. Est baptisma seu remissio peccatorum. 665. In hac tria requiruntur. 648. DEUS illam vult, ut possit nobis remittere. 683. Prævertit poenitentes suâ misericordiâ. 692. Fructus poenitentiae. 690. Peccatorem quasi super angelos extollit. 678. Immutat hominem. 666. Ipsam Cieatricem vulneris sanat. 668. David poenitens factus est Vir secundum eor. DEL. 668. Major est quam sit resurrectio mortuorum. 680. Salutariter peccatorem extinguit. 685. Puella incesta Patris & matris parricida salutariter poenitet. 683. Pro peccato mortali in Ecclesiâ poenitentia septennii recepta. 646. DEUS ipse rigidam poenitentiam moderatur. 651. Quirino poenitenti DEUS remittit. 652. Puellæ poenitenti modum statuit per angelum. 653. Jacobi Eremitæ divinitus fit gloriosa. 655. Non est differenda. 693. Anglus alicuius differens à dæmonibus rapitur. 693.

POLLUTIO difficulter emendatur. 297. His S. Christina mundum plenum vidit. 293.

POM

RERUM PRÆCIPUARUM.

POMPEIUS Atticus nunquam cum matre diffensit. 276.

POMUM aureum stultissimo dandum. 447.

S. PONTIANO prunæ ardentes, rosæ videntur. 337.

PONTIFEX est verè caput Ecclesiæ. 520. Plurimi SS. Martyres & Confessores sunt. 539. Per trecentos annos Martyres. 513. Non potest se juridicè subicere concilio. 527. Concilio Ariminensi contradixit. 516. Hæreses omnes ab illo damnantur. 524. Potest nobis applicare merita & satisfactiones Christi & Sanctorum. 643. Paucorum error non officit Sanctitati Ecclesiæ. 514.

S. POTAMLENA militi se in pudicitia custodienti promittit & præstat gratiam. 602.

PRÆDESTINATIO certa est, servare mandata. 738.

PRÆDICANTEM ridet sacerdos in cathedra. 506. Alius Prædicantem ad parem cathedram invitat. 509. Frustrà Augustani, dæmonem nituntur pellere, quem Sacerdos Catholicus statim expulit. 561. Ab uxoribus non sinuntur esse Apostoli. 542.

PRÆLATI in amore debent excellere. 512. Indigni divino iudicio damnantur. 512.

PRÆSENTIA DEI certum peccatorum remedium. 46.

PRETIUM rebus à fulgore ponimus. 723.

PRINCIPES solum corpus, Sacerdos etiam animam ligare potest. 671.

IN PROCESSIONIBUS crux præferre batur. 126.

PROPINANTI digniori respondere debemus. 729. Nolens respondere propinanti S. Wilibrordo integro anno sitit. 729. Latroni propinanti, largiter respondens Paphnutius eundem convertit. 729.

PSITTACUS Leonem ex carcere liberat. 621.

PUILCHRITUDO in femina philtrum est. 296.

PURGATORIUM datur. 374. 617. Est locus in altero sæculo, ubi poena pro peccatis remitti potest. 377. Non enim implicat ali-

quem in solo Veniali decedere. 383. Et Christus differentiam poenæ assignat. 376. Hic ad ultimum omnia depurantur. 376. Ab inferno duratione differt. 380. Ab hoc materiali igne animæ verè torquentur. 621. Est ignis gravis. 618. Clerici duo de experientia illius conveniunt. 618. Intenditur ex dilatione gloriæ. 619. Causæ cur illic intremus. 374. Dagnoscit Plato. 378. Et tæetur Lutherus 382. Pro his oravit Christus in horto. 386. Huc Christus resurgens descendit. 385. Non sine causâ in Vespertinae nativitate psalmus de Profundis ponitur. 386. Ecclesiæ consuetudo est, pro his sacrificare. 382. Maria gloriosa has visitat. 386. Et quidem quotannis in nativitate & resurrectione. 387. Etiam Sancti angeli has visitant. 387. Etiam Sancti in coelis. 387. S. Augustinus timet illud. 378. Sine purgatorio tamen multi Sancti coelum intrant. 384. Pythagoræ in sinum delabitur Aquila. 256.

Q.

QUADRAGINTA coronati Martyres. 78.

R.

RATISLAUS ebrius in inferno sit bonus scilicet. 372.

REDEMPTIONIS mysterium Leo & Agnus peragunt. 715. Illius pretio nos dignos reddimus. 116.

REFUGII civitates sine omni impedimento. 270.

REGIUM est vitam dare pro subditis. 312.

REGNORUM conversiones per feminas. 191. Crudelitas & invidia hæc cevertunt. 226.

RELIGIO est generis feminini. 297.

RELIGIOSI utiliter mensis sæcularium adhibentur. 589. Quidam factus, ut animam salvaret, nihil minus cepit. 449.

RELIQUIÆ latronem mirè convertunt. 681.

REMITTENDI peccata potestatem Judæi agnoverunt datam hominibus. 671. Si

ROB

non est remissio-neque erit baptisus 671. Et sic injuria gravis Christo, 671. Major est quovis Christi miraculo. 679. Remittere divinum est, hinc Judæi volebant Christo concedere, 682. Quare in confessione non teguntur, idcirco vere remittuntur. 674. Bene comparatur cum Lazaro, 673. Christus jubet nos sæpius remittere, remittit ergo etiam ille. 687. Nemo de hac desperet. 665. Non tamen tenetur homo credere sibi esse remissa. 695. Remissa culpa reservatur poena temporalis. 647.

RESTITUTIONE dilata detinentur anime majorum. 632.

RESURREXIT Christus ergo & nos, est bona consequentia. 699. Campus Ezechielis plenus olivibus imago resurrectionis nostræ. 703. Natura nos docet resurrectionem mortuorum. 712. Facta in Vere cum natura. 712. Resurgemus in hac eadem carne nostra. 711. Si enim præmiatur anima, præmiabitur & corpus. 709. Quare idem corpus quod bonum egit, præmiabitur. 709. Si enim Christus est in cælo cum corpore & anima, erimus & nos. 713. Christus surrexit in aurora. 400. Quia est principium resurrectionis nostræ. 699. Si enim non esset resurrectio, ad quid tam sollicita cura funerum. 344. Omnes simul resurgemus. 716. Resurgemus ubi cadaver, vel potior ejus pars fuerit. 716. Sancti cur dicantur respectu resurrectionis capilli. 699. Sancti spe resurrectionis in morte lætantur. 705.

ROBERTI regis mira clementia. 314.

S. ROCHUS natus rubra cruce per totum signatur. 123.

ROMAM latericiam Augustus fecit marmoream. 487. Romana Ecclesia, caput & mater est omnium Ecclesiarum. 527.

ROMANUS Episcopus caput est totius Ecclesiæ. 523.

RUMINUS Deus mammeus. 40.

RUSTICIUS vult Deum vestire, quinque vel sex ulnis. 474. Potentiores sunt in pellendo dæmone, quam prædicantes. 561.

S.

SABBATUM non solvitur per operam caritatis. 679.

SACERDOTIS magna est authoritas. 679. Novæ legis, antiquis longe præstant. 672. Magna cum reverentia colendi. 672. Angeli honorant. 158.

SÆCULUM decimum gloria Sanctorum illustre. 539.

SALOMON filius penitentiae præ Adonia regnat. 321. Ejusdem judicium inter duas mulieres. 390. Annulus illius spinæ coronæ notatur. 303. Ejus templum typus Ecclesiæ. 502. Per mulieres seducitur. 13.

SALVANDORUM paucitas. 736.

SAMUEL à Pythonissâ suscitatus timet judicium. 86.

SANCTI in terris implent ea, quæ defuncti passionum Christi. 291. Varii varios suscitant mortuos. 65.

SANCTI in cælo Volunt nos jurare. 604. Et possunt. 605. Non enim ideo quia impassibiles sunt, sunt etiam incompassibiles. 604. Possunt itaque pro nobis intercedere. 597. Eorumque intercessio est potens. 595. Si enim in vivis potuerunt præstare gratiam, cur non etiam modo in cælo. 602. In DEO vident plurima sibi grata. 603. Ostenditur modus quo Sancti omnia vident. 603. Quare non solum generatim sed etiam speciatim nostra sciunt. 601. Sciunt itaque necessitates nostras & preces audiunt. 602. Deus ipse ostendit per stellam fulgidam Sanctum, quem voluit honorari. 611. Præponuntur à DEO nobis sicut Angeli. 601. Est aliquod Præceptum de invocandis Sanctis. 609. Sed minus rigorosum. 610. Sunt enim mediatores per Christum. 609. Utique mediatione subalternâ. 608. Nec irrogatur injuria Christo per hanc invocationem. 607. Claimant teste scriptura Vindictam contra Tyrannos ergo multo magis pro nobis misericordiam. 599. Sancti in terris coluerunt Sanctos, velut Patronos in cælo. 612. Eorum vita clypeus est præclaras eorum

RERUM PRÆCIPUARUM.

orum Virtutes exhibens. 596. Ipsi Gentiles agnoverunt Sanctorum intercessionem. 598. Sartori oranti vestem, Sancti viginti Martyres vestem impetrant. 606. Sancti malunt cum Christo manere, quam ad nos redire. 705. Sancti nostra memoria canonizati. 539. Malos in templis suis non tolerant. 347. SATISFACTIONIS nomine intelligitur poenitentia à Confessario imposita. 648. Et alie mortificationes & Virtutum opera. Et sic superflue sunt in Ecclesia satisfactiones. 642. Quæ profunt etiam aliis viventibus. 642. SAXUM eloquens. 34. SCALAS binas ad cælum dedit nobis DEUS. 240. Leo S. Erancisci focus illas vidit. 240. SCANDALA sunt saxa impediencia in viâ. 396. SCRIPTURA non est facilis. 509. SCUTO totum corpus tegitur. 168. Timidus domo exiens hoc se munivit. 169. SEMIRAMIS ambitiosa dominatur. 199. SERPENS viridis Crocodilum interimit. 670. Cujusdam morsus toto corpore sanguinem elicit. 299. Sacerdotem alunt. 42. Serrati montis celebris origo. 651. SIGNUM debet esse sensibile. 518. Ecclesiæ veræ notæ & signa. 517. Hæretici nulla habent. 518. Aliqua exterior cultus possunt DEO & sanctis esse æqualia. 611. Erunt signa in Sole. 454. SIMIUS infante se tuetur. 251. SIMIUS qui videri volumus. 511. SIMON Magus verè & non metaphorice ascendere in cælum voluit. 414. SIXTUS V. se Cardinalem non Pontificem læsum esse dixit. 317. SOCIETAS mala pudicitie periculosa. 164. Angelus datâ alapâ dedocet. 165. SODALEM esse, bonum experimur in morte. 129. SOL vestigium est SS. Trinitatis. 92. Tres in nativitate Christi visi. 245. In resurrectione cursum suum anticipavit. 399. Hoc oriente stellæ disparent. 412. Pugnante Caro-

lo V. ruber visus est. 454. Uti & gladius in sole. 454. Solis mensuram ponit nobis DEUS. 41.

SOMNUS longus arte inductus. 704.

SOSTRATUS nomen suum turri regie dolose inscribit. 34.

S. Spiridion superbum Philosophum confundit. 9.

SPIRITUS Sanctus ejusdem est substantiæ cum Patre & Filio. 482. Propriè est Spiritus. 483. Quomodo mittatur à Patre & Filio? 484. Est Ventus. 486. Venit in Spiritu vehemente 493. In forma Columbæ. 484. In forma linguarum ignearum. 496. Ut Apostoli essent universales à Spiritu Sancto doceantur variis linguis loqui. 547. Est omnium viventium anima. 485. Est author libri Mariæ. 272. Sancti amoris verus Magister. 496. Et Spiritus charitatis. 490. Columba candida Castitatem amat. 488. Singularis Virginum Custos. 265. Et Sponsus illarum. 488. facit homines ex luto aureos. 487. Corda nostra præparat. 487. Christianus fidem negans perdit Spiritum Sanctum. 498.

SPONSI pro imperio olim pugnabant. 187.

B. STANISLAUM Angeli communicant. 159.

STATUÆ Romanorum se Christo captivato inclinant. 300.

STELLÆ & venti domos habere dicuntur. 720. In funere S. Ignatii visæ sunt. 346.

STULTUS credit Solem esse DEI oculum. 47.

SUBTILITAS qualitas corporis gloriosi. 715.

SUFFRAGIA pro animabus varia sunt. 620. Sunt naris in Turciam cum litro missa. 636. Sunt sæpius iteranda. 633. Nunquam sunt irrita. 634.

SUPERBIA angelos de cælo præcipitat. 153. Angeli hanc oderunt. 166.

SUSANNAM à lapsu servat DEI præsentia. 49.

SYMBOLUM Apostolorum est compendium fidei. 140.

D d d d d

TAR-

T.

TARTARIA per foeminam ad Christum convertitur. 191.

TAURIIS ad ficum arborem alligatus mansuevit. 236.

TENTATIONEM Jacobus Eremita igne extinguit. 654.

TERRÆ non aquis maledixit DEUS. 488.

THEODORUS Angelo juvante demonem Gigantem vincit. 162.

THEODORA admissio adulterio poenitet. 46.

THEODOSIO Angeli Victoriā spondent. 175.

THEOPHILA in lupanari per angelum tuta. 172.

THERAMENES in morte jocatur. 705.

S. THERESIA mori anhelat, ut JESUM sponsum suum videat. 340.

THESAURUM statua Calendis Maji per umbram factam ostendit. 332.

DE S. THOMA Christus est sollicitus. 405. Palpat Christi vulnera. 405. Discit in Christo duas esse naturas. 228. Ejus incredulitas plus nobis prodest, quam fides prompta Apostolorum. 406.

S. THOMAS Cantuariensis regi Angliæ obstitit. 505.

TRADITIONES aliæ sunt divini. 19. Aliæ Apostolicæ. 19. Aliæ Ecclesiasticæ. 20.

TRINUS & unus est DEUS. 97. Ecclesiæ semper cura maxima fuit circa hoc mysterium. 543. Judæis hoc mysterium fuit occultum. 90. In novo testamento aperte innotuit. 94. Revelatum, est amoris maximi signum. 89. Varia sunt in natura quæ nobis illud indicant. 90. Adumbratur nobis in iride. 495. In sole. 92. In Vite pinceræ Pharaonis. 93. In Virgis variegatis Jacob Patriarchæ. 94. In tribus guttis de celo lapsis & in unam coëuntibus. 93. Plato aliquid de hoc mysterio agnovit. 91. Aristoteles aliquid dixit. 91. S. Augustinus non capit. 91. Cor Augustini in præfatione illius subsultat. 95. Cum demone hic non disputandum. 11. Puer in terræ

motu ad trisagium cœlestis elevatur. 96. Illam nos Cruce signantes confitemur. 99. Juvenis hanc confessus à Crucifixo honoratur. 100. Etiam à Patre & Filio rejeçtus juvenis à Spiritu Sancto in gratiam recipitur. 98. Miles huic devotus in patibulo mori non potest. 99. Chofrois lepida & vesana Trinitas. 96. Arius Episcopus in hanc blasphemus, ter fulminatur. 96. Lutherus ipsum nomen odit. 7. Et illud ex Lytaniis expunxit. 97.

TUMBA blasphemii hominis à corvis disceperitur. 348. Alia per fenestram templi ejcitur. 355.

TURCAM Christus ex præsepio catechizat. 104. Dicunt Mariam esse immaculatam. 286. Cœlum facile intrant. 458.

V.

VALGIUS à Christo & angelis per mare vehitur. 178.

UDO Episcopus in Ecclesiā à Christo palam judicatur. 436.

VELO scisso via ad cœlum panditur. 342. Columba à templo avolat. 342.

VELLUS Gedeonis divini incarnationis mysterium. 206.

VENENUM sumptum in guttore se ostendit. 201.

VERITAS teste Sultano Martyres facit. 23.

VERMES qui sericum faciunt, tonante cœlo emoriuntur. 84.

VESPA docet Atheum quod detur DEUS. 3.

VESPILLONES cur in peste servantur. 349. Matronam jam sepultam à mortuis excitant. 357.

VESTALIBUS onera cedebant de viâ. 396.

VESTES albæ lætitiæ signum. 427.

VICTORES terreni purpura, cœlestes albis ornantur. 227.

S. VINCENTIUS demonis tentationes signo crucis vincit. 134.

VINDICTAM petit puella à Judæis occisa. 332.

VIR.

INDEX

VIRGILIUS verus pulcherrimus. 613.
 VIRGINITAS est similitudo DEI. 489.
 Sunt sponsæ Christi. 489. Christus has amat. 489. Earum Sponsus est Spiritus Sanctus. 488. Angelorum Sorores sunt. 260. Ipsiis astris sunt amabiles. 490. Eas Gentiles celo inscribunt. 259. Christus ipse est Virginitatis filius. 259. Margaritæ sunt. 90.

VIRTUTI veræ nihil obstat. 396. Pinguntur habitu scemineo, quia feminis congenitæ sunt. 193.

VISIONIS beatificæ privatio tormentum maximum. 362.

VITA hominis in corde residet. 50. Est scena. 441. Tandem morte terminatur. 440. Quam speramus, illa æterna est. 735.

VINITAS Ecclesiæ est signum verum. 518.

VOCATIO puellæ ex statu dispari parentum. 366.

VOLIPTATIBUS affectus DEO cælum cedit. 296.

URBS à columbis incinerata. 496. In his ante clausuram Campana pulsatur. 732.

USURARIO dignam sepulturam assignat Afrius. 347.

UTERI materni angustiae, quibus infans includitur. 244.

VULNERA quæ Christus in cruce accipit post resurrectionem suam retinet. 407. Sunt in cælo gloriosa. 407. Sunt pacis nostræ argumentum. 406. In Iudicio erunt terrori. 83. Hæc nobis pandit in sequelam. 423. Per hæc roganti Joannes Lusitanæ Rex nihil negat. 407.

VIXOR mala crux gravissima. 120. Grifeldis mira erga Virum subiectio. 188. Per vulnera Christi Regem rogans marito vitam obtinet. 408. Impatiens aurea quidem, sed inutilis. 726. Non molestat Virum ebrium. 193. Alterius mensibus cum Viro imperat. 187.

W.

WANDREGISILO luctulentum pallium Angelus purgat. 179.

S. WENCESLAUS nudis pedibus in frigore calet. 421.

WENCESLAUS V. Bohemæ Rex debitorum ad solvenda debita compellit. 645.

S. WILLERORDO haustum propinanti respondere nolens, integro anno sitit. 729.

WINDEKINDUS Saxoniz Dux in hostiâ parvâ tempore communionis paschalis vidit Christum. 207.

X.

S. XAVERIUS miraculis illustis. 565. Florimundi Remondi de illo gloriosum testimonium. 541. Plurima

dolia marinæ aquæ ad potum apta Signo Crucis fecit. 582. Comorinum abijt, ut militem revocet ad salutem. 590.

Z.

ZOROASTER miracula patrare volens à demone rapitur. 574.

Errata sic Corrige.

Pag. 13. rimmam lege rimam. Pag. 21. in terris lege integris. Pag. 35. coctus lege docetur. Pag. 39. providat lege providet. Pag. 41. gloriatur lege glorietur. Pag. 51. Thalesis lege Thaletis. Pag. 58. Popul Israel lege populi Israel. Pag. 64. dosuitque lege posuitque. Pag. 66. conversus bis posuit. Pag. 68. Zachæus lege Zachari. Pag. 74. gloriæ lege gloria. Pag. 78. Matthiam lege Matthias. Pag. 90. Clamamat lege clamabant. Pag. 92. sum lege cum. Pag. 135. Debelasse lege debellasse. Pag. 159. neglectum lege neglectam. Pag. 171. Nostram bis

bis ponitur. Pag. 178. Charitate lege claritate. Ibidem rectus lege felicitus. Pag. 184. Magor. lege Mogor. Pag. 195. Quod Deus dixisset lege quod cum Deus dixisset. Pag. 201. venerunt lege venenum. Pag. 216. Docere lege doceri. Ibidem reddat lege reddit. Pag. 229. spirabat lege spirabant. Pag. 232. parebatur lege parabatur. Pag. 233. insigne lege insignes. Pag. 242. lucent lege luunt. Pag. 249. ad naturam fuit electa. deleatur. Pag. 253. Salvatorum lege Salvatorem. Pag. 267. vellis lege vexillis. Pag. 270. Asylum lege asylum. Pag. 286. fuit lege facit. Pag. 300. blasphemium lege blasphemiam. Pag. 329. Unum lege unam. Pag. 334. Voluit lege voluit. Pag. 364. Uret lege Urit. Pag. 380. memoria lege memoria. Pag. 392. qua lege qui. Pag. 401. qua lege quia. Pag. 402. conciliis lege consiliis. Pag. 412. nam lege non. Pag. 427. vix lege nix. Pag. 432. quod lege quot. Pag. 443. pauculum lege paululum. Pag. 449. ille lege illa. Pag. 453. severitate lege securitate. Pag. 479. postolorum lege Apostolorum. Pag. 501. pluris lege pluribus. Pag. 535. lendet lege pendet. Ibidem est interiore lege in interiore. Pag. 552. Creatori lege Creatori. Pag. 560. Gregorii lege Georgii. Pag. 564. progressi lege progressi. Pag. 570. Vita lege vitam. Pag. 576. suis ac sanctis. lege suis piis ac sanctis. Pag. 580. iuria lege curia. Pag. 605. possuit lege possunt. Pag. 620. inquit bis ponitur. Pag. 625. Macchab. lege Machab. Pag. 624. collata lege collatam. Pag. 648. duces. lege duces. Ibidem induces lege indues. Pag. 674. suas lege scias. Pag. 681. & omittatur. Pag. 688. magnum lege magnam. Pag. 690. ad pœnitentia lege pœnitentiam. Pag. 707. veneratione lege venerationi. Pag. 708. Sponspondit lege sponndit. Pag. 709. & bis ponitur. Pag. 724. promissiones lege promissionis. Pag. 728. regum lege regnum. Pag. 731. Hac via lege hac via. Pag. 733. Publicus Minutius lege Publius. Pag. 736. desideratur substantivum fontem.

Sunt & alia multa, quæ amufis facile obrepunt, prudens autem ac bene-
volus Lector ipse facile corrigit. Qualia sunt immutatione litterarum, inter-
rogavit pro interrogavit. serpentem pro serpente. lucerat pro lacerat. tor-
nente pro torrente. attople pro attolle. Synagopa pro synagoga. Omissione
arguiis pro argutiis. myſteis pro myſteriis, frigidifſio pro frigidifſimo. paulibus
pro plaufibus &c. Inverſione. Genins pro Genius quam pro quam. corpus
pro corpus. perſoua pro perſona. Augmentatione Pertimeſceut pro pertimeſ-
cat. Denique repetitione quando idem Verbum bis
ponitur.











7-1-1

